

Strophomena marginata


Sandersonia B. papua

CIMELIA	
F	8529

Cim. 8529



CIMELIA 8529



PSALM 118

LOQVEBAR DE TESTIMO-
NIIS TVIS IN CONSPECTV
REGVM, ET NON CONFVN-
DEBAR.

STANISLAI
SOCOLOVII
CANONICI CRACOVIIEN:
APVD STEPHANVM PRIMVM,
REGEM POLONIAE,
concionatoris, operum
TOMVS SECVNDVS.



CRACOVIAE,
IN ARCHITPOGRAPHIA REGIA ET
Ecclesiastica Lazari, edita,
M. D. XCVIII.

Nicolaus Prebyski Legatus Cracoviensis Sacerdos Sacrorum Venerabilis Supplex.



OMNIA, IVDICIO, CENSURAE, ET, AVTHORITATI,
SANCTAE, ROMANAE, ET, CATHOLICAE, EC-
CLESIAE, ET SANCTISS: EIVS ANTISTITIS
CLEMENTIS VIII. QUI NVNC ILLI PIE ET
SANCTE PRAEEST, SVBIECTA SVNTO.



STANI-



STANISLAI SOCOLOVII,
Canonici Cracouiensis,
AD AMPLISSIMUM
CAPITVLVM CRACOVIE:
PRÆFATIO.

Postulatum est à nobis, idque sæpius, ut eas, siue ob-
seruationes, siue animaduersiones, siue notas, quas
per totum ferè sexennium apud Stephanum Re-
gem, tam contra hæreses, quàm contra vitia, & ma-
los mores ex tota Euangelij doctrina eliciebamus,
ad publicam vtilitatē literis mandaremus: ne qua-
lescunque labores nostri hac in parte in posterum
perirent. Iusta videbatur & non inutilis fortasse postulatio, subdiffi-
cilior tamen. Collegimus nihilominus nos post multos annos, atque ob-
sequendum studiis recta ut puto monentium putauimus: addidimus eò
amplius, ut non ea sola, quæ tum dicebantur proponeremus, sed multa
etiam alia, quæ aliundè audiueramus, vel legeramus, quandoque vel ipsi
in communi vita & moribus experti sumus: addidimus & seriem, ac cō-
tinuationem totius D. Matthei & Marci Euangelij, quæ instar commen-
tarij fieri solet: adiecimus & expositionem multorum locorum obscu-
riorum: notauimus item præcipuè, errores, blasphemias, maledicta in-
signiora Caluini, quem nunc plerique nescio quo iure etiam ex nostris
nimis mirantur, quæ in sua dissona & stridenti harmonia Euangelio
verboq; Dei superseminare ac subiicere voluit; ut ex his paucis, quis &
qualis ille vir fuerit, quàm verè & syncerè agat, quàm rectus Euangelij
interpres sit, quàmque probè Christi doctrinam interpretatur, facile su-
spicari possimus. Ad quā rem perficiendā illud nobis maius calcar & sti-
mulum addebat, quòd ante triennium similiter ferè, peste vigente, Parti-
tiones quasdam Ecclesiasticas conscripseramus, in quibus nescio quid
de modo & ratione concionandi meditati sumus, in quo libro deside-
rium discutiendæ eius materiæ in lectorum animis defigere nos voluis-
se plerique arbitrabantur, potius quàm rem totam explicasse. Illud
igitur

PRÆFATIO.

igitur à nobis desiderabāt omnes, vt qui quaecunq; iudicium nostrum, de forma & ratione concionandi feceramus: iidem rem & materiam eidem concionatori suppeditaremus, quod hoc loco facere voluimus, si modò consequi potuimus. Neque ignoramus, multa in hoc genere, & à veteribus patribus, & à nostræ ætatis hominibus doctè, & disertè, & acutè perscripta esse: quorum nos vestigia, vt Statii verbis vtamur, longè adorare solemus: tamen quemadmodum morbi alij alia ætate suboriuntur, sed & aliis in locis, & prouinciis alij; ita etiam remedia medicos sui seculi, & suarum prouinciarum morbis accommodare solere. Refutârunt patres veteres suorum temporum atque prouinciarum hæreses & vitia: contendimus & nos in hoc genere aliquid, sub illis tamen ducibus, & magistris. Vobis autem imprimis amplissimis Patribus, dominis & collegis meis, hunc laborem meum dedicandum putavi: partim, quia ad vos præcipuè pertinet in lege domini meditari die ac nocte: & quia labia vestra custodiunt scientiam, & lex requiritur de ore vestro; vt qui angelorum domini exercituū partes & personas geritis: partim, vt vobis rationem reddam otij huius mei, domesticarumque, in quibus me, non tam mea voluntas, sed neque vitæ meæ rationes, quàm tristissimus hic morbus meus per tot annos detinet, latebrarum: partim quòd me ametis, ac sine ministerio ecclesiastico ministrum ecclesiæ, pane alitis, & sustentatis. Hoc igitur quaecunque pensum nostrum, grato animo accipite, iudicioque vestro amplissimo comprobate, hancque nostram labore ac morbis magis, quàm ætate accersitam senectutem enutrite, ac valete. Dat: Crac: 20. Martij, Anno 1593.

ERV DITI

ERVDITI COMMENTARII
in Euangelium Matth: incerto authore,
PROLOGVS.



Sicut referunt, Matthæum, conscribere Euangelium, causa compulit talis: Cum facta fuisset in Palæstina persecutio grauis, ut periclitarentur dispergi omnes, ut carentes forte doctoribus fidei, non carerent doctrina, petierunt Matthæum, ut omnium verborum & operum Christi conscriberet eis historiam, ut ubicunque essent futuri, totius secum haberent fidei statum. Quod autem ab humana eius cœpit natiuitate, & humanam eius generationem, exposuit, compulit impia impudentia Iudæorum, denegantium Iesum Christum de David semine ducere genus. Corpus autem narrationis suæ ordinauit hoc modo: Primum natiuitatem, deinde baptismum, tertio tentationem, in quarto doctrinam, in quinto miracula, in sexto passionem, in septimo resurrectionem & ascensionem eius: Non solum historiam de Christo exponere volens per hæc, verum etiam euangelicæ vitæ statum docere: quoniam nihil est, quod ex parentibus nascimur, nisi iterum per aquam & spiritum sanctum renati fuerimus ex Deo: quoniam quod ex carne nascitur, caro est: quod autem de spiritu, spiritus est. Post baptismum autem necesse est contra diabolum stare, quoniam ad hoc quisque ungitur, et reædificatur in baptismo, ut contra tyrannum suscipiat bellum. Post hæc quasi omni superata tentatione factus idoneus ad docendum, siquidem sacerdos est, doceat: & quia miraculorum faciendorum non est semper necessitas, doctrinam suam bonæ vitæ quasi miraculis, factis commendet: si autem laicus est, operibus doceat fidem, operibus se & hominibus commendet, & Deo. Deinde quia non possumus aliter exire de mundo, nisi solutum fuerit corpus, per quod ingressi sumus in mundum, necesse est exire nos de hoc stadio mundi. Et quoniam omnis vita nostra tentatio fuit, restat ut tentationis victoriam resurrectionis merces sequatur, & gloria. Matthæus sanctorum quidem, præcipue tamen peccatorum euangelista, qui non solum sermone, sed etiam ipsa vitæ suæ correctione peccatoribus euangelium prædicauit. Nunquam enim telonearius constitutus, qui consueuerat pecunias colligere perituras, factus fuisset euangelista, ut sermones conscriberet in æternum mansuros; nisi ut suo exemplo peccatores ad misericordiam pœnitentiæ inuicaret: qui aliquando fuit cautus logotheta rationum terrenarum, nunc autem diligentissimus est dispensator spiritualium præceptorum. Tunc multos pauperes fecit fraudando pecuniam, nunc autem innumerabiles diuites facit prædicando iustitiam, ut magnificemus dominum propter eum voce prophetica, dicentes: Hæc commutatio dexteræ excelsi.

D. CHRYSOSTOMVS


Hom. 48. in Matthæum.

Vis, inquit, re ipsa tibi virtutis imaginem ostendamus? Hunc ipsum Euangelistam considera: cuius etsi conscriptam vniuersam non habeamus vitam, possumus etiam ex paucis coruscantem eius effigiem videre. Quanta enim humilitate, quantâque contritione rutilâret, inde cognosces, quia vel posteaquàm præest Euangelio, publicanum seipsum nominat. Misericordiam verò eius inde percipies, quia cunctis exutus, Iesum sequebatur. Synceram fidem de dogmatibus percipies, prudentiam & charitatem ab euangelij cōpositione facile intelliges. Vniuersi enim orbis curam gerebat. Fortitudinem eius cognoscimus, quia cum gaudio à conspectu concilij reuertebatur: bonorum autem operum ostentationem, quia in sublimi sede omnino sessurus est. Imitemur ergo omnes eius virtutes, ac maximè omnium humilitatem & misericordiam, sine quibus salutem consequi non possumus.

STANISLAI SOCOLOVII,
NOTARVM
EVANGELICARVM
IN MATTHÆVM,
LIBER PRIMVS,



Caput primum.



ARBORIS VITÆ, ARBORIS VETVSTATIS nobilissimæ, rami & propagines panduntur nobiles, ex Patriarchis, Regibus, Iudicibus, & Sacerdotibus contextæ. Vnde vel in ipso limine cognoscas, quæ & qualis hæc ipsa Iessæa virga futura erat, ex qua hic talis flos secundum carnem, vt Paulus, humanam formam, vt Irenæus, carnalemq; ortum, vt Hilarius, loqui solent, ascensus erat. Magnus attentionis locus.

QVemadmodum Moyſes librum cæli appellavit ac terræ, cum certè non de cælo solùm terraq; loqueretur, sed de cunctis quæ inter ipsa subsistunt: ita etiam Euangelista ab ipso omnium bonorum fonte & capite librū vocavit: Liber, inquit, generationis IESV CHRISTI filij David.

QVò perfectior partus est, eò diutiùs in vtero portatur. Hic ipse partus de quo agimus, circiter quatuor millia annorum in lumbis Patriarcharum, Sacerdotum & Regum, Ducum atque Iudicum portatur.

INcautè & malignè hîc, in ipsius Euangelicæ veritatis præiudiciū, Calvinius docet, ex genealogia, quæ à Matthæo & Luca describitur, non colligi, Beatam virginem ex Davidico genere ortam esse; sufficereq; vt ex tribu Iuda ortam esse colligatur. Quod manifestissimè falsum est, ac temerè dictum, Iudæisq; ac cæteris hæresibus locum dat scandali. Nam si Christus Dominus est filius David, vt & hic locus testatur, ac cæteri Euangelistæ, omnis denique scriptura: Christus autem Dominus ex puris sanguinibus Beatæ Mariæ conceptus est, sine omni Iosephi cõiunctione, vt ipse testatur; profectò fuisse virginem Mariam ex semine David, planè necessariò conuincitur. Sed homo vanus temerè nouitates colligit, quibus se apud suos iactet. Atqui veteres aliud docent, quorum vox illa est apud Chrysostomum: Vt ergò, inquit, & nos discerneremus, quæ esset Maria, vel vnde, & consuetudo legis permaneret immobilis, generationis catalogum vsque ad sponsum eius perduxit, ac de domo illum

A

David

Dauid esse monstrauit. Hoc etenim declarato, illud quoque pariter ostendit, quod scilicet inde esset & virgo: quia utique nequaquam iustus iste pateretur uxorem sibi aliundè, quàm vnde lex præcipiebat, eligere.

Isaie 59. **Q**uemadmodum caput ipsum ecclesiæ Christus Dominus non simul se totum prodidit, sed per multam successionem patrum sensim mundo innotuit: ita & ecclesia corpus eius per multam successionem patrum generari prius, crescere & adolefcere deinde, ac vltimò perfici debuit. Hoc foedus meum, inquit Isaïas, cum eis: Spiritus meus qui in te est, & verba mea, quæ posui in ore tuo, non recedent de ore tuo, & de ore seminis tui, & de ore seminis seminis tui dicit Dominus, à modò & vsque in æternum. Dauid similiter: Pro patribus tuis nati sunt tibi filij: constitues eos principes super omnem terram. Quam eandem successionem explicat Paulus. Christus, inquit, ascendens in altum, quosdam quidem dedit Apostolus, quosdam autem prophetas, alios verò Euangelistas, alios autem pastores & doctores, ad consumptionem sanctorum, in opus ministerij, in ædificationem corporis Christi.

2. Timo. 1. **S**uccessio generationis ecclesiasticæ, neque est planè spiritualis, neq; carnalis; sed media quædam sacri ordinis per manuum impositionem. De qua *Tit. 1.* Paulus Timotheo: Admoneo te, vt excites gratiam Dei, quæ est in te, per impositionem manuum mearum. Eodem modo monet Titum, vt presbyteros per ciuitates ordinet & constituat. Illa igitur successio, in qua nobilitatis & generis habetur ratio, quam in distribuendis ecclesiasticis beneficiis noster Septentrio sequitur, successio carnis est, successio Iudaica est, & quam ipse Dominus plurimùm à se abesse vult. Sic enim ad Eli loquitur: Loquens locutus sum, vt domus tua & domus patris tui ministraret mihi in conspectu meo, vsq; in sempiternum: Nunc autem dicit Dominus: Absit hoc à me: sed quicumque honorificauerit me, glorificabo eum: qui autem contemnunt me, erunt ignobiles. *Ioan. 20.* Successio autem hæretica nulla est: Non enim audit verbum illud: Sicut misit me pater, & ego mitto vos.

Luc. 1. *Gal. 3.* **I**n omni successione ordinaria, non est necesse ad omnes Deum ipsum locutum esse, signa quæ & miracula per eos operatum fuisse; sed per duces & principes tantùm eius successionis. Nam in hac Christi successione, non ad omnes Deus locutus est: neque omnibus factæ sunt promissiones, sed ad paucos tantùm; vtpotè Abrahamum, Isaacum & Iacobum, Dauidem item, Salomonè, & alios paucos. Sicut, inquit, locutus est ad patres nostros, Abraham & semini eius in secula. Quod idem Paulus testatur: Abrahæ dictæ sunt promissiones & semini eius. Et in Aaronica successione, non omnes miracula ediderunt, neque ad omnes Deus locutus est; sed ad ipsum Aaron tantùm atque filios eius, id quæ secessione & schismate à legitimo sacerdotio facto. In Aaronis namque manu virga re floruit, quæ eadem in virtute totius posteritatis viruit. Nec enim Deus miracula sine causa multiplicare solet. Quod idem in ecclesiastica successione fieri videmus. Locutus est filius Dei ad Petrum, Paulum, Andream, & reliquos Apostolos, signa & prodigia eos sequebantur. Propter quam subscriptionem & sigillum veritatis, reliquis creditum est semper, & nos credamus necesse est. In principibus tamen & ducibus miracula requiruntur; vt in Dei virtutem, non in humanam industriam fides credentium resoluatur. Quibus omnibus

omnibus, cum nostri Euangelici careant (nam neque ipsi signa & miracula edunt, neque eorum principes ediderunt,) ideo fides Catholica ad eorum successionem referri non potest. Nam & in politia civili, priuilegia principibus tantum familiarum dantur, & in his vniuersæ posteritati, quibus se illa tueri solet.

8. **I**N omni successione, non tantum bonis, sed & malis locus relictus est: quæ ut sanctitate & integritate vitæ mirè commendatur: ita nulla malicia cuiusquæ ac fordibus perturbari potest. Patet hoc in Aaronica successione; in qua etsi multi boni extiterunt, longè tamen plures improbi. Quod si aliqua successio talis esse debuit, quæ ex sanctis tantum constaret; tum maximè hæc, ex qua ipse sanctus sanctorum prodiit. Sed etiam in hac multos peccatores inuenimus, imò plures quàm sanctos. Adest Thamar meretrix, Betſabea adultera, Salomō, & alii reges idololatræ. Quod idem, si quando in ecclesiastica successione euenit; mirandum non est, sed potius dolendum: quæ tamen diuinitus hoc habet priuilegium, quod plures habeat bonos quàm malos. A primo vsque ad centesimum Pontificem, martyres omnes fuerunt, & eorum, qui nostra ætate vixerunt, aliquot summorum Pontificum vitam, quis non miretur?

9. **E**T si in omni successione plures plerunque improbi quàm sancti reperiantur: semper tamen omnis ætas aliquos sanctos & perfectos viros profert, qui cæteros tanquam stellæ & gemmæ commendant & exornant, ac reliquorum defectum sua virtute complent: quod vel in hac successione generationis Christi videre est. Tres eius sunt classēs; singulæ quaterdenis viris constant: in quibus etsi varii sunt homines, in singulis tamen tres insignes, qui cæteros illustrant & commendant, inueniuntur. In prima patriarcharum, Abraham, Isaac, & Iacob, ad quos Deus ipse locutus est, & quorum Deus potius dici vult, quàm Cherubim & Seraphim. In secunda item classe, Regū inquam, tres sunt, Dauid, Ezechias, & Iosias, quos omnis scriptura commendat. Eodem modo in Iudicum atque Prophetarum tres itidem sancti reperiantur, Zorobabel, Ioseph sponsus Mariæ, & ipsa virgo. Quod idem in ecclesiastica successione videre licet. Quamvis enim multi improbi inueniantur; singulæ tamen ætates aliquos homines proferre solent, qui cæteris prælucent, illisque ornamento sunt.

Eccle. 49.

10. **D**Ecreta & ordinationes diuinæ, ut nulla vi aut astutia humana, ita itidem nulla malicia euerti ac perturbari possunt. Quod in hac Christi successione videmus, quam non tot bella, nō captiuitas Babylonica, non Dauidis adulterium, homicidiumq; ipsum, non aliorum idololatria, non Pharisaicū ^{ῥυψὲς}, aut perturbare, aut tanquam densissimum cuneum perrumpere potuit. Quod idem in ecclesiastica successione videre est. Quæ causa? ut consilium Domini stet, & omnis voluntas eius fiat, quod non videt hæresis.

11. **Q**uamvis hominum malicia non perturbet consilia Dei, nec statuta eius inuertat, ad salutem tamen illorum hominum, qui ea decreta & promissiones continuant, improbi autem sunt, nihil hoc confert; imò magis damnationis perpetuæ causa existit, si indignè illa gratia se gesserint (sunt enim ex donis gratis datis) etiamsi de cognatione & affinitate ipsius Christi sit aliquis. Nam & in hac Christi successione fuisse, nihil profuit Ieroboam, nihil Achabo, nihil aliis

multis. Nouit quidem Dominus ordinationem suam conseruare: sed nouit etiam sceleratos punire. Sic & ordinem sacerdotum nouit Deus tueri: sed & improbos æternis afficere pœnis. Vnde illa vana spes Lutheranorum, Neminem damnari posse, nisi qui nolit credere. Atqui nos demonstrauius, etiamsi de cognatione Christi sit, nihil illi profuturum, si vocationem suam bonis operibus certâ non faciat. Lex quidem est sancta; sed si legem seruemus: promissiones sanctæ; sed si pactis & promissis stemus. Quæ est mater mea, inquit Dominus, & qui sunt fratres mei: Quicumque fecerit voluntatem patris mei, qui in cælis est, ipse meus frater, & soror, & mater est.

MAlis quidem prodest aliquando iustitia proborum: quomodo decem iustorum causa Deus promittit se Sodomam non perditurum: At improbitas peccatorum nihil obest bonis, immò magis virtutem illorum illustrat, quod in serie generationis Christi videre licet, vbi turpitudine Ruth, Thamar, Betſabeg, nihil pudori & sanctitati matris Dei obfuit. Sicut lilium inter spinas, sic amica mea inter filias.

Quemadmodum veri Mesiæ signum fuit, series generationis eius; ita ut qui indè ortus non fuisset, verus Messias non esset, quod ipsi Iudæi fatentur. Nunquid à Galilæa venit Christus? Nōne scriptura dicit, quia ex semine Dauid, & de Bethlehem castello, vbi erat Dauid, venit Christus? Scrutare & vide, quia à Galilæa propheta non surgit. quam eandem quasi primam ac summam ponit Euangelista Mesiæ notam: indèque hoc fundamentum & basim vniuersæ vitæ Christi iacit, contràquam iudicant isti, Calvinus, & alii ut diximus. Quemadmodū, inquam, veri Mesiæ est, & fuit nota ista; ita veræ ecclesiæ, hæc eadem nota est, qua omnium seculorum patres vsi sunt, sui que seculi hæreses refutarunt, Irenæus, Tertullianus, Origenes, Augustinus. Sed de successionem hætenus.

Omne ab Abraham vsq; ad Christum generationum seriem, tres in partes Euangelistam diuississe docet S. Chrysostomus, ostendens, nec commutatis quidem disciplinæ modis, illum vnquam populū sic meliorem effectū: sed siue Aristocratia, siue Regno, siue Oligarchia paruerat; in eadem tamen morū prauitate permansisse: & neque cū ducum, neque cū regum, neque cū sacerdotum potestate regeretur, ad studium virtutis accessisse.

Notandum & illud. Quia cū germanus & verus filius sempiterni esset Dei, etiam filius Dauid esse dignatus est, ut hominem faceret filium Dei: seruū patrem habere dignatus est; ut homini seruo patrem faceret dominum. Ac proinde, ut si quispiam in arena consistens, duos aliquos inuicem dissidentes, extenta manu vtraque vtrinque prendens coniungat: ita fecit & Christus, veteri nouum, diuinam naturam humanæ, suis nostra iungendo. Neq; enim in bello semper propriam habere rex cernitur dignitatem; sed purpura & diademate relictis, militis habitum frequenter induitur. Sed illic, ne cognitus hostes in se conuertat: hic contra, ut ne agnitus ante congressum in fugam vertat hostem, suosque maiestatis fulgore conturbet: saluare enim non terrere studuit.

D. Iustini

16 **D.** Iustini quæstio est 78. Si Dauidem secundum cor suum esse pronunciauit Deus; quid factum est, ut postea adulterium eademque patrauerit idem propheta? Et si hæc Deo, ut mala, inuisa sunt; cur Deus prophetae genus ex adulterio constituit, effecitque; ut Domini Christi genus ad eum referatur? Hoc cum sic habeat, quomodo vera est scriptura, quæ dicit, adulterorum natos esse imperfectos? Responsio. Ergo Dauid, qui poenitentia delicta sua correxit, propterea inuentus est ex animi Dei sententia, qui non vult mortem peccatoris, sed magis ut conuertatur & viuat. Ac quem adulterio procreauit ex vxore Vriæ, eum necauit Deus: quoniam adulterorum nati sunt imperfecti. Qui verò post eum nati sunt, non necauit, quoniam Dauid illam post interfectum Vriam duxit vxorem. Ac benignè poenitentiam honorans Deus, in vxoris Vriæ progenie collocauit genus Dauidis, eademque de causa fecit, ut ex ea Christus genus duceret.

17 **C**irca librum generationis IESU CHRISTI, notari possunt multa alia. Primò, cuius rei gratia per Ioseph generationum ordo decurrat, de quo non nascitur Christus. Secundò, vnde manifestum sit, quod à Dauid originem ducat: cum parentes Mariæ, ex qua certè natus est, habeantur incogniti: neque enim generationes ex virginis parte numerantur. Tertiò, quam ob causam Ioseph quidem generatio, qui certè nihil ad generationem Christi contulit, tam diligenter asseritur: virgo autem, quæ etiam mater eius effecta est, non ostenditur ex quibus parentibus, auis, proauisq; nascatur. Posthæc etiam illud inquirendum esse videtur, qua de causa generationes per viros nominās, meminerit etiam foeminarum. Et quia semel id fieri placuit, cur non omnes foeminas nominaret. Supra hæc etiam, illud inquisitione dignum est, quæ causa compulerit, ut tres reges in enumerandis generationibus præteriret. Si enim quasi nimis impiorum nomina reticere maluit; nec aliorum quidem similium meminisse debuerat. His additur etiam illa quæstio, quod generationes quatuordecim quum dixisset, in tertia parte numerum non seruauit. Deinde, quænam illa ratio persuaserit, ut Lucas quidem aliorum faceret nominum mentionem, & nõ modò non eorundem omnium, sed multò etiam plurium; Matthæus verò non paucorum modò, verum etiam diuersorum, cum utique ad vsque generationem Ioseph numerum etiam ipse perducatur, in quo finem fecit & Lucas. Quæ omnia cum D. Chrysostomus diuinitus & proposuerit & explicauerit; lectorem eò remittimus, ut ex fonte hauriat, suisque auditoribus proponat.

18 **V**itatam fuisse apud Hebræos inter coniuges ex consensu castimoniam, docet exemplum matris Dei & Iosephi, quod monstri loco habet hæresis: multa item in Hebræo populo fuisse virtutis exercitia, ac planè Christiana opera, quæ in lege neque iuebantur, neque exprimebantur, ut votum castitatis.

19. **N**otat hoc loco D. Chrysostomus contra Caluinum, matrem Dei non tantum desponsatam fuisse viro, sed etiam domum eius deductam: quod Caluinus impudenter, dum casta ex mutuo consensu matrimonia euertere vult, negat. Verba sunt D. Chrysostomi. Non dixit, inquit Euangelista, Priusquam in sponsi adduceretur domum: intus enim iam erat. Hunc quippe morem plerumque tenebat antiquitas, ut sponsæ in sponsum domibus haberentur: quod nunc quoque

quoque fieri interdum videmus. Sed & generi Lot apud socerum leguntur habitasse cum sponſis nondum ſibi copulatis lege coniugii. Sic habitabat etiam Maria cum ſponſo.

Vir iuſtus, ſi ceciderit, non collidetur: quia Dominus ſupponit manum ſuam, idque tempeſtiue, & in ipſo neceſſitatis articulo. Et quamvis ad tempus diſſimulet; tamen ab illo nos reſpici putemus, donec habito patientiæ noſtræ examine, tempore opportuno nos iuuet. Quod nunc Iosepho accidere videmus, qui dubitat, tergiuerſatur, virginem deferere vult: Ecce angelus: Non magis autem virginis cauſa, quam noſtræ fidei inſtruendę gratia, hæc angeli reuelatio facta eſt. Nunquam enim tam recte de virginitate matris Dei informati fuiſſemus, niſi hæc tentatio animum Iosephi ſubiſſet: & niſi ipſe angelus, quod omnibus præter Deum occultum fuit, ipſe rem totam explicaret, quæ nulla alia ratione recte cognosci potuiſſet. Non enim magis Dei, quam virginis interpres angelus iſte fuit; quam interpretem & enarratricem eſſe tanti nuncii, pudor ipſius non patiebatur. Erat autem Ioseph homo iuſtus. Iuſtus, inquit Origenes, in verbo, iuſtus in facto, iuſtus in lege, iuſtus in conſumatione, iuſtus in iudicio gratiæ.

Multa per viſionem & ſomnia electis ſuis Deum reuelare: hicq; vnus modus eſt ex illis, quos ſcriptura explicat, quibus Deus myſteria ſua reuelare ſolet. Verba ſcripturæ hæc ſunt: Si quis fuerit inter vos propheta Domini, in viſione apparebo ei, vel per ſomnium loquar ad illum. At non talis ſeruus meus Moſes, qui in omni domo mea fideliffimus eſt: ore enim ad os loquor ei, & palam, & non per ænigmata & figuras Dominum videt. Et apud Iobum: Per ſomnium in viſione nocturna, quando irruit ſopor ſuper homines, & dormiunt in lectulo. Tunc aperit aures virorum, & erudiens eos, inſtruit diſciplina; vt auertat hominem ab his quæ fecit, & liberet eum de ſuperbia, eripiens animam eius à corruptione.

Notandum eſt, D. Chryſoſtomum verba hæc Euangelij, Ioseph fili Dauid, noli timere accipere Mariam coniugem tuam, hoc modo interpretari. Nec verò nomen virginis memoraffe contentus, addidit coniugem, haud ita vocaturus, ſi corrupta fuiſſet. Coniugis autem nomine ſponſam intellexit: ſicut eos quoque, qui adhuc ſponſi ſunt, generos appellare ſcriptura conſuevit. Quid autem eſt accipere? Domi proſectò retinere. Iam enim illam mente dimiſerat. Sed dimiſſam, inquit, retineas, quam Deus tibi copulat, non parentes: copulat verò non in foedus ſolenne coniugii, ſed in conſortium communis habitaculi: & copulat per meę vocis officium. Sicut enim illam poſtea commendat Chriſtus ipſe diſcipulo; ita etiam nunc angelus ſponſo, ſolatum tantummodo eius habituram abſq; foedere nuptiarum. Non aliter autem Ioseph Mariæ exiſtimari debet maritus, quam quomodo fratres Domini dicuntur Ioannes & Iacobus, Ioseph, Iudas, & Simon.

Exodi 3.

Notandum. Neminem vnquam audiuiſſe, viduiſſe, cogitaſſe talia, vt mater virgo eſſet, & intacta generaret, quæ & virgo genuit, & permanſit. Sicut enim quondam rubus comburi videbatur, & ignis eum non tangebat: & ſicut tres pueri

pueri in camino ignis inclusi habebantur, & tamen eos non lædebat incendium, nec odor fumi erat in eis: & quemadmodum Danieli intra lacum leonum *Daniel. 14.* incluso, claustris non apertis, allatum est prandium ab Abacuc: ita & hæc virgo sancta genuit Deum, mater effecta est digna digni, immaculata sancti immaculati, vna vnus, vnica vnici, sed virginitatem non amisit: genuit infantem, sed ut dictum est, virgo permansit. Erubescant hoc loco, inquit Chrysostomus, & confundantur omnes, qui superiorem illam generationem temeraria curiositate rimantur. Si enim istam, quæ mille celebrata testibus, & ex multis est prædicata temporibus, quæ oculis inspecta manibusque contrectata est, interpretari tamen nullus potest; quem cumulum non excedunt furoris, qui ineffabile illam generationem Dei humanis vel cogitationibus inuestigari putant, vel vocibus indicari? Non enim Gabriel Archangelus, non Euangelista Matthæus amplius quippiam significare potuerunt, nisi tantummodo, quod esset ex spiritu. Non igitur quidquam ulterius inquirendum, sed suscipiendum, quod reuelatum est: neque curiosè indagandum, quod tacitum est.

²⁴ **C**HRIſTUM Dominum, non solum doctorem aut legislatorem esse, ut putant Ebionitæ, Samosateni, & nostri noui Iudaizantes, sed etiam saluatorem, redemptorem, ac mediatorem: idque à peccatis. hoc autem nihil aliud esse, quam verum Deum & hominem, docet Angelus, Vocabis, inquit, nomen eius **I E S U M**: ipse enim saluum faciet populum suum à peccatis eorum.

²⁵ **M**ulta sunt in scriptura, quæ videntur prima fronte inter se pugnare: quæ si diligentius inspicias, optimè conueniunt. Quomodo nunc Iosepho dicitur: Et vocabis nomen eius Iesum. quod apud Lucam virgini soli ab Angelo est delatum: Vocabis, inquit, nomen eius Iesum. Quæ optimè conueniunt, si ducem & interpretem Ecclesiam sequaris: primum enim à virgine, deinde à Iosepho hoc nomen impositum, interpretantur patres.

²⁶ **C**ustodit Dominus veritatem prophetarum suorum. Vnde ille modus scripturæ: Hoc autem totum factum est, ut impleretur, quod dictum est. Quod idem hoc loco fieri videmus.

²⁷ **E**uangelistæ, in referendis Prophetiis, non tam ad verba, quam ad sensus verborum respiciunt: quod hoc loco in Isaïæ testimonio facit Matthæus. Vocabunt, inquit, nomen eius Emmanuel, quod est interpretatum, Nobiscum Deus. In qua Prophetiæ expositione Origenes: Qui vocabunt, inquit, nisi iusti? quorum vocabitur interea nomen nouum, non sicut prius in figuris, & in imaginibus, sed facie ad faciem apparentem Nobiscum Deum. Abraham, patri credentium, tribus horis, licet non per ipsam ineffabilem deitatis substantiam, sed potius per angelicam speciem à meridie visus est: nobis autem triginta tribus annis in terra apparuit, & cum hominibus conuersari dignatus est. Iacob etiam breui tempore, per angelum apparuit colluctans cum eo: quique se ab eo superari permisit; ut hunc mundicordem meritò benediceret, atque Israël nominaret, Nobiscum Deus: amplius magis pro nobis magnificum certamen adimplens, usque ad mortem accedens; ut morte sua mortem occideret, & benedictionem atque immortalitatem mundo corde populo condona-

ret, qui fiducialiter dicit, Nobiscum Deus : per Euangelistarum & Apostolorum prædicationem, per sui sancti corporis & sanguinis Sacramentum, per glorio-
Matth. 28. sæ crucis signaculum. Per ista ergo omnia nobiscum Deus, & ad nos, & in nobis, sicut ipse ait : Ecce ego vobiscum sum omnibus diebus, usque ad confirmationem sæculi.

NOtandum cum Chrysostomo, Dei populum non à bello visibili, neque à gladio barbarorum ; sed, quod his longè maius est, à peccatis suis liberandum, Angelum nunciare : quod præstare nulli fuit hominum aliquando possibile. Et cuius, inquires, rei gratia, quasi signatè populum suum dixit, & non etiam omnes gentes pariter nominavit ? Ne scilicet de inusitato nuncio scrupulum pateretur auditor : quanquam rectè hæc percepturo etiam gentes designantur. Populus enim Christi non tantum natio Iudæorum est, sed omnes quoque, qui ad eum veniunt, eiusque donantur agnitione.

NOtat hoc loco D. Chrysostomus causam, cur non est hoc nomine, id est Emmanuel, sed IESVS CHRISTVS vocatus. Quia scilicet non dixit Vocabis : sed Vocabunt, populi sine dubio, & ipse exitus rerum. Hic enim ab effectu nomen imponitur. Est enim mos scripturæ, euentus rerum ponere nominum loco. Quid est aliud, Vocabunt nomen eius Emmanuel : nisi, videbunt oculi mortalium Deum inter homines versantem : qui etsi ante cum hominibus fuit, non tamen tam apertè tamque manifestè.

DIVINIS monitis statim sine mora omni parendum esse, docet Iosephi 30 exemplum.

CAutè sacram scripturam legendam esse, idque duce & interprete Ecclesia : quia multa in ea sunt, quæ incautis occasionem erroris dare possunt : quomodo ex hoc loco, Nec cognovit eam, donec peperit vnigenitum, colligit Helvidius, post partum virginem à Iosepho cognitam fuisse. Cui quidem Helvidij interpretationi vix non patrocinator in sua Harmonia Calvinus, contra totius Ecclesiæ consensum.

Caput I I.



DEbuisset aliam gentem præter Hebræam, hoc est reliquias quasi naturæ legis, ad fidem veram & cultum Dei vocari ; quæ non occidentem literam, sed viuificantem spiritum sequeretur, aduentus Magorum docet : quibus nulla lex hanc talis præscripsit cultus rationem, quam nunc exhibent. Ridebit hæc credo, ut solet in rebus seriis, hæresis, ipsa ridenda.

Iustis & piis hominibus astra & sidera seruiunt, & subiiciuntur : non pii & iusti sideribus aut astris. Fecit, inquit, Deus solem & lunam, ut essent in signa & tempora & dies & annos : hoc est, ut hominibus inseruiant, ac tempora distinguant ; contra quàm sentiunt Priscillianistæ.

Nullam

3 **N**ullam esse posse scientiam certam astrorum, aut ex his prædictiones, inde euidenter patet, quod ut numerus illarum, nomina item soli Deo patent, in manuq; eius posita sunt; ita quoq; vis & natura, qui pro tēpore potest & nouas creare, ut hoc loco, & veteres extinguere, & cursus earum immutare, quod tempore Ezechiae factum est. Vnde ipse Dominus: Ego irrita faciens signa diuinorum, & ariolos in furorem vertens. *Isaie 44.*

4 **S**i stellæ cæli, pueri istius sunt, ut quidem magi interpretantur: Vidimus, inquiunt, stellam eius in oriente: puer iste Deus est: iuxta illud: Cælum cæli Domino: terram autem dedit filiis hominum. Neque in scriptura stellam cuius fuisse legimus, præter Deum ipsum: quanquam ut eleuet Christi potentiam Caluinus, cometā potius in aëre, quā stellam in cælo hanc fuisse dicit.

5 **N**otandum cum D. Chrysostomo, stellam de pluribus non fuisse; sed quandam inuisibilem virtutem in specie sideris figuratam. Neque proprium quempiam illa tunc stella cursum tenebat; sed cum reges oporteret pergere, etiam ipsa pergebat: cum verò standum esset, stabat opportunè, ac decenter cuncta dispensans: sicut etiā illa quondam in eremo nubis columna, pro opportunitate rerum, nūc stabat, locum, ubi castra figenda erant, declarans; nunc progrediens mouebat exercitum.

6 **S**criptura, ut pro Christo uti, ita contra Christum abuti, mala ingenia possunt: quod nunc Herodes, Phariseique faciunt, ex Michæa sumpto loco: hæretici item principem suum Diabolum secuti. Nam, ut ille operibus Dei Deum expugnare nititur, hoc est mundo, carne, & scriptura; ita & isti verbo eius verbum ipsius expugnare & extinguere volunt.

7 **N**otat D. Chrysostomus, & Iudæos à Magis audiuisse, quod stella eum in regione Persidis prædicārit: & Magos à Iudæis didicisse, quod ipsum Iesum quem stella monstauerat, etiam Prophetæ antè prædixerant. Quæ certè occasio interrogationis, sit diligentioris & manifestioris demonstratio doctrinæ. Ipsi quidem veritatis inimici pro veritate coguntur legere literas, & prophetiam de Christo nescientibus interpretari: licet non eam omninò totam voluerint publicare. Cum enim dixerint, quod ex Bethlehem processurus esset, qui regeret Israël: nequaquam tamen id quod sequitur addiderunt, in adulationem profectò regis; ut ad humanæ gratiæ lucrum veritatis damna proficerent. Quid verò istud erat? Et egressus, inquit, eius, à diebus æternitatis ab initio.

8 **N**on quid quisque faciat, sed quo sensu & animo, videndum est: Nōne Herodis consultatio res præclara fuit? veritatem inquirat: rem magnam & salutarem cognoscere vult: loco & tempore suo, occasione magna, à regibus orientis interrogatus: quærit ab iis, à quibus oportuit, à sacerdotibus inquam, & unde necesse fuit, ex scripturis. At animus quis? intentio quæ? ambitiosa, quia regni cupida: iniusta, quia alienum quærit: cæca, homo cum sit, diuinæ potestati resistere vult: Prophetæ loquuntur, stella nouo regi astat, reges regem quærunt, hæc tamen non cessat: crudelis insuper, vitam cum sanguine poscens: vana denique & dolosa, quia sub specie pietatis & officii: Ut & ego, inquit, veniens adorem eum.

Notandum

Notandum talem esse consuetudinem omnium malignorum, quando a-
liquem in occulto grauius lædere volunt, humilitatem illi & amicitias fingunt.
Hoc idem nunc in Herode factum videmus: deuotionem promittebat, qui gla-
dium acuebat, & malitiam cordis sui humilitatis colore depingebat.

CONSultor malus inuenit plerunque consiliarios pessimos, Herodes 10
Pharisæos.

Apparet, Phariseorum & sacerdotum animos occæcatos, atque metu re- 11
rum nouarum perterritos (vt quibus iam seruitus in consuetudinem abiisse vi-
deretur) iam à prima natiuitate, Christo Domino, suo non fauisse Mesiæ. Tur-
batus est, inquit, Herodes, & omnis Hierosolyma cum illo. Atqui tum maximè
lætari oportuit, tum se regibus coniungere, illos comitari, suum quærere Mes-
siam. Pessimè sub flagellis profecerat Israël, vt illis quodammodo promissa sa-
lus foeteret sua: quod Matthæus non frustrà notat: Turbatus est Herodes, &
tota Hierosolyma cum illo.

Sed quid mirum? Ita fit plerunque, vt qui ab alienis magni fiat, magnoq; 12
studio quærat & colatur, à suis contemnatur & calcetur. Vidimus stellam
eius in oriente, alieni dicunt, & venimus adorare eum: sui cum Herode tur-
bantur. Quanquam & illud docemur, semper grandem potestatem maiori
timori subiectam esse. Sicut ramos arborum in excelsis positarum, etiamsi le-
nis aura flauerit, mouet: sic & sublimes homines in culmine dignitatis existen-
tes, etiam leuis nuncii fama conturbat: humiles autem, sicut in conualle, ple-
rumque in tranquillitate consistunt.

Extrēmæ fraudis & improbitatis est, ac perditæ assentationis, sententiam 13
rogatum, non ad veritatem, sed ad voluntatem alicuius accommodare: quod
nunc sacerdotes faciunt, qui, cum animaduertissent animum Herodis eò pro-
pendere, vt Christum interficiat, quæ illum velle arbitrantur, ea ex scriptura
proferunt, quæ nolle, subticent. Nam cum apud Michæam prophetia sit: Et
tu Bethlehē terra Ephrata, paruulus es in millibus Iuda: ex te mihi egredietur,
qui sit dominator in Israël: & Egressus eius ab initio à diebus æternitatis: pri-
mum, locum distinguentes, Herodi quasi digito puerum monstrant: Tu Beth-
lehem terra Iuda, ad differentiam alterius Bethlehē, de qua Iosue: dein-
de rem augendo, & ad facinus instigando Herodem, pro Paruulus es, illud im-
mutant, Nequaquam minima es: auferunt deinde illa ex scriptura, quæ illum
maximè à facinore detertere possent: Et egressus eius ab initio, à diebus æter-
nitatis, quod planè diuinitatem eius astruit, contra quam pugnare difficile est.
Talia sunt huius seculi consilia, qui principibus id maximè consulunt, quod il-
los velle vident, passim nubere, non ieiunare, aliena rapere, nulli obedire. No-
tauit hoc ante nos D. Hieronymus ex illo loco: Mortui sunt, qui quærebant
animam pueri; non solum Herodem, sed etiam sacerdotes & scribas, eodem
tempore necem Domino fuisse meditados. Sed & sanctus Chrysostomus, vt
antea retulimus.

*Michea 2.
Iosue 19.*

Malos mala sequuntur: consilium malum consultori pessimum. Qui in 14
altum

altum mittit lapidem, inquit Sapiens, super caput eius cadet: & qui foueam *Eccl. 27.* fodit, incidet in eam: & qui statuit lapidem proximo, offendet in eo. Qui supra caput suum spueret conatur, statim in faciem sputum relabatur: sic astutia nulli magis nocet, quam auctori suo. Retulerunt igitur fraudis ac maliciæ suæ fructum Herodes & Iudæi. Herodes quidem ficta & fallaci mente quæsiuit veritatem: similes sibi inuenit magistros, pharisæos, inquam: filium Dei occidere conatus est, suos postea occidit: regnum quærebat, à regno excidit. Sed & Iudæi, consilij sui parem tulerunt fructum. Voluerunt natum infantem manu eius occidi, perdiderunt suos: isti ob malitiam, alij ob consensum & negligentiam: regem suum perdere voluerunt, Cæsarem consecuti sunt: regnare concupierunt, serui facti sunt. Consilium malum, consultori pessimum: incidit peccator in foueam quam fecit: eadem scriptura decepti, qua decipere voluerunt. Nam dum in Nazareth commorantem vident, Bethlehemiticum autem prædicant, inde capiuntur: cum scriptura ex Bethlehem tantum exiturum, non autem ibi commoraturum prædicet.

15 **D**um Iuda, Aaronicusque sacerdos magis euoluit arcana scripturæ, Christumque demonstrat; seruit maior minori: testamentum recitant scribæ, ex quo hæreditatem non adeunt ipsi: fabricant arcam, in qua ipsi non sunt seruati: lapis itineris facti, indicatoris digitus, aliis iter monstrantes, & ipsi in eodem luto hærentes.

16 **N**otandum, Herodem aut credidisse scripturis, aut non credidisse. Si non credidit; ut quid interrogabat scripturas, quas putabat esse vaniloquas? Aut si credidit, quia inde verè nasciturus est rex, unde scripturæ dicebant; quomodo sperabat posse se interficere illum regem, quem futurum scripturæ esse dicebant? Nunquid poterat homo corrigere, ut ne fiat, quod Deus ordinauit ut fieret? Sed quidem credebat Herodes in malo, in bono autem non credebat: quoniam quidem quod inde nasciturus fuerat rex, unde scripturæ dicebant, credebat: quoniam autem aduersus illum agere non poterat, quem Deus mittebat, non credebat: quia non suo consilio gubernabatur, sed vinculo diaboli trahebatur ligatus. Sic sunt omnes homines peccatores, in quibus diabolus operatur: credunt scripturis, & non credunt: quia hoc ipsum quod credunt, perfectè credere non permittuntur. Quod enim credunt, veritatis est virtus. quia nulli potest esse occulta. quod autem non credunt excecatio est inimi- ci: quia subiecti sunt operibus eius, & mens eorum libera non est; ut puta omnes, qui christiani sumus, & legimus, scimus, quia mundus consumandus est, & quia morituri sumus, & hoc ipsum tamen perfectè non credimus: si enim perfectè crederemus; sic viueremus, quasi post modicum transaturi de hoc mundo, non quasi in æternum mansuri.

17 **B**onis, & Dominum recto corde quærentibus, omnia cooperantur in bonum. Quomodo magis quærentibus Dominum, omnia cedunt secundè & prosperè. Nam & id, quod vel imprimis quærebant, Messiam inueniunt, ac stellam amissam recuperant, & à fraudibus Herodis sibi cælitus detectis liberantur: & ad suos sani & sospites redeunt.

Offerunt

Offerunt autem duplicia dona, interna quinque, & externa tria. Exin- 18
 ternis, fidem primò, nec qualemunque fidem, sed fidem veram ac planè chri-
 stianam, Christum natum esse, qui vnus est articulus fidei christianæ: fidem
 promptam, Vt primùm vidimus stellam, venimus adorare: fidem constantem,
 quam neque Herodis crudelitas, neque sacerdotum frigus, nec stellæ præsens
 occasus, non Christi in cunis iacentis paupertas, extinguere aut diminuere po-
 tuit: fidem plenam, dum verum DEVM & hominem, Regem & sacerdo-
 tem simul confitentur. Deinde charitatem, eamque feruentem, dum patriam
 suam deserunt, regna ignota quærunt: charitatem fortem, nulli periculo ce-
 dentem, non tristes Herodis vultus metuentem: charitatem liberalem &
 munificam, Et apertis thesauris suis, obtulerunt ei munera. Tertiò insignem
 humilitatem, quos non regia dignitas (quam improbè, & ipsis, & Christo Do-
 mino inuidet, contra totius vetustatis consensum, nullo argumento suffultus
 Calvinus) non sapientia, non summæ opes extulerunt: Et procidentes, in-
 quit, adorauerunt eum. hunc, inquam, illum, qui ipse postea in horto proci-
 dens in faciem suam, adorauit patrem. Quartò, religionem reuerentem, quia
 procidentes in faciem: mūdā, quia aurum, thus, & myrrham, res mundissimas
 offerunt: perfectam, quia per modum sacrificij dona offerunt, quæ Deo debentur.
 Vltimò obedientiam, simplicem, quia nihil scrutantur: intrepidam, quia
 nihil verentur: velocem, quia sine dilatione. Et dona quidem interna hæc. Ex-
 terna autem illa, aurum, thus & myrrham: quorum munerum sacramenta pul-
 cherrimè Hieronymus ex Iuueni presbyteri versibus interpretatur: Thus, au-
 rum, myrrham, regi que, homini que, Deo que Dona ferunt. Sic & Hilarius:
 Oblatio, inquit, munerum, intelligentiam in eo totius qualitatis expresit: in
 auro Regem, in thure Deum, in myrrha hominem confitendo. Atque ita per
 venerationem eorum, sacramenti omnis est consummata cognitio: in homine
 mortis, in Deo resurrectionis, in rege iudicij. Hæc ille. Ridet tamen hæc Cal-
 uinus, bisque mentitur. Primùm, quod hæc temerè reges obtulisse dicit, nulla
 mysterij habita ratione: deinde, quod hæc ad regnum, sacerdotium, & morta-
 litatem Christi, omnes patres retulisse dicit: cū & hoc loco Hieronymus, atq;
 Hilarius & aliās Chrysostomus, & Theophylactus, cæteri que ferè omnes, qui
 eos sequuntur, ad diuinitatem eius referant: In quibus vetustissimus, Irenæ-
 us vel in primis, dum inquit: Magi ab oriente venientes dixerunt: Vidimus
 stellam eius in oriente, & venimus adorare eum: deductique à stella in do-
 mum Iacob ad Emmanuel, per ea quæ obtulerunt munera, ostenderunt quid
 erat qui adorabatur. Myrrha quidem, quod ipse erat, qui pro mortali huma-
 no genere moreretur & sepeliretur: Aurum verò, quoniam rex, cuius regni fi-
 nis non est: Thus verò, quoniam Deus, qui & notus in Iudæa factus est, & ma-
 nifestus eis, qui non quærebant eum. Hæc Irenæus.

*Irenæus cap.
10. lib. 3.*

Quantus est iste puer, quem reges, sapientes, atque sacerdotes (hoc au- 19
 tem est, quidquid magnum in mundo habetur) vna veneratione adorant. Nam
 more orientis quandoque in eosdem hæc conferri solita fuisse, cū alij, tum
 Tertullianus docet. Debebat enim hic puer excelsus esse super omnes Reges,
 sapientes & sacerdotes Dei, omnemque potestatem, sapientiam atque sacerdoti-
 um omne complere, ac sibi subijcere: hoc autem est, verus Deus & homo esse:
 vt quantò magis illum sua deiecit Iudæa, tantò magis exaltet Samaria; sitque
 oleaster

oleaster supra oliuam. Quæ omnia, vt eleuet Calvinus, primùm hos ipsos Reges fuisse à Papistis confictos fingit, putida quadam geographia abusus, dum traditionem illius scripturæ, Reges Tharsis & insulæ munera offerent, ridet: ac ex meridie ortum Papistas fecisse nugatur; omisis illis malignè, quæ statim sequuntur, reges Arabum & Saba dona adducent. Et Dabitur ei de auro Arabiæ. Quæ quidem Arabia, præsertim Petrea, quæ Madianitarum, Ammoniorumque ac Moabitarum fuit, vbi Balaam habitauit, cuius isti discipuli traditione antiquissima fuerunt, orientalis respectu Ierusalem est. Ita frustra exultat scelus in malicia, cum hæc ipsa totius mundi vetustissima traditio sit, hocque idem Cyprianus, Athanasius, Augustinus, Chrysostomus, Tertullianus, prima quasi Reipub. Christianæ capita doceant. Deinde illos Christum Dominum, non vt Deum, sed vt Regem adorasse, sine ratione fingit: quod ne ex nostro sensu dicere videamur, verba eius apponam. Quantum verò, inquit, ad ipsos spectat, non venerant ad exhibendum Christo pietatis cultum, qualis debetur filio Dei, sed Persico more volebant salutare, tanquam præstantissimum Regem. Neque enim de eo plus tenuisse, probabile est, quam singulari potentia & diuinitate fore præditum; vt populos omnes, meritò in sui admirationem & reuerentiam conuerteret. Fieri etiam potest, vt captare voluerint eius gratiam ante tempus, quo sibi propitium atq; fauentem haberent, si fortè contingeret, orientali imperio eum potiri. Hæc tuba Euangelii huius seculi intonuit, pro diuinitate Christi, & pro commendatione fidei primitiuarum gentium: sed est hoc proprium diaboli; vt dum Lutheranus est, Sacramentariis viam sternat; dum Sacramentarius efficitur, Arianis, & sic deinceps.

In Harmonia.

20 **F**Alsò ac temerè in despectum traditionis veteris hoc loco negat Calvinus, ternarium numerum Regum: idque Papisticum esse figmentum comminiscitur: dum modò aliquid aliud dicat, quàm mater sancta docet Ecclesia, cum idem vniuersæ Græcorum, Armenorum, Æthiopum historiæ loquantur, ipsaq; regum monumenta & nomina testentur.

21 **O** Admirabilis pueritia: cuius incunabulis astant Angeli, cui famulantur stellæ, quem timent reges, & ante quem amatores sapientiæ in terram procidunt. O beatum præsepe, altera sedes Dei cælestis, vbi non lucent accensæ tædæ, sed corruscantes stellæ. O palatiū celeste: ô felix tugurium, in quo non habitant reges diademate coronati, sed Christus ipse incarnatus, qui pro regali throno durum habet præsepe.

22 **N**on debet magnus animus frangi, neque manus dissolutæ concidere; si ad tempus à consolationibus spiritualibus, si à gaudio cælesti, si à lumine spiritus, si à lacrymis deferuntur. Nam hæc, vt insciis nobis accedunt, ita & recedunt, inquit Nazianzenus. Durandum tamen est, & non desperandum. Nam & magos ea stella, quæ illos ducebat, ad tempus deseruit, tum cum ordinaria remedia habebant, Hierosolymam, Sacerdotes, Legem; quæ omnia eos instruere poterant: tum enim Deus extraordinaria præsidia suppeditat, dum ordinarijs caremus. At eadem stella tantò amcenior & lætior illis restituitur, vbi maximè necesse fuit, supra locum vbi erat puer. De quo lumine eiusq; subtractione pulchrè apud Iobum: In manibus suis abscondit lucem, & præcepit illi, vt rursus adueniat.

Iob 36.

B

Christum

CHristum Dominum, secundum vtramque naturam, cultu latriæ adorandum esse, propter vnionem hypostaticam, vt potè verum Deum & hominem, Magorum exemplum docet. Quod qui non facit, illum maiestatis diuinæ læsæ reum esse. Ante illum autem nunc procidunt reges gentium, ad cuius aspectum in horto cecidit populus Hebræus: vt ita in nomine & aspectu eius, in quacunque ille forma & fortuna esset, omne genu flectatur, cælestium, terrestrium & infernorum. Procidentes, inquit D. Chrysostomus, adorauerunt eum: vt discas, quia non tanquam homini tantum, sed etiam tanquam Deo auctori omnium supplicarint bonorum. Nunc autem triumphatorem gloriosum superba contemnit hæresis.

EAdem fide & pietate adoratur nunc Christus, in speciebus panis & vini, qua tunc colebatur in cunis: speciebus visibilibus, crepundiorum atque fasciarum locum & vicem obtinentibus.

PRæter internum cultum, quem hæretici iactant, externa similiter dona Christo regi deberi, docet magorum exemplum: quia fides non debet esse nuda & sola, sed bonis operibus associata.

PIETas ac religio, cum vera sapientia opibusque coniuncta, res quædam est pulcherrima & insuperabilis, qualem nunc in regibus videmus, & qualis quondam in Iobo, Abrahamo, Dauide fuit conspicua.

NOtat D. Chrysostomus circa discessionem Magorum, ideo non stellam eos sed angelum suscepisse: quia scilicet adorando facti fuerant sacerdotes, cum supplicatione etiam muneribus oblatis.

Iustorum tempora nunc læta, nunc tristia: nunc secunda, nunc aduersa: nunc humilia & abiecta, nunc magnifica: ne aut secundis efferantur, aut aduersis deprimantur. Quid iucundius aut magis lætum Iosepho & Mariæ potuit accidere aduentu Regum, spretis præsertim & contemptis ab vniuerso mundo? at contra, quid tristius, magisque incommodum, illa præsertim puerili ætate, quam metus Herodis fugaque in Ægyptum? Quod idem sentit, semperque experta est Ecclesia. Miscentur tristibus læta, & lætis tristia. Hinc Gregorius præclare in epistola quadam. Si vitæ istius, inquit, cursum veraciter attendamus, nihil in ea firmum, nihil inuenimus stabile: sed quemadmodum viator modò per plana, modò per aspera graditur; sic nobis utique in hac vita manentibus, nunc prosperitas, nunc occurrit aduersitas: denique alternis sibi succedunt temporibus, & mutua se vice confundunt. Dum igitur omnia in hoc mundo mutabilitatis ordo confundit, nec eleuari prosperis, nec frangi debemus aduersis. Totæ ergo mente ad illum nos conuenit anhelare, vbi quidquid est firmum, permanet; vbi non mutatur aduersitate prosperitas. In hac ergo vita, miro Dei omnipotentis moderamine, idcirco agitur; vt vel prosperitatem aduersitas, vel aduersitatem prosperitas subsequatur: quatenus & humiliati discamus, quicquid deliquimus flere; & iterum exaltati, aduersitatis memoriam, quasi humilitatis ancoram in mente teneamus.

Filius Dei iam à prima sua ætate sub cruce: mater & pater eius sub cruce: Christianus verò sine cruce: hæreticus contra crucem?

Dat

Dat Dominus significationem electis suis, ut fugiant à facie arcus sui : nunc Iosepho & Mariæ.

30 **F**Vgiendum esse ex hac ciuitate in alteram, si nos persecuti fuerint: ut non detur locus malo. Facit hoc nunc saluator, quod docuit postea: qua de re est totus sermo Athanasii.

31 **Q**uemadmodum iustus Ioseph translatus est in Ægyptum, ut spargeret semen cælestis doctrinæ: ita secundus Ioseph transfertur in eandem Ægyptum; ut euangelii iaciat semina, idolaque euertat: ut ita nostris malis Deus utatur ad bonum. Duæ enim erant regiones, inquit Theophylactus, omnis improbitatis officinæ, Babylonia & Ægyptus: Babylonem sanctificauit in Magis, Ægyptum per filium. Portauit iustus Ioseph in Ægyptum frumenta, remedium famis: portat Iosephus sponsus MARIAE panem vitæ, remedium mortis.

32 **N**otandum Origenem quinque grauissimas causas huius IESV CHRISTI fugæ in Ægyptum asserere. Primam, propter multitudinem, quæ ibi est, idolorum, abominationumque multarum. Alteram, ut destruantur manufacta eorum, & confringantur, & pereant idola ipsorum: propterea, ut dæmones turbentur, & regum fabricæ in idolis destruantur: ut fiat in aduentum Domini fugitiuorum seruatorum atque malorum interitus. Tertia illa est, ut adimpleantur quæ dicta sunt: Ecce Dominus sedet in nube pusilla, & veniet in Ægyptum, & commouebuntur omnia manufacta Ægypti. Ecce Dominus sedet in nube pusilla, *Isaie 19.* carnalem animam non habente, nec aliquam peccati grauedinem. Nubes enim in aëra eleuata, atque leuitate sui in altum dirigitur: quia peccatum non fecit, nec dolus inuentus est in ore eius. Quartam addit, ut fugiant de Ægypto, qui ibi sunt, dæmones; ut appropient ibidem angeli sancti, qui Deum consequuntur, qui sanctis iunguntur; ut pro multitudine templorum, atque abominationum multarum, multitudo exuberet Ecclesiarum; & pro idolorum turbis turbæ abundant fidelium, atque colentium Dominum; pro vitiis & erroribus multis, multa castitas, multaque sanctitas superabundet, multaque virginitas. Quintam denique & ultimam eam adiungit causam, ut hi qui in nomine Christi persecutionem patiuntur, qui tribulationes tolerant, qui iniurias perferunt, fortiter stent & viriliter præliantur, veritatem teneant, fidem non derelinquant, Ecclesiam non deserant, sed semper meminerint, quia & Dominus à peccatoribus persecutionem perpeffus est, quoniam ab iniustis contumelijs affectus est, & ab ipsis de loco in locum fugit, & ab ipsa sua infantia, ab initio penè introitus sui in hunc mundum.

33 **D.**Chrysostomus, quid fugam IESV CHRISTI in Ægyptum consecutum sit, quemque tactu domini, quasi sensum quendam sanctificationis, solitudines, & deserta Ægypti perceperint, præclare & magnificè exponit: Si quis, inquit, nunc ad Ægypti veniat solitudines, paradiso quoduis omnem illam videbit eremum digniorem, & innumerabiles angelorum coetus in corporibus fulgere mortalibus, & populos martyrum, & choros virginum: & omnem quidem tyrannidem diaboli dissolutam, Christi autem regnum coru-

scans : & illam poëtarum & magorum quondam ac philosophorum parentem, & cuiusq; generis imposturarum repertricem, videbit modò piscatorum magisterio gloriantem. Est cernere tota illa regione diffusum exercitum Christi, & admirabilem illum regium gregem, virtutumq; cælestium conuersationem in terris micantem. Atq; hæc non in viris solùm, verùm etiam in foeminis splendere conspicias. Nam illæ quoque non minori quàm viri virtute decorantur : non clypeo arrepto in equum infilire callentes, vt honestissimi illi, ac sapientissimi gentilium iubent magistri : sed multò certè vehementius bellum gerentes. Communis enim illis ac viris aduersus diabolum pugna est, contraq; huius mundi potestates ; nec vsquam teneritudo sexus his congressibus impares facit. Non enim natura corporis, sed voluntate animi exercentur ista certamina. Propterea sæpè in huiusmodi acie fortius viris foeminæ decertarunt, ac trophæis insignibus claruerunt. Non ita variis astrorum choris cælum refulget, vt Ægypti eremus, innumeris monachorum ac virginum distinguitur atq; illustratur habitaculis. Si quis illam Ægyptum veterem nouit rebellem Deo, ac magnitudine superstitionum furem, illam felium seruam, adorantem irracionabiles animantes, porros etiam cepasq; pauitantem : hic optimè Christi potest nosse virtutem, per quem facta est tam admiranda mutatio. Quisquis regionis illius gnarus est, ista quæ dicimus recognoscit ; si verò habitacula illa nondum nouit ; consideret virum per cunctorum vsque hodie ora volitantem, quem Apostolis proximè Ægyptus protulit, beatum dico & magnum illum Antonium : & respiciat, quod hic quoq; illius fuerit regionis indigena, cuius etiam Pharaos ; sed nihil sit inde viciatus. Nam & visione Dei dignus est habitus, & talem vitam prorsus ostendit, qualem leges Christi requirunt. Hæc D. Chrysostomus. Plura de laudibus huius solitudinis scripsit D. Hieronymus in Epistola ad Eustochium : tum & ille, vel in primis Philo disertissimus Iudæorum, de eadem vnum volumen confecit.

Nihil vnquam fecit Dominus, quòd non prius reuelauerit seruis suis Prophetis, iuxta illud : Non faciet Dominus Deus verbum, nisi reuelauerit secretum suum ad seruos suos Prophetas. Ex Ægypto, inquit, vocaui filium meum. Quo in loco figuram vrget Euangelista, non verba ; in hunc sensum : Quemadmodum filium suum adoptiuum Israël vocauit Deus ex Ægypto ; ita iterum filium suum natura genitum ex Ægypto vocauit. 34

CHRIſTUS Dominus adhuc puer habuit exercitum suum, qui pro illo moreretur : quid adultus, quam & quantam manum post se duxit ? nec desinet, donec veniat. 35

Notandum, Origenem causam afferre, cur Herodes occiderit infantes ; vt nimirum post Magorum illusionem, sicut putabat, puerum inter istorum neces deperderet. Sic & antea iniquus fecerat Pharaos, qui & ipse vniuersos paruulos in flumine necari mandauit : Moysen enim quærebat occidere, propter quem infantes iussit occidi : & quamuis ad exercituū suū alia loquebatur, vt ne multitudo cresceret filiorum Israël, ideò debere necari infantes ; tamen in corde maximè infantem interficere cogitabat. Ita & iste nunc malignissimus Herodes, propter vnus ad cuius festinabat pueri necem, cunctos ante prouectum ætatis 36

ætatis occidit infantes. Saul etiam impius innocentem quondam persecutus est Dauid, quem & interficere modis omnibus festinabat. Quo fugiente, culpe vilis ira commotus, sacerdotes pios, senes etiam & iuuenes, paruulos & lactentes, omnes pariter interimere sine mora præcepit. Sic & Achab rex irreligiosus Heliam sanctum quærens occidere, & minimè inueniens, innumerabiles populos interemit: sicut refert Abdias sanctissimus. Ita & extremus Herodes, de quo in Actibus Apostolorum commemoratum est, Petro de carcere ab angelo educto, custodes innocentes & innoxios occidi mandauit. His ergo similibus supradictis omnibus peiora nunc augmenta adnectens Herodes, sceleris sui exaggerauit malitiam. Et sicut canis insanus saxo percussus, dum percutientem sequi non præualeat, ad ipsum furore conuertitur lapidem; quem dentibus pedibusque dissipare perquirat: non aliter Herodes sua præceps iracundia, solitoque insanæ suæ mentis furore, in infantium cæde versatus & concitatus est.

37 **N**otat Diuus Chrysostomus, meritò iratum fuisse Herodem: quia qui sedens in throno regni, & vestitus purpura, Magis placere non poterat; his Iesus paruulus, & iacens in præsepio & pannis inuolutus placuit. Ideò ergo talia forsitan dicebat apud se: Quis est puer ille, qui antequam nascatur in terra, iam apparet in cælo? necdum seipsum ostendit, & iam omnes illum quærunt. Et necdum terrenum populum habet, & iam militiæ cælestes stellarum illi ministrant. Quis est ille, qui antequam mecum pugnet, iam me vincit: antequam vincat, regnat: antequam regnet, iam dominatur? Quid putas facturum est ille homo in regno meo, si creuerit? Ego, & dona hominibus spargo, & gladium porto: ut qui non timet, vel diligat: qui non diligit, vel timeat; Ille nec populum habet, nec diuitias congregauit: & quomodo sine auro diligitur, & sine ferro timetur?

38 **C**HRIſTUS in martyribus patitur & moritur; sed & vincit ac triumphat. Mortuus est nunc ille Herodi in infantibus: mortuus est antea in prophetis: morietur postea in Apostolis & Martyribus, iuxta cælestem illā vocem: Saule, Saule cur me persequeris? mortuus est communiter in cruce pro omnibus.

39 **M**ors & sanguis innocentum, baptisumus illorum fuit.

40 **I**n morte innocentum fuit & iustitia, & beneficium: Iustitia, quia punita fuit in illis malicia & iniquitas parentum, qui cum Messiam suum quærere magis debuissent, oppugnarunt ac prodiderunt: originis item peccatum expiatum. Beneficium; quia dubiam & incertam vitam illorum sine multis vitæ incommodis, in certum & æternum deduxit portum; sineque multo certamine coronas & triumphos acceperunt.

41 **R**achel, non in spelunca duplici sepulta fuit, sed circa Bethlehem; ut esset patrona loci illius: quæ & in abductione populi in Babylonem per Nabuzardan, & in hoc tempore, orasse legitur & fleuisse pro filiis suis. Cui illud respondet Dominus. Quiescat vox tua à ploratu, & oculi tui à lacrymis: quia est merces operi tuo, ait Dominus, & reuertentur de terra inimici. Et est spes nouissimis tuis, ait Dominus, & reuertentur filij tui ad terminos suos. Vnde colligere

licet Sanctos orare pro nobis; & orationes eorum apud Deum multum valere.

Hæretici dum Christum persequuntur, eumq; venenatis suis doctrinis in- 42
terficere volunt, illum quidem illustrant: simplices autem & rudes homines,
instar Herodis, occidunt & perdunt.

Notandum cum D. Chrysostomo, quidquid à quolibet hominum passi 43
fuerimus iniuste, vt & sancti innocentes, Deum illud aut remissione pecca-
torum, aut amplioris mercedis retributione compensare. Atq; vt lucidius in-
cipiat esse quod dixi, orationem iuueamus exemplis. Ponamus etiam aliquem
seruum multarum pecuniarum proprio esse domino debitorem, vim quoque
perpeti ab iniquis hominibus hunc seruum, & quædam eorum quæ habebat
amittere. Si igitur dominus volens arcere raptorem atque violentum, non qui-
dem seruo restituat erepta, sed tamen cuncta quæ perdidit, sibi illa computaret
reddidisse; putasne læsus est seruus? Nequaquam. Quid verò si receperit plura
quàm perdidit, nonne etiam lucra damni occasione collegit? Quod certè
ab omnibus absque vilo probatur ambiguo. Hoc igitur & in nobis, cum iniu-
ste aliquod patimur, cogitemus. Et quod, inquis, peccatum habebant paruuli,
vt illis opus fuerit ignosci? De his quidem qui fuerunt ætate legitima, ac in mul-
tis deliquerunt, rectè hoc dicitur. Qui verò tam immaturum sustinuere finem,
quænam peccata ijs malis, quæ perpessi sunt, deleuerunt? Non me audisti pau-
lò ante dicentem, quòd si ea quæ soluantur peccata non fuerint; erit tamen il-
lic retributio mercedis his, qui iniuste aduersa hinc aliqua patiuntur.

Notandum. Veterem consuetudinem celebrandæ festiuitatis Sanctorum 44
Innocentum in Ecclesia esse, iam vsq; ab Origenis ductam temporibus, eamq;
post & Romanæ, & aliarum ecclesiarum consensu firmatam: cuius rei vel ipse
Origenes locupletissimus testis est: Horum, inquit, memoria semper, vt dignū
est, in Ecclesiis celebratur, secundum integrum ordinem sanctorum, vt primorū
martyrum pro Domino occisorum, & vt ipsa Bethlehem primitias Domino
Martyrum, in qua natus est ipse saluator, obtulisse videatur.

Quærit hoc loco D. Chrysostomus, quonam modo regnaret in Iudæa 45
Archelaus, cum ipsi prouinciæ Pontius Pilatus præsideret? Eo nimirum, quòd
recens adhuc erat Herodis interitus, & necdum regnum illud fuit in multa
diuisum: itaq; nuper illo defuncto, filius interim pro Herode patre suo tenebat
imperium. Nam frater quoque Herodis eodem erat nomine; propter quod
Euangelista addidit, Pro Herode, patre suo.

Mortui sunt, qui quærebant animam pueri: moriantur & illi, qui quærunt 46
sanguinem innocentum: vel conuertantur & viuant.

Prtabat Iosephus, & alij omnes, quòd ipse matrem Christi & ipsum Chri- 47
stum Dominum portaret, illique omnia quæ necessaria sunt suppeditaret; cum
potius Christus Dominus Iosephum & matrem suam portarit, omniaq; neces-
saria eis ministrauerit. Quod omnibus illis euenit, qui p Christo aliquod certa-
men

men ingrediuntur : & ideò magno animo & fidenti, quæ pro Christo suscipimus, agere debemus.

48 Colligitur autem ex hoc capite, præter liberam hominis voluntatem, & præter Deum ipsum autorem omnium, tria esse, quæ ad actiones nostras aliquid conferre videantur. Cælum in primis tenui quodam & obscuro modo, deinde leges siue instituta, præcipue autem angelorum custodiam : quæ tamen omnia liberam hominis voluntatem non præpediunt. Nam & hoc loco fidus Reges ducit : & Scribæ & Pharisei multa ex lege Regibus præscribunt : & Angelus tam Iosephum quam Reges admonuit, quæ illis prodesse aut obesse possint. Ac astra quidem, si quid agunt, per corpus & complexionem, ac temperamentum, animum inclinando, aptitudinemque, facilitatem, & promptitudinem ad aliquid, ex Dei voluntate tribuendo, agere dicuntur. Quomodo Magneti datum est, ut cæli plagas indicet, & ferrum ad se trahat. Leges autem & instituta, hominem mouent ab extra, vel persuadendo, vel cogendo, vel alliciendo. Verum cum in omnibus his errare, falli, decipi, contingat, nullamque certitudinem fixam habeant, homoque à iuuentute sua propter originis peccatum ad malum pronus sit ; ideo addit Deus homini angelum, qui mentem eius intus doceat & illustret : quale quid in eis, qui foris fuerunt, fuisse docti autumant : Socrate, inquam, Bruto, & aliis. Sed quoniam ea vis est liberi arbitrii, ut quid quid intellectus statuerit, voluntati liberum sit, vel sequi, vel repudiare ; ideo Deus ipse has sibi partes reliquit, ut ipse tanquam gubernator quidam voluntatem dirigat, utque vel aliquid agat, vel fugiat, efficiat, omnesque aduersos effectus dimoueat : sine qua actione, nulla alia media causa valere potest. Vnde illud semper dicendum est : Illumina oculos nostros. Et illud : Deus in adiutorium meum intende. Actiones igitur nostræ, sunt in potestate nostra ; quamuis euentus & successus in ipsa Dei sit potestate. Vnde Ethnicus ille, Careat successibus opto, Quisquis ab euentu facta notanda putet. Colligitur etiam inde, prouidentiam diuinam non in eo tantum sitam, quando eius operatio cum aliis causis naturalibus concurrat ; verum etiam ubi & cæli inclinatio, & intellectus nostri acies, & angeli custodia deficit, tum demum nulla concurrente naturali causa, eius sempiternam curam vigere. Quantumuis sit homo ad malum promptus, & pessimè educatus, si tamen sit seruus Dei, & vigilet in oratione, omnia superare poterit. Horsum spectat illud Ieremiæ : Scio Domine, *Ieremiæ 14.* quia non est hominis, via eius ; nec viri est, ut ambulet, & dirigat gressus suos. Et cum Ecclesia facit orationem pro euitandis aduersis, quæ ex cæli inclinatione proueniant, eam non postulare miracula, sed potius ordinariam prouidentiam : cum illa Deus auertere soleat, mediantibus causis naturalibus.

49 Notandum est cum Chrysostomo circa verba Euangelistæ, Ut impleretur quod dictum est per Prophetas, Nazareus vocabitur. Quis igitur hoc asseruit Prophetarum ? Nequaquam scruteris ista, neque in huiusmodi fueris curiosus. Multa enim ex propheticis periære monumentis : quod de historia Paralippomenon probare possibile est. Desides enim cum essent Iudæi : nec desides modò, sed & impii : alia quidem perdidit negligenter, alia verò tum incenderunt, tum conciderunt. Et de prophanitate quidem tali Ieremias refert : de negligentia verò in quarto Regum libro legimus : quoniam post multum

temporis vix Deuteronomii sit volumē repertum, defossum quodam in loco, ac penē deletum. Si autem absque vlla incensione templi, absque vllō impugante ciuitatis tumultu, sacri tamen libri variē deperibant; quis iam istud inter illas depopulationes, vastationesque hostium, inter illa templi ac totius vrbs incendia contigisse miretur? Cāterū, quia Prophetæ predixerant, idcirco etiam Apostoli Nazarenū eum frequenter appellant.

Non placet hoc loco modus dicendi Caluini, qui Christum vocat diuinū hominem: quod nusquam in Scriptura, nusquam in orthodoxis patribus legimus, sed Deū & hominem potius: nam diuinum hominem appellari, Arianismum sapit.

Caput I I I.



NITIVM prædicationis Euangelicæ, est gratia & pœnitentia. 1
Gratia, quam Ioannis nomen significat: Pœnitentia, quam Ioannes predicat: altera ex parte Dei: altera ex parte nostra. quorū alterum sine altero non consistit, contra quā sentit hæresis. Initium Euangelij à Ioanne, qui fuit quasi in biuio legis & Euangelij medius. Initium Euangelij, prædicatio Ioannis: qui quidem minister fuit primus Euangelij, vt Malachias vltimus Prophetarum; indeque Malachias testimonium perhibet Ioanni, vltimus primò. Cœpit autem Ioannes prædicare Euangelium trigesimo propè Christi ætatis anno: tum demum post duos annos ab Herode sublatuſ est: celsitq; aurora lumini, lucifer soli, quo magis esset conspicuus fulgor eius.

NOtat D. Chrysostomus, venisse Ioannem nihil aliud facientem, quā 2
vt illos ad peccatorum suorum cognitionem trahat. Hoc etiam habitus ipse illius ostendit, qui vtiq; compunctioni ac pœnitentiæ congruebat; hoc ipsa quoq; prædicationis verba eius declarant. Nihil enim aliud aiebat, quā, Facite fructus dignos pœnitentiæ: quasi diceret, ego illis confiteri peccata sua & pœnitentiam agere persuasi, non vt castigarentur omnino, sed vt facilius postea remissionis dona susciperent: nisi enim seipsos antè damnassent, neque sanè gratiam requisissent. Non quærentes verò gratiam, neque remissionem profectò assecuti fuissent. ita istud baptisma, alterius, id est Christi baptismatis, preparatio est: & idcirco dicebat, vt crederent in aduenientem post eum.

Nemo tam magnus extitit, qui testimonio alterius de se opus non habue- 3
rit. Testimonium de Christo Ioannes perhibet: Ecce agnus Dei, qui tollit peccata mundi. Ioanni Isaias: Vox clamantis in deserto. Vox doctrina, vox moribus: vox in deserto bonorum operum, vox ad surdos Iudæos. Audierant autē Iudæi vocem, sed significationem eius non perceperant. Sic enim clamat: Parate viam Domini: hoc autem est, ornatæ atque complanate, idque per pœnitentiam; quemadmodum Regibus aduentantibus itinera publica adornari & complanari solent. Sic & nos Christiani voces legis Dei audimus, significationem vocis negligimus, Grammatici ex Christianis facti. Omnes igitur magni testimonio aliorum nituntur; hæresis suo.

Prius.

4 **P**riusquàm Doctòr, ad cuius doctrinam obligemur, recipiatur, tribus rebus opus habet: miraculis, prophetia, examine. Sic Ioannis tota vita miraculum fuit. Idem prophetias Isaïæ, Malachiæ, retulit: idem à synagoga examinatus, à Christo approbatus. Hæresis suprà Ioannem, miracula non facit, prophetias nullas allegat, examen refugit, & absque his angelos se minatur iudicaturam.

5 **T**estes veræ doctrinæ semper inusitato aliquo genere vitæ, ac à communi usu remoto Deus commendavit: quod in Moyse antea, in Helia item ac Eliseo, nunc in Ioanne videmus: postea de multis, Antonio, Francisco, Dominico, & aliis legimus. Hæresis claustra vitæ sanctioris frangere conatur, licentiæ fores aperit.

6 **Q**uod quisq; verbis prædicat; id prius opere exequatur oportet. Coepit, inquit Lucas, Iesus facere, & docere. Sic Ioannes prædicaturus poenitentiam, plenam poenitentiam vitam agit. Hæresis gulam dum prædicat, gulam sequitur.

7 **V**itæ monasticæ antiquitas & commendatio in Helia & D. Ioanne, tanquam duobus præteriti seculi luminaribus conspicitur; quam postea Thebaidis patres ac Ægypti, iam Marci temporibus, secuti sunt: confirmavit Nazianzenus, Basilii, Hieronymus, Augustinus, Benedictus, Bernardus, Dominicus, Franciscus; prosequuntur & perficiunt multi. Quanquam Calvinus montanum & rusticanum hominem vocat Ioannem, omniaq; illius, oratione extenuat; Ioannis nomine indignissimus.

8 **E**remus, ut vitam & mores, ita victum & amictum ab alijs distinctum, ac rigidiorē quandam innocentiam secuta est. Quod in Helia apparet, de quo scriptura: Vir pilosus & zona pellicea accinctus. Zona pellicea, mortificationis est: Sint, inquit Christus, lumbi vestri præcincti. Hoc idem de Ioanne Matthæus: Ipse autem Ioannes habebat vestimenta de pilis camelorū, & zonam pelliceam circa lumbos suos: esca autem eius erant locustæ & mel sylvestre: hoc est, ut inquit Chrysostomus, impræparata mensa, & tali mensa facilior amictus, & habitatio facilior amictu. Hoc idem Philo Iudæus scribit de his monachis, qui per Ægyptum sparsi erant, in eo libro, quem περὶ ἡρεμικῶν inscripsit: cuius magnam partem interpretatus est Hieronymus in Epistola ad Eustochium, & Cassianus in Collationibus. Quod dum hæresis legit, & imitari neque vult, neque potest; negare autem, aut malè fieri erubescit, variis interpretationibus eleuare conatur. Nam & vestimentum de pilis camelorū, molle & delicatum esse comminiscitur, quale est Camelotū: & locustas delicatum cibum dicit, quales sunt cancri: mel autem sylvestre manna vocat. Qui idem sensus fuit aliquando Ebiōnis, ut refert Epiphanius his verbis: Et cibus eius, inquit, mel sylvestre, cuius sapor erat ipsius mannæ, velut encris: hoc est aquosa dulcedo in oleo: quo videlicet veritatis sermonē in mendacium conuerterent, & pro acridis, hoc est locustis encridas, hoc est aquosam olei dulcedinem in melle facerent. Quæ omnia & cum sensu pugnant, & cum ipsis verbis Euangelistæ non conueniunt: qui dum singularem quendam hominem, & à vita communi remotum Ioannem fuisse demonstrare voluisset, nouum quoque ac peculiare vitæ genus illi dare voluit. Dicit enim saluator: Sed quid existis videre hominem mollibus vestitum? Et in alio loco: Et venit Ioannes neque manducans, neque bibens, & di-

Matth. 11.

& dicunt: Dæmonium habet. Venit filius hominis manducans, & bibens, & dicunt: Ecce homo vorax, & potator vini. Et alio in loco: Siceram & vinum non bibit. Hoc idem expositioni totius vetustatis consentaneum non est. Habitatori solitudinis congruum erat, inquit Hieronymus, non delicias ciborum, sed necessitatem carnis explere. Aut igitur Elias & Ioannes, ceterique omnes, qui eorum exemplo dura secuti sunt, stulti erant ac superstitiosi: aut isti molles ac delicati. Verum cum illi à natiuitate sua Spiritu sancto repleti fuerunt, prophetias de se habuerint, Messiae iudicium retulerint; isti autem in iuuentute epigrammata amatoria scripserint, artemque amandi docuerint; istos certè insanos & temulentos esse oportet; aliamque longè viam cæli esse, quàm isti arbitrantur, de qua Christus Dominus: Angusta porta & arcta via est, quæ ducit ad vitam, & pauci sunt qui ingrediuntur eam.

Matthæi 7.

OMne vestimentum ad tres pertinet causas, aut ad speciem visionis, seu ad 9
vanam gloriam: aut ad delectationem corporis: aut ad tegumentum nuditatis. Ad speciem visionis habere vestimentum, seruis Dei non conuenit: similiter ad delectationem corporis Deo seruiantibus non est aptum. Sed quid? ad tegumentum nuditatis, quod hoc loco in Christi præcurfore videmus.

Quamuis gratia primà gratis detur, disponitur tamen homo ad illam per 10
pœnitentiam, aliaque bona opera: quod nunc Ioannis doctrina apertè indicat, qui gratiam annunciaturus, ex qua nomen accepit, primùm ad pœnitentiam, eiusque fructus homines hortatur; quam eandem, vias Dei & gratiæ vocat: contraquàm hæresis docet. Vt facile cognoscas, aliud Ioannis Euangelium fuisse, aliud istorum.

PRæposterè hoc loco inuertit ordinem Euangelii Calvinus: prius enim 11
ponit remissionem peccatorum, deinde pœnitentiam. Atqui contrarium docet Ioannes: sed & Christus Dominus: Sic oportebat, inquit, Christum pati, & resurgere à mortuis tertio die, & prædicari in nomine eius pœnitentiam, & remissionem peccatorum.

Antiquissimum dogma est, cum ipsaque humana natura natum, tres par- 12
tes pœnitentiæ esse, contritionem, confessionem & satisfactionem: quæ omnes in prædicatione Ioannis apparent. Contritio quidem, quia pœnitentia per mota exibat vniuersa Hierosolyma ad Ioannem: Confessio similiter, quia confitentes peccata sua: Satisfactio: quia parati facere dignos fructus pœnitentiæ. Negabat hoc loco confessionem peccatorum fuisse Calvinus. Dicit Matthæus, confitentes peccata sua. Duos arietes habet Calvinus inexpugnabiles: primum, quia Ioannes non audiuit confessionem auricularem: quanquàm ne hæc quidem probet, publicam certè audiuit. alterum argumentum, quod soli catechumeni confiteri debeant. Negatur: non soli enim catechumeni peccatores sunt. Quorum remisistis peccata, remittuntur illis.

MAiori obiurgatione opus habent magistri delinquentes, quàm discipuli: 13
quod Diogenes quidem olim facere solebat, & nunc facit D. Ioannes, qui plebem quidem non obiurgat, Phariseos autem cum Saducæis grauissimè persequi-

quitur, Progenies, inquit, viperarum, quis vobis demonstrauit fugere à ventura ira? Volebat hoc loco videri Caluinus plusquam Ioannes, nec tamen Baptista: itaque malignè & falsò inuectus est in Papam, ac vniuersum ordinem sacrum; ac vt idem faciant, suos hortatur, ita tamen, vt affectus teneant: quòd non priùs admonuit, quàm omne virus suæ acerbitalis ipse euomisset, iuxta illud: Principi populi non maledices.

14 **P**ropter triplicem viperarum naturam Phariseis & Saduceis competentem, D. Ioannes illos, genimina viperarum, appellauit. Prima ea viperarum natura est, cum momorderit hominem, statim currit ad aquam: si autem aquam non inuenerit, moritur. Ideo & istos vocabat genimina viperarum, qui peccata mortifera committentes, currebant ad baptismum; vt quemadmodum viperæ, per aquam periculum mortis euaderent. Item viperarum natura est, rumpere viscera matrum suarum, & sic nasci. Quoniam ergo Iudæi assidue persequentes prophetas, corruperunt matrem suam synagogam, sicut ipsa lugens dicit in Canticis: Filii mei pugnaverunt contra me, ideò genimina viperarum nuncupantur. Item viperæ à foris speciosæ sunt, & quasi pictæ: ab intus autem veneno plenæ sunt: Ideo & hypocritas & phariseos viperarum genimina appellat, quia hypocritæ pulchritudinem sanctitatis ostendebant in vultu, & venenū maliciæ portabant in corde. Hæc D. Chrysostomus.

15 **Q**uantus est iste, cuius vt calceos ferat, indignum se iudicat ille, quo nullus maior natus est inter natos mulierum. Neq; ipse tantum, sed in illo res creatæ vniuersæ, angeli primò (nam & angelus fuit, iuxta illud: Ecce ego mitto angelum meum, non natura quidem, sed gratia & functione) humana deinde natura planè vniuersa. Fuit, inquit, homo missus à Deo, cuius nomen erat Ioannes. Et in hac Prophetæ vniuersi: Fuit enim Ioannes plusquam Propheta, & martyres omnes, quorū gregem ille ducit: decollatus est enim Ioannes propter Herodiadem. Virgines etiam, Eremitæ, Doctores: hic est enim de quo Ecclesia: O nimis felix meritiq; celsi, Nesciens labem niuei pudoris, Præpotens martyr, eremiq; cultor, Maxime vatum. Vna igitur adoratione & confessione, vniuersa natura & Ecclesia confitetur hunc Deum esse; post quem hic tantus indignum se censet, vt calceamenta ferat: solæ Hungaricæ & Polonicæ disputant hæreses, vtrum hic adorandus sit.

16 **Q**ui se humiliat exaltabitur: Humiliauerat seipsum Ioannes in tantum, vt se indignum fateretur, qui tanti principis calceamenta ferat: exaltatur tantum, vt hic idem illi caput suum subiiciat, vt baptizetur ab eo. Miratur exaltationem suam: Ego, inquit, debeo à te baptizari, & tu venis ad me. Ac si dicat, inquit *In Math. Ho-* D. Chrysostomus. Quo ego desidero ascendere, tu inde descendis. Ergo vt tu *mil. 4. Oper.* me baptizes, est idonea ratio, vt iustus efficiar, & dignus cælo. Vt autem ego te *Imper.* baptizem, quæ est ratio? vt iustus efficiaris? sed ipse es iustitiæ radix. Vt in cælum ascendas? sed ipse natura in cælo es, et si voluntate de cælo descenderis. Tu es spiritus, ego caro. Nunquid caro spiritum sanctificare potest? magis autem spiritus sanctificat carnem. Cuius enim creandi est virtus, ipsius est & sanctificandi potestas. Quis diues à paupere diuitias quærit? Omne bonum de cælo descendit in terram, nō de terra ascendit in cælum. Ille antiquus, qui ma-
ne ori-

Ioan. 13.

ne oriebatur, cogitauit apud se dicens: super cælum ascendam. Si ergo ille angelus constitutus, pro sola cognitione superbiæ, depositus est de angelica gloria ad ignominiam tenebrarum: ego quid merear pati, si homo carnalis & corruptibilis constitutus, tantæ superbiæ opus impleuero, & dignè me existimauero totius creaturæ dominum baptizare? Simile illud fuit paulò post Petri: Domine tu mihi lauas pedes? non lauabis mihi pedes in æternum. Cui respondit Iesus: Si non lauero te, non habebis partem mecum. Et Petro quidem sic: Ioanni autem, Sine modò: nam postea te, à quo baptizor aqua, baptizabo igne, baptizabo spiritu, baptizabo sanguine meo. Triplicem autem ob causam saluatorem à Ioanne baptizari, docet hoc loco Hieronymus. Primum, vt quia homo natus erat, omnem iustitiam & humilitatem legis impleret. Secundò, vt baptismate suo Ioannis baptismum confirmaret. Tertiò, vt Iordanis aquas sanctificans, per descensionem columbæ spiritus sancti in lauacro, credentium monstraret lauacrum.

Notandum & illud est ex D. Chrysostomo, recognoscere Ioannem innocentiam Christi ad baptismum venientis. Qui enim cuncta humani generis poterat peccata delere; procul dubio absque omni erat ipse delicto: Propterea ergo non dixit: Ecce, qui est immunis à peccato: sed (quod utiq; multò erat amplius) Qui tollit, inquit, peccata mundi: vt post ipsum illud quoque cum omni iam facilitate suscipias: cùmque susceperis, animaduertas; quòd alia quædam dispensans veniat ad baptismum, propter quod & venienti clamat Ioannes: Ego à te debeo baptizari, & venis ad me?

ELucet hoc loco Ioannis Baptistæ admiranda sapientia. Quando enim ipse prædicat, affert omnia plena terroris, & quæ animos auditorum maxima prorsus comminatione concutiant. Quando verò illos ad Christum remittit, iucunda ponit ac prospera, & quæ facillè possint recreare metuentes. Non enim comminantem securim, non excidendam ac comburendam proponit arborem, non iram futuram adducit in medium, sed indulgentiam peccatorum, interitumq; poenarum, iustificationem, sanctificationem, liberationem, filiorum adoptionem, fraternitatem, cohæreditatem, communionemq; Christi, & sancti Spiritus dona largissima. Hæc enim vniuersa pariter cõplexus est dicendo: Ipse vos baptizabit in Spiritu sancto: ipsa quoq; translatione sermonis, exprimens gratiæ largitatem. Non enim dixit, dabit vobis Spiritum sanctum: sed, Baptizabit in Spiritu sancto.

Notanda & causa est, propter quam ignis intulerit mentionem, vt nimirum eos ad illorum recordationem vocaret, quibus ignis specie apparuerunt visiones. Sic enim beato Moyse in rubo locutus est Deus: sic omni populo de monte Sina: sic Ezechieli quoque de Cherubin.

Qui aliis præesse vult, omni studio curare debet, vt illud liquidò dicere possit: Vt quemadmodum ego feci, ita & vos faciatis: quòd per omnia similis sit fratribus. Quod nunc Christus Dominus facit: Sine modò, inquit: sic enim decet nos implere omnem iustitiam. Quia utique decet etiam maledictum soluere, quod ob præuaricationem legis illatum est: propterea quippe & carnem assumpsi & veni. Decet implere & iustitiam legis, iustitiam figurarum; iustitiam hu-

am humilitatis, iustitiam futuræ prædicationis, iustitiam mandati paterni. Dug autem hoc loco colliguntur partes baptismi, Lotio & Vnctio. Lotus est Christus Dominus à Ioanne: vngitur cælitus à Spiritu sancto. Nam & qui in stadium ingrediebantur, lauabantur primò, vngebantur deinde. Baptismus agon Christianæ pugne est. Spreuit hæresis vnctionem primùm, ideò & lotionem parui facit.

21 **N**vsquam melius elucescit venerandæ Trinitatis confessio, quàm in baptismo, vtpote cuius solius opus est proprium. Nam & in Christi baptismo, Spiritus Dei visibiliter descendit in specie columbæ: & paterna vox sensu percipitur: Hic est filius meus dilectus: & ipse filius manu Baptiste lauatur. Sed & in nostro baptismo eadem Trinitas inuocatur, & magis quàm vsquam conspicitur: Ego te baptizo, id est iustum facio, in nomine Patris, & Filij, & Spiritus sancti. A qua fide, qui discedit, baptismum suum prodit, apostata est, Christianus neq; est, neque dici potest. Significat autem baptismus deductionem diluuii aquarum peccati, & vim regenerationis, quæ ex humido & calido cõstat.

22 **N**otandum verba D. Ioannis, Ego baptizo vos aqua, ille autem, qui post me venit, baptizabit vos Spiritu sancto, Diuum Petrum in Actis interpretari: *Actor. ii.* Recordatus sum, inquit verbi Domini sicut dicebat: Ioannes quidem baptizauit aqua, cæterum vos baptizabimini Spiritu sancto. Si ergo eandem gratiam dedit illis Deus quemadmodum & nobis, qui credidimus in Dominum Iesum Christum; ego quis eram, qui possem prohibere Deum? His autem auditis, tacerunt & glorificauerunt Deum dicentes: Igitur & gentibus Deus poenitentiam concessit ad vitam.

23 **O**mnis aduersitas, quæ nos sine nostra occasione tribulat in hoc mundo, *D. Chryso: in Matth. Hom. 3. Op. Imper.* baptismus ignis est: quam si magnanimiter sustinueris, nihil murmurans contra Deum, imputatur tibi illa carnalis afflictio pro peccato quod commisisti. Si autem non peccasti, quod est difficile, & ignis ille tentationis circa animam tuam non inuenit sordes peccatorum quas comedat; ipsam animam tuam facit splendidiorem: & quantò grauior fuerit tentatio; tantò magis facit clarescere animam. Et in aqua quidem semel baptizamur; in igne autem penè dum viuimus.

24 **F**erit autem Ioannes vniuersum mundum, tribus potentissimis sagittis. Poenitentia, quam mundus nocentissimus ridet, agereq; recusat, ipse in vtero sanctificatus egit. Humilitatis, ad quem cum fuisset titulus Messia delatus, non modò illum non accipit, sed indignum se profitetur, qui post Messiam calceamenta ferat. Castitatis, in sacerdotis enim domo natus inter sanctos, domum tamen fugit, ne leui saltem maculare vitam Famine posset; verè in spiritu Eliæ, hoc est castitatis; ne oculis desiderantibus Christum, prius quid videat præter Christum. Ridet hæc omnia hæresis. Quod si ille, inquit D. Chrysostomus, in omni vitæ ratione mundissimus, cæloq; ipso clarior, & prophetis cellior, quo nullus hominum maior fuit, quiq; tanta apud Deum familiaritate gaudebat, ad omnem tamen patientiam durabat laborum, satis altè deliciarum fluxa despiciens, atq; ad omnem se vitæ rigorem coarctans; quam nos satisfactionem afferre poterimus, qui post tot Christi beneficia, postq; mille nostrorum onera peccatorum, ne minimam quidem partem illius castigationis imitamur?

Matth. 11 *Isaia 40* **N**egant Magdemburgenses, Ioannem eremi vitam secutum esse, sed in vrbe 25
vicina deserto, urbanam egisse vitam: Christus Dominus affirmat: Quid existis
in desertum videre hominem mollibus vestitum? Et Isaias: Vox clamantis in
deserto.

Cathedra Ioannis, desertum fuit: Christi Domini, vniuersa Iudaea. Cur 26
ita? Quia homo debebat vitare humana: Deus & Dominus liberè per sen-
tes humanas gradiebatur, inquit Hieronymus: quia concionatoris est pro-
prium, turbas fugere, ne familiaritas pariat illi contemptum: & quia eius vita
debebat esse miraculum, qui miracula facere non debuit, quòd debebat legis
& sacerdotij occasum prædicare, ideoq; se sponte sua à lege & Sacerdotibus
seiuinxit; vel vt melius vacaret contemplationi, vel quòd debebat prædicare
regnum seiunctum à mundo: & quòd haberet delicatum stomachum, qui mû-
di vitia coquere non potuit, & ideo vix vnum annum in vrbe commoratus est.
Christus autem Dominus lux fuit, œconomus, paterfamilias, legislator, medi-
cus: & ideo inter ægros illum conuersari oportuit, in medio populi, & vtram-
que vitam actiuam & contemplatiuam conuersatione sua comprobare.

CHRISTI Domini baptisma à Ioannis baptismo nihil differre, ait Cal- 27
uinus. Verba illius hæc sunt: Iam cum eadem baptismi illius significatio, vis
& ratio fuerit, quæ nostri, si figura à sua veritate æstimatur, falsum est diuersos
esse Ioannis & Christi baptismos. Verum est, Caluine, distinctam esse figuram
à veritate: sed tu te, vbi audire Ecclesiam desisti, ipse non audis. Sed audi Pseu-
doioannes verum Ioannem. Ego quidem, inquit, baptizo vos in aqua in pœ-
nitentiam: qui autem post me venturus est, fortior me est, ipse baptizabit
vos in spiritu & igne. Quod pulchra similitudine illustrat Theophylactus: Ve-
luti inquit, si dicamus, Venit régis nuncius prædicans mensæ regis instru-
ctionem, in beneficium eorum qui instruxerint: non id asserimus, quod nun-
cius beneficium esse debeat in mensæ regalis instructores, sed quia ipse præ-
dicauit ciborum apparitionem: quam quicunq; curauerint, regemque men-
sa regia acceperint, beneficium ab eo referant. Hoc loco itidem præcursor
CHRISTI prædicauit baptismum pœnitentiæ; vt nimirum per pœnitentiam
CHRISTVM suscipientes, & peccatorum ab eo remissionem percipiant. Et
Venerabilis Beda: Sicut, inquit, incarnatum Verbum patris præcurrebant ver-
ba prædicationis: ita baptismum pœnitentiæ, quo peccata soluuntur, præcucur-
rit suo baptismo, quo peccata solui non possunt. Pluribus hæc explicat Basi-
lius de Virginitate, Damascenus lib: 4. Institutionum diuinarum cap. 5. Ruper-
tus Abbas de diuinis officiis: D. Thomas, & tota sancta Ecclesia.

Quemadmodum Ioannes non erat vera lux, sed vt perhiberet testimoniũ 28
de lumine: ita baptismus eius non erat verus baptismus, sed figura & typus veri
baptismi & illuminationis, contrà quàm sentit Caluinus. Carebat igne, idest
spiritu, carebat gratiæ efficacia: pœnitentiæ opus habuit, quam prædicat Ioannes.

Impudenter ritus sacramentorum, magicos ritus vocat hoc loco Caluinus, 29
sacramentis prædicationem nescio quàm agglutinans, cum sit distincta ratio
formalis sacramenti & prædicationis: eaque non ex signo visibili, neq; ex gra-
tia, sed ex prædicatione verbi vim habere, nouo quodam modo & frigido, &
quem

quem homo doctus vix intelligere possit, afferit. Distinxit hæc legislator: Ite, inquit, prædicate Euangeliū: prædicationis hoc munus est: baptizantes illos, hoc administrationis munus. Sed confusus intellectus, confundit omnia.

30 **H**Æc omnia eueniunt in baptismo fidelium, quæ nunc euenire circa Christi baptismum videmus. Nam & cæli illi, qui baptizatur, aperiuntur, & Spiritus sanctus descendit super illum, & filius Dei efficitur. Quo loco præclare Chrysostomus: Eius rei gratia, inquit, cæli patuerunt, vt discas etiam tu cum baptizaris, hoc fieri, Deo te iam ad patriam cælestem vocante, nihilq; commune cum terra habere suadente: contra quàm sentit Arianismus, qui baptismum notam quandam inanem esse arbitratur, qua fideles ab infidelibus dignoscantur, memorię causa. Aperiuntur autem cæli, inquit Hieronymus, non resolutione elementorum, sed spiritualibus oculis, quibus & Ezechiel in principio voluminis sui apertos eos commemorat. Sedit quoque columba super caput Iesu, ne quis putaret vocem patris ad Ioannem factam, non ad Iesum. Chrysostomus etiam causam reddit, cur in specie columbæ Spiritus sanctus venerit: Mansuetum, inquit, hoc animal ac mundum est. Quia igitur ipse spiritus, mansuetudinis est spiritus, propterea in eius specie apparuit. Simul etiam veteris nos videtur admonere historia. Nam cum vniuersum aliquando orbem naufragium commune merfisset, & omne prorsus hominum genus periclitaretur, istud interim certè animal apparuit, finemq; illius tempestatis ostendit, atque ore ramum portans oliuæ, pacem mundo redditam nunciauit. Quæ omnia erant futurorum figura.

31 **A**bstinendum est omnibus à detractiōe, iudiciisq; temerariis: quia non in nostra, sed in ipsius iudicis manu ventilabrum iudicii positum est, quod segreget paleam à tritico, bonos à malis. Quod quidem ventilabrum eripuit de manu ipsius Iesu Christi Calvinus, in eoq; vniuersam vetustatem, concilia, patres, magistratus, ordines reposuit. Et hos quidem inter paleas, hoc est hypocritas & sycophantas (quibus verbis nihil in eius scriptis frequentius est) se autem ipsum cum suis Geneuensibus, inter granum & triticum.

32 **I**mprobè & scandalosè ignem hunc, quo comburendæ sunt paleæ, metaphoricum dicit esse Calvinus, contrà quàm docet Ecclesia & Patres. Nam si ignis metaphoricus est, verendum, ne eodem modo infernus & iudex, & iudicis sententia; sed & cæli gloria, & præmia sanctorum intelligantur metaphoricòs. Periculosos tropos proferre solet Calvinus. Nam & si veteres docuerunt ignem illum longè diuersum esse, magisq; metuendum hoc igne vulgari, quod & ad ipsos animos & conscientias pertingat: metaphoricum tamen eum qui appellaret, legi neminem.

33 **V**Titur autem Ioannes ad tuendam poenitentiam argumentis istis. Promissionibus ac successionibus solis confidendum non esse. Neque enim Dei promissiones aliter possumus consequi, quàm si eius mandatis paruerimus. Neque velimus dicere, Patrem habemus Abraham: cum nō desint, nec deesse possint foecundissimo parenti, in quibus & promissa sua complere, & successiones continuare possit. Potens est enim Deus, & de lapidibus istis excitare filios

Ierem. 46.

Abrahæ. Quem locum pulchrè interpretatur D. Irenæus: Hoc, inquit, fecit Iesus, à lapidum religione, extrahens nos, & à nostris duris & infructuosis cogitationibus transferens nos, & similè Abrahæ fidem in nobis constituens. Quem admodum & Paulus testificatur, dicens nos esse filios Abrahæ secundum similitudinem fidei, & repromissionem hæreditatis. Secundum argumentum est, periculorum præsentia. Iam, inquit, securis ad radicem posita est. Securitatem Hieronymus prædicationem sermonis Euangelii intelligit, qui diuidit corpus & animam, iuxta illud Ieremiæ: Vox eius quasi æris sonabit: quoniam cum exercitu properabunt, & cum securibus venient ei. Quasi cædentes ligna, succiderunt saltum eius, ait Dominus, qui supputari non potest. Nos quidem securim ad radicem positam putaremus, dici extremam excisionem oliuæ, vt inferatur syluestris oleaster, vt innuit D. Paulus. Tertium à rebus, quæ natura oriuntur. Omnis arbor quæ non facit fructum bonum, eradicabitur, & in ignem mittetur. Quartum argumentum à functionibus futuri Messia, cuius officium esse debebat, non sanare tantum, sed etiam præcidere: non tantum triticum feruare, sed & paleam disicere, & in ignem mittere. At omnia contraria docet hæresis: Arbitramur, inquiunt, sola fide hominem iustificari: Non potest homo Christianus condemnari, nisi nolit credere: Committendum esse aliquod graue peccatum, vt securi simus. Quod si argumenta Ioannis tantam fidem habuerunt in initio salutis; quanto magis nunc habere debent in ipsa fenestra mundi, occasuq; omnium; in ipsisq; rerumpublicarum periodis, in quibus conuerti & occidere soleant?

Notandum contra eos, qui gehennam esse non credunt. Duo hic ab Io- 34
anne pariter posita esse: quia scilicet & credentes baptizet Spiritu sancto, & comburat incredulos. Si igitur illud verum est, procul dubio & istud est verum. Propterea enim simul vtrumq; prædixit, vt ex hoc quod iam factum est, etiam illud quod adhuc differtur, credamus futurum.


Notandum cum Chrysostomo, nos quamdiu hinc viuimus, de palea in fru- 35
mentum mutari: sic contra multos ex tritico in paleam degenerare. Propterea Dominus & paleas patienter expectat, vt fiant ex illorum coniunctione meliores. Propterea nondum iudicii examen agitur, vt omnes pariter coronemur, vt multi ad virtutem à vitijs transeant.

Post duodecimum annum vsque ad trigesimum, nihil de vita Saluatoris 36
in Euangelio scriptum inuenitur. Totum enim illud tempus vni insigni voluit consecrare scripturæ lectioni: quam ante omnia scire nos oportebat. Silentium enim triginta annis illis tacendo, nos docuit: nam etsi iam inde ab incunabulis plenus esset sapientia, non tamen ante trigesimum annum prædicare voluit. Triginta igitur annis tacuit, qui tribus tantum prædicauit: vt hinc intelligas, quantum temporis dedicauerit silentio, & quam parum prædicationis officio. Nos verò, inquit D. Bernardus, plenis buccis semper loqui volumus: si arbitremur nos aliquid scire, silere non possumus: existimamus enim nos nihil scire, nisi & id sciant alij; ita vt scientiam nostram, quantumvis exiguam, circumquaque per vias & plateas circumferamus & venditemus.

Quia

37 **Q**uis hæc cogitans non humiliabitur, usque ad puluerem terræ? quis audebit se iustificare, aliisque se præferre? Sed tu, ô pulchritudo cæli, fons puritatis & vitæ, quid tibi & baptismo, vel lauacro immunditiæ? quid tibi cum remedio peccatorum, qui sine peccato conceptus es? Non æquum, ut hæc miranda humanitas transiret, sine magna gloria, præsertim cum natura sit Dei humiliare superbos, & exaltare humiles. Idem & hîc accidit: aperti enim sunt cæli, & Spiritus sanctus descendit ut columba, & venit super eum: sed & magnifica vox patris audita est: Hic est filius meus dilectus, in quo mihi complacui; hunc audite.

Caput IIII.

1  **M**ILITIAM esse hominis vitam in hoc mundo, testatur Iob: ab hac ergo militia, vitam suam orditur Christus, & in hac eandem in cruce ponit. Hæresis, sine bello & certamine, victorias & triumphos canit. A baptismo autem statim Christus Dominus ieiunat, ut doceat, ad consequendam æternam felicitatem, primam iustitiam, quæ in baptismo suscipitur, non sufficere; sed statim dandam esse operam, ut qui per baptismum bonus est, per bona opera iustificetur adhuc, contra quam sentit hæresis.

2 **Q**uoniam Marcus quidem & Lucas, hoc ipsum scripserunt, & tentatum exponunt à diabolo; Ioannes autem nihil horum attigit: Causam hanc esse arbitratur Origenes, quoniam hi quidem, inquit, magis secundum humanam eius naturam exponunt de eo, quam secundum diuinam: Ioannes autem magis secundum diuinam quam secundum humanam interpretabatur naturam: diuinitas autem intentabilis erat. Ideò tres quidem Euangelistæ exposuerunt tentatum: Ioannes autem secundum quod caperat, In principio erat verbum, & verbum erat apud Deum, & Deus erat verbum; nescit Deum verbum posse tentari.

3 **S**I Christus Dominus trina congressione diabolum vicit hoc loco, idque magnificè, ac cum summo hostis communis dedecore & confusione, quæ causa fuit acerbi illius ac tristici in cruce certaminis? Præsens certamen, umbræ, exercitij, exempli, speciminis est: illud autem in cruce, veræ & seriæ pugnæ, & victoriæ, ubi vita cum sanguine exposcebatur. Quomodo perfectus gladiator aliquando spectantibus discipulis, arma ipse sumere solet, non ut vincat, sed ut vincere doceat, veræque pugnæ signum & exemplum præbeat: sic hoc ipsum præsens certamen, exempli ac institutionis nostræ fuit.

4 **M**Oyses ieiunauit in colloquio Dei: Elias in fortitudine cibi: **CHRISTVS** Dominus in virtute sua.

5 **I**eiunium ac certamen Christi, non tam miraculi, quam exempli fuit: quod impudenter negat hæresis; impudentissimè autem Calvinus, cuius verba cognouisse, refutasse est. Hic idem, inquit, fuit ieiunii finis: neque enim à cibo &

potu abstinuit Christus, ut temperantiæ documentum ederet; sed quò plus auctoritatis haberet, dum à communi hominum sorte exemptus, quasi è cælo angelus, & non homo è terra emergit. Qualis enim obsecro illa abstinentiæ virtus fuisset, cibum non gustare, ad quem appetendum nulla eum esuries mouebat? Certum est enim, clarè Euangelistæ pronunciant, non aliter eum tulisse inedia, quàm si carne non fuisset indutus. Quare mera stultitia fuit, ieiunium quadragesimæ, ut vocant, ad Christi imitationem instituere. Neque enim maior hodie ratio est, cur hoc Christi exemplum sequamur, quàm fuit olim sanctis prophetis & aliis patribus sub lege, imitari Mosis ieiunium: atqui scimus nemini hoc in mentem venisse: Eliam solum Deus, quia instaurandæ legis minister erat, simili ferè de causa, ieiunium in monte continuit. Imitatores se esse Christi fingunt, qui per quadragesimam quòtidie ieiunant: nempè sic farciunt ventrem in prandio, ut cenæ tempus facillè absque cibo transigant. Quid simile habent cum filio Dei? Maior erat veterum frugalitas: sed illi quoque ieiunio Dei nihil affine habebant; non magis scilicet, quàm hominum abstinentia ad angelorum inedia accedit. Adde, quòd nec Christus, nec Moses quotannis solenni ieiunio defuncti sunt, sed uterque semel tantum tota vita. Atque utinam ineptiis tantum lusissent, ut simiæ: sed impium & detestabile Christi ludibrium fuit, quòd se ad eius regulam fictitio suo ieiunio formare tentarunt. Quòd opus meritum, & partem esse pietatis, & diuini cultus sibi persuadent, pessima est superstitio. Sed hæc in Deum contumelia est minimè tolerabilis, quòd singulare eius miraculum obscurant: deinde in CHRISTVM, quia suum illi insigne detrahentes, eius spoliis se vestiunt: tertio in Euangelium, cui non vulgaris detrahitur autoritas, nisi hoc Christi ieiuniū, eius sigillum esse cognoscitur. Singulare miraculum Deus edidit, cum Filium suum exemit à necessitate edendi, an non insana audacia æmulantur Deum, qui idem sua virtute affectant? Diuina gloria insignitus fuit Christus per ieiunium: an non sua gloria fraudatus in ordinem cogitur, cum se illi socios cuncti mortales permiscant? Hunc ieiunio Christi finem statuit Deus, ut Euangelium obsignaret: qui in alium usum transferunt, an non tantundem imminuunt ex Euangelij dignitate? Faceffat igitur ista κακοζυλία, quæ & consilium Dei, & totum eius operum ordinem peruertit. Et hæc quidem ille. Ignatius autem vetustissimus martyr Ioannis discipulus ista: Dies festos in honore habete: quadragesimam autem nolite pro nihilo habere, imitationem enim conuersationis Christi Dei continet. Ego quidem hominis eruditi orationem leuiorem aut magis vanam legi nunquam, ut hæc oraculi istorum est. Sed hoc illis euenit, qui semel metas pudoris transierunt: deinde qui venerandam antiquitatem semel contemnere didicerunt: demum, qui vulgi opinione ebrij, sua dicta pro decretis habere volunt. Mitto, hæc contra sacros Canones dici: mitto contra constitutiones Apostolicas, sacras synodos: mitto contra consensum patrum: mitto contra communem notionem omnium, quòd quidem ante nos alij egregiè prædicarunt: nos non libros, sed notas scribimus. Hoc vnum dico contra omnem rationem ac fidei œconomiam hæc dici. Nam si ideo Christi ieiunium imitari non debemus, quia illud consequi non possumus; tum eadem ratione nullam eius virtutem imitabimur, non humilitatem, non mansuetudinem, non patientiam, non castitatem, quas similiter nemo imitatione consequi poterit vnquam, ac ne angeli quidem. Deinde si in ieiunio quadragesimali Christo atque Euangelio iniuria

iuria fit; tum eodem modo in omni eius imitatione longè maior fiet, cum alię virtutes longè maiores in eo sint, quàm ieiunium. Tum vana erit illa frequens admonitio eius, Venite post me. Et illud: Discite à me, quia mitis sum, & humilis corde. Et illa: Exemplum dedi vobis, vt quemadmodum ego feci, ita & vos faciatis. Et illa: Qui vult venire post me, abneget semetipsum, & tollat crucem suam, & sequatur me. Et illa Pauli: Imitatores mei estote, sicut & ego Christi. Eundem errorem sequuntur Magdeburgenses, Christum non imitationis causa ieiunasse, sed vt legem compleret. Atqui hæc insana est oratio: nunquam enim lex iubet aliquem, quadraginta noctibus ac diebus ieiunare, cum hoc ipsum homini mortali, eiusq; proprijs viribus possibile non sit. Talis est Euangelicorum doctorum doctrina: his se populus Christianus, toto orbis consensu spreto credat? Quid enim aliud est, hæc talia temerè effutire, quàm omnem virtutem & continentiam euertere?

6 **C**HRIſTUS Dominus sua voluntate esuriuit & ieiunauit: in quo omnes facultates ita subiiciebantur rationi, vt quod illa iuberet, statim fieret: propterea quod hæc fuerit instrumentum coniunctum diuinitati eo modo; vt quando ratio dormire ac esurire iuberet, dormiret ac esuriret; & contra non esurire aut vigilem esse, non esuriret nec vigilaret.

7 **A**Gonis autem præsentis & certaminis Christi sunt partes istę. Primum locus solitarius. Quemadmodum enim cælestes mentes tum se maximè coniungunt atque infundunt homini, quando solus est; quomodo angelus virgini & Zacharię: de qua solitudine propheta Zacharias: Dominus parat desertum quasi delicias, & solitudinem quasi hortum domini: ita mentes aduersum hominem inexercitatum magis aggrediuntur, quando solus est, quomodo serpens Euam. Itaque docet Hieronymus & Cassianus, non cuius passim deserti viam apud veteres sequi licuisse, nisi illis qui perfecti & exercitati in conubernijs monachorū fuissent.

8 **T**empus autem post baptismum, quo illud significetur, vbi quis nomen Deo militięq; eius dederit, statim ei pugnam & agonem instare. Ieiunij tempus, iuxta illud Salomonis: Fili accedens ad seruitutem Dei sta in iustitia & in honore, & præpara animam tuam ad tentationem. Quarum quidem rerum eas affert Chrysostomus rationes. Primum quidem vt discas, quoniam Christi baptismus multò te facit fortiolem. Deinde, vt in egregia illa animi mediocritate permaneas, neque donorum magnitudine eueharis, dum te scilicet tentationes cohibent & refrenant. Ad hæc verò, vt malignus ille dæmon cum de tua à se discessione dubitat, ex ipsa tribulationum tolerantia discat, quòd perfecta ab illo abrenuntiatione discesseris. Quartò, vt fortior, & ipso prorsus ferro valentior, tentationum exercitatione reddaris. Quintò, vt capias grande documentum thesaurorum tibi à Domino creditorum. Non prius autem inimicus aggreditur, quàm illum esurientem videt. Obseruat enim veterator ille affectiones nostras, tam internas, quàm externas, & sic nos aggreditur.

9 **A**Ntagonistę duo: filius Dei in forma ascetę noui, eremum ingressus; & ipse antiquus generis humani hostis, in forma veterani cuiusdam philosophi & eremite, vnus ex illis, qui circa Iordanem ex antiquo commorari solebant. Hic

ergo tanquā veteranus tyronem aggreditur: ac de modo in ieiunio obseruādo, & rationabili obsequio monet, ne se vltra quā par est afflicet, ne modū ieiunij excedat; sed postquam esurire incepit, tandem se ad dulcem panem referat. Ac deposita postea eremitæ persona, in angelum lucis se conuertit, in qua alias tentationes confecit. Transformat enim se in angelum lucis, ac scripturis sæpè diuinis laqueos nectit, vt inquit Ambrosius.

ARma vtriq; communia, scriptura, verbum Dei: quo quidem alter vero, 10
sincero, ac in eodem sensu prolato vitur: alter contorto, inuerso, prauè pro-
lato abutitur. Vt autem statim à primo principio scriptura fallere incepit: ita
per omnem decursum per hæreticos fecit, & nunc facere non desinit: vt rectè
discamus, non statim illum veritatem afferre, qui vnum & alium locum scriptu-
ræ allegare potest. Nam & hoc quidem verum est, angelis suis mandasse De-
um de famulis suis, vt custodiant eos: sed si necessitas & periculum adsit, non
curiositas & ostentatio requirat. Mentitur hoc loco Calvinus, scripturam Pa-
pistas suppressere, à quibus eam nequicquā ipse accepit, in quorum templis
noctu atq; diu sine vlla intermissione cantatur, & qui numeratas etiam voces
ac sententias illius habeant, vtinam æquè vita quā doctrina. Hoc tamen for-
tasse non malè, ex lapide illum facere panem, qui ex fraudibus, rapinis, dolis,
lenocinio victum quærunt.

ORdo autem & progressus diaboli in tentandis hominibus hic est: incipit 11
à carne, progreditur per leuem ambitionem, desinit in terram mundi; opes.
Quemadmodum enim illi qui ciuitatem aliquam obsident, eamq; expugnare
volunt, in primis ea loca circumspicere solent, quæ maximè debilia sunt, & quæ
facile flammam concipere possint, hæc primū succendunt: quā si fortè non
successerit, tum ad munitiora & fortiora se conferunt: hoc idem facit tenta-
tor: qui cū rectè sciat, nihil in homine debilius esse carne, nihilq; ad omne in-
cendium suscipiendum magis idoneum, inde pugnae suæ initium & originem
sumit. Hinc in paradiso parentes nostros aggressus: hinc in deserto populum
Dei toties tentauit: hinc Christum Dominum nunc aggreditur. Carnem ergo
quisq; in primis custodire debet: carne satiata & inraffata, animi sumuntur, &
mens superba crescit: inde opum ac possessionum, inde auri & argenti cupido
ac congeries immensa. Neminem hic impostor vnquam decepit, cui aliquo
existis modo insidias non fecerit. Lusum hunc antiquorum patrum vocat Cal-
uinus: quem cū risisset, ipse nihil planè attulit, quod eruditus homo adferre
deberet, & quod vel rectè intelligi possit: & quidem postea ipse, quasi non
sentiens, hæc eadem dicit.

IN Primo gradu tentationibus obsistendum. Quemadmodum enim in præ- 12
cipitio, primus gradus periculosissimus est (nam reliqua sua sponte ruunt) sic in
omni peccato. Capite serpens teneri debet, ne nos spiris suis inuoluat. Car-
nem igitur custodiamus omnes: primum gradum ruinae declinemus, ac ma-
ximè suspectum habeamus; nam & defensores præsidiorum illas partes maximè
custodire solent, quæ per se infirmæ sunt, & quæ facile flammam admittunt.

Quis est, inquit Christus, ex vobis homo, quem si petierit filius suus pa- 13
nem nunquid lapidem porriget ei? Contrarium facit Diabolus, qui esurienti
Christo

Christo, non panem sed lapidem porrigit. Tales sunt hæretici, qui populo Dei esurienti petentiq̃ue verbi Dei panem, sua figmenta obtrudunt; & pro viuificis Sacramentis, simplices tantum species, nudaq̃ue signa porrigunt.

14 **D**Vbitare audet hæresis, carnem CHRISTI, verè esse cibum: & panem verum illius fieri corpus: multò magis dubitaret, ex lapide fieri posse panem, vel ex pane lapidem. Quod tamen posterius publicè Deus spectandum Constantinopoli exhibuit, tempore S. Chrysostomi, vt scribit Sozomenus lib. 8. cap. 5. Nec dissimile est, quòd in lithospermo herba seminis lapidei, mirantur omnes.

15 **E**X lapidibus panes facit Christus, cum vel incredulos & obstinatos ad fidem & obedientiam, vel alioqui duros & inhumanos, ad clementiam misericordiamq̃ue adducit. Durus antea lapis fuit Paulus, dum esset spirans minarum & cædis in discipulos Domini: sed mox emollitus cælesti voce, panis factus est, cum diceret, Domine, quid me vis facere? Præsertim verò sub finem vitæ, cum illud scriberet, Bonum certamen certavi, cursum consumaui, fidem seruaui. Itidem cæteri, qui ex erroribus gentium conuersi, salutare Christi doctrinam complexi sunt, & martyres deinceps effecti: ex quorum fuit numero sanctus Ignatius: qui Romanis scribens: Frumentum, inquit, Christi sum, dentibus bestiarum molar, vt panis mundus inueniar. Durus etiam lapis fuit ille Petrus cuius Alexandrinus: qui cum nihil boni toto vitæ suæ tēpore fecisset, neq; ulli pauperum quicquam dedisset vnquam, præter vnum panem, quo importunum quendam, & nimis sibi molestum mendicum percusserat; dum nihil aliud ad manum haberet diuina visione admonitus, & extremi perterritus libra iudicii, liberalis deinceps, & pauperum amantissimus effectus est, vt scribit Leontius Cypri Episcopus.

16 **M**Agis magnificè sentit Diabolus de omnipotentia filii Dei, quam parum fida hæresis. Nam ille credit, verbo illius posse ex lapidibus panes effici: eiusdemq̃. naturæ & potentia filium cum patre esse: cuius illud maximum est insigne, quòd eduxit mel de petra, oleumq̃ue de saxo durissimo; quòd aquam dedit de petra. Quam eandem vim requirit à filio, vt educat panem de terra, idq̃. verbo & imperio suo: Dic inquit, vt lapides isti panes fiant. Zuinglius & Calvinus viri illustres, vt sibi videntur, vt credant, verbo illius ex pane carnem effici posse, nullo modo adduci volunt. Discant igitur & isti, sed discant & Ariani, vel saltem à principe suo tentatore, melius de Christo sentire; idq̃ue eum posse, quod vult. Non paruit tunc Christus Dominus diabolo, ex lapide panem fieri iubenti. Non miretur igitur hæresis, sacrum panem calcando, ac imagines eius contumeliosè tractando, si illi non pareat, nec miracula edat. Imperare enim, non parere, diuinum est. Sed cur lapides potius porrigit? neque enim in eremo solida tentationis arma esse possunt. Deerat ibi arbor bona ad vescendum, & aspectu delectabilis, vt in paradiso: deerant coturnices, vt in deserto: solus lapis restabat, quo ipse nequam abutitur, dignus qui lapidibus pascatur & pellatur. Ambiguam autem tenet bestiam diuina sapientia, magisq̃; ac magis irritat & pungit. Non excusat impotentiam suam, quod ex lapidibus non possit facere panem: non diffidentiam de voluntate patris: hac enim ratione humanum quid demonstraret: sed illud ostendit, mille sibi modos alios viuendi esse

esse, quàm vt ex lapidibus faciat panes: idque verbis scripturæ confirmat. Non solo, inquit, pane pater ille cælestis suos alit, quod per Moysen ipse testatus est; sed omni verbo, hoc est ratione, qua illi placet: itaque lapidum mutatione nihil opus est. Hic ergo est sensus huius loci, & ad interrogationem Satanæ accomodatus, vt verbum non tam pro verbo Dei, quod docetur, accipiat, quàm pro omni effectu, quo Deus ipse vitam humanam tueri ac sustentare solet. Quod & occasio loci illius, vnde hæc scriptura sumpta est, planè docet. Querebatur enim populus in deserto, se pane carere: ostendit Moyses, Deum non vnā hanc viam habere panis, qua homines alat, sed sexcentas alias & meliores. Ita, etsi panem non dederit, longè tamen excellentiorem escam, cibum angelorum manna daturum: vt cognoscant omnes, non in solo pane hominē viuere, sed aliis infinitis modis, quibus homini potest prouidere.

*D. Chryso. in
Matth. Hom.
Oper. Imper.* IN sequente domino, inquit Chrysostomus, non infirmitas est, sed patientia: in ducente autem Diabolo non virtus, sed superbia est: quia volentē Christum non intelligens, quasi inuitum ducebat. Ille ductus est, vt nos voluntatem Diaboli non sequamur. Assumpsit, inquit, eum Diabolus in sanctam ciuitatem. 17

★ VOX diabolica est, mitte te deorsum. Vox tentationis & præcipationis, vt inquit Ambrosius, quæ mentem hominis de gradu altioris meriti deiicere contendit. vox insana & phrenetica, vox hæretica. In summo felicitatis cacumine fuit Lucifer: conuersus ad se, misit se deorsum, dum se plus quàm Deum amat, & periit. Nihil defuit in paradiso Eux: venit serpens, & dixit, Mitte te deorsum: mihi plus fidei habeas, quàm Deo: nequaquam moriemini. Paruit, in eandem ruinam traxit Adamum, & periit: sed & nos perdidit. Secundum cor Dei fuit homo Dauid: vidit Betſabæe: accessit tentator, & dixit, Mitte te deorsum: & cecidit, sed & subleuatus est. Magnus Salomon vidit mulieres Ægyptiacas & Æthiopissas: accessit tentator & dixit, Mitte te deorsum: & ex sapiente stultus factus est. Inclamauit Lutherus, & omnia claustra monachorum & monialium excitauit: Mittite vos, inquit, deorsum: melius est nubere quàm vri: & cum tanta sequacium manu periit. Credebat populus christianus, sub vna specie Christum sumi totum: inclamauit item Lutherus, vtrāq; opus esse, mitti deorsum oportere. Paruit populus, & in Zuinglianismum & Arianismum incidit, sub neutra Christum esse. Fides Catholica hæc fuit, vt credamus vnum Deum in Trinitate, & Trinitatem vnitatem: dixit Arius, Mitte te deorsum: & ruit aliqua pars populi Christiani vt dicerent, Christum Dominum prophetam solum esse, ac ne adorandum quidem. Seruauit quis virginitatem multos annos: colluctatur cum carne plurimum: accessit tentator & dixit, Mitte te deorsum: & ex virgine incoestuosus & sacrilegus factus est. Inter quadraginta martyres pugnant triginta nouem: accessit ad vnum tentator & dixit, Mitte te deorsum: glaciem relinquit, balneum petit, custos tormenti cælitus coronatur. Monachus quis per quinquaginta annos fuit: offertur conditio aulæ, sequitur, Mitte te deorsum. Quidquid igitur præter verbum Dei, quidquid præter institutum Ecclesiæ, quidquid præter constans & rectum propositum, hoc idem est, Mitte te deorsum.

NOTandum & illud, Dæmonū esse, seipſos mittere deorsum, Dei verò homines 19

mines erigere iacentes. Nam si potentiam oporteret ostendi, non semetipsum temerè proiciendo ac præcipitando ostenderet, sed alios profectò saluando. Cæterùm, seipsum in præcipitia ac prærupta proicere, diabolica est consuetudo: quoties istud aliqui faciunt, consilio seductoris agitantur. At CHRIS-
TUS etiam cùm ista dicta sint, nondum se tamen reuelat, sed quasi homo ei interim loquitur. Dicere enim, quia Non in solo pane viuet homo: & Non tentabis Dominum Deum tuum: non valde seipsum manifestantis erat, sed v-
num se ostendentis è cæteris.

20 **B**Is in hoc loco diabolus fallit. Primùm, quod in alio sensu psalmum in-
ducit, quàm ille scriptus sit. Nam hic psalmus de viro bono eiusque custodia
scribitur, non de Messia: sic enim Dauid orditur: Qui habitat in adiutorio al-
tissimi, in protectione Dei cæli commorabitur. Nam Messias, verusque filius
Dei, cuncta potius portare debuit, quàm portari. Deinde quòd decurtatum
psalmum allegat. Statim enim hoc sequitur: Super aspidem & basiliscum am-
bulabis, & conculcabis leonem & draconem. Quòd si addidisset, seipsum pro-
didisset.

21 **T**entare autem Deum, nihil aliud est, quàm præteritis aut rectæ ratio-
nis, aut naturæ, aut legis medijs, eius omnipotentiam explorare, num velit ac
possit temeritati nostræ succurrere. Tentat igitur Deum is, qui cùm nun-
quam discipulus fuit, doctor esse vult: qui sine pecunia & milite bellū suscipit:
qui sine labore ditescere vult: qui sine virtute Deo placere vult: qui sine pœni-
tentia Deum propitium sperat. Tentationis autem insigne illud exemplum est
apud Cassianum, de duobus adolescentibus, qui se ieiunare tam diu pacti sunt,
donec illis Deus cibum offerret. Obtulerunt prædones casu: alter dum esuri-
ret, accepit, comedit, refectus est: alter dum è cælo panem expectat, Deum
tentans, fame interit.

22 **N**atura sua auariciam idololatria comitatur. Vnde Paulus, Fugite auari-
ciam, inquit, quæ est simulacrorum seruitus. Et hoc loco, vbi primùm diabo-
lus de auaritia Dominum tentauit, statim ad idololatriam progreditur: Si in-
quit, procidens adoraueris me. Rectè autem ex alto monte ostendit illi regna
mundi, & gloriam eorum: de longè enim est pulcherrimus aspectus eorum:
nam propè vbi aspexeris, vilescunt, grauia sunt, nauseam pariunt. Rectè de
monte videntur, quia tam citò prætereunt, quàm si semel oculo circum-
spexeris.

23 **S**imile quid apud D. Gregoriū legimus, de Beato Benedicto. Is enim cùm
ad Seruandum Diaconum Abbatem visitationis gratia ex more venisset: atque
cæteris quiescentibus, ipse instans vigiliis, nocturnæ orationis tempora præue-
nisset ad fenestram stans, & omnipotentem Deum deprecans; subito intempe-
sta noctis hora respiciens, vidit fusam lucem desuper cunctas noctis tenebras
effugasse, tantoque splendore clarescere, vt diem vinceret lux illa, quæ in tene-
bris radiaffet. Mira autem res valde in hac speculatione secuta est: quia sicut
post ipse narrauit, omnis etiam mundus, velut sub vno solis radio collectus an-
te oculos eius adductus est. Quod quomodo fieri potuerit, præclare ibidem
explicat Gregorius.

VT magis quisq; eget, magisq; pauper miserq; est, sic alijs plura de se pol-
licetur, plusq; ab alijs honorari ac coli vult. Nihil est diabolo egentius, nihil
miserius, pedem in suo vbi ponat non habet: & tamen regna cæli pollicetur,
& tamen adorari vult, idq; ab illo, de quo dictum est, Initiò tu Domine terram
fundasti, & opera manuum tuarum sunt cæli. Diaboli proprium est, aliena
polliceri, & ambitioforum. Nebuloni ne credatis: neq; enim dare potest, cū
egentissimus sit: etsi dare posset, infelix pactio esset: *ἐχθρὸν ἀδωγα δῶγα*. Quid enim
dabit homo pro anima sua?

Non eadem est ratio, & vultus diaboli accedentis, & recedentis. Humilis
eremita venit, misericors, compatiens, scripturas allegat: at idem superbus,
inflatus, contumax in recessu, honores sibi diuinos vsurpat, adorari vult, alie-
na largitur: Si, inquit, procidens adoraueris me: quod idem hæresi euenit.
Quàm pulchra facies, quàm egregius vultus à principio hominum, vt videban-
tur, Euangelizantium bona, Euangelizantium pacem. In Christo dicebant
omnes spes reponendas, illi soli seruiendum, mortem eius esse vitam mundi:
at quàm deformis recessus, dubitare num Christus vnus sit cum patre, num a-
dorari debeat? Et ita plerumque ipsa fraus, etiamsi à principio multa simulet
& dissimulet, ad extremum se detegit.

Sæpè diabolus vera dicit: sed ad malum finem. Dixit nunc: Angelis suis
mandauit Deus de te, vt custodiant te in omnibus viis tuis. Verissimum hoc
fuit. Scribit enim Euangelista: Et accesserunt Angeli & ministrabant ei: At in-
intentio pessima, ambitio & ostentatio: quod idem hæresi euenit.

Difficilis est cognitio Dei, nec possibilis vnquam, nisi cui reuelatum fuerit
desuper à patre luminum. Nemo, inquit, nouit filium, nisi pater: neque pa-
trem quis nouit, nisi filius, & cui voluerit filius reuelare. Veterator iste fuit,
qui ad Christum Dominum tentandum accessit, Lucifer credo ipse. Neque e-
nim vulgarem quendam & minutiorem spiritum, tale certamen aggressum ar-
bitror. Legerat Prophetas, euoluerat legem, consilio Scribarum & Pharisa-
orum Herodisque interfuit: tempora computarat omnia, conscius credo &
natiuitatis fuit, stellam Magorum viderat, adorationem cernebat: neque ta-
men Christum cognouit: ideo nunc tergiuersatur, artes confingit, in omnes
partes se vertit, vt rem exploratam habeat. Cur ita? Nemo nouit filium, nisi pa-
ter. Lapis iste offensionis est, petra scandali omnibus superbis: in quam Ma-
nichæus, Arius, Nestorius, Eutyches, Dioscorus & reliqui omnes hæretici im-
pegerunt, & fracti sunt. Sed quæ causa, quòd nemo cognoscat filium, ni-
si pater? Beatus es, inquit, Simon Bariona, quia caro & sanguis non reue-
lauit tibi, sed pater meus qui in cælis est. Nisi concurrat cum creatura ad
aliquem actum, inquit Augustinus, nihil sufficere potest. Nam dæmon tantum
cognoscit, quantum illi permissum est, & quantum œconomie ratio postulat.
Tu igitur IESV CHRISTE, illumina vultum tuum super nos, & miserere nostri,
vt cognoscamus in terra viam tuam, in omnibus gentibus salutare tuum. Hæc
enim est via æterna, vt cognoscamus patrem tuum, & te filium eius dilectum,
quem ille saluti instaurandæ misit. Sistant ergo gradum nature Christi indaga-
tores vitiosi: Generationem eius quis enarrabit? inquit Isaias.

Quodsi

28 **Q**uod si tanta impudentia fuit veterator iste, ut non solum veritus non sit, filium Dei aggredi, eum de quo ipse tantum iudicauit, ut ad imperium eius lapides panes fieri posse dixerit; sed ita turpiter ac presumptuose aggredi, ut etiam illum iubeat procidere ante se, & adorare pedes suos: quantum hic audebit in nobis homuncionibus, qui puluis & umbra sumus, nisi cautè in omni vita ambulemus, & nisi præsens auxilium Dei semper nobis inuocauerimus?

29 **P**roprium est Diaboli exaltare, ut deprimat: eleuare ut deiiciat: quod in Christo facit, quem primò ponit in pinnaculo templi, deinde iubet se mittere deorsum: diuinum autem est, deiicere nos & humiliare, ut exaltet & glorificet. Bonum mihi, inquit Dauid, quia humiliasti me. Paret autem Christus Dominus *psal. 118.* in ascensu, sed in descensu nequaquam. Vbiq; autem Christus Dominus, etiam cum Diabolo, quietè & modestè se gerit, usque ad honorem Dei. Nam vbi sibi primum honorem diuinum sumere ausus est; tum demum obiurgat: Abi Sathana: non tentabis Dominum Deum tuum, sed illi soli seruias.

30 **I**mpudenter hoc loco mentitur Caluinus, Papistas negare, solum Deum adorandum esse: cuius contrarium ex ipsius definitione orationis docetur. Nam ille cultum Dei definit, si quis in eum spectet, ut finem: & cum bona creaturis attribuimus, quorum Deus vnicum se autorem volebat agnoscere. Quod cum Papista nullus doceat, neque faciat, Caluinus certè (ut leuissimè dicam) iniquè calumniatur, & talem adorationem ad se transfert.

31 **H**abet item specialem huius Euangelii expositionem Irenæus 5. lib. ca. 21.

32 **P**ost agones, palmæ & victoriæ; post certamina, coronæ; post contumelias, honores; post victorias, præmia consequuntur. Recedit tentator, & Angeli accedunt, & ministrant ei. Hæresis sine certaminibus triumphat. Leuissimè autem hoc loco de Christo Domino Caluinus, ac plus quàm Ariani. Quod autem, inquit, postea sequitur, angelos ei ministrare, ad solatium refertur; ut sentiret Christus se Deo Patri curæ esse, validoq; Dei præsidio munitum contra Sathanam. Nam ipsa solitudo mœrorem augere poterat, cum omnibus officiis priuatus inter feras degeret: quod etiam disertè notauit Marcus.

33 **S**ed antequam desertum deferimus, alloquimur te saluator noster: Domine IESU Christe, vbi sunt familiares tui, qui te in desertum comitantur? Vbi sunt vestes & indusia tua, quibus per quadraginta dies usus es? vbi est lectus tuus, in quo dormiebas? vbi sunt culcitre aut puluini, quos capiti tuo subiiciebas? Notent Christiani, quid sit verè ieiunare: ut non à folis cibis abstineant, sed etià ex omnibus vitæ commoditatibus aliquid detrahant. Vnde ille celebris Ecclesiæ cantus: Utamur ergo parciùs verbis, cibis & potibus, somno, iocis: & arctius perstemus in custodia.

34 **M**onet ante mille ducentos annos Ambrosius fideles, ut in quadragesima omni die Dominico offerant & communient: ac mundam vitam degant, omni die ad matutinum se conferant. Imponebant sibi quidā eo tempore quadraginta vniuersorum dierum silentium, ut Gregorius ille omni parte magnus; ut lætiores die Paschatis in illud primum verbum prorumpere possent *χρῆσθαι τῷ κυρίῳ*: alij

ἡμετέρας, id est humicubationes. Deum immortalem, quam nunc aliud Euangelium habemus, quam aliquando habebamus!

Vbi Christus Dominus baptizatus est, ubi Spiritus sanctus super eum descendit, ubi paterna vox ei testimonium dedit, ubi ieiunavit & tentatus est, vicit, & per omnia similis factus est fratribus: ut per omnia tētaretur extra peccatum. tum demum discipulos colligere coepit, tum demum Euangelium prædicare: ut in posterum omnibus exemplum daret, neminem posse esse magistrum, nisi prius discipulus fuerit; neminem illotis manibus ad Sacra accedere oportere, exemploque prius docendum esse, deinde voce: Cæpit **I**ESVS primum facere, deinde docere.

Initium Evangelicæ predicationis in Ioanne quod? pœnitentia. in Christo Domino quod? pœnitentia. Neque tamen ita, ut ea nos planè, certò ac omnino in regno cælorum reponat, sed ut appropinquet illud: Facite pœnitentiam, appropinquabit enim vobis regnum cælorum: id est beatitudo regni cælestis, quam præparavit fidelibus Deus. Ac si dicat, inquit Chrysostomus: Parate vos per pœnitentiam & patientiam, ad percipiendam beatitudinem regni cælestis: quia appropinquabit tempus mercedis reddendæ. Qui mala timetis aut concupiscitis bona, attendite, quia appropinquabit regnum cælorum. Si vos mala non terrent, vel bona delectent: aut si regna non concupiscitis, vel tormenta timeate. Gaudeant iusti, quia iam finiuntur mala eorum, & incipiunt bona. Lugeant peccatores, quia iam transeunt bona eorum, & incipiunt mala. Hæresis contrà, impossibile est, inquit, credentem damnari.

CHRISTVS Dominus in cōfiniis & vicinitatibus gentilitatis & Iudææ prædicare cæpit, ut ostēdat se omnium salutis causa venisse, nec quenquā damnari velle. Venite, inquit, ad me omnes, qui laboratis & onerati estis, & ego reficiā vos: Nolo mortem peccatoris, sed ut conuertatur potius & viuat. Ut qui purgat aream suam, aliquid spatii occupat extra aream, ne illinc subito pulvis & paleæ in aream deferantur: ita Christus Dominus extra Iudæam purgaturus, fines Galileæ gentium attigit, ne area sua proximè inquinetur: & ut paleis in finibus relictis frumentum in area cadat.

Communis formula vocationis Apostolicæ hæc est, Venite post me, faciam vos fieri pisces hominum. Venite, inquit, non stetis otiosi: non sedetis languidi, non iaceatis desides, non curretis non missi. Post me, non ante me: vanum est enim ante lucem surgere: hoc est ante crucem & tribulationes coronari. Sed neque mecum: hoc enim humanis viribus est impar; qui exultaui ut gigas ad currendā viam. At post me, ut quemadmodum ego feci, ita & vos faciat: quemadmodū ego vici mundū, & vos vincatis. Faciam vos: non vos ipsi, non genus, non aurū, non aulica obsequia, non potestas seculi, non municipiorum præsides, non mundus, sed nec astutæ & callidæ artes. Hæc autem formula primum terribilis: Qui vult venire post me, abneget semetipsum, & tollat crucem suam, & sequatur me: quod valde difficile est. Eadem tamen animum addit: Ego vici mundum. Læta & plena bonæ spei: In domo, inquit, patris mei mansiones multæ sunt. Sed simul docet: Quemadmodum, inquiens, ego feci, ita & vos fac-

vos faciatis. Vocantur autem ad discipulatum, prius quàm ad doctoratum. Contraria facit omnia hæresis: sed & aula, auliciq̃ue Monachi ac Philosophi.

39 **S**ED cur simplices & idiotæ ad eã dignitatem vocantur? vt ostendatur Dei sapientia & potetia simul. Tantò enim potentior est miles, quantò humilioribus & infirmioribus armis vincit: tantò artifex præstantior, quantò paucioribus opus habet instrumentis & vilioribus. Bonitas item diuina: in hoc enim eius clementia elucet, quòd deformia nostra & humilia non despicit; sed illis etiam vtitur ad confundendam superbiam mundi, & eius principis Diaboli, Regum ac imperatorum, qui ora sua in cælum posuerunt; philosophorum item & oratorum, qui illud occinebant: Labia nostra à nobis sunt, quis noster Dominus est? qui tantò turpius steterunt, quantò à vilioribus piscatoribus capti & irretiti sunt. Demum, quia similis doctrina, hoc est in oculis hominum humilis & abiecta, humilibus opus habuit doctoribus. Denique, vt ostendatur virtus & simplicitas prædicationis, in qua nullum locum potentia, nullum sapientia, nullam partem eloquentia potest ponere. Vltimò, ne ipsi prædicatores superbiant, ne quidquam sibi tribuant. Disertus fuit Plato: Iouem ipsum, si cum mortalibus loqui vellet, non alia lingua locuturum fuisse dicebant: hic tamen Syracusis vrbi vnica persuadere non potuit, vt dogma suum sequeretur, etiam si eius causa in manibus pyratarum captus fuerit: isti orbem terrarum, infantes & imbecilles, Domino cooperante, vicerunt.

40 **S**ED cur piscatoribus potissimùm hoc tale committitur officium? Si mundi quidem prudentiam spectes, infanti hoc simillimum esse videtur, ex piscatore doctorem fieri: si autem Dei sapientiam, admirabilis quædam est sapientia; partim quòd nullum artificium est, quod minus cum hominibus contrahat, minusque in se præsidij ad hoc tantum munus habeat: partim, quòd nulla imago, nullum exemplar, ne cogitari quidem potest, quod apostolicam functionem melius exprimat, siue locum predicationis spectes, siue officium & functiones, siue auditores, siue apostolos. Quæ omnia qualia sint, paucis expendamus.

41 **L**OCUM imprimis. Piscatores enim in mari venantur, Apostoli in mundo: vastum vtrumque: hoc mare magnum & spaciosum manibus, illic reptilia, quorum non est numerus. Incertum mare, incertus mundus: naufragantur in mari multi, plures in mundo: rari boni, & ad victum accomodati pisces in mari, rariores homines in mundo boni: insolentes maris pisces, naues euertunt; longè in mundo insolentiores, qui totas gentes pessumdant. Sed de loco satis.

42 **F**UNCTIONES & officia explicemus. Solos pisces quærunt piscatores; non aquam, non herbas, non ligna, non lapides: solas animas quærere debet vir Apostolicus, iuxta illud: Da mihi animas, cætera tolle tibi. *Gen. 14.*

43 **Q**UÆRUNT continuò & multo labore piscatores: Tota, inquit, nocte laborantes nihil cepimus; quærebant & Apostoli: Abundantius illis omnibus laboraui, inquit Paulus. Quærunt prudenter, & simpliciter tamen: idem fecerunt Apostoli, secundum Christi præceptum: Estote prudentes sicut serpentes, & simplices sicut columbæ. *Luc. 5. 1. Cor. 15. Mat. 10.*

Ioan. 7.

Sæpius paruos quàm magnos pisces capiunt piscatores: idem Apostolis 44
euenit, sicut fatentur Pharisei: Numquid, inquentes, ex principibus aliquis
credidit in eum, aut ex Phariseis? Sed turba hæc, quæ non nouit legem, male-
dicti sunt.

1. Corint. 3.

Extendunt illi retia tantum, cætera Deus præstat: idem Apostolicis viris 45
euenit: Paulus enim plantat, Apollo rigat, Deus autem incrementum dat.

Et quod caput est, neque in syluis, neque in montibus, neque in pratis ve 46
natur piscator; sed tantò minus in bello, aut in aula, aut in schola: eodem mo-
do vir Apostolicus, debet ad suum littus piscari pisces, vt semper illi pendeat ha-
mus. Nostra non residentia extremum vitium est piscationis nostræ. Quid ca-
piet piscator, extra littus & aquas? Doctus inquit, vir est, optimè de Repub.
meritus, veteranus miles, homo vrbanißimus, hospitalis, scriptor egregius, phi-
losophus insignis. Sed quid ad rem, si ad littus non est? sit licet sapientissimus
piscator, capiet tamen nullum piscem: capietur ipse potius, vel à mundo, vel à
carne, vel à diabolo. Solius Dei est, absentem operari.

Quod si auditores accipias, magna similitudo est: nam pisces homines esse, 47
Christus Dominus interpretatus est: Faciam vos, inquit, pisces hominum.

Quid enim est similius pisci, quàm homo? Non ambulant pisces, sed feru- 48
tur. Sed & nos non quò volumus tendimus, sed quò ferimur & rapimur: vn-
de perpetua vota & querele, nusquam nos tutò consistere.

Hexem. libr.
5. cap. 5.

Viuunt pisces maiores minoribus: sed & homines eodem modo, potentes 49
debilioribus. Quid enim illi purpurati, illi maiores pisces comederent, nisi suos
colonos ac subditos, minores pisces deuorarent? Vnde illud Platonis: Iustum
est, quod potentiori est vtile. De quo genere piscium pulchrè D. Ambrosius:
Sanè nec pisces, inquit, à suis potentia euasere violentiam; & auaritiæ potenti-
orum subiecti vbique inferiores sunt. Quò quisque infirmior, eò prædæ patet.
Et plerique quidem herbis pascuntur ac minutis vermibus. Sunt tamen qui in-
uicem se deuorent, & sua carne pascantur. Minor apud illos esca maioris est:
rursus ipse maior à validiore inuaditur, & fit esca alterius, prædator alieni. Itaq;
vfu venit, vt cum ipse alium deuorauerit, ab alio deuoretur: & in vnum ven-
trem vterque veniat cum voratore proprio deuoratus; sitq; simul in vno visce-
re prædæ vindictæque consortium. Et ipsis sponte hæc accreuit iniuria, sicut in
nobis, non ex natura coepit, sed ex auaritia: aut quia ad vsum hominum facti
sunt, aut quia in signum dati; vt in his nostrorum morum vitia videremus, & ca-
ueremus exempla, ne quis potior inferiorem inuaderet: daturus in se potentio-
ri exemplum iniuriæ. Itaque, qui alterum lædit, sibi laqueum parat, in quem in-
uadat. Et tu piscis es, qui viscera inuadis aliena, qui demergis infirmum, qui
sedentem persequeris vsque in profundum. Cate, ne dum illum sequeris, inci-
das ipse in validiorem: & deducat te in alienas insidias, qui tuas vitat, prius-
que tuam spectet ærumnam, qui te persequente propriam reformidabat.

Nusquam apparent dormire pisces: in perpetuo motu sunt: quiescunt nun- 50
quam

quam: nihil tamen agunt, opus nullum relinquunt. Videre est in clara aqua, alios progredientes, redeunt alios, in lacus euntes alios, tanquam in comitiis aliquibus sis: nihil tamen proficientes. Sic homines in hoc mundo agere sibi aliquid videntur, agunt tamen nihil: curfant, anhelant, negotiis instant profectu nullo. Vnde illa Senecæ humanorum actuum distinctio: Homines vel aliud agere, vel nihil agere, vel malè agere.

51 **V**Ltimò pisces certas sedes nullas habent, semper commigrant: ita homines in vita, nusquam habent ubi certò conquiescant: nunquam quiescunt, semper de mutandis sedibus cogitant.

52 **E**T vt propius ad præsens negotium accedamus, viuunt per aquam & in aquis pisces: uiuit item populus Christianus per baptismum & sacram ablu-
tionem. Quod enim nobis spiritus, illis est aqua. Sicut nobis spiritus, ita illis aqua viuendi ministrat substantiam, dicebat Ambrosius. Et quemadmodum pisces, si vel modicum in terram prodeunt, statim languescunt, ac ad extremum moriuntur: sic homo Christianus, ubi primùm deseruerit fœdus in baptismo ictum, fidemque datam fregerit, ad mundi autem castra transierit, terramque attigerit, statim inficitur primò; ac si amplius progressus fuerit, moritur ac perit. Verè igitur Apostoli piscatores, verè homines pisces.

Hexe. 5. c. 4

53 **V**erùm in hoc simili videtur vnum esse dissimile: nam piscatores quærunt quidem pisces, vt occidant; Apostoli, apostoliciq; viri, quærunt pisces vt excitent, & conferuent. Quamuis & in hac dissimilitudine est quidã consensus: nam & si ad vitam Apostoli vocent, prius tamen occidunt & interficiunt; occidunt quidem & interimunt mundo, vt Christo resuscitent ac viuificent. Translati, inquit Ioannes, estis à morte ad vitam. Et Petrus, Mortui peccatis, iustitiæ viuamus. Vnde Iustinus Martyr quærît: Si, inquit, ad mortem & corruptionem piscatores capiunt ex aquis pisces, quâ fit, vt in vitam æternam adducturus homines Christus Dominus per Apostolos, promiserit se facturum eos piscatores hominum? Mox idem ipse subiicit responsionem: Quoniam oportebat, inquit, eos homines, qui ab Apostolis è verriculo regni caperentur, mori ab antea acta in peccatis vita: propterea capturæ piscium assimilauit Dominus capturam hominum.

1. Ioan. 3.

1. Petr. 2.

54 **Q**ui autem primi vocantur, alter ab obedientia, hoc autem est Simon; alter à fortitudine, hoc est Andreas vocatur: partim quòd in obedientiam fidei vniuersum populum Dei vocare debebant: partim quòd per multas tribulationes & angustias illos oportebat functionibus suis satisfacere. Vocantur fratres, nam Ecclesia vna domus esse debuit, cuius glutinum charitas est. Qui igitur quasi primi lapides huius ædificii esse debuerunt, hos maximè coniunctos esse oportuit, vt reliquum ædificium firmitus hæreat. Nam sicut in corporali ædificio lapis ad lapidem cœmento mediante constringitur: sic in ædificio Ecclesiæ Christianus ad Christianum charitate mediante connectitur, dicebat D. Chrysostomus. Eodem modo synagoga in duobus fratribus Moyse & Aaron à principio fixa fuit. Fortissimè autem illa hærent, quæ non gratia solùm, sed & naturâ iungit. Funiculus triplex difficilè rumpitur. Vocantur autem ad func-

D. Chryso. in

Matth. Hom.

7. Op. Imper.

onem simul illi, qui aliquando parem infamiam pro Christi nomine subituri erant, vtrique in crucem Domini agendi: & qui erant habitatione conciuēs, dilectione concordēs, arte officii pares, fraternitate pietatis coniuncti: inter quos tot rebus bonis coniunctos separatio non erat metuenda, quæ plerumq; ex dissimili vocatione oriri solet.

*In Mat. hō. 7.
Op. imper.*

Notat D. Chrysostomus, Zebedæi filios reliquisse nauem; vt fierent Ecclesiasticæ nauis gubernatores: reliquisse retia; vt iam non pisces apportarent ad ciuitatem terrenam, sed homines ad ciuitatem cælestem. Reliquerunt vnum patrem; vt fierent omnium spiritualium genitores.

*In Mat. hō. 8
Op. imp.*

ET si Christus Dominus hos tales socios & ministros doctrinæ vocauerit, non ipse tamen à prædicatione ac reliqua spiritali functione desiit; sed eò magis ipse dux ac exemplum suis factus, circuibat totam Galilæam, docens in Synagogis eorum, & prædicans euangelium regni, & sanans omnem languorem & omnem in populo infirmitatem. Circuibat totam Galilæam, inquit D. Chrysostomus: sicut studiosus medicus circumit grauitæ ægrotantes: singulis quibusq; passionibus adhibens congruas medicinas: quia debiles illi ad medicum venire non poterant. Contrarium nos facimus, qui cuncta per vicarios ac substitutos confici volumus: per illos fortasse etiam coronandi, ac præmia reportaturi.

Prædicatio, præsertim in principibus & ducibus diuinæ doctrinæ, nunquam à miraculis distincta fuit. Verbum enim Dei est epistola: miracula autem sunt sigilla & obsignationes eius epistolæ. Et doctrina quidem, est ædificium: eius autem edificiū bases & crepidines, miracula sunt, teste Augustino. Quibus testimoniis ac documentis cum hæreses careant, ad diuinam doctrinam sua figmenta referre non possunt. Obtulerunt inquit ei omnes male habentes, variis languoribus & tormentis comprehensos, & qui dæmonia habebant, & lunaticos & paralyticos; & curauit eos.

Caput V.

SENSVS
EVANGELII.



QUONIAM notæ nobis colligendæ sunt ex verbis & doctrina Christi, omni philosophia & sapientia humana sublimioribus; ideo primò nobis sensus illorum ac cohærentia & continuatio declaranda est, postea ex his notæ colligendæ, quandoquidem ex ignoto nihil notum colligitur.

Isaia. 33.

Postquam Euangelista ortum & natiuitatem legislatoris nostri descripsisset, puericiam item & apparatus, ac futuros ministros & dispensatores mysteriorum Dei; nunc ipsam legislationem aggreditur: quidquid mentiatur Calvinus, qui hanc non legis perfectionem, sed Scribarum & pharisæorum reprehensionem, sine autore & ratione temerè narrat. Contra enim scriptura: Dominus, inquit, rex noster, Dominus legifer noster. Vt ergo Moses quondam à Deo accepturus legem, montem ascendit, legem accipit, admirabilis apparet: ita nunc legislator noster montem ascendit, sed altiore longè quàm Moses, vt cuius

cuius lex vltra omnium montium cacumina, omnium Regum ac sapientum doctrinam extolli debuit, longèquæ à terra remoueri; & vt montes æterni, sancti Apostoli, suscipiant iustitiam, paulopost populo tradendâ. Ascendit super montem excelsum, qui euangelizat Sion. Cuius ascensus eas causas narrat D. Chrysostomus. *D. Chryso: in Matth. Hom. 9. Op. Imper.* Prima est inquit, vt mysterium pietatis ostenderet. Ascensio enim eius, est altitudo virtutum. Ascendit ergo in montem, vt ostendat nobis, quoniam in altitudine spiritualium virtutum consistere debet, qui docet iustitiam Dei, pariter & qui audit. Qui docet, verborum suorum sit ipse exemplum; vt magis opere doceat, quàm sermone: sicut ait Apostolus ad Thimotheum: Exemplum esto omnium fidelium. Qui autem ambulat per conuallia vitæ terre- *1. Tim. 4.* ne; obscuras semitas calcât, & loquitur altos sermones: non alterum instruit, sed seipsum castigat. Nemo enim potest in valle stare, & de monte loqui: sed aut vbi stas, inde loquere: aut vnde loqueris, ibi sta. Si in terra est animus tuus, vt quid de cælo loqueris? Si ergò in terra tu stas, de terra loquere: si autè de cælo loqueris, in cælo confiste, vt dicas cum Apostolo: Nostra autem conuersatio in cælis est. *Philipen. 3.* Ille autem populus, qui audit iustitiam Dei, ideò debet in altitudine bonorum operum consistere, quia discipulus imitator esse debet magistri. Si autem in peccatis viuas, & audias iustitiæ verba docentem; iudicium tibi, non salutem acquiris. Audis enim, vt ne vel ignorantie excusationem habeas ante Deum. Altera illa ratio est. Ascendit in montem, vt illic discipulis suis mysteria traderet veritatis; ostendens, quoniam omnis, qui vult discere mysteria veritatis, in montem Ecclesiæ debet ascendere. Sed non in omnem montem; sed in montem vberem: sunt enim & hæreticorum montes, non autem vberes, sed coagulati: in quibus non veritatis mysteria traduntur; sed mendacia expugnantia veritatem. Ideo & eos, qui in tales montes ascendunt, reprehendit Spiritus sanctus per Prophetam dicens: Vt quid suspicitis montes coagulatos? Coagulati enim montes dicuntur hæresium Ecclesiæ, quia coagulatum est sicut lac cor eorum. Aperit igitur os suum, qui quondam ora Prophetarum aperire solebat: sed & tanquam auctoritatem habens, non tanquam Moses fidelis seruus in domo Domini, sed tanquam filius & hæres. Et vt procul dubio disceremus, quòd non cum loqueretur modò, verum etiam cum taceret, docebat: nunc quidem os aperiens, nunc verò ipsis vocem operibus emittens. Propterea docens ad discipulos quidem respicit, verum nequaquam in eis sua dicta determinat; sed infinite & incircumscripse cunctas beatitudines in commune proponit. Non enim dicit, beati estis vos, si pauperes fueritis, sed beati pauperes.

3 **O**Rditur autem legislationem suam à fine legum, ad quem omnia referri solent, & sine quo irritus est omnis labor & vanus. Proponitur autem finis legis, bona cæli: quemadmodum Moses proposuit terræ bona: vt qui de cælo est, vera & cælestia loqueretur, qui ex terra, terrena. Ita autem proponuntur bona cæli, vt in loco adiectionis proponantur etiam bona terræ, iuxta illud: *Matth. 6.* Primùm quærite regnum Dei, & hæc omnia adiicientur vobis. Longè autem alium finem ponit felicitatis ipse legislator, & alium transfuge serui. Hi fidem solam in Dominum iactant: Dominus autem labore, studio, vigilantia & opere opus habet.

4 **N**on solum omnibus simul bonis operibus merces sua proposita est, sunt-
D 4 que me-

que meritoria, quod Lutherus, Calvinus, & alii bonorum operum oſores & ini-
mici negant; ſed ſingulis etiam operibus ſingula proponuntur mercedes. Bea-
ti pauperes, quoniam ipſorum eſt regnum cælorum. Beati mites, quoniam ipſi
poſsidebunt terram. Primò igitur in vnaquaque benedictione, opus & labor
proponitur, deinde præmium adiungitur.

Primus ergo lapis, primum fundamentum legis Chriſti eſt, humilitas: Be-
ati, inquit, pauperes ſpiritu, hoc autem eſt humiles, ac nihil de ſe præſumen-
tes, ac ne magnum quid affectantes quidem: de quibus illud: Humiles ſpiritu
D. Chryſo. in ſaluabit Dominus. Quam quidem humilitatem in pulcherrima illa ſua virtutis
Math. Hom. pictura, Magnus Chryſoſtomus pro capite appoſuit virtuti. Quod igitur eſt,
48. op. imp. inquit, virtutis caput? Humilitas certe. Quapropter ab ipſa Chriſtus incipit di-
cens: Beati pauperes ſpiritu. Hoc caput, etſi nec cæſariem, nec crines habeat;
Iſa. 66. ſic tamen pulchrum eſt, vt Deum ad ſeipſum attrahat. Ad quem enim aſpiciam,
ait, niſi ad pauperculum, & contritum ſpiritu, & tementem ſermone meos.
Idem D. Chryſoſtomus: pauperes ſpiritu: humiles mente, atque contritos ſpi-
ritu interpretatur. Spiritum enim hîc poſuit pro anima & voluntate: quem illi
Danielis 3. tres pueri pro magno ſacrificio obtulerunt Deo, dicentes: In ſpiritu humilita-
tis, & in animo contrito ſuſcipiamur à te Domine. Sed quo præmio beati? quia
ipſorum eſt regnum cælorum. βασιλείαν intelligit, regiam ſedem: id eſt in ſum-
mi regis arce & gloria manebunt. Fundamentum ergo regnandi, humilitas eſt.
Pſal. 50. Hoc fundamentum iecit, Dauid: Cor, inquiens, contritum & humiliatum,
Luc. 1. Deus non deſpicias. hoc mater ſancta: Quia reſpexit humilitatem ancillæ ſuæ.
Mat. 11. hoc ipſe Meſſias exemplum dedit: Diſcite, inquit, à me quia mitis ſum, & hu-
milis corde. Vnuſquiſque enim humilitate ſuppoſita, tutiſſimè cuncta alia ſu-
perponit ædificans: hac verò ſubducta, etiãſi ad ipſum vſque cælum conuerſati-
onis ſublimitate peruenias, ſimul omnia ſubtrahuntur, atque in finem peſſimū
relabuntur. Nam ſiue orationem, ſiue ieiunium, ſiue miſericordiam, ſiue pud-
icitiam, ſiue aliud quid bonorum abſque humilitate congreges, ſtatim cuncta
defluunt, cunctaque depereunt. Non poſſum autem intelligere, quam inter-
pretationem huius loci adferat Calvinus, vt veterem extenuet. Minimè, in-
quit, dubium eſt, pauperes vocari, qui rebus aduerſis premuntur. Nam hac de
re alia inſtituetur oratio: Beati qui lugent, & qui perſecutionem patiuntur.

Secundus lapis felicitatis eſt, luctus. Beati, inquit, illi qui lugent, quoni-
am conſolabuntur: Quod quidem videtur contra totius mundi pugnare ſen-
tentiam. Cùm enim omnes putent, gaudentes beatos eſſe ac felices, eos verò
qui in mœrore, pauperie, luctuq; verſantur, miſeros exiſtiment; hos ipſos pro
2. Corint. 7. illis appellat beatos, dicens: Beati qui lugent. Quod ſignificabat & Paulus di-
cendo: Quæ ſecundùm Deum triſtitia eſt, pœnitentiam in ſalutem ſtabilem
operatur: ſeculi autem triſtitia mortem, operatur. Lugent autem, non ſub
Coloſ. 1. cruce; Gaudeo, inquit Paulus, in paſſionibus: neque ſub rebus aduerſis;
Rom. 5. tribulatio enim patientiam operatur; ſed ſub onere peccati, non ſui tantum,
2. Corint. 12. ſed totius orbis, iuxta Paulum: Ne lugeam multos, qui ante peccauerunt, &
2. Corint. 11. quam geſſerunt. Et alio loco. Quis ſcandalizatur, & ego non vror? Tribulatio
operatur patientiam, patientia probationem, probatio ſpem, ſpes autem non
confundit.

confundit. Euntes ibant & flebant, mittentes semina sua : venientes autem venient cum exultatione, portantes manipulos suos. Vnde D. Chrysostomus : *Psalm. 125.*
Beati qui lugent, non sua tantum, sed & aliena peccata. Qua spe & præmio ? *In Math. 110.*
quoniam, inquit, consolabuntur. Absterget Deus omnem lacrymam ab oculis san- *mil. 9. Oper.*
ctorum suorum, & mors ultra non erit, neque luctus, neque clamor, neque *Imper.*
dolor erit ultra, quæ prima abierunt. Hyems transiit, imber abiit & recessit. *Apocalip. 21.*

7 **T**ertius lapis ciuitatis Dei est, mitem esse, mansuetum, placidum, non pug-
nacem, non ferocem. Sed quo præmio ? Quoniam ipsi possidebunt terram. Quod
primum Hieronymus refert ad terram viuientium : Videbo, inquit, Deum in
terra viuientium ; in adiectione tamen, etiam de terra hac nostra interpretan-
tur patres. Cernere enim licet contumeliosissimum quemque & maxime liti-
giosum, turbulentumque & insolentem, pauperem ac egentem, quasi semper
esse : at homines mites, mansuetos, & quietos, locupletes, & diuites, & aliis præ-
esse videmus. Hinc illud Dauidis : Mansueti hæreditabunt terram, & delecta- *Psalm. 36.*
buntur in multitudine pacis. Et paulò ante : Noli æmulari, ut maligneris : quo-
niã qui malignantur, exterminabuntur : sustinentes autem dominum, ipsi hæ-
reditabunt terram. Quod si non semper in ipsa possessione rei accidit ; in usu ta-
men terræ ac omnium commoditatum hoc maxime apparet. Nemo enim me-
lius, nemo plenius, nemo iucundius rebus creatis à Deo utitur, quam homo
mitis & quietus. Qui conturbat domum suam, possidebit ventos, Salomon in- *Pouer. 11.*
quit. Nam homines inquieti & turbulenti, non modò rebus suis, sed ne ipsi
seipsis rectè uti possunt : qui ne cibi quidem capiendi aut somni liberum tem-
pus habent. Nam in vita tumultuosa, quamuis terræ quis Dominus sit, omnia
tamen possidendo nihil possidet. Mitissimi fuerunt Apostoli : & constituti sunt
principes super vniuersam terram, quam usque adhuc tenent. Præest etiam
nunc Iacobus Hispaniæ, tenet Thomas Æthiopiam : Paulus & Petrus Vatica-
num : tenent alii alias orbis partes, ut Antipodes sibi quoque esse videantur.
Idem D. Francisco, Dominico, & Benedicto euenit. Beati ergo mites, quoni-
am ipsi possidebunt terram. Habet etiam Irenæus suam huius loci expositio- *Irenæus lib. 3.*
nem. Quasi hæreditate possideatur terra in regno, vnde & substantia carnis *cap. 9.*
nostræ est ; & ideo mundum templum esse vult, ut deleatur spiritus Dei in eo,
quemadmodum & sponsus ad sponsam. Sicut igitur sponsa assumere sponsum
non potest, assumi autem à sponso potest ; cum venerit & acceperit eam spon-
sus : sic & caro hæc, secundum seipsam, id est sola regnum Dei hæreditate pos-
sidere non potest : hæreditate autem possideri in regno à spiritu potest : hære-
ditate enim possidet, qui viuificat ea, quæ sunt mortua. Et aliud quidem est
hæreditate possidere, aliud autem hæreditate possideri. Ille enim dominatur
& præest, & disponit ea quæ hæreditate possidet, quemadmodum ipse velit :
illa verò subiecta sunt & obediunt, & dominantur ab eo, & sub dominio sunt
eius qui possidet.

8 **Q**uartus lapis est spiritualis ædificii, esurire & sitire iustitiam : hoc est, sum-
mo studio desiderare, ut & nos ipsi, & alii omnes iusti simus ; hocque illud est,
quod in oratione Dominica toties repetimus : Sanctificetur nomen tuum : ad-
ueniat regnum tuum : fiat voluntas tua, sicut in cælo & in terra. Quæ autem
alia est voluntas eius, nisi sanctificatio & iustitia nostra ? Quamvis enim non
sit in po-

Ezech. 9.

Psal. 16.

Ioan. 4.

In Math. hō.

9. ope. imp.

Psal. 80.

Psal. 40.

1. Corint. 6.

Iob 19.

Psal. 26.

Psal. 50.

fit in potestate nostra, ex immundo mundum fieri: esurire tamen & sitire iustitiam, etsi totus orbis nos ridere, ac nos subsannare pergeret; id tamen omnibus modis velle testarique debemus. Quodsi non facimus, peccamus. Iuxta illud Ezechielis: Transi per mediam ciuitatem in medio Ierusalem: & signa Thau super frontes virorum gementium, & dolentium super cunctis abominationibus, quæ fiunt in medio eius. Et illis dixit audiente me: Transite per ciuitatem sequentes eum, & percutite: non parcat oculus vester, neque misereamini, senē, adulescentulum & virginem, paruulos & mulieres interficite vsque ad interuersionem: omnem autem super quem videritis Thau, ne occidatis. Pulchrè autem loquitur, esurire & sitire: qui enim esurit, se saturum esse non iudicat: ita qui iustitiam esurit & sitit semper, nunquam se iustum arbitratut, fatagit, contendit, conatur, vt pulchrè D. Hieronymus testatur. At quo præmio? Quoniam ipsi saturabuntur: hñc nequaquam; sed vbi apparuerit gloria Dei: Satiabor, inquit Dauid, cum apparuerit gloria tua. Hanc esuriem & sitim nullæ opes, voluptates nullæ, honores nulli complere possunt. Omnis qui bibit, inquit Saluator, ex aqua hac, sitiet iterum. Qui autem biberit ex aqua, quam ego dabo ei, fiet in eo fons aquæ salientis in vitam æternam. Quoniam, inquit D. Chrysostomus, maiora erunt præmia Dei, quàm desideria auara sanctorum. At famem hanc & sitim non complet philosophia, non aula, non mundus vniuersus. De qua facietate magnificè virgo sancta: Esurientes, inquit, impleuit bonis, & diuites dimisit inanes. Et longè antè auus eius Dauid: Dilata os tuum & implebo illud. Beati ergo, qui esuriunt & sitiunt iustitiam, quoniam ipsi saturabuntur.

Quintus lapis est ædificii Dei: Beati misericordes, quia ipsi misericordiam consequuntur. Illud autem complectitur caput hoc, vt non tantum peccatis nostris & aduersis moueamur, sed etiam alienis, ad eaque subleuanda parati simus; vt qui à maioribus misericordia opus habemus, eandem inferioribus præstemus. Sed quo præmio? primo & summo: beati misericordes, quoniam & ipsi misericordiam consequuntur. Quem locum Dauid explicat: Beatus vir, qui miseretur egenum & pauperem, in die mala liberabit eum Dominus. Versabit Deus lectum eius in infirmitate eius. Consequuntur autem misericordiam, apud Deum in primis, apud homines deinde. Hæc est merces illa, quam omnes magni & sancti concupierunt: Miserere mei Deus, dicebat Dauid, secundum magnam misericordiam tuam, sic & alii.

Sextus lapis felicitatis est, purum cor. Beati mundo corde, quoniam ipsi Deum videbunt. Templum enim Dei, inquit Hieronymus, pollutum esse non debet. Glorificate, inquit, & portate Deum in corpore vestro. Mundum autem cor dicitur, quod non modò carnem, sed etiam cogitationes omnes mundas & castas conseruat. Vas putidum, inquit Nazianzenus, vnguenta non conseruat. Referunt tamen alii ad simplicitatem & sinceritatem cordis illorum, qui in corde & corde non loquuntur cum proximo suo. Merces autem mundi cordis quæ? Visio Dei: quam ille exoptat, qui ait: In carne mea videbo Deum saluatorem meum, ego ipse & non alius. Et ille alter: Credo videre bona Domini in terra viuentium. Vt enim speculum tum demum capit rerum species, inquit Chrysostomus, si mundum sit: sic ipsum cor mundum admittit Dei aspectum. Tale autem cor exoptat sibi Dauid: Cor, inquit, mundum crea in me Deus, & spiritum rectum innoua in visceribus meis.

Septimus

SEptimus lapis preciosus est cælestis doctrinæ: Beati pacifici, quoniam filii Dei vocabuntur. Pacificus autem dicitur, qui non solum ipse pacem habet ad omnes; sed etiam eiusdem se pacis ducem & authorem, & conciliatorem facit: ita tamen, ut primum pacem in seipso habeat. Quid prodest, inquit Hieronymus, alios pacificare, si in nostro animo sunt bella? Sed quo præmio? Illo inquam, ut filius Dei quis sit, & vocetur. Filiorum enim est, vnius voluntatis esse in domo: Qui habitare, inquit, facit vnius moris in domo. Quemadmodum *Psal. 67.* autem illi, qui pacem inter homines faciunt, filii Dei sunt: ita qui dissidia, schismata, hæreses conciliant, merito filii diaboli dicendi sunt. Sex odit Dominus, *Prouerb. 6.* inquit Salomon, & septimum detestatur anima eius: oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes veloces ad currendum in malum, proferentem mendacia testem, fallacem, & eum qui seminat inter fratres discordias. Quisquis ergo, dicebat Magnus Gregorius, patris æterni hæres esse desiderat; filius existere, pacem custodiendo, non renuat. Nam qui locum præbet discordiæ; ipse profecto tanti se muneris exortem esse constituit.

Vltima obfignatio angularisque lapis felicitatis Christianæ est: Beati, qui persecutionem patiuntur propter iustitiam: ipsorum enim est regnum cælorum. Propter iustitiam. Nemo, inquit Petrus, vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine: ipso Domino exhortante: Si me persecuti sunt, & vos persequentur: si meum sermonem audierunt, *1. Pet. 4.* & vestrum audient. Si mundus vos odit, scitote quia me priorem vobis odio habuit. &c. Si in viridi ligno hæc faciunt, in arido quid fiet? Sed quo tandem fine? Quoniam ipsorum est regnum cælorum: in quo omnia regna, & iustitia. *Ioan. 15.* *Luc. 23.*

Atq; hi sunt fines bonorum & malorum populi christiani, qui ad tres illas principes virtutes referuntur, iustitiam, charitatem, & pietatem. Quibus propositis, ad cohortationem suorum confert se legislator cælestis. Beati estis, cum maledixerint vobis homines, & persecuti vos fuerint, & dixerint omne malum aduersum vos mentientes, propter me. Nam si vera dixerint, tunc vos maledicti propter scandala & offensiones. Ut enim maledictum contemnendum est, inquit Hieronymus, quod beatitudinem creat: ita illud fugiendum, cui ipsi causam dedimus. Inter verba laudantium atque vituperantium, inquit Gregorius, ad mentem semper recurrendum est: & si in ea non inuenitur bonum, quod de nobis dicitur, magna tristitia generari debet. Et rursum, si in ea non inuenitur malum, quod de nobis homines loquuntur; in magnam debemus lætitiā proflire. Quid enim si homines laudant, & conscientia accuset? Aut quæ debet esse tristitia, si omnes accusent, & sola conscientia nos liberos demonstret? Habemus Paulum dicentem: Gloria nostra hæc est, testimonium conscientie nostre. Iob quoque dicit: Ecce in cælo testis meus. Si ergo testis est nobis in cælo, testis in corde, dimittamus stultos foris loqui, quod volunt. Quid aliud detrahentes faciunt, nisi in puluerem sufflant, atque in oculos suos terram excitant; ut vnde plus detractiones perflant, inde magis nihil veritatis videant? Quisquis enim vana gloria non delectatur, blasphematus mendaciter

In Math. hō. 9. oper. imp. daciter, non tantum mendacia illa magnanimitate fert, sed gaudet etiam, ut docet Chrysostomus. Nam qui concupiscit quæ in cælo sunt, opprobria non timet in terris: nec cogitat quid loquantur homines propter ipsum, sed quid iudicet Deus de ipso. Qui enim lætatur de laude hominis, & quantum lætatur, tantum contristatur: ille & de vituperatione hominum contristatur, & tantum contristatur, quantum lætatur. Qui autem de laude hominum non extollitur, nec de vituperatione humiliatur. Vnusquisque ubi gloriam quærit, illic timet confusionem. Qui gloriam quærit in terris, confusionem timet in terris. Qui autem gloriam non quærit, nisi tantummodo apud Deum; ille non timet confusionem, nisi tantummodo Dei. Considera verò, inquit idem Chrysostomus, post quot mandata idipsum locarit. Non enim hoc absque certa ratione fecit; sed quia voluit ostendere, quod nisi quis, illis, quas superius posuit, armatus fuerit, ornatusque virtutibus, ad hæc nequaquam possit prodire certamina. Propterea de priore semper etiam mandato, sequentis viam struens, auream quandam nobis coronam texuit. Cum enim quis humilis fuerit, etiam sua omnino lugebit peccata: qui autem luget, idem & mitis erit, & iustus, & misericors: at misericors & compunctus omnino etiam puro erit corde. Qui vero talis est, erit etiam profectò pacificus. Porro, qui ista perfecit, erit absque dubio ad pericula præparatus, nec ad maledicta vlla prorsus terrebitur, etiam si mala quoque mille patiatur.

NOTÆ.

Quo loco notandum est, tractasse hoc de finibus bonorum & malorum argumentum omnes ferè veteres sapientes: & ita tractasse, ut nihil prolixius; ita ut differentiarum sectarum inde natæ, videantur volumina maxima compleuisse. Quis enim vnquam philosophatus est, inquit Tullius, non propositis finibus bonorum & malorum? Itaque D. Augustinus, ex Varonis sententia, quingentas opiniones de summo bono, inter se diuersas & dissidentes recenset. Quibus tamen disputationibus hoc solum profecerunt; ut dum alter alterum confodit, se testentur omnes errasse, ac nihil solidum hac de re pronunciare potuisse. Itaque ipsi, vel in vado quodam, breuibusque consistentes, dum quò progrediantur non haberent, cælitus aliquem virum mittendum, qui hanc talem tantamque difficultatem explicaret, optârunt.

Tantò ea quæstio difficilior fuit, quantò in maiori fuit expectatione: quantoque magis mundus in eius cognitionem exarserat, & erectus erat; tantò auidius accepta est à principio; mox in varias interpretationes deducta: & quam prius mundus admiratus est; contempsit deinde, irrisit demum, post grauissimè persecutus est. Qui autem fuerunt filii regni, sanguinem pro illa fuderunt. Visa enim est quibusdam noua, quibusdam difficilis & ardua, quibusdam stulta & pugnans. Noua ea visa est: mundus enim quoties de felicitate disputabat, nunquam illam ab vñtatissimo triplici bonorum genere distinguebat, animi, corporis & fortune. Quid enim in hoc mundo præter hæc tria genera bonorum inuenias, quod sibi aliquis magnopere expetendum esse putet? Expectabat igitur mundus suspensus, dum pro aliquo certo genere bonorum, cælitus ex mente diuina, à verbo illius, aliqua fixa & certa sententia ferretur. Et tamen non modo commendatio, à nouo legislatore illorum fit vlla, sed contraria omnia: Beati pauperes, beati qui lugent, beati qui persecutiones patiuntur. &c. Ut autem

tem

tem illis hæc sententia visa est noua, ita omnium difficillima. Difficile est rebus tristibus ac aduersis non commoueri: sed longè difficilius illis non resistere, sed vtrò etiam occurrere, easque accersere: amplius etiam si veniant, gaudere & exultare. Difficile est, hominem morosum & garrientem sufferre: at quantò difficilius est, maledicentem, impropertem, insultantem inimicum, cum & dixerit omne malum aduersum nos? Sit non difficile, non odisse: at illi benè velle, fauere, pro illo exorare, illi benefacere, idque libenter, ex animo, corde perfecto, difficilis hæc doctrina fuit. Stulta denique ac pugnans videbatur: quid enim magis secum pugnat, quàm exultare ac mœstum esse: lætum apparere, ac in omni miseria hære? Nam cum gaudium nihil aliud sit, quàm iucundus ac dulcis animi motus de præsentī bono; quī fieri potest, vt in præsentī mœrore, dolore, ac labore, gaudere, lætari & exultare aliquis possit; cum hæc ita natura aduersa sint, vt mœror lætitię, dolor voluptati, labor ocio & quieti: vt qui hæc natura disiuncta ratione coniungere velīt, nihilo plus agat, quàm si det operam, vt cum ratione infaniat. Eam igitur doctrinam sapientia mundi primū admirata est, contempsit deinde, irrisit demum, persecuta est ad extremum, vt diximus. Itaque Iulianus apostata, vt refert Nazianzenus, Christianis insultabat, non debere illos grauitē ferre, neque his irasci, qui eos persequerentur; cum præceptor ac legislator eorum beatam vitam dixerit, si illis aliquis maledixerit, & eos persecutus fuerit.

- 15 **R**espondet ad hæc omnia diuinus doctor, Christus Dominus, tribus solis verbis: Gaudete & exultate, quia merces vestra copiosa est in cælis. Nouitatem sententię, particula cæli aufert: de quo vel nulla, vel modica, vel inter paucos cognitio fuit. Inferos autem appellabant semper, siue tu Homerum, siue Platonem, siue alios spectes. Difficultatem præcepti, mercede copiosa excludit. Merces enim minuit laborem. Stultitiam & pugnantiam, diuerso respectu. Quæ omnia vt rectius intelligamus, hæc pauca præmittemus. Primò vnā eandemque rem posse esse bonā & malā simul, variā & multiplici ratione: & ideo lætitię & mœroris causā simul consistere posse: quomodo mulier cum parit, teste Salvatore, & mœret simul & gaudet. Mœret quidem ob præsentem dolorem, vitæque periculum; gaudet, ob posteritatem, quia nascitur ex ea homo. Secundò illud notandum est, duplicem nobis inesse appetitum, alterum superiorem, inferiorem alterum. Superior ille dicitur, qui natura sua rationi subest, nihilque sine illa statuit. Inferior, qui sensui inseruit, illique alligatus est. Neque enim fieri potest, vt eodem appetitu cibum aut potum quis desideret, & ieiunium? Iuxta quos duos appetitus, vnus & idem diuersa & pugnantia potest velle; vt cum quis simul ieiunare vult, & esurit: castus esse & vritur, quorum alterum superiorem appetitum, inferiorem alterum sequitur. Tertiò obseruandum est, superiorem appetitum eam vim nonnunquam habere; vt inferiorem planè extinguat, & in suam potestatem redigat, ita vt vix se exerere possit. Quod in ambitiosis rectè videre licet, quos neque esurire, neque dormire, neque frigere, neque dolere videas, modò propositis potiantur honoribus. Ex quibus præmissis, proxima illa difficultas de pugnantia inter se doctrinæ soluitur: Nemo gaudet & lætatur malis, si malum ipsum spectes; at proposito sibi gaudio, præmiis item gaudent omnes. Gaudere se dicebat Paulus in tribulatione, sciebat enim modicum hoc tribulationum multum adferre gaudij.

dii. Gaudet aliquando miles vulnere, nauta periculo, arator æstu. Neque difficile fuit aut molestum Iacobo Patriarchæ quatuordecim totos annos expectasse Rachel: quos quidem sibi paucos visos fuisse, ipse testatur. Superior enim appetitus extinguebat inferiorem. Mirandum item non est, in astruenda felicitate humana pauca ex humanis bonis misceri, cum non in hac vita, sed in alia hoc brauium propositum sit; ideoque additur vox illa, In cælis. Et ita tribus vocibus tres gentilium difficultates solutæ sunt. Gaudete & exultate, quoniam merces vestra copiosa est in cælis. Quod totum exemplo insigni illustrat Nyssen. Si tum, inquit, cum iustus Ioseph in Ægyptum vendebatur, præscius quis diuinorum consiliorum, gaudere & exultare puerum illum, sua illa præsentis calamitate iussisset; dura tum, & inhumana ea fuisset gratulatio: eadem tamen, vbi hæc consecuta sunt, quæ Deus ordinauerat, verissima fuit. Quod idem in eodem sensu dictum putemus: Gaudete & exultate. &c.

Notandum autem est, nunquam Euangelicos huius seculi se minus declarasse Euangelicos, idque eo loco, quo minimè oportuit, in summa felicitatis atque salutis nostræ. Cum enim Christus Dominus disertissimis, vt nunquam aliàs, verbis dicat: Gaudete & exultate, quia merces vestra copiosa est in cælis: isti dicunt, in omni opere bono iustum peccare; mercedem bonis operibus propositam esse nullam. Itaque Calvinus permotus hoc loco (quod aliàs solet, vbi solutione caret) mirè obiurgat Papistas: & postea ipse nihil ad rem loquitur. Iuuat ipsum oratorem sua verba sonantem audire: Quod Papistæ in nomine mercedis ludunt, nullo negotio hic fucus diluitur: neque enim, vt somniant ipsi, mutua est relatio inter mercedem & meritum; sed gratuita est mercedis promissio. Deinde si reputamus, quàm mutilum sit ac vitiosum, quidquid bonorum operum etiam ab optimis prodit; nullum vnquam inueniet opus Deus mercede dignum. Atqui lusus iste non est, Caluine. Christus vbi dicit, Beati qui persecutionem patiuntur propter iustitiam, ponit meritum, addit præmium, Quoniam ipsorum est regnum cælorum, & sic de cæteris. Gratuita inquit. Atqui hæc beneficia dicuntur, non merces. Accersere puerum septem annorum, & quære, an merces cum opere sint relatiua, & discas ecclesiam veram dicere. Dicis fucum fieri: homo singularis, tu ipse fucum facis, neruos omnes virtutis incidis, vocabula confundis. Nusquam Papistæ gratiam excludunt, cui primas, secundas ac tertias partes in omni negotio iustificationis tribuunt: quia & prima, & secunda, & tertia à Deo sunt; quanquam etiam, quia nobis donantur, nostra sunt: sed verbis scripture vtuntur, sua non comminiscuntur: beneficium beneficium vocant, mercedem mercedem, vt illi quondam ficum ficum. Augustana etiam se hoc loco profert: nugatur bona opera meritoria esse, sed non vitæ æternæ, sed temporalis tantum, nam non esset proportio. Atqui Christus contrarium docet, Merces, inquit, vestra copiosa est in cælis. Proportio nascitur, ex Christi infinito merito. Colligit igitur se: est merces in cælis; verum tamen respectu illius, nihil facere debemus; sed illud etiam atque etiam iactare: Si omnia fecerimus, serui inutiles sumus. Atqui hoc loco animat suos milites Imperator: Respicite brauium: Merces vestra copiosa est in cælis. Et Dauid: Inclinaui cor meum Deus ad faciendas iustificationes tuas in æternum, propter retributionem. Ita Euangelici isti, nihil minus quàm Euangelici: præsertim si illud Pauli addas, Bonum certamen certavi, cursum consummaui, fidem seruau-

Psal. 118.

2. Timo. 4.

serua-

seruauit; in reliquo reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed & omnibus qui diligunt aduentum eius. Neque sola merces, aut qualiscunque proponitur Christiano legitime pugnanti, sed copiosa, sed referta, & quæ omnem humanum appetitum compleat: & in qua congregatio omnium bonorum, & exclusio malorum omnium continetur. Delectant quosdam vetera stemmata, antiquæ caræ, nobilitas generis. Beati pacifici, quoniam filij Dei vocabuntur. Sublimis nobilitas est, esse filium Dei, hæredem Christi. Delectant alios possessiones, multumq; latè fusæ hæreditates: atqui hîc vniuersæ terræ hæreditas proponitur. Beati mites, quoniam ipsi possidebunt terram. Præesse multis & regnare, expetunt multi: hîc regnum proponitur. Beati pauperes spiritu, quoniam ipsorum est regnum cælorum. Demulcent alios voluptates, lætitia efferuntur. Beati qui lugent, quoniam ipsi consolabuntur, ipsa voluptate, quæ à Deo parente proficiscitur, cui mundus parem non habet. Sunt quos iuuant opes & satietas rerum omnium. Beati qui esuriunt & sitiunt iustitiam, quoniam ipsi saturabuntur. Iuuat multos fauor hominum & amor, temporeq; necessario subleuatio, Dei autem in primis præsens auxilium: Beati misericordes, quoniam ipsi misericordiam consequentur. Philosophi multi sunt, amore sapientiæ rapiuntur, omnia pulchra illos delectant, cognitionem altissimarum rerum expetunt. Beati mundo corde, quoniam ipsi Deum, qui est causa causarum, & speculum vniuersitatis, videbunt. Si enim regina Saba beatos dicebat viros, beatos seruos Salomonis, qui stabant coram eo semper, & audiebant sapientiam eius; quantò magis felices isti sunt, qui Deum ipsum videbunt? Longitudinem dierum expetunt multi; nostris vita æterna proponitur. Libertatem plerique amant; nostris regna promittuntur. Verè igitur merces magna, merces copiosa, contrà quàm mentitur inuida hæresis. Quod si gratis huic tanto principi, nos, omniaq; nostra debemus; quantò magis his propositis præmijs? vel quibus malis digni sumus, qui tantam negligimus salutem, quorum vna lex est, vt diligamus inuicem?

17 **V**ia cæli est agere bona, & mala perpeti.

18 **F**rendet & irascitur hæresis, si honorificis à nobis titulis sancti ornentur. Audiant igitur sanctum sanctorum, quibus titulis sanctos suos ornet, & in quo honore habeat. Beatos vocat, reges cæli, filios Dei, possessores terre, inspectores summæ maiestatis, consolatos vocat, misericordiam consecutos: quibus titulis nulli pleniores, nulli sublimiores esse possunt. Matrem Dei appellat quis reginā mundi, aduocatam nostrā, & dominam: fremit & tabescit hæresis. Atqui piscatores vocat Christus, reges cæli, filios Dei. Sed vnde illis hoc, vnde hi tanti honores? Quia fecit illis Deus magna, qui potens est: quia pauperes, quia mites, quia pacifici, quia misericordes, idque in omnes, omni modo: quia poenitentes pro se, & toto orbe: quia casti, quia persecutiones perpessi, quia maledicta sustinuerunt, verbera, cruces. Bonorum operum gloriosus fructus: quorum quia hæreses gustum non habent; mirum non est, si tanta præmia illis inuident: cæciq; de coloribus iudicare non possunt.

19 **I**taque aptissimè in honorem omnium sanctorum, ipso die festo illorum, ea pars Euangelii populo Christiano proponitur. Primum vt sciat, in quorum cō-

Hebr. 12.

munionem sit assertus, & quibus adiunctus, nempe ad multorum millium angelorum frequentiam, & spiritus iustorum perfectorum, ut inquit Paulus. Deinde, ut non ignoremus ubi sint illi, qui tradiderunt corpora sua ad supplicia, & lauerunt stolas suas in sanguine agni: ut nos ad eandem spem, & expectationem vocationis nostrae armemur. Demum, ut instruamur, quos imitari, & quomodo ipsi contendere debeamus. Adhuc, ut pro primitiis nostris gratias aeterno patri agamus, qui non despexit lutum nostrum, sed & in tantum efferre dignatus est honorem. Denique ut nos illis commendemus, illorumque precibus & meritis adiuuemur, iuxta illud: Particeps ego sum omnium timentium te, & custodientium mandata tua.

Psalm. 118.

SENSVS
EVANGELII.

Fine legis proposito, caelestis legislator ad promulgationem eius, & ad institutionem ac informationem ministrorum se confert. Quorum inprimis locum & dignitatem, quam in Ecclesia Dei habituri sint explicat, ad diligentemque functionem, operisque sui fidelem executionem hortatur: quod si negligant, pericula proponit, tam priuatim quam publice.

D. Chryso. in
Math. 60. 10.
Ope. Imper.

Prima igitur dignitas, ac quasi imago, ordinis Apostolici est. Vos, inquit Christus, estis sal terrae. In terra, humana natura; in sale, sapientia verbi significatur. Sale igitur Apostolicae doctrinae, hoc est sapientia, in terra humanae carnis luxum seculi ac foeditatem compescite. Id autem cum dixit, ad illas octo beatitudines respexit, quas ante iam recensuit, quia doctor omnibus illis virtutibus debet esse ornatus. Debet esse pauper; ut auaritiam libera voce castiget. Debet esse semper suspirans & lugens, siue sua siue aliena delicta; ut confundat eos, qui nec peccare dubitant priusquam peccent, nec postquam peccauerunt, tristantur quia peccauerunt. Ideo suspiret & planget, ut per hoc ostendat, quia grauis & periculosus est mundus iste fidelibus. Debet esuriens & sitiens esse iustitiam; ut pigros circa opera bona, vel lectionem, fiducialiter verbo Dei aut increpationis flagello valeat excitare, magis exemplo suo quam voce. Debet esse mansuetus; ut magis indulgendo quam vindicando regat Ecclesiam, ut magis ametur quam timeatur. Debet esse misericors aliis, sibi autem austerus; ut sibi quidem graue pondus iustitiae ponat, aliis autem leue. Debet esse mundo corde, ut non solum se non immisceat circa negotia secularia, sed nec cogitet de mundo. Sicut enim oculus, quanto mundior fuerit, tanto longius videt: sic & anima, quanto longius fuerit a solitudine mundi, tanto Deo propinquior est. Cuius autem cordis oculus mundum aspicit, illius mens non potest Deum videre. Sit etiam pacificus; ut tota Ecclesia eius quasi una sit anima. Vbi concordia non est, nec oratio illic exauditur, nec oblatio suscipitur: quia nec ibi est Deus, ubi discordia dominatur. Debet autem & paratus ad passionem esse, non vana desideria martyrij habens, sed constantiam fidei martyribus dignam. Nam quantum ad sapientes, & miles non ille paratus dicitur ad bellum, qui concupiscat exire, sed qui potens est exire. Si ergo omnibus his virtutibus fuerit ornatus; tunc est quasi optimum sal, & totus populus de illo conditur magis videndo eum, quam audiendo. Nam prima doctrina est videre bonum, secunda autem audire. Hac D. Chrysostomus.

Leuit. 2.

Salis autem conditiones sunt istae, sine sale nihil sacrum est, iuxta illud Leuitici:

tici: Quidquid obtuleris sacrificii, sale condies: curantur morbi sale; purgares, & à putredine conseruat: sine sale nihil sapidum est: condimentum omnium sal est, mordax quid & exedens est, foetoremque arcet. Sed vbi corruptum fuerit, ad nihil valet vltra: sed ne loco quidem idoneo dignum putatur. Cuius natura est, vt vbi corruptum fuerit, in terramque proiectum, efficiatur infructuosa: vnde quasdam vrbes legimus victorum ira sale consperfas, vt nihil ibi vnquam vtile ac frugiferum esset. Omnia ista munera & functiones salis in ordine Apostolico conspiciuntur. Nihil sine Apostolis eorumque doctrina in Ecclesia Dei est sanctum, nihil Deo gratum, quidquid dicat hæresis. Curatus est orbis terrarum doctrina Apostolica, purgatus ab idolis multiplicibusque vitijs, ac erroribus infinitis: ab eodẽ sale conseruatur, ne putrescat, ne corrumpatur, ne fordeat. Et Christi quidem Domini primò & præcipuè virtutis fuit, liberare mundum à putredine peccatorum: vt autem non ad illa iterum reuertatur, Apostolorum curæ esse debebat ac laboris. Quod idem de luce paulò inferius intelligendum est. Ego quidem lumen accendi; vt verò perseueret ardens, vestri profectò erit studij, non propter vos ipsos modò, verum etiam propter illos, qui eadem luce potentur, vobisque ducentibus viam veritatis inuenient. Demamus Apostolicam doctrinam: cogitate quatum mundus sorderet? quæ hæreses non suborirentur? Vita & moribus condierunt mundum; effecerunt, vt tormenta iucunda essent & martyria; vt gauderent homines & exultarent, quando iudicantur esse digni, pro nomine Iesv aliquid pati. Mordax præterea fuit Apostolica doctrina: non respexit carnem & sanguinem: per reges & Imperatores carpentum egit. Prædica verbum, inquit Paulus, in ista opportunè, importunè, *2. Tim. 4.* argue, obsecra, increpa. Sed quantum maior est dignitas Apostolici ordinis, quam salis natura designauit; tantò si corrumpatur, si euanescat, nihil illa vilius, nihil contemptius: loco, vbi consistat digna non est.

23 **N**Otatur autem à D. Chrysostomo hos ipsos Apostolos, non ad duas vrbes aut decem, vel viginti, neque ad vnam missos esse gentem, sicut mittebantur prophetae; sed ad omnem terram prorsus, ac mare, totumque mundum, & hunc varijs criminibus oppressum. Vos estis sal terræ: illius, inquam, Catholicae Ecclesie, quam hæresis condemnat. Quorum Dauid illud insigne Epinicion canit: Pro patribus tuis nati sunt tibi filij, constitues eos principes super omnem terram. *psal. 44.*

24 **P**ROposita dignitate salis, proponitur periculum eiusdem. Non dicit autem, si corruptum fuerit, aut si in venenum mutatum, tum demum illud obnoxium præsentì legi futurum: hoc enim ne ominari quidem voluit Saluator: sed si tantum euanuerit, hoc est, si sapientiam & doctrinam dereliquerint, si condire ac curare desierint, si saporem bonæ famæ & estimationis amiserint, si calorem charitatis exilem habuerint, si bona spiritualia extinxerint. Nam illud, si improbi & impuri fuerint facti, si ad ambitionem, auariciam, dominatum, luxum item & libidinem omnia sua retulerint, si mundo scandalo & offensionì fuerint, si prauas & erroneas doctrinas seminarint; tum ipsi huiusmodi salis poena quæ cogitari possit non inuenitur.

25 **P**ROponuntur autem duæ grauissimæ, quæ infatuatum sal sequuntur, calamitates

mitates. Prima, quod eiicietur foras: quo quidem foras, nihil est acerbius, nihil tristiùs. Foras, à visione Dei, cum quo nusquam malè, sine quo nusquam benè: foras à numero sanctorum angelorum: foras à communione sanctorum: foras à donis cælestibus, quò ne eiiciatur, Paulus deprecatur Deum: *Hebr. 4.* Timeamus, inquit, ne fortè relicta pollicitatione introëundi in requiem eius, existimetur aliquis ex vobis deesse. Secunda calamitas est, conculcari ab hominibus: vtinam autem non à dæmonibus. De qua conculcatione propheta. *Malach. 2.* Propter quod & ego dedi vos contemptibiles, & humiles omnibus populis, sicut non seruastis vias meas, & accepistis faciem in lege. Quæ cõculcatio vereor ne hoc seculo nos infatuatũ sal sequatur. Quis enim nos non contemnit, non calcatur? quis non officium se facere Deo arbitratur, qui nobis damnum dederit? Non proponitur autem nobis ignis & gehenna: quia ad filios, qui amore ducuntur oratio est; quibus à re amata abesse summa infelicitas est: non ad seruos, qui timore & flagris reguntur.

SECUNDAM dignitatem Apostolici ordinis, princeps ipse & magister proponit. Vos, inquit, estis lux mundi. Præstans & eximia res & dignitas Apostolorum & lucem esse: sed & plena negotio & periculo. Christus est lux vera, inquit Origenes, quæ illuminat omnem hominem venientem in hunc mundum: ex cuius lumine illuminata Ecclesia, etiam ipsa lux mundi efficitur, illuminans illos qui in tenebris sunt: sed & Apostoli, quos nunc lucis nomine compellat: Ex plenitudine enim eius acceperunt omnes. 26

MVLTA autem conditiones sunt lucis. Dat esse & videri rebus: manifestat omnia, & non manifestatur ab alio: pellit tenebras: purgat omne pestilens & immundum: res est cælestis, media inter corpus & spiritum: subito omnia peruat atque illuminat, idque vsque ad centrum terræ, vt doctis placet: res est pulcherrima, & pulchra omnia facit, pulchritudinemque omnem aperit; res preciosissima, pupilla mundi, delectabilis, & sine qua nihil iucundum ac delectabile, iuxta illud Tobie: Quale gaudium mihi erit, qui in tenebris sedeo, & lumen cæli non video? custodit & conseruat omnia: nam sine luce, custodia nulla: lux senescit nunquam: lux cedit aliquando tenebris, non tamen ab illis vincitur; debiles oculos perstringit ac lædit: lux spargit radios vbique, inuidet nulli, ne ingrato quidem: lux continet imaginem Dei, ex quo quanto plus haurias, tanto plus honores. Ex quibus lucis adiunctis, alia quidem sunt, quæ soli summæ primæque luci conueniunt Christo Domino legislatori ipsi: alia autem cum ipsis promulgatoribus communicantur. Propria sunt: illuminare: Erat lux vera, quæ illuminat omnem hominẽ. Subito, & in instanti omnia peruadere: Sicut, fulgur exit ab oriente, & paret vsque in occidentem. Pulcherrimũ esse: Speciosus enim forma præ filiis hominum. Custodire & gubernare omnia: Nisi Dominus custodierit ciuitatem. Senescere nõquam, præsentem adesse vbique, imaginem patris obtinere. Communia autem sunt hæc, purgare à tenebris, à corpore recedere, & ad spiritum accedere, cedere aliquando & non vinci, perstringere oculos debiles, spargere vbique radios. 27

NOTANDUM, Christum Dominum dicere, Vos estis lux mundi; negare Euangelistam Ioannem, qui de præcurfore sic: Non erat ille lux, sed vt testimonium per- 28

um perhiberet de lumine. Quid igitur dicemus? Fatemur neq; Ioannem, neq; Apostolos fuisse originale & radicale fontis lucem, quæ à seipsa oriretur, & quæ vera & nō adumbrata lux esset, omniaq; adiuncta, vt diximus, lucis haberet. Fuit tamen & Ioannes, fuerunt & Apostoli, lux, vt radii, vt riuuli, vt ppagines aliunde illuminatæ, & quæ partem tantum lucis, non totam lucem continerent.

²⁹ **F**also docet hoc loco Calvinus: Deum non esse prodigum suorum titulorum. Prodigus quidem non est, sed liberalis & munificus est, cum omnes pro pmodum titulos suis tribuat, & hunc peculiarem lucis. Qui tamen titulus magis metuendus, quam affectandus. Magna dignitas: sed periculum etiam magnum, non dico in eo, si extinguatur, non si tenebræ fiat, si accendat, si cæcos faciat; sed in hoc solo, si non luceat, hoc est si munus suum non exequatur: si in candelabro non sit, hoc est, si non resideat: si in pluribus locis lucere velit, cum vni illustrando non sufficiat: si non in candelabro, hoc est, fronte & oculis populi, sed sub modio sit. Quid autem sit modius, exponit D. Augustinus, ac post Augustinum V. Beda: Sub modio lucernā ponit, quisquis lucē commodis temporalibus obscurat & tegit. Super candelabrū verò, qui se ita ministerio Dei subiicit, vt superior sit doctrina veritatis, quam seruitus corporis. Modius igitur auaricia est, quæ nunquam cælum spectat: omnes virtutes, si quæ sunt, obscuras facit, omnibus iniuriam facit, mentem animumque virilem effœminat.

Observare autem hoc loco licet, peccata omissionis in re magna non minora esse, quam commissionis: qualia sunt suffocatio donorum Dei, aut abusus. Tollite, inquit **CHRISTVS** Dominus, ab eo talentum, & date ei, qui *Matth. 28.* habet decem talenta. Vnde Paulus: Væ mihi, si non Euangelizauero: quid si sacramenta non administrauerō? quid si hostiam viuētem non obtulero? quid si non visitauero? *1. Cor. 9.*

³⁰ **T**ertium adiunctum seu epitheton amplissimi Apostolici ordinis, eos ciuitatem esse in monte positam, quæ omnibus exposita patet. Sunt autem ciuitatis quinque munera præcipua: ciues continere primum; ab hostibus deinde tueri, ferarumque insultu; in omni pacē & disciplina ciues retinere; omni rerū necessariarū copia & commoditatibus prouidere; ornamentum denique regionis cuiusque conseruare. Illa enim regio insignis est, quæ ciuitates insignes plurimas habet. Habet hæc omnia cœtus Apostolicus: intra muros legis diuinę nos continet, ab incurſu mundi carnis ac diaboli, immaniumque ferarum nos tuetur, vitę modum ac rationem tradit, verbo & sacramentorum yſu nos alit & reficit, in omnium gentium ac sectarum oculis incredibile rerum humanarum ornamentum est, vt qui viderint eos dicant: Isti sunt, semen, cui benedixit Dominus. Et illa: Quam speciosi sunt pedes euangelizantium pacem, euangelizantium bona. Vocatur autem hic cœtus, vrbs: non in valle vitiorum, non in collibus idolorum posita, sed in monte, propter Christum, in quo est fundata: & propter cælestem ac à rebus terrenis separatam conuersationem. Conuersatio enim nostra, inquit Paulus, est in cælis; propter claritatē quoque, splendore ac lucem: Sic luceat, inquit, lux vestra, vt videant opera vestra bona, & glorificent patrem vestrum, qui est in cælis: ne aut Lutherus, aut Calvinus, aut Picardi mentiri audeant, ciuitatē istam obscuram esse inuisibilem, soli Deo cognitā. *Iſa. 61. Romano. 10. Phil. 3.*

Notandum esse & alias præstantissimas, eiusdem coetus per vniuersam scri-
 pturam, notas : vt potè vocantur cæli, Paulo interprete : Cæli enarrant gloriam
 Dei. Mirabilis autè est magis Dominus in istis cælis, quàm in iis, quos oculis a-
 spicimus. Nam in magnis apparere magnum, nihil mirum est : at in paruis, pi-
 scatoribus inquam, tanta rerum molimina voluere, hoc diuinę potentię fu-
 it. Secundò dicuntur montes : Fundamenta enim eius in montibus sanctis :
 diligit Dominus portas Sion super omnia tabernacula Iacob. Ideo autem
 montes, quia à terra remoti : Ecce, inquiunt, nos relinquimus omnia, & secu-
 ti sumus te : Montes, quia clari & illustres : non potest enim ciuitas latere supra
 illos posita. Montes denique, quia sunt limites & præsidium populi Christiani :
 Montes enim in circuitu eius. Tertiò flumina irrigantia, & lætificantia ciui-
 tatem Dei. Quartò, vocantur portę cæli, per quas ingreditur rex, & sacerdos,
 & populus. Duodecim memorat Ezechiel : nam & hic numerus Apostolorum
 fuit. Quintò, videntes appellantur, vt qui in locum prophetarum succeffe-
 rint, iuxta illud : Ecce ego mitto ad vos prophetas & sapientes & scribas. His
 enim oculis populus Dei videat oportet. Quibus cum non videat hæresis, nec
 curiositas huius seculi ; ideo cœca est, & si omnia se videre putet. Sextò, te-
 stes, clauigeri, iudicesque regni, iuxta illud : Et eritis mihi testes in Ierusalem
 & in omni Iudæa & Samaria, & vsque ad vltimum terrę : Et, Tibi dabo claues
 regni cælorum : Et, Sedebitis super sedes duodecim, iudicantes duodecim tri-
 bus Israël. Septimò, adiutores Dei dicuntur, ministri Dei, dispensatores my-
 steriorum eius. Paulus : Sic nos existimet homo, vt ministros Christi, & dispen-
 satores mysteriorum Dei. Et alio loco : Adiutores Dei sumus : à quibus qui
 non accipit, fur & latro est. Octauò, dicuntur angeli Dei, amici sponsi, præ-
 positi, mediatores : Angelo Ephesi ecclesię scribe, inquit Ioannes : hoc est, Epi-
 scopo. Amicus sponsi vocatur Ioannes. Obedite præpositis vestris, inquit Pau-
 lus. Et in alio loco : Omnis pontifex ex hominibus assumptus, pro hominibus
 constituitur, in his quę sunt ad Deum ; vt offerat dona & sacrificia pro peccatis.
 Adde illa : Pastores, cum apparuerit princeps pastorum, inquit Petrus, per-
 cipietis immarcescibilem glorię coronam. Patres item : Quamuis, inquit, de-
 cem millia pædagogorum habeatis, in Christo : sed non multos patres. Patres
 ob amorem, quo nullus est maior, quia extensus ; æquus, quia in omnes ; ap-
 preciatus, quia ante omnia : ob prouidentiam. Præter illa, inquit, quę extrin-
 secus sunt, instantia mea quotidiana, sollicitudo omnium Ecclesiarum : ob hæ-
 reditatem : Pro patribus tuis nati sunt tibi filii. Nos volumus nostro occasu o-
 mnia occidere. Rectores deinde : Attendite vobis & vniuerso gregi, in quo vos
 Spiritus sanctus posuit Episcopos regere Ecclesiam Dei. Decimò, dicuntur
 columnę & fundamenta Ecclesię Dei. Cum cognouissent, inquit, gratiam
 quę data est mihi, Iacobus, & Cephas, & Ioannes, qui videbantur columnę
 esse. Et alio loco : Superædificati super fundamentum Apostolorum & Pro-
 phetarum, ipso summo angulari lapide CHRISTO IESU. Insignes tituli sunt
 isti, sed simul periculosi. Hos tamen Apostolis Dei inuidet Caluinus ; remque
 totam, vt potest, oratione extenuat. Quod inquit, proprium est doctrinę, ad
 personas transfertur, quibus commissæ est eius administratio. Quod quàm ve-
 rè & ad rem dicat, contextus Euangelij ipse docet. Nam si hæc verba, Vos es-
 tis sal terrę, vos estis lux mundi, non ad personas, sed ad doctrinam referenda
 sunt : tum & illa quę sequuntur, salem euanesce, eiicique foras, & concul-
 cari

cari ab hominibus, non de personis, sed de doctrina intelligenda essent. Quod quam ineptum & putidum sit, quis non videt? Aut illud ad doctrinam quomodo referri potest: Sic, inquit, luceat lux vestra coram hominibus, ut videant opera vestra bona, & glorificent patrem vestrum, qui in cælis est?

32 **N**otandum, falsò & peruersè ex hoc loco liberum arbitrium auferre vel le Calvinum tali argumento. Si ex bonis operibus nostris debet glorificari Deus, Dei ergò sunt opera, liberum arbitrium nullum, Hoc eodem modo nos argumentabimur. Ex omnibus bonis nostris animi, corporis & fortunæ glorificari debet Deus: Ergo nulla bona sunt nostra, non fortunæ, non animi, non corporis. ô præstantem dialecticum, hominem acutum, Euangelij acumen & veritatem. Atqui non exaudit homo insensatus CHRISTVM ipsum vocare opera nostra, Ut videntes homines opera vestra bona, glorificent Deum, autorem & largitorem illorum: sed quia nobis donantur, glorificant patrem, qui in cælis est, qui talia donat.

33 **M**urmurant quidam hos tam magnificos titulos in Apostolis desisse. Atqui verbum Domini manet in æternum: atqui Euangelium vni seculo conscriptum non est: atqui Paulus his iisdem titulis, eos vocat & insignit: atqui in posterum vniuersa sancta Ecclesia Catholica, Patres vniuersi, & quod maius est, res & functiones ipsæ: & Matthias post in Apostolatam Iudæ successit, *Isa. 60.* ut illud Isaia impleretur: Pro ære adferam aurum. Et Davidis: Pro patribus *Psal. 44.* tuis nati sunt tibi filij, constitues eos principes super omnem terram. Videant autem etiam atq; etiam illi, qui tantos honores conferunt, in qua damnatione sint, si eos temerè, aut (quod maius est) precio conferunt: videant qui eos honores ambiunt, primumq; accubitu in nuptijs CHRISTI petunt, ne illud audiant, Amice quomodo huc intraſti? cede meliori. Sed & illi videant, qui *Mat. 22* iam consecuti sunt, quomodo, & qualiter eos ordines gerant & sustineant, ne illud post exaudiant: Quare tu enarras iustitias meas, & assumis testamentum *Psal. 49.* meum per os tuum? Tu verò odisti disciplinam, & proiecisti sermones meos retrorsum.

34 **F**ine legis proposito, promulgatoribus eius denunciatis ac instructis, difficultatem, quæ maxima in hoc genere esse videbatur, dissoluit atque explicat SERIES EVANGELII. bonus magister. Difficultas autem illa fuit, lege alia opus non esse, cum Dei lex sancta & immaculata extet, quæ immutari non potest; cui nulla humana lex aut derogare, aut abrogare potest; à qua qui diuersam legem non modò ferre velit, sed etiam contra illam delinquere, aut verbum vllum dicere, hic blasphemus, Deo contrarius, deniq; inimicus meritò dici deberet. Hanc igitur difficultatem prius explicat. Non eo modo & ratione se in mundum venisse, ut legem soluat, sed ut legem adimpleat; ne putent omnium rerum conuersionem futuram, quæ omnes quidem pios, & omnis nouitatis inimicos ab Euangelii studio auerteret, leues autem & turbulentos in legis contemptum adduceret (nam & populus & sacerdos, iam tum legis leuissimam rationem habere videbantur) & ne Manichæorum, Marcionistarum, Gnosticorum in posterum confirmari videretur error, qui legem veterem malam, & à Deo malè latam mentiebantur, & ne Scribis & Phariseis calumniandi relinquatur locus vllus.

Notan-

Notandum. Solui legem Dei istis modis: si contra illam delinquatur: si
 abrogetur: si contraria illi sufficiantur. Nihil horum fecit Dominus: nam nec
 peccatum fecit, & dolus non erat inuentus in ore eius: nec abrogauit legem,
 sed laudauit eam potius, ad eamque omnes aduersarios suos remisit, ex illa te-
 lis depromptis omnes aduersarios confecit: Nolite putare, quia ego accusatu-
 rus sim vos apud patrem: est qui accusat vos Moyses, in quo vos speratis. Nec
 legi diuine quidquam vnquam contrarium, aut dixit, aut fecit: Quis, inquit, ex
 vobis arguet me de peccato?

Adimpletur autem lex diuina multis modis. Primum, vita & moribus: 36
 quale est illud. Si vis in vitam ingredi, serua mandata Dei. Deinde, vbi corpus
 mortuum legis, mortua litera, spiritu Dei viuificatur, iuxta illud Ieremiae:
 Dabo legem meam in visceribus eorum, & in corde eorum scribam eam.
 Tertiò, vbi quæ per Prophetas de aliquo prædicta sunt, opere & rebus gestis
 eius implentur, de quo prædicta erant. Quomodo de Ioanne illud: Vox cla-
 mantis in deserto, parate viam Domini. Vltimò, vbi figuræ in res ipsas conuer-
 tuntur, quemadmodum pictor, vbi adumbrationem & delineationem colori-
 bus perficit, non dicitur eam adumbrationem soluisse aut perdidisse, sed sim-
 pliciter perfecisse. Omnibus his modis CHRISTVS Dominus legem perfecit:
 vita & moribus inprimis. Decet, inquit, nos implere omnem iustitiam. Mul-
 tas deinde perfectiones & consumationes addidit. spiritu viuificante legem ve-
 getam viuentemque reddendo. Prophetias omnes compleuit, iuxta illud Evan-
 gelistarum: Hæc autem facta sunt, vt adimplerentur scripturæ: vsque ad illud
 vltimum verbum, Consummatum est. Figuras & umbras, rebus ipsis ac veris co-
 loribus illustrauit: vnde in morte eius, velum templi scissum est à summo vsque
 deorsum. Quæ autem naturalis legis fuerunt, ea omnia remanserunt. Iudicia-
 ria quidem non tam sublata sunt, quam Rep. illa Iudaica extincta, ipsa conciderunt:
 sed de his disputabunt docti. Nos D. Chrysostomum audiamus. Chri-
 stus Dominus omnem legem impleuit tribus modis. Vno quidem, quia nihil ex
 legitimis ipse transgressus est. Nam de omni à se lege completa, audi quid di-
 xerit Ioanni: Sic enim decet implere omnem iustitiam. Iudæis quoque dice-
 bat. Quis ex vobis arguet me de peccato? Rursus verò discipulis: Venit, in-
 quit, princeps mundi huius, & in me non habet quidquam. Olim autem eti-
 am Propheta prædixerat, quia peccatum non fecit. Vno igitur isto legem im-
 pleuit modo. Alio verò, quia per nos quoque idipsum facit. Hoc est quippe mi-
 rabile, quia non solum legem impleuit ipse, sed idem istud nobis quoque face-
 re donauit, quod Paulus significando dicebat: Quoniam finis legis Christus ad
 iustitiam omni credenti. Et peccatum illum damnasse dixit in carne: vt iustifi-
 catio legis impleretur in nobis, qui non secundum carnem ambulamus. Et rur-
 sus: Legem ergo destruimus per fidem? Absit. sed legem statuimus. Quia e-
 nim studebat lex hominem facere iustum, atque ad hoc inueniebatur infirma:
 veniens Christus, & per fidem certissimum modum iustificationis inducens,
 voluntatem legis impleuit. Quod enim illa per literam non potuit, hoc per fi-
 dem ipse confecit: propterea quoque dixit: Non veni soluere legem, sed ad-
 implere. Tertiò modo per ipsa præcepta, quæ erat daturus. Non enim inte-
 ritus priorum, sed augmentum potius, & implementum erant, ea quæ diceban-
 tur à Christo: illius quippe sententiæ qua dicitur, Non occides: non interem-
 ptio

ptio, sed adimpletio magis, atque munitio est, dicere, non irascaris: omniumq; similiter cæterorum.

37 **N**otat idem Chrysostomus differentiam inter doctrinam eam, quæ antecedit, & quæ iam consequitur. Siquidem ibi præmia his, qui virtutem perficerent, ordinavit, paulò post non facientibus supplicia comminabitur. Propter quod ibi quidem dixit, quia mansueti hæreditabunt terram: dicet verò quòd qui fratrem fatuum vocet, reus efficitur gehennæ ignis. Et ibi quidem, quoniam mundo corde videbunt Deum: paulò post, quòd verus adulter sit, qui faminam aspiciat intemperatè. Et ibi pacificos filios appellavit Dei, post verò discordes aliundè deterret: Ne fortè tradat te, inquiens, aduersarius iudici. Sic & lugentes, & persecutionem ferentes, superius vocat beatos; in consequentibus verò his, qui non ea ingrediuntur via, perditionem minabitur: in qua utiq; illi sunt, qui latam viam spaciosamq; frequentant. Sed & quod dicetur, Non potestis Deo seruire & mammonæ; huic videtur æquale, quod ait: Beati misericordes, & qui esuriunt & sitiunt iustitiam.

38 **R**edit rationem superioris dicti, se non venisse soluere legem, sed adimplere. Sumit autem eam rationem ex natura diuinæ legis, quæ omnino immutabilis & inabrogabilis est. Cælum, inquit, & terra (quamvis multorum opinione immutabilia sint) prius transitura sunt, quàm vel minima pars sacræ legis abrogetur. Et quantum ad homines quidem, potest illa aliquando negligi, supprimi, ac latere: natura tamen sua in sensu spiritus, & veritate sua, perpetua & sempiterna est. Perfici igitur potest, solui non potest. Aufert saluator hoc loco vno verbo Aristotelicam philosophiam, de cæli æternitate. Cælum, inquit, & terra transibunt: verba autem mea non transibunt.

39 **P**ericulosum est inter præcepta Dei gradus constituere, & alia quidem maiora, alia minora, siue æqualia putare: & alia quidem declinare, in alia autem præcipitem delabi. Qui soluerit vnum de mandatis, minimus vocabitur in regno cælorum. Et: Qui offenderit in vno, factus est omnium reus. Periculosum *Iaco. 2.* est item, aliquid ex sacra scriptura immutare, aut corrigere, cum vnum iota, quæ est minima portiuncula legis, sit autoritatis eius, sicut tota lex. Amen, inquit, dico vobis, donec transeat cælum & terra, iota vnum, aut vnus apex non præteribit à lege, donec omnia fiant; omniaq; legis præcepta ad periculum deducuntur, si vnum mutes, & vno immutato, cætera infirmantur. In quo execranda est hæreticorum licentia, qui integras epistolas Canonicas, & integra capita Euangelistarum, plusquàm censoria nota, ex canone sacrarum literarum sustulerunt, illius quod contra ecclesiam falsò sæpius proferunt immemores: Si quis *Apocal. ult.* apposuerit ad hæc, apponet Deus super illum plagas scriptas in libro isto: quod etsi principaliter ad suam Apocalypsim referat Ioannes; tamen ad reliquam scripturam ob eandem causam rectè potest referri. Quod dictum hæresis ineptissimè ad traditiones refert.

40 **E**x superiori doctrina infert, quasi corollarium quoddam, diuinus legislator; per quod futuros suos prædicatores monet ac cohortatur ad omnem vitæ integritatem; vt moribus potius quàm verbis, legis diuinæ prædicationem ob-

eant:

éant: Qui, inquit, soluerit vnum de mandatis istis minimis, minimus vocabitur in regno cælorum. Beatitudo enim perfecta est in cœlis (loquamur sic cum Hieronymo) quæ docueris sermone, opere complere. Nihil autem minimum censere fas est, de quo præcipere dignatus est cælestis legislator, dicebat idem Hieronymus. Minimus, inquit, vocabitur in regno cælorum: vel fortasse, inquit Augustinus, ibi non erit, ubi non nisi magni esse possunt. Nec tantum in cælo, sed & in Ecclesia, qui voce docent, vita autem & factis destruunt. Qui enim docuerit & fecerit, ipse magnus vocabitur. Melior enim est homo inquit Ecclesiasticus, qui minuitur sapientiâ, & deficiens sensu, in timore, quàm qui abundat sensu, & transgreditur legem altissimi. Pulchrè hoc loco Gregorius Nazianzenus:

Ecc. 19.

Vel non doceto, vel doceto moribus:

Hac ne trahas manu, repellas altera.

Verbis egebit, sanctius viuens, minus.

Pictor tabellis comprobatur editis.

Dialog. lib. 3.
cap. 37.

SIC alter Gregorius ille Magnus in suis Dialogis: Scimus, inquit, quod venerabilis vir Sanctulus ipsa quoque elementa literarum benè non nouerat, legis præcepta nesciebat: sed quia plenitudo legis est charitas; legem totam in Dei ac proximi dilectione seruauit: & quod foris in cognitione non nouerat; ei intus viuebat in amore: & qui nunquam fortasse legerat, quod de redemptore Ioannes Apostolus dixit, quoniam sicut ille pro nobis animam suam posuit, sic & nos debemus pro fratribus animas ponere; tam sublime Apostolicum præceptum, faciendo magis quàm sciendo nouerat. Comparemus, si placet, cum hac nostra indocta scientia, illius doctam ignorantiam. Vbi hæc nostra iacet, ibi illius disciplina eminet. Nos de virtutibus vacui loquimur, & quasi inter fructifera arbuta positi odoramur poma nec manducamus: ille virtutum fru-

D. Chryso. in
Math. Hom.
10. op. imp.

ctus capere nouerat, quamuis hos in verbis odorari nesciebat. Chrysostomus quoque: Qui docet & facit quod docet, vere ille docet: qui autem non facit quod docet, non alium docet, sed seipsum condemnat. Et melius est facere, & non docere, quam docere & non facere.

SERIES
EVANGELII

ABSOLUTO procæmio legis suæ diuinus doctor, in quo finem legis suæ proposuerat, promulgatoribus eius laudatis, ac instructis, prima ac summa difficultatè sublata, ipsam legislationem ac perfectionem aggreditur. Ostendit autem non cuiusuis officij has leges esse, sed officij illius perfecti, quod Græci κατ' ὄψιν vocant, quale sibi scribarum ac pharisæorum turba falsò tribuebat; quorum alij scientia, alij vitæ integritate elucebant. Nisi inquit abundauerit iustitia vestra plus quàm scribarum, hoc est philosophorum, & in lege doctissimorum; & pharisæorum, hoc est religiosorum ac perfectorum, quorum omnis iustitia foris est, intus friget; non intrabitis in regnum cælorum. Maiora vobis præmia proponuntur: sed labores etiam maiores. Illis regnum terræ promittebatur: vobis regnum cæli proponitur. Iustitia autem pharisæorum, quæ fuerit, paulò post explicabit Dominus: Ieiunio bis in sabbato, decimas de omnium quæ possideo. Scoriam hanc vocat Caluinus: Christus iustitiam. Nam si hæc scoria est simpliciter, qualis profectus erit: Nisi abundauerit iustitia vestra plus quàm scribarum? Perbellè Nazianzenus:

Donum Deo gratissimum, mores pij,

Nil dignius feres, feras vt omnia,

Quod

Quod pauper offert, ipse idem fac offeras.
Stipem meretricis Deus non accipit.

42 **I**N quo abundare debeat iustitia nostra, docet vetustissimus Irenæus. Pri- *Iren. libr. 4.*
mò quidem non tantum in patrem, sed & in filium eius iam manifestatum cre- *cap. 2.*
dere: hic est enim, qui in communionem & unitatem Dei hominem ducit.
Post deinde, non solum dicere, sed & facere: illi enim dicebant, sed non facie-
bant. Et non tantum abstinere à malis operibus, sed etiam à concupiscentijs
eorum. Et propter hoc Dominus pro eo quod est, Non mœchaberis, nec con-
cupiscere præcepit: & pro eo quod est, Non occides, neque irasci quidem: &
pro eo quod est decimare, omnia quæ sunt pauperibus diuidere: & non tantum
proximos, sed etiam inimicos diligere: & non tantum bonorū datores & com-
municatores esse, sed etiam aduersus eos, qui tollūt nostra gratuito donatores.
Tollenti enim tibi tunicam, ait, remitte & pallium: & ab eo qui tollit tua, non
reposcas: & quemadmodum vultis vt faciant vobis homines, facite eis; vt non
quasi nolentes fraudari contristemur; sed quasi volentes donauerimus, gaude-
amus; gratiam magis præstantes in proximos, quàm necessitati seruientes. Et,
Si quis te, inquit, angariauerit mille passus, vade cum eo alia duo; vt non qua-
si seruus sequaris, sed quasi liber præcedas, aptum te in omnibus & utilem pro-
ximo præstans; non illorum malitiam intuens, sed tuam bonitatem perficiens;
configurans temetipsum patri, qui solem suum oriri facit super bonos & malos,
& pluit super iustos & iniustos. Hæc ille.

43 **I**Nest hoc loco multum terroris: Nisi abundauerit iustitia vestra plus, quàm
scribarum & pharisæorum. Quid, si ne consequatur quidem quis iustitiam?
quid si illam oppugnet? Ieiunabant illi bis in sabbatho, nos inebriamur: deci-
mas dabant, nos rapimus: non erant raptores, non adulteri, non iniusti, nos
plerunque hæc omnia.

44 **N**Egat hæresis iustitiam nostram vllam esse: ait Dauid. Iudica me Deus se- *Psal. 7.*
cundum iustitiam meam. Et alio loco: Retribuet mihi Dominus secundum *Psal. 17.*
iustitiam meam. Ezechiel similiter: Si auerterit se iustus à iustitia sua. Et Chri- *Ezech. 3.*
stus Dominus: Attendite, ne faciatis iustitiam vestram coram hominibus. Et *Matth. 6.*
hoc loco: Nisi abundauerit iustitia vestra. Est autem hæc ipsa iustitia, de qua di-
cimus, ne calumniatur hæresis, Dei inprimis, vt puta, dantis. Quid enim habe-
mus, quod non acceperimus? Est item nostra, qui accipimus: Suscepimus, in- *Psal. 47.*
quit scriptura, Deus misericordiam tuam, in medio templi tui.

45 **C**Um fontes sint & origines actionum nostrarū, tres partes animæ, (Plato
vocat τὸ θυμικὸν ἐπιθυμητικὸν, καὶ τὸ λογικὸν) ab eo quod maximè in nobis ferum est,
& inhumanum orditur legis perfectionem sanctus legislator: vt potè ab eo,
quod maximè pugnat cum charitate, cuius ipse maximus autor & assertor fuit:
irascibili, inquam, facultate. Ordo autem & gradus perfectionis legis hic est:
Tenebat lex Mosis manum tantum, & à prauo opere arcebat. Non, inquit, oc-
cides. Linguam non item, oculum, cor non ita diligenter. At lex Christi à ra-
dice incipit: semina ipsa euellit, à corde, inquam, lingua, oculo. Nam iis non
rectè præmunitis, frustra manus aut pes tenetur: iis fibris non eradicatis, infe-
lix semper lolium, & steriles dominabuntur auenæ. Ex corde enim, inquit

F

Saluator,

Mat. 15

Saluator, prodeunt malæ cogitationes, adulteria, fornicationes, homicidia, furta, auaritiæ, nequitie, doli, impuditiæ, oculus malus, blasphemia, superbia, stultitia.

FVndit autem hoc loco Caluinus sapientia verba: negat Christum legis-⁴⁶ torem esse: neque hoc loco legem perfici: Euangelium suprà legem nihil habere: Scribarum & Phariseorum tantum commenta hoc loco refutari. Quod ne fingere videamur, ipsius theologi audire verba lubet. Decepti fuerunt multi veterum, qui putarunt hanc esse legis *παράθεσιν* ac Christum suos discipulos in altiore perfectionis gradum extollere, quam potuerat Moyse crassum carnalemq; populum, qui vix discendis elementis idoneus erat. Ita inualuit opinio iustitiæ initium traditum olim fuisse in lege: perfectionem verò in Euangelio doceri. Atqui nihil minus propositum Christus habuit, quam aliquid mutare vel nouare in legis præceptis. Illic enim Deus semel fixit viuendi formã, cuius nunquam eum poenitebit. Sed cum lex adulterinis commentis corrupta foret, ac in profanũ sensum detorta; Christus à talibus eam corruptelis vindicat; ac ostendit genuinũ eius sensum; à quo descuerant Iudæi. Et infra: Faceffat igitur error ille, defectus hinc à Christo corrigi. Neque enim fingendus est Christus nouus legislator, qui ad æternam patris sui iustitiam aliquid addat; sed tanquam fidus interpret audendus est, ut sciamus qualis sit lex, quorsum tendat, & quousq; pateat. Et Theologus quidẽ hæc. Christus autem Dominus sic: Non veni soluere legem, sed adimplere. Quod quid aliud sibi vult, quam perficere? De scribis interim & phariseis verbum nullũ. Legis verba ponuntur: Non occides, non mœchaberis, nõ periurabis. &c. Pulchrè igitur Hieronymus: Fit innocentia gradus celsior, & perfectionem fides sumit. Et Hilarius: Legi addit plura, nihil detrahit. Nam & trigono tetragonus aliquid addit, sed non demit: neque facultas rationis, vegetatiuæ aut sensitiuæ facultati: sic legem animalem lex spiritus non extinxit, sed perfecit. Hoc verò fecit, inquit Chrysostomus, ut auditorem ad sublimiora progredi præcepta cunctantem acrius incitaret: ut si quispiam doctor dicat puero negligenti: Nescis iam quantum temporis in syllabarum meditatione consumpseris? Tale igitur aliquid etiam significat, antiquorum commemoratione facta, ad doctrinam illos euocat celsiorem, ac si diceret: Habuistis sufficiens omninò tempus ista meditandi, iamque oportet vos ad sublimiora succendi.

Eccl. 19.
Iob 5.

ORditur ergo legislator. Dictum est antiquis: non aliàs certè, quàm in ⁴⁷ lege: Non occides: hoc est manus à patranda cæde tenebis. Qui autem occiderit, reus est iudicio. Ego autem dico vobis, etiam irascendum non esse: hoc est, cor rectum & humanum habendum. Quia omnis, qui irascitur fratri suo, reus est iudicio. Ira enim viri, iustitiam Dei non operatur: & iras funditus non extirpatas, cædes ac vulnera consequi oportet. Iracundus, inquit scriptura, ubi nõ est adiutorium, elidet te. Et: Virum stultum interficit iracundia. Et proinde Iustinus Philosophus & Martyr: Irascendum est, inquit, si fieri potest, nunquam. Nam hæc est quædam species insanix. Quod si quando ira incumbit, vitendum est hac ad seruandum proximum: nam qui rationem ei non adhibet, & seipsum & proximum odio prosequitur; se perturbans, & illum afficiens molestia. Scriptum est enim: quod quisquis irascitur fratri suo temerè, reus erit iudicio.

iudicio. Vt autem ira extirpetur, os custodiendum ideo addit. Qui, inquit, dixerit fratri suo Racha; hoc autem est verbum contemptus, non malevolentia, verbum mediū inter iracundiam, & manifestum probum, verbū spernentis & auersantis, dignus est concilio: non qualicunq; sed iam publico concilio, quale fuit Ierosolymis *συνέδριον*: hoc est quasi comitium quoddam, ex omnium ordinum hominibus collectum, quorumcunque grauissimorum negotiorum causa: quale de Christi morte fuisse legimus. Quam diu enim lingua non tenetur, tam diu odiorum causa manet: odia autem cædes consequuntur. In concilio igitur, vt maiores causæ cognoscebantur; ita & maiores pœnæ infligebantur. Qui autem dixerit Fatue; quod verbum malevolentiam quandam ac detractiōem significat (nonnulli enim Fatue, conuiciū esse dicunt, exprobrans naturę vitia: quemadmodum Racha contumeliam exprobrantem malos mores) reus est gehennę ignis. Gehennam autem locum Ierosolymis proximum fuisse tradit Ieremias his verbis: *Ædificauerunt excelsa Topheth, quæ est in valle filii Ennon, vt incenderent filios suos, & filias suas igni: quæ non præcepī, nec cogitavi in corde meo. Ideo ecce dies venient, dicit Dominus, & non dicetur amplius, Topheth, & vallis filii Ennon: sed vallis interfectionis: & sepelient in Topheth, eò quod non sit locus. De quo etiam plura idem Propheta cap: 19. Iudæorum quoque doctores eundem locum fuisse tradunt, quo cadauera mortuorum cremanda proiiciebantur: vallem ad radicem montis Morię, vbi prius Iudæi filios, & filias suas Moloch idolo æreo offerebant: in cuius igne, liberos suos ponebant: ibique in amplexu crudelissimi idoli liquecebant, & exurebantur, quorum voces miseræ ne exaudirentur à matribus ac reliquis cognatis, omni genere musices opprimebantur: ideoque locus iste Topheth à tympanis vocatus fuit. Quam abominationem Iosaphat primus rex sanctissimus sustulit: eamque crudelitatem vt exprobraret saluator Iudæis, toties similitudine vti solet gehennę: sed vt & nos terreat. Quid enim immaniùs est, quàm in manibus diaboli liquefcere, nunquam tamen exuri?*

48 **N**otandum esse variam hoc loco lectionem, quia omnis qui irascitur fratri suo reus est iudicio: quidam enim addunt *ἐκείνῃ*, hoc est sine causa: alii simpliciter legunt. In quibus hæc videtur inesse differentia; quod ij, qui D. Matthæum Hebraicè legerunt, non addunt *ἐκείνῃ*: ibi enim scriptum fuisse videtur verbū Hebræum *חארא*, quo significatur affectus iræ grauior: quam sententiam secutus est antiquus interpres, ipseque D. Augustinus & Beda. Qui autem legerunt D. Matthæum Græcè, illi apposuerunt *ἐκείνῃ*, hoc est sine causa. Verbum enim Græcum *δύγῃ* affectum non semper vitiosum significat: ideo oportebat addi sine causa. Ira enim cum causa suscepta, consiliū est, & mater disciplinæ. Hanc autem lectionem secutus est D. Chrysostomus, Euthymius, Theophilactus. Iustę autem iræ causæ sunt instructio, disciplina, correctio, zelus spiritus: ob quas si quis irascatur, mereri potius eū, quàm delinquere putant patres: quomodo Petrum & Paulum iratos fuisse legimus. Qui autem propter priuatam iniuriam irascitur, aut propter damnum, vanamque gloriam, vel suspicionem inertem; hic frustra irasci credendus est. Vt enim humores, vtilis & necessarii sunt in corpore; ita & affectus ordinati, qui illis respondent, erunt vtilis & necessarii.

Obferuant hoc loco S. Patres, dum prophetę locuti sunt, eos ita ordiri so- 49
litos: Hęc dicit Dominus: hęc dicit Deus vester: Os Domini locutum est.
Non ita loquitur filius, sed tanquam ipse legiflator, iuxta illud Gregorij Theo-
logi: αὐτὰρ ὁ υἱὸς νομοθέτης, νομεύς τε, πατρὸς ἀδελφός, ἰδὲ νόημα. Audistis, inquit, quia di-
ctum est antiquis: ego autem dico vobis ostendens diuinam vim & naturam:
& eos quidem seruos fuisse, aliena legatione perfunctos, se autem filium &
hæredem vnus naturę & essentię cum patre, qui omnia quęcunq; habet pater, habeat; quę iubet, iubeat. Et ideo non dixit: Audistis, quia dictum est à patre;
sed simpliciter, Quia dictum est: ne aliquid à patre distinctum sibi tribuat.
Cum autem antiquos nominat, legem senuisse docet.

Quod si ea pœna decernitur, iudicis viuorum ac mortuorum decreto, 50
in eos qui fratres suos vocant Racha: quanto maiore pœna illi digni sunt, qui
proteruē & contumeliosē faciunt Rachas, hoc est scurras ac moriones, & ex
stultis insanos? in quo reges ac principes maximē delinquere solent: & eò ma-
gis, qui seipsos, aut turpis lucri gratia, aut exigui cibi & potus ridendos propi-
nant. Homo enim imago Dei est, in adoptionem filij Dei ascitus, os de ossi-
bus, caro de carne eius, sanguine eius respersus: templum Dei, instrumentum
laudis eius, vas sanctum: cui condolendum esset potius, quàm eius insanix in-
dulgendum, aut eius infirmitates ridendę. Abusus est aliquando vasis tem-
pli Balthasar Rex, & interiit: abutuntur isti templo & domicilio Spiritus sancti.
Si autem contumeliosa compellatio Racha, aut Fatue, tantam meretur pœnā:
quantò magis alia maledicta, execrationes, blasphemię, temeraria iudicia, op-
probrii acceptiones aduersus proximum suum? Optat igitur Salomon, ne vanū
verbum excidat ex ore illius. Et Paulus præcipit: Omnis sermo malus ex ore
vestro non procedat. Omnis enim sermo vanus qui dicitur, immundo spiritu
dictante profertur, dicebat Chrysostomus.

Eph. 2.

Homil. n. O-

per Imper.

Exo. 22.

Exodi 21.

Rom. 3.

Exod. 32.

Notandum, accepisse ex hoc loco occasionem erroris, Picardos primū, 51
Lutherum demum aliquando. Quis enim hominis illius inconstantes senten-
tias constanter referre possit? Neminem occidendum esse aiunt, neque in bel-
lo, neque à magistratu, neque alia vlla occasione. Et hoc quidem verissimum
est, hominem mortalem in alterius hominis vitam, ius & potestatem nullam ha-
bere: neque quēquam cuiquam occidere licere, sed ipsi soli Deo. Dominus
enim mortificat & viuificat: deducit ad inferos & reducit. Vnde lex, Non occi-
des: id est non dedisti vitam, ne auferas. Ex priuilegio tamen & cōmissione, hoc
facere homo potest. Priuilegium autem hoc duplex esse solet: vel particulare a-
licui certę personę, vt Abraamo in filium, Phinees in fornicatorem, & aliis qui-
busdam paucis: vel publicum, quale est magistratus priuilegium: Non patie-
ris, inquit, viuere maleficos super terram. Qui per industriam occiderit proxi-
mum suum, & per insidias; ab altari meo euelles illum. Neque enim, vt inquit
Paulus, sine causa gladium portat: sed ad defensionem bonorum, & terrorem
malorum. Quod idem de bellis iusta ex causā susceptis, intelligendum est:
quale illud est: Consecratis manus vestras hodie Domino, vnusquisque in fi-
lio, & in fratre suo. Neque tamen aut semper, aut ex arbitrio suo magistratus
hoc priuilegio vti debet: sed in his locis & casibus tantum, in quibus illi defi-
nitum & circumscriptum est: hoc est, in crimine blasphemię, falsę prophetię,
homicidij

homicidij voluntarii, parentum contemptus, adulterii, falsi testimonii. Nam de furtis, præsertim simplicibus, non ita facile ausim pronunciare. In causis autem superius positis, si magistratus commissioni satisfacere, mandataque Dei exequi non vult, mortaliter peccat, vt qui Dei mandato non pareat. Nos vel in homicidio abundare iustitiam nostram volumus: iuxta illud Polonicum statutum: *Herbert fol. 107. B. statu- 20 4.* Nos tamen rigorem illum temperamus.

52 **N**Otandum, Racha dictionem, ex Hebræa lingua certam interpretationem habere non posse, cum Euangelio Matthæi Hebraico germano careamus: & incertum sit, quibus litteris Hebraicis hæc dictio scribenda sit. Ac prima quidem litera R certa est, sed secunda consonans incerta & varia: tres enim modi scribendi occurrunt. Primum sequitur D. Hieronymus, qui literam Q scribens, vacuum interpretatur: Hoc tamen dubium facit, non solum quod vacui appellatio, parum apta conuicio leuiori, aut probro esse videatur: sed quod hanc etiam vocem in tali forma & significatione, non modò Hebræa lingua, sed ne Chaldæa quidem agnoscat: vacuum enim RIQ vel RIQA, non RAQ, vel RAQA vocant. Alter scribendi modus literam K, cui CH propinquum est, habet: eoque modo scripta dictio RACH, tenerum aut mollem significat. Nec magnum est probum aut vituperium; hoc enim nomine ipse quoque David filium suum Salomonem, senatui populoque suo commendans appellat, nempe propter teneram ætatem ac iuuentutem. Et alioqui molle cor, quod est timidum, passim in sacris literis dicitur. Tertium modum secutus est quidam Hebræus, qui Euangelium Matthæi in Linguam Hebræam transtulit, quod Io. Tilius, Episcopus Briocensis, edidit Lutetiæ: literam enim AIN habet, vt legatur, secundum modernam pronuntiationem RAA: veteres tamen loco literæ AIN aspirationem densiorem interposuisse videntur, quod in aliis quoque dictionibus passim agnoscitur. Significat autem dictio malum vel prauum: quanquam ambigua est, vt interdum paruum, vel parem, socium, vel etiam pastorem significet. Hic vltimus modus magis ad rem facere videtur. Sed hac in re integrum sit suum cuique iudicium. Equidem Racha, leuius vituperium significare; Fatue autem grauius, sensus ipse indicat: & illud exprobrationem vitiosorum morum, quæ tamen utilis esse potest; hoc autem exprobrationem vitiorum naturæ, quæ nec laudem, nec vituperium merentur: ac proinde non tantum inutilis, sed etiam grauis prorsus videtur esse contumelia.

53 **C**VM autem Iudæi, Pharisei præsertim, atque scribe templum Domini ter- SERIES
EVANGELII. tio quoque verbo appellarent, altaria item, victimas, sacerdotia, decimas atque omnem externum cultum, in hisque omnem suam spem & fiduciam collocarent; minuit hanc opinionem legislator. Sancta quidem & plena deuotionis esse hæc, nihil tamen profutura docet, nisi quis primò reconcilietur fratri suo: neque enim posse habere Deum patrem, qui non habeat proximum fratrem. Si ergò offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius, reconciliare fratri tuo, & tunc veniens offeres munus tuum: ac si diceret, Frustra sumptum ac laborem suscipis, nisi reconciliaris fratri tuo: interrumpatur cultus meus, vt tua charitas integretur. Sacrificium mihi est, fratrum reconciliatio. Et quamuis subdurius hoc præceptum esse videatur; nihil tamen lætius, nihil amœnius, nihil cum maiore exultatione coniunctum est. Cùm enim F 3 grauiusimè

grauissimè Dominus comminatus esset, de iis quæ apud nos quotidiana sunt, & à quibus vix aliquis liber esse potest, morbi quæ grauitatem auxisset. desperasset forte omnis caro, nisi præsens remedium cælestis adhibuisset medicus. Dixisti Racha, reus es concilio: dixisti Fatue, reus es gehenna, periisti. Vade igitur reconciliare fratri tuo: & sic neque iudicio, neque concilio, neque gehennæ obnoxius eris.

DVas causas affert D. Chrysostomus, propter quas ita quasi non differen- 54
dam reconciliationem fieri iubeat. Primum, quod ostendere scilicet voluerit, quia honoret maximè charitatem, & hanc acceptissimum esse sacrificium ducat: absque ista verò, nec illud profectò suscipiat. Deinde, quod irrefutabilem quandam necessitatem reconciliationis imponat. Qui enim iussus est, non prius munus offerre, quàm reconcilietur offenso: etiamsi non ob proximi charitatem, saltem ne sacrificium maneat imperfectum, currere ad contristatum debet, inimicitias quæ dissoluere. Audiant ergo, inquit idem Chrysostomus, qui sacris mysteriis initiati, cum inimiciis ad communionem altaris accedunt. Audiant etiam illi, qui nondum initiati sunt. Nam ad ipsos quoque sermo iste habet aliquid commune: Offerunt namque & ipsi munus & hostiam, orationem dico, & eleemosynam.

Quanta sit necessitas reconciliationis, quantaque vis & efficacia his gra- 55
uissimis argumentis, docet Saluator. Primum, quod eam cultui suo anteposit, eumque deferendum esse potius censet, quàm vt non reconciliemur fratri. Grata, inquit, mihi sunt hostiæ, grata munera; sed longè gratior fraterna charitas. Vade igitur reconciliare fratri tuo: & in hoc abundet iustitia tua, supra iustitiam scribarum & pharisæorum. Secundum, quod se placari & amicum nobis fieri posse negat, nisi nos prius inter nos amici efficiamur. Nemo enim inter dissidentes & pugnaces fidus amicus esse potest. Aut enim vni adhærebit, & alterum odio habebit: aut vnum odio habebit, & alteri fauebit. Tertium, quod nullum sit negotium tantum, nulla causa, quæ nos à reconciliationis munere reuocare possit. Nam si quid esset, tum maximè cultus diuinus: tamen & hic ipse cedere debet. Vade, reconciliare. Quantum autem iste nos amat, quanti nos facit, qui cultui suo nostram dilectionem anteposit? Rectè igitur Paulus: Si tradidero corpus meum ita vt ardeam, charitatem autem non habuero, nihil mihi prodest.

1. Corint. 13.

REconciliationis iste modus est: Concepisti prauum affectum erga ali- 56
quem, depone illum, indue bonum: maledixisti, benedic: damnum dedisti, restitue: defraudasti, compensa, iuxta legem Dei. Si percusserit quispiam oculum serui sui aut ancillæ, & luscus eos fecerit; dimittet eos liberos pro oculo quem e-
ruit. Qualis præcessit offensus, inquit Chrysostomus, talis debet sequi reconciliatio. Si cogitatu offendisti, cogitatu reconciliare; iuxta illud Davidis: Quæ dicitis in cordibus vestris, & in cubilibus vestris compungimini. Si verbis offendisti, verbis reconciliare, quod fecit Aaron, vt paulò post videbimus. Sin operibus aliquem offendisti; puta alicuius pecuniam fraude abstulisti, redde ei quæ abstulisti, & pœnite. quod Zachæum fecisse legimus: Domine, inquit, si quem defraudavi, reddo quadruplum. Quod si tu ipse læsus es; tunc quidem vt deprecis opus non est: condonare tamen culpam debes, vt liberius dicas illud: Et dimitte nobis debita nostra, sicut & nos dimittimus debitoribus nostris. Quod
si amplius

Exo. 21

fi amplius ipse læsus, ad amorem & pacem reuoces proximum; imitatus es patrem cælestem, qui solem suum oriri facit super bonos & malos; & qui vltro ad amicitiam & reconciliationem ipse læsus nos prouocare solet. Conuertimini, ad me, & ego conuertar ad vos. Rogatus autem veniam, caue ne neges: hac enim ratione Dei honorem & sacrificia Deo debita impedires: Ille enim munus suum non offert ad altare, nisi tu dimiseris.

57 **F**ormula autem reconciliationis, ex lege hæc est. Obsecro Domine, ne imponas nobis hoc peccatum, quod stultè commisimus. Vtitur hac formula Aaron ad Moysen fratrem suum, contra quem murmurauerat cum Maria sorore sua, pauloq; contumeliosius se gesserat. Vtuntur & fratres simili ad Iosephum, nomine patris mortui: Obsecro vt obliuiscaris sceleris fratrum tuorum, & peccati atque maliciæ, quam exercuerunt in te: nos quoq; oramus, vt seruo Dei patri tuo dimittas iniquitatem hanc.

58 **A**nnotandum item est, in populo Dei esse debere altaria, & per cōsequens sacrificia ac munera: proinde & sacerdotes, & templa; quæ quis iuxta hoc Saluatoris dictū relinquere debet & reconciliari fratri suo. Quod non apud Catholicos tantum, sed apud Hereticos etiā fuisse, cum ex multis locis veterū patrū, tum præcipuè ex autore operis imperfecti euidenter apparet. Quomodo, inquit, dicere illū possum non esse christianū; quem video Christum confitentem, altare habentem, sacrificium panis & vini habentem, sacrificium panis & vini offerentem, baptizantem, scripturas sanctorum legentem, omnem ordinem sacerdotij habentem? Sed quemadmodum simia hominis habet membra, & per omnia hominem imitatur; nunquid propterea dicenda est homo? Sic & hæreses, omnia ecclesiæ habent & imitantur mysteria, sed non sunt ecclesiæ.

59 **C**um autem multi sint, qui vim fugiant, pugnaces non sint, pacem exter- SERIES
nam ament; lites tamen amplectuntur, ius libenter persequuntur, summo iu- EVANGELII.
ri incumbunt, litigare, ac dicas scribere, vitam putant in eoq; se peccare non arbitrantur, cum ius res quædam diuina, Deoq; grata esse videatur: non damnat hæc Dominus, nec prohibet; eorum tamen securitatis & tranquillitatis causa, mutæ deinde charitatis, eos dehortatur, ne lites alant, sed in ipsa via cū aduersario conueniant, amicè monens: Esto consentiens aduersario tuo citò, cum es in via cum illo. Cuius suæ admonitionis tres ciuiles vtilitates proponit. Primum, quod hac ratione sanctam charitatem fraternam conseruabunt: deinde, quod pericula iuris euadent; lictores, carceres, administratos effugient: denique, quod eis non erit necesse ad minimum quadrantem soluere, sed per arbitrium multa decidi possunt de summa. Et hæc quidem antiqui patres simplicissimè: sed & ipsa verba Saluatoris docent: Ne forte tradat te aduersarius iudici, & iudex tradat te ministro, & in carcerem mittaris. Amen dico tibi, non exhibis indè, donec reddas nouissimum quadrantem. Hunc in modum interpretatur hunc locum Chrysostomus, Theophylactus, Euthymius. Mihi tamè & modus ille non displicet, vt hoc loco per viam vita præsens intelligatur, per aduersarios ij quos læsimus, & qui contra nos aliquid habent: vt ita moneat Saluator; vt omne negotium in hac vita conficiamus, & conueniamus cum ijs, dum hîc sumus; cum post mortem nulla sit redemptio, omnisq; condonationis & satisfactionis abscisa sit occasio: ne hic ipse aduersarius noster, siue eius iniuria,

tradat nos Deo iusto iudici, Deus inhumano ministro diabolo, diabolus in æternum carcerem coniiciat, vbi nulla redemptio est.

Notandum autem, eandem doctrinam fuisse D. Pauli, de litibus non persequendis, cuius illa verba sunt: Iam quidem omnino delictum est in vobis, quod iudicia habeatis inter vos. Quare non magis iniuriam accipitis? quare non magis fraudem patimini? Non alienus ab hoc præcepto Christi, ut scilicet conueniamus cum proximo in via, fuit mos ille antiquus Polonicus, vbi viri nobiles, reus & accusator, missis turbis procuratorum atque stipatoribus, vno curru ad iudicia vehebantur: ac plerunque in eodem curru, priusquam ad tribunal venirent inter se conueniebant. Quo loco, quam excusationem illi adferunt, qui se omne tempus perdituros putant, si aliqua subsellia omittant: qui sexcentas dicas vno tempore conscribunt: qui vocem, linguam, studium omne, huic opere vendiderunt: qui artem litium ducendarum docent: qui novos progressus iurgiorum tradunt; eoque nomine magni & esse, & haberi volunt? Si fieri potest, quantum ex vobis est, pacem cum omnibus hominibus habete.

Plusquam malitiose hoc in loco insultat viris doctissimis Calvinus, nullamque partem calumniarum relinquit, impudentiam, fucos insulsos obiicit, qui ex hoc loco, Donec reddas nouissimum quadrantem, purgatorii ignem colligunt. Qui (ut de ipso proposito nihil dicam) illorum quos reprehendit, sensum non percipit: quod ex eius verbis illustre est. Aduersarium, inquit, fingunt diabolum, atque fideles suos illi beneuolos esse iubent. Ergo ut purgatorium suum inueniant Papistæ, diaboli amicos ac fratres esse oportet. Mitto hanc sententiam fuisse antiquorum, quam Hieronymus hoc loco reprehendit. Sed quid hoc ad eos, qui ex hoc loco purgatorium colligunt, qui totam rem in hac particula, donec, ponunt? Fundit deinde sapientia verba doctor euangelicus. Nā si purgatorium semel ingressus, nunquam inde exibat, donec soluerit nouissimum quadrantem; sequitur irrita esse, quæ vocant, pro mortuis viuorum suffragia. Neque enim alios, inquit, admittit Christus, qui satisfactione sua debitorem absoluant: sed disertè ab vnoquoque solutionem eius, quod debet, exigit. Quod si inutiles sunt Missæ & reliqua piacula; quantumuis ferueat ignis purgatorius, frige bunt tamen sacerdotum & monachorum culinæ, quarum in gratiam tanto studii ardore pro illo pugnant. Vbi primum homo vanus principium petit: aut potius mentitur, contra illum articulum fidei: Credo sanctorum communionem. Non admittit, inquit, alios Christus, qui satisfactione sua debitorem absoluant. Atqui Deus, quinque illas ciuitates, propter decem iustos, si in eis inuenti fuissent, deleturum se negauit. Sit autem de monachorum ac sacerdotum culinis quod lubet; quid de Dionysio Areopagita, Athanasio, Ambrosio, Augustino, Gregorio, Bernardo, Damasceno, quorum culinæ non fumabāt, qui pro cura mortuorum integros libros scripserunt? Verum Caluini caput fumat. Perditam autem eloquentiam, in præiudicium veritatis comparatam.

AB irascibili facultate ad ἐπιθυμητικὴν, id est concupiscibilem se confert: ac quemadmodum superius omnes radices & origines iræ aufert; ita nunc similiter omnia semina & origines cupiditatis & libidinis præcidit. Audistis, quia dictum est antiquis: Non mœchaberis: hoc autem est, omnem foeditatem facti fugies,

fugies, libidinem omnem auerfaberis. Ego autem dico vobis, non à foedo tantum facto abstinendum esse, sed oculos etiam ipsos custodiendos, & cor ipsum comuniendum & obfignandum. Quamdiu enim oculus cautè non custoditur; tamdiu porta libidini patet, cor in periculo est: Ex corde enim procedunt cogitationes male, homicidia, adulteria, fornicationes, furta, falsa testimonia, blasphemiae. Ego autem dico vobis: Omnis qui viderit mulierem ad concupiscendum eam, iam moechatus est eam in corde suo; nempe assensu, delectatione, voluntate. Neque simpliciter dixit, qui concupiuerit: potest namque etiam aliquis, inter secreta montium residens, concupiscere: Sed qui, inquit, viderit mulierem ad concupiscendum: id est, qui concupiscentiam, videndi curiositate sibi ipse collegerit, quique nullo omnino cogente, quiescenti animæ feram subito immiserit. Hoc enim non iam naturæ est, sed propriæ omnino desiderii: quod certè olim etià in veteri lege prohibetur: Omni homini, inquit sapiens, noli intendere in specie: & in medio mulierum noli commorari: de vestimentis enim procedit tinea, & à muliere iniquitas viri. Inuerecundum itaque coercet aspectum, eumque ante opus tollit; ne quandoque in ipsam quoque incidat actionem. Sicut cum cultrum teneri videmus à puero; etiam si nondum eum vulneratum indè esse cernamus; verberamus tamen, ac sæpè minantes denunciamus, ne quando illum rursus attingat: ita hoc loco diuinus legislator facit. Neque enim propterea tibi Deus oculos effinxit, ut per illos ad animum adulteria transmittas; sed ut creaturas eius aspiciens, mireris autorem.

Eccles. 42.

63 **A**spectum varij variè interpretantur: ac alij quidem pro omni curiosa inspectione, ut Euthymius: alii pro ea, quæ delectatione aliquâ adfert, ut Theophylactus: Hieronymus autè, Augustinus, Beda tribus modis speciem pulchrâ aspici posse dicunt. Vno modo, sine omni motu, quomodo Salomon aspexit Betsabee matrem suam, ad se venientem: alio modo, cum aliqua cupiditate & titillatione, quam propassionem vocant; quomodo aliquando vniuersi principes Troianorum aspexerunt Helenam, & abire passi sunt: tertio cum peccandi assensu, quam passionem ipsi dicunt, quomodo senes Sufannam, David Betsabee; si amplius non processissent. Primum modum dicunt necessitatis, secundum tentationis, tertium peccati. Qui, inquit, viderit ad concupiscendum, moechatus est eam in corde suo: huic enim non voluntas peccati deest, sed occasio, cum facere disponit. Si enim posset, statim committeret. Nam quod scelus non admittit, hoc non illius virium est, sed gratiæ Dei, quæ aufert occasionem. Ne quis autem existimet hæc, de aliena vxore tantum; ideò generale nomen mulieris accipit, Omnis qui viderit mulierem, siue liberam, siue obligatam, siue custoditam, siue prostitutam: ne solum adulterium prohibere videatur.

64 **V**ndit hæc verba charitatis plena nouus Stoicus Calvinus, cuius tumorem placet audire. Nimis crassa est & supina Papistarum hypocrisis, qui concupiscentiam negant peccatum esse, donec totum cor assentiatur. Sed nil mirum est, ita extenuari ab illis peccatum, quando socordes, & prorsus stupidos in vitiis suis reputandis esse oportet, qui iustitiam operum meritis adscribunt. Magnifica verba. Hoc primum falsum est, Papistas hoc dicere: Primæ notæ patres Hieronymus, Augustinus, & alii hoc affirmant, quos ab illo Papistas nominari, gaudemus & accipimus; fuerunt enim. Deinde & hoc falsum est, socordes esse, qui

se, qui iustitiam meritis adscribunt: cum vel inprimis eos maxime vigilantes esse oporteat, præ his, qui alienis plumis se commendare velint. Quod si socordes eos vocat, qui iustitiam meritis adscribunt, tum in hoc genere reponat Iohannem Baptistam, qui dignos poenitentiae fructus agere monet: reponat Paulum dicentem: Si habuero omnem fidem, ita ut montes transferam, charitatem autem non habuero nihil sum: reponat D. Iacobum, qui clarius ex omnibus: Si quis, inquit, auditor est verbi, & non factor; hic comparabitur viro confidenti vultu natiuitatis suae in speculo. Sed hæc mittamus. Postremo & hoc contra Apostolicam doctrinam dicitur, concupiscentiam esse peccatum, cum non modo peccatum non sit verè & propriè, sed ne mala quidem omnis, ut docet Paulus. Mortificate, inquit, membra vestra, quæ sunt super terram, fornicationem, immunditiam, libidinem, concupiscentiam malam; ac si præsumeret esse aliquam bonam. D. autem Iacobus expressè concupiscentiam non esse peccatum, dicit: Vnusquisque, inquit, tentatur à concupiscentia sua abstractus & illectus; deinde concupiscentia cum conceperit, parit peccatum: peccatum verò cum consummatum fuerit, generat mortem. Nam si concupiscentia esset peccatum, tum hac eadem ratione omnes alii affectus essent mali; quod magis Stoicum quam Christianum est. Sed & sensus peccata essent, quia & ii ipsi sunt causa peccatorum. Qui viderit, inquit Saluator, moechatus est. Concupiscentia igitur exercitium potius quoddam est & pugna, agone atque arena, quæ æquè virtutis ac peccati, æquè victoriæ ut rei perditæ, æquè coronæ, ut poenæ causa esse solet. Nam si concupiscentia vocatur aliquando mala aut peccatum; hoc fit propterea, quia ex peccato est, & ad peccatum inclinat, ut sanctum Concilium Tridentinum definit. Ita auctoritate sua fucum facit hominibus homo vanus.

Colos. 3.

Iacob. 1.

Sess. 5. decreto de origina. peccato.

Trenor. 3.

Ieremia 9.

Iob 31.

Notandum, magnum esse innocentiae insidiatorem oculum. Hinc illud apud Ieremiam: Oculus meus deprædatus est animam meam. Et, Ascendit mors per fenestras vestras. Et illud Iob: Pepigi foedus cum oculis meis, ut ne cogitarem quidem de virgine.

Ex oculi insidiis capta occasione legislator ad omnem declinationem scandalum nos hortatur. Est autem scandalum, lapis offensionis in via & vita: pedem lædit in via, conscientiam in vita. Ad omnem igitur vitæ cautionem cohortatur. Si te, inquit, oculus tuus scandalizat: ac si diceret, graue tibi videtur oculum custodire, ne intuearis mulierem: atqui tantum est periculum gehennæ, ut si te scandalizet oculus tuus, non tantum auertendus esset, sed etiam erudendus. Non sit igitur graue & molestum auertere, si te scandalizauerit. Si te, inquit, oculus tuus dexter scandalizat, hoc est quauis res aut persona, ita præstans, ita chara, ita pulchra, ita necessaria, ita cognata esset, ut est oculus tuus dexter; tamē tibi abiicienda erit. Intelligit autē Euthymius per oculum amicum, vel amicam charam, quæ nos ad malum prouocet: per manum autem dextram ministrum, aut famulum valde necessarium, ut est manus dextra, si causa sunt scandalum & peccati. Esset autem abscissio membrorum utilis, si & cordis esse posset executio. Cum enim concupiscentia efficientiæ comparetur, damnum corporis est otiosum, relicto voluntatis instinctu. Quod si oculus dexter aut manus abiicienda est, ut dicit Hieronymus, quanto magis sinister, in quo nihil inest commodi, præter peccatum & scandalum? Loquitur autem planè emphaticè: Erue, abscinde, quod non potest esse sine magno dolore, & vitæ aliquando periculo, quod vitalibus sublati euenire solet. Nec dicit, separa abs te, sed abiice, tanquam

ce, tanquam rem inimicam & aduersam remotissimè à te proicias; ut ad illam non possis, nec illa ad te redire: nec ad tempus tantum pro Paschate, sed perpetuò, omni modo separationis: ut ea quæ abscinduntur, & quæ nunquam iterum adhærere possunt. Quo præmio? Expedi enim tibi, ut pereat vnum membrum tuorum, quàm totum corpus tuum mittatur in gehennam. Quid prodest homini, si totum mundum lucretur, animæ autem suæ detrimentum patiatur? Quod idem de societatibus & collegiis intelligendum esse docet D. Basilus. Dicto hoc, inquit, Saluatoris monentur antistites, ut eos à societate fratrum alienent, qui sunt mali, contumaces, & inobedientes. Clementia enim illa, qua quis aduersum istiusmodi homines utitur, stultè illi Heli indulgentiæ & facilitati assimilis est, qua præter Dei voluntatem erga filios suos ille usus fuisse animaduertitur.

67/ **N**Otandum autem est, commune esse hoc præceptum viris ac mulieribus. Caput siquidem mulieris est vir, teste Paulo: & quod capiti iubetur, toti corpori, ac omnibus membris similiter præcipitur: quod viro, mulieri item. Unde mulieres, quæ se eo fine comunt, ut placeant alienis viris, etiam si inquit Diuus Chrysostomus, non placeant, tamen obnoxie sunt; quia pararunt venenum, quo aliquis extinguatur, etiam si nemo biberit.

68/ **S**I ille obnoxius, qui visum tantum non custodit; quid ille, qui concubinam inducit? quid si *συνοικῶν*, qua etiam si non abutatur, aspectus tamè & sermonis causa domi foueat? Quid mimie, comœdiæ, choreæ, saltus, amplexus, oscula, fuci, ignes? Quid ille aulicissimus, in quo adolescentuli, virgines in templum ducunt, deducunt ad altare, post in palatium, manus & brachia non inuitis illis præbentibus: post in thalamum fortasse, urbanitatis specie? Taceo vltiora: omnia ista ex malo sunt: Lex domini immaculata, conuertens animas, sapientiam præstans paruulis.

69/ **S**I formas placeat intueri, animi pulchritudinem potissimum intuendam esse, monet D. Chrysostomus: Veniat in mentem tibi, inquit, quomodo candida facies interiori rubro pertincta, cum pudoris affectus animam inuasit, varietate coloris suauissimam reddit faciem: sicut etiam contra impudens animus quauis fera faciem exhibet ingratiorem. Nihil enim est formoso animo formosius, nihil iucundius: nam corpora quidem absq; dolore amari non possunt, animi autem pura sinceraque voluptate amantur. Cur igitur regem o-mittis animum, & ad præconem stupes? cur philosopho spreto, interpretem nimia cupidine ardes? oculos perspexisti formosos, quare quo animo reguntur: quem si turpem inueneris, oculos quoque despice.

70/ **A**Concupiscentia vaga ad matrimonium se confert legillator: virum ac uxorem mira breuitate & veritate instruit & informat. Virum quidem ea ratione, ut primò talem sibi uxorem reperiatur, cum qua sibi perpetuò usque ad mortem iucundè & amicè viuendum sit. Quod ita efficiet, si non tam dotis aut familiæ, sed ne formæ quidem, quàm educationis, morum & honestatis in ea deligenda rationem habuerit. Deinde ut ita cum illa viuatur, tanquam cum eo amico, quem semper amicum, nunquam inimicum habiturus sit, quam pro parte corporis sui habeat, cui omnia credat, cum qua omnia communia habeat, quæ omnium aduersarum rerum socia, sed & solatium sit. Deinde eodem

SERIES
EVANGELII.

dem modo vxorem instruit, vt proprium virum amet, ei que inferuiat, & ab omni fornicationis suspitione sit alienissima; cum hæc vna sit causa, cur eam dimittere liceat, nec ab alio accipi possit. Tum verò, vt ita se erga maritum gerat, tanquam alterum nunquam habitura. Nam qui eam duxerit, mœchatur cum ea.

*In Mat. h. 5. ai.
Op. imper.*

Moyſes dederat facultatem dimittendę vxoris, dato libello repudii. Quod ⁷¹ ex tali occasione ortum eſſe docet D. Chryſoſtomus. Quando primum Moſes filios Iſraël eduxit de Ægypto, genere quidem erant Iſraelitę, moribus autem Ægyptii. Propter quod more Gentilium contingebat, vt viro odio haberet vxorem. Et quia dimittere illam non permittebatur, paratus erat interficere eam; aut ſi non interficiebat propter timorem legis, tamen aſiduis cruciatibus affligebat. Ideo iuſſit dari repudium: non quia bonum erat, ſed quia remedium erat mali peioris: ne dum facere malum vetantur, facerent peius. Conceſſit quidem Moſes diuortium, inquit Hieronymus; ſed auferens homicidium. Erant enim Iudæi ad vxores & liberos occidendos effuſi. Quod tamen neque ſimpliciter fieri lex iuſſerat; ſed vt, quicumque dimitteret, librum repudii coniugi daret, ne ius haberet ad illam iterum reuertendi; ſed nihilominus hæc nuptiarum ſaltem figura remaneret. Niſi enim præcepiſſet iſtud, & ſine repudii libro hanc quidem expellere, illam verò ei liceret accipere, deinde reducere priorem; plurima fuiſſet ſecutura confuſio: omnibus videlicet maritis alternis vicibus eiectas ſæpè receptasque ducentibus, eſſetque adulterium omnino manifestum, propter quod non paruam conſolationem repudii librum reperit. Erat autē liber repudii, quem *γὰρ μὲν δὲ ἄνδρ' ἀποθετικόν* vocabant, vnoque verbo *ἀποσάσκειν* nominamus, eo nomine conſcriptus; ne eo amplius ad eum vxor redeat, indeque aliqua confuſio oriatur, ſi fortè aliam maritus vxorem duxerit.

Perficit legem hanc Deus & legifer noſter. Ego autem dico vobis, nullo ⁷² modo vxorem cuiquam dimittendam eſſe, excepto adulterio. Repudiatur autem fornicationis cauſa, ne virum proſtitutę pudicitię ſocietate polluat, inquit, Hilarius. Merito abiicitur mulier, quę per fidem coniugium violauit, inquit Hieronymus. Et quidem ea poena, vt omnis reatus & culpa adulterii, quam poſt diuortium repudiata commiſerit, in ipſum refundatur maritum, ſiue vaga maneat, ſiue alteri nubat. Omnis, inquit, qui dimiſerit vxorem ſuam, excepta fornicationis cauſa, facit eam mœchari: & qui dimiſſam duxerit, adulterat. Ita criminis adulterii admonens, tam eum, qui ſine cauſa propriam repudiat vxorem, quàm eum qui ab alio repudiatam ducit, pacem coniunctorum conſtrinxit, magisque ne committeretur adulterium curauit. Qui enim ſuam non abiicit, ſed amat potius, alienam nequaquam concupiſcet. Similiter & qui ab alio repudiatam prohibetur ducere, ſuam non facile repudiabit. Sed cur adulteratur, qui dimiſſam accipit? Quia dat occasionem, vt leuiſſimę nuptiæ colantur: deinde, ſi alter illam non acciperet, inquit Theophilaſtus, rediret ad virum fortasſe, & pareret illi: Chriſtianus autē pacificuſeſſe debet. Sed de his plura 19. cap.

Notanda autem hoc loco eſt Caluini in Deum patrem omnium miſericordiarum inhumana calumnia: quam, ne quis orationem noſtram calumniatur, licet eiſdem verbis apponere: In qua pluſne ſit craſſę ignorantię (vt ipſe de Catholicis loqui ſolet) an impietatis, & vtrum aliquod euangelicum habeat ⁷³ verbum

verbum, iudicet æquus iudex, rem per se malam oratione augere nolo. Nam leges, inquit, politicæ, interdum ad hominum mores flectuntur: Deus verò legem spirituales ferendo, non respexit quid possint, sed quid debeant homines. Ideoque illic perfecta integraque iustitia continetur, quantumvis eius præstant de facultas nos deficiat. Ergo leges politicæ sunt humaniores divinis, quæ nihil præcipiunt nisi quod possis? Sed neque hæc oratio ex primo posteriorum est, quæ sequitur: Tametsi mutuo consensu iungunt se vir & vxor; Deus tamen nodo illos astringit indissolubili, ne postea liberum sit discedere. Nam si hoc ex consensu vtriusque, religionis & castitatis causa fiat, idque verè & ex animo; tunc hoc ipsum pium & possibile est, quod in Iosepho & Maria factum videmus, & postea in multis regibus & principibus.

74 **N**otandum est, illum, qui contra Christi mandatum repudium dat, quatuor committere iniquitates. Primam, quia, quantum ad Deum, existit homicida: secundam, quia dimisit non fornicantem: tertiam, quia fecit eam adulterari: quartam, quia & accipiens eam, fecit adulterium. Nihil autem horum committitur, ubi servatum fuerit Christi mandatum.

75 **V**bi autem sunt multæ lites & multa iurgia, ibi multa iuramenta, multa periuria, & nominis diuini vanæ compellationes. Huc igitur se confert Saluator. Et quemadmodum paulò ante consuluit & hortatus est, ne quis iura & lites persequatur; ita nunc (longè tamen diligentius & arctius) monet & hortatur; ut quantum in nobis est, quantum possumus, ab hac iurandi consuetudine abstineamus. Dictum est antiquis: Non periurabis, reddes autem Domino iuramenta tua: ego autem dico vobis, non iurare omnino. Nam & ipse Moyses legem ferens, prædixit venturum prophetam, qui hæc perfectius traditurus esset. Prophetam, inquit, de gente tua & de fratribus tuis, sicut me, suscitabit tibi Dominus Deus tuus; ipsum audies. Et paulò post: Prophetam, inquit, suscitabo eis de medio fratrum suorum similem tui, & ponam verba mea in ore eius, loqueturque ad eos omnia quæ præcepero illi. Qui autem verba eius quæ loquetur in nomine meo audire noluerit, ego ultor existam. SERIES
EVANGELII
Deuter. 18.

76 **N**otandum, primò periurium nihil aliud esse, quam ubi quis natura mendax in re falsa, summam & primam veritatem Deum, sibi testem inuocat; ac in societate erroris ac mendacii cui subiacet, accersit; ac nomine sancto abutitur.

77 **N**otandum secundò, multas ob causas & Moysen, & Christum Dominum, cum periuria, tum iuramenta prohibuisse: partim propter amplitudinem nominis diuini, quod sanctum & terribile est, & quod in terra benedictum esse debet: partim, quod veritatis cognitio difficilis, & planè in hac vita impossibilis sit. Deus autem summa & prima veritas est, omnis perfidiæ ultor, & veritatis præses: partim, quia iuramentum extrema probatio errorum & miseriarum humanarum est, & ideò sanctum, rarum & metuendum sit oportet; tanquam vltima rerum humanarum meta, norma & regula: partim, quod sæpius iuranti impossibile vel difficile est non peierare. Ideo veritas ipsa Christus, autor & amator salutis nostræ, nominis paterni vnicus vindex monet & hortatur, ut quicumque cælo propior esse velit, omnino non iuret, has quas diximus ob causas. Non mandat, non iubet, sed monet & hortatur: si tamen necesse sit, & conditio vitæ ferat, non prohibet. Et hæc est illa causa, quod tot millia ho-

Deutero. 5. *Deutero. 5.* minum, relicto mundo, eremum ac deserta secuti sunt. Et iuramentum quid-
Psal. 62. dem natura sua sanctum & bonum est, contrà quàm Anabaptistæ iudicant, pars
Jeremie 4. cultus diuini est. Iuxta illud Deuteronomij: Dominum Deum tuum timebis,
 & illi soli seruias, ac per nomen illius iurabis. Et illud Dauidis. Laudabuntur
 omnes qui iurant in eo. Vt autem tale sit, tribus comitibus opus habet: ve-
 ritate, iustitia, & iudicio: iuxta illud Ieremiæ: Iurabis, viuit Dominus, in veri-
 tate, & iudicio, & iustitia. Peierare autem, est res pessima & exitiosissima. Et
 ideo ipse Deus omnipotens sapius per seipsum, cum maiorem se non habeat,
 iurare solet: & ipse Saluator eodem modo. Paulus item & Petrus, & alij sancti
 iurant; non per se quidem, sed per dominum. Sed hoc illorum est, quibus aut
 natura sua, aut Spiritus sancti euidenti præsentia, veritas certa & explorata est.

Cum Iudæi viam fictam & falsam inuenire voluissent, qua & nomen Do- 79
 mini non acciperent in vanum, & periuria effugerent; non per Deum quidem,
 neq; per nomen sanctum, per cælum tamen, terram, ciuitatem sanctam, ca-
 putq; suum iurabant: vt ita & Dei maiestas suam conseruaret dignitatem, & fi-
 dei ratio constaret. Sed ne hanc quidem viam Saluator approbat, sed illam po-
 tius ne iuretur omninò. Causam autem affert. Quia etsi directè hoc loco no-
 men Domini & maiestas eius non prophanetur, indirectè tamen hoc idem fit;
 cum per hæc iuretur respectu Dei, quia per cælum iuratur, quòd thronus eius
 est: per terram, quia scabellum pedum eius est: per ciuitatem sanctam, quia ci-
 uitas magni regis, hoc autem est Dei: per caput autem nostrum, quia creatu-
 ra eius est. Deus enim solus inuocatur, productis in medium opificijs, gloriæ
 eius symbolis: nulla siquidem est pars mundi, cui Deus non inscripserit gloriæ
 suæ notam. Itaque ab omni superflua iurandi licentia abstinendum, siue dire-
 ctè, siue indirectè. Summa illa est, qui facillè iurat, aliquando fortasse peierabit
 ob iurandi consuetudinem: qui autem nullo modo iurat, nunquam peierabit.

Magna incommoda hoc genus per creaturas iurandi consequuntur. Pri- 80
 mò, quòd sic honor Dei ad creaturas transferatur, cum prima religio sit, per
 Deum iurare: habetur enim id, per quod iuratur, pro prima veritate, id est Deo.
 Hinc illud D. Chrysostomi: Quicquid illud est, per quod quis iurat, deificat il-
 lud. Deinde, quòd idololatria hæc sit manifesta. Qui iurat, inquit Hierony-
 mus, per aliquem; aut veneratur, aut diligit eum, per quem iurat. Quod quid
 aliud est, quàm ignorato aut neglecto opifice, religionem operibus impartiri,
 vt inquit Hilarius. Itaque per aliud quid iurans, creaturas resq; creatas hono-
 re & obsequio diuino prosequitur.

Dicit igitur Christus Dominus: Dico vobis: non iurare omninò, non so- 81
 lum per nomen Dei, sed neque per cælum, quia ipse hoc implet. Ego, inquit,
 cælum & terram impleo: quia thronus eius est, & propter illum honoratur,
 non per seipsum: ac omnis eius dignitas ad eum refertur. Neque per terram:
 quia scabellum pedum eius est, & ideo honor eius honori diuino inferuit. Ne-
 que per Hierosolymam: quia ciuitas magni regis est, teste Dauide. Neque
 per caput nostrum: licet enim caput nostrum sit, inquit Euthymius, non ta-
 men opus nostrum: quod ex eo manifestum est; quia non possumus vnum ca-
 pillum, aut album facere, aut nigrum.

Quod

QUod igitur mediū erit, aut quæ ratio faciendæ fidei? Illud vnum, vt populus Dei linguam suā ita adsuefaciat veritati, vt sit illorum sermo, Est, est, Non, non: quia inter Est, & Non est, patens est materia fallendi, inquit Hilarius. In fidei simplicitate viuenti, iuramento opus non est. Sic igitur suos instruit, vt ita seruorum suorum sermo institutus sit; vt nunquam de illis, quod contrarium dixerint, probari possit; vt non exeat mendacium vnquam de ore illorum; vt omnis sermo fidelis pro iuramento sit. Ita enim futurum est, vt affirmatio eorum, omni sit certior iureiurando: & negatio itidem. Nam amplius quod est, ex malo est; non tam à diabolo, vt quidam interpretatur; huic enim nihil tribui creatum potest; sed hominum praua educatione, mentiendi consuetudine, fallendi vsu. Non dicit autem iuramentum esse malum, sed ex malo: est enim pars cultus diuini recognoscens eius veritatem, rerum item humanarum prouidentiam, ac cogitationum humanarum inspectionem: sed si non ex leui causa suscipiatur, vt diximus. Iurandi ergo religione opus non erit, quibus semper Est, est, Non, non: ac omnis eorum sermo, & opus in vero est.

82 **Q**Uod si necessaria iuramenta hoc loco condemnantur, quid superflua? quid omnis nominis Dei vana vsurpatio, atque verbi illius prophanatio?

83 **S**ed forte dices, inquit Chrysostomus: Quid faciam? non mihi credit *In Math. hō.* nec vult credere nisi iurauero. Acquiesce magis pecuniam perdere quam salutem. *12. ope. imp.* Preciosior tibi videatur anima sua, quam res tua. Si rem aliquam perderis, viuere potes, si Deum perdideris, quomodo viues?

84 **S**umma causa est, vt sincerè & bona fide inter nos contrahamus. Fons enim iuramentorum est perfidia, ex hominum vitijs manans, & sermones flexiloqui, quos Græci vocant *λογίσους*. Candor & constantia facit fidem.

85 **N**on iurare, & iuramentum petere, ad idem peccatum pertinet: quomodo enim ad id, quod tu fugis, fratrem tuum induces? si tamen fratris amator es, & nō magis pecuniæ.

86 **N**otandum idem etiam de votis sentiendum esse; vt neque temere instituantur: & si instituta sint, nunquam soluantur. Vouete, inquit, & reddite: Vota mea reddam domino coram omni populo eius.

87 **D**icit in altum cælestis magister, cuius singuli progressus, sunt singuli perfectionis gradus. Dixit superius, iudicia non esse persequenda: dixit non esse iurandum: amplius progreditur, talionem non esse referendum: iniuriam non modò non vindicandam esse, sed summa etiam accepta iniuria, paratum & obfirmatum esse debere, ad aliam longè maiorem, Dei & proximi causa, ferendam; nouam patientiæ virtutem, quam mundus hactenus ignorabat, docens: Si quis te percusserit in dextram maxillam tuam, præbe illi & alteram: & ei qui vult tecum in iudicio contendere, & tunicam tuam tollere, dimitte ei & pallium. Et quicumque te angariauerit mille passus, vade cum illo & alia duo. *Vide Augu. epistol. 5.* Dubium autem non est, ex superioribus, quæ hîc dicit, non ad literam, sed ad sensum referenda esse: quomodo illud: Si te scandalizat oculus tuus, erue illum: sic & hoc loco: Si quis te percusserit in dextram maxillam: Nam si ad literam intelligas hæc, hoc esset ignem ferro fodere, & crabrones irritare. Sensus

SERIES
EVANGELII.

igitur est: Ita animum obfirma, Dei que timore confige; ut una iniuria accepta, sis ad maiorem accipiendam, si opus sit, paratus: nouis que tolerandis persecutionibus te pares, ne resistendo finis unius calamitatis, sit alterius initium. Nec in vno genere iniurie ita sis obfirmatus, sed in omnibus alijs, quæ vel ad corpus referri solent, vel ad facultates & fortunas, vel ad opera nostra. Siue igitur quis colaphum inflixerit, præbe illi & alteram maxillam, quod ad corpus pertinet: siue quis tunicam accipere velit, quod ad fortunas refertur, dimitte illi & pallium: nec pudeat Christi causa nudum esse, qui tua causa toties denu-
dari voluit: modò pacem & charitatem alas, Deum non offendas, mentis tranquillitatem conserues: siue quis te angariauerit mille passus, quod ad laborem pertinet, pare, plus etiam quam postulat frater. Hanc doctrinam Apostolorum temporibus usitatam fuisse, Paulus Corinthijs scribens testatur: Sustinetis, inquit, si quis vos in seruitutem redigit, si quis deuorat, si quis accipit, si quis extollitur, si quis in faciem vos cædit. Notat D. Basilius circa hæc verba: si quis te angariauerit, mille passus, vade cum illo & alia duo; exigere à nobis Dominum subiectionem & obedientiam. Quod etiam facere videtur Apostolus, qui monet, ut subiecta simus inuicem in timore Christi; & supportantes inuicem, in charitate Christi.

2. Cor. II.

Ephes. 4.

D. Chryso: in
Matth. Hom.
12. Op. Imper.

Qui petit à te, da ei, si potes: & volenti mutuare à te ne auertaris. Mutuū dare iubet, non tamē sub vsuris. Similis enim est pecunia vsuraria aspidis morſui. Sicut enī qui ab aspidē percutitur, quasi delectatus vadit in somnū, & sic per suauitatem corporis moritur: sic & qui accipit sub vsuris, pro tempore delectatur, quasi qui beneficium accipit: & sic per suauitatem beneficii non sentit quod captius efficitur. Nam sicut venenum aspidis latenter per omnia membra discurret, & corrumpit; sic vsura per totas facultates eius discurret, & conuertit eas in debitum. Sicut enim fermentum modicum, quod mittitur in multam farinam, totam conspersionem corrumpit, & trahit illam, & facit illam totam fermentum; sic cum vsura in domum alicuius intrauerit, totam substantiam eius ad se trahit, & conuertit in debitum. 88

Notandum, cum iubet dare & mutuare omni petenti, differentiam hominum eum notare, non numerum: nam singulis, & diuites si semper darent, semper dare non possent, inquit Hieronymus: nam in numero omnibus dare, ipsius solius est, qui dixit, dandum esse omni petenti. Sed intelligit omni petenti, siue ille amicus, siue inimicus; siue fidelis, siue infidelis; siue pecuniam quærat, siue aliud subsidium. 89

Vsuram, ut quidam putant, intelligi beneficium, aut humanitatem, absurdum est. Atqui aliud illi putarunt qui dixerunt. Quid est scenerari? est hominem occidere, & ille qui furem quidem tripli, vsurarium autem quadrupli condemnare iubet. Nam si gratis iubemur dare, quantò magis nihil accipere? 90

Notandum, omne iniuriarum genus Christum Dominum persecutum esse, siue corporis, siue facultatum, siue operæ: præter famæ & existimationis: quæ si vera est, lædi non potest: vel si scandalum paratura est, num vindicari ac defendi eam oportet, an planè famæ mendacia ridenda? Una autem est hæc via tranquillitatis nostræ, vnica & verissima medicina omnium repellendarum 91

darum iniuriarum. Hæc enim videntes homines, qui modò digni sunt compellatione hominis, non modò non infligent plagam alteram, vt inquit Euthymius, sed de priore quoque resipiscunt & reconciliabuntur: at si restiteris, exasperabuntur magis ac irritabuntur. Sic & pallium nemo à porrigente accipiet, restituet etiam potius & tunicam: quod aliquando in beato CANTIO vita & eruditione inclyto huius nostræ Cracouiens. Vniuersitatis sancto, probatum est. Hinc illud D. Chrysostomi: Iracundia per iracundiam non compescitur, sed amplius irritatur. Sed neq; Diabolus tantum de vulnere humani corporis gaudet; quantum in vulnere animæ delectatur. Ideo enim excitat aliquem qui te percutiat, vt dum tu excitatus reperiatur eum, pecces; & vno ictu vulneret ambos. Ideoq; si reperiueris, in prima quidem facie illum vicisse videris, re vera autem à Diabolo victus es. Et putas quia te satiaisti de illo, verè autem Diabolum satiaisti de te. Si autem non reperiueris, ab homine quidem victus videris; Diabolum autem vicisti.

D. Chryso: in
Math. ho. 12.
Ope. Imper.

92 **F**ecit hoc primùm legislator, qui cùm malediceretur, non maledicebat: cùm pateretur, non comminabatur: tradebat autem iudicanti se iniuste. Iræ- *Iren. li. 3. cap. 20.* næus. Ipse hoc, inquit, fecit in cruce, intantum diligens humanum genus, vt etiam pro his qui se interficerent postularet. Ieremias de bono viro vt exponit Hieronymus. Dabit, inquit, percutienti se maxillam, faturabitur opprobrijs. Dauid magnificè de se: Si reddidi retribuentibus mihi mala, decidam meritò ab inimicis meis inanis. Quæcunque autem ille, inquit Chrysostomus, dinumerat meritò se pati debere, si reddiderit retribuentibus sibi mala: sciant christiani omnia illa passuros, si reddiderint retribuentibus sibi mala. Nam & casuri sunt ab inimicis suis inanes; & persequuturus est inimicus animas eorum, & comprehensurus, & conculcaturus in terra vitam eorum, & gloriam eorum in puluerem deducturus.

In Math. bō.
12. oper. imp.

93 **C**haritatis legem concludit vltimò dilectus Dei patris filius Christus Dominus, epilogum totius legis facit: obsignat plusquam aureo sigillo æternum memoriale populo Christiano. Diligite inimicos vestros, & benefacite his, qui oderunt vos. In quo sigillo, omnia quæ hæcenus sunt dicta, concluduntur. Qui enim diligit inimicum suum, Racha non dicet, Fatue non dicet, vxorem non ducet alterius, tribunalia non turbabit, oculum & dentem alienum non repetet. Hoc autem amplius addit ad ea, quæ dicta sunt, quòd omnia illa extrinsecus esse possint, aspectuiq; humano imponere, cùm tamen pectus flammis odij, inuidiæ & vindiçtæ ardeat. Fontes igitur incendij extinguuntur, fomes aufertur: charitas in centrum cordis reuocatur. Audistis, quia dictum est antiquis: Diliges proximum tuum: ego autem dico vobis: diligite inimicos vestros. Prauè ludææ nomen proximi intellexerat, pro solo amico ac beneuolo, cùm nusquam in lege hoc dictum fuerit: sed proximus tuus ille est, in quo communem naturam recognoscis: quem os ex osse, carnem ex carne reputas. Quid enim magis proximum esse potest, quàm tu tibi ipsi, qui te ipsum in altero tanquam in speculo recognoscis? Neque verò in ore nostro solo id apparere vult; sed magis in manibus eorum, qui amantur. Et benefacite, inquit, eis, qui oderunt vos. Quòd si superbi, contumeliosi, contumaces erunt,

SERIES
EVANGELII

vt nihil à vobis accipere velint, beneficioque vestro deteriores fiant, vos orate pro illis, vt Deus corda illorum emolliat, vobisque amica reddat. Noua hæc philosophia, nulli philosophorum vsitata, philosophia cæli, non terræ.

Non ignorabat autem cæli sapientia, subdiora hæc futura, superbo ac 94 ignauo luto nostro: cui graue est non tantum inimicos amare, sed amicis etiam sinceram conscientiam seruare. Magno igitur ac nouo beneficio, magnum proponitur exemplum & præmium. Vt sitis, inquit, filii patris vestri, qui in cælis est. Quam multum laborant plurimi, vt aut Homero, aut Aristoteli, aut Demostheni, aut Ciceroni similes fiant, aut Catoni, aut Scipioni. Quod si aliquid earum rerum consequuntur, Deum immortalem, quantum efferri solent & superbiunt? At qui diligit inimicos suos, est filius patris qui in cælo est. Magnum est esse filium regis: sed maius filium Dei: nec qualemcunque filium, sed similem patri; non natura, sed similitudine, amando videlicet inimicum: ita similem, vt ex facie & rebus gestis, facile quis primo cognoscat aspectu, te filium esse huius patris. Nihil autem magis honorificum est filio, quam imitari bonum patrem: & nullum alium magis amat pater, quam talem filium, in quo similitudo & imago patris relucet. Atqui hoc soli consequuntur ij, qui amant inimicos suos. Hic est frater Christi, qui inimicos suos amauit, ac pro iis in cruce deprecatus est. Nihil autem magis est proprium Dei, quam illos amare, qui eum fugiunt, vel offendunt etiam: Quod communissimo & vulgatissimo exemplo demonstrat filius. Qui solem suum oriri facit, super bonos & malos: & pluit super iustos & iniustos. Quæ res, etsi frequenter vsu vulgaris effecta est; eiusmodi tamen est, vt sine illa ne diem quidem vnum, genus humanum consisteret: hac enim omnia generantur, nutriuntur, augentur, ac perficiuntur. Quid autem tali præmio & mercede faciendum non sit, si millies etiam moriendum esset? Præcepta igitur illius gratia non sunt, quia merces copiosa.

Notant autem hoc loco patres sancti, Iustinus primum. Iesum iussisse di- 95 ligere etiam inimicos, quod & per Isaïam dudum prolixè prædicatum fuerat. Verba Isaïæ sunt hæc: Audite verbum Domini, qui tremitis verbum eius: dicite, Fratres nostri estis odientibus vos, & abominantibus propter nomen Domini. Glorificabitur Dominus, & conspicietur vobis lætantibus: ipsi verò pudebunt. Notat deinde D. Irenæus: Deum, qui solem suum oriri facit omnibus benignè, & pluit super iustos & iniustos, iudicaturum eos, qui ex æquo benignitatem eius percipientes, non similiter secundum dignationem murationis eius conuersati sunt; sed in deliciis & luxuriis versati sunt aduersus beneuolentiam eius, adhuc & blasphemantes eum, qui tanta beneficia in eos fecerit. Notat tertio D. Chrysostomus: Vidisti nempe, inquit, quantis ad perfectionem gradibus ascenderit: & quemadmodum nos ad ipsum virtutis cacumen eduxerit. Considera verò ab exordio eos recensens. Primus est gradus, ne prior iniuriam ordiâre. Secundus, vbi est iniuria capta, ne tu illam eodem pacto propellas. Tertius, ne par pari referas, sed quiescas. Quartus, vt etiam præbeas te ipsum ad iniuriam sustinendam. Quintus, vt etiam ad maiora te præbeas, quam vult ille qui fecit. Sextus, non odisse à quo ista perpeteris. Septimus, etiam diligere lædentem. Octauus, beneficiis quoque eum afficere. Nonus, etiam Deum pro aduersario deprecari.

Sed

96 **S**ed & illud notandum est, Deum inimicos suos peccatores, & iniustos vocare, amicos autem qui mandata eius seruant.

97 **T**ergiuersatur hoc loco in mercedis nomine Caluinus: & nunc beneficium, nunc mercedem vocat. Sed nihil est quod illum tantopere sollicitum habeat. Est & beneficium & merces: sed prius beneficium, quam merces. Beneficium, quia Deus sua dona in nobis coronat: quia vltra condignum hoc est meritum. Quæ enim proportio adoptionis in filium Dei, similitudinis paternæ, cum modica inimici dilectione, vt simus filii patris nostri qui in cælis est? Merces autem, quia operis causa adhibetur: & ideo non est causa, cur Caluinus mundum turbet & charitatem.

98 **P**rimus legislator ipse, hac ipsa patientiæ via incesit; qui in tempore crucis suæ, non matris prius, non dilecti discipuli, non alterius cuiusquam mortaliū mentionem fecit, quam inimicorum. Pater, dimitte illis: non enim sciunt quid faciunt: quod primum crucis verbū est. Idem Stephanus fecit: idem tot myriades sanctorum. Trita hæc via est sanctis. Si autem non modò inimicos non diligimus, sed ne amicos quidem verè & sincerè; sed neque benefactores, & eos nonnunquam, à quibus prognati sumus; tum hæc quidem iniquitas tanta est, quæ cum nulla comparari possit.

99 **N**otandum, specimen hoc loco charitatis & patientiæ edere voluisse in præcepto perfectionis, Caluinum. Ad opus præceptum reuocat, ac ita præclare in monachos aliosque ministros Ecclesiæ inuehitur. Sed placet illum charitatis verba fundentem audire: quis enim in hoc genere loquacior? Hæc inquit, monachis, & similibus rabulis causa fuit, vt fingerent hæc fuisse Christi consilia, non præcepta, quòd hominum viribus metiebantur, quid Deo & legi ipsius debeant. Interim verò non puduit monachos perfectionem sibi arrogare, quòd seruandis consiliis vtrò se obstringerent, quam fideliter præstent: quod titulo tenus vsurpant, nunc dicere omitto. Quam verò de consiliis præposterum sit insulsumque commentum, primò indè patet, quia non sine Christi iniuria dicitur, suasisse ipsum discipulis, non pro imperio mandasse, quod rectum erat. Deinde plusquam insulsum est, libera facere charitatis officia, quæ ex lege pendent. Tertiò dicendi verbum, quod denunciare ac præcipere hoc loco significat, perperam consulere exponitur. Postremò, sancire quod necessariò præstandum est, probatur; dum addit continuò post, Vt sitis filii patris vestri, qui in cælis est. Et disertè hæc ille fortasse, sed falsè. Nam primum hoc falsum est, aliquè catholicorum præceptum hoc de diligendis inimicis inter consilia retulisse, cum talis pactio apposita sit: Si dimiseritis hominibus peccata eorum; dimittet & vobis pater vester celestis delicta vestra: si autem non dimiseritis hominibus; nec pater vester dimittet vobis peccata vestra. Sed multa ille, vt & alii omnes hæretici, ex non scriptis & dictis allegant, teste Irenæo. Deinde falsum est, monachos sibi perfectionem arrogare. Disputat diuus Thomas, vtrum monachus ad perfectionem obligetur: concludit, ad solum conatum perfectionis obligari illos. Monet tamen Christus Dominus, & eo corollario concludit, vt simus perfecti, sicut pater noster perfectus est: non quidem

simpliciter, quoniam solus filius eam perfectionem consequi potest; sed quantum natura capax est: non ad æqualitatem referens, sed ad similitudinem. Et hæc quidem ille temerè, illud autem mendaciter, consilia Christi à mandatis non distingui, ac nihil Christum consuluisse, sed præcepisse omnia. Nam hæc distinctio primò ex ipsis Christi verbis colligitur. Quærebat adolescens modum quo saluus esse posset: respondet Dominus: Diliges Dominum Deum tuum, & proximum tuum sicut teipsum. Amplius aliquid quærit: refert illud consiliū, *1. Corint. 7.* Vade & vende omnia, si vis perfectus esse, & da pauperibus. Sed Paulus in forma loquitur: De virginibus præceptum Domini non habeo, consilium autem do: tanquam misericordiam à Domino consecutus, ut sim fidelis. Puto autem, quod & ego spiritum Dei habeam. Deinde nemo est ex veteribus, qui hæc non distinxit. O doctorem syncerum! ô veritatem Euangelicam!

Psal. 18. **M**ulti præcepta Dei imbecillitate sua metientes, inquit Hieronymus, non sanctorum viribus æstimantes, putant esse impossibilia quæ præcepta sunt: quæ non solum ego impossibilia, sed multum etiam possibilia dico, iucunda etiam & grata, salutaria autem imprimis: ac non solum futuræ vitæ, sed huic etiam accommodata ac pernecessaria. Quid enim hac lege agit aut commendat sanctissimus legislator noster, quam amorem fraternum, quo nihil amabilius, nihil suavius, nihil iucundiùs esse potest: quo sano & integro, cessant bella, conticescunt tumultus? Quid aliud commendat & tuetur, nisi primum vitam nostram, ne immeriti occidamur, ne contemnamur, ne vel verbo lædamur, nisi fortunas nostras, ne vel aspectu cupido offendamur. Quæ autem dilectio, quæ suauitas maior esse potest, quam quod dilectionem nostram, existimationem nostram honori suo anteferat, longè nostra integra sibi gratiora esse ostendat omni suo honore: planeque profiteatur se inimico nostro amicum esse nolle, nisi nobiscum reconcilietur, nisi nobis satis faciat: inimicis verò nostris inimicum se esse. Nos autem quoties inimicos eius amicos & fideles, amicos autem inimicos & hostes reputamus? Lex igitur Domini immaculata, conuertens animas: testimonium Domini fidele, sapientiam præstans paruulis. Iustitiæ Domini rectæ letificantes corda; præceptum Domini lucidum, illuminans oculos. Timor domini sanctus, permanens in seculum seculi: iudicia domini vera, iustificata in semetipsa. Sed nos ad alia transeamus.

Caput VI.

SERIES
EVANGELII.



Ad summum verticem virtute, charitate, & perfectione adducta, nunc eius inutiles ramos, vitiosas propagines, quæ illi adnasci solent, stolonesque, vanam, inquam, gloriam, ostentationem, iactantiam amputat, agrumque virtutis purgat. Neque enim sola recta & iusta faciendæ esse, dicebat Aristoteles, sed etiam iuste & rectè, hoc est debito modo, ratione ac fine. Primum igitur hoc in genere omnis iustitiæ, quæ pro tota virtute hoc loco sumitur, facit; deinde in eius partibus.

At tendite, inquit, ne iustitiā vestram faciatis corā hominibus ut videamini ab eis. Ponit præceptū primum: deinde causam. Præceptum, Attendite ne iustitiam corā hominibus faciatis. Causam, alioquin mercedem non habebitis apud patrem

patrem vestrum, Dicit autem, Attendite, hoc est cum magna cautione videte, tanquam à fera quadam pessima & astutissima, quæ latenter infidiatur, & iucundè in animum influit, cauete. Est enim ambitio vitium astutum, virtuti proximum & adhærens, neque illud simplices quosdam & rusticanos sequitur, sed sapientes plerunque, ac quos bonos viros nominare solemus. Vltimum hoc vestimentum deponit sapiens: inter ieiunia, eleemosynas, orationes se immiscet, indeque incrementum sumit. Attendite igitur: stete in custodia.

3 **I**ustitiam nostram vocat, ad differentiam eius, quæ Dei est, quomodo Dauid: Iudica me Deus, secundum iustitiam meam, & secundum innocentiam meam. Iustitiæ enim Dei, uti cælum à terra, ita à iustitiis nostris distinguuntur: tam quæ nobis in baptismo, primaque vocatione tribuuntur; quam quæ nos cælitus consequuntur, omnibus diebus nostris. Vocat item iustitias nostras, ut illis adhæreamus, ac ut modernos Calvinistas, Lutheranos refutet, qui negant vllas iustitias esse nostras, præter quasdam imputatiuas. Attendere autem iubet, ne illas coram hominibus faciamus. Vitiat enim virtutes affectatio ostentationis.

4 **N**otandum autem, non simpliciter dici coram hominibus: nam hoc ipsum pugnaret cum præcedenti doctrina: Sic luceat lux vestra coram hominibus, ut videant opera vestra bona, & glorificent patrem vestrum, qui in cælis est: ut & ipsi ad similia prouocentur. Sed dicit, ut videamini ab eis, hoc est eo fine, ut videamur, laudemur, in cælum feramur. Atque ea mens, id consilium si fuerit: melius est non facere, quam propter homines facere. Qui enim non facit, etsi in cælo non inuenit, vel super terram nihil perdit: qui autem propter homines facit, & in terra perdit, & in cælo non inuenit: estque mercenario malo per similis, qui intra tempus locationis suæ comedit omnes mercedes suas; cum autem tempore completo recesserit, nudus egreditur. Sic ergo vacuus vadit ad Deum, qui mercedem omnium bonorum suorum accipere desiderauit in seculo. At si eo fine omnia fiant, ut ad glorificandum patrem homines conuertantur, tunc hac ratione non modò non peccatur, sed sanctè fit: ac quot homines inde conuersi fuerint, tot merita exoriuntur. Hoc eodem modo, si tuba canatur, peccatum est, si eo fine ut videaris: meritum, si ut alios prouoces ad pietatem, aut conuoces, quale illud apud prophetam: Canite tuba in Sion. Pulchrè igitur ex Chrysostomo Theophylactus: Si coram hominibus omnibus etiam facias, neque tamen ut videaris, non peccas, imò mereris. Si autem vel intra parietes, modò ut cognoscaris, peccas, cares mercede: mentem enim vel punit, vel coronat Dominus.

5 **S**ed quo damno ostentatio fit? quia mercedem non habet apud patrem, qui in cælis est, quem non respicit; sed apud homines, quorum approbationem quærit. Mercedis autem nomen idque cælestis toties inculcatur, ut noui Evangelii ora obstruantur ac pudefiant. Quam tamen mercedem Ecclesia Catholica donum esse confitetur, quia Deus in nobis sua dona coronat, datque gratiam pro gratia. Toties autem inculcat patris cælestis nomen, ut patrem in cælis habentes terrena despiciamus omnia, & huiusmodi patre dignè conuersemur.

6 **Q**uæ autem causa est, cur tantopere vanam gloriam hominumque iudicia

dicia non à Christo Domino tantum, sed à philosophis ipsis etiam declinare iubemur? Mitto illud, non virtutem, sed causam virtutis apud Deum mercedem habere: hoc dico, si quis vanæ gloriæ hominumque causa officium facit, tantisper illud facere, quantisper inspectorem & laudatorem habet: qui si absit, statim ad ingenium redire. Eodem modo tantisper à vitio declinare, quoad rescitum iri putauerit. At ubi se latere arbitratur, omnia deinceps sibi licere putare. Cum autem inspector atq. laudator non semper adesse possit: vel si adsit, non semper laudare, vel propter ignorantiam, vel propter iudicii exiguitatem possit: vel si possit, tamen aut propter inuidiam, aut propter contentionem, aut propter malevolentiam, vel aliquid aliud laudare nolit; ibi agentis manus labascere. Et ideo præclare ille: Vbi seruimus oculis hominum, Deum non constituimus vitæ nostræ acceptorem & approbatorem. Addo, quod hic ipse, qui talem sibi vitæ suæ & actionum suarum finem constituit, inspectorem inquam & auditorem, nunquam tranquillo animo esse poterit, metuet semper, ad quosuis famæ rumusculos exanimabitur. Nam cum hominum iudicia sint incerta, inconstantia, maligna aliquando; ille quoque cum sua felicitate in horas mutetur oportet. Euenit enim plerumque; ut hic, qui te hodie opusque tuum laudabat, ac in cælum ferebat; idem aliqua mutata circumstantia, iterum deprimat ac deiiciat: imò si aliquid præclarum gesseris, pro laude & gloria, dedecus & reprehensionem, infamiam nonnunquam ac mortem referas. Ita nunquam esse potest illic firma stabilisque animi tranquillitas aut fida statio, ad quam nos saluator cohortatur: quæ, si Patri cælesti, salutis nostræ, liberis mentibus seruiamus, conseruari poterit. At qui Deum ipsum sibi proponit, qui illum tanquam finem vltimum sibi constituit, qui omnem mercedem laborum suorum in sinu eius reponit: cum ab eo nunquam abesse possit, & eum semper inspectorem habeat; delinquet nunquam, retrò pedem non referet, opus urgebit: eum enim finem sibi proposuit, qui nunquam mutari potest, apud quem fixa & certa sunt omnia: securus amorem suorum & mercedis, metuet nunquam, gaudebit semper, quietum ac placidum sensum sequetur: illi soli liber, vacuusque cura seruiet, illo se oblectabit, eam culcitram capiti suo subiiciet, dicetque confidenter: Reposita est spes mea in sinu meo.

Notandum, offendere vel in primis, in omni doctrina, Euangelicorum aures, mercedis nomen: idque eius, quæ in cælis est, cum de bonis operibus fit mentio, quasi verò non Euangelij potius quam cuiusquam mortalium sint verba. Nec vident homines stulti, eam totam orationem ad eos, qui Christum secuti sunt, proque illo vitam & sanguinem profusuri erant referri: qui in primis pactum æterni parentis cum mortalium genere præsupponunt, meritum deinde passionis & mortis Christi quasi certissimum remedium & medium salutis; tertio gratiam primam; quasi formam quandam, in qua vocati & sanctificati sumus: vltimò conditum, & opus, & denarium, qui non tam merito operis, quàm benevolentiae & promissionis æterni patris par est, non sine tamen opere: nam ijs qui tota die otiosi stant, operi se nunquam accingunt, nullum pretium numerari legimus. Hæc Christianæ doctrinæ elementa sunt: hæc in catholica ecclesia toto anno prædicantur: hæc omnibus festis designantur: hæc caeremonijs adumbrantur: pedem christianus non profert, quin aliquam significationem eorum non testetur: omni denique ætati, ordini ac conditioni hominum

minum sunt notissima. Quæ si non ubique inculcamus, clamant catechiste isti, hæc negligi. Atqui hæc in populo christiano primò nota sunt, cum lacte hausta, in succum & sanguinem conuersa, axiomata prima: quæ qui non sumat, hic christianus non sit: lac primum, nutritio prima, qua causa, ne semper pueri sint, ne semper lacte indigeant; hæc paucis repetere, ac quasi in limine huius doctrinæ commemorare volui; ne semper eadem repetere, in consequenti doctrinæ necesse habeam.

8 **A**Toto ad partes transit, ac eandem iactantiam & vanam gloriam in omnibus declinandam esse docet: potissimum autem in istis tribus primis bonorum operum capitibus, eleemosyna, oratione, & ieiunio: partim quòd iis peculiariter ostentatio adnasci; partim, quòd diabolus hoc loco suos laqueos plerunque extendere soleat: quod in pharisæo cum publicano orante apparuit, qui omnes partes ostentationis in hoc triplici genere composuit: Ieiuno, inquit, bis in Sabbatho, decimas do omnium quæ possideo: & cætera.

9 **A**B eleemosyna igitur orditur, quæ nescio quid speciosius habet: Cum igitur facis eleemosynam, noli tuba canere ante te, sicut hypocritæ faciunt. Solebant siquidem hypocritæ captandæ auræ popularis causa, in compita exire; atque ibi tuba canere: specie quidem ut conuocarentur homines, re autem ipsa, ut iudicia hominum excitarentur. Nam vana gloria vanitatis suæ conscia, semper neglectu gloriæ se tegere solet; ac inde aliam vanitatem quærere. Nam & isti prætextum speciem & quasi pallium quoddam improbitatis, egentium conuocationem, habebant: re autem ipsa canebant tuba, ut viderentur ab hominibus liberales, benefici, ac in proximos misericordes.

10 **H**Ypocrita autem nomen scenæ est, qui personam aliam habet, & alterius gerit, ut cum Irus sit, Cresum agat. Inde igitur sumpta similitudine, hypocrite illi dicuntur, qui alii sunt, & alii apparere volunt: alienam personam induunt; ut probi, Dei que cultores esse videantur: & ut inquit Euthymius cum auarissimi sint atque rapacissimi, liberales tamen & munifici plerunque videri volunt. Nihil autem miserius est, quàm personatum semper incedere. Quam personam Dominus Deus, ubi minimè velimus, detegere solet: in extremo autem iudicio, omnibus planè in totius orbis aspectu detrahetur, ut nudata plumis alienis cornicula moueat risum. Difficilis est virtus, dicebat quidam eorum qui foris sunt, sed difficillima diuturna eius simulatio. Decidit hæc persona facile, plerumque ubi nolis. Præstat igitur esse quàm apparere dicebat Plato: imò & facilius. Plus inferno se odisse, dicebat Homerus, eum hominem qui aliud agat, aliud simulet. Ideo totius iniustitiæ nullam capitaliorem esse dicebat homo Romanus, quàm eorum, qui cum maximè fallunt, id agunt, ut boni viri esse videantur.

11 **A**Men amen dico vobis, receperunt mercedem suam: hoc est humanam: quia non Dei mercedem, sed suam, inquit D. Hieronymus, secuti sunt.

12 **T**E autem faciente eleemosynam, nesciat sinistra tua, quid faciat dextera tua. Sensus est: ita ab omni ostentatione absis, ut si fieri possit, nesciat manus sinistra (quæ nescio quid sinistrum significat, hoc est humanæ laudis delectationem)

onem) quid facit dextera, quæ intentionem præcepti Dei implendi designat. Multò autem magis, ut, si effici possit, te ipsum lateas, ut quid agas nescias, ne efferaris, ne superbias, ne tibi aliquid magnum tribuas, ut sit eleemosyna tua in abscondito. Satis certus rectè factorum est thesaurus, ipsa rectè factorum obliuio. Quia sicut aurum, vestemq; pretiosam cum in publico ponimus, plurimos ad insidias prouocamus: si verò ea recondamus atque occulamus domi, in tuto cuncta seruabimus; sic sunt etiam diuitiæ virtutum, si eas in memoria quasi venales assidue portemus, irritamus Dominum, armamus hostem, & inuitamus ad furtum. Sæpè enim fit, ut homines non tam Deo, quàm sibi ipsi sacrificare videantur.

ET pater qui videt in abscondito, cui conspicua sunt etiam quæ in tenebris sunt, à quo etiam sepulta videntur; hic reddet tibi, qui more patris gaudet, videns bona opera filiorum. Neque te desertum, aut locus solus terreat, habes theatrum in latebris: pater id videt in abscondito: nec solus videt, sed cum Cherubim & Seraphim, cum tota triumphanti ecclesia; cuius tamen solius oculus habendus sit pro amplissimo theatro: neque solùm videt, sed potest etiam reddere. Et modus quidem faciendæ eleemosynæ hic est.

NOtandi autem sunt hoc loco stimuli, qui nos ad eleemosynam faciendam vrgerent debent.

Primus, exemplum cælestis parentis: Qui dat escam omni carni, & pullis coruorum inuocantibus eum: in quem oculi omnium sperant, qui aperit manuum suarum, & implet omne animal benedictione.

Secundus stimulus: Filii eius benignitas mira, qui seipsum tradidit pro nobis, ac omnia nobis donauit, corpus, animam, spiritum, vitam: ac quotidie donat, carneq; sua & sanguine suo reficit, qui sua à nobis in persona suorum mendicorum mendicat, quod ipse testatur: Quam diu fecistis vni de his minimis fratribus meis, mihi fecistis. Qui enim diuitem honorat, propter personam ipsius honorat eum: qui autem pauperem honorat, propter personam Christi honorat.

Tertius stimulus, quod ipsi omnia accepimus, perpetuique mendici sumus. Quid enim habes, inquit Paulus, quod non accepisti? Si autem accepisti, quid gloriaris, quasi non acceperis? Mendicitatis autem nostræ quotidianæ formula illa est: Panem nostrum quotidianum da nobis hodie, & dimitte nobis debita nostra.

Quartus stimulus, quod graui ære alieno præmimur, quod alio modo persolui non potest, nisi eleemosyna: Date, inquit, & dabitur vobis. Peccata, inquit Propheta, eleemosynis redime. Sicut aqua extinguit ignem, ita eleemosyna peccatum, quam secundum baptismum Augustinus vocat.

Quintus stimulus, quia tota via cæli, & iudicii formula ex eleemosynis constat. Et pater cælestis, qui videt in abscondito, reddet tibi. Et illud: Venite benedicti patris mei: esuriui enim & dedistis mihi manducare: sitiui, & dedistis mihi bibere: hospes eram, & collegistis me: nudus & operuistis me: infirmus, & visitastis me: in carcere eram, & venistis ad me.

Sextus

20. **S**extus stimulus, quia hæc est felicitas nostra, posse alijs prodesse, benevolentia æterni patris, qui dare nos potius voluit, quàm petere, abundantes quàm egentes esse.

21. **S**eptimus, quia magnò redimeremus postea hæc, quæ nunc parvò comparare possumus. Cogita inquit Chrysostomus, quanti te redimere iustum esset, ne tristissimam simul & iustissimam sententiam iudicis audias: Discede à me. Et illam: Serue nequam & ignaue. Et illam: Auferte ab illo talentum. Et illam: Ligatis pedibus eius & manibus. Et illam: Discedite à me omnes, qui operamini iniquitatem. Non noui vos. Quanta item pecunia comparet libenter quis, vt illam vocem audiat: Venite benedicti patris mei. Et illam: Serue bone & fidelis, super pauca fuisti fidelis, supra multa te constituam: intra in gaudium Domini tui, recumbe cum Abraham, Isaac & Iacob in regno cælorum.

22. **O**ctauus, quia non nostra damus, sed mutuata, communia omnibus, & quæ nobis, nolentibus ac volentibus, aliquando relinquenda sunt, idque cum magno dolore. Vnde grauitè D. Gregorius. Sciant, inquit, sollicitè, quod ea, de qua sumpti sunt, cunctis hominibus terra communis est: & idcirco aliena quoque omnibus communiter profert. In cassum ergo se innocentes putant, qui commune Dei munus sibi priuatum vendicant: qui cum accepta non tribuunt, in proximorum nece grassantur: quia tot penè quotidie perimunt, quot morientium pauperum apud se subsidia abscondunt. Nam cum quælibet necessaria indigentibus ministramus, sua illis credimus: non nostra largimur: iustitiæ debitum potius soluimus, quàm misericordiæ opus implemus. Et Lactantius: Deus, inquit, communem omnibus terram dedit, vt communem degerent vitam; non vt rabida & furens auaritia sibi omnia vendicaret; nec vlli deesset, quod omnibus nasceretur. *3. Pastoral. adm. 22. Lib. 5. Diuin. Instit. cap. 5.*

23. **N**onus, quia dispensatores rerum sumus, non Domini: cuius dispensationis nobis aliquando grauis reddenda erit ratio, vbi illa tuba intonuerit: Redde rationem villicationis tuæ; ita vt vbi maiora sint dona, ibi rationes crescant donorum.

24. **D**ecimus, quia in fratres & proximos nostros conferimus, imò in carnem de carne nostra, in os de ossibus nostris: vnde Propheta, Si videris nudum operi eum, & carnem tuam ne despexeris. *Isa. 58.*

25. **V**ndecimus, quòd temporis & diei nostri mali fiducia hæc est: Qua mensura mensi fueritis, remetietur vobis. Beatus, qui miseretur super egenum & pauperem: in die mala liberabit eum Dominus. *Mat. 7. Psal. 40.*

26. **D**vodecimus, quod hic imber est fortunarum nostrarum: inde vbertas agrorum, plenitudo cellarum. Et pater, inquit, tuus reddet tibi. Vnde qui hæc negant pauperibus, illud prophetæ exaudiunt: Seminaftis multum & intulistis parum. Respexistis ad amplius, & ecce factum est minus: & intulistis in domum, & exufflaui illud. *Agg. 1.*

27. **T**redecimus, quia eundem portum miserijs nostris paramus, si in easdem inciderimus calamitates. Neque enim præsentì credendum est fortunæ, cum

H

quid

Matth. 7. quid serus vesper ferat incertum sit: & quæ vultis vt faciant vobis homines, eadem & vos facite illis.

Galat. 2. Quartus decimus, exempla sanctorum, Iob, Thobiæ, Ioannis Eleemosynarij, Paulini, qui seipsum pro redemptione captiuorum dederat. In primis autem principum Apostolorum, qui post iunctas dextras orbis conuersionis, pauperum tamē primam curam esse habendam, sanctē sibi pollicentur. Quod ipse Paulus ad omnem posteritatem scripto suo obsignauit. Cum cognouissent inquit gratiam, quæ data est mihi, Iacobus, & Cephas, & Ioannes, qui videbantur columna esse, dextras dederunt mihi & Barnabæ societatis, & nos in gentes, ipsi autem in circuncisionem: tantum vt pauperum memores essemus. Et hæc quidem de stimulis eleemosynæ.

SERIES **EVANGELII.** **AB** eleemosyna ad orationem se transfert, in qua eodem modo ab omni ostentatione & vanitate abstinendum esse docet: solumque Deum eius inspectorem & auditorem constituendum; vt inclusa pectoris oratione oremus, cum Deus non verborum, sed cordium auditor sit: tantoque magis, quanto ea pluribus tentationibus exposita sit, & quanto periculosius in hoc genere delinquatur, vt potē in sacrificio, quod soli Deo debetur. Dupliciter autem in hoc genere peccatur. Primum hypocritarum illius seculi more, qui in synagogis ac biuijs orabant, vt viderentur ab hominibus: quem modum saluator excludit. Cum, inquit, oratis, non eritis sicut hypocritæ, qui amant in synagogis & angulis platearum stantes orare, vt videantur ab hominibus. Non eritis, inquit, sicut hypocritæ; tanquam comœdiam quandam & tragoediam in oculis populi potius, quàm Dei agentes. Nam hæc putida nominis diuini profanatio est: & isti recipiunt ab hominibus mercedem suam, quia visi sunt, & laudati: habent quod quæsierunt. Quam mercedem omnes sancti deprecabantur, poenam in hac vita accersentes. Hic, inquit, seca, hic vre, vt in æternum parcas. Qui, inquit Dauid, placent hominibus, confusi sunt, quia Dominus spreuit eos. Et: Si hominibus placerem, seruus Christi non essem, inquit Apostolus. Tu autem cum oraueris, intra in cubiculum tuum, & clauso ostio, ora patrem tuum, qui videt in abscondito. Intra, inquit Hieronymus, inclusa pectoris tui. Non occulta domus, inquit Hilarius, sed cordis nostri cubiculum ingrediamur, vt clauso mentis nostræ secreto, securius orare possimus. Cubiculum siquidem mens est, inquit Euthymius, pulcherrimum cogitationum domicilium. Ostium verò claudendum est, hoc est sedes sensuum, oculi, aures, per quas ingrediuntur malæ cogitationes, quæ virtutum prædantur diuitias. Quanquam ne cubiculum quidem, vbi commodè fieri potest, excluditur. Solus enim locus orationi priuata est peraccommodatus, quem Christus Dominus semper quæsiuisse videtur. Causa autem eius rei est: Pater tuus videns in abscondito, reddet tibi in manifesto. Si, inquit, spectatores quæris, si te iudex delectat, habes pro omnibus Deum ipsum: si verò & homines habere cupis, contemplatores habebis etiam hos, tempore præconij, ac retributionis præmij: nec multos solum, sed omnes; nec homines tantum, sed & angelos & archangelos, omnesque cælestes virtutes. Quod si nunc manifestas bona opera tua; & præmium quod expectabas à Deo perdis; & homines ipsi te condemnabunt, tanquam inanis gloriæ appetitorem. Cum ergo liceat & mercedem bonorum operum accipere, & publicè coram tot tantisque prædicari, si paululum sustineas, quomodo non

non omninò stultum ac irrationabile erit, vtrifq; his excidere, & præfenti the-
fauro illud commutare. Et hoc quidem primo modo, secuti hypocritas ple-
rique peccabant. Secundo autem modo ethnicorum imitatione, prolixitate
orandi: nam ethnici ob diffidentiam, arbitantes Deos suos non audire, nisi
magnis clamoribus excitarentur; neq; ita facile parere, nisi multis verbis per-
suaderentur, totos plerumq; dies magno clamore orare solebant: non tam at-
tendentes quid dicerent, sed quantum dicerent. Propterea, cùm Sacerdotes 3. Reg. 18.
Baal deos suos clamarent propter sacrificia comburenda, deridens eos Helias
dicebat: Clamate voce maiore. Deus enim est, & forsitan loquitur: aut in diuer-
forio est, aut in itinere, aut certè dormit, vt excitetur. Quam eandem prolixita-
tem notat alicubi Cicero: Qui totos, inquit, dies precabantur & immolabant;
vt sui liberi sibi superstites essent, Superstitiosi sunt appellati. Hanc eandem
superstitionem, vt & superiorem, aufert Dominus: Orantes, inquit, nolite
multum loqui, sicut ethnici: putant enim, quod in multiloquio suo exaudi-
antur. Nolite ergo assimilari eis: scit enim pater vester, quid opus sit vo-
bis, antequam petatis.

30 **N**otandum autem verbum Græcum esse βασιλογεῖν, quod non tam pro-
lixitatem orationis exprimit, quàm ineptias, garrulitatem superfluam, ac puti-
dam repetitionem. Similis locus est Leuit. 5. Anima quæ iurauerit, & protu-
lerit labijs suis, vt vel malè quid faceret vel benè; & id ipsum iuramento & ser-
mone firmauerit, oblitaq; postea intellexerit delictum suum: agat pœnitentiam
pro peccato suo: vbi loco, Protulerit, in Hebræo est verbum, batha, quod pro-
priè temerariam & inconsideratam locutionem significat. Idem habetur in
Psal. 105. vbi Moïsis delictum commemoratur, & interpres loco eius posuit: Et
non distinxit, in labijs suis. Vne βασιλογισμός Græcis dicitur, indistincta & incon-
cinna vox, qualis est puerorum, vt docet Theophilactus. Causam autem red-
dit Saluator, cur hanc garrulitatem remoueat: scit enim pater vester cælestis,
priusquam etiam oretis, quæ vobis vtilia & necessaria sint: qui non tam ver-
borum, quàm cordium auditor est. Nam dii gentium aures habent, & non au-
diunt, ipsi omnium rerum egentes & destituti. Cùm autem dicit, quid opus
sit vobis, illud innuit, necessaria tantùm à Deo petenda esse, non etiam super-
flua; quibus ille inseruire non solet: quod quondam vidit & fecit Salomon:
Diuitias, inquit, Domine & mendicitatem ne dederis mihi; sed tantùm victui Prouer. 30.
meo tribue necessaria. Superflua petere βασιλογία est: nam & parentes, super-
flua petentes, filios obiurgant & castigant.

31 **E**T hæc quidem Dominus. Hæretici autem à Domini sensu dissidentes
serui, ob ignauiam & maliciam, longè alia. Fuerunt, qui inde colligebant, om-
ninò orandū non esse; scire enim patrem cælestis, quibus opus habeamus: in-
iuriamq; patri cælesti facere illū, qui ea proponat, quæ ipse longè melius nouit,
quàm nos. Respondet huic calumniæ Hieronymus, nos nō narratores esse sed
precatores: aliud est enim narrare ignoranti, aliud à sciente petere: in illo in-
diciū est, in hoc obsequiū: ibi fideliter indicamus, hīc miserabiliter obsecra-
mus. Et parentes rectè sciunt, quibus liberi opus habeant: rogari tamen volūt,
vt amentur & colantur. Respondet item Euthymius Græcus: Verū si nouit,
quibus nobis opus sit, cur hæc omninò ab eo postulamus? Planè non vt ipsum

doceamus, sed ut demonstremus, quod eum habemus educatorem ac Dominum, utque ab ipso solo pendentes, facilius eum flectamus, qui spes est salutis & prouidentiae nostrae: tanquam pater; & nouit quibus nobis opus sit, & tribuere paratus est, quae necessaria sunt & utilia: exigit tamen, ut ob dictas causas nos illa petamus. Summa igitur totius causae est, nos Deum orare, non ut eum instruamus, sed ut nos ipsos ad orandum & quarendum excitemus: curas nostras apud eum deponamus, nostrasque necessitates in eius sinu recondamus, ad eum in necessitatibus nostris recurramus: deinde ut testimonium tam nobis, quam alijs praebeamus; ab eo vno nos quidquid bonorum est sperare & expectare. Crasse autem errant, qui cum recte videant Christum clare ut oremus praecipere, eiusque rei rationem praescribere, tamen ipsi dicunt orandum non esse. Hinc deiecti ad alia se praesidia conferunt: praescientiam diuinam immobilem esse, & ideo quae alicui decreta sunt, immutari non posse: ac proinde orationi nullum relictum esse locum: quandoquidem consilium Domini stat, & omnis voluntas eius fiet: & verbum Domini manet in aeternum. Sed & hoc, quod isti dicunt, vanum est. Ut enim in sempiternum, arcano eius consilio, fines rerum omnium fixi & definiti sunt; ita & media finium consequendorum. Definitum fuit Ioseph gubernatorem Aegypti futurum; sed si a fratribus venditus fuisset. Pollicetur Dominus Dauidi successionem seminis; sed ita, si custodierint filij eius testamentum suum. Eodem modo, Si mandata mea seruaueritis, bona terrae comedetis. Aperit ille manum suam, & implet omne animal benedictione; sed mediante oratione. Sic enim ipse legem fixit: Petite, & accipietis.

ALij autem orandum esse censent, sed paucis, ne multiloqui videamur: 32
sed hoc vanum est: Nam & Israel tamdiu vincebat, quamdiu Moses orabat. Itaque cum defecissent manus eius, Aaron cum Iosua illas fulciebant. Et attenuatos esse suos oculos suspicientes in excelsum, testatur Ezechias. Et ipse saluator erat pernoctans in oratione Dei. Et in horto non prius orare desiit, quam sanguineum sudorem excussit: in cruce itidem bonam partem Psalterij eum recitasse, Paulus ipse, tum caeteri sancti tradunt. Paulus eodem modo: Petrus itidem in suo canaculo. Nam quomodo ille prolixiorum orationem damnat, qui semper orare, & nunquam desistere iubet? Iactantia, ostentatio, vanitas excluditur tantum, garritusque & murmur sine sensu. Illud tamen sancti patres laudant, ut non tam prolixa quam frequens sit: & pauca loquentes, immoremur orationi. Qua eadem de re fuit doctrina Salomonis: Ne temere quid loquaris, neque cor tuum sit velox ad proferendum sermonem coram Deo: Deus enim in coelo, & tu super terram: idcirco pauci sint sermones tui.

ALii ex eodem loco in solo conclaui orandum esse, vbi nemo videat, colligunt: 33
sed & hoc erroneum est. Nam si quis conclaue non habet, quid faciat? Et de templo scriptum est, & Dominus repetit, Domus mea, domus orationis vocabitur. Et: In Ecclesiis benedicite Dominum. Et iterum: Adorate Dominum in aula sancta eius. Et: Ioannes cum Petro ascendebant in templum ad horam orationis nonam. Et Paulus in omni loco nos manus ad Deum leuare iubet. Sed vbiue vanitas & iactantia aufertur: magisque ad conclaue cordis, quam domus reuicimur: potius quarendum esse secessum, quam appetendam
hominum

hominum frequentiam. Contingit, inquit Euthymius, sæpius in ecclesia, ac inter plurimos orare, nec tamen peccare, quando non ad ostentationem oratur: & contingit in cubiculo clàm orantem peccare, quando vana gloria quaeritur, quando quis sibi multum placet: Deus enim qui ubique est, facti respicit finem. Quinimò publica oratione delectatur Dominus, testandæ nostræ fidei ac gratitudinis causa; ut recognoscatur communis pater, ac Dominus omnium; ut & nos mutuò recognoscamus fratres, sub vno parente, ac ita facilius pro nobis exoremus. Deinde, quòd à multitudine vim sibi inferri gaudet: qualis illa Moyſis fuit: Dimitte me, dicebat Dominus, ut irascatur furor meus. Et Iacob luctatur cum Deo, non alio credo modo, quàm oratione. Tum propter mutuam orationis prouocationem, ut alios nostro exemplo incitemus, ad idẽ agendum. Quemadmodum enim ex pluribus lignis facilius ignis excitatur, quàm ex vno; & ex pluribus carbonibus, quàm ex singulis: ita facilius deuotio accenditur, vbi plures deuoti sunt. Habet tamen & solitudo sua commoda.

34 **M**irum autem est, quàm libenter Calvinus CHRISTI dicendi modos immutet. Nam cum Christus dicat: Et pater cælestis, qui videt in abscondito, reddet tibi: ille sic: Satis declarat Christus, cum dicit mercedem rependi precibus nostris: quidquid mercedis nobis scriptura promittit, non debitum esse, sed gratuitum. Atqui non hoc, hîc, & superius loquitur Dominus: sed prouocat mercede ad purè & sincerè orandum. Falsum item dicit, in Papatu præcipuam esse virtutem loquacitatem: vbi nihil dicitur, neque canitur, quod vel ex sacra scriptura, vel ex sanctis patribus depromptum non sit: & vbi sic vniuersæ preces in horas dispositæ sunt; ut nullum tædium, nulla satietas subrepere possit. Cum præsertim nos Christus Dominus ad perpetuam orationem inuitet: Oportet orare & nunquam desistere. Et similiter Paulus: Sine intermissione orate. Et in Actis, pro Petro oratio fiebat sine intermissione ab Ecclesia ad Deum. Qui loci ita intelligendi sunt, quomodo illud Dauidis ad Miphiboseth: Comedes panem in mensa mea semper. Et illud: Psallam Deo meo, quamdiu fuero: id est locis, & temporibus suis. Illi vbi vnā cantilenam & alteram ex triuo cecinerint, abeunt. Ego certè eos canentes aliquando, orantes nunquam me vidisse memini.

35 **N**otandum cum Chrysostomo. Ex clamosa oratione nasci hæc tria mala. Primum. Qui clamosè orat, non credit Deum ubique esse, & absconsa audire. Ideo dupliciter Deum honorat, qui absconsè orat: primum quia orat: secundo quia credit eum absconsa audire, sicut & audit. Secundum autem malum, quòd mysteria secretarum petitionum tuarum, quas fortè non oportebat alterum scire, præter te & Deum, in auribus bonorum hominum & malorum audienda committis: & non solum non audiris à Deo, quia indisziplinatè orasti; sed adhuc ab hominibus derideris, quibus absconsa tua manifestasti. Tertium verò malum, quia clamosè orans, iuxta te alterum non permittis orare. Vocibus enim tuis rapis sensum illius ad tuos sermones, & ideo non solum non exaudiris, quia malè oras; sed adhuc peccatum colligis, dum orare alios non permittis. Sic ergo ora, sicut audisti in libro Regnorum Annam orantem, quæ figuram portabat ecclesiæ, de qua dictum est: Labia quidem eius mouebantur, vox autem eius pœnitens non audiebatur.

SERIES **EVANGELII.** **EX**clusis erroribus ac vitiis orationis, formam & exemplum rectè orandi 36
magister ponit; vt ea vitia, de quibus dixit, proposita forma orationis excludat,
ac magis demonstret. Non vt hæc tantum oratione precemur; sed vt habito
orationis fonte & fine, ab ipso intelligentiam precationum hauriamus, inquit
Euthymius.

NOTanda autem sunt hoc loco quatuor. Primò, formulam orandi, Deo 37
placenter inuenire, humanum non esse. Itaque veteres philosophi, Pythagoras,
atque adeò Plato, vnum solum à Deo petendum esse docuerunt: bonum in-
quam. Quod autem istud sit bonum, solum Deum rectè nosse arbitrabantur.
Erant quidam, qui in templum ingressi tacebant; profitentes, se nescire, in hac
rerum incertitudine, quid peterent.

NOTandum est secundò, cum Deo immortali, non nisi verbis conceptis, 38
& ab ipso Deo profectis loquendum esse: quod pulchrè notat in libro de vsu
Psalterij Athanasius. Nam si coram mortali iudice non est dicendū quidquam,
nisi ex concepta formula; quantò magis cum Deo, qui Rex est, & iudex viuorū
& mortuorum?

Tertiò notandum, orationem Dominicam hancque orandi formulā tan- 39
ti esse, vt ea Hebræi vtantur etiam aliquando: non propterea, quòd à Christo
profecta sit; sed quòd ex omnibus prophetis & legē tota profecta esse videatur.

Quartò obseruat D. Basilius, in veteri ecclesia non fuisse moris hac formu- 40
la precandi, propter eius maiestatem ac dignitatem, vti, nisi aliqua præmissa præ-
fatione, ac veniæ postulatione. Quod idem in omnibus liturgiis patet: & quod
hactenus in ecclesia fieri videmus. Oremus, inquit sacerdos: Præceptis salu-
taribus moniti, & diuina institutione formati, audemus dicere. Quasi non ora-
turi ea formula, nisi ipse præcepisset: non ausuri, nisi ita instituisset. De qua &
nos fortasse plura dicturi fuisset, nisi nos Hilarius monuisset, alios vberiores
fontes eius sacramenti esse. De orationis, inquit, sacramento, necessitate nos
commentandi Cyprianus vir sanctæ memoriæ liberauit. Quanquam & Tertul-
lianus hinc volumen aptissimum scripserit: sed consequens error hominis, de-
traxit scriptis probabilibus auctoritatem. Sed & Gregorius Nyssenus. Proinde
post tantos, ipse paucis rem explicabo.

NOTandum. Fingere hoc loco Caluinum contra vniuersi orbis consen- 41
sum, non iubere Christum suis verbis orare; sed tantum ostendere, quòd nam
vota nostra precesque nostras referre debeamus. At Christus contra: Sic, in-
quit, orabitis vos. Et: Cùm oratis, dicite: Pater noster.

SERIES **EVANGELII.** **C**uius tam eximie orationis procemium, tribus folis verbis constat. Pa- 42
ter noster, qui es in cælis. Pater, instruit in fide, spem erigit, accendit charita-
tem, terret, cautum facit. Si ille pater, tu igitur filius: & filius quidem Dei,
frater & cohæres Christi. Si pater, non potest obliuisci filiorum suorum. Si pa-
ter, non dabit pro pane lapidem, pro ouo scorpionem. Si pater, fiducialiter &
cum magna spe ad illum accedendum. Si pater, amandus ante omnia,
honorandus ante omnia. Si ego, inquit apud Malachiam, pater sum, vbi est ho-
nor meus? et si Dominus ego sum, vbi est timor meus? Si enim non castigat,
pater

pater non est. Pater est, ergo cautè & reuerenter cum eo agendum. Pater est, cælestem igitur cognationem recognoscamus, ac quo munere digni habiti sumus, expendamus: puta diuina adoptione. Cunctis vnam atque eandem nobilitatem donauit Deus, cum dignatus est omnium pater vocari. Curemus igitur, vt tali parente dignè conuersemur: de similitudine patris, vt quàm simillimi ei simus, cogitemus. Estote, inquit, perfecti, sicut pater vester cælestis perfectus est. Qui enim prauè viuens vocat Deum patrem suum; & Deo, & sibi ipsi mentitur.

43 **C**um autem dicimus, Noster, recognoscimus nos mutuò inter nos fratres esse; omnes communiter ab vno solo Deo adoptatos: vt de hoc communiter, inquit Euthymius, colloquentes, ob humilia non extollamur, neque aduersus fratres nostros, vel cogitemus quippiam, vel loquamur, vel faciamus; sed pro nobis inuicem deprecemur.

44 **A**ddimus autem, in cælis, vt cælum aspiciamus, cum ibi sit pater noster: & terrena despiciamus omnia: & eò ascendere per virtutum scalas festinemus, vbi est pater noster: Iuxta illud Prophetæ: Demonstrabo tibi patrem tuum, & domum patris tui. Dicentes autem, Deum esse in cælo; nequaquam ipsum in cælo conclusum circumscribimus: nec enim loco capi, aut circumscribi potest. Nam vbique dicitur esse Deus: maximè autem in locis dignioribus, quòd ipsius magis susceptibilia videantur. Propter hoc igitur Deus in cælo esse dicitur, quia illud purissimum est: in quo sunt astra, virtutes, ac turmæ sanctorum, quibus datur requies. Pater est in cælo: patrem igitur aspiciant liberi, patrem sequantur, terram oderint, in nulla re terrena confidant, cælitùs auxilium expectent, ibi omnes spes & desideria sua recondita habeant. Simul autem eius potentiam hac particula explicamus; vt dum omnia eius imperio subesse, mundum & quidquid in eo est, manum eius continentem, virtutem eius vbique diffusam, prouidentiam eius cuncta ordinantem recognoscimus; certam spem concipiamus, nihil illum non posse quod velit. Vnde certissimam fiduciam concipiamus, non irritas preces nostras futuras. Intelligent alii in cælis, in iustis, & sanctis, iuxta illud: Qui in sanctis habitat: sed hæc aliò spectant.

45 **H**æc igitur præfatio est magni operis, magnæ causæ: causa ipsa sequitur. Postquàm eos nobilitatis admonuit, ac doni cælitùs accepti, postquàm illis æqualitatem inter fratres honoris ostendit, & vtilitatem charitatis inseruit, postquàm eos & abduxit à terra, & cælo prorsus affixit; informat nunc bonos liberos, vt prius ea precentur, quæ patris sunt, deinde quæ sua. Liceat enim nobis humano more de iis rebus loqui: quandoquidem & ipse pater cælestis, eiusq; vnigenitus, sic nostram infantiam balbutire vult. Sed & Moyse prima tabula ea præcepta complexus est, quæ ad Deum spectant: secunda, quæ ad nos ipsos.

46 **P**rimùm igitur precantur filij ea, quæ imperii & amplitudinis paternæ sunt. Regni autem & imperii & dignitatis illæ sunt partes.

47 **P**rimùm maiestas, & nominis amplitudo. Hoc igitur in primis votis exoptandum. Sanctificetur nomen tuum: non in te, dicit Hieronymus, sed in nobis:

bis : cum patris tantum sit nomen, tanta dignitas ; vt ad eam nihil addi possit, nihil ex ea detrahi : & propter quod nos omnia petere solemus, iuxta illud : Et non derelinquet Dominus populum suum propter nomen suum magnum. Si enim propter nos blasphematur, ridetur, ac traducitur ; sanctificetur etiam in nobis, & inter nos, hoc est, clarum & illustre reddatur, quod per se, & natura sua est sanctissimum, quod sempiternis temporibus ab angelis & archangelis clamantibus, Sanctus, Sanctus, Sanctus, sanctificatur : & cui sua sanctitas semper constat : quod in se sanctum est, in nobis illustretur ; vt videntes homines bona opera nostra, glorificent te patrem qui in caelis es : facque nos sanctos, vt in nobis nomen tuum sanctum sit : Et hoc quotidie, inquit Augustinus, vt imploremus, opus est, vt qui quotidie delinquamus. Precamur autem, vt sanctificetur nomen eius, hoc est, vt cognoscamus omnes, quae sit eius sapientia, bonitas, iustitia, potentia, & quidquid in eo est virtutum. Sit igitur nomen eius benedictum, ex hoc nunc & vsq; in seculum : sit laus eius, secundum nomen eius.

Secunda dignitas magni Regis, est, regni ac finium prolatio, multarum gen- 48
tium subiectio. In multitudine populi, gloria regis, inquit Salomon. Hoc igitur precantur liberi patri : Adueniat regnum tuum : id est doctrina euangelica, & religio Christiana per totum orbem fundatur ; illudque impleatur, quod filius tuus vnigenitus praedixit : Praedicabitur euangelium hoc regni in vniuerso orbe, in testimonium omnibus gentibus : ad meditationem vitae caelestis perducantur omnes : omnia schismata, haereses, quae regnum tuum turbant, infringantur : iura gentium conterantur : & corda synagogae mitescant : in vnoquoque nostrum tu regnes Deus, & non regnet peccatum in mortali corpore nostro. Vel saltem tempus illud aliquando adueniat, quo filio tuo subiiciantur omnia, tibiq; ille subiiciat regnum integrum, vt quod petimus agnoscentes, praeparati ad tuum occursum simus ; & sublatis omnibus impedimentis, sub imperium tuum redigamur, manuque tua modereris omnia. Quae omnia ad certa capita reuocat D. Hieronymus. Generaliter petitur pro totius mundi regno, vt diabolus in mundo regnare desinat : vt in vnoquoque regnet Deus : & ne regnet peccatum in mortali hominum corpore. Simulque attendendum, quod grandis audacia sit, & impurae conscientiae, petere regnum Dei, & iudicium Dei non timere. Cum autem regnum Dei petimus, nostrum petimus, nobis inquam a Deo promissum, & Christi sanguine quaesitum ; vt qui seculo ante seruiuimus, postea Christo donante regnemus.

Precantur tertio loco filii iustitiam patris, hoc est, vt ex voluntate & pla- 49
citis, decretis & arbitriis eius fiant omnia. Fiat voluntas tua, sicut in caelo & in terra : vt quomodo inquit Hieronymus, inculpatè seruitur tibi in caelis ; ita & nos tibi in terra seruiamus homines : vt similiter voluntati tuae pareamus, placide & sine repugnantia ; omnibusq; testemur mortalibus, nobis odio ac tristitia esse, quidquid tuae voluntati aduersum cernimus : similesq; efficiamur hac in parte ministris tuis, qui faciunt voluntatem tuam in caelis, sanctis, inquam, angelis.

Petitis paternis, ad sua se referunt liberi : ea, inquam, quae adicienda sunt, 50
petunt ea, quae corpori sunt necessaria & animae. Et ea quidem, quae corporis sunt, obiter valdeque tenuiter. Panem nostrum quotidianum da nobis hodie :
vt osten-

vt ostendant se nullis superfluis indigere; vt demonstrent se ciues Dei esse, quibus mundus hic diuersorium sit, in quo sola leui panis refectione quadam opus est; vt tanquam catelli comedamus de micis patris nostri; vt qui nobis vitam hanc dedit, tueatur & foueat: nam & operarius cibo opus habet: vt item agnoscamus eius paternam bonitatem ad minima quæq; extendi, contrà quàm iudicârunt superbi philosophi. Vocat autem panem ^{ἐπίσσιον} ^{τὸ καθ' ἡμέραν} quotidianum: hoc est, qui in diem satis fit: vt quotidie orare opus habeamus: vt recognoscamus nos hîc non habere ciuitatem manentem, sed futuram inquirere. Stultum autem est, multum viaticum quærere, si ignores quantum itineris restet: neque alio modo debent orare ij, quibus præcipitur: Nolite solliciti esse in crastinû. At panis adest, quid ergo vltra petitur? Ne fortuitis casibus auferatur; vt conseruetur, vt vitalis & sanus sit. Multa enim cadunt inter os & offam. Neque solùm ita orare debemus, sed & viuere, vt nihil præter necessaria quæramus: Habentes, inquit Paulus, alimen- ^{1. Tim. 6.} ta, & quibus tegamur, his contenti simus. Hinc desinent cædes, bella, & alia nefanda. Petimus autem panem nostrum, non quia nobis iurè debeatur, qui lapide plerumque digni sumus; sed quia paterna Dei beneuolentia in nostrum vsum est comparatus.

51 **M**odica cura in carnis necessitatibus consumpta, ad animum se referunt boni filij. Nam cùm possibile non sit, in hoc luto & cœno filios aliquando non contaminari, in patrem multa non committere; hoc igitur inprimis petunt, vt illis dimittat debita, ac ita in amore ac gratia sua conseruet: quandoquidem sola peccata sunt, quæ inter patrem & eos diuidere soleant: sine quorum dimissione nihil magnum impetrari potest. Itaque & Iob singulis diebus offerebat pro filijs & filiabus suis. Ne fortè peccauerint filij mei, & benedixerint Deo in cordibus suis: idque faciebat cunctis diebus suis. Addere autem illos voluit hanc conditionem, vt ita sibi petant dimitti peccata sua, quemadmodum sibi dimittût inter se delicta sua fratres; vt sic inter se mutuum ac debitum conseruent amorem, simulq; se peccatores quotidie cadentes profiteantur. Quæ quidem conditio docet, monet & obligat, terret etiam. Docet modum, quo Deum flectere possimus, si scilicet diligamus fratres. Monet & obligat, vt absolutionis nostræ fiduciam quasi impresso sigillo melius ratam faciamus, dimittendo inimicis nostris. Terret autem, quòd alia ratione peccata nobis dimittenda non sint, quàm si ipsi dimiserimus. Nos etiam ipsi præbemus Deo exemplum. Si tu dimittis, dimittet ille: si non, ne ille quidem: ac contra nos ipsos tacitam ferimus sententiam, si non dimittimus, non dimittendû esse. Qui autem orare nos pro peccatis & delictis nostris docuit; paternam simul misericordiam promisit & veniam. Conditionem autem adiunxit, certa nos sponsione constringens: in qua pactione, si mentimur; totius orationis nullus est fructus. Debitores autem hoc loco vocantur, non pecuniæ, aut officij alicuius; sed qui ob illatas iniurias nobis sunt obnoxij. Simile quid longè antè Ecclesiasticus docuit: Relinque, inquit, proximo tuo nocenti te: & tunc de- ^{Ecclesi. 28.} precanti tibi, peccata soluentur.

52 **N**otauit author Imperfecti operis, multos, eò quòd nolint dare veniã peccantibus in se, fugere istam orationem. Stulti autem sunt duplici nomine. Primum, quoniam qui non sic orat, quemadmodum docuit Christus, non est Christi

D. Chryso: in Christi discipulus. Secundò, quia nec pater libenter exaudit orationem, quam
Matth. Hom: filius non dictauit. Cognoscit enim pater filij sui sensus & verba; nec suscipit
14. Op. Imper: quæ usurpatio humana excogitauit; sed quæ sapientia Christi exposuit.

GArrit autem hoc loco Caluinus, tertiam partem poenitentiae satisfactio- 53
nem auferens, poenam & culpam confundens. Iam remissio, inquit, quam
hic nobis optamus fieri, satisfactionibus repugnat, quibus se mundus redi-
mere conatur. Neque enim remittere dicitur creditor, qui accepta solutio-
ne amplius exigit: sed qui vltro ac liberaliter iure suo cedens, absoluit de-
bitorem. Neque hic locum habet vulgaris illa culpæ & poenæ distinctio: nec
enim dubium est, quin debita poenæ reatum significant. Hic si nobis gratis
remittitur, compensationes omnes euanescere oportet. Imò confirmantur.
Dimitte, inquit, nobis peccata nostra, siquidē & nos dimittimus omni debenti
nobis. Oblitus est bonus doctor, quod paulò antè dixerat Ioannes: Facite
dignos fructus poenitentiae. Et Christus: Reconciliare fratri tuo, dum es in via
cum illo: quæ omnia sine satisfactione non sunt. Nam remissionem peccati
cum satisfactione pugnare, falsum est: cum mutuò se consequantur, vnumque
alterius causa sit, cum & ipsa reconciliatio pars satisfactionis sit. Sed ne fur
quidem hoc modo ad restituendum obligaretur. Verum de hac tota materia
legendum est caput 12. Numerorum.

CUm autem habitemus cum habitantibus Cedar, hoc est cum prædoni- 54
bus ac latronibus, qui quotidie insidiantur nobis, & laqueos parant animæ
nostræ, cum fratres simus draconum & focij struthionum, cum increduli &
subuersores sint nobiscum, & cum scorpionibus habitemus, & cum in medio
nationis prauæ & peruersæ simus, cum deniq; colluctatio non sit nobis aduer-
sus carnem & sanguinem, sed aduersus potestates tenebrarum harum, contra
spiritualia nequitiae in caelestibus; proinde boni filij & subditi rogant Regem
suum, vt illis contra tot & tantos hostes opem ferat, neque permittat se ab illis
duci in tentationem, in laqueosque illorum ac retia incidere. Neque id sine
causa orant, verum ne sibi ipsis cōfidere videantur, sed cælitus auxilium petere,
illudq; occinere: Deus in adiutorium meum intende. Et illud: Deus refugium
nostrum & virtus, adiutor in tribulationibus. Neque hoc rogant, vt non tenten-
tur, id est probentur, virtutis & fidei declarandæ causa, item exercitij: quomo-
do probatus & exercitatus est Abraham, Iob, Thobias: sed ne tradamur in ma-
nus inimici, & ne in eam tentationem, cui ferendæ pares esse non possumus,
incidamus: vt non dicat inimicus, præualui aduersus eum: sed si tentamur; ita
tentemur, vt cum tentatione simul sit prouentus, vt dicit Paulus. Nam dia-
boli tantā imbecillitas est, vt Domino non permittente, ne porcis quidem no-
cere possit, vt paulò post videbimus.

Iaciunt autem duo Aloidæ superbi hoc loco, contra caelestem parentem, 55
eiusque clementiam & bonitatem iacula, Caluinus & Beza; Deum ipsum ten-
tationum authorem esse, indeque potentiam suam astruere. Quod ne fin-
gere videamur, magistrum ipsum Caluinum producamus. Certum quidem est,
inquit, tentari vnumquemq; à concupiscentia propria, quemadmodum docet
Iacobus: sed quia Deus non modò sathanæ libidini nos permittit, vt ignem
concupiscentiae accendat; sed eo vitur iræ suæ ministro, quoties vult homi-
nes in exitium præcipites agere, ipse quoque suo modo in tentationem indu-
cit. Quo

cit. Quo sensu dicitur spiritus Dei malus arripuisse Saulum, & eodem tendunt scripturæ loci: neque tamen propterea Deum vocabimus malorum authorem, quoniam homines mittendo in sensum reprobum, non confusam tyrannidem exercet, sed iusta sua iudicia, licet arcana, exequitur. Hæc ille. Deus autem hæc: Nolo mortem peccatoris, sed ut potius conuertatur & viuat. Et illud: Perditio tua Israël, tantummodo in me auxilium tuum. Venite ad me omnes, qui onerati estis, & ego reficiam vos. Et: Deus vult omnes saluos fieri, & ad agnitionem veritatis peruenire. Nihil eorum Domine odisti quæ fecisti. Perditio nostra ex nobis est. Sed isti vbique nimij sunt, & in terrore, & in salute, & in perditione, & vita æterna: medium nullum sequuntur.

56 **V**Ltimò liberi parenti suo se commendant, ac ut illos liberet à malo precantur: nec explicant præ simplicitate malum, sed simpliciter totam relinquunt parenti causam. Malum autem propriè est peccatum, quod solum naturâ sua malum est, quia Deus illud non fêcit, & quia malos facit, & à malo est, & quia omnia mala ipsum consequuntur. Ab hoc malo, sine Deo, liberi esse non possumus: neque enim est peccatum, dicit D. Augustinus, quod fecit vnus homo; quod non faciat alter homo; nisi Deus conseruet eum, à quo factus est homo.

57 **A**ddunt hoc loco clausulam Græci: Quoniam tuum est regnum & potentia. Quàm quidem clausulam neque D. Lucas habet, neque veteres patres interpretantur: hoc est Cyprianus, Tertullianus, Augustinus, Hieronymus, Hilarius, Cassianus. Et certè modicam continuationem habet. Bulgari item, Rusi, eadem clausula carent. Quidquid est, id ex Græcorum liturgijs manauit, qui & in principio, & in fine orationis Dominicæ, excitandæ deuotionis causa, aliqua, quæ in ipso Euangelij textu non sunt, interferunt. Et proinde nec iisdem verbis in omnibus liturgijs hæc ponuntur: quod ex D. Iacobi, Basilij, Chrysostomi liturgijs patet. Quomodo & illud: Benedicamus patrem, & filium cum sancto spiritu, in Canticum trium puerorum translātū est. Temerè igitur Valla, ut omnes solent, qui nouitates consecretantur: Bonam, inquit, orationis Dominicæ partem decurtauimus. Verùm hæc docti iudicent. In quo eodem argumento Valla, & nimij literæ Euangelij persecutores, interrogandi nobis sunt. Cuius Euangelistæ oratio Dominica nobis est oranda, Matthæi, an Lucæ? Nam cum apud Matthæum sint septem petitiones, apud Lucam quinque vel sex: promant ergo decreta, quis sequendus sit, illi qui ecclesiam non audiunt: vel suis vxoribus, quæ illis concionantur, iubeant ferre sententiam.

58 **A**dditur in fine, Amen. Signaculum orationis est, inquit Hieronymus: quod Aquila interpretatur fideliter, nos verè possumus interpretari. Significat autem, inquit Beda, orationis istius purissimam veritatem, & indubitanter illis omnia conferri à Domino, quæ ritè postulant, si conditionis proximè sequentis pactum seruare non negligunt.

59 **R**epetit vltimò, quasi per corollarium & appendicem, charitatis amator & author, pactum & conditionem: ac etiam atque etiam repetit, ne dicamus nobis non prædictum esse, ac ne frustrà omnis labor suscipiatur, cardinem & caput negotij demonstrans. Si enim dimiseritis hominibus peccata eorum; dimittet

dimittet & vobis pater vester cælestis delicta vestra. Et iterum, ut melius hæreat: Si autem non dimiseritis hominibus, nec pater vester dimittet vobis peccata vestra. Conferte igitur parua cum magnis. Parua quæ nobis debentur: magna & multa quæ Deo debemus. Quod si dicebant serui Naaman principi militiæ. Pater, & si rem grandem dixisset tibi propheta, certè facere debueras: quanto magis quia nunc dixit tibi, Lauare & mundaberis: quanto magis hoc loco idem usurpare debemus, cum ibi de sola lepra, hic de summa salutis agatur. O misericordiam cælestem, quæ in nostra constituit potestate peccatorum veniam nostrorum. Pecora igitur sumus, si tantam non agnoscimus benignitatem. Proinde addit quidam: Nisi quotidie varia peccata nobis condonet Deus, scimus nos innumeris modis periisse: atqui non alia lege ad veniam nos admittit, nisi fratribus ignoscamus, quidquid in nos peccauerunt. Se igitur ultro quasi deuoti animis exitio addicunt: & data opera Deum sibi reddunt implacabilem, qui illatas sibi iniurias obliuisci nolunt.

Notat autem hoc loco D. Chrysostomus, hanc totam Dominicam orationem ad filium referri: si quidem & hic pater noster dicitur, sicut creator, procurator, prouisor, atque magister. Vos vocatis me, Magister & Domine: & benè dicitis: sum etenim. Pari modo ad spiritum sanctum potest dirigi hæc oratio. Ita profectò ad singulas personas separatim, & coniunctim ad trinam vnamque Deitatem referri debet. Sed hæc hætenus.

SERIES
EVANGELII.

EAndem vanitatem & ostentationem, quam in eleemosyna & oratione fugiendam esse iubet, & in ieiunio reprehendit; docens ieiuniorum profectum extra iactantiam confecti & extenuati corporis esse oportere, sed omne ieiunium in sanctæ operationis decore, animique sinceritate obseruandum. Ut autem ad duas premissas iustitiæ partes hypocritæ fucis suis & personis abusi sunt, ita & in ieiunio. Nam quemadmodum in eleemosyna tuba caneant, orabant in compitis, multiloquio modum non imponebant: ita ieiunantes demoliebantur facies suas, hoc est ita componebant, ut inanes & extenuati propter ieiunium esse viderentur, siue per extensionem cutis, siue per coloris pallentis inductionem. A quo theatro tantum suos Dominus diuellit, ut non solum id non confectentur, ut tristes esse videantur & ieiunantes; sed contrarium potius omni opere contendunt, ut læti, hilares, alacres appareant; itaque ieiunio vacent, ut nihil de reliqua vitæ ratione immutent: ideoque iubet corpus ungere oleo, faciem lauare, quod Iudæi præsertim festis & lætitiæ diebus facere solebant. Melius est enim, dicebat Chrysostomus, ut ieiunium tuum te ostendat, quam tu ieiunium tuum. Quemadmodum autem superius, ubi de scandalo præcipiens iubet oculum effodere, manum dexteram abscindere, non de corporis mutilatione locutus est: ita & hoc loco, ubi nos caput nostrum iubet ungere, & lauare, non externam istam faciei unctionem aut lotionem intelligit: nam alioquin & ieiunium suus decet habitus, iuxta illud Ionæ: Et vestiti sunt sacco à maiore usque ad minorem. Et peruenit verbum ad Regem Niniue, & surrexit de solio suo, & abiecit vestimentum suum à se, & indutus est sacco, & sedit in cinere: neque hoc ipsum Christum aliquando fecisse legimus, aut aliquem ex Apostolis aliisque sanctis: sed illud potius principale cordis nostri oleo perungatur spiritus; & ut occultemus eam, quæ ieiunium consequitur, tristitiam. Si quis autem

In Mat. ho. 15.
oper. imper.

Ionæ 3.

autem hanc vnctionem & lotionem capitis ad sanctificationem ieiunij referat, iuxta Isaiam : Lauamini & mundi estote, nihil alienum à Christi doctrina faciet. Neque enim Christus ita nos ab vna specie hypocriseos arcet, vt in aliam incidamus. Ad quam sententiam ipse Origenes proximè accedit. Faciem, inquit, tuam laua : hoc est, visionem animæ, aspectum cordis tui laua, munda ab omni contaminatione, ab omni caligine, ab omni erroris obscuritate, ab omni infidelitate ablue cor tuum Ierusalem, vt salua sis.

62 **N**otandum est primùm, aduersus tria mala inuenta esse tria bona: eleemosynam, contra auaritiam : orationem, contra vanam gloriam : ieiunium, contra gulam. *In Matth. 6. 15. ope:imper.*

63 **S**ecundo loco notandum, Christum doctorem magistrum, & legislatorem ieiunij esse, contrà quàm sentiunt hæreses. Qui enim alicuius rei modum præscribit; is eam rem præsumit, confirmat & approbat. Atqui hoc eo loco Christus Dominus facit : ex eaque causa omnes ad illud, nisi iusta ratio sit, quæ illos ab ieiunio excuset, obligantur.

64 **N**otat D. Chrysostomus, maximam à nobis fieri virtuti iniuriam, si scilicet eam non propter ipsam, sed propter ærarios, funarios, & reliquum platearum vulgus sequamur.

65 **O**bseruandum & illud est, ieiunium ad partem cultus diuini referri : quomodo & orationem, & eleemosynam, cum quibus simul coniungitur. Hæc enim ideo maximè hypocritæ iactabant, quòd hac ratione se maximos Dei cultores esse probarent. Quæ clariùs D. Lucas de Anna : Erat, inquit, λατρεύουσα in orationibus & ieiunijs. Sciendum enim est, partes cultus diuini alias esse proprias, alias communes. Proprias, quæ nulli alij rei seruiunt, præterquam cultui diuino ; quale est sacrificium, oratio, adoratio. Communes autem, quæ & si ad cultum diuinum referuntur, seruiunt tamen alteri rei, cui destinatae sunt ; qualis est eleemosyna : quæ & si ad proximi miseras subleuandas inprimis referatur ; ad cultum tamen Dei secundariò pertinet iuxta illud : Honora Dominum Deum tuum ex tua substantia. Eodem modo ieiuniū, & si mortificationi carnis seruit inprimis ; eo tamen Deus colitur & adoratur secundariò. Vnde quadragesimam veteres decimam anni, quæ Deo offertur, appellârunt : & Paulus in ieiunijs multis se Deo seruiuisse dicit.

66 **N**otat præterea Origenes, ieiunare nos debere non propter humanam laudem, nec propter vanam placendi cuiquam cupiditatem, quæ præterit : sed cum ieiunamus, ex dilectione Dei, propter regnum cælorum nos ieiunare debere. Cum autem ieiunamus, per sanctorum viam pergamus, ipsius Domini vestigia sequamur. Sic & Moyses ieiunium magnificans dicit : Ieiunavi quadraginta diebus & quadraginta noctibus, panem non manducaui, & vinum non bibi. Sic & Helias per æquale ieiunium, & tempus, illam magnificam vidit visionem Dei. Sic & Daniel ieiunans gloriatur dicens : Ego Daniel iugebam trium hebdomadarum diebus: panem desiderabilem non comedi, & caro & vinum non introierunt in os meum. Sic illi tres pueri, deliciosam contemnentes mensam, legumina in ieiunio sumebant, & ita flammam fornacis cincti virtute fidei extinxerūt. Sic & illi beati duodecim Apostoli, assumpto post resurrectione Christo, euangelij prædicatione ieiunantes commendarūt mundo. *Daniel. 10.*

Notandum & illud est, ieiunium opus meritorium esse, contra quam mentitur hæresis. Iuuat autem hoc loco fidelem, Euangelij IESU CHRISTI interpretem Caluinum audire. Verba Euangelici Doctoris hæc sunt. Quod ieiunij mercedem à Deo promittit, est locutio, sicuti paulò antè de precibus dictum est. Quanquam inter preces & ieiunia magnum est discrimen: illæ enim inter pietatis officia primatum tenent: ieiunium verò per se opus medium est, non tamen ex eodem genere, quæ Deus requirit & probat, vt sunt eleemosynæ. Placet autem duntaxat, quatenus refertur in alium finem: nempe vt nos ad abstinentiam exerceat, & subigat carnis lasciuia, vt ad studium orandi nos inflammet, vt testimonium sit pœnitentiæ nostræ, quoties Dei iudicio vrgemur. Sensus ergo verborum est, Deus aliquando patefaciet sibi placuisse, quæ videbantur periisse bona opera, quòd oculos hominum fugerunt. O interpretis fidem! Autor dicit, Mercedem acceperunt: interpres negat. Christus improprie loquitur: Caluinus proprie. At quod argumentum tantum, tam ingens; vt à verbis authoris discedat, autoris inquam tanti? Quia hoc idem antea de precibus dictum est. Hoc idem homo stolide, mercedem eis deberi: quod tu eodem modo fallaci interpretatione inuertis. Deinde dicis tu, aliam rationem ieiunij & orationis esse: cur igitur simul coniunguntur? Vel si alia ratio, cur tu tanquam eadem sint, inde ratiocinaris? Ieiunium medium esse opus dicis: at Christus illud, in quo dæmonia eiiciantur. Quomodo medium, cuius legislator modum ponit & præceptum? hoc est autorem suum calumniari, ac sensum mendacijs inuoluere magis, quam interpretari, hoc est Christianos ab operibus bonis deterrere. Neque enim de naturali ieiunio, quod medium est; neque de hypocritico quod nullum; sed de vero atque christiano institutum CHRISTI docet.

Non tantum autem vtcunque ieiunium meritorium esse dicimus, sed in 68 parte etiam cælestis præmij reponi, quod Christus hoc loco docet. Cum enim docuisset, eos qui vanæ gloriæ causa ieiunant, temporalem mercedem ab hominibus percipere: deinde infert, eum qui, verè & sincere ieiunat, à patre cælesti mercedem futuram in iudicio palam accepturum. Quod melius ex verbis Saluatoris ipsius cognoscere licet. Tu autem cum ieiunas, vnge caput tuum, & faciem tuam laua, ne videaris hominibus ieiunans; sed patri tuo, qui est in abscondito: & pater tuus, qui videt in abscondito, reddet tibi. Quæ cum docemus; semper illa, quæ antè diximus, præsupponimus, misericordiam Dei, meritum Christi, vocationem, pactum, primam gratiam: quod in nobis non vidit aliquando quidam hæreticus Turnowski, dum apud Serenissimum Stephanum Regem hac de re concionaremur, atq; in suo libello hæc mirè exagitat. Erubescit enim Christianus loqui, his non vbique præsuppositis: & isti non erubescunt, qui intelligunt rectè nos sentire, contra conscientiam nos calumniari.

Notandum duo esse genera ieiunij: Priuatum vnum, quod sibi ipsi quisq; 69 pro necessitate & deuotione statuit & imperat. Publicum aliud, quod de præcepto & instituto seruatur: quod vniuersos instituit & docet filios suos ecclesia, idque statis ac definitis temporibus. Vtrumque bonum ac laudabile: hoc tamen posterius & Deo gratius & melius esse solet: partim, quia cum obedientia est, quæ omni victimæ antepositur: partim, quòd communionem sanctorum repræsentat: partim, quòd vnitatem & fraternum amorem commendat, & quandam

quandam harmoniam ac consonantiam totius corporis refert: partim, quòd toties in lege Dei laudatur, Deumque placatum reddit, quod in Niniue factum esse legimus, Betulia item, in Machabæis sæpius: quod statuerunt sacra concilia, docuerunt vetustissimi patres, sit hæcenus consensu Christiani populi. Quod, ne fingere videamur, Leonem illum Magnum, cuius se fidem sequi Chalcedonens: Synodus professæ est, audiamus. Diuinarum inquit, reuerentia sanctionum, inter quælibet spontaneæ obseruantia studia habet semper priuilegium suum; ut sacratius sit, quod publica lege celebratur, quàm quod priuata institutione dependitur. Exercitatio enim continentia, quam sibi quisque proprio arbitrio indicit, ad utilitatem cuiusdam pertinet portionis: ieiunium verò quod vniuersa ecclesia suscipit, neminem à generali purificatione seiungit: & tunc fit potentissimus Dei populus, quando in vnitatem sanctæ obedientia omnium fidelium corda conueniunt; & in castris militia christiana, similis ex omni parte præparatio, & eadem est vbique munitio. Fremat licet cruenti hostis peruigil furor, & latebrosas vbique prætendat insidias; neminem tamen capere, neminem poterit vulnerare, si nullum inermem, nullum desidem, nullum inuenerit ab opere pietatis exortem. Et alibi: Quamuis, inquit, pulchrû sit atque laudabile, ut singula quæque membra corporis Christi proprijs ornentur officijs; excellentioris tamen est actionis, sacratiorisque virtutis, cum in vnum propositum pie plebis corda concurrunt; ut ille, cui sanctificatio nostra supplicium est, non solum à parte, sed etiam à soliditate superetur. Cui nunc operi dilectissimi decimus mensis offertur, admonens quodammodo pro qualitate temporis sui, ne quisquam frigore infidelitatis obtorpeat; sed potius spiritu charitatis concalescat. Quoniam & per ipsa elementa mundi, tanquam per publicas paginas, significationem diuinæ voluntatis accipimus: nec vnquam cessat superna eruditio, quando etiam de iis, quæ nobis famulantur, imbuimur. Præter illam namque Apostolicam sententiam, qua homines fructu pietatis carentes, vacuis arboribus comparantur, etiam illa ficus nobis cauenda est de suæ infœcunditatis exemplo, quam Dominus Iesus, sicut Euangelium refert, nihil habentem quod esuriens sumeret, perpetua sterilitate damnavit: ut intelligeremus, quoniam, qui esurientem non refouet egenum, illi denegat cibum: qui, quod pauperi est datum, sibi dixit impensum. Et alibi: Publica sunt præferenda proprijs: & ibi intelligenda est propria ratio utilitatis, ubi vigilat cura communis. Teneant igitur obseruantiam suam obseruantia singulorum, & contra nequitia spiritualis insidias, implorato diuinæ protectionis auxilio, cælestia quisque arma arripiat. Sed Ecclesiasticus miles, etiam si specialibus prælijs possit fortiter facere; tutius tamen & felicius dimicabit, si contra hostem palam in acie steterit, ubi non suis tantum viribus certamen ineat; sed sub inuicti regis imperio, fraternis consociatus agminibus, bellum vniuersale conficiat. Minore enim discrimine plures configunt cum hoste, quàm singuli: nec facile patet vulnere, quem opposito scuto fidei, non sua tantum, sed & aliorum fortitudo defendit, ut ubi est vna omnium causa, sit vna victoria. Hæc Leo. Nam alia ieiunij tempora instituere, quàm ab ecclesia sancita sunt, id quidem Manichæorum fuit proprium, qui pro feria sexta diem Dominicum in honorem Solis, pro feria quarta diem Lunæ, in honorem Lunæ ieiunare solebant. Iudicet igitur Ecclesia, vtrum Socolouius cum Leone rectius senserit & dixerit, apud Serenis. Stephanum, quàm nescio quis Turnowski: iudicet scriptura, iudicet res ipsa.

Sermo. 7. de
ieiun. 7. mens.

Sermo. 7. de
ieiun. 10. mens.

Sermo. 4. de
ieiun. 7. mens.

Quo genere ieiunij Christianam non impediri libertatem, idem sanctissi- 70
mus doctor Leo docet. Apostolica institutio, dilectissimi, quæ Dominum Ie-
sum Christum ad hoc venisse in hunc mundum nouerat, ut legem non solueret,
ita veteris testamenti sacramenta distinxit; ut quædam ex eis, sicut erant con-
dita, euangelicæ eruditioni profutura decerpere; & quæ dudum fuerant con-
suetudinis Iudaicæ, fierent obseruantia christiana. Quamuis enim varietates
hostiarum, differentia baptismatum, & otia sabbathorum cum ipsa carnis cir-
cumcisione cessauerint; manent tamen ex ipsis voluminibus, & apud nos præ-
cepta moralia. Et cum inde dicatur, Diliges Dominum Deum tuum ex toto
corde tuo, & proximum tuum sicut teipsum; Christo Domino dicente cogno-
uimus, quod in his duobus mandatis, tota lex pendet & propheta. Tantaque
est sub huius gemine charitatis edicto vtriusque copula testamenti; ut sine istarum
connexione virtutum, nec lex quenquam inueniatur iustificasse, nec gratia.
Illæ quoque partes legalium mandatorum, ex quibus quædam præcipiuntur, ut
fiant, quædam interdiciuntur ut non fiant, antiquæ authoritatis retinent firmi-
tatem. Nec ideo eis euangelica putanda est aduersa perfectio, quia & virtutum
studia ad voluntaria incitantur augmenta, & ultiones criminum poenitentia re-
medijs relaxantur. Dicit autem Dominus: Nisi abundauerit iustitia vestra plus
quam scribarum & pharisæorum, non intrabitis in regnum cælorum. Quo-
modo verò abundabit iustitia, nisi superexultet misericordia? Et quid tam æ-
quum, quidue tam dignum est, quam ut creatura ad imaginem & similitudinem
Dei condita, suum imitetur authorem, qui reparationem sanctificationemque
credentium in peccatorum remissione constituit; ut remota seueritate vindi-
ctæ, omni; cessante supplicio, reus innocentia redderetur, & finis criminum
fieret origo virtutum? Quod igitur, dilectissimi, ex veteris prædicatione do-
ctrinæ, ad purificationem animarum corporumque nostrorum ieiunium septi-
mi mensis adsumimus; non legalibus nos oneribus subiicimus, sed vtilitatem
continentia, quæ Christi euangelio seruit, amplectimur. Quia in hoc potest
super scribas & pharisæos Christiana abundare iustitia, non euacuando legem,
sed intelligentiam refutando carnalem.

Quæ autem potissimum apud veteres ieiunia fuerint, & quo proposito 71
instituta, docet idem S. Leo. Huius obseruantia vtilitas, dilectissimi, in eccle-
siasticis est constituta ieiunijs; quæ ex doctrina sancti spiritus, ita per totius an-
ni circulum distributa sunt; ut lex abstinentia omnibus sit adscripta tempori-
bus. Siquidem ieiunium vernum in quadragesima, æstiuum in Pentecoste,
autumnale in mense septimo, hiemale autem in hoc, qui est decimus, celebra-
mus; intelligentes diuinis nihil esse vacuum præceptis, & verbo Dei ad emen-
dationem nostram omnia elementa seruire; dum per ipsius mundi cardines, quasi
per quatuor euangelia, incessabili tuba discimus, quod & prædicemus & agamus.

SERIES

EVANGELII

Prosequitur legem tranquillitatis, quam Græci *εὐθυμία* vocant, & quam 72
vetus philosophia cum multum quæsisset, non iuuenit tamen: cuius illa sum-
ma est, ut de manu inimicorum nostrorum liberati, seruiamus illi, in sanctitate
& iustitia coram ipso, omnibus diebus nostris. Quam quidem animi tranquil-
litatem, cum inprimis iræ ac iurgia, ac subselliorum persecutiones impedian-
t, deinde libido ac domesticæ lites, inuidia & odia demum, vanitas denique ac
ostentatio,

ostentatio, ac vanagloria: his peremptis ac refutatis, nunc postremò radicem & caput omnis solitudinis, rixarum matrem avaritiam, eiusq; omnes fibras euellit. Immoratur autem in hoc loco diutius, quòd non ita facile animus à cura rerum terrenarum diuellatur, semperq; desperet, ac maiora quærat, nihil illi vnquam satisfaciat, & vsque ad mortem vltimaq; funera illum consecetur, ita vt quo minus viæ restet, tantò plus viatici quærat.

73 **A**dmonet ergo: Nolite thesaurizare in terra: non dicit, Nolite necessaria vitæ quærere, aut ea, sine quibus vita esse non possit; sed thesaurizare, hoc est condendas opes quærere. Cuius præcepti multas causas adfert.

74 **P**rimùm, quòd hoc vanum studium, quòd terra non sit idoneum penu, ac cella rebus condendis: sed neque ita seruari possunt, vt non effodiantur: neq; ita intus custodiri, vt non per seipsa consumantur ac pereant. Cùm enim tria sint genera rerum, primum aurum gemmæ, & lapides preciosi: secundum argentum, æs & reliqua metalla: tertium, vestes preciosæ, pelles, aulæa: primum fures auferre possunt, secundum ærugo consumit, tertium à tineis corroditur. Ita nihil, iuxta Christi doctrinam est relictum, quod in hoc terræ penu tutum ac integrum esse possit: non tantùm ab hominibus, sed & ab alijs casibus. Quæ etiam si absint omnia, tempus tamen ipsum edax rerum cõsumit omnia, sed & nos ipsos. Ita & si neminem eò immittas, vbi est cor tuũ; & si ipse nihil consumas, nihil demas, addas etiam; vetustas tamen insidiosa consumet hæc omnia. Irritus euadet omnis labor: vanum studium: superflua cura omnis. Thesaurizandum igitur est in cælis. Nam hîc nostra felicitas vermibus & ærugini prostituitur, furibus & prædonibus congregatur, igni ac diluvijs, bello prædæque coaceruatur. Quidquid enim pro anima nostra fecerimus, nostrum est: quod autem reliquerimus, perdidimus. Nam quod corporaliter malè congregatur, spiritualiter dispersum videtur, & perditum: quod autem corporaliter benè dispergitur, spiritualiter illud congregatum, & repositum inuenietur in cælo.

75 **N**otandum, qua tandem re, & quomodo ad tam altos cæli thesauros hæc deferri possunt? aut quis tam potens vector, qui tam sublimia & longinqua itinera aggredi velit? bona opera, & hæc pauperum iumenta: pauperum hæc importantur manibus: illud iter non furem, non prædonem metuit, tuta omnia consequitur. Vbi thesaurizasse sibi beatos omnes Deum diligentes legimus. Ibi thesaurizauit sibi Abraham per hospitalitatem, Iob per egenorum miserationem, illic thesaurizauit sibi Samuel per iusta iudicia, illic Dauid, omnesque sancti, quorum vestigia sequentes, & nos omnes thesaurizemus nobis thesauros in cælo. Mentitur ergo hæresis, & duces illius, nullam esse repositam mercedem bonis operibus in cælis. Nam Caluini interpretatio nihil valet. Thesaurum autem suum in cælo reponere dicuntur, qui expediti huius vitæ laqueis, curas suas & studia ad cælestis vitæ meditationem conferunt. Nàm hîc de pauperum cura totus institutus est sermo: alioqui sensus verborũ istorum, nullus esset. Deportantur enim thesauri in cælos, per manus pauperum & egentium, qui eorum sunt custodes & defensores. Eadem doctrina fuit Ecclesiastici: Omne opus corruptibile in fine deficiet: & qui illud operatur, ibit cum illo. Et omne opus electum, iustificabitur; & qui illud operatur, honorabitur in illo. Eccles: 14.

SECUNDUM dissuasionis & præcepti argumentum, quia hac ratione potissima pars hominis, mens atque cor, quod Deo in primis atque meditationi rerum caelestium debetur, ac minimè inquinatum & pollutum esse debuit, peruersè in seruitutem mammonæ traditur, in terra suffocatur, cœno ac fœcibus terræ inquinatur, oculus purissima hominis pars atque lux ipsa: Vbi enim est thesaurus tuus, ibi & cor tuum, oculus tuus, mens tua: si in stercore ac fœcibus thesaurus, ibi & cor. Quanti autem sit oculus istum, qui thesaurum sequitur purum conseruare, similitudine ex oculo purissima corporis parte sumpta, docet. Mens enim animi oculus est, lucerna totius massæ est. Sic igitur disputat caelestis dialecticus. Lucerna corporis tui, oculus est; & lucerna animæ tuæ, mens est. Si igitur oculus corporis tui fuerit simplex, benè sanus, nullis fordibus internis contaminatus, ad hæc si foris illum nihil impediuerit (existens enim intus, prohibet extraneum) tum totum corpus, cui prælucet, & cui viam commonstrat, erit lucidum. Si autem oculus corporis tui erit nequam, morbosus, puluere, festucisue occupatus, tum corpus tuum totum tenebrosus erit, nihil videbit, loco te mouere non poteris. Nam si ille oculus, qui lumen & sol esse debuit, cœcus est, cœno & luto obrutus; quantò magis corpus totum, cui videre non conuenit, quod cœcum est, quod oculos sequitur? Sic eodem modo, si mens, quæ animæ oculus est, sana, pura, incontaminata est; tota anima, cuius mens lux & magistra est, sana erit: si autem hæc libidine, ambitione, diuitiarum nubibus impedita & occupata, obcœcataq; fuerit; tum reliquâ omnem vitam talem consequi oportebit. Si enim lumen tenebræ, quantò magis ipsæ tenebræ, hoc est totum corpus erit nox, & æternus horror? Si mens in terra hæret, manus & brachia cælum non videbunt; tantò minus venter, & quæ sub ventre. Quod pulchrè D. innuit Paulus: Excœcauit, inquit, Deus huius mundi mentes infidelium, ne possint videre lumen euangelij. Deum autem huius mundi auariciam vocat. Et hic quidem est contextus, & continuatio euangelij. Falsò igitur docet Calvinus, concisas hic referri sententias, nullam propriam hîc haberi continuationem: cum hæc optimè coniungant ac continuent patres.

2. Corinth. 4.

TERTIA ratio præcepti, ex communi prouerbio: neminem posse duobus dominis seruire, Deo & mammonæ. Alij putant responsionem esse ad tacitam obiectionem, qua quis dicere possit; se & sua, & Dei posse curare: sed in idem res incidit. Vt autem in omni re, stulta gentilitas numen quærebat & colebat, præter illud quod verum est; sic vt gloriæ Iunonem, voluptati Venerem, honoribus Iouem, sapientiæ Palladem præficiebat; ita & diuitijs Syri Mammona quendam, Græci Plutona: de quo separatam fecit comœdiam Aristophanes. Latini eodem contenti verbo, suum non quæsiuerunt. Ex quo modo sumit dicendi occasionem Christus Dominus, nos non posse seruire vero Deo & Mammonæ idolo: idq; ea seruitute, quæ est propria Deo: vt quidquid acquiras, Domini sit, sed & tu ipse.

NOTAT autem Clemens Alexandrinus, fuisse hoc genus tormenti veterum tyrannorum, eos viuos homines mortuis corporibus sic coniungere solitos, vt ora oribus, & ita similiter simul cum ipsis longa morte putrescerent. Expresit hoc genus tormenti elegantissimis versibus Maro, in octauo libro Æneidos.

Mortua

Mortua quinetiam iungebat corpora viuis,
 Componens manibusque manus, atque oribus ora,
 Tormenti genus: & sanie tabeque fluentes
 Complexu in misero longa sic morte necabat.

79 Eodem crudelitatis genere vtitur diabolus, qui hominem viuum cadaueribus rerum mortuarum, opum inquam ac facultatum coniungere velit, vt ab his putridis ac liquefcentibus, in dies animus ille diuinus ac immortalis putrescat & liquefcat. Videmus siquidem hominem aut auariciæ, aut libidini deditum ita pallefcere; vt non solum vitæ præsentis obliuiscatur, sed & futuræ, viuusque vidensque pereat, mortuusque inter viuos incedat. Ab hac ergo tyrannide, ab hoc tormento, ab his cadaueribus volens nos soluere amator noster, orat & obsecrat: Non potestis, inquit, seruire Deo & mammonæ: viui esse, & cadaueribus coniungi. Quæ causa? quia nemo potest duobus dominis seruire: quia alterum pro natura, educatione, & quod caput est, gratia diligit; alterum odio habebit, indeque illud consequetur, vt alteri, quem amat, adhæreat; alterum, quem odit, contemnat ac deferat: & Deum quidem, & reuerâ & natura sua verum dominum, diligit; diabolum verò, vt potè tyrannum, per rapinas ac insidias dominatum sibi vsurpantem, & quem ipsi principem nobis constituimus, tanquam onus quoddam graue sustinebit. Duorum enim dominorum infidelium, infidele seruitium esse dicebat Hilarius.

80 Sed quæ tandem causa est, cur ista vtriusque domini seruitus non cohæreat? Primùm, quod ipsi domini inter se pugnent ac dissentiant: alter siquidem ex illis mortalis est, terrenus, vitæ & sensus expers, aures habet & non audit, oculos habet & non videt, omnibus insidijs & violentijs expositus, auarus; & qui cultorem suum facilius fame enecat quàm reficit, cuius penitiores amicos fame nonnunquam ac inedia perire contingit, iuris, religionis, testamentorum proditor, iniustus, inhumanus, fallax, impostor, & quid non? alter cælestis diuinus, immortalis, mens, ratio, vita ipsa, constans, fidelis, purus, syncerus, immaculatus, liberalis, munificus, in quem sperant oculi omnium, qui dat escam omni carni, & implet omne animal benedictione, qui solem suum oriri facit super iustos & iniustos. Si ergo possibile est, simul sorbere & flare; istis pugnantibus dominis simul seruire erit possibile. Quod idè & ex alio capite patet, quod vterque ex his dominis, non partem aliquam hominis, sed totum sibi vendicat. Nam & Deus Dominus, iure suo meritò nos vsurpat, vt qui nos fecit, redemit, alit, nihilque in nobis sit, quod non eius sit, iuxta illud: Diliges Dñm Deum tuum ex toto corde tuo. Sed & Mammon item, vtpotè iniustus Dñs longè iniquius operas nostras exigit. Licèt auarum hominem videre, anxium, sollicitum, cui minus operæpretij sit, si in die labore, nisi noctem adiungat: festi ac nefasti diei nullum discrimen: noctem in diem vertit: nunquã tam manè domo egrederis, quin illum aliquid facere operæ conspicias: nunquam tam serò domum redis, quin illum sollicitum reperiās. Infernus, inquit Salomon, & perditio, nunquam implentur, & oculi insatiabiles. Et hic dominus, inquit Clemens Alexandrinus, acquisitu difficilis, ad seruandū difficilior, ad vsum autem & communicationem difficillimus. Quis igitur his duobus dominis, qui sibi totum vendicant, sufficere possit? Explicat hæc omnia illud D. Pauli: Non potestis mensæ Domini partici-

Prouer: 27.

1. Corint: 10.

Iob 36.

pes esse, & mensæ dæmoniorum, nempe vt simul sit quisquam & idololatra, & christianus. Non benè siquidem conuenit arcæ Domini cum idolo Dagon. At auaricia idolorum seruitus est: partem enim eius spei & fiduciæ, cultus item quem Deo debebat, in eam, quæ deposita est, pecuniam transfert; quæ sublata plerumq; res ad restim redire solet. Si ergo quis idololatra esse potest, potest simul & Deo & mammonæ seruire: sed cum illud impossibile est, ne hoc quidem possibile erit. Vidit hæc Matthæus, vidit Zachæus: & ideò quidem ille, relictis rebus omnibus, sequitur Christum. hic autem: Ecce, inquit, dimidium bonorum meorum, do pauperibus. Non dicit autem: Non potestis simul Deo seruire, & diuites esse. nam & Abraham & Iob, magnas opes habuerunt, Deo tamen sanctè & piè seruiuerunt. Vnde illud apud Iob: Deus potentes non abiicit, cum & ipse sit potens. Nunquid thesaurizare in cælis sola nuditas aut fames poterit? inquit Hieronymus. Ille autem dicitur habere pecuniam, qui ea, cum oportet, utitur. Vnde nunc χρήματα, nunc κτήματα, pecuniam vocat Aristoteles: qui idem nihil exitiosius esse docet, quàm ubi ciues nummum, non propter vsum, sed propter formam amant, ac ἐκ τῶν χρημάτων κτήματα faciunt. Talis enim amoris ac cupiditatis, nullus modus esse potest. Seruit autem illis pecunia, qui ea utuntur, vt docet Plato: Optimè, inquit, & pulchrè viueremus, si vera de diuitijs sententia doceretur. Ea autem est, quòd diuitiæ gratia corporis sunt, corpus autem gratia animæ. Sed illud melius: Parate vobis amicos de mammona iniquitatis, vt cum defeceritis, recipiant vos in æterna tabernacula. Axioma autem hoc summum & primū est, neminem posse duobus dominis seruire: toti vitæ, & omnibus eius partibus commune est, siue tu pietatem spectes, siue virtutis exercitium, siue literas, siue rem familiarem: in re publica potissimū valet plurimum. Neque enim fieri potest, simul eundem voluptati & gloriæ inseruire posse, publicam ac priuatam simul rem curare; inimicitias persequi, ac sententiam à perturbatione liberam dicere; omnibus placere velle, ac disciplinam conseruare. Inde fit, quòd ruit alto de culmine Troia. Summam autem totius istius loci complexus est Irenæus: Non potestis Deo seruire & mammonæ; Deum quidem confitens, mammonam autem nominans, hoc quod & est; non mammonam dominum vocat, dicens: Non potestis duobus dominis seruire; sed & discipulos docet seruientes Deo, non subijci mammonæ, neque dominari ab eo: Qui enim, inquit, facit peccatum, seruus est peccati. Quemadmodum igitur seruientes peccato, seruos peccati vocat; non tamen ipsum peccatum dominum appellat: sic & eos, qui mammonæ seruiunt, seruos mammonæ appellat; non Deum appellans mammonā. Mammonas autem est, secundum Iudaicam loquelam, quæ & Samaritæ utuntur, cupidus, & plus quàm oportet, habere volens; secundum autem Hebraicam adiunctiuè dicitur, Mam, vel significat gulosum, id est, qui non possit à gula se continere.

Quartum argumentum est, quo nos à nimia cura & solitudine rerum temporalium auocat, noster œconomus, quòd habeamus alium longè prudentiorem, & nostri amantiorem efficaciorē etiam œconomum, qui necessitates nostras rectiùs, quàm quiuis nostrū, nouit, illisque providere sciat, & velit, & possit. Ab eo ergo potiùs omnia petenda, à quo ipsi vitale exordiū sumptimus. Expetamus regnum Dei, illudque vitæ nostræ stipendijs quæramus. Argumentum hoc, plenum pietatis est, & quod vnoquoque tempore in omnibus no-

bis nostris, magnæ consolationi esse debet: Ne, inquit, solliciti sitis animæ vestræ, quid manducetis, neque corpori vestro, quid induamini: scit enim pater vester, quod his indigeatis. Non dicit, vitam ne curetis, ne provideatis: sed, ne solliciti sitis. quia secundum præceptum Domini primo homini datum: In sudore vultus, præparandus est panis, labor exercendus, sollicitudo tollenda. Sed & Iudas loculos Domini portabat: & Paulus legem figit, ut qui non laborat, non manducet. Et ipse Paulus se manibus suis laborasse testatur, ne cuiquā onerosus esset. Alioqui si omnis cura tollenda esset, tum & illud ex oratione Dominica tollendum: Panem nostrum quotidianum, da nobis hodie. Non igitur *σπουδῆς*, id est, studium & curam, sed *μέριμνῶν*, id est, sollicitudinem aufert, quæ sit inordinata: ut, cum quis propter pecuniam diuinum cultum negligit, vel propter victum, vitam, & valetudinem. Deinde illam, quæ superflua, quæ plus quærit, quàm aut necessitas, aut vitæ ratio postulat. Tum præoccupatam, ut quæ longè prius quærit, quàm tempestas quærendi postulat, cum sufficiat diei malitia sua: & citò velle fieri diuitem, prohibeat Salomon; & talem sensum sequantur supplicia. Demùm, ne sit sollicitudo anxiosa, timida, & cum desperatione coniuncta, ut non dicat: Non moueor à generatione in generationem, sine malo. Ab hac eadem sollicitudine, nos reuocat Paulus: Nihil, inquit, solliciti sitis, sed in omni oratione & obsecratione, cum gratiarum actione, petitiones vestræ innotescant apud Deum & patrem: Omnem sollicitudinem projicientes in eum, quia illi cura est de vobis. Cuius curæ & sollicitudini, ac providentiæ æterni patris, quoniam mentes nostræ pusillanimes atque timidæ plerumque diffidunt, de eaque dubitant; ideò hanc eandem, æterni patris filius argumentis validissimis, ita ut nusquam aliàs, confirmat, ac omnem metum ac sollicitudinem ex mentibus nostris pellit, ac quasi sponforem interponit.

82 **S**IC igitur benignissimus filius, de optimi patris bonitate argumentatur: Qui dedit maiora ac principaliora, priusquàm nati essemus, sine omni sollicitudine nostra, qui dedit ipsum esse, dabit & viuere. Sed pater cælestis illud dedit, quantò magis & hoc adiunget. Neque enim ista dedisset, nisi hæc eadem tueri vellet: Nonné, inquit, anima pluris est, quàm esca, aut corpus, quàm vestimentum? Si ergo pater meus dedit vobis animam, hoc est vitam; quantò magis dabit, quæ ad vitam tuendam pertinent? Si dedit corpus tam mirabiliter contextum, quantò magis dabit & vestimenta?

83 **E**T sufficiebat quidem hoc argumentum veritati, pro patris clementia; sed neque nos tali argumento digni sumus: verùm & aliud, non minus verum & validum, adiungit: Si pater, inquit, vester cælestis, dat victum seruituti vestræ, quantò magis vobis dabit? Respicite, inquit, volatilia cæli, quæ vos cantu suo reficiunt, quæ neque ferunt, neque nent; nonne vos pluris est? Quid nos ad hæc? Dicere possemus: Tua, pater, clementia sumus: quia illa officium suum sequuntur, te laudant, delinquant in te nunquam: nos toties in maiestatem tuam delinquimus. Neque allegat Eliam aut Ioannem, quos cælitus Deus ipse pavit. Nam hîc multa imparia sunt, ut qui tantum à Ioanne & Elia absumus; sed allegat volatilia cæli. Proxima ijs aliquando cecinit Dauid: Qui dat inquit, escam omni carni: qui producit in montibus fœnum & herbam, seruituti hominum.

84 **A**Vget autem patris misericordiam & munificentiam, in res natura abie-

ctas

3. Reg. 4.
et 7.

etas & momentaneas: Considerate, inquit, lilia agri, quomodo crescunt, non laborant, neque nent. Dico autem vobis, quod nec Salomon in omni gloria sua coopertus est, sicut vnum ex illis. Cuius maiestate euocata regina Saba, venit ex ultimis finibus terræ, ad videndum eum, & dicebat: Verus sermo est, quem audiui in terra mea, super sermonibus tuis, & super sapientia tua, & non credebam narrantibus mihi, donec ipsa veni, & vidi oculis meis, & probavi, quod media pars mihi nuntiata non fuerit: maior est sapientia, & opera tua, quam rumor quem audiui. Beati viri tui, & beati serui tui, hi qui stant coram te semper, & audiunt sapientiam tuam. Sit Dominus Deus tuus benedictus, cui complacuiisti, & posuit te super thronum Israël. Quanta autem sit pulchritudo florum, oculorum magis quam sermonis est iudicium, dicebat D. Hieronymus. Rectè igitur exclamat Psalter: Domine, quid est homo, quod memores eius? Curat hæc parua æternus pater: non curabit hos, in quibus est imago sua, quos sanguine suo resperfos cernit, quibus subiecta sunt omnia, quos ad immortalitatem creauit, quos hæredes fecit suos, cohæredes autem filij sui? Summi amoris hæc verba sunt.

Notandum est, omnem ornatum fœnum esse. Stulta igitur ambitio hominum prodigorum, quæ nunquam vnum lilium agri exæquare potest; neque enim dicam hortense; ac ne Salomon quidem. His talibus tapetibus quater in anno mundum nostra causa ornat. Vere quidem virentes extendit tapetes, æstate flauos, in autumnno varijs fructibus distinctos, albos & splendentes hyeme.

Notandum autem est, hominem brutis animantibus, ab ipso authore & opifice rerum anteferri. Homo igitur, cum in tanto honore sit, non se comparet iumentis insipientibus, nec similis fieri velit illis.

Notat hoc loco author imperfecti operis: Dicendo, inquit, non laborant; viros confortat Saluator: dicendo autem; neque nent, mulieres: quoniam virorum vita seminationibus, mulierum autem, lanificio sustentatur.

Quartum & vltimum excludendæ sollicitudinis argumentum est: quod absque auxilio Dei, eiusque ordine ac prouidentia, cura omnis frustra suscipitur. Scio, inquit Hieremias, non esse hominis vias eius. Et Saluator: Quis, inquit, vestrum cogitans, potest adijcere ad staturam suam cubitum vnum? Eodem modo neque ad opes, neque ad facultates quidquam adijcere potest. Sed ne ad studia quidem sapientiam, nec ad honores, iuxta terminum ac limitem cælitus positum. An non hoc apparet re ipsa? Videas plerosque multum laborem suscipere, vt aliquid assequantur, neque tamen consequuntur: alios autem nulla aut exigua opera, omnia consequi, aut potius in manus eorum incurrere. Præclare hoc celebrat Dauid: Vanum est vobis ante lucem surgere: Nisi Dominus ædificauerit domum, in vanum laborauerunt, qui ædificant eam.

Excludunt ergo hæc verba, omnem sollicitudinem: Nolite solliciti esse, dicentes: quid manducabimus, aut quid bibemus, aut quo operiemur? hæc enim omnia gentes inquirunt, quæ vel Deum ignorant, vel prouidentiam eius negant, iuxta illud Nazianzeni: Paucam fuisse Aristotelis prouidentiam, quæ ad vniuersalia se tantum extenderet. Quæ omnia excludens Christus Dominus:

nus : Scit, inquit, pater, ac prouidentia sua vobis adest, non tanquam dij gentium, qui os habent & non loquuntur, manus habent & non palpant : vos habetis Deum in cælo, qui quæcunque voluit fecit, & prius quàm vos formasset scit, quibus opus habeatis. Adest voluntate, quia pater : adest facultate paterna, quia cælestis. Magna consolationis verba ista sunt. Paupertate premitur quis ? scit pater cælestis : seruitute premitur quis ? scit pater cælestis : tentationibus exagitur quis ? scit pater cælestis. Huc ergo confugiendum est : non finet nos tentari, suprâ quàm ferre possimus. Quis pater filiis suis non prouidet ? quis sponsus sponsæ suæ ? quis dominus familiæ suæ ? Dabit, si necesse erit ; si non dabit, necesse non fuit. Neque à me quisquam quærat, vnde daturus sit, qui eius promus & condus non fui. Dabit inde, vnde nos creauit, priusquàm essemus : vnde alit omnem carnem, aues, feras, & serpentes.

90 **Q**uod si nos prophanos, discordes, curiosos alit ; quantò magis pios, honestos, concordēs, & amicos ? Nam discordiarum nostrarum causa, auariciæ item & cupiditatis, agros nostros non extendet, pluuiam vberiore non dabit, solis sui radios non multiplicabit. Si improbos & discordes alit, quid faciet fratribus inter se iunctissimis, & amore diffluentibus, ille cuius est promissum magnificum, modò illum peccatis nostris non offendamus, modò desides, inertes, ignaui non simus ; modò *περιεσσε* non sequamur (tantò magis fœda & turpia) modò grati simus, modò regnum Dei & iustitiam eius requiramus ? Tum enim hæc omnia in parte appendicis exiguæ nobis adijcientur. Neque enim ad id nati sumus, vt bibamus, & edamus, & vestiamur ; sed vt illi in omni sanctitate & iustitia seruiamus, omnibus diebus vitæ nostræ. Quod autem & quale regnum nobis quærendum sit, suprâ in expositione orationis Dominicæ dictum est ; quæ iustitia item eius, vt scilicet dominetur voluntas eius, sicut in cælo & in terra. Adijcietur panis hic quotidianus, quem petimus, non tam quòd opus sit, quàm vt hac petitione fateamur, ipsum esse, qui nos alit, tuetur, ac defendit ; vt quæ ei confiteamur, tali quæ animi gratitudine eum prouocemus.

91 **N**otandum autem est, in doctrina christiana esse similem Scribæ, aut Phariseo, aut gentili, nefas esse : quid deteriore ? quid impudentiore ? quid magis auarum ? Vtiliter igitur vitæ & morum exempla proponuntur, vt saltem per horum æmulationem boni efficiamur.

92 **C**oncludit ergo totam causam sanctus legislator : Nolite solliciti esse in crastinum ; crastinus enim dies sollicitus erit sibi, sufficiet ipsi malitia sua. Hæc cura vocatur malitia, quia pœnalis est ; & ad hanc pertinet mortalitatem, quæ peccando meruimus. Si autem & de crastino curabimus, quando Deo seruiemus, totos nos conficientes sollicitudinibus temporalibus ? Talis autem cura conceditur, quæ inter supinam securitatem, & superuacuos labores, quibus se conficiunt increduli, media est. Omnium autem curarum, quæ modum excedunt, mater est infidelitas. Ergo de futuro sollicitos nos Deus vetuit, inquit, Hilarius : incuria autem sollicitudinis relaxatæ, non negligentia, sed fidei est. Cur enim solliciti simus in crastinum, cùm crastinus sibi ipsi sollicitus sit ?

93 **C**ras in scripturis futurum tempus significat, iuxta illud : Exaudiet me *1. Reg. 28.* cras iustitia mea. Et Samuel ille pythonissæ, ad Saulem : Cras, tu & filij tui mecum eritis. Malitiam autem diei hoc loco intelligit, laborem & afflictionem, & angustiam.

& angustias, miseras, calamitates, fames, pestes, vexationes, inundationes, incendia, quæ quotidie eueniunt. Sufficit ergo nobis præsentis temporis cogitatio, labor, & sollicitudo: futurorum curam, quæ incerta est, relinquamus. Parcit nobis benignus magister, ne nos vanissimis curis conficiamus; & ut in omni animi tranquillitate & amœnitate viuamus. Etsi autem ad omnes pertinent ea Christi monita; propriè tamen & maximè ad illos referuntur, qui istam sublimiorem philosophiam iactant, & quos ille seruitio & cultui suo addictos esse vult, & quos diuifos esse Paulus non vult: Apostolos, inquam, & Apostolicos viros, homines contemplationi destinatos: quos tamen aliquando cupidiores ac magis sollicitos videmus, quàm ipse sit mundus; & quibus nihil vnquã fatis sit; qui non crastinum tantum spectant, sed totum simul æuum, vniuersamque nepotum ac pronepotum in multa secula posteritatem. Anxietatem nostram ipsa pro nobis dies sollicita depellit. Et hæc rectè perfectèque viuendum merces est; ut in nouam cælestemque substantiam, ex hac corruptibilis corporis materia, transferantur, & corruptio terrena, cælesti incorruptione mutetur. Gentium autem est infidelitatis, istiusmodi cura angi; quibus amore detentis, & corporis gaudijs occupatis, nullum, per fidem, & confessionem Dei, in cæleste regnum iter quæritur & optatur.

NOtat Origenes: Nolite, inquit, thesaurizare vobis thesaurum super terram: hoc est, nolite defodere sensus vestros cum diuitijs in terra. Nolite recondere cor vestrum cum pecunia in perditionem, quia multa pericula in thesauris sunt, multa offendicula in humanis diuitijs; aliquando ab intro, deforis fures effodiunt mansiones, latrones resident in solitudinibus & in desertis, aliquando plures vndique circumueniunt volentes modis omnibus eripere. Alij præparant flammæ, & immittunt incendia, videntes illos thesauros, & omni consilio eos deprædari excogitant. Et D. Chrysostomus elegantî similitudine illustrat: Quo enim distamus, inquit, à pueris ludendi gratia casulas ædificantibus, nos, qui ampla prætoria & clara construimus? Nihil planè. Quodsi necdum perspicimus eorum, quæ agimus vilitatem; non est profectò mirandum: nondum enim venimus ad maturitatem viro-
rum: quò cum venerimus, intelligemus hæc omnia esse puerilia. Nam & illa, cum ad virilem transimus ætatem, ridere consueuimus, quæ, cum pueri essemus, etiam studiosè credebamus esse facienda. Nam & testas & lutum sapius aggerentes, non minus gloriabamur; quàm hi, qui certatim amplas porticus & triclinia gaudent superba construere: sed tamen peribant illa, & continuò corruiebant. Verùm, ut nos pedibus ludicra illa ædificiola plerumque destruimus, ita hæc sapienti ille mente subuertit: & sicut nos, paruulos de illa flentes destructione ridemus; sic iste quoque nobis, de hac subuersione mœrentibus, ridet. Thesaurizate ergo vobis thesauros in cælo, vbi ærugo non exterminat; id est, ut inquit Origenes, diuersorum inuidia, & insatiabilis cogitatio: neque fures offodiunt, & furantur; illi nequissimi dæmones, & malè articulosi, qui innumerabilium corda effodiunt. Isti multos & magnos thesauros furantur: isti effoderunt per auiditatem cor Esau: isti sunt furati ei præclaras thesaurorum primitias, cum benedictionum donis: isti effoderunt per auaritiam Iudæ cor, & huic Apostolatus magnum furati sunt thesaurum. Propter quid? quia non thesaurizauit sibi in cælo, vbi isti supradicti fures

non

non effodiunt, nec furantur; sed super terram thesaurizauit: propter pulchritudinem argenti, totius vitæ Dominum vendidit. Isti effodiunt & nunc multorum corda, aliorum per superbiam & cupiditatem, aliorum quoque per ciborum auaritatem, vel cætera carnis desideria, quos omnes cælestibus regnis furantur: ideò, quia non in cælis thesaurizârunt sibi.

95 **D.** Basilius in hunc locum: Nolite solliciti esse animæ vestræ, quid manducetis. Vetuit, inquit, Dñs vnumquemq; sui ipsius causa sollicitum esse. Quamobrem in suscipiendis laboribus, illud spectare vnusquisq; debet; vt per ipsum, qui in egestate sunt, subleuentur; non autem vt commodis ipse prouideat suis: siquidem hoc modo, & crimen immodicæ amentię effugerit, & fraternæ charitatis benedictionem à Domino inuenerit, qui sic dixit: *Matth: 23* Quandiu fecistis vni de his fratribus meis minimis, mihi fecistis. *in Int: 42.*

Caput VII.



IDEM sollicitudini occurrit Saluator noster hoc capite, quam superiore curare volebat: ad eandemque nos tranquillitatem reuocat, vt liberiùs Deo & nobis ipsis seruiamus & viuamus. Cùm enim duo genera hominum sint: aliud quidem quod totum in seipso curando positum est, quod nullum præter se respicit: aliud autem, quod se, resque suas negligit, se non videt, nec curat, totum in alterius cura & examine positum est; quod foris semper, domi nunquam habitat, secum nunquam manet; de suis securum, de alienis nimis sollicitum; genus hominum molestum, ad reprehendendum natum, morosum, curiosum, inuidum, malignum plerumque. Ad hoc igitur doctrinam suam refert cælestis magister: ac quemadmodum superius ab ea sollicitudine, quæ priuatim est, suos deterruit; ita nunc ab ea, quæ longè fœdior & nocentior est, suos reuocat. Cuius quidem generis vitij, cùm variæ partes sint: alij enim facillè de alijs iudicant, eosque condemnant: alij superstitiosi doctores & institutores esse volunt: alij doctrinas sanctas & mysteria, vbique indifferenter pandunt: alij alio genere in mores vitasque hominum, sua neglecta, animaduertunt; occurrit his omnibus Saluator, suosque monet, vt secum habitent, sibi iuxta Moysis doctrinam attendant: nam illud Delphicum: Nosce teipsum, inde sumptum est. Orditur autè ab eo genere, quod maximè cõmune peculiarèq; est, hypocritis, fycophantis, & hæreticis, temerarijs, inquam, iudicijs atq; obrectationibus. Vt enim quisq; est vir optimus, ita de alijs non facillè malè suspicatur: & vt quisque est nebulo maximus, ita facillè alios condemnat; atque in eodem stercore, in quo ipse hæret, alios quærit; suam maliciam alienis vitij tegere & ornare vult. Ideò intonat hîc legislator: Nolite iudicare, & non iudicabimini. Ea enim facta, quæ dubium est, quo animo fiant, in meliorem partem interpretanda sunt; quia incertum est, quo animo quidquam fiat: & si hoc certum; tamen illud incertum, qualis futurus sit ille, qui nunc vel bonus vel malus apparet. Vnde Apostolus: Nolite ante tempus iudicare. Dubium autem non est, iudicium naturale, quod donum Dei est, hoc loco non prohiberi: sed neq; ciuile, hoc enim Dei vicarium iudicium est: non discretionis item & correctionis, de quo Paulus: Cum huiusmodi nec cibum sumere; sed iudicium temerarium, iudicium de *1. Corint: 4.* *1. Corint: 5.*

um de rebus incertis ac ambiguis, iudicium maliciosum, iudicium quod confundit non ædificat, iudicium quod condemnat: & quod deteriore partem sequitur, & quod de manifestis non est. Et ideò posteam particulam: Nolite iudicare, & non iudicabimini; addit veluti commentarium quendam D. Lucas: Nolite condemnare, & non condemnabimini. nam apud Matthæum hæc in Græcis codicibus non leguntur, sed ne in Latinis quidem pluribus. Curandum est igitur, ne iudicemus temerè. Quod si fieri non potest, ne tamen statim condemnemus, ac rem dubiam in partem deteriore interpretemur. Ponit autem vtilitatem conseruati præcepti, & poenam admissi sceleris: Si non iudicabitis, non iudicabimini: & contrà. Id autem intelligendum est ita: Primum, ab ipsis hominibus: deinde, à summo iudice ipso Deo, quidquid dicat Caluinus, qui frustra hoc loco eleuat authoritatem D. Chrysostomi. Quod genus mali, cum latissimè pateat, sanctos etiam attingat aliquando, iustis & iniustis commune sit, speciesque multas habeat; nunc querelæ, nunc zeli, nunc commiserationis, nunc obiurgationis, nunc admonitionis, nunc alterius commendationis; in quibus hic vnus finis est, proximum deprimere, seipsum efferre; sua tegere, aliena aperire; seipsum solari, alios contristare. & proinde Dauid felices illos dicit, qui non modò non detraxerint cuiquam, sed ne opprobrium quidem acceperint (id est, detrahentes audiuerint aliquos) aduersus proximos suos, quod in alio Psalmo interpretatur: Detrahentem secretò proximo suo, hunc persequer. Perditum, hoc est, vitium ac solutum. Et ideò freni quidam huic vitio, pro nostra tenuitate iniiciendi sunt; qui, vtinam mihi prius, deinde alijs omnibus, proficiant.

Psal. 100.

Primum igitur frenum est: omne iudicium esse Dei, quod ille soli tradidit filio, vt qui honorat patrem, honoret & filium. Et proinde superius diximus, ventilabrum in manu filij esse. Qui igitur temerè de alio iudicat, qui condemnat; ille ventilabrum sibi assumit; hoc de manu excutit hæredis: iudicium filio Dei datum, sibi vsurpat; sed & ipse ventilabitur. 2

Secundum frenum: eos de quibus iudicamus, seruos alienos esse; qui siue stant, Domino stant, siue cadunt, Domino cadunt: Tu autem, inquit Paulus, quis es, qui de alieno seruo iudicas? Præclare autem Dominus Petri curiositatem repressit, interrogatus de Ioanne: Hic autem quid? Quid, inquit, ad te? tu me sequere. 3

Rom. 14.

Tertium frenum: nos ipsos iisdem, & fortasse maioribus plerumque obnoxios esse criminibus, cum simus ipsi à ratione factorum & dictorum nostrorū reddenda alienissimi. Prius itaque de delictis nostris confiteamur, quàm in alijs, vllam culpam reprehendamus. Et proinde Saluator, cum adduxissent illi hypocritæ adulteram: Qui, inquit, sine peccato est vestrum, primus in illam lapidem iaciat. 4

Quartum frenum est: quòd nos plerumq; non nouimus quid simus, quid velimus, quòd contendamus; & nemo est qui sciat, nū gratia, an odio dignus sit. Vnde Seneca testatur, paucos admodum apud se constituisse, quid velle debeant: & ita nulla res est, quæ nos magis ab inquisitione rerum alienarum abducere possit, quàm hæc ipsa nostri inquisitio & cognitio. 5

Quintum frenum est: quia incerta est & obscura voluntas hominum. 6

Quis

Quis enim est, qui ingressus est in secretum cordis alterius? Ipsius hæc est propria functio, quem nihil omninò latet, & cuius oculis nuda sunt omnia. Dei igitur naturam sibi vendicat, qui hominum interiora nosse vult. Sed esto: nos de præsentis iudicare posse, de futuro quis nouit, quid serus vesper vehat? Paulus nunc persecutor est, nunc martyr; nunc lapidator Stephani, nunc Apostolus; manè comedit prædam, & vesperi diuidit spolia.

7i **S**extum frenum est: nos ipsos obnoxios esse graui iudicio, iudicio tremendo, quod Iob deprecatur: Quis mihi tribuat, vt inferno protegas me, & *Iob 14.* abscondas me, donec pertranseat furor tuus? Et Dauid: Non intres in iudiciū cum seruo tuo Domine. Hoc igitur solo modo à temerè iudicandi vitio liberamur, si de alijs non iudicemus: Nolite iudicare, & non iudicabimini.

8 **S**eptimum frenum est: quòd hac ratione, non diuinum modò, sed & humanum fugiemus iudicium. Nam, qui de alijs facile iudicat, alienum etiam sufferat iudicium opus est. Qua enim mensura mensi fueritis, inquit Saluator, eadem remetietur vobis: & quod vultis, vt faciant vobis homines, & vos facite illis. Hominem non temerè iudicantem, amant omnes, ad secretissima quæque admittunt, fugit nemo; garrulum verò omnes fugiunt.

9 **O**ctauum frenum est: eam rem pugnare cum principibus virtutibus religionis christianæ, humilitate, inquam, & charitate. Cum humilitate primū, cuius illæ, secundū D. Bernardum, sunt partes: Contemnere mundum, contemnere nullum, contemnere sese, contemnere se contemni. Pugnat eadem obrectatio cum charitate, quæ benigna est, non iudicat, cooperit multitudinē peccatorum. Inde obrectationem sequuntur iurgia, vulnera, aliquando cædes.

10 **N**onum frenum est: quòd vitium hoc arguit morū prauitatem: vt enim quisque est vir optimus, non facile de alijs malè iudicat: arguit diffidentiam propriæ virtutis; prodit malignitatem & prauitatem animi. Vnde Dauid gaudet Deum timentes protecturum, à contradictione linguarum. *Psal: 30.*

11 **D**ecimum & vltimum frenum est: quòd vitium hoc obligat ad restitutionem: hoc enim non prius dimittitur, quàm eam ipsam famam & existimationem, quam alijs detraximus, restituerimus. Nam si de modica pecunia dictum est illud: Et si quem defraudaui, reddo quadruplum: quantò magis de fama & existimatione, ex qua pendent cætera? Quæ res quantò est difficilior ad restitutionem, tantò magis ea abstinere debemus, semper memores illius: Si frater tuus habet aliquid aduersus te. Quo vitio, si abstinere voluissent illi viuorū & mortuorum iudices, Lutherus & Calvinus, non subiissent omne iudicium, & orbem Christianum in eos scopulos non adduxissent. Itaq; vnus ex illis Calvinus, non valdè acerbum sese huius vitij accusatorem præstitit, vt qui nullum genus hominum prætermiserit, nullum ordinem, quem non censuerit. Addit & illam non ineptam huius loci interpretationem D. Hilarius: ne scilicet de consilijs atq; operibus Dei curiosè iudicemus. Quis enim nouit sensum Domini? aut quis consiliarius eius fuit? Cui rei si non hæretici obsecuti fuissent, tot hæreses non excitassent. Iudicare enim de sponsonibus suis vetuit: quia vt iudicia ex incertis rebus inter homines sumuntur; ita & hoc iudicium aduersum Deum ex sentiendi atq; opinandi ambiguitate suscipitur; quod penitus repellit à nobis, vt constans potius fides retineatur: quia non sicut in rebus cæteris peccatum

catum sit, perperam iudicasse; sed in his rebus tantummodo de Deo iudicio initum esse, sit criminis.

Interrog. 164

*Rom: 14.
Corinth: 8.*

ANnotat circa hunc locum D. Basilius: Nolite iudicare, & non iudicabimini. Nequaquam in vniuersum interdici nobis, quominus iudicemus; sed in iudicio faciendo iubemur delectum adhibere. In quibus autem hoc seruari debeat, & in quibus non, dilucidè demonstrauit Apostolus; qui in his quidem, quæ posita sunt in libera potestate vniuscuiusque, neq; distincta à scriptura, dixerit: Tu autem quid iudicas fratrem tuum? Et item: Non ergo amplius inuicem iudicemus: in his verò quæ displicent Deo, eos reprehendat, qui non iudicent, & ipse iudicium suum in medium afferat, cum dicit: Ego quidem absens corpore, præsens autem spiritu, iam iudicaui, &c. Et D. Chrysostomus: Hic enim non generaliter, inquit, peccata omnia prohibuit iudicari, nec prorsus omnibus istius rei abstulit potestatem; sed his profectò solis, qui cum flagitijs abundant innumeris, alios de leuissimis quibusq; delictis tota temeritate condemnant. Si igitur fornicatus fuerit iniquus, non ei dicam, quòd malum sit fornicari; neque corrigam increpatione lasciuiam? Corrige quidem, sed noli vt hostis, neq; vt inimicus exigens vltionem; sed vt medicus, remedia profutura conficiens. Non enim dixit: Noli cohibere peccantem: sed, Noli vtq; iudicare, hoc est, noli effici iudex amarus. Quod certè nunc plurimi faciunt, qui si viderint Monachum habere superfluum vestimentum, legem illi Dominicam impudenter obijciunt; cum millies ipsi aliena diripiant, & quotidie auariciæ crimen exerceant: & si eum cibo vti viderint largiori, accusatores existunt amari; ipsi quotidie crapulati atq; temulenti; ignorantes, quòd cum proprijs admisis, hinc quoque sibi congregent maius incendium, omniq; semetipsos excusatione denudent.

SEcundum genus, in aliena vita examinanda vanæ occupationis, & vtinam vanæ, & non etiam exitiosæ: vbi ille, qui ipse æger est, medicoque indiget, medicus esse vult; ac eum, qui magis sanus est, & à quo illum curari oportuit, curare vult; cæcus illuminare alterum, vt ipse benè valere & videre existimetur. Quam vanitatem pulcherrima similitudine, ab eo, qui cum trabem in oculo habeat, eum tamen curare velit, cuius conspectum modica festuca impediuit, sumpta, illustrat. Cuius in eo duplex insania apparet: Primum, quòd cum ipse medico egeat, curator esse vult: deinde, quòd ipse cæcus, longèque tenebris grauioribus obsitus, in alio videre velit; quod ille, & in se, & in illo melius perspicere possit: Quid, inquit, vides festucam in oculo fratris tui, & trabem in oculis tuis non vides? Trabem curiositatis, ostentationis, vanitatis. Quem locum pulchrè interpretatur D. Hieronymus, cuius verba apponere placet: De his loquitur, qui cum ipsi mortali crimine teneantur obnoxij, minora peccata fratribus non concedunt, culicem excolantes, camelum glutientes. Rectè ergo & isti simulatione iustitiæ, vt suprà diximus, appellantur hypocritæ, qui per trabem oculi sui, festucam in oculo fratris aspiciunt. Quod idem pulchrè annotat D. Hilarius: Fit enim sæpè, vt assumamus nobis arguendi aliquos auctoritatem, sine vllò propriæ emendationis exemplo, & medendæ cæcitatæ alienæ iactantiâ proferamus, ipsi in tenebris corrupti luminis constituti; cum difficile quenq; sit præstare, quod exigit; & optimū sit, exemplis potius docere, quàm dictis. Quis autem audiat illum docentem ait quidam, qui seipsum non audit?

Imò

Imò melius est nec docere, nec reprehendere laicum, quàm docere & reprehendere, & teipsum in reprehensione consistere: quoniam talis doctrina doctoris, non est audibilis, sed derisibilis. Tum & D. Chrysostomus: Quid miraris, inquit, si Dominus posuit hanc legem, quæ etiam à latrone seruata est, qui in cruce dicebat ad socium suum: Neque tu times Deum, qui in eadem damnatione es? protulit enim vocem, Christi omninò sententiæ consonantē. Quod quidem genus, cur hypocritas vocet, explicat Euthymius: Sic ille, inquit, hypocritam nominauit talem, vtpotè medici manus vendicantem, ægroti verò locum retinentem, vel tanquam prætextu religionis, alienum lapsum curiosè indagantem, sed id proposito condemnandi agentem. Si enim curandi fratris desiderio hæc agis, cura prius teipsum, qui plus illo deliquisti. Quod si temetipsum despicias, manifestum est, quòd neque illum amas: magis enim quisq; seipsum amat, quàm fratrem. Itaque non ad emendandum, sed ad condemnandum conuicias. Vides ergo, quòd alios curare non prohibuit, si id omninò tibi cordi est; sed admonuit, vt te prius cures, deinde illum. Medicum namque sanum esse oportet. Hæc atque similia statuit, non auertens à mutua correctione, sed propriorum delictorum negligentiam reprimens. Duplex enim condemnatio illum expectat, qui cùm magnis reus teneatur malis, leuiores aliorum mala scrutatur. Non ergo hoc loco correctionem fraternam, rem omnium saluberrimam aufert, quam ipse paulò post sancit: Si, inquit, in te peccauerit frater tuus: & quam Paulus tantopere asseruit: Vos, inquit, qui spirituales estis, huiusmodi instruite, in spiritu lenitatis. D. August. verò illam inter species eleemosynæ numerat; sed illam iactabundam, morosam, malignam, insultationem potius, quàm correctionem. Quæ quidem fraterna correctio, tam corripientium inhumanitate, malignitate, ac alio respectu (quisq; enim id suadet, quod sibi sensuiq; suo vtile est, potius quàm illi cui consulitur, & magis vt confundat, quàm ædificet) quàm aliorum, qui corripere debent, impatientia & superbia in ecclesia conticuit; eòq; magis, quantò sibi quis melior aut perfectior videtur. Ego quidem mallet in aciem descendere, quàm aliquem ex his, qui perfectiores videntur & vocantur, alicuius rei vel minimæ admonere. Nam inde nihil referes, præter illa nomina inuidiarum, odiorum, præsumptionum: & quem omni æuo amicum habueris; hunc tibi vna hora capitale reddes inimicum: & à quo antea pro angelo laudabaris; post vnicam admonitionem plusquàm publicanus efficiaris. Omnia autem illa, quæ freni loco esse possunt contra temeraria iudicia, eòdem referri debent, ad imperfectorum medicorum curationes; qui quo alios iudicio corripunt, eodem se condemnant.

*Auth. imper.
oper. in Matt.
homil. 17.*

Galat. 6.

- 14 **T**ertium caput est præsumptionis ac sollicitudinis, ex parte alterius, nihil sanctum habere; sed omnia sine discrimine rerum & personarum temerè profundere, modò aliquid ante alios scire & posse videamur. Quod itidem eodem modo, similitudine non aliena, eorum, qui aut sanctum ante canes, aut ante porcos margaritas proijciunt, refutat Dominus: Nolite, inquiens, sanctum dare canibus. Sanctum autem Dei interpretantur S. Patres: sacras literas, legem, inquam, vtramque; deinde primaria mysteria religionis christianæ, Trinitatis adorandæ, incarnationis venerandæ; sacramenta deinde, eorumq; administrationem, sacrificium missæ; sed & bona ecclesiastica.

NOranda autem hoc loco myſteriorum Dei elogia, ea res ſanctas appel-
lari, margaritas, vera vitæ ornamenta. Canes, D. Auguſtinus, & porcos, intelligit
contemptores: alij duo genera hominum ſacra Dei contemnentium notant;
canes, qui per malevolentiam nocent, quales ſunt hæretici; porcos, qui per
ſocordiam & luxuriam, quales incontinentes chriſtiani: hi contemnunt, illi
opprimunt. Et author imperfecti operis: Canes, inquit, puto intelligendos
gentiles, vel hæreticos omninò immundos; nam & propter actus ſuos malos
immundi ſunt, & propter perfidiam ſuam vel idololatriam amplius ſunt im-
mundi: Porcos autem, chriſtianos carnalibus & immundis voluptatibus dedi-
tos; quoniam propter fidem quidem ſuam mundi ſunt, propter actus autem
ſuos ſordidos, habentur immundi. Non conuenit igitur iſtiusmodi canibus ac
porcis ſanctum dare, aut proijcere margaritas, ne aut conculcent, id eſt con-
temnant, aut conuerſi, in nos inuolent. Porcus, inquit Hieronymus, non ac-
cipit ornamenta, in volutabro luti volutatur; ſi habuerit circulum aureum, fæ-
dior inuenietur. Quidam canes volunt intelligi eos, qui poſt fidem Chriſti co-
gnitam, ſacramentaque ſuſcepta, ad vomitum peccatorum redeunt: Porcos
autem, qui necdum euangelio crediderunt, ſed in luto infidelitatis verſantur.
Præceptis & promiſſis Dei, inquit Hilarius, nihil eſt pretioſius ſanctiusque, quæ
ſanctificatis nobis, immortalitatis theſaurum largiuntur. Horum igitur ſacra-
menta atq; virtutes, neque in gentes efferre, neq; cum hæreticis conferre per-
mittuntur. Canes enim, de alatrando aduerſus Deum rabie, gentes ſunt nun-
cupatæ. Porcorum verò hæreticis eſt nomen: quia quamvis vngulæ bifidæ
ſint, acceptam tamen Dei cognitionem, non ruminando diſponunt. Ergo &
incorporationem verbi Dei, & paſſionis myſterium, & virtutem reſurrectionis
non promiſcuè nos tractare conuenit, neq; imperitè incurioſeque proferre: ne
ignorantiam noſtram, ſi perfectæ ſcientiæ deſit inſtructio, proterant atq; con-
culcent; & infirmitatem in Domino paſſionis irrideant; conuerſiq; in nos, con-
tradictionum aculeis imperitiam noſtram fidemq; diſrumpant. Hinc D. Chry-
ſoſtomus ſuis temporibus, myſteria ideò Clauſis ianuis celebrari fuiſſe ſolita: &
eos, qui nondum initiati ſunt, ad eſſe prohibitos docet: non quia infirmitas my-
ſteriorum aliqua deprehenderetur; ſed quia ad participationem eorum illi ad-
huc qui arcebantur eſſent infirmi.

NOtandum, huiusmodi canibus atque porcis, Lutherum primum pro-
ieciffe ſanctum Dei, ſcripturam, inquam, ſacramentorum adminiſtrationem,
& alia, & conculcata eſſe vt videmus, & conuerſos eſſe in eum. Sed & Antiſti-
tes eccleſiarum Episcopos, ante hanc orbis chriſtiani calamitatem huiusmodi
fortaſſe animantibus, ignauis & indignis adminiſtris commiſerunt verbi præ-
dicationem, curam animarum, ſacramentorum miniſterium: & conculcarunt
illa, & conuerſi ſunt in illos, miniſtri hæreticorum facti. Huiusmodi porcis
& reliquis clerus, carnem & ſanguinem reſpiciens, proiecit, & proijcit adhuc
eccleſiaſtica bona; & ſatiati conculcant ea, tanquam aper ſerus depaſcens, &
conuerſi in clerum, vitam cum ſanguine poſcunt. Deus reſpice & viſita vine-
am iſtam.

SERIES
EVANGELII.

EXcluſa igitur omni ſollicitudine, tam ea, quæ circa res noſtras eſt, quàm
illa, quæ de alijs ſuſcipitur, ſeipſum reſpicere iubet, patremque ſuum; ad ſe in
omnibus recurrere, à ſe omnia quærere iubet: Petite, inquit, & accipietis: ne-
que

quæ tantum simpliciter petere iubet, sed constanter, perseveranter, ac quodammodo violenter: Pulsate, & aperietur vobis. Petite, inquit; quia res magnæ poscuntur: quærite; quia non ita facile inveniuntur: pulsate; quia non ita facile aperitur, etiam si ostiarius ad ianuam stet, molestari tamen vult. Et ideo ignavi iustas socordiae suæ dant poenas; qui necessarijs remedijs destituti, remedia hæc non quærunt. Si enim, inquit D. Chrysost: cum hoc studio mentis acceperis, & dixeris, Nisi accepero non recedam; prorsus accipies; modò si talia postulaveris, quæ & illum, qui petitur, dare deceat, & accipere tibi, qui precaris, expediat. Quæ verò ista sunt? si scilicet spiritualia cuncta deposcas. Vt autem tantò fidentiùs petamus; certa spe impetrandi nos petere iubet: nihil enim est, quod nos melius ad orandum incitet, quàm certa impetrandi fiducia: ideo petere iubet, ut largiatur. Quam spem duobus fortissimis argumentis erigit. Primum, à communi omnium mortalium notione: quia qui petit accipit, qui quærit invenit, qui pulsat, illi aperiri solet. non quòd benignissimus pater petitiones nostras sæpè non præueniat, ac ignaviam nostram beneficijs non prouocet; sed quòd hac ratione studium & affectum nostrum erga se excitet. Secundum autem est argumentum, à minori sumptum: Si, inquit, vos, qui estis mali, hoc est tenaces, auari, ad aliosque subleuandos tardi, si cum æterno parente conferamini, datis tamen bona filijs vestris (malos autem vocat, propter φιλαυτίαν, omnes enim sibi malunt quàm alteri) quantò magis pater vester, in se, per se, ac tota natura sufficiens, ipsa bonitas, beneficentia, liberalitas, petentibus dabit bona, si boni benè bona petemus? Hoc autem ita esse eodem exemplo indicat: Nam si filij bona petunt, hoc est panem aut piscem, tum facillè quod petunt obtinent; si autem lapidem aut serpentem, non erit tam inhumanus pater, qui hæc largiatur: non enim ad preces nostras, sed ad utilitates respicit. Si igitur vos, qui estis mali, quibus Deus particulam bonitatis & paternitatis tantum impertiuit, (quantum enim ad comparisonem Dei, qui solus singulariter est bonus, omnes mali videntur; sicut ad comparisonem nivis aut solis, omne mundum sordidum videtur, & omne lucidum obscurum) nostis, inquit, bona dare filijs vestris; quantò magis pater vester, qui est in cælis, dabit bona petentibus se? Nam si tantum ad beneficium valent guttulæ nostræ, quid à mari inexhausto sperandum est? Nunquid, inquit Isaias, obliuisci potest mulier infantem suum, ut non misereatur filio uteri sui? Etiam si oblita illa fuerit infantis sui, ego tamen non obliuiscar tui. Quæ autem sint ista bona, ipse nouit, qui dat omnibus affluenter. Notat Author Imperfecti operis: Quòd ille pulsat Deum, qui facit bona opera ante Deum oratione, ieiunijs & eleemosynis. Sicut enim qui pulsat ostium, non tantum voce clamat, sed & manu: sic qui bona opera facit, quasi manu pulsat Deum operibus suis. Isa: 49.
In Math: homil: 18.

18. **E**xplicatis igitur ac perfectis præcipuis legis partibus, sanctus legislator, epilogum totius legis ac orationis ponit; in quo & facilitatem eius & congruentiam, & æquitatem ipsam breui compendio comprehendit: Omnia, inquit, quæ vultis ut faciant vobis homines, & vos facite illis: vultis ne irascantur, ne irascamini: vultis ne vxores, filias, sorores vestras concupiscant, ne concupiscatis: vultis ne vobis detrahant, non detrahat: vultis ut vobis dimittant, dimittatis. Non puto autem vnum punctum, aut iota legis esse, quod mutua officia spectet, quod in hoc præcepto non contineatur. Docet ergo Christus, posse vnum-

quemq; sibi rectè & iustè viuendi regulam esse; si vicissim aliis præstet, quod sibi fieri exigit. Ita vanos omnes prætextus eijcit & refellit, quos sibi excogitant homines, ad tegendam vel fucandam suam iustitiam. Regnaret enim proculdubio inter nos perfecta æquitas, si idem proximis faceremus, quod nobis ab iisdem exhiberi volumus. Dicit hanc esse summam legis & prophetarum: in hoc pendere legem ac prophetas. lex siquidem dixit: Diliges proximum tuum sicut teipsum: quod nihil aliud sonat, quàm quod tibi fieri non vis, alteri ne feceris: radix hæc est vitæ & origo. Vnde manifestum est, inquit D. Chrysostomus, secundum naturam nobis esse virtutem. Domestico siquidem magisterio omnes quæ facere debeamus, agnoscimus, & impossibile omnino nobis est, ad ignorantia præsidium aliquando confugere.

Summa legis proposita, ad diligentem eius custodiam, & obseruationem, 19 propter eius difficultatem Doctor hortatur. Primum ex parte nostra, deinde ex parte illorum, qui nos inde abducere possint. Ex parte nostra: Intrate, inquit, per angustam portam. Angusta porta & arcta via, via veritatis, virtutis, honestatis & charitatis, diuinæ quoq; iustitiæ. per hanc ergo ingredi iubet Dominus, nec statim securos esse in via, nisi vbi fuerimus in porta. Viam autem & portam vocat, ut nos soletur, non diuturnam hanc habitationem esse, non permanentem domum; sed & viam & portam, quæ facile transitur, facile superatur. Distinguit autem viam à porta, propter securitatem auferendam: quia non statim, ut quis est in via, est in porta. Porta est expectanda, porta metuenda, ne illud audiamus: Clausa est ianua. Et illud: Non noui vos. Amplius res amplificatur, propter maius studium & cautelam: Lata & spatiosa via est, quæ ducit ad perditionem: via voluptatis, via sensus, via fidei mortuæ sine operibus bonis. Multi autem ingrediuntur per eam; quia lata, quia facilis & expedita est, & facile licet inuenire eam: At per contrarium, angusta porta, & arcta via est, quæ ducit ad vitam. Angustias huius viæ explicat D. Paulus: Alij, inquit, distenti sunt non suscipientes redemptionem: alij autem ludibria & verbera experti, insuper & vincula & carceres: lapidati sunt, secti sunt, tentati sunt, in occisione gladij mortui sunt, circuierunt in melotis, in pellibus caprinis, e-
gentes, angustiat, afflicti, in solitudinibus errantes, in montibus & speluncis, & cauernis terræ. Et in alio loco: In laboribus plurimis, in carceribus abundantius, in plagis supra modum, in mortibus frequenter. A Iudæis quinquies quadragenas vna minus accepi, ter virgis cæsus sum, semel lapidatus sum, ter naufragium feci, nocte & die in profundum maris fui, in itineribus sæpè periculis fluminum, periculis latronum, periculis ex genere, periculis ex gentibus, periculis in ciuitate, periculis in solitudine, periculis in mari, periculis in falsis fratribus. In labore, & ærumna, in vigilijs multis, in fame, & siti, in ieiunijs multis, in frigore, & nuditate. Pauci autem sunt qui ingrediuntur per illam: quia & arctè & difficile est inuenire eam. Latam non quærimus, nec quæsitum opus habet, spontè se offert: & errantium via est, nullum præbet laborem ingredientibus, indulgens est, nullo clausa termino, nullo obserata custode; in qua pessimis exemplis homines pessumdantur. Nec perire nos putamus, dum pergimus in magna turba: absurdum putamus, à magna multitudine abesse, ac si non essemus pars hominum. Angustam verò nec omnes inueniunt, nec qui inueniunt, statim

Hebr. ii.

2. Corint. ii.

20

21

22

23

24

tim ingrediuntur per eam; siquidem multi, inuenta veritatis via, capti seculi voluptatibus, de medio itinere reuertuntur. Et Christi quidem hoc euangelium est: Angusta est porta, quæ ducit ad cælos. Luteri verò & Caluini illud: Lata est via ad cælos, quia omnia gratuita sunt, quia sola fide constant, quia operi nulla merces, quia ex persuasione certæ salutis salus; quia damnari non potest, nisi qui nolit credere. Scire autem conuenit, quòd nunc angustam portā & arctam viam cælestis vitæ dixit, propter temporariam ipsius afflictionem: alibi verò suaue iugum dicit mandatorum suorum, & onus præceptorum suorum leue, & spem æternorum bonorum. Virtus enim grauis est, propter laborum molestiam; leuis autem, propter retributionem, sensumque laboris mitigat & extenuat, futuri expectatio gaudij. Adumbrârunt hanc viarum differentiam, vel ab ipso naturali lumine edocti veteres. Vnde illud Prodicæ apud Xenophontem biuium: vnde illa litera Pythagoræ, discrimine secta bicorni; sed & illa Cebe-tis tabula huc spectare videtur. Sed hæc hæc hactenus.

20 **E**T de ea quidem cautione, quæ in nobis est, dictum est in his verbis, quæ explicauimus: nunc ad eam se idem magister refert, quæ aliunde aduenit; ab illis, inquam, qui angustam viam latam, & latam angustam dicturi essent, falsis, inquam, prophetis & hæreticis: Attendite, inquit, vobis, à falsis prophetis. Quos Paulus inprimis, ac vniuersa deinceps vetustas, hæreticos interpretatur: ita vt omnia illa, quæ de falsis prophetis in veteri lege tradita sunt, siue de causis illorum, siue de signis & indiis, siue de incommodis, quæ ex illis proueniunt, siue de iusta illorum punitione, ad illos referri rectè possint. Primum igitur, vt ab illis nobis caueamus, Saluator docet: deinde quomodo illos dignoscamus, signis certis explicat: Vltimò, quæ mala nos consequantur, tradit; nam & luporū capita villarum portis præfiguntur, vt rectius à quouis dignoscantur.

21 **A**t tendendum igitur primum à falsis prophetis esse, monet, idque diligenter: tum causam reddit, astutiam eorum, Qui veniunt ad vos in vestitu ouium; deinde crudelitatem indicat, Intus autem sunt lupi rapaces. Quod neque de Iudæis, neque de gentilibus dictum est vnquam. Nam illi occidebant corpora, hi animas: illi cælo per martyrium pariunt, isti inferno: illi patentes & manifesti inimici sunt, hi scopuli latentes & insidiosos; quos si quis incautus in hac via attigerit, torpescit: quomodo equi luporum vestigijs insistentes torpescere solent.

22 **N**on solum autem ab ijs attendendum docet, sed & notas & signa ponit, per quæ cognosci possint, quandoquidem tam insidiosè lateant. De quibus, quia alio loco prolixius diximus, paucis, secuti verba euangelij, hoc loco dicemus.

23 **P**rimum igitur signum est, hæreticos ac falsos prophetas vltro venire, non *lerem. 14.* mitti, non vocari: Currebant, inquit Dominus de falsis prophetis, & ego non *et 23.* mittebam eos. Et nunc Saluator: Attendite vobis à falsis prophetis, qui veniunt ad vos: veniunt & non mittuntur. Momorderat hæc oratio Caluinum hoc loco: ideò huius ipsius missionis & vocationis rationem extenuat. Cæterum ostendit, inquit, hic locus, pro nihilo esse ducendos titulos; imò ne ipsam quidem vocationem magnum habere momentum.

24 **S**ecundum signum est, eos venire ad suos domesticos turbandos; ad eos qui

qui foris sunt, pedem non inferre: Qui, inquit, veniunt ad vos. Nemo vnquam ex falsis prophetis veteris testamenti, aut ad regem Persarum, aut Lacedæmona, aut Athenas, aut ad populum Romanum se contulerat; sed ad suos tantum, quos nomine Dei sui se decepturos arbitrabantur. Sic nostri falsi prophetæ in Thraciam nunquam, in Iudæam nunquam, in Americam se nunquam conferunt: domi turbant, suos infestant, scripturæ nomine abutentes; quod tamen lupi non faciunt, qui in suis sedibus natali; solo, nunquam prædam quærunt, alienos agros infestant. Tentarant tamen aliquando quidam ex Gallis, ac in littus Indicum se exposuerant; neq; tamen diuina permisit prouidentia, sua ab hominibus prophanis inquinari noualia.

Tertium signum est, quod pellibus ouium abutantur, id est, specie & forma priorum christianorum (hi enim Christi sunt oues) domesticos, homines pacis, amicos se esse pollicentur; miram humilitatem & mansuetudinem in principio præ se ferunt; item vocem balantem, pacem, tranquillitatem, vellera, lac promittentes, adipem & pinguedinem pollicentur: ecce verò lupi apparent.

Quartum signum est, fructus eorum quibus dignosci possunt; quos ego non alios statuere possum, quàm eos qui luporum sunt.

Primum igitur lupi cœcos pariunt catulos, vt & canes. Sed & isti: quid enim apud illos cœcum non est, siue mores & politiam spectes, siue bonas literas, siue hoc ipsum, de quo maximè agitur, verbum Dei?

Secundum munus luporum est fascinare oues, hoc est, ita oues disponere, vt ipsæ fascino deceptæ obmutescant, spontè lupos sequantur, ac in fauces nonnunquam spontè incurrant. Sic & isti.

Tertium luporum est studium, somno ac negligentia pastorum insidiari, absentia autem maximè; canes oderunt, sublatos esse velint. Idem facit hæresis: pastorum negligentia & somno insidiatur, non residentes appetit, doctores & magistros sublatos esse cupit.

Quartum adiunctum lupi est, dispergere gregem: cum enim vniuerso gregi parem se non esse videat, hoc vnum & summum esse putat, vt dispergat illum. Hoc autem ea ratione facere solet: ramum arentem arripit, ac magno impetu obijcit: vbi est perterritus grex, dispergitur; ille rapit. Hoc idem facit hæresis: primum ab eo quod catholicum est, omni modo & arte auellere vult. Facit autem eodem modo, putre aliquod aridumque cleri vitium arripit, gregi obijcit: grex ad factum exhorrescit, illi rapiunt, & fugiunt.

Quintus luporum fructus est, deuorare, vt nihil quod vtile est relinquat, præter ungulas, ossa, cornua: sed & hæresis, præter Iudaismum & Arianismum, vbi sanam doctrinam deuorarit, nihil relinquit.

Sextum, luporum differentia sunt multæ, humaniores alij, sæuiores alij, pugnant etiam secum, deuorant se inuicem: illud tamen commune omnibus, ouibus & pastoribus insidiari, greges legitimorum dominorum discerpere, sanum nihil relinquere.

Septimum eorum est, ex insidijs prædam aggredi, vitalia appetere, in equis quidem collum, nam calces metuunt; in bobus armum, nam cornua suspecta habent. Sed & hæresis hoc idem facit: fidei & charitatis hostis est; cornua, calces,

ces, hoc est, magistratum legitimè constitutum metuit, fugit, confœderationes expetit. Itaque & lupi nihil magis metuunt, quàm lapides: & hæretici legem illam Leuitici: Et lapidabit eum populus vniuersus. *Leuit. 24.*

34 **O**ctauum, lupi famelici si cibo carent, terra & putri arbore vescuntur: sic hæretici, vbi à scriptura destituuntur, veterumque patrum authoritate; ad vitia hominum & conuitia se conferunt.

35 **N**onum, lupi prægnantibus mulieribus potissimùm insidiantur: hæretici item illi mulieri parturienti, in Apocalypsi, insidias struunt, Ecclesiæ, inquam, sanctæ: Et draco stetit ante mulierem, quæ erat paritura; vt cum peperisset, filium eius deuoraret. *Apoc. 12.*

36 **D**ecimum, lupi speciem quandam humilitatis præ se ferunt, cum iumenta ex luto extrahunt, idque cum periculo caudarum suarum; eo tamen fine, vt deuorent. Narrat hoc venustè Aelianus: Si boui, inquit, qui in profundam inciderit paludem, lupi interuenerint, extrinsecus ei terrorem faciunt, eundemque periculi denunciatione agitant, non extra paludem eum permittentes egredi; quem diu multumque se contorquentem, & huc illuc versantem, suffocari cogunt. Tum maximus natu luporum in aquam profiliens adnat, & bouem cauda mordicus arreptum extrahit. Peragitur autem hæc extractio serie quadam: Nam lupum primum, secundus similiter cauda apprehensum trahit, secundum tertius; hunc quartus, & ita deinceps ad postremum vsque, qui extra aquam esse solet; itaque extracto boue epulantur. Hoc eodem modo hæretici, Catholicos item ex luto vitiorum extrahere se profitentur, officium mutuum præstant, caudis coniunguntur; vltimò tamen extractum iumentum deuorant. *Lib. 8. ca. 14.*

37 **V**ndecimum, comesta à lupis partim veneno inficiuntur, partim omni ex parte insipida sunt. Sic ea quæ hæretici tradunt, partim venenum ferunt, partim frigida & insulsa sunt.

38 **D**vodecimum, hoc solùm bonum habent lupi, quòd cum cætera omnia absumpserint, in se sæuiunt, ac ad extremum seipsos deuorant. Quod pulcherrimè describit Aelianus: Lupi, inquit, natura immanes & crudeles idè existimandi sunt, quòd inter se vorant, ad hunc modum mutuas sibi molientes insidias. Eos enim ferunt Aegyptij primò in orbem circumagi, deinde excurre: & cum ex vertigine currendi & caligine, eorum aliquis lapsus fuerit, in eum humi stratum cæteri omnes facto impetu ipsum laniant. Hoc quidem facere solent, cum venationis facultate destituuntur: ita enim præ fame, omnia nugas putant. Idem & hæretici faciunt: Vbi enim Catholicos vincere non possunt, in se conuertuntur, seipsos vertigine quæstionum curiosarum consumunt. Quod omni malo conuenire docet Aristoteles: cuius ea natura est, vt primùm cum virtute pugnet, posthac secum; quomodo auaricia primùm cum liberalitate, deinde cum prodigalitate pugnat.

39 **T**ertium decimum, rostra luporum veneficiis obsistunt: sic ora hæreticorum impudica, plerumque refutandorum errorum causa sunt, sed & vitiorum corrigendorum. Sed de eo signo quod ex natura luporum sumitur satis.

40 **Q**vintum signum eorum est, cum spinas & tribulos proferant, vuarum & ficuum germinationem sibi usurpare. At non possunt spinæ & tribuli ecclesiasticos

sticos fructus proferre. Sed quid proferunt? Vulnere, tribulationes, & cetera mala. Quemadmodum enim spina & tribulus ex quacunque parte illam conspexeris, habet aculeos: sic & seruos diaboli, ex quacunque parte consideraueris, iniquitatibus pleni sunt. Si loquitur, indocte loquitur: si tacet, male cogitat: si irascitur, insanit: si patienter agit, tempus expectat nocendi, & opportunitatem considerat quando noceat: si male agit, non erubescit: si bene facit, ad vanam gloriam propter homines facit. Quomodo proferat bonum fructum, cuius radix diabolus est? Sub arbore bona, & bestiae & animalia requiescunt: sub spinis autem nullum animal requiescere potest, nisi tantummodo serpentes. Sic iuxta fideles homines, & boni & mali homines pacem habere, & accipere possunt: iuxta autem infideles homines nemo potest pacem habere, neque requiescere in eis, nisi tantummodo serpentes, id est daemones, qui habent cubilia in pectoribus eorum.

Sextum signum est, venditione & usurpatione nominis diuini sese commendare. Vnde illud veterum pseudoprophetarum: Hæc dicit Dominus, cum id Dñs perneget se dixisse. Et nostrorum, Hæc dicit scriptura: cum nusquam id clare, & iuxta sensum veterem dicat scriptura. Atqui verum est illud: Regnum coelorum sola verborum officia non obtinent: neque qui dixerit, inquit Hilarius, Domine, Domine, hæres illius erit. Quid enim meriti est, dicere Domino, Domine? Nunquid Dominus non erit, nisi fuerit dictus à nobis? & quæ officij sanctitas est, nominis nuncupatio; cum caelestis regni iter obedientia potius voluntatis Dei, non nuncupatio repertura sit. Verbis blandis, mollibus & ad decipiendum accommodatis abuti, plurimos populos subicere nihil valere docet scriptura. Contingit enim plerumque, ut optime loquantur, qui pessime affecti sunt: cum nihil doctrina sine opere, neque opus sine doctrina in pastoribus magnum sit. In illo, inquit, tempore dicent, Domine, Domine, nonne in nomine tuo prophetauimus, & in nomine tuo daemones eiecimus, & in nomine tuo virtutes multas fecimus? Et tunc confitebor illis, Quia nunquam noui uos: discedite à me omnes, qui operamini iniquitatem. Et hæc quidem signa sunt eius pestis, quæ ex hoc loco pro tenuitate nostra elicere potuimus. Plura autem ex Apostolica doctrina, alio in loco notauimus.

Matth: 7.

*Oratione pro
congnos: falsi
prophetis.*

*Cap: 8. in
Matthæum.*

Illud autem quod dicit Saluator: Non potest arbor mala bonos fructus facere, neque bona malos, pulcherrime explicat Hieronymus: Quæramus ab hæreticis, qui duas inter se contrarias dicunt esse naturas, si iuxta intelligentiam illorum, arbor bona malos fructus facere nusquam potest, quomodo Moyse & alij? Et D. Chrysostomus: Quid igitur, inquit; Nunquamne homo bonus in malum versus est, aut malus rursus in bonum? atqui multorum omnino in diuersa mutatio talia nobis abunde ministrat exempla: Christus autem non dixit impossibile esse malum ad meliora conuerti, nec bonum negat in deterius posse transire; sed quia quandiu maliciæ affixus est, bonum utique fructum non possit afferre. Nam transire quidem ad virtutem cum sit malus potest; sed nunquam bonum affert fructum, quamdiu in malicia perseuerat.

Accipio autem non inuitus à Caluino, quod hoc loco posuit, si modò ipse secum consentire velit. Falluntur, inquit, meo iudicio, qui hoc ad vitam restringunt. nam cum sapere fucosa sanctimonia, ac nescio quibus etiam austerioris vitæ lar-

tæ laruis se venditent pessimi quique impostores, valdè incertum esset hoc examen. Fateor quidem hypocrisin tandem patefieri, quia nihil difficilius est, quàm virtutis simulatio. Verùm Christus tam iniquo & simul obscuro iudicio doctrinam suam subijcere noluit, ut æstimeretur ex hominum vita. Monet igitur Saluator, ut non moueamur non tantum nominis diuini compellatione, non mollibus istorum verbis; sed ne dæmoniorum quidem eiectione atque miraculis, cum & hæc possint præstare: neque tamen in eo negotium est, neque illis asfentiendum est, qui hæc faciunt: Multi, inquit, dicent mihi in illa die: Domine, nonne in nomine tuo prophetauimus, & in nomine tuo dæmonia eiecimus, & in nomine tuo virtutes multas fecimus? Nempè considera, inquit D. Chrysostomus, quemadmodum se quoque introducat latenter. Postquam enim totam absoluit concionem ad populum, meritò iam se iudicem esse, & Deum verum demonstrat. Prophetare autem, in nomine Christi, est eius autoritate & ipso duce fungi docendi officio. Prophetare autem & virtutes edere, inquit Hieronymus, & dæmonia eijcere, interdum non eius meriti est, qui operatur; sed vel inuocatione nominis Christi hoc agit, vel ob condemnationem eorum, qui inuocant, & vtilitatem eorum, qui vident & audiunt, conceditur: ut licet homines despiciant signa facientes; tamen Deum honorent, ad cuius inuocationem fiunt tanta miracula. Nam & Saul, & Balaam, & Caiphas prophetauerunt, nescientes quid dicerent; & Pharaon & Nabuchodonosor somnijs futura cognoscunt. Et in Actis Apostolorum filij Sceuæ videbantur eijcere dæmonia. Sed & Iudas Apostolus, cum animo proditoris, multa signa inter cæteros Apostolos fecisse narratur. Et D. Hilarius: Etiam nunc pseudoprophetarum fraudulentiam, & hypocritarum simulamenta condemnat; qui gloriam sibi ex verbi virtute præsumunt, in doctrinæ prophetia, & dæmoniorum fuga, & istiusmodi operum virtutibus: atque hinc sibi regnum cælorum pollicentur. quasi verò eorum aliquid proprium sit, quæ loquuntur aut faciunt: & non omnia virtus Dei inuocata perficiat; cum doctrinæ scientiam lectio afferat, dæmonia Christi nomen exagitet. De nostro igitur est beata illa æternitas promerenda, præstandumque est aliquid ex proprio; ut bonum velimus, malum omne vitemus, totoque affectu præceptis cælestibus obtemperemus, ac talibus officijs cogniti Deo simus; agamusque potius quod vult, quàm quod potest. Pulchrè autem totam causam concludit Irenæus: Non omnis qui dicit mihi Domine, *Lib. 5. cap. 8* Domine, intrabit in regnum cælorum. Qui enim tales sunt, in patrem quidem & filium dicunt se credere: nunquam autem meditantur eloquia Dei, quemadmodum oportet: neque iustitiæ operibus sunt adornati; sed porcorum & canum assumpserunt vitam, immunditiæ & gulæ, & reliquæ incuriæ semetipsos tradentes.

44 CVM igitur demonstrasset, neque in fide sola, neque in vestitu ouium, neque in sola inuocatione ac compellatione nominis diuini, neque in mollitis & compositis verbis spem salutis esse, neque in miraculis & virtutibus; quæ non modo aliquem saluare non possunt (sunt enim gratis data, non gratum facientia) sed neque illum ipsum cui gratis donata sunt; nunc docet, quid sit illud, quod summam contineat salutis: ac caput euitandorum errorum, & hæreticarum imposturarum esse debeat, ostendit; omnemque legem ac legislationem concludit. Est autem illud, audire scilicet verba, quæ hic & alibi dicta sunt; sed non audi-

re tantum, verum etiam opere complere: Omnis ergo, inquit, qui audit verba mea hæc, & facit ea; assimilabitur viro sapienti, qui ædificauit domum suam super petram; & descendit pluuia, & venerunt flumina, & flauerunt venti, & irruerunt in domum illam, & non cecidit: fundata enim erat super petram. Nullum enim Deus probat, quem fidei probitas non commendat. Pulchrè autem huc locum explicat Hilarius: Sensus, inquit, est superioribus iunctus. Obiurgans enim pseudoprophetarum iactantiam, & hypocritarum figmenta, per comparationis exemplum, perfectæ in se fidei hominem exponit. Quod is, qui verba sua & audit & facit, super petram sit ædificatus; & fundamento stabili firmoq; incidentium tempestatum impetu non possit dissolui.

ATque hic est scopus totius salutis, hoc centrum totius doctrinæ, hic vmbilicus totius corporis, quem hæresis videre non potest, sed neque superstitio, quidquid præsumat ac polliceatur, quidquid affirmet. Verbum Domini manet in æternum. Quod verbum? hoc scilicet: Qui audit & facit verba mea; similis est viro sapienti, qui ædificauit domum suam supra petram; & descendit pluuia, & venerunt flumina, & flauerunt venti, & irruerunt in domum illam, & non cecidit: fundata enim erat super petram. Et omnis qui audit verba mea hæc, & non facit ea, similis erit viro stulto, qui ædificauit domum suam super arenam; & descendit pluuia, & venerunt flumina, & flauerunt venti, & irruerunt in domum illam, & cecidit, & fuit ruina eius magna. Quam magna? Sicut enim domus, quæ habet validum fundamentum, si pars aliqua parietis vel tecti ceciderit, ruina eius magna non erit; quia potest fieri, vt iterum reparetur: si autem fundamentum eius casum fuerit passum, hinc est ruina eius magna: quia tota venit deorsum. Sic & Christianus, si aut fornicatus fuerit, aut adulteratus, aut homicidiū fecerit, cecidit quidem, tamen ruina eius magna non est: quia iterū per poenitentiam surgere potest, sicut Dauid: si autem de fundamento fidei aliquid fuerit passus; id est, si præuarius fuerit, & ad Gentiles, aut hæreticos transierit; tunc est ruina eius magna, quia totus funditus ruit. Et doctrinæ quidem christianæ hæc summa ratio est.

Notandū, magnū meritū esse iustitiæ, magnā vim bonorum operū, magnā vim virtutis. Sicut mons Sion in æternū nō commouebuntur: veniant licet venti & ceteræ procellæ verborum, & disputationes vanitatis & infirmitatis: quæ arenæ non coherenti comparatur, in qua nihil fixum, nihil diuturnum manere potest: ex qua iuxta Irenæum, funiculum non nectas: Ciuitas Dei, in petra; ciuitas mundi & diaboli, in arena: qua de re totos 24. libros scripsit Augustinus.

Videtur autem hoc loco Saluator Catholicam domum cum domo hæretica conferre: quarum hæc sine fundamento erigitur, illa benè fundata supra firmam petram: Super hanc petram Dominus fundauit Ecclesiam: ab hac petra Apostolus Petrus nomen sortitus: super huiusmodi petram non inueniuntur vestigia serpentis: de hac & propheta loquitur confidenter: Statuisti pedes meos supra petram. Prior ventis & procellis impulsā, vel fluctibus ad scopulos illisā, concidit: posterior autem firmiter resistit, obuiamq; periculis progreditur.

Concludit deinde hunc totum sermonem Euangelista: Et factum est cum consummasset Iesus hæc verba, admirabantur turbæ super doctrina eius. Erat enim docens eos, sicut potestatem habens, & non sicut Scribæ eorum & Pharisæi.

risæi. Interpretatur hæc verba Hieronymus: Illi enim tanquam serui legis ea docebant populos, quæ scripta sunt in Moyse & prophetis: Iesus verò, quasi Deus & Dominus ipsius Moyſis, pro libertate voluntatis suæ; vel ea quæ minus videbantur, addebat in lege, vel commutans prædicabat in populos, vt suprâ quoque legimus: Dictum est antiquis: Ego autem dico vobis. Descendit autem CHRISTVS Dominus de monte: Sed & nos quoque iuuat fessos sub monte quiescere, supplices precantes, vt nobis & valetudinem confirmare dignetur, & reliqua nos prosequi faciat.

N O T A R V M

EVANGELICARVM

IN MATTHÆVM LIB: II.

Caput VIII.



DIXIMVS EAM, QVAE PRIMVM PROFERTVR, DOCTRINAM, sine signis & miraculis parum aut nihil momenti habere; neq; quenquam sine his ad illam sequendam obligari: docet hoc idem Saluator, qui in monte tradita doctrina, ad signa & miracula se confert, quæ septem vno die continuò edit; ita vt suum progressum & incrementa habeant. Quorum omnium is scopus, summa, & finis est: huius Doctoris & Legislatoris non præsentis tantum, sed & absentis, oris, & manus, imò voluntatis ipsius ac cogitationis, eam vim esse; vt illi vniuersa natura, omnesque eius partes pareant: siue illa humana, siue angelica, siue animata, siue sensus expers sit: & ideò hunc ipsum Doctorem & legislatorem, rerum omnium creatorem esse, verum Deum de Deo vero, per quem facta sunt omnia, contra omnem Iudaicam & Arianam perfidiam.

2 **O**Rditur igitur à curatione humani generis, cui curando cælitus medicus ab æterno patre, iuxta vaticinia prophetarum missus erat: ideòque descendente eo de monte, secutæ sunt eum turbæ multæ. Quæ nimirum in montem ascendere nequaquam poterant: quia quos delictorum sarcina deprimit ad mysteriorum sublimia, nisi abiecto onere scandere minimè valent. Idcirco & filij Israël primitus ascendere in montem non poterant ad obuiandum Deo: quia Aegyptiaca grauati conuersatione præpediebantur; sed solus Moyſes ascendit, & pauci cum eo seniorum Israël. Occurrit illi leprosus, seiunctus à turba, vt cui ex lege inter homines conuersari non licuit: agnoscit Dominum & medicum, accedit ad genua, vt D. Marcus docet: proijcit se in faciem, vt Lucas: adorat vt vno verbo Matthæus, salutem à Salvatore petit: Domine, si vis, potes me mundare. est enim potestas tua, vt illi non solum hæc lepra mea, sed vniuersa natura parère sit obligata: & credo, quia omne quod bonum est, vis; ignoro autem, si bonum est mihi, quod desidero. hoc autem planè non dubito, sed potiùs credo: quoniam si bonum est mihi, & tu vis, potes me mundare, mihi ad beneficium, tibi ad laudem, videntibus ad miraculum & proficiendi

doctrinam. Qui de voluntate rogat, inquit D. Hieronymus, de virtute non dubitat. Petit autem religiosè, Domine, si vis, potes me mundare: petit humiliter sordes suas agnoscens; petit prudenter loco & tempore suo, vbi Christum magis solum, à turbisque remotum vidit, facti quidem facultatem, suam autem necessitatem complexus. Omnibus ijs respondet bonitas Christi, iubendo facultati, tangendo miseriæ eius consulens. In qua miseria duæ partes erant, morbus & contemptus: nemo enim cum leproso conuersari, nemo illum tangere audebat. Iubendo ergo aufert morbum, tangendo contemptum. Extendit itaque Iesus manum, & quanta sit vis potentiæ suæ docet; vt dextera Domini faciat virtutem; dicit se velle, & ille omnia consequitur: Volo, inquit, mundare: volo, benignitatis est; mundare, potentiæ. Volo, mundare. In hoc enim in mundum veni; vt ægros & perditos saluos faciam. De facultate nihil dubites: Verbo Domini cæli conditi sunt. Mundare: confidens profiteris, quia ego possum, & si volo fit; ideò volo, mundare. Magnificè credis, magnificè mundaris; plenissimè profiteris, plenissimè lætificaris. Idcirco autem, vt notat D. Chrysostomus, non dixit, mundus esto, sed, volo mundus esto; vt non iam vltra illius opinionem, sed Domini voluntatem sanitatis munus sequatur. Et certè tot signa & talia operatus, nunquam aliàs hoc verbo præterquam hoc loco vsus refertur, Volo; vt de potestate sua opinionem & leprosi firmaret, & populi. In Volo, ostendit pietatis clementiam; in Mundare, maiestatis suæ potentiam. Volo, dicit propter Photinum: imperat, propter Arium: tangit, propter Manichæum. Curat autem ad voluntatem tantum supra omnes sanctos. Confestim mundatur lepra eius, vt tangitur leprosus manu: & inuenta est, inquit Origenes, manus domini non lepram, sed mundum tetigisse corpus. Nec mirum, contactu suo nos Christum Dominum non dedignari, cum carnem nostram suscipere dedignatus non sit: nec modò brachium suum extendit ad nos de cælo, sed ipse totus descendit nostra causa, idque vsq; ad inferos, vt essemus caro de carne eius. Prohibet, ne cuiquam dicat: quid enim necesse erat sermone prædicare, quod corpore proferebat? inquit Hieronymus. Etsi autem vanæ gloriæ causa, beneficia conferenda non sint: nam hæc cauponatio officiorum esset: ille tamen qui accepit, meminisse debet. Iubet demum leproso, vt ostendat se Sacerdotibus. Primum, inquit, Hieronymus, propter humilitatem, vt sacerdotibus honorem deferre videatur. Erat enim lege præceptum, vt qui mundati fuissent à lepra, offerrent munera sacerdotibus. Deinde, vt leprosum mundatum videntes, aut crederent Saluatori, aut non crederent. Si crederent, saluarentur; si non crederent, inexcusabiles forent. Et simul, ne, quod in eo sæpissimè criminabantur, legem videretur infringere. Addit autem in testimonium illis, hoc est in accusationem, atque in redargutionem eorum, qui me legis esse aduersarium mentiuntur; atq; adeò in testimonium, quod tibi à me omnia facta sint.

Leuit: 13.

Notandum autem: legem lepræ hanc fuisse. Homo, in cuius cute & carne 3
 ortus fuerit color, siue pustula, aut quasi lucens quippiam, id est plaga lepræ; adducetur ad Aaronem sacerdotem, vel ad vnum quemlibet filiorum eius: qui cum viderit lepram in cute, & pilos in album mutatos colorem, ipsamque speciem lepræ humiliorem cute & carne reliqua; plagæ lepra est, & ad arbitrium eius separabitur. Et paulò inferius: Quicumq; ergo maculatus fuerit lepra, & se-

& separatus est ad arbitrium sacerdotis, habebit vestimenta dissuta, caput nudum, os veste contactum, contaminatum se sordibus clamabit: omni tempore, quo leprosus est & immundus, solus habitabit extra castra.

- 4 **C**um autem omnia quæ fecit Dominus extrâ, significant aliquid eorum quæ nobiscum aguntur intus; ideò quid hæc ipsa lepra velit, disputant patres: & plerique eorum per lepram designari dicunt peccatum, vel propter eius deformitatem & pudorem, qui inde sequitur; vel propter nauseam, quæ inde concipitur; vel quòd latissimè pateat, atq; diffundatur; vel propter curandi difficultatem, nec sine sanguine. In hoc tamen lepra peccato melior est: quòd si quis à lepra sanatus fuerit, & quærat, num leprosus esse velit denuò, respondebit, Nequaquam: at non idem hæreticus & peccator. Deinde, si quis quærat, quanti redimere velit, ne leprosus sit; respondebit, Omni facultate sua: non idem peccator & hæreticus, quibus pedem promouere curandi delicti causa, graue & difficilè videtur; imò obturant aures suas, tanquam aspides ad vocem incantantis. Si quis denique roget, an ad lepram redire velit, aut quo pretio, respondebit, Nullo: at peccatores toties ad idem reuertuntur volutabrum.

- 5 **N**otandum. Quamuis lepra significet peccatum, maximè tamen inter omnia hæresim: idque eas ob causas.

- 6 **P**rimò, lepra non tum, nec ibi nasci solet, cum & ubi apparet; sed cum in epate concipitur: nam epate corrupto, sanguis deprauatur: tum demùm temporis successu totum vlcus in faciem prodit. Sic & hæresis, non tum cum publicè apparet, concipitur; sed primùm conscientia multis vitijs deprauatur, humores multi concipiuntur, hæresis demùm in faciem prodit, multosque inficit.

- 7 **S**ecundò, lepra est varia, partem sanæ cutis habet, partem infectæ. Sic hæretica doctrina, partim veritatem ostendit, partim erroribus inquinata: vt sub specie sanitatis pestem inducat.

- 8 **T**ertiò, lepra est morbus maximè contagiosus, ipsius Dei iudicio contaminans, non tantùm homines, sed & pecora, amplius parietes, & res inanimatas. Vnde ob nullum morbum homines separari iussit, præterquam ob lepram. Hæresis similiter. Attendite vobis à falsis prophetis. Et Ioannes: Huic, ne aue quidem dixeritis.

- 9 **Q**uartò: Leprosi de populo Dei segregabantur, in vrbibus non manebant, qui leprosum tetigisset immundus erat: sic & hæretici antiquitus primò excommunicabantur, deinde in insulas deportabantur, vltimò de medio auferbantur. Hic Confœderationis nullus est locus.

- 10 **Q**uintò, iudicium lepræ, neque ad reges, neq; ad magistratus, neque ad populum spectabat, sed solum ad ipsos sacerdotes: vnde & iste ad sacerdotem remittitur. Eodem modo & hæresis ad solos spectat sacerdotes.

- 11 **S**extò, difficillimè curatur lepra, præsertim inueterata, & non nisi tota temperatura hominis immutata, fontibusque ac officinis sanguinis correctis, ac facultatibus naturalibus ad mediocritatem reuocatis: sed & hæresis eodem

modo : vitia explodantur prius oportet , Respublica corrigatur , legum auctoritas valeat.

SEptimò, lepra per vestimenta discissa, caput denudatū, cognosci debebat: 12
sed & hæreses per scissiones & discordias cognoscuntur : quantumvis enim in
eo coueniant, quòd Ecclesiæ obsint; inter se tamen conuenire non possunt : &
capite certo carent, vultum autem habent specie pietatis tectum.

NOTandum. Vt lepra ipsa significat peccatum, hæresim autem inprimis : 13
ita etiam ea omnia, quibus lepra nunc à Christo curatur, designare ea, quibus
peccatum & hæresis curari solet. Descensus Christi de monte, designat Christi
in mundum aduentum : verbum Christi, quo leprosus curatur, fidem & doctri-
nam Euangelicam, contactus visibilis, sacramentorum vsum : sacerdotes, ad
quos leprosi remittuntur, sacerdotes nouæ legis ministros : accessus leprosi
ad Christum, dispositionē & studiū ad iustitiam : confessio istius, confessionem
nostram : curatio leprosi, iustificationem nostram. Remittuntur autem pec-
catores ad sacerdotes, non vt (quod Calvinus docet) munditiem illis denun-
cient, sed vt aut remittant, aut retineant peccata ; soluant, aut ligent. Hic enim
est modus dicendi scripturæ. Neque igitur accessus ad Christum iustificabat
leprosum : sed neq; peccatorem ; nisi vtrique dicatur, Volo mundare. Non igitur
illud statim iustificat, quod ad iustitiam est necessarium, sed omnia simul
sumpta. Ita à necessarijs ad iustitiam, bona est consequentia negatiuè. Non
credit : ergo via ordinaria non saluabitur. non baptizatus est : ergo non salua-
bitur. non agit pœnitentiam : ergo non saluabitur. Affirmatiua non item : Cre-
dit, baptizatus est : ergo saluabitur.

NOTandum, carnem Christi, quemadmodum eo tempore, quo in 14
mundo conuersatus est, ita cū nobis nunc in sacramento datur, ea esse & fu-
isse puritate; vt omnia purget, quæ disposita sunt ; sanctitatem impertiat om-
nibus, quæ ad eam accipiendam idonea sunt ; inquinetur autem re nulla. Itaq;
Elisæus leprosum tangere noluit, legem & infectionem metuens ; sed ad Iorda-
nem Naamanem lauandum mittit : Christus & à lege, & ab omni periculo li-
ber, hunc leprosum tangit, & curat. Facebant igitur curiosæ quæstiones,
conscientias hominum perturbantes, de illis contumelijs & iniurijs, quæ ra-
tione visibilium specierum corpori Christi accidere possunt, vel propter mali-
ciam, vel propter negligentiam. Fuit enim eius virtutis corpus Christi, vt vsq;
ad extremam fimbriam vi curandi præditum fuerit, atq; etiam nunc fit ; purga-
retque omnia potius, quàm ab illis inquinaretur.

NOTandum, melius esse vitia sua aperire, quàm virtutes suas iactare : nam 15
qui morbos suos aperit, curari vult : qui virtutes, laudari. Itaq; laudatur lepro-
sus, quòd suam leprā apud medicū non occultarit ; quod eodem modo pecca-
tor facere debet. Dixi, inquit Dauid, confitebor aduersus me iniquitatē meam
Domino, & tu remisisti impietatē peccati mei. At Christus facta ac miracula sua
taceri iubet, ne laudes humanas quærere videatur. Gratiarum tamen actio,
vbique locum habet, gratitudinisq; significatio. Quamvis enim ei id prohibe-
tur, gratias tamen agit. Quam quidem gratiarum actionem, non sine dono esse
debere, Saluator docet, qui iubet se sacerdotibus ostendere, & donum offerre.

Notan-

16 **N**Otandum, negare hæc omnia, quæ ad auctoritatem sacerdotum pertinent, contra omnium veterum consensum, Calvinum: ut & illud temerè dicit, quidquid honoris datum erat antiquis sacerdotibus, nunc vnum Christum sibi vendicare. Ad quam rem confirmandam nullum adfert verbum. At Paulus docet, translatum esse sacerdotium, non sublatum: nam Christum Dominum nos fontem omnis honoris dicimus, cui nihil accedat, nihil decedat unquam. Et Christus illud clarè discipulis manifestat: Sicut misit me pater, ita & ego mitto vos. Et: Euntes in mundum vniuersum, prædicate euangelium; hoc est, legem meam. Quid autem est aliud, legis diuinæ custodem esse, quàm sacerdotem? Labia, inquit, sacerdotis custodiunt scientiam; & legem ex ore eius requirent. Quid est esse sacerdotem, nisi pastorem? Vnde illud de sacerdotibus: Pascite, qui in vobis est gregem. Ad Petrum autem ter magnificè: Pasce oves meas: Pasce agnos meos. Præclarè igitur mentitur Calvinus, qui nullum sacerdotium visibile in ecclesia esse dicit: nam hæc, quæ dicta sunt, ex scriptura facilè legenti patent.

17 **Q**uanta sit virtus præsentis ubi demonstrasset, docet deinde, quanta sit SERIES
 facultas, potestas, & omnipotentia etiam absentis. Accedit Centurio, qui mili- EVANGELII.
 tum turbæ in Capharnaum præerat, ubi solebant legiones Romanæ Augustorū habitare, quæ armata manu Iudæos, ac totū ferè orbem in fide & obedientia tenebant: accessit Centurio, primus fructus ex Gentibus, externus generatione, sed mente domesticus, militum princeps, sed plus angelorum gaudium; rogans, & dicens: Domine, puer meus iacet in domo paralyticus, & malè torquetur. Rarum puerum, & raris dotibus fuisse, ex ea cura Domini apparet. Iacet, quod miseriæ est: paralyticus, quod longè miseriùs est: malè torquetur, quod maximum. Pollicetur Dominus se venturum: Ego veniam & curabo eum. Ego ad Abraham veniens senilem Saræ sanavi vterum, in senectute eis Isaac filium donans: ego & nunc veniens ad te, curabo eum. Respondit ille, se non esse dignum, ut intraret in domum suam; sed nec opus esse, cum sufficiat, ut dicat verbo, & sanatum iri seruum: cuius sola voluntas suffecit ad curandum leprosum: Domine non sum dignus, ut intres sub tectum meum. Alienigena sum, gentilis miles, gladio accinctus, sanguinem fundens, ad prælium exiens; & ob hoc non sum dignus, ut intres sub tectum meum; sed tantum dic verbo: verbum tuum effectus est, opusque consummatum. Quamobrem dic verbo, ostende absens corpore quod præsens spiritu consummare potes: ubique indeficiens præsentia, ubique præsens tuus aspectus. Idcirco ego accessu & introitu tuo indignus sum, & iste infirmus sola verbi tui visitatione indiget. Et tu igitur, quicumque Christo nomen dedisti, inquit Origenes, quando sanctum cibum, illudque incorruptum accipis epulum, quando vitæ pane & poculo frueris, manducas & bibis corpus & sanguinem Domini; tunc Dominus sub tectum tuum ingreditur. & tu ergo humilians temetipsum, imitare hunc Centurionem, & dicito: Domine non sum dignus, ut intres sub tectum meum. Vbi enim indignè ingreditur, ibi ad iudicium ingreditur accipienti. Neque solum hoc dicit, sed argumento probat se longè inferiorem esse, ut qui sub potestate aliorum constitutus sit; habeat tamen sub se milites, quibus quidquid imperarit, faciunt: Nam, inquit, & ego homo sum sub potestate constitutus. Rara vox apud magnos, Homo sum; & tantò rarior, Sub potestate sum constitutus. Quam igitur

ille se supra milites suos potestatem habere dicit; eandem Christum, quem supra omnia agnoscit, ut verum Deum, supra omnem creaturam habere confiteatur; omnesque morbos illi parere, vitam denique ac mortem ipsam, idque a maiori, confirmat: Si mihi homini subiecto potestati subijciuntur; quanto magis tibi, qui nulli es subiectus, & qui es supra omnia? Milites autem Christi hoc loco intelligit, morbos, vlcera, vulnera, languores, debilitates, mortes: quia haec omnia Deo seruiunt contra insensatos. Si ergo mihi, ob modicam principatus dignitatem, parent mei milites; tibi, penes quem omnis potestas est, qui viuificas & mortificas, deducis ad inferos & reducis, quomodo non parebunt? Soluat haec impietas Ariana: aut demonstret locum, de quo aliquando quid simile dictum sit, eum sub potestate non esse, & omnia illi parere. Praclare hoc loco D. Chrysostomus: Tu verò illud etiam mihi perpende, quo pacto demonstrauit, quod etiam morti tanquam seruo dominari possit, & imperare ut Dominus. Cum enim dixerit, dico, veni, & venit, ac vade, & vadit: illud profectò significare voluit; quod minimè poterat in quenquam mors peruenire, si Iesus ei abscedere iusserit. Vides fidelem hominem? Itaque non sine causa ipse Saluator miratur eam fidem, & laudat, ac toti Israël praeponit. O charissime amice, compellat Centurionem Origenes, veritatis te admiratur Dominus, & tuam indeficientem magnificat fidem; quomodo de tenebris gentium processit lumen tantum, qualiter de errore Deum non cognoscentium tanta manifestata est iustitia, & ex ore stultorum idolis seruientium tam lympida effulsit fides? Fidem in eo, quod credidit ex gentibus, paralyticum à Salvatore posse sanari: Humilitatem, quod se iudicauit indignum, cuius tectum Dominus intraret: Prudentiam, quod intra corporis tegmen, diuinitatem latentem videret; sciens non id sibi profuturum, quod etiam ab incredulis videbatur; sed id, quod latebat intrinsecus. de qua prudentia hoc etiam ait: Nam & ego homo sum, sub potestate constitutus. addit & bonitatem, Author imperfecti operis: quia pro salute serui sic sollicitè festinabat, quasi non damnum pecuniae, sed salutis passurus in morte illius: Puer, inquit, meus iacet in domo paralyticus, & malè torquetur. Audiant & intelligent serui: Sicut enim habent domini, quod imitentur in Centurione, propter misericordiam; sic habent & serui, quod imitentur in puero, propter synceritatem. Putas enim qualis erat ille puer, ut sic amaretur à Domino? Secundum dilectionem domini mensurate fidem serui: nec enim possibile erat, ut sine pretio bonorum morum tantam sibi dilectionem domini comparasset. Domini ergo seruis debent amorem propter eorum naturam: serui autem debent dominis suis timorem, propter ordinationem diuinā. Et in seruis Christus amatur à dominis; & in dominis Christus timetur à seruis. Merito igitur ut dixi, tale testimonium filij dei refert: Amen dico vobis, id est, verè & firmiter dico, non inueni tantam fidem in Israël. Gentes filium Dei me inuocant omnipotentem, vnigenitum confitentur, Dominum asserunt, diligunt, & sicut benè omnia dispensantem adorant: & Israël me non cognouit: & populus hic me non intellexit: ideoque me Beelzebub & Samaritanum appellant, & peccatorem existimant. Iairus in Israël Princeps pro filia sua me petens non dicit, Dic verbo; sed veni, ait, velociter, antequam moriatur filia mea. Nicodemus, doctor in Israël, de fidei sacramento audiens, ait: Quomodo possunt haec fieri? Maria & Martha me nimium diligentes dicunt: Domine, si fuisses hîc, non esset mortuus frater meus; tanquam dubitantes, quod ubique ve-

lox

In Matthaei
hom. 22.

lo non posset esse mea potentia. Propterea dico vobis, quia non inueni tantam fidem in Israël, sicut in isto alienigena. Fides igitur huius Centurionis, norma & regula est magnæ fidei.

18 **C**um se ergo hoc seculo hæresis à fidei magnitudine commendet, expendamus paululum, quæ sit magnitudo fidei, & quæ eius partes: iuxta quam de magnitudine fidei disputemus, & ad eam veram fidem reducamus. Fides ergo *Ad Rom: 4.* magna dicitur: Primò, quia magna & difficilia credit: secundò, quia multa cre- *Ioan: 12.* dit: tertio, quia argumenta & euidentias non quærit; quod ad modum & rationem *Lucæ 2.* credendi refertur, quia sine curiosa inquisitione credit: quartò, ex parte cir- *Matth: 15.* cumstantiæ eorum, qui credunt: quintò, iuxta illa quæ concomitantur fidem: *Gen: 15.* sextò, quia constanter & firmiter credit. Iuxta has omnes conditiones magna *Ioan: 4.* est fides Centurionis. Credit magna & difficilia, absentem curari posse; credit *Marci 12.* quæ non videt, hominem pauperem Deum esse, vitæ & mortis, morbi ac sanitatis dispensatorem. Credit multa, Deum hominem, Messiam, Medicum, Saluatorem, absentem curare posse, verbo omnia tenere. Ad id argumenta habet nulla: aduentum oblatum spontè, non acceptat: præsentiam non desiderat: nihil præter verbum & imperium expectat. At quis homo? gentilis, aulicus, miles, qui legem non vidit, prophetas non legit, Christi natiuitatem, aduentum, non cognouit; & cuius tempore vel nulla, vel pauca admodum gesta sunt miracula, plus credit, quàm audiuit. Credit constanter & firmiter; mittit primum eos, qui se puerumque suum commendunt: ipse deinde venit, nec causam agere desinit, quousque rem conficiat. Habet fidem, multis comitatam virtutibus: charitate, quia pro seruo laborat: humilitate, quia se indignum Christi præsentia iudicat: fiducia, prudentia, discretione. Ita quidem omnes rectæ fidei partes in Centurione elucet: quarum nulla in hæreticis, qui se tantopere in fide efferunt, apparet; credunt nihil, nisi quod vident aut experiri possunt, pauca quædam credunt, alia non. Vnde illæ voces: In hac parte cum Ecclesia sentio, in alia non: hoc placet, illud displicet: signa & argumenta curiosè exquirunt: Nisi videro, nisi tetigero, sæpius inculcant: semper scripturas scrutantur, legunt, disputant; nunquam tamen ad perfectionem scientiæ perueniunt: de sententia facillè deducuntur, vt quid hoc anno credant, facillè scias; quid futuro, non ita facillè: ex errore in errorem commigrant: fidem mortuam sine charitate, humilitate, prudentia, discretione sequuntur. Itaque Centurio magnam, isti propemodum nullam habent fidem. Merito igitur Centurionem hunc Hilarius principem esse gentium crediturarum docet. Cum autem Christus Dominus dicit, maiorem fidem se in Israël non inuenisse, non intelligit de præteritis patribus, Abraham, Isaac: neque enim dicit, Non fuit; sed non inueni: sed neque ad omnes præsentis, sed eos solum, quos ipse conuerterat: neque Ioannes, neque mater excluditur, qui prius crediderunt, quàm ille natus fuit. Nam Apostolos partim ab illo superari docti putant. Quod si non audeamus fideliorum illum putare quàm Apostolos, ita testimonium Christi intelligendum esse, docet author imperfecti operis, quod vnumquodque bonum hominis, secundum quantitatem personæ illius laudatur. Puta si rusticus aliquod verbum sapienter loquatur, philosophus multò amplius sapienter: in modico sermone sapientiæ rusticus plus laudatur, quàm in magno philosophus: quoniam rusticum dicere aliquid sapienter, magnum est; philosophum autem dicere sapien-

ter,

ter, non est mirum. Aut si puer aliquid astutè loquatur, dicimus, satis sapiens puer: si autem vir perfectus sapienter loquatur, non laudatur quasi sapiens; non quia puer plus sapiat quàm perfectus; sed quantum ad comparisonem ætatis suæ sapientior videtur esse, quàm ille perfectus: sic & in Centurione dictum est, In nullo tantam fidem inueni in Israël. Dico autem vobis, quòd multi ab Oriente, & Occidente venient, & recumbent cum Abraham, & Isaàc, & Iacob, in regno cælorum. Non dixit, inquit Chrysostomus, multi gentium, sed multi ab Oriente & Occidente: quo sanè gentes voluit designare; non tamen audientes perinde offendit: inuolutum enim erat dictum. Neq; hac ratione tantummodò, nouum vt videbatur, atq; inauditum hunc docendi modum lenit; verum etiam, quia cæleste regnum non suo nomine, sed sinum Abrahamæ appellauit: quæ appellatio, etsi erat ignota illis, attamen non poterat non excitare, & quasi mordere Abrahamæ nomine in medio allato. Et Christus quidem in hunc modum extulit fidem noui sui confessoris; vt gloria sit & honor omni operanti bonum, Iudæo primùm & Græco. Calvinus autem ad extenuandū omnem sublimitatē natus, siue illa in Christo, siue in matre eius, siue in sanctis inueniatur, Arij spiritu sic eandē fidem extenuat: Atq; hæc ratio, inquit, multos interpretes compulit, vt Christum putarent Centurionis elogio celebrari, tanquam verum & vnicum Deum. Mihi autem videtur, pius vir, cum de raris & planè diuinis Christi operibus certior factus esset, simpliciter Dei potentiam in illo apprehendisse. Aliquid etiam haud dubiè de promisso redemptore audierat. Licet ergo nondum distinctè intelligat, Christum Deum esse manifestatum in carne; sic tamen persuasus est in eo manifestari, illique impositum fuisse hoc munus, vt Dei præsentiam miraculis demonstret. Ita quod Dei proprium est, non transcribit superstitiosè in hominem, sed quod diuinitus sit mandatum Christo reputans, solo verbo sanare seruum suum posse credit. Hæc interpretes: illa magister. Magister primam fidem in Israël vocat: interpretes extenuat, ac in ordinem redigit. Hæc ad dignoscendos spiritus pertinent, quemadmodum & hoc, quod paulò post sequitur. Volebat aliquid in laudem fidei matris Dei dicere: Deum immortalem, quàm frigide, quàm Nestorio proximè. Iuuat elogium disertis viri audire. Si colligemus omnes fidei partes saltem eo præcellit Mariæ fides, quòd se ex spiritu sancto grauidam fore credidit, vt filium Dei vnigenitum pareret: deinde quòd filium ex se natum complexa est, tanquam factorem suum, mundiq; totius opificem, & vnicum redemptorem. Non similiter Elizabeth: Vnde mihi hoc, quia mater Domini mei venit ad me? Ecce enim vt insonuit vox salutationis tuæ in auribus meis, exultauit infans in vtero meo.

NOtandum, fidei magnæ arcana magna credi; vasi puro & capaci, preciosa vnguenta. Magna fuit fides Centurionis, magna igitur illi reuelantur, de reprobatione Iudæorum, de vocatione gentium, de præmiis bonorum, de poenis malorum, de Ecclesiæ Dei propagatione ac vniuersalitate, eam scilicet ab ortu ad occasum colligendam esse, quæ summa & prima fidei nostræ arcana sunt.

IMprobi non solum igne vrentur, sed etiam frigore atque algore torquentur: Filij regni, inquit, eijcientur in tenebras exteriores, vbi erit fletus & stridor dentium. Stridor siquidem calorem non sequitur, sed frigus & dolorem. Si autem fletus oculorum est, inquit Hieronymus, & stridor dentium ossa

ossa demonstrat: vera ergo est corporum, & eorundem membrorum, quæ ceciderunt, resurrectio. Tenebræ autem semper interiores, non exteriores: sed quoniam qui à Domino expellitur, lumen relinquit; idcirco exteriores tenebræ nominatæ sunt.

21 **N**Otandum, falsum esse hoc loco axioma Caluini, Nisi hæc verbo defertur autoritas; ut statuamus, simul ac Deus verbo locutus est per ministros, remissa nobis peccata; nosq; restitui in vitam, tota salutis fiducia concidit. Quid enim si dispositi non fuerimus? quid si minister suos sensus pro verbis Dei obtrudat? quid si assentetur? quoties verò Iudæi audierunt, & eiectioni sunt, & alij in eorum locum suffecti? Quemadmodum & nunc filij regni vocantur, qui tamen eijciendi sint foras.

22 **T**ertium miraculum est. Venit Iesus in domum Petri, cibum accepturus, SERIES
EVANGELII. videt socrum eius iacentem, & febricitantem, & tangit manum eius, & dimisit eam febris, & surrexit & ministrauit eis. In quo miraculo apparet differentia & excellentia curationum Christi, ab illis curatoribus, qui vel ab arte, vel à natura proueniunt: illi enim curant morbos, sed non statim, sed sensim & pedetentim; Dominus curat subito. Illi post se aliquid malum relinquunt, saltem diuturnum languorem & debilitatem; hic simul & valetudinem, & robur, & agilitatem restituit: quod in Petri focu nunc videre licet. Natura, inquit Hieronymus, hominum eiusmodi est, ut post febrem magis lassescant corpora; & incipiente sanitate agrotationis mala sentiant. Verum sanitas, quæ confertur à Domino, totum simul reddit; nec sufficit esse sanatam, sed ut *ἐπιταξις* fortitudinis indicetur, additum est, & surrexit & ministrabat eis.

23 **N**Otandum hoc loco, sæpè propter bona opera, studiaque pietatis, ab hominibus diuinitus morbos auferri, vitamq; eorum prorogari, ac pauperum causa restitui; quod socru Petri nunc accidisse videmus, quæ propter Christi ac discipulorum ministerium conualescit, & postea Tabithæ. Hoc idem pulcherrimè Iob Iob 33. explicat: Appropinquabit corruptioni anima, & vita illius mortiferis. Si fuerit pro eo angelus loquens, vnum de millibus, ut annunciet hominis æquitatem; miserebitur eius, & dicet: Libera eum, ut non descendat in corruptionem.

24 **N**Eque verò illud nimis vrget, Petrum Apostolum primis temporibus uxorem habuisse: quia in principio prædicationis Christi socrum habuerit. Quasi verò hæc vxor, aut mori non potuerit interim, antequam munere prædicationis Petrus fungeretur: aut à Petro relinqui? ipsum certè Petrum dicentem legimus: Ecce nos relinquimus omnia, quid ergo erit nobis? Sed quid ad rem, siue habuerit, siue non?

25 **S**equitur quartum miraculum, aut potiùs miraculorum congeries. Cum SERIES
EVANGELII. enim demonstrasset Saluator noster, quantum subiecta sit sibi humana natura, omnesq; miseriæ humanæ; nunc quantum sibi demonia pareant, ostendit. Vespere inquit, factò, obtulerunt ei multos demonia habentes: & eijciebat spiritus verbo, & omnes malè habentes curauit; ut impleretur quod dictum est ab Isaia propheta: Ipse infirmitates nostras portauit. Omnes isti, inquit Hieronymus, non manè aut meridie curantur, sed vesperi, quando sol occubiturus erat, quando granum in terra mortuum, ut multum fructum ferat.

Notan-

NOtandum autem est ex hoc loco, dæmonia spiritus esse, (sic enim hoc loco appellantur) contra quàm sentit Psellus, & qui eum sequuntur, qui corpora esse arbitrantur. Adducit autem, ad rem verisimilem faciendam, locum Isaia: quem pulchrè interpretatur Euthymius. Sed Matthæus de corporalibus languoribus ac morbis, metaphorico verbo loquitur. Isaïas verò languores & morbos peccata appellauit, quæ Christus sumere ac portare dicitur, in modum victimæ. Nam animal, quod pro peccatis ad victimam producebatur, quodammodo peccata omnium in seipsum suscipiebat, ac portabat: & populum quidem his liberabat, ipsum verò propter hæc iugulabatur. Pulchrè autem propheticum dictum transumpsit Euangelista. plurimi siquidem languores & morbi corporales à peccatis oriuntur; sicut in progressu docebimus, nihilq; vetat hæc quoque vocari peccata.

DVM hæc fiunt, hominesque ad singula facta obstupescunt, ecce vnus ex illis, qui tantis operibus intererant, se in discipulum illi tradere voluit, primus ex Scribis, hoc est, doctis ac philosophis illius gentis & seculi. Qui videns qualia signa faceret Dominus; ac eadem se posse facere existimans, ac inde quæstû grauem sperans: vt hoc genus hominum, etsi perneget, facere solet: genus hominum vitæ commodæ & quietæ assuetum, habitumq; in honore, famis & inopiæ, rerumq; aduersarum insuetum & crucis impatiens: compellat Christum Dominum: Magister, inquit, sequar te quocunque ieris. Crucem non cogitat: vult quidem Christum sequi, sed mollem & amœnam vitam somniat, & lauta hospitia, prolixasque cænas. Per spinas ambulandum est, qui Christum sequi velit. Fidei affectio non interroganda est, sed sequenda, inquit Hilarius. Cuius vanitatem Christus Dominus videns, ac quantum fallatur animaduertens, longè suam doctrinam à lucris & quæstibus abesse, ab honoribus longè remotius, à voluptatibus autem remotissimè, ostendit miti & humana obiurgatione; indicans ipsum doctorem & magistrum, cuius caput Deus est, non habere vbi caput suum reclinet: & vulpes quidem foveas suas habere, aues nidos, formicas & locustas specus; se autem non habere, vbi caput reponat suum: philosophus autem extra telorum iactus militare vellet, atque ex aliena mensa lautè & liberaliter in otio pasci. Ac si dicat: Putas, vbi me secutus fueris, te opes aliquas collecturum, honores & gloriam quæsiturum, iucundo otio fruiturum, cum videas meipsum domo carere? Cogita ergo, quæ sit futura conditio discipuli mei. Hoc autem cum dicit, non vetuit se sequi, sed docuit, quod sequens non inuenturus esset lucrum, quod quærebat, dicit Euthymius. Cæterum ille intelligens, quòd cognitus esset, ac proposito frustratus, siluit.

Filium autem hominis seipsum vocat, confirmans quod verè & non phantasticè sit incarnatus, vt quidam suspicantur, hominem dicens nunc matrem suam. Nam ἄνθρωπος homo vocatur, non tantum vir, sed & mulier. Præclaram verò vetustissimus martyr Iustinus de hoc nomine quæstionem instituit: Quoniam, inquit, Dominus seipsum perpetuum filium hominis, masculino non feminino genere nominat, ideoque conantur infideles ostendere eum natum esse ex coniugali coniunctione, quoniam hominis nomen sit viri, non feminae, quibusnam rationibus inane maledictum hoc refellemus? **RESPONSIO.** Si ex coniugali coniunctione natus fuisset Dominus, non dixisset Scriptura, vt putabatur

batur filius Iosephi. Nam, putabatur, de ijs, qui ex cōiugali coniunctione nascuntur, dictum esse non potest. Iam verò propter vnam obscuram curtamque vocem, euertere omnes illas voces, quæ apertè tradunt Christum ex spiritu sancto, & Maria virgine natum, absurdissimum est. Ad euertendum autem eorum vanum conatum, huiusmodi rationibus vtemur. Si quia non dixit, se Christum filium hominis foeminæ, propterea non est filius hominis foeminæ: sequitur, vt quia non dixit se filium alicuius hominis, non sit filius alicuius hominis: quòd si non est alicuius hominis filius; necesse est, vt neque hominis sit filius. Item, si quemadmodum filius Eli dictus est Ioseph secundum legem, citra coniugalem coniunctionem? Huius enim causa ita rem moderata est diuina gratia; vt virgo desponderetur viro, qui duos patres habuerat; vnum secundum naturam, ex connubiali congressu; alterum secundum legem, sine connubiali congressu: in illius generatione adumbrans Christi generationem, qui ex spiritu sancto natus est filius Dei, ex vxore autem Iosephi, filius Ioseph. Spiritus sanctus inuadet te, & virtus supremi inumbrabit te: itaque quod ex te nascetur sanctum Domino, vocabitur filius Dei. Enimuerò, si quod natum est ex vxore Eli, filius est Eli secundum legem Dei; multò magis ex vxore Iosephi, Deo ita volente, filius est Iosephi citra coniugalem congressum. Hæc Iustinus.

29 **H**Vnc alius ex populo secutus se offert, ac eum se secuturum pollicetur: **SERIES**
sed prius veniam sepeliendi patris poscit. Addit tertium Lucas, qui eandem vo- **EVANGELII.**
luntatem magistro offert, sed petit vt prius valedicere suis possit.

30 **N**Otandum, ex hac doctrina, pulcherrima doctrinæ christianæ principia colligi. Primùm ingratum illum seruum & discipulum esse Christo, qui illum spe lucris & honoris sequitur. Quod pulchrè explicat Hieronymus: Ostenditur, inquit, nobis, & ob hoc scribam repudiatum, quòd signorum videns magnitudinem, sequi voluerit Saluatorem; vt lucra ex operum miraculis quæreretur: hoc idem desiderans, quod & Simon Magus à Petro emere voluerat. Talis ergo fides iuxta sententiam Domini condemnatur, illiq; dicitur: Quid me propter diuitias & seculi lucra cupis sequi; cùm tantæ sim paupertatis, vt ne hospitium quidem habeam, & non meo vtar tecto?

31 **S**ECUNDÒ notandum, nihil tantum debere esse apud nos, quod nos à Christi doctrina ac imitatione reuocare possit, iuxta Paulum: Quis nos separabit à charitate Dei? non gladius, non persecutio, sed nec parentes. Oportet quidē parentes colere, sed Deum magis.

32 **T**ERTIÒ notandum, qui Deo & Christo non viuit, eum viuentem mortuum esse. Ideò nunc dixit, Sequere me, & dimitte mortuos sepelire mortuos suos.

33 **N**Otandum quartò, ex hoc loco D. Chrysostomum nos docere: Nullo momento temporis caduca hæc, etiam si necessaria videantur, spiritualibus anteferenda esse.

34 **N**Otandum quintò, in examine eorum, qui ad Ordines accedere volunt, finem & scopum eorum imprimis expendendum esse, & diligenti trutina examinandum.

Sextò notandum, cultum & seruitutem Dei, dimidium hominem non ad- 35
mittere, totum poscere: Diliges, inquit, Dñm ex toto corde. Et Paulus: Qui
uxorem habet, diuisus est. Itaq; hic ne suis quidem valedicere permittitur.

Septimò, neminem accipientem manu aratrum, & respicientem retrò ap- 36
tum esse regno Christi. Euenit hoc vxori Loth, quæ Sodomam respexit: eue-
nit Luthero, & alijs hoc nostro seculo multis. Væ illis, inquit Theophylactus,
qui cùm Monachi facti sunt, ad secularia reuertuntur.

Octauò notandum est, non habere nos hîc ciuitatem manentem, sed fu- 37
turam inquirere: quandoquidem caput nostrum, neque nidum, neq; foueam
habuerit: ergo nudi nudum sequamur Christum: Omnis conuersatio nostra
sit in cælo, inquit Paulus. Talem decuit esse paupertatis magistrum; talem di-
scipulum esse oportet eum, qui cælestia appetit: ne conuertatur ad terrena, né-
ue reiectis viuis mortua inquirat, nec suprâ Deum honoret parentes. Cessare
enim debent omnia, quæ hominibus debentur, vbi Deus sibi impendi iubet
operam.

Notat hoc loco Hilarius: Quomodo, inquit, mortui mortuos humabunt? 38
Primum igitur in se ostendit, perfectam fidem nulla secularis in alterum officij
religione esse deuinctam. Deinde inter filium patremque infidelem ius pater-
ni nominis non relinqui: Non igitur obsequium humandi patris negauit, sed
addendo: Dimitte mortuos sepelire mortuos suos; admonuit non admisceri
memorijs sanctorum mortuos infideles. Mortuos autem eos esse, qui extra
Deum viuunt: & idcirco mortua mortuis officia relinquenda, vt mortui sepeli-
antur à mortuis: quia per Dei fidem viuos viuo adhibere oporteat.

SERIES
EVANGELII.

Ademoniorum eiectione, ad eas res quæ sensu carent, se refert Euange- 39
lista; vt ostendat eam vim esse huius ipsius verbi, in rebus etiam sensu carenti-
bus, ventis, inquam, & procellis maris, quæ nulla spe, nullo metu Deo parère
solent; vt ad verbum eius moueantur & commoueantur; vt hic ipse qui imperat,
Dominus maris terræque esse demonstratur. Ascendit igitur in nauiculam, in
puppi super ceruicali obdormit, sequuntur eum discipuli eius. Corpore dor-
miebat, deitate verò concitabat & conturbabat mare, & iterum complacabat.
Et ecce motus magnus, eo iubente & mouente, in mari factus est: ita vt nauicu-
la operiretur fluctibus. Cuius signum quondam in Iona Propheta præcesserat.
qui cæteris periclitantibus, ipse securus in puppi dormiebat; & suscitatus, ac
in mare proiectus, salutem attulit: dogmaque datur ecclesijs, intra quas
verbum Dei non vigilat, eas naufragari. Non quòd Christus in somnum relaxe-
tur; sed quòd somno nostro in nobis dormire dicatur. Et accedunt ad eum di-
scipuli eius, dicentes: Domine, salua nos, perimus: Et vt alius Euangelista di-
cit: Præceptor non est tibi curæ, quòd perimus? Et vt Lucas: Præceptor, pe-
rimus: eam fiduciam habentes, quòd solo verbo placare possit mare; relin-
quentes in omne tempus Apostolicis viris exemplum, quò confugere debeant
in summis & extremis ecclesiarum suarum naufragijs. Increpat diffidentes Do-
minus feruos, creator creaturam: Quid timidi estis, inquit, modicæ fidei? quasi
dormiat, aut dormire possit, qui custodit Israël, aut quasi dormiens saluare non
posset, qui maximè vigilat, cùm dormire videtur. At ille surgens increpauit ven-
tum & tempestatem aquæ; & cessauit, & facta est tranquillitas. Decet, inquit,
Orige-

Origenes, magnum magna & miranda facere: ideò paulò ante magna accin-
ctus potentia magnificè conturbauit profundum maris; & nunc iterum in eo
ipso ostendens suæ magnificentiam maiestatis, tranquillitatem magnam fieri
iussit. Hoc ideò vt nimium conturbati Apostoli magnificè exhilarati lataren-
tur. Dixit autem illis: Vbi est fides vestra? Et vide humanitatem; infideles non
vocat, sed modicæ fidei. Nam quatenus ad Christum recurrunt, fidem demon-
strant; quatenus se, illo præsentem, siue dormiat, siue non dormiat, perituros exi-
stimant, modicæ sunt fidei. Priùs igitur illorum tempestatem animorum com-
ponit, deinde maris: Imperauit ventis & mari, & facta est tranquillitas magna.
Quod futurum ante prænuiciauerat Dauid: Viderunt te aquæ Deus, viderunt te *Psalm: 76.*
aquæ & timuerunt, & turbata sunt abyssi. Et longè antè hoc idem Sibylla ce-
cinerat: *τοὺς ἀνέμους πᾶσαι τε τὸ γῶ γῶσα δὲ θάλασσαν μαινομένην ποσὶν εἰρήνῃ πίστει τε πάτῃσας.*
Oportebat autem illos magnum timoris sensum comprehendere, vt etiam ad
magnæ potentiæ illius sensum peruenirent, & maiorem de eo fidem accipe-
rent. Permittit autem Deus multis de causis eam in Apostolos trepidationem,
talemque metum: ne tot tantisque miraculis visis superbiant: ne quod præci-
pui in nauem ingressi sunt efferantur: vt exerceantur in ferendis tentationibus:
vt magis in fide confirmentur, & cognoscant suam infirmitatem, & ad eum re-
currere necesse habeant; vt quasi orbis aliquando athletæ, ad metus & trepida-
tiones instruantur, tanquam mundi gubernatores ad procellas tentationum fe-
rendas amentur. Porro homines admirati sunt dicentes: Qualis est hic, quia
mare & venti obediunt ei? Hanc dominici verbi virtutem, & eorum, qui in na-
ui erant admirationem, olim sanctus Dauid prædixerat: Qui descendunt, in- *Psalm: 106.*
quit, mare in nauibus, facientes operationem in aquis multis, ipsi viderunt o-
pera Domini, & mirabilia eius in profundo: Dixit, & stetit spiritus procellæ:
& exaltati sunt fluctus eius. Et statuit procellam eius in auram, & siluerunt flu-
ctus eius, & lætati sunt quia siluerunt. Neque tamen discipulos hæc dixisse, sed
alios eos, qui in naui erant, testatur Hieronymus. Neq; enim de quoquam re-
troactorum seculorum simile quid dictum legerant, vel audierant. Nam & Moy-
ses in virtute virgæ, vi cælitus demissa, diuiserat mare: & Helias ictu melotæ Ior-
danem transiit. Audiant autem has voces Ariani, & erubescant, ad seq; redeant:
Quis est hic, cui mare & venti obediunt? Intelligimus, inquit Hieronymus, hoc
loco, quòd omnes creaturæ sentiant creatorem. Quas enim increpauit, & qui-
bus imperauit, sentiunt imperantem: non errore hæreticorum, qui omnia pu-
tant animantia, sed maiestate conditoris, quæ apud nos insensibilia, illi sensibi-
lia sunt. Et de nauicula quidem hæc historia est; mysteria autem illa.

40 **N**Otandum primò: Per nauiculam veteres omnes ecclesiam designauisse.
Iam Apostolorum tempore Clemens Romanus ad Iacobum fratrem Domini:
Similis namque est status omnis ecclesiæ, magnæ naui, quæ per vndosum pela-
gus diuersis è locis & regionibus viros portat, ad vnam potentis regni urbem
properare cupientes. Sit ergo nauius huius Dominus, ipse omnipotens Deus;
gubernator verò sit Christus. Tum deinde proretæ officium Episcopus imple-
at, presbyteri nautarum, diaconi dispensatorum locum teneant: hi qui cate-
chizant, nautologis conferantur: epibatis autem, totius fraternitatis multitu-
do similis sit: ipsum quoq; mare, hic mundus habeatur: ventorum verò varie-
tates & turbinum, diuersis tentationibus conferantur: persecutiones, tribu-

lationes, & pericula fluctibus exaquentur. Terreni verò spiritus, qui vel de torrentibus, vel de conuallibus spirant, pseudoprophetarum & seductorum, seu prauæ doctrinæ verba ducantur: promontoria verò, & loca confragosa, hi qui in potestatibus seculi sunt iudices, & pericula minantur & mortes. Dithalassa verò loca, quæ duplicibus vndæ fallacis æstibus verberantur, dubijs mente, & de repromissione veritatis nutantibus conferantur, atque his, qui irrationabili fidem nostram ratione discutunt. Hypocritæ autem & dolosi, pyratæ similes habeantur. Iam verò rapidus vortex, & tartarea Charybdis, & saxis illisa naufragia, ac mortifera submersiones, quid aliud æstimanda sunt, quàm peccata? Restat igitur, vt hæc naus cursu prospero tuta possit portum desideratæ vrbis intrare, ita Deo precem fundere nauigantes, vt mereantur audiri. Audiri autem à Deo ita demum merebitur quis, si orationes ipsæ bonis moribus, & bonis operibus adiuuentur. Sed ante omnia, quietè & silentio epibatæ (id est laici) in suis vnusquisq; resideant locis; ne fortè per inquietudinem, & inconditos inutilesq; discursus, si passim vagari cœperint, vel ab officio suo nautas impedian, vel in alterum latus per inquietudinem eorum naus pressa demergatur. Nautologi de mercedibus commoneant, & nihil omnino, quod ad diligentiam & disciplinam pertinet, diaconi negligant. Presbyteri velut nautæ aptent singula ad instructionem naus diligenter, & instruant, quæ in suo tempore requirenda sunt. Episcopus tanquam proreta, vigilanter & sollicitè gubernatoris verba custodiat Christi. Saluator Dominus gubernator ecclesiæ suæ, diligatur ab omnibus; & ipsius solis præceptis ac iussis credat & obediat omnis ecclesia. Deo quoq; indefinenter supplicetur à cunctis de prosperitate ventorum; vt nauigantes omnem tribulationem & omne periculum superent, tanquam mare profundum mundi istius & vitæ humanæ pelagus nauigantes, in quo esuriendum sit & sitiendum: nuditatem quoq; ferendam, morbos etiam corporis & ægrotudines tolerandas: insuper & hominum insidijs ac dolo sæpè laborandum, quippè qui dispergendos se nonnunquam nouerint, sed aliquando etiam congregandos: vomitus quoque & sugillationes ferendas, quum ex confusione peccatorum & reiectione criminum, velut malè congregati in visceribus fellis, iactura facienda est; & abiicienda prorsus è corde omnis, intrinsecus quæ latet, amaritudo peccati; si qua fortè ex desiderijs iniquis, velut ex cibis noxijs, congregata est. Quam vtique cum euomuerit quis & abiecerit, ingentis ægrotutinis liberabitur morbo; si tamen post vomitum, quæ ad sanitatem pertinent, sumat. Idem sentit Clemens Alexandrinus, qui ecclesiam Dei non lembo, qui ex vno integro ligno constat, sed naui ex multiplici genere lignorum, velorum, remorum, rudentium constanti, quæ omnem conscensorem recipit, præter latronem & piratam. Idem Origenes, idem Ambrosius. Hilarius autem sic venustè: Vt autem naucula Christi ecclesiam designat; ita procellæ, & venti, ipsas calamitates, tribulationes, persecutiones, quibus toto hoc peregrinationis suæ tempore vexatur, discruciat, iactatur: quibus etsi illa iactabatur & feriebatur semper, siue in lege naturæ, siue in lege scripta, siue sub euangelio; submersa tamen non est. Nunquam defuit Abeli suus Cain, nunquam Iacobo Ismael, nūquam Iosepho iniqui fratres, nunquam Moyse suus Core & Abiron, nunquam Dauidi suus Absalon, Christo Domino Iudas & pharisæi. Quamuis enim semper tot procellas pertulit; nunquam tamen iactari magis cœpta, quàm vbi primùm eam Dominus conscendit, in eaq; dominari cœpit, cuius rei hæc naucula, quam interpretamur, signum & figura fuit. NO.

41 **N**Otandum secundo, iactationum istarum & procellarum varias semper extitisse species, varia genera. Mitto illa communia idola ac dæmones, Astrologos, magos, diuinos, illa perpetua improborum erga probos odia; hæc magis proxima & singularia accipio.

42 **P**rimus ventus fuit veterum poëtarum, quos antiqui theologos vocabant, qualis fuit Musæus, Orpheus, Linus, Hesiodus, Homerus, figmenta & fabulæ, in quibus diabolus, quædam religionis nostræ arcana, ut illa eleuaret, ac eis fidem detraheret, illaque contaminaret, adumbravit; qualia illa erant, quæ ad generationem deorum, ad assumptiones specierum pertinebant; illa item quæ ad virginitatem, ieiunia, & alia mystica arcana pertinebant. Turbat hic ventus primis temporibus non parum ecclesiam. Refert hæc vberius Iustinus Apologetico 2. Cyrillus 12. in Ioan. cap. 20. Eusebius lib. 2. cap. 2. Augustinus & alij.

43 **S**ecundus ventus est, inanis philosophiæ, quæ longè antè, quàm res nostræ stetitissent, impugnabat ea, quæ in posterum in ecclesia magnam fidem habitura erant, animæ immortalitatem, corporum resurrectionem, Dei prouidentiam, ac gubernationem, rerum præsertim singularium. Itaque Tertullianus alicubi philosophos patriarchas hæreticorum esse dicit.

44 **T**ertius ventus est, synagogæ obstinatio, & pertinax rei christianæ expugnandæ studium; quod tantò plus valuit, quantò magis in eorum vitula arabatur, ex eorumque principiis omnia demonstrabantur. Refert Iustinus Martyr, in quamcunque provinciam proficiscebantur Apostoli, eodem duodecim præstantissimos doctores legis mitti solitos, qui ex lege, prophetis & psalmis eos confutarent, quibus Apostoli maximè nitebantur, & quæ fundamenta conuertendorum populorum habebant: eosque legis, quam docebant, præuaricatores & ignaros esse arguerent; ac ea quæ illi docerent, à lege alienissima esse demonstrarent. Et hi quidem venti ex antris & cauernis humanæ sapientiæ prodibant: quos simplices piscatores verbo Dei ac simplicitate sua superârunt.

45 **Q**uartus ventus fuit, regum atque principum terræ, de quo illud: Astiterunt reges terræ, & principes conuenerunt in vnum, aduersus Dominum, & aduersus Christum eius. Qui primùm aperta vi, per omnia tormenta, omnes cruciatus, carnifices, omnes ignes, feras, equuleos, per quadringentos prope modum annos, decem continuis persecutionibus eam persecuti sunt; donec confectis tormentis, fessis manus conciderunt. Cessit ferrum, ignis extinctus, catastæ fractæ, carnifices defatigati, illis canentibus: Quis nos separabit à charitate Dei, num persecutio, an gladius? Transiuimus per ignem, & aquam, & eduxisti nos in refrigerium. Quæ pulchrè Seuerus Sulpicius his verbis describit: Diocletiano & Maximiano imperantibus, acerbissima persecutio exorta, quæ per decem continuos annos plebem Dei depopulata est, qua tempestate omnis ferè sacro martyrum cruore orbis infectus est: quippè gloriosa in certamina ruebatur, multoque auidius tum martyria gloriosis mortibus quærebantur, quàm nunc Episcopatus prauis ambitionibus appetuntur. Nullis vnquam bellis magis mundus exhaustus est; neque maiore vnquam triumpho vicimus, quàm cum decem annorum stragibus vinci non potuimus. Quæ omnia longè prolixiùs explicat D. Augustinus lib. 19. de ciuitate Dei, cap. 21. Et vi quidem

aperta hoc illi fecerunt; occulta autem fraude, & quasi ex insidijs posterioribus temporibus illa: ubi diabolus illis persuaferat, non alia ratione illos firma imperia habituros, opes, patriam; nisi cum antiquis idolis coniungerentur, prisca numina reuocarent. Refert hoc Basilius epistola 71. Refert Theodoretus lib. 1. cap. 1. Fuerunt venti isti ex antris potentiae, quos ecclesia Dei superauit magnitudine patientiae suae.

Sextum genus ventorum, aut potius scopulorum latentissimorum & maximè exitiosorum. Cum enim animaduertisset diabolus eam vim Christi esse regni, ac in tantum illud excreuisse, ut illi nullo modo palam nocere posset; clam & ex insidijs illud aggreditur; ac primum in locum idololatriae haereses inducit, deinde ipsorum sacerdotum & cultorū haereticos, qui vultu quidem & specie se amicos profitentur, re autem ipsa pestes & labes nocentissimae sunt; foris oues, intus autem lupi rapacissimi. Quae ars mirum in modum diabolo successit: quod enim neque philosophorum astutia, neque synagogae pertinax studium, neque tyrannorum tormenta, carnifices, cruces potuerunt; haec ipsa blandae vulpeculae astutia effecit. De quo utroque genere praeclare Origenes: Scitis, inquit, quomodo sapientius consilia infidelium commota sunt aduersus veram & firmam ecclesiam, aliquoties haereticorum, aliquoties paganorum, quam comminantes & conterentes huius principes mundi, per omnia perdere se ecclesiae filios arbitrabantur: sed surgens Dominus increpauit ventos daemonum, & omnes euanescere fecit audaces aduersarios fidei, magnamque pacem & tranquillitatem dedit Ecclesiae suae.

Septimum genus procellarum, falsi fratres, hypocritae & sycophantae, qui vultu Christum simulant, premunt alta mente scelus: & verbis quidem eum affirmant, at factis negant, iuxta illud: Dixit insipiens in corde suo, non est Deus: qui Curios simulant, & bacchanalia viuunt: qui regnum caeleste iactant, in terra autem toti demersi sunt; qui non in pectore, sed in labijs habent sanctitatem: & unde alios maximè deterrent, in eo ipsi luto haerent: in alienis vitijs lyncei, in suis talpae: qui cum maximè fallunt, tum se viros bonos haberi maximè cupiunt. Superat hos ecclesia vera in Christum fide, sinceritate & veritate: illisque D. Pauli verbis: Quid enim si quidam illorum non crediderunt? Nunquid incredulitas illorum fidem Dei euacuauit? Absit.

Nihil autem huic naui magis nocet, nihil magis aduersum est, quam peccatores, atque peccata ipsa. Haec enim non iam amplius iactant, non impellunt, non inclinant nauem: sed simpliciter, tanquam lapides quidam inutiles, aut magna vis arenae, demergunt ac in profundum detrudunt: iustos remissos faciunt: in scandalum inducunt: iniustos à conuersione & poenitentia reuocant: Iudeos ac gentiles in sua pertinacia conseruant: Christi nomen inter gentes malè audire faciunt: ecclesiam pudore suffundunt: diuinas aures, ne ecclesiam suam audiant, obstruunt: oculos, ne sint super eam intendentes, claudunt: pia pectora torquent & excruciant; dum fratres ac membra sua in certam perniciem trahi vident: aduersa super iustos etiam, ac vniuersam ecclesiam, & tribulationes congerunt. Ab his igitur maximè cauendum, maximaque contentione ea fugienda sunt. Ut autem haec vniuersa nauicula his fluctibus agitur & impellitur; ita & singula eius membra, singula tabulata. Pars naui istius non est,

est, quæ partem tempestatis istius non sustineat. Hæc omnia quidem, primò Christus Dominus gubernator sustulit, deinde principes illi remiges Petrus & Paulus: In labore & ærumna, inquit Paulus, in fame & siti, in ieiunijs multis. *2. Corinth. II.* in itineribus sæpè, periculis fluminum, periculis latronum, &c.

49 **N**Otandum tertio, quæ tandem causa eius tempestatis, tantæ vexationis? Deus né? At is custos est, Saluator, virtus, refugium, adiutor in tribulationibus, quæ inuenerunt nos nimis. Diabolus né? At ille damnatus est, mancipium est. Quis igitur? an vterque suo modo, Deus & diabolus? Nam & præsentis tempestatis Christus Dominus videtur esse causa, & ventus, & procella. Solet enim diabolus & ventis & procellis abuti; vt principibus, & tyrannis, qui per ventos & vndas designantur. Vtraq; igitur hæc causa est, quamvis diuerso modo & fine: Deus permittit, & dat imbelli & impotenti diabolo potestatem; diabolus autem adfert improbam voluntatem, & exequendi studium, propter odium in Deum & homines; & aliorum accendit, atq; violat prauas voluntates: quod in beato Iob apertè euenisse legimus. Est igitur & Deus & diabolus tantorum malorum causa. Deus, qua parte bona sunt: diabolus, qua parte mala: alter permittit, alter perficit. Vt autem diuerso modo istæ sunt causæ; ita & diuerso fine. Diabolus vt confundat, perdat, à Deo auertat; quomodo D. Iob, volebat per vxorem perdere: Latro enim non venit, nisi vt furetur; Deus vt probet, seruet, ad se redire faciat.

50 **N**Otandum quarto, quo fine, aut qua causa hæc tam dura, clemens pater, inimico permittat? Multas ob causas per omnem modum.

51 **P**rimum ad expianda peccata, propter quæ aduersa euenire solent. Quamvis enim ecclesia sit sancta, immaculata, sine ruga & macula; in hoc tamen puluere & fecibus mundi, non est possibile, quin non aliquando inquinetur, & sub sole hoc non decoloretur. Non peccat ad mortè; quotidie tamen dicit: Dimitte nobis debita nostra. Formosa est; fusca tamen, decolorauit illà sol, conspersi sunt pedes eius: & ideò quemadmodum vestis purgatur à tineis & puluere, virga & baculo; sic tribulationes purgant & excutiunt ecclesiæ vitia. & proinde orat: Amplius laua me ab iniquitate mea, & à peccato meo munda me. Ea est enim labes peccati, teste Augustino & Cypriano, vt ea quotidie in sanctis viris martyrij & persecutionibus expiatur, vt primum incipiat iudicium à domo Dei.

52 **S**ecunda causa est, ad sanctificationem Dei ecclesiæ; quæ in eo est, vt adhæreat sponso suo semper, vt illud occinat: Mihi autem adhærere Deo bonum est. & illud: Dilectus meus mihi, & ego illi. Ego dilecto meo, & ad me conuersio illius. Zelotes ille est, hoc est, amoris perfecti, & non communicati. Et ideò non vult sponsam suam vagari post greges alienorum. Permittit fulgura, procellas, quæ compellant sponsam ad sponsum; vt auxilium petat, vt illud occinat: Adiua nos Deus salutaris noster. & hoc nostrum: Domine, salua nos, perimus. Nam & liberi tum demum in sinum & complexum suorum parentum ruunt, vbi aliquid periculi & metus externi adest; ad quam rem dedita opera parentes terramenta comparare solent. itaq; Sapiens: Qui diligit filium suum, as- *Eccle. 30.* fiduat illi flagella, vt latetur in nouissimo suo, & non palpet proximorum ostia. Quod nunc in Apostolis metu percussis videmus. hinc illud: Imple, Domine, faciem eorum ignominia, & quærent te. & illud: Cum percutiebat eos, reuer-

tebantur, & diluculò veniebant ad eum. Quod pulchrè Clemens Alexandrinus, Chrysostomus, & alij patres explicarunt.

Tertiò, immittuntur hæc mala, ob discretionem bonorum à malis, purgationemque ecclesiæ, vt notat Augustinus. Nam, cùm ecclesia sit area, habens & triticum & paleam, frumentum & zizania, corpus bonis succis ac prauis humoribus temperatum; venti isti tribulationum ac procellarum ventilabrū sunt, quod paleam à tritico disiungit; medicamenta sunt, quæ malos humores à bonis succis distinguunt. Iis igitur ingruentibus, facile se quisq; prodit extra, qualis intus fuerit. Nam in pace & quiete omnia permiscuntur. Tempestas gubernatorem probat, bellum militem, res aduersæ amantem Deum, iuxta illud: Ex nobis exierunt, sed non erant ex nobis. Si enim fuissent ex nobis, permansissent nobiscum. Quod in hoc hæresum exortu abundè apparuit: qui viri boni & graues fuerunt, manserunt in area; qui leues & vani, secuti hæreses, & in dies deteriores euaserunt. vnde illud sponsi: Surge aquilo & veni auster, & perfla vineam meam.

Cant: 4.

Quemadmodum autem hæc talis medicina purgat, ita & probat, quantum inter fideles sit fidei, quantum spei, quantum charitatis. Nam & nunc non prius apparet, quanta hæc fuerint in Apostolis, quàm ista tempestas orta fuit. Sequebantur illi Christum, præsentem vbique aderant, à publicanis & peccatoribus accipiebantur: at tempestate instante turbantur, in horto fugiunt, alij abnegant. At non eodem modo S. Iob, qui tanquam palma, onere pressus, se erexit: Dominus, inquit, dedit, Dominus abstulit: sicut Domino placuit, ita factū est: sit nomen Domini benedictum. Ideoque Deus benedixit nouissimis Iob, magis quàm principio eius. Sed & ipsi Apostoli confirmati ex alto: gaudentes ibant à conspectu Concilij, quòd digni essent habiti, pro Christi IESV nomine contumeliam pati.

Immittuntur item isti venti & procellæ, exercitij ac certaminis causa; ac per consequens, coronarum ac præmiorum: Neq; enim, inquit Paulus, coronabitur, nisi qui legitimè certauerit; vt accipiat sponsa coronam læticiæ pro luctu, fertum exultationis pro cinere. Cùm autem nihil magis deceat sponsam, quàm ad mensam sui sponsi esse, indumentis eius indui, eum sequi, sub eius corona incedere, eius trabea ornari: mensam igitur & calicem suarum tribulationum & angustiarum illi apponit & propinat: corona spinea, suæ victoriæ insigni, decorat: trabea suæ virtutis induit; vt his gemmis, his margaritis conspicua sit; & cognoscatur ab omnibus & singulis, hanc sponsam eius mariti esse.

Sed non minor est causa tantorum certaminum gloriatio Christi, & sanctorum eius; vt ostendatur principibus & potestatibus mundi huius, angelis item & spiritibus beatis, mundi que rectoribus tenebrarum istarum, Iudæis ac Gentilibus, Arianisq; multiformis gratia Dei in sanctis eius, regimen item & gubernatio, iuxta illum celebrem cantum: Dominus regit me, & nihil mihi deerit. Quemadmodum enim magnus Imperator, fortes milites legionis suæ, quibus confidit, educit spectandos in aciem; ac in eos, hostes, quæ velint, experiri iubet; similiter bonus miles loricam, arma, scutum suum telis exponit, vt experiatur quantum valeant: scit enim non cessura: eodem modo Christus

flus Dominus summus Imperator, fortis armatus extendit legionem suam; arma sua omnibus telis inimici sui exponit, ut quid possint experiatur. Rectè enim nouit, legionem istam non fugituram, arma & clypeum non cessurū. Odor iste est sanctorum. Et quemadmodum aromata, nisi trita vel accensa non olent; ita sanctorum vitæ in tribulationibus & angustiis dant suauitatem odoris, iuxta illud Sapientis: Et certamen forte dedit illi, ut vinceret, & sciret, quoniam o- *Sapient: 10.* mnium potentior est sapientia. Et hæc est gloriatio sanctorum, in conspectu Dei & mundi.

57 **V**Ltimò, permittit Deus hæc mala, propter accensionem desiderij vitæ futuræ: Hæc enim mala, quæ nos premunt, dicit Augustinus, ad Deum nos ire compellunt; futura spectare iubent, præsentia contemnere. Quomodo parentes filios suos ab externis regionibus fame & inopia rerum domū reuocant; ut ingemiscant illis verbis: Quare incolatus meus prolongatus est? & ut ad parentes reuertantur, dicentes illud: Quanti mercenarij in domo patris mei abundant panibus. Nam reuera libenter rebus terrenis affigimur, nimisque hoc nos delicatum diuerforium tenet, atq; amara est mortis memoria homini pacem habenti in diuitijs suis.

58 **S**ed & superbiæ nostræ deprimendæ atque humilitatis inferendæ causa, ut rectè cognoscamus, nos in via esse, non in patria, non habere ciuitatem manentem, sed futuram inquirere. Nam illud admodum periculosum est: In labore hominum non sunt, & cum hominibus non flagellabuntur: ideò tenuit eos superbia, operti sunt iniquitate & impietate sua: Bonum igitur mihi, quia humiliasti me: Domine, si sic viuitur, & in talibus vita spiritus mei, corripies me. *Psalm: 72.*

59 **N**otat ad extremum Author Imperfecti operis, esse & aliam seculi nauem, *Homil: 43.* non Dei, id est collectionem hæreticorum, quæ sibi nomen huius ecclesiæ vendicat. Aduersus quam diem iudicij futurum Isaias manifestè declarat: Dies, inquit, Domini Sabbaoth, aduersus omnem contumeliosum & superbum. Et paulò post: Aduersus omnem nauem maris, id est, omnem ecclesiam hæreticorum, de qua alibi idem Isaias retulit: Dirupti sunt, inquit, funes tui, quæ non valuit arbor tua; inclinauerunt vela tua, & non laxabunt vela tua. Nauem verò hanc *Isa: 33.* maris esse dixit, quia huiusmodi ecclesia non Dei est, sed seculi: quæ licet habere in se prædicationem dominicæ crucis videatur; inualidam tamen hanc eius arborem ostendit: quia ubi non est veritas fidei, infirma crucis assertio est. Vnde inclinata & laxata vela eius sunt ostensa, quod nullo flatu sancti Spiritus diriguntur. Et ideò huiusmodi nauis, hoc est, ecclesia hæreticorum amisso veræ fidei gubernaculo, dominantibus aduersis spiritibus, in naufragium mortis æternæ demergitur, quæ gubernari à Christo Domino non meretur.

60 **A**B inanimatis & sensu carentibus, ad dæmonia atq; adeò bruta animantia iterum se refert, atq; in iisdem potentia suæ vim exerit atque demonstrat: Occurrunt ei duo dæmoniaci ex monumentis exeuntes. Neq; enim præfæuitia inter homines manere poterant, sed intra sepulchra, quæ more veteri ante urbem extrui solebant, vagabantur: dæmoniaci verò illi fæui erant nimis, ita ut nemo posset transire per viam illam. Et ecce clamârunt dicentes: Quid nobis &

SERIES
EVANGELII

bis & tibi Iesu fili Dei? Audiant Ariani testimonium dæmonum, & audiant se
 deteriori conditione esse, quàm fuerunt dæmones. Non voluntatis autem;
 inquit Hieronymus, ista confessio est, quam præmium sequitur confitentis; sed
 necessitatis extorsio, quæ cogit inuitos; velut si serui fugitiui post multum
 temporis dominum suum videant, nihil aliud nisi de verberibus deprecantur:
 sic & dæmones cernentes dominum in terris repente versari, ad iudicandos se
 venisse credebant. Præsentia Saluatoris, tormentum est dæmonum. Ridicule
 putant quidam, dæmones scire filium Dei, & diabolum ignorare, eò quòd mi-
 noris maliciæ sint quàm ille, cuius satellites sunt: cùm omnis scientia discipu-
 lorum ad magistrum referenda sit: & tam dæmones, quàm diabolus suspicari
 magis filium Dei, quàm nosse intelligendi sunt. Nemo enim nouit filium,
 nisi pater. In sepulcris autem libenter morantur dæmones, inquit Euthymius,
 prauam opinionem hominibus immittere volentes, quòd mortuorum ani-
 mæ dæmones fiant, & circa propriorum corporum monumenta remaneant,
 imò quibusdam adhæreant. Sed nequaquam id orthodoxo persuadebunt.
 Si enim hoc verum esset; nullo modo cruciatus diues rogasset Abraham, vt
 Lazarum mitteret in mundum, quo fratribus suis significaret, quæ circa se ge-
 rebantur; sed ipse per seipsum hoc eis indicasset. Venisti ante tempus tor-
 quere nos: aut illud de quo postea dictum est: Nunc princeps huius mundi
 eiicietur foras: aut extremi vniuersalis iudicij, paratum diabolo & angelis eius.
 Quæ omnia ex prophetijs & prædictionibus, dæmonibus, non erant obscura:
 supplicant igitur. Quæ est, inquiunt, nostra potentia, si ad tuam conferatur?
 tu es enim ignis, quem nemo ferre potest: nos fænum & puluis, qui facile in-
 cenditur. Erat autem non longè ab illis grex procorum pascens, dæmones autè
 interrogabant eum dicentes: Si eijs nos, mitte nos in gregem porcorum.
 Quod cùm illis permissum esset, mox illi exeuntes abierunt in porcos, vt suffo-
 catis suis, exacerbarentur incolæ Geraseni, aut in eum irruerent. Pulchrè
 autem hoc in loco notat Hilarius: Videntes, inquit dæmones, sibi iam non
 locum in gentibus relinqui, rogant; vt patiat se habitare in hæreticis, quibus
 occupatus, totus in mare impetu rapido per præceps grex coactus est, in cupi-
 ditatem scilicet secularium, dæmonum præcipitantur instinctu, in aquis multis,
 id est cum reliquorum gentilium infidelitate morituri. Et ecce magno impe-
 tu abiit totus grex in præceps, & submersi sunt in aquis, pastores autem fuge-
 runt, & venientes in ciuitatem, nunciarunt hæc omnia, quæ Deus fecerat: &
 ecce tota ciuitas exiuit obuiam Iesu, & viso eo rogabant eum, vt transfret à fini-
 bus eorum. Non de superbia, inquit Hieronymus, hoc faciunt, vt nonnulli ar-
 bitrantur, sed de humilitate, qua se præsentia Domini indignos iudicabant; si-
 cut & Petrus in captura piscium, cadens ad genua Saluatoris ait: Exi à me, Do-
 mine, quia vir peccator sum; timoris potius causa, ne illis aliquid deterius e-
 ueniat. Cùm non ignoraret autem Christus, quid tentarent dæmones, permit-
 tit tamen; non vt illis complaceat, sed dispensatoriè alia intendens. Primùm,
 vt discant hi, qui liberantur, quot & quales habuerint inhabitatores; deinde,
 quòd atrociora in illis exercerent, quàm in porcis, nisi etiam in eo, quod ty-
 rannicè agunt, à Deo impedirentur, non permisi facere, quæ volunt. Cui-
 bet enim manifestum est, quòd homines magis, quàm irrationalia oderunt;
 cùm etiam irrationalia propter homines perdere statuunt, & per illorum per-
 ditionem his inferre tristitiam. Tertiò, vt mors porcorum omnibus confirma-
 ret,

ret, exisse dæmones. Et vide sapientissimam Saluatoris cogitationē dæmonibus oppositam: nam nocere volentes, magis ipsi nocumentum acceperunt. Siquidē Christi potentia apparuit, & illorum imbecillitas ac malicia deprehensa est.

61 **F**Acilè autem CHRISTVS Dominus eas regiones relinquit, vbi magna est porcorum copia, hoc est hæreticorum & immundorum; dæmonesque ibi libenter morantur.

62 **N**Otandum autem, non omnem confessionem de Christo meritoriam esse, sed eam solam, quæ ex charitate, ac ex libera, & non extorta fide provenit.

63 **N**Otandum item est: omnes obsessos eum interitum consecuturum esse, qui nunc porcos consequitur; nisi peculiari quadam ratione à Domino defenderentur, quinimò grauiorem. Quia si porcos odio hominum tam misè vexant; quantò magis ipsos homines vexarent, si illis permissum esset? sed & in hominibus immundis & impuris, non humaniùs se gerunt, quàm in istis porcis.

64 **N**Otandum tertio: ex eo, quòd legionem ab homine expulit, & in porcos ire, eosque in abyssum mittere concessit, id colligere D. Gregorium *Lib. 3. Dial. cap. 21.* quòd absque concessione omnipotentis Dei, nullam malignus spiritus contra hominem potestatem habeat, qui in porcos intrare non potuit, nisi permissus. Refert simile exemplum de quadam sanctimoniali foemina. In Spoletana enim vrbe, puella quædam iam nubilis, cuiusdam primarij filia, cælestis vitæ desiderio exarsit, ei que pater ad viam vitæ resistere conatus est; sed contempto patre, conuersationis sanctæ habitum suscepit. Qua ex re factum est, vt eam pater suæ substantiæ exhæredem faceret, nihilque ei aliud nisi sex vncias vnus possessiunculæ largiretur. Eius verò exemplo prouocata, cœperunt apud eam multæ nobiliores generis puellæ conuerti, atque omnipotenti Domino dedicata virginitate seruire. Quadam verò die Eleutherius Abbas vir vitæ venerabilis, ad eam gratia exhortationis atque ædificationis accesserat, & cum ea de verbo Dei colloquens sedebat: cum repenti ex eodem fundo, quem in sex vncias à patre perceperat, cum xenio rusticus venit. Qui dum ante eos assisteret, maligno spiritu correptus cecidit, fatigari que nimis stridoribus, atque balatibus cœpit. Tunc sanctimonialis foemina surrexit, atque irato vultu magnis clamoribus imperauit, dicens: Exi ab eo miser, exi ab eo miser. Ad cuius vocem mox per os vexati diabolus respondit, dicens: Et si de isto exeo, in quem intrabo? Casu autem iuxta porcus paruulus pascebatur: Tunc sanctimonialis foemina præcepit, dicens: Exi ab eo, & in hunc porcum ingredi. Qui statim de homine exiuit, porcum quem iussus fuerat inuasit, occidit, & recessit.

65 **D.**AVGVSTINI PRIMA QVÆSTIO. Quod descendens de monte, posteaquam præcepta illic discipulis & multitudini dedit, leprosum statim, extendens manum suam, curat: significat eos, qui de illis implendis dubitant, suo auxilio ab huiusmodi varietate mundari.

66 **QVÆSTIO SECVNDA.** Quod Dominus dicit leproso mundato: Vade, osten-

ostende te sacerdoti, & offer munus pro emundatione tua, sicut praecepit Moyses, in testimonium illis: hic videtur approbare sacrificium, quod per Moysen praeceptum est, cum id non receperit ecclesia. Quod ideo iussisse intelligi potest, quia nondum esse coeperat sacrificium Sanctum sanctorum, quod corpus eius est. Nondum enim in passione obtulerat holocaustum suum, quo sacrificio confirmato in credentibus populis, templum ipsum euersum est; ubi illa sacrificia offerri solebant. Hoc autem factum est secundum prophetiam Danielis: Non enim oportebat auferri significantia sacrificia, priusquam illud quod significabatur confirmatum esset, attestatione Apostolorum praedicantium, & fide credentium populorum.

QVAESTIO TERTIA. Quod Dominus dixit Scribae qui eum sequi voluit: 67
Vulpes foueas habent, & volucres caeli tabernacula; filius autem hominis, non habet ubi caput suum reclinet: intelligitur miraculo Domini commotus propter inanem iactantiam eum sequi voluisse, quam significant aues. Finxisse autem discipuli obsequium: quae fictio, vulpium nomine significata est. Reclinatione vero capitis, humilitatem suam significat, quae in illo simulatore ac superbo, non habebat locum.

QVAESTIO QUARTA. Dimitte mortuos sepelire mortuos suos. Mortuos hic non credentes dixit: mortuos autem suos, qui nihilominus sine fide de corpore exirent. 68

Caput IX.



MISCETVR MIRACVLIS DOCTRINA, ET MIRACVLA DOCTRINAE: & quemadmodum ad superius caput miracula, quae ad corpus referri credebantur, Euangelista retulit; ita in hoc capite ea miracula refert, quae simul animo & corpori seruiunt: vt illud demonstraretur, hunc ipsum tantarum rerum opificem, non minus corporum quam animorum Dominum esse. Habet autem hoc speciale caput istud, quod ipsius quoque Euangelistae, qui haec scribit, miraculosam conuersionem continet. Venit igitur in ciuitatem suam, Nazaret intellige, vnde Nazarenus dictus est, alij Capharnaum interpretantur. In Bethleem enim natus, in Nazaret educatus, Capharnaum quasi domicilium fixum habuit. Et ecce offerunt illi paralyticum iacentem in lecto. Offerunt, quia ipse ambulare non potuit: offerunt imò per tectum, vt Marcus ait, demittunt propter turbam. Per paralyticum autem, gentium vniuersitas offertur medenda, inquit Hilarius. Videns autem fidem eorum: quamuis nihil obstat, quin utrorumque intelligatur, tamen non tam eius, qui curatoribus opus habuit, quam illorum, qui eum attulerunt. Dicit paralytico: Confide fili: fili siue per creationem, siue per fidem. Simulque causam morbi indicat, & remouet: Dimituntur, inquit, tibi peccata tua. ecce quidam ex Scribis intra se dixerunt: (nam palam ausi non sunt) Hic blasphematur: Deus enim solus est, qui sic loquitur: Ego sum qui deleo iniquitates tuas propter me. Quas cogitationes cum tanquam verus Deus scrutator cordium vidisset, infert: Vt quid cogitatis mala in cor-

la in cordibus vestris, ipsi blasphemi? Nec dicit tantum, sed & dicti sui duas rationes adfert. Primam tacite, ubi demonstrat se cogitationes eorum nosse: ac si diceret: eadem virtute & potentia, qua cogitationes vestras novi, dimittere hominibus peccata possum. Ex vobis intelligite, quid paralyticus consequatur. Aliam rationem adfert, à signo visibili ad rem inuisibilem; à cura corporis, probat curam animi. Et minus quidem hoc natura est, quod ad probationem adfert; maius tamen hominibus videtur: quia peccatorum remissio, parum sensum mouet, & parum eam homines curant. Disputat autem Dominus à rebus notioribus, & ut illis videbatur maioribus: Quid, inquit, facilius est dicere, remittuntur tibi peccata, an dicere, surge & ambula? non quidem reuera: nam prius magis difficile est, nempe remittere peccata; sed quò ad sensum hominum, & quò ad præsentem vtilitatem, homines ea minus curant: Ut autem sciant, filium hominis habere potestatem remittendi peccata; dixit paralytico: Tolle grabatum tuum; ut non tantum sanus, sed & validus esse videâre. Tolle, ait, lectum tuum; ut quod fuit testimonium infirmitatis, sit probatio sanitatis: Vade in domum tuam; ne christiana fide curatus, in vijs Iudaicæ perfidiæ iam moreris. Non credentibus, inquit Irenæus, quæ ab eo fiebat, remissioni, Phariseis Christus dicebat: Ut sciatis, quoniam potestatem habet filius hominis remittere peccata. & cum hoc dixisset, iussit paralyticum hominem tollere grabatum, super quod iacebat, & ire in domum suam: propter hoc quidem efficit confundens incredulos, & significans, quoniam ipse est vox Dei, per quam accepit homo præcepta, quæ supergressus est, & factus est peccator: ex peccatis enim paralysis subsequuta est. Peccata igitur remittens, hominem quidem curauit; semetipsum autem manifestè ostendit, quis esset. Si enim nemo potest remittere peccata, nisi solus Deus; remittebat autem hæc Dominus, & curabat homines; manifestum est, quoniam ipse erat Verbum Dei, filius hominis factus, à patre potestatem remissionis peccatorum accipiens, quomodo homo, & quomodo Deus: & quomodo homo, compassus est nobis; tanquam Deus, misereatur nostri, & remittat nobis debita nostra, quæ factori nostro debemus Deo. hæc Irenæus. Quid est facilius dicere, dimittuntur tibi peccata, an dicere, surge & ambula? Inter dicere, & facere, inquit Hieronymus, multa distantia est. Vtrum sint paralytico peccata dimissa, solus nouerat qui dimittebat: Surge & ambula: tam ille qui consurgebat, quam hi qui consurgentem videbant, approbare poterant. Fit igitur carnale signum, ut probetur spirituale: quanquam eiusdem virtutis sit, & corporis, & animæ vitia dimittere: & datur nobis intelligentia, propter peccata plerasque euenire corporum debilitates. Et idcirco forsitan dimittuntur prius peccata; ut causis debilitatis ablati, sanitas restituatur. Et Hilarius colligit mysterium, eiusque ordinem: primum remissionem tribuit peccati; dehinc virtutem resurrectionis ostendit: tum sublatione lectuli infirmitatem ac dolorem corporibus docuit abfuturum: postremò, reditum in domum propriam: hoc est in paradysum credentibus esse redhibendum, ex quo Adam parens vniuersorum peccati labe dissolutus excesserat. Videntes autem turbæ timuerunt. Opus istud admiratio potius consequi, non metus debuit; sed manet etiamnum ordo mysterij, ut veritati præsentium, futurorum species adiecta sit dictorum & factorum. Domini virtutem turbæ timent. Magni enim timoris res est, non dimissis à Christo

Lib. I. cap. 17.

peccatis, in mortem resolui: quia nullus sit in domum æternam reditus, si cui indulta non fuerit venia delictorum. Et glorificauerunt Deum, qui tantam dedit potestatem hominibus. Conclufa sunt omnia suo ordine, & cessante iam desperationis timore, honor Deo redditur, quod tantam dederit hominibus potestatem; sed soli hoc Christo erat debitum, soli de communione paternæ substantiæ hæc agere erat familiare. Non ergo hoc venit in admirationem, quod posset ista: (quid enim non posse Deus crederetur? alioquin laus de vno homine, non de pluribus extitisset:) sed delati Deo honoris hinc causa est, quod potestas hominibus hac via data sit per verbum eius, & peccatorum remissionis, & corporum resurrectionis & reuersionis in cælum.

Notandum est autem primò: magnum pietatis officium esse, infirmos curare, eorumque necessitatibus ac miseriis inferuire & misereri. Fidem hanc Dominus respicit, laudat & remuneratur. Iudicij futuri hæc est regula, Infir- mus eram, & visitastis me. Neque autem hoc officium visitationis infirmorum est, eos conuenire: nam hoc aliquando molestiam infirmis parit; sed potius eorum molestias cognoscere, ipsique consulere, quod isti faciunt. Ferunt humeris suis paralyticum: & quoniam non possunt appropinquare præ turba, nudant tectum alienum, positumque paralyticum demittunt, Domino præsentant, & commendant.

Secundò notandum est: Charitati nihil difficile esse, nihil inuium, nihil clausum: peruia omnia, aditus faciles, fores non semper quærit, tecta, tegulas rumpit, parietes suffodit, modò proximo proffit, illique tempore opportuno opem ferat, excusationes nullas quærit, oblatas repudiat: quomodo inimici- tijs, odijs, rancoribus omnia clausa, omnia obserata, ac mille seris obstrusa, sex- centis molibus opposita & impedita.

Tertiò notandum est, maliciam & curiositatem hominum, falsasque de Christo opiniones, plerumque illustrandæ illius doctrinæ, eiusque augendæ gloriæ causam esse. Nisi enim Scribæ & Pharisei intra se malignè cogitassent, ac blasphemiam Christo obiecissent, nunquam Saluator tam euidentibus argu- mentis, aut tam insigni miraculo, diuinitatem suam in omne posterum tempus asseruisset. Idem in hæresibus euenit: ideò eam veritatem, quam extinguere volunt, illustrent & declarant; neque tamen, ut & isti aliquam laudem, sed po- tius poenam & obiurgationem merentur.

Quintò notandum est, duobus validissimis argumentis, contra omnem Pharisaicam & Arianam impietatem, hoc loco Christum Dominum diuinita- tem suam demonstrare. Qui scit cogitationes hominum, Deus est. Tu solus no- sti corda hominum. &: Scrutans corda & renes Deus. & apud Paulum: Quis hominum scit, quæ sunt hominis, nisi spiritus hominis, qui in ipso est? Sed Christus nouit cogitationes Phariseorum; sic enim inquit Euangelista: Cum vidisset Iesus cogitationes eorum. Verus igitur Deus, verus *καὶ θεὸς ὁ υἱὸς τοῦ θεοῦ* est. Secundum argumentum sic colligit Hilarius: Nemo potest dimittere peccata, nisi solus Deus: ergo qui remittit, Deus est: quia nemo remittit, nisi Deus. Deus in homine manens, curationem homini præstabat, & nulla ei a- gendi

2. Par: 6.

Psal: 7.

1. Reg: 16.

1. Cor: 2.

gendi aut loquendi erat difficultas, cui subest totum posse, quod loquitur. Infirmities sanare, etiam sanctorum est: peccata dimittere, solius Dei. Est & tertium, quod ex hoc loco elici potest, diuinitatis Christi argumentum; quod tamen eleuat suo more Calvinus: Solius Dei est, intueri alterius fidem. nam homines ea sola vident, quæ extra sunt; atqui Christus Dominus istorum respicit fidem: verus igitur Messias & Deus est.

- 6 **N**Otandum sextò contra Anabaptistas: Fidem alienam alijs prodesse, si suam, non aliquo vitio suo, sed imbecillitate aut defectu, habere non possunt. Quod in paruulis euenit, quos in fide parentum ac susceptorum baptizamus. Neque tamen illud cum Caluino docemus, eam fidem à parentibus naturali quadam origine dari; sic enim ille inquit: Idem de singulis fidelibus sentiendum euenit, quòd parentes Dei gratiam fide sua ad liberos & nepotes propagant, etiam antequam nascuntur: hoc enim soli filio Dei proprium fuit, vt sanctus nasceretur, & paucis quibusdam alijs, Ieremiæ, atque Ioanni baptistæ. nam de cæteris illud legimus: Eramus naturâ filij iræ.

Ephē: 2.

- 7 **N**Otandum septimò: Fidem alienam nobis prodesse, & ad sanctorum communionem pertinere. Ergo non minus spes & charitas, & alia bona opera nobis prodesse possunt; si modò ea in ijs miremur, laudemus, atq; etiam ipsi imitari velimus. In quo genere se inueniri Dauid profitetur: Particeps ego sum omnium timentium te. Primùm illud de fide, concedit & ipse Calvinus: posteriora negat, nulla consequentia.

- 8 **N**Otandum octauò: Et si vi & natura sua proprium est solius Dei peccata dimittere, iuxta illud: Ego sum qui deleo iniquitates tuas propter me: tamen vi participata & communicata, vicaria & administratoria competit etiam sacerdotibus ministris Dei, non tantùm, vt inquit Calvinus, dimissa à Deo denunciare aut testari; sed etiam dimittere, iuxta illud: Quorum dimiseritis peccata, dimittentur eis.

- 9 **N**Otandum nonò: hanc ipsam turbam, hoc ipsum prophetico quodã spiritu vidisse; daturum scilicet aliquando Deum eam gratiam hominibus, vt & ipsi peccata condonare possint. Sic enim scribit Euangelista: Turbæ autem quæ videbant, admiratæ sunt & glorificauerunt Deum, qui dedisset eam potestatem hominibus. Et turbæ quidem rerum ignaræ, spiritu quodam Dei, pro hac ipsa potestate glorificauerunt Deum. Quàm multi christiani, contemnunt alij, negligunt alij, impugnant etiam alij. Sed ita plerumque fit, vt quæ Scribæ & Pharisei, hoc est, sacerdotes & philosophi blasphemant & rident; ea turbæ mirentur, ac pro his glorificent Deum.

- 10 **N**Otat hoc loco venerabilis Beda, quinq; differentias causarum, ob quas mortes & cæteræ miseriæ homines vexare solent, pro quibus in hac vita corporis molestijs affligimur: aut ad augenda merita per patientiam; vt B. Iob: aut ob custodiam virtutum; sicut Apostolo Paulo datus est stimulus carnis, siue angelus sathanæ colaphizans, ne magnitudine reuelationum extolleretur: aut ad corrigenda peccata; sicut Maria soror Aaron, propter temeritatis verba lepra percussa est: aut ad gloriam Dei; sicut infirmitas Lazari, non ad mortem, sed pro gloria Dei fuit: aut ad inchoationem æternæ damnationis, quod reproborum est proprium; sicut Antiochus & Herodes præsentī miseriæ cunctis ostendebant,

debant, se passuros esse perpetuò in gehenna. Vnde dicitur: Duplici contritione contere nos.

SERIES
EVANGELII

SECUNDUM miraculum est capitis noni, Matthæi conuersio: quæ etsi ab alijs inter miracula non recensetur; mihi tamen miraculum maximum esse videtur, & propriè tale, quod maximè omnipotentiam diuinam demonstret. Quid enim magis diuinum, quàm ex peccatore iustum, ex auaro liberalem, ex publicano Apostolū & Euangelistam efficere; vt esset primo exordio in Christo gratiæ non modò testis & præco, sed & testimoniū & typus, idque efficere vno verbo, eodè momento, quod ipse literis mandare non erubescit. Videbatur etiam gentilibus, Porphyrio, Iuliano, ea res perabsurda, indèq; coarguebant vel imperitiam historici mentientis, vel stulticiam eorum, qui statim secuti sunt Saluatorem, quasi irrationabiliter quemlibet vocantem hominem sint secuti; cum tantæ virtutes, tantæque signa præcesserunt, quæ Apostolos, antequam crederent, vidisse dubium non est. Certè fulgor ipse ac maiestas diuinitatis occulta, quæ etiam in humana facie relucebat, ex primo ad se videntes trahere poterat aspectu. Si enim in magnete lapide & succinis hæc esse vis dicitur, vt annulos & stipulas, & festucas sibi copulent; quantò magis dominus omnium creaturarum ad se trahere poterat, quos volebat? Animæ ista curatio est, mentis resurrectio, quæ ipsius Dei vi & virtute efficiatur oportet. Non miraculū igitur est hoc tantum; sed magnum miraculum, aut maximum potius. At cæteri Euangelistæ propter reuerentiam & honorè Matthæi, noluerunt eum nomine appellare vulgato; sed dixerunt, Leui: duplici quippè vocabulo fuit. Ipse autem Matthæus, secundum illud, quod dicitur à Salomone: Iustus est accusator sui in principio sermonis: & in alio loco: Dic tu peccata tua, vt iustificeris: Matthæum se & publicanū nominat; vt ostendat legentibus nullum debere desperare salutem, si ad meliora conuersus sit; cum ipse de publicano in Apostolum repente sit mutatus. Post miraculum, dat occasionem doctrinæ inuidia Scribarum & Phariseorum, qui abducere ab eo volentes discipulos, inquiunt: Quare cum publicanis & peccatoribus manducat magister vester? Ingressus enim erat Dominus in domum Matthæi, & cum publicanis conuersabatur, vt & Matthæum honoraret, & seipsum bonitas ipsa familiarem præberet, nihil peccatoris causam, nihil opprobria illa peccatorum veritus. Lumen enim non metuit tenebras, radij solis sordes. Publicanos autem duplici ex causa oderant Iudæi, primū, quòd hoc genus hominum sine alterius iniuria & offensione esse non posse arbitrabantur: secundò, quòd idem genus hominum cum gentilibus commiscebatur, ab illisq; vectigalia redimebat, Romanos amabat, quos ipsi Iudæi tanquam dominos ac libertati suæ insidiantes, gentis suæ inimicos meritò oderant; & omnes illos, cum quibus eis aliquid erat familiare, suspectos habebant. Ibat autem Dominus ad conuiuia peccatorum, vt occasionem haberet dicendi, & spirituales inuitatoribus suis præberet cibos. Denique cum frequenter pergere ad conuiuia describatur, nil refertur aliud, nisi quid ibi fecerit, quid docuerit: vt & humilitas Domini, eundo ad peccatores, & potentia doctrinæ eius, in conuersione poenitentium demonstretur, quomodo Matthæum dum vocauit, in eius mentem ingressus recubuit.

VT autem mel in deserto de petra eduxit Dominus, & oleum de saxo durissimo: 12

rissimo: ita hoc murmur istorum de vera petra, Christo Domino, elicit duo axiomata ac propositiones omni melle dulciores, omni oleo molliores. Quorum primum causam aduentus filij Dei in carnem docet, qui debilium & labentium baculus est, pereuntium & naufragantium portus. Non opus est, inquit, benè valentibus medico, sed malè habentibus: Non veni vocare iustos, sed peccatores. Multos hæc sententia ab Orci ipsius portis reuocauit: multos de cœno peccatorum erexit: multos naufragos saluauit. Fuit hæc eadem doctrina Pauli: Fidelis, inquit, sermo, & omni acceptione dignus, quòd Christus venit peccatores saluare, quorum primus ego sum. Et alio loco: Qui dedit redemptionem semetipsum pro nobis. Quod axioma grauem illam quæstionē auferre videtur: Vtrum si Adam non peccasset, Christus carnem non assumpsisset. Clarè enim dicit, se peccatorum causa venisse. Tolle ergo morbos, tolle vulnera, dicebat Augustinus, nulla restat medicinæ causa. Item scribas & pharisæos damnat, qui iustos se existimantes peccatorum & publicanorum confortia fugiebant, illud præ se ferentes, se medico opus non habere, cùm lethali- ter decumberent. Secundum autem axioma dulcissimum est. Euntes, inquit, *osæ 6.* discite, quid est, misericordiam volo non sacrificium. Sacrificijs nitebatur Iudæa, misericordiam eiusque opera negligebat. Nomine sacrificij omnem externum cultum designat, & Dominus, & propheta; quemadmodum & misericordiæ nomine, omnia benignitatis & humanitatis officia in proximos.

13 **N**otandum est autem primò, ad omnem functionem inprimis Dei vocatione opus esse. Grauius enim fert Dominus, vbi quis se ingerit, curritque non missus: Et, Nemo sibi assumat honorem, inquebat Paulus, nisi qui vocatus fuerit à Deo, tanquam Aaron.

14 **N**otandum secundò, Dei vocationi subitò parendum, quod nunc facit Matthæus. Et longè ante Isaias: Dominus Deus aperuit mihi aurem, ego autem non contradico, retrorsum non abij. Nescit enim tarda molimina Spiritus sancti gratia, dicebat Ambrosius.

15 **N**otandum tertio: qui Christum in Apostolatu sequi vult, illum debere relictis omnibus Christum sequi, fratribus, nepotibus, honoribus, opibus relictis. Ecce nos reliquimus omnia, & secuti sumus te.

16 **N**otandum quartò: præterita peccata non nocere, si non placent præsentia: & non tantum ad salutem consequendam, verum etiam ad magnas & sublimes dignitates non obesse: quomodo Matthæo nihil obfuit, quòd publicanus fuerat, ad id, vt Apostolus & Euangelista esset; neque Paulo, quòd persecutor; neque Petro, quòd ter negarit; neque Thomæ, quòd incredulus fuerit; sed neque Augustino, quòd Manichæus; neque Iudæ quidem, quòd tradiderit; si ad se redire voluisset, aut potius ad Dominum.

17 **Q**uintò notanda sunt pericula & incommoda, quæ eos sequi solent, qui non expectata vocatione, in aliquod munus se ingerunt, & ordiuntur telam, sed non in nomine Domini.

18 **P**rimum igitur absurdum est, hoc ipsum esse ordinationem diuinam, ac prouidentiam anteuertere, clauum ac gubernacula ex manu Dei quodammodo eripere; vt non id fiat, quod propheta iubet: Iacta super Dominum curam

ram tuam, & ipse te enutriet: neque id quod precamur, Fiat voluntas tua; sed hoc potius, ut quod nos velimus, hoc fiat, & ille velit: Hoc est omnem sufficientiam in se transferre: hoc non est diligere Dominum in corde suo, & lingua sua mentiri illi, Fiat voluntas tua.

Secundum incommodum, quod is talis omnem ecclesiasticum ordinem inuertit & perturbat. Quæ enim à Deo sunt, ordinata sunt: qui autem ordinationi Dei resistit, Deo resistit. Si enim omnia membra caput, ubi manus? ubi pedes? Nunquid omnes, inquit Paulus, Apostoli, omnes prophetae? virtuti, pietati, eruditioni, omnis præcluditur aditus: differentia idoneorum ab eis, qui idonei non sunt, aufertur omnis. Qui enim se ipso in acquirendis honoribus utitur teste, inquit Augustinus; stulto & vanissimo teste utitur.

Tertium periculum est, non facile hunc talem felicem successum functionis suæ sperare posse. Cum enim illud verissimum sit, Sine me non potestis quidquam facere; profectò qui sine illo capit, non potest cum illo persequi aut finire. Et cum ad omnes functiones, siue illæ sint spirituales, siue temporales, supernis auxilijs quibusdam opus sit; proinde, quos Deus ipse vocat & diligit, solet, & quodammodo ex congruo tenetur, ad eam functionem rectè obeundam, specialia illis auxilia dare. Quemadmodum illi, qui se ingessit, aut turbauit, nihil tale dare obligatur, nihil speciale illi debet. Neque enim isti piscatores, isti publicani profecissent, nisi Dominus adiuuisset illos, nisi cooperatus fuisset: iuxta illud, Illi autem, inquit, profecti, prædicauerunt, ubique Dño cooperante, & sermonem confirmante, sequentibus signis. Et Paulus: Neque, inquit, qui rigat, neque qui plantat est aliquid, sed qui incrementum dat Deus. Videmus, quid nunc fiat, quò ecclesia deducta sit. Principes reipub. in ecclesiasticis functionibus præsidere videmus, magnis familijs, doctrina excellenti, eloquentia summa, prudentia vsuque rerum maximo, opibus immensis, clientelis infinitis; proficitur tamen parum, aut nihil: in vanumque laboramus. Cur ita? Ordinem telam, sed non in nomine Domini. Quàm timidi simus, quàm nihil audeamus, quantum nullo persequente fugiamus, quid referam? neque enim dicere audemus: Pone me iuxta te, & cuiusuis manus pugnet contra me.

Quartum, quod hoc genus hominum id minimè consequitur, quod maxime spectare solet, fidem, authoritatem, dignitatem, tam apud eos, qui conferunt, quàm apud eos quibus præsent: quæ tria sunt maxima magistratus solatia & ornamenta. Carent publico testimonio, carent & honore, qui à libera & spontanea hominum voluntate promanat. Cum nemo sit, qui ignoret, eos non iudicio, sed aut necessitate, aut importunitate, aut precario, aut cognatione, aut quod turpissimum est, pretio in eos locos euectos esse. Honor siquidem, in quo liberum abest iudicium & sensus, nullus est: quinimò in locum honoris succedit dedecus, in locum fidei contemptus, in locum authoritatis neglectus, in locum laudis detractio: & qui antea sub titulo viri boni clarus & honestus fuit; & hoc ipso, quem turpiter comparauit simul & amisit, honore, infamis euadit: semperque illud consequitur, ut quem antea omnes amabant & laudabant, exemplum & parabola ciuitatis sit, digitoque monstretur, illudque de eo occinatur: Cur spolieris, habes non cur metuaris ab hoste? nempe fructum ambitionis, inuidiæ & infamiæ referens.

Vltimum

22 **V**Ltimum & summum malum, iudicium intolerabile, & quod excusationem nullam recipit. Qui se exaltat, humiliabitur: & qui se humiliat, exaltabitur. Amice, quomodo huc intraſti, non habens veſtem nuptialem? Sic iſtis dicetur, eos tot populos, tot eccleſias, tot animas, ſua perdita ambitione perdiſſe. Si enim ille, qui vocatus eſt ad nuptias, ea tantum de cauſa, quod veſtem nuptialem non habuit, ligatis pedibus & manibus in tenebras exteriores conijcitur; quid iſte, qui non vocatus ad nuptias venit, qui primum accubitus vi aut precio occupat, qui plerumque digniorem ſe, ex illo deiicit & deturbat? Quos quidem omnes, Deus nonnunquam permittit eos honores conſequi; vt inde maiorem damnationem conſequantur. Concludamus igitur totam hanc, Magni Gregorij verbis, cauſam, qui de ſuo Mariniano ſic: Magnam, inquit, *Grego. epiſt. 89. lib. 4.* confidentiam habeo, quia omnipotens Deus, qui eum dignatus eſt ſuo gregi præponere, & ad interiora illum curanda exacuet, & ad exteriora gerenda gratiæ ſuæ pietate confortabit. Sed quia poſt longa quietis otia eius, vt prædiximus, nouitas proculdubio perturbatur; peto, vt cum venerit, tempeſtatum ſecularium procellas fugiens, ſemper apud veſtram mentem portum quietis inueniat, & de veſtræ bono charitatis hilareſcat. Quantum verò vobis cum illo conuenire valeat, citius cognoscetis, quia ad Epiſcopatum venit inuitus. hæc Gregorius. Quo in vitio ſunt duo genera hominum. Primum hæreticorum doctores & miniſtri, qui nulla legitima vocatione expectata, ſeſe in Apoſtolicum munus ingerunt: qui vel hoc Apoſtolicum loco conuincuntur, eos ex Deo non eſſe, quia ab illo, neque per illum ipſum, neque per debita media ſunt vocati. Secundum genus catholici, modum ambitionis ſtatuerere nescij, tanquam eius rei non aliquando ſtriſta ratio illis apud iudicem reddenda ſit. Quanquam plerumque ad pœnam, & ipſorum, & populorum, Deus regnare permittit, vt flagellum ſint, & flagello pereant. Propter peccata enim populi permittit Deus regnare hypocritas.

23 **S**Ed quandoquidem tantum periculi eſt, non expectata Dei vocatione, in huncque locum multi illidunt; multaque homini imponere ſolent; & multi ſibi falſo aſſentantur: quæ tandem ſigna erunt diſcernendæ veræ vocationis, ab ea quæ falſa eſt, & cum tentatione coniuncta? An fortasſe iſta?

24 **P**rimum igitur ſignum, idque euidentiffimum erit, ſi non intercedit aliquod peccatum mortale; quandoquidem peccatum parit iram Dei, quæ cum gratia naturâ pugnat, nemoque ſimul Deum & iratum & propitium habere poſteſt. Odio enim eſt Domino impius & impietas eius: eaque eſt Dei potentia, vt nullis improbis medijs ac remedijs ad ſua dona largienda egeat. Si quis igitur ſibi conſcius eſt, in aliquo honore acquirendo peccati mortalis; ſciat vocationem ex Deo non eſſe: quæ enim conuentio Deo cum Belial, luci cum tenebris?

25 **S**ecundum ſignum, ſi intentio honorem adeuntis recta eſt. Recta autem erit, ſi ad laudem Dei, & vtilitatem proximi refertur, ſi non reſpicit carnem & ſanguinem: Si enim oculus tuus eſt lucidus, totum corpus erit lucidum; ſi oculus nequam, totum corpus tenebræ. Nam cum in omni magiſtratu duo ſint, munus & res muneris; munus voco negotium & functionem, qualis eſt in Epiſcopo docere ac regere eccleſiam Dei; regis, iudicio ac armis, populos ſibi comiſſos,

missos, defendere : res autem muneris, honor, dignitas, & præmium, quæ magistratum consequi solent : qui priore parte omiſſa, posteriorem hanc ſequitur ; huius oculus nequam eſt, huic oſtarius Spiritus ſanctus oſtium non aperit, hic fur eſt & latro. Talis fuit Scriba, & philoſophus ille, de quo paulò antè diximus, quem Chriſtus à contubernio ſuo excluſit : talis Simon magus, cuius pecuniam Petrus in perditionem ei eſſe iubet ; hic cauponari, non prædicare euangelium vult.

Tertium ſignum eſt, qui eo modo, vt par eſt, & apud quos conuenit, & per quos oportet honorem quærit. Si igitur genere, ſi familia, ſi ad extremū pecunia (qua iniquum eſt, quod virtuti debetur tentare) medijs ad rem conſequendam vteris : ſi plebem, multitudinem, ſi mundanas poteſtates, ſollicitas : ſi matrem, ſi puerum, ſi puellam, ſi hæreticum aut ſchiſmaticum, aduocatum quæris ; Deus his talibus patronis non adiungit ſe aduocatum, qui omnia decenter & ordine ſuo ſolet facere.

Quartum ſignum eſt, ſi is, qui aliquam petit dignitatem, ſentit ſe ijs præſidijs & ornamentis ac inſtrumentis inſtructum eſſe, quibus opus eſt ijs, qui illi loco dignè præeſſe poſſint. Nam ſi ijs carent, & tamen præeſſe volunt, Deum tentāt, miracula ſine cauſa quærunť : ac ſi quis cæcus ducem videntium ſe præbere velit, feſtucam de alterius oculo eiicere, qui in ſuo trabem non videat : vt ſi quis Episcopatum deſideret, legem autem Dei non norit : ſi quis iudicis officium affectet, leges autem ignoret : ſi imperator eſſe velit, qui miles nunquam fuit : ſi miles ſine manibus. Qui igitur his caret, det locum melioribus, Deum nõ rentet. Solet quidem diuina maietas, eis, quos ad aliquod munus vocat, prius gratiam & dona ad eam rem optimè perficiendam dare : quomodo Moysen ad educendum populum ſuum miſſurus, prius in omni Æthyopum & Ægyptiorum doctrina inſtructum eſſe voluit : Sic Daniele, liberatorem ex captiuitate Babylonica facturum, & omnibus doctrinis inſtruxit : ſic duodecim Apoſtolos triennio toto ipſe docuit. Quæ qui habet, non recuſet laborem, talenta non ſuffodiat : qui non habet, habentis locum non occupet, pulchrè in ſuis ſtet, aliena non appetat.

Quintum ſignum eſt, cū nulla vel minima humana cura humaniſq; medijs, præter ſpem & expectationem munus offertur. Quid magis ſpretum Moysen, pecora foci ſui paſcentis ? quid magis Dauide, poſt foetantes ambulantis ? quid magis remotum ab Apoſtolatu, quàm Paulus ? quis minus Euangelista, quàm Matthæus teloniorum computator ? Nam & parentes libentiùs filijs ſuis tribuunt, de quibus minus ſollicitos vident, quàm quæ ambitioſè petunt.

Vltimum ſignum eſt, ſi quis in nouam dignitatem euectus, euadit in alium hominem : hoc eſt, ſi ex molli & diſſoluto, fit grauis & conſtans : ſi ex ſuperbo, humilis : ſi ex auaro, liberalis : ſi libenter & cum fructu officium ſuum exequitur. Neq; enim dona Dei poſſunt in quoquam eſſe otioſa. Sic enim de Saul Propheta : Inſiliet in te ſpiritus Domini, & prophetabis cum eis, & mutaberis in virum alium. & de Dauide : Immutauit ei Deus cor aliud, & venerunt omnia ſigna hæc in die illa. Quod idem in D. Paulo apparuit : laboraui plus cæteris. In hoc item Matthæo, quem interpretamur, qui ſtatim relictis omnibus ſecutus eſt Chriſtum. Quod idem in noſtro rege STEPHANO aliquando vidimus.

Et hæc

Et hæc quidem sunt signa vocationis: quæ etsi singula fallere possunt; omnia tamen simul sumpta, nunquam fallunt: magis tamen laudabile semper fuit, magnos honores & dignitates fugere, quàm obstinatè & instanter persequi, illisq; se ultro offerre. Fecit hoc Moyses: Obsecro, inquit, Domine, non sum eloquens. Fecit Ieremias: Ah ah ah Domine Deus, ecce nescio loqui. Fecere primaria lumina ecclesiæ, Basilius, Nazianzenus, Chrysostomus, fecit Gregorius Magnus: alij se membris necessarijs truncabant: alij mortes præsentis impe-
 26 trabant; nunc turba ruunt. Sed de Matthæo, eiusq; vocatione fatis.

SERIES
EVANGELII.

13 **D**Ant deinde nouæ doctrinæ occasionem Ioannis Apostoli, vt superius
 Pharisei dederunt: quanquam hoc idem alij Euangelistæ, iisdem Scribis & Pha-
 risæis ascribunt. Videbant Ioannis discipuli Christum Dominum, cum pecca-
 toribus atq; publicanis manducantem: videbant item discipulos, qui ab illo
 nunquam separabantur. Vel igitur ex æmulatione, vel ex curiositate, vel ex fan-
 27 ctimoniæ suæ iactantia, quærunt: Quare nos & Pharisei ieiunamus, discipuli
 autem tui non ieiunant? Pharisaicum hoc fuit fermentum, non Ioannis casta
 doctrina. Sequitur igitur cælestis institutio: sequuntur rosæ ex spinis decer-
 ptæ. docet Christus Dominus, se sponsum cælestem esse, ecclesiam sanctam
 sponsam sanctam. quod clariùs Paulus explicat: Despondi vos vni viro virginem
 castam exhibere Christo. Filios autem sponsi vocat Apostolos: Tempus enim
 incolatus atque conuersationis, tempus nuptiarum atq; desponsationis; indeq;
 colligit iniustum & inconueniens esse, filios in die desponsationis patris sui lu-
 gere, aut ieiunare, cum post tempora luctus & ieiuniorum multorum conse-
 quantur. Quæ omnia consentanea sunt doctrinæ præceptoris istorum Ioannis:
 Qui, inquit, habet sponsam, sponsus est. De quo sacro spiritali connubio
 Apostoli procreati sunt, qui neque lugere, neq; ieiunare debebant, quàm diu
 sponsum præsentem habebant. Docet igitur magnam differentiam esse inter
 discipulos eius & Phariseos; euangelica præcepta, & veteris legis: nec simul
 legem & euangelium retineri posse; quod duplici similitudine demonstrat.
 Primùm pannos veteres cum nouis non faciliè cohærere, maioremq; scissu-
 ram facere; vtpotè alia firma & robusta, alia attrita & faciliè dilabentia. Sic eo-
 dem modo vasa vetera, vina noua non ferre, vtpotè quæ faciliè vas rumpant; va-
 28 sis item veteribus accommodatiora esse vetera, vtpotè quietiora, minusq; ex-
 halantia. Lex ergo euangelij, Apostoli, Apostolica vita, nouus pannus, vinum
 nouum: vasa vetera sunt synagoga, lex, Pharisei item, qui maiorum deprauati
 traditionibus, synceritatem mandatorum Dei seruare non poterant; attritis
 pannis, vasis veteribus & debilibus coniungi non poterant. Quanquam per
 29 novos pannos hoc loco infirmos Apostolorum animos quidam recentiores si-
 gnificare velint; sed aliter veteres sentiunt. Fusè illam doctrinam persequitur
 Paulus, in tota illa epistola, quam ad Galatas scripsit, eosq; obiurgat, quòd
 istos pannos, hæc vina, Euangelium, inquam, Apostolicamq; doctrinam cum
 lege veteri denuò consuere volebant: O insensati Galatæ, quis vos fascinavit?
 Quod idem de ieiunijs christianis, vnde hæc doctrina orta, atque Iudæorum,
 sentiendum est.

14 **N**Otandum est autem primùm hoc loco, Christum ecclesiæ Dei esse spon-
 sum, ecclesiam autem eius esse vnicam sponsam. Impiè igitur ac nefariè agere
 hæreti-

hæreticos, qui spiritualis fornicationis & adulterij, hoc est idololatriæ illi notam inurant; magis autem ipsi sponso, qui suam sponsam eò idololatriæ, infamiæ patiat peruenire, contra illud: Non dormitabit neque dormiet, qui custodit Israël.

Notandum secundò, Apostolos esse & dici nunc fratres Christi, nunc filios, nunc amicos sponsi, quanquã filij sponsi, siue thalami nuptiarum, Hebraica phrasi, pro conuiuiis nuptiarum hoc loco vsurpati sunt: & ideò honore & veneratione dignissimos, vt fratres, vt filios, vt amicos sponsi; quos, qui non honorat, Patris, Filij, & sancti Spiritus amicus non est, sponsum ipsum contemnit. Atqui hoc impiè & nefariè facit hæresis.

Notandum tertio, ante tempus iudicandum non esse; quod nunc turpiter Ioannis discipuli faciunt. Vitandum item hoc loco, ne leui de causa atque prætextu, discordias internas seminent improbi & astuti homines: præsertim cauendum ne ob ritus externos, scindatur fidei consensus, & rumpatur charitatis vinculum.

Notandum quartò, pannos nouos affutos veteribus esse hæreses, quæ noua veteribus se affuere profitentur; & affuerent si quidem possibile esset, partemque nouitatis, partem antiquitatis præ se ferunt: & ideò decreto Christi plus lacerant, quàm consuunt, plus nocent, quàm prosunt ecclesiæ.

Notandum quintò, ecclesiam Dei post sponsi sui in cælum ascensum, arcta & frequentia ieiunia seruare, & instituere debuisse, vtpotè sponso ablato: quod hæresis non videt, sed tanquam præsentem sponso, larga & effusa esse vult. Atqui iam non hoc idem fiebat, post discessum Christi, temporibus Pauli, Sed in ieiunijs multis, &c.

Notandum sextò, etsi ieiunium sit res sancta, & Deo grata: tempus tamen suum habere deberet. quod nunc Ioannis discipuli atque Pharisei non vident, quibus se hæretici adiunxerunt. Ideò grauem Christi reprehensionem referunt, iuxta illud veteris Salomonis decretum: Tempus, inquit, gaudij & luctus. Notat item hoc loco Hieronymus: Nonnulli putant, idcirco post dies quadraginta passionis ieiunia debere committi; licet statim dies pentecostes, & Spiritus sanctus adueniens, indicent nobis festiuitatem. Ex huius occasione testimonij Mantanus, Priscilla, & Maximilla, etiam post pentecosten faciunt quadragesimam; quod ablato sponso, filij sponsi debeant ieiunare: Ecclesiæ autem consuetudo, ad passionem Domini & resurrectionem, per humilitatem carnis venit; vt spirituali saginæ ieiunio corporis præparemur. Iuxta tropologiam autem sciendum, quod quàm diu sponsus nobiscum est, & in lætitia sumus, nec ieiunare possumus, nec lugere. Cùm autem ille propter peccata à nobis recesserit, tunc indicendum ieiunium esse, tum luctus recipiendus.

Nec illud tamen omittendum est, D. Hilarium hæc ad vsum corporis & sanguinis Domini in sacramento referre: In fide, inquit, resurrectionis sacramentum panis cælestis accipitur, & quisquis sine Christo est, in vitæ cibi ieiunio relinquetur.

SERIES
EVANGELII.

Sequitur deinde tertium & quartum miraculum penè permistum, in quo Dominus demonstrat, se esse mortis & vitæ, morborum ac languorum nostrorum

rum Dominum, non tantum aliqua parte sui, sed etiam vestimentorum suorum, atque adeo umbræ suæ. Accedit princeps vnus (Iairum, Marcus cum Luca vocat) adorat eum: Domine, inquit, filia mea modò defuncta est; sed veni, & pone manum tuam super eam, & viuet. Si defuncta est, ergo hic, quem petis, est vitæ & mortis Dominus. Etsi enim nemo ex principibus dicitur credidisse in illum, hoc est, spontè, vt fit; istum tamen necessitas & mors coëgit. Sequitur ergò Dominus seruum, inimicum amicus, creaturam creator, medicus ægrum, ad miraculum edendum. Quod dum facit, ecce alterius miraculi occasio se offert, beneficia beneficijs cumulantur. Ecce, inquit Euangelista, mulier, quæ sanguinis profluium patiebatur, totis duodecim annis, accessit, & fimbriam eius tetigit. Accedit autem non domi, non in vrbe: quia iuxta legem vrbibus excluderetur hoc genus hominum, quod tali genere morbi laborabat; sed in itinere; vt dum ad alium curandū vadit, & ipsa curetur: neq; vt tangatur petit, hoc enim lex prohibebat: fluentemque sanguine, qui tetigisset immundus erat. Hoc igitur quærit, non vt tangatur, sed vt tangat. Accedit ergo furtim retrò, metu simul & fiducia plena, tangit fimbriam vestimenti eius. Si tetigero, salua ero; vario affectu: nam & latere se posse credebatur, quod iniuriæ fuit; & ab ignorante curari, quod magnæ fidei. Prodit ergo vtrumque Saluator: quærit, sciens quis eum tetigerit: virtutem ex se prodisse affirmat: quassatum calamus non confringit, sed consolidat potius. Confide filia, fides tua te saluam fecit. In eo quod iam credidisti, salua facta es: Et salua facta est mulier in illa hora. Confidere autem eam iubet, vt quæ illum timebat, tanquam ea quæ furaretur gratiam: nam sine fide tactus non profuisset. Ita alteri salus, dum alteri differetur, collata est: & quod Israël parabatur, gentium plebi datur. Curata *αἰμορροῦσα*, prosequitur salutem. Saluator sequitur Iairum, principem synagogæ: domum eius venit, inuenit omnia funeri parata, tibicines, quos Græci *αὐληταὶ* vocant. (cantabat mœstis tibia funeribus, inquit ille, gentile solatium planctus, manibus præsertim innuptis) vnde & hanc innuptam, & turbam tumultuantē, quæ funus expectabat, eam recedere iubet, vtpotè quæ tantum miraculum & mysterium resurrectionis, vt videret, indigna fuit; vt quæ authorem eius indignis ludibrijs rideret: Filiam non esse mortuam docens, sed dormire Deo, cui omnia viuunt: apprensâ eius manu, vtpotè cuius mors apud eum somnus erat, retraxit ad vitam. Surgit puella, fama spargitur per totam urbem.

- 22 QVærit hoc loco Iustinus: Si in lege, qui mortuum tangebatur, impurus iudicabatur, quasi aliquid illicitum faciens: & nos mortuos, & eorum sepulchra abhorremus; cum mortuus & in vetere, & in nouo testamento impurus appelletur: Nōne Christus contra legem fecit, qui Iairi filiam resuscitans, manu prehenderit? nam etiam si illa tandem reuixerit; tamen mortuum erat corpus, cum tangeretur. RESPONSIO. Corporum cadauera & eorum sepulchra, abhorrentur propter foetorem, quem exhalant, non propter mortem. Si enim tantum propter mortem abhorrentur; non liceret mortuorum corporum animalium partibus vt ad vsum viuentium; vt corijs, & cornibus, & pilis, & bile, & adipibus, & carnibus; quæ quia mortua sint, nulla ratione negari potest. Quod si mortua sunt, & tamen propter vtilitatem quæ inde percipitur, non abhorrentur; absurdissimum est ea pura existimari propter vtilitatem quam afferunt: sanctorum verò martyrum corpora & sepulchra à gentibus

chra à gentibus abhorreretur, cum ea tueantur homines, ab infidijs dæmonum, morbosq; curent, arte medica incurabiles. Neque verò quidquam fecit Dominus, quod vel veteri vel nouo testamento esset contrarium: nec enim sub lege erat, cum mortuam illam, de qua in quæstione dictum est, suscitauit. Nam à baptisinate exorsus est Dominus regimen euangelicum, quod erat extra legis obseruationem: ideòq; non est contaminatus tangendo mortuo. Secundum nouum testamentum verò, ea sola polluunt hominem, quæ mala ex corde procedunt: at mortuum tangere, non polluit hominem.

Notandum est autem, magna hæc esse, quæ hic fiunt; sed longè maiora ²³ vetustissimorum patrum sententijs Hieronymi & Hilarij designari: principem istum legem & Patriarchas significare; puellam hanc, synagogam languentem, ac sub iugo decumbentem. Christum igitur Dominum, verum curatorem & saluatorem, à Patriarchis & Prophetis multis votis & desiderijs exoptatum, in mundum descendisse. Verum cum populus iste atque synagoga minus se gratiam præstitisset, gentilitatem ipsam, non vocatam, neq; electam, illi occurrisset, magna gratitudine ad se curandum prouocasse, ac indignitate sua professa, salutem impetrasse, iuxta illud: Vobis quidem oportuit primum prædicari verbum; sed quoniam indignos vos iudicatis salute, conuertimur ad gentes. Quibus sanatis & curatis, iterum eandem synagogam ad vesperum sanandam esse demonstrat. Pulchrè itaque Hieronymus: Vsq; hodie puella iacet in domo principis mortua: & qui videntur magistri, tibicines sunt, carmen lugubre canentes. Turba quoque Iudæorum, non est turba credentium, sed turba tumultuantium. Et nisi prius mundata fuerint manus Iudæorum, quæ sanguine plenæ sunt, synagoga eorum mortua non resurget. Huc tota tractatio de vocatione gentium, ac repudiatione Iudæorum referri potest, de qua Ambrosius præclare inter cæteros: huc magna pars epistolæ Pauli ad Romanos.

Notandum secundò, virtutem diuinitatis Iesv Christi non tantum ad ²⁴ omnes eius partes, sed & ad vestimenta se extendisse, ad omniaque ea, quibus eam communicare voluerit: quod clariùs post cap. 4. apparebit, quod ita D. Hilarius explicat. Est autem in simplici intelligentia magnæ virtutis Dominicæ admiratio, cum potestas intra corpus manens, rebus caducis efficientiam adderet sanitatis, eiusque in vestium fimbrias diuina operatio procederet. Non enim diuisibilis, aut comprehensibilis erat Deus, vt corpore clauderetur.

Notandum tertio, eandem nunc vim in sacramento corporis & sanguinis ²⁵ Domini inesse, quæ tum inerat, & quæ communicata fimbriæ fuit, & per quam *ἐπιποσγνῶσα* curata fuit. Vnde illud: Qui manducat meam carnem, & bibit meum sanguinem, in me manet, & ego in eo: & ego resuscitabo eum in nouissimo die. Sed si ea vis inest, cur tam exiguus fructus in ijs, qui sæpè ad illud accedunt, apparet? An quia indigni accedimus: ideò, inquit Paulus, inter vos multi infirmi, & dormiunt multi: an quia sine hoc munere deteriores essemus: an quia Dei est in eo genere aliquid certi statuere?

Notandum quartò, eandem vim corporibus sanctorum atque ossibus eo- ²⁶ rum tribuere, quam nunc tribuit Christus Dominus fimbriæ suæ. Vnde sudaria & semicinctia Pauli multos curasse, testatur Lucas: vmbraque Petri sanasse plurimos. Ossa sanctorum pullulabunt, inquit Sapiens; quod pulchrè explicat in

cat in aliquot locis Basilius. Sed quid mirum Christi fimbriam, & Apostolorum linteamina hæc efficere; si multò post caligula simplicis monachi Honorati, fide Libertini, mortuum ad vitam reuocarit? Libertinus enim Fundensis monasterij Præpositus, quodam tempore pro causa monasterij Abbatis iussu, qui Honorato eius magistro successerat, Rauennam pergebat. Pro amore verò eiusdem venerabilis Honorati, quocunq; Libertinus ibat, eius semper caligulam in sinu portare consueuerat. Itaque dum pergeret, accidit vt quædam mulier extincti filij corpusculum ferret. Quæ dum seruum Dei fuisset intuita, amore filij succensa, iumentum eius per frenum tenuit, atque cum iuramento dixit: Nullatenus recedes, nisi filium meum suscitaueris. At ille inusitatum habens tale miraculum, expauit petitionem illius, iuramenta declinare mulieris voluit, sed nequaquam præualens, animo hæsit. Considerare libet, quale quantumq; in eius pectore certamen fuerit. Ibi quippè pugnabat inter se humilitas conuersationis, ac pietas matris: timor, ne inusitata præsumeret: dolor, ne orbatæ matri non subueniret. sed ad maiorem Dei gloriam vicit pietas illud pectus virtutis, quod ideò fuit validum, quia deuictum: virtutis enim pectus non esset, si hoc pietas non vicisset. Itaque descendit, genua flexit, ad cælum manus tendit, caligulam de sinu protulit, & super extincti pueri pectus posuit. Quo orante, anima pueri ad pectus redijt, quem manu comprehendit, ac flenti matri viuientem reddidit, atque iter, quod cœperat, peregit. Hæc D. Gregorius lib. 1. Dialog: cap: 2. Et item lib. 3. cap. 15. Eutychius, qui prædicti Florentij viri Dei in via Domini socius fuerat, magnis post mortem claruit in virtute signorum. Nam cum ciues vrbs illius de eo soleant narrare miracula, illud tamen est præcipuum, quod vsque ad hæc Longobardorum tempora, omnipotens Deus per vestimentum illius assidue dignabatur operari. Nam quotiens pluuia deerat, & æstu nimio terram longa ficitas exurebat, collecti in vnum ciues vrbs illius, eius tunicam leuare, atque in conspectu Domini cum precibus offerre consueuerant. Cum qua dum per agros pergerent exorantes, repente pluuia tribuebatur, quæ planè terram satiare potuisset. Ex qua re patuit, eius anima quid virtutis intus, quid meriti haberet, cuius foris ostensa vestis iram conditoris auerteret.

44 **N**otandum quintò, inanimatis quibusdam rebus Deum impartitum eam gratiam, quæ fimbriæ eius adfuit. Ecclesiastici scriptores scribunt, hanc eandem *ἀνυμνηστικὴν*, sempiternæ memoriæ causâ, statuam æneam Christo erexisse in basi ænea. Effecisse autem diuinam virtutem, vt in eodem loco herba excreceret, quæ vbi summam attingebat fimbriam simulacri, ad sanandos omnes morbos idonea esset. Inuidit id malignus Iulianus, & sustulit: sed & ipse sublatu est. Quod si hæc adumbratio miraculi tantum voluit; quid de cruce sancta, quid de spinea corona, quid de clauis dicemus? Rumpatur licet hæresis, scribunt hæc Eusebius, Sozomenus, & Nicephorus lib. 10. cap: 30. authores grauisimi.

45 **Q**uemadmodum opera Christi infidelibus ac vanis hominibus, risui & subsannationi erant, iustis autem, & ad salutem prædestinatis, admirationi & gloriæ; ita & ministrorum eius, Deo in melius omnia vertente. Nam hic & istorum risus, ad maiorem laudem & illustrationem virtutis Iesu Christi conuersus est.

est. Ritus enim turbæ testatur, omnino puellam mortuam fuisse, nec potuisse nisi nouissimo die virtute solius Dei resuscitari: Inde consequitur illud notandum, quemadmodum Christum Dominum à verbi prædicatione, miraculisque bene merendi studio, neque maledicta & conuitia, neque illusiones & ludibria deterruerunt, sed neque laudes & commendationes extulerunt; eodem modo eius ministris fatagendum esse, vt neque rebus aduersis deterreantur, neque secundis efferantur; sed ipsum solum Dei honorem & proximi vtilitatem, tanquam metam & scopum omnium rerum suarum, propositam habeant. Vidit hæc omnia, quæ diximus ex hoc loco elici, Calvinus: & ideo eam totam hæmorrhousæ fidem, Christi que miraculum, more suo extenuat; quàm verè iudicet prudens lector. Verba eius hæc sunt: Fieri, inquit, potest, vt mulieris fidei aliquid vitij & erroris fuerit admistum, quod per indulgentiam tolerat & ignoscit. At Christus Dominus nihil dubitat: Confide filia, fides tua te saluam fecit.

SEquitur quintum & sextum miraculum huius capitis. Quintum quidem 46 de cæcis: sextum de muto dæmoniaco. Transeunte enim à principe synagogæ Domino, sequuntur eum duo cæci (vt nulla hora eum à beneficio conferendo vacuum esse cognoscamus) clamantes: Miserere nostri fili David. Messias siquidem eo nomine compellabatur, iuxta illud: Excitabo David semen iustum. Fuit ea apud Iudæos compellatio sanctissima. Non exaudiuit hanc vocem Calvinus, qui putat ex scripturis non constare, num Christus Dominus fuerit filius David. Audiat igitur Calvinus Euangelium: audiat Marcion & Manichæus, inquit D. Hieronymus, & cæteri hæretici, qui Davidem cum veteri testamento reijciunt: & discant, Saluatorem appellari filium David. Si enim non est natus in carne, quomodo filius David? Cùm autem venisset in domum, accesserunt ad illum duo cæci: ne tantum foris quidem pauperes suscipere videretur, domo excludere. Et vt exemplum det, non tantum foris benignitatem exercendam esse; sed etiam aliquando domi claudos, cæcos, debiles accipiendos, illisq; subueniendum esse. Primum ergo, vt solet, fidem eorum tentat. Creditis, inquit, quia hoc possum facere vobis? Dicunt ei: Vtique Domine. Tum tetigit oculos eorum dicens: Fiat vobis secundum fidem vestram: vt vtrumque concurrat tactus & fides. Et aperti sunt oculi eorum. Taceri signum iubet propter humilitatem: isti prædicant propter gratitudinem.

NOTandum est autem primum hoc loco, in omnibus istis curationibus, 47 quædam esse ex parte Christi, qui curabat, quædam ex parte eorum, qui curabantur. Ex parte Christi sunt partim voluntas ipsa, partim verbū & imperium, partim contactus, aut simile quid. Ex parte autem eorum, qui curantur, vel vocis, vel ceremoniæ externa fidei confessio & protestatio. Et ceremonia quidem ipsa, vt in ἀρροσθόσα, quæ tacet & tangit. Vox autem, vt in istis duobus cæcis. Quod planè idem in animæ curatione fit. Ex parte quidem curantis prima gratia, meritum Christi, promissio sacramentorum eius. Ex parte autem nostra, fides, spes, charitas, poenitentia, & alia: quæ ita naturâ coniuncta, semper hæresis disiungit, ac disiunxit antè. Ea quæ ex parte Dei sunt, auferebat Pelagius: ea quæ ex parte nostra, Lutherus, Augustana confessio, & alij sequaces. Iungit hæc simul vtraq; vna, sancta, & catholica Ecclesia.

Notandum

48 **N**Otandum secundò, quæ ex nobis sunt non sufficere, vt in nobis ipsis sint, vt & ea solus Deus videat; sed eò amplius, vt se foras prodant, ac ante oculos hominum ponantur. Ideòq; in his curationibus, & si istorum omnium fidem, eiusque mensuram Christus Dominus videat; non tamen quenquam illorum curat, quoad significationem aliquam suæ fidei foras proferant, præter eos, qui propter aliquod ægritudinis vitium id commodè præstare non poterant.

49 **N**Otandum tertio, non expectandum esse populo christiano, vt illi præscribantur modi & rationes, quibus gratitudinem suam prædicet, misericordias Domini cantet: cum, etiam si prohiberetur, ne prædicaret beneficia Dei, omnibus modis & viribus prædicare deberet, quod in cæcis istis apparet, quibus interminatum est; misericordias tamen Domini prædicant. Hæresis ex præscripto se omnia facere iactat. Qui timent igitur Dominum, laudent eum: vniuersum semen Iacob glorificet eum.

50 **N**Otandum quartò, optandum esse viris Apostolicis atque Ecclesiasticis talem diffamationem, qualem nunc Christus Dominus à cæcis istis refert: diffamationem, inquam, doctrinæ, laborum, miraculorum, curationum; sed vereor, ne contraria eueniant omnia.

51 **N**Otandum quintò, hoc loco docere patres, duos istos cæcos, duos populos significare, Gentilem, inquam, & Iudaicum: vtrumq; tum temporis cæcum, vtrumq; lumine cælesti indigentem, vtrumq; à Christo curandum. Vterque, inquit Hieronymus, cæcus erat populus, Domino per hoc seculum trans-eunte, & cupiente reuerti in domum suam, &c. Sed de cæcis satis.

52 **C**æcos statim sequitur mutus dæmoniacus. Ecce obtulerunt ei dæmonium habentem, & eiecto dæmonio, locutus est mutus: (mutus non naturâ, sed improbitate sathanæ, qui eius ligauerat linguam) & miratæ sunt turbæ dicentes: Nunquam apparuit sic in Israël. Pharisei autem dicebant: In principe dæmoniorum eijcit dæmonia.

53 **I**N quo muto duo notanda sunt: primò Dominum Christum non expectare pro misericordia sua ab aliquo quidquam aliud, præter ea quæ præstare potest: ideò cum ab alijs omnibus, quos curauit, singulare specimen, & confessionem fidei expetierit; ab hoc tamen non requirebat, cum non ignoraret eum mutum esse, ac linguam eius à dæmonio teneri; cuius vinculis solutis demum cœpit loqui. Deinde in eodem loco notandum est, turba glorificante & laudante Deum, ac omnipotentiam eius celebrante, Phariseos ac Scribas blasphemare, ac in principe dæmoniorum hæc fieri calumniari. Quis enim cæcus, nisi seruus meus, inquit Dominus, & ad quem locutum est os meum? Docemur autem hoc loco, vbi ad extremum cæcitatatis impietas deducta fuerit, nullum esse opus tantum, quod calumnia sua non euertat. In principe autem dæmoniorum dæmonia eijcere, nihil aliud significare, quàm per communem consensum, & communia consilia cum summo & maximo dæmone, id efficere. Quæ contumelia maior esse non potuit in eum, qui ob eam causam venit, vt principem dæmoniorum eijciat foras. Quo tamen dignissimus Dominus non offenditur, sed magis ad docendum & curandum prouocatur. Addit enim Evangelista, tanquam per summam & catalogum laborum & contentionum: Circuibat autem

bat autem Iesus omnia castella & vrbes, vt non consideraret, inquit Hieronymus, notitiam potentium, sed salutem credentium: docens in synagoga eorū, & prædicans Euangelium regni, & curans omnem languorem & infirmitatem; hoc habens opus, quod mandarat ei pater; hanc esuriem, vt doctrina sua saluos faceret multos; curabat omnem languorem & infirmitatem, vt quibus sermo non persuaserat, opera persuaderent.

Transit deinde ad sequentia Euangelista: Videns autem & turbas, quæ 54 illum sequebantur, misertus est eis, quia erant vexatæ, partim à peccatis, partim ab erroribus, partim à dæmonijs, & errantes, sicut oues non habentes pastorem.

Vexatio gregis & ouium, pastorum culpa, & vitium magistrorum est, inquit Hieronymus. Operarios & magistros vocat, Apostolos & imitatores eorum qui mittuntur ad messem. Messis, inquit, multa, operarij pauci: alludens ad illud Dauidicum: Euntes ibant & flebant, mittentes semina sua. Operarij pauci, illi, inquam, duodecim tum soli, qui euntes iuerunt & fleuerunt: redeuntes autem portauerunt manipulos suos. Operarij erant pauci, siue sacerdotes spectes, qui mercatores & caupones erant: siue reges, iam enim ablatum erat sceptrum de Iuda. Iam autem defecerat dux de fæmore Iacob, propheta non apparuerat, sacerdotes conticuerant, principes autem non modò non pascabant gregem; sed etiam ipsi deterius affecti erant quàm populus. Messem autem vocat, paratos ad fidem suscipiendam animos: exierat enim fama eius in vniuersam Syriam, in quo simul facilitatem collectoribus ostendit huius ministerij, vtpotè maiori labore præoccupato iam ac perfectò à Prophetis, qui tanquam semina quædam Iudæis ea, quæ de Christo fuerant prædicta iecerant: in quorum demum labores introierunt Apostoli. Dominum messis vocat seipsum, cui seruantur huiusmodi segetes. Rogare autem iubet, quasi eis opus sit, vt rogetur. Quis enim magis homines amat quàm ipse, vt discipulos instruat, vt pro errantibus deprecetur? Inuectus est hoc loco Calvinus, in operarios Catholicæ Ecclesiæ, atque hæc eadem omnia illis obijcit, quæ nunc pharisæis à Christo Domino obijciuntur. In qua causa, si quis omnes, tanquam vigilantissimos defendere velit; adulator potius quàm amicus dici possit: ita contrà, si quis omnium studio & conatui detrudere velit, hic sycophanta & calumniator improbus meritò haberi queat. Vellem tamen ex Caluino causam audire, cur istorum nostrorum supina negligentia, eò res Christiana deducta non est, quo istorum, & eius similium exquisita diligentia. Res clara est, manibus palpari potest, verbis nihil opus est.

Caput X.



Explicat amplissimam legationem hoc loco Euangelista, quomodo 1 scilicet filius Dei misertus magnæ messis, operarios, in agrum suum, duodecim Apostolos, cum legatione salutis & regni cælestis mittit. Omnia igitur illa planè graphicè explicat, quæ in magnis legationibus conspici solent. Instrumenta primùm & præsidia legatorum, quibus instructi esse debeant: deinde numerum & nomina eorum

na eorum : pòst instructionem, quid agere, & quid declinare debeant : tum difficultates & pericula ; quæ illos in hac legatione subire oporteat, quibus permiscuit solatia : denique præmia & pœnas eorum, qui illos suscepturi erant, aut contempturi. Et conuocatis duodecim discipulis, dedit illis potestatem immundorum spirituum, vt eijcerent eos, & curarent omnem languorem, & omnem infirmitatem : instrumenta hæc & præsidia conuertendo mundo fuerunt aptissima. Furit hoc loco Calvinus : qui cùm videat, se suosque talibus præsidij destitutos esse, primùm hoc propter vtilitatem Apostolorum additum esse illis docet : deinde dissimulandi impotens, acerbissimè in Catholicos inuehitur, falsò tamen simul, quod doctrinam à miraculis seiungant. Iuuat auiculam suam tantum resonantem audire. Quare falsarij sunt Papistæ, & opera Dei sceleratè deprauant, verbum à miraculis separando. Benignus ac misericors Dominus, inquit Hieronymus, ac magister non inuidet discipulis ac seruis virtutes suas : & sicut ipse curauerat omnem languorem, & omnem infirmitatem ; Apostolis quoque suis tribuit potestatem, vt curarent omnem languorem, & omnem infirmitatem in plebe. Sed multa distantia, inter habere, & tribuere ; donare, & accipere. iste, quodcunque agit, potestate Domini agit : illi, si quid faciunt, imbecillitatem suam & virtutem Domini confitentur, dicentes : In nomine Iesv surgè, & ambula. Tota, inquit Hilarius, in Apostolos potestas virtutis Dominicæ transfertur, vt qui in Adam in imaginem & similitudinem Dei erant figurati, nunc perfectam Christi imaginem & similitudinem sortiantur, nihil à Domini sui virtutibus differentes : & qui terrestres antè erant, cælestes modò fiant. Prædicent, regnum cælorum propinquare, imaginem scilicet & similitudinem Dei nunc in consortium veritatis assumi ; vt sancti omnes, qui cæli nuncupati sunt, Domino conregnent, infirmos curent, mortuos suscitent, leprosos emundent, dæmones eijciant. Quidquid malorum Adæ corpori sathanæ instinctus intulerat ; hoc rursus ipsi de communione Dominicæ potestatis emundent. Et vt ex toto, secundum Genesim prophetiam, Dei similitudinem consequantur, dare gratis, quod gratis acceperunt, iubentur ; vt sit scilicet ministratio gratuita muneris gratuiti. Numerus deinde ac nomina Apostolorum ponuntur, vt extra hos, qui pseudoapostoli futuri erant, excludantur. De quo quidem catalogo Apostolorum pulchrè Hieronymus : Ordinem Apostolorum, & meritum vniuscuiusque, illius fuit distribuere, qui cordis arcana rimatur. Primus scribitur Simon, qui cognomento Petrus, ad distinctionem alterius Simonis qui appellatur Chananæus, de vice Chana Galilææ, vbi aquam vertit Dominus in vinum. Iacobum quoque appellat Zebedæi. Simile autem quid quondam Moyse fecisse videtur, qui pressus multitudine iudiciorum atque negotiorum, septuaginta viros Dei iussu in partem sollicitudinis suæ elegit, illisq; de spiritu suo, quo ipse præditus fuerat, impertijt. Mittit autem duodecim, ad designandas duodecim tribus Israël, ne aliquam prætermisisse videatur, aut contempsisse : mittit autem rudes & piscatores ; superbos autem omittit scribas ac pharisæos, vt illud impleatur : Deposuit potentes de sede, & exaltauit humiles. Dicit hoc loco Calvinus, insulsè Romanistas ex hoc loco, in quo primus Apostolorum ponitur Petrus, colligere primatum Petri : Sed certè ipse insulsius negat : nam sensus sui Romanistæ eam causam habent, quia vbique primus Petrus ponitur. Calvinus autem cum Calvinistis, quare ex hoc loco negat, nullam rationem habet : neque enim ad tempus vocationis se referre potest,

cum Andreas cum Ioanne primus sit vocatus, ipseque Petrum ad Iesum adduxerit. Nec illa eiusdem numeri minor causa est, quod quemadmodum in prima populi Dei origine duodecim extiterunt patriarchæ; ita nunc itidem in noua Ecclesiæ reformatione duodecim sint Apostoli, qui non solum patriarchis non cedunt, sed longè præcellunt. Illi enim vnius gentis duces & autores erant: ipsorum autem in omnem terram sonus, & in fines orbis terræ verba exiuerunt. Ponitur tertio loco expeditio illa ipsa, in qua illud primo loco ponitur, ad quos illos ire, & ad quos non ire oporteat. In viam quidem gentium non ire, & in ciuitates Samaritanorum non introire; ire autem ad oues eas, quas modò dixit errare sine pastore, quæ perierunt de domo Israël. Causas autem eius rei adnotat potissimas D. Paulus: Illis, inquit, credita sunt eloquia Dei. Adnotat & D. Hieronymus: Oportebat, inquit, primum aduentum Christi nunciare Iudæis, ne iustam haberent excusationem dicentes: Ideo se Dominum reiecit, quia ad gentes, & ad Samaritanos Apostolos primò miserit. Celebrant eam felicitatem gentes gratæ. Primum Moyses: Nec est, inquit, alia natio tam grandis, quæ habeat deos magis appropinquantes sibi. Et alio loco: Domus Iacob sperauit in Domino, adiutor eorum & protector eorum est. Qui timent Dominum. Et, Non fecit taliter omni nationi, & iudicia sua non manifestauit eis. Quis dabit capiti meo aquam, vt dignè deplorem ingratitude tuam, Israël ingrate, aut repudiationem huius tantæ gratiæ à salute? nam Israël primò salus ferebatur, quæ eadem benedictio post in omnes gentes effusa est: quia & tunc velut templi scissam erat, & dissidij maceria diruta.

Notandum autem primò, nondum hanc ipsam esse generalem illam ad orbis vniuersi conuersionem, Apostolorum expeditionem, illam ipsam perpetuam, quæ ad consumationem mundi debebat durare: sed particularem tantum, ad Iudæam præparandam potius ad Christum, eiusque futuram prædicationem, quàm ad finalem eorum conuersionem. Et ideo multa hic Apostolis præcipit, quæ tamen generali illi functioni per omnia seruire non possunt, nec debent.

Secundò notandum, etsi Deus præsciuerat omnia, quæ futura sint, quis gratiam eius accepturus quis non; nihil tamen illum prætermittere illorum, quæ promisit & decreuit, & quæ ad salutem omnium conferant. Nam & nunc rectè nouerat, Israël ingratum tanta beneficia non suscepturum. Iubet tamen suos Iudæis primò prædicare, eosque huius Iubilæi participes facere, facitque omnia, quæ promiserat, quæ prædixerat, vt veraces inueniantur serui eius prophetæ, & ipse vincat cum iudicabitur: Iuxta illud, Vobis oportebat primum loqui verbum Dei: Sed quoniam repellitis illud, & indignos vos iudicatis æterna vita, ecce conuertimur ad gentes.

Tertiò notandum, tepidos & duplices corde magis odisse Deum, magisque esse hominibus vitandos, quàm simpliciter errantes & peccantes. Nam & hoc loco, In viam gentium ne abirent Apostoli, monet Dominus: Samaritanorum autem vrbes ne attingendas quidem, ac ne ingrediendum quidem in illas: qui cum Babylonij essent, Iudæam occuparant; & partem quidē veteris testamenti sequebantur, quinque inquam libros Moysis; partem autem repudiabant, vt potè prophetas, & alios libros. Per hoc genus hominum duplex & ambiguum, & per

& per ciuitates Samaritanorum, Ecclesias hæreticorum propriè intelligi, docet Hilarius: nihil enim differt ab ignoratione peruersitas. Et quod Solon in re-
pub. sua ne fieret prohibuit, ne quis duarum esset ciuis ciuitatum, hoc idem,
nunc maximè rei christianæ obest; vno oculo hæresim, altero Catholicam ve-
ritatem contemplari, vnaque parte linguæ hæresim, altera fidem Catholicam
profiteri. De hoc in Apocalypsi Ioannes: Vtinam frigidus esset, aut calidus.

5 **N**Otat quartò hoc loco Hieronymus, nobis præcipi qui Christi nomine
censemur, ne in viam gentium & hæreticorum ambulemus errorem: vt quo-
rum religio separata est, separetur & via. Quod iam antea D. Paulus docuit: 2. Cor. 6.
Nolite iugum ducere cum infidelibus.

6 **P**ostquam docuit, ad quos illos ire oporteat, quò eos mittat; nunc docet ac
instruit, quid docere, quid facere, quid fugere debeant. Docere quidem illud:
Euntes autem prædicate dicentes, quia appropinquauit vobis regnum cælorum.

7 **N**Otandus autem est hoc loco modus dicendi Ioannis & Christi, quia non
dicit, Veniet vobis regnum cælorum, aut habebitis illud; sed appropinquabit
vobis regnum cælorum, si vos volueritis appropinquare illi, & si volueritis di-
gnos fructus pœnitentiæ facere: vt sic omnis vana hæreticorum fiducia ac pro-
missiones auferantur: & vt cum timore & tremore operemur nostram salutem.
Et hoc quidem eos docere iubet: facere autem illud: quandoquidem verba
fine opere parum fidei & valoris habeant, infirmos curate, mortuos resuscita-
te, leprosos mundate, dæmones eiicite: gratis accepistis, gratis date. Hoc au-
tem non ita facile, vt filij medicorum solent, qui pro acquirenda arte multa im-
pendunt: itaque multa ab istis, quos curant accipere opus habent: vos gratis
accepistis, gratis date. Vtinam autem aliquantisper consistat in hoc loco A-
riana impietas, ac diligentius consideret, quisnam sit hic, qui hæc imperare
possit: Infirmos curate, mortuos suscite: an sic aliquando locutus sit homo?
Ac ita verò Dei verba recognoscat: illius, inquam, de quo Anna: Dominus vi-
uificat & mortificat, Dominus ad inferos deducit & reducit. Non præcipit
hæc talia Moyses suo Iosua: non Dauid Salomoni: non Elias Elisæo: nihil enim
ipsi habent, quod non aliunde acceperint. Omnia autem ista iubet in corpore
præstare, quæ & per ipsum, & per Apostolos in animo effici debeant, vt scia-
mus venisse nobis omnium bonorum authorem. Ne hominibus rusticanis, &
absque eloquij venustate, indoctis & illiteratis nemo credat, pollicentibus re-
gna cælorum, dat eis potestatem infirmos curandi, leprosos mundandi, dæmo-
nes eiiciendi; vt magnitudinem promissorum probet magnitudo operum. Et
quia res spirituales vilescunt temporali intercedente mercede, adiungitur il-
lud: Gratis accepistis, gratis date. Vt illud Isaïæ impleatur: Omnes sitientes
venite ad aquas, bibite atque sumite absque precio vinum & lac. Dare gratis,
quod gratis acceperunt, iubentur; vt sit ministratio gratuita muneris gratuiti,
Cùm autē docuisset quid illos dicere, quid facere oporteat; nunc addit illud, à
qua re debeant abstinere maximè. Primum igitur amputatur, quasi omnium
malorum radix, auaricia: vt nulla quærat auri vel argenti possessio, nihil quæ-
stus causa fiat, ne quid in ministerio venale sit. Neque rerum superflua tantum
cura prohibetur, sed & necessaria: Nolite, inquit, possidere aurum, neque ar-
gentum, neque pecuniam in zonis vestris, sed neque (quod magis necessarium

Matth. 10.

Psalm: 90.

videbatur) baculum & peram in via; quæ habebant etiam Cynici philosophi, qui vulgò vocabuntur Baëtroperatæ, quòd contemptores seculi videri voluerint, & qui omnia pro nihilo ducerent, peram, loco cellarum secum portabant. Neq; duas tunicas, commutationis alternæ causa, non quòd in locis Scythiæ, inquit Hieronymus, & glaciali niue rigentibus, vna quis tunica contentus esse deberet; sed ne alio vestitu alium nobis ob futurum timorem seruemus. Neque calceamenta. Sed & Plato duas præcipit extremitates corporis non esse velandas, nec assuefieri debere molliciei, capitis, inquam, & pedum: cùm enim hæc obduruerint, cætera robustiora fore. Neque virgæ: vt qui in adiutorio altissimi habitaturi sint, scuto circumdet illos veritas eius, ne timeant à timore nocturno. Portatio autem baculi aut virgæ, paupertatem designat. Quam Iacob Patriarcha designans: In baculo, inquit, meo transiui Iordanem istum: hoc est, vacuus & nullis diuitijs & comitatu onustus profectus sum in Syriam. Sed quæ causæ eius tantæ paupertatis & solitudinis? an quia ad Dei seruitium mittuntur? atqui paulò ante prolixè traditum est, neminem posse duobus dominis seruire Deo & Mammonæ. An quòd idola isti eiecturi dicuntur? auaritia autem idolorum seruitus est: nihil autem interest sub qua imagine, aut magnitudine aliquod idolum colatur. An quòd illi ipsi prædicatores sunt, qui aliquando in nomine isto patres, matres, sorores relicturi erant? quod ni facerent, indigni essent hoc tali tanto munere, dono, domino & officio. Qui amat patrem vel matrem plus quàm me, non est me dignus. An quòd hi ipsi magistri paupertatis erant futuri, illudq; Euangelium prædicaturi, in quo docetur: Nolite thesaurizare vobis thesauros in terra, sed thesaurizate vobis in cælo? &c. An quòd nihil ita admirandum doctorem christianum reddere potest, quàm vita rebus necessarijs contenta: & qui cæli doctrinam prædicaturi erant, eos vitam angelicam degere oportuit? An si habuissent aurum & argentum, inquit Hieronymus, viderentur non causa salutis hominum, sed causa lucri prædicare?

1. Tim: 6.

Verùm cùm discipuli obijcere atque excusare possent se homines esse, rebusque necessarijs indigere. Si ergo eos sua portare prohibet, aliena autem rapere multò minus liceat: Quæ ergo vitæ illorum ratio futura est, aut quod prædicationis dimensum, & vnde viuant? Respondet illorum tacitæ obiectioni, illos solatur, ac ex illis ipsis, quos docturi sint, eos viuere iubet: Dignus, inquit, operarius cibo suo. Quod idem post Paulus censuit: Habentes, inquit, alimenta & quibus tegamur, his contenti simus. Et cōmunicet is, qui catechizatur verbo, ei qui se catechizat in omnibus bonis; vt quorum discipuli metunt spiritualia confortes illos faciant carnalium suorum; non in auaritia, sed in necessitate.

AC deinde subnectit, quomodo se gerere debeant in tota oratione victus sui. Primum autem illud maximè curent, ne ab ipsis hospitij, quod sæpè fit, & in quo caput est, aliquid labis vel in vita, vel in fama contrahant; vt non habeant homines, quod aduersus eos possint dicere. Itaque ingressos in ciuitatem, aut castellum, non iubet quærere qui ditissimi sint homines, qui maximè practici, non quæ lautissima hospitia, sed simplicia, τροφὴς μᾶλλον ἢ τρυφῆς: qui in ea dignus, hoc est pius & honestus, Deiq; & religionis amans & studiosus sit, illicq; constanter manere, donec exeant, & qui ita erga ministros Dei sit affectus, vt existimet non tribuere se beneficium eis, qui apud eum sint mausuri; sed potius ab ijs accipere gratiam, quàm dare. Hospitium fama populi ac vicinorum iudicio eligen-

cio eligendum esse, ne prædicationis dignitas suscipientis infamia deturpetur. In qua quidem domo curiosum ac percunctatorem frustrà esse non vult, sed pace & salute, more patriæ, domui atq; hospiti data, amplius rem suam agere, discordias & bella sedare. Cui quidem paci & saluti, eam se virtutem ac benedictionem daturum pollicetur; vt si fuerit homo dignus pace & salute, illa penes ipsum sit remansura; si autem dignus non fuerit, pacem & salutem ad præcatores ipsos reuersura sit. Manere autem iubet in eadem domo, donec exeat, ne aut hospitem contempsisse videatur, aut curiosæ diuagationi locus relinquatur. Proponit autem & hospiti mercedem pro suscepto ministro, pacem veram quæ exuperat omnem sensum, & quam mundus dare non potest; & poenam ijs qui tales non suscipiunt. Et ipsos quidem aut vlcisci aut maledicere non debent, sed simpliciter de domo illa exire foras. Vos mercedem de oblata pace habebitis, illi bellum quod habere voluerunt possidebunt. Similia prædixit de ciuitate: Excusso, inquit, puluere de pedibus vestris, ne quid illorum abstulisse videantur, & ne cum perfidis & ingratis, vel ipso communicent puluere; & vt testimonium extet prolixæ illorum peregrinationis, quam frustrà confecerint. Quod postea Paulus in Actis fecisse legitur: Contradicientibus enim Iudæis & blasphemantibus, excutiens vestimenta sua, dixit ad eos: Sanguis vester super caput vestrum: mundus ego: ex hoc ad gentes vadam. Amen dico vobis, Tolerabilius erit Sodomæ & Gomorrhæorum terræ in die iudicij, quàm illi ciuitati: idcirco tolerabilius, quia Sodomis non fuit prædicatum Euangelium, huic autem prædicatum est, quod tamen non receperunt. Sæpius autem Sodomæ & Gomorrhæ facit mentionem, quod eius punitio in aspectum ipsum incidebat, ac etiam nunc incidit: & quod hîc in hac vita puniti, minus in futura punientur; & quia singulari exitij genere consumpta est, vt seculis omnibus esset in exemplum, & nomen ipsius cunctis abominabile. Videatur Tertullianus in Apologetico. Vtinam autem & Sodomæ & Gomorræ aliquæ in Christianissimo reliquæ non compareant,

10 **N**Otandum autem hoc loco primùm sacerdotibus & ministris Dei, quàm cauta sit ista ratio, præsertim in adeundis suspectis locis. Nam si nunc Christus Dominus discipulos tantis gratijs munitos, vel in itinere vetat diuerti, nisi in hospitia publica & examinata; quantò magis qui fixas sedes habent, neq; quidquam in ædibus suis fouere, quod scandalum parere possit, neq; in ea loca diuerti, vbi aut humanarum actionum cura perstrepat, tanto minus vbi cauponiæ aut lenocinia exercerentur? Hæc, inquit Hilarius, simpliciter intellecta sanctorum modestiæ congruunt, vt cum dignis sit hospitalitas, nèue per iniuriam aut ignorantiam cohabitatione probrosæ familiæ polluantur: sed introeuntes ciuitatem, de digno iubet interrogare, & cum eo habitare vsq; ad profectionem.

11 **S**ECUNDÒ notandum est, non licere sacerdotibus Dei curiosè ex domo in domum demigrare. Primùm, ne curiosi esse videantur: vbiq; enim inuenimus, quod facilè offendit. Vnde Hieronymus dicere solebat, nunquam se domo egredi, quin deterior domum reuerteretur. Deinde, ne voracitatis & cupidiarum opinionem subeant. Vltimò, ne hospitem suum qui illos benignè recepit, contemnant ac contristent. Verùm ne in vna domo quidem curiosos esse vult; sed vbi salutem dederint atq; acceperint, res suas agere.

Notandum

Notandum tertio, vota & benedictiones sanctorum, tam viuorum, quam illorum qui in Domino obdormierunt, illis tantum prodesse, qui illis digni sunt. Nam si qui capaces illorum non sunt, ad eos ipsos à quibus profecti sunt reuertuntur. Et si quidem, inquit, fuerit domus illa digna, veniet pax vestra super eam: si autem non fuerit digna, pax vestra reuertetur ad vos. Et, Oratio mea in sinu meo conuertetur. Maximè enim bona opera nostra benedicunt nobis, dicit Theophylactus.

Quartò notandum, ingratitude erga Deum, eiusque verbi prædicatores, foediorè esse, & maiore pœna vindicandâ, quàm peccata Sodomæ & Gomoræ: atque ita peccata omissionis, quandoque, deteriora esse peccatis commissionis.

Notat autem quædam sublimiora hoc loco D. Hilarius, quæ verbis illius apponere licebit. In quamcunque ciuitatem intraueris, interrogate, quis vestra sit habitatio digna; id est sicubi Ecclesia sit, & Christus habitator, neque quoquam alibi transire: quia sit domus digna, & iustus hospes. Quod autem ab introeuntibus salutari domum voce præcipit dicens: Dicite, Pax huic domui: & si digna domus reperta sit, venire super eam pacem oportere: si verò indigna, ad ipsos pacem reuerti. Si iam in primo ingressu in salutationis officio dicta pax est, quomodo postea reuertetur? Aut enim dici antea pax non habuit, quàm vtrum digna esset probaretur: aut si digna fuit & salutata cum pace est, conditio & venturæ & reuersuræ pacis non potest ex ratione superioribus cohærere. Quæ ergo sit dictorum proprietas, monstrandum est. Iudæorum plures erant futuri, quorum tantus in fauorem legis affectus esset; ut quàmuis per admirationem operum in Christo credidissent; tamen in legis operibus morarentur. Alij verò explorandæ libertatis, quæ in Christo est, curiosi, transisse se ad Euangelia ex lege essent simulaturi: multi autem etiam in hæresim, per intelligentiæ peruersitatem traducerentur.

Notandum item, cum indignis & infidelibus nihil nos commune habere debere, ne puluerem quidem: ac ne aue illis dicendum. Excussionem pulueris iam tunc in usu fuisse Iudæis, probabile est, quasi anathematis symbolum: ac si testatum fecissent, tam pollutos esse locis incolas, ut contagione sua terram inficerent. Vsitatum fuisse morem inde conijcio, quòd Christus tanquam de re nota loquitur. Indeque apparet, quantum vitij in se habeat, verbum Dei ac ministros Apostolicos viros contemnere; ut alijs peccatis tanta iudicatio non ostendatur.

Vbi tradidit bonus magister quid docerent, quid facerent, quid fugerent; nunc docet, quid eos maneat, quidque perferre necesse sit, eosque solatur, ac animos illorum confirmat, quomodoque aduersis resistent, instruit: Iacula siquidem præuisa minus feriunt: & omne malum quod accidit ex insperato, ut dicebat Autor imperfecti operis, nimis est graue: quod autem expectatur antequam accidat; postquam accidit leuius inuenitur. Primum igitur demonstrat, quò illos mittat: Ecce, inquit, ego mitto vos, tanquam oues in medio luporum. Statim autem cautionem adfert: Estote igitur prudentes sicut serpentes, & simplices ut columbæ. Mitto vos, inquit, tanquam oues inermes, imperitos, egentes, quasi mutos, & innocuos in medio luporum. Lupos autem Scribas & Pharisæos vocat Hieronymus, qui sunt clerici Iudæorum. Estote ergo prudentes, sicut ser-

cut serpentes : vt per prudentiam deuitetis insidias, per simplicitatem ne faciatis malum & iniuriam. Estote prudentes sicut serpentes : ad intelligendas fraudes. Estote simplices sicut columbæ : ad ignoscendas iniurias. Contra infideles estote serpentes ; quia serpens serpenti non nocet : cum fidelibus autem estote columbæ ; vt quasi columbæ columbis charitatis oscula porrigatis.

- 17 **N**Otandum autem est, cùm dixisset Dominus se Apostolos tanquam oues inter lupos mittere, id potuisse vel Apostolos, vel alios quosdam in eam partem interpretari, quòd Christiani atque adeò doctores stulti ac inepti incautiq; esse deberent. Ex qua sententia, vtpotè valde periculosa, suos deducit, ac omninò cautos, imò etiam prudentes, idque ea prudentia, quæ maxima est, serpentum, inquam, esse oportere. Estote, inquit, prudentes sicut serpentes. Sed quoniam prudentia in astutiam & hypocrisim se transferre solet ; cauet deinde vt ita prudentes sint, quo omnem astutiam, omnes nocendi artes fugiant. Monet igitur, vt sint simplices sicut columbæ, in quibus nullus dolus, nulla fraus, nocendi studium nullum planè inesse videatur : profunt omnibus, obsunt nemini : ad se tamen partusq; suos satis prudentiæ & industriæ habent Non igitur in sacerdote laudanda est ignauia aut stoliditas ; prudentia enim oportet adfit : sed neq; astutia, aut illa seculi huius politia ; sed potius sinceritas & veritas. Qui enim alijs prouidere, & qui cum astutis lupis pugnare debet, profectò magna prudentia præditum esse oportet.

- 18 **N**Otandum secundò, talis prudentis simplicitatis, & simplicis prudentiæ pulchrum exemplum in patre suo expressisse Nazianzenum, cuius verba apponere libet. Sed fuerit sanè tanta tamq; illustri morum facilitate ; industria tamen, eaq; virtute, quæ in rebus gerendis versatur, cuiquàm alij cedebat ? Minime. Verùm idem ipse & lenis ac placidus, vt si quis alius erat, & ad agendum peræquè aptus & appositus. Quamuis enim hæ duæ res ferè inter se pugnant atq; opponantur ; simplicitas nimirum & asperitas ; alteraque mansuetudinem cum inertia coniunctam habeat ; altera rebus quidem gerendis apta sit, verùm humanitate careat : at in eo tamen mirificè hæc duo in vnum conuenerunt, nempe vt & tanquam asper ac vehemens rebus gerendis alienis, sese cum industria submitteret, in præsidij ferendis, in sermonibus ab omni nutu liberis, in omni deniq; gubernationis genere. Nam cum serpentis ad malum prudentiam, columbæ ad bonum simplicitati coniunxisset, ita se comparauit, vt nec prudentiam in versutam improbitatem, nec simplicitatem in stoliditatem degenerare fineret ; verùm ex ambabus, quoad eius fieri poterat, vnam virtutis speciem efficeret numeris omnibus perfectam & absolutam.

- 19 **N**Otandum tertio, cur CHRISTVS Dominus serpentis potiùs exemplo vtì voluerit, cùm res quidem omnibus exosa esse videatur, & cuius prudentia ad mortem propendeat, cùm alia animalia non minus prudentia esse videantur ? Sed non fecit hoc sine magna ratione : Primùm, quia hoc aliàs iam in lege dictum fuit. Deinde vt contra demonstraret, nihil malum à parente suo, Deo legis creatum fuisse. Nam & serpentem nobile animal, magna sapientia à patre suo ornatum : quo vt docet Augustinus, postea diabolus ad perdendum hominem abusus est, re alioqui nobili & preciosa : quomodo & nunc multorum eloquentia & doctrina abuti solet. Et vt nihil in rebus à Deo creatis, etiamsi vile, etiamsi

le, etiam si nocium esse putetur, contemnamus: cum Deus fecerit omnia bene & bona.

Notandum quartò de prudentia serpentis, multos ex veteribus, tam ethnicis, quàm nostratibus multa scripsisse ex illis, qui foris sunt, Aristotelem, Plinium, *Ælianum*: ex nostris autem Clementem Alexandrinum, Eusebium, Chrysostomum, Hieronymum, Hilarium, Physiologum: quæ tamen omnia ad hæc capita reuocantur. Primum quæ notat Hieronymus cum Hilario, quòd ubi in manus se hominum venisse intelligit, omni genere ab ictu caput subtrahit: id aut collectum in orbem corpore contegit, aut foueæ immergit, cædiq; partem reliquam derelinquit: nosq; hoc exemplo oportere, si quæ acciderint persecutiones, caput nostrum Christum & fidem occultare; vt ablati nobis in omnes euentus fidem, ab eo semel acceptam, iactura corporis nostri comuniamus. Cernit siquidem, capite saluo, facile se cætera consecuturum, vt cui cor in collo positum esse videatur.

Est & illud non exiguum prudentiæ eiusdem insigne serpentis, ex Physiologo, cum ad fontem vt bibat pergat, virus non defert, sed in antro illud dimittit, sicq; primum accedit, ne ex illis aquis bibentes inficiantur. Quo loco annotat Epiphanius, hoc idem nobis cum ad audiendum verbum sacramentorum vsum, omnemq; diuinum cultum accedimus, omne item virus maliciæ, odiorum, atque libidinis domi relinquendum, aut potius euomendum esse.

Tertia illa prudentia serpentis est, quòd aurem suam obturet ad orationem incantantis, omnemque illam orationem refugiat, quæ illi aduersa esse videtur: Quod idem Christianis & Apostolicis viris apprimè vtile videtur, vt nullis maledictis, nullis conuicijs, nullis scandalis offendantur, sed patientia & moderatione auriculas sibi obstruant. Refert eam prudentiam serpentis Hilarius ad modum prædicatoris: vt quomodo serpens seduxit nos, ita iisdem, sed contrarijs artibus, nos ad vitam redeamus. Vide Hilarium.

Vltimò dicitur magnam immortalitatis & renouationis rationem habere, eiusque causa difficilima quæq; ac molestissima subire. Scribunt enim, cum senio grauatur, caligare illi oculos: & cum iterum iuuenescere paret, quadraginta diebus cibo abstinere, & tandem emollita cute, quærere petram, per cuius foramen magno nisu contendere, pronusque transire nitatur, cutemq; exuat: qua deposita gaudere, atque item iuuenescere. Geras, hoc est senium serpentis, hoc veteres vocant; Arist: lib: 8. hist: cap: 17. & lib. 5. cap. 17. Plinius lib: 8. cap: 17. Sic & Basilius. Sitis, inquit Christus, prudentes sicut serpentes: qui, cum eos senium deponere necesse sit, loco angusto & optimè septo corpus suum committunt, & ita prudenter atq; sapienter senectutem exuunt suam. Quod etiam nos facere vult sacra scriptura, cum per arduam & angustam viam iter faciamus: exuere, inquam, veterem hominem, induere verò nouum, ita vt etiam nostra sic repuerescat iuuentus, vt aquilæ solet. Idem Epiphanius & alij docet.

*In oratione 7.
de virtute &
vitio.*

Notandum quintò, in hoc loco ex D. Basilio, Interrogatione 245. Prudens est is, vt serpens, qui in doctrina tradenda ita se moderatur, vt adhibita circumspeditione considerationeque, qua ratione id & fieri, & facile fieri possit, omnia faciat; vt audientium animos ad auscultandum habeat paratos. Simplex vt columba, qui ne simpliciter quidem de eo vlciscendo, qui sibi aduersarius

rius sit, cogitat; potiusq; in instituto suo bene de illo merendi perseuerat, ex præcepto Apostoli: Vos autem nolite deficere benefacientes. Ad prædicationem ergo discipulos mittens Dominus, hæc ipsis mandat: vbi & sapientia erat opus ad persuadendum, & patientia aduersus infidiatores. Vt videlicet, quemadmodum in paradyso serpens & blandiore aspectu callidè ad primos parentes accessit, & verborum probabilitate eos auertit à Deo, ac peccata subiunxit: item nos quoque, & personæ, & loci, & idonei ad agendum temporis rationem habeamus, & omnibus modis sermones in iudicio disponamus; vt à peccato homines auertamus, & ad Deum reducamus; & in tentationibus patientiam vsque in finem teneamus, sicut scriptum est.

25 **N**Otandum vltimò, hoc loco ex D. Augustino optimè prudentiam serpentum candore columbino temperari: est siquidem animal illud omnium maxime innoxium, nulli parat insidias, non modò grandium animalium, contra quæ vires non habet, verum & minutissimorum, quibus etiam perparui passeress aluntur, cæde abstinet. Columba serenitatis fuit Noë nuncia: Christo in baptismo super caput asstitit: fausti ominis aus est; & quæ olim in sacris litationibus, ob nimiam puritatem, præcipuè expetebatur. Hinc fit, vt rerum spiritualium ac diuinarum in sacris literis vt plurimùm sit symbolum. Ea designantur, Christus, Sanctus Spiritus, Ecclesia, virgo Deipara, gratia, charitas, sacra doctrina & scriptura, spiritualis natura, Ecclesiæ doctores, viri simplices ac recti, atq; eius generis multa. Quidam ex neotericis prudentiam serpentum ad opportunam cautionem in periculis referunt, simplicitatem autem columbarum ad facilem tempore necessario pro Christo vitæ profusionem.

26 **V**bi igitur docuisset, ad quos & quales homines illos mittat, ostendit deinde, quomodo tractandi ab illis sint, & quid reportaturi ab eis. Videtur autem orationem transferre non tantum ad præsentem missionem; sed iam amplius ad futuram post resurrectionem, vbi eos in totum orbem cum Euangelij nuncio missurus erat: Ideò nominat reges, principes, &c. quod postea consecutum est.

27 **C**Auete autem ab hominibus, non quòd consuetudinem eorum declinare debeatis, & ad quos mittamini, sed per prudentiam & simplicitatem cum illis versimini. Hoc est, inquit Theophylactus, prudentes esse, sibi attendere, nec dare occasionem his, qui persequi velint; sed res suas prudenter administrare, siue pecuniam velit persecutor, siue honorem, ne quam occasionem habeat: si autem fidem aufert, custodi caput tuum. Tradent enim vos in concilijs, & in synagogis suis flagellabunt vos, & ante reges & præfides ducemini, in testimonium illis & gentibus. Quod non longè post mortem consecutum est: Loquentibus enim illis ad populum, superuenerunt sacerdotes & magistratus *Acto: 4.* templi, & Saducæi dolentes, quòd docerent populum, & annunciarent in Iesum resurrectionem ex mortuis: & iniecerunt in eos manus, & posuerunt eos in custodiam in crastinum. Factum est autem, vt congregarentur principes eorum & seniores, & Scribæ in Ierusalem, & Annas princeps sacerdotum, & Caiphas, & Ioannes, & Alexander, & quotquot erant de genere sacerdotali, & statuentes eos in medio, interrogabant: In qua virtute, aut in quo nomine fecistis hoc vos? Quomodo Festo, Agrippæ Paulum, atque adeò ipsi Neroni postea

præsentârunt. Nec solùm quòd non audierint, sed quòd etiam legatos ipsos multis contumelijs affecerint, & ad extremum occiderint, in testimonium innocentia, amoris ac eorum optimi conatus: In testimonium, inquit, illis & gentibus: in redargutionem illorum qui credere noluerunt, quod illis prædicatum sit, quòd prouocati se ingratos & inobedientes præstiterunt prædicatæ vocationi Iudæorum & Gentium, vt & Iudæi terreantur, & gentiles prouocentur. Quo loco admirabilis est sancto Chrysostomo, & dicentis virtus, & sublimis audientium philosophia: Valdè, inquit, mirandum est, quomodo non statim hæc audientes fugam ceperunt formidolosi homines atq; imperiti, qui nihil vltra stagnum istud, in quo piscabantur, nouerant. Quomodo autem non cogitârunt, neq; hæc secum dixerunt: Quò igitur fugiemus, si omnia iudicia hominum in nos præparantur, si reges aduersus nos futuri sunt, si Iudæorum synagogæ, si Duces, si populi gentium, si principes deniq; & subditi? Non enim in Iudæa solùm hæc futura prædixit, sed in toto terrarum orbe: Ad reges enim, inquit, & ad præsides ducemini; vt ostenderet ad gentes quoque ipsas suo iussu illos præcones destinari. Omnem orbem in nos concitasti, omnes terrarum habitatores aduersus nos armaisti, populos, duces, reges: Sed longè horribilius est quod sequitur, cùm & fraticidas & parricidas propter nostram doctrinam homines futuros pronuncies: Tradet enim frater fratrem in mortem, & pater filium, & insurgent filij in parentes, & morte eos afficient. Quomodo igitur cæteri credent, qui propter nos viderint filios interimi à parentibus, fratres à fratribus cum sceleribus cuncta repleti senserint? Nõne vt seductores dæmones, nõne vt scelestos latrones, & totius orbis corruptores vndique nos expellent, cùm viderint cognatorum atq; affinium sanguine omnia repleti? Hancne igitur pacem ita optabilem, quæ tot, tantaq; cædes illis inferat domi suscipientibus retribuemus? Quòd si non duodecim, sed mille millia essemus: si non rudes atque indocti, sed sagaces & peritissimi ad dicendum oratores: si non inopes atq; mendici, sed reges magnos exercitus, magnas opes possidentes; non possemus adhuc profectò terrarum orbi persuadere, cùm ad intestina ciuiliaq; bella, imò ciuilibus multò peiora inflammare videmur. Nam etsi parum, vt præcipis, de salute nostra curabimus; quis tamen mentem nobis adhibebit? Nihil horum certè cogitauerunt, nihil dixerunt, nec præceptorum temeraria curiositate rationes quæsierunt; sed cedebant libenter imperanti, atque obsequiebantur: quod non ipsorum solummodo virtutis erat, sed etiam præcipientis immensæ sapientia. Verùm obijcere possunt, quomodo persuadebimus sapientibus, ipsi rudes & infantes? Tu ipse scis, quia in illorum iudiciis scholastici præsunt, quomodo ergo possumus nos homines piscatores, & sine literis, coram illis testimonium dare. Tu enim ab initio non nos docuisti loqui, sed credere. Deniq; cùm nos discipulos congregares, non inuenisti nos in capitolio philosophicos libros legentes, sed retia in mare mittentes. Neque dixisti: Venite, faciam vos aduocatos meos; sed, venite, faciam vos piscatores hominum. Conscientias, non eloquentias nostras elegisti. ideo ipse inquit: Nolite solliciti esse, quomodo aut quid loquamini; mea est causa. Deus humano auxilio non indiget. Ideò vos tantummodo mihi personam præstate, & ego vobis sensum. Vestrum erit voluntatem vestram tantum pro me offerre; ego autem qui in vobis habitabo, loquar ipse pro me, & Spiritus sancti gratia ad respondendū ministrabitur vobis. Cùm autem, inquit, tradent vos, nolite cogitare, quomodo, aut

aut quid loquamini : dabitur enim vobis in illa hora, quid loquamini ; & ita dabitur, vt eloquentiæ omnia cedere cogantur. Non enim vos estis qui loquimini, sed spiritus patris vestri, qui loquitur in vobis. Tale aliquando responsum Moyses à Deo retulit : vt cognoscamus eundem fuisse, qui & hîc & illic locutus est : Perge, inquit, & ego ero in ore tuo : doceboque te quid loquaris. Nolite terreri : vos in aciem descenditis, sed ego prælior : vos verba editis, sed ego sum qui loquor. Ex quibus præsidij & armamentario sunt illa Petri fulmina : *Principes populi, & seniores audite : Si nos hodie dijudicamur in benefacto hominis infirmi, in quo iste saluus factus est, notum sit omnibus vobis, & omni plebi Israël, quia in nomine Iesu Christi Nazareni, quem vos crucifixistis, quem Deus suscitauit à mortuis, in hoc iste astat coram vobis sanus.* Hic est lapis, qui reprobatus est à vobis ædificantibus, qui factus est in caput anguli : & non est in alio aliquo salus. Nec enim aliud nomen est sub cælo datum hominibus, in quo oporteat nos saluos fieri. Item : Obedire oportet Deo magis quàm hominibus. *Et illa Pauli : Viri Israëlita, & qui timetis Deum audite : Deus plebis Israël elegit patres nostros, & plebem exultauit, cùm essent incolæ in terra Ægypti : & in brachio excelso eduxit eos ex ea, & per quadraginta annorum tempus mores eorum sustinuit in deserto. &c.* Item coram Felice : Ex multis annis te esse iudicem genti huic sciens, bono animo pro me satisfaciam. Potes enim cognoscere, quia non plus mihi sunt dies quàm duodecim, ex quo ascendi adorare in Ierusalem, & neque in templo inuenerunt me cum aliquo disputantem, aut concursum facientem turbæ, neque in synagogis, neque in ciuitate, neque probare tibi possunt de quibus nunc me accusant. Confiteor autem hoc tibi, quòd secundum sectam, quam dicunt hæresim, sic deseruió patri & Deo meo, credens omnibus, quæ in lege & prophetis scripta sunt, spem habens in Deum, quam & hi ipsi exspectant, resurrectionem futuram iustorum & iniquorum. In hoc & ipse studeo, sine offendiculo conscientiam habere ad Deum & ad homines semper. Item coram Festo : Ad tribunal Cæsaris sto, ibi me oportet iudicari : Iudæis non nocui, sicut tu melius nosti. Si enim nocui, aut dignum aliquid morte egi, non recusó mori : si verò nihil est eorum qui hi accusant me, nemo potest me illis donare : Cæsarem appello. Cæsarem appellasti, ad Cæsarem ibis. Item coram Agrippa & Festo : De omnibus quibus accusor à Iudæis, rex Agrippa, æstimo me beatum, apud te cùm sim defensurus me hodie, maximè te sciente omnia, quæ apud Iudæos sunt consuetudines, & quæstiones : propter quod obsecro, patienter me audias. Item eodem Cap. Non insanio optime Feste, sed veritatis & sobrietatis verba loquor. Scit enim de his rex ad quem & cõstanter loquor. Latere enim eum horum nihil arbitror. Neque enim in angulo quidquam horum gestum est. Quid Pericles grauius, quid Demosthenes breuius in hoc argumento dicere posset ?

28 **N**Otandum autem est primùm hoc loco : Christianum in hac vita viuere, tanquam ouem inter lupos. Et ideò nihil esse, quod illum in hac vita aut multum retinere, aut valdè delectare possit. Sit ergo conuersatio eius in cælo : ibi omnium vota ac desideria referantur.

29 **N**Otandum secundò, quòd quemadmodum pro Christi fide sunt pericula fugienda ; ita ex aduerso non sunt quærenda, neque illis occasio danda, neque mali irritandi, quod hoc loco manifestè Saluator dicit : Cauete ab hominibus, &c.

NOtandum tertio: Superius quidem Christum Dominum præcepisse suis, 30
 ut curent prudentes & simplices esse; nunc autem iubere, ne cogitent quid lo-
 quantur, sed seipsum patronum & aduocatum ipsis affuturum. Sed sciendum
 est, omnia quæ homo ipse in suis viribus præstare potest, adferre debere; at illa
 quæ artis aut usus sunt, aut quæ aliundè accersuntur, & quæ non sunt in nostra
 potestate: qualis est miraculorum vis, quale castitatis donum, qualis dicendi &
 persuadendi sine arte & usu facultas Deum instrumentis ac ministris suis ali-
 quando gratuito subministrare: quod hoc loco se facturum pollicetur, sed &
 alias longè vberius: Ego dabo vobis os, & sapientiam, cui non poterunt resi-
 stere, aut contradicere omnes, qui aduersantur vobis.

NOtandum est quarto, de eo ut non cogitemus quid loquamur, neque 31
 apud omnes, neque omni loco, neque omni tempore eam doctrinam seruire: nam
 etsi omnis sufficientia nostra ex Deo sit, in eoque viuamus, moueamur, & simus;
 & neque qui rigat sit aliquid, neque qui seminat, sed qui incrementum dat; ta-
 men debitis medijs, via ordinaria, sit oportet. Nunc autem de singulari qua-
 dam & pretiosa gratia Christus Dominus loquitur, quæ neque apud omnes cum
 quibus agitur, ut annotauit Theophylactus ex Chrysostomo, locum habere de-
 bet, sed apud infideles & in persecutione tantum: nec omni loco, sed in illa pri-
 ma sola, aut illi simili peruagatione ac oberratione totius orbis: neque omni
 tempore aut causa, sed maximè in fidei ac sui ipsius defensione, quod in Petro
 & Paulo iam vidimus. Habituri enim erant aliquando hi ipsi doctores, quos
 nunc à cogitatione, quid loquantur, arcet, firmas ac quietas sedes: ubi de ver-
 bo sano, & irreprehensibili cogitarent, seseque in omni sana doctrina ac præ-
 dicatione exercerent. Contra quam aduersarij ipsi nihil dicere, aut præualere
 possent: ita ut nulla ex parte aut ministris aut desiderijs catholicis doctoribus
 hic locus patrocinetur, qui sine doctrina doctores, sine cogitatione sapientes,
 sine ullo apparatu potentes & admirabiles esse & videri volunt; & qui opus Do-
 mini negligenter curant, indeque maledictionem contrahunt. Cuius quidem
 rei in Israël fuit pulchra figura, cui tantisper manna cibus cælestis dabatur,
 quamdiu ferere aut arare non poterant: at ubi terram promissionis attigerunt,
 manna pluuie desit, ac vomeris aratura redijt. Defecit, inquit scriptura, man-
 na, postquam comederunt de frugibus terræ: nec vsi sunt ultra cibo illo filij
 Israël. Quanquam ne nunc quidem negamus, si otium absit, si necessitas urge-
 at, eam Dei gratiam non defuturam: quod & ipsi in nobis aliquando, Dei gra-
 tia, sumus experti. Neque item hoc docet, cum dicit: Nolite cogitare, quid,
 aut quomodo loquamini, per orationes, sacrasque preces ac meditationes
 se exercere, cælestique numen & auxilium sibi doctores ac ministros verbi im-
 petrare non debere, cum & Christus Dominus ante doctrinam quasi semper
 orare soleat. Nam nostri seculi nimis fidentes & præsumptuosi doctores, præ-
 fertim ij, qui apud hæreticos docent, docent semper, orant, precantur, offerunt
 nunquam. Ideò profectus nullus, frigida omnia, errores plurimi, & quæ sum-
 ma impudentia, horas canonicas & ipsi abiecerunt, & ex aliorum manibus ex-
 cusserunt: splendidi potius & apparentes, quam pii magistri. Sensus igitur do-
 ctrinæ Christi hic est: Magnum quidem esse sustinere principum conspectum:
 neque enim tantum formido, sed ipsa quoque verecundia interdum bonas men-
 tes consternatas reddit. Christus tamen suos esse sollicitos vetat, quia spiritus
 illis

illis verba dictabit. Nam quò quisque magis imbecillitatis suæ conscius sibi diffidit, eò magis trepidat, nisi aliunde expectet auxilium. Et videmus plerosque deficere ideò, quia viribus suis, quæ perquam exiguæ sunt, aut prorsus nullæ, eorum quæ agenda suscipiunt successum metiuntur. Ideò Christus discipulos vetat, quid valeant, videre, & ab vna cælestis gratiæ fiducia pendere iubet. Non de facultate, inquit, vestra hîc agitur, sed de Spiritus sancti virtute, qui fidelium linguas ad puram fidei confessionem format ac dirigit. Ac ne præsentis sui defectu terreantur, auxilium in ipso momento superuenturum denunciat.

32 **N**Otandum quintò, duas esse partes totius Rhetoricæ christianæ, quid, & quomodo loquamur: Nolite, inquit, cogitare, quid, & quomodo loquamini. Neq; enim sufficit, vt inuenias & congeras quid loquaris; sed videndum etiam quo ordine, qua deuotione & motu loquaris, quòue dicendi modo.

33 **N**Otandum sextò, quo, & quali peccato se illi obligant, qui verbum Dei non audiunt, & qui Apostolos, Apostolicosque viros contemnunt. Nam si non illi loquuntur, sed Spiritus Dei in illis loquitur; profectò qui illos contemnit, Spiritum sanctum in illis loquentem contemnit: at peccatum contra Spiritum sanctum irremissibile est, non solum in hac, sed etiam in futura vita. Et hoc est illud, quod alio loco dicit: Qui vos audit, me audit: qui vos spernit, me spernit.

34 **N**Otandum septimò, qua sanctimonia linguas suas continere debeant ab omni malo Apostolici viri prædicatores, cum lingua eorum sit calamus scribæ velociter scribentis, organum & Instrumentum Spiritus sancti. Inde D. Bernardus dicit: Quæ in alijs sunt ioci, vel verba otiosa, in sacerdotibus blasphemie.

35 **N**Otandum vltimò, multa præclare circa hunc locum de vi & amplitudine Apostolorum disputare D. Chrysostomum, eorumque efficaciam cum veteribus Philosophis ac Imperatoribus conferre: quæ, quoniam prolixius, quàm quæ hîc commodè referri possent, tractantur, ex ipso fonte haurienda erunt.

36 **A**Mplius auget periculum, vt suorum pectora & præmuniat, & confirmet, & soletur. Docetque ea quæ prædixit, non à principibus, aut regibus tantum, non à sacerdotibus & scribis illis euentura, quæ vtique aliqua ratione vel effugere, vel declinare possent; sed quod longè difficilius, longè tristiùs, & ad declinandum planè impossibile, à domesticis etiam & amicis. Sed ne ab his quidem qualibuscunque, sed à patribus, fratribus, filijs, pignoribus charissimis, eòq; amplius, concludit: Et eritis, inquit, odio omnibus hominibus; vt nusquàm præsidium, nusquam adiutorium sit: & quæ alijs solent esse præsidio & maximæ leuationi, illis cessura in maioris miseriæ accessionem; nempè cognatos & necessarios, insidiosos inimicos pollicetur. Quo loco pulchrè Author operis Imperfecti: Vide, inquit, quale tunc incendium persecutionis ardebit, vt nec sibi ipsi parcat natura. Quomodo autem tunc patronorum aut amicorum fidem integram quæret, cum videris ipsius fraternitatis & paternitatis vim esse extinctam? In Matth. Hom. 24.

37 **S**ed quæ causa tanti odij? Illa inquam: Venit lumen in hunc mundum, & homines magis dilexerunt tenebras, quàm lucem. Quæ conuentio luci ad tenebras? vtitur autem verbis Micheæ Prophetæ, vt honoret seruos suos pro-
P 3 phetas, Micheæ 7.

phetas, illisque fidem faciat: Hi erunt vestri honores, hæc vestra solatia, hæc ipsa diuitiæ. O firmas mentes, o solida pectora, quæ his talibus malis non moventur! Cuius tanti mali quæ solatia? hæc, inquam, quæ mox sequentur.

Notandum autem hoc loco est, modum processus Euangelici hunc esse, 38 atque adeo ipsius Saluatoris Dei; vt primò aduersa, tristitia, molesta proponantur, deinde læta, amœna, ac consolationis plena. Contrà, mundus, diabolus, hæresis, primò læta quæq; & dulcia proponit; deinde vbi deceperit, tristitia & aduersa per se ipsa apparent, vel diabolo ipso ea amplificante, ac ad desperationem adducere conante.

Secundò elicit ex hoc loco generale quoddam & verissimum axioma D. 39 Hieronymus, quod tot anni superiores apud nos probauerunt: tum isti probant, nullum esse inter eos fidum affectum, quorum diuersa fides est. Quod Dionysius Areopagita vix non geometricè demonstrat; tantò scilicet plus à se lineas discedere ac remoueri, quò magis à centro rectæ fidei discesserint. Vanæ igitur compositiones, vanæ cum hæreticis confœderationes, ob quas nunc orbis christianus turbatur & perit: Si Dominus est Deus, sequimini illum: si Baal, illum.

Tertiò notandum est, semper iustos & Dei seruos ab improbis & maliti 40 osis odio haberi. Sic Cain Abelem odio habuit sic, Esau Iacobum, sic mali fratres Iosephum, & sic deinceps per omnia tempora & secula.

Mentitur hoc loco Caluinus, patronos sanctos in Papatu pro dijs haberi: 41 cùm & viuos multos vocemus patronos, qui tamen pro dijs non habentur.

Notandum quartò, pro odio & persecutionibus, quibus iusti in mundo 42 vexantur, referre à Deo duplicia: quod his ipsis Apostolis, quorum nunc orbis osculatur vestigia, quorum ossa veneratur, sepulcra adit, illa Isaias pollicetur: Pro eo, quod fuisti derelicta, & odio habita, & non erat qui per te transfret, ponam te in superbiam seculorum, gaudium in generationem & generationem.

Aterroribus ad solatia se confert, quorum primum est: illos nullo suo vi- 43 tio, neque ob vllum scelus aut delictum hæc talia passuros; sed propter nomen eius. Non quod illi prius eum dilexerint, sed quod ille prius eos amauerit. Ob illud nomen, in quo tot signa, tot miracula erant facturi: ad quod nomen omne genu flectetur, cælestium, terrestrium, & infernorum: & in quo nomine omnes saluos fieri oportet: Turris fortitudinis nomen Domini. Neque igitur tanquam fures, aut maleficos passuros; sed tanquam testes, vindices, amatores, nominis sui sancti.

Secundum solatium, eos non gratis id subituros, sed mercede magna sa- 44 lutis & felicitatis: Non qui, inquit, inceperit; sed qui perseuerauerit vsq; ad finem, saluus erit. Neque tamen id ea ratione illos persequi iubet, vt quærant ipsi pericula, aut in pericula ruant; sed potius, si illos in vna ciuitate persequuntur, fugiant in aliam. Quod quidem videmus in principio fecisse credentes: quando enim orta est Hierosolymis persecutio, dispersi sunt per vniuersam Iudæam.

dæam. Non desidiæ hoc est priuilegium, sed laboris calcar: vbi eiekti fuerint vno loco, fugiendum est in alium: nam aliter sua opera perficere non possent; vt nouis subinde certaminibus se offerant, vt tribulationis occasio, inquit Hieronymus, fiat Euangelij seminarium. Et primos quidem labores eorum, primūque conatum non diu toleraturos, nec sine cælesti auxilio illos futuros, nec consummaturos ciuitates Israël, hoc est non omnes adituros; donec veniat filius hominis, hoc est per resurrectionem, ac Spiritus sancti missionem, qui eos confirmet, doceat ac soletur. Tum enim venire dicitur, cum opem præsentem adfert. Quidam de excidio Hierosolymitano intelligunt, in quo Christus vindex ingratitude apparuit: Quidam euangelij processum, & Christi aduentus manifestationem, & regni lumen exponunt: quod hæc, priusquam Israël conuertatur, debebant manifesta esse: quidam ad particularem hanc legationem tacite tactam per metalepsin, id est, vos redibitis ad filium hominis. Præclare tamen hoc alius quidam ad seram Iudæorum conuersionem retulit: quasi verba hæc obiectioni seruiant: Nolite turbari, si ciuitates ipsæ non consumantur: hoc enim non nisi ad vesperam futurum est, dum veniet.

45 **T**ertium argumentum consolationis est, si illum, qui Dominus eorum & magister est, hæc eadem mala exceperunt, etsi hæc ille libenter & patienter illorum salutis causa subiit; eos etiam sic subire debere. Non est discipulus supra magistrum, nec seruus supra dominum suum: sufficit discipulo, vt sit sicut magister, quàm diu discipulus est & seruus. Frequens autem hæc est consequentia: Si ego magister & dominus vester. Quid igitur inquires? inquit D. Chrysostomus: Nequaquam, ne discipulus supra magistrum, & seruus supra Dominum reperiri potest. Nempe quousque discipulus aut seruus est magistro & domino, nunquam excellentior erit honore ac dignitate. Noli enim ea quæ rarissima sunt in medium producere, sed ab his quæ sæpè solent fieri orationem confidera.

45 **Q**uarta consolatio, quod hoc æternum iudicem non lateat: quod graue iudicium eo nomine inimici illorum subituri sint, etiamsi hæc nunquam patere putent, nec eius rei se causam dicturos arbitrentur, vt sit sensus: Nolite timere persecutorum sæuitiam, & blasphemantium rabiem: quia veniet dies iudicij, in quo vestra virtus, & eorum nequitia elucescet: de quo iudicio dicit, quod iudicabit Deus abscondita tenebrarum, & manifestabit consilia cordium. Etsi autem ab omnibus nunc angariemini; ne timeatis tamen eos, qui redarguunt; sed illos potius expectate, qui in posterum sint laudaturi; neq; præsentia contristent, sed futura potius confirmet. Cum enim interim vos quasi inimicos suos oderint homines; postea vos cognitos complectentur, quasi suæ salutis authores. Interim quasi maleficos homines vos abominabuntur; postea quasi sanctos venerabuntur. Interim vos quasi persecutores persequentur; postea vos omnes homines in ecclesijs suis, quasi Deos adorabunt. Mementote præterita, quando veritatem longo tempore celauerunt tenebrosa mendacia, quando innocentia Ioseph & Moysis in Ægypto, Danielis & trium puerorum in Babilonia sub existimatione criminis diu velata est. Consolamini de futuris, sustinete introitum iniuriosum, vt habeatis exitum gloriosum. Quo loco pulcherrimè D. Chrysostomus: Si adhuc dolore vexamini, quoniam malè audituri pro-

*Author ope.
Imper. in
Matth. Hom.
25.*

pter me sitis : illud dolorem vestrum sedet, quod non multò postea ab omni suspicione liberabimini. Cuius enim rei gratia grauitèr contumelias fertis ? An grauis iniuria est, quia præstigiatores & seductores vos vocant ? At sustinete paulisper, & non multò post saluatores vos, benefactoresq; totius orbis terrarum prædicabunt. Vnde sumta occasione, eos etiam solatur; vt quod illis dicit in tenebris, dicant in lumine : & quod aure audierunt, prædicent in tectis. In tenebris ergo nominatur, quod priuatim dicebatur in aurem, aut quod solis : in lucem autem, quod publicè : in tectis, quod omnibus. Quod audistis in mysterio, id excelsè docentium præconio, apertè prædicare : quod discitis in abscondito, publicè loquamini, quod vos erudiui in paruulo Iudææ loco, in vniuersis vrbibus & toto mundo audacter prædicatè. Quanquam enim, inquit Chrysostomus, non fuerint tenebræ, quando hæc illis committebat, nec in aure clam ipsis loquebatur; superlatione quadam tamen sermonis vititur. Solis enim ipsis & in paruo angulo Palestinæ dicebat: idcirco quasi ad futurum vbiq; ingentem Euangelij sonitum hæc conferendo, ita dixit : non enim vni, aut duabus, aut tribus ciuitatibus, sed toti orbi terrarum prædicabitis; maria, terras, loca habitata & inhabitata transituos ostendit.

Quintum argumentum corroborationis eorum, magis timendum esse Deum, quàm homines : quia homines tantum corpus occidere possunt, animam non : Deus autem vtrumq; perdere & extinguere potest. Nolite, inquit, timere eos, qui occidunt corpus &c. Simili aliquanto scuto & præsidio sibi à magistro tradito animosè vsi sunt Apostoli. Magis nos oportet obedire Deo, quàm hominibus. Atq; hîc iam ipsius mortis denunciat pericula, moriendum etiam illis pro ea quam docebant, doctrina esse, qui metus omnes alios metus superare potest. Timorem igitur hominum, Dei timore repellere docet : minorem videlicet maiore. Credere debemus, quia numerati dati nobis dies sunt : ita vt mori ante diem, nec transire possimus diem ; tamen ponamus quod ante diem moritur, qui moritur propter Deum. Si ergo & gratis, id est, sine molestia percussoris post modicum morituri sumus, nulla Dei causa proposita; quare non ante modicum in causa Dei cum gloria morimur, vt fiat voluntarium, quod futurum est necessarium, vt offeramus Deo pro munere, quod redditur à te pro debito ? Vel vt dicam, quod sentio verius. Corruptibilis natura creata est, deponendi corporis tempus est numeratum; vt homo, morituro corpori tuo non parcas, sed commérito perituro compares tibi vitam mansuram. Ecce si mutuo accipis, vt puta bouem, vel equum; nōne assiduo operaris opus tuum in eum ? Dicis enim apud te, hodie aut cras tollendus est à me, quia non est meus. Etiam tu in corpore corruptibili natus, quare non ad vtilitatem animæ tuæ vteris temporali corpore tuo, sciens, quia post modicum tollendum est à te, quia non est tuum ? Autor operis imperf. in Matth. Homil. 25.

Sextum consolationis argumentum est, non ignorante neque dormiente æterno patre hæc fieri, sed potius volente ac permittente; vt illorum præstantes virtutes & animi magnitudo probetur, vt sint in testimonium illis & gentibus. Cui scilicet magna sit cura de illis, ita vt singulos eorum capillos atq; gressus custodiat atq; numeret, & ideo non permissurus sit illos tentari vltra quod ferre possint, & ideo præsentis auxilio adfuturus. Idque à minori probat, quod antea fecerat: Nōne duo passeret vno asse veneunt, & vnus ex illis non cadet
in tes-

in terram sine patre vestro : vestri autem capilli capitis etiam numerati sunt : Nolite ergo timere : multis passeribus meliores estis vos. Si, inquit, parua animalia & vilia absq; Deo auctore non decidunt, & in omnibus est prouidentia : & quæ ex his peritura sunt, sine Dei voluntate non pereunt : vos ad immortalitatem nati serui & propagatores nominis mei & cælestis parentis, non debetis timere : Tractatus est autē hic locus etiam superius. Respicite volatilia cæli, &c.

49 **S**eptimum consolationis argumentum, liberæ confessionis præmium, abnegationis autem damnum incompenſabile : Omnis ergo, qui confitebitur me coram hominibus, (Græcè est in me, quia eum sine illo confiteri non possumus) confitebor & ego illum coram patre meo, fratrem, amicum, cohæredem. Qui autem negauerit me coram hominibus, negabo & ego illum coram patre meo, qui in cælis est; illudq; audiet : Non noui eum. Et quod dicitur, In illo; ac si dicat, Illi. Chrysostomus ait, non dixisse, Quisquis confitebitur, siue testimonium dederit mihi, sed in me, siue per me, hoc est à me adiutus. Vnde consequentur etiam intelligimus, cum dicitur, Confitebor & ego in illo, perinde ac si dicat, à gratitudine ipsius motus. Prius autem dicit præmiū, postea poenā : quia misericors Deus, paratior est ad remunerandū bonos, quàm ad puniendum indignos. Occurrit deinde tacitæ obiectioni : cum enim antea omni modo, uti vidimus, eos ad pacem & charitatem cohortatus esset, non modò cum suis, sed cū inimicissimis etiam; nunc, ut videtur, mutata doctrina, eos ad bellum & pugnas prouocat. Ostendit ergo, qualem pacem antea commendauit, & qualis pacis author esse voluit : Nolite arbitrari, quia veni pacem mittere in terram, eam, inquam, pacem, quæ à Deo, veritate & fide auocet, eam impediat. Non veni pacem mittere, sed gladium distinguentem inter corpus & animam : veni enim separare hominem aduersus patrem eius, si salutem, fidem, confessionem illius impediet; & eodem modo filium aduersus patrem suum, &c. Ideò Dominus bonam misit separationem in terram; ut rumperet malam coniunctionem. Ideò gladio verbi sui Dominus separauit bonum à malo; ut & bonum separatū à malo surgat, & malum separatū à bono cadat. Author operis Imp: Mat: hō: 26. Ita tamen, ut neque Christus Dominus, qui est princeps pacis; neq; doctrina sancta, quæ est pax ipsa; neq; Apostoli sint causa; sed improbitas hominum non accipientium pacem. Ita ut fiant inimici hominis domestici eius, non efficiente id Deo, sed permittente. Verūm, ne quis pietatem religioni anteferat, subdit dicens : Qui amat patrem, aut matrem plus quàm me. Quod in Cantico legimus canticorum: Ordinauit in me charitatem. Hic ordo in omni affectu necessarius est : ama, post Deum, patrem & matrem : ama filios. Si autem necessitas venerit, aut amor parentum ac filiorum, amor Dei comparetur, & non possit vtrumq; seruari; odium in suos, pietas in Deum sit. Non ergo prohibuit amare patrem, aut matrem, sed signanter addidit : Qui amat patrem aut matrem, plus, quàm me. Non dicit enim non amandos esse patrem & matrem, per quos omnem charissimam cognationem significat; sed non suprā se. Non igitur ex proposito Christi, sed ex mente animoque hominum vitioso bellum erumpit. Nam ipse certè vellet, ut omnes vno consensu veram pietatem amplecterentur : verūm, quoniam resistunt, atque reluctantur, bellum prorumpit, inquit Chrysostomus.

Author operis
Imperf: in
Matth. Hom.
25.

Octava est consolatio communis salutis lege, neminem scilicet Christo 50
dignum esse, qui illius crucem non ferat; aut qui vitam & animam suam non
anteferat illi: Qui, inquit, non accipit crucem suam & sequitur me, non est me
dignus: & qui inuenit animam suam, hoc est, qui vitam suam se seruare aut de-
fendisse in necessitatis confessione putat; is in æternum perdidit illam: & qui
perdiderit animam suam, qui vitam largè profuderit propter me; eam ipsam vi-
tam, quam se perdidisse putauit, tum demum eo momento eam inuenit. Vt
enim iter perdidisse nos dicimus, si eò quò tendebamus non peruenimus: vt
laborem, si id quod volebamus nō consequimur. Ita & vitam istam is inuenisse
videtur, qui æternam vitam, ac Dei visionem consequitur, cuius causa conse-
quendæ hæc illi vita commodata ac commissa est. Ille item vitam suam vide-
tur perdidisse, hoc est frustra ac vanè accepisse, qui æternam salutem ac felici-
tatem consecutus non est, hic animam suam in vanum accepit. Et ideò de Iu-
da Saluator dicit: Bonum erat ei, si natus non fuisset homo ille. Qui autem
Christi sunt, crucifixerunt corpus cum vitijs & concupiscentia: & indignus est
Christo, qui non crucem suam (in qua compatimur, commorimur, consepeli-
mur, conresurgimus) accipiens, Dominum sit secutus, in hoc sacramento fidei
spiritus nouitate sit victurus. hæc Hilarius. Melius est ergo propter Deum mo-
ri, & in perpetuum viuere; quàm propter nos viuere, & in perpetuum mori.
Qui reliquerint patrem aut matrem propter Christum. Vocat eos hoc loco mo-
rosos homines Caluinus. Sic solet. Semper crux portanda est, vt semper nos
Christum amare doceamus.

Matth: 26.

VLtimum consolationis argumentum, ex præmio illorum, qui illos acce- 51
pturi erant, aut aliquod vel perexiguum officium illorum causa facturi, decla-
rans non minorem sibi de suscipientibus hospitio curam esse, quàm de hospi-
tio susceptis: Qui, inquit, vos recipit, me recipit: & qui me recipit, recipit eum
qui misit me. Qui recipit prophetam in nomine prophetæ, mercedem prophe-
tæ accipiet: & qui recipit iustum in nomine iusti, mercedem iusti accipiet. Hoc
dicit, aperiens discipulis domos fidelium. Quis enim non lubens eos suscepe-
rit, per quos simul & patrem, & filium suscipit? Et qui periculum non recipi-
entium Apostolos, excussi pulueris testimonio, denunciaffet, recipientium me-
ritum, ultra gratiam sperati officij, commendat: docetque etiam in se media-
toris officium: qui, cum sit receptus à nobis, atque ille profectus ex Deo sit, Deus
per illum transfusus in nos sit. Atque ita, qui Apostolos recipit, Christum reci-
pit: qui verò Christum receperit, patrem Deum recipit: quia non aliud in A-
postolis recipit, quàm quod in Christo est: neque in Christo aliud est, quàm
quod in eo est: perque hunc ordinem gratiarum non aliud est Apostolos re-
cepisse, quàm Deum; quia & in illis Christus, & in Christo Deus habitat. Hila-
rius: Simile est illud: Qui diligit me, & pater meus diliget eum: & ad eum ve-
niemus, & mansionem apud eum faciemus. Qua quidem consolatione, nulla
maior, nulla magis salutaris tam recipienti, quàm illi qui receptus est, esse po-
test. Quid enim maius est, quàm vniuersam S. Trinitatem hospitem habere?
O beatam & felicem domum istam! Benedixerat Dominus domui Pharaonis
propter iustum Ioseph: quanta benedictio domum istam sequitur, quæ ipsam
Dei iustitiam susceperit? Benedixerat domui Obededom propter arcæ: quan-
tò magis propter cæli Dominum ac vniuersi? Qui eijcit Apostolicos viros, ille
Chri-

Christum eijcit : qui Christum, & patrem eius. Ideò nunc nihil feliciter agitur, quia sine Deo omnia aguntur. In nomine prophetæ, non vanæ gloriæ. Quod autem dicit, In nomine prophetæ, in nomine iusti, hoc est, non ratione ipsius personæ, quæ qualis sit, Deus ipse iudicare potest; sed ratione ipsius officij, functionis, atque illius, quæ de illo opinio est probitatis. Ipse reuerentiæ affectus, & iusti honorem accipit, & prophetæ. Nec personas suscipiendas esse, sed nomina, & mercedem suscipere susipientem, licet indignus fuerit, qui susceptus est; eiusdemque mercedis, quæ prophetis debetur & reposita est, mercedem, quæ dignitati respondeat, cui impensum est officium. Prouidens enim, plures futuros tantum Apostolatus nomine gloriosos, omni verò vitæ suæ opere improbabilis, eosdemque diu fallere, diuque mentiri; tamen obsequium, quod ipsis sub religionis opinione delatum sit, mercede operis sui speiq; non fraudat. Nam licet ipsi minimi essent, id est peccatorum omnium vltimi (minimum autem est, quo minus nihil aliud est) non inania tamen in eos, etiam leuia, quæ sub frigida aquæ nomine designat, officia esse decernit. Non enim peccatis hominis, sed discipuli nomini honor præstitus est. Atque ita probitatem obsequentis, fallentis se probra non lædunt; cum mercedem suam, dantis fide, non assumentis mendacio, consequatur. Poterat autem quis causari: Paupertate prohibeor, tenuitas me vetat, vt hospitalis esse non possim: & hanc excusationem leuissimam præoccupans diluit, vt calicem aquæ frigida toto animo porrigas. Frigida, non calida: ne in calida, paupertatis ex penuria lignorum excusatio quæretur. Quæ autem seminauerit homo, eadem & metet. Mercedem autem prophetæ & iusti, dupliciter D. Chrysostomus, & alij patres intelligunt: vel dabitur illi tantum pro mercede prophetæ aut iusti, quantum dignitati & excellentiæ meriti prophetæ vel iusti debetur, in doctrinæ honorem & pietatis respectum; vel alio modo recipiet mercedem prophetæ, hoc est vocabitur in partem coronæ & meriti prophetæ, ac si ipse prophetauerit, ac si ipse iustus esset, ac si ipse religiosus; vt hic communio sanctorum astruatur: & quomodo illi sunt participes domus & facultatis istorum; ita isti inuicem sint participes iustitiæ ac prophetiæ illorum, quod & D. Paulus dicebat: Vestra abundantia illorum inopiam suppleat, vt & illorum abundantia vestra inopiæ sit supplementum. Explicat hæc latius D. Gregorius: 2. Cor: 8. Vt autem quanta esset, inquit, virtus in continentia & susceptione indigentium, redemptor noster ostenderet, dicit: Qui recipit prophetam in nomine prophetæ, mercedem prophetæ accipiet: & qui recipit iustum in nomine iusti, mercedem iusti accipiet. In quibus verbis notandum est: quia non ait mercedem de propheta, vel mercedem de iusto; sed mercedem prophetæ, & mercedem iusti accipiet. Aliud est enim merces de propheta, aliud merces prophetæ: atque aliud merces de iusto, aliud merces iusti. Quid enim dicere, mercedem prophetæ accipiet; nisi quia is, qui prophetam sua largitate sustentat, quamuis ipse prophetiam non habeat, apud omnipotentem tamen Dominum prophetiæ præmia habebit? Iste enim fortasse iustus est, & quantò in hoc mundo nihil possidet, tantò loquendi pro iustitia fiduciam maiorem habet. Hunc dum ille sustentat, qui in hoc mundo aliquid possidet, & fortasse adhuc pro iustitia loqui liberè non præsumit, iustitiæ illius libertatem sibi participem facit; vt cum eo pariter iustitiæ præmia recipiat, quem sustentando adiuuit, quatenus eandem

Hom: 20.
 Quadrageima
 Homiliarum.

*Homil: 36. in
Matth: Col:
288.*

dem iustitiam liberè loqui potuisset. Ille enim prophetiæ spiritu plenus est, sed tamen corporeo eget alimento. Et si corpus non reficitur, certum est quòd vox ipsa subtrahatur. Qui ergo alimentum prophetæ, propter hoc quòd propheta est, tribuit, prophetiæ illius vires ad loquendum dedit. Cùm propheta ergo mercedem prophetæ recipiet: qui etsi spiritu prophetiæ plenus non fuit, hoc tamen ante Dei oculos exhibuit, quod adiuuit. Et hæc quidem sunt argumenta consolationis christianæ, cùm aliquid Christi nomine patimur, non Apostolorum tantum, aut Apostolicorum virorum, sed omnium penitus. Argumenta firma & valida: argumenta omnem mœrorem eximentia, ad quæ tanquam sacram ancoram omni tempore recurrere debemus. Quæ omnia pari ferè ratione summatim collegit & comprehendit D. Chrysostomus. Animaduertis, inquit, quot quibusque causis persuadet, & domos totius orbis Apostolis aperit, cùm planè his omnibus significet vniuersos ipsis homines debitores futuros. Primum, quia dixit, Dignus est operarius cibo suo: deinde, quia nudos nihil habentes emisit: tertio, quia in bella & pugnas pro suscipientibus eos emisit: quarto, quia mirabilibus atque inauditis signis eos illustrauit: quinto, quia quòd omnium bonorum causa pacem ipsorum ore ad domos recipientium adducit: sexto, quia grauiora non suscipientibus minatus supplicia, quàm Sodoma mereatur: septimo, quia ipsum etiam cum patre apud recipientes hospitari asseruit: octauo, quia prophetæ mercedem ac iusti futuram recipienti pollicetur: nono, quòd aquæ frigidæ calicem præbentes, non paruas sint retributiones habituri. Quorum vnumquodque per seipsum satis magnas vires ad attrahendum possidet. Quis enim militiæ ducem, quàm plurimis vulneribus sanguinolentem, videns post multa trophæa à bello atque acie redeuntem, omnibus ianuis patefactis non libenter domum recipiat?

Notanda autem sunt ex hac consolatione, pulcherrima quædam rei christianæ axiomata. Primum autem illud est, quidquid patimur, id nos non tanquam fures & maleficos, sed pro nomine Christi pati debere: non enim pœna martyrem facit, sed causa, dicebat D. Augustinus.

Secundum illud est: non qui inceperit, sed qui perseuerauerit vsque in finem, huic salutem sperandam esse. Nemini ergo præsumendum, nemini certitudo gratiæ iactanda; cùm quid serus vesper vehat ignoremus; multi que optimè cœperunt, qui postea turpissimè exciderunt, & contrà. Monet ergo Paulus, vt cum timore & tremore operemur salutem, ne fortè & ipsi excidamus.

Tertio notat Theophylactus, apertè proijcere se in pericula, & causam esse damnationis illis, qui nos interficiunt, & iniuria afficere eos, qui ex nostra prædicatione si superuiueremus commodum acciperent, diabolicum esse. Iubet fugere, non tanquam timidos, sed tanquam eos qui expelluntur. Quis autem modus fugæ sequendus, & quando, & ad quam mensuram, explicat D. Athanasius libro de fuga. & D. Augustinus in Epist: 180. Notat item Nazianzenus, vt misereantur persequentium & imbecillorum, nec longè fugiant, sed ab hac ciuitate in aliam, ne vllam prætereant, ad quam non perueniant.

Quarto, notanda est hæc consequentia verborum Christi, Non est discipulus supra magistrum, nec seruus supra dominum suum. Illi igitur volunt esse
supra

suprà magistrum & dominum, qui nihil passi, nullo præclaro studio, nullo labore exercitati, subito coronari volunt, qui sine cruce regnum sperant: Nonne oportuit Christum pati, & ita intrare in gloriam suam?

56 **Q**uintò notandum est hoc loco, non omnia simul Dominum Apostolis tradidisse, sed ne ea quæ tradidit, publicè docuisse; sed clam, & in aurem, quæ postea palàm & publicè prædicanda erant: unde non omnia scripta esse, sed multa viua voce post prædicata, existimandum est: indeque omnem rationem traditionis profluxisse, quam totam hæresis extinctam esse velit.

57 **S**extò, animam hominis immortalem esse liberam, quæ cogi & perimi non potest, nec cuiusvis tyranni vim in eam sæuire posse: Fecit enim Deus hominem inexterminabilem, contra quàm improbè mentitur Ariana iniquitas. Quamvis autem anima nostra sit immortalis, non tamen id habet naturâ suam; sed ipsius Dei gratia, & ab eo dependet, qui rerum omnium esse tenet & conseruat, sine cuius manû omnia dilabuntur, ac ad interitum propendent. Occidere autem animam ille dicitur, qui à Deo, qui vita est, per peccatum vel damnationem illam separat, in Gehennamq; mittit. Quo eodem loco notandum, homini Christiano paruum corporis habendam esse rationem, etiamsi occidi debeat. Quanquam ne hoc quidem esse possit, nisi Deus ita velit, & permittat.

58 **S**eptimò notat D. Chrysostomus, quid emolumenti corruptionem & putredinem corporum nostrorum consequatur. Si corpora, inquit, nullo foetore inquinata conseruarentur; primum perniciosissimum superbiam malum magis vigeret. Nam si etiam cum putredine tabescant, cum vermibus post mortem scaturiant; multi tamen deorum honoribus coli voluerunt: quid non fieret, nisi foedissimo corporis foetore ab hac insania deterrentur? Deinde, non facile aliqui sibi persuaderent terrena esse corpora nostra. Nam si, cum in terram modo resoluuntur, nonnulli tamen an terrena sint ambigunt: quid non suspicarentur, nisi hoc ita fieret? Tertium, magis ab omnibus corpora diligerentur; & carnales magis rudioresq; multi hominum efficerentur. Nam si aliqui etiam foetentibus sepulchris stulto suorum amore coniunguntur: quid facerent, si corpus integrum detinere possent? Quartum, non valde homines futuræ vitæ statum desiderarent. Quintum, qui perpetuum esse mundum opinantur, quasi certior conseruatione corporis esset sua opinio, esse conditorem mundi aliquem pernegarent. Sextum, quanta sit virtus animi, non facile cognosceretur, nec quantum ipsi corpori affert, cum ei coniuncta sit. Septimum, multi amore suorum coetibus hominum spretis, ut continuè suos viderent, sepulchra mortuorum habitare non erubescerent. Etenim, si charissimorum effigies plerique depingentes, quoniam defluens corpus secum detinere non possunt (id enim fieri non potest, sed illis etiam inuitis defluit & dissilit) tabulis affixi vitam peragunt: quid non auderent excogitare, syncerum ac integrum corpus suspicientes? Facile mihi videtur ad condenda talibus corporibus templa multos conspiraturos fuisse, & cultu dæmonum ariolos, qui talibus rebus dediti sunt efficere; ut mortui sui quasi viui loquerentur, quando etiam nunc hi quos necromantos Græcè appellamus, multa huiusmodi solent excogitare.

59 **O**ctauò, pulchrè notat D. Hieronymus, quid & qualis sit Gehenna. Nomen Gehennæ in hac significatione in veteribus libris non inuenitur, sed pri-

Q

mum

mum à Salvatore ponitur. Quæramus ergo quæ sit huius sermonis occasio. Idolum Baal fuisse iuxta Ierusalem ad radices montis Moria, in quibus Siloa fluit, non semel legimus. Hæc vallis & parua campi planicies irrigua erat & nemorosa, plenaq; delicijs, lucusq; in ea idolo consecratus erat. In tantam autem dementiam populus venerat, ut deserta templi vicinia ibi hostias immolarent, & rigorem religionis deliciæ vincerent, filiosq; suos dæmonijs incenderent vel initiarent: & appellabatur locus ille Gehennom, id est vallis Hennam, siue filiorum Hennom. Hoc regum volumen & Paralipomenon, & Hieremias scribunt plenissimè: & comminatur Deus, se locum ipsum impleturum cadaueribus mortuorum, ut nequaquam vocetur Tophet & Baal, sed vocetur Polyandrium, id est tumulus mortuorum. Futura ergo supplicia & pænæ perpetuæ, quibus peccatores cruciandi sunt, huius loci vocabulo denotantur. Duplicem autem esse Gehennam, nimij ignis & frigoris, in Iob plenissimè legimus.

Nondò, piè notat idem Hieronymus: Quòd nostri capitis capilli numerati sint omnes, immensam Dei erga homines ostendi prouidentia, & ineffabilem signari affectum, quòd nihil nostrum latere Deum, etiam parua & otiose dicta eius scientiam non fugiant. Derident intelligentiam in hoc loco, qui carnis resurrectionem negant, quasi nos & capillos, qui numerati sunt, & à tonsore decisi, omnes dicamus resurgere, cum saluator non dixerit: Vestri autem & capilli capitis saluandi sunt; sed, Numerati sunt. Vbi numerus est, scientia numeri demonstratur, non eiusdem numeri conseruatio. Et si ut homines, quorum causa omnia condita sunt, tamen magis ut filij Dei & cohæredes Christi. Refutatur hoc loco simul inops & pauper peripateticorum prouidentia, quæ se ultra vniuersales rerum causas non extendit; ne diuina vilescat autoritas. Sed simul & stoicorum atque astrologorum fata, cum omnia hæc, minima etiam, ab æterni patris voluntate pendeant. Refutantur & illi nimij fortunæ & temeritatis imprudentes assertores; ut nos hæc omnia, non ad curiositatem, sed ad fidem & inuocationem Dei excitent. Pulchra & illa D. Hieronymi adnotatio est. Ad fidem Christi totus orbis contra se diuisus est, vnaquæq; domus: & infideles & credentes habet; & propterea bellum missum est bonum, ut rumperetur pax mala. Tale quid & in Genesi aduersus rebelles homines, qui moti fuerunt ab oriente, & turrim extruere festinabant, per quam cæli alta pertingerent, fecisse Deum legimus, ut diuideret linguas eorum. Vnde & in Psalmo David precatur: Dissipa Domine gentes, quæ bella volunt. Vanæ igitur in hac parte **CONFEDERATIONES, VANÆ COMPOSITIONES, vna fide non remanente.**

Notat vltimò pulchra quædam circa hunc locum Euthymius: Significare hunc capillorum numerum exactam notitiam, quòd valdè cogniti simus ab eo, & ad minutum quoq; nouerit ea, quæ circa nos sunt, propter magnam nobiscum familiaritatem.

Psalm. 67.

QVAESTIONES IUSTINI MARTYRIS. Prima. Si Dæmonum nomina literæ nusquam hominibus ostenderunt, quomodo Iudæi Dominum Beelzebub appellarunt, quasi cognito nomine, dicentes eum in eo nomine dæmones eijcere? Quomodo item Dominus ipse discipulis, ceu dæmonis nomen cognoscentibus, dixit: Si patrem familias Beelzebub vocârunt: aut quænam nominis eius interpretatio? Responsio. Quemadmodum esse dæmonas ab ipsis dæmonibus

monibus discebant homines, ita & eorum nomina ab ipsis docti fuerunt. Primum enim sacrificarunt homines dæmonibus, deinde dixerunt sacræ literæ: sacrificauit dæmonijs, non Deo. Et quemadmodum an sint dæmones, nihil videntur dixisse literæ: & tamen dicunt: Sacrificarunt dæmonijs, non Deo; ita de eorum nominibus, cum nihil dixerint, dicunt nomina dæmonum Beelzebub & Belial. Quænam, inquit, concordia est Christo cum Belial? Quibus enim utebantur incantatores nominibus ad opera sibi proposita; ea necessario discebant homines ab eis. Nam qualis erat curationis modus; tali eos nomine nuncupabant. Dicta est autem ab Origene horum nominum interpretatio in Hebraicorum nominum interpretatione. Si autem patremfamilias Beelzebub vocauerunt, quanto magis domesticos eius. Beelzebub autem idolum fuit Accaron, quod vocatur in libro Regum idolum muscæ: significat autem principem dæmoniorum. Beel enim ipse est Bel siue Baal, Zebub musca dicitur, idque propter immunditiam, quæ exterminat suauitatem olei. Principem ergo dæmoniorum ex spurcissimi idoli appellabant vocabulo, splendorem patris, solem iustitiæ.

- 63 **AL**tera. Si Dominus metum non necessarium statuit, dum dicit: Qui me- *Quæst. 98.*
tuit, non est perfecta charitate: quæ fit, ut idem rursus discipulos metum doceat dicens: Metuite eum, qui & animam & corpus potest in gehenna perdere? **R**esponso. Non à Domino dictum est, qui metuit, non est perfecta charitate: tametsi qui id dixit, secundum Dominum dixit. Illud verò: Metuite magis eum, qui potest & animam & corpus in gehenna perdere: non est dictum ad tollendam perfectam charitatem. Qui enim maiore metu Dei, minorem hominum metum tollit, id facit charitate Dei; ut sit maior Dei metus, ne excidat ex eo quod amatur. Quanti enim pretij habetur id, quod cui creditur; tantum amatur: & quantum amatur; tantum metuit amator, ne ab eo excidat, quam diu est in certamine pro amato: finito certamine, finitur una cum illo etiam metus excidendi ab amatis. Itaque illuc usque necessarius est Dei metus. Non enim sicut odium tollit amorem (eundem enim & amare & odisse non possis) sic & metus. Potest enim idem amari, & metui.

- 64 **Q**UÆSTIONES EVANGELICÆ S. AVGVSTINI. Prima. Quod dico vobis in tenebris, est timor, dicite in lumine: hoc est, in fiducia veritatis accepto spiritu sancto: & quod in aure auditis, prædicate super tecta: id est, quod in secreto auditis, calcato carnis domicilio prædicate. Secunda. Nolite arbitrari, quia venerim pacem mittere in terram. Non veni pacem mittere, sed gladium. Veni enim separare hominem aduersus patrem suum. Quia renunciat quis diabolo, qui fuit pater eius, & filiam aduersus matrem suam: plebem Dei aduersus mundanam ciuitatem, hoc est aduersus perniciosam generis humani societatem, quam nunc Babylonia, nunc Ægypto, nunc Sodoma, nunc alijs atque alijs nominibus scriptura significat: nunc aduersus focum: Ecclesiam aduersus synagogam, quæ secundum carnem Christum peperit sponsum Ecclesiæ. Diuiduntur autem gladio spiritus, quod est verbum Dei, & inimici hominis domestici eius, cum quibus antea consuetudine implicatus erat. Tertia. Excute puluerem de pedibus vestris. Aut ad contestationem laboris terreni, quem pro illis inaniter suscepissent: aut ut ostenderent, usque adeo se ab ipsis nihil terrenum quærere, ut etiam puluerem de terra eorum sibi non paterentur ad-
hærere.

hære. Quarta. Estote ergo prudentes sicut serpentes. Ad cauendum malum in capite custodiendo, quod est Christus. Nam serpens totum corpus pro capite obijcit persequenti. Vel quod per angustias se coarctans, veteri tunica exutus innouetur. Quod imitantur, quibus dictum est: Intrate per angustam portam: cum vetere homine exuuntur. Nam si cauendum malum ita mone- ret, vt violenter resistendum esset malis; non suprâ dixisset: Mitto vos, sicut oues in medio luporum. Simples autem sicut columbas esse voluit, at nulli nocendum. Nam hoc genus auis nullum omnino animalium necat, non solum grandium, contra quæ vires non sunt, sed etiam minutissimorum, quibus etiam perparui passerres aluntur. Est autem omnibus irrationalibus animantibus, vna quædam inter se societas: sicut etiam rationalibus sua, id est hominibus, non solum secum, sed etiam cum angelis. Discunt ergo ex similitudine columba- rum, nulli prorsus nocere, ad societatem suam pertinenti participatione ra- tionis.

Caput XI.



VNDECIMI CAPITIS PARTES SVNT ISTAE: LEGATIO IOAN-
nis ad Christum eiusque remissio: testimonium de Ioanne: in-
constantia Iudaica exprobratio, quibus neque Ioannes, neque
Christus Dominus satisfacere potuit, & quod utroque despexe-
runt: denique maledicta in ingratos & superbos, pro gratis
autem & humilibus ad patrem supplicatio, ac eorum ad se pro-
uocatio. Euntibus discipulis ad Iudææ conuersionem, Christus ipse, non vt illi
solent, qui per substitutos & vicarios omnia agunt, non cessauit, sed inde transit,
vt doceat & prædicet ciuitatibus eorum. Et cum Apostolos Dominus miserat,
tunc se ipsum data opera subtraxit ab ipsis, vt opportunitatem, occasionemque ha-
berent, mandata efficere. Nemo enim profecto præsentem magistrum, morbumque
omnem repellente, discipulos adire voluisset. Quod dum facit, Ioannes suam
expedit legationem. Cuius legationis omnes partes Euangelista complexus
est, tempus, locum, eos qui mittuntur, qui mittit, & ipsam legationem. Tem-
pus est, quo Christus maiora miracula facere coepit: Ioannes autem ab Hero-
de detinebatur. Locus, de carcere ad Christum in synagoga docentem. Qui
mittuntur, ex discipulis suis. Quis autem mittit, Ioannes: ille est, quo non su-
rexit maior inter natos mulierum. Missa est ad Christum legatio ista: Tu es,
qui venturus es, an alium expectamus? Non autem, inquit Hieronymus, tu es,
qui venisti, sed qui venturus es: & est sensus, manda mihi, quia ad infernum
descensurus sum, vtrum te & inferis debeam nunciare, qui nunciaui superis?
An non conueniat filio Dei, vt gustet mortem, & alium ad hæc sacramenta mis-
surus es? Nouerat enim Ioannes, Christum agnum futurum pro nobis occiden-
dum: nouerat mortis eius genus, nouerat descensurum ad inferos, vt ibi eos,
qui credere voluerunt, saluet, vt inquit Theophylactus. Sensus igitur est: Tu
es ille, qui venturus es, hoc est expectatus in scripturis, in carne venturus? Tu
ne ille, quem præcipue Dauid benedictum venientem, incedere, prosperè pro-
cedere & regnare iubet? Tunc ille, qui venis in nomine Domini? Sed quæ
causa huius missionis, quæ interrogationis, cum hæc Ioannes optime nouerat?
Tres adfe-

Tres adferunt patres. Primum vt nutrix reddat matri filios : deinde lex vetus nouæ , demùm pædagogus discipulum. Sed iuuat principes aliquantum sanctos audire, in quibus antiquissimus Iustinus, quæstione 38. Si fidem facere discipulis suis Ioannes de Christo volebat, eum esse Christum, cùm eos misit ad eum (hoc enim nonnulli dixerunt) cur non eis id affirmauit, sed per eos Christum percontatus est? Sin ipse, qui in carcerem coniectus esset, ex varijs cogitationibus in dubium de Christo adductus erat (nam & hoc dixerunt alij) cur sic interrogat, quasi eum nondum venisse sciat? Nam illud: Tunc is es, qui venturus es, an alium expectamus? videtur innuere Christum nondum venisse, sed optari ac expectari: Si enim hoc ei persuasum fuisset, non sic interrogasset: Tunc Christus es, an alius quispiam quàm Christus? **RESPONSIO.** Quoniam de Christi miraculis diuersi sermones ferebantur, alijs dicentibus, eum qui hæc faceret, esse Eliam, alijs Ieremiam, alijs alium quempiam prophetarum: hos sermones audiens Ioannes in carcere, mittit discipulos ad discendum, an, qui hæc miracula facit, is sit, de quo Ioannes ipse testatus est; an alius quis, qui multorum fama celebretur. Hunc Ioannis scopum intelligens Iesus, præsentibus Ioannis discipulis, fecit multa miracula, persuadens & ipsis, & per ipsos Ioanni, se eum esse qui fecisset, etiam quæ aliorum nomine ferebantur miracula, & de quo Ioannes testatus fuisset. *Qua Homil: 37. in Matthæum.* de re pulcherrimè compellat suum Ioannem ipse Ioannes Chrysostomus. An non es tu, inquit, qui dicebas, Non sum sufficiens corrigiam calceamenti eius soluere? qui dicebas: quoniam non noueram ipsum, sed ille, qui misit me baptizare in aqua, ille dixit: Super quem videris descendentem Spiritum, & permanentem in ipso, hic est, qui baptizat in Spiritu sancto. An non vidisti Spiritum in specie columbæ? non audisti vocem? nõne tu prohibebas ipsum, dicens: Mihi est opus à te baptizari? nõne discipulis quoq; tuis dicebas: Illum oportet crescere, me autem minui? nõne vniuersæ prædicabas plebi, Ipsum esse, qui baptizat in Spiritu sancto, & igne: & ipsum esse Agnum Dei, qui tollit peccata mundi? Hæc certè tu omnia, antequàm ille signorum miraculis coruscaret, magna voce prædicasti. Quomodo ergo nunc, quando iam omnibus ipsius virtus manifestior est: quando per totam Palæstinam celeberrima eius fama præfulget: quando mortui ab eo excitati sunt, dæmones depulsi, multaque alia perlucet miracula, tunc mittis, ac interrogas ipsum? Quidnam hoc est? an per fraudem illa priora quasi longas fabulas confinxisti? Et quis mentis compos talia fecisset? Non dico de Ioanne: qui exultauit in vtero: qui priusquam nasceretur, Christum prædicauit: qui eremum habitauit: qui angelicam viuendi perfectionem in corpore adhibuit; sed de quo homine insano. Nam si etiã abiectionissimum quendam dicas, certè tamen, post tot tantaq; tam sua quàm aliorum testimonia, nullo modo dubitasset: alijs autem, qui putarunt sciuisse quidem ipsum, terrore autem carceris ac vinculorum timidiorum fuisse. Hoc modo idem Chrysostomus respondet: Num, inquit, deliberationem sibi hæc interrogatio affert, nec si etiam hanc sperasset, quidquam aduersus veritatem simulasset vir ille, qui pietatis gratia vel mille mortes obijisset? Nam nisi excelso robore animi atque inuicto fuisset; nunquam profectò ad vniuersum Iudæicum populum iam diu exercitatum effusione prophetici sanguinis tam fortis extitisset: nunquam ferocissimum illum tyrannum tanta libertate dicendi sic redarguisset; vt in media vrbe, ac foro cunctis audientibus, tanquam infantem

aut adolescentulum increpasset. Verum ad extremum missionis causam subiicit. Alieniores erant à Christo discipuli eius, & inuidiæ cuiusdam stimulis semper agitabantur, magistrum suum pluris esse cupientes, quæ res maximè verbis ipsorum comprobatur. Dicebant ad Ioannem: qui tecum erat trans Iordanem, cui & testimonium perhibuisti, ecce is baptizat, & omnes ad eum veniunt. Ac rursus de mundatione facta est quæstio inter Ioannis discipulos, & Iudæos: præterea Iesum aggredientes dicebant: Cur nos & Pharisei ieiunamus frequenter, discipuli autem tui non ieiunant? Hilarius item eodem modo: cuius hæc verba sunt: Ioannes detentus carcere Deum ignorat? & Propheta tantus Deum suum nescit? Atqui venturum & prætor nunciauit, consistentem ut propheta agnouit, adeuntem ut confessor veneratus est: unde tam variæ & tam abundantis eius scientiæ error obrepit? Sed consequens de eo Domini testimonium sentire hoc ita non finit: Neque sanè credi potest, Spiritus sancti gratiam in carcere posito defuisse, cum Apostolis suis in carcere positus virtutis lumen administraturus esset: sed præbetur in his, quæ in Ioanne gesta sunt, intelligentia amplior. Et cum facti efficientia gratia in eo expressa sentitur, ut propheta ipse, ipso quoque conditionis suæ genere prophetaret, quia in eo forma legis elata est. Christum enim lex annunciauit, & remissionem peccatorum prædicauit, & regnum cælorum spondit: & Ioannes totum hoc opus legis expleuit. Igitur cessante iam lege, quæ peccatis plebis inclusa, & populi vincula vitij, ne Christum posset intelligi, vinculis & carcere detinebatur. Ergo ad Euangelia contuenda lex mittit, ut infidelitas fidem dictorum contempletur in factis: & quod intra eum peccatorum fraude sit vinculum, per intelligentiam libertatis euangelicæ absoluitur. Tali igitur Ioannes exemplo, non suæ, sed discipulorum ignorantia consulit: ipse enim veturum in remissionem peccatorum prædicauit. Sed ut scirent, non alium esse à se prædicatum, ad opera eius intuenda discipulos suos misit, ut authoritatem dictis suis illius opera conferrent: neque Christus alius expectaretur, quam cui testimonia opera præstitissent. Eadem dicit D. Hieron. Et legatio quidem Ioannis vocis ad verbum: nunc quæ Christi responsio. Respondit igitur Christus, non ad verba Ioannis, sed ad mentem: respondit rebus, non verbis: omnis res discipulorum causa conficitur. Nam & agri fertiles, & arbores fecundæ opera sua commendare non solent, sed fruges ipsæ; & fructus eadem commendant, illisq; testimonium fecunditatis suæ reddunt. Scripta ea singula, quæ per Messiam effici debebant, per Isaiam explicantur: Ecce Deus vester ultionem adducet retributionis: Deus ipse veniet, & saluabit vos. Tunc aperientur oculi cæcorum, & aures surdorum patebunt: tunc saliet sicut ceruus claudus, & aperta erit lingua mutorum. Quia scissæ sunt in deserto aquæ, & torrentes in solitudine, &c. Sed & Sibylla, eadem cecinit his versibus:

νεκρῶν δ' ἐν ἀνάστασις ἔσται καὶ χαλῶν θρόνος ἔσται ὁ κύριος καὶ κωφοὶ ἀκούσονται καὶ τυφλοὶ βλέψουσι λαλήσουσι οὐ καλῶντες. Hæc igitur in oculis discipulorum faciebat: ac ut eadem Ioanni referant, mandat. Quia satiùs erat rem ipsam loqui. Deinde ut præconi liberius argumentum docendi tradat, ac Prophetarum explicandorum occasionem præbeat. Ut autem sciant, hæc non Ioannis causa fieri, sed eorundem, addit sententiam, qua illorum conscientiam tangit & prodit: Et beatus, inquit, est, qui in me scandalizatus non fuerit. Tangit cordis illorum arcanum, quoniam vos ex consuetudine cum peccatoribus scandalizati estis, ex prætermisso item ieiunio discipulorum meorum. Tale & illud scandalum

dalum fuit, vbi accedentes ad Ioannem dicebant : Rabbi, qui erat tecum trans Iordanem, ecce baptizat. His igitur quoniam sapius admonendo persuadere non poterat, nunc autem breui moriturus erat, delectis duobus, qui prudentiores erant, eos mittit ad Christum, vt hæc ipsa scandala sanet, errorem quo infecti erant illis eripiat, eosq; in recta via ponat.

2 **N**Otandum autem primùm hoc loco est, tribulationes esse munera & ornamenta, quibus Christi electi honorantur, primi & summi amici Dei, & sponsi. Ecce Ioannes in carcere : at quis Ioannes, dictum est, & paulò post audies. Quod autem Herodes illi faciebat pro pœna, ille suscipiebat pro beneficio. Et ira illius, quasi Dei misericordia fruebatur : quia verum gaudium est sanctorum exire de hoc mundo. Sicut seruus postquam commissi operis impleuerit pensum, gaudet ante faciem domini sui apparere : sic & Ioannes commissæ prædicationis mysterio consummato, lætabatur ad Deum transire.

3 **N**Otandum secundò, magnam esse dignitatem & præmium pro veritate vitam fundentium. Cuius causa, infelix carcer honor est & dignitas.

4 **N**Otandum tertio, magnam esse impietatem & ingritudinem hominũ, qui sic medicos & benefactores suos vsque ad carcerem & gladium persequuntur. Huc euasit concionator regius, concionator Herodis.

5 **N**Otandum quartò, ne in carcere quidem bonum magistrum suorum curam abieciſſe : vt Christus Dominus, ne in horto quidem & in cruce.

6 **N**Otandum quintò, in miraculis reputari, quòd pauperes euangelizantur. Vel pauperes spiritu, inquit Hieronymus : vel certè opibus pauperes, vt nulla inter nobiles & ignobiles, inter diuites & egenos in prædicatione distantia sit. Hæc magistri rigorem, hæc præceptoris comprobant veritatem, quando omnis apud eum, qui saluari potest, æqualis est. Neque tamen inter pauperes tantum hæc ipsa euangelij prædicatione manere debebat : sed post etiã inter reges atq; principes, sapientesq; ipsos, efferri. Ergo, inquit, reges intelligite : erudimini qui iudicatis terram. Seruite Domino in timore, & exultate ei cum tremore. Prædicationem autem inter pauperes, & pauperibus, & à pauperibus inter miracula reputari prædixerat Isaias : Dominus, inquit, ad prædicandum pauperibus misit me. Verbum quidem Græcum *πρωχὼς εὐαγγελιστὰς*, sonat pauperibus prædicari, non à pauperibus ; vtrumq; tamen fuit. Nam reges & principes spontè illos qui prædicant sequuntur.

7 **E**Xpeditis Ioannis discipulis, ad eumque reuersis, conuertit se Christus ad turbas, ac magnificè in laudes Ioannis excurrit, ne quid præsentibus discipulis auribus Ioannis dare putaretur. Vir enim sapiens, quando laudatur in facie, flagellatur in corde, dicebat Author operis Imperfecti. Facit autem hoc ex ea occasione : respexerat in cogitationes turbarum, atque animaduertit eos ex legatione scandalum suscepisse, ac si Ioannem superioris testimonij, quod perhibuit, poenituiſſet, & ac si ipse de Christo dubitaret, parumq; sibi constaret, doctrinæq; constantiam tueretur. Occurrit his Christus Dominus, ac Ioannem magnificè laudat, ac primam omnium inconstantia suspicionem aufert. Iuuat autem cæleste verbum suam vocem celebrans audire, elegantem encomij sui contexuit coronam. Primùm igitur mala omnia ab eo remouet : deinde eius

excellentiā Dominus oratione recenset. Inconstantia autem primum crimen remouet: Quid existis in desertum? vidē arundinem vento agitatam, quæ huc ac illuc varijs opinionibus ac sententijs, tanquam arundo quædam agitur? Quoniam, inquit Hieronymus, turba circumstans interrogationis mysterium ignorabat, & putabat Ioannem dubitare de Christo, quem ipse monstrauerat digito; vt intelligerent, Ioannem non sibi interrogasse, sed discipulis suis, Quid, inquit, existis in desertum? Nunquid vt hominem videretis calamo similem, qui omni vento circumferretur, & leuitate mentis de eo ambigeret, quem antea prædicarat? Ostendit autem vanum studium Iudæorum, ac superstitionem quandam, qui Ioannem quidem honorabant, ad eumq; in desertum exhibant, doctrinæ tamen & verbis illius non parebant: hoc & illis exprobare videtur. Sunt enim multi, qui sanctos mirantur ac comitantur, ipsi tamen meliores nequaquā fiunt. Quoniam autem alij non leuitati, sed aut gloriæ studio, aut opum & facultatū, aut voluptatis & commoditatū, tribuere id poterant; aufert hæc omnia Saluator, infert: Quid, inquit, existis in desertum videre? Gloriam quærentem? Qui gloriam quærit, desertum fugit. Mollihus vestitum? atqui pilis camelorum vestitus fuit, &c. At, qui tales opes & delicias non quærunt, nullis inuident, paucis cōtenti sunt: illos ista sequuntur, qui mollihus vestiri solent, qui domos regum incolunt. An forsitan, inquit, stimulis contra me inuidie agitur, inquit Hier. & prædicatio eius vanā sectatur gloriā, vt ex ea quærat lucra? Cur diuitias cupiat: an vt affluat dapibus? Locustis vescitur, & melle syluestri. Aut vt mollihus vestiatur: Atqui pili camelorum tegmen eius sunt. Istiusmodi cibis & vestis, carceris hospitio recipiuntur, & prædicatio veritatis tale habet habitaculū. Qui autem adulatores sunt, & sectantur lucra, & quærunt diuitias, & delicijs affluunt, & mollihus vestiuntur; isti in domibus regum sunt. Docet autem hoc loco Author operis Imperfecti, huiusmodi delectamenta mundum istum ad seductionem ostendere hominibus: Ac, quemadmodum homo malignus, si viderit aliquem orphanum habere substantiam paternam, ducit eum frequenter ad prandium, donat illi interdum aliquod speciosum vestimentum, loquitur illi dulces sermones, donec tollat facultates eius: sic & diabolus, videns hominem habentem in se thesaurum cælestem, id est animam immortalem à Deo creatam, sapientiam cælestem in arca terrena positam; ideò ostendit illi aurum & argentum, & concupiscibilia ornamenta; ostendit illi vestes pretiosas, & delicatos cibos, & gloriosos honores; vt per hoc subiugans eum voluptatibus suis, auferat salutem animæ eius, & corrumpat gratiam cordis ipsius. Et cum nonnulli essent, qui neq; illud primum, neque secundum de illo censerent, prophetam tamen tantum, quem multa latere possent, putabant, ideò & hoc Saluator vrget. Sed, inquit, quid existis videre? Prophetam? Etiam dico vobis, plusquàm Propheta. Docet maiorem esse prophetam, vt ad altitudinem doctrinæ eius Iudæos excitet. Quibus autem partibus Ioannes excellat ante alios prophetas, nemo melius explicat Hieronymo: In eo Ioannes ceteris prophetis maior est, quòd, quem illi prædicauerunt esse venturum, hic venisse digito monstrauit, dicens: Ecce agnus Dei, ecce qui tollit peccata mundi. Hoc idem Author operis Imperfecti pulchra exornat similitudine: Multæ, inquit, stellæ ante lucem præcedunt nunciantes lucis aduentum; nulla tamen earum Luciferi nomen habere meruit, nisi vna, quæ cum ipsa luce procedit: Sic omnes prophetæ ante faciem Christi procedunt nunciantes aduentū eius, solus

In Matth.
Hom: 27.

solus autem Ioannes præcursor est appellatus: quia non solum aduentum eius annunciat, sed ipsum illum digito suo ostendit: Ecce agnus Dei. Et quia ad privilegium prophetale, etiam baptistæ accessit præmium, ut Dominum suum baptizaret, tum quia Dei fuit nuncius, quia angelicam duxit vitam, super terrena eleuabatur, ad cælestia ferebatur. Cum autem illum vocasset, plusquam prophetam, quasi id parum esset, longè rem magis auget, angelum (quem nihil latere solet) prophetarum suorum verbis appellans: Hic est enim, de quo scriptum est: Ecce ego mitto angelum meum ante faciem tuam, qui præparabit viam tuam ante te. Inde, inquit Hieronymus, infert meritorum ^{Luc. 19}, faciens de Malachia testimonium, in quo etiam angelus prædicatur. Angelum autem hic dici Ioannem non putamus naturæ societate, sed officij dignitate; id est nuncium, quod venturum Dominum nunciauit. Quanquam & hinc elucet tanti præcursoris dignitas, & excellentia, ut docet Author operis Imperfecti: Quia omnes prophetae prophetauerunt de Christo, de illis autem non prophetatum est. Ipse autem non solum prophetauit de Christo, sed etiam alij prophetae prophetauerunt de ipso, quod in Isaïæ, & Malachiæ prophetia videmus. Sed cum in nomine Angeli aliquid similitudinis & metaphoræ esse videretur, ideò ad totam naturam humanam se refert: Amen dico vobis, non surrexit maior internatos mulierum Ioanne Baptista. Qui autem minor est in regno cælorum, maior est illo. Quis enim alius, in vteri tenebris absconditus, lucem venisse agnouit, & illam exultatione adorauit? Nullus alius, præter hunc solum, qui merito sanè cunctis maior est. Et rursus, quis ab infantia ita solitariam ac eremiticam duxit vitam, talèq; elegit exercitium? certè nullus omnium. Multiplicem huius loci interpretationem veteres adferunt; multi de Salvatore hoc intelligi volunt, quod qui minor est tempore, maior sit dignitate. Quidam omnem sanctum, qui iam cum Deo est, maiorem esse illo, qui adhuc consistit in prælio: aliud enim est coronam victoriæ possidere; aliud adhuc in acie pugnare. Aut nouissimum angelum in cælis Domino ministrantem meliorem esse, quolibet primo homine, qui versetur in terris. Mihi Euthymij sententia maximè arridet, ut seipsum minorem vocet, & quod ita videbatur apud Iudæos, & quod post illum natus est, iuxta illud: Qui post me venit, ante me natus est. Nam Ioannem eò maiorem habebant, utpotè qui ab infantia in eremum secesserat, & admirabili vitæ instituto vsus fuerat: Christum verò, tanquam communi modo conuersantem non item. Qui, inquit, minor est, id est, qui videtur minor illo, maior eo est in regno cælorum: hoc est, imperando cælis, utpotè non homo solum, sed etiam Deus. Calvinus eam comparisonem ad doctrinam refert, ut minimi doctoris Euangelici maior sit doctrina, quam Ioannis. Solidane sit ista expositio, iudicent docti.

- 8 **N**Otat hoc loco D. Chrysostomus, hæc non per comparisonem ad Christum, qui supra omnia est, referri, sed potius ad captum vulgi. Nec enim ipse Ioannes cum de Christo dicat, Quia fortior me est, comparando se illi dicit: nec Paulus cum de Moyse scribat, Ampliori gloria hic, quam Moyse, dignus est, comparando id scribit: ipse etiam Christus, cum dicat, Ecce plus Salomone hic, non comparat se Salomoni. Quod si quis per comparisonem id dictum contendat, dicemus accommodatè hoc factum propter audientium imbecillitatem; qui & semper antea procliuiiores ad Ioannem erant, & tunc partim propter

pter carcerem, partim propter fiduciam, qua liberè regibus loquebatur, clariorem existimabant, satisq; erat si ita dictum etiam per comparationē accepissent.

LAudat deinde Dominus Ioannem ab efficacia prædicationis, quòd scilicet à diebus illius, prædicationis, inquam, regnum cælorum vim patiatur, turmatim homines ad illud ruant, & violenti rapiant illud. Quæ autem & qualis ista sit vis, exponit D. Hieronymus. Si primus Ioannes, vt supra diximus, poenitentiam populis nunciauit dicens: Poenitentiam agite, appropinquabit enim regnum cælorum; consequenter à diebus illius regnum cælorum vim patitur, & violenti rapiunt illud. Grandis enim est violentia, in terrâ nos esse generatos, & cælorum sedem quærere; possidere per virtutem, quod non tenuimus per naturam. Non dissimilia, quamvis non ex eodem capite, Chrysostomus docet: Vim istam fidem interpretatur, vtpotè arrabonem ad regnum cælorum; ad fruitionem, inquam, bonorum, quæ habentur in cælis. Vim autem patitur, hoc est, violentè ab hominibus accipitur, dum illi sibiipsis vim inferunt, ac certè necessitatem priorum vincunt affectuum, aut etiam infidelitatis tyrannidem. Ideoque hoc manifestans subiunxit, quod violentè rapiunt illud. Hæc verò laudabilis violentia incepit à diebus prædicationis Ioannis, qui populo clamauit: Resipiscite, instat enim regnum cælorum. Hoc autem nunc dixit Christus, simul quidem in laudem Ioannis, quasi hominum salutem sit auspicatus; simul quoq; excitans auditores, vt & ipsi similiter vim inferrent sibiipsis. Nec aliena est illa Hilarij huius loci interpretatio. Itaq; vim regnum cælorum patitur, inferentesque diripiunt illud, quia gloria Israël patribus debita, à prophetis nunciata, à Christo oblata, fide gentium occupatur & rapitur. Sed nec illa parua violentia est, Nisi quis reliquerit patrem & matrem. & illa, Abneget semetipsum, &c. Laudat deinde Ioannem, quòd scilicet ille fuisset terminus & limes legis prophetarum, ac veluti obsignatio quædam: Lex, inquit, & propheta vsque ad Ioannem: non simpliciter, sed tanquam ad prædicationem futuri Christi atque euangelij; nam in reliquum tempus paulò post dicit: Ecce ego mitto ad vos prophetas, &c. qui & confirmationi, & propagationi, & designationi veræ fidei esse debuerunt: cum illo prophetiæ manserunt, sed operum exhibitiones factæ sunt. Christus autem hunc locutus est sermonem, simul Ioannem laudans, tanquam primum, qui earum prophetiarum cognouit euentum; simul docens, aduenisse iam, qui prophetabatur, nec deinceps oportere alterum expectare.

VLtimò, quia apud Iudæos Eliæ magnum nomen fuit, primusque prophetarum esse putabatur, certissimumq; signum aduentus Messiae debuit esse: sic enim illis prædictum erat Malach: 4. Mitto vobis, &c. In quo non mediocriter errabatur ab Iudæis, qui aduentum Eliæ in primum aduentum Messiae incidere debuissent arbitrabantur. Aufert hanc opinionem Saluator, ac ex isto errore illos deducit, inter dies Christi aduentus non distinguentes: ostenditque & Eliam iam venisse, si modo id quod res erat intelligere vellent; non quidem re ipsa & in persona sua, sed mysticè & signanter in persona Ioannis. Sic enim inquit, atq; inde speciosè Ioannem commendat, eum scilicet Eliam esse: Et si vultis, inquit, recipere, hoc est, intelligere, & rationi locum relinquere; ipse est Elias, qui in secundo aduentu meo venturus est. Ad quam rem non tam extrema au-

ma auris, quàm mentis & spiritus apponenda sunt: Qui, inquit, habet aures audiendi, audiat. Qua formula dicendi tum utitur scriptura, cum aliquid in mysterio & parabola dicitur, ut ad maiorem rei peruestigationem auditores excitet: maximè in eo, ut duplicem eius aduentum recognoscant & distinguant, in quo summa totius causæ fuit, & in quo maximè decepti sunt, inde omnis erroris origo. Cur autem Ioannes Eliæ comparetur, pulchras affert causas Hieronymus: quod cum ipsi facilius explicare non possumus, ipsum enarrantem audiamus. Hoc quod dictum est, Si vultis recipere, ipse est Elias; mysticum esse, & egere intelligentia, sequens sermo demonstrat Domini, dicens: Qui habet aures audiendi, audiat. Si enim planus esset sensus, & manifesta sententia; quid necesse fuit nos ad istius intelligentiam præparari? Elias ergo Ioannes dicitur, non secundum stultos philosophos & quosdam hæreticos, qui μετεμψύχων in-
 troducunt; sed quòd, iuxta aliud testimoniũ euangelij, venerit in spiritu & virtute Eliæ, & eandem sancti spiritus, vel gratiam habuerit, vel mensuram. Sed
 & vitæ austeritas rigorque mentis Eliæ & Ioannis pares sunt. Ille enim in eremo; iste in eremo: ille zona pellicea cingebatur; & iste simile habuit cingulum: ille quoniam regem Achab & Iezabel impietatis arguit, fugere compulsus est; iste, quia Herodis & Herodiadis illicitas arguit nuptias, capite truncatur. Sunt qui propterea Ioannem Eliam vocari putant, quòd quomodo in secundo Saluatoris aduentu, iuxta Malachiam, præcessurus est Elias, & venturum iudicem nunciaturus; sic Ioannes in primo aduentu fecerit; & quòd vterque sit nuncius, vel primi aduentus Domini, vel secundi. Sed quomodo Christus Dominus dicit eum Eliam, cum ipse interrogatus à Iudæis, Elias es tu? respondit, Non sum. Explicat præclare hanc difficultatē Gregorius: Sed si subtiliter veritas ipsa requiratur, inquit, hoc quod inter se contrariũ sonat, quomodo contrarium nõ sit inuenitur. Ad Zachariam namque Angelus de Ioanne dicit, Ipse præcedet ante illum in spiritu & virtute Eliæ. Qui idcirco venturus in spiritu & virtute Eliæ dicitur, quia sicut Elias secundum Domini aduentum præueniet; ita Ioannes præuenit primum: sicut ille præcursor venturus est iudicis; ita iste factus est præcursor redemptoris. Ioannes igitur in spiritu Elias erat, in persona nõ erat. Quod ergo Dominus fatetur de spiritu, hoc Ioannes negat de persona.

II Notandum autem est ex hoc præconio Ioannis, sanctos Dei venerandos, eorum præconia texenda esse, iuxta illud: Laudemus viros gloriosos in generatione sua. Quod & in veteri lege factitatum est: & nunc ipse Christus Dominus in Ioanne laudando magnificè facit: sola hæresis facere fugit & recusat.

12 Secundò notandum est, quis & quantus sit ipse Christus, qui tantum, & talem habeat angelum, talem præconem: & erga quem ille tam humiliter se gessit, ut indignum se putaret, cuius calceamenta ferret aut solueret: & cuius ipse Elias minister sit: & quantum Deus honorauerit filium suum. Cuius rei pulchra est figura in lib. Ester: Homo quem rex honorare cupit, debet indui vestibus regijs, & imponi super equum, qui de sella regis est, & accipere regium diadema super caput suum, & primus de regijs principibus ac tyrannis teneat equum eius, & per plateam ciuitatis incedens clamat & dicat: Sic honorabitur, quemcunque rex voluerit honorare. Homo quem rex honorare voluit, est Christus Dominus, iuxta illud: Clarifica me pater in hac hora ea claritate, quam

quam habui priusquam mundus fieret. Et clarificaui, inquit, & clarificabo. Primus autem de regijs principibus ac tyrannis qui clamat, est Ioannes, Vox clamantis in deserto, parate vias Domini, & rectas facite semitas eius.

NOtandum tertio, maximè rem ingenuam esse, cuiusque virtuti largè & liberaliter testimonium reddere, magisq; absenti, quàm præsenti: ac inter spirituales viros, nullum locum inuidiæ ac obrectationi relictum esse.

NOtandum quarto, testimonium ab operibus & vita magnum esse, maius quàm à doctrina, magisq; suspicione carere. vnde illud: Exemplo prius doce, postea voce.

NOtat deinde ex hoc loco D. Hieronymus, rigidam vitam, & austeram prædicationem, aulas regum & mollium hominum palatia declinare debere. Quanquam hoc loco Calvinus nugatur, aulicas delicias non damnari, sed tantum ostendi, hac aulis conuenire, non eremo, quæ tamen inter se non pugnant.

NOtandæ sunt laudes ac præcipuæ virtutes ex hoc loco concionatorum, vita scilicet solitaria, studium, & cura infatigabilis, in sanandis, ac in officio retinendis, ad omnem item perfectionem discipulis & auditoribus suis, siue à se, siue ab alijs perducendis, constantia vitæ & doctrinæ, victus & amictus durus, qui veluti sacra vasa intra sacrarium se conferuent, ne vsu communi vilescant: Principum & magistratuum consuetudinis, & nimix familiaritatis fuga. Quo nomine sibi maximum comparasse odium D. Chrysostomum Constantinopoli legimus, quod nullos vnquam potentes adire voluit: mores & integritas angelica, spiritus propheticus, violentia spiritualis, vt sit super natos mulierum, &c.

COntingit autem quandoque, magnum inter natos mulierum in carcere esse; sed parum hoc, contingit ipsam vocem Dei & gratiam, hoc est, Ioannem ita constringi ac concludi; vt exerere se, ac liberè agere, & proloqui non possit ad Christum: soluit tamen se, vincula rumpit, contineri non potest, quomodo sol conclusus vel exclusus per rimas sese exerere solet. Mittit suos ad Christum, eumque celebrat ac illustrat. Sic Paulus in vinculis docuit, sic Petrus, sic Ioannes, sic alij multi.

CUm maximè sancti Dei premuntur ac affliguntur, tum maximè Christus pro illis pugnat, eorum salutem & dignitatē tuetur, quod nunc in Ioanne facit.

Post Ioannis legationem, eiusque laudes, ac elogia, ad increpandas ciuitates, gentemque Iudæam se confert, quibus neq; Ioannes, neq; Christus, etiam si diuersum vitæ genus secuti sint, satisfacere potuerunt: & qui neutrum, ita vti par fuit, honorarunt. Nam cum Ioannes duram ac solitariam vitam duxisset; eum contempserunt, ac durum & inhumanum quendam hominem appellarunt: quando autem Christus communem & ciuilem; eum vini potorem ac socium peccatorum dixerunt: cum Ioannes poenitentiam prædicaret; nemo poenitentiam egit: vbi Christus præsentem salutem adferret; nemo seriò gauisus est: idem vterque spectando etsi non idem agendo; spectabat vterque salutem gentis ingratae, agebat quod ad eam quærendam pertinebat. Quod pulchro exemplo illustrat D. Chrysostomus: Christus, inquit, cum præcursore suo, oppositis quibusdam itineribus, ad gentem Hebræam venerunt, idemq; fecerunt quod venatores solent facere: qui quando fugacissima, captuque difficillima insectan-

infectantur animalia, non vna via, sed diuersis; & non diuersis solùm, sed per contraria plerunque aggrediuntur; vt si alterum effugerint, in alterum incidunt: ita quoq; hîc dispositum est, vt Ioannes quidem duriorẽ viuendi regulam haberet, Christus verò molliorẽ; vt siue hanc, siue illam eligentes, obedirent eis; & vel in hoc, vel in illo caperentur saltu. Oportebat autem pœnitentiæ prædicatorem tristem quandam grauitatem præferre, & remissionis peccatorum largitorem humanum ac benignum esse. Et erant sanè hæ viæ inter se inuicem contrariæ, simile tamen erat opus. Verùm hi tanquam fera captu difficilis, vtrumque fugientes, vtriq; detrahebant. Quam leuitatem & inconstantiam eorum, quem populi illius ingrati affectum, similitudine à pueris sumpta, pulchrè explicat & pingit ipse Saluator. Solent communiter pueri more simiarum omnia humana exprimere & imitari: ac nunc triumphos, nunc lætas panegyres excitare, nunc item funera efferre, atque ad eadem alios vocare: quibus cùm non paretur, tum illud occinere per exprobrationem solent, Cantauimus vobis, & non saltastis: lamentati sumus, & non planxistis. Solent autem hæ ludicra verorum ac seriorum aliquando præfagia esse, & eorum quæ inter adultos futura sunt. Quemadmodum ante tempus belli ciuilis Romani, pueri hæc omnia, quæ post euenerant, expresserunt. Per pueros in foro clamantes, hoc loco Hieronymus atque alij, intelligunt prophetas omnes, legem denique ipsam, cui pueri occinunt: sed & hoc loco Hebræi: Cui autem, inquit Saluator, similem æstimabo generationem istam? similis est pueris sedentibus in foro, qui clamantes coæqualibus suis dicunt: Cecinimus vobis, & non saltastis: lamentati sumus, & non planxistis. Venit enim Ioannes, neque manducans, neque bibens, communi vitæ modo, & dicunt, dæmonium habet. Venit filius hominis manducans & bibens, & dicunt, ecce homo vorax, & potator vini, publicanorum & peccatorum amicus: & iustificata est sapientia à filiis suis, siue ab intelligentibus eam. Sic & nos plerumq; viros bonos, & vitæ diuinæ, sycophantas, phantasticos, ipsi phantastici vocamus. Iustificata est, iusta habita, siue in admiratione habita est Dei sapientia, quæ disposuit, vt Christus & Ioannes oppositis vijs incederent, propter ipsam hominum vtilitatem: admiratione habita à filiis suis, siue ab intelligentibus eam. Iustificata autem est hoc modo: quia nihil prætermisit earum rerum, quæ ad iustitiam & salutem instillandam humani generis pertinerent; iuxta illud: Quid amplius facere debui & non feci? vel iustificata est, hoc est, iusta ac irreprehensibilis facta est; vtpotè, quæ fecit quod debebat, & omni modo vsa est ad illorum salutem. Iustificata est sapientia, hoc est, ordinatio atque doctrina Dei, atque adeò verbum illius, & filius vnigenitus, à filiis suis, hoc est, ab ijs qui eum receperunt, quibus dedit potestatem filios Dei fieri. Quemadmodum à nothis & apostatis filiis, & qui Christum suo iudicio cadere volebant, damnabatur. Sunt & aliæ interpretationes loci istius, sed coincidunt. Dei autem sapientia iustificatur, & vbique in omni foro vincit: nam boni quidem filij eam sequendo, & mali vindictam referendo, illius bonitatem & æquitatem commendant & illustrent: vt in ipsa rerum natura, veterique vsu, qui orientem solem adorare noluerunt, occidentem adorârunt; ita qui benignum retributorem sanctificare nolunt, iustum vindicem persentiunt. Nulla vos, exponit & D. Chrysostomus, potui attrahere via, quare iurè me iam incusare nunquam poteritis. Quod de patre pariter dixit propheta: Vt iustificeris in sermonibus tuis,

& vincas cum iudicaris. Luctui autem atq; threno doctrinam ac conuersationem comparat Ioannis; ut quæ per omnia dura & aspera, vitæq; communis vsum refugiens fuerit: Christi autem vitam cantui & hilaritati; quod gratissimus & humanissimus fidelibus omnibus condescenderit, ut omnes lucrifaceret, regna & gaudia promittens.

Notandum autem hoc loco primum illud, incerta & inconstantia iudicia hominum, quæ ne hoc quidem ipsum apud se constituerunt, quid velle, aut quid probare debeant, & quibus nihil præsens placet. Nemo igitur turbetur, nemo sollicitus sit, si hominibus non satisfaciat; siquidem neque Ioannes, neque ipse filius Dei illis satisfacere potuit. 21

Notandum secundò, Deum in rebus paruis vestigia rerum magnarum relinquere, ut inde homines similitudine quadam ad rerum sublimiorum cognitionem deducantur; quod videre est in apibus, gruibus, & formicis, ad quas nos Salomon frequenter remittere solet: sic & hoc loco in pueris ipsis ad religionem & iustitiam. 22

Notandum tertio, non si quis aliquod vitæ genus non sequatur, aut genus virtutis non colat, idè alium, qui in alio genere vitæ est, aut in alia virtute se exercet, contemnere debere; cum neque Ioannes durus Christum Dominum humanum & misericordem contempserit, neque item Christus Ioannem, sed mutuum sibi testimonium exhibuerint; cum Ecclesia Dei non ex homogeneis partibus constet, quales sunt partes ignis vel aquæ vel ligni, in quibus vnaquæq; pars ignis est ignis, & aquæ aqua, & ligni lignum: sed ex heterogeneis, naus est, corpus est, diuersis & partibus & membris distincta; in quibus vnum membrum alteri dicere non potest, opus te non habeo. Non distinguit hæc hæresis, sed confundit omnia, non agnoscit magistri & discipuli differentiam, non præpositi, & subditi, non actiui, & speculatiui, ad vnum chaos omnia reuocat: nihil splendidum, nihil illustre ferre potest, nihil item austerum, nihil durum. At in Ecclesia Dei & sacco & purpuræ locus est, nec minus aliquando sub purpura virtus & poenitentia elucet, quam sub sacco & cilicio. Extenuat hoc loco more suo vitam austeram Caluinus, quam Christus mirè amplificat. Quid existis videre mollibus vestitum? &c. 23

Notandum vltimò, & nos item à Deo & ecclesia eius sancta, iam latis, iam tristibus prouocari, nihilominus meliores non effici. In natali filij Dei proponit læta, in regum magnifico aduentu, & meliores non efficimur: proponit in Septuagesima tristitia, in Quadragesima item, in hebdomada sancta, similiter eadem omnia, vel si meliora, ad tempus composita. Quod in Christo Domino eiusq; præcurfore Ioanne Iudæos prouocante factum videmus. 24

SERIES **P**ostquam autem incertitudinem & inconstantiam generationis illius perstrinxisset, vltimò grauiter comminatur illis, quicunq; doctrinam sanam non receperunt, idq; superbia & arrogantia elati: ac demum gratias pro illis agit, qui ex humilitate & simplicitate cordis verbum sanum susceperunt. Obiurgationem seueram sic narrat Euangelista. Tum coepit exprobrare ciuitatibus, in quibus sunt factæ plurimæ virtutes eius, quia non egissent poenitentiam: Væ tibi Corozaim, væ tibi Bethsaida: quia si in Tyro & Sydone factæ essent virtutes, quæ factæ sunt in vobis; olim in cilicio & puluere poenitentiam egissent. In cilicio 25

cilicio asperitas peccati significatur, in cinere mortis significatio est, per quam tota generis humani massa in puluerem est redigenda, inquit Beda. Non placet hoc loco Caluino in cinere & sacco. Erant autem vrbes istæ Galileæ, & Sydon & Tyrus, vrbes idololatræ, & vitijs deditæ. Præferuntur autem, inquit Hieronymus, eis, quod Tyrus & Sydon naturalem tantum legem calcauerint; istæ verò post transgressionem naturalis & scriptæ legis, etiam signa, quæ apud eos facta sunt, parui duxerint. Et tu Capharnaum, quæ es locus residentia meæ, nunquid vsque ad cælum exaltaberis? vsq; in infernum descendes. vt sit duplex intelligentia: vel ideò ad inferna descendes, quia contra prædicationem meam superbissimè restitisti; vel ideò exaltata vsque in cælum meo hospitio, & meis signis atq; virtutibus, tantum habens priuilegium, maioribus plecteris supplicijs, quod his quoq; credere nolueris, vbi multi alij externi crediderunt. Veruntamen dico vobis, quod terræ Sodomorum erit remissius in die iudicij, quàm illi, quam filius Dei, regnum & sacerdotium auspicaturus, sibi palatij & sanctuarij locum delegerit. Istarum enim vrbium propter viciniam maximè infamis erat impietas, superbia & luxus, ita vt nemo esset ex Iudæis, qui non istos putaret maximos Dei contemptores. Multum ergo auget omnia, dum hos ipsos propiores saluti esse dicit ipsis Iudæis, quibus sic frequens aderat, apud quos tam multa miracula edebat.

26 **N**Otandum autem hoc loco, ingratitudinem omnium vitiorum esse foedissimam, cuius Latini ne nomē quidem in lingua sua habere voluerunt: & qui ingratum dixit, illum omnia dixisse, omniaque complexum esse, & in quo vitio nihil mali non inesse, docet Tullius.

27 **N**Otandum secundo, cui plus impertitum est, ab eo plura repetenda esse. Vnde illud: Seruus sciens voluntatem domini, & non faciens, vapulabit plagis multis: crescentibus donis, rationes donorum crescere.

28 **N**Otandum tertio, si hæ ipsæ vrbes, quæ vnum annum & alterum, verbum Dei audierunt, & illi non crediderunt, tantam poenam sustinebunt: quantum vrbibus & prouincijs christianis metuendum; quæ à mille annis fidem receperunt, necdum tamen veros se præstiterunt christianos?

29 **V**Ltimò, Saluatorem nostrum pauca de præsentis rerum statu disputare, omnia ad futurum Dei iudicium referre, in quo manifesta erunt omnia, quorum nunc paruum habemus rationem.

30 **P**ostquam Iudæos superbos & arrogantes, ac quosuis alios obiurgauit, illisque grauissimè comminatus est, vt verbi Dei ac doctrinæ suæ contemptoribus, eorumque certum exitium prædixit: nunc pro humilibus & mansuetis, qui in humilitate sua suscipiunt verbum, æterno parenti gratias agit, eosque animat, ac ad se venire iubet. D. Chrysostomus: Perpendis, inquit, quot, quibusque modis ad fidem illos inducit? Primum, præcipuis Ioannis laudibus: nam cum eum magnum, atque mirabilem, & plus quàm prophetam ostenderit; ad præbendam illi fidem impellebat, qui apertissimè, ipsum esse Christum attestabatur. deinde cum dixit, Regnum cœlorum vim patitur, & violenti rapiunt illud: hoc enim non hortantis magis ad fidem, quàm impellentis esse videtur. Tertiò, quoniam omnium prophetarum prædicationem adimpletam iam esse docebat, quo significabat seipsum esse, quem illi prædixerunt esse venturum. Quarto, quo-

tò, quoniam omnia iam facta esse monstrauit, quæ ab ipso fieri oportebat, quod similitudine puerorum ante oculos posuit. Quintò, exprobrando ac miserando incredulos, & terrore ac minis reuocando. Sextò, quoniam gratias modo pro credentibus agit.

CVius orationis argumentum & summa hæc est. Misericordiam Dei ³¹ & iudicium celebrat; pro inimicis suis, subiectis, gaudium declarat; quia voluntas completur patris, gratias agit. Implet igitur quod à Dauide prædictum fuit: Misericordiam & iudicium cantabo tibi Domine: misericordiam ex parte humilium, iustitiam ex parte superbiorum. Respondens, inquit Euangelista, vel ad patris orationem apud Isaiam. Ad prædicandum pauperibus misit me; vel ad tacitam obiectionem, cur isti receperunt, illi non, quia sic placitum fuit ante te. Confitemur igitur patri confessione laudis & iubilationis. Est autem confessio laudis, ubi quis ipse agnoscit ac recognoscit beneficium Dei, illud laudat, ac apud omnes mortales prædicat, ac toti mundo innotescere cupit. Tales laudes continent illi tres, quos Ecclesia in matutino Sabbathi recitat, Psalmi: Confitemini Dño quoniam bonus: quartus item ille, Confitebimur tibi Deus. Confiteor, inquit, tibi pater, patrem appellat respectu sui: Dominum cæli & terræ, respectu vniuersæ creaturæ. Patrem appellans, excludit errorem Sabellij, qui patrem & filium vnum esse, vt natura, ita & persona erroneè docebat, nominibus tantum distinctos. Quomodo enim illi confiteretur, si idem cum illo esset? Arium autem refutat, cum appellat patrem suum à quo genitus, non vt cælum & terra creatus est. Pulchrè autem locum hunc expendit D. Hieronymus. Potissimum vocat Dominum cæli & terræ, quia in his primum tale factum est iudicium: in cælo, inquam, in quo superbi, ac in oculis suis sapientes Angeli deiectioni sunt: mites autem & humiles, ad Deum omnia referentes conseruati & confirmati.

Vbi igitur dixit cui confitetur, deinde ostendit quid confiteatur, hoc sci- ³² licet, quia abscondisti hæc à sapientibus & prudentibus, & reuelasti ea paruulis. Neq; inquit D. Chryso. quia sapientes non cognouerunt gaudet: sed quia, quæ sapientes non cognouerunt, hæc isti, quos paruulos vocat, perceperunt, lætatur. Ita & Paulus dicit: Gratias ago Deo meo, quod fuistis serui peccati: obedistis autem ex corde, in eam formam doctrinæ, in qua traditi estis. Neq; enim Paulus propterea gaudet, quia erant serui peccati, sed quia cum essent huiusmodi, veritatis cultores facti sunt. Sed quæ est ista absconditio apud Deum, qui illuminat omnem hominem venientem in hunc mundum; qui docet hominem scientiam; qui extendit cælum, vt enarret gloriam eius; qui illuminauit lumen vultus sui, sapientiæ suæ super nos; qui tot instrumentis & præfidiis doctrinæ nos armavit? Patebit hæc ex velis & causis absconditionis, quæ sequuntur. Vela quidem & causæ absconditionum hæc sunt. Primum, via fidei, cui sapientes assueti non erant. Nam cum huius mundi sapientes, aut via sensus, aut via rationis se omnia consequuturos putarent, atque etiam nunc putant, institit iste magister noua quadam & ardua via: via, inquam, fidei ac humilis prædicationis, quam mundus non ita facile capere, aut magnificare potuit. Secundum velamen, humilitas & abiectio prædicantium, qui piscatores & publicani erant, quos ubi primum mundus vidit, spreuit. Denique ipsius doctrinæ nouitas ac sensus à cō-
muni

Roman: 6.

muni sensu remotus. Abnegare seipfos eos iubebat, qui omnia ad se referebant: pauperes esse, qui diuitias corradebant: lugere ac tristes esse, qui voluptatem summum bonum statuebant: iniuriam non vlcisci, qui primam & summam in vlciscendo inimico, eiusque malis & aduersis conspiciendis felicitatem constituebant. Horum igitur curiositas, arrogantia, proximi contemptus, voluptates vela fuerunt, quibus sibi talem lucē auferebant, vt ipsi potius sibi abscondisse videantur, quā illis abscondita esse. Media autem hæc doctrinæ suæ Deus esse voluit, non quod ab istis absconderet; sed quod sublimiorem quandam doctrinam traditurus esset sensu & intellectu, ad quam sola fide opus fuerat; & quod per humilitatem superbos auditores disponere volebat. Quod etiam in quadam adumbratione Pythagoras facere solebat. Solet tamen ille malis & arrogantibus mysteria non communicare sua, eorum boni causa, ne magis puniantur; ne dum cognoscunt, contemnant, & contemnantur ipsi.

33 **P** Utant se nactos hinc occasionem accusandæ sapientiæ, ac insultandi doctis & sapientibus viris, se autem iactandi, stulti, ignaui & imperiti, quod Christus gratias agat, hæc abscondita esse à sapientibus: sed parum firmum & stabile gaudium, vana accusatio. Neque enim Christus Dominus hoc loco de vera sapientia loquitur: nec de verè & propriè sapientibus; sed de his, qui per factum & arrogantiam nomen sibi vendicant sapientum, cum non sint. Scimus enim ipsum Dei filium paulò antè dictum esse sapientiam: & iustificata est sapientia à filiis suis. Scimus Deum omnia in sapientia fecisse: scimus sapientiam in maximis donis Dei numerari: tum & ea quæ antecedunt, & ea quæ sequuntur id docent. Vbi enim superbis sapientibus & inflatis Capharnaitis grauissimè comminatus esset, in eosq; inuectus; statim hæc infert, quæ sequuntur, Quia abscondisti hæc à sapientibus & prudentibus, & reuelasti ea paruulis: non dicit ignauis & improbis; sed paruulis: paruulo igitur non sapiens opponitur, sed superbus & inflatus. & paulò post, Discite à me, quia mitis sum, & humilis corde. Sapientes igitur hoc loco intelliguntur, inflati, tumidi, arrogantes, & qui in oculis suis magis sapiunt, quā Dei: quorum duo genera Paulus ad Romanos enumerat. Primum Scribarum & Phariseorum, qui legem & Moysen tenebant, & cæteros omnes præ se contemnebant; & qui verbis quidem legem commendabant, operibus autè remotissimi erant, indeq; omnem iustitiam, omnia prospera sibi deberi affirmabant. Secundum autem mundi sapientū & philosophorum, qui vel cum cognouissent, non sicut Deum adorauerunt, & ideò sapientes se existimantes stulti facti sunt; vel naturali sapientia ac literarum exercitatione de Dei natura querere cum contenderent; non Deum inuenire desiderabant, sed altissima differere cupiebant; & ideò victi sunt ingenio, defecerunt eloquio: in ultimo nihil se amplius inuenire potuisse confessi sunt, nisi quia Deus cognosci non posset. Sicut qui innauigabilem Oceanum nauigare usurpat, dum non potest eum transire, necesse est, vt per eandem viam reuertatur, vnde ingressus est; sic & illi ab ignorantia coeperunt, & in ignorantia finierunt. Quos vtrosq; magnificè refutat, ac in ordinem redigit Paulus, ac debitores Dei esse docet. Ab his igitur vtrisque abscondita esse mysteria Dei eo modo quo dixi, gratias Saluator agit.

34 **F** Acti æquitatem Dominus voluntatis paternæ iudicio confirmat. Causas autem

autem adfert eius diuini occulti consilij; alteram implicitè ex parte istorum, qui se sapientes putabant, malitiam, inquam, & superbiam ac contemptum aliorum; alteram explicitè, ex parte Dei, voluntatem scilicet, patris: Ita, inquit, pater, quoniam sic fuit placitum ante te. Neque in sapientia causa est, neque in ignorantia, sed in voluntate Dei: cuius voluntatis summa ratio est, & à quo nemo potest interrogare, cur ita? quis enim dedit ei prior, & retribuetur illi? Prosequitur eas causas D. Paulus ad Corinthios ad Galatas ad Romanos præcipuè, Deum elegisse infirma mundi, ut confundat fortia, ne gloriatur omnis caro. Et, quia ignorantes Dei iustitiam, & suam quærentes statuere, iustitiæ Dei non sunt subiecti: ut qui dedignabantur paruuli in Deo fieri, stulti deinde in sapientia sua fierent. In quarum abyssum ubi ingressus fuisset, nec amplius progredi posset, dat manus exclamans: O altitudo diuitiarum sapientiæ & scientiæ Dei, quam incomprehensibilia sunt iudicia eius, & inuestigabiles viæ eius! quas & nos porrigamus. Stultè igitur & prauè per sapientes intelligit Caluinus, omnes qui ingenio & doctrina pollent. ITA PATER, gratias agentis & exultantis in patre, patrique blandientis, hæc verba esse notat Hieronymus, quòd Apostolis aduentus sui aperuerit sacramenta, ut coeptum in illis beneficium compleatur. Quæ quidem tam mitis & blanda oratio, ne cui erroris in futurum occasionem præberet, quasi non eadem faciat filius quæ pater; aut quasi non eius æqualitatis & naturæ cum illo sit; aut quasi & ipse non sit Dominus cæli & terræ; ideò addit: Omnia mihi tradita sunt à patre meo, non tanquam seruo aut inferiori, sed tanquam filio. Quemadmodum est genitus ex patre, ita omnia habet à patre. Tradita autem dixit tanquam à fonte, origine, causa, ut distinguatur filius à patre contra Sabellium: tradita per modum generationis, id est, ut Cyrillus exponit, gignendo data, quemadmodum puer pulcher, potest dicere, datam sibi pulchritudinem à patre. Sicut enim omnia quæ habet in substantia dedit ei, quem genuit de substantia sua; ita eodem modo per generationem dedit illi omnia quæ ipse habet, præter ipsam paternitatem. Et tradentem patrem, & accipientem filium mysticè intellige: alioquin, si iuxta fragilitatem nostram sentire volumus, ille coeperit habere qui accepit, incipiet verò non habere qui dederit. Tradita autem illi omnia, non solum cælum & terram & elementa intelligenda sunt, & cætera quæ ipse fecit & condidit; sed & ij qui per illum accessum habent ad patrem, & antè rebelles, Deum postea sentire coeperunt.

Quoniam autem dixit, patrem reuelasse paruulis, abscondisse sapientibus, ne in posterum Arius concludat, non eandem sapientiam, neque vim eius dispensandi, penes filium esse; ideò eidem occurrens errori, inquit: Nemo nouit patrem, nisi filius, & nemo nouit filium, nisi pater, & cui uoluerit filius reuelare. Nam etsi & creatura cognoscit aliqua parte patrem: sed non ea ratione qua filius: ipse enim nouit natura ipsa, alij autem per reuelationem. Mentitur igitur Eunomius, qui dicebat æquè se agnoscere patrem, ut cognoscit filius; quem pulchra epistola risit Basilius, quam hoc loco licet apponere. Qui ea quæ sunt, inquit, scrutatu facilia esse dicit, omninò viam quandā ac rationem ex eorum quæ sunt cognitione, mente sua complexus est: & in ijs quæ comprehensibilia sunt & minutiora exercitatus, per huiusmodi cognitionem & incomprehensibilem phantasiam ultra omnem cogitationē pro-

promouit. Itaque qui se existentium scientiam affecutum esse gloriatur, exponat nobis, quomodo, quod minimum est eorum quæ in lucem prodierunt, natura habeat, & quæ formicæ sit natura, dicat: an spiritu vel anhelitu vita ipsius contineatur: an corpus habeat ossium distinctione concinnatum ac discretum: neruifné ac nodulis coniuncturarum roborata sit: an muscutorum & glandularum complexu neruorum natura vndiquaque conseruetur: an è sin- cipite per dorsuales nodos ad caudam vsque, medulla prorogetur: vtrum ex neruofæ pelliculæ complexione motis membris sit progrediendi facultas: ha- beatne hepar: an sub hepate sit flauæ bilis folliculus: vtrum renes habeat; & cor, & arterias, & venas, & membranas, & diaphragmata: nudané sit vel cri- nita: an vnius tantum generis, an multifariis vtatur pedibus: quandiu viuat: & quæ sit illi propagandæ posteritatis ratio: quotuplo foetu dum generat foecundetur; & quomodo nec pedestres omnes sint formicæ, nec alatæ om- nes, sed aliæ humi repant, aliæ verò per aëra volitent. Dicat itaq; formicarum nobis naturam, qui eorum, quæ in natura sunt, scientiam cum fastu se prædi- cat affecutum, atque ita demum de potentia illa omnem intellectum superan- te disputet. Si verò scientia minutissimæ formicæ nondum es affecutus natu- ram, quomodo incomprehensibilem Dei potentiam imaginatione tua com- prehensam esse gloriaris? hætenus D. Basilus. Non dicit autem hîc de aliquo ignoto Deo, vt Marcion iudicabat, sed de eo quem filius patrem suum vocat. Ideò dicit, Nemo nouit patrem, nisi filius: & secundum plenitudinem filij, filium nemo cognoscit, nisi pater: quia incomprehensibilem naturam com- prehendere non potest comprehensibilis creatura; & cui voluerit filius reue- lare. Et quomodo reuelat? Reuelat autem ei, à quo vt reuelare velit, oratur, in- quit Hilarius. Et vt verbum, & se, & rem notificat; ita filius & patrem, & se. Quid autem Spiritus sanctus, an non & ipse nouit patrem, an non & ipse reue- lat? Imò per omnia, vt & filius: Ille, inquit, docebit vos omnia. Verum particu- lare exclusiua, inquit D. Thomas, cum adduntur nominibus diuinis personali- bus, non excludunt illud, quod idem est in natura; vt cum dicitur, Regi seculo- rum immortalis, & inuisibili soli Deo honor & gloria in secula seculorum: sed intelligitur exclusio eius, quod est extra naturam, id est hominis, angeli, vel al- terius rei. Porro paulò ante dixit reuelare patrem, & nunc dicit se reuelare; hoc ostendens eandem esse vim patris, quæ & filij.

36 **L**Audat ergo in hoc factum patris, misericordiam & veritatem: in super- bos quidem iustitiam & veritatem, in humiles autem & paruulos misericordi- am. Gratias patri agit, quòd posuerit inimicos eius scabellum pedum eius, qui, dum sibi sapientes visi sunt, stulti facti sunt, quòd delicta Iudæorum facta sunt diuitiæ mundi. Lætatur, non quòd isti reprobati, sed quòd illi empti, & quòd istis pœnitentiæ locus relictus sit; quòd facta sit voluntas patris, & quòd deposuit potentes de sede, & exaltauit humiles. Verum ne quis dicat & istis occlusas esse fores salutis, nec amplius eos resurgere posse, ideò clamat: Ve- nite ad me omnes qui laboratis, & onerati estis, & ego reficiam vos. Cuius prouocationis eò maior causa esse videbatur, quòd nunc dixerat: Nemo no- uit patrem, nisi filius, & cui voluerit filius reuelare: tanquam ille non omnibus velit, aut non ad omnes vocandos & saluandos venerit. Hanc igitur aufert opi- nionem, ne aliquem à spe salutis excludere videretur, & magna clamat voce:

Venite ad me omnes. Et ne aut voluptates, aut honores, aut diuitias cur non veniant, in excusationem adferant; his illos excusari non posse docet, quia hæc omnia labor & onus sunt, & ideo laborantes & oneratos vocat: Venite ad me omnes, qui laboratis & onerati estis. Hæc autem labores & onera esse, docet ille qui dixit, laboriosum est retinere labentia, velle stare in non stantibus, cum transeuntibus nolle transire, non habita cum labore quærere, & cum labore retinere. Si ipsi non potestis vos subleuare, ego possum trahere vos: Omnia mihi tradita sunt à patre. Si ignoratis, docebo vos, reuelabo vobis: Nemo nouit patrem, nisi filius, & cui voluerit filius reuelare. Impedimenta auferatis, & discetis mites esse & humiles corde. Si labor & dolor in ferenda mea lege deterret; iugum meum suaue, & onus meum leue: Iugum non licentia, onus non laxitas, vt putat hæresis: Iugum, quasi duorum trahentium; nostrum & Christi nobiscum: Viuo ego, iam non ego, viuit verò in me Christus. Si duce opus habetis, ego adsum: Discite à me, quia mitis sum, & humilis corde: Si præmium, Inuenietis requiem animabus vestris: inebriabimini ab vbertate domus meæ: merces magna labori paruo, quia iugum suaue onus leue est. Stultè igitur hoc loco Calvinus per paruulos vulgi faciem & quisquilias intelligit, cum tales magis superbi plerunque sint, quàm ipsi reges & principes, aut rudes, indoctos, obscurum gregem; siquidè humilitas à necessitate procedens nulla est. Sed quo tandem modo iugum Christi leue & suaue est, si longè perfectius est latiusque patet lege Moyse? An quia lex vetus sine gratia fuit, sine qua omnis iustitia grauis est? An quòd lex grauius præcipit obseruationis mandata, & faciendi non præstat auxilium? Gratia autem leuis est, quia leuia ponit mandata: & quòd fieri præcipit, ipsa in nobis faciendi operatur virtutem. An quia si impleuerit quis omnem iustitiam legis, viuit quidem in ea; non tamen iustificatus est? Nam qui abstinet se à malis, innocens quidem est; iustus autem non est, nisi & iustitiæ opus impleuerit. Omnis autem qui contendit iusta facere, & non iustificatur, laborat in opere; quia fructu laboris sui non fruitur: qui autem & contendit, & iustificatur, non laborat, sed delectatur in opere suo; quia operis sui fruitur fructu. An quòd minor sit iustitia legis, quàm gratiæ? vt puta, Non occides, non adulterabis: hoc facilius est, quàm non irasci, aut non concupiscere? An quòd lex opera quærit, non voluntatem? lex autem iustitiæ, voluntatem non opera quærit. Latius hæc explicat Author operis Imperfecti. Quomodo, inquit, leuius lege Euangelium, cum in lege homicidium, in Euangelio ira damnetur? Qua ratione facilius euangelij gratia, cum in lege adulterium, in euangelio concupiscentia puniatur? In lege multa præcepta sunt, quæ Apostolus non posse compleri plenissimè docet. In lege opera requiruntur, quæ qui fecit, viuet in eis: in euangelio voluntas quæritur, quæ etiam si effectum non habuerit, tamen præmium non amittit. Euangelium ea præcipit, quæ possumus: ne scilicet concupiscamus, quòd in arbitrio nostro est. Lex cum voluntatem non puniat, punit effectum, ne adulterium faciat. Finge in persecutione aliquam virginem prostitutam: hæc apud euangelium, quia voluntate non peccat, virgo suscipitur: in lege quasi corrupta repudiatur. Iugum Christi mansuetudo est, res suaui, nulli nec sibi molesta: quemadmodum superbia semper sollicita est, ne decadat; & vt illi aliquid accrescat. Et quid iugo ipsius, inquit Hilarius, suauius, quid onere leuius? probabilem fieri, scelere abstinere, bonum velle, malum nolle, amare omnes, odisse nullum, æterna consequi

Homil. in
Matth. 28.

consequi, præsentibus non capi, nolle inferre alteri, quod sibiipfi perpeti sit molestum, esse de præteritis securum, & de futuris optima spe erigi.

37 **N**Otandum est autem primùm hoc loco, pro omnibus rebus, tam bonis, quàm malis, tam nostris quàm alienis, Deo gratias agendas esse. Docet hoc D. *1. Tessal. 5. Philip. 4.* Paulus: In omnibus, inquit, gratias agite. & alio loco: Nihil solliciti sitis, inquit, sed in omni oratione & obsecratione, cum gratiarum actione petitiones vestræ innotescant apud Deum. Et pax Dei, quæ exuperat omnem sensum, custodiat corda vestra, & intelligentias vestras in Christo Iesu. De cætero fratres, quæcunque sunt vera, quæcunq; pudica, quæcunq; iusta, quæcunque sancta, quæcunque amabilia, quæcunq; bonæ famæ, si qua virtus, si quala laus disciplina; hæc cogitate, quæ & didicistis, & accepistis & audistis in me. Hæc agite, & Deus pacis erit vobiscum.

38 **N**Otandum secundò, nihil minus esse in oculis Dei, quàm superbiam, nihil maius quàm humilitatem. Quis, inquit, sicut Dominus, qui humilia respicit in cælo & in terra, & alta à longè cognoscit? Et quemadmodum superbi sunt inimici Dei; ita mansueti & humiles eius sunt secretarii, quibus ille omnia sua reuelare solet.

39 **N**Otandum tertio, omnium rerum magnarum & difficilium rationem referendam esse ad voluntatem Dei, quod nunc Christus Dei sapientia facit: Ita pater, quoniam sic fuit placitum ante te. Et D. Paulus: Quis cognouit sensum Domini, aut quis consiliarius eius fuit? Concidant igitur vanæ disputationes; hoc est sapere, vnum Dei beneplacitum, pro mille rationibus amplecti. An non habet potestatem figulus luti, ex eadem massa facere, aliud quidem vas in honorem, aliud in contumeliam? Cuius rei causa, voluntas artificis est. Iniustum esse non potest, quod Deo placet.

40 **N**Otanda quoq; sunt hoc loco quinq; quodammodo argumenta, quibus Christus Dominus suam ad patrē æqualitatem indicat. Primùm, quòd omnia ea quæ habet pater, ipse etiā habeat; quòd omnia sibi à patre tributa sint: Omnia quæ habet pater, mea sunt. Si omnia illi tradita sunt, omnium Dominus est: si autem omnium Dominus est, æqualis certè patri. Locum hunc præclare explicat Irenæus: Omnia tradita sunt mihi à patre meo, manifestè ab eo, qui omnia fecit: non enim aliena, sed sua tradidit illi. In omnibus autem nihil subtractum est, & propter hoc idem est iudex viuentium & mortuorum, habens clauem David, aperit & nemo claudit, claudit & nemo aperit. Nemo enim alius poterat nec in cælo, nec in terra, nec sub terra, aperire paternum librum, nec videre eum, nisi agnus qui occisus est, & sanguine suo redemit nos, ab eodem qui omnia verbo fecit, & sapientia adornauit, accipiens omnium potestatem, quando verbum caro factum est: vt quemadmodum in cælis principatum habuit Verbum Dei, sic & in terra haberet principatum: quoniam homo iustus qui peccatum non fecit, nec inuentus est dolus in ore eius. Principatum autem habeat eorum, quæ sunt sub terra, ipse primogenitus mortuorum factus, & vt viderent omnia suum regem.

Secundum argumentum, quòd eadem & pari cognitione cum patre sit 41
præditus: Nemo, inquit, nouit patrem, nisi filius, & cui voluerit filius reuelare:
nam si soli ipsi se ex æquo cognoscunt, æquales profectò inter se sunt.

Tertium, qui eadem & pari vi & potestate operandi præditi sunt, æquales 42
sunt: sed filius cum patre eadem simul operatur, ergo æqualis. Sicut enim re-
uelat pater, ita reuelat & filius, ita & spiritus sanctus: ergo sunt inter se æqua-
les. Cur autem spiritum sanctum non nominauit? quia nunc de ipsis rebus
creatis loquitur: Spiritus autem sanctus creator est: & quia nondum eius ma-
nifestandi hora & tempus venerat. Prius enim oportebat filij cognitionē men-
tibus discipulorum insinuare, deinde etiam illa reuelare, quæ spiritus sancti sunt.

Quartum, dum iugum Dei & onus suum iugum esse, & onus suum di- 43
xit. Quis enim vnquam prophetarum aliquid simile locutus est? nemo pro-
fectò. Ita Christus, vbi se maximè demittit apud patrem, ibi maximè maiesta-
tem suam explicat.

Quintum est, apud solum Deum requiem inueniri animabus nostris: Iu- 44
xta illud Ieremiæ: Hæc dicit Dominus: State super vias, & videte, & interroga-
te de semitis antiquis, quæ sit via bona, & ambulate in ea, & inuenietis refrige-
rium animabus vestris. Sed Christus Dominus apud se pollicetur reperiri re-
quiem animabus nostris: Venite, inquit, ad me omnes qui laboratis & onerati
estis, & ego reficiam vos: & inuenietis requiē animabus vestris. Deus igitur est.

Notat hoc loco Euthymius verbum tradendi, quomodo sit intelligendū. 45
Tradita sunt prout Deum decet intelligere, non quòd primū ea non habens
postmodum acceperit, nihil enim illum præcessit, nec ipse quidem pater, sed
simul pater & filius, simulque omnium Dominus, verū consuevit dispensati-
one hæc sæpius dicere, patrē honorans, hanc ergo in similibus habeto rationē.

Notandum est sextò, prima ornamenta atque solatia mundi huius, la- 46
bores & onera apud Deum esse. Quid enim reuera cum labore non quæritur,
quid cum onere non retinetur, Venite, inquit, ad me omnes qui laboratis & o-
nerati estis. Peccatum autem laborem habet, priusquam perficitur, pondus
habet postquam perfectum est.

Septimò, notandum, doctrinam Christianam vocari onus, sed leue, voca- 47
ri iugum, sed suaue; vt neq; despiciamus tanquam facilem, neq; fugiamus tan-
quam laboriosam, sed cum studio & affectione attendamus.

Notandum vltimò, neminem mysteriorum diuinorum capacem esse, nisi 48
illi reuelatum fuerit, non si legem vniuersam legat, non si prophetas scrutetur.
Omne enim datum optimum, & omne donum perfectum desursum est, de-
scendens à patre luminum. Numerant literas etiam legis Iudæi, norunt quæ sit
media vox in lege, Christum tamen non nouerunt, quia illis reuelatum non est.
Si quis igitur indiget sapientia, postulet à Deo, & dabitur illi. Ideò nostri non
sapient, quia non orant, ideò errant, quia non postulant.

49 **Q**VAESTIONES D. AVGVSTINI. I. Confiteor tibi Domine pater cæli & terræ. Notandum, confessionem poni in laudem Dei. Non enim peccata Dominus confitebatur, quæ nulla habebat, præsertim quia eum exultantem hoc dixisse alius Euangelista commemorat. Quanquam & verba ipsa quæ dicit, non habent dubitationem, quod in laudem Dei dicantur. Ergo confessionem vocat scriptura generaliter, quidquid manifestè sicut cernitur enunciatur. Nā & illud quod ait: Si quis me confessus fuerit coram hominibus, confitebor & ego eum corā patre meo; vel sicut alibi est, coram angelis Dei; non utiq; peccata confitetur, qui Christū confitetur. Quod si propterea putant aliqui confessionē vocari, quia pro crimine obijciebatur Christi nomen tempore persecutiōis; nunquid ita etiam Christus coram patre, vel coram angelis eius, hominem qui se confessus fuerit confitetur? Est etiam in Ecclesiastico ita positum: Et hæc dicetis in confessione opera Dñi vniuersa, quoniā bona valde. Quo in loco indubitanter Dei laudes exaggerantur. Hæc dicta sunt propter imperitiā fratrum: qui cum legente lectore audiunt hoc verbum, pectora statim tundunt, non attendentes quo loco dicatur, quasi non possit nisi peccatorum esse confessio.

50 **Q**VAESTIO. II. Cū diceret Dominus Iesus: Nemo nouit filium, nisi pater, non dixit, Et cui voluerit pater reuelare, quemadmodum cū diceret: Nemo nouit patrem, nisi filius, addidit: Et cui voluerit filius reuelare. Quod non ita intelligendum est, quasi filius à nullo possit cognosci, nisi à solo patre, pater autem non solum à filio, sed etiam ab eis quibus reuelauerit filius. Sic enim potius dictum est, vt intelligamus & patrem, & ipsum filium, per filium reuelari, quia ipse est mentis nostræ lumen: & quod postea intulit, Et cui voluerit filius reuelare; non tantum patrem, sed & filium accipias. Ad totum enim quod dixit illatum est: verbo enim suo ipse pater declaratur: verbum autem non solum id, quod per verbum declaratur, sed etiam seipsum declarat.

Caput XII.

I **D**VODECIMO CAPITULO SALVATOR SCANDALIS ET MALEDICTIS IUDÆORUM RESPONDET; ac illa benefactis & meritis cælestibus refutat ac reijcit: ipsos obiurgat ac increpat, arguit, veri concionatoris officio fungitur. Scopus est capitis ostendere, partim quā malignum foret ingenium pharisæorum, partim quā superstitiosè rebus externis & miraculis addictum.

2 **I**N primis autem refutat illud scandalum, quod pharisæi accipiebant ex violatione Sabbathi: primum ex parte discipulorum; deinde ex parte Christi. Discipulorum quidem, Transibat enim Sabbatho Iesus per sata: discipuli autem esurientes, coeperunt euellere spicas & manducare: propter nimiam enim illorum qui eos sequebantur importunitatem, & Dei verbi audiendi studium, ne vescendi quidem habebant locum ac tempus: & ideò esuriebant, & ideò ut cunque in ediam solabantur; inter eundem spicas confringentes manibus. Pharisæi autem videntes, dixerunt ei, Ecce discipuli tui faciunt, quod non licet eis facere Sabbatho. addit D. Lucas, eos & discipulis ipsis dixisse eadem verba: Quid facitis, quod non licet in Sabbathis? Suscipit causam discipulorum Dominus

Exod. 25.

Osee 6.

minus, eosque primum exemplo Davidis refutat, qui aliquando contra apertum mandatum Dei in simili necessitate panibus propositionis usus est. Præceptum Domini tale fuit: Facies & mensam de lignis Setim, habentem duos cubitos longitudinis, & in latitudine cubitum, & in altitudine cubitum ac semissem, & inaurabis eam auro purissimo: & pones super mensam panes propositionis in conspectu meo semper. Præceptum quidem hoc, Davidis autem factum illud: Dedit ei sacerdos sanctificatum panem, neque enim erat ibi panis, nisi tantum panes propositionis, qui subleuati fuerant à facie Domini, ut ponerentur panes calidi. Hinc Christus Dominus. Non legistis, inquit, quid fecerit David quando esuriit, & qui cum eo erant, quomodo intrauit in domum Dei, & panes propositionis comedit, quos non licebat ei edere, neque his qui cum eo erant, nisi solis Sacerdotibus? Secundo eosdem refellit eorundem exemplo: Aut non legistis in lege, quia Sabbathis Sacerdotes in templo Sabbathum violant, immolantes victimas, cedentes tauros, holocausta super lignorum struem incendio cremantes, circumcidentes paruulos in Sabbatho, & sine crimine sunt? ita dum vnam legem seruare vultis, aliam violatis. Verum obijcerent hoc illi templi eiusque honoris causa fieri: ostendit Dominus se templo, & omni sacrificio ac sacerdotio maiorem esse, ad cuius voluntatem & nutum omnia fieri debent, & qui omnia dispensare possit. Dico, inquit, vobis, quia templo maior est hic, seipsum demonstrans. Ostendit deinde illis, unde hoc proueniat scandalum; ex eo videlicet, quia misericordiam non habent in proximum. Si enim propter sacrificium non soluitur Sabbathum, etiamsi laboretis, ut prædictum est; multò minus propter misericordiam, eiusque exercitium: maior enim est misericordia sacrificio, iuxta illud Osee: Misericordiam volui, & non sacrificium. Cui præcepto quoniam non paretis, homines innocentes, fessos, egentes, famelicos, ipsi pleni satis & saturi condemnatis: qui necessitate id agunt sui reficiendi & conseruandi causa. Deinde clarè ostendit se illum esse, qui à Sabbatho etiam possit discedere: Dominus, inquit, est filius hominis etiam Sabbathi. Quod re ipsa ostendere volens, ac scandalum istorum contemnens ac refutans, venit in Synagogam eorum altero Sabbatho, ut Lucas narrat. Et ecce homo manum habens aridam, accedit ad eum, curari Sabbatho vult, Pharisei idem scandalum obijciunt, interrogant an liceat Sabbatho curare, ipsum Saluatorem calumniari volentes, ac sui accusationem refutare; ut si non curaret, crudelitatis atque imbecillitatis eum accusarent; si curaret, transgressionis Sabbathi. At ille magnifice eorundem exemplo, & his quæ communiter fieri solebant, illos refutat in hunc modum: Quis erit ex vobis homo, qui habeat ouem vnam, etsi ceciderit hæc in Sabbathis in foueam, nonne tenebit & leuabit eam? quanto magis melior est homo oue. Hanc ergo eruitis sine conscientia, illum contemnitis, non oui sed auaritiæ consulentes. Deus Sabbathum constituens, legem sibi non imposuit, Sabbatho etiam homines beneficijs afficiendi. Tunc ait homini, extende manum tuam: & extendit, & restituta est sanitati sicut altera. Cementarium hunc fuisse, docet Hieronymus ex euangelio, quo vtuntur Nazareni & Ebionitæ: qui ibidem scribitur, istiusmodi vocibus auxilium implorasse: Cementarius eram, manibus victum quæritans, precor te Iesu, ut mihi restituas sanitatem, ne turpiter mendicem cibos. Usque ad aduentum Saluatoris arida manus in Synagoga fuit Iudæorum, & Dei opera non fiebant in ea: postquam ille venit in terras, reddita est in Apostolis credentibus dextera, &

ra, & operi pristino restituta. Quid pro tanto beneficio Iudæa? Exeuntes pharisei, consiliū capiebant aduersus eum quomodo eū perderent. Quid Christus Dominus? offensus iniuriam reddidit? Nequaquam. Iesus autem sciens recessit inde, & secuti sunt eum multi, & curauit eos omnes, & præcepit eis ne manifestum illum facerent, nondum enim venerat hora eius. Et impletum est elogium Isaïæ de eius suauitate & humanitate: Ecce puer meus, quem elegi, dilectus *Isaïæ 42.* meus, in quo benè complacuit animæ meæ. Ponam Spiritum meum super eū, & iudiciū gentibus nuntiabit. Non contendet, neq; clamabit, neq; audiet aliquis in plateis vocem eius. Arundinem quassatam non confringet, & linum fumigans non extinguet, donec eijciat ad victoriam iudiciū: & in nomine eius gentes sperabunt. Qui peccatori non porrigit manum, nec portat onus fratris sui; iste calamū quassatum confringit: & qui modicam scintillam contemnit in paruulis; hic linū extinguit fumigans. Quorum vtrumq; Christus non fecit: ad hoc enim venerat, vt saluum faceret quod perierat. Quis autem sit puer iste, exponit pater de cælo: Hic est filius meus dilectus, in quo mihi complacui, ipsum audite. Oriebantur autem hæc scandala in Iudæis ex parte Sabbathi ex duobus fontibus. Ex primo illo, quod culicem colabant semper, camelum deglutiebant; parua horrebant, magna liberè patrabant; & vt dicitur, magis insistebant in forma, quàm in substantiā, quod hypocritis & sycophantis solenne est. Magna res est hominem fame perire, atq; propter victum cultum Dei negligere; parua admodum, excutere die festo spicas: sic, quid leuius, quàm extendere manum in Sabbatho curandi morbi causa, quam isti ad opprimendum pauperem non semel extendebant? quid molestius, quid miserius, quàm manum perpetuum esse? hæc tamen apud sycophantas parua, illa magna: culicem colant. Sancta quidem fuit Sabbathi sanctificatio, sed non ita superstitiosa, vt ne digitum quidem mouere, aut manum extendere licuerit. Neque in ministerio salutis humanæ existimandum Sabbathum posse violari; quod in extrahenda de fouea oue omnis cura non violat. Secundus fons mali est, quod non finem legis diuinæ, sed verba attendebant; & ita, nō quod cum fine pugnabat, sed quod cum litera, id peccatū esse arbitrabantur, cum ex mente legislatoris petenda sit legis interpretatio. Sabbathū duplici fine institutum erat: primò, vt esset dies, qua Dei beneficia recolerentur, futuræ vitæ meditatio institueretur, Deus liberis animis & mētibus coleretur, & laudaretur: deinde, vt homo post sex dierum laborem reficeretur & quiesceret, (cupida enim rerum acquisitio quiescere nescit,) ne se exanimet, ne frangat, vt aliquando iucundius viuat, sibiq; parcat. Cum his finibus neque spicarum collectio, neque manus extensio pugnabat quicquam, imò eos promouebat: illudque propius accusationi fuit, quod ex alieno agro spicas vellebant. Nullum igitur delictum, nullum peccatum inerat, isti tamen vitam cum sanguine poscunt. Vnde in alio Euangelista *Mar. 2.* dicit, non hominem Sabbathi causa, sed hominis causa Sabbathum conditum esse: Sabbathi diem ad hominis vtilitatem factum. Qua autem causa Christus Dominus & dæmonijs & turbis prohibet diuina sua facta manifestare; ex eadem causa se de medio sustulit ac subtraxit; quia nondum venerat hora eius, nec œconomia diuinæ consumatio, doctrina item ac miraculorum maturitas.

3 Notandum hoc loco primò; contingere sæpius, verè Apostolicos viros o-
S peri

Lib. 12. Epi-
flo. 19.

peri diuino intentos esurire & sitire, quando & ipse dux Apostolorum esuriuit & sitiuit: Quod quàm iniquè comparatum sit, docet magnus Gregorius. Officio pietatis impellimur, inquit, monasteriis prouida consideratione ferre consultum; ne hi, qui in seruitio Dei deputati esse noscuntur, necessitatem aliquam quod auertat Dominus possint sustinere.

Secundò notandum est: Apostolos Apostolicosque viros rudibus nonnunquam cibis & escis contentos esse oportere, nec vllas delicias superfluas confectionari. 4

Tertiò: ea quæ Domino Deo consecrantur, in vñs prophanos conuerti non licere, nisi summa & extrema necessitate; quomodo panibus propositionis nemini vti licuit, nisi sacerdotibus: quibus tamen tempore necessitatis Dauid vñs esse legitur. Vnde Deus zelotes vocatur, qui non libenter admittit aliquem in partem rerum sibi dicatarum, non in partem vnguenti sacerdotalis, non in partem thymiamatis templi. 5

Quartò, ordinem leuitarum ab ordine seculari distinctum semper fuisse, ac in eo semper aliquid sacri fuisse: neque statim, quod vni liceret, alteri licuisse: iuxta illud: Quæ à Deo sunt, ordinata sunt. Immo verò colligitur inde sacerdotalem ordinem digniorem fuisse etiam ordine prophetico: nam cum panem Dauidi propheta non licuit attingere, qui sacerdotibus fuit vñs. 6

Quintò notandum, ad vñm panum propositionis casta vita opus fuisse: neque enim Dauid & pueris eius prius dantur, quàm cognitum fuisset, quod & ipse, & pueri eius à mulieribus mundi essent. Quantò magis ad panem & vinum corporis & sanguinis Iesu Christi castum corpus adferre oportet? Si igitur Sacerdotes quotidie manducant & offerunt, quotidie casti sint oportet. Notandum: panes propositionis fuisse verissimam figuram corporis & sanguinis Domini: ideò vocabantur panes magni, panes oblationis Domini, oblatio fœderis sempiterni, sanctum sanctorum lucis perpetuæ. 7

Notandum sextò: Deum in templo suo panes semper habere voluisse, ne aut per famem, aut per egestatem ministri templi à cultu eius auocarentur, negligentioresue fierent. Sustulit hos panes de templo magna ex parte hæresis, ideò omnia negligentius & rariùs fiunt. 8

Notanda sunt septimò ex hoc loco duo euidentissima argumenta, quibus se Christus Dominus verum Deum esse confitetur: Primùm. Qui templo & sacerdotio omni maior est, hic verus Deus est: nam Deo templa & sacerdotia sunt instituta. Sed Christus Dominus palam profitetur templo & sacerdotio se maiorem esse, & sibi omnia magis seruire & obedire quàm templo: ergo Deus verus est. Quis enim hoc ex prophetis dixit: tēplo hic maior est? Erat autē eius authoritatis apud Hebræos templū, quod qui contra illud verbum dixisset, similis blasphemia esset, ac si cōtra ipsum Deum dixerit. Vnde illud: Nos audiimus eum dicentem: Soluite templum hoc. Et ille sacerdotum & prophetarum ad prin- 9

ad principes contra Ieremiam clamor: Iudicium est mortis viro huic, quia di- *Ierem. 25.*
 xerat: Sicut Silo erit domus hæc, & vrbs ista desolabitur. Secundum est illud
 diuinitatis argumentum. Quis est Dominus Sabbathi? Nonne Deus omnipo-
 tens, qui legem de Sabbato sanctificando dedit? At filius hominis est Dominus
 Sabbathi: ergo est Deus omnipotens. Quæ quidem interdum Saluator obum-
 brat propter obtusum affectum quærentium carpendi ansam; quandoque ve-
 rò manifestat ob acutum visum modestiorum. Dominus est, inquit, Sabbathi,
 qui incarnatus est, vtpotè effector ac legislator eius: itaque me Domino præ-
 sente ac tolerante, vos frustra meos condemnastis. In euangelio autem iuxta
 Marcum longiorem inuenire est responsionem, vbi ait Christus: Sabbathum *Marci 2.*
 propter hominem factum est, non homo propter Sabbathum, hoc est, Sab-
 bathi otium ad hominis vtilitatem statutum est, & non è diuerso: aut etiam
 Sabbathum ipsum, cunctique dies illud præcedentes, ad hominis vtilitatem
 facti sunt. Non autem mirandum est, si quædam vnus Euangelista proponit,
 alius verò prætermittit. Dispartito enim, quasi spiritus sancti voluntate, opere,
 scribebant; vt quod vnus prætermiserat, alter suppleret.

10 **N**Otandum octauò, quòd locum Isaie, Calamum quassatum non conteret, *In Matthæi*
 & linum fumigans nō extinguet, ita explicat Hilarius: Sed istud intra certi tem- *can. 2.*
 poris statuta præscribitur, donec eiiciat victoriã ad iudiciũ: sublata scilicet mor-
 tis potestate, iudiciũ claritatis suę reditu introducat, in nomine eius per fidem
 gentibus credituris: donec ad finem & perfectionem deducat iustitiam suam,
 donec vincat cum iudicatur; siquidem victoriam nominat perfectionem, iudi-
 cium autem iustitiam, quousque suis ostendat iustificationes, quibus Iudæos
 condemnat, & eorum impudentiam amputat. Quid item sit, cum emiserit in
 victoriam iudicium, exponit D. Chrysostomus. Cum sua omnia impleuerit, in-
 quit, videlicet, tunc vltionem consummabit, tunc grauius nimis duraque ade-
 runt omnia, cum ipse clarum trophæum statuerit, cum iustificationes suæ victo-
 riam nactæ fuerint, cum deniq; nullam, etiam si impudentissimi sint, respon-
 sionem sibi relictam viderint.

11 **N**Otandum nonò, hoc loco canonem & regulam interpretationis scri-
 pturarum esse, charitatem Dei & amorem proximi, ea ratione; vt si quid cum
 charitate & misericordia erga proximũ conueniat, id etiam cum scriptura con-
 ueniat: si quid cum his pugnet; idem cum scriptura pugnet. Summa enim le-
 gis est charitas, quod nunc Christus Dominus demonstrat: Si, inquit, videre
 vultis, misericordiam volo non sacrificium: Sabbathata ipsa, ad charitatem & mi-
 sericordiam referuntur. Si sciretis quid est, misericordiam volo? hoc est, si ca-
 nonem & regulam charitatis & misericordiæ sequi voluissetis, facilis esset o-
 mnis scandali declinatio.

12 **D**Ecimò notandum, apud hypocritas & fycophantas maiorem nonnun-
 quam haberi rationem pecorum quàm hominum & proximorum, cum homo
 homini res coniunctissima sit.

13 **V**Ndecimò est notandum, verum doctorem ac ministrum Christi, nihil à
 prædicatione verbi, nihil ab operibus salutiferis detertere debere; non scanda-
 la, non

la, non maledicta, non conspirationes, non cædes denique ipsas. Quemadmodum principem prædicatorum nihil tale deterruit, quin potius maiorem causam fortius agendi opusque vrgendi dedit.

DVodecimò, ritus externos parum per se habere momenti, Deoque minus gratos esse, si ad suum finem non referuntur. 14

TErtiòdecimò notandum, concionatores & ministros tales esse debere, qualis fuit dux & princeps eorum Christus Dominus, ne calamum quassatum confringant, nèue linum fumigans extinguant: eò magis confessarios, præsertim erga eos, quos vident ex fragilitate potius quàm malicia peccare. 15

SERIES **R**Eddat beneficium pro maleficio dilectus puer: adducitur ad eum dæ- 16
EVANGELII moniacus, surdus & mutus; curat illum: pro quo gratiã reportat, à bonis bonã, à malis peruersam. A turbis quidem nullo prauo affectu infectis admirationem. Et stupebant turbæ omnes, & dicebant: Nunquid hic est filius David? admirantes potius quàm dubitantes. A Scribis & Phariseis odio flagrantibus, calumnijs, blasphemijs, maledictis afficitur: qui cum facta negare non possent, virtute quoque humana, ea non posse fieri cerneret; opera Dei, ad Beelzebub principem dæmoniorum referunt, ipsi dæmoniaci.

TRia signa simul in vno homine perpetrata sunt: cæcus videt, mutus loquitur, possessus à dæmone liberatur. Quod & tunc quidē carnaliter factum est: sed & quotidie cōpletur in conuersione credentiũ; vt expulso primùm dæmone, primùm fidei lumen aspiciat, deinde ad laudes Dei tacentia prius ora laxentur. 17

Homo iste gentilem populum significabat, qui oblatus per prædicatores ad fidem Christi, cæcus fuit, quia viam veritatis ignorabat: mutus, quia os ad laudē Dei non aperuit: dæmoniacus, quia per idololatriam dæmonibus seruiebat. Huiusmodi ignorantia deditos adhuc quotidie Ecclesia pijs precibus, doctrinis, & exemplis offerre Domino non cessat.

Phariseis igitur, qui contemnentes hominem in corpore, Deum in operibus non intelligebant, opera Dei principi dæmoniorum deputantibus, non ad dicta, sed ad cogitata respondet; vt vel sic cogerentur concedere potentia eius, qui cordis videbat occulta. Hic, inquiunt, non eijcit dæmones nisi in Beelzebub principe dæmoniorum; ac si dicerent magica, quæ cum dæmonijs consensum habet, arte: sic enim ipsi magi, quos curiosa sectantes vocat in Actis Paulus, arbitrabantur. Putabant illi inter spiritus impuros sub vno capite ordinem quendam esse, ita vt inferiores superioribus, vel spontè, vel inuiti parerent, vni autem principi omnes; atque ita qui inferiores eijcere vellet, eum cum superioribus consensus habere oportere, cuius imperio isti obedirent. Quem sensum vtinam plerique ex Christianis etiam nunc tacitè non sequantur. Hoc igitur est, quod nunc falsò CHRISTO obijciunt, eum in Beelzebub, hoc est, in imperio & virtute principis dæmoniorum dæmonia inferiora eijcere. Quam totam insignem contumeliam, cuius & post mortem ipse Dominus meminit, Si me, inquit, Beelzebub vocauerunt, quantò magis vos? aliquot validis argumentis Christus refutat. Quorum illud primum est: Omnis res se-

res secum pugnans, & in se diuisa, natura & vi sua dissipatur. Probat hoc Dominus triplici inductione: regni, quod in se diuisum cadit, quo etsi nihil in terris est firmitus, inquit D. Chrysostomus, facile tamen destruitur seditione dissipatum: ciuitatis, similiter & domus: maximæ, minime, & mediocris societatis. Si ergo dæmonia diuisa sunt contra se, inquit Hieronymus, & dæmon inimicus est dæmonijs; deberet iam mundi venisse consummatio, vt non haberent in eo locum aduersæ potestates, quarum inter se bellum pax hominum est.

19 **S**ecundo argumento illos confutat tali: Si filij vestri eijciunt dæmonia fine principe dæmoniorum in virtute Spiritus sancti; cur me in Beelzebub dicitis eijcere; & non potius agnoscitis in vos venisse regnum Dei vobis apportatum & manifestatum? Perpendis, inquit D. Chrysostomus, quàm mitis sermo sit? Filij, inquit, vestri. Vobis igitur hoc donum datum est, vobis beneficium oblatum quod blasphematis, contra quod pugnatis: Quod si peruenit in vos regnum Dei, multæque aliæ eijciendorum dæmoniorum viæ, & media sunt quàm hoc, quod vos dicitis, consensus nimirum cum principe dæmoniorum; cur eadem de re non similiter pronuntiatis; sed prout affecti estis erga personas? In me quidem illa damnatis, quæ in vestris laudi ducitis, & ideò non longè petenda erit vestra condemnatio, cùm eadem quæ in me damnatis, in filiis probatis: domi igitur habebitis, quod ad vos damnandos sufficiet. Filios autem illorum duobus modis intelligunt veteres: Primò, de ipsis Apostolis, deinde de illorum exorcistis, qui à Salomone artem & formulam acceperunt eijciendorum dæmoniorum, in virtute spiritus sancti, qua illos vsque ad Titi & Vespasiani tempora vfos esse testatur Iosephus, & de quibus in Actis Apostolorum. Tentauerunt quidam, & de circumeuntibus Iudæis exorcistis, inuocare super eos, qui habebant spiritus malos, nomen Domini Iesv. Si locus de Apostolis intelligendus est, tum hic erit sensus, quem notat Chrysostomus. Si ego, inquit, in Beelzebub eijcio, Apostoli ac discipuli mei in quo eijciunt? Ac si dicat: Si ego ea ratione dæmonia expello qua suspicamini; multò magis illi, qui à me potestatem eijciendi acceperunt: de quibus cùm nihil tale vnquam suspicati sitis; quomodo mihi, à quo illi hanc gratiam acceperunt, molesti estis, nihil tale in ipsos conferentes? Qua de re non euadetis supplicium, sed cruciatu maiori torquebimini. Ipsi erunt iudices vestri: quia sedebunt super sedes duodecim, iudicantes duodecim tribus Israël. Si autem de exorcistis; coarctat eos interrogatione prudenti, vt confiteantur spiritus sancti esse opus, hoc modo, & eo sensu. Si expulsio dæmonum, inquit, in filiis vestris Deo, non dæmonibus attribuitur; quare in me idem opus non eandem habeat causam? ergo ipsi iudices vestri erunt, non potestate, sed comparatione, dum illi expulsionem dæmonum Deo assignant, vos Beelzebub principi dæmoniorum. Si ergo in spiritu Dei eijcio dæmonia, profectò peruenit in vos regnum Dei. Regnum Dei eo loco D. Chrysostomus Christi aduentum interpretatur, eamq; verborum Domini contexuit sententiam. Cùm gaudere & exultare debeatis, quoniam ingentia & ineffabilia illa, quæ prophetæ cecinerunt, largiturus vobis veni: beatitudinisque vestræ iam tempus adest: vos contrà facitis, non solum hæc bona repellentes, verumetiam calumniantes, & falsas aduersum me causas confingentes. Hieronymus autem sentit vocari hoc loco regnum Dei, vel aditum regni cælestis patefactum ad salutem, vel ecclesiam, vel sacram scripturam: iuxta illud

Act. 19.

*4. Vario. 9.
Multiplicationem eius imperii
et regni eius ad oīes finis*

lud: Auferetur à vobis regnum Dei, & dabitur genti facienti fructus eius: vel ipsummet Saluatōrem, Regnū Dei intra vos est, & medius stat inter vos, quem vos nescitis: vel certè regnum illud, quod & Ioannes & ipse Dominus prædica- uerant, Pœnitentiam agite, appropinquabit enim regnum cælorum. Qua ex re illud, authore D. Chrysostomo, monstrat, Dæmones eiicere maximæ potentia esse, & gratiæ minimè vulgaris.

Tertium argumentum est: ea potius se causā venisse, vt vincat, debellet, 20 ac eiiciat diabolus; quàm vt cum illo consensum & societatem habere debe- at, qui sua ita arctè tenet, vt ea nulla ratione sibi nisi vi eripi patiatur. Quomo- do, inquit, quis potest intrare in domum fortis, & vasa eius diripere; nisi prius alligauerit fortem, & tunc domū illius diripiat? Fortis est aduersarius noster, na- turalibus dotibus, fortis culpa nostra, fortis longo usu, fortis libera & expedita via, fortis nostri odio, fortis nostra ignauia: iuxta illud Iob: Non est super ter- ram potestas, quæ comparetur ei, qui factus est, vt nullum timeret: fortis est quantum ad nostram infirmitatem, non quantum ad suam virtutem. Deinde fortis est, non vt nos terreat; sed vt magis nos faciat sollicitos: nec enim hostē debent timere fortem, qui habent principem fortiorē: sed vt vigilemus & laboremus, vt ne in fiducia principis fortioris contemnamus aduersarium for- tem. Nam si contendimus contra eum, manifestum est, quia fortiores illo su- mus: si autem negligimus, ille fortior inuenitur. Nam quamvis sit infirmus, tamen fortior est homine negligenti. Fortem enim diabolus, nostra negligē- tia facit, non illius potentia. Vide deinde, quomodo sapienter, postquam di- xit fortem, postea ostendit ligatum; vt si te audita fortitudo terruerit, ligatio eius nunciata confortet. Continetur & hoc argumentum in illo priori. Po- tentior non facit in virtute impotentioris. Atqui ego sum potentior: ergo nihil est necesse vt faciam aliquid in virtute impotentioris, adeo; vt non modò, inquit D. Chrysostomus, socio atque coadiutore Diabolo non utar; sed etiam bellum mihi cum eo perpetuum sit, & victum vinciam atque spoliem. cuius rei certum illud vestigium est, quod vasa eius direpta videtis. Cuius vasa direpta, etiā per eos, de quibus dictum est, Cōstitues eos principes super omnem terrā, videmus. Non enim solū dæmones vasa diaboli sunt, sed vniuersi certè ho- mines, qui malè viuendo illi adhærent. Quare non dæmonia solū eiici ab ar- mato confirmat; verūmetiam totius orbis tenebras eum illuminaturum, & se- ducentes dæmonum artes destructurum prædicit. Non dixit rapiet, sed diri- piet; vt cum potestate fieri hæc ab ipso significaret.

Quarta ratio, Inter res pugnantes, consensus & amicitia esse nulla potest. 21 sed Deus & Beelzebub, res pugnantes sunt: ergo nulla amicitia, nullus con- sensus inter hos esse potest: cū Christus saluare, prodesse, congregare velit; Beelzebub perdere, nocere, ac dispergere cupiat: Qui, inquit, non est mecum, hic contra me est: qui idem, quod ego, non spectat, contra me est, & non me- cum sentit: & qui non congregat mecum, spargit, hoc est diuersum finem ha- bet. Qui eadem cum dæmonio sentiunt, spargunt. Quo loco D. Chrysostomus ita Christum Dominum inducit ratiocinantem: Quid enim quæro, aut quid volo, inquit? Vniuersos ad Deum reducere, vera ipsis virtutum tradere docu- menta, regnum cælorum cunctis annunciare. Quid autem Diabolus atq; dæ- mones

mones quærunt? Quippè omnia quæ eis opposita sunt. Quomodo igitur, qui mecum non colligit, neque mecum omnino est, sua me operatione iuuat? Sed quid iuuare dico? qui etiam spargere, atque dissipare mea desiderat? Qui igitur non solum mecum non colligit, verum etiam cuncta mea dispergit; quomodo adeò mihi assentiret, ut mecum vellet dæmonia eijcere? Notat etiam hoc loco Christus Dominus, Iudæos dæmoniacos esse, & consensum dæmonum habere, quia dispergunt. Pulchrè hunc locum exponit D. Hieron: Non putet hoc quisquam de hæreticis dictum & schismaticis (quanquam & ita ex superfluo possit intelligi) sed ex consequentibus textuque sermonis ad diabolum refertur, eò quod non possint opera Saluatoris Beelzebub operibus comparari. Ille cupit animas hominum tenere captiuas, Dominus liberare: ille prædicat idola, hic vnius Dei notitiam: ille trahit ad vitia, hic ad virtutes reuocat. Quando ergo possunt habere inter se concordiam, quorum opera diuersa sunt? Notandum autem, vinculum vocari diabolum, quia non lædit nisi volentem: perq; eius domum, significari mundum: per vasa, corda prauorum hominum, quæ illius sunt non natura, sed usurpatione. Propterea ipsum quidem ligauit, vasa autem eius & diripuit, & dimisit ea in domo eius. Diripuit quidem, ex eo quod traxit ea ad notitiam veritatis; dimisit autem ea in mundo, quia sub seductione mundi istius esse nos voluit.

22 **C**um igitur ex his argumentis euidentissimè probasset, in Spiritu Dei se eijcere dæmonia: ostendit, quàm graui se obligant peccato Scribæ & Pharisei; qui opera Spiritus sancti diabolo tribuere non verebantur, tali scilicet, quale nunquam dimittendum sit. Ideò dico vobis, inquit, omne peccatum & blasphemia dimittetur, Spiritus autem blasphemia non dimittetur. Quare sic? quoniam cum Spiritus sanctus iam vobis notus esse debeat, rem claram atque manifestam impudenter oppugnatis. Nam si me ignoratis, ignorare tamen nō potestis expulsionem dæmonum, curationesque hominum, mirificas Spiritus sancti esse operationes. Non ergo mihi, sed Spiritui sancto contumelias exaggerare conamini. Quapropter nisi poenitentiam agatis, nec in præsentī vita, nec in futura punitionem effugietis: Quibus autem minatur? illis, qui immutabiliter in peccato remanent. Manifestum est enim, illos qui resipiscunt, & hinc & ibi remissum iri. Multi enim qui tunc deliquerunt, cum postmodum credidissent, veniam omnino sunt adepti.

23 **A**mplius illos quinto vrget argumento, non posse malæ arboris esse bonos fructus, neque bonæ malos. Si igitur diabolus est malus, non potest fructus bonos dare, ac obsessos & laborantes liberare: neq; item isti fructus qui fiunt, possunt à mala arbore proficisci. Aut, inquit, facite arborem bonam, & tum eius fructus erunt boni. Non possunt contradictoria esse simul: si ego fructus bonos facio, quomodo malus esse possum? Si me dicitis arborem esse bonam; & miracula mea, quæ sunt fructus, erunt bona: & si iterum me arborem putridam esse dicitis; & fructus erit putridus, hoc est miracula: si miracula, quæ sunt fructus, bona; & arbor bona, ex qua fructus boni. Contrariorum enim contraria sunt consequentia. Quæ & D. Chrysostomus eadem propè ratione colligit. Si opera mea reprehendere vultis, nihil prohibeo, dummodò constanter, nec inconsequenter id faciatis. Arbor enim à fructu, non autem fructus ab ar-

bore cognoscitur. Vos autem contrarium facitis: Nam etiā si arbor fructus sui causa sit, fructus tamen arboris qualitatem declarat. Ecce cū deprauatæ arbores sitis, bonum fructum producere non potestis. Vnde dehortatur Pharisæos ab hypocrisi, & ad simplicitatē monet; vt vel mali, vel boni sint, ne hominibus ac sibijs imponant. Cūque se ostendisset dæmonio carere, nunc inuicem demonstrat eos à dæmone agi & regi. Vocat hoc argumentum D. Hieronymus *ἡφανιστον*, hoc est, ineuitabile, quo interrogatus huc illuc concluditur, & vtrunque comprimitur: Si diabolus malus est; bona opera facere non potest: si autem bona sunt, quæ facta cernitis; certè à diabolo profecta esse nō possunt. Ex eodemque principio, misso diabolo, argumentatur contra ipsos: indēque colligit Christus eos intus improbos & sceleratos esse; quia oratio eorum, quæ fructus est, improba, blasphema, calumniosa: & viceuersa, ideò orationem eorum esse putridam & maledicam; quia ipsi intus improbi & maledici; ideoque illos blasphemis scatere, quia improbi sunt. Progenies viperarum, quomodo potestis bona loqui, cū sitis mali? Eodem epitheto eos insignit, quo aliquando D. Ioannes eos insigniuit. Ex abundantia cordis os loquitur, cor radix est, os est ramus. Qualis igitur radix, tales rami, tales fructus. Quod idem thesauri nomine designat: Bonus homo, de bono thesauro profert bona; & malus, de malo mala. Grauiusimè igitur pro blasphemiæ calumnia & mendacio comminatur sumpto à minori argumento: Si, inquit, pro ocioso verbo reddenda est ratio: quali ratione vos obnoxij eritis pro tot calumnijs, mendacijs, & blasphemijs, & contumelijs; qui me hominem innocentem, ac de vobis optimè meritum calumniamini? Si ociosum verbum, quod nequaquam ædificat audientes, non est absque periculo eius qui loquitur: & in die iudicij redditurus est vnusquisque rationem sermonum suorum; quantò magis vos, qui opera Spiritus sancti calumniamini, & dicitis me in Beelzebub principe dæmoniorum eijcere dæmonia, reddituri estis rationem calumniæ vestræ? Vt autem illa superiora, quæ de diabolo dicebantur, ad Iudæos referri poterant, ipsique illis notabantur; ita hæc inferiora, quæ de Iudæis dicuntur, ad diabolum referri possunt, cuius filij & imitatores effecti erant.

NOtandum autem est hoc loco primū, quemadmodū diabolus ex per- 24
missione Dei aliquando potest obserare animæ sensus, oculos, inquam, aures,
atque linguam; ita etiam fores fidei, mentis, inquam, oculum, & aures posse
obscurare, ne videant lumen Euangelij Dei; vt ambulent, tenebris obscura-
tum habentes intellectum, alienati à vita Dei per ignorantiam, quod alicubi
Paulus dixit. Et hoc loco vtrumque videmus: corporaliter in dæmoniis, spi-
ritualiter in Pharisæis: nunc autem ad sensum in hæreticis cernimus.

NOtandum secundò de subiectione dæmonum, quam suis principibus 25
præbent, Collationis 8. cap. 16. apud Cassianum, & apud Gregorium libr. 3.
Dialog. cap. 7. de Andrea, Fundanæ ciuitatis Episcopo.

NOtandum tertio, multos esse, qui oderunt atque reprehendunt argu- 26
menta, ratione consequentiaque artis conclusa: quod quàm peruersè faciunt;
docet hoc loco exemplo suo Christus, qui continuè sex argumenta propemodum
ratione logica conclusit.

Notan-

27 **N**Otandum quartò, miracula ac doctrinam Christi vnâ & eandem, pro varijs ingenijs & affectibus hominum, alio & alio modo accipi. Nam ad hoc quidem miraculum, quo dæmoniacum absoluit dæmonio, stupent turbæ & mirantur, Pharisei blphemant ac maledicunt. Non id in agricola aut semine, sed in agro & solo vtrunque est.

28 **N**Otandum quintò, omnibus Regnis rebûsquepub. vehementer timendum esse hoc immutabile decretum Iesu Christi, tanta inductione communitum: Omne regnum in se diuisum dissoluetur: cùm ipsa corruptio nihil aliud sit, quàm quædam rei diuisio ac dissolutio; etiam si non ab hominibus solùm, sed à tam callidis & fortibus principibus & rectoribus, quales sunt dæmones, ac ab ipso improbo Beelzebub teneantur, & regantur. Probauit hoc decretum respub: Romana, probauit imperium Bizantinum, probauit Hungaria, probat nunc Gallia. In omni quidem diuisione, maximè tamen, si diuisæ sint in ea re, quæ prima & summa est, & in qua maximus nexus est rerumpub. Religione, quæ à religando dicitur: Quid si infinitæ sint diuisiones? quid si sectæ quas in certa genera referre non possis, etiã si sis optimus logicus? Atq; hæc est diuisio in hac nostra Polonia religionis, factionû, affectationis regni, &c. Si hanc formulam rerumpub. vel felicitatis, vel miserie posuisset Plato, aut Aristoteles; metuendû esset: cùm autem hoc decretum ipsius sit veritatis, ex cuius dictis cælum & terra pendet, faciliusq; cælum & terra mutatur, quàm vnû iota ex verbis eius pereat, quomodo non contremiscendum? Non dicit autem quomodo peribit, sed simpliciter, etiam si nulla vis externa adsit, nullus hostis, ipsa per se desolabitur, & domus ipsa ruet, vtpotè nullo fulciente, nullo sarciente. idque ex omni causa, omni doctrina, omni que humana experientia. Cælesti primùm, sic enim docet cælestis doctrina: Vbi amor & charitas, ibi Deus; & contrà, vbi odium & rancor, ibi perditio est: & vt in eo loco, vbi fratres habitant in vnum, mandauit Dominus manere benedictiones; sic contrà, vbi non est amor & charitas, ibi Deus demit benedictiones. Est hoc vnguentum Dei suauissimum, sicut vnguentum, quod descendit in barbam barbam Aaron: est hic ros fecundissimus, qui descendit in montem Sion. Idem patet ex causa Metaphysica, tamdiu enim vnaquaque res esse dicitur; quàm diu vna est: & ens & vnum conuertuntur. Idem ex naturali causa patet, tamdiu corpus sanum, quàm diu concors manet humorum harmonia. Hoc idem in Mathematica docetur, in qua tamdiu vnus & idem circulus manet; dum vnum centrum ad quod lineæ concurrunt, conseruatur, quo sublato perit: Nam de morali scientia, quid attinet dicere? dixerunt omnes. De experientia paulò antè diximus. Eleuat hoc argumentum contra ipsum sensum rei que experientiam, conscius sibi huius Tragœdiæ Calvinus: calumniam sibi obiectam primû CHRISTVM Dominum sola prouerbiali refutare sententia; viderique parum solidam esse refutationem: vulgò tamen receptis prouerbijs vsum esse Christum; vt tantum essent probabiles coniecturæ, non autem solidè probarent. Hæc quidem est blasphemia in Christum. Simile est illud eiusdem postea: Etiam Papistæ, ne sua conditio inferior esset, Iudæos æmulati sunt in creandis exorcistis, atq; hoc modo simiarum simiæ fuerunt. Quid est impudentem esse, quid est omnem ordinem perturbare, quid antiquitatem negare; quàm talia effutire? quasi verò Dominus voluerit suos omni virtute destituere? quod & ipse paulò post vi veritatis

ritatis coactus, quasi sui oblitus, fatetur. Noluit tamen, inquit, Dominus sua virtute eos penitus destitui, ut in genere sacerdotium & templi cultum aliquo testimonio ornaret. Nam ad rem magnopere pertinuit, à gentium superstitionibus claris notis discerni.

NOtandum sextò, Christum Dominum facile omnes iniurias pertulisse, 29 quæ ad eius humanitatem referebantur, & tanquam ouem coram tondente os non aperuisse: at ubi aliquid fiebat vel dicebatur, quod in potentiam patris sui, aut opera Spiritus sancti, suamque diuinitatem referebatur; semper id grauissimè reputasse ac tulisse: ut & nos idem facere discamus, plus pro honore Dei, quàm nostro decertare. Discant autem Ariani, quo quantòque peccato se obligent, qui temerè & impudenter diuinitatem eius impugnare non erubescunt; pro qua ille mortalis adhuc, & in forma serui tantopere certauit, eiusque vindex extitit. Quod ne ipsi dicere videamur, magnum illum Hilarium testem appellemus. Cum cætera dicta gesta que liberali venia relaxentur; caret misericordia, si Deus negetur in Christo: & in quo sine venia peccatur, beneuolentiam iteratæ admonitionis impendit. Omnino peccata cuiusque generis remittenda, blasphemiam in Spiritum sanctum non remittendam. Quid enim tam extra veniam est, quàm in Christo negare, quod Deus sit, & consistentem in eo paterni Spiritus substantiam adimere? cum in Spiritu Dei omne opus consummat, & ipse sit regnum cælorum, & in eo Deus sit mundum reconcilians sibi? Ergo quidquid contumeliæ extiterit in Christo, id omne extabit in Deo: quia in Christo Deus, & Christus in Deo.

NOtandum septimò, hinc colligi blasphemiam in Spiritum sanctum esse 30 eam, ubi quis ea quæ sunt Spiritus sancti opera, vel diabolo tribuit, vel inuentis humanis: & ubi quod reprehendi naturâ non potest, tamen ad malam causam refertur: ubi agnita veritas oppugnatur: ubi bonum malum, & malum bonum dicitur. In quo peccato omnes hærent hæretici, qui ea, quæ in Ecclesia à Spiritu sancto tradita sunt, vel diabolo, vel hominibus tribuere non erubescunt, & inde difficilè curantur, difficilè ad poenitentiam pertrahuntur. In eadem blasphemia est Calvinus, cum dicit: Ita exorcismi in Papatu nihil aliud sunt, quàm umbratiles & fictitij satanæ contra seipsum conflictus.

NOtandum octauò: quod D. Matthæus habet: Si in digito Dei eijcio dæ- 31 monia. Digitus autem Dei est, quem confessi sunt aliquando malefici & arioli, qui contra Moysen & Aaron apud Pharaonem signa faciebant, dicentes: Digitus Dei est hic, & quo in tabulis lapideis scriptam fuisse legem, scriptura testatur. Si igitur manus & brachium Dei filius est, & digitus eius Spiritus sanctus: Patris, & Filij, & Spiritus sancti vna est substantia. Non te scandalizet membrorum inæqualitas, cum ædificet vnitas corporis, inquit D. Hieronymus.

NOtat nonò D. Hieronymus, non debere nos esse securos: aduersarius 32 noster fortis, victoris quoque vocibus comprobatur. Domus illius mundus, qui in maligno positus est, non creatoris dignitate, sed delinquentis magnitudine: vasa eius nos quondam fuimus. Alligatus est fortis & religatus in tartarum, & Domini contritus pede: & direptis sedibus tyranni, captiua ducta est captiuitas.

tas. Per secundum hominem alligauit fortem, & diripuit eius vasa, & euacuavit mortem, viuificans eum hominem, qui fuerat mortificatus. Primum enim possessionis eius vas Adam factus est; quem & tenebat sub sua potestate, hoc est, præuaricationem inique inferens ei; & per occasionem immortalitatis mortificationem faciens in eum. Etenim promittens eos futuros tanquam Deos, quod ei non est omninò possibile, mortem fecit in eis: vnde & iuste à Deo recaptiuatus, qui hominem captiuum duxerat, solutus est autem condemnationis vinculis, qui captiuus fuerat homo.

33 **N**Otat hoc loco decimò D. Hieronymus, quod sit otiosum verbū, nimirū quod sine vtilitate & loquentis & audientis dicitur; si omisis seriis de rebus frivolis loquamur, & fabulas narremus antiquas. Cæterum, qui scurrilia replicat, & cachinis ora dissoluit, & aliquid profert turpitudinis: hic non otiosus, sed criminosis tenebitur reus. Et D. Chrysostomus: Otiosum est verbū, inquit, quod rei propositæ non conuenit, nihilque confert vtilitatis, quod mendacio inquinat, quod ad calumniam dicitur. Quidam autem otiosa etiam asserunt verba, quæ vana sunt: vt quæ profusum mouēt risum, aut turpia, impudica, illiberalia.

34 **N**Otandum vndecimò: ideò Deum permittere corporaliter obsideri homines à dæmone, vt sit forma & species eius obsessionis, quæ est in anima. Quos igitur occupat dæmonium, eos aliquando efficit cæcos, vt neque præterita, neque præsentia meminisse valeant: idem dæmonium efficit eos surdos, ne concionatores, aut confessarios, aliosque spirituales viros se obiurgantes audiant, illisque obediant, efficit demum mutos, ne Deum laudent, ne proximum tueantur aut ædificent, ne pro officio & debito suo vera loquantur, cum in alijs partibus vitæ eos faciat loquacissimos. Obsidet hoc genus dæmoniorum eos, qui se nimis politicos esse censent, qui tacent, vbi vel maximè loqui oportet: vel perplexè loquuntur, vt non intelligantur, vt magis imponent, & dæmonium est, vnde ille dæmon Pythius λεξις dicebatur, quasi obliquus, qui nihil directè loquebatur: Aio te Acacida Romanos vincere posse.

35 **N**Otat hoc loco contra Arianos Ambrosius. si omne regnum in se diuisum desolatur: ergo patris & filij & spiritus sancti regnum non est diuisum. Desistant igitur Ariani aliquam diuisionem aut distinctionem, præter eam, quæ personæ est, in patre & filio & spiritu sancto facere: desinant vllos minoritatis, aut maioritatis terminos ponere: desinant minorem patre filium, & filio spiritum sanctum nominare; quorum regnum sempiternum & indiuisum est, imperium vnum, maiestas vna.

36 **N**Otent duodecimò hoc loco reges & principes Christiani, notēt respub. sæpè se dæmonibus deteriores esse: quòd dæmones, etsi eos nulla res præter id quòd dæmones sunt, nobisque inuideant, coniungere possit, conseruandi tamen regni sui causa mutuam pacem colant, secum conueniant, sibi mutuam opem ferant; reges autem & principes Christiani decies perire malint, quàm secum contra gentiles, hæreticos, & alios nominis Christiani hostes conuenire; quos natura, quos religio, quos lex, quos mutæ necessitudines, quos communis calamitas, & interitus secum cōiungere non possunt. Quàm angustis limitibus

mitibus contineantur vident: quis & quid, & vnde illis impendeat cernunt: quid possint, quibus ipsi viribus præditi sint animaduertunt: amici tamen esse non possunt. Qui regis Israël intende.

Notandum & illud est, diabolus summa diligentia, viribus omnibus & 37 artibus se suaq; tueri, multis argumentis ac præditiis ad regnum suum constituendum, ac quàm diutissimè conseruandum vti: nos autem securos, aut negligentes planè spontè in fauces eius incidere.

Notandum quartodecimò, inter Deum ac diabolus medium non esse. 38 Qui mecum non est, contra me est. Atque hoc medium quamuis multis commune est, aulæ tamen quasi peculiare esse videtur; hic medijs Christiani, medijs Catholici. Vsquequò claudicatis in duas partes? Si Dominus est Deus, sequimini eum: si autem Baal, sequimini illum. Ingentis periculi est, inquit Hilarius, malè de eo opinari, cum quo non esse, idipsum est, quod contra esse. Sed audiant & Christiani regulam, qui putant hæreticos Christianos esse, quia sic credunt quomodo nos: tamen quia non sunt nobiscum, aduersus nos sunt: & quia non congregant nobiscum, spargunt. Si ergo quia non sunt nobiscum, aduersus nos sunt: & quia non congregant nobiscum, spargere videntur: quanto magis qui & voluntate, & verbis & actibus contra nos sunt, non sunt nobiscum? & qui manifestè spargunt, non videntur congregare nobiscum?

Notandum quintodecimò, Catholicos à Caluino derideri, quòd hinc 39 colligant peccata quædam, post mortè dimitti, eò quòd dictum sit, neq; in hoc, neq; in futuro seculo dimittetur, & inde Purgatorium colligant: cum hinc Christus de culpa loquatur, nō de pœna, & sic ex glacie flammâ purgatorij excitare. Sed cur non de utroq; hoc loco Christus dicit, & culpa & pœna, nullum adfert argumentum; nouus vbi non opus est scholasticus, culpæ & pœnæ, quæ sæpè ridet, nunc assertor.

Notandum sextodecimò & illud est: iustificationis nomen non ad solam 40 fidem referri, sed ad omnia dicta & facta iusto homine digna: Iustificaberis ex verbis tuis, siue propriè, siue impropriè. Quæ res momordit Caluinum, cuius illa fraus est, vt si quid pro illo dici videtur, id propriè dici; si quid contra illum, illud impropriè dici doceat.

Norat decimoséptimò & vltimo hoc loco D. Chrysostomus. Cùm ho- 41 minem audias turpiter loquentem, noli, inquit, tantam solummodo putare in animo ipsius prauitatem esse sitam, quantâ impudenter nimium os suis verbis suspicari manifestauit: sed multò maiorem fontem esse conijce. Quod enim extra profertur, ex illo profluit, eiusque superfluum est, quod intus est. Ex abundantia, inquit, cordis, os loquitur.

SERIES **E**X calumnijs blasphemijsque deiecti, signa quærunt, quod Iudæorum fu- 42
EVANGELII it proprium, videre volunt: quasi maiora videre possent his quæ viderent; aut quasi eadem ad potestatem Beelzebub non referrent, ad quem nunc retulerunt alia. Annotauit hoc D. Paulus, quod quemadmodum gentiles argumen-
ta &

ta & rationes, ita Iudæi signa in omnibus quærunt. Eutymius dicit. Cùm admirari ac succumbere oportet, tunc rursus impudenter loquuntur: & quem paulò antè dæmoniacum temerario ausu dicebant, nunc adulatoriè magistrum vocant; & post tot miracula signum videre quærunt, non ut credant, sed ut eum opprimant. Magister, inquiunt, volumus à te signum videre de cælo: vel, inquit Hieronymus, in morem Eliæ ignem de sublimi venire cupiebant: vel in similitudinem Samuelis tempore æstiuo contra naturam loci mugire tonitrua, coruscare fulgura, imbres ruere, quasi nō possent & illa calumniari, & dicere ex occultis & varijs aëris passionibus accidisse. Nā qui calumniaris ea, quæ oculis vides, manu tenes, utilitate sentis: quid facturus es de his, quæ de cælo venerint? utique respondebis, & magos in Ægypto signa magna fecisse de cælo. Magister, inquiunt, volumus à te signū videre: ut scias quòd volumus à te discere veritatem; ecce etiam te Magistrum appellamus. Sed malitia, inquit author *Hom. 30. in Matth.* Operis Imperfecti, sapere nescit. dum volunt malitiam suam abscondere, magis eam manifestant. Nam cùm multa signa viderent, tanquam si nullum viderent, ita signum petebant. Verè enim nullum viderunt, quia corporali aspectu viderunt, non spiritali affectu. Nam mens sine oculis videt aliquando, oculi autem sine mente nunquam vident. Similis est natura infidelitatis terræ arenosæ, quæ quamvis pluuiam susceperit; tamen quia nullos in se tenet humores, semper adhuc aret. Talis est conditio febrium: Quantumvis biberint febricitantes, calore, totum consumente quod biberint, semper adhuc sitiunt. Sic & maligni homines, quidquid boni viderint aut audierint, infidelitate totum consumente quod vident & audiunt; semper vacui sunt, tanquam qui nihil viderint, aut audierint. Ecce si quis exponat tibi res quas non libenter audis, si tota die audieris, nihil eorum retines, quæ audisti: aut ambulans in via, si mens tua aliquo cogitatu fuerit occupata, quamvis omnes videas transientes, tamen neminem vides: sic & Iudæi frequenter signa videntes, adhuc signum petebant, quia hoc videbant, quod videre volebant. Nam sicut semper discere, signum est nihil posse proficere; sic signa semper petere, testimonium est nunquam velle credere. Cùm itaq; illi contumeliosi essent, patienter eos ferebat: dum autem adularentur, asperè respondit, utpote, qui neq; animi vehementia vinceretur, neq; adulatione mollesceret. Hos verò à progenitorum carpit prauitate, tanquam dignam illis sobolem. Continet autem Christi responsio obiurgationem, Generatio praua: & negationem, Non dabitur illi signum nisi Ionæ. Cùm enim Christus Dominus ex ficto & maligno animo ea proficisci videt, eos increpat: Generatio, inquit, mala & adultera, quæ dereliquit Dominum Deum suum, quæ sub omni arbore frondosa prosternitur. Adultera est & spuria, quæ à sanctis patribus maioribusque suis degenerauit, nihilq; simile in se habeat. Generationem malam nuncupauit, inquit D. Chrysostomus, tum, quia semper ingrati benefactoribus extiterunt: tum quia susceptis beneficijs, quod extremæ viciositatis est, ad malignitatem incitantur. Adulteram autem appellauit tam priorem quàm presentem ipsorum infidelitatem designans: quia derelicto Deo vero, diuersarum gentium idolis seruiebant. Sed quomodo vocat signum Ionæ? quia illa absorptio illius à pisce, erat futura cōfirmatio eius prædicationis in Niniue. Ille Deus qui potens fuit me ex ventre piscis eripere, ille idem potens est vos omnes perdere. Quod idem quodāmodo in Christo intelligere est, cuius resurrectio signum & testimonium eius doctrinæ propriè

prie esse debuit. Si mortem Christus viribus suis vicit, vera est eius doctrina. Erat igitur signum Ionæ, signum perpetuum Iudæorum interitus tam in animo, quam in corpore. Signum, inquit, quærit, & non dabitur illi, nisi illud quod minimè velint videre, cum eum quem nunc oderunt & persequuntur, gloriosissimum mortis & inferni victorem videbunt. Et hic quidem comminationibus occultius id tangit, ut quasi dicere videatur: Mille vobis beneficia contuli, & nihil horum vos mihi conciliauit; neque fecit, ut omnipotentiam meam velitis cognoscere: sed cognoscetis tunc à contrarijs, quando urbem vestram prostratam videbitis, quando moenia eius deiecta, quando templum subuersum, quando libertate priscaque viuendi disciplina priuati, errantes ac profugi per vniuersum orbem dispergemini. Hæc igitur omnia, quæ post passionem meam euenient, in signum vobis maximum erunt. Sicut enim Ionas in ventre Ceti fuit tribus diebus & tribus noctibus; sic erit filius hominis in corde terræ: ubi synecdochicè totum intelligitur ex parte: non quod totos tres dies & noctes tres, in inferno Dominus fuerit; sed quod in parte Parasceues & Dominicæ, & tota die Sabbathi, tres dies & totidem noctes intelliguntur. Non dantur autem illis signa, cum antea dabantur, etiam non petentibus, imò etiam resistentibus, ut Achabo: vel quod non ad firmandam fidem, sed ad illum tentandum ea postulata composita erant: vel propter eorum infidelitatem, qui maximus est miraculorum obex, teste Chrysostomo: vel quia iam facta fuerant signa sufficientia, cum diabolo ad credendum vnum sufficiat: vel quod falso & mendaci animo illud post tot signa exposcebant: vel quod longè maiora post resurrectionem viderunt, nec tamen crediderunt; & quod hæc ipsa plus illis damnationis, quam vtilitatis essent allatura, dum illis fidem non adhibitori essent, & quod iam impleuerat ea, quæ Messias facere debuit; nec erant digni propter ingratitudinem, quam duobus exemplis docet: Viri, inquit, Niniuitæ, surgent in iudicio cum generatione ista, & condemnabunt eam, non sententiæ potestate, sed cōparationis exemplo: quia illi ad simplicis serui prophetæ prædicationem sine signis publicam poenitentiam egerunt, isti Dominum prophetarum contempserunt. Ionas à Ceto exiit; ego à morte resurgam. Subuersionem illi urbi futuram prædicaui: ego regni cælorum euangelia vobis enuncio. Et Niniuitæ quidem absque signo aliquo crediderunt, cum vos multa miraculorum signa videatis: nec quidquam ante Ionæ verba illi audierunt, cum vos per diuersa genera philosophiæ ego educarim. Præterea, Ionas quasi minister ad Niniuitas accessit, ego autem ad vos Dominus atque creator deueni, nihil intentans, nullas viuendi rationes exigens, sed peccatorum condemnationem adferens. Accedit, quod illi quidem essent barbari, vos autem inter prophetas innumeros educati: tum quod de Iona nemo illis prædixit, cum de me plurimi prædixerint, & opera prædicationi consonare perspiciatis. Ionam etiam ne derideretur fugisse non ignoratis; cum ego & crucis patibulum subiturus, & omnes illusiones vestras laturus ultro aduenerim. Itaque cum ille nullum pro Niniuitis opprobrium tulerit, ego vel mortis acerbiter libenter sufferam. Et ille aduena quidem atque peregrinus erat, & hominibus illis omnino ignotus: ego verò vobis coniunctus secundum carnem, ab eisdem sum oriundus progenitoribus; attamen tot, tantaque faciens signa & prodigia Beelzebub calumniam sustineo. Plus est ergo quam Ionas hic, id est, in præsentiarum inter vos. Eodem modo Reginam Austri surrecturam in iudicio cum ingrato populo do-

lo docet; quæ venit à finibus terræ audire sapientiam Salomonis, isti præsentem, & ultro se inferentem contempserunt. Quis autem hic est? maior prophetis, maior Ioanne, maior Salomone. Regina inquit Saba per tantas difficultates, gente sua & imperio derelictis, venit in Iudæam audire sapientiam Salomonis, & ei multa munera detulit: mulier infirma, ut de arboribus, plantis, ac aliis rebus naturæ audiret, tantum iter ad Salomonem suscepit: vos autem me, qui ad vos veni, cælestia narrantem non auditis. Siue illa ex Æthiopia aduenit, ut Iosephus putat, siue ex felici Arabia, ut alij.

43 **D**E signo Ionæ Iustinus 64. quæstione. Si quemadmodum fuit Ionas in ventre Ceti tres dies, ita & Christus in corde terræ. nonne Domini mors opinione fuit? Ionas enim cum non esset mortuus, putatus est mortuus. Sin Dominus mortem verè passus est, nonne falsum est exemplum Ionæ? Responsio. Non mortem cum morte comparauit, sed triduanam in sepulchro mansionem Seruatoris, cum triduana in ceto mansionem Ionæ. Alioquin, si simile esset exemplum Ionæ & Seruatoris, non posset illud esse huius typus & imago. Oportet ergo ut veritas plus aliquid habeat, quàm typus, secundum dictum illud: Hic plus est, quàm Ionas. Intelligitur autem Ionæ fuisse exemplum, verum exemplum Christi, hoc pacto: quod quemadmodum Ionas habuit exitum ex Ceto post triduum, quo signo fides fieret, eum à Deo missum esse præconem euerisionis Ninivitarum: sic & Seruator habuit resurrectionem ex sepulchro post triduum, quo signo fides fieret, eum missum esse à Deo præconem regni cælorum.

44 **N**Otandum primò, Christum neque ad maleuolorum, neque ad curiosorum voluntatem signa facere consueuisse: apparebit hoc in Horode, & nunc in Pharisæis.

45 **N**Otandum secundò, signa credentibus quidem nonnunquam ad salutem dari, infidelibus autem in testimonium & condemnationem: & ideo aliquando non petentibus dari, ut Achabò, Ezechia: aliquando petentibus non dari, ut Herodi, & Iudæis.

46 **N**Otandum tertio, non id reprehendi quòd signa petuntur, sed quòd male, & à malis petuntur. Signum petit Gedeon, & petit pertinacius; datur tamen illi, eiusque iufirmitati Deus indulget: Ezechia non poscenti ultro signum offertur: at improbis & sceleratis hominibus signa non dantur, aut in pœnas conuertuntur.

47 **N**Otandum quartò, ex quibus causis signa dentur: Fidei scilicet confirmandæ causâ & doctrinæ. Cum autem duo sint ad faciendam fidem in doctrina christiana necessaria: primùm, Deo summæ veritati credendum esse: secundùm, quæ credenda proponuntur à Deo profecta esse: ad primam quidem fidei partem signis & miraculis non ita multis opus est, in secunda tota vis est. Prima enim per se lumine naturæ nota est, cui nemo contradicere potest: secunda verò, Deum hæc dixisse, non ita planè nota est (nā hoc multi sibi usurparunt) neque verò aut sensu, aut ratione demonstrari potest. Solis igitur miraculis opus, iuxta illud: Illi autem profecti prædicauerunt, Domino cooperante, & sermonem

monem confirmante, sequentibus signis: quæ sunt tanquam sigilla apud literas, ex quibus literis cognoscitur, eam voluntatem esse principis: vbi autem illa, quæ dixi, duo creduntur, signis nullus locus est. Signa tamen ipsa non sufficiunt, nisi superno illuminentur lumine. Nam etsi literæ manu Regis scriptæ non essent afferantur; adsit sigillum, lucerna tamen absit, literæ non legi possunt, nec illis credi. Fiunt tamen aliquando in testimonium iustitiæ & honestatis eorum qui diligunt Dominum, quod in sancta Catharina, Cecilia, Lucia, muliere septies icta apud Hieronymum, in Clemente item, Thoma Cantuariensi, S. Stanislao, & aliis multis videmus. Docet autem Augustinus cum Chrysostomo, credentes habere vnum, etiam si cætera signa desint, perpetuum monimentum, conuersionem orbis, & acceptionem doctrinæ.

Notandum quintò, Iudæos minus opus habuisse miraculis quàm gentes; 48 vt qui de tota causa religionis per tot patriarchas, prophetas, instituti erant, totque beneficiis Dei prouocati, sed & miraculis iam antè instructi: & de tota quidem hac causa aduentus Messia, nullus dubitationis locus illis relictus fuerat. De eo autem, num hic ipse promissus fuerit Messias nec ne: quod & ipsi Ioanni accidit: Et ego nesciebam illum, inquit: hic solus demonstrandi locus fuit, in quo illis abundè à Christo Domino satisfieri debebat, vt factum est. Cur autem signum nõ impetrent, iam superius diximus. Nam quæ postea fecit; non istorum causa, sed eorum, qui credituri erant, facta sunt. Nam etsi Achab signo dignus non fuit, alijs tamen qui eo digni fuerant datum est: Audite inquit domus Iacob.

SERIES
EVANGELII

Postquam obiurgauit illos, & signum negauit, præter signum Ionæ: nunc 49 quis sit status & conditio illorum, quid illos spectet & maneat, demonstrat. Et quoniam dæmonium illi obiecerant, ille inuicem ostendit, quam potestatem in illos habeat, quid cum illis agat, quid acturus sit, quo iure utatur. Cum, inquit, spiritus immundus, exierit ab homine, ambulat per loca arida. Quem locum tribus modis interpretantur docti. Primum de hæreticis, quod immundus spiritus, qui in eis antea habitauerat, quando gentiles erant, ad confessionem veræ fidei eiiciatur: postea verò, cum se ad hæresim transtulerint, & simulatis virtutibus ornauerint animam suam; tum alijs septem nequam spiritibus adiunctis reuertatur ad eos diabolus, & habitet in illis, fiantque nouissima eorum peiora prioribus. Multo quidem peiori conditione sunt hæretici quàm gentiles: quia in illis spes fidei est, in istis pugna discordiæ. Quidam de omni peccatore interpretantur, à quibus cum immundus spiritus exit, per baptismum, & poenitentiam aliaque sacramenta, ad eos iterum reuertitur: quos si inuenerit, à bonis operibus virtutumque exercitio vacuos, ac scopis tantum confessionis mundatos; vadit & assumit septem spiritus nequiores se, hoc est septem principalia vitia, & intrantes habitant ibi vnde totius nequitie germen pullulat, ipse autem est octauus: nam satanæ sola deformitas pulchra est, & ei nihil bene olet præter foetorem & sordes. Vacantem domum, id est torpentem ab operibus bonis inuenit, & simulatione virtutum per hypocrisim ornatam. Cæterum D. Hieronymus atque Hilarius hæc ad ipsos Iudæos referunt, quod Christi continuatione demonstrat. Sic erit generationi huic pessimæ: Exponit in hunc modum Hieronymus. Immundus spiritus exiuit à Iudæis, quando acceperunt legem, & ambulauit per gentium

gentium loca arida, quærens requiem sibi. Expulsus videlicet à Iudæis, ambulauit per gentium solitudines, quæ cum postea Domino credidissent, ille non in uêto loco in nationibus dixit: Reuertar in domum meam, hoc est abibo ad Iudæos, quos antè dimiseram. Et veniens inuenit eam vacantem, scopis mundatam: Vacabat enim templum Iudæorum, & Christum non habebat hospitem, dicentem, surgite eamus hinc. Et in alio loco: Dimittetur vobis domus vestra deserta. Quia igitur & Dei, & angelorum præsidia non habebant, & ornati erant superfluis obseruationibus legis, & traditionibus pharisæorum; reuertitur diabolus ad sedem suam pristinam, & septenario sibi numero dæmonum addito, inhabitat pristinam domum, & efficiuntur illius populi nouissima peiora prioribus. Multò enim nunc maiori dæmonum numero possidentur, blasphemâtes in synagogis Christum Iesum, quàm in Ægypto possessi fuerant ante legis noticiam: quia aliud est venturum non credere, aliud eum non suscepisse qui venerit. Septenarium autem numerum adiunctum diabolo, vel propter sabbathum intellige, vel propter numerum Spiritus sancti: ut quomodo in Isaia super virgam de radice Iesse, & florem qui de radice conscendit, septem spiritus virtutum descendisse narrantur; ita è contrario vitiorum numerus in diabolo consecratus sit. Quare, ne diabolū vno prælio victum putemus, vbi semel à nobis exierit: imò meminerimus, cum illi vetus in nobis fuerit hospitium, ex quo nati sumus, omnes aditus illi notos, & compertos esse, quibus ad nos penetrare queat: si rectâ ingressus non patebit, astutiam illi non deesse, ut per cuniculos, vel obliquas rimas clanculum obrepat. Similia docet Hilarius. Ergo insidentem plebis istius pectoribus spiritum immundum, lex, quæ postea data est, interuentu suo eiecit, & veluti quadam custodia circumiectæ potestatis exclusit. Qui illinc exiens, circum gentes desertas atque aridas oberrauit, domum veterem derelinquens; ut in his vsque in diem iudicii non inquietata habitatione requiesceret.

50 **NOT**andum primò, de propitiato peccato neminem debere esse securum, neque primæ iustificationi confidere, si operum locus est.

51 **NOT**andum secundò, non sufficere ut mala non agamus, sed necessarium esse, ut in bonis nos exerceamus: alioqui domus vacua, insidiisque diaboli exposita erimus: fidemque sine operibus vacuum esse.

52 **NOT**andum tertio, vanam esse fiduciam hæreticorum, qui asserunt, persuadere sibi quenquam debere, se in gratia Dei esse, nec damnari posse nisi credere nolit. Nam illi in gratia Dei sunt, quos spiritus malus vi baptismi & fidei deserit; si tamen hæc ipsa domus à bonis operibus vacua sit, si in eis se non exerceat, potens est idem spiritus redire, & deteriores se spiritus accipere: & ita fiduciæ Euangelicorum locus nullus sine virtutum exercitio erit.

53 **NOT**andum quarto, quemadmodum homo iustus est domus Dei, & habitaculum Spiritus sancti, iuxta illud Pauli. An nescitis, quia corpora vestra sunt templa Spiritus sancti? ita homines improbos & peccatores esse domum & tabernacula diaboli. non quidem iure & natura, sed vi ac inuasionem, ac spontanea subiectione: Reuertar, inquit, in domum meam, vnde exiui.

Notandum quintò, impiam & planè ex diametro Christi Euangelio contrariam esse doctrinam, quæ dæmones esse negat, corporaque non spiritus eos esse docet: cùm non tantùm eos esse hinc constet, sed numero etiam distinctos, ac gradus, & differentias malorum habere, & in hoc totos esse, vt hominibus noceant, in hacque sola re conuenire inter se. Accipit septem spiritus deteriores. Vocantur autem immundi spiritus, quod ipsi immundi sint, & alios, qui illos sequuntur, immundos faciant. 54

Notandum sextò, apertè nos hoc loco à Christo moneri, Diabolum maiori odio contra eos ardere, qui ex eius laqueis erepti sunt, magisque hostili impetu ferri. Cæterùm terrorem incutere minimè debet hæc admonitio, sed nos expergefaceret; vt intenti simus agendis excubiis, & spiritualibus armis induti fortes ad resistendum simus. 55

SERIES
EVANGELII.

Post multa deinde scandala, quæ Christo Domino homines perditioni re voluerunt superata, ac in illos reiecta, vltimò scandalum carnis ac sanguinis opponunt. Adhuc autè illo loquētē, ecce mater eius & fratres stabāt foris, quærentes ei loqui: qua occasione arrepta, mox scandalum proponunt. At ille, vt cætera, mirificè hoc idem repellit. Non iuxta Marcionem aut Manichæum matrem negans aut contemnens, tanquam natus de phantasmate: neque iuxta Caluinum, aut Lutherum, dignitati aut authoritati matris suæ detrahens, cui à prima natiuitate sua, vt Lucas docet, subditus fuit; sed Apostolos cognationi præferens, vt & nos in comparatione dilectionis carni spiritum præferamus, & vt hominum impudentiam & vanitatem conuincat. Qui autem fuerint fratres domini, explicat Hieronymus. Quidam fratres Domini de alia vxore Ioseph filios suspicantur, sequentes deliramenta apocryphorum, & quandam mulierculam Escham confingentes. Nos autem, sicut in libro, quem contra Heluidium scripsimus, continetur, fratres Domini non filios Ioseph, sed consobrinos Saluatoris, Mariæ liberos intelligimus, Materteræ Domini, quæ esse dicitur mater Iacobi minoris & Ioseph & Iudæ, quos in alio Euangelii loco fratres Domini legimus appellatos. Fratres autè consobrinos dici, omnis scriptura demonstrat. 56

Quo loco duo notanda sunt: primum illud, quod notat Hilarius, propinquitatem omnium, & ius atque nomen, non conditione nascendi, sed de Ecclesiæ communionem retinendum. Quod etsi omnibus seruasse debet; inprimis tamen viris Ecclesiasticis, quorum conuersatio & cognatio in cælo esse debet. 57

Secundò notandum est, quanta sit vis bonorum operum, quod per ea matris Dei ac fratribus eius, vel coæquari, vel anteferri possimus. Hæc est mater mea, isti fratres mei. 58

QVAESTIO D. AVGVSTINI PRIMA. Quod discipuli Domini cœperunt vellere spicas & manducare, quod nisi confricantes eas, facere non possent. hoc est, mortificate membra vestra, quæ sunt super terrā: id est, quia quisque non transit in corpus Christi, nisi carnalibus expoliatus fuerit indumentis. Hinc est, exuite vos veterem hominem. Hinc est, & circumcisio non manufacta in expoliationem carnis. QVAESTIO SECUNDA. Notandum de eo quod illicite 59

illicite factum videretur Iudæis, quod discipuli sabbatho spicas euulssent, vnū exemplum datum regiē potestatis de Dauid, alterū sacerdotalis de iis, qui ob ministeriū templi sabbathū violant; vt multò minus ad ipsum euulsarum sabbatho spicarum crimen pertineat, qui verus rex & verus sacerdos est, & ideo Dominus sabbathi. **QVAESTIO TERTIA.** Arundinem quassatam Iudæos dicit, propter quod & vnum erant, & ab inuicem discrepabant. In lino fumigante notandum, quia & desertū lumine facit putorem. **QVAESTIO QVARTA.** Quod dixit, Etsi ego in Beelzebub eiicio dæmones, etiam secundum vestram sententiam: Igitur peruenit in vos regnum Dei: quia regnum diaboli stare non potest, quod aduersum se diuisum esse fatemini. Regnum Dei nunc dicit, quo damnantur impii, & à fidelibus de peccatis suis pœnitentiam nunc agentibus discernuntur. Fortem illum appellat, quia ipse tenebat, ne possent viribus suis ab illo se homines eruere, sed per gratiā Dei. Vasa eius dicit omnes infideles. Nisi prius alligauerit fortem: alligauerit dixit, potestatem illi ademerit impediendi voluntatem fidelium à sequendo Christum, & obtinendo gratiam Dei. **QVAESTIO QVINTA.** Progeniem viperarum eos dicit, quia & diaboli filios eos appellat. Intantum enim quisque est filius diaboli, in quantum eum peccando imitatur. **QVAESTIO SEXTA.** Sicut enim fuit Ionas in ventre ceti tribus diebus, & tribus noctibus; sic erit filius hominis in corde terræ tribus diebus & tribus noctibus. Sextæ feriæ diei partem qua sepultus est cum præterita nocte, pro nocte & die accipias, hoc est pro toto die, sabbathi noctem & diem & noctem Dominicam cum eodem die illucescente, ac per hoc accipiendo partem pro toto, habes triquum & tres noctes. Quod enim dicuntur decem menses prægnantis, nouem sunt pleni, sed initium decimi pro toto accipitur. Et quod se Dominus ostendit in monte, post sex dies; dicit partem posteriorem primi diei, in quo futurum hoc Dominus promisit, pro totis atque integris diebus annumerans; vt intelligas eum qui dixit, post sex dies, solos medios commemorasse, qui verè toti atque integri completi sunt. In Genesi enim à lumine incipit dies & finit ad tenebras, ad significandum lapsum hominis. Nunc autem à tenebris ad lucem, sicut dictum est, de tenebris lucem clarescere: quia à peccatis homo liberatus, peruenit ad lumen iustitiæ. **QVAESTIO SEPTIMA.** Cum spiritus immundus exierit ab homine, significat quosdam ita credituros, vt ferre non possint labores continentiae, & ad seculum redituri sint. Quod dictum est, Assumit secum alios septem, intelligitur: quia cum quis ceciderit de iustitia, etiam simulationem habebit. Cupiditas enim carnis expulsa per pœnitentiam à consuetis operibus, cum non inuenit in quibus delectationibus requiescat, auidius redit, & rursus occupat mentē hominis: sic cum expulsa esset iniustitia, negligentia subsecuta est; vt non introduceretur tanquam habitator mundatæ domui, sermo Dei per sanam doctrinam. Et quoniam non solū habebit illa septem vitia, quæ septem virtutibus spiritualibus sunt contraria, sed etiam per hypocrisim se illas virtutes habere simulabit: propterea assumptis secum septem aliis nequioribus, hoc est, ipsa septenaria simulatione, redit illa concupiscentia; vt sint nouissima hominis peiora, quàm erant prima.

NOTARVM

EVANGELICARVM

LIBER TERTIVS.

In quo continetur doctrina Christi per
parabolas explicata.

*Inseruntur tamen & alia multa, quæ Christi gloriam,
potentiam, ac bonitatem demonstrant.*

Caput XIII.



NOTANDVM IGITVR PRIMVM EST, VSVM PARABOLA-
rum fuisse antiquissimum, ac Hebræis quasi peculiarem, totique
orbi orientali, ita vt reges ipsi resolutione parabolarum magnas
res inter se componerent. Salomon quidem ipse cum Hiram re-
ge Phenicum, pacta pecunia non mediocri parabolis luserit, ac
victor euaserit. Hoc idem cum regina Saba fecisse legitur. Hunc
eundem prophetarum morē fuisse, patet ex sacris scripturis, vt potē in Nathan,
Isaia, & cæteris. Sed ne vetustiores philosophi ab hoc docendi genere abe-
rant, vt potē Pythagoras, Architas Tarentinus, & cæteri veteris Græciæ Philoso-
phi. Sacerdotibus item Ægyptiis hic vsus fuit. Hac eadem igitur via aggredi-
tur hic ipse plusquàm Salomon. Quod quidem iam olim de se per Dauidem
prædixerat: Aperiam in parabolis os meum: loquar propositiones ab initio. 1

Habet autem hoc genus parabolæ, doctrinæ suas laudes ac virtutes præ-
ter cætera. Primò, quod simul docet & arcet, instruit & repellit: docet di-
gnos, mites, non perfectos; repellit canes, & porcos, arrogantes & superbos.
Confiteor tibi pater, Domine cæli & terræ, quia abscondisti hæc à sapientibus
& prudentibus, & reuelasti ea paruulis. Secunda eius virtus, quòd non docet
tantum, sed auget etiam, illustrat ac ob oculos ponit; habet enim rem simul
cum exemplo: vnde à Græcis dicitur παραβολή, quasi rerum dissimilium compa-
ratio. Tertia virtus est, quod attentionem, & studium inuestigandi excitat,
negligentem & oscitantem auditorem non fert, obtusum ac ignauum reicit.
Quarta, quòd multum delectat, ac cuidam certamini ac pugnae vt dictum est,
simile videtur, & ad victoriam comparatum. Quinta virtus parabolarum est,
quòd memoriam plurimum iuuant, ac facile quis eius doctrinæ quæ ex parabo-
lis est recordatur. Habet & hoc singulare, quòd nec omnia explicat, nec om-
nia celat: Hoc igitur genus methodi ac doctrinæ sequitur cælestis magister. 2

ITa autem doctrinam suam per parabolas explicat, vt alias quidem parabo-
las interpretetur ipse, alias nequaquam: quod ea ratione facit, vt his, quas inter-
pretatur, nobis modum & rationem cæterarum interpretandarum relinquat, artēq;
interpre- 3

interpretandi doceat : In his verò, quas ipse non interpretatur, studium & solertiam nostram exerceat, spiritumque in nobis excitet, & ad ordinem prouocet, quod nunc in Apostolis facit. De his autem parabolis, quas ipse Christus interpretatur, illud habet Hier: Cauendum est, vbicunque Dominus exponit sermones suos, & rogatus à discipulis intrinsecus differit, ne vel aliud, vel plus quid velimus intelligere, quàm ab eo expositum est.

4 **P**arabolarum autem tractandarum, hanc rationem sequuntur patres : In omni parabola scopus inprimis constituendus est, quò tota referatur parabola, ad eumque omnia referenda sunt. Itaque in omni parabola noui testamenti præceptum Chrysostomi obseruandum est : in omni parabola semper aliquid esse præcipuum, quod dicatur ad probandum id quod agitur, multa deinde ad explendum sensum, & ornandam orationem dici. Igitur cauendum esse, ne ex illis rebus, quæ in parabolis explicite narrationis causa dicuntur, argumenta sumamus. Nam alioquin & furari & fœnerari ex parabolis licitum esse colligeretur, vt de villico, & de talentis traditis. Idem eleganti similitudine illustrat Origenes. Quemadmodum, inquit, in imaginibus ac statuis, similitudines non omni ex parte respondent iis ad quæ conferuntur ; sed in plano quidem ligno, vt exempli causa loquamur, cera depicta imago, superficie tantum cum colore similitudinem habet, verum non seruat depressiones atque eminentias, sed harum rerum significationem tantum. In fingendis verò statuis, similitudinem quæ est secundum eminentiam ac depressiorem seruare conatur ars, in colore verò nequaquam. Quòd si cerea fiat effigies, conatur quidem vtramque seruare similitudinem, nimirum & iuxta colorem, & iuxta depressiones, ac prominentias, cæterum in profunditate non est imago. Similiter mihi cogita & de similitudinibus, quæ sunt in Euangelio. Regnum cælorum, dum simile dicitur rei cuiuspiam, simile dici non secundum omnia quæ adsunt illi, ad quod confertur similitudo, sed ad quædam duntaxat, quæ conducunt ad assumptam rationem. Hæc Origenes. Clavis autem assequendi sensus, & aperiendæ parabolæ hæc erit. Primò occasio, vnde nata sit parabola, videnda est : deinde similis parabolæ in alio loco interpretatio : denique quæ summa & vltima sententia, & quasi epimythion, hoc est scopus & sensus parabolæ, quo concludi solet, quale est illud de veste nuptiali: Multi vocati, pauci electi. Et illud de primo accubitu: Qui se exaltat humiliabitur. De virginibus item : Vigilate, quia nescitis diem neque horam.

5 **S**copus igitur præsentis capituli parabolarum hic est, originem, vim, ac efficaciam, præstantiam ac dignitatem, difficultatem item verbi Dei ac doctrinæ Christi explicare, impedimenta item, obices, incrementa ac progressus, exitus denique tradere.

6 **P**rimæ igitur parabolæ de semine. Exiit qui seminat seminare semen suum, scopum inquiramus ; cuius partium explicationem ipsi cælesti magistro relinquemus. Cum igitur **CHRISTVS** Dominus multa præclara & diuina hæcenus fecisset, docuisset, multa miracula edidisset, alii in aliam partem hæc accipiebant. Et alii quidem eo nomine eum filium Dei, filium Dauid appellabant: alij autem vini potorem, publicanorum socium, dæmoniacum esse dicebant :

SERIES
EVANGELII.

dicebant, alij eius causa reliquerunt omnia, & secuti sunt eum, vxores, liberos deseruerunt, alij quærebant vt occiderent illum. Huius igitur diuersitatis causam nunc in hac parabola exponit. Neque se, neque patrem, neque doctrinam aut miracula eius rei causam fuisse, sed potius varios & multiplices animos, & voluntates hominum. In illo die exiens, inquit, Iesus de domo, sedebat secus mare. Et congregatæ sunt ad eum turbæ multæ, ita vt in nauiculam ascendens sederet, & omnis turba stabat in littore. Turbæ in littore stantes, Christi in naui docentis doctrinam non percipiunt, omnes enim qui extra Ecclesiam positi sunt, inquit Hilarius, nullam diuini sermonis possunt capere intelligentiam. Nauis enim terræ typum præfert, intra quam verbum vitæ positum & prædicatum; hi qui extra sunt, & arenæ modo steriles atque inutiles iacent, intelligere non possunt. Et locutus est eis multa in parabolis dicens: Ecce exiit, qui seminat seminare semen. Addit Hieronymus. Intus erat, domi versabatur, loquebatur discipulis sacramenta. Exiit ergo de domo sua qui seminat verbum Dei, vt seminaret in turbis. Significatur autem sator iste qui seminat, filius Dei & patris, in populis seminare sermonem. Et simul obferua hanc esse primam parabolam, quæ cum interpretatione sua posita sit. Exiit non loco omnino, sed per carnis nostræ assumptionem: exiit autem ex sinu parentis: exiit ad nos, qui non poteramus venire ad eum. Seminat autem semen suum, tanquam verus Dominus & hæres, verus Deus. Nam & prophetæ seminauerunt, sed semen alienum, scilicet patrisfamilias Dei. Sed dum seminat, quædam secus viam ceciderunt, & venerunt volucres cæli, & comederunt ea: quædam verò suprà petrosâ, vbi non habebant terram multam, & continuò exorta sunt, sed quia non habebant radicem, aruerunt. Alia autem ceciderunt in spinas: & creuerunt spinæ, & suffocauerunt ea. Alia autem ceciderunt in terram bonam: & dabant fructum, aliud centesimum, aliud sexagesimum, aliud tricesimum. Qui habet aures audiendi audiat. Cùm vidisset suspensas esse turbas, nec planè quid diceret intelligere, attentionem eorum excitat, simul causam, cur per parabolas doctrinam suam explicet docet, eam scilicet, quòd non omnes digni sunt, nec omnes aures habent. Multi enim aures habent ad obaudiendum potius, quàm audiendum. Qui igitur habet aures ad audiendum audiat. Apostoli communes populi curatores accedentes dixerunt: Quare in parabolis loqueris eis? Quærit Hieronymus, quomodo discipuli ad eum accedunt, cùm Iesus in naui sedeat, nisi fortè intelligi datur, quòd dudum nauem cum eo conscenderant, & ibi stantes super interpretatione parabolæ interrogent. Qui respondens ait illis: Quia vobis datum est nosse mysteria regni cælorum, illis autem non est datum. Qui enim habet, dabitur ei, & abundabit: qui autem non habet, & quod habet auferetur ab eo. Sed quid est, quòd habentibus datur, non habentibus autem, id quod habere videntur aufertur? Non inæqualitate iudicii, inquit Hieronymus, habentibus additur; & non habentibus, id quod habere videntur, aufertur: sed quòd Apostolis in Christo habentibus fidem, etiam si quid minus virtutum habeant, conceditur: Iudæis autem qui non crediderunt in filium Dei, etiam si quid per naturæ bonum possident, tollitur. Neque enim possunt aliquid sapienter intelligere, qui caput non habent intelligentiæ. Qui fidem habet, dabitur ei seculorum cognitio: & qui amorem habet verbi Dei, dabitur ei & sensus intelligendi quod amat: qui verò non habet amorem audiendi, simul & id quod naturali

naturali ingenio, vel literarum exercitio habere videtur etiam amittit, ut nulla *chryf. hom.* veræ sapientiæ dulcedine gaudeat. Quem locum Euangelii ita exponit D. *46. in Mat.* Chrysoſtomus. Cum quispiam desiderat, inquit, & magno studio atque cura *col. 348.* virtutem inquit; tunc ei ex Deo cuncta præstabuntur: cum autem nullo studio atque voluntate ad rectè faciendum pronus est; tunc ei diuinum auxilium non conceditur, & quod etiam habet, auferetur ab ipso. Non aufert certè Deus, sed non præbet indignis fauorem & patrocinium suum. Hoc ipsi quoque nos facitamus. Cum enim negligentem quenquam ad audiendum perspeximus, adhortamur & admonemus, ut diligentius attendat: & si crebrò id facientes non persuademus, silentio vtimur, præsertim cum videamus ex maiori cura in maiorem illum deuolui desidiam: attentiores autem discendique cupidos attrahimus libenter, & complura docemus. Rectè autem dixit, quod habere videtur: neque enim habet, quod æstimatur habere. Beda autem sic: Habentibus cupiditatem, & studium earum rerum cognoscendarum datur: qui enim hæc non curant, illis non datur. Habenti enim studium & affectum datur, qui autem non habet, & ea parua scintilla quam habet extinguetur in illo. Ideo in parabolis loquor eis, quia videntes non vident, & audientes non audiunt, neque intelligunt, & adimpletur in eis prophetia Isaïæ dicentis: Auditū audietis & non intelligetis, & videntes videbitis & non videbitis. Incrassatum enim est cor populi huius, & auribus grauitè audierunt, & oculos suos clauferunt, nequando videant oculis, & auribus audiant, & corde intelligant, & conuertantur; & sanem eos. Nunc aperit, inquit Beda, Apostolis, quod ideo in parabolis loquebatur: quia superba intentione, se videntes & audientes existimabant: & ob hoc se cælesti magisterio subdere nolebant; ut simplicibus & humilibus mysteria cælestia cognoscentibus, ipsi remanerent vacui intelligentiæ spiritalis: nec absurdè ad hoc dicimus Iudæos fuisse excœcatos, ne dicta in parabolis à Domino intelligerent, ut fide eius irritata eum crucifigerent, à quo post resurrectionem miraculis, quæ fiebant in nomine eius, territi; tantò amplius de reatu Domini mortis humiliati eum vehementius diligerent, quantò sibi tantum scelus dimissum esse gauderent: quod tanta erat superbia, ut tali esset humiliatione deiicienda. Dicit autem causam in eis esse, qui Spiritui sancto iniuriam faciunt: quia, inquit, videntes videre nolunt, & audientes audire nolunt. Quod definitum esse confirmat testimonio Isaïæ: Incrassatum enim est cor populi huius, & auribus suis grauitè audierunt. Ac ne quis arbitretur crassitudinem cordis, & grauitatem aurium esse naturæ, non voluntatis; subiungit culpam ipse propheta arbitrii, & dicit: Et oculos suos clauferunt, ne aliquando oculis videant, & auribus audiant, & corde intelligant, & conuertantur; & sanem eos. In parabolis ergo audiunt, & in ænigmatè, qui clausis oculis nolunt cernere veritatem. Incrassatum autem cor, inuidia aliisque peccatis excœcatum intelligendum est. Quam Isaïæ prophetiam tribuit Matthæus auditoribus, ut cœcitatæ & duriciæ suæ causam sustineant. Neque enim alterū ab altero disiungi potest. Quia quotquot in sensum reprobū coniecti sunt: spontè & intrinseca malitia se excœcarunt, & obdurarunt. Vestri autem beati sunt oculi, quia vident, & aures vestræ, quia audiunt. Amen quippè dico vobis, quia multi prophetæ & iusti, cupierunt videre quæ videtis, & non viderunt; & audire quæ auditis, & non audierunt. Nisi suprà legissemus auditores ad intelligentiam prouocatos Salvatore dicente: Qui habet aures audi-

res audiendi audiat: putaremus nunc oculos & aures, quæ beatitudinem accipiunt carnis intelligi: sed mihi videntur illi beati oculi, qui possunt Christi agnoscere sacramenta, & quos leuari Iesus in sublime præcepit, ut candentes segetes aspiciant, & illæ aures beatæ, de quibus Isaias loquitur: Dominus aperuit mihi aurem. Quod autem oculos Apostolorum beatiores oculis regum & prophetarum dicit Dominus, id ex duabus causis fit: Primum, quod ij præsentem in carne Christum viderunt; illi autem in spiritu tantum: Deinde, quod sublimiora arcana doctrinæ Christi cognouerunt quam illi: & quod spiritualibus initiati erant rebus, diuinis & cælestibus. In quorum omnium persona Simeon cecinit: Nunc dimittis seruum tuum Domine, secundum verbum tuum in pace: quia viderunt oculi mei salutare tuum.

Notandum autem primum hoc loco est, cur verbum Dei femini comparatur: cuius quidem rei sunt hæ ipsæ causæ. Primum, quod semina cibus animalium sunt, sed & verbum Dei cibus animi est: Non in solo pane viuit homo. ex femine fit panis, qui cor hominis confirmat: ex eodem pane fit corpus Christi, quo animæ nostræ aluntur & reficiuntur. 7

Secundò, quod semina à principio sunt parua, post in arbores excelsas & patentes excrescunt: sic verbum Dei, doctrina sancta, modica est in principio, ac post extendit palmites suos vsq; ad mare, & vsq; ad flumen propagines suas. 8

Tertiò, in femine minimum vitium inficit, & inquinat vniuersum fructum; Ita in verbo Dei & doctrina Christi, minimus error totam corrumpit & destruit massam, totum ædificium infirmum facit. 9

Quartò, in femine id maximè valet, quod cibus est, nucleus ipse, non quod est extra, cortex: sic in verbo Dei spiritus viuificat, litera occidit, & cortices subibus dantur, hoc est hæreticis, nucleus autem cibus hominum est. 10

Quintò, semen multis periculis obnoxium est hiemis, ventorum, niuium, grandinum, æstuum; sed & verbum Dei Christi quæ doctrina. 11

Sextò semen multo labore & sudore agricolæ opus habet, magnæ spei & expectationis diuturno tempore; sed & verbum Dei sudore multo & labore opus habet: Euntes ibant & flebant mittentes semina sua; sed & expectatione multa: Venientes autem venient cum exultatione, portantes manipulos suos. 12

Vltimò, in femine sola humana opera parum aut nihil proficiunt, nisi cælestis imber adsit, & solis calor; sic in verbo, neque qui plantat, neque qui rigat est aliquid, sed qui incrementum dat Deus. 13

Notandum secundò cum Theophylacto, hoc loco explicari grauem questionem eorum, qui dicunt hominem naturaliter, & à Deo effici malum, quod ex hoc loco colligunt: dicit enim Christus: Vobis datum est nosse mysteria regni cæ-

gni cælorum, cæteris, autem non est datum. Nos autem teste Deo contrarium, Deum velle omnes saluos facere, & ad cognitionem veritatis peruenire, & Deum facere hominem, quēque intelligere, quæ ad eius salutem sunt necessaria, ad hocque naturalia instrumenta & media præstare: Ille enim omnem hominem illuminat venientem in hunc mundum: sed electionem prauam nostram obscurare nos: quod ex hoc ipso loco colligitur, vt, inquit, videntes, hoc est, naturaliter Deo dante ad videndum & cognoscendum nati & prodi, sponte à malicia sua obcæcati non videant: & audientes, hoc est, naturaliter ad audiendum & ad intelligendum à Deo creati, non audiant neque intelligant, ob eam quæ illos obcæcat prauitatem. Nonne enim viderunt miracula Christi? viderunt, sed se ipsos cæcos reddiderunt, & calumniati sunt ipsum: quod similiter propheta dicit: non ideò aut eos non intelligere, quod incrassatum creauit Deus cor illorum; sed quod cor illorum incrassatum sit, quod ante lentum & molle fuit creatum, quo incrassato: oculi etiam cæcutire inceperunt: hoc autem fecerant ne conuertantur, & ne Dominus illos sanet, spontanea malicia operam dantes ne curentur, aut ne conuertantur.

15 **Notandum** tertio, Caluinum negare ex hoc loco colligi, poenitentiam esse veniæ causam, quasi Deus conuersos in gratiam recipiat, quia hoc promeriti sunt (nam & ipsa conuersio signum est gratuiti Dei fauoris) sed tantum ordinem & consequentiam notari, quia Deus peccata non remittit, nisi in quibus homines sibi displicent; quod aperte pugnat cum illis scripturæ locis: Nisi poenitentiam egeritis: Et, Poenitentiam agite, poenitentiam in remissionem peccatorum.

16 **Notandum** quarto, non debere turbari ministros verbi, si non semper in prædicatione Euangelii proficiant, cum id non tam vicio prædicatorum plerunque quàm auditorum, aut negligentia, aut malicia euenire soleat, modò ipsi officio suo non desint, largèque & fusè semen diuinum difficiant, nec vllum relinquant locum.

17 **Notandum** quinto, non benè agi cum illis verbi Dei auditoribus, qui cum quotidie verbum Dei audiunt, nec illis vna plerunque concio sufficit, tamen non corriguntur, iidemque permanent: Apparet enim in illis aliquid intus esse quod prohibet extraneum, apparet & obstructionibus illos laborare, quæ impediunt meatus cordis & aurium: Expurgari ergo debent: nec accipere verbum Dei in iudicium contra se.

18 **Notandum** & illud sexto, quàm larga sint Dei dona, quàmque pauci sint qui benè vtantur illis, & saluentur. Ecce enim sola quarta seminis pars fructificat, tres autem pereunt. Et quidem is, qui seminabat, super omnes seminabat, hunc ab illo non discernens; attamen semen in quibusdam periit, apud alios verò plurimum multiplicatum est: & hoc factum est non vicio patristamiliarum, neque seminis; nam ipsum æqualiter, ac super omnes iactatum est: sed ob dissimiles hominum mentes, super quos semen verbi proiectum est; & quia indifferenter seminabat super viam, super petrosa, & super spinas.

19 **Notandum** & illud septimò, cur tam largè seminat, cum fructum non sit
V allaturum

allaturum, reddere causas Eutymium. Omnino propter bonitatis ac iustitiae suae magnitudinem, ne dicere possent in die iudicii, quod si etiam super eos seminasset, fructum utique attulissent: sciebat nempe illos infrugiferos fore. Attamen quod suum erat effecit, tanquam hominum amator, ut dicere posset: Quid me facere oportuit & non feci? Hanc autem parabolam locutus est discipulos exhortans; ut etsi plures eorum, qui praedicationem Apostolorum susceperant, perderentur, non caderent animis; cum id etiam in Domino atque magistro pariter factum recordarentur: neque tamen ipse, quamvis ita id futurum non ignoraret, semina proicere neglexit.

Notandum & illud ultimum: haec quatuor seminum genera hoc modo 20 Epiphanium interpretari. Secus viam, inquit, errantes, & in errorem inducentes, paganorum animi sunt. Petra autem dura, dureque obstinata, Iudaorum secta. Spinae blasphemae haereticorum mentes. Terra autem bona, foecunda Christi Ecclesia.

SERIES
EVANGELII

Accedamus & nos cum discipulis ad Iesum, & rogemus eum explicatio- 21 nem parabolae, ne cum turbis frustra aures & oculos habere videamur. Pone ergo terram malam, deinde bonam: malam in tres partes & diuersitates diuidit, secus viam, spinosam, & petrosam. Terrae item bonae tres diuersitates, centesimi, sexagesimi, & trigesimi fructus: & in illa autem, & in ista non mutatur substantia sed voluntas: & tam incredulorum, quam credentium corda sunt, quae semen recipiunt. Malus, bonum semen rapit: & simul intellige, quod in corde fuerit seminatum: ut diuersitas terrae, animae sint credentium. Tres igitur eorum, qui pereunt, enumerat ordines. Segnes inprimis: Omnis qui audit verbum Dei, & propter negligentiam vagasque cogitationes non intelligit, venit inimicus homo non natura, sed defectione, & rapit quod seminatum est in corde eius. Secundò pusillamines: Qui enim super petrosa seminatus est, hic est qui Dei verbum audit, & continuo cum gaudio accipit illud, non habet autem in se radicem, sed est temporalis: facta autem afflictione & persecutione propter verbum, continuo scandalizatur. Tertium genus hominum seculi curis occupatorum, simul & fallaciae diuitiarum serulentium: Qui enim seminatus est in spinis, hic est qui verbum audit, sed sollicitudo seculi istius, & fallacia diuitiarum suffocat verbum, & sine fructu efficitur. Non dicit seculum obruerè; sed sollicitudinem seculi, quod iam antè docuimus: neque diuitias, sed fallaciam diuitiarum. Et rursus constituit tres ordines eorum qui saluantur, tres bonae terrae differentias; centesimi, sexagesimi, & tricesimi fructus: quas differentias D. Hieronymus explicat; centesimum fructum virginibus, sexagesimum viduis & continentibus, tricesimum casto matrimonio deputando: Honorabiles enim nuptiae, & cubile immaculatum. Quidam nostrorum centesimum fructum ad martyres referunt. Quod si ita est, sancta consortia nuptiarum excluduntur à fructu bono: Quapropter vigilandum nobis est, ne vel ob segniciem semen perdamus, aut ob pusillanimitatem ipsum prodamus, vel propter seculi curas, seu diuitiarum fallacias illud suffocemus. Oportet enim primum vigilem esse ad eius susceptionem, deinde tentationes longanimitè ferre, atque deinceps ab omni sollicitudine seculari ac diuitiarum vanitate separari, & terram bonam fieri, fructumque iuxta virtutem ferre, siue perfectum, siue medi-
um,

um, siue minorem, & nequaquam perire. Nam si hæc quidem negligimus, illorum autem curam habemus, omnino perimus; unde enim oriretur dissimilitudo, certe si non per segnicie, attamen per pusillanimitatem, tamen per anxiam curam & vanitatem perire poterimus. Via est Christus: ille igitur est secus viam, qui non est in Christo, nec cogitat Christum: hunc superficie tantum fermen Dei attingit, intus non ingreditur; & ideo ab auibus statim deuoratur. Iam sæpè docuimus, per aues dæmonia designari: alii admittunt quidem intus, sed tantum ad facultatem sensitiuam, ingemiscunt, ad penetralia cordis non transmittunt: ideo tribulationes domesticæ, aut persecutiones tyrannicæ totum arefaciunt, quod in petris euenire solet: alii in penetralia usque cordis admittunt; sed cum ibi sint spinæ, ab his statim verbum suffocatur.

22 **N**Otat igitur in primis D. Hieronymus, quid nos oporteat obseruare in auditione verbi Dei. Primum debemus audire, deinde intelligere, & post intelligentiam fructus reddere doctrinarum, & facere vel centesimum fructum, vel sexagesimum, vel trigesimum.

23 **S**ecundò notat idem D. Hieronymus, esse distinctionem inter illum, qui per multas tribulationes pœnasque compellitur Christum negare, & eum, qui ad primam persecutionem statim scandalizatur & corrui.

24 **N**Otat tertio D. Hieronymus: Mihi, inquit, videtur & illud, quod iuxta litteram ad Adam dicitur, inter spinas & tribulos panem tuum manducabis, hoc significare mysticè; quod quicumque se seculi voluptatibus dedit, curisq. istius mundi, panem cælestem & cibum verum inter spinas comedat. Et eleganter adduxit, fallacia diuitiarum suffocat verbum: blandæ enim sunt diuitiæ; & aliud agentes, aliud pollicentes: lubrica est earum possessio, dum huc illucque circumferuntur, & instabili gradu vel habentes deserunt; vel non habentes refertiunt. Vnde & Dominus diuites asserit difficulter intrare in regnum cælorum, suffocantibus diuitiis regnum Dei, & rigorem virtutum emollientibus.

25 **N**Otandum est quartò, mundo paradoxum magnum videri diuitias esse spinas, cum illæ pungant, hæc delectent. Quid enim diuitiis, vel ad iucunditatē, vel ad commoditatem, vel ad vtilitatem, vel ad maiestatem, robur, omnemque dignitatem accomodatius magisque opportunum esse potest? Diuitiæ trahunt post se militem, aulicum, mercatorem, agricolam; parum dico, poetam, oratorem, iurisconsultum, medicum, rhetorem, philosophum etiam; pauca dico; sacerdotem, theologum nonnunquam: stat tamen decretum Christi, diuitias esse spinas, non alia ex causa, quam quia pungunt nos, pungunt & eos, cum quibus & priuatim & publicè contrahimus. Nos quidem pungunt, dum quærentur: Sunt enim bonum in acquirendo, dicebat Clemens Alexandrinus, laboriosum; ut potè quod ab omnibus quærat multo labore, discursationibus, fame, siti, vigilia, simulatione, dissimulatione, assentatione: spinæ sunt in retinendo, hærent manibus, vestimentis & omnibus partibus; pungunt vel maximè in dimittendo. O mors quam amara memoria tua homini multa possidenti in pace. Et illa vox: Hæc quæ congregasti cuius erunt? Pungunt in lecto, in templo, in foro, in balneo, vigilantem & dormientem: ad mensam,

Diuitiæ spi-
nae.

pungunt mane earum rationem subducendo, pungunt in meridie, illis utendo, poculaq; & fercula numerando; hæc superflue, hæc inutiliter apposita esse; tantum vini exsiccari, pocula maiora quam esset par: pungunt veritatem, unde congregationem diuitiarum sequitur mendacium, & manus assueta thesauros condere, fraudulentam linguam possidet, veritas paupertatem, mendacium diuitias parit; animum, conscientiam, bonam famam, honestatem, amicitiam, corpora pungunt. Interimunt charitatem diuitiarum: Nihil, inquit S. Leo, tam inimicum charitati & misericordiae quam avaritia, de cuius radice omne malorum germen emergit: quæ nisi in suis fomitibus enecetur, necesse est, ut in agro cordis illius, in quo huiusmodi planta continetur, spinæ potius tribulique vitiorum, quam vllum virtutis semen verum oriatur. Interimunt virtutem, unde dicuntur ἀκροπολις κακίας arx maliciæ. Quis vnquam sollicitus de hoc mundo, potuit bene sollicitus esse de Ecclesia? quis cupidus & auidus opum, utilitibus eius potuit rectè prouidere? Hæc vna, perpetua, & inexplebilis diuitiarum cupiditas causa est, ne ciues quodquam honestum bonumque officium curent, honesta pariter & inhonesta artificia complectantur, & quiduis agant per fas & nefas. Mitto milites & militiam: videmus, & experimur quid agant, quid tentent, quam sanctam & animosam militiam gerant, opes & fortunas alienas ad iniquos dominos transferre, egregiam putant victoriam: Ac, quemadmodum inquit Chrysostomus, in eremo educati monachi, nec quid sit avaritia sciunt; ita & isti avaritiam ignorant, quamuis alio quodam, quam illi, modo: nam illi, quia longè à morbo absunt, hunc affectum ignorant; isti quia valde huius passionis ebrietate occupantur, nec sentire quidem morbum hunc possunt. Sic enim hoc vitium expulsa virtute animum ipsorum detinet, ut nec crimen apud insanientes illos esse videatur. Sed pungunt & alios. Pungunt minores, colonos & subditos, qui vix ossibus hærent, his ipsis spinis lacerati: pungunt pares & æquales, non vicinus à vicino, non hospes ab hospite tutus; meliusque est communes limites habere cum aqua & igne, quam cum anaro homine: pungunt maiores & magistratus propter sumptus immensos, & potentum insolentiam & importunitatem, in eosque homines animaduertendi difficultatem: pungunt publicè rempub. eiusque bona, dum eam exactio- nibus, peculatibus, nundinationibus homines auari expilant, & exhauriunt, spinarum earum causa: pungunt Ecclesiam; dum eius bonis abutuntur: pungunt ipsum Christum Dominum, ut non sufficiat semel corona spinea coronatum esse, nisi nunc iisdem spinis pungatur; dum eius leges pretio produntur, dum hæreditas eius per avaritiam rapitur, dum sacerdotia per Simoniam conferuntur; dum cultus eius, rei augendæ causa prostituitur; dum dotis magnæ causa cum infidelibus iugum ducitur, liberi que avarorum diabolo consecrantur; dum blasphemiae, sacrorum violationes, lucri causa, non puniuntur; cum Iudæis, hæreticis, modò pecunia emungantur, domus, mensæ, ac vix non lecti communes habentur. Hisque spinis compunctum se alicubi queritur Dominus: Configitis me, inquit, & dixistis: In quo configimus te? In decimis & primitiis. Pungunt hæ spinæ Dominum, pungunt amicos, pungunt familiares, uxorem, liberos. Avarus enim non dat, nisi periculo & tempestate ingruente. Spinis satiatur nemo, neque diuitiis. Diuites, inquit, eguerunt & esurierunt: inquirentes autem Dominum, non minuentur omni bono. Dormierunt somnum suum, & nihil inuenerunt omnes viri diuitiarum in manibus suis. Iustus comedet;

comedet, & implet animam suam, argentum iniustorum foris proicietur, & aurum eorum in sterquilinum erit: animam suam non saturabunt, & ventres illorum non implebuntur. Spinæ non ornant, neque vestiunt, nudant potius & lacerant, & eò magis quò densiores sunt: sed neque diuitiæ. Ex spinis nihil ad diuturnitatem ædificari potest, neq; ex diuitiis. Sepulchra eorum, domus illorum in æternum: quod vestigium nunc Midæ, Luculli, Crafsi extat? Fallaces meritò spinæ, ad præsidium nullam vim habent. Quem enim vnquam ex tyrannis atque potentibus vsque ad finem defenderunt? Clari sunt illi exitus, plusquam tragici, Crafsi, Cræsi, Midæ, Neronis, & aliorum hominum ditissimorum: aut quis ex illis extremo tempore non amicos potius quàm maximas opes compellauerit? Quin etiam multos ad exitium deduxerunt; vt illud verè dici possit: Cur spolieris erit, non cur metuaris ab hoste: Et, Non proderunt diuitiæ tempore vltionis: Et illud propheta: Væ ei qui multiplicat non sua. *Abac: 2.* vsquequò aggrauat contra se densum lutum, vt sit in excelsò nidus eius, & liberari se putat de manu mali? Spinæ facillè arescunt, si præsertim veteres sunt. Sed & opes multis seculis à sene auaro collectæ facillè pereunt, iuuenilis cupiditatis igne consumuntur. Quantarum opum ne vestigia quidem apparent. Sic subito ab auido hærede depastæ, veluti ex carcere dimissæ feruntur auari Pigmalionis opes. Vnde illud D. Chrysostomi: Pecuniis abundans plerisque timendus, imò verò cunctis diuitibus, pauperibus, furibus, calumniatoribus, cæterisque huiusmodi hominibus facillè expugnandus. Vis metui esse atque terrori? ansas præcide, quibus te illi capere possunt, & molestia afficere, qui huic rei multam dant operam. Non audis quid trito prouerbio dicitur: Centum simul viros, vnum pauperem atque nudum spoliare non posse. Maxima enim paupertatis propugnatione defenditur, quam nullus rex, nullus imperator vincere possit: auaro autem vniuersi facillè possunt obesse; neque homines solum, verumetiam tineæ atq; vermes eum aggrediuntur. Quod auaritia congregat, luxuria consumit. Adhuc ignis in domo impii, thesauri impietatis, & mensura minor. Spinæ accendunt, sed & diuitiæ, quia ignem cupiditatis & luxuriæ accendunt. Aurum est animi insidiator, peccati pater, minister diaboli. Serpens inter spinas facillè mordet: diabolus in diuitiis. Spinæ ingrediuntur corpus, nec facile & sine dolore extrahuntur; sed & opes iucundè quidem ingrediuntur, studium tamen & appetitus illarum sola morte extinguitur. Spinis florentibus omnia frigent, aliiq; flores decidunt: sic dum superbit impius, incenditur pauper. Verè igitur spinæ: pungunt hîc, sed magis in futuro seculo: Ite maledicti in ignem æternum: Esuriui enim, & non dedistis mihi manducare. Quem amarum sensum describit Iob: Panis eius in vtero eius vertetur in fel aspidum, *Iob 20.* intrinsecus diuitias quas deuorauit, euomet, & de ventre illius extrahet illas Deus: In his spinis dum hæret Dauid precatur: Inclina cor meum Deus in testimonia tua, & non in auaritiā. Similiter Salomon eius filius: Diuitias & paupertatem ne dederis mihi. Apostoli. Ecce nos relinquimus omnia, & secuti sumus te. In quibus ne nos hæreamus, similiter monet Paulus, non sperare nos in incerto diuitiarum. monet D. Iacobus: Agite nunc diuites, plorate vlulantes in miseriis vestris, quæ aduenient vobis. Diuitiæ vestræ putrefactæ sunt, & vestimenta vestra à tineis comesta sunt. Aurum & argentum vestrum æruginauit: & ærugo eorum in testimonium vobis erit, & manducabit carnes vestras, sicut ignis. Thesaurizastis vobis iram in nouissimis diebus. Quam ne &

nos diuitiis coaceruandis thesaurizemus, auertat Dominus omnipotens; sed ponamus potius thesauros in præceptis altissimi, & magis nobis præderunt quàm aurum. Nemo igitur liberorum gratia pecuniis cumulandis incumbat, vt ditissimos illos relinquat, neque enim ipsis, aut ciuitati id conducit. Libe-
5. de Legib. ris non auri, sed pudoris multum opus esse relinquere, docebat Plato.

Notandum quintò, docere Origenem disertissimè, nihil ingentes the-
 fauros regibus & diuitibus huius seculi profuisse. Quid adiuuerunt, inquit, Pharaonem illi plures thesauri Ægyptij? Nónne repentè in maris profundo absorptus est? Quid adiuuerunt Nabuchodonosor regem totius pariter orbis diuitiæ congregatæ, & in Babyloniam translata? Nónne elusus est de throno gloriæ suæ, & de medio hominum subitò separatus est, atq; cum feris agrestibus deputatus, & septem annis habitare præceptus est? Etenim tunc ille consilium audiens beatissimi Danielis, peccata sua eleemosynis ex parte redemit. Quid adiuuit Baltazar filium eius, quòd ipse post patrem suum innumera-
 biles terrenas congregauit diuitias? Nónne percussus statim in eadem nocte periit? Quid dicemus de alijs multis qui illi simulantur, de quo in euangelio scriptum est: quod horrea sua destruens maiora ædificare quærebat sibi met ipsi dicens: Habes multa bona multis thesaurizata annis: Propterea ista, quæ remanserunt, ad alios sine dubio transierunt.

Notandum sextò, D. Chrysostomum appositè hanc habendi cupiditatem
 nimiam tyrannidi comparare. Non in terra tantummodò, inquit, tyrannis ista dominatur; sed in pelago quoq; multa cum insolentia temulentiaq; bacchata est. Nam hic quidem congregandi auri cupidus nauigat, alter verò propter ipsum necatur aurum; & vna atque eadem tyrannis alium mercatorem, alium facit homicidam. Quid igitur potest æumnosius amore pecuniæ, vel etiam perniciosius inueniri, quando propter eam plurimi & peregrinantur, & periclitantur, & sæpè etiam trucidantur?

SERIES
EVANGELII **S**equitur parabola de tritico & zizanijs, quam Euangelista similem primæ
 esse dicit: nam vtraq; ex agricultura honestissimo vitæ genere sumitur, vtraque ex semine, vtriusque ferè iidem termini, velut ex eadem similitudine ducta sit: quare vtraque eundem etiam scopum habet. Vt enim in præcedenti parabola origo boni & veri explicata est; ita in ista origo explicatur mali atque erroris, atque eius ipsius rei, vnde hoc proueniat; vt alij recipiant semen bonum, alij non recipiant. In superiori parabola dixit quartam tantum partem seminis in bonam cecidisse terram: in præsentem autem demonstrat, quòd neque illud ipsum, quod super bonam cecidit terram, incorruptum permittit esse inimicus. Quod quidem duplici fraude & dolo eum tentare sole-
 re denunciat. Quum primùm terram bonam viderit fructum producere, aut centesimum, aut sexagesimum aut tricesimum, nec posse illum aut semen rapere, aut quod germinatum est vrere vel suffocare; tum secundas aggredi solitum esse insidias, docet hac parabola: & tanquam eius qui seminavit inimicum niti, illius laborem perdere, dormientibusq; hominibus, siue curam circa agri custodiam remittentibus (indicat autem præceptores & magistros, qui orthodoxorum sunt custodes) interseminare zizania, hoc est hæreticos inter ortho-
 doxos,

doxos. Nam hos triticum nominauit, tanquam ei qui seminauit vtilis: Zizania dicuntur omnia, quæ adnascuntur fructui nociua; iuxta illud: Infelix lolium & steriles dominantur auenæ: quæ hoc loco designant hæreses, ac prauas cogitationes, quas diabolus superfeminare solet. Quæ quidem sententia cautos nos esse admonet, ne dum torpemus inertia, diabolus foeditatem vitiorum super semen bonæ voluntatis spargat. Sed & quisquis Ecclesiæ præpositus est, non dormiat; ne per illius negligentiam inimicus homo superfeminet zizania, hoc est hæreticorum dogmata.

29 **I**nteriectis deinde duabus parabolis, dimittit turbas, ac domi simul cum discipulis se concludit: qui cum duas parabolas superiores de grano sinapis & fermento per se intellexissent; tertiæ, quæ de zizaniis erat, interpretationem à Domino exquirunt; ut quibus iam dictum esset: Vobis datum est nosse mysteria regni Dei. Ediffere nobis, inquit, parabolam zizaniorum agri. Affert autem cælesti interprete dignam interpretationem Dominus. Qui seminat, inquit, bonum semen, est filius hominis. Ager autem est mundus. Bonum verò semen, hi sunt filii regni. Zizania autem filii sunt nequam. Dicuntur autem filii regni, qui rectam seruant fidem, ut potè à Christo seminati ad colendam virtutem, & possidendum eius regnum cæleste. Filii autem mali, sunt hæretici, tanquam à diabolo ad colendam prauitatem in agro Ecclesiæ confeminati; ut similiter cum eo recedant in ignem æterni supplicii perpetuo arsurus. Inimicus autem qui seminauit ea, est diabolus. Quem quidem inimicum hominē, quia semper omnibus obesse conetur, authore D. Chrysostomo, meritò appellauit Dominus. Conatus enim ipsius omnis aduersus nos est, causa verò atque origo ut nos impugnet, ab odio quo in maiestatem diuinam fertur, profecta est. Daud, ne vnquam hic tantus hostis sibi præualeret, illis verbis deprecatur: Exurge, inquit, Domine, non confortetur homo: Et: Non dicat inimicus meus, præualui aduersus eum. Messis verò consumatio seculi est. Messores autem angeli sunt. Sicut ergo colliguntur zizania, & igni comburuntur; sic erit in consumatione seculi: mittet filius hominis angelos suos, & colligent de regno eius omnia scandala, & eos qui faciunt iniquitatem, & mittent eos in caminum ignis. Ibi erit fletus & stridor dentium. In qua sua plenissima interpretatione cælestis hic doctor & magister non est interpretatus, qui nam sint dormientes homines, & qui serui patrisfamilias: sed illos prætermisit, aut tanquam manifestos: aut ut doceret, quod non oporteat parabolas ad verbum interpretari, ut ait Chrysostomus; sed tantum in locis maximè necessariis, propter quæ etiam assumuntur. Sed neq; nos hæc tam curiosè scrutari, vacat periculo.

SERIES
EVANGELII.

30 **I**llud scire oportet, iustos quidem cum iniustis simul resurrecturos; verumtamen antequam illi colligantur, rapiuntur hi in nubibus in occursum Domino in aërea, sicut dixit Paulus: illi verò deorsum relictis, quasi indigni colliguntur, postquam ipse descenderit. Et primū quidem iusti comprobabuntur, deinde mali condemnabuntur: post has verò datas sententias, primò sanè peccatores reiicientur in supplicium æternum; deinde iusti in vitam æternam, sicut dicet inferius. Per se autem seminat, ut ostendat, quod sibi proprium est beneficia præstare: per alios autem supplicium infert; demonstrans, quod nolit mortem peccatorum, sed magis ut conuertantur & viuam.

Matth. 25.

Sed iuuat paucis quæstionem, quam Iustinus Martyr instituit, hoc loco apponere. Si cum frumento crescere zizania Dominus Christus pronunciauit, qui fit ut zizania exuberauerint, frumentum verò penè defecerit? & quo pacto demonstrari potest frumentum esse quod defecit, aut non falsum esse quod prædictum est, ambo auctum iri. Et mox talem subiicit responsionem. Frumentum esse quod defecit demonstratur ipsius prædictione, dum dicit: Quia abundabit iniquitas, refrigescet charitas multorum. Et rursum: Postremis temporibus deficient quidam à fide, & attendent spiritibus deceptoribus, & doctrinis hominum. Et rursum: A veritate auertentur, & ad fabulas conuertentur. Item. Intrabunt in vos lupi graues, qui non parcent gregi, quo abstrahant à se discipulos. Quod autem usque ad consumationem seculi non desinet frumentum, declarat Dominus dicens: Sed propter electos quos elegit pater, decurtabuntur dies illæ. At enim, si quid accidit frumento, quod de eo dictum non sit crescente & deficiente; non dubium est quin falsum sit, quod de eo dictum est: sin ab initio prædicationis, usque ad seculi consumationem omnia ei euentura prædictionibus tradita sunt; perspicuum est non esse falsum quod de eo dictum est. Enimuerò si sunt zizania, necesse est etiam esse frumentum. Nam ex vtriusque collatione, & frumentum quid sit cognoscitur, & alterum si absit, ne alterum quid sit cognoscitur. Hæc Iust. quæstione 22. ad orthodoxos.

Notandum autem primum hoc loco, quæ sint causæ bonorum, & quæ malorum. Bonorum causæ sunt. Homo qui seminauit semen suum, hoc est Deus pater, eiusque æternus hæres cum Spiritu sancto. Simile est regnum cælorum homini, qui seminauit bonum semen in agro suo. Angeli boni, spiritusque administratorii. Dicam, inquit, messoribus in tempore messis, quod paulò post interpretabitur: Exhibunt angeli, & separabunt malos de medio iustorum. Ad salutem nostram vigilantes, & solliciti pastores, qui zelo œconomie Dei mouentur, statimque scandala sublata esse velint: Accedentes, inquit, serui patrisfamilias. Semen ipsum bonum, hoc est filii regni, regno cælesti destinati & præparati. Bonum verò semen, inquit, ij sunt filii regni. Ut autem istæ causæ bonorum sunt, ita illæ malorum, diabolus in primis, qui omnes occasiones nocendi ac inficiendi agrum Domini quærit, vigilat semper, dormit nunquam. Venit inimicus homo, & superfeminauit zizania in medio tritici, & abiit. Secunda causa malorum, zizania, hoc est hæretici, atque alii administri scelerum ac vitiorum, quod est semen diaboli: Superfeminauit zizania. Tertia causa est, negligentes & socordes in cura & conscientia pastores, quibus Dominus sæpius comminatur, & ex quorum manibus se animas suorum exquisitum testatur: Cum dormirent, inquit, homines.

Secundò notandum est, Diabolum esse inimicum Dei, non natura, sed voluntate, hominemque triplici ex causa odisse. Primum, quòd imaginem Dei quam odit, in eo agnoscit. Deinde quòd ad laudem Dei, cuius ille inimicissimus est, & quam ad se transferre velit: Si, inquit, procidens adoraueris me: homo creatus est. Demum, quòd in locum suum suffectus, illique antelatus sit. Indeque colligendum est, quanto odio digni sunt, & quæ illos poenæ maneant, quo scelere se obligent, qui diabolo adhærent, cum illoque consensum habent: inimico, inquam, Dei, creatoris & reparatoris sui, sed & eorum ipsorum: aut quomodo

quomodo aliquid boni à diabolo expectare possint : quod de his dictum esse volumus, qui magicis artibus, diabolicis responsis, diuinationibus variis, quæ ex tacito cum diabolo consensu nascuntur, sese inquinant.

33 **NOT**andum tertio, quæ causæ sint, cur hæreses zizaniis comparatæ. Quâvis id perneget Calvinus, vt quod eius oculos confodiat, nulla tamen ratione vitur. Quia, quemadmodum zizania tritico similia sunt in culmo, dissimilia verò in fructu, eiq; nociua sunt; ita & hæretici orthodoxis sunt similes habitu, sed virtute dissimiles, quæ est fructus; virtutis autem primus omnium fructus est dogmatum Veritas. Et quemadmodum zizania vsque ad fructificationem occultata crescunt, tunc autem vbi fructus se profert dignoscuntur; ita sanè & hæretici, in principijs & initijs suis, in inchoatione verbi ac prædicationis, omnia similia tritico habent: vbi verò creuerint, viresq; acquisiuerint; tum demum se produnt, tunc venenum effundunt, ac ita facile dignoscuntur. Ideo quoq; in præcedentibus dixit: A fructibus eorum, inquit, cognoscetis eos.

34 **NOT**andum quarto, nos non statim, vt aliquid scandali videmus, aliquem condemnare debere. Ad cuius difficultatis explicationem illa dicenda sunt, quæcunq; circa zizania fiunt, hæc omnia propter triticum fieri. Nam quod permittitur feri & crescere, id propter triticum est; vt probetur, & illustretur: & quod euelli prohibetur, id eiusdem causa fieri; ne simul euellatur: quod post euellitur, & in ignem mittitur; id tritici causa fit; vt expurgetur.

Quintò notandum, patremfamilias nō hoc iubere, vt zizania non eradicentur; nam post euelletur & in ignem mittetur: sed ne eo loco & tempore euellatur, neue eo modo & ratione; vt simul triticum bonum euelli debeat. Quis enim scit an non conuertetur? an non hæc eadem ipse postea, quæ nunc facit, impugnabit ac euellet? quomodo Paulus, Augustinus, ac reliqui. Hic igitur nobis etiam in priuatis iniurijs ac incommodis patientiæ exemplum præbetur; vt sicut paterfamilias in dolo inimici patiens fuit; sic nos in leui aliqua iniuria non statim ad vindictam, sed magis ad tolerantiam recurramus: hocque loco discretionis, & tolerantiae malorum habeamus exemplum.

35 **NOT**andum & illud: Eum qui credit, & fructum dici & semen, alio & alio respectu. Fructum quidem primi seminis verbi, scilicet fidei; semen autem respectu futuri fructus; vt potè alterum ad fidem fructificans & excitans.

36 **S**extò notanda est hoc loco grauis difficultas, & pro his temporibus pernecessaria. Est lex Moyſis moralis, & cuius hætenus causa & finis manet. Si *Deut. 17* surrexerit in medio tui propheta, aut qui somnium se vidisse dicat, & prædixerit signum atque portentum, & euenerit quod locutus est, & dixerit tibi; eamus & sequamur deos alienos quos ignoras, & seruiamus eis, non audies verba prophetae illius, aut somniatoris: quia tentat vos Dominus Deus vester; vt palam fiat, vtrum diligatis eum an non, in toto corde, & in tota anima vestra. Dominum Deum vestrum sequimini, & ipsum timete, & mandata illius custodite, & audite vocem eius. Ipsi seruietis & ipsi adhærebitis. Propheta autem ille, aut fictor somniorum interficietur: quia locutus est, vt vos auerteret à Domino

Galat. 6.

mino Deo vestro, qui eduxit vos de terra Ægypti, & redemit vos de domo seruitutis; ut errare te faceret de via, quam tibi præcepit Dominus Deus tuus, & auferes malum de medio tui. Hoc idem alicubi precatur Paulus: Utinam & abscindantur qui vos conturbant. Contrarium hoc loco videtur docere Paterfamilias, à quo cum ministri quæfissent: Vis ut colligamus zizania? ait: Non, ne fortè colligentes zizania, eradicetis simul cum eis & triticum. Sinite utraque crescere usque ad messem: & in tempore messis dicam messoribus: Colligite primum zizania, & alligate ea in fasciculos ad comburendum; triticum autem congregate in horreum meum. Quam totam difficultatem his paucis verbis explicat Saluator. Ne fortè colligentes zizania, eradicetis simul & triticum. Si igitur sine damno tritici, statim ubi oriuntur, eradicari possent: tum nihil prius faciendum esset, quam quod & Moses præcepit, & Paulus optat: verum quoniam id non ita facile aliquando euenire potest, ideo Christus Dominus messem expectare iussit. Quare non de omni zizaniorum genere hoc loco dicere Christum Dominum certum est; sed de eo solo, quod non ita facile in principio à tritico dignoscitur, & quod sine periculo tritici euelli non potest, vel propter similitudinem, vel propter vicinitatem, colligationemque radicum, quod in his fit, quæ mature non purgantur & euelluntur: id autem tale est, quod non nisi ex spica & fructu discernitur: iuxta illud: A fructibus eorum cognoscetis eos: & ideo non prius euelli possunt, quam aut culmus, aut fructus apparuerit. Nam cætera zizania commodius plerunque à principio aut medio extirpantur, & euelluntur, quam in fine, aut in messe. Nam & in re rustica, unde hæc sumitur similitudo, hoc idem fit: quando enim inutiles herbe non distinguuntur, tum post messem demum separantur, runcantur: quædam autem statim primo vere aut æstate purgantur, quæ se citò produnt & aperiunt. Quomodo & ipse Dominus statim à principio, non expectans messem, cœpit hanc purgationem, cum accepit ventilabrum in manum suam, atque etiam nunc persequitur usque ad consumationem mundi, ubi omnibus numeris perfecta erit. Concludendum igitur est, non hoc Saluatorem docere, ut falsi prophetae hæretici non puniantur, non euellantur, non occidantur; sed illud, ut certa ratione, & opportunè id fiat, ne triticum damnum aliquod sentiat. Non rectè igitur hoc loco hæretici suos errores tuentur, dum eos neque puniendos esse neque extirpandos ex his Christi verbis demonstrare volunt, sed ad messem usque extremi iudicii expectandos. Cum non hoc Christus Dominus doceat, ut non puniantur, aut extirpentur; sed illud potius, ut in hanc curam omni studio & diligentia pastores & præpositi incumbant, quomodo hanc malam herbam cautè, prudenter, & tempore suo extirpent sine omni tritici incommodo: in omnemque occasionem eius rei faciendæ incumbant, siue in fine, siue in principio: hoc enim & lex ipsa de falso propheta iubet, ut vidimus. Atque utinam hoc in huius sæculi zizaniis fecissent pastores & præpositi nostri, ut ea à principio euulsissent, minus profectò nunc laboraremus, pulchriorque & feracior seges Christi apparuisset. Cohortationis itaque potius locus est, quam dehortationis, imò præceptum hoc loco ipsis pastoribus, ut eam opportunitatem videant, ac statim agrum Dei, frumentumque eius expurgent ab his quisquiliis. Quæ ne fingere videamur, quid de hac re grauissimus scriptor sentiat Hieronymus, videamus. Quod autem dicitur, Ne fortè colligentes zizania, eradicetis simul & frumentum; datur locus poenitentiae, & monemur ne citò amputemus fratrem: quia fieri

fieri potest, ut ille qui hodie noxio deprauatus est dogmate, cras resipiscat, & defendere incipiat veritatem. Illud quoque quod sequitur: Sinite utraq; crescere usque ad messem, videtur illi præcepto esse contrarium: Auferte malum de medio vestrum: & nequaquam societatem habendam cum his qui fratres nominantur, & sunt adulteri & fornicatores. Si enim prohibetur eradicatio, & usque ad messem tenenda est patientia; quomodo eiiciendi sunt quidam de medio vestrum? Inter triticum & zizania, quod nos appellamus lolium; quam diu herba est, in discernendo aut nulla, aut perdifficilis est distantia. Præmonet ergo Dñus, ne ubi quid est ambiguum, citò sententiam proferamus; sed Deo iudici terminum reseruemus; ut cum dies iudicii venerit, ille non suspensionem criminis, sed manifestum reatum de sanctorum cœtu eiiciat. Quod autem dixit, zizaniorum fasciculos ignibus tradi, & triticum congregari in horrea; manifestum est hæreticos quosque & hypocritas fidei, gehennæ ignibus concremandos; sanctos verò, qui appellantur triticum horreis, id est mansionibus cælestibus suscipi. Et fuit quidem aliquando in ea sententia, in qua & isti, Diuus Chrysostomus cum D. Augustino, ut messem expectandam esse putarent, quam tamen postea facillè mutauerunt, & retractârunt. Quanquam magis de moribus & vitiis occultis, quam de hæresibus hic locus intelligi possit. Plura hac de re habentur & scribuntur in epistolis D. Augustini. Sed & nos aliàs copiosius oratione pro cognosceñ: falsis prophetis de hoc argumento scripsimus.

38 **N**Otat hoc loco D. Chrysostomus. Vbi Dominus prohibet, ne fortè simul cum zizanijs herba tritici euellatur, dixisse eo consilio, ut bella & effusionem sanguinis prohiberet. Nam si trucidarentur hæretici, atròx & irreconciliabile bellum orbi inferretur. Duabus igitur rationibus prohibuit: altera, quia frumentis parùm nocerent: altera, quia nisi sanarentur, extrema supplicia non euaderent. Notat deinde Euthymius, multos quidem ex hæreticis ante messem conuertendos esse; tamen ob hoc illis non commisceri oportere. Spaciosus enim est hic mundus, & illos per se viuere oportet, non ablatos quidem, sed separatos; ne docendo corrumpant, quod seminatum est, triticum.

39 **N**Otandum octauò, quòd etsi hæretici ignem temporalem propter confederationes suas effugere possunt; æternum effugere poterūt nunquam: mittetur enim falx mortis, & colligentur zizania, & in ignem mittentur ad comburendum.

40 **N**Otandum item duplicem in scriptura messem esse; aliam post sationem prophetarum, iuxta illud: Messis multa, operarij pauci: aliam post Christi & Apostolorum, tempus iudicij vltimum.

41 **N**Otandum nonò, eos qui in eodem peccato communicant, etiam in supplicio communicaturos esse, eandemque vltionem subituros: Colligite, inquit, zizania; & alligate ea in fasciculos ad comburendum. Omnes igitur qui cum hæreticis communicant, qui cum eis affinitates & matrimonia contrahunt, qui eos tuentur, in magistratus euehunt, qui confederationum auctores sunt, nisi poenitentiam egerint, cum illis colligabuntur, ac in ignem mittentur. Eodem genere dicendi vtitur D. Ioannes, triticum, inquit, suum congregabit in horreum, paleam autem inextinguibili igne comburet. Quæ res, cum
magni

magni momenti fit, ideò adiungit Saluator, qui habet aures audiendi audiat. Addidit deinde illud: Tuuc iusti fulgebunt sicut sol in conspectu patris eorum: vt sicut in præsenti fulget lux sanctorum coram hominibus; ita post consumationem mundi ipsi iusti fulgebunt sicut sol in regno patris sui. Nam sicuti gloriæ infinitas, quæ reposita est filiis Dei, sensus omnes nostros longè altius exuperat, quàm vt possit vllis verbis exprimi; ita supplicium quod reprobos manet, quia incomprehensibile est, pro modulo captus nostri adumbratur.

Notandum decimò hoc loco contra Anabaptistas, quàm diu in hoc mun- 42
do peregrinatur Ecclesia, bonis & sinceris in ea permixtos fore malos & hypocritas, triticum & zizania; vt se patientia arment filii Dei, & inter offendicula quibus turbari possent, retineant infractam fidei constantiam.

Notandum vltimò refutari ex hoc loco illos, qui putant diabolus nullius 43
mali causam esse, sed vnumquemque malicia sua peccare: Venit inimicus homo, & superfeminavit zizania.

SERIES
EVANGELII.

SEquitur tertia & quarta parabola, ex eadem re domestica sumpta, de ea- 44
dem doctrina, & eius verbo, cuius scopus est vim ortum progressum ac consumationem fidei ac religionis demonstrare, quemadmodum effectum verbi, atq; adeò infectionem superioribus parabolis demonstravit. Ostendit igitur verbū Dei, ac Euangelii doctrinam, à principio quidem rem quandam esse parvam, contemptibilem, ac vim & virtutem quasi nullam habentem; in exitu autem rem maximam ac insuperabilem esse, principiiq; vim habere: quæ vt magnitudine sunt minima, ita virtute maxima: & à principio quidem parua, in exitu autem infinitis partibus crescunt. Qua de re Aristoteles, Demetrius Phalereus aliquot locis tradiderunt. Exponunt autem tripliciter granum sinapis patres. Primum pro verbo Dei & doctrina Christi, vt Hieronymus, Theophylactus, Beda: alii pro ipso Christo, vt Hilarius: alii pro Apostolis, vt Chrysostomus, Euthymius. Et rectè omnes, plures tamen ad verbum & doctrinam Christi referunt. Quæ autem causa sit, explicat Hieronymus: Regnum cælorum prædicationis euangelii est, & noticia scripturarum, quæ ducit ad vitam, & de qua dicitur ad Iudæos: Auferetur à vobis regnum Dei, & dabitur genti faciēti fructus eius. Simile est ergo huiusmodi regnum grano sinapis, quod accipiens homo seminavit in agro suo. Homo qui seminat in agro suo, Christus Dñs est, qui seminat in mundo vniuerso, in sensibus & corde vniucuiusque nostrum, granum prædicationis suæ, euangelii sui. Prædicationis euangelii minima est omnibus disciplinis.

Verbum Dei vt granum sinapis, est & minus omnibus scientiis, & maius 45
item. Minus quidem primò ex parte authoris, qui iuxta mundum fabri filius ex Nazaret putabatur. Secundò ratione obiecti, quod est Christus crucifixus. Nos prædicamus Christum crucifixum, Iudæis quidem scandalum, gentibus autem stultitiam. Verbum enim crucis, iis quidem qui pereunt, stultitia est; iis autem qui salui fiunt, id est nobis, Dei virtus est. Nam quia in sapientia Dei non cognouit mundus per sapientiam Deum; visum est Deo, per stultitiam prædicationis saluos facere credentes. Et paulò post: Quoniam stultitia Dei sapientior est quàm homines: & imbecillitas Dei robustior est quàm homines. Tertiò, magistris

magistris & propagatoribus duodecim piscatoribus. Quartò: modo dicendi & docendi. Nō in persuasibilibus humanæ sapientiæ verbis; sed in ostensione spiritus & virtutis: vt fides vestra non sit in sapientia hominum, sed in virtute Dei. Quintò, præceptis doctrinæ cum sensu & ratione prima fronte pugnantibus; vt ex cruce salutem petendam. Sextò præceptis vitæ secundum homines stultis: vt pro inimicis oretur, & bene fiat à nobis his, qui nos oderunt; vt benedicatur maledicentibus nobis: vt percutientibus nos in maxillam præbeatur & altera. Septimò, breuitate præsertim ipsius cultus & orationis: Pater noster. Quam paruitatem doctrinæ suæ ipse author animaduertens, inquit: Qui me, doctrinamque meam adeò contemptam reueritus fuerit; reuerbor & ego eum coram patre meo, vt notat Nazianzenus in oratione ad Nemesium. Paruum ergo hoc est granum à principio: sed vbi creuerit, maius est omnibus oleribus, omnibus doctrinis & scientiis, ex his quæ sequuntur capitibus.

46 **P**rimò, quòd nulla doctrina non modò diuinam, sed ne humanam quidem perfectè docuerit virtutem: cū aliquando vitia obtruderent pro virtutibus & commendarent, vt voluptates, ambitiones. &c. Ideo ipsi Philosophi, vt docet Paulus, multa faciebant, quæ non conueniebant: & putantes se esse sapientes, stulti facti sunt, & euauerunt in cogitationibus suis. Erat enim in illis lumen naturæ, si non extinctum, at peccato obfuscatum: & ideo Paulus doctor gentium dicit se plus cæteris laborasse, quia plures sentes & spinæ illi in gentili populo extirpandæ fuerant: nam Iudæi melius omnia videbant. Quanquam & isti non perfectam virtutem, vt diximus, docuerunt; cū tantum manum & linguam, non etiam cor & mentem instruerent, ac perficerent.

47 **S**ecundò, quòd quæadmodum perfectam virtutē nulla lex docebat, nullaq; doctrina: ita etiā nulla erat quæ omnia vitia prohiberet; sed illa tantum, quæ ad cōseruandam formam illius reipub. pertinerent. vnde Lacedæmonii furari permittebant, vt ciues cautiores efficerentur, mittebāt & amores & alia. Athenis viri perfectæ iustitiæ per ostracismum pellebantur iniquissimo iure. Lex autem Dñi immaculata, sine ruga, sine macula, omnia simpliciter & nullo respectu, vitia prohibens; nulli relinquens locum. Testimonium hoc reddit Christi doctrinæ Plinius minor in epistola ad Traianum his verbis: Affirmabant hanc fuisse summam vel culpæ suæ, vel erroris, quòd essent soliti statò die ante lucem conuenire, carmenque Christo quasi Deo dicere secum inuicem, seque sacramento non in scelus aliquod obstringere, sed ne furta, ne latrocinia, ne adulteria committerent, ne fidem fallerent, ne depositum appellati abnegarent: quibus peractis, morem sibi discedendi fuisse, rursusque coeundi ad capiendum cibum promiscuum, tamen & innoxium, quod ipsum facere desisse post edictum meum, quo secundum mandatum tuum hethærias esse vetueram, quò magis necessarium credidi ex duabus ancillis, quæ ministræ dicebantur, quid esset veri, & per tormenta quærere; sed nihil aliud inueni, quàm superstitionem prauā & immodicam. Hæc Plinius. Sed neque virtutes omnes complexi erant, sed ciuiles tantum: vnde humilitati, patientiæ, virginitati, pudori paruum aut nullum reliquerant locum: idque solum quod extra fuit laudabatur, spectabatur: earum quæ in occulto fiebant nullam aut perexiguam habebant rationem. Quam in eorum integritatem dum Imperatores inquirere volunt, prohibebant

Plin. lib. 10.
ep. 97.

eos plectere nomine Christi; sed vitia illis affingebant, quæ cohærere non poterant, vt refert Tertullianus & Nazianzenus.

Tertio, aliæ doctrinæ prima & summa honestatis principia ignorabant. 48
De felicitate primò nihil solidum, nihil constans conscripserant: sed dum alter alterum refutat, illud docuerunt, illos omnes de hac materia nihil certum & exploratum habuisse. Et quemadmodum verum finem vitæ non inuenerunt, ita neque viam ad illam. De immortalitate item animorum, de præmiis bonorum, & poenis malorum, futura vita, nihil constans, nihil explicatum, certum nihil: de fide, spe, charitate, vitæ fundamentis, verbum nullum: at hoc ipsum sinapis granum hæc continet omnia.

Quarto, aliæ leges ea sola vitia puniunt, quæ in oculos hominum incur- 49
runt, quæ palam fiunt; secreta mentis & animi, sed ne cubilis quidem ingrediuntur: Lex ista cor ingreditur, mentem purgat, animam illuminat.

Quinto, leges aliæ & disciplinæ poenas tantum vitiis proponunt; at præ- 50
mia virtutibus nulla: hæc vtrique.

Sexto, aliæ leges poenas eas solas proponunt, quæ temporaneæ sunt; quas 51
quis effugere ac declinare potest: hæc æterna & ineuitabilia proponit supplicia.

Septimo, aliæ leges imperant & præcipiunt, sed intus non efficiunt: hæc plu- 52
ra intus efficit, quàm foris præcipit, intus ingreditur, nullum malum concipit patitur; si quod conceptum est, lacrymis & gemitibus expurgat.

Octauo, aliæ leges & doctrinæ nullum aduersis præsidium, nullum solatium ferunt, hæc omnia aduersa, omnes tribulationes condit, ac dulces & suaves efficit; solatur malam valetudinem, solatur paupertatem, exilium, iniuste susceptam infamiam, orbitatem, & cæteras miseriæ humanæ partes. 53

Nono, Plato etsi philosophiæ veterum princeps, vnâ solam Siciliam 54
conuertere non poterat: hæc totum mundum breui tempore subiugauit.

Decimo, mendaces sunt aliæ artes, hæc promissa omnia implet. 55

Vndecimo, facti peccati medicinam non ferunt, illa virtute sacramento- 56
rum ita fert, ac si nunquam facta fuissent; quod nulla alia habet.

Dvodecimo, conscientiam & appetitum quietat, & adæquat ista; tur- 57
bant potius, quàm quietant illæ. Ex quibus capitibus multa ad Apostolos, multa ad Ecclesiam transferri possunt, additis illis quæ sunt ex parte virtutis spiritus, tanquam radicis. Ad Apostolos quidem ratione conuenientiæ doctrinæ, ratione consensus, vnitas & paruitas istius grani sinapis declaratur, vnde neque plures, neque pauciores quàm duodecim: ratione finis vnus, qui est salus animarum: ratione eiusdem effectus, amoris & charitatis, verè vnum granum sinapis: propter in multos ramos propagationem: In omnem terram exiuit sonus eorum, & in fines orbis terræ verba eorum: ratione virtutis, quæ maior fuit, quàm illa quæ duodecim virorum apparebat specie: propter

propter bonum odorem, propter sanam & mordacem doctrinam: erant mordaces sed non detractores alienæ famæ, non ad nocendum, sed ad saluandum: ratione fructificationis, quæ in altam arborem excreuit, ita ut in ramis eius volucres cæli habitarent. Granum rigens & potens ratione poenitentiae & contritionis & lacrymarum, quas eorum prædicatio excusserat vniuerso mundo. Ad Ecclesiam autem respectu eiusdem grani illa referri poterunt: primum, quantum ad progressum & incrementa Ecclesiæ spectat, principia item & inchoationes, de quibus vberem circa hunc locum differendi facultatem, ille qui hæc exaggerare velit, habebit. Fuit hoc semen primum minimum omnium rerum pub. nec simul creuit: non impotentia Dei, cuius velle est posse & facere; sed eiusdem certa œconomia & ratione, qui humana humano more regit, & qui rerum vult habere initium, progressum & finem. Minimum ergo siue numerum spectes duodenarium & septuaginta discipulos, ex quibus solis tum ecclesia constabat, verè pusillus grex: siue vim & vigorem præpositorum ac ciuium illius spectes, non multi potentes, non multi sapientes: siue doctrinæ, pauca quædam elementa, & præcepta aliquot charitatis explicata, pauca euangelistarum capita, epistolæ aliquot, quæ totum in ecclesia continebant dogma. Parua item eadem ecclesia fuit ratione rituum & caeremoniarum, temporis ratione tum ita postulante, Iudæis & gentibus omni conatu aduersantibus ac ridentibus: nihil splendidum, nihil illustre: in cryptis & sepulcris omnia peragebantur: viuere illis in terra non licuit, tantò minus splendidos & illustres cultus obire, quod stulta hæresis nō videt. Verè profunda iaciebantur fundamenta, longè duraturi ædificii; profundè iactum semen altæ arboris. Parua opibus & facultatibus, quas Paulus describit: Circuierunt in melotis, in pellibus caprinis: egentes, angustiiati, afflictii; quibus dignus non erat mundus. In solitudinibus errantes in montibus & speluncis, & cauernis terræ. Parua loco, Capharnai primò, post Hierosolymæ, deinde in Iudæa tantum. Et minimum quidem semen hoc fuit, hoc modo præ omnibus feminibus; creuit autem omnibus maius oleribus, & factum est arbor, ita ut volucres venirent & habitarent ibi. Magnum numero de quo Ioannes: Posthæc vidi turbam magnam, quam dinumerare nemo poterat, ex omnibus gentibus & tribubus, & populis & linguis. Magnum virtute virorum, siue sanctitatem, siue sapientiam, siue potentiam spectes. Hinc diui, hinc sapientes, hinc reges, hinc Imperatores, monarchæ innumeri prodierunt. Vnus cædebat, & centum conuertebantur; ita ut Iulianus prohibuerit eos publicè punire. Ut enim vinea quantò melius putatur, tantò melius crescit; ita & istorum mortes incrementa fuerunt Ecclesiæ. Hæc autè creuit non dolo, non fraude, non sanguinis alieni profusione, non sapientia & potentia mundi, non eloquentia; sed secti sunt, tentati sunt, lapidati sunt, in occasione gladii perierunt, tanquam in alieno corpore, aut potius extra corpus passi, inquit Nazianzenus. Magnum item granum ecclesiæ doctrina, quæ cum antea, ut diximus, aliquot propositionibus constabat tantum, nunc omnes linguas, legem, vetustatem philosophiæ complexa est, quæ in arborem non curioso studio creuit: sed dū Iudæis & gentibus ac hæreticis repugnat; dum Iudæis respondet legem & linguam hebræam didicit: dum gentibus, utramq; philosophiam, dum hæreticis omnes partes christianæ doctrinæ excoluit ac excussit. Ita nulla est lingua, quam non norit: nulla philosophiæ pars, quam non sit complexa, nihil dubium quod non sit explicatum, excussum. vel sola D. Thomæ

Summa, argumento esse potest, nullam illi partem sapientiæ deesse. Nam de ritibus quid dicam; qui non superstitione aliqua, aut cacozelia, ut mentitur Calvinus, sed summo conciliorum studio, summorum pontificum autoritate, populorum pietate creuerunt; ut rectè occinatur: Quæ est alia gens sub cælo tam inclyta, quæ habeat deos appropinquantes sibi, sicut adest nobis Deus noster? Quam dilecta tabernacula tua Domine virtutum: Astitit regina à dextris tuis in vestitu deaurato, circumdata varietate. Magnum granum opibus: mitto spiritalia dona, spiritus sancti virtutes, miracula, beatitudines, sed & temporalibus bonis est diues, de quibus Isaias: In terra sua duplicia possidebunt, lætitia sempiterna erit eis. Et ipse saluator: Centuplū accipient in hoc tempore. Quod ita non mercando, non fænerando, non agros colendo, sed sua effundendo ac perdendo consecuta est. S. Chrysostomi temporibus aucta fuisse bona ecclesiæ, vel illo ipso teste constat: Oportebat, inquit, hunc ecclesiæ thesaurum vos retinere, ecclesiam non paruos ex vestra deuotione consequi fructus. Magnum loco & possessione: A solis ortu vsque ad occasum laudabile nomen Domini. Et illud Malachiæ: Ab ortu solis vsque ad occasum, magnum nomen meum in gentibus: & in omni loco sacrificatur & offertur nomini meo oblatio munda: quia magnum nomen meum in gentibus. Nam si quid gentilitatis aut Iudaismi relictum est, hæresum item; hoc exercitii causa & disciplinæ relictum est. Quæ fuit orbem exiliis & deportationibus suis. Quocunque enim pellebantur, eorum regiones subegerunt. Magnum imperio, ad cuius pedes & vestigia veniunt proni reges, exosculanda & adoranda, quæ fuit hoc obedientia & deuotione sua. Paruum igitur granum, sed & maius omnibus. Est & alia quædā expositio parabolæ apud Hilarium, atq; Venerabilem Bedam, quam licet verbis ipforum adscribere. Grano sinapis, inquit Hilarius, se Dominus comparauit, acrimaximè & omnium seminum minimo: cuius virtus ac potestas tribulationibus ac pressuris accenditur. Granum hoc igitur postquam in agro satum fuerat, id est vbi à populo comprehensus & traditus morti, tanquam in agro satione quadā fuit corporis conssepultus, vltra mensuram omnium olerum excrescit & vniuersam prophetarum gloriam excedit. Oleris enim vice tãquam ægroto Israël data est prædicatio prophetarum. Sed iam ex ramis arboris ex solo in sublime prolata, volucres cæli inhabitant. Apostolos scilicet ex virtute Christi protensos, & mundum immorantes in ramis intelligimus, in quos gentes, in spem vitæ aduolabant, & aurarum turbine, id est diaboli spiritu flatuque vexatæ, tanquam in ramis arboris requiescent. Vna igitur ecclesia est numero, vna specie, vna naturâ, sed non eadem: alia siquidem fuit in semine, alia in herba, alia in culmo, in spica alia, alia in puericia, alia in iuuentute, alia in senectâ: vberimè crescit illa, sed in aliud non degenerat: ex leone canis non efficitur, aut ex tritico zizania, quod hæresis non videt, neque distinguit: fuit grex pusillus, creuit in gentem magnam. de cuius incrementis David Psalmum illum totum, Qui regis Israël intende, magnificè cecinit. Et Venerabilis Beda: Potest in grano sinapis Dominicæ incarnationis humilitas designari, quod acceptum Ioseph sepeliuit in horto: creuit verò in arborem, quia surgens ascendit in cælos: ramos expandit id est prædicatores, in quibus quique fideles ab huius fatione vitæ requiescerent, spargit.

SERIES
EVANGELII

Idem sensus est & scopus parabolæ sequentis de fermento, nisi quod parabola

bolam

bolam de sinapi ad magnitudinem, de fermento autem ad virtutem referri doceat Euthymius: Hoc igitur docet, doctrinam Euangelicam, etiam si parua & vilis à principio appareat; magna tamen continere in se: quomodo modicum fermentum magnam massam fermentat, ac vim ita diffundit; vt magna farinae copia inde accrescat & fermentetur. Paruum fuit hoc fermentum: Diliges Dominum Deum tuum. Et illud: Quod vultis vt faciant vobis homines, similiter & vos facite illis: totum tamen mundum fermentauit, ac summam legis docuit. Ad eundem similem fidei sermonem, ad eandem doctrinam, ad eosdem Apostolos refertur. Mulierem alii animam humanam, vt Theophylactus: alii sapientiam summam ipsum Christum, vt Euthymius: alii ecclesiam, vt Hieronymus, interpretantur. Diuersus est hominum stomachus: alij amaris, alij dulcibus, alij austerioribus, alij lenibus delectantur cibis: proponit itaq; Dñs, vt iam supra diximus, diuersas parabolas, vt iuxta vulnerum varietates, & medicina diuersa sit. Mulier ista, quæ fermentum accipit, & abscondit illud in farinae satis tribus, donec fermentatur totum; vel prædicatio mihi videtur Apostolica, vel Ecclesia, quæ de diuersis gentibus congregata est. Hæc tollit fermentum, notitiam scilicet & intelligentiam scripturarum, & abscondit illud in farinae satis tribus, vt spiritus & anima, & corpus in vnum redacta non discrepent inter se, sed vbi cum duobus & tribus conuenerint impetrent à patre quodcunque postulauerint. Suscipit autem parabola hæc interpretationes multas, quas D. Hieronymus atq; Hilarius retulerunt: quas quoniam ne ipsi quidem ex omni parte probant; ideo ab his referendis superfedebimus. Cur autem per fermentum fidei sermonem significet, exponit causam Euthymius. Sicut enim fermentum, cum sit modicum, in multa tamen farina absconditum per consersionem totam farinam in vnum corpus simul, vnam & alienam speciem ab ea quam prius habebat transmutat: cumque farina res sit mortua, eam quodammodo viuificat, ac vim habens actiuam sursum ascendere facit; ita quoque fidei sermo, quum, vt dictum est, quantitate sit modicus, in multorum hominum animabus occultatus per doctrinam omnes in vnum corpus Ecclesiæ vnit, ac in alteram conuersationis speciem transmutat: quumque mortuos ad opera virtutis viuificat, ad eius operationem, & sursum ascendere facit ad cælum, omniaque efficit sua ineffabili potentia. Satum autem, inquit Venerabilis Beda, genus est mensuræ apud Palæstinos, habens modium vnum & dimidium.

59 Notandum autem est non frustra docere Aristotelem, principia magnam vim habere, apprimèque cauendum esse, ne quid erroris admittatur in principiis: nam quod in principio perexiguum est, infinitis partibus in exitu crescit. Docebatque Proclus Platonius, si dentur quadringentæ propositiones necessariae, & vna sit in illis verisimilis tantum, totam disputationem propter vnum illud principium verisimilem futuram. Vt enim vitium in radice totam arborem corrumpit, in fundamēto totum ædificium ad labem pertrahit, in epate totum animal inficit; ita in fide error paruus, est multus, neque contemnendus. Vnde & D. Paulus, modicum fermentum totam massam corrumpere docet. Quod si maiores nostri in ortu hæresum vidissent: nunquam huc res deducta esset, quod deductam videmus.

60 Notandum, Euangelistam cum multas parabolas cōgessisset, causam eius rei adferre

rei adferre ex Psal. 77. quod eo genere scilicet doctrinæ Messias docere debu-
erit: Aperiam, inquit, in parabolis os meum, loquar propositiones à constitu-
tione mundi. Est autem Psalmus non ipsius Davidis, sed Asaph Prophetæ, &
ideo alii corruptè Isaiam legunt. Sciendum autem est, inquit Hieronymus,
quod in Psalmis & hymnis, & canticis Dei, non solum David, sed & cæteri, quo-
rum præscripta sunt nomina, prophetæ sint appellandi, Asaph videlicet & Idi-
thun, & Heman Esraites, & Æthan, & filij Chore, & reliqui quos scriptura
commemoratur.

NOtat circa hunc eundem locum perdoctè D. Hieronymus: Quod, in-
quit, ex persona Domini dicitur, Aperiam in parabolis os meum, eructabo ab-
scondita à constitutione mundi, considerandum attentius, & inueniendum de-
scribi egressum Israël ex Ægypto, & omnia signa narrari, quæ in Exodi conti-
nentur historia. Ex quo intelligimus vniuersa ea, quæ scripta sunt, parabolicè
intelligenda, nec manifestam tantum sonare literam, sed abscondita sacra-
menta: hoc enim se Saluator promittit dicturum esse, aperiens os suum in paraboli-
lis, & eructans abscondita à constitutione mundi. Semper igitur puer Græcia,
semper Latium, quæ eas propositiones, quæ erant ab initio, non nouerat.

SERIES

EVANGELII

DE vi & natura fidei, verbi ortu, progressu item, cum præcedentibus di-
xisset parabolis, nunc de pretio & dignitate, obscuritate item, duabus sequen-
tibus parabolis agit: & quo ardore inquiri debeat, eo scopo & fine, ut attenti-
ores & diligentiores eius cultores efficiamur, tum ratione precij, tum ratione
difficultatis: itaq; affecti simus, ut causa Christi eiusque doctrinæ res omnes no-
stras, nosq; adeo ipsos parati simus relinquere, mundoque ipsi hæc anteferre.
Primum igitur: Simile est regnum cælorum thesauro abscondito in agro.
Cum reliquas, inquit Origenes, parabolas dixisset turbis, hanc cum duabus se-
quentibus, non parabolas sed similitudines ad regnum cælorum pertinentes,
videtur iam ingressus domum dixisse discipulis. Quid autem differat parabola
à similitudine, idem Origenes docet eodem loco. Thesaurum autem abscon-
ditum intelligit, occultos scripturarum sensus, & eos qui sunt in Christo sapi-
entiæ & scientiæ thesauros. Hieronymus, per thesaurum, atq; D. Hilarius, ver-
bum incarnatum intelligunt. Euthymius, Lyranus, & alij prædicationem fidei
& charitatem. Theophylactus autem: Ager, inquit, est mundus, thesaurus
prædicatio & cognitio Christi; hic in mundo absconditur, iuxta illud Pauli, Sa-
pientiam prædicamus absconditam. Qui itaq; Dei cognitionem quærit, inue-
nit eam: tum omnia quæcunque habet siue scientias philosophicas, siue malos
mores, siue opes & diuitias, abiicit confestim, & comparat agrum. Quisquis au-
tem ad cognitionem Christi peruenit, mundum emit, mundi est Dominus fa-
ctus, nihil habens & omnia possidens. Res tamen in idem incidit, cum abscon-
ditus in agro esse dicitur, ob suam obscuritatem & difficultatem. Absconditus
est autem propter insidias diaboli. Qui thesaurum in via publicè portat; depræ-
dari desiderat. Cuius comparandi tantum ardorem esse dicit, quod qui eum in-
uenit, abit & vendit omnia, iuxta illud: Ecce nos reliquimus omnia, & secuti
sumus te: emit agrum per contemptum terrenorum, venit ad thesaurum per
studium æternorum. Pulchrè parabolam hanc expendit D. Hilarius. Per simi-
litudinem thesauri in agro, spei nostræ opes intra se positas ostendit, quia Deus
in homine sit repertus; in cuius precium omnes seculi vendendæ sunt faculta-

tes;

In Matth.
can. 3.

res; ut vestitu, cibo, potuque indigentium, æternas cælestis thesauri diuitias comparemus. Sed contuendum est, inuentum thesaurum, & absconsum fuisse, cum utique qui inuenit, & secretò, & tempore quo abscondit, auferre potuisset, & auferens emendi necessitate caruisset. Sed ut rei ita & dicti fuerit ratio explicanda. Ideò enim absconsus est thesaurus, quia & agrum emi oportebat. Thesaurus enim in agro, ut diximus, Christus intelligitur in carne, quem inuenisse est gratum: Euangeliorum enim prædicatio in absoluto est; sed utendi, & possidendi huius thesauri cum agro potestas, non potest esse sine precio: quia cælestes diuitiæ non sine damno seculi possidentur.

63 Eodem sensu repetit de margarita parabolam, dicit Hieronymus, aliisque verbis idipsum quod supra dicitur, tradit. Bonæ autem margaritæ quas quærit institor, lex & prophetæ sunt. Audi Marcion, audi Manichæ: bonæ margaritæ sunt lex & prophetæ, & notitia veteris testamenti. Vnum autem est pretiosissimum margaritum scientia Saluatoris, & sacramentum passionis illius & resurrectionis arcanum. Quod cum inuenerit homo, negotiator similis Pauli Apostoli; omnia legis prophetarumque mysteria, & obseruationes pristinas, in quibus inculpate vixerat, quasi purgamenta contemnit & quisquilias, ut Christum lucrifaciat. Non quod inuentio nouæ margaritæ condemnatio sit veterum margaritarum; sed quod comparatione eius omnis, alia gemma vilior sit. Pretiosam autem dixit margaritam, ut distingueret ab eis, quæ non sunt pretiosæ, inquit Origenes. Eodem modo de hac eadem margarita philosophatur Hilarius. Et de margarita par oratio est, sed ad negotiatorem iam diu in lege versantem proficiens hic sermo est; qui longo ac diutino labore, ad margaritæ scientiam peruenierit, & ea quæ sub onere legis adeptus sit, derelinquat. Diu enim est negotiatus, & margaritam aliquando qualem optabat inuenit, cui & vnius huius desiderati lapidis pretium reliqui laboris iactura est comparandum. Hanc igitur margaritam emergere oportet, dando pro illa omnia. Quarum parabolarum eam notat differentiam & conuenientiam Euthymius. Hæ autem duæ parabolæ in multis inuicem sunt similes, & breuiter in hoc solo differunt, quod illa fidei sermonem, thesaurum vocabat, hæc autem margaritam: sicut & duarum præcedentium parabolarum; vna quidem granum sinapis illum appellabat, altera verò fermentum. Et sicut per duas illas significauit incrementum vimque fidei; ita rursus per has duas illius significauit diuitias & excellentiam.

64 Notandum autem quatuor parabolis istis quatuor amplissima epitheta doctrinæ fidei contineri. Amplitudinem primum, deinde vim & efficaciam maximam, tertio opes & diuitias, quarto dignitatem & excellentiam ingentem. Crescit ut granum sinapis, vim habet ut fermentum, ditat veluti thesaurus, eximia est tanquam margarita preciosissima.

65 Notandum est secundo cum Origene, multiplices esse margaritarum differentias: alias esse terrestres, alias maritimas: ac terrestres quidem apud solos Indos nasci, quæ congruunt sigillis, annulis, ac monilibus: Maritimas autem si quæ sunt insignes, apud eosdem Indos inueniri, quæ etiam optimæ in mari rubro nascuntur. Proximum autem in margaritis locum habent, quæ ex Oceano Britannico capiuntur. Tertii autem ordinis, inferiores sunt non solum primis illis, verum etiam secundis, quæ in Bosphoro iuxta Scythiam inueniuntur. In-

super & hæc dicuntur de Indico margarito, quod conchis innascitur, quæ simi-
lem habent naturam cum prægrandibus cochleis, quæ narrantur veluti turma-
tim in mari pasci, velut armenti duce quopiam exploratore, qui referat, qualis
& quanta sit regio, atq; hanc aiunt præeminere cæteris sub ipsa degentibus; vt
res similitudinem habeat cum examine quod dicitur apum. Narrant autem &
de ratione capiendi præstantiores, hoc est, eas quæ in India reperiuntur; quod
incolæ, posteaquam magnum litoris ambitum retibus cinxerunt, adnatant vri-
nantes, studentes ducem agminis, vnum ex omnibus comprehendere. Siqui-
dem hoc pacto ferunt nullo negotio capi huic subditum agmen, quippe nulla
iam subsistente ex toto grege, sed vnaquaq; ceu loco vincta sequente gregis du-
cem. Dicitur autem & generatio margaritarum Indicarum temporum spatiis
confici, animali multas versiones ac mutationes capiente, donec perficiatur.
Quin & illud narrant, concham ferentem margaritum diduci, in morem osci-
tantis animantis, ac diductam, cælestem in se rorem recipere: quo si puro lim-
pidoq; fuerit expletum, lucidum fit margaritum, concipitq; concha grandem
& concinnam gemmam. Quod si quando turbidum, inæqualem & hybernum
rorem acceperit; nubilum concipit margaritum, & variis obnoxium maculis.
Quin & illud comperimus, si concha procedens, vt impleatur gemma, qua so-
let esse grauida, interim corripiatur à fulmine, contrahitur, ac veluti metu con-
stringitur, foetum eiiciens, in ea quæ dicuntur φυσήματα, hoc est inflationes: nō-
nunquā velut abortiuæ generantur breues, ac nebula nonnihil habentes, tam-
etsi concinnæ. Iam & illud habet Indicum margaritum præter alia, colore can-
didum est, argento pellucenti adsimile, sic vt splendor subuirdis paulū sub-
luceat, cæterum vndiq; figuram habens rotundam, siue turbinatam. Est autem
colore blando, & omnino tenerius quàm pro lapidis natura. Insuper est adeo
iucundum aspectu, vt, quemadmodum tradit is qui scripsit de natura gemma-
rum, admodum illustrioribus laudem auferat. Præterea est & illud optimi mar-
gariti signum, ambitum habere sculptum: præterea colorem habere candidis-
simum, maximeque pellucidum: postremo granditate maximum esse. Hæc-
tenus igitur de margarito Indico. Cæterum, quod apud Britanniam aiunt inue-
niri, summo quidem colore accedit ad auri speciem, cæterum nebulosum ac
turbidum, luceque obtusiore. Iam quod inuenitur in portu iuxta Bosphorum,
obscurius est ac liquidum, ac omnino luce carens, tenerumque & ingenti ma-
gnitudine. Nascitur autem in sinu iuxta Bosphorum, non in conchis, quod est
testæ genus ferens margaritas, sed in his, qui vocantur mures: de his loquor
qui iuxta Bosphorum in palustribus pascuntur. Fertur autem & quartum esse
margaritarum genus circa Acarnaniam, in ostreorum conchis. Verum hæ non
admodum probantur, sed incompositæ sunt; tum figura, tum colore: denique
turbidæ, vndiq; sordidæ. Sunt autem & aliæ iuxta eandem Acarnaniam, omni-
bus nominibus reiiciendæ. His itaque collectis ex eorum libris, qui de gem-
mis tractarunt, dico seruatorem scientem differentiam margaritarum, quarum
in genere sunt & bonæ, & rursus aliæ viles, hæc dixisse: Simile est regnum cæ-
lorum homini negotiatori quærenti bonas margaritas. Nisi enim essent in
margaritarum generibus etiam malæ; nequaquam dictum esset, quærenti bo-
nas margaritas. In omnigenis autem sermonibus, qui veritatem profitentur,
& gemmas ferunt, quærit margaritas. Ac sint, vt ita vocem, quæ ex rore cæle-
sti concipiunt conchæ, verboque veritatis grauidæ fiunt cælitis, propheta, qui
iidem

iidem sunt illæ pulchræ margaritæ, quas iuxta id quod proposuimus dicere, quærit homo negociator: quod verò ducit agmen margaritarum, quo inuen-
to, simul & reliquæ inueniuntur, videlicet illud preciosum margaritum, est
Christus Dei verbum, quod superat preciosas terras, sensusque legis ac pro-
phetarum: quò inuento, simul & omnia cætera facile capiuntur.

66 **N**otandum tertio cum eodem Origene, margaritam in concha nasci, e-
andem cum aperta fuerit fulgore illustrari, atque affari, & cum se deinceps
clauferit ex fulgore roreque margaritam concipi, ideoque candore præstare.
Ita & Christum in virgine conceptum esse, ex fulgore superno sancti Spiritus.

67 **N**otandum quarto, quali ingratitude cruce se obligant, qui rem tan-
tam, tam efficacem, tam preciosam, tam excellentem contemnunt, pro qua se,
omniaque sua diuendere debebant, ac ad illius conquisitionem referre. Fece-
runt hoc primi Apostoli, Apostolorumque discipuli: fecit D. Franciscus, D. Do-
minicus, & alii multi: nos autem ne minimam quidem partem, aut euangelio-
rum, aut epistolarum Pauli nouimus.

68 **N**otandum quinto, quamuis scriptura sacra sit natura sua clara: præce-
ptum Domini lucidum: voluisse tamen Deum aliquid difficultatis & obscuri-
tatis in ea relictum esse. partim, ut arceantur prophani: partim, ut studium &
diligentia excitetur. Errant igitur vehementer hæretici, qui ad hæc tanta, à
quibus Christus Dominus turbam exclusit, mulierculas & turbam imperitam
admittunt, rei christianæ magna confusione: nam hæc defossio thesauri in ter-
ra hic margaritarum abyssus, nihil aliud significat, ut exponit Lyranus. Ager
autem est sacra scriptura, sub sensu literalis sensus mysticos habens absconditos,
tanquam thesaurum preciosum: quem inuenit, qui sollicitè ei studet & deuo-
tè; & sic pro isto studio thesauri, vendit omnia quæ habet, quia in eius compa-
ratione ea paruipendit. Itaque dicebat Irenæus author vetustissimus, eam esse
difficultatē scripturæ; quod ad extremū vsq; iudicii diem aliquæ partes latebūt.

69 **N**otandum sexto, quandoquidem eius difficultatis est scriptura; studio &
labore magno in ea percipienda opus esse, fossione multa, sed & aliorum stu-
diorum intermissione, instrumentis item multis & præfidiis libro-
rum, quietis, & aliarum rerum ad eam rem pertinentium. Quamuis
enim hæc gemma gratis detur, studio tamen & vigilantia emi & comparari
debet. Errant igitur illi, & in errorem alios inducunt, qui ex vno libello docto-
res esse volunt. Apostoli dices his caruerunt: atqui Christum & Spiritum san-
ctum præsentem doctorem habuerunt: quanquam & illud non ita euident est:
nam & Paulus legis peritissimus fuit: & Timotheum ab infantia sacras literas
didicisse narrat.

70 **N**otandum septimo, arcana & mysteria fidei non passim non vulgò o-
stentanda ac propalanda esse: thesaurus enim absconditus sunt, gemma pre-
ciosa: quin aliquando abscondenda propter homines prophanos ac irrisores,
quod pulchrè docet Dionysius, atque Gregorius Nazianzenus in prima theo-
logica oratione, contraquam faciunt Euangelici, qui omnia ad cauponas &
gynæcea protulerunt contaminanda.

Notandum

Notandum octauò cum D. Chrysostomo: vnā veritatem esse, nec in 71
multas scindi partes, ac veluti qui margaritam habet, ipse nouit se diuitem esse,
etiamsi aliis ignotum nonnunquam illud sit, cum paruo in loculo margarita re-
condatur: sic & in prædicatione veritatis, qui ei adhærent, totoque animo il-
lam amplectuntur; opulentos sese non ignorant: quamuis infideles thesauri
vim non cognoscentes fidelium opes contemnant.

Notandum postremò, quamuis regnum Dei gratis detur, & à violentis 72
rapiatur; tamen idem ipsum vitæ integritate & honestate, precibus multis, ani-
mi mundicia & corporis, abnegatione sui ipsius, omniumque rerum suarum,
cupiditatum & affectuum prauorum, mundi contemptu comparari debere;
contrà quàm docent Euangelici: hoc enim est vendere omnia, & comparare
illam. Abiit, inquit, & vendidit omnia, & comparauit eam.

SERIES
EVANGELII.

Sexta parabola de piscibus bonis & malis, cuius continuationem & sco- 73
pum hunc ponit Euthymius. Ne autem de sola fide præsumamus, aut suffi-
cere eam ad salutem credamus, addit & aliam parabolam, qua discimus, quòd
non omnes qui credunt salui fiunt, sed multi eorum pereunt. Termini parabo-
læ sic exponuntur: Regnum cælorum, sermo fidei: Mare mundus, propter a-
maritudinem vndasque tentationum. Omnimoda piscium genera, variæ mul-
titudines inhabitantium in eo hominum, virorum, mulierum, puerorum, se-
num, cœlibum, coniugatorum, barbararum gentium, Iudæorum, meretricum,
publicanorum, latronum. Impletio retium fidei incrementum. Littus intelli-
gitur locus iudicij. Collectores & separatores, angeli. Boni pisces iusti, mali au-
tem iniusti. Retia & sagma illa est, quam ex veteri & nouo testamento Euan-
gelicorum dogmatum contexuerunt sibi Apostoli, & miserunt in mare huius
seculi, quæ vsque hodie in mediis fluctibus tenditur, capiens de falsis & ama-
ris gurgitibus quidquid inciderit, id est & bonos homines & malos, & optimos
& pessimos pisces. Cum autem venerit consumatio & finis mundi (vt ipse in-
frā manifestius differit) tunc sagma extrahetur ad littus, tunc verum secernen-
dorum piscium signum demonstrabitur, & quasi in quodam quietissimo por-
tu, boni mittentur in vasa cælestium mansionum, malos autem torrendos &
exiccandos gehennæ flamma suscipiet. Sagma itidem hæc secundum Orige-
nem vario contextu, similis est regno cælorum, ob veterem ac nouam scriptu-
ram ex omnigenis variisque sensibus plexam; dum ex his, qui veluti pisces inci-
dunt in rete, alii quidem in his sagma partibus reperiuntur, alii rursus in aliis,
& vnusquisque aliqua parte captus est: sic inuenias etiam ex his, qui in scriptu-
rarum sagram venerunt, quosdam esse captos sub inuolucro prophetico, vt
exempli causa loquar, Isaia, iuxta hanc expositionem, aut Ieremiæ, aut Danie-
lis: alios rursus sub textu legali: insuper alios iuxta partem Euangelicam, non-
nullos iuxta Apostolicam. Primum enim qui capitur à verbo, aut capi videtur,
ex aliqua totius sagma parte apprehenditur. Nihil autem absurdi, si nonnulli
pisces ex his qui saliant, vndique continentur toto sagma contextu, qui est in
scripturis, & vndique constringuntur, tenenturque, sic vt aufugere non
possint; sed velut omni ex parte seruitute coërciti, facultatem non habeant ela-
bendi. Hæc Origenes. Quod autem inferius promittit seipsum separaturum
eos ab inuicem, dicendum est: quòd quidem ipse Dominus separabit eos suo
iussu.

iussu: Angeli autem separabunt eos operatione, præceptum Domini tanquam ministri exequentes, quam quidem separationem non sine periculo futuram esse ostendit, Et mittent eos, inquit, in caminum ignis. Hilarius meritò prædicationem suam reti comparauit, quæ in seculum veniens, sine seculi damno habitantes intra seculum congregauit, modo retis, quod mare penetrans ita agitur de profundo; vt per omne elementi illius corpus euadens, clausos intra ambitum extrahat, nosque ex seculo in lumen solis veri educat: in bonorum electione, & malorum abiectione, futuri iudicii examen ostendens.

74 **Notandum** primò, in Ecclesia Dei semper fuisse permistos bonis malos, contrà quàm sentiunt Nouatiani atque Anabaptistæ. Sagenæ enim ista significat ecclesiam, quæ omnes communiter ad veniam peccatorum inuitat: qui ad littus, id est ad finem seculi in cælestes mansiones recipiuntur, impii verò in exteriores tenebras mittuntur.

75 **Notandum** secundò, Manichæos veteres, & alios Gnosticos hinc liberi arbitrii vim auferre voluisse, quòd alii sint pisces boni, alii mali, quòd illi ad naturam referebant; quos Origenes excellenter refutat. Nam huic intellectui, inquit, repugnant omnes scripturæ, declarantes esse liberum arbitrium, dum & accusant eos qui delinquant, & probant eos qui rectè faciunt, haud quaquam meritò in eos competente, vel reprehensione, qui ex mali generis naturâ tales sunt; vel laude in eos, qui tales sunt ex genere meliore. Siquidem vt pisces boni sint ac mali, causâ non est in animabus piscium, sed secundùm illud, quod verbum omnia sciens dixit, Producant aquæ reptilia animarum viuentium. Quo tempore & fecit Deus cete grandia, omnemque animam animalium reptilium, quæ produxerunt aquæ iuxta genus suum. Illic igitur aquæ produxerunt omnem animam animantium reptilium, iuxta suum quamque genus, cum causâ non esset penes illam: hic verò nos sumus in causâ, vt sint bona genera dignaque vasis quæ vocantur, aut mala dignaque quæ proiciantur. Non enim in nobis natura causâ est maliciæ: sed voluntas, quum sit libera, propensa est ad malefaciendum. Sic nec iustitiæ causâ est natura, tanquam quæ non recipiat in iustitiam: sed verbum quod accepimus est, quod reddit nos iustos. Nam inter genera degentium in aquis, non videbis quæ transmutentur à malis, vt in piscium generibus, in bona, aut à melioribus ad deteriora: in hominibus contrà bonos ac malos semper videre licet; qui vel ex malicia peruenerint ad virtutem; vel à profectu virtutis ad maliciæ dissolutionem reciderint.

76 **Notandum** tertio, neque vocationem, neque fidem, neque prædicationem, neque hoc ipsum esse in Ecclesia multum finaliter prodesse ad salutem, nisi te in bonis operibus exerceas; quòd piscibus malis euenire videmus: qui etsi ab iisdem ministris capti sunt, iisdem instrumentis, ac in eadem sagenâ fuerint, hoc est Ecclesia; in littore tamen maris, hoc est in vltimò portu vitæ separati sunt: & boni quidem recepti in vasa piscatoris, in mensâque regia appositi; mali autem foras eiectionibus & bestiis.

77 **Notandum** quartò: Angelos Dei ministros esse, & ad salutem nostram, & ad segregationem bonorum à malis: Sunt enim spiritus administratorii.

Notandum

Notandum quintò, bis in hoc capite mentionem fieri camini ignis, & 78
 stridoris dentium: primùm in zizaniis, deinde in putribus piscibus, quarum re-
 rum non ita frequens mentio habetur apud Euangelicos.

SERIES
 EVANGELII.

79
 Laudata est hætenus doctrina fidei, ac prædicatio Euangelii. Ne igitur
 quispiam dicat aut existimet hoc in eam partem dici, quasi vetus lex damnetur,
 tanquam mala, aut à malo: ideo additur vltima parabola in qua docetur sapi-
 entia scribarum. Vtramque hic complexum esse, inquit Hieronymus. Instructi
 erant Apostoli scribæ & notarii Saluatoris, qui verba & præcepta signabant in
 tabulis cordis carnalibus regnorum cælestium sacramentis, & pollebant opi-
 bus patrisfamilia, eiicientes de thesauro doctrinarum suarum noua & vetera:
 vt quidquid in Euangelio prædicabant, legis & prophetarum vocibus compro-
 barent: vnde & sponsa in Cantico canticorum: Noua & vetera fratrue-
 liaui tibi. Et ante hunc longè antè, Apostolorum temporibus perucinus Irenæ-
 us. Omnis, inquit, scriba doctus in regno cælorum, similis est homini patrisfa-
 milias, qui profert de thesauro suo noua & vetera. Non alterum quidem vete-
 ra, alterum autem proferentem noua docuit; sed vnum & eundem. Paterfa-
 milias enim dominus est, qui vniuersæ domui paternæ dominatur, & seruis qui-
 dem & adhuc indisciplinatis condignam tradens legem, liberis autem & fide
 iustificatis congruentia dans præcepta filiis; adaperiens suam hæreditatem.
 Scribas autem & doctores regni cælorum, suos dicebat discipulos, de quibus
 alibi ait Iudæis: Ecce mitto ad vos sapientes, & scribas, & doctores: & ex eis oc-
 cidetis, & effugabitis à ciuitate in ciuitatem. Ea autem, quæ de thesauro pro-
 ferunt, noua & vetera, sine contradictione duo testamenta dicit. Vetus enim
 quod fuerat, legisdatio noua, quæ secundum Euangelium est conuersatio ostē-
 dit, de qua Dauid: Cantate, inquit, Domino canticum nouum. Et Isaias: Can-
 tate Domino hymnum nouum. Initium eius glorificatur nomen eius à summo
 terræ, virtutes eius in insulis annunciantur. Et Ieremias: Ecce disponam, inquit,
 testamentum nouum, non quemadmodum disposui patribus vestris in monte
 Oreb. Vtraque autem testamenta vnus & idem paterfamilias produxit, ver-
 bum Dei Dominus noster Iesus Christus, qui & Abraham & Moyse locutus est,
 qui nobis in nouitate restituit libertatem, & multiplicauit eam quæ ab ipso est
 gratiam. Hæc ille. Quæ quidem hæc vetera & noua futura erant, ex libro Le-
 uitici Origenes explicauit. Comedetis, inquit, vetera, & vetera veterum, & ve-
 tera ex facie nouorum educuntur: & ponam tabernaculum meum in vobis.
 Comedimus enim in benedictione vetera, nimirum propheticos sermones, &
 horum veterum vetera, videlicet legis verba: mox vbi noua venerunt & Euan-
 gelica, viuentes secundum Euangelium, vetera literæ ex facie nouorum edu-
 cimur, & ponit tabernaculum suum in nobis, implens quam dixit repromissi-
 onem, inhabitabo & inambulabo in illis. Qui autem fuerint scribæ & pharisæi
 ex Iosepho patet. Thesaurus iste est sacra scriptura, inquit Beda, continens no-
 uum & vetus testamentum, quorum differentia secundum D. Augustinum, est
 timor & amor: ergo prædicator doctus de thesauro suo profert vetera quando
 prædicat quæ terrent; noua, inducens ad amplexum diuini amoris.

Isaiæ 24.

Notanda autem sunt hoc loco adiuncta boni doctoris. Primùm, quòd de- 80
 bet ad eam rem esse segregatus & insignitus: ideo scribas eos appellat, qui ad
 hoc munus erant designati, vt docerent.

Deinde

81 **D**Einde, oportet eum esse doctum, & magnum thesaurum eruditionis comparare, vt alios doceat. Profert, inquit, de thesauro suo noua & vetera: hæreticorum doctores docent, quæ ipsi non didicerunt.

82 **T**ertiò, debet spontè & libenter proferre, non coactus, non inuitus, non emptus.

83 **Q**uartò, non eadem debet iterare, sed varietate doctrinæ auditorem reficere, nunc noua, nunc vetera proferendo: hæreticorum est noua confectari, vetera reprehendere ac refutare.

84 **Q**uintò, debet opes proferre: profert, inquit, de thesauro. De thesauro autem opes & diuitiæ proferuntur. Non igitur stramen, neque paleas, tantò minus lutum, aut quid simile.

85 **V**ltimò, nouitatem ipsam non debet confectari, sed quidquid dicit, quidquid docet veterum doctrina, & iudiciis comprobare. Noua autem intelligit Irenæus ac Epiphanius, non vt aliquam nouam confingat & comminiscatur doctrinam; nam hoc hæreticorum est: sed si ea, quæ in veteribus nondum obseruata sunt, ipse obseruet: si nouo modo & ordine res explicet: si noua argumenta ad vetera confirmanda moresque inferendos, exempla item & testimonia eliciat; tum satis noua proferre videbitur. Neque item hoc loco docet, vt legis obseruationem cum euangelio doceat; nam hoc hæreticorum est: sed vt euangelium lege & prophetis illustret, & hos ipsos euangelio: vt item moralia præcepta, atque ciuilia populis proponat atque inculcet.

86 **N**otandū autem est, Apostolos à Christo Domino non idiotas, neque quilibet, vt à Caluino vocantur, sed scribas electos & vocatos esse.

87 **Q**uanta sit vis grani sinapis in tot sapientissimis parabolis apparuit; nunc quàm paruum iterum & vile hoc sinapi in oculis hominum, gentis præsertim suæ ac cognationis erat, videamus. Et factum est, cum consummasset Iesus parabolas istas, transiit inde, & veniens in patriam suam docebat eos in synagogis eorum, ita vt mirarentur, & dicerent: Vnde huic sapientia hæc, & virtutes? nonne hic est fabri filius? Nonne mater eius dicitur Maria? (Miraris cur errēt in fratribus, cum errent in patre,) & fratres eius, inquiūt, Iacobus & Ioseph, Simō & Iudas, & sorores eius, nonne omnes apud nos sunt? Vnde ergo huic omnia ista? & scandalizabantur in eo. Iesus autem dixit eis: Non est propheta sine honore, nisi in patria sua, & in domo sua. Synagogæ fuerunt oratoria atque scholæ Iudæorum, vbi lex docebatur & non amplius. Gauderent autem potius tali populari, & gratularentur, Deum laudarent, quod alias externi faciunt. Mira autem stultitia eorum, mirantur vnde habet sapientiam sapientia, & virtutes virtus; sed error in promptu est, quòd fabri filium suspicantur. De fratribus & sororibus dictum est superius ex Hieronymo. Propemodum naturale est ciues semper ciuibus inuidere. Non enim considerant præsentia viri opera, sed fragilis recordantur infantia, quasi non & ipsi per eosdem ætatum gradus ad maturam ætatem venerint. Et non fecit ibi virtutes multas, propter incredulitatem illorum. Non quòd etiam illis incredulis facere non potuerit virtutes multas: sed ne multas faciens virtutes, ciues incredulos condemnaret. Potest etiam intelligi & aliter: quòd Iesus despiciatur in domo, & in patria sua,

SERIES
EVANGELII.

hoc est, in populo Iudæorum: & ideò ibi pauca signa fecerit, ne penitus inexcusabiles fierent. Maiora autem signa quotidie in gentibus per Apostolos facit, non tam in sanatione corporum, quàm in animarum salute. Fabrum hunc venustè simul & grauitè exponit Hilarius. Inhonoratur Dominus à suis, quam & docendi prudentia, & operandi virtus, admirationem commoueret; infidelitas tamen eorum, veritatem iudicii non recipit. Non enim credunt hæc in homine Deum agere, quin etiam patrem ipsius, matrem, fratresque nuncupant, & paternæ artis quodam opprobrio laceffunt. Sed planè hic erat fabri filius, ferrum igne vincentis, omnem seculi virtutem iudicio decoquentis, massamque formantis in omne opus vtilitatis humanæ, formam scilicet corporum nostrorum, & materiam in diuersa membrorum ministeria, & ad omnia vitæ æternæ opera fingentis. In his igitur scandalizabantur omnes, & inter tot, tamque magnifica, quæ gerebat, corporis eius contemplatione commouebantur: quibus Dominus inhonorabilem in patria sua prophetam esse respondit; quia in Iudæa esset vsq; ad crucis sententiam contemnendus. Et quia penes solos fideles Dei virtus est, propter eorum incredulitatem omnibus diuinæ virtutis operibus abstinuit.

Notandum primùm, nihil difficilius esse mutua lætitia, ac cognata & proxima gratulatione, quod D. Chrysostomus eximiè explicat. Sed benè est, inquit, quòd lamentantibus cõdoleamur, meritò præcipit: aliud verò cum nihil magni sit, vt quid iussit? Atqui illud ipsum maiore philosophia opus habet, nimirum gaudere cum gaudentibus, quàm quòd flendum dicit cum flentibus: istud enim & ipsa natura vtrò facit. Nemo siquidem adeò lapideus est, vt eum qui in calamitatibus est, non defleat. Illud valde generosam mentem requirit, vt non solum non inuideat ei, qui clarus est ac celebris, sed & congaudeat, vnde & priore loco illud posuit. Nihil enim ita dilectione conciliat, quàm quòd & in gaudio & in tristitia alterutrum communicamus. 88

Notandi sunt secundò hoc loco paralogismi, quibus inuidi ciues vtì solèt. 89 Vnde hæc sapientia? vnde virtutes? pauper est, obscurus est, fabri filius. Desuper à patre luminum, qui dat omnibus affluenter, & non improperat. Mater & pater eius sunt nobiscum, ergo eum sapientem, virtutibus præditum esse impossibile est. Quasi verò ad verà sapientiã alia quàm Dei dona requiratur, & intersit, vnde quis aut vbi parentelas habeat. Nouimus eum: ergo ille nihil præclarum nouit. Vana est hæc inuidia logica: quasi verò Deus humilia potius nō respiciat, & alta à longè cognoscat. Quòd si aliquis ideò imperitus, ignarus, nullius momenti, quia apud vos natus, quia vobiscum conuersatur: ergo vos ipsi homines flocci, nequam, improbi: sic inuidia seipsam prodit, seipsam deprimat. Nunquid non Abraham pater vester ex Sara gentili natus est? nonné Dauid de post foetantes in regem assumptus est? nonné Moyses pecus Iethro soceri sui pascebat, cum in Deum Pharaonis constitutus est?

Notandum tertio, multitudinem stultam, ea tantum iucunda & vtilia habere, quæ præsentia sunt, quæ ante oculos sunt, eaque inculcare: eorum autem quæ aliquando fuerunt obliuisci. Atqui hic ipse Nazarenus, hic ipse popularis vester, hic idem est filius Abraham, filius Dauid. 90

Notan-

91 **N**Otandum quartò, ad quàm paruas, & exiguas reliquias res magnæ temporis successu deiiciantur. Profapia Davidis atq; Salomonis ad fabrum reuocatur: Ezechia regis ad oppidanum obscuri oppidi deducta est, cuius ipsamet posteritatē pœnitet, & quam tanquam infamem Christo Domino obiicit.

92 **N**Otandum quintò, inuidiam maximè in proxima sequi, cum illisq; contendere, vnde illud Alexandri: qui posteaquam Asia potitus esset, inuidumque suum vidisset exclamauit: Euasisti fortuna mea, superior est inuidia tua.

93 **N**Otandum sextò, infidelitatem multa præclara opera & virtutes impedire. Non fecit illic multas virtutes, propter incredulitatem illorum. Per hæc enim docemur, inquit Origenes, quòd virtutes in his factæ fuerint, qui credebant. Quoniam omni habenti dabitur, & abundabit. In incredulis autem nō solum non operabantur virtutes, verum vt Marcus scribit, ne poterant quidem operari. Ac fortassis, quemadmodum in corporibus naturalis quidam attractus quibusdam ad quædā inest, veluti magneti lapidi ad ferrum, & bitumini quod dicitur naphtha ad ignem; sic huiusmodi fidei ad diuinam virtutem.

94 **Q**VAESTIONES EVANGELICAE D. AVGVSTINI: Quod dicit aliud centesimum, sexagesimum aliud, aliud tricesimum: centesimum martyrum propter satietatem vitæ, vel contemptum mortis. Sexagesimum virginum propter otium interius, quia non pugnant contra consuetudinem carnis: solet enim otium concedi sexagenariis post militiam, vel post actiones publicas. Tricesimum coniugatorum, quia hæc est ætas præliantium: ipsi enim habent acriorem conflictum, ne libidinibus superentur.

95 **Q**VAESTIO SECUNDA. Et oculos suos clauferunt, ne quando oculis videant: id est, ipsi causa fuerunt, vt Deus oculos eis clauderet. Alius enim Evangelista dicit: Excoecauit oculos eorum. Sed vtrum vt nunquam videant quæredum, an verò vt vel sic aliquando videant, cœcitate sua sibi displicentes, & se dolentes; vt ex hoc humiliati & commoti ad confitenda peccata sua, & piè querendum Dominum. Sic enim Marcus hoc dicit: Ne quando conuertantur & dimittantur eis peccata. Vbi intelliguntur peccatis suis meruisse, vt non intelligerent & sua cognoscerent, & conuersi veniam mererentur. Quòd autem Ioannes hunc locum ita dicit: Propterea non poterant dicere, quia iterum dixit Isaias: Excoecauit oculos eorum, & indurauit cor eorum, vt non videant oculis, & intelligant corde, & conuertantur, & sanem eos: aduersari videtur huic sententiæ, & omninò cogere, vt quod hîc dictum est, Ne quando oculis videant, non accipiatur, Ne vel sic aliquando oculis videant; sed prorsus vt non videant. Et quod ait: Propterea non poterant credere. Quòd si ita est, quis non exurgat in defensionem Iudæorum, vt eos extra culpam fuisse proclamet, quòd non crediderunt? Propterea enim non poterant credere, quia excoecauit oculos eorum. Sed quoniam Deus potius extra culpam debet intelligi, cogimur fateari, aliis quibusdam peccatis ita eos excoecari meruisse, qua tamen excoecatione non potuerunt credere. Verba enim Ioannis ista sunt: Propterea non poterant credere: quia iterum dixit Isaias: Excoecauit oculos eorum. Frustra itaque conamur intelligere ideò fuisse cœcatos, vt non conuerterentur; cum ideò con-

ueri non poterant, quia non credebant; & ideo credere non poterant, quia excœcati erant. An fortè non absurdè dicimus, quosdam Iudæorum fuisse sanabiles: sed tantò tum superbiæ periclitatos tumore, vt eis expedierit primum non credere: & ad hoc fuisse cœcatos; vt non intelligerent Dominum loquentem per parabolas: quibus non intellectis, non in eum crederent; non credentes autem cum cæteris desperatis crucifigerent eum: atq; ita post eius resurrectionem conuerterentur, quando iam de reatu mortis Domini amplius humiliati vehementius diligerent, à quo sibi tantum scelus dimissum esse gauderent. Quoniam tanta erat eorū superbia, vt tali humiliatione esset deiicienda. Quod incongruè dictum esse quilibet arbitretur, si non ita contigisse in Actibus Apostolorum manifestissimè legerit. Non ergo abhorret, quod ait Ioannes: Propterea non poterant credere, quia excœcauit oculos eorum, vt non videant, ab ea sententia qua intelligimus ideo excœcatos, vt conuerterentur: hoc est, ideo eis per obscuritates parabolarū occultatas sententias Domini; vt post eius resurrectionem salubriore pœnitentia resipiscerent: quia per obscuritatem sermonis excœcati, dicta Domini non rectè intellexerunt; & ea non intelligendo non in eum crediderunt; non credendo crucifixerunt eum, atq; ea post eius resurrectionem miraculis, quæ in eius nomine fiebant exterriti, maiore criminis reatu compuncti sunt, & prostrati ad pœnitentiam; deinde accepta indulgentia, ad obedientiam flagrantissima dilectione conuersi. Nam quibus non profuit illa cœcitas ad conuersionem, quæ per linguam parabolarum fiebat: ita de illis propheta alio loco dicit, quod etiam Apostolus commemorauit, cum de obscuritate linguarum ageret: In aliis linguis, & in aliis labiis loquor populo huic, & ne sic me exaudient; dicit Dominus. Non enim diceretur, Ne sic me exaudient; nisi ad hoc fieret, vt vel sic exaudirent, id est, vt eis ad humilem confessionem, & sollicitam inquisitionem, & obedientem conuersionem, & feruentem dilectionem valeret. Est verò ista etiam ratio medicinæ corporalis. Nam & pleraque medicamenta prius affligunt, vt sanent, & ipsa collyria quæ ad oculos pertinent, si ea opus est intrinsecus infundi, nisi sensum videndi prius claudant & perturbent, prodesse non possunt. Nec moueat, quod idem propheta dicit: Nisi credideritis non intelligetis. quasi contrarium sit, quod ait Ioannes: Propterea non poterant credere, quia excœcauit oculos eorum, id est, quia illæ parabolæ ita dicebantur, vt ab eis non possent intelligi. Dicit enim aliquis: Sin intelligerent, credere debebant: quomodo propterea non poterant credere, quia non intelligebant? hoc est, Quia excœcauit oculos eorum. Sed quod ait Ilaïas: Nisi credideritis, non intelligetis, de illa intelligentia dictū est, in qua semper manebitur rerum ineffabilium. Cum autem dicitur, quod credatur; nisi quod dicitur intelligatur, credi non potest. Intelligenda ergo sunt dicta vt credantur, quæ dici non potuerunt; credenda autem quæ dici potuerunt, vt intelligantur, quæ dici non possunt.

QVAESTIO TERTIA. Omnis immunditia in segete zizania dicitur. Quod 96 primò separaretur, zizania dicitur: quia tribulatione præcedente separabuntur impij à pijs, quod per bonos angelos intelligitur fieri. Quia officia vindictæ possunt impleri boni, bono animo, quomodo lex, quomodo iudex: officia verò misericordiæ, mali implere non possunt.

QVAESTIO QVARTA. Cum autem dormirent homines, venit inimi- 97
cus

cus eius, & superfeminavit zizania in medio tritici, & abiit. Cùm negligentius agerent præpositi Ecclesiæ, aut cùm dormitionem mortis acciperent Apostoli, venit diabolus, & superfeminavit eos, quos malos filios Dominus interpretatur. Sed quæritur, vtrum hæretici sint, an malè viuentes catholici? Possunt enim dici filij mali etiam hæretici, quia ex eodem euangelij semine, & Christi nomine procreati, prauis opinionibus ad falsa dogmata conuertuntur. Sed quod dicit eos in medio tritici seminos, quasi videntur illi significari, qui vnius communionis sunt. Verumtamen quum Dominus agrum ipsum non Ecclesiam, sed hunc mundum interpretatus est, benè intelliguntur hæretici: quia non societate vnius ecclesiæ, vel vnius fidei, sed societate solius nominis Christiani, in hoc mundo permiscetur bonis: at illi qui in eadem fide mali sunt, palea potius quàm zizania deputantur, quia palea etiam fundamentum ipsum habet cum frumento radicemque communem. In illa planè sarena, qua concluduntur & mali & boni pisces, non absurdè mali catholici intelliguntur. Aliud est enim mare, quod magis mundum istum significat: aliud sarena, quæ vnius fidei, vel vnius ecclesiæ communionem videtur ostendere. Inter malos hæreticos & malos catholicos hoc interest, quòd hæretici falsa credunt; illi autem vera credentes, non viuunt ita vt credunt. Solet autem etiam quæri, schismatici quid ab hæreticis distent, & hoc inueniri, quòd schismaticos non fides diuersa faciat, sed communionis disrupta societas. Sed vtrum inter zizania numerandi sint, dubitari potest. Magis autem videntur spicis corruptis esse similiores, sicut scriptum est. Vento autem corrumperetur filius iniquus, vel paleis aristarum fractis, vel scissis, & de segete abruptis. Quò enim altiores, id est superbiores, eò fragiliores, leuioreque sunt: nec tamen consequens est, vt omnis hæreticus & schismaticus corporaliter ab ecclesia separetur. Si enim falsa de Deo credit, vel de aliqua parte doctrinæ, quæ ad fidei pertinet ædificationem, ita vt non cunctatione quærentis tentatus sit, sed inconcussè credentis, nec omnino scientis opinione & errore discordans, hæreticus est, & foris est animo, quamuis corporaliter intus videatur. Multos enim portat tales Ecclesia, quia non ita defendunt falsitatem sententiæ suæ, vt intentam multitudinem faciant, quod si fecerint, tunc pellantur. Item quicumque inuidet bonis, ita vt quærant occasiones excludendi eos, aut degrauandi; vel crimina sua sic defendere parati sunt, si obiecta vel prodita fuerint, vt etiam conuenticulorum segregationes, vel Ecclesiæ perturbationes cogitent excitare; iam schismatici sunt, & ab vnitæ corde discissi, etiam si non inuentis occasionibus, aut occultatis factis suis, sacramento Ecclesiæ corporali conuersatione sociantur. Quapropter illi soli catholici mali rectè deputantur, qui quamuis vera credant, quæ ad veram fidei doctrinam pertinent, & si quid fortè nesciunt, quærendum existiment, & salua pietate discutiant, sine aliquo præiudicio ipsius veritatis, & bonos, vel quos bonos putant, ament atque honorent quantum possunt; tamen flagitiosè atque facinorosè viuunt, contrà quàm viuendum esse credunt. Tales enim etiam si prodantur, aut accusentur, pro disciplina Ecclesiæ, salutisque suæ causa correpti, vel à communionem suspensi, nullo modo sibi recedendum esse à communionem Catholicæ fidei existimant, quomodocumque permissi fuerint satisfactionis quærentes locum, & aliquando per poenitentiam in frumenta mutantur, siue correpti, siue remoti, siue etiam verbo Dei nullo nominatim accusante, aut increpante perterriti. Aliquando autem etiam sub nomine poenitentium ita viuunt

Eccles. 5.

Psalm. 77.

Luc. 18.

Ioan. 18.

vt solent, aut non multò minùs, quidam etiam ampliùs, nullo modo tamen à catholica vnitate discedunt. Quibus ita viuentibus, si mors obrepserit, palea deputantur vsq; in finem. Hoc etiam ipsi credunt. Nam si aliter credunt, & inconculsè tenent, iam inter hæreticos numerandi sunt, putantes omnibus Deum, etiam in magna iniquitate vsq; in finem vitæ perseuerantibus, tantum quia Ecclesiæ vnitatem non sincera dilectione, nisi vt benè viuerent, sed magis pœnarum timore tenuerunt, veniam daturum. Isti ergò non hoc credunt, vel non firmiter opinantur, etsi adhuc forsitan quærunt, sed magis eos decipit spes dilationis, dum se diutiùs victuros putant, & perditos mores aliquando in meliùs mutaturos. Contra quos dicitur: Ne tardes conuerti ad Deum, neq; differas de die in diem: Subitò enim veniet ira eius, & in tempore vindictæ disperdet te. Illi enim conuertuntur, qui rectè viuere incipiunt; hoc est enim ad Deum redire. Qui autem concupiscentias suas perseueranter sequuntur; dorsum quodammodo habent ad Deum, quamuis in vnitate constituti, sæpè illum re-torto collo conentur aspicere. Ergò & isti, vt ait Propheta, caro sunt & spiritus ambulans & non reuertens. Sed tamen, vt dictum est, propter eandem fidem, atq; vnitatem Ecclesiæ, neq; inter zizania, quoniam illa extra radicata sunt; neq; inter aristarum paleam, quæ se etiam frumentis audet aspera dissensione & fragili elatione superimponere; sed quamuis subiectam frumentis, tum inter paleam, quæ vltima ventilatione separanda est, numerantur. Boni autem Catholici sunt, qui & fidem integram sequuntur, & mores bonos. Quod autem ad fidei doctrinam pertinet, ita quærunt, si quid quærendum habent, vt absit concertatio periculosa, vel quærenti, vel ei cum quo quæritur, vel eis qui differentes audiunt. Ita autem docent, si quid docendum habent, vt vfitata & confirmata securissimè & fidentissimè, & lenissimè vt possunt insinuent: inu-fitata verò etiam si veritatis manifestatione liquidissima perceperunt, quæren-di potius quàm præcipiendi, aut affirmandi modo, propter audientis infirmi-tatem. Si autem tantum habet pondus aliquod verum, vt vires discantis exce-dat, suspendendum est vt extendat crescentem, non imponendum vt obterrat paruulum. Inde est enim illud Domini: Sed filius hominis cùm venerit, putas inueniet fidem in terra? Aliquando autem & occultandum est, sed cum spe hortatoria, vt non faciat desperatio frigidiores, sed desiderium capaciores. In-de est illud eiusdem Domini: Multa habeo vobis dicere, sed non potestis por-tare modò. Quod ergò ad mores pertinet, hoc benè & breuiter dicitur: aut conflagrandum est cum amore temporalium bonorum, vt non vincat: aut etiam edomitus subditusq; esse debet; vt cum surgere cœperit, facilè reprimatur: aut ita extinctus, vt se omnino nulla ex parte commoueat. Ex quo fit, vt etiam ipsam mortem propter veritatem, alij fortiter obeant, alij æquanimiter, alij li-benter. Quæ tria etiam genera fructus sunt fertilis terræ triceni, & sexageni, & centeni. In horum aliquo genere inueniendus est tempore mortis suæ, si quis de hac vita rectè cogitat emigrare. Toleranda sunt autem non solùm zi-zania vsq; ad messem: quæ cùm Diabolus asperis prauis erroribus, falsisq; opinionibus superfeminasset, hoc est, præcedente nomine Christi hæreses su-periecisset, magis ipse latuit atq; occultissimus factus est, hoc est enim, & abiit: sed etiam palea vsque ad ventilationem. Nec probatur fortiùs grauitas fru-mentorum, nisi palea perturbationibus, quas cùm premere non potuerit veri-tate defensa, cesserit falsitas vnitate seruata. Quanquam in hac parabola Domi-nus,

nus, sicut in eius expositione concludit, non quædam, sed omnia scandala, & eos qui faciunt iniquitatem, zizaniorum nomine significasse intelligitur.

98 **QVÆSTIO** Sexta. Cùm autem creuisset herba, & fructum fecisset; tunc apparuerunt & zizania. Cùm enim spiritalis homo esse cœperit dijudicans omnia; tunc ei errores incipiunt apparere. Serui autem dixerunt ei: Vis imus & colligimus ea? Vtrum & ipsi sint serui, quos paulò post messorum appellat: an quia in expositione parabolæ messorum dixit esse Angelos, nec quisquàm facile dicere ausus fuit angelos nescisse, quis zizania superseminauerit, & ea tunc apparuisse angelis cùm herba fructum fecisset: magis oportet intelligi homines ipsos fideles seruorum nomine hoc loco significatos, quos etiam bonum semen dicit. Nec mirum, si & bonum semen ipsi dicuntur, & serui patrisfamilias: sicut & de se ait, quòd ipse sit ianua, & quòd ipse sit pastor. Ex diuersis enim significationibus vna res etiam plures & diuersas similitudines recipit, præsertim, quia cùm ad seruos loqueretur, non ait: In tempore messis dicam vobis: Colligite primùm zizania; sed dicam, inquit, messoribus. Vnde intelligitur colligendorum zizaniorum ad comburendum alia esse ministeria, nec quenquàm Ecclesiæ filium debere arbitrari, ad se hoc officium pertinere. Cùm igitur esse spiritalis quisquàm cœperit, cognoscit errores hæreticorum, & omninò dijudicat atq; discernit, quicquid audierit aut legerit abhorrire à regula veritatis; sed donec quis in eisdem spiritalibus perficiatur, & quodammodo maturescat in fructum quem herba dedit, potest eum mouere, quare sub nomine Christiano tam multæ hæreticorum extiterint falsitates. Inde etiam est, quod serui dicunt: Nonne bonum semen seminasti in agro tuo? unde ergò habet zizania? Deinde cùm cognouerit hanc excogitasse fraudem diabolum, cùm contra tanti nominis authoritatem nihil se valere sentiret, vt fallacias suas eodem nomine obtegeret: potest ei suboriri voluntas, vt tales homines, è rebus humanis auferat, si aliquam temporis habeat facultatem: sed vtrum facere debeat, iustitiam Dei consulit, vtrum hoc ei permittat, & hoc officium esse hominum velit. Hinc est, quod serui dicunt: Vis imus & colligimus ea? Quibus veritas ipsa respondet: Non ita hominem constitutum esse in hac vita, vt certus esse possit, qualis quisq; futurus sit postea, cuius in præsentia cernit errorem, vel quid etiam error eius conferat ad profectum bonorum: non esse tales auferendos de hac vita: ne cùm malos conatur interficere, bonos interficiat, quòd fortè futuri sunt, aut bonis obsit, quibus & inuiti fortè utiles sunt; sed tunc opportunè fieri, cùm iam in fine non restat tempus commutandæ vitæ, vel proficiendi ad veritatem ex occasione atq; comparatione alieni erroris. Tunc autem hoc non ab hominibus, sed ab angelis fieri. Inde est, quod respondet paterfamilias: Non: ne fortè colligentes zizania, eradicetis simul & triticum: sed in tempore messis dicam messoribus. &c. Atq; hoc modo eos patientissimos & tranquillissimos reddidit. Quæri autem potest, quod ait: Alligate fasciculos ad comburendum: cur non vnum fascem, aut non vnum acerum zizaniorum fieri dixit? Nisi fortè propter varietatem hæreticorum, & non solùm à tritico, verumetiam à seipsis discrepantium, ipsa vniuscuiusq; hæreseos propria conuenticula, in quibus singulatim sua communione deuincti sunt, nomine fasciculorum designauit. Vt iam tunc incipiant alligari ad comburendum, cùm à Catholica communione segregati suas proprias qua-

si ecclesias habere cœperunt, vt combustio eorum sit in fine seculi, modò alligatio fasciculorū. Sed si ita esset, non iam multi resipiscendo, & in catholicam remeando ab errore desciscerent. Quapropter & alligatio fasciculorum in fine futura est, vt non confuse, sed pro modo peruersitatis suæ vniuscuiusq; erroris pertinacia puniatur: Ne fortè colligentes zizania, eradicetis simul & triticum. Verùm intuendum, quia etiam boni, cū adhuc infirmi sunt, opus habent in quibusdam malorum permixtione; siue vt per eos exerceantur, siue vt eorum comparatione magna illis exhortatio fiat, vt nitantur ad melius; quibus sublati, altitudo charitatis quasi euulsa marcescat, quod est eradicari. Nam sic ait Apostolus: Vt in charitate radicati & fundati possitis comprehendere. An fortè ideò simul eradicatur triticum cū auferuntur zizania; quia multi primò zizania sunt, & postea triticum fiunt? Qui nisi patienter cū mali sunt tolerantur, ad laudabilem mutationem non perueniunt: itaque si euulsi fuerint, simul eradicabitur & triticum, quod futuri essent, si eis parceretur.

Eph. 3

QVÆSTIO SEPTIMA. Simile est regnum cælorum homini negotiato- 99
ri, quærenti bonas margaritas: inuenta autem vna pretiosa margarita, abiit & vendidit omnia quæ habuit, & emit eam. Quæstio est, cur à numero plurali ad singularem transierit; vt cū quærat homo bonas margaritas, vnam inuenit pretiosam, quam venditis omnibus quæ habet emat. At ergo negotiator iste bonos homines quærens, cum quibus vtiliter viuat; inuenit vnum præ omnibus sine peccato, mediatorem Dei & hominum hominem Christum Iesum. Aut præcepta iustitiæ quærens, quibus seruatis, cum hominibus rectè conuersetur; inuenit dilectionem proximi, in quo vno, dicit Apostolus, omnia contineri; vt Non occides, non moechaberis, non furtum facies, non falsum testimonium dices, & si quod est aliud mandatum, singulæ margaritæ sint, quæ in hoc sermone recapitulantur: Diliges proximum tuum tanquàm teipsum. Aut bonos intellectus homo quærit, & inuenit vnum illum, quo cuncti continentur: In principio erat verbum, & verbum erat apud Deum. Est enim verbum Domini lucidum candore veritatis, & solidum firmitate æternitatis, & vndiq; sui simile pulcritudine diuinitatis, qui Deus penetrata carnis testudine intelligendus est. Ille enim ad margaritam ipsam peruenerat, quæ in tegumentis mortalitatis quasi concharum obstaculo, inter profunda huius seculi, atq; inter duritias faxeas Iudæorum aliquando latuerat. Ille ergò ad margaritam ipsam iam peruenerat, qui ait: Etsi noueramus Christum secundum carnem, sed nunc iam non nouimus. Nec vllus omninò intellectus margaritæ nomine dignus est, nisi ad quem discussis omnibus carnalibus tegminibus peruenitur: quibus siue per verba humana, siue per similitudines circumpositas operitur, vt purus & solidus, & nusquàm à se dissonans certa ratione cernatur. Quos tamen omnes veros, & firmos, & perfectos intellectus vnus ille continet, per quem facta sunt omnia, quod est verbum Dei. Quodlibet autem horum trium sit, vel si quid aliud occurrere potuerit, quod margaritæ vnius & pretiosæ nomine bene significetur premium eius, est, nos ipsi, qui ad eam possidendam non sumus liberi, nisi omnibus pro nostra liberatione contemptis, quæ temporaliter possidentur: venditis enim rebus nostris, nullum earum maius accipimus pretium, quàm nosipsos, quia talibus implicati nostri nō eramus. Vt rursus nosipsos pro illa margarita damus, nō quia tanti valeamus, sed quia plus dare nō possumus.

Quæstio

100 **Q**VAESTIO OCTAVA. Granum sinapis, ob feruorem fidei, vel quòd dicatur venena expellere, maius fit omnibus oleribus, id est, dogmatibus. Dogmata autem sunt placita sectarum, id est, quòd placuit singulis sectis.

101 **Q**VAESTIO NONA. Fermentum quod accepit mulier, & abscondit in farinæ satis tribus. Mulierem sapientiam dicit, fermentum dilectionem: quòd feruere facit & excitat. In farinæ autem satis tribus, vel tria illa in homine, ex toto corde, ex tota anima, & ex tota mente, vel tria illa fructifera, centesimū sexagesimū, tricenū, vel tria illa genera hominū, Noe, Daniel & Iob intelliguntur.

102 **Q**VAESTIO DECIMA. Et sine parabolis non loquebatur eis: Non quòd nihil locutus est, sed quia nullum ferè sermonem explicauit, vbi non aliquid per parabolam significauit, quamuis in eo aliqua & propriè dixerit; ita vt sæpè inueniatur totus sermo parabolis explicatus, totus autem propriè dictus nullus inueniatur. Explicatos autem sermones dico, quando ex aliqua rerum incipit loqui, quousq; terminet, quicquid ad ipsam rem pertinet, & transeat ad aliud. Nonnunquam alius Euangelista contexit, quod alius diuersis temporibus dictum indicat. Non enim omnimodo secundum rerum gestarum ordinem, sed secundum suæ quisque recordationis facultatem, narrationem quam exorsus est, ordinauit.

103 **Q**VAESTIO VNDECIMA. Intellexistis hæc omnia? dicunt ei: Etiam. Ait illis: Ideo omnis scriba doctus in regno cœlorum, similis est homini patrifamilias, qui profert de thesauro suo noua & vetera. Vtrum ista conclusione exponere voluit, quem dixerit thesaurum in agro absconditum. Quoniam sanctæ scripturæ intelliguntur, quæ nomine duorum testamentorum, noui & veteris concluduntur. Quemadmodum apud alium Euangelistam, gladium bis acutum tali conclusione videtur exponere. An quia in parabolis ista locutus est: & cum quæsisset ab eis, vtrum intellexissent, responderunt se intellexisse. Fortasse ista similitudine vltima patrifamilias proferentis de thesauro suo noua & vetera, ostendere voluit; eum doctum habendum esse in Ecclesia, qui etiam scripturas veteres parabolis explicatas intellexerit; ab istis nouis accipiens regulas: quia & ista per parabolas Dominus enuntiauit: quamuis ipse Christus esset finis illorum, id est, vt in eo illa vetera complerentur: vt si ipse, in quo illa complentur & manifestantur, per parabolas adhuc loquitur, donec eius passio velum discindat, vt nihil sit occultum, quod non reueletur; multò magis illa, quæ ad commendandam tantam eius salutem, tam longè de illo scripta sunt, parabolis operta esse nouerimus: quæ cum Iudæi ad literam acciperent, noluerunt esse docti in regno cœlorum, neq; transire ad Christum, vt auferetur velamen, quod supra cor eorum positum est.

104 **Q**VAESTIO DVODECIMA. Fratres eius Iacobus, & Ioseph, & Simon, & Iudas, & sorores eius, nonné omnes apud nos sunt? Vnde ergò huic omnia ista? & scandalizabantur in eo. Fratres apud Iudæos dici solere cognatos, vsque adeò probatur; vt non solum ex propinquo generationis gradu, sicut sunt filij fratrum & sororum, qui etiam apud nos vsitatissimè fratres dicuntur; sed etiam auunculus, & sororis filius, sicut sibi erant Iacob, & Laban, fratres appellati inueniantur. Non ergò mirum est, dictos esse fratres Domini, ex materno genere quos-

quoscunq; cognatos, cū etiam ex cognatione Ioseph, dici potuerunt fratres eius, ab eis, qui illum patrem Domini esse arbitrabantur.

QVAESTIO DECIMATERTIA. Quod dixerunt Iudæi: Vnde huic sapientia hæc, & virtutes? Sapientia in his quæ loquebatur, virtutes in his quæ operabatur: ideoq; & Apostolus cū dixit, Christum Dei virtutem & Dei sapientiam: virtutem ad signa retulit, propter Iudæos: sapientiam autem ad doctrinam, propter Græcos, id est, gentiles.

Caput XIV.



MISCENTVR TRISTIA LAETIS, CAEDES IOANNIS EXPO-
nitur, multa millia turbarum quinq; satiantur panibus. Occasio
historiæ de morte Ioannis hæc est. Peruenit ad Herodem fama
nominis Christi, ac miraculorum eius, putabat hic Ioannem de
morte surrexisse, & eundem esse, alio vtentem nomine, nunc di-
ctum Iesum, capacem illius virtutum, quæ prius operabantur in
Ioanne. Vel fortasse talis quædam fuit in eo suspicio, quod virtutes, quæ ope-
rabantur in Ioanne, translata fuerint in Iesum: ob quas Ioannes Baptista Mes-
sias esse creditus fuerat in populo: Vel quod probabilius Origeni videtur, per
similitudinem est dictum, vt sicut in spiritu & virtute Helix Ioannes præcesse-
rat; sic isti nunc suspicentur de Ioanne & Iesu. Nam cū profelytus esset, iam
aliquam cognitionem de futura resurrectione à Iudæis contraxerat. Quare et si
Ioannes signa viuis nulla fecit, putabat tamen illum eam gratiam per resurre-
ctionem consecutum, ob iniquam cædem. In illo tempore, audiuit, inquit,
Herodes Tetrarcha, famam Iesu, & ait pueris suis: Hic est Ioannes Baptista,
ipse surrexit à mortuis, & ideo virtutes operantur in eo. Hinc igitur occasione
sumpta, narrat modum mortis Ioannis Matthæus. Herodes enim, inquit, tenu-
it Ioannem. Quis autem iste fuerit Herodes, & vnde occasio mali orta sit, de-
scribit Hieronymus, alii item Euangelistæ. Vetus narrat Historia, Philippum
Herodis maioris filium (sub quo Dominus fugit in Ægyptum) fratrem huius
Herodis sub quo passus est Christus, duxisse vxorem Herodiadem filiam regis
Arethæ: postea verò sororem eius exortis quibusdam contra generum simulta-
tibus tulisse filiam suam, & in dolorem prioris mariti Herodis inimici eius nu-
ptiis copulasse. Quis sit autem hic Philippus, Euangelista Lucas plenius docet:
Anno quintodecimo imperii Tiberii Cæsaris, procurante Pontio Pilato Iudæ-
am, Tetrarcha autem Galilææ Herode, Philippo verò fratre eius Tetrarcha
Ituræ & Traconitidis regionis. Ergo Ioannes Baptista, qui venerat in spiritu &
virtute Helix, eadem autoritate, qua ille Achab corripuerat, & Iesabel, argu-
it Herodem, & Herodiadem, quod illicitas nuptias fecerint, non licere fratre
viuente germano vxorem illius ducere, malens periclitari apud regem, quàm
propter adulationem, esse immemor præceptorum Dei. Mortuo enim Herode
Ascalonita, qui interfecit innocentes, diuisum est regnum eius in duas partes.
Itaque Archelaus filius eius habuit medietatem, vt supra dictum est: altera au-
tem medietas fuit diuisa in duas partes, & vna data est Herodi, & altera
Philippo, qui erant iuniores, & ideo dicitur Tetrarcha, à quarta parte regni, cui
parti

parti regni præerat: quia Romani à Iudæis abstulerant nomen regium, ad frangendam eorum superbiam. Vnde dixerunt coram Pilato: Non habemus regem, nisi Cæsarem. Alligauit, inquit, Ioannem Herodes, & posuit in carcerem propter Herodiam vxorem Philippi fratris sui. Dicebat enim illi Ioannes: Non licet tibi habere eam. Et volens illum occidere, timuit populum, quia sicut prophetam eum habebant. Sciendum est, Herodem Antipam, cuius hîc fit mentio, & Philippum non vterinos fratres fuisse, sed priorem ex Martaca tertia Herodis magni coniuge, alterum autem ex Cleopatra fuisse progenitum. Solutum autem hoc loco Euthymius, vt videtur, Euangelistarum dissidentiam, quam licet hoc loco apponere ex eodem. Marcus dixit, quod Herodias insidiabatur ei, hoc est, molesta illi erat: volebatq; illum occidere. Ait enim, quod Herodes metuebat Ioannem, sciens eum virum iustum, bonum, & sanctum obseruabat illum; quomodo dixit Matthæus, quod volebat eum occidere, timebat autem multitudinem. Præterea, si multa faciebat eorum, quæ Ioannes admonebat, & si libenter eum admonentem audiebat, quare vinxit eum, ac reclusit? Quia quæ dicit Marcus primùm facta fuerant: quæ autem dixit Matthæus, postmodum facta sunt. Primùm enim Herodias negotium facessabat Ioanni, volebatq; illum occidere. Herodes verò non permittebat, sciens eum virum iustum ac sanctum, ideo quoq; audito eo, multa faciebat, & libenter eum audiebat. Quum autem vehementer illum vrgeret, arguens ac increpans eum; tandem Herodes hinc quidem deuinctus molestia, hinc autem vim quodammodo ab Herodiade perpeffus, iam pudorem in iram commutauit, nec omnino quiescens, volebat eum occidere: timens verò populum, vinxit eum quasi puniens, & ligauit eum, ne varia loca circumiens obiurgaret eum. Arguebat autem illum Ioannes, vt qui contra legem haberet vxorem fratris sui. Dubius verò de causis eum increpabat: primùm quidem, quod viuente fratre suo abstulerat violenter & vxorem illius & tetrarchiam. Deinde, quod etiam, cum ipsa ex illo filiam peperisset, duxerat eam; quorum vtrumq; vt contra legem minimè licebat. Iubebat enim lex fratris vxorem ducere, non tamen adhuc viuentis, neque eam, quæ ab illo prolem suscepisset. Gratis illa dicuntur à Caluino, historiæ inscitia factum esse, vt multi superuacaneâ disputationem ingesserint, liceatne mihi ducere vxorem, quæ prius fratri meo nupta fuit. Quanquàm à tali coniugio abhorret naturæ pudor: raptum tamen magis damnat Ioannes, quàm incoestum; quia Herodes per vim vel fraudem fratrem suum legitima vxore spoliauerat: et alioqui cum minùs ei licebat, neptem suam, quàm fratris mortui vxorem ex viduitate sumere. Die autem natalis Herodis saltauit filia Herodiadis in medio, & placuit Herodi. Obseruandum est, nullum alium obseruasse diem natalis sui, nisi Herodem & Pharaonem, vt quorum erat par impietas, esset & vna solennitas. Vterq; illum sanguine fœdauit, quanquàm auctore Origene, Herodes Pharaone fuerit iniquior: siquidem ab illo in natalitijs pistorum princeps occiditur: ab hoc autem Ioannes, quo maior inter natos mulierum nullus surrexit. Monet autem exemplum nos, magis diem mortis timendo, quàm natiuitatis celebrare luxuriando. Non potest excusari Herodes propter homicidium, quia adhuc iurauerat, vt futuræ occasione machinas præpararet. Vnde & cum iuramento, inquit, pollicitus est ei dare, quodcumq; postulasset ab eo. Leuitas amoris, pro vna saltatiuncula dimidium regni dare. At illa præmonita à matre sua. Da mihi, inquit, hîc in disco caput Ioannis Baptistæ.

Time-

Timebat Herodias, ne illicitæ nuptiæ soluerentur: propter quod præmonebat filiam eius caput postulare; vt linguam haberet in potestate, quam sciebat velle prohibere incoestum. Petit statim, ne fortè Rex pœnitentia ducatur decocta crapula. Petit autem sibi dari caput in disco. Da mihi hîc in disco caput Ioannis Baptistæ. Non postulat, inquit Chrysostomus, vt coràm producat, atq; interficiatur. Nec enim etiam ad mortem euntis libertatem ferre potuisset, sed exhorruisset etiam, dum necaretur vocem illius. Non enim in extremo tempore vitæ filuisset: ideo, da mihi in disco. Magna enim inflammata cupiditate sum videndi illam linguam silentem. Non enim effugere solum illas redargutiones cupiebat; sed insultare quoq; ac illudere iacenti. Execranda merces impudentis operis, verè tali matre digna filia. Et vide, quot perpetraverit mala: seipsam dedecore affecit, suumq; virum Philippum, & adulterum ac filiam. Deinde occidit quidem adulterij insectatorem, vt adulterium committens, eos qui tunc erant lateret: sed quia ipsum occidit, non solum illos non latuit, verum etiam posteris publicatum est, semperq; in vniuerso mundo publicatur. Et contristatus est rex: si verè contristatus, tum quia virum magnum occisurus erat: tum quia multitudinem in sui odium concitaturus erat. Virtus enim Ioannis etiam apud hostes in admiratione fuit. Quanquam quod dicit Euangelista, contristatum esse Herodem, magis id ad opinionem simul discumbentium, quam ad veritatem factum fuisse, docet Hieronymus. Nequaquam, inquit, Herodes pro huiusmodi petitione contristatus est: sed mos est historicorum, ita res narrasse, sicut tum à præsentibus factæ fuisse videbantur. Simulabat enim iustitiam in facie, cum lætitiâ haberet in mente. Propter iusiurandum autem, & propter eos qui pariter discumbebant, iussit dari. O muliebri mancipium, periurij testes habere metuisti, iniustæ autem cædis tam multos habere spectatores non reformidasti. Te enim temerè iurasse nō oportuit, & quia tum incircumspectè iurasti: melius erat peierare: è duobus namq; malis, leuius eligendum est. Deus autem id sustinuit, simul quidem, vt iustum amplius coronaret, simul etiam, vt his qui iniuste patiuntur, consolationis exemplum relinqueret. misitq; & decollauit Ioannem in carcere. Decollatio, inquit Hieronymus, etsi iuxta literam facta est; nos tamen vsq; hodie cernimus, in capite Ioannis Iudæos Christum, qui caput est prophetarum, perdidisse. Refert Iosephus, in quodam Arabiæ oppido Macheronte nomine, vbi tunc Herodes manebat, capite truncatum fuisse. Quod præcisum allatum est in disco, & datum puellæ, & illa attulit matri suæ. Hoc quoq; ad sceleris atrocitatem accesserat, quod sancti viri caput post mortem ludibrio affectum est. Quis autem exitus Herodiadis fuerit, iuuat hoc loco ex Nicephoro breuiter apponere. Eundū ei quopiam, inquit, brumali tempore erat, & fluuius traijciendus: qui quum glacie constrictus coagmentatusq; esset, pedes eum transibat. Glacie autem rupta (idq; non sine Dei numine) demergitur illa statim capitetenus, & inferioribus corporis partibus lasciuiens, molliusque se mouens saltat, non in terra, sed in vndis: caput verò scelestum frigore & glacie concretum, deinde etiam conuulneratum, & à reliquo corpore non ferro, sed glaciei crustis resectum, in glacie ipsa saltationem læthalem exhibet: spectaculoq; eo omnibus præbito, in memoriam ea quæ fecerat, spectantibus reuocat. Hæc Nicephorus. Et accedentes discipuli, tulerunt corpus eius, & sepelierunt illud. Ioannis & Saluatoris discipulos intelligere possumus. Narrat ecclesiastica historia, sepultum eum esse

in Sc-

in Sebaste vrbe Palestinæ, quæ quondam Samaria fuerat dicta, & à tempore Iuliani principis, paganos inuidentes Christianis, qui sepulchrum eius pia sollicitudine frequentabant, inuasisse monumentum, ossa disperfisse per campos, & rursum collecta igne cremasse, ac denuò disperfisse. Affuerunt tunc temporis ibidè de Hierosolymis monachi, qui mixti paganis ossa legentes, maximam eorum partem congregarunt, & ad patrem suum Hierosolymam detulerunt, at ille misit ea Beato Athanasio, Alexandria Episcopo, ibiq; seruata sunt vsq; ad tempora Theophili eiusdem vrbis Episcopi.

2 **N**Otandum primò sensum futuræ resurrectionis cum natura simul hominibus ab antiquis diebus innatum fuisse. Cuius scintillæ quædã in omni seculo emicabant. In Iobo: Credo quòd redemptor meus viuit, & in nouissimo die de terra surrecturus sum: in Homero, in Pythagora, Platone, alijsq; multis. Nunc in Herode, qui putat Christum à mortuis resurrexisse.

3 **N**Otat secundò Euthymius, rem esse planè admirandam: quòd is qui interemerat, timeret interemptum. Talis est enim qui iniquus est, vt & mortuos timeat: & talis est qui virtutem colit; vt pauorem etiam post mortem immittat viuentibus. Incidente autem occasione de Ioanne, narrat consequenter Euangelista, quomodo mortuus sit. Cerne, inquit Ambrosius, oculos in ipsa morte sceleris tui testes, auersantes conspectum deliciarum. Clauduntur lumina non tam mortis necessitate, quàm horrore luxuriæ. Os aureum illud exangue, cuius sententiam ferre non poterat, conticescit, & adhuc timetur.

4 **N**Otandum tertio leuitatem & vanitatem amoris, pro vna saltatione dimidium regni promitti, & prophetam magnum decollandum dari. Amor seruus est, cæcus est, vinum & mulieres faciunt apostatare etiam perfectos. Seruit Herodes Herodiadi, facere non vult, contristatur ob facinus, & prodit: videt vinctum, timet & obseruat sanctum, videns tamen & sciens perit, cæcus est, & non videt hæc omnia, prophetam prodit. Misera anxietas, semper malam conscientiam torquet.

5 **N**Otandum quartò: ne hoc quidem admodum reprehendendum esse, si quis diem natalem suum in memoriam sibi reuocet, sed ea ratione; vt quoties dies ille recurrit, toties vnusquisq; nostrum admoneatur ad gratias Deo agendas, à quo in hanc vitam productus, complures iam annos eius beneficio transegit: deinde, vt in memoriam reuocet, quàm malè & inutiliter tempus diuinitus concessum passus fuerit perire, tandem vt in reliquum vitæ tempus, eiusdem Dei præsidio se commendet.

6 **N**Otandum quintò, putare quosdam, vagæ & incoestæ libidinis non magnum crimen, aut malum esse, atq; adeò vniuersi concubitus. Non idem videtur Christo: qui, inquit, inspexit mulierem ad concupiscendum, iam mœchatus est eam in corde suo. Non idem D. Paulo, qui fornicatores & adulteros iudicaturum Dominum minatur: qui regnum Dei illos non possessuros, nec Deum visuros affirmat: qui cibum cum illis capere, mensam communem habere nefas esse dicit. Quod idem leges ciuiles docent, quæ liberos istos infames esse volunt, quibus malis, quæ maiora esse possint, non video. Ludicra hæc

quibusdam esse videntur, iocus & risus: atqui maximè seria secum ferunt. Ludicrus fuit saltus Herodiadis, at maximè seriam rem attulit, mortem summi prophetæ. Quatuor autem sunt potissima, & quibus in vita non sunt maiora, quas istæ ineptiæ pariunt plusquàm seria, & quæ non disputatione colliguntur; sed manibus & sensu quotidie contrectantur; & quæ totum vitæ cursum impediunt: Ira Dei: cœcitas mentis: infamia perpetua & contemptus: idq; à vulgatissimo quoq; Labes & infectio corporis perpetuò duratura: Proles & posteritas misera. Mitto seruitutem insolentissimo & indomito animali mulieri, & paupertatem perpetuam. Qui habet aures audiendi audiat.

Ambrosius.

Notandum sextò, leues amores & perturbationes, leuiora iuramenta 7
consequi: vnde veteres dicebant, Amantium iuramenta Iouem ridere, at non Deum Opt. Max. at non sanctum eius natum & filium. Non obligasse autem hoc periurium Herodem, Davidis exemplum docet: qui cùm per Dominum iurasset occidere Nabal virum stultum & impium, atq; omnia quæ ad illum pertinerent demoliri, ad primam intercessionem Abigail foemina prudentis mox remisit minas, reuocauit enssem in vaginam, necnon aliquid culpæ lethali periurio se cõtraxisse doluit. Verùm tutius est hac de re veterum sententias exaudire. Ego non excuso Herodem, quòd inuitus & nolens propter iuramentum homicidium fecerit, qui ad hoc fortè iurauit, vt futuræ occasione machinas præpararet. Alioquin, si ob iusiurandum fecisse se dicit: si patris, si matris postulasset interitum, facturus fuerat, an non? Quod in se ergò repudiaturus fuit, contemnere debuit & in Propheta. Scelus igitur excusat iuramentum, vt sub occasione pietatis impius fieret. Non tantum erat, inquit Origenes, crimen, præcipitasse iusiurandum; quantum erat crimen ob præcipitatum iusiurandum occidere prophetam: quo factum est, vt caput prophetiæ Iudæi non haberent; Christum Iesum totius prophetiæ caput negantes, amputatumq; caput prophetiæ propter iusiurandum, quod peierandum erat potius quàm seruandum. Et Isidorus: Non erat conseruandum sacramentum, quo incautè promittitur malum, veluti si quispiam adulteræ perpetuam cum ea manendi fidem polliceatur. Tollerabilius enim est non implere sacramentum, quàm manere in stupro. Et Theophylactus: Discamus, inquit, quam melius sit peierare, quàm propter iuramentum aliquid impium facere. Frustra igitur hæresis pios reges varijs iuramentis obligat, iuramentum ad rem iniustam non obligat; tamen cauendum est, vbi quis frustra sumpsit nomen Domini, ne eius prætextu abutens ad patrandum aliquod scelus, sacrilegium duplicet.

Notandum septimò: Regum ac Principum familiaritates periculosas esse. 8
Nunc enim Ioannes apud Herodem doctòr, nunc propheta, nunc monitor, nunc vinctus, nunc conuiuij ludibrium, nunc vile mancipium; nunc in palatio, nunc in carcere. Vbi nunc est illa multitudo magna, quæ egrediebatur ad illum ad Iordanem? Nolite igitur confidere in principibus, in filijs hominum, in quibus non est salus.

Notandum octauò: In conuiuium nihil ferum, nihil inhumanum, nihil ad 9
alterius damnum adferri debere. Quis, inquit Ambrosius, non cùm è conuiuiu ad carcerem cursari videret, putaret prophetam iussu esse dimitti? Quis, in quâ, cùm natalè audisset esse Herodis, solenne cõuiuiū celebrari, puellæ opti-
onem

nem eligendi quod vellet datam: missum ad Ioannem ob solutionem non arbitrareretur? Quid crudelitati cum delicijs? quid cum funeribus voluptati? Rapitur ad pœnam propheta tempore conuiuali, conuiuali præcepto, quo non cuperet vel absolui; perimitur gladio, caput eius adfertur in disco. Hoc crudelitati ferculum debebatur, quo insatiata epulis feritas vesceretur.

10 **N**Otat D. Hieronymus in Romana historia Flaminium ducem Romanum, quod accumbenti iuxta meretriculæ latus, quæ nunquam se diceret vidisse hominem decollatum, assensus sit, ut reus quidam capitalis criminis in conuiuio truncaretur, à censoribus pulsum curia, quod epulas sanguini miscuerat, & mortem quamvis noxij hominis in alterius delicias prostituerat, ut libido & homicidium pariter miscerentur. Quotò sceleratior Herodes & Herodias, & puella quæ saltauit in pretium sanguinis, caput postulat prophetæ, ut habeat in potestate linguam, quæ illicitas nuptias arguebat. Mali corui, malum ouum. Mulierum pessima consilia: nam huiusmodi consilio regnum amisit.

11 **N**Otandum nonò: Peccatis proximorum non insultandum, sed quòad eius fieri potest, ut occultentur, conandum: suscipiendus animus philosophia dignus, imitandus Euangelistæ, qui etsi de muliere fornicatrice & homicida diceret; quantum potuit tamen, absq; vlla reprehensione narrauit: non enim dixit à scelerata & vesana, sed à matre puellam admonitam atq; inductâ fuisse. Ille, inquit D. Chrysostomus, honestissimo vocabulo matrem appellauit: tu maledicis & conuitiaris proximum? nec ita mansuetè, si frater vnquam te irritauerit, de ipso loqueris, ut ipse de corrupta muliere; sed quasi fera bestia iratufcens malignum diceret illum, fraudulentum, amentem, cæteraquæ huiusmodi. In ferarum enim crudelitatem prorumpentes, quasi de alienigena loquimur, contumeliantes atq; vituperantes. Non ita certè sancti viri faciunt: sed lachrymas potius pro peccatoribus fundunt, quàm eis maledicant. Hoc nos quoq; obsecro faciamus: lachrymis dignam putemus Herodiadem, & omnes illius imitatores.

12 **N**Otandum & illud: falli Iosephum, qui putat non Philippo fratri, sed Herodi regi Chalcidis patruo acceptam Herodiadem fuisse: nam quo tempore Euangelistæ scripserunt, non modò erat sceleris totius recens memoria, sed ante omnium oculos versabatur. Quòd autem alibi tradit Iosephus, mansueto ingenio fuisse Philippum, non dubito quin hac spe audacior factus fuerit Herodes, quòd in hominem placidum, imbellem, & modestum impunè contumeliosus foret. Accedit altera probabilis coniectura, quòd Herodias patruo Philippo in matrimonium potius data fuisse videtur, quàm patruo magno aui sui fratri, seni iam decrepito.

13 **N**Otandum decimò: malignitatem, quemadmodum febricitantes, quando frigidam aquam expetunt, non futura, sed præsentia solùm considerare: quod hoc loco in Herode factum legimus. Nam nisi accusantem iugulasset; non ita prædicata esset petulantia ipsius & audacia: Discipuli enim eius, quando in carcerem fuit coniectus, nolentes aliorum publicare flagitia; nihil omninò dixerunt: cum verò iniuria interfectum doctorem vidissent; tunc coacti rem omnem exposuerunt, causam etiam ipsius cædis; ne quis fortè iustiores putaret, sicut in Theuda & Iuda impelluntur explicare. Vnde patet, quanto magis

quis hoc modo peccata obumbrare, atque offuscare voluerit; tantò magis in lucem omnia venire. Sic delicta non adiectione delictorum, sed poenitentia coelantur.

Notandum vndecimò, magnorum virorum sepulturas honestas esse debere, quod in primis in sanctis patriarchis apparet, deinde in Christo Domino eiusq; leuita Stephano, atq; etiam nunc in D. Ioanne. Et acceperunt eum discipuli eius, & sepelierunt eum. Cuius sepulturam describit Iosephus.

Notandum duodecimò, præscripsisse Ioannem suo exemplo pijs doctoribus certam regulam, ne dissimulent principum vitia, vt hac mercede fauorem eorum, quantumvis in commune vtilem, redimant. Docet idem Herodis exemplum, multos reges & principes esse, qui mitibus quidem consilijs facile acquiescunt; si quid autem seuerius & durius in illos dicatur, statim excandescunt, ac ex amicis inimici fiunt. Nihil autem magis offendit, quàm fœdæ libidinis notatio. Estq; perfectorum hominum dare operam, vt à tali genere conuiuiorum absint, quod D. fecit Chrysostomus, quæ vna etiam fuit causa eius exilij. Nusquàm magis tumescit ac insolescit animus, quàm ad epulas & dapes: proinde rectè institutum est Ecclesiæ præceptis; vt ad mensam sacra scriptura legatur, ac piæ collationes fiant; partim, vt anima simul cum corpore pascatur, partim vt insolétior pars animi cohibeatur. Qua de re grauissimè & S. Ambrosius cum viris Ecclesiasticis expostulat in libris Officiorum. Conuenire, inquit, Ecclesiasticis, & maximè ministrorum officijs arbitror: declinare extraneorum conuiuia, vel vt ipsi hospitales sitis peregrinantibus, vel vt ea cautione nullus sit opprobrio locus. Conuiuia quippe extraneorum occupationes habent, tum etiam epulandi produnt cupiditatem. Surrepunt etiam fabulæ frequenter de seculo ac voluptatibus: claudere aures non potes: prohibere putatur superbiæ: surrepunt etiam præter voluntatem pocula. Meliùs est tuæ domui semel excuses, quàm alienæ frequenter, & vt ipse sobrius surgas: tamen ex aliena insolentia non debet condemnari præsentia tua. Viduarum præsertim ac virginum domos nisi visitandi gratia, iuniores adire non est opus: & hoc cum senioribus, hoc est, vel cum Episcopo, vel si grauior est, cum presbyteris. Quid necesse est, vt demus obtrectandi locum secularibus? Quid opus est, vt illæ quoq; visitationes crebræ accipiant auctoritatem? Quid si aliqua illarum fortè labatur? Cur alieni lapsus subeas inuidiam? Quàm multos etiam fortes illecebra decepit? Quanti non dederunt errori locum, & dederunt suspicioni? Cur non illa tempora, quibus ab ecclesia vacas, lectioni impendas? cur non Christum reuisas? Christum alloquaris? Christum audias? Illum alloquimur cum oramus. Illum audimus cum diuina legimus oracula. Quid nobis cum alienis domibus? Vna est domus, quæ omnes capit. Illi potiùs ad nos veniant, qui nos requirunt. Ministerium altaribus Christi, non obsequium hominibus deferendum recepimus. Humiles nos esse decet, mites, mansuetos, graues, patientes, modum tenere in omnibus; vt nullum vitium esse in moribus, vel tacitus vultus, vel sermo annuntiet. Caueamus itaq;, ne dum relaxare volumus animum, soluamus omnem harmoniam, quasi concentum quendam bonorum operum. vsus enim citò inflectit naturam.

SERIES
EVANGELII.

Quod nuncium lugubre, cum accepisset Dominus, secessit inde in nauiculam, in

la, in locum desertum seorsum; cuius secessionis causas exponit Hieronymus. Necem Baptistæ nunciant Saluatori, qua audita, secessit in locum desertum seorsum: non, ut quidam arbitrantur, timore mortis; sed parcens inimicis suis, ne homicidio homicidium iungerent. Vel in diem Paschæ interitum suum deferens, in quo propter sacramentum immolandus erat agnus, & postes credentium sanguine aspergendi. Siue ideò recessit, ut nobis præberet exemplum vitandæ ultro tradentium se temeritatis: quia non omnes eadem constantia perseverant in tormentis, qua se torquendos offerunt. ob hanc causam & in alio loco præcipit: Cum vos persecuti fuerint in vna ciuitate, fugite in aliam. Quo loco grauissimè Origenes: Quoties, inquit, inciderit tentatio, quam vitare non licet, necesse est fortiter, magnòq; animo sustinere. Quòd si liceat effugere, audaciæ fuerit hoc non facere. Eleganter quoq; Euangelista, non ait, fugit in locum desertum, sed secessit, ut persecuturos vitauerit, magis quàm timuerit. Vel. Postquàm à Iudæis, & rege Iudæorum prophetæ truncatum est caput, linguamq; & vocem apud eos perdidit prophetia, Iesus transijt ad desertum Ecclesiæ locum, quæ virum antea non habuerat. Ponit & aliam secessionis causam, ut discipuli, qui tum ex prædicatione redierant, liberiùs reficerentur. Cum enim congregati fuissent Apostoli ad Iesum, & renuntiassent ei omnia, ut alius Euangelista narrat, quæ egissent, & quæ docuissent, ait illis: Venite in desertum locum, & requiescite pusillum: erant enim qui veniebant & redibant multi, ut ne cibum quidem capere vacaret: & ascendentes in nauim abierunt in desertum locum seorsum. Marci 6.

- ¹⁷ SEquuntur eum turbæ in desertum, non iumentis, non vehiculis, sed pedibus; ut fidem suam probarent, quorum Christus miseretur, eorumq; languidos sanat: eadem misericordia mouentur discipuli, dicunt se in deserto loco esse, horam iam præterijisse, monent ut turbæ dimittantur, & manducent. Christus addit aliquid ad misericordiam illorum, iubet ipsos illis mensas curare, excusant inopiam, quinque panes & duos pisciculos se tantum habere dicunt: iubet ille recumbere turbas in foeno, panes & pisces diuidit, benedicit, frangit, discipulos inter turbas diuidere iubet, manducant illi, saturantur, duodecim cophini fragmentorum restant, ut illis se non habere testantibus magnitudine signi notior fieret, ut & modus numero, & numerus modo obtemperaret. Hilarius. Idem, inquit, edentium numerus inuenitur, qui futurus erat creditorum. Nam sicut in libro *παραβολων* legitur ex Israelitici populi infinitate virorum quinque millia crediderunt. Non habent necesse diuersos cibos quærere, cum habeant secum cælestem panem. In cælum respexit, in honorem illius, à quo erat ipse confessus: non quòd carnalibus oculis contueri patrem esset necesse; sed ut qui adessent intelligerent, à quo virtutis tantæ accepissent effectum: dat deinde discipulis panes, ad benedictionem prouocans. In alio Euangelista legimus: Est hic puer vnus, qui habet quinque panes, qui mihi videtur significare Moysen: duos autem pisces, vel vtrumq; intelligimus testamentum, quia par numerus refertur ad legem. Igitur Apostoli ante passionem Saluatoris & coruscationem Euangelij fulgurantis, non habebant nisi quinque panes, & duos pisciculos, qui in falsis aquis, & in amaris fluctibus versabantur. Qui ait illis: Afferte mihi illos huc. Audi Marcion, audi Manichæ, quinque panes & duos pisciculos ad se afferri iubet Iesus, ut eos sanctificet atq; multipli-

Chrysostom cet. Aspicit autem in cælos, ut illuc oculos dirigendos esse doceat. Cur respexit, inquit, in cælum, & benedixit? Ut crederetur non aliundè, quàm à patre missus fuisse, & illi æqualis esse, quarum rerum approbationes repugnare sibi ipsis videntur. Nam æqualitas quidem, quoniam magna potestate omnia faciebat, demonstrabatur: à patre verò ipsum esse vnde persuaderetur, nisi multa humilitate quæcunq; faciebat, in ipsum ita retulisset, ut etiam cum ad præclara facinora inuocaret? Propterea non alterum ipforum semper solum factitauit, sed ut utraq; illa confirmaret: modò summa cùm potestate imperij, modò inuocans patrem atq; orans, miracula peragit. Panem & pisces distribuit, terræ & maris Dominum se probans. Frangente autem Domino, panes seminarium fiunt ciborum, manus Christi ager pinguis & fœcundus efficiuntur. Turbæ à Domino per Apostolos alimenta suscipiunt, quæ quidem in earum manibus ita multiplicabantur, ac fontis in morem scaturiebant, adeò ut non sufficerint solùm, verùm etiam superabundauerint: Vnusquisq; enim Apostolorum de reliquijs panum impleuit cophinum suum, ut vel haberet de quo postea gentibus cibum præberet, vel ex reliquijs doceret, veros fuisse panes, qui postea multiplicati sunt. Et simul quærendum esse docet Hieronymus, quomodo in eremo, & tam vasta solitudine panes non inueniantur, nisi quinq; tantùm, & duo pisciculi, & tam facillè duodecim cophini reperiuntur? Ne mirè fontes fluere, inesse vuas vitibus, & vuis vina diffundi, & omnes mundi opes annuo quodam meatu indefessòq; defluere, authorem enim huius vniuersitatis tantus panum profectus ostendit, per quem tali incremento modus pertractatæ materiæ adderetur. Ideò fragmenta supersunt, ne phantasma miraculum putetur: & ut ostendatur, illis qui promptè dant, semper superesse. Nō quinq; multiplicantur in plures, sed fragmentis fragmenta succedunt, & fallunt semper præfracta frangentes. Crescit deinde materies, nescio vtrum in mensarum loco, an in manibus fumentium, an in ore edentium, inquit Hilarius. Mulieres autem & paruuli, & sexus fragilis, & ætas minor numero indigni sunt. Vnde & in numerorum libro, quoties sacerdotes & leuitæ, & exercitus, vel turbæ pugnantium describuntur; serui & mulieres, & paruuli, & vulgus ignobile absq; numero prætermittitur. Qui itaq; prius eos spiritali alimento saturauerat docendo, ut dictum est, & loquendo de regno Dei; nunc quoq; satiat illos & corporali, nec id solùm, verumetiam multa docet eos. Ab accubitu quidem super gramen animi modestiam, ab eo quòd nihil præter panes & pisces præberet, temperantiam; ab eo verò quòd omnibus pari modo distribueret, æquitatem. Dum autem illos recumbere iubet, eorum obedientiam probat, res enim ridiculo similis esse videbatur, ad nullas & vacuas mensas sedere. Apostolis autem munus partiendi committit, ut non tantùm oculis miraculum prouidentia eius videant, qua illis in posterum omne tempus viuendum fuit, sed manibus ipsis palpare atq; dispensare. Iubet autem illos adferre, ut doceat etiam illa pauca oportere præbere indigentibus, eosq; sibiipsis præponere, illi verò quanquàm fame similiter laborarent, nihilq; aliud haberent, sine vlla contradictione obediunt. Quia cum tota familia sequebantur, cum tota familia fructum beneficii consequebantur.

Notandum primò, diuinæ prouidentia, quam cæli istius pulcherrimus ordo commendat, quam elementorum gradus repræsentat, quam temporum & loco-

locorum varietas ac continuatio probat, quam ipsius corporis nostri maiestas demonstrat, quam animalium, plantarum virtus docet, specimen hoc loco dari eamq; nobis commendari.

18 **N**otandum secundò: quamvis Deus omnibus non hominibus tantum, sed & bestiis provideat; maximè tamen illis, qui eum sequuntur, qui verbum eius audiunt, illi ministrant, in eum curas suas reijciunt, illiq; se commendant. Diuites eguerunt & esurierunt; inquirentes autem Dominum non minuentur omni bono. Quod idem similiter nunc fieri videmus. Quomodo rex magnus omnibus quidem subditis & ciuibus suis providet, magis tamen & singulari quodam modo domesticorum & aulicorum suorum commoda curat.

19 **N**otandum tertio, quamvis Deus ipse rebus omnibus prospiciat, sponteq; sua omnia videat; nonnunquam tamen ad preces & orationes sanctorum id promptius facere, ut sic mutuam charitatem probet & commendet, communionem sanctorum demonstret; quod nunc fieri videmus, quod Apostolis intercedentibus turbas satiet, ac eorum necessitati consulat.

20 **N**otandum quarto: in hac refectioe turbarum cibo corporali, esse signum & exemplum futuræ refectiois spiritualis ac mysticæ, in corpore & sanguine Domini, ut illi futuræ litigationi Capharnaitarum, Quomodo hic carnem suam dare nobis potest ad manducandum? occurratur: qua scilicet ratione tot gentes Christus corpore suo satiet? quomodo si sumant omnes idem semper supersit? quomodo vnum corpus sit in pluribus locis? nam iste panis vnus erat, & tamen in omnium ore atq; cophinis est. Quod iam ante nos observavit D. Ambrosius. Pulchrè autem hunc locum tractat Hilarius. Nunquid ignorabat non esse quod dari posset, & humanarum mentium interna conspiciens modum repositi penes Apostolos cibi nesciebat? sed erat omnis typica ratio explicanda. Nondum enim concessum Apostolis erat, ad vitæ æternæ cibum, cœlestem panem perficere ac ministrare. Vincit humanam intelligentiã opus facti. Et cum frequenter quædam sint, quæ concepta sensu sermo non explicet: in his tamen ipsa sensus sublimitas ingrauescit, & ad contemplationem pro difficultate tam inuisibilis negotij obstupescit. Agitur enim in opere visibili inuisibilis molitio, & arcanorum cœlestium Dominus arcanum præsentis negotij operatur. Superat autem omnem naturam virtus operantis, & supergreditur facti intelligentiam ratio virtutis, & sola relinquitur admiratio potestatis: ordo etiam causarum operumq; consequitur.

21 **Q**uintò notandum est: quod etsi Deus ipse dona & sacramenta sua nobis det, per manus tamen sacerdotum ac ministrorum suorum: nam & nunc turbas ipse pascit, sed per manus Apostolorum. Vnde Paulus, Sic nos existimet homo, ut ministros Christi, & dispensatores mysteriorum Dei. Et Hilarius: Datur Apostolis panes, quia per eos erant diuinæ gratiæ dona reddenda. Qui igitur aut ipse sibi sumit, aut extra Apostolicas manus, hic fur est & latro.

22 **N**otandum sexto: Spirituales pastores spirituali quidem cibo verbi Dei & sacramentorum in primis suos pascere debere: si tamen possunt, & ita usus & necessitas ferat, ne istum quidem carnalem illis negare debere, quod Christi exemplum docet.

Notandum septimò: qui sibi Christum nutritorem cupiunt esse, eos non debere exquisitas lautitias appetere; sed pane hordeaceo, & leui obsonio contentos esse debere.

+ **N**otandum & illud: non mediocriter in hac parte errare, huius seculi 23 hæreticos: qui cùm in Ecclesia Catholica multas benedictiones fieri videant, multas consecrationes; eas irridere non erubescant, illo argumento persuasi: Quòd Deus omnia fecerit benè, & omnibus rebus benedixerit: ita vt nullis amplius benedictionibus opus sit. In quo multipliciter errant. Primùm, quòd etsi Deus benedixit omnibus à principio, post peccatum tamen iterum maledixit terræ, & omnibus rebus quæ nascuntur ex ea. Maledicta terra. Secundò, manifestū locū D. Pauli nō vident. Omnis creatura bona est: sanctificatur autē per benedictionem. Vltimò, manifesta Christi exempla, qui vbiq; priusquàm aliquid aggrediatur, benedicit, quod hoc loco fieri videmus.

Notandum item est: multiplex semper genus benedictionum fuisse; patriarchales, paternas, sacerdotales, sacramentales, communes, & ad quotidianum vsum comparatas, in quibus magna semper habita est differentia. 24

Notandum octauò: Christum Dominum in omnibus ordinem seruare & 25 requirere. Ideò & istos per certos accubitus certo numero & loco sedere iubet, vt omnia quæ à Deo sunt, ordinata sint, & omnia decenter, & ordine suo fiant; & nemo alterius locum & ordinem inuadat, quisq; in suo se contineat.

+ **N**otandum nonò: Ordinem futuræ spiritualis & sacramentalis curationis 26 nostræ hîc adumbratum esse: Primò in fide per doctrinæ instinctum instituuntur: deinde per supernam virtutem à languoribus curantur: vltimò, pane miraculosè satiantur. Idem in Ecclesia vsq; ad consummationem seculi fieri debuit, vt per prædicationē, & baptismū in fide fundaremur: per poenitentia à languoribus peccati curaremur: Vltimò, sacramento corporis & sanguinis Domini reficeremur. Hæresis prophana, omnia potius projicit, quàm dispensat.

+ **N**otandum decimò: quiescere ac refici iubentur in fœno, vt designetur 27 nullum locū in hoc mundo quietis, & refectionis esse stabilem, diuturnum, sed omnia tanquàm fœnum arefcere, ac tanquàm florem agri decidere, & ideò veræ quietis & refectionis vnum solum locum esse in cælis.

Notandum vndecimò: penu Apostolicum exiguum fuisse, quinq; panes, 28 & duos pisces, vt potè illorum, quibus dictum est: Nolite solliciti esse in craftinum; supellectilem fœnum & terram, in qua hospites suos refecturi erant.

+ **N**otandum duodecimò: reliquias quas turbæ concoquere aut consume- 29 re non possunt, ad Apostolos pertinere, ab illisq; consumi, hoc est, profundiora mysteria, quæ turbæ non capiunt, ab Apostolis, sacræq; scripturæ doctoribus tractari ac explicari, ac inter illos versari debere: Hæretici plebi omnia deuoranda præbent.

+ **N**otandum tredecimò: panibus istis duodecim, qui in Euangelio legun- 30 tur, in cophinis reconditi; duodecim panes significari, quibus eos pascit, qui
eum

eum sequuntur in die ista. Primus panis est charitatis, secundus gaudij, tertius pacis, quartus patientiæ, quintus longanimitatis, sextus bonitatis, septimus benignitatis, octauus mansuetudinis, nonus fidei, decimus modestiæ, vndecimus continentia, duodecimus castitatis. Isti duodecim panes propositionis, de quibus dicitur in Exodo: Super mensam panes propositionis erunt semper. De his omnibus ait D. Paulus: Fructus autem spiritus sunt, charitas. &c. *Exod. 25. Galat. 5.*

32 **N**Otandum quartodecimò cum Origene: Christum Dominum cum daturus esset benedictionis panes discipulis, ut turbis apponerentur, sanasse ægrotos, ut sani participes fierent panum benedictionis. Non enim possunt qui adhuc ægrotant capere panes benedictionis Iesu: verum etiam si aliquis audire debuerit illud, Probet autem unusquisque seipsum, & sic comedat ex illo pane, & hæc non audierit, sed temerè sumpserit panem Domini, & poculum eius; infirmus fit aut ægrotus, aut etiam, ut ita loquar, ex grauedine quæ nascitur ex huius panis vi, dormiens.

33 **F**essus ipse fessos Apostolos, ut quietem capiant compellit: inuiti enim a magistro discedebant, dum amore præceptoris ne puncto quidem temporis ab eo separari volunt. Notandum autem est: quietiorem esse locum homini speculanti in mari, quam in mundo & turbis hominum. In mari viæ eius, & in aquis semitæ eius. Dimissa autem turba ascendit in montem orare. Quod autem ascendit solus orare, non ad eum referas, qui de quinque panibus quinque millia faturauit hominum, exceptis paruulis ac mulieribus: sed ad eum qui morte Ioannis secessit in solitudinem, non quod personam Domini separemus, sed quod opera eius inter Deum hominemque diuersa sint. Septem autem fecit Christus in monte: Primò in monte superauit Diabolum: secundò, in monte discipulis prædicauit: tertio, in monte se transfigurauit: quarto, in monte frequenter orauit: quinto, in monte discipulis apparuit: sexto, in monte turbas pauit: septimò, de monte coelos ascendit. De primo D. Matthæus: Assumpsit, inquit, eum Diabolus in montem excelsum, & ostendit ei omnia regna mundi. De secundo idem: Videns autem Iesus turbas, ascendit in montem: & cum sedisset, accesserunt ad eum discipuli eius: & aperiens os suum docebat eos. De tertio, Assumpsit Iesus Petrum & Iacobum, & Ioannem fratrem eius, & duxit eos in montem excelsum seorsum, & transfiguratus est ante eos. De quarto Lucas: Exijt, inquit, in montem orare solus, & erat pernoctans in oratione Dei. De quinto Matthæus: Vndecim, inquit, discipuli abierunt in Galilæam in monte vbi constituerat illis Iesus, & videntes eum adorauerunt. De sexto Ioannes: Subijt in montem Iesus, & ibi sedebat cum discipulis suis. Vbi paulò post subdit: Accipiens Iesus septem panes & pisces, & gratias agens fregit, & dedit discipulis. De septimo Lucas in Actis: Tunc reuersi sunt Hierosolymam à monte qui vocatur Oliueti, qui est iuxta Ierusalem, Sabbathi habens iter. Vespere facto, solus est: oportet enim multum orare, ac multum solum esse, qui vult alios rectè docere: nam illæ repentinæ doctrinæ, mihi non placent. Ascendit autem solus in montem orare. Tranquillitatis quippe mater eremus est, quietis portus, omnisurbationis expultrix. Discipuli absente Domino naufragari cœperunt, quibus ille quarta vigilia noctis opem fert, super mare ambulans, turbati phantasma esse putant, opem implorant; clamant in persona præ-

SERIES
EVANGELII.

Matth. 17.

Luca 6.

Matth. ult.

Ioan. 6.

Acto. 1.

na praesentis Ecclesiae & laborantis. Stationes & vigiliae militares, in terra horarum spatia diuidebantur. Quando ergo dicit, quarta vigilia noctis venisse ad eos Dominum; ostendit tota nocte periclitatos: & extremo noctis, atq; in consummatione mundi auxilium illis praebiturum. Statimq; locutus est eis Iesus dicens: Habete fiduciam, ego sum, nolite timere. Consolatur voce illis nota, & Deo vero usitata: Habete fiduciam, ego sum, nolite timere. Respondens autem Petrus dixit: Domine, si tu es, iube me venire ad te super aquas. Petrus pro sua natura audaci quaerit, an & ipse pedibus ad Dominum eat, ac credit se facere posse per voluntatem magistri, quod ille poterat per naturam. Iube me ad te venire super aquas. Venit, timet, mergitur, inclamat: Domine, saluum me fac: subleuatur, increpatur. Ardebat fides, sed humana infirmitas in profundum demergebat: & in hoc ostenditur eum Domino aequalem non fuisse. Fide Petrus ubiq; inquit Hilarius, antecedit: nam ignorantibus caeteris, primus respondit, Tu es filius Dei viui: primus passionem dum malum esse putat, detestatus est; primus & moriturum se, & non negaturum spondit: primus lauare sibi pedes prohibuit: gladium quoq; aduersus eos, qui Dominum comprehendebant eduxit. Et descendens Petrus de nauicula, ambulabat super aquam, ut veniret ad Iesum; videns vero ventum validum, timuit: & cum coepisset mergi, clamauit, dicens: Domine, saluum me fac. Haec submersio Petri, praefiguratio fuit eius negationis & poenitentiae; Vt enim hic audet, iube me ad te venire; & permittitur, & cadit, & subleuatur: ita & postea audaciam iactat. Non te negabo, & permittitur item ut neget, & subleuatur & curatur: Et respexit Dominus Petrum, & recordatus Petrus verbi Domini Iesu, egressus foras, fleuit amare. Paululum ergo relinquitur tentationi, ut augeatur fides, & intelligat, se non facilitate postulationis, sed potentia Domini conseruatum. Ostendens autem Christus non ventum causam fuisse submersionis, sed Petri diffidentiam: non ventum increpat, sed modicam fidem. Et continuo extendens manum apprehendit eum, & ait illi: Modicae fidei quare dubitasti? Si Apostolo Petro, de cuius fide, & ardore mentis supra diximus, qui confidenter rogauerat Saluatorem dicens: Domine, si tu es, iube me venire ad te super aquas: quia paululum timuit, dicitur: Modicae fidei, quare dubitasti? quid nobis dicendum est, qui huius modicae fidei ne minimam quidem habemus micam? Permisit ergo Dominus discipulos ad id usq; tempus fluctuare; docens eos ut fortes efficerentur ad perferenda pericula, quae dispensatorie inducuntur, nec facilem aut velocem quaerant liberationem: praeterea, ut mortem pra oculis habentes, & ab ea liberati agnoscerent eum esse, qui se seruasset. Nondum enim habebant perfectam certitudinem, ideo quoq; post liberationem adorauerunt eum dicentes: Verè filius Dei es. Plena autem talis confessio futura est in fine mundi: Confessio enim vniuersorum tum & absoluta & publica erit, Dei filium non iam in humilitate corporea, sed in gloria caelesti pacem Ecclesiae reddidisse.

TRansfretato demum mari, venit in terram Genezareth: Et cum cognouissent eum viri loci illius, miserunt in vniuersam regionem illam, & obtulerunt ei omnes male habentes, & rogabant eum, ut vel fimbriam vestimenti eius tangerent, & quicumq; tetigerunt, salui facti sunt. Cognouerunt autem eum fama & rumore, non facie: quanquam & ex vultu multis propter rerum gestarum magnitudinem notus fuit. Qui male se habent, notat Hieronymus, non tan-

tangunt corpus Iesu, neq; totū vestimentū eius; sed extremam fimbriam: & quicunq; tetigerint, sanantur. Fimbriam vestimenti eius, vel minimum mandatum intellige: quod qui transgressus fuerit, minimus vocabitur in regno cœlorum: vel assumptionem corporis, per quam venimus ad verbum Dei, & illius postea fruimur maiestate. Vidisti quomodo discipuli paulatim profecerint, vide & multitudinē. Nō iam ipsum in domū trahunt, neq; vt manus imponat quærunt: neq; verbi iussū expetūt; sed excelsiūs, ac longē diuiniūs salutē accersunt: illa enim quæ sanguinis profluuio laborârat, maiorē illis fidem induxerat. Qui allegoria delectatur, legat hoc loco D. Hilarium.

35 **N**otandū primò: quòd quemadmodū actionum & laborum certum tempus esse debet; ita & quietis ac refectionis, & Christum habere, & suis dare; ac eos ipsos, qui eo nomine illos accusant ac iudicant, morosos ac hypocritas esse; qui ignorant, quæ carent alterna requie, durabilia non esse.

36 **N**otandū secundò: eam refectionem & recreationem, non in ebrietate, neq; in comessatione, nō in luxu, neq; in voracitate consistere; sed potius in solo loco, in animi dispersi collectione, tum in omnis refectionis fonte Deo, in oratione iucūda, lectione, ac meditatione scrārum: his enim vijs sedatur & delectatur animus, fit hoc nonnunquā gaudium cum lachrymis: pulchrē lauetur animus: lætus ex hoc balneo discedit.

37 **N**otandum tertio: propè esse Dominum omnibus inuocantibus se, inuocantibus se in veritate.

38 **N**otandum quartò: miro profectu Dominum suos exercere: primū induxit tempestatem magnam, cum ipse præsens esset cum illis, sed dormiuit: secundò, cum abesset sed non procū, vt hoc loco, vt posset statim opem ferre: tertio, cum simpliciter abscessit, & post resurrectionē adfuit: vltimò, post ascensionē, quoties, Deus bone, hæ tales tempestates illos exceperunt? Tanquam aquila quædā prouocans pullos suos ad volandū, & super eos volitans; vt sic præsencia perferēdo minora, ad maiora exerceantur. In quo quantū profecerint, vel ipsius Pauli exemplū docet, in naufragijs, inquit, multis. &c.

39 **N**otandum quintò: visorum ac phantasmatum vſitatum morē apud Hebræos fuisse: sic & apud Græcos: iam enim hoc aliquoties in Euangelio legimus, quod Euangelici negant.

40 **N**otandum sextò: quòd quemadmodum superiore miraculo omnipotentia Christi apparuit in amplificandis & augendis corporibus, in extensione rerum & locorum in quinq; panibus: in eo item, quòd vnum corpus in multis locis eius imperio esset; ita nunc eadem omnipotentia demonstrata, in eo, quòd pondera corporibus & addit, & detrahit, quòd grauitatem eleuat, quòd liquida, solida, & non cedentia facit, nec tantū in suo, sed in alijs item corporibus, vtpotē Petri: vt in posterum omne tempus, tollatur omnis diffidentia omnipotentia eius in sacratissimo sacramento Eucharistiæ. Omnia siquidem quæcunq; voluit Dominus, fecit in cœlo & in terra.

Notan-

NOtandum septimò: euenire posse, vt aliquis erret in sensu, & tamen non 41
erret in affectu, quod & aliàs & nunc euenit Petro.

NOtat octauò Hieronymus, ad vnum signum tranquillitate maris reddi- 42
ta, quæ post nimias procellas interdum & casu fieri solet, nautæ atq; vectores
verè filium Dei confitentur, & Arius in Ecclesia prædicat creaturam.

NOtandum nonò, secundum iam fimbriam Christi morbos curare, nec 43
vnius, sed simul multorum; quantò magis corporis & sanguinis Domini nostri
IESV CHRISTI mysteria, ossa item sanctorum, atq; reliquiæ? De qua re Hi-
larius. Sed vt ex veste tota fimbriæ, ita ex Domino nostro IESV CHRISTO
sancti spiritus virtus exijt, quæ Apostolis data ipsis quoq; tanquam ex eodem
corpore exeuntibus salutem his qui contingere cupiunt, subministrat. Sordent
hæc Caluino, vnde illa fundit: Credibile est superstitione aliqua fuisse implici-
tos, quum ad tactum vestis restringerent Dei gratiam, saltem illum fraudabant
honoris sui parte, cum nihil virtutis sperarent ex simplici eius verbo. Indeque ca-
put sapiens reliquias damnat. Atqui hoc est accusare Euangelium, non interpre-
tari. Tangamus ergò etiam nos fimbriam vestimenti eius, monet hoc loco D.
Chrysostomus: vel potius si volumus, ipsum totum habemus. Non enim vestis
solum, sed corpus ipsius nobis propositum est, non vt tangamus solummodò,
sed vt comedamus & saturemur. Adeamus igitur Christum singuli ægotantes
magna cum fide. Nam si qui fimbriam vestimenti eius tunc tetigerunt, rectè
omnes conualuerunt: quantò magis corroborabimur, si totum in no-
bis habebimus?

NOtandum decimò: huiusmodi esse naturam humanam, vt plerunq; in 44
magnis rectè se gerat; in minoribus incauta facilè labatur: & quam maiores
fluctus euertere non poterant, minores plerunq; inclinent & submergant. Cõ-
sequens igitur erat, vt Petri debilitata fide, per quam contra fluctus audentior
ibat, illius destitueretur gratia, quæ leuem ipsum efficiebat; vt primò non de-
mergeretur, ac deinde vt diffidentia grauat, qui Saluatoris manu tenebatur,
ipse pondere suo demergeretur.

NOtandum vndecimò: facilè obliuisci humanum genus miraculorum & 45
beneficiorum Dei, quod nunc in Apostolis fit: Non, inquit Marcus, intellexe-
rant de panibus. Erat enim cor eorum obcæcatum. Si enim recordati essent
panum, tantæ virtutis; nunc non metuerent, sed confiderent: hætenus autem
non dederat illis Dominus cor ad intelligendum. Notandus est autem singula-
riter locus hic, obcæcari oculos, id est, non illuminari. Cum igitur dicit scri-
ptura: Excæca cor populi huius, intelligit, non illumines.

NOtandum duodecimò: Deum plerunq; nobis melius prospicere negan 46
do, quàm ea quæ petimus, exhibendo: quomodo & parentes plerunq; plus
profunt liberis, si ea quæ inordinatè petunt, illis negent, quàm si exhibeant, sed
& medici. Est tamen & ipse Deus aliquando in istis quæ stultè petimus facilè
exorabilis, vt ipsa experientia rerum quas petimus stultitiam nostram conuin-
cat. Sic quotidie fideles suos, dum plus aliquando illis concedit quàm expedi-
at, in futurum tempus instituit ad sobrietatem & modestiam. Adde quid Pe-
tro

tro & reliquis hoc profuit, hodieq; nobis prodest. Luculentiùs resplenduit virtus Christi in Petri persona, dū sibi eū comitē adiūgit, q̄ si sol' ābulassēt sup aquas.

47 **N**Otandū postremò cum Origene : Nos si quando in tentationū necessitatē inciderimus, debere meminisse, quòd Iesus nos compulit ingredi nauim illam, volens nos procedere trans lacū. Fieri namq; non potest, qui tentationes fluctuū, aduersantesq; ventos nō sustinuerunt, eos in vltiorem peruenire ripam. Deinde, vbi conspexerimus multis nos circumuallari negotijs ac periculis, ac mediocriter laborantes, ea aliquo vsq; tranauerimus: cogitare nos debere, nauim nostrā in medio maris esse, quæ tunc iactatur fluctibus, hoc agentibus, vt naufragium faciamus circa fidem, aut circa virtutem aliquam.

Caput X V.



IN CAPITE QVINTODECIMO SCRIBARVM ET PHARISÆORVM scandalum & interrogatio, locū & causam dat doctrinæ de humanis & diuinis mandatis : de illo item quid congruat homini, quid non. Filiā Chananeæ curat, turbam iterum paucis panibus satiat. In vniuersis quidem tribus duodecim, erant scribæ & pharisæi: cæteris tamē iniquiores fuerant, qui ab Ierosolymis erant, vtpotē metropolim inhabitantes, ideoq; factum maiorem præ se ferentes. Accedūt igitur tanquā iusti & sancti pharisæi & scribæ, idq; primarij vrbis Hierosolymitanæ cū graui & ardua quæstione: Quare, inquiūt, discipuli tui transgrediuntur traditiones seniorū? non enim lauant manus suas, quod consuetudinis fuit, cū panem manducant. Falsam calumniam vera responsione Christus confutat: Quare vos transgredimini mandata Dei propter traditionem vestrā? quod hoc vno & euidenti signo de cultu & honore parentum indicat. Honora inquit, patrem & matrem. Quem locum interpretatur D. Hieronymus. Honor in scripturis non tantū in salutationibus & officijs deferendis, quantū in eleemosynis, & munerum oblatione sentitur. Honora, inquit Apostolus, vi-
duas, quæ veræ viduæ sunt: hic honor donum intelligitur. Et in alio loco: Presbyteri duplici honore digni sunt, maximè qui laborant in verbo & doctrina Dei. Et per hoc mandatum iubemur boui trituranti os non claudere: & dignū esse operariū mercede sua, docemur. Neq; verò vetabat lex diuina, ne ederent priusq̄ lauerēt: sed seniores populi, pharisæi omnesq; Iudæi, ait Marcus, nisi crebrò lauerint manus, nō capiūt cibū, mordicus obseruantes traditiones seniorū, & è foro reuertentes, nisi aspergantur, nō comedūt: multa q; sunt alia quæ seruanda acceperunt; nempè lotiones poculorū & vrceolorū, & æramentorū, & lectorū. In vanum autem sua baptismata seruant, qui suorum cordium & corporum sordes abluere negligunt. Seniores qui fuerint, de quorum nunc traditionibus disputat, liber Numerorum & Deuteronomij docet. Isti statuebant aliqua, quæ pertinebant ad regimen populi: & in statutis eorum erant aliqua, quæ cadebant sub præcepto quasi necessitatis: & aliqua sub monitione, tanquā cuiusdam decentiæ & honestatis. De talibus autem erat istud statutum, quod hīc tangitur; videlicet quòd per hoc acquireretur quædam munditia spiritalis. Mouebantur autem ad hoc, quia in lege aliqua immunditiæ per corporales ablutiones dicebantur emundari. Et quia discipuli Christi aliqua quæ

non erant necessaria, sed magis cuiusdam superstitionis, non obseruabant; Christum in discipulis suis arguebant, tanquam contemptorem doctrinæ seniorum, vt sic redderent eum populo odiosum.

Quod autē de cultu parentū, præceptū Dei adfert, eiusq; transgressionē, id tale est: Pharisei & scribæ, inquit Origenes, traditionē huiusmodi legi contrariā prodiderant, quā obscurius refert Euangeliū, quam ne nos quidē quicq; eramus explicaturi, nisi quidā Hebræus exposuisset nobis, quæ ad hunc locū pertinerent: ea sic habent: Interdū, inquebat, fit, vt creditores incidāt in debitores difficiles: qui cū possint, nolint quod debetur reddere; eoq; creditores referebant debitū in rationē pauperū, quibus pecunia conijciebatur in gazophylaciū ab vnoquoq; pro cuiusq; viribus eis communicare volentiū. Interdū itaq; dicebant debitoribus, iuxta suæ linguæ proprietatem, corban est, quod mihi debes, hoc est donum: consecraui enim illud in rationem pietatis erga Deum pauperibus. Deinde debitor, vt qui iam non hominibus, sed Deo deberet, religioni quodammodo constringebatur, vt vel nolens redderet debitum non iam quidem creditori, sed Deo in rationem pauperum creditoris nomine. Quod igitur creditor faciebat debitori, hoc interdum quidam filij faciebant parentibus, ac dicebant illis: Donum quodcunq; ex me est, eo tu iuuaberis. Itaq; cū audirent parentes, quod ipsis dandum erat, esse corban, hoc est, ex ratione pauperum ex his quæ Deo consecrata sunt; iam nolebant accipere à filiis, etiam si valde necessariorum inopia premerentur. Seniores igitur talem traditionem apud plebeios proferebant, quod quilibet patri aut matri dixisset quod datur ex ijs cuiuspiam, corban esse ac donum; hic non amplius obligatus esset patri aut matri, ad suppeditanda vitæ necessaria. Hæc Origenes. Quem Diuus Hieronymus secutus. Iubebant, inquit, eos qui habebant parentes, eosque alebant, eam partem, quam in parentes conferre debebant, in templum & gazophylacium conferre, ac deinde parentibus, hæc se Deo dicasse, dicere, quod æquē parentibus ac ipsis profuturum esset, iuxta illud præceptum: Honora patrē tuū & matrem tuam, si vis longæuus esse super terrā. Hanc legem scribæ & pharisei subuertentes, docuerunt pessimos filios dicere parentibus: Munus, quod ex me est, tibi proderit: vt illi timentes accipere, quod Deo viderent mancipatum, magis eligerent inopem ducere vitam, quam de consecratis comederent. Quod idem creditoribus facere solebant, vt quod illis soluere debebant, id templo darent ac deuouerent, & sic illos deluderent. D. Chrysostomus non dissimilia. Pietatis, inquit, simulatione despiciere parentes adolescentes fuerunt eruditi. Quo pacto? Si quis parens à filio ouem flagitaret aut vitulum, aut huiusmodi aliquid, præmonitus à scribis filius respondebat: Quod à me in vtilitatem tuam pater petis, dono iam Deo promissum est, ac ideo dare non possum: ita dupliciter peccabant. Nam neq; Deo offerebant, & parentes oblationis nomine defraudabant. Parentes igitur, quasi gratia Dei, & Deum, parentum nomine contemnebant. Rationes sui præcepti habebant; tum, quia Deus est pater principalis & spiritualis; tum quia licet per talem oblationem parentes sustinerent detrimentum corporale, consequerentur tamen bonum spirituale, in quantum illud quod erat in necessitatem eorum conuertendum Deo offerebatur, & ex hoc sequebatur, quod præceptum de honore parentum, in quantum intelligitur in hoc administratio necessariorum, euacuabatur per talem

talem expositionem falsam. Illotis ergò manibus comedere, neq; iubet, neq; prohibet, sed medium relinquit. Respondet autem illis: Quare & vos transgredimini mandatum Dei propter traditionem vestram? Nam Deus dixit: Honora patrem tuum & matrem tuam, ut sit sensus: Deus dixit, honora, id est, ale fove, defende, tuere, dona parentibus: qui autem id non fecerit, magis autem maledixerit, morte moriatur: vos contra docetis, potius templo & sacerdotibus dandum, patri verò ad consolationem dicendum: Munus quod ex me est, quod & templo, & altari, & sacerdoti offeram, non magis mihi quam tibi proderit, qua oratione ille illus inopia conficietur: qua doctrina deceptus hæres, patri nihil dabit neq; matri. Videtur autem esse quasi imperfecta & suspensa oratio: ac si diceret, qui hæc dicet patri, iam liber erit à Dei mandato, vel liberatus est ab officio parentis.

3 Confossis illorū oculis, grauitè in eos inuehitur, quod semper facit, Isaia verbis: Hypocritæ, benè prophetauit de vobis Isaia: Populus hic labijs me honorat, cor autè illorū longè est à me: hoc est, à mandatis & præceptis meis. Ostendit Isaia testimonio, ita se illos erga parentes suos gerere, quemadmodū & erga Deū, & vice versa: ut verbis & ore illos colant, res autè ipsa, & cor ipsum longè sit ab illis. Obiurgatis istis, turbas, quod eius instituti fuit, ut educat panē de terra, ex hac occasione docet, ac quid hominē coinquinat, quid nō, ostēdit. Audite, inquit, & intelligite. Non quod intrat in os coinquinat hominem, sed quæ ab ore procedunt. Non timeo immunditiam obsonij, sed cupiditatis. Nec solum aduocando eos, inquit D. Chrysostomus, verum etiam verbis attentiores facit dicens: intelligite, id est, attendite, atq; aures arrigite. Si enim istis auscultatis instituta sua tradentibus; multò magis par est me audire, qui ad sublimiorem vos opportunè Philosophiam induco. Quid autem commune fuerit, exponit Hieronymus. Verbum, Commune, propriè scripturarum est, & publico sermone non teritur. Populus Iudæorum partem Dei se esse iactans, communes cibos vocat, quibus omnes vtuntur homines. : verbi gratia, suillam carnem, lepores, & istiusmodi animantia, quæ vngulam non findunt, nec ruminant, nec squamosa in piscibus sunt. Vnde & in actis Apostolorum scriptum est: Quod Deus sanctificauit, tu ne commune dixeris. Commune ergò quod cæteris hominibus patet, & quasi non est de parte Dei, pro immundo appellatur. Non quod intrat in os coinquinat hominem, sed quod procedit ex ore, hoc coinquinat hominem, opponat prudens lector, & dicat: Si quod intrat in os non coinquinat hominem, cur idolotitis non vescimur? Et Apostolus scribit: Non potestis calicem Domini bibere, & calicem dæmoniorum. Sciendum igitur, quod ipsi quidem cibi & Dei creatura per se omnis munda sit; sed idolorum ac dæmonum inuocatio eam faciat immundam. Omnia sunt munda, quæ cum munda conscientia suscipiuntur.

4 Traditionibus tenebrosis luce mandatorū Dei priuati, quia nō solum sibi nō prospiciunt, sed etiā alios in præcipitiū trahunt: accedūt Apostoli, dant pleniorē occasionē doctrinæ Phariseorū, scandalū exponunt. Est autè scandalum, idem quod π. σκῆμμα nos cum Hieronymo offendiculum, ruinam & impactio-nem pedis vocamus. Respondet Dominus missos esse faciendos, cum ex Deo nō sint: Omnis, inquit, plantatio, quam non plantauit pater meus cælestis, era-

dicabitur, finite illos, cœci sunt. Ecclesiam Isaias, plantationem Dei vocat. alij plantationem intelligunt, traditiones seniorum & præcepta hominum. Manichæi hæc de lege dicta esse falso interpretabantur. Lex enim plantatio est Dei, quæ non eradicatur, manet enim radix illius occultus spiritus, etiamsi folia, ipsa litera, decidant. Adnotat hoc loco Hieronymus, etiam quæ plana videntur in scripturis plena esse quæstionibus. Omnis, inquit, plantatio, quam nō plantauit pater meus cœlestis, eradicabitur: ergo & illa plātatio, de qua Apostolus ait, Ego plantaui, Apollo rigauit. Sed soluitur quæstio ex eo quod sequitur, Deus autem incrementum dedit: Dei agricultura, Dei ædificatio estis. Et in eodem loco: cooperatores Dei sumus: si cooperatores, igitur plantante Paulo, & rigante Apollo, Deus cum operatoribus suis plantat & rigat. Abutuntur hoc loco, qui diuersas naturas introducunt dicentes: Si plantatio quam non plantauit pater eradicabitur: ergo quam plantauit ille, non potest eradicari. Sed audiant illud Ieremiæ: Ego vos plantaui vineam veram, quomodo versi estis in amaritudinem vitis alienæ? Plantauit quidem, & nemo potest eradicare plantationem eius: sed quoniam ista plantatio in voluntate proprii arbitrij est, nullus alius eam eradicare poterit, nisi ipsa præbuerit assensum. Sinite illos, cœci sunt, & duces cœcorum. Cœcos vocat, tanquàm animæ oculo à fluxu affectionum excœcatos, & quasi non potentes oculos intendere in lucē veritatis, nec solū hos, sed & duces eorum, qui ab ignorantia scripturarum excœcati sunt. Cœcus autem cœco si ducatum præstet, ambo in foueam cadunt. Grande siquidem malum est aliquem esse cœcum: eum verò qui cœcus est, ducatum alteri cœco præstare, duplex certè malum est. Respondens autem Petrus dixit ei. Ediffere nobis parabolam istam. Vrget quæsitum Petrus, ediffere parabolam sibi iubet, quæ parabola non fuit: ignorantiam suam prodit, corripitur, ob superflua quæsitā obiurgatur. Adhuc, inquit, & vos sine intellectu estis? rē illi latius paulò explicat. Nō intelligitis, inquit, quia omne quod intrat in os, in ventrē vadit, & in secessū mittitur? Philosophatur in re nō multū attinēti paucis, nō vt alij solent; qui vbiq; Physici, Mathematici, & quid nō ex leui occasione videri volunt. Quæ autē procedunt de ore, decore exeunt, & ea coinquinant hominē. De corde enim exeunt cogitationes malæ, homicidia, adulteria, fornicationes, furta, falsa testimonia, blasphemix: hæc sunt quæ co inquinant hominē. Cogitationes extrā prodeunt, quādo in opus producuntur.

Notandum est primū, solenne & quasi perpetuum hypocriseos esse; colare culicem, & deglutire camelum, quod iam sæpius diximus. Hoc semper in scribis & Phariseis Christus damnat, hanc laruam illis detrahit; sed & hoc toto loco nihil aliud docet, quàm ipsorum hanc hypocrisim excutit, quod parua vident, maxima negligunt: non quòd hæc mala sint, sed quòd illa maxima sint quæ isti negligunt: neq; est alius sensus huius totius doctrinæ.

Notandum secundò cum Origene: Commendari hoc loco pietatem discipulorum Iesu, qui nullam reprehensionis ansam dederint in alijs, veluti de transgressione præceptorum Dei, Phariseis ac scribis: qui nequaquam adduxissent hanc criminationem aduersus discipulos de transgressione quòd violassent præceptum seniorum, si potuissent deprehendere quos incusabant, & ostendere eos transgredi præceptum Dei.

Notan-

7 **N**Otandum tertio: hæreticos tres locos ex hoc Euangelio pro ariete, pro propugnaculo, pro maleo falso usurpare: qui si rectè expendantur, illos magis refutant quàm nos: magisq; has res quas euertere volunt, adstruunt, quàm vt illis aliquid fidei detrahant. Primum contra traditiones, mandatq; seniorum. Quare transgredimini mādāta Dei propter traditiones? Nō hoc loco traditiones aut mandata seniorum reprehenduntur, sed cum lege Dei conferuntur: quæ vt per se bonæ sunt; ita si illarum causa mandata Dei negligantur, non sine magno peccato sunt: neq; hoc reprehenditur vt manus lauentur, iussa seniorū feruentur; sed quòd isti qui hæc parua exaggerant, maxima abrogent; & sic culicem colent, camelum deglutiant. Nam ipsæ traditiones atq; mandata hæc seniorum à Deo proficiscebantur; vt qui hos ipsos seniores, vt diximus, delegerit, illisq; potestatem morum instituendorum dederit. Ordo igitur potius & gradus mandatorum ponitur, non aliqua abrogantur: ita vt primum locum mandata Dei teneant, secundum traditiones maiorum, mandata item seniorum. Explicat hunc locum alio in loco clariùs Christus Dominus: Hæc oportuit facere, illa non omittere. Hoc igitur propugnaculum maximè pugnat contra hæreticos: traditiones bonas & mandata seniorum asserit ac tuetur, hypocritas damnat, qui parua iactant, magna negligunt.

8 **S**ecundum propugnaculum ex Isaia loco sibi constituunt heretici, quo illud obtinere volunt, nullo cultu externo opus esse, cordis ipsius cultum sufficere: nullum item qui ab hominibus traditus & constitutus sit, sed eum solum quem Deus ipse præscripsit. Quod ex hoc loco Isaia probant. Hypocritæ, benè prophetauit de vobis Isaia, dicens: Populus hic me labijs honorat, cor autem eorum longè est à me: sine causa autem colunt me, docentes doctrinas & mandata hominum. Nam & oris & labiorum cultus Deo est gratissimus, quem Dauid sibi dari exoptat: Domine labia mea aperies: & quo ipse Christus toties ad patrem vsus est, & cuius formulam nobis præscripsit: sed ille solus cultus labiorum damnatur, si cor ipsum longè ab ore sit: si aliud sit in mente, aliud in ore, vbi cor menti non præit: & cultus humanarum traditionum sanctus est, de quo D. Paulus: quemadmodum accepi à Domino, sic & tradidi vobis: & alio loco: Tenete traditiones. Sed ille solus cultus traditionum humanarū reprehenditur, qui pugnat cum verbo Dei, cum œconomia fidei, qui superstitiosus est, & quem non sancti patres, non concilia ritè congregata composuerunt sed quem sibi quisq; cōfingit, quales hæreticorum cultus ac cæremoniæ sunt.

9 **T**ertio, stultè & ridiculè argumentantur, qui ex hoc loco putant ieiunia, ciborum itē delectum auferri omnem: quia dicitur, non quod intrat in os co inquinat hominem. Quasi verò aliquid hoc loco de ieiunio tractetur, aut quasi non de comedendo potius quàm ieiunando oratio sit, aut quasi non de morata & ciuili comedendi ratione agatur. Quid magis dispar, quàm istorū sensus, & hæc oratio? quid magis distinctum, & alienum à modo & ratione ieiunij? Hæc est istorum in argumentando virtus, tam verè & syncerè scripturas allegare.

10 **N**otat hoc loco D. Chrysostomus, non debere quenquàm linguam suam maculare, ne Deus illud ad nos dicat. Si multiplicaueritis deprecationem, non exaudiam vos. Vita enim & mors est in potestate linguæ. Et: Ex sermonibus tuis iustificaberis, atq; ex sermonibus tuis condemnaberis. Magis igitur quàm

pupillam oculi linguam suam quisq; custodiat. Regius quidam equus est lingua nostra: si ergo ei frenum immiseris, & doctrina tua gradarium feceris, ascendet in eum rex, & quiescet in eo: si autem nullo freno domueris, sed huc atq; illuc infrenem iactari permiseris, diaboli eam vehiculum fecisti.

Notandum quartò cum Origene: Illa quæ videntur esse bona, posse, si quis ea malè & ex prauo animi affectu susceperit, cum peccato fieri: & quæ dicuntur impura, si his iustas ob causas fuerimus vsi, posse pro puris haberi. Quæadmodum enim Iudæi peccantis circumcisio pro præputio habebitur, contra gentilis rectè agentis præputium pro circumcissione: sic & quæ pura creduntur, pro impuris imputabuntur ei, qui non vt oportet, neq; quando oportet, neq; quantum oportet, neq; vnde oportet, illis vtitur.

Notandum quintò, Origenem designare, quæ sint iuxta Euangelium impura cibaria, quæ nimirum per auaritiam ac fraudem comparata sunt, turpisq; lucri studio accumulata: item, quæ voluptatis gratia sumuntur, ac ventris causa, quem honorando Deum facimus, quoties ipse venter & huius appetitus potius quàm ratio, dominantur animæ nostræ.

Notat sextò Hieronymus: animæ principale non secundum Platonem in cerebro, sed iuxta Christum in corde esse: & arguendi ex hac sententia sunt, qui cogitationes à Diabolo immitti putant, & non ex propria voluntate. Diabolus adiutor, & incensor malarum cogitationum potest esse, author esse non potest. Sin autem in insidijs positus, leuem cogitationum nostrarum scintillam suis fomitibus inflammârit: non debemus opinari eum cordis quoq; occulta rimari: sed ex corporis habitu & gestibus æstimare, quid versemus intrinsecus. verbi gratia, si mulierem nos crebrò viderit inspicere, intelligit cor iaculo amoris vulnerari.

Notandū septimò: fontem omniū actionum nostrarū cor esse. Igitur sicut infecto fonte, vniuersa flumina, quæ inde promanant, infici oportet; ita infecto corde omnia inficiuntur. Et hoc illud est, quod suprà dictum est: Si oculus tuus simplex fuerit, totum corpus tuum lucidum erit: & quemadmodum natura texit cor, maximè ne ab externis incommodis lædatur: ita etiam mens intus maximè custodiri debet, ne inquinetur, ne inficiatur.

Obseruat sextò hoc loco Euthymius, his verbis Saluatorem docere: nihil quod factum est ex Deo impurum esse: aliud autem & alterum profundius esse reclusum; puta quòd nihil factum à Deo, naturâ impurum est. Ait enim Moyses: Et vidit Deus quæcunq; fecerat, & ecce bona valde. Dicunt ergo hac profundiori interpretatione ciborum reiici obseruationem, quam Iudæi seruabant. Nam quum lex, quæ de cibis erat, allegoricum haberet intellectum, Iudæi, qui nihil excelsum cogitare poterant, corporaliter, & prout in conspectu erant omnia accipiebant.

Notandum septimò: post vnā & tertiam admonitionem, vbi nihil proficitur, iuxta præceptum D. Pauli, hæreticum deuitandum esse: nam & hoc loco discipulis Dominus præcipit, vt sinant scribas & pharisæos. Cæci enim, inquit, sunt, & duces cæcorum.

Notan-

17 **N**otandum octauò: eam esse clementiam & bonitatem Dei omnipotentis, ut ipse pietati parentum, ubi necessitas urget, rebus sibi debitis cedat, donumq; quod Hebræi Corban vocant, ad eos transferri iubeat.

18 **N**otandum nonò: calumniari hoc loco Ecclesiam Caluinum, cum dicit, multum eos falli, qui asperionem aquæ lustralis, quæ benedicta vocatur apud Papistas, cum lotionibus Iudaicis comparant. Vnicum enim baptismum toties iterando, quantum in se est oblitterant Papistæ. Deinde ad exorcismos confertur, & ad expianda peccata valere creditur friuola illa asperio. Quod si per se licita, & talibus corruptelis vacua foret, semper tamen damnanda est illa quam urget, necessitas. Vnū baptisma Caluine cōfiteatur Ecclesia: summusq; Pōtifex, illud occinit singulis ferè diebus: Confiteor vnum baptismum, in remissionem peccatorū: in exorcismis, & venialibus peccatis, ex vetustissima traditione, ac more veteri aqua benedicta utitur, quod Cyprianū & alios veteres docuisse, aliās scripsimus: peccata mortalia verbo Christi, & vi sacramentorum curari addit; omittit & recta pœnitentis dispositione asserit. Pergit Galuinus: Nō negat **Papa** cum tota cleri sui colluie (cur nō cum tota Ecclesia) quin sit obediendū Deo, sed ubi ad rē ventū est; quia nō secus ac capitale crimē detestantur modicum carnis gustum, quibus furtum vel scortatio veniale peccatum est, propter suas traditiones euertunt legem Dei: quia nullo modo ferendum est, ut hominum placita de obseruantia, quæ Deo vni debetur, quicquam minuant. Carnis gustum Papa cum peccatis non comparat, contemptum, inobedientiam, & scandala damnat: furtum & scortationem mortale peccatum esse, nemo est in Papatu qui ignoret: sed Caluinus mentiri veniale peccatum esse putat, ideò libenter mentitur.

19 **N**otandum decimò est: non multum concionatores debere sollicitos esse, si auditores doctrinæ eorum ob veritatem offendantur, cum Christus ipse renuntiantibus Apostolis, quàm scribæ & Pharisei eius obiurgatione sint offensi, non multum id curarit, imò præcepit Apostolis, ut sinant illos tanquàm cœcos & cœcorum duces. Et danda quidem opera est, ne vlla ex parte nostra offensionis ratio oriatur; neuè infirmis detur scandalum: si tamen sponte quis & sine causa offenditur, id æquo animo ferendum esse. Arrogantiùs tamen hîc loquitur Caluinus; ubi mali contumaciter impingunt per medias offensiones securè pergamus.

20 **R**epressa scribarum & Phariseorum malicia, turbis edoctis, & Apostolis instructis, Chananæa curatur. Et egressus inde Iesus secessit in partes Tyri & Sydonis. Egressus ex Iudæa gente, & cognatione sua, in terram gentium & idololatrarū, ubi aperta pestis vigeat: (minus namq; illi manifesta infidelitas quàm fraudulenta suorū religio displicebat, quod & nunc est, & semper fuit) secessit in partes Tyri & Sydonis. Tenebantur autem partes illæ, quæ Phœnicie nomine vocabantur, quæ regio est vicina Syriæ; eaq; de causa Syrophœnicia, quomodo Gallogræcia in Asia, Celtiberiū in Hispania aliquādo dicebatur: tenebantur inquā à posteritate Chanaā, cui ob reuelationē verecūdiæ patris, fœpiterna maledictione Deus maledixerat, qui & filiis relictis, ex quibus primogenitus Sydon antiquissimam & celeberrimam urbem condidit, eamq; ex nomine suo Sydonem appellauit, ut patet ex Genesi; eam prouinciam per eandem po-

dem posteritatem tenuit. Et ecce mulier Chananaea. Marcus ait: Erat autem mulier gentilis Syrophœnissa, hoc est, gentilis quidem religione, Syra verò lingua, Phœnissa verò genere siue gente: Phœnices autem Chananaei dicebantur, eò quòd metropolim Phœnicem haberent. Chananaei autem fuerunt, referente Hilario, terras in quibus nunc Iudæa est incolentes, qui vel bello consumpti, vel in loca vicina dispersi, vel in seruitutem deuictorum conditione sublati, nomen tantum sine patria sede circumferebāt. Plebs igitur hæc Iudæis admixta & gentibus erat. Hæc ergò mulier, cùm famam quidem eius iam olim audisset, nunc verò cùm eò accessisset, sequuta est eius vestigia. Et ecce mulier Chananaea, inquit, à finibus illis egressa. Cùm audiueris Chananaeam, inquit Chrysostomus, non poteris non meminisse iniquissimarum illarum gentium, apud quas etiam leges ipsius naturæ funditus euersæ fuerant: quod cùm memoria repetieris, virtutem quoq; aduentus Christi diligentius cogita. Qui enim eiecti sunt, ne Iudæos peruerterent, hi adeò ipsis Iudæis meliores fuerunt, vt terminis suis relictis ad Christum accederent, cùm Iudæi ad se venientem extruserunt. Egressa autem clamat, neq; enim propè accedere ausa, dicens ei: Miserere mei Domine fili Dauid, filia mea malè à Dæmonio vexatur. Scio me esse ignotam, scio Chananaeam, scio odiosam, repudiatis medicis, dæmonibus, astris, ligamentis, incantationibus, quibus tota mea gens scatet, ad te vitæ & mortis Dominum confugio, miserere mei fili Dauid, non alienum quid à tuo genere peto. Nam & Dauid proauus tuus lyra & psalterio suo dæmonia vel fugabat, vel reprimebat; tu qui longè potentior es, totum Dæmonium fuga. Neq; illud peto vt venias, vt aliquem ex discipulis mittas, aut lintamentum, sed miserere tantum, non enim amas & deferis. Neq; mireris hoc studium meum, filia enim mea, non vicina, non amica, non cognata malè vexatur, idq; à Dæmonio, cuius tibi malicia rectè perspecta est. Quid ad hæc Dominus? Tacet, non ex superbia Pharisaica, inquit Hieronymus, nec de scribarum supercilio: sed ne ipse sententiæ suæ videretur esse contrarius, per quam iusserat: In viam gentium ne abieritis, & in ciuitates Samaritanorum ne intraueritis. Nolebat enim occasionem calumniatoribus dare, perfectamq; salutem gentium passionis & resurrectionis tempori reseruabat. Et quis non moueretur cùm aliter quàm fama prædicaret, fieri videret? Audierant certè, quòd ciuitates & vicos Iudææ circumiens ægrotos curabat, & hanc vident mala sua deplorantem repelli. Poterat intrà se dicere mulier. Vnde tibi hæc inhumanitas? vnde hæc duritia in tanta præsertim fide & deuotione? Non frustra hoc fuit credite mihi: solet frequenter summus ille pater sanctis suis non respondere verbum: cumq; maximè ardere volunt, maximè frigidos effici, nullam consolationem, nullum internum gaudium, nullum blandum spiritus verbum referunt, estq; summa & maxima hæc probatio. Statim enim se ad peccatorum suorum magnitudinem referunt, ac hoc inde promanare existimant. Acerbum hoc silentium animæ ad Deum erectæ reperitur. Declarauit hoc Dauid cùm dixit: Vt quid obdormis Domine, vt quid obliuisceris nostri, vt quid despicias in opportunitatibus in tribulatione? Hoc idem Abacuc propheta: Vsquequò clamabo Domine, & non exaudies? vociferabor ad te, vim patiar, & non respondebis? Acerbum enim videtur, vt qui prius dulcem consolationem, dulceq; gaudium recipiebat, præcipuè ex sanctissimis vulnerū Iesu Christi fontib⁹, ex quibus frequenter illi vitæ liquor manabat, postea videat, omnia clausa nihilq;

hilq; inueniat, quod animū reficere possit. Facit itaq; benignissimus ille pater non aliqua inhumanitate, quæ ab eo est alienissima, sed primū vt ostendat filios hominum, nil omnino posse facere sine illo, vt semper illud inclament: Auxilium nostrum à Domino, qui fecit cælum & terram. Vnde ipsa Ecclesia vniuersas preces suas hinc exorditur: Deus in adiutorium meum intende. Deinde vt suorum longanimitatem probet, quantum, & quā prolixē sint persuasi de eius bonitate & misericordia. Tū vt nos eò diutiū contineat in oratione quod est optimum & pulcherrimum, vt ea ratione pressi, in nostris necessitatibus ad orationem nos totos referamus, omnis deuotionis atq; ardoris intendamus vires. Nihil enim est pulchrius, nihil salutariū, nihil iucundius, nihil cum maiore dignitate hominis coniunctum, quā ipsa oratio, cum Deo coniunctū esse, cū eo simul colloqui: euenitq; sæpius, vt longē maius sit Dei beneficium ipsa orationis perseuerantia, quā illud ipsum quod petitur, quod illi experiuntur, qui aliquando degustarunt quanta vis sit orationis: atq; ideò plerunq; illud quod minū est, dare differt; vt in eo diutiū, quod longē meliū est, detineat: Quid enim meliū est homini, quā cum Deo iungi ac miscere colloquia? Grauis igitur hæc est in oratione probatio, cū Deus oranti animæ non respondet vllum verbum. Sed ne sic quidem commoueri debet, sed potiū seipsam exhilarare, cū id non frustra neq; temere, sed cum suo magno bono fieri inde certō sciat, quod nunquā à se petere tam diligenter siuisset, nisi exaudire debuisset. Nam & nunc demonstrat quæ & quanta constantia sit mulieris Chananæ, eamq; formam & exemplum constantis orationis Apostolis suis proponit. Conseruat hanc constantiam mulier nostra, frangit hæc claustra ac repagula, quod ipsa non potest, diuinum illum & cælestem Apostolorum comitatum compellat, vt sua causa aliquid laboris ac diligentiae subire velint: Sciebat enim Deum amicorum suorum causa omnia facere, qui vel misericordia, vel ipsa eius importunitate victi accedunt, preces suas iungunt, dimitti eam petūt. Vel eo nomine, quod clamet post illos, respondet Dominus: Non sum missus, nisi ad oues quæ perierunt domus Israel. Cogitare poterat ex latere hæc secum: Quæ est ista excusatio tua? Nunquid ideò te corpore velasti, vt vnum tantummodò angelum liberares? & integrum relinquens orbem, Pontum, & Asiam, Aegyptum, & Ciliciam, Cappadociam, & reliquas nationes, de Israel tantummodò curas? relinquis terram desertam, nationes despectas, & solis Iudæis factus es liberator? Non vides iniuriam patris tui in falsis simulacris, & dæmonum cæremoniis exerceri? An non hoc etiam Prophetæ vulgauerunt? quid dicit parens tuus Dauid? Postula à me, & dabo tibi gentes hereditatem tuam, & possessionem tuam terminos terræ. Quid Isaias, qui oculis suis te aspexit: Exurget virga de radice Iesse, qui dominabitur omnibus gentibus, & in eum fines terræ sperabunt. Quid Iacob Patriarcha dixit? Non deficiet princeps de Iuda, & dux de femoribus eius, donec veniat dominator omnium, cui destinatum est dominium; & hic est expectatio gentium. Quid enim Zacharias propheta? Propter nos, inquit, claudentur portæ aræ: quoniam ab ortu solis vsq; ad occasum gloriabitur nomen Domini in omni loco, & effundentur libamina ante ipsum. Dauid ipse quid iterum dixit? omnes gentes plaudite manibus, iubilate Deo in voce exultationis: quoniam Deus excelsus, terribilis rex magnus super omnem terram. Deniq; quando natus es in carne

carne quos vocasti? nonné magos? Apostolos etiam cum mitteres, quid eis mandasti? Ite docete omnes gentes, baptizantes eos in nomine patris, & filij, & spiritus sancti. Et nunc misera mulier, acris doloris stimulis coarctata, Rogo te, & obsecro pro filia mea, ut eam à funesta passione absolvas. Quòd autem dicit: Nò sum missus nisi ad oues quæ perierunt domus Israel: & nò audis quòd ad gentes non missus sit, respondet Hieronymus, sed quòd primùm missus sit ad Israel, ut illis non recipientibus Euangelium, iusta fieret ad gentes transmigratio: Et significanter dixit ad oues perditas domus Israel; ut ex hoc loco etiam vnam erroneam ouem de alia parabola intelligamus: simul etiam ut è diuerso Iudæis ostenderet, qualem erga eos gereret affectum: quum infirmos eorum semel tantum rogatus, ac ne semel quidem, statim curabat, gentilium verò non item.

Differt solatia Dominus, obiurgat: Non est bonum fumere panem filiorum, & mittere canibus. O mira rerum conuersio, dicit Hieronymus. Israel quondam filius, nos canes. Pro diuersitate fidei ordo nominum commutatur. De illis postea dicitur: Circumdederunt me canes multi. Et: Videte canes, videte malos operarios, videte concisionem. Utinam hanc Dei vocem exaudiant pontifices, abbates, qui panem filiorum inter hæreticos aut simulatos Catholicos distribuunt. Non erat bonum panem filiorum dare canibus, lupos patronos & defensores ouium quærebant, qui pro illorum mensis potant nunc eos absynthio. Impletumq; est illud quod scriptura dixit: Nolite dare sanctum Dei canibus, ne conuersi in vos, lacerent vos. Quantopere nunc sint isti canes conuersi in nos, quantopere nos mordeant, iam videmus, an potius sentimus. Quantò erat melius bonos parochos, doctos viros ea pecunia fouere, qui hos canes procul à statione fugarent ouium. Tu verò non fidem solum huius mulieris, verum etiam humilitatem mecum admirare, inquit Chrysostomus: nam cum ipse Iudæos appellasset filios, adeò procul aberat, ne liuore alienæ laudis contaminaretur, ut maius adiecerit, atq; dominos nuncupauerit. Non quiescit mulier pulchra quadam inuerecundia inuerecunda, non cedit, dictum confirmat: nam & canis à domino percussus non discedit: sic etiam nec illa deficit, quin imò ansam arripit, qua potentem, qua secum luctantem superet, ab ipsis Christi verbis deprecatoriam orationem connectit. Callidum est ad impetrandum mulierum genus. Etiam domine, accipio quod das, quinimò sit mihi hoc positum contra te firmissimum præsidium, sis tu pater, sint Iudæi filij, addo ego de meo, sint domini mei; ego verò cum filia mea non canis tantum, sed catellus etiam, & ideò quoq; ego cum filiis istis sedere nolo: ideò panem non peto: sufficit mihi sub mensa esse: attamen te hinc teneo, nam cum canis tuus sim, de tuis micis viuere debeo: salus autem filiae meae catelli tui, apud te tantum Dominum mica exigua est. Scio me, inquit, panem filiorum non mereri, nec integros posse capere cibos, nec sedere ad mensam cum patre; sed contenta sum reliquijs paruulorum, ut per humilitatem micarum ad panis integri veniam magnitudinem: canis sum, sequar te quasi canis, ut porrigas mihi aliquid. Victus est tandem ille, qui omnia vincere solet, & victus est Deus Sabbaoth, quem nihil vincit, perseuerantia, humilitas semper vincit: filiã à Dæmonio liberat, fidem & constantiam collaudat. O mulier, magna est fides tua, quam neq;
genus

genus tuum, tuâq; peccata, neq; mea taciturnitas, neq; aperta negatio, neq; plagæ & obiurgatio potuerunt superare: vicisti omnē probationē & tentationem: Fiat tibi sicut vis. Magnum præmium perseverantis orationis, ut eius causa faciat Deus sicut velit. Nam audiimus cum Syrophenissa, inquit Chrysostomus, & muliere quæ sanguine fluxerat: Mulier magna est fides tua, fiat tibi sicut vis. Et: Filia, fides tua te saluam fecit.

20 **N**Otandum primò est, numerare & expendere huius mulieris D. Hieronymum virtutes miras. Mihi sub persona Chananitidis, Ecclesiæ fides, patientia & humilitas prædicatur. Fides, qua credidit sanari posse filiam suam. Patientia, qua totiens contempta, in precibus perseverat. Humilitas, qua se non canibus sed catulis comparat. Canes autem ethnici propter idololatriam dicuntur, qui esui sanguinis dediti, & cadaueribus mortuorū feruntur in rabiem.

21 **N**Otandum est secundo: grandem esse profectum fidei in hac muliere Chananitide, perseveranter enim primum filium David, deinde Dominum vocat, & ad extremum adorat ut Deum.

22 **N**Otandum tertio: regnum cælorum vim pati, & violentos occupare illud; quod in hac muliere videmus.

23 **N**Otanda quartò mulieris istius in orando constantia & perseverantia, ac lucta potius & certamen cum Christo domino, sed & victoria: ut quemadmodum quondam Iacob cum Domino pugnasse legitur & prævaluisse: ita & hæc mulier. Pugnabant contra istam mulierem omnia ferè. Primum, Sidon & Tyrus viæ gentium, Deo ingrata: pugnabat genus Chananæum exosum omnibus; Mater tua Chananæa, pater tuus Amorrhæus est: pugnabat quod ne de nomine quidem cognita: pugnabat silentium & neglectus, quem prima fronte Dominus illi obtulit. Quid enim hoc est? verbum patris non loquitur: ille qui traxit, non respondet: qui quærit, inuentam non suscipit: qui persequitur, fugit: nolentes compellat, petentes aspernatur? Pugnabat cum eadem muliere non tantum silentium, sed eò amplius repudium. Nō sum, inquit, missus nisi ad oves quæ perierunt domus Israel. Verum ne hîc quidem magnus & devotus cedit animus: instat, petit ulterius. Pugnabat deniq; contemptus & obiurgatio, quæ homines non libenter perferunt, fœmineus præsertim sexus: perfert ista, ac vnde maximè læditur vincit. Nam & catelli, inquit, edunt de micis, quæ cadunt de mensa dominorum suorum. Verum igitur & perfectum exemplum constantis & perseverantis orationis hoc est.

24 **N**Otandum quintò cum D. Augustino. Si Ecclesiæ primæ lachrymæ non impetrent postulata apud Dominum, obstinato est clamore frequentandus, & sanctorum eius appetenda sunt suffragia, ut ipsi Domino supplicare pro audienda Ecclesia, dignentur: sicq; fiet, ut qui mentem ab intentione non mutaverit, nequaquam fructu petitionis fraudetur.

25 **N**Otandum sextò: fidem adultorum infantibus prodesse. Et sanata est filia eius ex illa hora. Propter humilem fidelemq; sermonem matris, dæmonium deseruit filiam. Vbi datur intelligi, quod per confessionem alienam in baptismo à diabolo liberentur paruuli, qui necdum per se aliquid possunt, aut boni aut mali, contrà, quàm iudicant Anabaptistæ.

Notan-

NOtandum septimò: in omni precatione nostra, non tam dignitatem nostram, quàm dantis benignitatem nos videre debere: quin potius cum nullam in nobis causam salutis inueniamus, ab eo ipso qui nostra omnia apud se possidet quærere, ac cum rege Dauide dicere: Tibi soli peccaui, & malum coram te feci, vt iustificeris in sermonibus tuis, & vincas cum iudicaris, vincas cum iudicas, quia tu es bonus, & ego malus. Cum Manasse rege: Et tu Domine Deus iustorum non posuisti poenitentiam iustis Abraham, Isaac & Iacob, his, qui tibi non peccauerunt. Cum tribus pueris: Nò in iustificationibus nostris prosternimus preces nostras coram te Domine, sed in misericordijs tuis. His armis & præsidijs vsa est hæc mulier: Miserere mei fili Dauid, filia mea malè à dæmonio vexatur: scio me esse ignotam, scio exilem, maledicto genere oriundam, scio odiosam, scio peccatricem; sed tamen misera misericordiam peto.

NOtandum octauò: perditionem Israelis, non ex Deo, sed ex ipso Israele facta: vbi vide quanta sit libertas voluntatis humanæ, quæ etiam sempiterni Dei decreta, prout fas est dicere, immutat, & quanta sit labes ingritudinis: quanta item, & quàm summa pietas & beneuolentia in illam gentem, quòd nulla illorum inhumanitas, nullæ ab ea profectæ iniuriæ, nulla præterita peccata erant tanta, quæ illum ab eorum salute dimouere possent, si modò illi diem visitationis suæ cognoscere voluissent. Idem tibi met sperandū o Polonia, si modò volueris ex toto corde & perfecto pro tuis scelerib⁹ poenitere, si vias tuas pessimas relinquere, si ad cor redire, si vestigia maiorū tuorum imitari studueris.

NOtandum nonò: puerile inuentum hoc loco vocari à Caluino doctrinā patrum, quòd hinc sanctorum intercessionem astruant, falso iacto fundamento quòd sancti sint mortui. Atqui aliud docet scriptura: Iustorum animæ in manu Dei sunt, & non tanget illos tormentum mortis: visi sunt oculis insipientium mori; illi autem sunt in pace. Aliud docet ipse Dominus: Ego sum Deus Abraham, & Deus Isaac, & Deus Iacob. Non est Deus mortuorum, sed viventium. Verba Caluini sunt: Cæterum puerile figmentum fuit, quòd hoc prætextu conati sunt Papistæ sanctos, qui mortui sunt nobis inducere patronos: nam vt demus hanc foeminā petijisse à discipulis aliquid suffragationis vel gratiæ, quòd tamen ex textu elici non potest; alia tamen est mortuorum ratio, quàm viuorū: adde, quòd fastidiosè eam audiant discipuli: atq; vt animus illis fuerit patrocínio suo eam leuare, nihil tamen impetrant. Nimis festiuus es Caluine & impudens. Ad momentum non impetrant, at mox impetrant. Hac enim ratione neq; fides cuiusquàm, neq; oratio ardens, sed nec Christi quidem humanitas omninò nobis præsidij loco habenda esset. Sed tu impostor improbus & versutus es. Dilata est causa propter probationem mulieris. Cur autem Deus in societatem precationis nostræ multos nos aduocare iubeat socios, præclarè ante omnes docet ipse Paulus, quòd Caluinus nec vidit, nec videre voluit. *2. Corinth. 1.* Aduuantibus, inquit, vobis in oratione pro nobis; vt ex multarum personis facierum, eius quæ in nobis est donationis, per multos gratiæ agantur pro nobis.

NOtandum cum D. Chrysostomo: Habere vim pro nobis & quidem maximam, orationes supplicationesq; sanctorum: sed tunc profectò, cum nos quoque id ipsum per poenitentiam postulamus, & ad studia meliora confugimus.

Notan-

32 **N**Otandum vltimò: si quis seriò facit quod facere debet, secundùm Dei voluntatem, in omni re Deum non defuturum, sed opem laturum, ac iusti voti compotem effecturum. Nec sufficit hominem operari, si Deus non adiuuet: nec Deum adiuuare, si homo non operetur. Vtrumq; enim est necessarium, id quod propheta insinuat dicens: Nisi Dominus ædificauerit domum, inuanum laborauerunt, qui ædificant eam. Cæterum, hæc gratia & adiutorium cæleste non semper eodem modo diuiditur: sed prout disponit & ordinat sapientia & misericordia diuina. Quibusdam enim datur cum tanta facilitate, vt portam non quæsitam intrare videantur: alijs autem non conceditur, nisi prius quærant magnis laboribus: ita vt nonnulli Deum quærant, alij à Deo quærantur: his euenit, quod ijs euenire solet, qui thesaurum inueniunt, quem non quærebant; illi instar mercatoris illius sunt, qui quærebat bonam margaritam, & tandem inuenit illam. Horum exemplum clarum & euidentius habemus in duabus Euangelicis sceminis; quarum altera Samaritana nullo labore reperit illud quod non quærebat: altera summis precibus, multaq; humilitate tandem quod voluit impetrauit. Et quamuis in illa præluere diuina misericordia, & in hac iustitia magis spectari videatur: tamen in hac non minor fuit misericordia quam in illa. Deum enim quærere cum fide, humilitate & perseverantia, donum quoq; Dei est, & opus misericordiæ illius. Quisquis igitur Deum hoc modo quærere vult, & scire cupit quomodo quærendus sit; Chananitidem hanc intueatur, & quærat Deum, sicut illa quæsiuit illum, cum magna fide, ardenti charitate, profunda humilitate, inuicta patientia, & longa perseverantia. Clamavit illa, sequuta est, importuna fuit, perseveravit, humiliata est, abiecit sese ad pedes Iesu, & impetrauit quod desiderabat: eodem modo & tu quære, & certus esto, quod etsi idololatra, etsi Chananæus fueris, tandem eum inuenies. Quæretis me & inuenietis; cum quæsieritis me in toto corde vestro, inquit Dominus. Quærere autem Dominum in toto corde est, quærere eum cum fide, cum humilitate, cum patientia, cum perseverantia, tum & oratione continua, vt eum hæc mulier quæsiuit.

33 **C**Vrata Chananæ filia, reuertitur ad Iudæam, & mare Galilææ, & ascendit in montem; & quasi aus teneros foetus prouocat ad volandum; ibiq; sedet, & turbæ concurrunt ad eum, deducentes siue portantes secum varijs infirmitatibus oppressos: quos postquam curauit, dedit eis cibum: & hoc opere completo, ascendit in nauiculâ, & venit in fines Mageddan. Et ascendens in montem, sedebat ibi, & accesserunt ad eum turbæ. Obserua, quod muti, claudi, & cæci ducuntur ad montem, vt ibi curentur à Domino. Quod autem interpres vertit debiles, in Græco scriptum est *κυλλας*; quod non generale debilitatis, sed vnus infirmitatis est nomen, significat enim manu læsum *κυλλας*, quemadmodum & qui vno claudicat pedem *κωλ* appellatur. Pascit deinde quos curauit, prius tamen aufert debilitates, vt postea sanis offerat cibos: conuocat quoq; discipulos suos, & quid factururus sit loquitur, vt magistris exemplum tribuat, cum minoribus atq; discipulis communicanda esse consilia; vel vt ex confabulatione intelligant signi magnitudinem, respondentes se panem in eremo non habere. Misereor, inquit, turbæ, quia triduo iam perseverant mecum. Misereor turbæ, quia in trium dierum numero patri, filio, spirituiq; sancto credebant: Et non habent quod manducent. Turba semper esurit, & vbiq; indiget,

nisi saturetur à Domino: Et dimittere eos ieiunos nolo, ne deficient in via. Esurieriebant post magnas debilitates, & per patientiam futuros expectabant cibos. Non vult eos Iesus mittere ieiunos, ne deficient in via: periclitabitur ergo qui sine cælesti pane ad optatam mansionem peruenire festinat; vnde & angelus loquitur ad Eliam: Surge, & comede, grandis enim tibi restat via.

3 Reg. 19.

DE hoc signo iam supra diximus, & eadem repetere ociosi est, tantum in his quæ discrepant immoremur. Supra legimus: Vespere autem facto, accesserunt ad eum discipuli dicentes, Desertus est locus: hinc discipulis congregatis ipse Dominus loquitur, Misereor turbæ, quia iam triduo perseuerant mecum. Ibi quinque panes erant & duo pisces, hinc septem panes & pauci pisciculi: ibi super fenum discumbunt, hinc super terram: ibi qui comedunt quinque millia sunt iuxta panum numerum quos comedunt, hinc quatuor millia: ibi duodecim cophini replentur de reliquijs fragmentorum, hinc septem sportæ. Omnes autem partes cænæ Dominicæ adumbrantur hac præsentī refectiōe. Adumbratur primū locus: in monte refecta est multitudo, in monte item Sion, vt doctissimis & vetustissimis placet Epiphanio & Ambrosio, facta & instituta est cæna illa cælestis. Adumbratur tempus: Proinde D. Ioannes de manducatione corporis & sanguinis Domini, eiusque institutione disserturus, primū hoc ipsum exemplū & typū eodē capite præmittit, vt rem totam verisimilem esse demonstraret. Erat, inquit, proximum pascha dies festus Iudæorum, cum panes distributi sunt: in ipso pascha cæna est instituta, qua de re loco suo plura: Adumbrantur communicantes: ex omnibus gentibus & vicis colligebatur multitudo, quæ vsa est illis panibus, nō ex Iudæis tantum, sed ex gentilibus etiā: hinc corporis & sanguinis Domini cib⁹ cōmunis omnib⁹ est. Adūbrāt & quasi in imagine explicāt rationes & cæremoniæ cōsecrationis: Sunt signa, sunt verba. Signa, congregati populi in cōtubernia, distributio per cētenos & quinquagenos, eleuatio in cælū oculorū. Verba, benedictio, gratiarum actio: quæ ideō non scripta sunt, quia in traditione relicta. Ita quoties hunc locum lego, toties mihi sacerdotem ante altare sacra mysteria tractantem, ac diaconis ad distribuendum porrigentem videre videor. Adumbrantur demū ministri, qui huius sacramenti dispensatores esse debebant: neque enim aut Christus ipse distribuebat, aut ipsa multitudo sibi capiebat; sed Christus quidem frangit, Apostolis autem vt turbæ distribuant porrigit. In Apostolorum ministerio, inquit Ambrosius, futura Domini corporis & sanguinis diuisio præmittitur. Adumbratur & ipsa reliquiarum collectio, & in cophinos asseruatio: quia non canibus proijciendum, sed honorificè asseruari debuit. Sic ipsa sacramenti vis & natura penè quasi vnico exemplo explicatur. Nihil autem est quod magis in hoc sacramento perturbet, quod magis mentem moueat, quàm illud, quomodo vnus Christus plures ab omnibus eodem tempore sumptus satiet, & tamen ipse totus in se maneat. Alterum autem quomodo ipse Christus Dominus in pluribus locis esse possit. Vtrumque hoc amplissima hac imagine septem panum explicatur. Et primus ille difficultatis nodus soluitur in hoc: nam ijdem quinque panes, & hominum quinque millia cibauerunt, & ijdem tamen integri in cophinis remanserunt, vt & vnita s panis sit conseruata, & omnes satiati. Tum ijdem illi quinque panes, ijdem existentes in duodecim cophinis videntur, quos oculi viderunt Apostolorum, &

manus

manus contrectauerunt, vt iam ampliùs nihil relictum fit Zuinglio, Caluino, ac reliquis sacramentarijs, cur impossibilitatem obijciant, cùm hæc visa & attritata fuerint, atq; ab omnibus Euangelistis consignata. Magni igitur mysterij hi panes, hæc refectio est. Quemadmodū autē ritū huius sacramenti Christi Domini factum adumbravit: ita rationem ad illud nos apparandi hæc turba nobis in seipsis expressit, quam iam nunc explicemus, vt intelligam⁹ quomodo nos ipsos ad cænam Domini præparare debeamus. Primum autem est, quòd debemus ad hoc sacramentum non inuiti, & quasi pertracti venire; sed feruentes, incitati, auidi; vt illud cum Dauide dicere possimus: Quemadmodum desiderat ceruus ad fontes aquarum; ita desiderat anima mea ad te Deus: Sitiuit anima mea ad te Deum fontem viuum. Istæ turbæ etiam fugientem Christum persequutæ sunt: nos autem non tanquàm ad vitam, sed tanquàm ad mortem pertrahendi sumus. Deinde dimittenda est nobis domus nostra, opes & facultates nostræ, animus in seipsum colligendus: Dei immortalis beneficia, tantiq; & tam sublimis conuiuij recolenda. Quia verò fieri non potest, quin nullas infirmitates animi contraxerimus, curandum est, vt per veram contritionem, plenam & sufficientem confessionem eas expiemus: nam & ista turba ægros suos ante curandos obtulit quàm manducauerat. Nullæ pugnæ, nulla contentio in ista turba est, sed mutuò se adiuuant, mutuò sibi inferuiunt, tanquàm filij eiusdem patris; sed & nos inimicitias nostras tùm deponamus. Vacant & incumbunt curationi infirmorum, verbo Dei, ieiunio hæ turbæ: hoc idem & nos faciamus.

QVÆSTIONES EVANGELICÆ S. AVGVSTINI.

35 **P** R I M A. Munus quodcunq; est ex me, tibi proderit, id est, munus quod offers causa mei, ad te iam pertinebit: quibus verbis significant filij iam non sibi opus esse parentum pro se oblatione, quòd ad eam ætatem peruenissent, vt possent iam ipsi offerre pro se. In hac ergo ætate constitutos, vt possent parentibus suis hoc dicere, cùm hoc dixissent, negabant Pharisei reos esse, si parentibus suis non præstarent honorem.

36 **Q** V A E S T I O S E C V N D A. Omnis plantatio quam non plantauit pater meus cælestis, eradicabitur; id est, carnalis cupiditas, secundum quam sentientes offendebantur de prætermisissis rerum signis, vel etiam traditionibus suis, & præcepta vitæ non curabant, quæ à cupiditate animum purgant.

37 **Q** V A E S T I O T E R T I A. Quòd turbæ obtulerunt Domino mutos: mutos qui Dominum non laudant, vel non confitentur, fidem signant: cæcos, qui non intelligunt, etiamsi obtemperant iubentibus: surdos, qui non obtemperant, etiamsi intelligunt: claudos, qui præcepta non implent.

Caput XVI.



SIGNVM DE CAELO PHARISAEIS NEGATUR, A FERMENTO illorum, hoc est, doctrina, Apostoli arcentur. Dat Petrus testimonium Christo, Christus Petro, mortis futuræ, ascensionis Hierosolymā significationes dantur, ad martyrium discipuli provocantur.

Accedunt ergo ad eum Pharisei & Saducæi, tentantes & rogantes eum, ² ut signum de cælo ostendat; signum inquam aduenientis Messia; non ut crederent, sed ut tanquam maleficū apprehenderent. At ille respondens eorum hypocrisis, dicit. Ex elementorum ordine potestis & serenos dies & pluuias prænosceret: vos autem qui videmini legis doctores esse, ex prophetarum atque temporum ratione non potestis intelligere saluatoris aduentum. Erat autem commune præsagium, quod vespere rubicundo cælo existente, dicebant sequentē diem clarum futurum totum. Facto, inquit, vespere dicitis, serenum erit: rubicundum est enim cælum: & manē, hodiē tempestas: rutilat enim triste cælū. Euenit autē hoc ex ea causa, quod vespere rubescente, cæli attenuatio, & dispersio significatur, quæ post futura nocte consumitur & concoquitur: manē autē cū rubet cælū, nubes nondū concoctæ demonstrantur, quas adueniens sol in pluuias resoluat. Euthymius autē sic: Quemadmodū apparentiæ cælestes, aliæ quidē tempestatē designant, aliæ serenitatē, ne aliquis signo tempestatis ad declarandam serenitatē abutatur, nec e contra: sic inquit, & de aduentu meo: nam primi aduentus illius debebant esse de terra signa, secundi è cælo, iuxta illud: Erunt signa in sole. Quod si sapientes essetis, cognosceretis utique quod hæc signa quæ in terra fiunt, præsentis sunt temporis: signa verò quæ de cælo fiunt, tēporis sunt alteri, cōsummationis seculi. Tunc enim sol obscurabitur, & luna non dabit splendorem suum, stellæq; cadent de cælo. Faciem, inquit, cæli diiudicare nostis: signa autem temporum non potestis scire. Generatio mala & adultera signum quærit, & signum non dabitur ei, nisi signū Ionæ prophetæ. Tu verò considera, inquit Euthymius, excœcationem eorum, quod cū Ionam nossent, ac præsentia verba, & prius, & nunc quoq; audissent, noluerunt interrogare ac discere quod esset hoc signum quod diceret: tentatores enim erant sicut dictum est: ideò etiam ipse relictis illis abscessit. Ionæ autem se Dominus comparat, quod ad futuræ passionis effectum in prædicationem poenitentia ad Ninivitas pari specie eum præmiserat. Namq; Ionas ventis desæuientibus proiectus è naui est, & deuoratus à Ceto, post triduum amplius non retentus à monstro, non cibi conditione confectus; sed contra generis humani naturam integer & illæsus in auras superas virtute Dominicæ præfigurationis euasit. Hoc ergo potestatis suæ signum constitutum esse demonstrat, ipse remissionem peccatorum per poenitentiam prædicans, de Ierusalem, vel synagoga immundorum spirituum dominante flatu eiiciendus, & Pilati potestati, id est, seculi iudicio tradendus, & à morte tanquàm elementi eiusdem monstro glutiendus, & post triduum ex ea contra conditionem hominis quem assumpserat non retentus, viuus atq; incorruptus emergens. Ea igitur quæ in homine de conceptu virginis sumpto, diuinarum erant plena virtutum, cognosci atq; intelligi se voluit Dominus, & prophetæ signo & hominis exemplo. Hæc Hilarius.

Hoc dicto Phariseos & Saducæos hypocritas, reliquit, ad discipulos, ³ qui

qui veram & synceram doctrinā laudant conuertitur: eos, sumpta occasione ex hypocrisi Phariseorū, monet, vt caueant à fermento illorū, quod est hypocrisis, de quo fermento multa hoc loco philosophatur Christus, quæ discipuli nō intelligūt: sed putantes, quod de eo cum eis loquatur, ne cum pharisæis accipiant panē, intra se coeperunt cogitare, Quia panes non accepimus. Quam eorum simplicitatē Dominus increpat, tribusq; argumentis confutat. Quid cogitatis inter vos modicæ fidei, quia panes non habetis? Mox adfert tria argumenta: primò à quinq; panibus: Nondum intelligitis, neq; recordamini quinq; panū: secundo, à quinq; millibus hominum: Et quinq; millium hominum: tertio, à septem sportis: Et quot sportas sumpsistis. Si hæ, inquit, superfuerunt, quantò magis necessaria aderunt; modò fermentum Phariseorum declinetis. Fermentum acetosum est & exoletum: sic & phariseorum atq; Saduceorum doctrina, mordens animum, acerbæ existens, & veteres traditiones antiquorum inculcans: & quemadmodum fermentum miscetur ex farina & aqua; sic & doctrina Phariseorum miscetur ex vita & sermone corruptis. Marcus hoc loco subiungit, & fermento Herodis. Fermentum Phariseorum est, legem verbis prædicare, factis impugnare: fermentum verò Herodis est, adulterium, homicidium, & quod origo scelerum est, odium & persecutio in Christum, & sanctos eius. Et caute à fermento, id est, à doctrina corrumpente. Nec est mirum, si fermentū dicitur hic doctrina corrumpens, suprà autem fermentum accipitur pro feruore fidei: quia eadem res ex diuersis proprietatibus, benè significat opposita & disparata: sicut leo aliquandò præclare; vt in Apocal. Vicit leo de tribu Iuda; & hoc propter constantiam & audaciam in aggrediendo ardua & periculosa: aliquando accipitur pro diabolo propter crudelitatem, secundum quod dicitur, Aduersarius vester diabolus, tanquam leo rugiens circuit, quærens quem deuoret: ita eodem modo fermentum propter calorem inclusum significat feruorem fidei; propter autem corruptionem, malam doctrinam.

Matth. 13.

4 **N**Otandum autem hoc loco primum est; quamuis improbi & perfidi homines inter se non conueniant, quamuis secum pugnent; contra Dominum tamen, & contra Christum eius, sponsam eius facile conuenire. Astiterunt reges terræ, quod in Pilato & Herode vidimus, nunc in Phariseis & Saduceis videmus. Qui autem sint Pharisei, qui Saducei, in oratione de excidio Ierosolymitano docuimus. Frequenter autem, inquit, Origenes, & nunc videre licet, in vita eos, qui maximè discrepant opinionibus, siue in Græcorum Philosophia, siue in alijs disciplinis, apparere concordēs; vt irrideant oppugnentque Iesum Christum, qui est in suis discipulis.

5 **N**Otat secundo loco Lyranus: aduertendum esse, quod aliqui Pharisei & scribæ omisso studio legis & prophetarum, studebant in Mathematicis & potissimè in Astrologia. Vnde & vsque hodie aliqui eorum in hoc sunt valdè curiosi: & quia Astrologi aliquando volunt indicare per considerationem astrorum de inchoatione legum & sectarum diuersarum, ideò & isti volebant per astra prædicere de aduentu Christi, hoc autem est impossibile: quia virtus cæli non se extendit ad talia, licet se extendat ad quædam alia prædicenda de futura dispositione aëris, vt siccitate, pluuia & huiusmodi: & hoc est quod dicitur: Et accesserunt ad eum, si possent eum in aliquo capere, & rogauerunt vt signum de cælo ostenderet eis, declarando tempus sui aduentus ex aliquo signo cælesti.

Bb 3

At ille

At ille respondet, aliquid prædicere de futura temporis dispositione potestis per considerationem cæli, quia ad hoc benè se extendit talis scientia. Rubicundum est cælum : ideò serenū tempus erit. Talis enim dispositio cælestis, signū est futuræ serenitatis, quia sic frequenter contingit, licet aliquando impediatur. Et manè, supple, dicere potestis, Rutilat, quod contingit in coruscatione & tonitru, & hoc est signum tempestatis, propter quod subditur : Faciem ergò cæli, in quantū facies cæli est signū alicuius inclementiæ dijudicatis: signa autē temporū definitōrū in præsentia Dei de aduentu Christi, non potestis per talia dijudicare, quia hic dependet ex diuina dispositione, & non ex aliqua constellatione. Et propter hoc aduentus Christi considerandus est, vt dictum est, ex dictis Prophetarum, qui hoc habuerunt ex diuina reuelatione, sicut habetur Dan. 9.

Notandum tertio, cum Origene, Phariseos cum Saducæis à probabilitate quadam inuitari, ad credendum Iesu miraculis : non tamen vt etiam veniam mererentur, qui non inspicerent verba prophetarum impleta in factis Iesu, quæ praua vis nequaquam facere potuisset. Siquidem animam egressam reuocare, vt iam fatens & quadriduanus è monumento prodiret, nullius erat, nisi illius qui audierat à patre, Faciamus hominem secundum imaginem & similitudinem nostram. Quin & imperare ventis, & impetum maris sedare ; nullius alterius est, nisi illius, per quem omnia, & ipsum mare & venti facti sunt. Quid aliud declarabat ijs, qui videre poterant ; quàm quòd verè Deus esset, qui talia operaretur ? Est autem etiam doctrina ad amorem conditoris prouocans, legi ac prophetis concinens, atq; animi motus cohibens, moresque ad pietatem formans.

Notat quartò Origenes, Phariseos cum Saducæis non veritos fuisse dicere Iesum in Beelzebub principe dæmoniorum eijcere dæmonia. Existimabant autem signum de cælo non posse à Beelzebub aut ab aliqua praua virtute fieri. Sed errabant in vtriusq; signis, tum in his quæ veniebant è cælo, haud quàm probati trapezitæ, neque gnari discernere spiritus operantes, qui sint à Deo, qui desertores illius. Atqui conueniebat illos scire, multa quæ per Moysen aduersus Ægyptios prodigia facta sunt : cùm non venirent è cælo, tamen Dei fuisse : & ignis è cælo delapsus, super oues Iob, non erat à Deo. Siquidem eiusdem erat ignis ille, cuius erant illi, qui in captiuitatem duxerunt, quique fecerunt tres turmas equitum & iumentorum Iob.

Notandum quintò: vsitatum esse, vt dum homines spirituales de cælo, rebusq; conferunt cælestibus; homines carnales interim de terra & panibus aliquid inter se pertractent. Sic modo Christo Domino de aduentu suo disputante, deque fermento, doctrina & hypocrisi Phariseorum, Apostoli interim de pane nescio quid cogitant, ad eumque sensum doctrinam cælestem referunt.

Notandum sextò: beneficia Dei facilè hominibus effluere, facileque eorum memoriam deleri. Quam hoc loco discipuli facilè quinque panum miraculi cælestis, per manus illorū administrati obliti sunt, ad priuatā se curā referentes?

Notandum septimò: irasci Caluinum hoc loco, quòd ab eo signa petantur, 10

tur. Verba eius sunt. Sic hodie Papistæ, quasi nunquam esset sancita Euangelij doctrina nouis miraculis sibi probari postulant. Euangelica doctrina sancita est, sed non Calvinistica. Et: Citiùs, inquit, citiùs ignis aquæ miscebitur, quàm vt Papæ figmenta cum Euangelio quis conciliet. Et Caluini mandata cum doctrina Christi & Catholica veritate. Definir ipse miracula virtutis diuinæ præfatis testimonia, ac sigilla veræ doctrinæ. Si igitur Caluinus hæc non adfert, virtute diuina caret, vera doctrina caret.

11 **N**Otandum octauò, cum Origene: ob eos, qui putant ex Euangelio Matthæi nullo pacto doceri Seruatoris diuinitatem, discipulis apud se cogitantibus dicentibusque, Panes non habemus, Iesum cognouisse cogitationem illorum, ac dixisse: Quid cogitatis apud vos exigua præditi fiducia, quòd panes non acceperitis? quod haud erat humanum. Vnus enim omnium ac solus cognoscit corda hominum Dominus, sicut ait Salomon.

12 **N**Otat nonò hoc loco D. Hieronymus: istiusmodi fermentum (quod omni ratione vitandum est) habuisse Marcionem & Valentinum, & omnes hæreticos. Fermentum hanc vim habet, vt si farinæ mixtum fuerit, quod paruum videbatur crescat in maius, & ad saporem suum vniuersam consersionem trahat; ita & doctrina hæretica, si vel modicam scintillam in tuum peccatus iecerit, breui in ingentē flammā crescit, & totā hominis possessionem ad se trahit.

13 **F**ermento synagogæ refutato & reiecto, fundamenta ordinis & administrationis Ecclesiasticæ in futurum iaciuntur: primò quis futurus sit primus in Ecclesia Dei princeps, deinde, quis & qualis eius vicarius, clauēs & potestas assignantur, firmitas regni promittitur. Ita autem clare hæc præscripsit, vt amplius nefas sit disputare, aut de Christi natura, aut de Petri vicaria potestate. Venit Iesus in partes Cæsareæ Philippi, & interrogabat discipulos suos dicens: Quem dicunt homines esse filium hominis? Quæ ista Philippi Cæsarea sit: quis iste Philippus, explicat Hieronymus. Philippus iste est frater Herodis, de quo supra diximus tetrarcha Ituræ & Traconitidis regionum, qui in honorem Tyberij Cæsaris Cæsaream Philippi, quæ nunc Paneas dicitur, appellauit, & est in prouincia Phænicis, imitatus Herodem patrem, qui in honorem Augusti Cæsaris appellauit Cæsaream, quæ prius Stratonis turris appellabatur: & ex nomine filiae eius Iuliadem trans Iordanem extruxit. Ille locus est Cæsareæ Philippi, vbi Iordanis oritur ad radices Libani: & habet duos fontes, vnum nomine Ior & alterum Dan, qui simul misti, Iordanis nomen efficiunt. Filium verò hominis ait, hoc est eum qui hominibus apparet nudus homo. Interrogauit autem non quasi ignorans, sed dispensatorio modo, vt Petrus diceret, quod sibi reuelatum erat, & cæterorum omnium opiniones, quæ de ipso erant, reprobandentur tanquàm erroneæ. Sciebat namque, quòd Deus ac pater reuelauerat Petro de se, aperiens mentem eius. Vide autem quòd non circa prædicationis initia interrogauerit, sed postquàm multa magnaque docuerat, postquàm sufficientes de sua diuinitate ac æqualitate ad patrem probationes euidentes tradiderat. Hæc Euthymius. Et interrogabat, inquit, discipulos suos dicens: Quem dicunt homines esse filium hominis? Non dixit, quem me esse dicunt homines, sed, filium hominis: ne iactanter de se quærere videretur. Et

SERIES
Euangelij.

nota: quòd vbicunque scriptum est in veteri testamento, Filius hominis, in Hebræo filius Adam sit positum. Illud quoque, quod in Psalmo positum legimus, Filij hominum vsquequo graui corde, in Hebræo dicitur, filij Adam. Quamquam D. Chrysostomus doceat, deitatem suam sic eum appellare solitum fuisse; quale & illud est: Nemo ascendit in cælum, nisi qui de cælo descendit, filius hominis qui est in cælo. Et: Cùm videritis ascendentē filiū hominis, vbi erat prius. At illi dixerunt: Alij Ioannem Baptistam, alij autem Eliam, alij verò Hieremiam, aut vnum ex prophetis: hæc autem omnia nascebantur ex fide futuræ resurrectionis, quia credebantur aliquando resurrecturi. Putabant autem illum Eliam, ob libertatem arguendi, & quia eius aduentus promissus erat: iamque in Iudæa constabat tempus aduenisse Messia, quod Elias anteuertere debuit. Hieremiam prophetam, ex vtero in mundum elatum sapientiam diuinitus infusam, & non studio quæsitam habentem. Non plus sentiunt nostri Ariani, quam vnū esse ex prophetis. Si autem homo nudus esset, vt Apostoli ex vulgi sententia dicunt, nulla interrogatione ampliùs opus esset, quod tamen vrget Christus Dominus: Et exposita aliena sententia, de propria interrogat: Vos autem quē me esse dicitis? Respondet omniū nomine Petrus, vt vnitas in omnibus obseruetur: Tu es Christus filius Dei viui. Confitetur autem Christū filiū Dei cum articulo ō: Nō quiūis filius Dei, sed ille, inquam, vnus & sanctus, non gratia filius, sed natura, ex ipsius patris visceribus promanans. Deum viuum appellat ad differentiam eorum deorum, qui putantur dii, sed mortui sunt; qualis erat Iupiter, Saturnus &c. Viuum etiam vocat, iuxta illud Iosue. Deus viuens ego sum. Et Ezech. 18. Viuo ego, dicit Dominus.

ET hic ipse est tantus, & talis primus in Ecclesia princeps, primū caput 14 Iesus Christus: sed quis, & qualis vicarius, docet deinceps ipsum princeps caput, testimonioq; de se Apostoli reddit vicē; mercedē recipit vera confessio. Beatus es, inquit, Simō Bariona. Tu es Simō filius Ionæ, tu vocaberis Cephās: Nā quia patrē meū prædicasti, ego etiā illū nomino, qui te genuit: ac si diceret: quemadmodū tu Ionæ filius es; sic ego patris mei filius sum. Nam aliter superuacaneū omninō atque superflūū erat dicere: Tu es filius Ionæ, inquit Chrysostomus. Verū quia ille dixit: Tu es filius Dei, vt sic se esse filiū Dei ostendat, sicut ille Ionæ filius fuit, eiusdē videlicet substantiæ; idcirco illud adiecit: Quia caro & sanguis nō reuelauit tibi, sed pater meus, qui in cælis est. Quod caro & sanguis nō potest reuelare, reuelat spiritus sancti gratia: ergo ex cōfessione fortitur vocabulū, inquit Hieronymus, quòd reuelationē ex spiritu sancto habeat; cuius & filius appellandus sit: Siquidē Bar-Iona in nostra lingua sonat filius colūbæ. Alii simpliciter accipiūt, quòd Simō, id est, Petrus sit filius Ioannis, iuxta alterius loci interpretationem. Simon Ioannis diligis me? Qui respondit: Domine tu scis. Et volunt vitio scriptorum deprauatum, vt pro Barchijonna, hoc est, filius Ioannis, Bariona scriptum sit, vna detracta syllaba. Vtrumque autem nomen mysticē intelligi potest, quòd & columba spiritum sanctum, & gratia Dei donum significat spirituale. Illud quoque quod ait: Quia caro & sanguis non reuelauit tibi, Apostolicæ narrationi comparatur, in qua ait: Continuò non acquieui carni & sanguini. Carnem ibi & sanguinem Iudæos significans, vt hic quoque sub alio sensu demonstratur: quòd ei non per doctrinam Pharisæorum, sed per Dei gratiam Christus Dei filius reuelatus sit.

Appro-

15 **A**pprobans autem Petri sententiam, alienas reijcit, ac ad remunerationem se refert. Et ego dico tibi, quia tu es Petrus, & super hanc petram ædificabo Ecclesiam meam: dico non sermone casso, & nullum habente opus, sed dico tibi, quia meum dixisse fecisse est. Sicut ipse lumen Apostolis donauit, ut lumen mundi appellaretur, cæteraque ex Domino sortiti sunt vocabula: ita & Simoni, qui credebatur in Christum petram, Petri largitus est nomen. Et super hanc petram ædificabo Ecclesiam meam, & portæ inferi non præualebunt aduersus eam. Ego portas inferi reor vitia atque peccata, vel certè hæreticorum doctrinas, per quas illecti homines ducuntur ad tartarum. A talibus portis liberatum se gaudet Dauid. Tu, inquit, eleuasti me de portis mortis, homicidij & adulterij, quæ ducunt ad mortem. Nemo itaque putet de morte dici, quod Apostoli mortis conditioni subiecti non fuerint, quorum martyria vident coruscare. Vel portæ inferni sunt peccata, minæ, blandimenta, hæreses; quibus infirmi ruunt in mortem, qui non verè super petram, sed super arenam, domum professionis suæ credendi sunt ædificauisse. Et tibi dabo claues regni cælorum: & quodcunque ligaueris super terram, erit ligatum & in cælis: & quodcunque solueris super terram, erit solutum & in cælis. Claues intelligimus tam ligantes quàm solucentes, peccatorum condonationes & absolutiones. Habent enim potestatem remittendi peccata illi, qui Petri Episcopatus participes sunt effecti. Quomodo ergò in lege veteri leprosum sacerdos mundum, vel immundum facit: sic & hic alligat, vel soluit Episcopus ac presbyter, non eos qui insontes sunt, vel innoxij, sed pro officio suo, cum peccatorum audierit varietates, scit qui ligandus sit, quiue soluendus.

16 **Q**um confessus esset ipsum Dei filium legitimum esse, iam ei demonstrat suæ diuinitatis dignitatem dicens: Ædificabo super te Ecclesiam meam, & dabo tibi claues regni cælorum, videlicet ut ad illud introducas, siquidem clauigeri est introducere. Atqui dicet aliquis donum hoc cæterorum etiam fuit Apostolorum. Sed primum huic datum est, quia primus hic Dei filium legitimum esse fassus est; ideo quoque post Saluatoris in cælum ascensionem, præ omnibus longo docuit tempore, multosque introduxit ad fidem. Et quodcunque ligaueris super terram, erit ligatum & in cælis. Etiam hoc clauigeri proprium est. Ligare autem dicit, non ignoscere. Promittit ergò, Quodcunque peccatum non condonaueris super terram, neque in cælo condonabitur à Deo: & quodcunque condonaueris hic, erit & ibi condonatum. Tribus autem argumentis confirmat de sua diuinitate fidem & confessionem Petri Christus. Primum est, quod ædificaturus sit Ecclesiam, quod Dei proprium est. Et ædificabo, inquit, Ecclesiam meam. Secundum argumentum, quod perpetuò eam conseruaturus sit: Et portæ, inquit, inferi non præualebunt aduersus eam. Tertium, quod daturus erat claues remittendi peccata, quod similiter diuinum est. Quodcunque ligaueris super terram, erit ligatum & in cælis: & quodcunque solueris super terram, erit solutum & in cælis. Atqui prius discipuli sedata tempestate filium Dei confessi sunt, dicentes: Verè Dei filius es, nec tamen beati prædicati sunt. Et alij quidam Deum esse crediderunt, sed nullum illorum beatificauit. Quid ergò? Dicendum est, quod omnes qui illum filium Dei confessi sunt, aut Deum esse, crediderunt: non naturâ & propriè hæc illum esse opinabantur, sed adoptione, & secundum excellentiam virtutis,

tutis, veluti etiam omnes sanctos Dei filios esse dicunt. Solus autem Petrus vere Christum & natura & proprie filium Dei nunc esse intellexit: ideo quoque volens Christus demonstrare, quod solus hic recte cognouerit, & sine errore confessus sit; ipsum beatificat, tanquam affectum de se diuinam reuelationem. Caro enim & sanguis, hoc est homo, non initiauit te ad sacram hanc de me confessionem; sed pater meus, tanquam huiusmodi confessione dignum. Quare libenter ab his quærerem, inquit D. Chrysostomus, qui dignitatem filij minorem quam patris dicunt, quænam sibi maiora videantur dona, quæ pater, an quæ filius Petro largitus est? Pater quidem reuelationem ei filij sui dedit, filius autem partim, ut tam patris, quam filij sui reuelationem ubique terrarum posset seminare: partim, ut quamuis homo esset mortalis, cælesti tamen potestate polleret, & clauis haberet regni cælorum. Ita à Petro ecclesiam per vniuersum orbem amplificatam, cælo etiam ipso validiorem monstrauit. Transibunt, inquit, cælum & terra, verba autem mea non transibunt. Quomodo ergo minor est, qui hæc dedit, qui hæc Petro effecit? Hæc autem non ideo dico, quia alia patris, alia filij opera esse putem. Omnia enim per ipsum facta sunt, & sine ipso factum est nihil: sed ut linguam eorum abscindamus, qui talia proferunt.

NOtandum primò, esse duo genera hominum in extremo posita: pri-¹⁷ mum, quod aura hominum more Chamæleontis viuit, vanam consecretur & captat gloriam: alterum, quod iudicia hominum contemnit, quid quisque loquatur non curat, quod sibi ipsi tantum confidit, ut omnes alios negligat. Vitiosum est hoc vtrumque genus hominum, in extremo positum, superbum & arrogans, magis tamen posterius: medium est quoddam optimum, quod leues sermones non curat, serios & graues consecretur; ut si quid bonum dicitur, in eo proficiat, ut in eo magis se exercent: si quid malum, ut corrigat, & quod Aristoteles exprimit, quod iudicio suo inniti non vult; sed quærit iudicia bonorum, ut credat se esse bonum. In quo genere nunc se ipse filius Dei collocat. Quem dicunt, inquit, homines esse filium hominis? non quod ignoret, cui omnia nota erant; sed ut exemplum det, sed ut prauas opiniones refuter, sed ut meriti & commendationis locum suis relinquat. Itaque veteres imperatores habebant suos quos vocabant ophthalmos, qui hominum de se suffurarentur iudicia: sed & aliqui tentoria circumire solebant, ut quid quisque de illis diceret, aut sentiret, liberiùs cognoscerent.

NOtandum secundò est: omnia magna populum ad Christum Dominum¹⁸ detulisse, Ioannis, Elia, summorum hominum titulos. Nisi igitur fuisset in Christo aliquid summum, quod oculis videri non posset, & ad quod reuelatione patris opus non esset, superflua fuisset hæc quæstio. Vos quem me esse dicitis? Præclare scribit Hilarius. Est autem hæc vera & inuiolabilis fides ex Deo æternitatis, cui ob id quod semper filius fuerat, semper & ius patris & nomen sit (ne si non semper filius, non semper & pater sit) Deum filium profectum fuisse, cui sit ex æternitate parentis æternitas. Nasci autem eum voluntas eius fuit, cuius in virtute ac potestate inerat, ut nasceretur. Est ergo filius Dei ex Deo Deus, vnus in vtroque: theoteta enim, quam deitatem latinè nuncupant, æterni eius parentis, ex quo nascendo est profectus, accepit. Accepit autem hoc quod e-
rat,

rat, & natum est verbum, quod fuit semper in patre. Atque ita filius, & æternus & natus est, quia non aliud in eo natum est, quàm quod æternum est. Hunc igitur assumpsisse corpus, & hominem factum esse, perfecta confessio est: quia sicut æternitas naturæ nostræ corpus accepit: ita cognoscendum est, naturam corporis nostri æternitatis assumere posse virtutem. Igitur quia summum in ista fide bonum est, à discipulis requirit, quem se homines esse dicerent, & adiecit, hominis filium. Hæc enim confessionis tenenda ratio est: vt sicut Dei filium, ita & filium hominis meminerimus: quia alterum sine altero nihil spei tribuit ad salutem. Editis itaque, quæ diuersæ de eo erant, hominum opinionibus, quid de se ipsi sentiant quærit. Petrus respondit: Tu es Christus filius Dei viui. Sed Petrus conditiones propositionis expenderit. Dominus enim dixerat: quæ homines dicunt esse filium hominis. Et certè filium hominis contemplatio corporis præferebat. Sed addendo, quem me esse dicunt, significauit præter id, quod in se videbatur, esse aliud sentiendum: erat enim hominis filius. Quod igitur de se opinandi iudicium desiderabat? non illud arbitramur, quod de se ipse confessus est: sed occultum erat, de quo quærebatur, in quod se credentium fides debebat extendere. Et dignum planè præmium confessio Petri consequuta est, quia Dei filium in homine vidisset. Beatus hic est, qui vltra humanum oculos intendisse & vidisse laudatus est, non id quod ex carne & sanguine erat contuens: sed Dei filium cælestis patris reuelatione conspiciens, dignusque iudicatus, qui quod in Christo Dei esset, primus agnosceret. O in nuncupatione noui nominis felix ecclesiæ fundamentum: dignaque ædificatione illius petra, quæ infernas leges, & tartari portas, & omnia mortis claustra dissolueret. O beatus cæli ianitor, cuius arbitrio clauces æterni aditus traduntur: cuius terrestre iudicium præiudicata autoritas sit in cælo: vt quæ in terris, aut ligata sint aut soluta, statuti eiusdem conditionem obtineant & in cælo.

19 **N**Otandum hoc loco tertio, vnam esse viam virtutis, erroris infinitas: quod nunc in opinionibus de Christo videre licet, & postea semper licuit.

20 **N**Otanda quartò, iudicij vulgi vanitas, & inconstantia: præsentia odit, præterita laudat; id quod non est, putat esse, quod est, non esse: præsentibus præterita attribuit, præteritis præsentia. Dum Ioannes viuus erat, illum Messiam dicebant: dum Messias exortus est, Ioannem eum esse opinantur: ita nihil constans, nihil solidum. Sit ergo illa vitæ regula, lex Dei, recta ratio, pura conscientia, iudicium paucorum, & sapientum.

21 **N**Otandum quintò: reijci primùm hoc loco Iudæos, deinde Mahumetanos; qui Christum Dominum esse putant solum hominem: reijci Ebionitas, Samosatenos, qui prophetam tantum: Arianos, qui minorem patre. Christus tamen veram de se sententiam ab Apostolis cognoscere vult; nobis in posterum eius rei exemplum relinquens, vt ab Apostolis, Apostolicisque viris, veram de Christo sententiam discamus. Atqui nunc contrarium Euangelicum vulgus putat. Neque enim quisquàm est ex illis, qui se non melius de Christo intelligere præsumat, quàm omnes veteres patres, quàm omnes huius seculi sacerdotes, summa impudentia & stultitia. Neque tamen hæc ex nihilo nascuntur, sed quia sacerdotes ipsi plerunque plebe ipsa imperitiores, plerunque deterius consci-

conscientiæ existunt. Cuius rei in primis reges, atque alij sacerdotiorum collatores causa sunt, qui talibus sacerdotia suæ dispensationi credita à Deo, conferunt: quo nomine sempiternam damnationem obtinebunt. Vineæ enim Domini Dei Sabaoth maceriam diruunt, & vindemiant eam omnes, qui prætergrediuntur viam. Decet igitur sacerdotem & Apostolicum virum, perfectiorem de Deo, rebusque diuinis sensum & sententiam habere.

Sextò notanda est plenior expositio confessionis D. Petri. Duo hæc con- 22
fessio continet: primum, Christum neque Ioannem, neque Eliam, neque Ieremiam, neque Prophetam esse; sed verum illum, tot seculis expectatum Messiam: hoc enim Christi nomen sonat. Sed quoniam ne inter ipsos quidem Iudæos constabat, hic Messias, simplex-ne homo futurus erat, an etiam Deus: ideo non solum Messiam esse, sed etiam filium Dei viui. Qui diuinitati Iesu Christi aduersantur, eiusque sunt inimici, dicant hoc loco Petrum intellexisse, filium Dei adoptiuum atque prædestinatum principem in filiis. Sed eam ipsam diabolicam esse expositionem multa declarant. Primum, ea quæ antecesserunt, huiusmodi filij adoptionis omnes illi erant, quos recensent & Ioannes & Elias, & Ieremias, & omnes prophetæ, & omnes Israelitæ, Deo ipso testante apud Isaiam. Filios enutriui, & ipsi spreuerunt me. Deinde ipsa prolatio verborum: nam omnibus istis vocabulis quatuor, Christus filius Dei viui, additi sunt in Græco articuli, qui quoties vocibus adiunguntur, aliquid singulare & præcipuum ante alia significatur. Sic enim dicitur: Tu es Christus, non qualiscunq; quales fiunt alij vel reges, vel sacerdotes: sed tu es ille ipse, naturalis, propter quem cæteri omnes filij sunt: & es filius non fictitij cuiuspiam Dei, sed illius primi & summi, veri, & per se viuentis, qui cælum & terram fecit, Dei. Tum & collaudatur eius testimonium. Respondit Iesus: Beatus es Simon Bariona. Confessus est antea filium Dei Christum Natanael: Rabbi, tu es filius Dei. Confessi sunt alij multi: Verè filius Dei hic est: neque tamen beati appellantur, quia non illo modo, quo isti, filiū Dei appellarunt: At quia omniū Petrus hac beatitudine dignus ob eam confessionem esse iudicatur; apparet profectò singulari modo confessum esse filium Dei; illum inquam, de quo ipse Dominus: Hæc est vita æterna, vt cognoscant te verum Deum, & quem misisti Iesum Christum. Tum illud, quod consequitur: Caro & sanguis non reuelauit tibi, sed pater meus, qui in cælis est. Hoc non à tuis parentibus didicisti, non à sacerdotibus & pontificibus, nō humana vlla doctrina, non etiam hic aspectus carnis & sanguinis mei, vt exponit Hilarius, sed pater meus qui in cælis est. Atque filium per adoptionem caro & sanguis reuelare potuit, per naturā nō potuit, nisi pater ipse: sic enim inquit Dominus: Nemo nouit patrē, nisi filius; neque filiū, nisi Pater. Demum eius confessionis causa premium Petri, quod fundamentum eum & caput Ecclesiæ hac confessione Dominus pollicetur, & tam solidum, vt portæ inferi non præualituræ sint contra illud. Confitetur igitur Dominus, verum Messiam esse filium Dei viui naturalem & consubstantialem. Adde igitur interrogationem Christi, Quem dicunt homines esse filium hominis, responsioni Petri, Tu es Christus filius Dei viui; facile colliges contra omnes hæreses, Christum esse verum filium Dei, & filium hominis Deum ac hominem, & ampliùs non quæres quid, quomodo, quando, neque enim quicquàm Petrus addidit & beatus prædicatus est.

Septi-

23] **S**eptimò notanda est expositio confessionis Christi de Petro, quam sic inchoat D. Chrysostomus. Quemadmodum tu es naturâ filius hominis, ita ego naturâ filius Dei: tamen & sic existens mortalis homo, magnum ob tam solidam confessionem recipies honorem. Tu enim eris Petrus, hoc est petra, & super hanc petram ego ædificabo Ecclesiam meam; eo robore, quòd portæ inferi non præualebunt contra eam; hoc est, vniuersum regnum diaboli. Portæ enim aliquando significant totum imperium, & principatum. Vnde illud: Semen tuum possidebit portas inimicorum suorum. Vel portæ sunt inferni, teste Eusebio Emiseno, omnes falsi prophetæ atque hæresiarchæ; vt legitimi doctores atque pastores sunt portæ regni cælestis. Genesis 22.

24] **N**otandum, illos qui Romanæ Ecclesiæ obedientiam excutere volunt, miras comminisci huius loci expositiones. Iam enim dicunt, Christum seipsum demonstrasse, atque ita super hanc petram, hoc est, super seipsum Ecclesiam ædificasse, petra enim erat Christus. Iam supra confessionem Petri. Nuntuntur autem istis argumentis. Primum, quòd ecclesia æterna, super vno mortali Petro ædificari non potuit. Deinde quòd aliud fundamentum nemo potest ponere, præter id, quod est Christus Iesus. Tum etiâ, quòd nonnulli patres Augustinus, Chrysostomus, Theophylactus super fidem & confessionem Petri Ecclesiam ædificandam esse exposuerunt: quod quidem & nos libenter damus; si vel antecedentia, vel consequentia loca paterentur, atque adeò ipsa verba Christi. Antecedentia quidem. Dedit amplissimum testimonium Christo Domino Petrus, eum esse Christum filium Dei: reddit ille mutuum personæ Petri. Quomodo igitur hæc conuenient? Tu amplissimum mihi dedisti testimonium: ergò super me ædificabo Ecclesiam meam, aut super confessione tua de me. Quod est hoc mutuum, quæ est hæc remuneratio testimonij? planè hæc non conueniunt. Quid verba ipsa, quæ Hebraicè magis rem ipsam explicant, quàm aut græcè aut latinè. Tu es Cephas, id est, saxum; & super hoc Cephas, id est, saxum, ædificabo Ecclesiam: vbi clarissimè apparet, ad ipsius Petri personam rem referri. Consequentia autem hoc maximè indicant: Et tibi dabo clauēs regni cælorum: quodcunque ligaueris super terram, erit ligatum & in cælis: & quodcunque solueris, erit solutum. Si enim hoc, Tibi dabo clauēs regni cælorum, refertur ad personam Petri: consequens est, vt illud, Super hanc petram ædificabo ecclesiam meam, ad eandem Petri personam pertineat. Nam sub eodem contextu orationis vtrumque continetur, & sub eadem remuneratione. Neque minùs est dari Petro clauēs regni cælorum, quàm super illum Ecclesiam fundari. Nam & clauēs hoc loco plenam significant & supremam regiminis rationem, quod & ex scriptura declaratur, & ex ratione. Promittit Dominus apud Isaiam, Sobnæ sacerdoti se accepturum summam potestatem, & daturum eam Eliacim, sicq; dicit: Potestatem dabo in manu eius, & erit quasi pater in Ierusalem, & dabo clauem domus Dauid super humerum eius. Sic Christus Dominus in Apocal: dicitur habere clauem Dauid, hoc est summam potestatem. Modus autem hic dicendi scripturæ sumitur ex communi vsu. Cùm enim princeps, vel rex committit summam alicui potestatem, tradit illi clauēs; & qui se dedunt, clauēs tradere solent. Sensus igitur verborum Domini hic est. Tu quidem me spiritu Dei edoctus, summum regem appellasti: & ego mutuo honore te afficiam. conscensurus enim ad patrem, tibi dabo clauēs regni cælorum; hoc est, tibi com-

bi committam summā potestatem, & administrationem Ecclesiæ meæ; ita ut quicquid à te, tanquam à summo magistratu, cui clauēs trado, iudicatum fuerit, constitutum, absolutum, vel condemnatum; id apud me ratum & firmum futurū sit. Cū ergo idē sit, clauēs alicui tradi, & super illū Ecclesiā fundari; ad quem vnum referri dicitur, ad eum & aliud referri certè oportet. Itaque non est possibile, saluo contextu Euangelij, alio modo locum istum intelligi. Quod cū vidissent vetustissimi patres, Tertullianus, Origenes, Ambrosius, Cyprianus, Augustinus, hunc locum alio modo non exposuerunt. Nam quod adferunt, vel Chrysostomum, vel Theophylactum, vel Augustinum. Augustinus quidem seipsum interpretatur, licere cuique quam velit sententiam sequi: alij autem hoc potius docent, per confessionem id Petrum consecutum; ut Abraham pater multarum gentium dictus propter fidem, eiusque confessionem. Nam illud quod adferunt, super mortalem non posse constitui immortalem Ecclesiam: atqui Petrus quadam sui parte est mortalis, quadam immortalis: mortalis est ratione personæ suæ; quia cum senuit, ab alio cingebatur, & ducebatur quod noluit: immortalis in munere & officio suo, quod debuisset durare vsque ad consummationem seculi docet Dauid: dum pro patribus nascuntur filij: secundum quod illud dictū est: oraui pro te, ut non deficiat fides tua: quæ quidem non defecit, etsi Petrus mortuus est: & nunc dicitur; portæ inferi non præualebunt. Nam quod dicitur, Christum ipsum esse fundamentum, hoc quidem verum; sed & Christus quoque petra est, & tamen Petro nunc idem adscribit: & certum est, quod nemo potest ponere fundamentum aliud, præter id, quod positum est, Christum Iesum; ipse tamen Christus Dominus & hæres, potest ponere fundamentum quale vult sui ædificij, ut nunc Petrum, & post alios Apostolos. Paulus dicit nos superædificatos super fundamentum Apostolorum & Prophetarum, ipso summo angulari lapide Christo.

Apocal. 23. IESU: Et in Apocal: dicit Ioannes fundatam esse Ecclesiam super duodecim fundamenta & in ipsis nomina duodecim Apostolorū. Summa igitur est Christum Dominum caput, petram, fundamentum suæ Ecclesiæ esse: Petrum autem subalternum vicarium, & ministrum constitutum esse; & caput similiter, & fundamentum, & petram ipsam, fundatam super angularem lapidem. Verant se hæretici & schismatici in omnes partes, res alio modo, saluo sensu loci huius, intelligi non potest.

O C Tauò notandum, eum nexum & eam coniunctionem earum duarum confessionum esse; ut qui de vnus fide, autoritateque detraxerit, aut qui vnā praua interpretatione euerterit, vtramque euertat oportet: & quomodo vna intelligitur, ita & altera. Sic enim prior & posterior continuatur; ut continuè posita, & ex mutua occasione profectæ esse videantur: & quemadmodum in prima confessione nullus est tropus, ita nec in secunda. Propriè dictum est: Tu es Christus filius Dei viui: si hoc negas, negabis & consequens propriè esse dictum: Beatus es Simon Bariona. Et illud: Tu es Petrus, & super hanc petram ædificabo Ecclesiam meam, & tibi dabo clauēs regni cælorum: & quod solueris super terram, erit solutum & in cælis: & quod ligaueris super terram, erit ligatum & in cælis. Quod cū Calvinus & reliqui non vidissent, adulterant vtrumque, & post Trinitarij euertunt alterum. Reddit Petrus Domino quæ eius erant: reddit item Dominus Petro illud, quod eum esse voluit: confusio

fusio hic nulla est: non sibi tribuit Dominus, quod dat Petro. Quæ enim esset ista connexio aut remuneratio; Tu es Petrus, ergo supra me ædificabo Ecclesiam meam? aut quid hoc ad præsens pertinet argumentum? Mentitur igitur strenuè Calvinus, qui dicit Papam docere, Petrum vocari Ecclesiæ fundamentum, cum id Hieronymus cum alijs vetustissimis patribus docuerint: qua de re cum & alijs, & ipse aliàs plura dixerim, iterum eadem repetere nolo.

26 **N**Otat nonò D. Hieronymus, licet hoc alio loco super omnes Apostolos fiat, & cuncti claues regni cælorum accipiant, & ex æquo super illos Ecclesiæ fortitudo solidetur: tamen propterea inter duodecim vnum eligi, vt capite constituto, schismatis tollatur occasio.

27 **N**Otandum decimò cum D. Ambrosio, seruum aperire, Dominum largiri; istum per se, illum per Christum: famulum claues accipere, dominum ordinare potestates: aliud ius donantis, aliud dispensantis obsequium esse.

28 **N**Otat vndecimò Origenes. Cum multæ sint simulque recenari numero vix possint inferorum portæ; nullam portam inferorum valere aduersus petram, aut Ecclesiam, quam Christus super illam ædificat. Quanquam habent nonnullam vim hæ portæ, qua nonnullos superant, nimirum eos qui non resistunt, nec decertant aduersus illas; sed eadem ab alijs superantur, videlicet ab his, qui, quoniam non recesserunt ab eo, qui dicit, ego sum ostium, omnes inferorum portas demoliti sunt ab anima sua. Verum enimvero & illud scire oportet, quod sicuti ciuitatum portæ proprium quæque nomen habent; eodem modo portæ inferorum nominari possunt, iuxta species peccatorum: vt vna quidem porta inferorum vocetur scortatio, per quam ambulant scortatores: altera verò negatio, per quam, qui Deum abnegant, descendunt ad inferos. Iam autem & vnusquisque diuersa sentientium, qui que genuerunt aliquam falsi nominis scientiam, portam ædificant inferorum: aliam quidem Marcion, Basilides aliam, aliam Valentinus.

29 **N**Otandum duodecimò: iubere Dominum discipulos, ne cuiquam dicant, eum esse filium Dei; vt seruetur œconomix ratio: cuius causam refert Euthymius. Necessarium enim erat, vt hoc ab ipso patre reuelaretur, ab ipso autem filio ante mortem suam confirmaretur, & à solis discipulis cognosceretur: populares verò nunc id scire noluit, vsque ad resurrectionem suam à mortuis, ne suam impedirent passionem. Neque enim simul omnia propalanda sunt aut profananda, quod faciunt hæreses; sed lentè instillanda & persuadenda. Silere eos Dominus iubet, donec ab illis agnitus fuerit mortis victor, nouaque constantia eos induerit. Tunc, inquit, præcepit discipulis suis, vt nemini dicerent, quia ipse esset Christus.

30 **M**agnificum testimonium reddidit Petrus Domino, magnificum Dominus Petro: ne igitur tanta dignitate efferatur Petrus, ne rebus secundis, quod passim fit, insolescat, ac reliqui item discipuli; mox transfert ad contrariam materiam sapiens doctor suam orationem, mortis inquam suæ denunciationem, cuius mentione animi discipulorum concidunt, Petri autem inprimis. Primum igitur præcipit discipulis suis, vt nemini dicerent, quia ipse esset Christus Iesus,

causam autem propositi adiungit, quia oportet illum ire Hierosolymam, & multa pati à senioribus & scribis & principibus sacerdotum; & tunc demum prædicationis locum futurum, eo sensu, quem notat Hieronymus. Tunc me prædicate, cum ista passus fuero: quia non prodest Christum publicè prædicare, & eius vulgare maiestatem in populis, quem paulò post flagellatum visuri sint & crucifixum, & multa pati à senioribus & scribis, & principibus sacerdotum. Et nunc multa Iesus patitur ab his, qui rursus sibi crucifigunt filiū Dei, & cum seniores putentur in Ecclesia, & principes sacerdotum, simplicem sequentes literam, occidunt filium Dei, qui totus sentitur in spiritu. Ardebat tum præsentī amore & charitate Petrus, ideò liberiùs proloquitur: assumit magistrum solum seorsum, ne præsentibus cæteris magistrum videatur reprehendere; increpare audet an mirari, condolereque potiùs. Absit hoc, inquit, à te Domine, non erit tibi hoc: vel vt Græcè, non contingat tibi id quod dicis: parce tibi Domine, non id tibi fiat, non potest fieri, nec recipiat auris, vt in terra filius Dei occidendus sit. Non vult destruere confessionem suam, nec putat filium Dei occidi. Ideò iam beatus non prædicatur, sed obiurgatur potiùs. Multi putant, inquit Hieronymus, quòd non Petrus correptus sit, sed aduersarius spiritus, qui hæc dicere Apostolum suggerebat. Sed mihi hic error Apostolicus, & de pietatis affectu veniens nunquàm incentium diaboli videbitur. Vade retrò Petrus audit, vade retrò me, hoc est, sequere sententiā meā, quia nō sapis ea, quæ Dei sunt, sed quæ hominū. Meæ voluntatis est & patris, cuius veni facere voluntatē; vt pro hominū salute moriar: tu tuā tantum considerans voluntatē, non vis granum tritici in terrā cadere, vt multos fructus afferat.

APetro transfert orationem ad cæteros omnes, non se à morte abducen-
 dum esse; sed quemuis etiam illorum ad eandem Dei & salutis causa subeun-
 dam paratum esse debere. Si quis vult, inquit, venire post me, abneget semet-
 ipsum, & tollat crucem suam, & sequatur me. Ostendit autem his dictis,
 neminem cogi, & libero arbitrio locum relictum esse, quod negat hæ-
 resis: Non impello, inquit D. Chrysostomus, non vrgeo, sed liberam sin-
 gulorum voluntatem efficiens, dico: Si quis vult. Non enim ad afflictiones
 & onera, nec ad supplicia & pœnas, vt cogere mihi opus sit; sed ad ineffabilia
 bona conuoco; quorum ea natura est, vt facilè per seipsa vos inuitare possint.
 Qui deponit veterem hominem cum operibus suis, abnegat semetipsum di-
 cens: Viuo autem ego, iam non ego, viuit verò in me Christus. Abnegat, qui
 nihil commune cum carne habere vult, quomodo cum illis, quos abnegamus.
 Tollit crucem suam, qui mundo crucifigitur, cui etiam mundus crucifixus est:
 sequitur Dominum crucifixū; qui per omnia aduersa ire, atque eadem sustine-
 re contendit. Quemadmodum enim, qui ludicrum instituit agonem, si cui ath-
 letarum amicitia vinculo iungitur, nunquàm eum ob benevolentiam tantum,
 nisi etiam descenderit in certamen, coronabit, qui proprium illius videlicet la-
 borem desiderat; & quò magis eum diligit, eò magis victorem videre cupit:
 sic etiam Christus, quos maximè diligit, eos non auxilio suo duntaxat, verum
 etiam à seipsis vult comprobari. Si quis vult venire, inquit, post me, abneget
 semetipsum, & tollat crucem suam, & sequatur me. Crucem fert, qui mor-
 tem, & omnia aduersa suffert: neque sufficit, crucem ferre, vt latrones & fures;
 sed sequi, hoc est, omnem virtutem imitari. Quod qui non faciunt, quæ pœna,
 quod

quod damnū illos sequitur, docet; damnū maximū: Qui, inquit, voluerit animā suam saluā facere, perdet eam. Qui martyrium fugit, inuenit animam ad præsens ad aliquot annos, quam paulò post æternū perdet: qui subit, perdit ad tempus propter Christum, ut inueniat ipsam in incorruptione & vita æterna. Quorum verborum duplicem habet expositionem Origenes: Primum, inquit, hoc modo possumus intelligere hoc verbum. Si quis amator vitæ præsentis, & putans hanc vitam præsentem esse optimam, parcit animæ suæ timens mori, & putans animam suam per hanc mortem perire: iste volens hoc modo saluare animam suam, perdet illam, alienam faciens à vita æterna. Si quis autem contemnens vitam præsentem propter Christi verbum, & confidens de vita æterna usque ad mortem pro veritate certauerit; perdet quidem animam suam, quantum ad vitam præsentem, tradens eam pro pietate in mortem, quæ abusuè dicitur mors: sed quoniam propter Christum perdidit animam suam, magis eam saluam faciet in vita æterna. Alio autem modo sic intelligimus textum. Si quis intelligit quæ est vera salus, & acquirere vult eam salutem animæ suæ; iste abrenunciens vitam, & denegans seipsum, & tollens crucem suam, & sequens Christum, perdit quantum ad voluntates carnales animam suam propter Christum, & propter omnem doctrinam eius: & perdens animam suam hoc modo, saluat eam per opera pietatis. Duobus similibus hoc idē D. Chrysostomus illustrat pulcherrimè. Qui liberis, inquit, parcit, is eos perdit: qui autem castigat & non parcit, is salutem eis præbet: quod & sapiens quidam dixit: Si perculseris, inquit, filium tuum virga, non morietur, sed animam eius eripies de morte. Et rursus: Qui refrigerat filium suum, colligabit vulnera eius: hoc & in castris fieri solet. Nam si quando militibus dux parcat, & idcirco intus semper eos detineat; tam milites, quam alios simul corrumpit ac perdit. Deinde, quale sit animi præmium docet. Quid enim prodest homini si vniuersum mundum lucretur? Ac si apertè dicat, inquit Gregorius: Quid prodest homini, si totum quod extra se est, congregat: si hoc ipsum solum quod ipse est, damnat? Pro Israël apud Isaiam datur propitiatio Ægyptus, Æthiopia, & Saba: pro anima humana illa sola est retributio, de qua Psalmista: Quid retribuam Domino pro omnibus quæ retribuit mihi? Calicem salutaris accipiam, & nomen Domini inuocabo. Theophylactus: Quæ, inquit, vtilitas est, animo malè affecto, corpus benè habere? Quemadmodum si matrefamilias laceris pannis induta, famulæ nitidis vestibus ornatae sint. Quem locum & Chrysostomus diuinitus exponit: Quam dabit homo commutationem pro anima sua? Num, inquit, aliam habes animam, quam possis pro anima tua dare? Nam pecuniam qui amisit, aliam pro amissa potest afferre: similiter qui ædes, qui seruos, qui cætera huiusmodi amisit; animam verò si perdas, aliam pro ea dare nunquam poteris: sed si rex orbis atque Dominus esses, si omnia quæ in orbe sunt, & ipsum orbem offerres; non poteris vnā animam redimere. Non est autem mirum, si hoc in anima ita fit, cum & in corpore similia perspicere liceat. Nam si tu diademate insignitus, naturā morbidum & incurabile corpus habes; non poteris si mille alia corpora, mille vrbes, mille regna, infinitam pecuniam impenderes, à morbo illud vindicare. Pariter itaque de anima, imò multò magis quam de corpore cogita, & cæteris omnibus neglectis, omnem curam, omne studium omnem operam tuam ad ipsam conferas. Neque item in futuro seculo commutationem pro anima sua dare quisquā potest: nam hīc dare potest lacry-

mas, gemitus, eleemosynam, illic autem minimè. Iudex enim ille muneribus non corrumpitur, qui vnumquemque iuxta opera iudicat, qui etiam terribilis est: in gloria enim patris sui, cum suis angelis veniet, nequaquam cōtemnend⁹.

ERigit tandem & solatur suos. Times mortem, audi gloriam triumphantis: vereris crucem, ausculta angelorum ministeria. Humilitate sua ostensa, ostendit exaltationem sui, & causam exaltationis suæ. Et tunc, inquit, reddet vnicuique secundum opera sua. Non est hīc distinctio Iudæi & Græci, viri & mulieris, pauperum & diuitum; vbi non personæ, sed opera considerantur. Vt autem discant, quod segnibus non sine ultione erit sua segnities; neque seduli præmio carebunt suæ sedulitatis: utque illi; amplius terreantur, hi verò maiorem accipiant consolationem; Veniet, inquit, & tunc reddet vnicuique secundum opera eius. Amen dico vobis, sunt quidam de hīc stantibus, qui non gustabunt mortem, donec videant filium hominis venientem in regno suo. Neque indies expectandum esse, sed ex illis aliquos paulò post id visuros, quod quidem sequenti capite in eius transfiguratione videbimus. Poterat enim Apostolorum tacita cogitatio istiusmodi scandalum sustinere. Occisionem & mortem nunc dicis esse venturam: quod autem promittis te affuturum in gloria patris, cum angelorum ministerijs & iudicis potestate; hoc in dies erit, & in tempora longa differetur. Præuidens ergò occultorum cognitor, quid posset obijci; præsentem timorem, compensat præsentis præmio. Quid enim dicit? sunt quidam de hīc stantibus, qui non gustabunt mortem, donec videant filium hominis venientem in regno suo: ut qualis est postea venturus, ob incredulitatem vestrā præsentis tempore demonstretur: simulque vobis demonstrabitur, in qua gloria futuri sint illi, qui pro ipso passi sunt. Vt enim corpus eius illustre tunc fuit, ita & illorum per analogiam erit. Significat autem eos, quos dixit non visuros mortem, Petrum, Ioannem, Iacobum. Est autem videre regnum, statum futurum, in quo & ipse veniet, & iusti erunt. Regnum Dei hoc loco Ecclesia vocatur: & nonnullos ex discipulis promittebat eòusque victuros in corpore; donec conspicerent Ecclesiam Dei, contra huius mundi gloriam erectam, veniente filio hominis in regno suo, hoc est, potestatem extendente. Quod si regnum Dei hoc loco cælestem beatitudinem velimus accipere, & hoc quidam de astantibus viderunt in monte. Tunc verò quis gustat & manducat mortem, inquit Origenes, quando portæ mortis prævalent contra eum, vel parum vel multum?

NOtandum primò cum Origene. Si quis confunditur in cruce Christi; 33
confunditur in dispensatione, per quam triumphati sunt in ligno principatus & potestates, qui genus hominum debellabant: cum deberet potius gloriari, quasi fidelis, & sciens hæc dispensata esse in cruce Domini nostri Iesu Christi, per quem crucifixo mundo traducti sunt & triumphati sunt principatus, eis solis qui credunt. In quibus principatibus arbitror fuisse etiam principem huius mundi. Et non sic inutilis mihi videtur, qui Iesum quidem Christum dicit, tacet autem natiuitatem eius ex virgine, aut stellam ostendentem natiuitatem ipsius, aut angelos in natiuitate eius gloriantes, atque dicentes: Gloria in excelsis Deo, & in terra pax hominibus bonæ voluntatis: aut alia miracula & signa quæ fecit: quomodo qui Christum quidem eum dicit, crucifixum autem eum abscondit.

Notan-

34 **N**Otandum secundò, ad omnem elationem animi suppressendam, nihil magis valere, quàm meditationem mortis & passionis Iesu Christi, qua nunc Dominus Petri animum elatum repressit, ac ad moderationem reuocauit.

35 **N**Otandum tertio, alia voce loqui patrem æternum in homine, alia carnem & sanguinem. Patris fuit vox in Petro, Tu es filius Dei viui: carnis & sanguinis, Non tibi fiat hoc.

36 **N**Otandum quartò: videndum esse quod monet Apostolus: vt qui stat, videat ne cadat. Pulchrè stetit Petrus prima sua oratione, Tu es Christus: at turpiter cecidit, cum dixit: Ne fiat tibi hoc Domine: quod pulchrè exaggerat D. Hieronymus. Prudens lector inquirat, quomodo post tantam beatitudinem, Beatus es Simon Bariona: & Tu es Petrus, & super hanc petram ædificabo Ecclesiam meam, & portæ inferi non præualebunt aduersus eam: & tibi dabo clauēs regni cælorum: & quod ligaueris aut solueris super terram, erit ligatum vel solutum in cælo: nunc audiat: Vade retrò me satana, scandalum mihi es. Aut quæ sit tam repentina conuersio, vt post tanta præmia satanas appellaretur. Sed si consideret qui hoc quærit; Petro illam beatitudinem & benedictionem, ac potestatem, & ædificationem super eum Ecclesiæ, in futuro promissam, non in præsentī datam intelligit. Ædificabo, inquit, super te Ecclesiam meam, & portæ inferi non præualebunt aduersus eam, & dabo tibi clauēs regni cælorum: omnia de futuro. Quæ si statim dedisset ei, nunquàm in eo prauæ confessionis error inuenisset locum: Vnde tota illa de vana præsumptione gratiæ Dei hæreticorum nostri seculi concidit opinio.

37 **N**Otandum quintò: neminem nobis ita charum esse debere, aut ita benè meritum, quin illum reijciamus, aut repellamus, si nos scandalizet, si à Dei voluntate facienda reuocet, & impedimento sit.

38 **N**Otat sextò Origenes: Dicet, inquit, aliquis: quoniam proprium est eorum, qui perfectam habent benedictionem erga Deum, vt non scandalizentur aliquando. Charitas enim omnia sustinet, omnia credit, omnia sperat, charitas nunquàm excidit. Quomodo ergò ipse Dominus, qui confirmat omnes qui confirmantur: & erigit omnes elisos, dicit ad Petrum, Scandalum mihi es? Sed ita est respondendum, quoniam non solum IESVS non scandalizatur, sed nec omnis homo, qui in dilectione Dei perfectus est: sed quantum ad se qui tale aliquid vel agit, vel loquitur, scandalū est alteri, licet aliquis inscandalizabilis sit.

39 **N**Otanda septimò formula abijciendorum eorum, qui nobis laqueos & scandala ponunt: vt retrò post nos eant, sequantur potius virtutes nostras, quàm nos ab illis abducant.

40 **N**Otanda octauò regula est consequendæ salutis longè dispar ab ea, quàm huius seculi hæretici sibi confinxerunt; Si quis vult venire post me, abneget semetipsum.

41 **N**Otanda nonò & dignitas & pretium hominis, eiusque animæ: Quam,

inquit, dabit homo commutationem pro anima sua: & inde videnda est primò malicia eorum, qui ex se scandalum dant, remque tam preciosam perdunt: secundò parentum, qui liberos suos aut malè educant, aut prostituunt: deinde dominorum, qui seruis suis ad res illicitas abutuntur: post eorum, qui subditis suis durè & inhumaniter vtuntur: vltimò eorum omnium, qui vilis lucri causa, se, animasque suas perdunt; quales periuri, falsi testes, lenones, scurræ sunt.

Notandum nonò, causam secundi aduentus in mundum Christi non ali-⁴²am esse, quàm vt reddat vnicuique iuxta opera eius.

Notandum decimò: non tantùm nobis Christi crucem esse aspiciendam,⁴³ hoc est, eius mortem & passionem, quod hæresis docet: sed etiam nostra ipsorum crux ferenda; id est, pro Christo patiendum.

Notanda vndecimò sunt & illa ex D. Hilario. Vt Dei munus est, Chri-⁴⁴stum in spiritu Deum nosse: ita Zaboli opus est, Christum in homine nescire. Atque eiusdem periculi res est, vel corpus dicere sine Deo, vel Deum sine corpore. Corpus autem carnis huius in æternitate spiritus, Deo nullum est: verùm humanæ salutis causa, Christus in corpore est, quod assumpsit ex homine. Igitur post prædicationem passionis accipiens diabolus facultatem (vsque ad tempus enim ab eo secesserat, quia incredibile satis Apostolis videretur, eum in quo Deus erat esse passibilem) fumens hanc humanæ infidelitatis occasionem opinionis istius Petro insinuauit affectum. Denique ita passionem detestatus est, vt dixerit, Absit; quo verbo rerum detestandarum execratio continetur. Sed sciens Dominus Zabolicæ artis instinctum, Petro ait: Vade post me, id est, vt exemplo se passionis sequatur. In eum verò per quem hæc opinio suggereretur, conuersus, adiecit: Satana scandalum mihi es. Non enim conuenit existimare, Petro Satanæ nomen, & offensionem scandali deputari, post illa indultæ, & beatitudinis & potestatis tanta præconia: sed quia infidelitas omnis diaboli opus est, Petri responsione Dominus offensus, cum opprobrio nominis, infidelitatis istius est detestatus autorem. Tum Iesus dixit discipulis suis: Si quis vult post me venire &c. O beatum damnum, & iactura felix. Ditescere nos Dominus detrimento animæ & corporis voluit, & esse sui similes hortatur, quia ipse in figura Dei constitutus, vsque ad mortem humilis & obediens factus, principatum potestatis totius quæ in Deo est accepit. Sequendus igitur est cruce assumpta, & passionis suæ, si non sorte, attamen voluntate comitandus est. Quid enim prodest occupasse mundum, & toto terrenæ potestatis dominatu seculi opibus incubare; si perdenda anima, & suscipiendum vitæ detrimentum est? Quæ autem commutatio pro anima, cum fuerit amissa, quæretur? Cum angelis enim Christus aderit, reddens singulis vt merebuntur. Quid offeremus ad vitam? Præparatos credo terrenarum opum futuris commercijs thesauros, ambitiosos dignitatum famæque titulos, aut veteres delegatæ nobilitatis imagines. Neganda sunt hæc omnia, vt melioribus abudemus, & contemptu vniuersorum Christus sequendus est; & æternitas spiritualium, terrenorum est damno comparanda.

Notandum quoque cum Lyrinenfi: Crucem Christi duobus portari mo-⁴⁵dis: crux tollitur, vel cum per abstinentiam corpus, vel per compassionem proximi

ximi animus affligitur. Crucem abſtinentiæ habuit Paulus, dum dicebat: Caſti-
go corpus meum, & in ſeruitutem redigo. Compaſſionis quoque cum ait, Quis
infirmatur, & ego non infirmor?

46 **N**Otandum & illud, bonis & iuſtis omnia cooperari in bonum, etiamſi
ipſi Chriſtum increpent, etiamſi ab ipſo increpentur, quod in Petro euenire
videmus: ac plagas & obiurgationes Chriſti meliores eſſe oſculis inimici: zelû
ac intentionem bonâ omnia conſequi. Ita que impiè hoc loco Caluin⁹ inuectus
eſt in zelum, non tantum Petri, ſed etiam omnium bonorum, quemadmodum
& illud minus ſapienter effutit. Ineptè, inquit, quidam philoſophantur in
voce, retrò, quaſi iubeatur Petrus ſequi, & non præire; cum id Chriſtus ipſe
paulò poſt interpretetur: qui vult venire poſt me, abneget ſemetipſum, & tol-
lat cruceſ ſuam, & ſequatur me.

47 **Q**VAESTIO D. Auguſtini. Quòd dixit, factò veſpere dicitis ſerenum erit,
rubicundum eſt enim cælum: id eſt, ſanguine paſſionis Chriſti in primo adue-
tu indulgentia peccatorum datur. Et manè, hodie tempeſtas, rubet enim cum
triftitia cælum; id eſt, quòd ſecundo aduentu igne præcedente venturus eſt.
Faciem ergò cæli iudicare noſtis, ſigna autem temporum non poteſtis? Signa
temporum dixit de aduentu ſuo vel paſſione, cui ſimile eſt roſeum cælum ve-
ſpere: & item de tribulatione ante aduentum ſuum futura, cui ſimile eſt manè
roſeum cum triftitia cælum.

Caput XVII.



UNATICVS CVRATUR: TRIBVTVM PRO CHRISTO ET
Petro ſoluitur. Promiſerat præcedenti capite diſcipulis ſe oſten-
ſurum gloriam ſuam, & gloriam patris, nec viluros mortem,
donec quidam ex illis eâ viderint: hoc igitur nunc facit, bonus
mercator ſuarum mercium futurarum guſtum & ſpecimen pro-
ponit: bonus Imperator brauia ſua extendit pugnaturis militibus: alter Moy-
ſes, & longè perfectior, fructus terræ promiſſionis populo oſtendit, vnam diui-
tem, vnam prægrandem. Et poſt dies ſex, aſſumens IESVS Petrum & Iacobum
& Ioannem fratrem eius in montem excelſum ſeorſum, tranſfiguratus eſt
ante eos. Ducuntur ſeorſim, quia multi vocati, pauci electi. Et tranſfigu-
ratus eſt ante illos. Transformatus eſt, corpore quidem in propria fi-
gura manente, diuino verò ſplendore faciem eius illuſtrante, ſpeciem
que illius ad maiorem Dei ſimilitudinem immutante. Quare autem ſolos
hos tres aſſumpſerit, non modò tantum, ſed & aliàs frequentius? Quia
ſicut in progreſſu inueniemus, cæteris diſcipulis præſtantiores erant: Pe-
trus quidem, quòd valde diligeret eum propter fidei feruorem: Ioannes verò
quòd diligebatur ab illo, propter virtutum excellentiam: Iacobus autem, quia
grauis & moleſtus admodum erat Iudæis, in tantum, vt Herodes occiſo illo,
magnum præſtiterit Iudæis gratiam. Vide autem quomodo Matthæus non oc-
cultauerit illos, qui ſibi præpoſiti ſunt. Hoc autem & Ioannes plerisque in lo-
cis facit, præcipua Petri encomia deſcribens. Apoſtolorum namque chorus

erat expers inuidiæ: Ideò autem cùm dixisset Christus, Sunt quidam de hîc stantibus, horum occultauit nomina; ne cæteros contristaret. Nam indignos sese arbitrati, doluissent se despici. Lucas autem dicit, quòd assumpsit illos, ascenditque in montem, vt oraret. Qualis futurus est tempore iudicandi, talis apparuit Apostolis. Quòd autem dicit, transfiguratus est ante eos, nemo putet, eum pristinam formam & faciem perdidisse, vel amisisse corporis veritatem, & assumpsisse corpus spirituale, vel aërium. Sed quomodò transformatum sit, Euangelista demonstrat. Non substantiam, inquit venerabilis Beda, veræ carnis amittendo, sed gloriam futuræ resurrectionis suæ vel nostræ ostendens: quia qualis tunc Apostolis apparuit, talis post iudicium omnibus electis apparebit. In ipso autem iudicandi tempore bonis & malis in forma serui videbitur, vt ipsum iudicem esse intelligere valeant pueri, quem antea respuebant. Et resplenduit facies eius sicut sol, vestimenta autem eius facta sunt sicut nix. Vbi splendor faciei ostenditur & candor describitur vestium, substantia non tollitur, sed gloria commutatur. Transformatio splendorem addidit, faciem non subtraxit. Esto, corpus spirituale fuerit; num & vestimenta mutata sunt, quæ in tantum fuere candida (vt alius Euangelista dixit) qualia fullo super terrâ nō potest facere? corporale est, & tactui subiacet, & non spirituale & aëreum, quod illudat oculis, & tantum in phantasmate conspiciatur. Cur autem resplenduit facies eius sicut sol? quia nihil sole clariùs nouimus videre: ideò non solum Domini, sed & sanctorum gloria in resurrectione, solis aspectui comparatur. Resplenduit facies eius, diuinitatis iam demonstratis quibusdam radiis, vt posset cerni, idque quantum ipsi capere possent; ideò namque eam transfigurationem & paulò antè regnum Dei appellauit; vt quæ potentiæ eius ineffabilem vim, & quòd verus patris sit filius demonstraret, ac futuri eius aduentus exemplar præferret, propter ineffabilem splendorem vultus eius.

VT autem constaret, non aliud esse fundamentum legis & prophetarum, quàm Christum: ecce apparuerunt illis Moyse & Elias cum eo loquentes. Scribis & Pharisæis tentantibus se, & de cælo signa poscentibus dare noluit; sed prauam postulationem confutauit, responsione prudenti: hic verò vt augeat Apostolorum fidem, dat signum de cælo, Elia inde descendente, quò ascenderat, & Moyse ab inferis resurgente: quod & Ahas per Isaiam præcipitur, vt petat sibi signum de excelsis, aut de inferno. Lucas hoc loco manifestiùs scribit docens: Erant autem Moyse & Elias visi in maiestate, & dicebant excessum eius quem completurus erat in Ierusalem. Moyse & Elias oracula legis & prophetiæ designant, quæ in Domino completa, & nunc doctis patent, & in futuro electis manifestiùs patebunt. In Moyse quidem qui mortuus est, hi qui ante diem iudicii à morte sunt resuscitandi: & in Elia, qui necdum mortuus est, hi qui viui sunt inueniendi designantur, quia simul obuiam Dominò in aëra rapiuntur, & ad vitam æternam ducentur. Adest ergò Moyse, adest Elias ad demonstrandū, quòd hic est dominus legis & prophetarū, mortuorū & viuentiū. Sedebat ipsa sapientia in arcano gloriæ suæ folio: tamen de eius morte prophete vaticinabāt, principesq; populorū cōgregati erāt cū Deo Abrahā. Petrus presenti statu delectatus in eo acquiescit, tria tabernacula extruere vult; quē pulchrè alloquitur D. Hieronymus. Erras Petre: & sicut alius Euangelista testatur, nescis quid dicas: noli tria tabernacula quærere, cū vnum sit tabernacu-

160
naculum Euangelij, in quo lex & prophetæ recapitulandi sunt: si autem quæ-
ris tabernacula tria, nequaquam feruos cum Domino conferas: sed fac tria ta-
bernacula, imò vnum patri, filio, & spiritui sancto: vt quorum vna est diuinitas,
vnum sit in pectore tuo tabernaculum. Dicebat autem hæc discedente Moyse
& Elia, metuens, ne tam suaue dissolueretur colloquium. Quæ Petrum dixisse
putat Theophylactus, volentem Christum effugere mortem, hîc manere, non
in Ierusalem ascendere: nam si quis hîc venerit, nos Moyses tuebitur & Elias,
quorum alter Ægyptios vicit, alter Achabum; sed hæc frigidiora. Hæc ex
stupore loquens, vt inquit Lucas, nesciebat, quid loqueretur. Res enim infue-
ta perturbabat illû: vel nesciebat quid diceret in eo, quòd in cælis tabernacu-
la quærebat, vbi nulla aduersitatis est aura timenda, quia Deus omnipotens tē-
plum eius est, & agnus: sed in hoc sciebat quid dicebat, Bonum est nos hîc ef-
se, quia verè est solum hominis bonum intrare in regnum Domini sui. Quòd si
Petrus videns glorificatam humanitatem, tanto afficitur gaudio, vt nunquam
velit ab eius intuitu secerni; quid putandum est de his, qui diuinitatem videre
meruerunt? Porro Apostoli cognoscunt quidem Moysen & Eliam, quos non
norant, non de facie tamen, sed ex reuelatione atque sermone qui habebatur
ab illis. Petro adhuc loquente, ecce nubes lucida obumbrat eos, & ecce vox
de nube dicens: Hic est filius meus dilectus, in quo mihi benè complacui,
ipsum audite. Pater respondet pro filio, vt illud impleretur: Ego testimonium
non dico pro me, sed pater qui me misit, ipse pro me dicit testimonium. Nu-
bes operit eum, vt qui carnale è frondibus aut tentorijs quærebant taberna-
culum, nubis lucidæ operirètur vmbraculo. Vox quoque de cælo patris loquē-
tis auditur, quæ & testimonium perhibeat filio, & Petrum errore subleuato
doceat veritatem, imò per Petrum cæteros Apostolos. Hic est, ait, filius meus
dilectus, huic figendum est tabernaculum, huic obtemperandum: hic est filius,
Moyses & Elias serui sunt; debent & ipsi vobiscum in penetralibus cordis
sui Domino tabernaculum præparare. Hic est filius meus dilectus, vt quemad-
modum ego quondam populo Hebræo deducens eum in manu & dextera po-
tenti, in nube apparui; ita & huius ipsius gloria ex nube illustris sit. Non quia
genuit, inquit D. Chrysostomus, idcirco tantummodo diligit, verum etiam
quia cùm sit ipsi æqualis in omnibus, eiusdem etiam penitis est voluntatis. Du-
plex igitur, imò verò triplex dilectio est, quia filius, quia dilectus, quia benè in
ipso sibi complacuit. In quo mihi complacui, conquiesco & plurimum placeo:
hunc igitur audite, & huic leges non præscribatis, hunc Petre sequere vsque
ad crucem. Et audientes discipuli ceciderunt in faciem suam, & timuerunt
valde. Terrentur discipuli tribus de causis, vel quia se errasse cognouerant, vel
quia nubes lucida operuerat eos; aut quia Dei patris vocem loquentis audie-
rant. Quia humana fragilitas, conspectum maioris gloriæ ferre non sustinet, ac
toto animo & corpore contremiscens ad terram cadit. Quantò quis ampliora
quæsierit, tantò magis ad inferiora collabitur: si ignorauerit mensuram suam:
vt melius visio imprimeretur in eius memoria. Timuerunt valdè, inquit Ori-
genes, spectaculi nouitatem, & testimonium vocis. Intelligentes enim discipu-
li ipsum esse filium Dei viui, qui visus est Moyse, & dixit: Non videbit homo fa-
ciem meam & viuet: postquàm viderunt faciem filij Dei factam sicut lumen, &
audierunt testimonium Dei de ipso; non sustinentes, humiliati sunt sub valida
manu Dei. Accedit Iesus, tangit, solatur, erigit, surgere nec timere iubet, quos
manu

manu sanauerat, sanat imperio. Primum timor expellitur, ut postea doctrina tribuatur. Accommodat huic loco Tertullianus illos scripturae locos, in medio animalium cogitas Deus, Abacuc 3. & Exod. 33. Tergum meum videbis: Moyses gloriam Dei vidit in monte Thabor, dum filium vidit. Leuant illi oculos, neminem vident praeter Christum. Rationabiliter postquam surrexerunt, non viderunt nisi solum Iesum stantem ablata nube, ne si Moyses & Elias perseuerassent cum Domino, patris vox videretur incerta, cui potissimum daret testimonium. Vident ergo Iesum stantem ablata nube, Moysen & Eliam euauisse: quia postquam legis & prophetarum umbra discesserit (quae velamento suo Apostolos texerat) utrumque in Euangelio reperitur. Praecipit Iesus, ut nemini visionem dicant, donec a mortuis resurgat. Futuri regni praemeditatio, & gloria triumphantis demonstrata fuerat in monte. Non ergo vult hoc in populos praedicari, ne & incredibile esset pro rei magnitudine, & post tantam gloriam apud rudes animos, sequens crux scandalum faceret. Discipuli, qui cum Christo ascenderant super montem, recordabantur traditionum scribarum de Elia Propheta: quoniam ante aduentum Christi erat venturus, ut praepararet animas quae susciperent eum. Visio autem quae facta erat in monte, in qua etiam Elias est visus, videbatur eis non conuenire cum traditione Scribarum de Elia, quia non ante Christum videbatur eis Helias venisse, sed cum Christo. Ideo falsam existimantes traditionem Scribarum propter huiusmodi visionem de Elia dixerunt: Quid ergo Scribae dicunt, quod Eliam oporteat primum venire? Nisi causas nouerimus, quare interrogauerint discipuli super Eliae nomine, stulta videtur & extraordinaria eorum interrogatio. Quid enim pertinet ad ea quae supra scripta sunt, de Eliae aduentu quaerere? Traditio pharisaeorum est iuxta Malachiam prophetam, qui est nouissimus in duodecim, quod Elias veniat ante aduentum Saluatoris, ut reducat corpora patrum ad filios, & filiorum ad patres, & restituat omnia in antiquum statum. Aestimant ergo discipuli gloriae reformationem hanc esse, quam in monte viderant, & dicunt: Si iam venisti in gloria, quomodo praecursor tuus non apparet? maxime quia viderant Eliam recessisse. Quando autem adiiciunt: Scribae dicunt quod oporteat Eliam primum venire. Primum dicendo, ostendunt, quod nisi Elias venerit, non fit secundum scripturas Saluatoris aduentus. Decipientes Scribae populum, dicebant Dominum non esse Messiam. Si enim esset, primum Eliam venturum fuisse; duos Christi aduentus non discernentes, cuius prioris praecursor esse debuit Ioannes, posterioris Elias. Soliciti etiam de temporibus Eliae requirunt, quibus respondet Dominus; Eliam esse venturum, & restitutum vniuersa, id est, reliquum quod deperierit ex Israel, ad cognitionem Dei reuocaturum; sed in spiritu & virtute Eliae Ioannem venisse significat, in quo grauia quaeque & aspera exercuissent, ut Domini aduentum praenuncians, passionem quoque praecurreret & iniuriae & vexationis exemplo. Quaeritur autem cum Herodes & Herodias Ioannem interfecerint, quomodo quoque ipsi Iesum crucifixisse dicantur, cum legamus eum a scribis & pharisaeis interfectum. Et breuiter respondendum, quod & Ioannis neci Pharisaeorum factio consenserit, & in occasione Domini Herodes iunxerit voluntatem suam, qui illum atque despectum remiserit ad Pilatum, ut crucifigeret eum.

Notandum primò: quod sicut mysterium trinitatis Domino in Iordane bapti-

baptizato declaratur; ita in monte clarificatur: quia quem in baptismo confitemur, in resurrectione collaudabimus. Nam hic spiritus sanctus in nube lucida, illic in columba: qui que nunc simplici corde fidem quam percepit seruat; tunc aperta luce contemplabitur quod crediderat.

3 **N**otandum secundo, dari exemplum principibus tam spiritualibus, quam secularibus, ut de rebus magnis & secretis, cum paucis & magnis communicare deliberent. Quod si hoc seculo factum fuisset, pauciores haereses habuissimus, & Respub. melius administrarentur.

4 **T**ertio notandum est, prolixioris orationis fructum esse gloriam & consolationem: nam haec ipsa transfiguratio, orante Domino, in monte facta est. Cur hoc gaudium permixtum timori? quia nondum in eo acquiescendum fuit. Habent enim hoc omnia humana; ut si ex omnibus alijs partibus perfecta sint, illud tamen terreat, haec non perpetua esse.

5 **N**otandum quarto hoc loco est, Christum IESUM saluatorem nostrum fuisse lapidem factum in caput anguli, quem reprobauerunt aedificantes. Hunc quidem lapidem Isaias praedixerat futurum, alijs quidem in sanctificationem, alijs autem in lapidem offensionis & petram scandali, in laqueum & in ruinam habitantibus in Ierusalem, maxime ob tres causas. Primum propter summam humilitatem & abiectionem. Sperabat Ierusalem, sperabat Israel Messiam regem magna pompa, magno splendore, magno apparatu venturum: venit hic humilis & pauper, factus est in lapidem offensionis, & petram scandali. Deinde propter mortem contumeliosissimam crucis, de qua fuit scriptum in lege, Maledictus omnis qui pendet in ligno, factus est hic lapis in petram scandali, & in lapidem offensionis morte sua. Praedicamus, inquit Paulus, Christum crucifixum, Iudaeis scandalum, gentibus stultitiam. Tertio, propter quandam difficultatem, horrorem & asperitatem viae, quam in caelum demonstrabat, quae nulla alia est quam abnegatio, non solum rerum nostrarum, quod tamen ipsum perdifficile est, sed nostri etiam. Si quis vult venire post me, abneget semetipsum, & sequatur me. His igitur modis, his rationibus factus est in lapidem offensionis, in petram scandali multis habitantibus in Ierusalem. Ad quem lapidem, & quam petram ne item offenderent discipuli sui, ac in posterum uniuersus populus Christianus, hac sua gloriosa transfiguratione fecit: qua & illud demonstrauit, se verum illum Messiam promissum esse: qui etsi aspectu quidem, & quasi prima fronte, tanquam nouissimus virorum apparuit; reuera tamen Deus ipse verus erat, cui omnia superiora & inferiora parebant; mortem item suam gloriae potius sibi, quam contumeliae causam fuisse: dogma autem etsi difficile & asperum sit; in tam amaris tamen radicibus esse fructus suauissimos.

6 **Q**uinto notandum est, quantum ad naturam transfigurationis, IESU Christi humanitatem a prima eius cum diuinitate hypostatica coniunctione fuisse in statu beatitudinis perfectae: & ideo omnes dotes beatificas futurae gloriae habuisse, quae ex illo fonte bonorum omnium, diuinitate inquam, in animam promanabant primum, demum in corpus. Quomodo tum item fiet nobis, cum illam aeternam consequemur felicitatem. Nam ex fonte diuinitatis

eius, anima omnes dotes accepit gloriæ, quas postea ipse in caducum corpus & mortale transfudit, claritatem inquam, subtilitatem, impassibilitatem, velocitatem, & cæteras præstantes dotes. Sic igitur omnes dotes gloriæ à prima conceptione habuit humanitas IESV Christi: quas tamen dispensatiuè nostri causa in corpus non trans mittebat, & ideò corpus simile corporibus nostris apparuit, vt per omnia assimilaretur fratribus suis. Et quemadmodum nubes, inquit Nazianzenus, arcet solis radios, ne ad nos perueniant; ita nube quadam omnipotentia diuinæ efficiebatur, ne radij gloriæ quibus anima coruscabat, in corpus transfunderentur. In hac igitur transfiguratione, ad tempus remota fuit hæc quasi nubes, omnesque dotes gloriæ, maxime claritatis, quibus anima repleta est, corpori fuerunt communicatæ, & per corpus ipsius vestimentis: & proinde facies eius apparuit sicut sol, vestimenta verò sicut nix. Hæc est claritas glorificati corporis, quantum ad naturam; qua claritate aliquando corpora nostra coruscabunt: Fulgebunt iusti sicut sol, inquit scriptura, in perpetuas æternitates. Fulsit etiam aliquando facies Moysis, quando locutus est cum Deo: sed hic fulgor duplici modo ab hoc præfato distinguebatur. Nam in Moyse fuit fulgor extrinsecus ex colloquio cum Deo: claritas autem Christi fuit ab intrinseco, ex innato gloriæ diuinæ fulgore, primùm in animam, deinde in corpus se transferente. Deinde fulgor faciei Moysis exiguus fuit, ita quòd velo obducto auferebatur: fulgor autem Christi nulla re reprimi aut coërceri potuit, ideoque in vestimenta ipsa se extulit. Hæc igitur prima fuit consolatio, hæc scandali & offensionis remotio, non debere illis mirum videri, si acerba morte morietur hic, per quem ad eum splendorem & dignitatem peruenitur, & quod præcessit in capite, illud quoque sequetur in membris. Hac spe erectus Petrus Neronem non timuit, acerbamque crucem senex despexit: Ioannes item Domitianum, & alios: Iacobus Herodem. Verùm ne quis arbitretur ea gloria ipsum caput exornari debere, & non etiam membra, ex præteritis datur dogma futurorum. Et ecce apparuerunt in maiestate cum illo Moyses & Elias. Apostolis autem præcipuis, & non alijs apparet; vt illud significetur, quibus talis gloriæ communio maximè competere debebat, illis scilicet, qui etiam ipsi abnegantes semetipsos, crucem suam accepturi, Christumque secuturi fuerant.

NOtandum sextò, quòd quæri solet inter patres, Moyses in quo tandem corpore apparuit; num in suo proprio, quod ab angelo conditum & sepultum fuit, num in aliquo alio ad tempus factò: quomodo ex permissione diuina nonnunquam animæ mortuorum sibi adaptant corpora. Placet quibusdam angelum in Moyse persona apparuisse, quomodo etiam angeli in Dei persona apparent. Hilarius, Hieronymus, & Augustinus putant in suo illum corpore apparuisse. Plures eam sequuntur sententiam, eum sibi ad tempus corpus conformasse, modo soli Deo cognito, quomodo animas mortuorum apparere nunc diximus. Indeque concludunt, rem possibilem esse, vt animæ mortuorum viuus appareant tanquam in corporibus, DEO ita iubente & volente: quod de Samuele item narrat liber Regum & Ecclesiasticus.

NOtandum est septimò, cur Moyses, cur Elias, cur vterque simul appareant? non aliam ob causam, quàm vt hic ipse transfiguratus appareat verus Messi-

Messias esse, quod mirè declarat vtriusque præsentia. Quando locutus fuit DEVS in monte Oreb legem ferens cum populo Iudaico in igne & fulgore, perterritus populus petijt Moysen, ne vltra DEVS loqueretur cum illis: promittit Dominus se vltra vt Deum cum illis non locuturum, sed daturum prophetam, per cuius os cum illis locuturus esset, quem quicumque non audierit, ex eo se grauem recepturum poenam: quæ sic narrat Moyses. Prophetam *Dent. 18.* de gente tua & fratribus tuis sicut me, suscitabit Dominus Deus tuus, ipsum audies, vt petisti à Domino Deo tuo in monte Oreb, quando concio congregata est, & dixisti: Vltra non audiam vocem Domini Dei mei, & ignem hunc maximum non videbo, ne moriar. Et ait Dominus mihi: Benè omnia sunt locuti: Prophetam suscitabo illis de medio fratrum suorum similem tui, & ponam verba mea in ore eius: loqueturque ad eos omnia quæ præcepero illi: qui autem verba eius, quæ loquetur in nomine meo, audire noluerit, ego ultor existam. Recepit conditionem populus. Cùm igitur teste & internuncio hæc Moyse facta sint, adest nunc testis hic idem Moyses contra illos, docens hunc ipsum prophetam esse, de quo conuentum actum est: clamat pater hunc audiendum esse: Hic est, inquit, filius meus dilectus, cui ex me, & mecum esse, sine tempore est: quia nec genitor genito prior, nec genitore genitus est posterior. Hic est filius meus dilectus, quem à me non separat deitas, non diuidit potestas, non discernit æternitas. Hic est filius meus non adoptiuus, sed proprius: non aliunde creatus, sed ex me genitus: nec de alia natura factus mihi comparabilis, sed de mea essentia mihi natus æqualis. Hic est filius meus, per quem omnia facta sunt, & sine quo factum est nihil: qui omnia quæ facio, similiter facit, & quicquid operor, inseparabiliter mecum atque indifferenter operatur. Hic est filius meus, qui eam quam mecum habet æqualitatem, non rapina appetijt, nec vsurpatione præsumpsit, sed manens in forma gloriæ meæ, vt ad reparandum genus humanum exequeretur commune consilium, vsque ad formam seruilem inclinavit incommutabilem deitatem. Hunc ergo, in quo mihi per omnia benè complacui, & cuius prædicatione manifestor, cuius humanitate clarificor, incunctanter audite: quia ipse est veritas & vita, ipse virtus mea atq; sapientia. Elias autem eam potissimum ob causam adest, quòd se excusabat Iudæa, quòd scilicet ideò credere noluit, quòd Elias nondum aderat, quem ante Messiam venturum fuisse prædixit propheta. Sic igitur omnis excluditur Christi humilitas, sic vera eius effertur maiestas. Adfert & alias causas istorum apparitionis D. Chrysostomus. Cuius rei gratia, inquit, Mosen & Eliam produxerit Dominus, eas causas quis dicere posset? Primum, quoniam turbæ alij Eliam, alij Ieremiam, alij priscorum prophetarum vnum opinabantur: idcirco Mosen & Eliam cæterorum prophetarum vertices producit; vt quàm magnū sit inter seruos & dominum discrimen, oculis cernerent; vtque rectè laudatum crederent Petrum, qui filium Dei eum confessus est. Deinde quoniam assidue quasi transgressorem legis Iudæi accusabant, & blasphemare putabant, quasi gloriam patris nihil ad eum pertinentem vendicaret. Dicebant enim, hic non est ex Deo, quia Sabbatum non seruat. Et rursus, De bono opere non lapidamus te, sed de blasphemia, & quia tu, homo cum sis, Deum te facis: vt ipsa re monstretur, quòd ex inuidia hæc criminabantur, quodque neutri horum criminum subijceretur, nec legis præuaricator esset, nec alienam gloriam sibi acquireret, æqualem se patri faciendo: eos produxit in medium, quorum

alteruter in alterutra istarum rerum præfulsit. Mosi enim legem dedit: quare non fuisset passus Moses conculcari legem, vt Iudæi credebant; nec præuaricatorem eius, & legumlatoris hostem lator ipse vnquam coluisset. Helias autem pro gloria Dei, zelo vtique commotus fuisset; quare non astitisset ei, qui æqualem se patri dicebat, si non esset, nec paruisset illi, qui sibi quod non habebat vendicaret. Ad hæc omnia illud etiam possumus dicere: vt tam mortis, quam vitæ habere potestatem liquidò ac verè crederetur: vtque superiorum & inferiorum Dominus ostenderetur; idcirco Moysen iam mortuum, & Heliam qui nondum id passus est, in medium produxit. Quartam verò causam (quarta enim est prioribus connumerata) euangelista quoque ipse tetigit. Quænam igitur illa est? Vt crucis gloriam ostendat: & tam Petrum quam reliquos, qui passionem formidabant, consolaretur, & ad sublimius erigeret. Non enim tacebant, inquit, sed loquebantur de gloria, quam completurus erat in Ierusalem, de cruce videlicet, & passione: sic enim ipsam semper appellabant. Accedit ad hæc, virtus quoque virorum illorum singularis atque præcipua, quam, maximè à discipulis flagitabat. Nam quoniam dixit: Si quis vult post me venire, tollat crucem suam, & sequatur me: hac de causa eos qui centies pro Dei præceptorum custodia, & populo qui sibi creditus fuerat, mortem suscepissent, in mediū producit: quorum vterque cum animam perdiderit, inuenit eam. Sanè magna libertate aduersus tyrannos locuti sunt: alter aduersus Ægyptium, alter aduersus Achab; & quod magnum est, pro ingratissimis hominibus & inobedientibus, à quibus in atrocissima pericula compulsi sunt: qui etsi priuati ac absque potestate fuerant, propositum tamen habuerunt ab idolorum cultu populum eripere: quorum alter tardus lingua, & voce tenuis, alter etiam aliquo modo rusticior, vterque verò secularium diuitiarum apprime contemptor. Nam neque Moses quicquam possidebat, nec Helias, præter melotem, aliquid habebat, præsertim cum veteris essent testamenti, neque tanta gratia signorum pollebant. Nam etsi mare Moses scidit, sed Petrus super maria deambulauit, montes transferre poterat, varios morbos curabat, immanissimos demones pellebat, & sola umbra corporis miraculosa agebat, & vniuersum orbem ad Christum reduxit. Si verò etiam Helias mortuum suscitauit; sed ab istis mille, vel antequàm spiritu essent donati, fuerunt excitati. Produxit igitur illos etiam propter hoc in medium, vt eos qui maximè populares fuerunt, imitarentur, & animi robur atque constantiam sequerentur: fierentque mites vt Moses, zelotæ vt Helias, & de alijs similiter solliciti. Alter enim triennem annonæ inopiam ad emendandum Iudaicum populum, intulit: alter dicebat: Si quidem dimiseris eis peccatum, dimitte; si autem non, dele me de libro tuo, quem scripsisti.

Notandum octauò, qua ratione Moysen & Heliam Apostoli cognouerunt, quos nunquam viderunt, & qui nunquam apud Hebræos visi sunt. Respondent patres id ex eorum sermone, quem tum cum Domino habebant, cognouisse. Explicabant enim modos & figuras illas, ritus & cæremonias, quibus ipsi mortem illius adumbrauerunt. Explicauit Moyses rationem, cur & quomodo suspendisset serpentem in deserto, vt quicumque eum aspexisset, ab omni morfu serpentis liber esset. Explicabat Helias cum excitaturus filium viduæ, extensis manibus in formam crucis, sua membra adplicuit illius membris, ex qua

ex qua figurarum explicatione facile cognoscere fuit, quis Moyses, quis Helias esset.

10 **N**Otandum est nonò: hac Saluatoris transfiguratione sublatum esse scandalum crucis. Nam mors illa Christi calamitosa & infamis, tripliciter parere poterat scandalum: vel quòd improuiso cursu euenisset: vel quòd declinari non posset: vel quòd suo delicto suscepta esset. Sed omnia hac facto hoc vnico sublata sunt. Non improuisa, quæ tot figuris præsignata, tot sermonibus prædicta fuit. Non coacta. Nam quis eum ad eam mortem cogere possit, cuius corpori tanta inesset gloria, tanta maiestas, quam oculus humanus ferre non potuit? Non vitio & peccato suscepta: quia hic est ille, de quo pater tam magnifice: Hic est filius meus dilectus, in quo mihi benè complacui. Sic ea gloriosa transfiguratione aufertur omne scandalum crucis, omne scandalum mortis.

11 **N**Otandum est decimò: Scopum tam insignis miraculi non alium Christo Domino propositum fuisse, nisi infirmos discipulorum animos confirmare, mortis scandalum leuare, & in discipulis affectum excitare, magna præmia proponendo, & magna sua beneficia explicando. Dum enim hætenus ab infidelibus signum de cælo postulatum esset: tum quidem illis obtemperatum non est; neque enim digni erant: nunc sponte discipulorum causa proditur signum de cælo in voce patris, de limbo in apparitione Moysis, ex paradyso in Elia, de terra in nube.

12 **N**Otat vndecimò Origenes, Ioannem dictum Eliam, non propter eandem animam, sed propter eundem spiritum, sicut & discipuli intellexerunt Christi. Quoniam autem spiritus Helix in Helisæo quidem tantum requieuit: Ioannes autem præcessit ante Christum, non solum in spiritu, sed etiã in virtute Helix; idè Helisæus quidem non est dictus Helias: Ioannes autem est dictus ipse esse Helias.

13 **N**Otat duodecimò Origenes. Deus, inquit, prohibens Petrum facere tabernacula tria, in quibus habitarent secundum voluntatem illius; ostendit vnum & melius & multò præclarius tabernaculum, quàm ille facere cupiebat. Tabernaculi enim hoc est proprium opus obumbrare aliquos sub se. Lucida autem nubes obumbrans eos, diuiniorum & splendidiorum repensationem exemplo suo demonstrabat eis futuram, quæ protegeret eos simul & illuminaret. Quæ sit autem nubes lucida obumbrans sanctos, nisi fortè virtus paterna, ex qua uenit vox patris dans testimonium filio, quasi dilecto, & exhortans eos qui obumbrabantur ab eo, ipsi non alij obedire. Fortè & spiritus sanctus est lucida illa nubes, obumbrans sanctos & Prophetas, Deo in se operante atque dicente: Hic est filius meus dilectus, in quo complacui. Audens autem dicam etiam Saluatorem nostrum esse lucidam nubem. Nubes enim lucida obumbrat semper dilectos Christi discipulos Euangelium, & legem, & Prophetas; sicut intelligunt, qui possunt aspicere lumen ipsius in Euangelio, vel in lege vel in Prophetis.

14 **N**Otandum tredecimò, idque diligenter & studiosè est, per totam prædicationem

cationem Christi bis vocem istam super Christum de cælo à magnifica gloriâ demissam esse; hancque ipsam vocem eius vnctionem fuisse, primùm in baptismo, deinde in hac ipsa glorificatione: quanquàm & ante ipsam mortem, etsi non iisdem verbis, sensu tamen eodem vox de cælo delapsa est: Et clarificaui, & adhuc clarificabo. Primùm propter Arianos, vt si semel fortè illam non exaudierint aut eos effugerit, audirent iterum & iterum: Hic est filius meus dilectus, cui ex me & mecum esse est sine tempore, quem à me non separat deitas, non diuidit potestas, non discernit æternitas. Quid clarius, quid euidentius dici potuit? vt ipsi Deo ex nube loquenti credatur. Repetitur hoc idem propter nos omnes, qui sub lege eius victuri, doctrinamque eius secuturi eramus, quia hunc ipsum IESUM proposuit Deus doctorem atque magistrum: Hunc, inquit, audite: non iam ampliùs istum Moysen, aut istum Eliam, nisi quantum hunc & cum hoc docent; sed ipsum audite: qui autem non audierit, ego vindex existam. Clamat hic, Quicumque dixerit fratri suo Racha, reus erit iudicio, ipsum igitur audite. Clamat, Qui respexerit uxorem alterius viri, ad concupiscendum eam; mœchatus est eam in corde suo; ipsum ergo audite: ni feceritis, ego vltor existam. Non audierunt hanc vocem impij Iudæi, vltor omnipotens ipse extitit, vsque adhuc plaga eorum non sanata est, nec sanabitur vnquam. Hæc in oculis nostris sunt in his Iudæis, qui inter nos versantur. Astiterunt reges & principes populi contra hunc prædictum doctorem, & vltor Deus existit, tanquàm vas figuli confracti sunt. In oculis autem nostris Deum immortalem, quàm multos punitos, & plexos, ipsi videmus; quorum nomina cum ipso sonitu pereunt: Si ergo hæc audimus & videmus, nec istius doctoris vocibus obtemperamus, ipse vltor existet. Verbum Domini enim manet in æternum.

NOtandum quartodecimò est, Petrum hoc loco formam & speciem hominis mundani expressisse: qui etiamsi omnem Dei maiestatem videat & experiatur; semper tamen manus suas respicit tueturque: vidit Petrus præsentem Dei maiestatem, & gloriam; & tamen ipse ædificare vult tabernacula; quasi verò hic ipse Christus Dominus Moysen aut Eliam; aut seipsum sine Petri ædificijs conseruare non posset, tanquàm ipse non meliora ædificia opera angelorum extruere posset: Petrus tamen, faciamus hîc tria tabernacula. Igitur vt diximus, semper humana prudentia manus suas respicit: pauca in Dei prouidentiam reiicit, & idèò sæpè etiam deficit. Adiciendum & illud, quæ nimis amamus, eorum ablatione tristamur: & idèò Petrus, quia specie illa Christi delectabatur, illamque adamabat, vehementer metuebat, ne ab illa auferetur, tabernacula se ædificaturum promittebat. Proinde & diabolus nobis res mundanas commendat, quòd scit eas à nobis deferendas esse.

NOtandum quintodecimò circa hæc verba, Faciamus nobis, obliuiofam esse humanam naturam in secundis rebus aliorum. Nobis, inquit, De Andrea, Bartholomæo, Philippo, cæterisque Apostolis, laborum ac periculorum socijs verbum nullum: quod itidem in illo pincerna regis Pharaonis aliquando apparuit. Precemur licèt omnes Panem nostrum quotidianum da nobis: & mitte nobis debita nostra: vbi etsi cæteros omnes verbis complectamur, re tamen ipsa nos ipsos respicimus, quod nunc ipse facit.

Notan-

17 **N**Otandum sextodecimò, etsi cælum aspiciamus omnes, etsi aduenire illud optemus, etsi mille disputationes instituamus de eo: terram tamen nos respicere & curare omnes. Quod nunc Petro euenire videmus. Futuræ gloriæ causa commendandæ hæc transfiguratio tota instituta fuit: ibi desideria omnia habere debebat Petrus: tamen, Faciamus hîc, inquit, tria tabernacula. Indeque apparet, quòd studium rerum cælestium difficile excitatur, exigue ardet, facile extinguitur. rerum autem temporalium quæ cura? Et Petrus quidem hoc loco non malè cum Christo, cum Moyse, cum cæteris dicit bonum sibi esse: nostri autem, Deum immortalem, impiè & nefariè etiam sine Christo, Moyse & Elia dicunt bonum sibi hîc esse, Deo & angelis cælo cedere, modo ipsi hîc immortales maneant: nefaria vox, impia vox. Quàm multa Christus Dominus de æterna felicitate concionatus est: omnium tamen Petrus oblitus, hîc vult esse. Est porrò ea benignitas patris clementissimi, qui rectè nouit reformare nostra deformia, vt dicta & facta nostra stulta etiam nonnunquam, & imperfecta, modò recto zelo & fine suscipiantur, non modo non vindicet, sed etiam in bonum aliquod conuertat. Nam & hac humana Petri oratione illud nobis significare voluit, quanta sit suauitas futuræ gloriæ, quanta visionis Dei dulcedo, quanta sanctorum iucunditas, vbicunque hæc appareat, siue in cælo, siue in terra, siue in inferno cum eo. Vbique enim benè cum illo, vbique malè sine illo. Magna ergò est suauitas futuri regni, cuius tam exiguus gustus sui planè fecit Petrum obliuisci, atque hîc sublatu est ille lapis scandali, abnegationis sui ipsius, quæ plerisque difficilis esse videtur. Quis enim non libenter sibi proposito tanto gaudio omnem sufferat crucem, oblitus est Petrus omnium suorum, dicit iam hîc sibi bonum esse. Nam in mundo certè non est locus, de quo quis planè dicere possit, bonum est nos hîc esse: vagamur temerè huc & illuc; veluti pisciculi nantes auferimur, semper nobis meliora pollicemur, & semper tamen deteriora consequuntur; nec est locus vbi dicas, bonum est nos hîc esse, præter gustum & vsum æternæ patriæ.

18 **N**Otandum decimoséptimò, imprudentibus postulatis Deum non respondere. Ecce nubes lucida obumbravit eos, & vox de nube audita est; semper enim Deus ex nube dum in hac mortalitate sumus, nobis loquitur: nam postea ipse coràm nobiscum loquetur, tum quando facie ad faciem nobis apparebit. Hic est, inquit, filius meus dilectus, in quo mihi benè complacui, ipsum audite: quasi dicat, pollicitus sum vobis dare prophetam quem audituri estis: ecce non prophetam, sed filium meum dilectum do, dono, dico, vobis: ipsum ergò audite: non philosophos, non hæreticos docentes, quæ ipsi non didicerunt, non hunc velatum Moysen, sed ipsum audite. Audiat hæc Ariana improbitas & impietas. Aderat tunc Moyses, aderat Elias, dum hæc cælitus dicebantur à magnifica gloria, homines Deo gratissimi, filij Dei per adoptionem, de nullo tamen vox de cælo, hic est filius meus dilectus, in quo mihi complacui. Alius igitur hic filius, alij illi filij. Vidimus gloriam eius, gloriam quasi vnigeniti à patre.

19 **N**Otandum vltimò cum D. Gregorio in Dialogis. Redemptorem nostrum per mortale corpus, omne quod egit, hoc nobis in exemplum actionis præbuisse, vt pro nostrarum virium modulo eius vestigia sequentes inoffenso pede operis præsentis vitæ carpamus viam. Miraculum namque faciens, & tacere

iussit, & tamen taceri non potuit: ut videlicet & electi eius exempla doctrinae illius sequenter in magnis quae faciunt, latere quidem in voluntate habebant: sed ut prosint alijs, prodantur inuiti: quatenus & magnae humilitatis sit, quod sua opera taceri appetunt: & magnae utilitatis, quod eorum opera taceri non possunt. Non ergo voluit Dominus quicquam fieri, & minimè potuit: sed quid velle eius membra debeant, quidue de eis etiam nolentibus fiat, doctrinae eius magisterio exemplum dedit.

SERIES

EVANGE-

LII.

A Discipulis refert se ad turbas, lunaticus illi offertur. Et cum venisset, inquit, ad turbam; accessit ad eum homo genibus prouolutus ante eum, dicens: Domine, miserere filio meo, quia lunaticus est, & malè patitur. Eum curandum discipulis tradit: illi non possunt: increpatur aeger propter offerentium incredulitatem: nec tam ipse obiurgatur aeger & offerentes, quam ipsi scribae, qui inde Christo in discipulis detrahare coeperat, ut patet ex D. Marco. Ista autem causae sunt, ob quas daemon obseruans lunae cursum corripit hominem: primò scilicet, ut in suspicionem homines adducat, quod creatura Dei sit mala, & ipsa luna: deinde ut vanam superstitionem astrorum astruat: deinde ut per creaturas infamare studeat creatorem. Ridet has causas imperitè, in Chrysostomi expositione, quam fictionem vocat, Calvinus, cum idem dicat Hieronymus, & alij patres, ut res ipsa sit seria, os impudens. Mihi autem, inquit Hieronymus cum Origene, videtur iuxta tropologiam lunaticus esse, qui per horarum momenta mutatur ad vitia, nec persistit in incepto, sed crescit atque decrescit, & nunc in ignem fertur incendij, quo corda adulterantium (sicut ait Osee) fiunt sicut clibanus ignis ardens: nunc in aquas, quae non valent extinguere charitatem: nam saepe, inquit, cadit in ignem, & crebrò in aquam. Quod autem dicit, obtuli eum discipulis tuis, & non potuerunt curare eum, latenter accusat Apostolos, & in eos culpam impotentiae refert: cum impossibilitas curandi interdum non ad imbecillitatem curantium, sed ad eorum qui curandi sunt, fidem referatur, dicente domino: Fiat tibi secundum fidem tuam. Respondens autem Iesus, ait: O generatio incredula & puerfa, quousque ero vobiscum? Usquequò patiar vos? Videtur autem paulò acerbius inuectus esse Saluator in aegrum, eosque qui offerebant: non quod tædio superatus sit, mansuetus ac mitis, qui non aperuit sicut agnus coram tondente os suum, aut in verba furoris eruperit: sed quod in similitudinem medici si aegrotum videat contra sua praecepta se gerere, dicat: Usquequo accedam ad domum tuam? quousque artis perdam industriam, me aliud iubente, & te aliud perpetrante? In tantum autem non est iratus homini, sed vitio: & per vnum hominem Iudaeos arguit infidelitatis, ut statim intulerit: Afferte huc illum ad me. Et increpauit illum Iesus, & exiit ab illo daemonium, & curatus est puer ex illa hora: secundum Marcum, Exiit clamans multum & discerpens eum: siue ut odium incuteret virtutis: siue ut suae indicaret expulsionis iniuriam. Sed cur daemon non increpatur? quia infirmus non tam vitio daemonis, quam propter peccata erat oppressus. Timentes Apostoli ne datam potestatem super daemonia amisissent, interrogant unde eueniret, quod tum daemonium eijcere non potuerint. Tunc accesserunt discipuli ad Iesum secretò, & dixerunt. Quare nos non potuimus eijcere illum? Dicit illis Iesus: Propter incredulitatem vestram. Christus coram multitudine incredulitatem offerentis pro causa reddit:

dit: seorsim verò discipulorum causatur incredulitatem. Etenim hi etiam priusquam aggredierentur, diffidebant se posse laborantem curare, cum tamen alios multos curassent: & ita cum conarentur, non potuerunt. Crediderunt quidem Apostoli, inquit Hilarius, sed nondum perfectæ erant fidei, cum aduersus fortem inimicum valido antagonista opus est. Amen quippe dico vobis: Si habueritis fidem sicut granum sinapis, & dicetis monti huic, Transi hinc & transibit, & nihil impossibile erit vobis. Putant aliqui grano sinapis fidem comparatam paruum dici, quòd regnum cælorum grano sinapis conferatur: cum Apostolus dicat: Et si totam fidem habuero, ita ut montes loco transferam. Ergò magna est fides, quæ grano sinapis coæquatur. Montis translatio, non eius significatur, quem oculis carnis aspicimus, sed illius qui à Domino translatus fuerat ex lunatico. Quòd enim ait: Dicetis monti huic, transi hinc, & transibit: de dæmone intelligitur. Ex quo stultitiæ arguendi sunt, qui contendunt Apostolos omnesque credentes, ne paruum quidem habuisse fidem, quia nullus eorum montes transtulerit: cum si vñ fuissent ea potestate, transtulissent, sed sine necessitate uti noluerunt, maiora tamen præstiterunt, nec his dissimilia. Transtulit montes Gregorius Thaumaturgus: suspendit rupes Benedictus: exsiccarunt fluuios alij. Oportet autem, ut commodius eiiciantur dæmonia, ieiunare & eos qui eiiciunt, & ex quibus eiiciuntur. Hoc genus, inquit, non eiicitur nisi per orationem & ieiunium. Fuit autem hoc genus dæmonij immundum, & fornicationis, quæ ieiunio & oratione curatur. Hoc loco Calvinus quid loquatur, aut contra quem, omninò non intelligit, iuvat ipsum audire. Hinc clarè apparet, inquit, quàm ridiculè Papistæ antidotum in ieiunio constituent fugandis diabolis, cum Dominus non aliò referat, quàm ad acuendum fidei ardorem. Cum autem illud genus Dæmonij aliter eiici posse negat, quàm precibus & ieiunio: sensus est; vbi altas radices fixit satan, & diuturna possessione inualuit, vel vbi effreni licentia grassatur, difficilem esse & arduam victoriam, ideoque totis viribus pugnandum. Christus dicit, opus esse ieiunio, ille negat.

21 **N**Otandum primò, Diabolum in omni creaturæ parte nobis insidiari, quomodo tunc in luna insidiatus est, ut in posterum in omnibus syderibus, elementis, herbis, & cæteris partibus creaturæ liberiùs insidiari posset.

22 **N**Otat secundò contra medicos aut mathematicos Origenes. Medici inquit, loquantur sibi quæ volunt, qui nec immundum spiritum arbitrantur, sed corporalem aliquam passionem, & dicunt, humida moueri in capite secundum aliquam comparisonem ad lumen lunare, quòd humidam habet naturam. Nos autem qui Euangelio sumus credentes, dicimus hanc passionem immundum spiritum in hominibus operari. Obseruat enim quædam schismata lunæ, & sic operatur, ut ab obseruatione quorundam schismatum lunæ pati homines mentiatur, & per hoc culpabilem Dei creaturam ostendat, ut omnes, sicut diximus, iniquitatem in excelso loquantur, qui existimant ex efficientia stellarum consistere causam omnium infirmitatum, siue generalium siue specialium, criminantes opera Dei, & quasdam quidem Stellas dicentes maleficas, quasdam autem beneficas, cum nulla stella à Deo sit facta, ut malefaciat.

Notan-

Notandum tertio: ideò nos à Deo plerunque non impetrare quod petimus, quia malè petimus: ergò, inquit Hieronymus, quoties non accipimus, non præstantis est impossibilitatis, sed culpæ deprecantium. 23

Notat quartò D. Hieronymus, dum docemur quomodo nequissimus 24
dæmon possit expelli omnes nos institui ad vitam.

Notandum quintò, in omni oratione nostra, in omni curatione quædam 25
ex parte Dei requiri, quædam ex parte nostra, contra omnes hæreticorum errores: & neq; diuina quicquàm prodesse, nisi nostra adferamus; neque nostra, nisi ex diuinis pendeant: quod in curatione istius lunatici videre licet. Adferunt Apostoli virtutem miraculorum, fidem hic non adfert.

Notat sextò hoc loco Euthymius, optimè Dominum coram multis mul- 26
torum incredulitatem repræhendere: semotis autem arbitris, suorum diffidentiam arguere. Neque enim æquum erat, vt coram multis confunderetur communes orbis præceptores.

Notat septimò Euthymius, Fidem nunc dici non de hoc, quòd ipse sit 27
Deus, sed ad facienda signa. Dicit enim. Si habeatis fidem adeò acrem & vehementem ac feruentem, sicut granum sinapis: illud enim talis est qualitis: credentes sine vlla trepidatione, quòd facturi estis signa, tantam habebitis virtutem, vt ipsos etiam montes transferatis si volueritis. Tantam autem fidem aliquem habere, videtur quidem facile; est tamen etiam excelsum valdè, nascitur siquidem ex libertate ad Deum. Rursum, talis libertas est ex mente placidè composita. Est autem magni certaminis ex placabilitate acquirere erga Deum talem libertatem, vt credat illum daturum quicquid postulabitur: Petite, inquit, & dabitur vobis. Quòd si palam non fecerunt transmigrare montes Apostoli, ne mireris: non enim hoc ideò fuit quòd non possent, sed quia noluerunt vtpotè huiusmodi necessitate, aut vtilitate sese illis non offerente: post hos namque sancti alij Apostolis longè inferiores, vrgente necessitate, montes demigrare fecerunt, iuxta Dominicam sententiam. Potest quoque mons dici Diabolus, propter opinionis suæ elationem, quem facile sancti à sede sua commouent quando volunt.

Notat octauò idem Euthymius: genus dæmonum omnium non alio mo- 28
do egreditur, nisi per ieiunium & orationem: non solùm eius qui sanat, sed eius etiam qui patitur. Oratio siquidem dæmoni admodum terribilis est. Hanc autem fortiolem reddit, & valdè potentem efficit ieiunium, non sinens corporis fatietatem remittere animi firmitatem, aut fumos, qui ab ea ascendunt turbare: cerebrum, mentemque confundere: itaque corpore firmo menteque sine distinctione operante, vehementiùs igne, omni que re terribiliùs ascendit oratio; ideò has semper coniunctas esse oportet.

Notandum nonò, coërcendum esse vnumquemq; pro suo ingenio, & in- 29
firmitate, & meritò, quomodo nunc grauissimè Christus Dominus scribas du-

30 **N**Otandum vltimò, si tantum virtutis in teneram illam ætatulam satanæ
permissum fuit, quid nobis non timendum est, qui vitijs nostris subinde ad mor-
tiferos ictos nos obijcimus, qui suggerimus etiam hosti nostra tela: & in quos
iure suo grassari posset, nisi mirabili Dei bonitate cohibita iaceret eius libido.

31 **P** Rædicatur iterum atque iterum & mors & resurrectio Christi: Conuer- S E R I E S
fantibus, inquit, eis in Galilæa, dixit illis Iesus. Filius hominis tradendus est in EVANGE-
manus hominum, & occidetur eum, & tertia die resurget. Censum & vectigal LII.
à Christo & Petro repetitur. Et cum venissent Capharnaum, accesserunt qui
didrachma accipiebant ad Petrum, & dixerunt: Magister vester non soluit di-
drachma? Ait: Etiam. Tributum hoc eo modo Patres intelligunt: Hierony-
mus in primis: Post Augustum Cæsarem Iudæa facta est tributaria, & omnes
censi capite ferebantur. Vnde & Ioseph cum Maria cognata sua profectus est
in Bethlehem. Rursum, quoniam nutritus erat in Nazareth (quod est oppi-
dum Galilææ, Capharnaum vrbi subiucens) ex more poscunt tributa; & pro
signorum magnitudine hi qui exigebant, non audent ipsum repetere, sed di-
scipulum conueniunt; siue maleficiose interrogant, vtrum reddat tributa, an
contradicat Cæsaris voluntati: iuxta quod in alio loco legimus. Licet tributa
Cæsari soluere an non? Euthymius autem sic: Primogeniti omnes Hebræorum
singulis annis didrachma ponebant Deo in gratiarum actionem: eò quod olim
Ægyptiorum primogenita perdiderat. Quia ergo Christus etiam primogeni-
tus erat, qui hæc congregabant; ad ipsum quidem accedere verebantur, hono-
rantes eum propter miracula: ad Petrum autem tanquam principem iam discipu-
lorum accedunt, nec exigunt, sed cum mansuetudine interrogant. Est autem
didrachmum genus numismatis, quod addicebatur Leuitis, & vsui templi.
Erat autem hoc non vectigal, quod exigi solet in traiectu; sed annuum tribu-
tum Iudæis impositum in singula capita, vt tyrannis penderent, quod olim
soluebant vni Deo. Scimus enim hunc censum illis fuisse præscriptum in lege,
vt dimidio statere quotannis profiterentur Deum, à quo redempti fuerant, esse
summum suum regem. Hoc cum ad se transtulissent reges Asiatici, placuit Ro-
manis exemplum: ita quasi alienati essent Iudæi à Dei imperio, profanis tyran-
nis soluebant sacrum censum in lege indictum. Quod priusquam Christo re-
ferat Petrus, præuenit illum interrogatione Christus, ne scandalizentur disci-
puli ad postulationem tributi, cum videant eum nosse, quæ absente se gesta
sunt. Quid tibi, inquit, videtur Simon? Reges terræ à quibus accipiunt tribu-
tum, vel censum: à filiis suis an ab alienis? Et ille dixit: Ab alienis. Dixit illi Ie-
sus: ergo liberi sunt filij. Vt autem non scandalizemus eos, vade ad mare, &
mitte hamum, & eum piscem qui primus ascenderit, tolle; & aperto ore eius,
inuenies staterem, illum sumens da eis pro me & te. Nunquid ambiguum est,
filios regum obnoxios non esse: & quibus regni veritas est, eos esse liberos à
seruitute? Sed sermo interiùs intendit. Postulatur didrachma à populo. Lex e-
nim in eam fidem, quæ per Christum erat reuelanda, concluditur. Ergo hoc
idem didrachma consuetudine legis tanquam ab homine poscebatur à Chri-
sto,

sto: sed vt ostenderet, legi se non esse subiectum, & vt in se paternæ dignitatis gloriam contestaretur, terreni priuilegii posuit exemplum, censu aut tributis regum filios non teneri: potiusque se redemptorē animæ nostræ & corporis, quam in redemptionem sui aliquid postulandum; quia regis filium extra communionem oporteret esse reliquorum. Demonstrato autem primū, quod ipse non debet pendere propter diuinitatem, tamen dare iubet propter humanitatem, ne offendiculum paterentur: quasi ipse Deum despiciere volens, & ipse Deo pendere didrachmum noluerit. Porro absurdū videri poterat, Christum cū apparuisset populi redemptor, ne ipsum quidem à tributo esse immunem. Hoc scandalum vt auerteret, verbis docuit, sola voluntate se esse obstrictum: & miraculo idem probauit, quia terreno imperio se eximere poterat, qui mari dominabatur & piscibus. Dominus noster & secundum carnem, & secundum spiritum regis filius erat: vel ex Dauid stirpe generatus: vel omnipotentis verbum patris. Ergo tributa quasi regum filius non debebat; sed qui humilitatem carnis assumpserat, debuit adimplere omnem iustitiam. Nos infelices, qui Christi censemur nomine, & nihil dignum tanta facimus maiestate. Ille pro nobis & crucem sustinuit, & tributa reddidit: nos pro illius honore tributa non reddimus, & quasi filii regis à vectigalibus immunes sumus. Non eximius autem fuit iste census: septem grossos nostros non excessit: tali mundus redemptorem suum, & eius vicarium summa censuit; sed ne nos quidem maioris quandoque vtrumque facimus. Quod autem dixit, liberi sunt filii in omni regno, intelligendum est liberos esse regum filios, id est non esse vectigales. Multo ergo magis liberi esse debent in quolibet regno terreno filii regni illius, sub quo sunt omnia regna terrena, dicebat Augustinus. Discimus item ex hoc loco, quod tantæ Dominus fuerit paupertatis, vt vnde tributa pro se, & Apostolo redderet, non habuerit. Sed quæret quis, quomodo, cū in oculis Iudas portabat pecuniam? Respondebimus, pauperū in vsu, in suos conuertere eam nefas putauit, nobisque idem tribuit exemplum. Stater dicitur, qui duo habet didrachma, vt ostenderetur similitudo carnis, dum eodem & seruus & dominus pretio liberantur. Mentitur autem hoc loco Calvinus, qui Papam dicit inde immunitatem à tributis suis clericis instituisse, cū eius rei primus author Deus fuerit: deinde cū nulla gens aut natio tam fera & barbara sit, quæ ministros sacrorum suorum à tributis non exemerit.

Notandum primò, docere hoc loco Saluatorem exemplo suo, omnem creaturam potestati sublimiori debere parere: non tantum propter metum, sed etiam propter conscientiam & scandalum; cū ipse existens filius Dei, subiecerit se tributo Cæsaris. 32

Notandum secundò, omnes leges & sanctiones ciuiles, quæ cum recta ratione & honestate sunt coniunctæ, Christum Dominum hoc loco exemplo suo confirmasse. 33

Notandum tertio, Christum Dominum esse verum Deum, & verum hominem. Verum Deum, quatenus est filius æterni regis patris omnipotentis: verum hominem, quatenus est filius veri regis Dauidis, contra Calvinum. 34

Notandum quarto, hunc ipsum non posse esse nisi verum Deum, cuius 35
mare

mare thesaurus est, pisces autem maris tributa ferunt & cōdunt. Quod pulchrè exclamat Hieronymus. Quid primum mirer in hoc loco nescio : vtrum præscientiam, an magnitudinem Saluatoris. Præscientiam, quòd nouerat piscem habere in ore staterem ; & quòd primum ipse capiendus esset. Magnitudinem atque virtutem, si ad verbum eius statim stater in ore piscis creatus est, & quod futurum erat, ipse loquendo fecerit. Euthymius autem : A mari dat tributum ; hinc quoque ostendens, quòd tanquam omnium Dominus præcepit & mari : quod quasi præcepto eius subiectum, mittit piscem, qui tributum Domino deferat, nec pro ipso solùm, sed & primo eius discipulo. Nam Petrus quoque primogenitus erat : prius siquidem etiam hoc diuersimodè demonstrauit, & quando per ipsum quasi per aridam pedes ambulauit ; & nunc quoq; idem rursum aliter ostendit, vario modo subiectionem illius significans.

36 **N**Otandum sextò, plerunque Christum Dominum causam suam cum causa Petri coniungere, tanquam ipsum principem cum suo vicario, quem nunc sibi, regumque filijs coæquauit.

37 **N**Otandum septimò : in omnibus scandalum vitandum esse, multa que facienda esse, quæ non debemus : modò scandalum declinemus. In quibus autem & quantum, pulchrè notat Euthymius. Docet enim, quod aliquando offendiculum cauere oportet, interdum verò illud despicere, & cum iudicio, hoc & illud facere. Vniuersaliter enim in his, quæ iuxta Dei præceptum dicuntur, aut fiunt, offendiculum oportet despicere : in his autem quæ iuxta voluntatem nostram, offendiculum curare conuenit, prout præcepit magnus Basilus.

38 **N**Otandum octauò : propositionem hanc, filios regum censum non soluere, veram esse vbique præter Poloniam. Nam hîc filij regum, hoc est sacerdotes, sed & reges ipsi nobilitati censum soluunt. Nam quæ bella ipsi subire deberent, hæc regia & sacerdotum ciuitates & oppida, sumptu suo magna iniquitate complent.

39 **N**Otandum nonò ex Origene, Textu hoc de statere in ore piscis inuento, conuenienter nos vti posse aduersus auaros, qui nullam habent in ore suo loquelam nisi pecuniæ. Cùm autem videris huiusmodi hominem ab aliquo Petro correptum, qui abstulit non solùm de ore eius verbum pecuniæ, sed & de toto affectu concupiscentiam pecuniæ ; dices eiusmodi hominem in mari fuisse, & in falsis rebus huius vitæ, & in fluctibus solitudinum auaritiæ, & habuisse in ore suo staterem, quamdiu infidelis extitit, & auarus : ascendisse autem de mari ad hamum rationabilem, & comprehensum, atq; saluaturn ab aliquo Petro, qui eum docuit veritatem, vt ne habeat aliquando in ore suo staterem, sed pro eo habeat imaginem Dei, eloquia Dei.

40 **N**Otat D. Ambrosius, piscis nomine frequenter in Euangelio hominem designari. Audi, inquit, ô homo, quia piscis es : Simile est regnum celorum saginæ missæ in mare, & ex omni genere piscium congreganti. Sunt boni & mali pisces, boni seruantur ad pretium, mali statim ardent : Bonum piscem nec retia inuolunt, sed eleuant : nec hamus internecat atque interficit, sed pretiosi vulneris perfundit sanguine : in cuius oris confessione bonum pretium reperitur,

E c

tur,

tur, quo tributum Apostolicum, & census Christi possit exsolui. Sic enim scriptum est dicente Domino: Reges terræ à quibus accipiunt tributum vel censum: A filiis suis, an ab alienis? Et respondenti Petro: Ab alienis, ait Dominus: Vade ad mare, & mitte hamum, & eum piscem qui primus ascenderit tolle, & aperto ore eius, inuenies ibi staterem: illum sumens, da eis pro me & te. Noli igitur o bone piscis, Petri hamum timere, non occidit sed conseruat. Noli quasi vilem te contemnere, quia vides corpus infirmum: habes in ore tuo, quod & pro Petro & pro Christo offeras. Noli timere Petri retia: non enim in sinistram partem mittit, sed in dexteram, sicut iussus à Christo est. Noli timere finem eius, quia dictum est ei: Ex hoc eris homines viuificans. Ideo misit retia, & complexus est Stephanum, qui de mari Euangelij primus ascendit habens in ore suo staterem iustitiæ. Vnde confessione constanti clamauit dicens: Ecce video cælos apertos, & filium hominis stantem à dextris Dei. Pro hoc pisce stabat Dominus Iesus: sciebat enim esse in ore eius pretium sui census. Deniq; glorioso martyrio, & Petri iudicium atque doctrinam, & Christi gratiam locuples assertor impleuit.

QVAESTIONES D. AVGVSTINI. PRIMA. Quod dixit dominus, Helias quidē venturus est, & restituet omnia, id est, vel eos, quos persecutio Antichristi cōturbauerit: vel vt ipse restituat moriēdo quę debet. SECUNDA. Quod dixit: Sæpe cadit in ignem, & aliquando in aquā. Ignem ad iram, quod alta petat: aquam ad voluptates carnis. Item quod dicunt discipuli, Quare nos non potuimus eijcere eum? ne illis miraculis faciendis extollerentur in superbiam, admoniti sunt potius per humilitatem fidei, quasi per sinapis granum, elationem terrenam, quæ montis nomine significata est, curare vt transfiret.

Caput XVIII.



AMBITIO DISCIPVLORVM REPRIMITVR, AD HVMILITATEM monentur, à scandalo magnis argumentis deterrentur, fraternæ correctionis leges præscribuntur, facultas remittendi peccata datur, quam liberales esse debeamus in condonandis culpis pulcherrima parabola ostenditur. Primum igitur instante & impendente morte magistri, istorum se ambitio quod fieri plerunque solet, prodit: & quoniam de morte & resurrectione eius nihil intellexerant, ac visibile quoddam regnum expectabant: ideo quis eorum in eo tali regno primus esse deberet, quæritur. Accesserunt ergo ad IESVM quærentes, quis maior futurus sit in regno cælorum. Factum est initium huius quæstionis in cælo, continuata in paradiso est, nunc turbat & vexat orbem vniuersum. Reprimit ac refutat tam putidam ambitionem istorum magister humilitatis, nec verbis aut argumentis, sed proposito paruuli exemplo, discipulorum factum confundit. Aduocans, inquit, paruulum, statuit eum in medio eorum & dixit: Amen dico vobis, nisi conuersi fueritis & efficiamini sicut paruuli, qui nihil de primatu, de regnis cogitant, victu & amictu præfenti contenti, non intrabitis in regnum cælorum: & quod paruuli per annos possident, vos per industriam possideatis; vt malitia non sapientia paruuli sitis. Sicut iste paruulus (cuius vobis exemplum

exemplum tribuo) non perseverat in iracundia, non læsus meminit, non videns pulchram mulierem delectatur, non aliud cogitat & aliud loquitur: sic & vos nisi talem habueritis innocentiam & animi puritatem, non poteritis in regnum cælorum intrare. Quam quidem conversionem & humilitatem pueri, Origenes aliquot appositissimis exemplis eodem planè sensu quo diximus illustrat. Nos satis erit, si duo selectiora inferuerimus. Si inquit, vir aliquis constitutus, usque eò mortificaverit viriles concupiscentias suas, in spiritu mortificans corporales actus, & semper mortem IESU circumferens in corpore suo, ut puer qui muliebria nondum tentavit, nec sensit motus viriles: iste talis conversus factus est sicut puer. Et quantò amplius appropinquaverit pueris, recedens ab huiusmodi motibus: tantò amplius cæteris continentibus, & ad perfectum continentia ascendere non valentibus maior habetur. Et paulò post: Si inquit, aliquis humiliet se sicut puer. Nec enim magnum aliquid sapere cadit in puerum, neque iactantia generis vel diuitiarum, vel aliarum rerum quæ existimantur bonæ, non autem sunt, cadit in puerum: unde videmus infantes usque ad tertium vel quartum annum, licet fuerint generosi, similes se præbent pueris degeneribus: nec amplius diligunt diuites pueros, quàm pauperes. Si quis ergò vir habitudinem quàm habent pueri ex ætate, in se ratione suscepit; expellens ea quæ mouent insensatos; factus est sicut puer non se extollens in honoribus, neque efferens se claritudine generis: iste talis suscipiendus est & honorandus in nomine IESU, quoniam præcipuè in talibus est IESUS. Ideò dicit: si quis suscepit vnum talem in nomine meo, me suscipit. Pueris credentes, inquit Hilarius, comparat: hi enim patrem sequuntur, matrem amant: proximo velle malum nesciunt, curam opum negligunt, non insolescunt, non oderunt, non mentiuntur, dictis credunt, & quod audiunt verum habent. Et hæc omnium affectionum assumpta & consuetudo & voluntas, cælorum iter peruium præstat. Narrat Lyranus hunc puerum fuisse beatum Martialem, qui postea à beato Petro missus in Galliam, prædicauit Lemouicensibus fidem Catholicam. Quicumque ergò humiliauerit se sicut paruulus iste, hic est maior in regno cælorum. Humiles ingredientur in regnum cælorum, quia angusta via est, quæ illuc ducit; per quam superbi, inflati, & tumidi ingredi non possunt.

- 2 SED unde tandem initium sumptum huius ambitionis? Viderant pro Petro & Domino idem tributum redditum, ex æqualitate pretij arbitrati sunt, Petrum omnibus Apostolis esse prælatum, qui in redditione tributi Domino fuit comparatus: ideò interrogant, quis maior sit in regno cælorum. Dubitant autem quis de tribus illis melior iudicatus esset à Christo. Distrhebatur autem existimatio sensus eorum per varias causas. Interdum quidem Ioannem forsitan meliorem putabant esse, quòd secreta consilia ei præ cæteris fuerant declarata. Interdum autem arbitrabantur Petrum maiorem in regno cælorum, vel propter staterem hunc, qui datus est pro Christo & Petro, vel propter illud, quòd Christus dixit ad Petrum: Ego dico tibi, quia tu es Petrus, & super hanc Petram ædificabo Ecclesiam meam, & portæ inferorū non præualebunt aduersus eam. Iterum autem forsitan eorū reuocabatur opinio, propterea quòd dixerat Christus ad Petrum, quod aliis non dixerat discipulis: Vade post me satana, scandalum mihi es, quia non sapis quæ Dei sunt, sed quæ hominum; ne fortè

non esset maior Petrus, sed vnus ex filiis Zebedæi. Videntque IESVS cogitationes eorum, & causas erroris intelligens, vult desiderium gloriæ, humilitatis contentione sanare. Non tantum autem ipsos humiles esse oportet: sed etiam humiles recipere propter Christum, vt in illis Christus accipiat & honoretur. Qui suscepit, inquit, vnum paruulum talem in nomine meo, me suscipit. Quid autem tali susceptione beatius, inquit Euthymius, per quam suscipit quis beatam Trinitatem? nam si filium & patrem, vtique & spiritum sanctum; inseparabilis siquidem beata Trinitas: nondum autem tempus tunc erat docendi de spiritu sancto. Quod verò addit, me suscipit, per vsum loquendi dictum est. Frequenter enim dicere solemus: quod mihi facis, non mihi facis, sed Deo. Ideò etiam Lucas reliquis positis, illud reliquit tanquam loquendi proprietatem. Qui autem scandalizauerit vnum de pusillis istis qui in me credunt, expedit ei, vt suspendatur mola asinaria in collo eius, & demergatur in profundum maris. Expedit ei pro culpa accipere pœnam, quàm æternis seruari cruciatibus. Non enim vindicabit Dominus bis in idipsum. Quod dicit de mola asinaria, secundum ritum prouinciæ loquitur; quod maiorum criminum ista apud Iudæos veteres pœna fuerit, vt in profundum ligato saxo demergerentur. Et quoniam ipsi discipuli graue scandalum dederant ambitione & contentione sua de primatu, ideò prolixius & vehementius exaggerat vim scandali: Væ, inquit, mundo à scandalis. Necesse est autem vt veniant scandala. Non quod necesse sit venire scandala: alioquin sine culpa essent, qui scandalum faciunt: sed cum necesse sit in isto mundo fieri scandala, vnusquisque suo vitio scandalis patet: simulque per generalem sententiam percutitur Iudas, qui proditori animam præparauerat. Veruntamen væ, inquit, homini illi, per quem scandalum venit: primum, quia quod necesse est vt fiat in mundo, vitio suo facit, vt per se fiat: alteram causam adiungit Origenes: quoniam præbet se spiritibus immundis scandalizantibus ministrum, ad scandalizandum homines infirmos & mundanos. Væ mundo à scandalis. Pulchrè hoc loco Origenes: Si væ, inquit, mundo est à scandalis: non autem discipuli IESV sunt de hoc mundo; sicut nec magister eorum de hoc mundo est: nemini discipulorum Christi potest esse à scandalis væ, quoniam pax multa diligentibus Deum, & non est illis scandalum. Necesse est autem, vt veniant scandala. Non necessitate absoluta docet Lyrannus, sed ex suppositione. Si enim homines velint viuere mundanè, id est in omnibus voluntatem suam adimplere, necessariò sequitur ad hoc scandalum aliorum, quia non formidant proximos scandalizare. Sicut enim Deus mortem non fecit, sic nec scandala creauit: sed libertas proprii arbitrij in quibusdam genuit scandalum, nolens pro virtute suscipere laborem, dicebat Origenes. Ventura verò erant, inquit D. Chrysostomus, quia multi erant grauiter ac incurabili morbo laborantes, qui noluerunt non agere malignè, & ipse quod futurum erat prædixit. Sed quispiam dicet, si illi curati fuissent, ac nemo esset, qui scandala faceret; nonne hic sermo falsitatis crimine teneretur? Certè si curari fanarique omnes voluissent, non dixisset, Necesse est scandala venire: sed quia sua sponte incurabiles futuros perspiciebat, ideò ventura omninò prædixit. Veruntamen væ homini illi, per quem scandalum venit. Offendiculum quidem à dæmone seminatur, inquit Euthymius, ab homine verò alitur & augetur ac recipitur, qui prauam & corruptam habet voluntatem: quem etiam nunc deplorat tanquam dæmonis ministrum. Sed quid prodest prædicere scandala, si
opem

opem non feras? An qui prædicit præmonendo & ad cautionem cohortando, opem fert? Si autem necesse est scandala venire, quomodo fugiemus ea? docet pulcherrimè D. Chrysostomus. Necesse quidem est ut veniant scandala, perire autem non omninò necesse est. Ceu si medicus quidem dixerit: Si nulla medicina vteris, necesse est ut in hunc rursus incidas morbum: non omninò perire necesse eum erit, qui vigilanter attendit. Quanquam & ipse cælestis medicus, quantum fugienda sint, quantum declinanda, docet: abijciendo scilicet quæque proxima, & quæque charissima. Si autem, inquit, manus tua vel pes tuus scandalizat te, abscinde eum, & projice abs te. Omnis, inquit Hieronymus, truncatur affectus, & vniuersa propinquitas amputatur, ne per occasionem pietatis vnusquisque credentium scandalis pateat. Si inquit ita est, quis tibi coniunctus, ut manus, pes, oculus, & est utilis atque sollicitus ad perspicendum? scandalum autem tibi facit, & propter dissonantiam morum te pertrahit in gehennam: melius est ut & propinquitatem eius, & emolumentis carnalibus careas: ne dum vis lucrificare cognatos, causam habeas ruinarum. Itaque non frater, non filij, non vxor, non amici, non omnis affectus, qui nos excludere potest à regno cælorum, amoris Domini præponatur. Nouit vnusquisque credentium, quid sibi noceat, in quo sollicitetur animus ac sæpè tentetur. Melius est vitam solitariam ducere, quam ob vitæ præsentis necessaria, æternam vitam perdere. Et si oculus tuus scandalizat te, erue eum, & projice abs te: bonum est tibi, oculum vnū habentem in vitam intrare, quam duos oculos habentem mitti in gehennam ignis. Tandem quanta paruulorum dignitas sit docet: Videte, inquit, ne contemnatis vnum ex his pusillis. Dico enim vobis, quia angeli eorum in cælis semper vident faciem patris mei, qui in cælis est. Inde manifestum est iustos habere angelos custodes. Dicit enim Dauid: Castra metabitur angelus Domini in circuitu timentium eum, & eripiet eos. Quos autem seruant angeli, qui tantam apud Deum habent libertatem, ut semper videant Deum, qui in cælis est, verè hos despicere non oportet; etsi non propter illorum virtutem, at saltem propter custodiam, & præsentiam angelorum, quos fecit Deus ministros eorum. Saluatorum, inquit Hilarius, per Christum orationes quotidie angeli Deo offerunt: ergo periculosè ille contemnitur, cuius desideria ac postulationes ad æternum & inuisibilem Deum, ambizioso angelorum famulatu ac ministerio peruehantur. Faciem verò patris, patrem suum vocat. Sed & illud, quod longè maius, infert; cur eos despicere non oporteat. Non angeli tantum, inquit, illis seruiunt, sed filius ipse Dei venit eos quærere. Atque ita ne exemplum paruulorum contemnant, neue paruum quid esse iudicent: quanti ipsi apud Deum paruuli sint, & omnes illi qui eos imitantur, illisque similes sunt, quatuor argumentis ostendit: Primum, quòd qui illos suscipit, Christum suscipit, & ideo se illis exæquat: Deinde, quòd qui scandalizant eos, expedire illis & quasi utile esse ad peccati medelam docuit; ut mola asinaria suspendatur in collo eorum, ut qui alijs facti sunt lapis offensionis, ipsi lapidis pondere demergantur in profundum maris: Tertium, quòd illorum custodes & ministri sint angeli: Quartum, quòd eorum causa in mundum filius Dei venerit. Si quis ergo illos scandalo suo perdit, eum se incredibili scelere obligare. Venit, inquit, filius hominis saluare quod perierat. Quid vobis videtur? Si fuerint alicui centum oues, & errauerit vna ex eis, nonne relinquit nonaginta nouem in montibus, & vadit quærere eam quæ errauit? & si contigerit ut inueniat eam: amen dico vobis, quia

Psal. 33.

gaudet super eam magis quàm super nonaginta nouem, quæ non errauerunt. Sic non est voluntas ante patrem vestrum qui in cælis est, vt pereat vnus de pusillis istis. Nonaginta quidem nouem oues, non eodem modo omnes interpretantur. Quidam putant istum esse pastorem, qui cùm in forma Dei esset, non rapinam arbitratus est, se esse equalẽ Deo; sed semetipsum exinaniuit, formam serui accipiens, factus obediens patri vsque ad mortem, mortem autem crucis; & ob id ad terrena descendit, vt saluam faceret vnã ouiculã quæ perierat; hoc est humanum genus. Alij verò in nonaginta nouem ouibus, iustorum putant numerum intelligi, & in vna ouicula peccatorum, secundùm quod in alio loco dixerat: Non veni iustos vocare, sed peccatores: non enim opus habent sani medico, sed hi qui se malè habent. Hilarius hoc modo interpretatur. Quis vna, homo intelligendus est, vel sub homine vno vniuersitas sentienda est: sed in vnus Adæ errore omne genus hominum aberrauit: ergo nonaginta nouem non errantes, multitudo angelorum cælestium opinanda est, quibus in cælo est lætitia & cura salutis humanæ. Igitur & quærens hominem Christus est, & nonaginta nouem relictĩ, cælestis gloriæ multitudo est: cui cum maximo gaudio errans homo in Domini corpore est relatus. Quod autem dicit se reliquisse nonaginta nouem in montibus, non alio modo factum est, quàm vbi Deus formam serui accepit, seipsum exinaniens, de quo & Propheta: Reliqui domum meam, dimisi hæreditatem meam: dedi dilectam animam meam in manus inimicorum. Ista parabola in Euangelio secundùm Lucam, cum alijs duabus parabolis decem drachmarum & duorum filiorum scripta est.

Notandum primò, stultam & importunam rem esse ambitionem, quæ 12
in medio naufragio gubernacula quærit, in media tempestate & interitu, de gubernaculis contendit, in funere decus, quod in his ipsis videre licet. Prædicat clementissimus pater & magister proximam mortem, expectatur solatium aliquod à dilectis discipulis. At illi quid? Quis, inquiunt, maior in regno cælorum. Atqui de cruce instituta fuit disputatio, quod idem nostri faciunt Interregnistæ: qui tanquam piscatores in turbata aqua anguillas; sic isti in perturbata Repub. honores & munera venari solent: à quibus Deus omnem successum bonum auertat.

Notat secundò Origenes, sciuisse Christi discipulos, non esse æqualita- 13
tem sanctorum in regno cælesti: & cùm non sit æqualitas, esse aliquem maiorem & minorem; sed quomodo maior & quomodo minimus, hoc discere cupiuisse. Nisi fortè cautius est dicendum: qui esset quidem minimus, Apostolos sciuisse ex eo quod alibi docuerat ipse: Si quis soluerit vnum ex mandatis istis minimis, & docuerit sic homines, minimus vocabitur in regno cælorum. Et quis esset magnus, sciuisse ex eo, quod ait: Si quis fecerit, & sic docuerit, hic magnus vocabitur. Sed ex multis magnis quis esset maior, hoc eis non fuisse manifestum. Et quòd multi quidem sunt magni, non autem æqualiter magni, indicat nomen magni positum in persona Isaac, qui proficiens magnus fiebat, donec efficeretur magnus valde. Scriptum est autem id ipsum etiam in Moyse, & in Ioanne Baptista, & ipso etiam Salvatore.

Notandum tertio, quomodo Apostolos, Apostolicosque viros Deus do- 14
cendis

cendis alijs præficit, ita vicissim ipsos nonnunquam per paruulos quosdam abiectos homines instituere solet, quemadmodum nunc proposito illis paruulo facit, vt magna per parua confundantur & instruantur.

- 3 **N**Otandum quartò, veterem & perpetuam regulam, humilia Deo amica & proxima esse, magna autem & superba eum à longe cognoscere: contrarium mundus sequitur modum, qui paruos humiles ridet, affligit, depredatur, omnibus malis diuexat: & ideo stabunt iusti in magna constantia aduersus eos qui se angustiauerunt. Beati ergo humiles, qui Deum & eius adiutorium secum habent.
- 4 **N**Otandum quintò, magnam esse mercedem bonorum operum. Qui inquit, suscipit vnum ex minimis, me suscipit: atqui diuersum quid docet hèresis.
- 5 **N**Otanda sextò est doctrina de scandalo ex D. Basilio in regulis breuioribus Interrogatione 64. Cùm Dominus noster Iesus Christus dicit: Vtilius est ei, vt imponatur mola asinaria circa collum eius, & proijciatur in mare, quàm vt scandalizet vnum de pusillis istis: Quid est scandalizare? aut quomodo id euitare poterimus, ne adeò horribile iudicium veniat in nos? Responso. Sanè scandalizat quidem aliquis, quandocunque dictis factisque legem violat, & exemplo suo alium ad legis violationem inducit; vt serpens Euam, & Eua Adam: vel quandocunq; prohibet exequi voluntatem Dei; vt Petrus Dominum quando dixit: Absit à te Domine, non erit tibi hoc: cui tum dictum est, Vade post me satana, scandalum mihi es; quia non sapis ea quæ Dei sunt, sed ea quæ hominum. Vel quando ædificat animum imbecilli ad aliquid eorum quæ vetita sunt, conuenienter illi quod scriptum est ab Apostolo his verbis: Si quis enim viderit te, qui habes scientiam, in idolio recubentem: nonné conscientia eius, cum sit infirma, ædificabitur ad manducandum idolothyta? Quibus illicò adiungit: Quapropter si esca scandalizat fratrem meum, non manducabo carnes in æternum, ne fratrem meum scandalizem. Oritur autem scandalum pluribus ex causis. Vel enim ab eo qui scandalizat scandalum nascitur: vel ab eo qui scandalizatur causa proficiscitur, cur scandalizetur: atque in his item, non vno atque eodem modo. Aliquando enim ex malitia, aliquando autem ex inscitia, vel huius, vel illius. Est præterea, quando in ijs quæ rectè vel dicuntur, vel fiunt eorum qui scandalizantur, malitia magis declaratur: aut enim mandatum Dei aliquo faciente, aut his, quæ in libera potestate posita sunt, libere vtente scandalizatur qui scandalizatur.
- 6 **N**Otat Origenes septimò, bonum quidem fuisse, vt ille qui factus est oculus, dignus esset capite Christo, & toto ecclesiastico corpore. Si tamen conuersus oculus ille factus fuerit scandalum corpori vniuerso, eiiciatur oculus scandalizans, & extra omne corpus expellatur; vt sine illo oculo residuum corpus saluetur: quàm cum illo oculo debilitato totam ecclesiam mittat in gehennam intenebratam, videlicet per oculum malum. Christum autem caput ecclesiæ esse, non ego, sed Apostolus intellexit. Sacerdotes autem rationabiliter possunt dici ecclesiæ oculus, quoniam & speculatores habentur. Diaconi autem, cæteri que ministri manus; quoniam per eos opera spiritalia vniuersa geruntur. Populum autem esse pedes Ecclesiæ, quibus omnibus parcere non

oportet, si scandalum Ecclesię fuerint facti. Possumus autem hoc textu vti etiam de domesticis nostris, & quasi membris ita nobis dilectione coniunctis, siue parentibus, siue amicis quadam familiaritate dilectis: quibus parcere non oportet animę nostrę nocentibus.

NOtat octauò Lyranus ex hoc loco, melius esse homini mori corporaliter, quàm malo exemplo suo facere alium ruere in peccatum mortale; quia ex hoc meretur mortem æternam, quæ est grauior morte corporali. 7

NOtat nonò D. Hieronymus, magnam esse dignitatem animarum, vt vnacunque habeat ab ortu natiuitatis in custodiam sui angelum deputatum. Vnde legimus in Apocal. Angelo Ephesi, Tyatiræ, & angelo Philadię, & angelis quatuor Ecclesiarum, scribe hæc. Apostolus quoq; præcipit velare capita in Ecclesijs foeminas, propter angelos. Addit & illud pulchrè Theophylactus, hinc colligi, quòd etsi omnes angelos habemus; peccatorum tamen angelos tanquam pudore suffusos ob peccata eorum quos custodiunt, non audere, nec libertatem habere precari pro eis. Sumantur autem & bonorum virorum angeli, isti cum libertate aspiciunt faciem patris, & deprecantur pro eis propter eam quam habent fiduciam & audaciam, & hoc est quod dicit Dominus: Angeli illorum vident semper faciem patris. Etsi enim missi veniant, sic exterius implent ministerium; vt nunquam intus desint per contemplationem. Mittuntur ad hominum salutem, & tamen semper vident faciem patris: quia quolibet missi veniunt, intra ipsum currunt, qui vbique est. 8

NOtat decimò, dari hoc loco à vero pastore Christo pastoribus quærendarum ouium exempla. Relinquit omnia vnus ouis causa, idq; vilioris ex omnibus, vadit, quærit, defatigatur, inuentam ouem non pulsat, non obiurgat; sed blandè reponit in humeros non alienos, non substitutorum, aut vicariorum, sed suos: portat autem cum gaudio & lætitia, neq; prius portare desinit, quàm in quieto salutis portu reponat. 9

NOtandum vltimò ex Lyrano, quomodo magis est gaudium ex peccatore, quàm ex iusto: & quando maior est gaudium super vno peccatore poenitentiam agente, quàm super nonaginta nouem iustis, qui non indigent poenitentia. Quia vt quotidie experimur, qui illicita non commiserunt; in rebus licitis sæpè sibi præbent vsum, ad cælestia anxie non anhelant: & quia securi sunt, ad bona agenda pigri remanent: è contra autem plerumque peccator facit. Maius ergo gaudium de eo, quàm de stante iusto. Vt dux in prælio plus diligit militem eum qui post fugam reuersus, hostem fortiter premit, quàm eum qui nunquam fugit, nec vnquam fortiter egit. Sed & sunt quidam iusti, de quibus tantum est gaudium, vt eis nullus poenitens præponi possit: qui etsi non sint maiorum conscij, sibi tamen licita respuunt, in omnibus se humiliant. Quantum ergo gaudium est, si humiliter plangat iustus: cum tantum sit, si quod malè gefit, damnat iniustus. Quod præclare Christus Dominus in parabola prodigi filij, atq; eius qui semper faciebat voluntatem patris, demonstrauit. 10

SERIES
EVANGELII.

DIxerat superius, neminem ex minimis etiam contemnendum esse; sed omnes amandos ac magnificandos. Verùm cum multi inueniantur morosi, vaniloqui, 11

7 vaniloqui, inobedientes, multi delinquant, multi improbi sint: nunc igitur
 cum talibus quid sit agendum docet: neque contemnendos esse, neque illorum
 vitia ferenda; & peccata quidem illorum condonanda, ipsos autem fraterna
 admonitione corrigendos, aut etiam excommunicatione feriendos. In qua do-
 8 ctrina reliqua pars consumatur capitis; ut non tantum ipsi scandala non de-
 mus, sed etiam illa in alijs corrigamus. Quanquam & ad eum ipsum, qui scanda-
 lizatur, referri potest, ut conuertat eum qui scandalizat. Dicit autem corrigen-
 dum esse, non contumelia afficiendum aut infamandum. Atque adeo ambitio-
 ne illorum repressa & refutata, ad patientiam & amorem nunc eos prouocat.
 Inquit igitur: Si peccauerit in te frater tuus: ne, inquit, contemnas, ne negligas
 eum, corripe autem inter te & ipsum solum. Corripiendus est seorsim, ne ubi
 semel pudorem amiserit, remaneat in peccato: & si quidem audierit, lucratus
 es animam eius; ut per alterius salutem nobis quoque acquiratur salus: si soli
 non pareat, adhibendum esse fratrem: si amplius pertinax sit, & alterum; idque
 vel corrigendi studio, vel commonendi sub testibus. Quod si hæc omnia sper-
 nat ac despiciat; tum demum denunciandum esse Ecclesiæ, summo & amplissi-
 mo in christianismo tribunali, ut detestatione eum habeat; ut qui non potuit
 pudore saluari, saluetur opprobrijs. Si quis autem summæ Ecclesiæ authoritati
 parere nolit, sit tibi deinceps incommunicabilis, cum quo nullam ineas vitæ
 societatem tanquam immedicabili. Quia solus non valuisti curare, assume te-
 cum adhuc non multos, ne ille publicari se reputans durior efficiatur; sed vnum
 aut duos auxiliores: ut si perdurauerit non mollescens, sint etiam testes tuæ
 mansuetudinis, & duricie illius: utque secundum veteris legis sententiam, in
 ore siue per os duorum testium vel trium, stet, hoc est, confirmetur omne verbum:
 9 puta te fecisse quod in te est, nihilque prætermisisse. Primum enim solus abiisti
 ad eum, deinde alijs quoque assumptis. Si Ecclesiam, inquit, non audierit, sit
 tibi sicut ethnicus & publicanus, qua poena nulla grauior neque maior esse po-
 test. Tu verò considera, inquit D. Chrysostomus, quomodo publicanum ad
 exemplum summæ nequitie semper posuit. Etenim superius dixit: Nonne
 publicani quoque hoc faciunt? ac deinde: Publicani præcedent vos, ait, in re-
 10 gnum cælorum: id est, quia valde improbitate condemnantur. Audiant hæc
 attentè, qui sibi quæstus iniustos excogitant, qui fænus fænor adiiciunt. Cur
 autem istum cum publicanis collocavit? Ut certè & illum qui pertulit iniuriam
 consolaretur, & hunc meritò perterreret. Verum ne quis eam poenam con-
 temnat, ne quis homines eos qui sententiam ferunt esse dicat. Posset siquidem
 contemptoris fratris hæc occulta esse responsio, vel tacita cogitatio: Si me de-
 spicis, & ego te despicio: si me contemnas, & mea sententia condemnaberis.
 refutat hoc grauissimè Saluator, & docet quæ sit authoritas eorum, qui hanc
 poenam irrogaturi erant, Apostolorum inquam, quæ sua est. Amen dico vobis,
 quæcunque alligaueritis super terram, erunt ligata & in cælo: & quæcunque sol-
 ueritis super terram, erunt soluta & in cælo. Hoc autem eo sensu Euthymius
 dici putat. Quidquid vos in terra censueritis, aut per sententiã decreueritis; hoc
 Deus in cælo ratum habebit; siue eos qui sunt incurabiles ab Ecclesia amputa-
 ueritis, siue postmodum resipiscentes receperitis. Quo loco pulchrè D. Hila-
 rius: Ad terrorem metus maximè, inquit, quo in præsens omnes contineren-
 tur, immobile seueritatis Apostolicæ iudicium præmisit: ut quos in terris liga-
 uerint,

uerint, id est, peccatorum nodis innexos reliquerint: & quos soluerint, confessione videlicet veniæ receperint in salutem, hi Apostolicæ conditione sententiæ in cælis quoque sint ligati aut soluti. Negat hoc frustra & sine ratione Calvinus quod Ecclesia affirmat, confessionem scilicet peccatorum quæ in Ecclesia fit hoc loco intelligi: cum eodem sensu hæc eadem paulò antè de Petro dicta sint: vt planè conuincantur ineptiæ Caluini, qui de prædicatione verbi dicta esse putat, cum hæc manifestissimè ad delictorum correctionem, poenarumque irrogationem referantur. In tantum autem humanæ pacis studuit concordia; vt vnitatis merito, omnia quæ à Deo precanda sint, impetranda esse confirmet: & vbi duo atq; tres pari spiritu ac voluntate collecti sint, ibi se medium eorum pollicetur futurum. Ipse enim qui pax & charitas est, sedem atque habitationem in bonis & pacificis voluntatibus collocauit. Vbi fuerint, inquit, duo vel tres congregati, ibi sum in medio eorum. Istiusmodi consensus aliquot exempla affert Origenes ex scriptura. Hoc tali consensu, inquit, non multi consentiunt sibi per omnia, sed duo fortè vel tres, sicut Petrus, & Iacobus, & Ioannes. Consenserunt autem & duo, Paulus & Sosthenes scribentes Corinthijs epistolam primam. Item Paulus & Timotheus mittentes secundam. Et tres consenserunt, vt esset Christus in medio eorum, Paulus, & Syluanus, & Timotheus scribentes Thessalonicensibus.

Quomodo ergo frequenter aliqui duo in dilectione existentes, & Deum ¹⁵ concorditer de aliquo postulantes non exaudiuntur? quia non sunt similes Apostolis. Neq; enim simpliciter dixit: Si duo consenserint, sed, si duo ex vobis, hoc est similes vobis, virtutem colentes: vel quia non eam diligentiam afferunt ad orandum, quam debent & possunt: vel sibi inutilia petunt, alijs aduersa & nociua: vel pro indigno postulant: vel omninò alia aliqua ratio adest, quæ repulsam meretur. Qui autem facienda faciunt, & si illis expedit, statim quod petunt consequuntur, mentiri enim non potest qui promisit. Atqui etiam vnus virtuti addictus, si sic petat exaudietur, sed non tantum, quantum duo concordēs. Vel ad extremum quod annotauit Origenes, non exaudiuntur orantes: quia non consentiunt sibi per omnia super terram, neque dogmate, neq; conuersatione. Igitur & præmium pollicetur, inquit Hieronymus, vt sollicitius festinemus ad pacem, cum se dicat inter duos & tres medium fore: iuxta illud exemplum tyranni, qui duos amicos (cum vnus ad visendam matrem reuerti vellet, & amicum pro se vadem daret) sic probare voluit; vt vno tento, alterum dimitteret: cumq; reuertisset ad condictam diem, admirans amborum fidem, rogauit vt se haberent tertium. In nomine autem meo, hoc est propter me, propter mea præcepta, & non propter aliam causam: ibi sum in medio eorum colligans & custodiens eos, ac complens eorum petitionem. Fœdè hoc loco blasphematur Calvinus sancta vetera concilia, quibus hæc verba impudenter negat conuenire, quem ipsum audire iuuat. In eo se, inquit, crassa Papistarum prodit inscitia. Clamant non potuisse errare concilia, ideoq; standum omnibus eorum decretis: quia quoties duo aut tres congregantur in nomine Christi, ipse in medio eorum est. Atqui imprimis quærendum erat, conuenerint necnè Christi nomine, de quorum fide, doctrina & affectu ambigitur. Hoc dum omittunt vel inuoluunt Papistæ, quis non videt astutè discrimen inter sacros & profanos

profanos conuentus ab illis confundi, vt potestas quiduis agendi ab Ecclesia ad hostes Christi iuratos transferatur.

16 **Q**Uæ liberalitas condonandarum iniuriarum, quàm prolixa, quàm munifica esse debeat, quærit deinde Petrus. Tunc accedens ad eum dixit: Domine, quotiens in me peccabit frater meus, & dimittam ei? vsque septies? In alieno parcus & tenax dispensator Petrus. Respondet Christus, apud quem propitiatio est, & apud quem copiosa redemptio: Non dico tibi vsque septies, sed vsque septuagies septies. D. Basilius inquit: Potestas dimittendi, non absolutè data esse videtur, sed si dicto audiens fuerit, qui poenitens sit; & consenserit cum eo qui animum ipsius curat. Septuagies septies, inquit Chrysostomus, non significat hic vnum, sed immensum, continuum, & semper. Nam sicut *μυρίακις*, hoc est, decies millies significat frequenter apud Græcos: ita sanè & septies apud Hebræos, & multò magis septuagies, ac insuper quòd ex vtroque compositum est, septuagies septies. Quia ergo infinities in Deum peccamus: infinitis vicibus iussit ignoscere his qui in nos delinquant, si semper resipiscunt. Eum namq; qui non resipiscit, post tertiam monitionem repelli iussit tanquam ethnicum & publicanum. Quomodo enim quis remittet ei, qui remissionem non quærit?

17 **N**Otandum primò, processum iuris christiani hoc loco præscribi: primùm vt proximos inter illos & nos ipsos moneamus: deinde, vt adhibitis quibusdam fratribus: tertio, vt eos Ecclesiæ denunciemus, post vt excommunicentur: excommunicatos autem tanquam ethnicos & publicanos fugiamus. Et hic est status iuris christiani; & quod amplius est, vix non ex malo est.

18 **N**Otat secundò Origenes, differentiam esse inter fratrem, & eum qui nominatur frater. Et quoniam distant à se, propterea dicit Apostolus: Si quis frater nominatur in vobis, sit autem fornicarius, aut auarus, aut idolorum cultor, & cætera, cum talibus nec cibum sumere. Nemo enim idolorum cultor, aut fornicator, aut auarus frater est: & quamuis nomen baiulet Christi: tamen frater nominatur, non autem & frater propriè est.

19 **N**Otat tertio, summam & vltimam poenam in populo christiano excommunicationem esse, quæ deteriore ethnico & publicano facit.

20 **N**Otat quartò D. Hieronymus, deterioris detestationis esse, qui sub nomine fidelium agunt opera infidelium, quàm hos qui aperte gentiles sunt.

21 **N**Otandum quintò, si illi qui ob modicum scandalum, aut delictum erga proximum, Ecclesiæ præcipienti aut decernenti non parent, deteriores sunt ethnicis & publicanis: ergo longè deteriores erunt, qui in fide & religione catholica illi credere nolunt, eamque calumniantur. Ex quo genere sunt hæretici ac schismatici omnes.

22 **N**Otandum sextò contra Anabaptistas, Ecclesiam visibilem esse, & non ex solis iustis constare, neq; ad eius constitutionem omnibus indiuiduis opus esse, cum nulla ratione, nulloque modo illi quidquam dici possit (iuxta illud: Quod si eos non audierit, dic Ecclesiæ: si autem Ecclesiam non audierit, sit tibi sicut ethnicus & publicanus) si inuisibilis & infinita esset.

Notandum

NOtandum septimò cum Paulo, hæreticum hominem post primam & secundam admonitionem deuitandum esse, quia peruersus est, quia ethnico & publicano deterior: ergo neque ad matrimonium admittendum. Sic enim Paulus: Nolite, inquit, fratres iugum ducere cum infidelibus. Atqui hic deterior infideli. Quod prolixiùs demonstrat Tertullianus in epistola ad uxorem suam. Vnde præclare D. Chrysostomus docet, nec dari oportere auxilium inimicis Dei, nec ab eis accipi. Qui enim petit auxilium ab inimicis Dei, de auxilio Dei desperat, vtiliores sibi existimans inimicos Dei, quàm Deum. Qui autem dat auxilium inimicis Dei, aduersatur Deo: Deo enim volente contere inimicum suum, ipse eum defendere tentat. Quoniam autem nec accipere oportet ab inimicis Dei, docet nos historia de Asa rege patre Iosaphat: quoniam verò nec dare, instruit nos scriptura de Iosaphat Asæ regis filio.

NOtandum octauò, honestissima nomina & munera turpium hominum vita & moribus deformari, ac infamia reddi: quomodo nomen & officium publicani per se honestum, & quòd Christus honorauit reddendo tributum, auaritia & rapacitate hominum turpe redditum est.

NOtandum nonò cum Ioanne, vbi amor & charitas, ibi Deum esse: contra, vbi rixæ, lites, ibi diabolum præsidere, quod in hæresibus videmus. Si duo, inquit, ex vobis consenserint super terram, de omni re quamcunque petierint, fiet illis à patre meo.

NOtat decimò Lyranus, duplicem esse correptionem: vnā quæ est peccantis punitio propter conseruationem iustitiæ, & ista non ordinatur semper ad correctionem delinquentis, quia aliquando sibi infligitur poena mortis, & ideò principaliter est ad conseruationem iustitiæ & terrorem aliorum: & talis correptio non pertinet ad singulares personas, sed ad iudicem, ad quem pertinet conseruare iustitiam inter homines, & propter hoc talis correptio est actus iustitiæ. Aliam esse correptionem quæ ordinatur ad fratris peccantis emendationem, & hæc est actus charitatis, & pertinet ad omnes: quia sicut dicitur in Ecclesiastico: Vnicuique mandauit Deus de proximo suo. Et ideo sicut quilibet tenetur proximum ex charitate diligere: ita tenetur defectus eius ex charitate per emendationem corrigere, si tamen probabiliter credat, quòd ex tua correctione debeat se emendare.

VNdecimò notat idem Lyranus, quando locus est priuatæ correctioni, & quando non. Quando publicè peccatur, tùm publicè etiam peccata arguenda sunt, iuxta illud D. Pauli: Peccantem coram omnibus argue, vt cæteri timorem habeant. Quando autem priuatim in nos quis peccat, tùm priuatim corrigi debet. Cuius prima ratio est: sicut enim medicus corporalis si debito modo procedat, nititur inducere sanitatem cum minimo dispendio corporis, & sine membri abscissione; & si non possit, tunc abscindit membrum minus nobile, vt conseruetur magis nobile vel totum corpus: sic ille qui fratrem peccantem occultè corripit, charitatiuè debet tentare, si possit fratrem emendare absque detrimento suæ famæ: quia fama computatur inter maiora bona hominis citra virtutes: & ideò corrigens fratrem, debet quantum potest eius famam conseruare. Alia causa est, quia amissa fama vel læsa, efficitur homo inuerecundus, & per conse-

per consequens minus à peccato retrahitur quàm prius. Est ergo debitus processus in correctione charitatiua, vt homo corrigat fratrem suum inter se & ipsum solum: vt sic possit eum saluare cum omnimoda integritate suæ famæ.

38 **D**Vodecimò considerandum est, si peccatum occultum fratris esset in præiudicium communitatis; vt si aliquis tractaret secretè cum aliquibus ciuibus, qualiter ciuitas esset hostibus tradenda; vel si aliquis hæreticus in secreto corrumperet fideles; tunc secreta correptio vel admonitio non esset expectanda, sed statim esset prælato denunciandum, qui possit tali periculo præcauere.

29 **T**Ertiodecimò obseruandum, quod licet offensa sit semper remittenda, non tamen iniuria. Si enim ex remissione iniuriæ & pœnæ debitæ, sequeretur pronitas, in eo cui remittitur, ad facilius peccandum non esset bonum ei remittere. Similiter si ex tali remissione esset scandalum aliorum, & omisio iustitiæ, & in similibus casibus.

30 **N**Otandum quartodecimò, eorum verborum: Vbi duo ex vobis consenserint super terram, de omni re quamcunque petierint, fiet illis à patre meo: afferri hanc ab Origene expositionem: quam & ipse à quodam vetustissimo patre se accepisse testatur. Est & alia, inquit, expositio verborum istorum, quam exposuit aliquis ante nos, exhortans ad castitatem coniuges. Si duo, inquit, vestrum conuenerint, id est, vir & vxor ex consensu semetipsos ab inuicem separantes à corporali coniunctione, vt vacent orationi: tunc enim orantes de omni re quamcunque petierint consequentur, præstante eis Deo per talem castitatis consensum.

31 **N**Otat quintodecimò D. Basilii, vt Christus inter duos vel tres in nomine suo congregatos sit medius, hoc poterimus promereri, si nos ad voluntatem ipsius conformauerimus. Sic enim inquit apud Ioannem: Si quis diligit me, mandata mea seruabit, & ad eum veniemus, & mansionem apud eum faciemus. Qui verò congregati sunt, non vt voluntati Domini pareant: ij licet in vnum in nomine Domini conuenisse videantur, illud tamen nihilominus audiunt: Quid me vocatis Domine Domine, & non facitis quæ dico?

32 **S**Equitur illustris parabola plena doctrinæ & energiæ, in qua omni modo ad similitudinē humilitatis ac bonitatis suę instruit, & ad molliendos ac frangendos turbidorum motuum nostrorum aculeos, placabilitatis suæ cōfirmat exemplo. Scopus autem parabolæ istius est, si non remiserimus peccata proximorum; non tantum lingua & ore, sed de ipsis cordibus nostris: idem nobis parentem cælestem facturum. Eundem sensum notat Origenes. Illud, inquit, nos instruit parabola, quòd etiam eorum peccatorum, quæ iam nobis à Deo indulta sunt, reuocationem faceret Deus, etiam post indulgentiam: nisi indulserimus offendentibus nos ita ex corde, vt nec modicam aliquam memoriam offensionum earum apud nos referuamus. Termini autem parabolæ isti sunt. Homo rex est Christus Dominus, vel pater eius: serui eius est vniuersa creatura: debitor est peccator: debita peccata: venditio est abalienatio à Deo (ille enim qui venditur, in alterius domini ius succedit) vxor caro est, quæ conuiuet animæ: liberi, actus prauis: debitor, item seruus nequam, est proximus, ille qui mutuatur, iste qui inhumanè extorquet: conserui, angeli Dei: carcer & tor-

tores, infernus & diaboli, incolæ & ministri eius. Sensum igitur colligit D. Hieronymus. Præcipere Christum Petro sub comparatione regis ac domini, & serui, qui debitor decem millium talentorum à domino rogans veniam impetrauerat: ut ipse quoque dimittat conseruis suis minora peccantibus. Si enim ille rex & dominus, seruo debitori decem millium talentorum debitum tam facile dimisit; quantò magis serui conseruis suis debent dimittere minora? Quod ut manifestius fiat, dicamus sub exemplo. Si quis nostrum commiserit adulterium, homicidium, sacrilegium, maiora crimina decem millium talentorum, rogantibus dimittuntur, si & ipse dimittat minora peccantibus. Sin autem ob factam contumeliam simus implacabiles, & propter amarum verbum perpetes habeamus discordias; nonne nobis videmur rectè redigendi in carcerem, & sub exemplo operis nostri hoc agere, ut maiorum nobis delictorum venia non relaxetur? Cùm cœpisset rationem ponere, oblati sunt ei vnus, qui debebat ei decem millia talentorum: cùm autem non haberet unde redderet, iussit eum dominus eius venundari, & uxorem, & filios, & omnia quæ habebat & reddi. Repetit acrius pater cælestis debitum, non tamen hoc ex crudelitate, sed ex compassione: ut tali sententia territus deprecaretur, ac remissionem consequeretur. Nisi enim eo fine talem protulisset sententiam; nequaquam deprecanti remisisset debitum. Nam si facile remissionem percepisset; futurum erat, ut gratiæ magnitudinem non cognosceret: propter hoc ergo in magnam necessitatem eum redegit, ut ad memoriam in posterum reuocare possit, qua condemnatione absolutus esset, & compassius etiam ipse erga suum fieret debitorem proprijs adactus calamitatibus. Vbi benignè condonat omnia Dominus: hinc tu vides poenitentiae vires ac Domini humanitatem. Poenitentia siquidem fecit seruum à malitia cadere: stans enim firmus in prauitate, non poterat remissionem accipere: Dei verò humanitas siue benignitas omnino ignouit, & æs alienum remisit. Atqui seruus non omnimodam remissionem, sed longanimitatem ac procrastinationem quærebat. Procidens autem, inquit, seruus ille, orabat eum dicēs: Patientiam habe in me, & omnia reddam tibi. Misertus autē dominus serui illius, dimisit eum, & debitū dimisit ei. Continentur autē hac parabola decem argumēta, quibus Dominus & persuadet ut ignoscamus culpas proximorum, & æquitatem damnationis illorum, qui non ignoscunt demonstrat.

Primum, pater cælestis, qui ipse nihil cuiquā debet, ignoscit: quantò magis nos ignoscere debemus, qui & illius & aliorum debitores sumus?

Secundum, si pater cælestis nobis multa condonat, decem namque millia talenta: nos certè nostris parua condonare debemus.

Tertium, si pater cælestis parum rogatus sine omni satisfactione condonat: quantò magis nos cum aliqua satisfactione condonare debemus?

Quartum, si pater cælestis sua nobis condonat: quantò magis nos aliena? quid enim habemus, quod non acceperimus?

Qvintum, si pater cælestis seruo, cum quo nihil commune habet, condonat: quantò magis nos conseruis & fratribus condonare debemus, cum quibus nos natura, conditio, vocatio coniunxit?

Sextum, si ea res angelis Dei gaudium facit si fiat, tristitiam si omittatur parit, debemus condonare.

Septimum,

SEptimum, si eius rei ratio patri cælesti est reddenda, & hæc nobis exprobranda sunt; certè curandum est diligēter, ne in ea parte tam strictæ rationi obnoxij efficiamur: Serue, inquit, nequam, omne debitum dimisi tibi.

OCtauum, si alio modo nostra delicta nobis non condonabuntur; curandum est anxie, vt condonemus: Nonné, inquit, oportuit & te misereri conserui tui, sicut & ego tui misertus sum?

NOnum, si carcer, si tortor eam rem sequuntur; curandum est ea mala vt effugiamus. Tradidit, inquit, eum tortoribus.

Decimum, si in inferno nulla redemptio, hic conueniendum est cum aduersario.

34 **N**otandæ primò partes diuinæ bonitatis, docet, prouocat, terret, benignè condonat, condonat plura quàm petitur, condonat gratis, condonat seruo nequam & inutili: ex æquo disceptat cum eo, qui omni sermone indignus est: & patienter ac leniter eum conuincit, qui per se condemnatus est: ostenditque quo ipse sibiipso priorem etiam gratiam subuertit, & ex eo vltionem adduxit. Et cum non posset soluere, non eum scelestum nominauit, sed eius potius misertus est: quando verò erga conseruum suum non est motus compulsionis affectu, hunc & scelestum appellauit & puniuit. Sicut enim, inquit Origenes, pius & misericors rex, non dixit imprimis ei, sibi oblato quasi debitori talentorum multorum, serue nequam & male: hoc enim reseruauit, vt non de pecunijs, sed de conseruo in carcerem misso diceret: tunc autem & improperauit ei de indulgentia debitorum donata propter petitionem. Audiamus nos, qui non compatimur, & horreamus; sciamus quòd ipsi nos ipsos omninò condemnamus: Dei misericordiam, quam erga nos exhibuit, subuertentes, suppliciumque æternum accersentes.

35 **N**otandæ secundò partes humanæ prauitatis, increpat, suffocat fratrem, amicum, conseruum, idque rei parue causa, beneficij recens accepti obliuiscitur. Neque formam supplicationis veritus est, qua & ipse misericordiam percepit: Patientiam habe in me, & omnia reddam tibi: neque sermone placatus est, per quem & ipse seruatus erat: neque à simili propriæ meminit calamitatis, sed permansit omni fera crudelior. Atqui non pro æquali erat supplicatio: ipse etenim pro talentis, hic pro denarijs rogabat: & ipse pro decem milibus, hic autem pro centum: & ipse dominum, hic autem conseruum: & dominus tantum debitum ipsi vniuersum remisit, ipse verò neque dilationem conseruo dedit.

36 **N**otandum tertio, Deum omnipotentem non longo opus habiturum tempore, vt ponatur nobiscum ratio de omnibus actibus vitæ nostræ: quamuis in tanta seruorum multitudine necessarium multum tempus habere videatur, quo vsque ad finem perueniant omnia, quæ ab initio mundi vsque ad consumationem seculi, non vnius, sed multorum seculorum sunt gesta ab omnibus. Volens enim Deus ventilare omnium mentes, vt vnusquisque sentiat proprios actus bonos, vel malos; citò omnia ab omnibus omni tempore gesta, singulis quibusque faciet in mente ineffabiliter quadam virtute. Nec enim sicut nos vo-

lentes in mente facere alicui ea quæ fecit, opus habemus tempore sufficienti, ad consumationem eorum quæ dicuntur à nobis, & in memoriam rediguntur: sic & Deus opus habet tempus, volens nobis in mente facere omnia quæ gessimus in vita, vt cognoscentes vniuersa quæ fecimus, intelligamus propter quæ aut punimur aut honoramur.

NOtandum quartò, nihil esse quod magis offendat cælestem parentem, quàm ingratitudinē, ac recentis beneficij obliuionē: quæ quidem beneficia ille non aliam ob causam in nos confert, quàm ob nominis sui glorificationem, & vt partem illorum in proximos nostros diffundamus, ac cum illis communicemus; quod qui non facit, eius abutitur beneficijs, quod in isto videmus. Notandum & illud, graue peccatum esse, post visitationem Domini non conuerti.

NOtandum quintò cum Euthymio, peccata quæ in Deum committimus, infinitis modis plura esse his, quæ delinquant in nos fratres nostri. Nam quisque nostrum Deo debitor est, decem millium talentorum, hoc est multi ac magni reus debiti: debemus enim illi multas grauesque pœnas, propter magna grauiaque peccata. Quisque autem eorum qui in nos deliquerunt nobis debitor est centum denariorum, videlicet parui vilisque debiti, si conferatur ad decem millia talentorum. Cum ergo Deo tanta debeamus, nisi erga nostros debitores misericordia vsi fuerimus, subuertemus etiam quæ iam nobis supplicantibus remiserat: vt postmodum omnium pœnæ à nobis sine vlla compassione expectantur.

NOtandum sextò cum Propheta, graue talentum esse peccati, quod talentum plumbi vocat Zacharias: illud tamen sua munificentia superat æterni patris benignitas.

NOtandum septimò ex Hieronymo, formidolosam esse sententiam, si iuxta mentem nostram sententia Dei flectitur atque mutatur: si parua fratribus non dimittimus, magna à Deo nobis non dimitti. Et quia potest vnusquisque dicere: Nihil habeo contra eum, ipse nouit, habet Deum iudicem, non mihi curæ est quid velit agere, ego ignoui ei; confirmat Dominus sententiam suam, & omnem simulationem fictæ pacis euertit dicens: Si non remiseritis vnusquisque fratri suo de cordibus vestris.

QVAESTIO D. AVGVSTINI. PRIMA. Quod Dominus dicit: Qui autem scandalizauerit vnum de pusillis istis, id est humilibus, quales vult esse discipulos suos; non obtemperando, vel etiam contraueniendo; sicut de Alexandro ærario Apostolus dicit: expedit ei vt mola asinaria suspendatur collo eius, & præcipitetur in profundum maris, id est, congruit ei, vt cupiditas rerum temporalium, cui stulti & cœci colligantur, eum deuinctum pondere suo deducat ad interitum. SECUNDA. Quod oblatum est Domino debitor decem millium talentorum: & iussit eum venundari, & vxorem eius, & filios, & omnia quæ habebat, & reddi: intelligendum est decem præceptorum legis eum fuisse debitorem, & pro cupiditate atque operibus suis, tanquam vxore & filijs pœnas soluere debuisse, quod est pretium eius: pretium enim venditi, supplicium damnati intelligitur. Quod dixit: Noluit ignoscere conseruo suo, sed abiit, & misit eum

fit eum in carcerem: & reliqua. Intelligendum, tenuit contra eum hunc animum, ut supplicia illi vellet. Conserui autem qui narrauerunt domino quæ fiebant, potest intelligi Ecclesia, quæ & illum soluit, & illum ligat.

Caput XIX.



APITE DECIMONONO REPVDIVM PROHIBET, CASTITATIS limites ponit, paruulos ad se vocat, viam perfectionis præscribit, auaritiam accusat. Diues caput, continet simul & præcepta & consilia perfectionis, qualia nullum aliud. Venit igitur IESVS in Iudæam, congregantur tauri pingues, proponunt more suo quæstionem, non ut discant, sed ut capiant, & perdant. Proponunt autem quæstionem difficilem, inuidiosam vsque adhuc, & quæ plerumq; principes offendere solet, quæ Ioannem, quæ Rosensem, quæ Morum, quæ multos alios præstantissimos viros perdidit, quæ tum in communi vsu ventilabatur, & contra quam plurimum delinquebatur: num scilicet liceat dimittere vxorem qualibet ex causa. Quanto enim deterior efficitur Respub. ad interitumq; propendet magis: tantò frequentiora diuortia fiunt, quæ ex superbia & insolentia nascuntur. Ita Romæ quidem ad 500. annos nullum diuortium fuit; ac is qui primum fecit, iurauit se id fecisse nullo vitio vxoris, sed quòd tantum sterilis esset. Idcirco ut in re odiosa Phariseorum Scribarumque factio interrogat eum, vtrum liceat homini dimittere vxorem qualibet de causa, ut quasi cornuto teneant eum syllogismo, & quodcunque responderit captioni pateat. Si dixerit dimittendas esse vxores qualibet ex causa, & ducendas alias; pudicitia sibi prædicator videbitur dicere contraria. Si autem responderit, non omnem ob causam debere dimitti; quasi sacrilegij reus tenebitur, & aduersus doctrinam Moysi, ac per Moysen Dei, facere iudicabitur. Igitur Dominus sic responsionem temperat, ut decipulam eorum transeat, scripturam sanctam ducens in testimonium, & naturalem legem, ne quidquam calumniari possint: primamque Dei sententiã secundæ opponens, quæ non voluntate Dei, sed peccantium necessitate cõcessa est. Non legistis, inquit, quia qui fecit hominem ab initio masculum & foeminã fecit eos? Et dixit. Propter hoc dimittet homo patrẽ & matrẽ, & adhærebit vxori suæ, & erunt duo in carne vna. Itaq; iam non sunt duo sed vna caro: quod ergo Deus coniunxit, homo non separet. Non dixit non legistis me fecisse, nam hoc odiosum fuisset: non dicit pater fecit; sed indifferenter ait: Qui fecit à principio, ut indicet communia esse opera Trinitatis. Tanta autem vis est coniugij, ut & parentes eius causa relinqui possint: Propter hoc, inquit, relinquet homo patrem & matrem suam, & adhærebit vxori suæ. Quo loco tale argumentum latere videtur. Si parentibus non est licitum repudium, neque coniugibus. Quia arctius est vinculum coniugij, quàm parentum. Neque tamen statim sequitur, ut cùm quis vxorem accepit, debeat parentes relinquere: sed res in comparatione versatur, si alterutrum relinquendum esset, vxori potius adhærendum esse. Sed quid est quod in Genesi hæc verba Adæ tribuuntur: Propter hoc relinquet homo patrem & matrem, hic autem Deo ipsi? An quòd ea quæ dixit Adam ex Deo eiusque instinctu dixit, itaque eius

Que eius sermo, Dei sermo fuit. Vna caro dicuntur propter affectum & copu-
 lam. Cuius totius doctrinæ sensus hic est, Deum & naturam à principio vnā
 solam foeminam viro despondisse, & ideò plures eum habere noluisse. Verum
 diceret quis, vnā quidem quemuis habere debere vxorem, ea ratione, vt v-
 nam repudiet & alteram accipiat: refellit id Dominus, eum nunquam quā
 semel accepit vnā vxorem deserere posse: & ideò si alteram accipiat, duas ha-
 bebūt: quod ita Saluator demonstrat. Quemadmodum si quis membra sua &
 partem sui aliquā à se diuellere possit, tamen illa non potest aliena esse, cū
 pars eius: ita & vxor, cū sit os ex ossibus, caro de carne, nunquam
 separari potest, ita vt si centum alias accipias, illa tamen semper vxor tua erit.
 Quemadmodum igitur scelus est in duo diuidere vnā carnem, sic & mulie-
 rem à viro suo diripere, iniquissimum est. Nec in hoc stetit, sed Deum quoq;
 attulit, inquit D. Chrysostomus. Quod igitur Deus coniunxit, homo non sepa-
 rat. Ita ostendit & præter naturam, & contra legem esse repudium: præter na-
 turam quidem; quia vna caro diuiditur: contra legem autem; quia cū Deus
 coniunxerit, ac iusserit non separare, contra præcepta Dei fit, si separetur. Re-
 spondet hæc Calvinus ad vtriusque speciei diuisionem in Sacramento, sed planè in-
 sensè. Respondent deinde pharisæi, scripturam scripturæ more hæreticorum
 exponentes. Quid ergo Moyses mandauit dari libellum repudiij & dimittere?
 Respondit illis. Quoniam Moyses ad duritiam cordis vestri permisit vobis dimittere
 vxores vestras: ab initio autem non fuit sic. Dico autem vobis: Quicumque di-
 miserit vxorem suam, nisi ob fornicationem, & aliam duxerit, mœchatur: & qui
 dimissam duxerit, mœchatur. Respondet Dominus, non Dei, qui secum nun-
 quam pugnare solet, sed Moyses fuisse hoc, non tam præceptum, quā indul-
 gentiam; quod malitia illius gentis non tam illi persuasit, quā ab illo extorsit. Sed
 hoc amplius ostendit, nec ipsum Moysen causam eius foeditatis fuisse, sed ipso-
 rum improbitatem & duritiam cordis. Probat autem nec Moyses, nec Dei le-
 gem istam fuisse; quia non fuit sic à principio: hoc est in statu naturæ institu-
 tum, sed hominibus lapsis per peccatum permissum est, propter maius malum
 vitandum, non tanquam licitum, sed sicut minus malum. Neq; enim legem
 dedit de repudijs, vt ea suo suffragio approbaret; sed cū aliter restringi non
 posset improbitas, quod maximè tolerabile erat, remedium attulit; vt vir sal-
 tem vxoris pudicitia testimonium redderet. Lex enim non nisi in mulierum
 furorem lata erat, ne postquam iniuste eiectæ essent, dedecus aliquod subirent.
 Vnde colligimus inflictam viris potius fuisse pœnam; quā venia, aut permissu
 excusam fuisse eorum libidinem. Quod totum pulchrè explicat D. Hierony-
 mus. Sola, inquit, fornicatio est, quæ vxoris vincat affectum, imò cū illa vnā
 carnem in aliam diuiderit, & se fornicatione separauerit, à marito non debet te-
 neri, ne virum quoque sub maledicto faciat, dicente scriptura: Qui adulteram
 tenet, stultus & impius est: vbi est fornicatio, ibi liberè vxor dimittitur. Et quia
 poterat accidere, vt aliquis calumniā faceret innocenti, & ob secundarum co-
 pulam nuptiarum veteri crimen impingeret; sic priorem dimittere iubetur v-
 xorem, vt secundam prima viuentē non habeat. Quod enim dicit, tale est: Si
 non propter libidinem sed propter iniuriam dimittis vxorem; quare expertus
 infelices priores nuptias nouarum te immittis periculo? Nec non quia pote-
 rat euenire, vt iuxta eandem legem vxor quoque marito alteri nuberet, ea-
 dem cautela præcipitur, ne secundum accipiat virum. Et quia meretrix, & quæ
 semel

semel fuerat adultera, opprobrium non timebat: secundo præcipitur viro, quod si talem duxerit, sub adulteri sit crimine. Tunc autem iuxta Lyranum dimit- tenda est, si in peccato perseueret: ne vir videatur esse fautor malitiæ eius. Et hoc intelligendum est, quantum ad cohabitationem, & debiti redditionem; non autem quantum ad vinculum, quod non soluitur nisi per mortem: quia remanet adhuc vinculum illius, dimisso viro priori. Et ex hoc verbo patet intel- lectus literæ immediatè præcedentis, quæ defectiua est: quia eadem ratione, qua vxor dimissa propter fornicationem, non potest duci ab altero viro; sic nec vir eam dimittens potest ducere alteram: quia æqualiter manet vinculum ma- trimonij ex vtraque parte. Ratio autem huius est: quia matrimonium est con- iunctio maris & foeminæ ad educationem, ad cultum diuinum multiplicandum. Ad hoc autem, quod proles sit apta ad cultum diuinum, & possit sibi sufficere post emancipationem à parentibus, requiritur magnus temporis tractus: quia oportet filium generari, educari & doceri, & sibi de necessarijs vitæ à parenti- bus prouideri. Quia secundum quod dicit Apostolus, Parentes debent the- saurizare filijs, & non filij parentibus. Quia autem in alijs animalibus & auibus filij nati in modico tempore sunt sufficientes victum sibi quærere: ideò mascu- lus & foemina non coniunguntur inseparabiliter per totam vitam; sed tantum spe educationis filiorum. At inter homines, quia interim antequam primus sit sufficienter educatus, nascuntur vel saltem possunt nasci alij, quibus similiter oportet per parētes prouideri, ad quod requiritur vltior tractus téporis ma- gnus, inde est, quod matrimonium necessariò inseparabile esse debet. Iubet autem adulteram eijcere, nec permittit eam cuiquam accipere: primum pro- pter foetus confusionem, & propter dubitationem cuius sit id, quod pariendum esset: deinde, quia triste putabat & incōueniens eadem natura, liberos eosdem simul cum tempore, & matrem & nouercam videre & compellare posse.

² **N**otandum primò, quemadmodum primus creator omnium à principio monogamiam sanxit & confirmauit: ita & naturam ipsam, legemque eius sem- piternam, rationem denique ipsam hoc idem voluisse, hoc idem docuisse. Ita Hesiodus prima initia domus ac societatis humanæ ponit ista, virum, foeminā- que, bouemque aratorem: quod idem Aristoteles, elementa ciuitatis statuens, in principio suorum Polyticorum repetit. Plato certè non duos solùm dicit à principio constitutos, sed vnum tantum cohærentem, ac ex duobus constan- tem marem & foeminam: quos postea ob arrogantiam dij secuerunt, ac duos esse voluerunt, vt vnusquisq; medium suum quærat & amet.

³ **N**otat secundò D. Hieronymus, præmium nuptiarum esse, vt ex duabus vna caro fiat, castitas iuncta spiritui, vnum efficiat spiritum. Idem notat D. Hie- ronymus, Deū coniūgere vnam carnem faciendo carnem viri & foeminæ, hanc hominem non posse separare, nisi forsitan solum Deum. Homo separat, quan- do propter desiderium secundæ vxoris primam dimittit. Deus separat, qui & coniunxerat, quando ex consensu propter seruitutem Dei (eò quod tempus in arcto sit) sic habemus vxores, quasi non habentes: ridet hæc omnia & negat hæresis.

⁴ **N**otandū tertio, verba ista: Propter hoc dimittet homo patrē, Adami esse in spiritu Dei prophetantis, primò de vxore sua, quam ipse nunquam antea cum

vidisset ex somnio cognouit: deinde de Ecclesia, quæ similiter ex latere alterius Adam educi debuit, sic loquitur, ac si præsentem videat. Notat hæc D. Paulus: Sacramentum hoc magnum est: ego autem dico in Christo, & in Ecclesia.

Notandum quartò, quantum ad aliam causam diuortij, quam ipse Paulus assignare videtur, propter disparem religionem, ubi gentilis christianam coniugem repudiat ac reijcit, in ea parte nihil peccati inesse. Sic enim scribit D. Paulus: Quod si infidelis discedit, discedat, non enim seruituti subiectus est frater aut soror in huiusmodi, in pace autem vocauit nos Deus. Vnde enim scis mulier, si virum saluum facies? aut vnde scis vir, si mulierem saluam facies? nisi unicuique sicut diuisit Dominus, vnumquemque sicut vocauit Deus, ita ambulet: & sicut in omnibus Ecclesijs doceo. Vnde patet D. Paulum alienationi à Deo ac offensionem diuinæ dissidium cum homine mortali anteferre. Hæc autem de merè infidelibus dicere videtur. Nam de hæreticis non idem puto esse iudicium, cum quibus melius est iugum non subire, quam subitum deferere.

Notandum quintò, commune ac proprium esse ius vtriusque partis, hoc est mariti & vxoris, sicuti mutua & par est fidei obligatio, tam viri, quam vxoris. Dico autem vobis, inquit, quia quicumque dimiserit vxorem suam, nisi ob fornicationem, & aliã duxerit, mœchatur: & qui dimissam duxerit, mœchatur.

Notandum sextò, si adultera ex lege lapidabatur, quorsum repudium? An id pendebat ex voluntate mariti, num illam lapidari velit, an tantummodo dimittere? Si tale crimen erat, cuius solus maritus conscius fuit, dimittebatur, præsertim marito non instigante. An hoc de publico & notorio adulterio intelligebatur tantum? an tum per abusum negligebatur?

Notandum septimò, virum meretricem quidem dimittere debere, malè autem morigeratam castigare & tenere: idque tribus modis. Primum docendo secundum Deum: si autem contempserit timorem Dei impropere, vt vel homines erubescat: si nec pudorem sentit frequenter confusa, faciat illi quod præcepit Salomon: Cor durum baculo percutere. Ergo primum admone, quia multum proficit doctrina iustitiæ. Deinde confunde, quia frequenter & pudor frænum est vitiorum. Tertiò, iustum est vt castigetur quasi ancilla, quæ erubescere nescit vt libera. Pulchrè autem hoc loco author operis imperfecti describit mulierem. Quid aliud, inquit, est mulier, nisi amicitia inimica, infugabilis poena, necessarium malum, naturalis tentatio, desiderabilis calamitas, domesticum periculum, delectabile detrimentum, mali natura boni colore depicta?

Notandum octauò, turpiter errasse, dum alios insinuat erroris, Calvinum. Ea enim diuortia, quæ fornicationis causa suscipiuntur, libera esse ex vtraque parte ad alias vxores accipiendas docet, quod primum cum recta ratione pugnat: nam hac ratione melior esset conditio eorum diuortiorum, quæ adulterij causa fiunt quàm aliorum, quod & cogitare turpissimum est: tum hac eadem ratione multi spontè adulteria committerent, vt ab illis quæ illis inuisæ sunt, & quas oderunt liberentur: sed etiam cum superiori doctrina Christi id pugnat, & Christi clara sunt verba: qui dimissam duxerit, de eo diuortio dicitur, quod fornicatio-

fornicationis causa fuit, nam alia omnino prohibentur: & apud D. Paulum communiter de omni diuortio oratio instituta. Quicumque dimiserit uxorem suam, & aliam duxerit, adulterium committit super terram. Et si uxor dimiserit virum suum, & alij nupserit, moechatur. Iis autem qui matrimonio iuncti sunt, præcipio non ego, sed Dominus, uxorem à viro suo non discedere. Quod totum præclare docet Augustinus. Non est ergo, inquit, quod exhortemur eos qui reconciliari timent coniugibus adulteris poenitendo sanatis, nisi ad custodiendum continentiam: quoniam mulier alligata, quam diu siue moechus siue castus vir eius uiuit, moechatur si alteri nupserit: & vir alligatus, quam diu siue moecha, siue casta uxor eius uiuit, moechatur si alteram duxerit. Hæc namque alligatio, quandoquidem non soluitur etiam si per repudium uxor casto corpore separetur; multò minus separatur, si non separata moechatur: ac per hoc eam non soluit, nisi mors coniugis, non in alterum corruentis, sed de corpore exeuntis. Sed quæ æquitas, ut vno peccante uterque puniri debeat, ita ut alteram uxorem ducere non possit? an quod fieri non potest, ut uterque eius mali occasionem non dederit? an propter educationem susceptorum liberorum? an ut reconcilientur, & ad se redeant? an eam ob causam, ut ita uiuant, ac inter se gerant quasi semper secum victuri, nec vnquam aliud iugum subituri? Hæc ille de adulterinis coniugijs cap. 13. lib. 2.

10 **N**Otandum nonò ex Irenæo, præcepta quædam posita Iudeis propter duritiam illorum, & quod nollent esse subiecti. Manifestauit hoc Dominus cum dixissent ei: Quare ergo præcepit Moyses dare libellum repudij, & remittere uxorem? dicens eis. Hæc vobis propter duritiam cordis vestri permisit: ab initio autem non ita factum est: Moysen quidem excusans, quasi fidelem seruum, vnum autem qui ab initio masculum & foeminam fecit Deum confitens: illos autem arguens tanquam duos & non subiectos, & propter hoc aptum duritiæ eorum repudij præceptum à Moysè accipientes.

11 **N**Otandum decimò, pro tempore ac ingenijs hominum sine crimine aliquando mutari mores & leges: quomodo in naturali lege nulla erant diuortia, in lege Moyse, propter duritiam cordis Iudeorum sunt permessa: in lege Christi sunt penitus (excepta fornicationis causa) sublata. Mulier alligata est legi quanto tempore vir eius uiuit. Quod si dormierit vir eius, liberata est à lege, cui vult nubat, tantum in Domino. Beatior autem erit, si sic permanferit secundum meum consilium. Puto autem quod & ego Spiritum Dei habeā, inquit Paulus.

12 **N**Otandum vndecimò, quæ sit causa tanti sacramenti, tantæ sanctitatis eius nexus. Quia bonum quanto melius, tanto communius, suiq; magis communicatiuū. Cum igitur Deus sit summū & optimum bonum: duo autem in illo eluceant, summa castitas, & summa foecunditas: vtriusq; hominem esse participem voluit. Ad conseruandam castitatem remouit vagos concubitus: ad retinendam foecunditatem dedit matrimonij sacramentum, originem generis humani, Rerum pub. cæli etiam seminarium, neq; quod uis sacramentum, sed magnum in Christo & Ecclesia: ut igitur hic est nexus sempiternus & inseparabilis, ita & illic.

13 **N**Otandum duodecimò, Origenē dimissionem patris & matris pulchrè ad Christum

Christum & Ecclesiam retulisse. Sed & Christus, inquit, vir reliquit patrem propter Ecclesiam, cum quo erat, cum in forma Dei esset: reliquit etiam matrem cum esset & filius Ierusalem, quæ erat sursum, secundum corpus: & coniunctus est uxori suæ, isti quæ ceciderat huc, & facti sunt in carne vna. Propterea enim & ipse caro factus est, cum esset verbum, & habitauit in nobis: & sunt vna caro, quoniam de muliere Ecclesia dicitur: Vos estis corpus Christi, & membra ex membro.

Notandum vltimò, adulterij maximum esse malum, grauem malorum 14 poenam. Itaque Saluator summam diuortiorum absurditatem, maximam poenam declarans, non aliam proponit, quam quòd mœchatur cum illa. Quòd si repudiata abuti scelus est lethale, quid cōiugata? Hæc non videt mundus & perit. Grauitatem eius sceleris designat Iob in lege naturæ. Si deceptum est cor meum super muliere, & si ad ostium amici mei insidiatus sum: scortum alterius sit vxor mea, & super illam incuruentur alij. Hoc enim nefas est & iniquitas maxima, ignis vsque ad perditionem deuorans, & omnia eradicans genimina. Notanda denique pulcherrima matrimonij benedictio in lib. Ruth cap. 4. Faciat Dominus hanc mulierem quæ ingreditur domum tuam, sicut Rachel & Liam, quæ ædificauerunt domum Israël; vt sit exemplum virtutis in Efrata, & habeat celebre nomen in Bethleem: fiatque domus tua sicut domus Phares, quæ Thamar peperit Iudæ de semine, quod tibi dederit Dominus ex hac puella.

*SERIES
Euangelij.*

Deterriti rigore legis matrimonij discipuli, ac insolubili nexu, graue iugum 15 esse dicunt, ac melius esse vt non nubatur affirmant. Onerosum enim ac durum valde illis videbatur, inquit Chrysostomus, omni nequitia plenam mulierem retinere, & tam atrocem beluam in penetralibus domus sæuientem fouere: ac ea ratione Dominum à præceptis ad consilia, à coniugio ad continentiam & virginitatem, à trigesimo fructu ad centenarium transire faciunt. Nam si ipsius tantum fornicationis causa vxor dimitti potest: si hæc est causa hominis cum vxore, si eam ob causam iuncti & conglutinati sunt, vt vnum sint & inseparabiles per totam maneant vitam: quid si erit temulenta, si iracunda, si malis moribus, si luxuriosa, si gulosa, si vaga, si iurgatrix, si maledica? tenenda erit istiusmodi: volumus nolumus sustinenda est. Cum enim effemus liberi, voluntariæ nos subiecimus seruituti. Videntes ergo Apostoli hoc tam graue iugum vxoris, proferunt motum animi sui, & dicunt: Si ita est causa hominis cum vxore, non expedit nubere. Non negat bonus magister, onus & iugum matrimonij esse difficile: non negat & illud, sine vxore permanere bonum esse: sed illud docet, non omnes capere id posse, non omnibus id conuenire, non omnibus datum esse: atque ita sapienter doctrinam & consilium suum temperat, vt & præsumptionem auferat, vtpotè in re difficili; & desperationem, vt quam multi consecuti sunt, & siue spontè, siue inuiti perferunt: Non omnes, inquit, capiunt verbum istud, sed quibus datum est. Altus est status, ad quem infirmi non possunt ascendere. Nemo autem putet, inquit Hieronymus, sub hoc verbo vel fatum, vel fortunam introduci; quòd hi sint virgines quibus à Deo datum sit, aut quos quidam casus ad hoc adduxerit: sed his datum est qui petierunt, qui voluerunt, qui vt acciperent, laborauerunt. Omni enim petenti dabitur, & quærens inueniet, & pulsanti aperietur. Possibilitatem igitur facti simul cum exhortatione demon-

ne demonstrat per enumerationem eorum qui hæc sustinent & perferunt. Pōnit igitur tria genera eunuchorum, id est, castratorum, qui tantam flammam ignis sustinere possunt. Sunt, inquit, eunuchi, qui de matris vtero sic nati sunt: & sunt eunuchi, qui facti sunt ab hominibus: & sunt eunuchi, qui seipsos castrauerunt propter regnum cælorum. In vno posuit, inquit Hilarius, naturam, in altero necessitatem, in tertio voluntatem. Naturam in eo qui ita nascitur: necessitatem in eo qui ita factus est: voluntatem in illo, qui spe regni cælestis talis esse decreuerit, cui nos similes effici, si ita possimus, admonuit. His omnibus ad optandam eligendamque virginitatem inducit. Possibile namque id esse hominibus, hoc ferè modo confirmat. Cogita tecum, si aut natura eunuchus esses, aut iniuria hominum sic effectus, quid faceres, cum & huiusmodi voluptate careres, & nullam carento mercedem consequeris? Gratias igitur Deo agas: quia magna præmia, rutilantesque coronas habebis; si ita viues, quemadmodum sine aliquo illi præmio: imò verò multò facilius, tutius atque iucundius: tum quia spe retributionis corroboraris; tum quia conscientia virtutis gaudes. Cum ergo de ijs eunuchis dixerit, qui nisi etiam ipsi mente se contineant, frustra & incassum tales sunt: ac de ijs qui ut cælos nanciscantur, se continent: subiunxit rursus dicens: Qui potest capere, capiat. Ita magis animat, atque incendit: vel quia magnitudinem virtutis ostendit; vel quia inestimabili misericordia sua noluit rem in necessitatem legis concludere, & ad hæc possibile id esse monstrat, ut eligendi cupiditas crescere possit. Loci istius interpretationem ex Hieronymo iuuat adscribere. Triplex genus est eunuchorum, duorum carnalium, & tertij spiritualis. Alij sunt qui de matris vtero sic nascuntur: alij sunt quos vel captiuitas facit, vel delitiæ matronales: tertij sunt, qui seipsos castrauerunt propter regnum cælorum, & qui cum possent esse viri, propter Christum eunuchi fiunt; istis promittitur præmium: superioribus autem, quibus castimonie necessitas, non voluntas est, nihil omnino debetur. Possumus & aliter dicere. Eunuchi sunt ex vtero matris, qui frigidioris nature sunt, nec libidinis appetentes: & alij qui ab hominibus fiunt, quos aut philosophi faciunt, aut propter idolorum cultum emolliuntur in foeminas, vel persuasionem hæretica simulant castitatem, ut mentiantur religionis veritatem, sed nullum eorum consequitur regnum cælorum, nisi qui se castrauerunt propter Christum. Addit de eisdem castrationibus Euthymius, primam nullam sustinere calumniam, secundam vituperari, tertiam verò laudabilem esse, eorum videlicet, qui seipsos castrauerunt, ut regnum cælorum consequerentur, non nouacula ferrea exsecantes genitalia, sed continentia insaniam concupiscentiæ amputantes, & amore virginitatis, coitus amorem emarcescere sinentes. Quorum enim naturam manus humana transformauit, ferrumque deprauauit; non tantum ob seruata virginitatem laudantur, quantum hi qui veluti libidinis accusati ultionem susceperunt, quæ id etiam vincat, quod à ferro est auxilium. Reliquit igitur rem in voluntate. Qui potest capere, capiat, hortantis vox est, & milites suos ad præmium pudicitie concitantis, ac si dicat: qui potest pugnare pugnet, superet ac triumphet.

16 **N**Otandum igitur imprimis hoc loco, Christum Dominum à virginitate, omniq; castitate non deterrere, ut putat hæresis: sed potius ad eam cohortari, ac ubi semel illam amplexi sumus, eam constanter & grauer colere, & ideo non

non temerè nec leuiter, sed maturè & deliberatè ad eam, exploratis viribus, debere accedere. Docet hoc D. Hieronymus. Quod, inquit, Christus dicit, qui potest capere capiat, vt vnusquisq; vires suas exploret, vtum possit virginalia & pudicitia implere præcepta. Per se enim castitas blanda est, & quemlibet ad se alliciens, sed considerandæ vires sunt, vt qui potest capere capiat.

Notanda secundò, grauissima quinq; argumenta ad persuasionem virginitatis hoc loco, à Salvatore posita. Primùm ab exaggeratione incommodorum matrimonij, quod iam ex Hieronymo audiuius. Deinde ab eius excellentia & dignitate, quòd non res quædam vilis & humana sit, sed gratia ac donum Dei, dona autem Dei sunt perfecta. Quibus datum est. Tertiò à singularitate, quòd non sit res communis, sed paucis quibusdam munere diuino communicata. Non omnes capiunt verbum istud. Quartò à difficultate ipsa, difficilia siquidem pulchra. Vltimò, quòd etsi difficilis, tamen non impossibilis, Qui potest capere capiat, cùm sit donum Dei, à quo omnia bona facillè impetrari solent, qui omnibus dat, & nulli exprobrat, vt scribit Iacobus.

Notandum tertiò, virginitatem Dei donum esse, quod iam multis ante 18 seculis docuerat Salomon. Puer, inquit, eram ingeniosus, & sortitus sum animam bonam. Et cùm essem magis bonus, veni ad corpus coinquinatum: & vt sciui quoniam aliter non possem esse continens, nisi Deus det, & hoc ipsum erat summa sapientia, scire cuius esset hoc donum. Similiter Paulus: Vnusquisq; proprium donum habet ex Deo, alius quidem sic, alius autem sic. Quamuis autem virginitas Dei donum, non tamen tale, quod otiosis ac negligentibus, & incautis donetur, sed multum vigilantibus, ac Deum deprecantibus. Ideo addit Salomon: Adij Dominum, & deprecatus sum illum ex totis præcordijs meis. &c. Petite enim, ait, & dabitur vobis, petentibus, inquam, non simpliciter, sed feruenter & perseueranter, & vt semel dicam sicut oportet. Quod item veteres patres docent, solos illos sermonem hunc suscipere & ferre, quibus datum est à Deo, datum autem est his qui petiuerunt. Significatum est ergo virginitatem Dei donum esse, datum his qui petunt vt oportet.

Notandum quartò, neminem hunc locum melius exposuisse, quàm ipse 19 Paulus exposuit illo loco. De virginibus præceptum Domini non habeo, consilium autem do, tanquam misericordiam consecutus à Domino, vt sim fidelis, existimo enim hoc bonum esse propter instantem necessitatem, quoniam bonum est homini sic esse. Alligatus es vxori, noli quærere solutionem, solutus es ab vxore, noli quærere vxorem. Si autem acceperis vxorem non peccasti: & si nupserit virgo, non peccauit, tribulationem tamen carnis habebunt huiusmodi. Ego autem vobis parco. Qui idem Catholicæ Ecclesiæ est sensus, quæ idem docet, vt qui potest capere capiat. Ad virginitatem neminem cogit: si tamen quis spontanea voluntate se Deo deuouit, hunc vota cum Dauide Deo soluere iubet, hunc primam irritam fidem facere cum Paulo prohibet, contrà quàm facit & docet hæresis.

Notandum quintò, duo genera hominum esse, quæ contra hunc sensum 20 scripturæ, ac Ecclesiæ Dei peccant: primum illud, quod cùm se viresque suas in perferendis gestibus humanis probasset nunquam, nullas ardentes preces pro
ca re

ea re ad Deum vnquam fudisset, nullum sui experimentum dedisset an capere posset, desperata tota causa, in liberius cœnum se subito conijcit, quales huius seculi hæretici sunt planè omnes. Secundum genus hominum est, qui cùm nunquam vires suas continentiamq; suam probassent, vel honorum tamen causa, vel fortunarum nouis votis quibus pares esse non possunt, se obligant, ac novos ordines, qui à castitate separari non possunt, magno aliorum scandalo & sua damnatione accipiunt. Quomodo & illi, qui cùm plurimos annos castè vixissent, æstusque iuueniles rectè superassent, senes demùm iugo abiecto noui fiunt mariti; quomodo Lutherus, & reliqua huius seculi hæreticorum fex fecit.

21 **N**otandum sextò, quemadmodum primum & secundum genus eunuchorum, de quibus dictum est, nullum refert præmium, nisi fortè patientiæ; si fortiter & patienter conditionem suam fert; ita hoc tertium, contrà quàm mentitur Calvinus, maximum habet propositum præmium, quod Isaias explicat: Et non dicat eunuchus, hoc est ille, qui se propter regnum cœlorum castrauit, & Gregorio teste, qui compressis motibus carnis affectum in se prauis operis abscepsit, lignum sum aridum, sterilis ac inutilis sum, nulla præmia carnis noui, neq; illum poeniteat fortis & conditionis suæ. Quia hæc dicit Dominus Eunuchis: Qui custodierint sabbata mea, & elegerint quæ ego volui, & tenuerint fœdus meum, (Castitas enim sine bono opere nihil valet) dabo eis in domo mea, & in muris meis locum, & nomen melius à filiis & filiabus. Nomen sempiternum dabo eis, quod non peribit.

22 **N**otandum septimò, Deum non tantùm impossibilia nobis non præcipere, sed ne difficilia quidem, contrà quàm mentitur Calvinus, & alij hæretici. Ideò nunc virginale decus, quod aliquid in se difficultatis habere videtur, non præcipit, sed consulit misericors & miserator Dominus, ne puniat ea, quæ facile præstari non possunt.

23 **N**otandum octauò, ad omnem actum virtutis motu liberi arbitrij opus esse, contrà quàm negat Calvinus: nam & in virginitate, etiam si donum sit, Dominus tamen motum liberi arbitrij nostri requirit, Qui, inquit, potest capere capiat: quod idem in eadem re adnotauit D. Paulus: Nam qui statuit in corde suo firmus, non habens necessitatem, potestatem autem habens suæ voluntatis, & hoc iudicauit in corde suo, seruare virginem suam, benefacit; & qui non iungit, melius facit.

24 **N**otandæ nonò sunt circa hunc locum quatuor gemmæ atq; grana Caluini. Primum, de necessitate matrimonij: Deus, inquit, qui pronunciauit bonum esse, vt viro adiutrix sit mulier, contempti sui ordinis poenam exiget, quia nimium sibi arrogant mortales, dum se à cœlesti vocatione eximere tentant. Quo stante, tum illud Christi locum nullum habebit: Qui potest capere capiat: cùm iuxta istum non liceat capere, Deusque vindex sit in eos, qui capere velint. Tum & ipsum donum castitatis frustrà datur, cùm illud prehendere per istum non liceat. Secunda gemma & granum illud est de his, qui castitatem eligunt: vnde sequitur, alios omnes, qui à coniugio abhorrent, sacrilega audacia (gigantum more) cum Deo pugnare. Hoc igitur modo vterq; D. Ioannes, hoc modo virgo sancta, hoc modo D. Paulus, hoc modo multa reliqua millia virgi-

num cum Deo pugnaverunt: hoc modo hi omnes, de quibus Christus dicit illis datum esse, & qui se propter regnum Dei castrauerunt: hæc fides interpres non videt, sed isti omnes, quos ipse tertia linea ponit: Vt, inquit, curis omnibus soluti, sese alacrius ad pietatis officia accingant. Tertius flosculus, in quo ostendit virginitatem, omnemque castitatem meritoriam non esse. Insulse, inquit, exponunt multi ad promerendam æternam vitam, quasi coelibatus meritorium aliquem cultum in se contineat, sicuti Papistæ fingunt statum esse angelicum. Atqui ista non est expositio, sed textus & verborum Christi eversio, qui se castrauerunt propter regnum cælorum, non alio sensu, nisi vt consequantur illud. Quomodo Scæuola manum suam propter gloriam adussisse dicitur. Et Dauid cor suum inclinasse ad iustificationes Domini, propter retributionem. Quarta gemma est, iudicium de S. Hieronymi ingenio. Hieronymus, inquit, nimis luculentum maligni, peruersiq; ingenij specimen in eo edidit. Tu autem infanti & perdit. Sic isti sanctos Dei, sic patres veteres, sic doctores Ecclesiæ, sic columnas fidei Christianæ tractare solent, sic de illis loqui & sentire, dignissimi, quibus coeno ora obstruantur.

ET ecce offeruntur illi paruuli tanquam viro iusto, prophetæ ac vero filio Dei, vt manus eis imponat, & oraret more veterum prophetarum atque iustorum super eos & pro eis. Tunc oblatis sunt ei, inquit, paruuli, vt manus eis imponeret, & oraret: discipuli autem dum nolunt magistrum turbari, increpabant eos. Non quod nollent eis saluatoris & manu & voce benedici, sed quod nec dum plenissimam habentes fidem, putarent eum in similitudinem hominum offerentium importunitate lassari. Cum tumultu credo matres filios obtrudebant. Iesus verò ait illis: finite paruulos, & nolite eos prohibere ad me venire. Iubet Dominus fini & admitti eos, vt veniant ad se, vt probaret se esse filium illius, qui alta à longe cognoscit, & humilia respicit in cælo & in terra, talium enim est regnum cælorum. Addit Marcus: Et amplexabatur eos. Significanter autem dixit talium, non istorum, vt ostenderet, non ætatem regnare sed mores, & his qui similem haberent innocentiam & simplicitatem præmium re-promitti. Apostolo quoq; in eandem sententiam congruente. Fratres, nolite pueri effici sensibus, sed malitia paruuli estote: sensu autem vt perfecti sitis. Talium est, inquit author operis imperfecti, regnum cælorum, qui casti sunt ex virtute, sicut pueri ex ætate. Talium est, qui simplices oculos habent sicut pueri, & non cognoscunt differentias personarum. Ecce enim puer, si viderit hominem, nihil aliud videt in eo, nisi hoc solum quia homo est: non dignitatem eius intelligit, non considerat vestem ipsius. Vir autem perfectus, cum hominem viderit, non aspicit quia homo est; sed statim cogitat de dignitate illius, & æstimat vestimenta ipsius. Vides ergò, quia sapientior est imperfectus puer, quàm perfectus vir? Vir enim non hominem aspicit, quem Deus fecit Dominus: sed ornatum, quem diabolus adinuenit. Puer autem non ornatum aspicit, quem diabolus adinuenit; sed hominem, quem Deus creauit. Priusquam puer veneno diabolico mundialis malitiæ repletus fuerit, cognoscit opus factoris: cum verò inebriatus fuerit mundi spiritu, iam non aspicit opus factoris, sed illecebras corruptoris. Quemadmodum autem superius in eunuchis commendauit nobis virginitatem & castitatem: ita nunc in paruulis commendat, ac author est voluntariæ obedientiæ. Totum hunc locum refert Hilarius ad vocati-onem gentium.

Notandum

26 **N**otandum primò, impositionem manuum, vt antiquissimum, ita sanctissimum ritum & cæremoniam esse: significauit enim virtutis & protectionis diuinæ repræsentationem; quomodo Isaac per impositionem manuum suarum Iacobo & Esau filiis suis, Iacob duodecim futuris patriarchis, Ioseph filiis suis Manasse & Ephraim benedixerunt. Præsens locus, inquit D. Chrysostomus, instruit omnes parentes, vt filios suos indefinenter sacerdotibus offerant, offerant Christo. Non enim sacerdos manus imponit, sed Christus, in cuius nomine manus imponitur.

27 **S**ecundò notandum, meritò Ecclesiam Dei hac eadem cæremonia in primarijs vt sacramentis, Baptismo, & collatione sacramentorum, ordinum primorum, antistitum creatione, quod hæresis ridet & contemnit.

28 **T**ertiò notandum, illos, qui paruulos à Christo arcent, esse hoc tempore insidiosos & fallaces Anabaptistas, qui infantes à baptismo arcent, in quo primus est ad Christum accessus, prima incorporatio, ad quorum refutationem Christus Dominus non modò paruulos recipit, sed etiam osculatur, amplexatur eos; qui accessum illorum prohibent, obiurgat. Et cum accepisset eos in vlnas, impositis super eos manibus, benedixit illis.

29 **Q**uartò notandum, illos, Apostolos, Apostolicosq; viros à Christo arcere, qui homines simplices vel ad pœnitentiam accedentes repellunt, vel seuerius tractant, vel alia sacramenta illis gratis & libèter non impertiunt, eosq; inde deterrent. Quibus duobus locis, nihil mutatis verbis, per Ieremiam grauissimè Dominus comminatur: Curabant, inquit, contritionem filiarum populi mei cum ignominia. Et qualis illa apud Dionysium Areopagitam Demophili monachi obiurgatio, Epistola. Hierem. 6
C. 8

30 **N**otandum quintò, illos item Apostolicos viros non minus à Christo arcere, sed exitiosius longè, qui parochos & curæ animarum præfectos à suis ouibus, quæ sunt membra Christi, auocant, ac ad sua seruitia, profanaque munera & officia auertunt.

31 **N**otandum sextò, graui superbia & contumeliarum scelere se illos obligare, qui summi Pontificis, Apostolicorum virorum, qui Christi personam in mundo gerunt, benedictionem ac manuum impositionem contemnunt, quam Christus hîc in maximi doni loco paruulis istis impartitur.

32 **N**otandum septimò, nullum frequentius ac celebrius in tota scriptura axioma esse quàm hoc, Deum superbis resistere, humilibus autem dare gratiam & benedictionem, quod iam multoties audiuius, & quod nunc in admissiōne paruulorum conspiciamus.

33 **N**otanda octauò sunt duo insignia Caluini ab hoc loco alienissimè posita mendacia. Primum est. Videmus, inquit, quid in Papatu acciderit, magno se Christo deferre honorem putant, si coram panis frustulo se prosternant: fœtida coram Deo abominatio, fœdum mandatum, Et fœdum mendacium: Papiſtæ enim sub speciebus panis & vini Christum adorant, non ipsum panem & vinum. Rursus, inquit, quia non honorificum putabant esse nomen, aduocati

obire pro nobis munus, innumeros sibi patronos creârunt, atqui hoc modo ereptus ei mediatoris honor. Et hoc crudum mendacium est: nam & nos vim & dignitatem mediatoris cum Paulo agnoscimus, & sanctos tanquam amicos Dei, ipsi peccatores nobis adiungimus.

F It deinde transitus à virginitate, obedientia, ad voluntariam paupertatem, quod est tertium inter Christi consilia. Ecce accedit vnus, quærit, magister bone, quid boni faciam, vt vitam æternam possideam? qui dicit ei: quid me interrogas de bono, vnus est bonus, Deus: si autem vis ad vitam ingredi, serua mandata Dei. Interrogat iste quæ mandata: recenset eadem mandata Dominus. dicit ille hæc se à iuuentute seruasse: perfectionem hic quærit, quid adhuc desit: addit præceptis consilium Dominus: Si vis perfectus esse, vade & vende omnia quæ habes, & da pauperibus, & habebis thesaurum in cælis, & veni sequere me. Iste autem qui interrogat, quomodo vitam consequatur æternam, adolescens est, & diues, & superbus: & iuxta alium Euangelistam, non voto discens, sed tentantis interrogat. Aliud tamen putant Græci, inter quos Euthymius. Non erat hic, inquit, adolescens dolosus aut fictus, vt aiunt quidam, neque intuitus illum Iesus dilexisset eum, quod dixit Marcus; sed in cæteris quidem bonus erat, vitæque cupidus æternæ, sed auaritiæ spina pingue suæ animæ aruum perdiderat. Quisquis tamen ille erat, qui magistrum vocauerat bonum & non Deum, vel Dei filium confessus erat didicit, quamuis sanctum hominem comparatione Dei non esse bonum, de quo dicitur: Confitemini Domino quoniam bonus. Ne quis autem putet in eo quod bonus dicitur, excludi à bonitate Dei filium, legimus in alio loco: Pastor bonus, ponit animam pro ouibus suis. Et in propheta: Spiritum bonum terramque bonam. Igitur & Saluator non bonitatis testimonium renuit, sed magistri absq; Deo exclusit errorem: Quid me, inquit, interrogas de bono? Vnus est bonus Deus. Hoc autem dixit, non homines priuans bonitate, sed eam quæ propriè Dei bonitas est nos docuit, simulque adulationem repulit, & instruxit nos, ne falsis laudibus assentiamur. Addit principaliora præcepta, proponit vt ea testimonio & auctoritate sua confirmet & honoret. Si autem vis, inquit, ad vitam ingredi, serua mandata. Dicit illi, quæ? Iesus autem dixit: Non homicidium facies. Non adulterabis. Non facies furtum. Non falsum testimonium dices. Honora patrem tuum & matrem, & diliges proximum tuum sicut teipsum. Sed cur præcepta primæ tabulæ omisit? an quod hæc ex illis indicentur & se prodant: qui enim non diligit proximum quem videt, Deum, quem non videt, quomodo diliget? an quod præcepta primæ tabulæ magis in cognitione, quam in actione consistant? Dicit illi adolescens: Omnia hæc custodiui à iuuentute mea: quid adhuc mihi deest? Mentiebatur, teste Hieronymo, hic adolescens. Si enim quod positum est in mandatis: Diliges Dominum, & proximum tuum sicut teipsum, opere compleisset; quomodo postea audiens, vade & vende quæ habes, & da pauperibus, tristis recessit? quia habebat possessiones multas. In præceptis legalibus actiua vita commendabatur, de cuius perfectione gloriantem ad Euangelicæ contemplationis decorem saluator transmisit. Additque consilium præcepto, vt dixi, vt eum vel instrueret, vel eius simulationem proderet, dicens: Vade & vende quæ habes, & da pauperibus, & habebis thesaurum in cælo: dixit hoc consolans eius auaritiam, ac promittens, quod iterum thesaurum reconderet,

deret, nec id tantum, sed & quid melius, quia in cælo. Vocabat autem thesaurum in cælo bonorum retributionem operum, qui ibi his qui digni fuerint repositus est. Quod autem addit, Veni sequere me, tantundem est ac si dicat: gradere iuxta vestigia meæ conuersationis, sequere mea præcepta, hoc enim tibi deficit, quia legalia adimplesti. Refugit hic tanquam anguem pede pressum: erat enim multas habens possessiones, hoc est multas spinas, quæ illum retinebant, ac retrahebant, & quæ sementem Domini opprimebant. Subijcit his verbis talem occupationem Origenes: Non sic, inquit, debemus intelligere, ut in ipsa die, vel in ipso tempore quo tradiderit bona sua pauperibus, efficiatur omnino perfectus; sed consequenter: ex illa quidem die incipiet speculatio Dei adducere eum ad omnes virtutes, ut incipiat ex eo proficere, sicut Isaac propter adiutorium Dei collatum in se, & magis atque magis crescet per singulos dies, donec adiutus sicut Isaac magnus efficiatur valde in omni virtute, omni videlicet malitia auulsa ab anima eius. Et sic, qui hanc expositionem defendere vult, dicere non cogetur perfectum hominem fieri, per hoc ipsum, quod tradiderit bona sua pauperibus, alias delinquentem. Cum audisset autem adolescens verbum, abiit tristis, tristatus tristitia seculi, quæ mortem operatur. Erat enim habens possessiones multas, quas diligebat. Si intelligere vis historiam secundum expositionem aliquorum, in dimidio inuenis hunc adolescentem laudabilem, in medio autem vituperabilem. Laudabilem quidem, quia nec occidit, nec adulteratus est, nec aliquid eorum fecit quæ prohibet lex: sed adhuc adolescens constitutus honorauit patrem & matrem. Vituperabilem autem, quia tristatus est in verbis Christi, vocantibus eum ad perfectionem, & promittentibus ei, ut si tradidisset omnia quæ habebat, magnus efficeretur. Hinc Dominus se ad periculum diuitiarum explicandum confert: Amen dico vobis, quia diues difficile intrabit in regnum cælorum. Et quomodo Abraham, Isaac, & Iacob diuites intrarunt in regnum cælorum? Et in Euangelio Matthæus, Zachæus diuitijs derelictis Domini testimonio prædicantur? Sed considerandum, quod eo tempore quo intrauerunt, diuites esse desierunt. Tam diu ergo non intrabunt, quàm diu diuites fuerint. Et tamen quia difficilè contemnuntur, non dixit impossibile est diuites intrare in regnum cælorum, sed difficilè: vbi difficilè ponitur, non impossibilitas prætenditur, sed raritas demonstratur: & ut melius causam intelligant Apostoli, iterum idem maiori emphasi repetit: Facilius est, inquit, camelum per foramen acus transire, quàm diuitem intrare in regnum cælorum. Quod primò difficile dixit, id ipsum progrediens, cameli atque acus comparatione valde impossibile ostendit, inquit Hieronymus. Si enim quomodo camelus non potest intrare per foramen acus, sic diues intrare non potest in regnum cælorum: nullus diuitum saluus erit. Sed si legimus historiam, quomodo cameli Madian & Ephra veniant Ierusalem cum donis & muneribus, & qui prius curui erant, & vitiorum prauitate distorti, ingrediantur portas Ierusalem videbimus, quomodo & isti cameli quibus diuites comparantur, cum deposuerint sarcinam grauem peccatorum, & totius corporis prauitatem, intrare possint per angustam portam & arctam viam quæ ducit ad vitam. Camelum autem hoc loco intelligimus, vel animalia vasta, & multis oneribus pressa, vel funes per quos anchoræ ad sistendam nauim in mare dimittuntur. Est autem optimum exemplum: nam sicut foramen acus non est capax cameli propter nimiam sui angustiam, & propter grandem illius molem ac tumorem;

ira quoque via, quæ ducit ad vitam, non capit diuitem propter sui angustiam, & propter huius tumorem: oportet ergo omnem repellere tumorem iuxta Apostolum, & attenuari per voluntariam paupertatem. Auditis autem his discipuli, mirabantur valde: acceperant enim hoc sensu, ac si impossibile esset diuitem saluari, & ideo quærunt: Quis ergo poterit saluus esse? Clementia sua seueritatem sententiæ suæ temperat Dominus, solaturque & diuites & Apostolos: Apud homines, inquit, & humanis viribus est hoc impossibile; apud Deum, & eius virtutem omnia possibilia. Ostendit, inquit Origenes, quomodo ex se ipso impossibile est camelum per foramen acus intrare, possibile autem quantum ad Deum. Sic & diuitem, quantum ad ipsum pertinet, impossibile est intrare in regnum cælorum; possibile autem quantum ad Deum, qui potens est ineffabili sua virtute, aut grossitudinem malorum mali hominis subtiliare, aut angustiam introitus facere ei capacem. Iuuat denique hoc loco exemplum eiusdem Euangelij inferere ex Origene, quod se apud Hebræos inuenisse testatur. Scriptum est, inquit, in euangelio quodam secundum Hebræos, si tamen placet alicui suscipere illud, non ad auctoritatem, sed ad manifestationem propositæ quæstionis. Dixit, inquit, ad eum alter diuitum: Magister, quid bonum faciens viuam? dixit ei. Homo, leges & prophetas fac. Respondit ad eum: feci. Dixit ei, vade vende omnia quæ possides, & diuide pauperibus, & veni sequere me. Cæpit autem diues scalpere caput suum, & non placuit ei. Et dixit ad eum Dominus: Quomodo dicis legem feci & prophetas? quoniam scriptum est in lege: Diliges proximum tuum sicut teipsum: & ecce multi fratres tui filij Abrahæ amicti sunt stercore morientes præ fame, & domus tua plena est multis bonis, & non egredietur omnino aliquid ex ea ad eos. Et conuersus dixit Simoni discipulo suo sedenti apud se: Simon fili Ioannæ, facilius est camelum intrare per foramen acus, quàm diuitem in regnum cælorum.

NOtandum primò, commune esse axioma legis vniuersæ, vitam æternam 35 bonis operibus acquiri. Legis primum naturæ fuit hoc axioma: Si verè egeris, recipies. Legis Moyfi similiter: Qui fecerit, inquit, hæc, viuere in eis. Leuit. 18. Eadem est doctrina Christi: Et qui bona egerunt, ibunt in vitam æternam. Ipsum solum Euangelium nouum, à factis vitam æternam remouet, quod hic ipse præfens videt adolescens: Quid, inquit, boni faciam, vt vitam æternam possideam?

NOtandum secundò, quid sit illud quod facere debemus vitæ æternæ cau- 36 sa, non aliud scilicet quàm mandata Dei. Probat hoc imprimis Moyfes in Deut. Considera, inquit, quòd hodie proposuerim in conspectu tuo vitam & bonum, vt è contrario mortem & malum, vt diligas Dominum Deum tuum, & ambules in vijs eius, & custodias mandata illius, ac cæremonias atque iudicia, & viuas. Et paulò post. Testes, inquit, inuoco hodie cælum & terram, quòd proposuerim vobis vitam & mortem, benedictionem & maledictionem. Elige ergo vitam, vt & tu viuas & semen tuum, & diligas Dominum Deum tuum, atq; obedias voci eius, & illi adhæreas. Probat ipse Saluator: Si vis ad vitam ingredi, serua mandata Dei. Quibus locis scripturæ, & alijs multis impulsus Calvinus, coactus est scribere ista quæ addam; vt quisque cognoscat, quàm mirè rem inuoluat, nec sibi constet. Fateor ego, inquit, quod mercedem vitæ æternæ Deus le-

us legis obseruatoribus promisit, nisi obstaret carnis nostræ infirmitas, hanc viam tenendam esse. Sed nostro vitio fieri scriptura docet, vt necesse sit nobis donari, quod meritis non consequimur. Si quis nobis obijciat, frustrâ proponi iustitiam in lege, cuius nemo vnquam fieri compos poterit, Respondeo: quia rudimentum est, quo perducimur ad precariam iustitiam, minimè superuacaneum esse. Ideo Paulus vbi dixit factores legis iustificari, à legis iustitia omnes excludit? Nequaquam omnes, cùm omnes ad bona opera in omnibus ferè epistolis suis cohortetur: mandata autem eius, & iustificationes eius, rudimenta appellari nusquam legimus, sed nec ipse Calvinus authorem eius doctrinæ habet. Sed vtinam hoc saltem constanter dixisset: sed verte folium.

Notandum tertio, Calvinum, dum vult omnem perfectionem vitæ abolere, omnia consilia Christi auferre, hoc ipsum consilium si vis perfectus esse, ad legem & præcepta conferre contra omnium sententiam: quod ne fingere videamur, iuuat ipsius verba adscribere. Nam si quicquam nunc præter legis mandata exigeret Christus, secum ipse pugnaret, nuper legis mandatis perfectam iustitiam comprehendi docuit, quomodo igitur conueniet legem defectus argui? Adde quod falsa esset, quam prius citavi, Moysis contestatio: Ergo Christus non vnum præter legis obseruationem iuueni deesse intelligit, sed ipsam legis obseruationem. Quæ omnia inde falsa esse colliguntur: primum, quod lex hæc nusquam docuit, nec legi particula consilij adhibetur, Si vis: deinde, quod pœna nulla adiungitur, quod in legibus fieri solet: vltimò, quod ad hæc non omnes obligantur: quinimò ipse Calvinus fatetur, peccare eum qui vendat omnia & det pauperibus; cuius verba hæc sunt: Retinere ergo quod in manum nostram posuit Deus, si modò parcè & frugaliter nos, & familiam alentes, partem aliquam pauperibus erogemus, maioris virtutis est, quàm omnia dilapidare.

Notandum quarto, quod impudenter Ecclesiam Calvinus calumniatur, cùm dicit: Hoc autem Christi responso, vulgare illud axioma, quod ex Hieronymo hauserunt Papistæ, refellitur: Quisquis legem dixerit obseruatu impossibilem, anathema sit. Clarè enim pronunciat Christus, possibile non esse hominibus viam salutis tenere, nisi quatenus illis Dei gratia succurrit. Primum hoc loco nullum verbum Christus Dominus de gratia Dei ponit. Deinde, nunquam Ecclesiam quantum ad bona opera, gratiam à natura separare, Pelagiani separabant, ideo pro hæreticis ab Ecclesia habiti sunt.

Notandum quinto, quæ sit causa, cur cùm diuitiæ sint naturâ bonæ, sint Dei donum, cur relinqui iubentur, & dari pauperibus? Duas causas hoc loco Christus innuere videtur: quia impediunt, ne sequamur humilem & pauperem Christum: Et sequere me. Secunda, quia arcta est via in cælum, illæ tumidæ & inflatæ. Quod si diues difficulter, auarus nullo modo. Si enim condemnatur qui non dat quæ sua sunt; multò amplius qui rapit aliena. Vnde præclare D. Ambrosius: Diuitias, inquit, non inuenies fructuosas, si habens subsidia largitatis, neges alimenta pauperibus, excludas inopem subsidio destitutum, aliena extorqueas, quia præuales potestate.

Notandum sexto cum Euthymio, auaritiâ corrumpere omnem virtutem, & ideo in principio studij virtutis deponendam esse.

NOtandum septimò, exaggerationem de diuitiarum difficultate & impossibilitate, omni generi hominum vtilem esse, nempe diuitibus, vt de periculo suo admoniti caueant; pauperibus, vt sorte sua contenti, non adeò cupidè appetant, quod maiori noxæ quàm lucro futurum esset. 41

NOtandum octauò, propositionem istam, Quæ hominibus impossibilia sunt, apud Deum possibilia esse, respondere perfidæ Capharnaitarum atque Caluini querelæ: Quomodo hic carnem suam potest dare ad manducandum, cum apud Deum omnia sint possibilia? Cuius propositionis pulchram rationem adfert Irenæus: Quoniam homines de nihilo non possunt aliquid facere, sed de materia subiacenti: Deus autem quàm homines hoc primo melior eò, quòd materiam fabricationis suæ, cum antè non esset, ipse adinuenit. Obijcit autem hoc loco Euthymius: Quòd si Deo omnia sunt possibilia; vtiq; & facere malum Deo possibile est. Quibus nos dicimus, quòd facere malum, non est potentia, sed impotentia. Ideò etiam peccata David appellauit imbecillitates siue infirmitates, dicens: Multiplicatæ sunt infirmitates eorum. Et Paulus ait: Quum nos essemus infirmi siue peccatores. Præterea & alio modo iuxta Gregorium theologum: Principium mali est, negligere bonum: Quomodo autem bonum negliget, qui est ipsa bonitas? 42

NOtat nonò & hæc circa hunc locum Hieronymus: In potestate nostra esse, vtrum velimus esse perfecti. Tamen quicumque perfectus esse voluerit, debet vendere quæ habet: & non ex parte vendere, sicut Ananias fecit & Sapphira; sed totum vendere: & cum vendiderit, dare omne pauperibus, & sic præparare thesaurum in regno cælorum. Et hoc ad perfectionem non sufficere, nisi post contemptas diuitias, Saluatorem sequatur; id est, relictis malis, faciat bona. Facilius enim sacculus contemnitur, quàm voluptas. Multi diuitias relinquentes, Dominum non sequuntur. Sequitur autem Dominum, qui imitator eius est, & per vestigia illius graditur. Qui enim dicit, se in Christum credere; debet, quomodo ille ambulauit, & ipse ambulare. 43

NOtandum decimò: Totum hunc locum, D. Hilarius ad Legem eiusq; imperfectionem referre: vnde hoc totum argumentum commodò repeti, ac populo proponi potest. 44

NOtat vndecimò D. Augustinus in Epist. ad Paulinum: Bona terrena, arctius diligi adepta, quàm concupita. Aliud enim est, nolle incorporare quæ defunt: aliud, iam incorporata diuellere. Illa enim, velut extranea, iam repudiantur: ista, velut membra, præscinduntur. Et D. Chrysost. in Matthæum: Appositio diuitiarum maiorem apponit flammam, & vehementer fit cupido. Et quia cupiditas est venenum charitatis; ideò possessio diuitiarum reddit hominem difficilem ad perfectionem acquirendam; non tamen facit impossibilem. Facilius est camelum transire: ex quo patet, quòd illud, quod dicit diuitem impossibile intrare in regnum cælorum, intelligitur non de quocunq; diuite, sed de diuite confidente in diuitijs, & in ipsis finem constituyente. Et hoc debet hinc subintelligi. 45

Audierat Petrus Christum diuiti dicentem: Si vis perfectus esse; vade, & vende omnia quæ possides, & da pauperibus, & habebis thesaurum in cælis, & veni 46

41 & veni sequere me. Deinde, quia considerauit adolescentem cum tristitia ab-
 euntem, quoniam præposuit multas possessiones habere in terris, quàm esse
 42 perfectus in Deo: considerans quoque & difficultatem diuitum ingrediendi
 in regnum cælorum; ideo quasi qui ipse non facilem rem consummauerit in eo
 quòd vniuersa reliquit, & secutus est Iesum; itaque magis confidens de affectu
 suo, quàm de ipsa quantitate rerum relictarum, fiducialiter dixit: Ecce nos re-
 liquimus omnia, & secuti sumus te. Quæ verba pulcherrimè Origenes expen-
 dit: Secuti sumus te, inquit, potest dici secundum omnia, quæ pater reuelauit
 Petro, esse filium suum: secuti sumus te iustitia, secundum quòd iustitia es: se-
 cuti sumus te sanctificationem, secundum quòd sanctificatio es, & sapientia, &
 pax, & veritas, & via ducens ad Deum, & vita vera. Propter quod, quasi victor
 athleta, post luctamen agonotheam interrogat, quæ sint præmia certaminis
 huiusmodi, quæ adhuc nesciebat. Quid vtique erit nobis? quærit, num hoc i-
 dem relaturus & ipse, & cæteri sint, quod iuueni promittebatur; & num hæc
 communis lex, an priuatum priuilegium futurum sit: Et num scilicet quid plus
 aut minus accepturi sint, cum & non vendiderint omnia, nec dederint paupe-
 ribus, sed tantum reliquerint. Respondet Dominus: nõ vni diuiti, sed omnibus
 communiter, qui reliquerint omnia, hæc debere proposita esse. Grandis au-
 tem fiducia: Petrus piscator erat, diues non fuerat, cibos manu & arte quære-
 bat; & tamen loquitur confidenter: reliquimus omnia. Quo loco & D. Chry-
 43 sostomus: Quænam sunt hæc omnia, quæ te dicis, beatissime Petre reliquisse?
 arundinem, retia, nauiculam, vniuersumque piscatorum artificium: hoc tu O-
 mnia vocas. Sed quia non sufficit tantum relinquere; iungit quod perfectum
 est: Et secuti sumus te, fecimus quod iussisti: quid igitur dabis nobis præmij?
 Non dixit autem tantum: quòd reliquistis omnia: hoc enim fecit Socrates Phi-
 losophus, & multi alij diuitias contempserunt; sed, qui secuti estis me (quod
 proprium est Apostolorum atque credentium,) in regeneratione, cum sederit
 filius hominis in sede maiestatis suæ (quando & mortui de corruptione resur-
 gent incorrupti) sedebitis & vos in solijs iudicantium condemnantes duode-
 44 cim tribus Israël, quia vobis credentibus illi credere noluerunt. Qui ergo pro-
 pter fidem Christi & prædicationem Euangelij omnes affectus contempserunt,
 atque diuitias & seculi voluptates; isti centuplum accipient, & vitam æternam
 possidebunt. Quamuis autem thesaurus iste communis est virginitati, obedi-
 entia, atque virtutibus; propriè tamen sumpta metaphora, ad opes & faculta-
 45 tes refertur. Secuti autem Apostoli sunt Dominum, inquit Hilarius, in regene-
 ratione lauacri baptismi, in fidei sanctificatione, in adoptione hereditatis, in re-
 surrectione ex mortuis. Hæc enim illa regeneratio est, quam Apostoli sunt se-
 cuti, quam lex indulgere non potuit, quæ eos super duodecim thronos, in iudi-
 candis duodecim tribubus Israël, in duodecim Patriarcharum gloria copulauit.
 Cæteris quoque contemptu seculi se sequentibus, centesimi fructus copiam
 pollicetur. Hic centesimus fructus est, qui in centesima oue cum cælesti lætitia
 expletur. Hic centesimus fructus est, quem perfectæ terræ vbertas consequetur.
 Qui Ecclesiæ honor iam in Saræ cognomento est destinatus, & iactura Legis ac
 fide Euangelica promerendus est. Atque ita ex nouissimis primos efficientes,
 quia nouissimi efficiuntur ex primis. Regenerationem autem vocat Euthymius
 à mortuis resurrectionem, quasi iteratam viuificationem: duodecim autem se-
 46 des, innunt fruitionem siue requiem, ac præcellentiam duodecim discipulo-
 rum, &

rum, & regni sui communicationem. Iudicantes autem dixit, hoc est, condemnantes: non quod ipsi iudicaturi sint; sed sicut octauo capite dicebat, Niniuitas ac reginam Austri condemnatos generationem illam; ita & hos nunc ait condemnatos duodecim tribus Israël. Ideò autem non dicit orbem, sed Israëlitas suos, contribules, cognatos suos: condemnabunt enim eos, non quasi iudicantes, sed quia is qui iudicabit, à fide horum sit condemnaturus illos: si quidem cum eisdem moribus ac legibus & hi & illi sint enutriti; hi tamen crediderunt, illi verò credere noluerunt. Sed quid præcipui pollicetur eis? inquires. Si quod Niniuitæ & regina habebunt, id etiam discipuli possidebunt. Multa quoque alia in superioribus istis obtulit, & in sequentibus pollicetur; quamvis aliquid occultius in hoc etiam significatur, maiora istis illos habituros. De illis enim simpliciter dicitur: Quia viri Niniuitæ resurgent, & condemnabunt hanc generationem: de regina quoque Austri similiter: de istis verò non ita simpliciter: sed, quando filius hominis in sede maiestatis suæ sedebit, tunc & vos sedebitis super duodecim thronos, iudicantes duodecim tribus Israël. Vnde significatur, quia tam regni, quam gloriæ participes futuri sunt. Quicumque reliquerit fratres, aut sorores, aut patrem, aut matrem, aut uxorem, aut filios, aut agros, aut domum, propter nomen meum, centuplum accipiet, & vitam æternam possidebit. Habebunt igitur pro his qui huius sunt cognationis, etiam quæ cum Deo est cognationem & fraternitatem: pro agris, paradisum: pro marmoris palatiis, sanctam ciuitatem Ierusalem: pro patre, Deum: pro matre, Iesum: in eaque perfectione pro socijs & sodalibus, communionem sanctorum: pro uxore & sororibus, matrem Dei, & omnium sanctarum virginum & martyrum Christi consortium. Cum autem dicit: Quicumque reliquerit uxorem; non simpliciter præcipit dirimenda esse matrimonia; sed sicut in superioribus dicebat: Qui perdit animam suam propter me, inueniet ipsam: non ut nosmetipsos interimamus, non ut animam nostram violenter à corpore disiungamus; sed ut religionis pietatem cæteris omnibus anteferamus: ita de uxore quoque ac fratribus intelligendum est.

NOtandum primò: Insitum esse humanæ naturæ, ut, quæ ad omnes pertinent, & pauci, & non multum curēt: ac, ubi priuatum quid se obtulerit, in id totum incumbant, ad se suamque statim festinent & propensi sint; quomodo nunc Petrus, relicto iuvene, relictis diuitibus, ad se suamque redit, & nisi fallor, aliquid mundanum respexit.

NOtandum secundò: Formulam hanc, Ecce nos reliquimus, formulam perfectorum ac religiosorum esse, non tantum in affectu, quod omnium est; sed & in effectum. Verendumque esse, ne pro hac formula illa succedat: Ecce nos quæsumus omnia, & secuti sumus mundum; quid ergo erit nobis? ut gemat Ecclesia, esse intra viscera sua diuites, qui in seculo fuerunt mendici, teste Hieronymo.

NOtandum tertio, sigillum & arrhabonem esse mercedis bonorum operum, hæc ipsa concepta & iureiurando ipsius iudicis approbata verba: Amen amen dico vobis, quod vos, qui secuti estis me, in regeneratione, cum sederit filius in sede maiestatis suæ, sedebitis & vos iudicantes duodecim tribus Israël; quidquid nugetur ac comminiscatur hæresis. Veritas enim mentiri non potest; verbum Domini manet in æternum.

50 **N**Otandum quartò: Quod Matthæus dixit, Propter nomen meum, Marcū interpretari, propter Euangelium; hoc est, prædicationem Euangelij: Lucas autem, Propter regnum Dei: ut intelligamus hæc eadem esse, & vnum pro alio sæpius poni. Quemadmodum autem, quando dicebat, Qui perdiderit animam suam mea causa, inueniet eam, non hoc dicebat, ut nosmetipsos interimamus; sed ut ipsi etiam animæ nostræ, fidem quæ in ipsum est præponamus; ita & nūc dicens, Qui reliquerit uxorem, non hoc dicebat, ut nuptias penitus diuidat; sed ut ipsi coniugi quoque præponamus, & ipsum, & Euangelium, & regnum Dei.

51 **N**Otandum quintò, quòd Iudicare accipitur tripliciter. Vno modo principaliter, sicut iudex qui profert sententiam; & hoc modo solus Christus iudicabit. Alio modo pro Sedere in loco eminenti iuxta iudicem, sicut assessores iudicis; & hoc modo Apostoli & alij perfecti cum Christo iudicabunt. Tertio modo largè accipitur: scilicet per sententiam iudicis approbare; & hoc modo omnes electi iudicabunt, qui sententiam iudicis approbabunt. Considerandum etiam, licet iudiciaria potestas, quæ competit alicui per modum assessoris, conueniat Apostolis & viris perfectis, ratione suæ perfectionis suprà alios eminentis; tamen magis attribuitur voluntariæ paupertati, quàm alijs virtutibus: & hoc per quandam correspondentiam. Sicut enim exaltatio correspondet humilitati, sic iudiciaria potestas paupertati: quia pauperes in hoc mundo conculcantur & peruersè iudicantur, quia etiam eorum bona in malum accipiuntur, ideo è contrario eminentia sedis iudiciariæ competit eis in regeneratione. Est tamen & aliud quartū genus iudicandi exemplo & specimine, quomodo Christus Dominus Niniuitas ac reginam Austri condemnaturam prædicat generationem illam improbam & adulteram Scribarum & Phariseorum.

52 **N**Otandum sextò: Duplicem à Salvatore proponi iustitiæ perfectæ mercedem; alteram quidem temporalem; Centuplum accipietis: sic enim interpretatur D. Marcus: In tempore hoc. Alteram æternam, Et vitam æternam possidebitis: etiam si hoc quod de temporali mercede dicitur, magis in ipsis successoribus quàm in Apostolis impletum est. Docuit hoc Isaias: Pro eo quòd fuisti derelicta, & odio habita, & non erat qui per te transiret, ponam te in superbiam seculorum, gaudium in generatione & generationem. Et suges lac gentium, & mamilla regum lactaberis, & scies quia ego Dominus saluans te, & redemptor tuus fortis Iacob. Pro ære afferam aurum, & pro ferro afferam argentum, & pro lignis æs, & pro lapidibus ferrum, & ponam visitationem tuam pacem, & præpositos tuos iustitiam. Et alio loco: Vos autem sacerdotes Dei vocabimini, ministri Dei nostri dicetur vobis. Fortitudinem gentium comedetis, & in gloria earum superbietis. Pro confusione vestra duplici & rubore laudabunt partem eorum. Propter hoc in terra sua duplicia possidebunt, lætitia sempiterna erit eis. Quia ego Dominus diligens iudicium, & odio habens rapinam in holocaustum. Sed & res ipsa postea docuit: modica reliquit Petrus, ut diximus, at nunc imperij tenet sedem: sic Paulus, Iacobus, ad cuius sepulcrum ex toto curritur orbe. Non ita frequens fuit domus & familia D. Francisci; at nūc quis eam rectè numerare possit? hoc eodem modo D. Dominici, Benedicti, Bernardi, & aliorum.

Notandum

Notandum septimò: Quærere Iustinum martyrem, Si, inquit, relinquenti- 53
bus patrem, & matrem, & filios, &c. centuplum promisit Dominus: ergo & v-
xores centenae accipient. Igitur cum multi illis propter præceptum relictis, de-
cesserint pauperes, & soli ac deserti; nonne falsa est illa promissio?

RESPONSIO. Quemadmodum patres & matres, & fratres, & sorores, di-
cit eos, qui familiari affectione Christum accipiunt, relictis parentibus, fratribus,
sororibus: sic & uxorem dicit eam, quæ relictis propter Christum alijs, curat eum
qui reliquit eam, quæ naturæ erat vxor. Ecclesia verò Christi Domini, quæ ab i-
nitio Christianæ prædicationis, ab aduersarijs suis gentilibus tam diu infestatur
ac diripitur, vnde nam tantum spiritualium rerum & hominum, quantum vide-
mus, adepta est incrementum, nisi quod diuina viuacitas; vox Seruatoris tam mul-
tiplicem mercedem pollicita, etiam præstitit? Vnde diuites & viri & foeminae,
afferentes suas facultates, in solitudine illos qui illuc secesserant, quæsiuerunt,
& eorum egestati subuenerunt, quemadmodum cognouimus ex historia san-
ctorum veterum virorum, nisi quod Dominus Christus per eos promissum suum
perduxit ad exitum?

Notandum octauò: Veterem Euangelij legem istam fuisse: Omnis qui re- 54
liquerit domum, vel fratres, aut sorores, aut patrem, aut matrem, aut uxorem,
centuplum accipiet. Noua autem Euangelij regula & perfectio est: Nisi quis ac-
ceperit uxorem, filios & filias, non intrabit in regnum cælorum: quàm dispar
hæc ab illa!

Notat nonò de sede Iudæ Euthymius: Quid ergo? Iudasne etiam sedem 55
habebit & condemnabit? Nequaquam. Communis enim facta est promissio
ad duodecim discipulos, ne per hanc Iudas in villo cæteris deterius haberetur,
ipse verò animæ prauitate seipsum hac priuauit. Est enim Dei lex à Ieremia per-
uulgata ad Iudæos, quæ dicit: Si conuersa fuerit gens illa ab iniquitatibus suis,
pœnitebit & me malorum quæ cogitaueram facere illis. Deinde ait: Et si fece-
rit malum coram me, vt non audiat vocem meam, pœnitebit & me de bonis quæ
decreueram facere illis. Quid ergo ait ista lex? Si comminatus fuero vt faciam
tibi malum, & tu corrigaris; soluam meam sententiam. Et si promiseram tibi bo-
na, & ignauiter egeris; soluam meam promissionem: tua enim causa factus es ea
indignus. Pœnitentiam ergo in Deo intelligimus pro nostri mutatione, cuius
nos omninò causa sumus. An sedes Iudæ sit sublata, successor autem eius in æ-
terna tempora relictæ, aliàs copiosius docuimus.

Notandum vltimò: Post promissa ditia, opulenta, quæ Christus Dominus 56
Apostolis suis proposuit, ne illorum animi efferrentur, ac nimis securi efficeren-
tur, hæc propositione demum totum caput conclusisse: Et erunt nouissimi pri-
mi, & primi nouissimi; & multos esse vocatos, paucos electos: quibus propo-
sitionibus omnis vana fiducia & præsumptio hæreticorum confunditur.

QVAESTIO D. AVGVSTINI. Quod ait Dominus, diuitem non intrare 57
in regnum Dei, & discipuli dicunt: Quis potest saluus fieri? cum pauci sint di-
uites in comparatione multitudinis pauperum; intelligendum, quod omnes
qui talia cupiunt, in eorum numero haberi animaduertent.

Caput XX.



ARABOLAM DE OPERARIIS PROPONIT, PROFECTIONEM suam in Ierusalem, & ea quæ ibi euenire debebant, prædicat, ambitionem discipulorum frangit, duos cæcos illuminat. Scire debemus, inquit Origenes, quoniam, si parabola Iesu, in quo thesauri sapientiæ & scientiæ absconditi sunt, discussa fuerit, tanta dogmata sapientiæ in mysterio abscondita inueniuntur his qui possunt talia inuenire, ut maximè de ista parabola dicat Saluator: Aperiam in parabolis os meum, loquar propositiones ab initio, & eructabo abscondita à constitutione mundi. Occasio itaque parabolæ hæc est: Promisit Dominus Petro & alijs discipulis magnifica præmia: Centuplum accipietis, & vitam æternam possidebitis, thesauros, thronos: quibus ne efferantur, neque nimis securi sint, illud addidit, nouissimos fore primos, & primos nouissimos. Hoc igitur, quod simpliciter dixit, parabola illustrat. Scopus autem parabolæ hic est: Sic, inquit, erunt nouissimi primi, & primi nouissimi, multi sunt vocati, pauci electi. Sensus parabolæ est, eandem esse diuinæ vocationis rationem, ac quasi quispiam operarios ad vineæ suæ culturam certo præmio conduceret, alios deinde submittat sine pactione, quibus tamen parem mercedem rependat. Terminos quidem parabolæ præclare explicat D. Hieronymus, iuxta varias sententias: Mihi videntur, inquit, primæ horæ esse operarij Samuel & Hieremias, & Baptista Ioannes; qui possunt cum Psalmista dicere: Ex utero matris meæ Deus meus es tu. Tertiæ verò horæ operarij sunt, qui à pubertate seruire Deo cœperunt. Sextæ horæ, qui matura ætate susceperunt iugum Christi. Nonæ, qui iam declinant ad senium. Porro vndecimi, qui in vltima senectute; & tamen omnes pariter accipiunt præmium, licet diuersus labor sit. Vnde hoc ipsum intelligens post horam iam vndecimam, cum esset propè solis occasum & ad vesperam, Ioannes Euangelista loquitur: Filioli mei, nouissima hora est. Et nota, quoniam illi, qui aut prima hora vocati sunt, aut tertia, aut sexta vel nona, non responderunt: quia nemo nos conduxit; omnes enim illi conducti fuerunt, & habuerunt notitiam Dei, & sciuerunt Dei promissa. Gentes autem solæ neque Deum sciebant, neque Dei promissa, ideò inexcusabiliter responderunt: Nemo nos conduxit. Cum autem sero factum fuisset, dicit Dominus vineæ procuratori suo: Voca operarios, & redde illis mercedem, incipiens à nouissimis vsque ad primos. Considera, quia sero, non autem manè reddit mercedem: ergo adhuc stante seculo isto iudicium est futurum, & unicuique merces sua reddenda. Propter duas rationes iudicium in hoc seculo fit: Primum, quia illic ipsa beatitudo ventura ipsa est merces iustitiæ, ideò non in illo seculo fit iudicium, sed antè illud. Deinde ante aduentum diei illius præmittitur iudicium, ne videant peccatores beatitudinem diei illius, dicente propheta: Tollatur impius, ne videat gloriam Dei. Et simul considera, quòd iniustitiam patris familias, quam in vndecimæ horæ operarijs omnes pariter accusant, in seipsis non intelligunt. Murmurauerunt enim aduersus patrem familias, dicentes: Quoniam hi nouissimi vna tantum hora fecerunt, & pares illos nobis fecisti, qui portauimus pondus diei & æstus. Si enim iniquus est pater familias, non in vno iniquus est, sed in omnibus: quia non sic laborauit tertiæ horæ operarius, quomodo ille, qui prima hora est mis-

Hh

sus in

fus in vineam: similiter & sextæ horæ operarius, minus laborauit tertiæ horæ o-
 perario; & nonæ, sextæ horæ operario. Omnis itaq; retrovatio gentibus in-
 uidet, & in Euangelij torquetur gratia. Respondens autem pater familias, dixit:
 Amice, non facio tibi iniuriam. Ergo illi non dolebant quasi fraudati de mer-
 cede sua; sed quia illi amplius, quàm merebatur, acceperant. Hoc est enim pro-
 prium inuidiæ, quando alteri aliquid additur: sic dolent inuidi, quasi illis sit ali-
 quid subductum, quod illi est additū: Vt puta, si viderit fieri aliquem ditio-
 rem, putat inuidus se pauperem factū: si alter sapientior fuerit factus, ita dolet, quasi
 ipse sit insipiens factus. Intelligis, quia ex vana gloria nascitur inuidia? nam ideo
 dolet esse secundus, quia desiderat esse prior. Vnde & Saluator concludens pa-
 rabolam: Erunt, inquit, primi nouissimi, & nouissimi primi: quod Iudæi de ca-
 pite vertuntur in caudam, & nos de cauda mutemur in caput. Sunt qui hanc
 parabolam aliter differant: Prima hora volunt missum esse in vineam Adam &
 reliquos patriarchas vsque ad Noë. Tertia ipsum Noë vsque ad Abraham & cir-
 cumcisionem ei datam. Sexta, ab Abraham vsque ad Moysen, quàm Lex data
 est. Nona, ipsum Moysen & prophetas. Vndecima, Apostolos & gentium po-
 pulum, quibus omnes inuident. Addo, illam vineam significare Ecclesiam, iuxta
 Gregorium: operarios, fideles omnes iuxta Ambrosium: laborem, obedientiam
 præceptorum Dei, iuxta Hilarium Can. 20: diem, vel totum hoc mundi tem-
 pus seculis distinctum, vel vitam hominis, vt Nazianzenus & alii interpretantur:
 denarium, Deum ipsum. Per parabolam operariorum, inquit Irenæus, qui varijs
 temporibus in vineam mittebantur, vnus & idem Dominus ostenditur, vocans
 alios quidem statim in initio mundi fabricationis, alios verò post hoc, & alios
 circa medietatem temporum, & alios progressis iam temporibus, item alios in
 fine, vt sint quidem multi operarij secundum sua ipsorum tempora, vnus autem
 est, qui conuocat eos pater familias: Etenim vinea vna, quoniam & vna iustitia,
 & vnus dispensator; vnus enim spiritus Dei, qui disponit omnia. Similiter autem
 & merces vna: omnes enim acceperunt singulos denarios, imaginem & inscri-
 ptionem regis, agnitionem filij Dei, quæ est incorruptela. Inuenire autem dici-
 tur operarios: Tunc autem vnumquemque inuenit, quando illi obediens effi-
 citur; ait enim Paulus: Vbi verò beneplacuit ei, vt me separaret ab utero matris
 meæ; tunc autem beneplacuit, quando huic obediuit, qui est vnicum præmium
 sanctorum, præmium perfectum & infinitum. Sed si opus & meritum finitum,
 quomodo merces infinita? Ego sum merces tua magna nimis. Et, Dominus pars
 hæreditatis meæ. Quia in omni opere nostro duo consideranda sunt: Primum,
 qua parte à Deo per Christum est: deinde, qua à nobis: & ex illa prima parte,
 qua à Deo per Christum est, cum infinita sint ista propter conferentem & me-
 ritum, merces finito operi infinita debetur; quod opus ex parte nostri vile & ab-
 iectum, vt & vires nostræ vix, ac ne vix quidem placidum aspectum cælestis pa-
 rentis mererentur. Rectè autem infinitum hoc ac cæleste pretium declaratur
 denario; quia hic numerus neque habet maiorem, neque æqualem, & omnia in
 se cōtinet. Si ergo mercenarij sumus, cognoscere debemus, quæ sunt opera no-
 stra: mercenarius enim sine opere non potest esse. Opera autem nostra sunt o-
 pera iustitiæ: non vt agros nostros colamus & vineas, non vt diuitias acquira-
 mus & congregemus honores; sed vt proximis profimus. Et quamuis hæc sine
 peccato facere possumus, tamen non sunt opera nostra, sed diaria nostra. Sicut
 ergo nemo ideo sic conducit mercenarium, vt hoc solum faciat, quod mandu-
 cet: sic

cet: sic & nos non ideò vocati sumus à Christo, vt hæc sola operemur quæ ad nostrum pertinent vsum, sed ad gloriam Dei. Et sicut mercenarius, qui hoc solum facit quod manducat, sine causa ambulat in domo: sic & nos, si sola hæc facimus, quæ ad nostram pertinent vtilitatem, sine causa viuimus super terram. Et sicut mercenarius prius aspicit opus suū, deinde diaria sua: sic & nos, si mercenarij Christi sumus, primū debemus aspicere, quæ ad gloriam Dei pertinet proximique profectum, (Quia charitas & verus amor erga Deum non quærunt sua, sed ad libitum amati cuncta desiderat perficere) deinde quæ ad nostram vtilitatem. Et sicut mercenarius totum diem circa Domini opus impendit, vnam autem horam circa suum cibum: sic & nos omne tempus vitæ nostræ debemus impendere circa opus gloriæ Dei; modicam autem partem circa vsus nostros terrenos. Et sicut mercenarius, si qua die opus non fecerit, erubescit intrare domum, & petere sibi panem; quomodo tu non confunderis intrare in Ecclesiā, & stare ante conspectum Dei, quando nihil boni in conspectu Dei gessisti?

2 **N**Otandæ primū sunt quinque inæqualitates in Ecclesia Dei, quæ videntur summam quandam iniquitatem & inhumanitatem patrisfamilias demonstrare, in quibus tamen summa est æquitas & humanitas. Prima inæqualitas eorum, qui citò currere incipiunt, seriùs tamen præmium accipiunt quàm illi qui modò incipiunt, vt Petrus & latro in cruce: quorum alter citò currere incipit, alter verò serò; citiùs tamen hic, quàm ille præmium accipit. Secunda inæqualitas eorum, ex quibus alij citiùs incipiunt, alij seriùs; par tamen accipiunt præmium, quod in Euangelio apparet. Tertiò, inter eos quorum alij minore difficultate acquirunt parem gloriam cum illis, qui subeunt maiores labores & difficultates; quales illi sunt, qui, vbi conuersi fuerint, subitò moriuntur. Quartò, inæqualitas eorum, qui paucis aduersis superatis, par accipiunt præmium cum illis qui multa aduersa subiêrunt; quomodo diuites sancti cum mendicis, quomodo alij modica patiuntur, alij in omni miseria omnem traducunt vitam. Vltima inæqualitas eorum, qui exiguo munere plura consequuntur quàm alij: maximè vt publicanus, vt vidua gazophilacij, & isti qui sine pacto laborauerūt.

3 **N**Otandum est, has, vt videntur, inæqualitates, summam in se habere equalitatem, si misericordiam & iustitiam patrisfamilias spectes. Primò, quòd paterfamilias sua dat, non aliena, & proinde nulli obligatur: secundò, quòd omnibus plus dat quàm merentur, & ideò non est quòd aliquis de illo queratur, nulliq; fit iniuria: tertiò, quòd ipsa vocatio ad opus, gratis ac ex beneficio facta sit. Vult autem eam inæqualitatem apparere pater cælestis, eam ob causam, vt doceat; quòd, quamuis merita nostra maximam vim habeant ad vitam æternam consequendam, eius tamen totius mercedis radicem & primum principale initium gratiam esse, omneq; meritum inde vim habere. Hæc igitur dum hæresis non distinguit, mentitur. Agnoscimus bona opera meritoria esse: quia denarium, hoc est, summam & perfectam mercedem, accipiunt omnes; omnia tamen ex gratia pendere, quam ista iusta & æquissima inæqualitas demonstrat.

4 **N**Otandū tertiò, magnū esse vsum huius parabolæ tam in doctrina, quàm in vita. In doctrina primū valet contra illos hereticos, qui dicunt, bona quidē opera necessaria esse, præmium tamen nullum illis propositum esse, sed ipsi fidei tantum. Refutat hoc præsens parabola, dicens: tolle quod tuum est. De-

inde abutebantur isto loco veteres hæretici, Iouinianus & alij, ad ostendendam æqualitatem gloriæ ex virtute denarij. Cui errori pulchrè respondet D. Augustinus, Esse quidem vnum præmium Deum ipsum, sed non in eodem genere: sic enim pares essemus matri Dei, Ioanni Baptistæ, angelis Dei; quomodo sol omnibus lucet, sed non in eodem gradu; & Dominus ipse omnib. causa salutis est, sed iuxta cuiusque dispositionem. Tertio abutuntur hoc loco mali Christiani ad dilationem pœnitentiæ, quos præclare refutat Nazianzenus in oratione in sanctum Baptisma: Verum, inquit, dicet quispiam: quid mihi emolumentum res ea attulerit, si per baptismum præoccupatus fuero, atque omnes vitæ suauitates & oblectamenta mihi ipsi huiusmodi celeritate præclusero, cum voluptatibus interim indulgere liceat, atque ita demum baptismi gratiam assequi? Neque enim, qui priores in vinea laborarunt, meliori idcirco conditione fuerunt; æqua nempe mercede postremis quoque persoluta. Negotio me liberaisti, quisquis es, qui hac vteris oratione, dum procrastinationis istius arcanum egrè tandem extulisti: & quamvis consilij tui peruersitatem improbem; eo tamen nomine te laudo, quod eam apertè confessus es. Verum age, & parabolam hanc expone, ne hoc scripturæ loco per imperitiam offendaris. Primum hinc de baptismo non agitur, sed de his qui alijs atque alijs temporibus fidem amplectuntur, atque in pulchram vineam, hoc est Ecclesiam, ingrediuntur. Nam ex qua die atque hora ad fidem quisque accessit, ab eadem quoque ipsi operam nauare necesse est. Deinde, tametsi quantum ad laboris modum plus contulerint, qui priores ingressi sunt; non tamen quantum ad animi liberæque voluntatis modum. Eaque etiam ratione postremis fortasse amplior merces debebatur, etsi quodammodo absurdum videri possit quod dico. Nam quod posterius ingressi sint, ea causa fuit, quia posteriores ad vitis excolendæ operam vocati sunt. In cæteris autem rebus, quantum alios antecelluerint, videamus. Illi enim non prius crediderunt, nec ingressi sunt, quam ipsis ex conuentu merces constituta fuisset: hi nulla conducti mercede ad laborem accesserunt, quod quidem maioris fidei argumentum est. Ad hæc illi inuidi, & queruli, ac murmuratores inuenti sunt: his nihil tale obijcitur. Tum etiam illis mercedis rationem habebat, quod donabatur, licet improbis atque peruersis: his gratiæ. Quare meritò factum est, vt, amentię stoliditatisque damnati, ampliori quoque mercede caruerint. Quid autem ipsi quoque accepturi erant, si seriùs ipsis venire contigisset? æquam utiq; mercedem. Qua igitur fronte operarum conductorem criminantur, velut in æquæ mercedis persolutione ab æquitate recedentem? Hæc omnia sudoris gratiam primis subtrahunt ac labefactant, etiam si priores labore fatigati sint; ex eoque efficitur, vt æquali huic mercedis distributioni æquitas sua constet, nimirum animi voluntate cum labore compensata. Sed demus, baptismi quoque vim & facultatem, iuxta expositionem tuam, hac parabola designari: quid tandem prohibet quominus ipse & prior ingressus, & diei æstus perpeffus, postremis non inuideas, vt humanitate quoque ipsa, animique facilitate & benignitate superior sis, ac remunerationem non beneficij gratiæque, sed debiti loco accipias? Huc etiam accedit, quod ita demum operarios mercedem accipere vult parabola, si in vineam ingressi fuerint, ac non ab ea aberrauerint: quod quidem periculum tibi imminet. Quamobrem, si tibi exploratum esset, fore, vt ita sentiens, ac de labore & operatione aliquid malitiosè subtrahens, baptismum consequeris; ignoscendum tibi esset ad huiusmodi rationes confu-
gienti

gienti, ac nonnihil commodi ex Domini humanitate & clementia facere cupienti; ut illud non dicam, hoc ipsum, impensius laborare, vberioris mercedis loco habendum esse; his quidem certè, qui animo sunt non omninò illiberali & sordido. Cùm autem periculum tibi sit, ne, dum huiusmodi lucra confectaris, à vinea prorsus excidas: & dum parua & exigua obiter colligis, forte ipsa mulctaris: age, verbis meis obtempera, primisque hisce interpretationibus & oppositionibus missis factis, simplici animo, & citra argutationem ad baptismum accede, ne, antequam spei compos fias, ex hac vita abripiaris, atque imprudens in perniciem tuam huiusmodi captiones & argutias comminiscaris. Hucusque Nazianzenus: & hoc quidem ex parte doctrinæ. Ex parte autem vitæ, quid nobis hæc ipsa proponit & repræsentat parabola? neque enim frustra ab Ecclesia in principio Septuagesimæ proponitur, in qua meditatio vniuersæ vitæ nostræ Christianis proponi solet. Septem autem continet capita hoc Euangelium, quæ semper ob oculos nostros proposita habere debemus. Primò, vocationem nostram: nos scilicet, & non alios, vocatos esse, nullo nostro merito, causa nulla; Memores, inquit, estote vocationis vestræ. Secundò, Causam vocationis, propter quam scilicet vocati sumus: quam explicat Paulus, ut simus sancti, Deo dicati, per omnia Deo placentes, in conspectu Dei in charitate: vnde operarij vocati. Tertiò, venturæ horæ aliquando tempus, qua operarij operum rationes reddituri, vocandi sunt, ac pro opere, vel præmia, vel pœnas relaturi, ut cessent & requiescant à laboribus suis. Quartò, breuitatem temporis, & incertitudinem eius diei: totum enim hoc, vni comparatur diei. Quintò, magnitudinem gloriæ, pro qua certatur & dimicatur, quæ Deus ipse est. Sextò, seueritatem patris familias, qui otiosos non perfert: quantò magis operarios iniquitatis? Septimò, incertitudinem vocationis nostræ: Multi, inquit, vocati sunt, pauci electi.

5 **N**Otandum quartò: nihil magis saluti obesse, quàm alterum, alteriusque opus, se ipso omisso, intueri: quod ni esset, isti operarij nullà hodie inter se contentionem fecissent: omnibus enim plus quàm meruerunt, satisfactum fuit; sed quisque alterius potiùs laborem quàm suum, considerabat: ideoque illud elogium referunt, Oculi tui nequam, quia ego bonus; id est, ex mea bonitate scandalum tibi accerfis, aut, tua nequitia meam metiris bonitatem. Quod cùm diabolus optimè norit, nihil magis satagit, quàm ut nos à cognitione & examine nostri reuocet ad aliorum vitam curiosè inuestigandam. Se igitur quisque respiciat, se examinet, se præstare cupiat, & viuet.

6 **N**Otandum est quintò, otiosum pulchrè ab authore Operis imperfecti describi: Quis ergo, inquit, est otiosus? qui opus Dei non operatur. Puta, si alienas res tollis, non es otiosus, sed mortuus: si autem aliena quidem non tollis, tamen nec de tuis rebus impotentibus das, tunc otiosus es: nam qui aliena non tollis, non quidem peccas; tamen nec iustitiam, nec misericordiam operaris. Vis non esse otiosus? ne aliena tollas, & de tuis des, & operatus es in vinea Domini & coluisti misericordiæ vitem. Inebriaris, in delicijs es, non es otiosus: sed sicut ait Apostolus, viuens mortuus es. Si autem mensuratè manducas & bibis, non quidem peccas, quia non malè manducas, tamen otiosus es, quia nullam ieiunij operaris virtutem. Vis ergo non esse otiosus? ieiuna, & quod manducaturus fueras diurno, da impotenti, & coluisti ieiunij vitem. Item, fornicaris, mortuus es,

non otiosus: si autem tuam habes vxorem, non quidem peccas, nec tamen castitatis operaris vitem: visque esse non otiosus? sine vxore es: ne quæsieris vxorem. Si vidua es, noli transire ad secundas & tertias nuptias, & operata es castitatis vitem. Sed fortè dicis: sine vxore esse non possum; Ostendo tibi vt vxorem habeas, & castitatis vitem colas: Abstine te à menstruata, abstine te à prægante, erubescere facere quod animalia non faciunt. Omne animal conceptionis suę seruat honorem & tempus: homo autem solus contemnit. Quando dies festus est, aut dies ieiunij, serua vt impleas Apostolicum præceptum: Nolite fraudare inuicem, nisi fortè ex consensu, vt vacetis ieiunio & orationi. Item, si inuides meliori, mortuus es, non otiosus: si autem nec inuides, nec congaudes, otiosus es. Non solùm ergo non inuideas, sed etiam congaudeas meliori, & benevolentia vitem colis.

Notandum sextò: apprimè fugiendum esse, ne de iudicijs Dei sententiam feramus, neue ab illo rationem repetundarum quæramus: quis enim cognouit sensum Domini, aut quis consiliarius eius fuit, aut quis dedit illi prior, & retribuetur ei? Sua dat & ex suo, vincit semper cùm iudicatur: ne ergo simus computatores munificentia eius, ne illud audiamus: Oculus tuus nequam, quia ego bonus. 7

Notandum septimò: curandum esse, ne tanquam inutilia terræ pondera in mundo viuamus, sed vnicuique in ordine & vocatione sua sudandum ad laudem & vtilitatem proximi; dum veniat iustus iudex, qui nobis paratam & propositam coronam est restitutus; qui labor sine vocatione inanis & inutilis esse solet. Vocamur autem omnes, modò obtemperare velimus: Venite ad me omnes qui laboratis & onerati estis. Qui sibi viuit, vt otiosus redarguitur, qui & vsque ad vltimam ætatem differt, rectè ei dicitur: Quid hinc stas tota die otiosus? vel in vltimis resipiscite. 8

Notandum & illud D. Pauli: ne ea quæ à tergo sunt obliuiscamur, sed cogitemus quid adhuc nobis sit residuum, nosque ad strenuè currendum incitemus. Sic erunt nouissimi primi, & primi nouissimi: quia multi vocati, pauci electi. 9

Notandum nonò: blasphemare hoc loco Calvinum, dum venerandam antiquitatem sugillare vult, cùm Deum aliquid frustra ad capiendos homines precipere putat: Quamuis enim Deus olim ludæis mercedem operum promiserit; scimus tamen hoc loco caruisse effectum. Falsum est: nam & Abraham, Isaac & Iacob, quorū se Deum appellat propter cæremonias & iustificationes, iustificati primū, deinde salui facti sunt, imò duces sanctorum & iustorum facti, quod idem de Mose, sanctisque regibus ac prophetis intelligendum est. Nemo impudentius vnquam mentitus est, quia nemo salutem meritis suis vnquam adeptus est; & hoc falsum est: quia & isti non meritis suis tantum, sed in spe & fide Messia venturi, illiusque agni, qui occisus est ab origine mundi, iusti & salui facti sunt; qua in re D. Paulus totum caput ad Hebræos vndecimum consumpsit. 10

Notandum decimò & illud: murmur quidem nullum futurum extremo illo die iudicij, vbi satiabuntur omnes, & iustum Dei agnoscent iudicium: sed illud solum Christum demonstrare, nullam causam murmuris futuram. Effingit autem 11

autem parabola, inquit Euthymius, primos murmurantes, impositumque illis silentium, non quod in regno cælorum futura sit invidia: (nam si hîc adhuc viuentes, iusti suas animas pro hominibus ponunt, multò magis ibi, videntes eos saluos esse, gaudent) sed tale figuratum est murmur, impositumque silentium, ad solam demonstrationem diuinæ benignitatis, erga eos qui postremi veniunt; ut confidant, quod nihil illis oberit postremos venisse, si deinceps operati fuerint. D. Gregorius hanc murmurationem docet nihil aliud esse, quam dilationem præmij, quam sustinuerunt Patres sancti in limbo, usque ad passionem Christi; quod tamen Lyrano non placet: quia murmuratores hoc loco dicuntur nequam: quod non potest dici de sanctis patribus in limbo existentibus: & in fine parabolæ concluditur: Multi sunt vocati, pauci verò electi. Quanquam hæc omnia per similitudinem dici putarem, quasi per hipotesim: cum in parabolis non omnia ad vnguem rebus ipsis respondere posse doceat D. Chrysostomus, & nos superius docuimus.

12 **E**Xclusa omni præsumptione ac inani securitate, nunc animos suorum ad res aduersas ferendas erigit atque præmunit. Prædicit se Hierosolymam iturum, atque, quid ibi passurus sit, iuxta vaticinia prophetarum proponit: illos bono animo esse iubet, quod quidem non semel, sed toties discipulis inculcat, ne, cum venerit persecutio, & crucis ignominia, scandalizarentur. Ecce, inquit, ascendimus Hierosolymam: omnia hæc vberius postea explicabunt Euangelistæ, & nos in nostro Iosepho explicauimus. Paulus, qui hortatur nos fieri suos imitatores, sicut ipse imitatus est Christum, sciens Christum per hæc ad manifesta pericula promptissime ascendisse, scientem quod tradendus fuerat principibus sacerdotum & scribis, & condemnandus fuerat morte, & gentibus erat tradendus ad deludendum, & flagellandum, & crucifigendum, simile aliquid fecit. Cum enim Agabus accepisset zonam eius, & alligasset sibi manus & pedes, dicens: Hæc dicit spiritus sanctus, virum, cuius zona hæc est, sic eum alligabunt Iudæi in Ierusalem, & tradent in manus gentium: audiens ista Paulus, imitatus suum magistrum, in Ierusalem promptissime ascendebat. Et cum aliquid humanum passus fuisset ab his, qui propter dilectionem eius cœperant flere, & prohibere, ne ascenderet in Hierosolymam, dixit: Quid facitis, flentes & confringentes cor meum? Ego enim non solum alligari, sed & mori paratus sum pro nomine Domini nostri Iesu Christi. Seorsim autem de his differit illis, siquidem non multos hæc scire oportebat, ne offenderentur. Nam si hæc audientes discipuli turbabantur, multò magis turbæ. Cur ergo non dictum est de his ad turbas? Dictum est quidem, sed non manifestè: Sicut Ionas fuit in ventre ceti tribus diebus, & tribus noctibus; sic erit filius hominis in corde terræ tribus diebus & tribus noctibus: & alibi similia illis obscure dicebat, sicut in sequentibus inueniemus. Addit D. Lucas, illos nihil earum rerum, quæ dicebantur, intellexisse; cuius ignavia & tarditatis adfert D. Chrysostomus causam: quia alios quidem ab aliis excitatos, & audierant, & viderant: de mortuo verò, qui seipsum excitasset, & sic excitasset, ut nunquam in posterum moreretur, neque audierant unquam, neque viderant. Præterea & de eo, quod occidendus esset Christus, ubi ad humanas respiciebant operationes, credebant hoc & contristabantur: ubi verò diuinas in mentem aflumebant: increduli permanebant, quia scilicet, quod de morte audierant, etsi non clarè dispensationis huius mysterium sciebant, intellexerunt.

tamen. Resurrectionem verò non intelligebant, nec quæcunq; per eam miraculose facturus erat, & erat occultatum hoc ab eis: id est, non suscipiebant tales de hac re sermones, suspicantes & hos aliquam esse parabolam.

Notandum primò: pericula præuisa minus ferire, & ideo Dominum sapius mala proponere, ut suos cautiores & animosiores efficiat: sed parum hoc profuit apud non benè dispositum & incautum animum. Relicto eo, post fugerunt omnes: & hoc est, quòd Ecclesia Dei toties nobis proponit futura & extrema nostra, iuxta Salomonis præceptum: Memorare nouissima, & in æternū non peccabis.

Notandum secundò: summam & argumentum passionis Domini, quasi in parua tabella vniuerso mundo proponi, quæ postea latè & fusè explicanda, ac veluti in patentem quandam mappam transferenda erat: eodemq; loco aliquot fidei articulos de Christo proponi, cum scilicet traditum, passum, flagellatum, mortuum, à morte demum rediuiuum resurrexisse; quæ prima & summa capita fidei & spei nostræ sunt.

Notandum tertio: tradidisse Iudæos Christum gentibus, ipsos in æternum sibi amisisse, ac postea in earundem gentium manus & potestatem deuenisse. Hæc merces traditorum est, ut, cum alios prodiderint, ipsi pereant.

Notandum quarto: Christum Dominum se illum esse demonstrare, de quo scripsit Isaias: Oblatus est, quia ipse voluit, ut, qui spontè omnib. partibus mortis & passionis suæ se offerat; utpote ille, cuius oculis nihil absconditum sit, sed omnia, æquè absentia atque præsentia, futura ut præterita pateant.

Notandum quintò: miram erga Christum Dominum Apostolorum dilectionem: qui, etsi non ignorarent, illum ad certam mortem proficisci; eum tamen sequi voluerunt, ac ne pericula quidem, quæ eis proponebantur, intelligere voluerunt.

Notandum sexto: quæ ingrata sunt cognitu, non faciliè ab hominibus admitti, aut intelligi; & ipsi nihil horum intellexerunt.

Notat octauò Lyranus: Ideo Dominum noluisse in mundo prosperari, sed grauiam pati; ut ostenderet, nos, qui per primorum parentum nostrorum delictationem cecidimus, cum amaritudine & contritione redire debere.

Notandum vltimò: ad omnem illicitam mollitiem componendam, & ad omnes virtutes excitandas, nullam rem vim maiorem habere, quàm frequentem meditationem mortis & passionis Iesu Christi. Ideo nihil frequentius ante eam mortem Christus inculcabat, quàm eius ipsius recordationem ac memoriam; atque etiam nunc sponsa eius, Ecclesia sancta, tot festis, & caeremoniis ac sacramentis, proponit atque inculcat.

Tunc accedit ad eum mater filiorum Zebedæi, adorans & petens aliquid ab eo: nulli dubium quin à filiis inducta. At qua occasione? vel illa certè, quòd toties ingeminabat Hierosolymā, in qua & ipse Christus dominus, & omnes prophætæ sedem futuri Messiae prædixerant: vel illa, quam ponit D. Hieronymus, ut, cum

13 vt, cum Dominus dixerit: Filius hominis tradetur principibus sacerdotum &
scribis, & condemnabunt eum morte, & tradent gentibus ad illudendum &
flagellandum, & crucifigendum; & ignominiam passionis timentibus discipulis
nunciaret, illa gloriam postulet triumphantis. Hac, vt reor, ex causa, quia post
omnia dixerat Dominus, Et tertia die resurget: putauit eum mulier post resur-
14 rectionem illicò regnaturum, & hoc, quod in secundo aduentu promittat, in
primo esse complendum; & auiditate foeminea, præsentia cupit, immemor fu-
tutorum. In hoc ergo regno primas sedes quærit & petit mater filijs. Marcus
certè docet, eos ipsos primùm venisse cum illis verbis: Magister, volumus, vt
quidquid petierimus, facias nobis. At illi dixerunt ei: Da nobis, vt vnus à dextris,
alter à sinistris tuis sedeamus in gloria tua: à quo repulsi, ad matrem se contu-
lerunt. Quærit Dominus more suo à muliere, quid velit, quid petat; non de i-
gnorantia, sed ex persona eius dicitur, qui flagellandus & crucifigendus erat:
quomodo & in Æmorrhousa: quis me tetigit? Et de Lazaro: vbi posuistis eum?
In veteri quoque testamento: Adam, vbi es? Et: descendens videbo, si iuxta cla-
morem, qui venit ad me, perficiant: sin autem non est vt sciam. Interrogat, non
quòd nesciat, sed vt ipsi vlcus aperiant, & curentur, & ad martyrium incitentur.
15 Nihil enim de gloria Apostolorum ambigebatur, & iudicatuꝝ eos, sermo su-
perior exposuit. Postulat autem mater, errore muliebri, & pietatis affectu, nesci-
ens quid peteret: Dic, inquit, vt sedeant hi duo filij mei, vnus ad dexteram tu-
am, & alter ad sinistram in regno tuo. Rem magnam, inquit D. Chrysostomus,
16 angelicis humeris formidandam, petit: nullus enim profectò à dextris, nullus à
sinistris eius sedebit; inaccessibilis quippe sedes est illa, non hominibus dico
sanctis & Apostolis, sed angelis & archangelis, cæterisq; virtutibus. Quod quasi
præcipuum vnigeniti priuilegium Paulus posuit, dicens: Ad quem autem ange-
lorum dixit vnquam, Sede à dextris meis? Et ad angelos quidem inquit, Qui fa-
cit angelos suos spiritus: ad filium autem, Thronus tuus Deus in seculum secu-
li. Sed delectat culmen honoris, quos nondum exercuit via laboris. Respon-
dens autem Iesus, dixit: Nescitis quid petatis. Nec mirum, si ista arguatur impe-
ritiæ, cum de Petro dicatur, quando tria vult facere tabernacula: nesciens quid
18 diceret. Petit igitur mater quod filij voluerunt; ignoscitur matri: matrem co-
gitate, mater postulat, & Dominus discipulis loquitur, intelligens, preces eius
ex filiorum pendere voluntate. De medijs igitur, quibus regnum illius acquiri
19 solet, in primis quærit: à triumpho maturo ad pugnas & certamina reuocat:
Potestis calicem bibere, quem ego bibiturus sum, & baptismo, quo ego bap-
tizor, baptizari? Calix vocatur mors & martyrium, vt ostendatur illius suauitas,
tanquam si quis calicem bibat: deinde, quòd non sit molestum & prolixum, sed
20 quemadmodum, si quis sitiens biberit calicem, statim obdormiat: sic martyriũ
præsens sequitur hominis quies & præmium. Calicem in scripturis diuinis in-
telligimus passionem: iuxta illud, Pater, si possibile est, transeat à me calix iste.
Et in Psalmo, Quid retribuam Domino pro omnibus quæ retribuit mihi? Cali-
cem salutaris accipiam, & nomen Domini inuocabo: statimq; infert, quis iste sit
calix, Pretiosa in conspectu Domini mors sanctorum eius. Leuatur autem crux
21 communione calicis: quid enim iucundius, quàm cum Christo communia ha-
bere omnia? quem ego, inquit, bibiturus sum. Baptisma autem vocat mortem,
quòd omnes nos purget. Perspice autem, inquit D. Chrysostomus, qualiter, ip-
so interrogationis modo, & hortatur, & allicit: non enim dixit, Potestisne
vestrum

vestrum effundere sanguinem? sed quoniam pacto? Potestis bibere calicem? deinde alliciens inquit: quem ego bibiturus sum; ut communicatione laborum cum ipso promptiores redderentur. Baptismum deinde idipsum appellauit, ut magnam orbi futuram expiationem hinc significaret. Illi autem, desiderio quodam animi, confestim promittunt, dicentes: Possumus. Dulce bellum inexper- tis: conditionem suscipiunt, ad omnia sufferenda se paratos esse; nesciebant quid pollicerentur, modò petitis perfrui liceret. Dixit autem illis, Calicem quidem meum bibetis, & baptismo, quo ego baptizor, baptizabimini: sedere autem ad dexteram, vel ad sinistram meam, non est meum dare vobis, sed quibus paratum est à patre meo. Quod sic intelligendum est: Regnum cælorum est dantis, non accipientis: non est acceptio personarum apud Deum: sed quicumque talem se præbuerit, ut regno cælorum sit dignus, hic accipiet: quod non personæ, sed vitæ paratum est. Si itaq; tales estis, qui consequamini regnum cælorum, quod pater meus triumphantibus & victoribus præparauit, vos quoque accipietis illud. Alij de Moyse & Elia dictum volunt, quos paulò antè in monte viderant cum eo loquentes: sed mihi nequaquam videtur. Ideò enim sedentium in regno cælorum vocabula non dicuntur, ne, paucis nominatis, cæteri putarentur exclusi. Accendit eadem cæteros Apostolos ambitio, succensent similiter non tam matri, quàm filijs; ut illi carnaliter petiuerunt esse super omnes, sic isti carnaliter contristati sunt, esse aliquem ante se: quisque enim occultè spem primatus inter se fouebat. Subintelligitur autem, vel ex responsione Domini, vel ex indignatione apostolorum, quòd filij matrem immiserint ad grandia postulanda; quos duplici argumento repellit. Primò illo, quòd regnum suum non sit ex hoc mundo: secundò, quia quidam opinabantur, tempus illud, non regni solùm esse, sed etiam requiei: ille itaq; hoc quoque, quod in se est, corrigit; demonstrans, hoc potius esse tempus afflictionis & cædis: proinde calicem illis & baptismum proponit, hoc est, crucem & mortem. Et bonum quidem erat istorum desiderium, sed inconsiderata petitio; quæ ideò non confunditur, quia de amore Domini nascebatur: quare non voluntatem eorum, neque propositum, sed solam ignorantiam culpauit. Humilis magister & mitis, inquit Hieronymus, nec cupiditatis immodicæ illos arguit postulantes, nec decem reliquos indignationis increpat liuoris: sed tale ponit exemplum, quo doceat, tum illum maiorem esse, qui minor fuerit, & illum dominum fieri, qui omnium seruus sit; tum & ut ostendat, tyranni eam esse passionem, morisque adeò gentium, prima quæque appetere. Scitis, inquit, quia principes gentium dominantur eorum, & qui maiores sunt, potestatem exercent in eos. Frustrà igitur illi aut immoderata quæsierant, aut isti dolent super maiorum desiderio: cùm ad summitatem virtutum, non potentia, sed humilitate veniatur. Quicumq; voluerit inter vos maior fieri, sit vester minister; & qui voluerit inter vos primus esse, erit vester seruus. Denique sui proponit exemplum, ut, si dicta paruipenderent, erubescerent ad opera: & dicit, Sicut filius hominis non venit ministrari, sed ministrare, & dare animam suam redemptionem pro multis. Non dixit autem, Animam suam redēptionē dare pro omnibus, sed, pro multis: id est, pro his, qui credere volūt. Ministrabat autem curans ac sanans quorundam corpora, quorundam & animas & corpora simul; hæcque erat summa vitæ illius.

Notandum

22 **N**otandum primò: importunam & præposteram rem esse ambitionem: dum enim res inclinant, illa crescere vult. Prædixerat se Dominus in Ierusalem iturum, illic omnia acerba perpeffurum; luctus & fletus locus fuit, metus & contritionis: isti interim sedes atque thronos somniant, de primatu & dominio contendunt; nec de quibusvis sedibus, sed de illis, ex quibus Lucifer cecidit, & quæ illi soli debentur, de quo dictum est, Sede à dextris meis. Suffert patienter hæc, & condonat misericors & miserator Dominus.

23 **N**otandum secundò: Cur Christus Dominus docet, non esse suum, illis dare regnum, cum ille sit, qui omnia habet quæcunque & pater, & in cuius manu posita sunt omnia, & cui tradita sunt cuncta à patre eius? Nam, si ea verba, quibus dicit non esse suum, ad humanitatem referas, ut quidem à pluribus patribus referuntur; minimè hac ratione difficultatem euademus: nam & omnia illa, quæ ad gubernationem Ecclesiæ, ac vniuersæ naturæ pertinent, sunt illi tradita; iuxta illud: Omnia mihi tradita sunt à patre meo. Rem igitur diligentius, ne aliqua anfa & occasio Arianismo detur, expendamus: ad cuius rei euidentiã tria notanda sunt. Primum notat D. Chrysostomus, Dextrum & sinistrum, significare summum gradum gloriæ in regno Christi; quale est illud, Sede à dextris: & illud, Dominus quidem Iesus assumptus est, & sedet ad dexteram patris. Secundò obseruandum est, Deum posse sine omni merito, cum demerito etiam, hominem saluare: legem tamen eum ordinariè statuisse, ut meritis intercedentibus agat, gradusq; gloriæ, pro gradibus gratiæ conferat, idque æterna dispositione; atque ij sunt, quibus datum est à patre. Tertiò notandum, in Christo domino, ex parte eius humanitatis, hæc quatuor reperiri: Primum, acceptare illi dispensationem patris: Ita pater, quoniam sic placuit ante te. Secundò, dare media ad gloriam: Qui vult venire post me, abneget semetipsum, & tollat crucem suam, & sequatur me. Tertiò, dispensare & distribuere gradus gloriæ: Dedit iudicium filio, ut, quemadmodum hi honorificant patrem, ita honorificent & filium. Quartò, filium per omnia obedire patri, nec mutare ordinem à patre præfixum: In hoc veni in mundum, ut facerem voluntatem patris. In his igitur verbis, Dare vobis non est meum: primò non negat, sed dispensatorem esse graduum gloriæ: non enim simpliciter dicit, Non est meum dare; sed dicit, Non est meum dare vobis, sed quibus paratum est à patre meo; paratum est autem illis, qui bona egerint, & in mandatis eius se exercuerint, ac calicem eius biberint. Secundò, non hoc Christum dicere, impossibile quid illos petere (etiam si contrarium indicet Ambrosius) sed illud potius, eos quidem iusta & honesta petere, quin & possibilia, non tamen aut ordine suo, aut debita via & medijs. Tertiò, illud solum Christum negare, se paternos limites, quos consequendæ gloriæ assignauit, violare nec velle, nec posse. Quartò, non auferre Christum dominum spem istis consequendæ gloriæ, iuxta D. Hieronymum, sed modum consequendæ gloriæ proponere, tanta præmia non cognitioni & affinitati, aut vlli humanæ affectioni, sed calici atque baptismo deberi. Res tota tali exemplo illustratur: Ad editorem munerum atque certaminis, quo multi atque præclari athletæ confluant, duo quidam, ipsi præcipua familiaritate coniuncti, accedunt, qui, amicitia principis freti, postulare audeant, ut victores ipsi præconio declarati, coronentur; quibus ille respondeat, Non est meum id dare vobis, sed quibus labore atque sudore præparatum est. Num igitur, quasi non potentem illum id
facere

facere condemnabimus? Nequaquam; sed iustitiam eius admirabimur, & quoniam non personam, sed rem respicit, laudabimus. Quemadmodum igitur editorem munerum, atque certaminis principem haud dicemus coronam donare non posse, sed nolle luctationis transgredi leges, & iustitiæ ordinem conturbare: sic utique Christum id dixisse affirmamus. Perpulchrè Euthymius: Et quomodo, qui omnipotens est, ad hanc sedem dandam redditur impotens? Quod dixit, Non est; non impotentia est, sed iustitiæ: nam, quia gratis sibi dari primatum petunt, Non est, inquit, meum, dare gratis primatum, siue primam sedem: (id siquidem significat dare) iustus enim sum, nec personarum acceptor; sed hoc, ait, est illorum quibus paratum est à patre meo; paratum est autem his, qui digni sunt ut hoc consequantur. Non enim sola mihi cæde communicare, primam conciliat sedem, sed primas omnium ferre etiam in cæteris virtutibus: inde autem maximè traduxit illos. A patre autem meo dixit, tum, ut patrem honoraret, tum, ut seipsum demonstraret tanquam idem cum patre potentem: Ego, inquit, & pater vnum sumus.

Notandum tertio: quæ causa sit, quòd, cum in eo errore omnes ferè apostoli versarentur, quòd regnum illud præsens & temporale iudicaret, cur illos ab eo statim non liberet errore? An, cum tria vera, & quasi fundamenta, de illo opinarentur, in vno solo errabant? Illud primum opinabantur, esse aliquod regnum Dei: deinde, Apostolis in illo primum & præcipuum locum deberi: tertio, Christum eius regni principem, distributorem, & arbitrum futurum. In modo tantum errabant, quòd illud in terra quærebant, quod in cælis reconditum fuit. Cum igitur in substantia non errarent, & cum adhuc cælestium essent ignari atque minus capaces: ideo, ne illos perturbet, & in maiorem errorem inducat, parcat illis, condescendit infirmis animis, iuxta illud Isaia: Calamum quassatum non confringet, & linum fumigans non extinguet. An, quòd regnum istud neque planè terrenum, neque planè cæleste esse debuit, sed mixtum, ut aliàs copiosè docuimus. an quòd homines rebus terrenis faciliùs alliciantur & teneantur: non est tamen vlla deceptio deterrere & deijcere spe minori aliquem, ut ad maiora prouehatur.

Notandum quarto: Si ipsius filij non est dare partes Ecclesiasticas, nisi illis quibus paratum est à patre: quantò magis non est regum atque principum, aut plebis, aut mortalis ullius hominis, præter eam regulam, quam ipse hæres præscripsit, bona Ecclesiastica distribuere?

Notandum quinto: Si non licet partes sanctorum dare sanguini, aut cognitioni, aut ulli necessitudini: quantò magis pecuniæ, obsequijs, ambitioni, & reliquis malis artibus?

Notanda sexto sunt mala, quæ magistratus per ambitionem acquisitos consequuntur. Primo, diabolicæ machinæ, & tentationes maiores, quàm in vltimo genere vitæ, teste Clemente Romano. Secundo, quia, quæ fuerunt priuata peccata, & quæ vni soli nocebant, pestes efficiuntur publicæ, teste Nazianzeno. Tercio, quia cum priuata virtute & vitæ innocentia potest aliquis, ob subditorum delicta, damnari: Basilus in Moralibus. Quarto, in morte reddendæ rationis stricta ratio: nam & pro se, & pro subditis: Isidorus De summo bono. Quinto, quia magistratum gerere, est mediatorem esse Dei & hominum; qualem hominem

hominem oportet esse Deo gratissimum. Sextò, quia huic generi hominum non debentur auxilia specialia: sine quibus nihil, nec priuatim, nec publicè, rectè geri potest.

28 **N**otandum septimò: Primatum appetere & diligere, ethnicorum morbum & affectionem esse. Principes gentium dominantur eorum. Vos autem non sic.

29 **N**otandum octauò cum authore Operis imperfecti, Aliud esse opus bonum, aliud primatum honoris: & opus quidem bonum desiderare, bonum est; primatum autem honoris concupiscere, vanitas est. Quoniam bonum opus implere, nostræ voluntatis, & nostri operis est & laboris; propter quod & nostra est merces: primatum autem consequi, iudicij Dei est; propter quod ex primatu honoris, nescio si aliquam mercedem iustitiæ adipisci meremur. Nam desiderium primatus, ex iactantia nascitur cordis: qui autem humilis est corde, & indigniorem se alijs arbitratur, secundum illud præceptum Apostolicum, quod ait: Alter alterum æstimans superiorem se, nunquam desiderat superior apparere: primatus enim fugientem se, desiderat; desiderantem se, fugit.

30 **N**otandum nonò, neminem posse esse participem regni Christi, qui non fuerit crucis & passionis eius particeps: contra quàm docet hæresis. Potestisne, inquit, bibere calicem, quem ego bibiturus sum?

31 **N**otandum decimò: quomodo calicem martyrij filij Zebedæi, Iacobus videlicet & Ioannes, biberint: cum scriptura narret, Iacobum tantum Apostolum ab Herode capite truncatum, Ioannes autem propria morte finierit. Sed, si legamus historias Ecclesiasticas, in quibus fertur, quod & ipse propter martyrium sit missus in feruentis olei dolium, & inde ad suscipiendam coronam Christi athleta prodierit, statimque relegatus in Pathmos insulam sit, videbimus martyrio animum non defuisse, & bibisse Ioannem calicem confessionis, quem & tres pueri in camino biberunt, licet persecutor non fuderit sanguinem.

32 **N**otandum vndecimò: Christi regnum non esse de hoc mundo: hoc est, non sequi viam mundi. Nam principes gentium dominantur eorum. Regnum autem Christi non est sic, sed qui est maior, sit tanquam qui ministrat.

33 **N**otandum duodecimò: non ideò maioris & minoris, superioris & inferioris, præpositi & subiecti non esse differentiam, vt hæretici arbitrantur, quia principes gentium dominantur eorum; cum vel ex hoc loco colligatur, in Ecclesia Dei alios maiores, minores alios futuros: Qui, inquit, inter vos est maior, sit tanquam qui ministrat: sed hoc tantum doceri, eum qui maior est, dominatū sibi accipere non debere; sed potius munus quoddam ministerij exequi, vocationem expectare debere, ac in quæsito magistratu moderatissimè sese gerere.

34 **N**otandum tredecimò: notare Origenem hoc loco, superbiam & fastum sacerdotum veteris Ecclesiæ. Nos autem, inquit, siue non intelligentes voluntatem diuinam, positam in scripturis, siue contemnentes talem commendationem Christi, tales sumus, vt etiam malorum principum mundi excedere superbiam videamur: & non solum quærimus sicut reges acies præcedentes, & terribiles nos, & accessu difficiles, maximè pauperibus exhibemus, & tales sumus ad

eos, qui nos interpellant, ut propter aliquid deprecentur: sicut nec tyranni, & crudeliores principibus mundialibus ad subiectos. Et est videre in quibusdam ecclesijs, & præcipue ciuitatum maximarum, principes populi Christiani, nullam affabilitatem habentes, vel habere ad se permittentes. Episcopi autem quidam crudeliter comminantur, aliquando quidem occasione peccati, aliquando autem contemnentes pauperum curam, cum sit scriptum: Quantum magnus es, tantum humilia te, & inuenies gratiam coram Domino. Hæc autem diximus, volentes ostendere, quod Ecclesiarum principes, principum mundialium imitatores esse non debent: sed imitari debent Christum accessibilem, & mulieribus loquentem, & pueris manus imponentem, & discipulis suis pedes lauantes atque tergentem, exemplum eis dantem, ut & ipsi similiter faciant fratribus suis. Forsitan autem, & quoniam Dominus constitutus seruiebat pro salute hominum generi nostro, propterea dicitur formam serui suscepisse, & humiliasse se usque ad mortem; propter quod & Dominus eum superexaltauit. Qui vult ergo exaltari, similia faciat, ut exaltetur per ea: sicut filius hominis non venit ministrari, sed ministrare.

Quartodecimò notandum: falsò ex hoc loco, ubi Christus dicit, se animam suam ponere pro multis, scribere Caluinum: Quidquid de putidis suis satisfactionibus garriunt Papistæ. Porro, cum nos sibi morte sua in peculium acquisierit Christus, adeò immensæ eius gloriæ nihil derogat hæc, de qua loquitur submissio, ut eam maximè illustret: nam hoc non iactationis aut desidiæ causa proponitur à Christo, sed exempli, unde non dicit, Pro omnibus, sed Pro multis, qui imitati & secuti fuerint: Qui vult venire post me, abneget semetipsum, &c.

*SERIES
Euangelii.*

Exclusa & depulsa oculorum mentis caligine, quam ambitio in manus discipulorum induxerat, (parum enim quidam ex his qui foris sunt, interesse dicebat, utrum quis vino, an ambitione ebrius sit) ad curandum eam, quæ oculorum est, cecitas, sese refert. Egrediētib. enim illis ab Iericho, sequebatur Iesum turba multa. Testimonium studiosi agricolæ est, messis foecunda, assidui autem doctoris documentum: ecclesia plena: negotiatoris prosperata felicitas, apotheca multiplex. Quis autem non desideret Dominum, aut quis non sequatur eum, quem etiam duo cæci, antequam corporaliter viderent, spiritualiter aspexerunt; & antequam audirent, crediderunt? Nimirum hæc est illa rosa in campis Iericho, de qua sapientia loquitur per Salomonem: Sicut palma exaltata sum in Cades, & sicut plantatio rosæ in Iericho. Ergo hæc est illa speciosissima rosa, sanctitate iustitiæ candida, & passionis sanguine rubicunda. Sicut enim rosa, antequam videatur, sentitur: & antequam inueniatur, tenetur in odoribus suis: sic & Dominum transeuntem de longè, duo cæci, antequam viderant, diuinitatis eius fragrantiam senserunt. Ecce, inquit, duo viri cæci sedentes secus viam, ubi audierunt quia Iesus transibat, clamauerunt: Domine, miserere nostri, fili David. Marcus vnum solum, quasi principalem cæcum fuisse dicit, Timæi filium, Bartimæum: alterum autem obscurum quendam illi ministrantem, & eum deducentem. O tenebræ omni lumine clariore! inquit Chrysostomus: ô acutissimus cecitatis aspectus! Putas quanti homines sani, & iuxta Iesum, qui via est, ambulantes, hominem illum putabant: & duo cæci, & longè sedentes, Deum prospexerunt. Turba autem increpabat eos, ut tacerent. Increpabant, inquit Hilarius, non quod

non quòd silentium causa honoris exigent: sed acerbè à cœcis audiunt, quòd ipsi negarent Dominum esse Dauid filium. At illi magis clamabant, dicentes: Domine, miserere nostri, fili Dauid. Stat Iesus: quid sibi velint, interrogat. Multæ foueæ erant in Iericho; multæ rupes, & prærupta in profundum vergentia: idcirco Dominus stat, vt venire possint, & vocari iubet, ne turbæ prohibeant, ac interrogat quid velint. Quid vultis, inquit, vt faciam vobis? O Domine, quid interrogas, quod ipse oculis vides? Infirmetas clamat, & vt quid vocem perquiris? Non quæro propter passionem, sed propter fidem: non cupio audire quid dolent, sed volo cognoscere quid de me sentiunt: Tu Domine occultorum es cognitor, & nescis quid de te sentiunt? Etiam scio: sed volo vt procedant ad medium populi, & cunctis audientibus dicant quid velint: & dum cœci me Dei filium confitentur, confundantur videntes, qui me hominem tantum putant. Dominum me vocant, & verum dicunt: sed dum filium Dauid dicunt, dissipant quod benè confessi sunt. Nam abusiue & homines domini dicuntur: verè autem nemo Dominus est, nisi Deus. Si ergo dicunt, Domine fili Dauid, abusiue, secundum hominem, me honorant: si autem solummodo dominum, secundum deitatis diuinitatem me confitentur. Misertus illorum, tangit oculos eorum, & confestim respiciunt, & sequuntur eum. Tangit oculos, & præstat artifex, quod natura non dederat: aut certè, quod debilitas tulerat, donat misericordia: statimque viderunt, & secuti sunt eum. Qui ante in Iericho contracti sedebant, & clamare tantum nouerant; postea sequuntur Iesum, non tam pedibus, quam virtutibus. Quid autem mysticè per hos cœcos veteres intellexerint, pulchrè simul & breuiter explicat Hieronymus: Duo, inquit, cœci erant iuxta viam; Cœcos appellat, qui necdum dicere poterant, In lumine tuo videbimus lumen. secus viam: quia videbantur quidem legis habere notitiam, sed viam, quæ Christus est, ignorabant: quos plerique Phariseos intelligunt & Saducæos, alij verò vtrumque populum, & veteris testamenti & noui: quòd alter scriptam legem, alter naturalem sequens, sine Christo cœcus erat. Hi, quia per se audire non poterant, audierunt præconia Saluatoris: & confessi sunt filium Dauid. Sin autem vterque cœcus refertur ad populum Iudæorum, hoc quod sequitur, Increpabat eos turba, super ethnicis intelligendum est: quos Apostolus monet, ne gloriantur & superbiant contra radicem suam: sed cum ipsi inserti fuerint ex oleastro in bonam oliuam, nequaquam debeant inuidere priorum salutis. Miserere nostri fili Dauid: Increpantur à turbis, & nihilominus tacent, sed crebrius idipsum ingeminant, vt desiderium plenum veræ lucis ostendant.

37 **N**Otandum primò: Christum Dominum nullo loco, nullo tempore, cuiquam generi hominum defuisse: nam Iericho multos latrones & prædones habebat, qui egredientes, vt testis est Hieronymus, & descendentes de Ierusalem, interficere & vulnerare consueuerant: idcirco venit Iericho Dominus, vt liberaret vulneratos, & cœcos illuminaret.

38 **N**Otandum secundò: Cælestem patrem, ac vnigenitum eius filium, nulli, in simplicitate & veritate se inuocanti, deesse: turbas, quæ nos impediunt, hoc est, tentationes & cupiditates mundi huius, & reliqua scandala, contemnenda esse, illis resistendum, oppositumque magis vrgendum Increpanti, tumultui cogitationum, curarumque carnalium, inquit Beda venerabilis, nostro spiritali studio at-

que oratione resistendum est; quem firma animi constantia oportet superare, ne impediatur clamore suo doctrinam Christi.

Notandum tertio: omnes partes corporis Christi, propter hypostaticam vnionem, diuina virtute pręditas fuisse, omnemq; languorem curandi, vim habuisse: quod in cęcis istis apparet. Tetigit, inquit Euangelista, oculos eorum, & continuo viderunt. 39

Notandum quarto: qui à Christo illuminantur, illos Christum sequi debere, & non amplius mundo adhærere: quod nunc cęcos facere videmus. 40

Notandum quinto: in his cęcis formam & signum gentilis populi fuisse. Obiter isti curati sunt, & illi eodẽ modo curati: per auditũ isti Christũ cognoscũt, 41 & illi per auditum cognouerunt: arcent istos turbę à Christo, arcebant Iudęi, & tyranni ac persecutores, suos subditos: confessi sunt isti Christum & secuti, idem gentiles fecerunt.

Notandum sexto: vulgare fuisse in Israhel, Messiam pro filio Dauid haberi, 42 quod isti cęci vident: Nestorius, & multi, hoc seculo, hęretici, non vident: vt impleatur scriptura, quod à Domino dictum est: In iudiciũ mundi huius veni, vt, qui vident, non videant, cęci verò respiciant.

Notandum vltimo: quod transiens Iesus audit, stans illuminat: quia per humanitatem misertus; per verbi æternitatem, quę non morietur, lumen reddit. 43

QVAESTIO D. AVGVSTINI PRIMA. Quod Dominus seorsum se duob. discipulis passurum refert, ad confirmandum in posterum testimonium fecit: 44 quia dixit, In ore duorum vel trium testium, stabit omne verbum. Vt enim neq; vulgaretur quod dicebat, neque careret humani testimonij firmitate, paucioribus, quàm duobus, dicere non potuit, vel ad sacramentum charitatis ostendendum: minùs enim, quàm inter duos, charitas esse non potest. Erat autem ille, non necessitate debiti propter peccatum suum, sed ad soluenda nostra peccata, charitate passurus. **SECUNDA.** Ab Iericho egreditur Dominus: iam de ista terra resurrectione discedens. Sequuntur eum turbę multę, credũt in eum populi & gentes. Duo autem cęci sedentes iuxta viam, significant de vtroq; populo quosdam, iam cohærentes per fidem dispensationi temporali, secundum quam Christus via est, & desiderantes illuminari, id est, aliquid de verbi æternitate intelligere, quod, transeunte Iesu, impetrare cupiebant, id est, per meritum fidei, qua creditur filius Dei & natus homo propter nos, & passus: per hanc enim dispensationem quasi transit Iesus: quia talis actio quasi temporalis est. Oportebat autem, vt tantum clamarent, donec resistentis sibi turbę strepitũ vincerent: id est, tam perseueranter animum intenderent orando atque pulsando, quousque consuetudinem desideriorum carnalium, quę tanquam turba obstrepit cogitationi, lucem veritatis æternę videre conanti; vel ipsam hominum carnalium turbam, studia spiritualia impediẽtem, fortissima intentione superarent. Itaq; audiens Iesus, qui ait, Petenti dabitur, & quærens inueniet, & pulsanti aperiatur, venientes ad seipsos, scilicet desiderij ardore peruenientes ad id quod desiderant, stans eos tangit atque illuminat. Non enim, sicut illa dispensatio temporalis, ita etiam verbi æternitas transit, quę, in seipsa manens, omnia inno-

39
40
41
42
43
44
omnia innouat. Quapropter, quia fides incarnationis temporalis, ad æterna intelligenda nos præparat, transeunte Iesu admoniti sunt, ut illuminarentur, & astante illuminati sunt. Temporalia enim transeunt, æterna stant.

Caput XXI.



IN CAPITE XXI. GLORIOSVS ET TRIUMPHALIS Christi Domini in urbem ingressus continetur: euentes & vendentes de templo eijciuntur: colentium se puerorum studium defenditur: ficui sterili & fructu vacuæ maledicitur: cum Phariseis disputat Dominus: eorumque ingratitude & malitiam aliquot refutat parabolis. Egreditur itaque de Iericho, turbis eductis inde quàm plurimis, & cæcis reddita sanitate, appropinquat Hierosolymis, magnis ditatus mercibus, salute credentium reddita, ingredi cupit urbem pacis, & locum visionis Dei, & arcem speculatorij. Frequenter ingressus est urbem Ierusalem, sed non cum his laudibus: non Rex vocatus, quod semper fugerat, nisi modò cum ascendit passurus. Quod ideo factum est, ut ampliùs illorum aduersum se excitaret inuidiã, quia iam tempus passionis instabat. Venit igitur Bethphage ad montem oliueti, qui sacerdotum viculus erat, & erat situs in monte oliueti. Quia, licet sacerdotes non haberent hæreditates ex prima terræ fortitione; habebant tamen vrbes ad habitandum, & suburbana ad alenda iumenta, ex secunda assignatione Domini. Mittit duos discipulos, & dicit eis: Ite in castellum quod contra vos est, & statim inuenietis asinam, & pullum alligatum cum ea, soluete & adducite mihi, & si quis vobis aliquid dixerit, dicite quòd Dominus his opus habet, & confestim dimittet vobis: ut ostendat se esse Dominum vniuersorum, & per eum omnes alios rerum suarum dominos esse. Nemo enim, inquit Origenes, alius dominus illorum erat, qui ligati sunt, nisi ille de quo ait Apostolus: Nobis autem vnus Dominus IESVS CHRISTVS, per quem omnia. Quidam dicunt hos duos esse, Petrum & Philippum, qui primùm gentiles ad Christum adduxerunt: Philippus Samariam, quam asinam interpretantur: Petrus Cornelium, quasi Samariæ pullum. Duo autem mittuntur ad soluendum, teste Theophylacto: D. quidem Paulus ad gentes, D. autem Petrus ad circumcisionem, hoc est, Iudæos. Sed & nunc duo semper mittuntur: Euangelium, & Pauli scripta: Petrus solet sequi, maioris humilitatis causa. Istam asinam dicit Lyranus communem fuisse pauperibus, non habentibus animalia, & qui operabantur in ea, dabant sibi pabulum, & facto opere, reducebant ad locum determinatum, ut alius indigens posset accipere eam, & pullus eius nutriebatur cum ea pro consimili opere. Ite in castellum, inquit, quod contra vos est, & statim inuenietis asinam alligatam, & pullum cum ea, soluete & adducite mihi: & si quis vobis aliquid dixerit, dicite quia Dominus his opus habet, & confestim dimittet eos. Hoc autem totum factum est, ut adimpleretur quod dictum est per prophetam, dicentem: Dicite filiæ Sion, Ecce rex tuus venit tibi mansuetus: sedens super asinam, & pullum, filium subiugalis. Confirmat totam causam testimonio prophetæ. Expendit eam prophetiam Hieronymus: Aut, inquit, Dominus insedit asinæ, & pullus absque sessore fuit: aut, si pullo (quod magis competit) usus est ad sedendum, asina ducta est libera. Ergo, cum historia vel impos-

sibilitatem habeat, vel turpitudinem, ad altiora transmittitur: ut asina ista, quæ subiugalis fuit, & edomita iugum legis traxerat, synagoga intelligatur: Pullus asinæ lasciuus & liber, gentium populus, quibus federit Iesus, missis ad eos discipulis suis duobus, uno in circumcisionem, & altero in gentes. Ecce rex tuus venit tibi mansuetus, ascendens super iugalem, & pullum nouum: non currus, inquit Chrysostomus, ut cæteri reges, agens: non vectigalia exigens: non elatus tumore: nec satellitibus constipatus; sed magnam vndiq; monstrans humilitatem. Interrogetur ergo Iudæus, quisnam regum asina vectus Hierosolymam intrauerit; neminem profectò præter Christum dicere possunt. Faciunt apostoli quod iubet: adducunt asinam & pullum eius: vestimenta sua imponunt super eam. O eximiam in magistrum charitatem. Vestis, inquit Beda, Apostolica, vel doctrina virtutum, vel discretio scripturarum, vel Ecclesiasticorum dogmatum varietas intelligi potest: quibus, nisi anima instructa fuerit & ornata, sessorem Deum habere non meretur. Quia sancti martyres, propriè se carnis amictu exuentes, simplicioribus Dei famulis viam suo sanguine parant, ut videlicet inoffenso gressu mentis, ad supernæ moenia ciuitatis, quò Iesus ducit, incedant. Turbæ autem summum honorem illi facientes, tanquam Deo & Messias suo; sternebant vestimenta sua in via, ne iumentum allideretur, & ramos de arboribus sternebant, ut viam complerent. Ut triumphum designantes Apostoli, vestimenta sua super asinam ponunt: turba, quæ vilior est, substernit pedibus asinæ, ne cubi offendant ad lapidem, ne calcet spinam, ne labatur in foueam. Nam in Legge veteri erat hoc usu & consuetudine à populo Israël receptum, ut rege vncto festinaret vnusquisque, tollensq; palliū suum, poneret sub pedibus regis in similitudinem tribunalis. Frondes sternebant in via, ut praua recta facerent, & æquarent inæqualia: quò rectius atq; securius, in corde credentium, Christus daemonum atque vitiorum victor incederet. Ramos etiam de arboribus cadunt, qui in doctrina veritatis sententias Patrum excerpunt, & eas in via Dei ad auditoris animum venientes, humili prædicatione summittunt. Multi sternunt vestimenta sua in via, quando corpora sua edomant, ut ei iter ad mentem parēt, vel exempla bona sequentibus præbeant. Turbæ autem quæ præcedebant, veterem illum prophetarum & patriarcharum chorum designantes: & quæ sequebantur, futuros declarantes fideles Apostolos, martyres, & doctores: clamabant, Osanna in excelsis: Benedictus qui venit in nomine Domini: Osanna in altissimis. Et hi, licet diuersis quidem temporibus fuerint; tamen in omnibus vnus exultationis spiritus fuit. Itaque illi quidem, prophetantes de Christo venturo, clamauerunt, Benedictus qui venit in nomine Domini: hi autem, laudantes clamāt de aduentu Christi iam impleto: Osanna filio David, Adueniens autem dicitur Christus pro Expectatus: vel, quem secundo aduentu in dies expectamus. Osanna filio David, quid significet, docet Hieronymus. Ante omnes, inquit, plurima, in breui epistola ad Damasum tunc Romanæ vrbs Episcopum, me dixisse memini, & nunc perstringam breuiter. In centesimo decimo septimo Psalmo, qui manifestè de aduentu Saluatoris scriptus est, inter cætera hoc quoque legimus: Lapidem quem reprobauerunt ædificantes, hic factus est in caput anguli: A Domino factum est istud, & est mirabile in oculis nostris. Hæc dies quam fecit Dominus: exultemus & lætemur in ea. Statimque iungitur: O Domine, saluum me fac: ô Domine benè prosperare: Benedictus qui venit in nomine Domini: benediximus vobis de domo Domini.

mo Domini, &c. Pro eo quod habetur in Septuaginta interpretibus: *ὦ κύριε σὺ σὺ*
σοὺ id est, O Domine saluum me fac: in Hebræo legimus, *Ana Ieue, eusloe na.*
 quod manifestius interpretatus est Symmachus, dicens: Obsecro Domine. De-
 inde David filium nuncupant, in quo agnoscunt regni æterni æternitatem.
 In excelsis: quia aduentus Christi non tantum hominum, sed totius mundi sa-
 lus est, terrena coniungens cælestibus, ut in nomine IESU omne genu flectatur,
 cælestium, terrestrium, & infernorum. Quam dispares post aliquot dies au-
 ditæ sunt voces: Tolle, tolle, crucifige eum. Hæc mundi est constantia. Re-
 liquæ partes acclamationum apud alios sunt legendæ Euangelistas, ut & de
 palmarum gestatione apud Ioannem. Fuit autem hoc symbolum rerum læ-
 tissimarum, & earum, quæ ad futurum Messias aduentum pertinebant. Quale
 est illud præceptum de festo tabernaculorum: Sumetis die primo fru- *Leuit. 23.*
 ctus arboris pulcherrimæ, spatulasq; palmarum, & ramos ligni densarum fron-
 dium, & salices de torrente, & lætabimini coram Domino Deo vestro. Et a- *2. Esd. 8.*
 lio loco: Egredimini in montem, & afferte frondes oliuarum, & frondes ligni
 pulcherrimi, frondes myrti, & ramos palmarum, & frondes ligni nemorosi, ut fi-
 ant tabernacula, sicut scriptum est. Et 2. Machab. 10. Thyrsos & ramos viri-
 des, & palmas præferabant ei, qui prosperavit mundare locum suum. Dum au-
 tem ingressus est templum, commota est vrbs vniuersa, dicens: Quis est iste?
 Turbæ autem dicebant: Hic est propheta ille à Moyse prædictus, cuius aduen-
 tus iam imminet, & quem in expectatione habemus.

2 Notandum primò: Magni regis triumphum hunc esse: quo de morte, pecca-
 to, & diabolo deuicto, magnificè triumphauit. Et olim quidem reges, non nisi
 confecto prælio, & victoria parta, triumphabant: (homines enim erant: scie-
 bant incertum esse exitum belli, neque certi erant de euentu rei.) At hic Rex
 cæli, in cuius potenti manu sunt fines terræ, certus erat ante secula de euentu
 suæ victoriæ, certus de hostis profligatione: ideo ante victoriam triumphum
 ducit. Credibile est autem angelos ipsos victoriæ illi interfuisse, atq; glorio-
 sum triumphum deduxisse.

3 Notandum secundò: Cur in Ierusalem venerit, & cur asinæ infederit.
 Quemadmodum enim asinus fert onera, & vestes viatorum: ita Rex Messias *Isa. 23.*
 totius orbis onera in humeris suis portauit: iuxta illud: Et Deus obuiare fecit
 in eo peccatum omnium nostrum. Hæc omnia eisdem modis, ut per prophe-
 tam enarratum est, Dominus Iesus Christus compleuit; ut, quemadmodum non
 coactus, sed spontè voluit sacrificari: sic etiam ad locum sacrificij, urbem scili-
 cet Hierosolymitanam ingressus; ut in ciuitate, & in die illo, quo mysticus agnus
 immolabatur, verus etiam immolaretur: & ubi toties iam fuerant antea occisi
 propheta, ibi quoque prophetarum Dominus occideretur: atque, ut, ubi pau-
 lò ante tanto cum honore acceptus erat, ibidem condemnaretur, & crucifige-
 retur: ut eius passio tantò esset ignominiosior, quanto locus erat magis publi-
 cus, & dies solènnior: hanc obcausam, qui villam Bethlehem locum elegerat
 natiuitati, nunc ciuitatem Ierusalem eligit locum sacrificio: ut gloria natiuitatis
 absconderetur in abiecto oppidulo Bethlehem, ignominia verò passionis in vr-
 be Hierosolymitana magis diulgaretur. Quemadmodum autem triumphato-
 res conscendunt currus triumphales, ut melius ab hominibus conspiciantur

& colantur: ita iste rex cæli conscendit asinum, & pullum eius, ad calcandum omnem fastum tumoris humani. Mirabile sanè spectaculum. Deus ultionis, qui sedet super Cherubim, qui ambulat super pennas ventorū, cui millia milliū ministrāt angelorum, & decies millies centena millia assunt; hic idem inde venit mansuetus & humilis, qualis nobis hīc offertur, ut non fugias eum, sicut olim Adam in paradiso terrestri, & populus Iudaicus cū lex daretur; sed ut appropinques illi, teque illi iungas, videns eum ex leone in agnum conuersum.

Notandum tertio: Vnde tandem adfuit ad rem præsentem, vel hæc effusio 4
turbæ, vel puerorum tanta manus? unde rami, flores, palmæ? Duplicem eius rei occasionem assignant docti: vel fama miraculorum & doctrina tanti doctoris permotas turbas: eo ipso tempore, quo in aduentum Messia omnes planè erant effusi, in horasque illum expectabant: vel ex antiquo & solenni diei ritu, Deo ita ordinante & providente. Decima hæc dies fuit primi mensis, in qua ex lege & traditione apportabantur in urbem agni, qui quartadecima luna offerri debebant: ut medio hoc tempore examinarentur & probarerentur, num digna & munda futuri essent hostia. Moris autem fuit, ut eadem die, qua agni adferebantur, vniuersa turba cum omni splendido ornatu, cum floribus & palmis, ad excipiendum tam gratam victimam Domino, pueri vel imprimis ad omnes panegyres obeundas planè effusi progredierentur. Quod & tunc accidisse Dei ordinatione, probabile est, qui & volūtatib. nostris pro libitu suo abutitur: ut, dum ad umbratilem agnum accipiendum exeunt, verum illum, & per tot secula exoptatum agnum, ferentem peccata mundi, hostiam in odorem suauitatis acciperent, ac solita pompa ac solennitate in urbem inducerent. Venit autem in forma non increpantis, ut fugias & abscondas te tanquam Adam: non in rubo ardenti, ne verearis accedere tanquam Moses: non in nube, aut in columna ignis, à cuius facie mota est terra, à facie Dei Iacob: non in fulgure & tonitru, ut legem daturus in monte Sinai: non in voce tubæ, ad quam resurgent mortui, & ibunt, qui bona egerunt, in vitam æternam: sed venit pauper & mansuetus, super asinam & pullum eius: & cū hactenus cor tuum non dissecuerit vi suæ potentiæ, vel magnitudine suæ maiestatis; nunc illud expugnare vult & superare magnitudine suæ humilitatis, & amoris sui fortitudine: & qui quondam pugnabat aduersus mundum rigore, diluuiio, ferro, igne, cædibus, terrorib. & minis, nec vnquam homines ad deditionem compellere potuit, nunc noui belli genus elegit, procedens non suppliciis, sed beneficiis: non rigore, sed amore: non ira, sed beneuolentia: non maiestate, sed humilitate. Accedite igitur ad eum, & illuminamini, & facies vestra non confundentur. Venite ad illum omnes qui laboratis & onusti estis, & ipse reficiet vos. Discite ab illo: quia mitis est, & humilis corde. Cum ramis oliuarum: hoc est, & pietatis, & misericordiæ: cum floribus virtutum: cum palmis fortitudinis & inuicti animi occurramus redemptori Domino.

Notandum quarto: Ab Origene præcedentes Iesum, dici, qui ante aduentum Christi fuerunt sancti prophetae, & cæteri iusti: sequentes autem, qui fuerunt post aduentum ipsius, Apostoli, cæteri que fideles, qui secuti sunt verbum Dei. Tamen non aliud dicebant qui præcedebant, aliud autem qui sequebantur: sed omnes clamabant insimul consona voce, humanam quidem Christi dispensatio- 5

dispensationem laudantes in eo quod dicebant: Osanna filio Dauid: Benedictus qui venit in nomine Domini: restitutionem autem eius in sancta, in eo, quod dicebant; Osanna in excelsis.

6 **N**Otandum quintò: Quoniam hic talis actus apud mundum, qui ex facie iudicare solet, ridiculum quid videri potuit: ideo Euangelista adfert testimonium prophetæ: in quo longè ante propheta hoc totum drama non prædixit tantum, sed veluti in tabella depinxit: Exulta satis filia Sion: iubila filia Ierusalem: Ecce rex tuus venit tibi iustus & Saluator: ipse pauper, & ascendens super asinam, & super pullum, filium asinæ. Tuus, inquit, rex, & tibi venit: ac si diceret, Regem hunc fore totum tuum, omnesq; labores & molestias eius fore in tuum usum. Tibi venit: tibi nascitur: tibi laborat: tibi ieiunat: tibi orat: tibi viuit: tibi moritur: tibi denique resuscitatur, & in cælos ascendit. Nec offendat te nomen regis: quia rex iste non est sicut alij reges huius seculi, qui potius sibi regnant, & suæ student utilitati, quàm subditorum: hos depauperantes, ut alios ditent, & vitam eorum exponentes periculo, ut suam conseruent. Hic notus rex non isto modo dominabitur: ipse namque suo dispendio te ditabit, & suo sanguine redimet: vitam tibi dabit, vitam propriam pro te ponens. Hoc enim est quod ipse dicit apud Ioannem, sibi datam potestatem super omnem carnem, ut omnibus suis daret vitam æternam. Hic est ille principatus, de quo loquitur propheta: Et factus est principatus super humerum eius, & non super humeros populi, ut labor & onus illius sit, fructus verò & utilitas nostra.

7 **N**Otandum sextò: hunc eundem Zachariæ locum Talmudistas similiter veteres, atque antiquam traditionem, ad Christi Domini paupertatem & humilitatem referre, ac de illis interpretari. Rabbi igitur Salomō sic in primis inquit: Non potest hoc exponi, nisi de rege Messia: quia dictum est hic: Et dominium eius à mari usque ad mare, & à flumine usque ad terminos orbis terrarum. Et, Non inueniemus talem dominatorem in domo secunda: hoc est, tempore secundi templi fuisse. Ex quibus aperte liquet, regnum Messia spiritualiter intelligendum esse: cum regnum temporale, & paupertas simul esse non possint. Ad hoc etiam facit, quod Rabbi Salomon Adarfan, in expositione Genesis, super illud 49. cap. eiusdem libri dictum: Ligans ad vitem pullum suum: sic dicit: Cum venerit Messias in Ierusalem, ipse erit cingens asinum suum, & equitabit, & super eum veniet in Ierusalem, ut ducat seipsum in paupertate, vel humilitate: sicut scriptum est Zach. 9. cap. Pauper & humilis, equitans super asinum vel asinam. Sequitur in lib. Genes. ibidem: Et ad palmitem, fili mi, asinam tuam. Quando enim veniet ad congregandum Israël: sicut dictum est Zach. 10. Sibilabo eis, & congregabo eos: quia redemi eos. tunc equitabit super filium asinæ suæ. Et sic dicit Zach. 9. cap. Et super pullum, filium asinæ. Hæc traditio. Item in Beresit Rabba super illud Genes. 49. cap. scriptum: Non recedet sceptrum de Iuda, cum cæteris ita legitur: Non recedet sceptrum. Hic est rex Messias, filius Dauid, qui venturus est ad confringendum regna in virga, vel cum virga: sicut dictum est Psal. 2. Confringes eos in virga, vel virga, & tanquam vas figuli projicies eos. Sequitur & scriba vel contritor de medio pedum eius. Hic est etiam rex Messias, qui venturus est ad conterendum gentes pedibus suis: quemadmodum dictum est Isaia 26. cap. Conculcabit e-

am pes

am pes, pes pauperis. Iste enim pauper est Messias, de quo dictum est Zach. 9. cap: Pauper, & equitans super asinam. Hucusque traditio.

Notandum septimò: Multis quidem modis filium Dei paupertatem suam in hoc mundo declarasse: primùm, dū in præsepio nascitur: deinde, dū ubi reclinet caput non habet: dum censum exiguum vnde soluat non inuenit, aut vnde pauperum discipulorum esuriem satiet; nunquam tamen illustrius aut ea humilitas, aut ea pauperies sese commendauit. Habet enim hæc ipsa inuectio multas humilitatis & paupertatis partes. Primùm: vile admodum iumentum; neque id solum, sed quod, more rustico, sequebatur aliud: deinde, iumentum non suum, sed alienum: tertio, non alicuius cogniti aut perspecti amici, sed quod fors tum fortè obtulerat, iumentum vagum potius & desertum, quàm curatum: quarto, nullæ sellæ, ephippia nulla, ornamenta nulla: quinto, vestimenta alteri longè rei comparata, quàm vestiendis iumentis. & portandis hominibus: istaq; vestimenta discipulorum, quos ipsos seminudos demùm sequi oportuit, vt hæc tanta humilitas & paupertas, mundi fastum & opes calcet & condemnet. Quis est igitur iste rex gloriæ? Dominus virtutum, ipse est rex gloriæ. Quantus est ergo iste rex gloriæ, cui throni & dominationes occurrunt!

Notandum octauò: Vt summam paupertatem & humilitatem Saluatoris nostri hic ipse actus declarat: ita simul diuinam eius virtutem & maiestatem. Primùm: quod æquè præsentia & absentia nouit: quod ex hoc loco colligitur: Ite, inquit, & inuenietis asinam alligatam, & pullum cum ea. Deinde, quod futuras etiam hominum voluntates & inclinationes perspectas habet: Et confestim dimittet ea. Demùm, quod cuncta imperio & dominatui suo subiecta esse demonstrat. Magna hæc sunt: sed illa maiora, quod eum turba, & puerorum multitudo, verum ac per omnia æqualem patri Deum esse agnoscit. Laus enim hæc, Osanna in excelsis, est sumpta ex Psal: 117. qui in ipsius solius Dei honorem semper in templo canebatur: O Domine, saluum me fac: ô Domine, benè prosperare: Benedictus qui venit in nomine Domini, Deus Dominus, & illuxit nobis. Vnde notandum contra recentes Iudæos, atque adeò Arianos, maiorem partem hominum tum in ea opinione fuisse, quod rex Messias Deus futurus esset: neque enim vnquam illi eam laudem, quæ Dei est, tribuissent: O Domine benè prosperare: quam & ipse Zacharias ostendit, Et loquetur pacem gentibus, & potestas eius à mari vsque ad mare, & à fluminibus vsq. ad terminos orbis terrarum.

Notanda est nonò hoc loco Caluini impudentia: qui receptissimam Patrum interpretationem asini & pulli deridet, interpretationem quæ propemodum ab ipsis profluxit Apostolis. Iuuat ipsum audire. Nihilo etiam est aptior allegoria, quam nonnulli in asina & pullo excudunt: Asinam populi Iudaici figuram esse volunt; qui pridem subactus, & iugo legis assuetus erat. Gentiles autem repræsentari per pullum, qui expers sessoris fuerat. Christum ergo asinæ primùm insedis, qui à Iudæis incipere debuit, postea transisse ad pullum, quia gentibus quoque secundo loco præfectus erat. Et Matthæus quidem videtur vtramque equitationem notare: sed cum frequentes synecdochæ in scripturis

pturis occurrant, nihil mirum, si pro vno duo nominet. Cæterum ex aliis Euangelistis liquidò constat, Christum non nisi pullo vsum esse. Et dubitationem eximit Zacharias, qui pro familiari linguæ Hebraicæ vfu, rem tandem bis repetit. Atqui, homo impudens, hæc ipsa interpretatio est Iustini martyris & philosophi, Apostolorum temporibus vicinissimi, quam postea Hieronymus, & ferè omnes Patres secuti sunt. Iuuat Iustinum ipsum audire: Quod autem etiam asinam iugalem vnà cum suo pullo spiritus propheticus, ac patriarcha Iacob in bonis eius recensent, atque ipse, vt dixi, discipulis suis imperat animal vtrumque adducere, prænuñciabantur etiam à vestra synagoga quidam credituri in eum vnà cum gentibus. Quemadmodum enim gentes significabat pullus indomitus; sic asina clitellata vestrum populum: gestatis enim legem à prophetis impositam.

II Notandum decimò: Præter hæc omnia maximum nobis hîc dari argumentum mundi inconstantia: commodamque offerri occasionem mundum fugiendi, eiusque gloriam contemnendi, quæ & vanissima est, & suos amatores tandem in extrema adducit pericula. Vis autem videre, quanti faciendus est honor ille, & illa gloria: intueri hoc loco honorem, quem mundus exhibet Domino, & videbis, eundem mundum, qui illum recepit tanta cum pompa, post quinque dies eum Barraba peiorem censere, & magnis clamoribus ad mortem petere clamando & vociferando, Crucifige, crucifige. Qui itaque hodie extollebat illum, & laudabat tanquam filium Dauid, hoc est, tanquam sanctum sanctorum, cras omnium hominum pessimum, vitamque vel ipso Barraba indigniorem iudicabat. Dic sodes, ecquod exemplum habere posses manifestius ad intelligendum quid sit gloria: & quo loco habendum sit testimonium & iudicium hominum? Ecquid leuius, coecius, infidelius, inconstantius, quàm iudicium & testimoniũ mundi? hodie ait, cras negat: hodie laudat, cras vituperat: hodie leuiter extollit super nubes, & cras maiori cum leuitate vsque ad abyssum deiecit: hodie dicit, Osanna filio Dauid, cras Barraba iudicat magis sceleratum. Tale est iudicium huius beluæ multorum capitum, fallacis huius monstri, in quo nec fidelitas vlla est, nec veritas: quod nec hominum vitæ parcat, nec animæ, nec fortunis, nisi ob commodum proprium: sicut nec aliquem honorat, nisi vtilitas quædam inde ad se deriuetur. Nulli bonus est mundus, nisi huic, qui prodigus est erga ipsum, etiamsi ille paganus sit & ethnicus: & nulli malus: nisi à quo secundum merita sua tractatur, etiamsi is miracula faciat: non enim alia mensura virtutem metitur, quàm proprio commodo. Sed de illius fallaciis & imposturis quid dicam? Cui vnquam fidem datam seruauit? cui vnquam quod promissit dedit? quocumque diu amicitiam coluit? quæ diu, eo quod dederat, vti permisit? cui vnquam vinum vendidit, quod non esset aqua dilutum, & mille mixturis vitiatum? In eo tantum constans & fidelis, quod nulli fidelis est. Mundus perfidus ille Iudas est, qui osculo suo amicum prodit, & occidendum tradit. Mundus est infidelis ille Ioab, qui benignè amplectitur amicum, quem salutat in dolo, & clam interficit: promittit vinum & dat acetum: promittit pacem, & clam fouet bellum: malè seruatur, peius acquiritur. Periculosum est mundum tenere, & relinquere difficile. O munde peruersissime, falsus promissor es, & verus impostor: publicus adulator es, & secretus proditor: in principio dulcis es, & in fine amarus: in vultu benignus es, in manibus crudelis:

crudelis: in beneficiis avarus es, & in doloribus prodigus: exteriùs pulcher es, interiùs nihil pulchritudinis est in te: aspectu floridus es, & sub floribus spinæ sunt.

SERIES
Euangelii.

Infert igitur æterni parentis filius in domum patris sui magnificum triumphum, & qui ingressu suo paupertatem & humilitatem suam nobis commendavit: hinc seueritate sua, in eos qui inquinabant domum patris eius, maiestatem & diuinitatem suam amplissimè demonstrat. Ingreditur igitur in templum Dei: eijcit ementes & vendentes de templo: mensas nummulariorum euer-
tit, & cathedras vendentium columbas; ementes & vendentes grauissima oratione percellit: Domus mea, domus, inquit, orationis est: vos autem fecistis eam speluncam latronum. Ad quem totum locum rectè intelligendum, illud annotat D. Hieronymus: Hoc primùm, inquit, sciendum est, quod iuxta mandata Legis, augustissimo in toto orbe templo Domini, & de cunctis penè regionibus ludæorum illuc populo confluente, innumerabiles immolabantur hostiæ, (maximè festis diebus) taurorum, arietum, hircorum: pauperibus, ne absque sacrificio essent, pullos columbarum & turtures offerentibus: accidebat plerumque, ut, qui de longè venerant, non haberent victimas. Excogitauerunt igitur sacerdotes, quomodo prædam de populo facerent, & omnia animalia, quibus opus erat ad sacrificia, vendebant; ut & venderent non habentibus, & ipsi rursus empti susciperent. Hanc stropham eorum crebra venientium inopia dissipabat, qui indigebant sumptibus, & non solum hostias non habebant: sed ne vnde emerent quidem aues & vilia munuscula. Posuerunt itaque & numularios, qui mutuam sub cautione darent pecuniam: sed quia erat Lege præceptum, ut nemo vsuras acciperet, & prodesse non poterat pecunia foenerata, quæ commodi nihil haberet, & interdum sortem perderet; excogitauerunt & aliam technam, ut pro numulariis collybistas facerent: cuius verbi proprietatem latina lingua non exprimit. Collybiæ dicuntur apud eos, quæ nos appellamus tragemata, vel vilia munuscula: verbi gratia, frixi ciceris, vuarum passarum, & poma diuersi generis. Igitur, quia vsuras accipere non poterant collybistæ qui pecuniam foenerati erant, pro vsuris accipiebant varias species; ut, quod in numo non licebat, in his rebus exigerent, quæ numis coëmuntur: quasi non id ipsum Ezechiel prædicauerit, dicens: Vsuram & superabundantiam non accipietis. Istiusmodi Dominus cernens patris in domo negotiationem, seu latrocinium, ardore spiritus concitatus, (iuxta quod scriptum est in 68. Psal: Zelus domus tuæ comedit me.) fecit sibi flagellum de funiculis, & tantam hominum multitudinem eiecit de templo, dicens: Scriptum est, Domus mea domus orationis vocabitur, vos autem fecistis eam speluncam latronum. In speluncis enim latronum nihil aliud fit, quàm cædes, & animalium mactationes, fortitiones, & partitiones item eorum quæ direpta sunt. Latro verò est, & templum Dei conuertit in latronum specum, qui lucra de religione sectatur, cultusque eius non tam cultus Dei, quàm negotiationis occasio est. Bis autem ea virtute Christus vsus est: primò, in principio prædicationis suæ, quod notat D. Ioannes: secundò in exitu, in quo se demonstrat regem & sacerdotem esse simul, ad quem purgandi templi partes pertineant.

Notandum

13 **Notandum** primò: Datum esse exemplum omnibus regibus atque principibus spiritualibus, præsertim autem in primo aditu suarum Ecclesiarum, ut in omni suo tempore, læto & aduerso, ad Deum, eiusque sanctum templum recurrant primùm: neque solùm dicis causa veniant, sed si quid deforme aut sordidum illic reperiant, corrigant atque eijciant.

14 **Notandum** secundò: Omnia quæcunque sunt patris, esse similiter & filij: & contrà, quæ filij sunt, eadem patris esse. Domum illam, quam æterno patri Salomon ædificauit, domum suam appellat, idque scriptura Isaia confirmat: Domus mea domus orationis vocabitur: ac veluti dominus domus & pater familias eam à scandalis & sordibus expurgat. Domus mea, inquit, domus orationis vocabitur. Hinc illud præclare hoc loco autor Operis imperfecti: Hoc erat, inquit, proprium boni filij, ut & veniens, ad domum curreret patris, & illi honorem redderet, qui genuit eum; ut tu imitator Christi factus, cum in aliquam ingressus fueris ciuitatem, primùm ante omnem actum ad Ecclesiam curras. Hoc erat boni medici, ut ingressus ad infirmam ciuitatem saluandam, primùm ad originem passionis incederet: nam sicut de templo omne bonum egreditur, sic & de templo omne malum procedit. Quemadmodum medicus, quando primò ingreditur ad infirmum, statim de stomacho eius interrogat, & eum componere primùm festinat: quia, si stomachus sanus fuerit, totum corpus validum est: si autem dissipatus fuerit, totum corpus infirmum est: ita, si sacerdotium integrum fuerit, tota Ecclesia floret: si autem corruptum fuerit, omnium fides marcida est. Cor autem & stomachus sacerdotes intelliguntur, quia in rebus spiritualibus per eos totus populus gubernatur. Non eijcit autem inde Cherubim sculpta, quod nunc Euangelici faciunt: quia hæc ad ornamentum domus Domini pertinebant, non ad inquisitionem, ut hæretici putant.

15 **Notandum** tertio: Primarium vsum templorum esse orationem, posteaquam sacrificia cruenta desinere debuerunt; sunt tamen & alii non inferiores vsum, quos D. Bernardus enumerat. Quis enim parietes eius sanctos dicere vereatur, quos manus sacratæ pontificum tantis sanctificauere mysteriis? Extunc quoque & deinceps sanctarum inibi lectionum resultare frequentia, sanctarum orationum deuota murmurare susurria: sanctarum reliquiarum honorari beata præsentia: sanctorum spirituum indefessa noscitur custodia vigilare. Et infra: Licet enim parietes hos & dici sanctos, & esse faciat consecratio episcoporum: frequentatio scripturarum: instantia orationum: reliquæ sanctorum: visitatio angelorum; minimè tamen eorum sanctitas propter se credenda est honorari, quos nec propter se certum est sanctificari. Quinimò sancta est propter corpora domus: corpora propter animas: animæ propter spiritum inhabitantem.

16 **Notat** quartò hoc loco D. Hieronymus mysticè: Quotidie, inquit, Iesus ingreditur templum patris, & eijcit omnes tam Episcopos, & presbyteros, & diaconos, quàm laicos, & vniuersam turbam de Ecclesia sua, & vnius criminis habet vendentes pariter & ementes: scriptum est enim, Gratis accepistis, gratis date. Mensas quoque numulariorum subuertit: Obserua, propter auaritiam sacerdotum, altaria Dei, numulariorum mensas appellari. Cathedrasque

drasque vendentium columbas euertit : qui vendunt gratiam spiritus sancti, & omnia faciunt, vt subiectos populos deuorent : de quibus dicit, Qui deuorant populum meum sicut escam panis. Iuxta simplicem intelligentiam, columbæ non erant in cathedris, sed in caueis, nisi fortè columbarum institores sedebant in cathedris, quod penitus absurdum est : quia in cathedris magistrorum magis dignitas indicatur, quæ ad nihilum redigitur, cùm mixta fuerit lucris. Quod de Ecclesiis diximus, vnusquisque de se intelligat. Dicit enim Apostolus : Vos estis templum Dei, & spiritus sanctus habitat in vobis. Non sit in domo peccatoris vestri negotiatio : non ementium vendentiumque commercia : non donorum cupiditas : ne ingrediatur Iesus iratus & rigidus, & non aliter mundet templum suum, nisi flagello adhibito, vt de spelunca latronum, & de domo negotiationis, domum faciat orationis. Eadem docet D. Hilarius : Ergo eorum, qui sancti spiritus donum venale habent, cathedras euertit, quibus ministerium à Deo commissum negotiatio est : admonitionis eius commemorans auctoritatem, quæ in propheta teneatur : Scriptum est, Domus mea domus orationis vocabitur, vos autem fecistis eam speluncam latronum. Sed neq; emere Iudæos in synagoga, neque vendere spiritum sanctum posse existimandum est : non enim habebant vnde vendere possent, neque erat quod emere quis posset, sed præfiguratio futurorum dictis præsentibus continetur : Ecclesiæ vitia in ipso aduentu Domini claritatis esse purganda.

Notat Origenes : Esse in templo Christi vendentes columbas, & tradentes simplices sicut columbas, & orantes, dicentes : Quis dabit mihi pennas sicut columbæ, & volabo, & requiescam ? tradentes eas principibus, quib. non oportebat. Et arbitror, conuenire verbum de venditoribus columbarum eis, qui tradunt Ecclesias auaris, & indisciplinatis, & irreligiosis Episcopis, aut presbyteris. Notat similiter diaconos, qui non benè tractant Ecclesiasticarum pecuniarum mensas ; sed semper de eis fraudant, & ipsas, quas dispensant, non secundum iustitiam dispensant, & diuites fiunt de rebus pauperum. Hoc est esse numularios, pecuniarum mensas habentes, quas Christus euertit. 17

Notat hoc loco Lyranus : magnos latrones, in speluncis suis existentes, 18 quando sciunt aliquos parum habentes transire, non exire de speluncis, sed mittere famulos suos ad illos spoliandum : sed quando sciunt homines transire multum pecuniosos, currere illic de primis. Itidem multos Canonicos, quando sciunt magnum lucrum temporale, currere ad Ecclesiam : sed quando modicum est lucrum, remanere in domibus suis, & recreationibus, & ad Ecclesiam suam clericos suos mittere.

Notandum est etiam hoc loco, quo honore & munditia Deus templum suum esse voluerit ; per quod (vt addit D. Marcus) vetuit ne quis vas ferret : hoc est, non est passus, quicquam illic à sacris alienum spectari : nam vas quoduis supellectilis genus notat. In summa, quidquid templi reuerentiæ & maiestati obstat, Christus sustulit. 19

Vltimò notandum : institui nos hoc loco, vt pro Ecclesia, & eius decore 20 magno, & libero animo agamus. Zelus, inquit, domus tuæ comedit me : nunquam eo
quam eo

quam eo animo aggressus est quidquam Dominus. Neque tamen hæc nundinatio aut intra sancta sanctorum, aut intra sancta quæ sub tecto erant, exercebantur; sed solum in atrio ubi hostiæ mactabantur, & quod tecto caruit; quod tamen & ipsum etiam nomine templi aliquando vocabatur.

21 **T**Emperat cælestis imperator seueritatem suam mira lenitate: Accedūt *SERIES* ad eum cœci & claudi in templo, & curantur. Quid tum inuidia? tacétne? *Euangelij.* quiescítne? nequaquam. fremit: irascitur: in blasphemias prorumpit. Videntes autem principes sacerdotum & scribæ mirabilia quæ fecit, & pueros clamantes, & dicentes: Osanna filio Dauid; indignati sunt, & dixerunt ei: Audis quid isti dicunt? Quibus ipse poterat dicere: Et vos videtis quid ego facio: illos loquentes attenditis, & me facientem non consideratis: ego enim factis interpretor voces illorum; sed mitis Dominus verbis prophetæ respondere maluit: Vtique, inquit, nunquam legistis, quia ex ore infantium & lactentium perfecisti laudem? Tanquam si dicat: Esto: istud mea culpa est, quia isti clamant; nunquid mea culpa est, quia ante tot millia annorum hoc futurum propheta prædixit? Et relictis illis, abiit foras extra ciuitatem in Bethaniã, ibique mansit. Expendit totum hunc locum D. Hieronymus: Mihi inter omnia signa quæ fecit, hoc videtur mirabilius esse, quod vnus homo, & illo tempore contemptibilis, & in tantum vilis, vt postea crucifigeretur, scribis & pharisæis contra se sæuientibus, & videntibus lucra destrui sua, potuerit ad vnus flagelli verbera tantam eiicere multitudinem, mensasq. subuertere, & cathedras confringere, & alia facere, quæ infinitus non fecisset exercitus. Igneum enim quiddam atque sydereum radiabat ex oculis eius, & diuinitatis maiestas lucebat in facie: cùmque manum non audeant iniicere sacerdotes; tamen opera calumniantur, & testimonium populi atque puerorum, qui clamabant: Osanna filio Dauid: vertunt in calumniam; quod videlicet hoc non dicatur, nisi soli filio Dei. Videant ergo episcopi, & quantumlibet sancti homines, cum quanto periculo dici ista sibi patiantur, si Domino, cui verè hoc dicebatur (quia nec dum erat solida credentium fides) pro crimine impingitur. Hilarius, Cessantibus, inquit, prudentium iudiciis, hanc sibi à pueris ac infantibus, quorum sit regnum cælorum, confessionis gloriam præparatam, respondit: quia prudentes & principes seculi sapientiam Dei reprobauerint, Christum regenerationis paruuli & lactentes sint prædicaturi. Et debebatur quidem hic honor sacerdotibus, vt ab eis primo loco omnia profecta esse viderentur: ideò enim creabantur, vt ex eorum labiis omnes peterent legis scientiam, denique vt Dei exercituum angeli essent ac interpretes; sed quia perfidè veritatis lucem extinxerunt, appositè respondet Christus, Nihil eos proficere, dum salutis doctrinam suppressere conantur, quæ potius ex lapidibus erumpet, quia lapidibus potius ora & linguas formabit, quàm vt testibus filii sui regnum careat. Prudenter autem sententiam & responsionem moderatur Dei sapientia contra istorum iudicium: neque enim dixit (quod scribæ audire cupiebant) benè facere pueros, quod illi testimonium perhibeant; nec rursus, eos errare: pueros esse: ætati ignoscendum; sed profert testimonium ex 8. psal. quo prædictum fuit, hæc talia pueros aliquando facturos, simulque se verum Deum demonstrat, de quo eum locum composuerat Dauid: Ex ore infantium & lactentium perfecisti laudem. Sed neque ipsi pueri locuti sunt, quæ loquebantur: sed os tantum

præbebāt spiritui sancto, vt instrumēta essent illius: neq; ipsoꝝ conceptus erāt verba, sed ipsius oris tantum, quod à gratia Dei mouebatur, denunciatq; se opus habere ad illustrandam gloriam suam mutis oratoribus, infantibus pueris, qui à matrum vberibus adhuc pendent: qui quanquam muti sint; attamen mirabilis Dei prouidentia, quæ in ipsis relucet, instar est sonoræ & magniloquæ facundiæ. Relinquit deinde ingratos & incredulos, ostendens, se in ea vrbe locum non habere, in quam tanto apparatu paulò ante receptus est, tum vt recedendo compesceret, quos respondendo non potuit: quia malitia non compescitur sermonibus, sed excitatur: malum enim hominem melius locum dando potes vincere, quàm respondendo: nam si contendis irrationabilem ratione placare; & illum non placas, & te ipsum subuertis. Simul denique illud indicans, quòd tantæ fuerit paupertatis, & ita nulli adulatus sit, vt in vrbe maxima nullum hospitem, nullam inuenerit mansionem, sed in agro paruulo apud Lazarum sororesq; eius habitaret: eorum quippe vicus Bethania erat.

Notandum primò: modum & rationem cultus, quo Dominum Iudæa ²² excepit, nusquam in scriptura contineri: sed merè ex tempore spiritus sancti inspiratione edoctum esse. Frustra igitur hæretici contendunt, Nihil extra scripturæ verbum agendum esse.

Secundò notandum: nihil vnquam iniquius tulisse pharisæos, quàm hunc ²³ ipsum cultum & reuerentiam Christo exhibitam: non alia causa, nisi quòd eum cernebant ad latrā soli Deo debitam pertinere. Dispensatoriè ordinavit Deus, vt pueri quoque laudarent eum, quò ab omni contradictione excluderentur Iudæi, videntes filios qui apud se fuerant enutriti ac instructi, mirabiliter ac supernaturaliter motos ad Christi laudem: verum illi fiunt multò ex hoc impudentiores, atque inuidia disrupti insaniunt. Quod autem ad prophetam pertinet, os quidem erat infantium, id autem quod dicebatur, potentiæ ipsius erat, qua disertam reddebat immaturam lactentium linguam. Et hoc quoque miraculosè factum est ad discipulorum consolationem, vt de se ipsis confiderent, quòd, qui disertam fecerat balbutientem linguam, sapientem etiā facturus erat eorum ruditatem. Erat & hoc figura gentium, quæ, cùm ad Theologiam & diuina verba balbutirent, repente ita perfectè resonârunt, vt ab omnibus exaudiri possent.

Tertiò notandum est: pro nulla parte cultus sui Saluatorem magis decer ²⁴ tasse cum turbis & pharisæis, quàm pro ista: etiamsi nihil tale præscriptum, aut à Mose, aut à lege ipsa, hi ipsi pueri habuerint.

Quartò notandum est: sapienter Ecclesiam Dei hoc tempore eodem cul- ²⁵ tu, salutatione, adoratione in sacramento ac in manibus sacerdotum Christum colere, quali eum adorârunt pueri ac turba insidentem asino: etiamsi reclamet hæresis, fremat & frendeat, quomodo etiam tum fredebant & rumpebantur pharisæi.

Reuertitur altera die in sua castra imperator: pastor ad oues: medicus ad ²⁶ ægros: paterfamilias ad familiam: hæres vineæ ad vineam. Ita autem reuertitur,

titur, vt ne in ipſo quidem itinere otioſus à ſalutari doctrina, curandisque ani-
 mis ſit. Ac primùm, ſumpta ex leui cauſa occasione, illud docet, fruſtra ſe
 omnem laborem ſuſcipere: fruſtra crucem & mortem ſubiturum: fruſtra fi-
 dem & gratiam plantaturum, niſi populus ſaluandus ipſe faciat quod in eo eſt:
 niſi fructus dignos poenitentia agat: niſi fidem operibus confirmet, vel certā
 faciat atque commendet. Cuius tractationis argumento, omnem doctrinam
 huius temporis hæreticorum refutat: quod quidem iam antea exemplo vitis
 fructum non ferentis, abundè declarauit. Occaſio ea eſt. Redit in urbem, e-
 ſurit, vel veritatem humanæ carnis oſtendens, vel eſuriens ſalutem credentium,
 vel æſtuans ad incredulitatem Iſraëlis: vel nouo miraculo occaſionem doctri-
 na præparans: Videt arborem fici: venit ad eam, & fructum non inuenit:
 quem ne ferret vnquam, maledixit; & arefacta eſt continuò ficulnea. Et viden-
 tes diſcipuli, mirati ſunt, dicentes: Quomodo continuò aruit? Reſpondens
 autem Ieſus, dixit illis: Amen dico vobis, ſi habueritis fidem, & non hæſitaue-
 ritis, non ſolùm de ficulnea facietis: ſed etſi monti huic dixeritis: tollere, &
 iacta te in mare, fiet. Et omnia quæcunque petieritis in oratione credentes,
 accipietis. Ficum intelligit D. Hieronymus ſynagogam & conciliabulum Iu-
 dæorum: iuxta viam erat: (habebat enim legem, & ideò iuxta viam erat quia
 non credebatur in viam:) venit ad eam (ſtantiem ſcilicet, & immobilem, & non
 habentem Euangelii pedes.) nihilque inuenit in ea, niſi folia tantùm: promiſ-
 ſionum ſtrepitum: traditiones phariſaicas, & iactationem legis, & ornamenta
 verborum, abſq; vllis fructibus veritatis; vnde & alius Euangelista dicit: Non-
 dum enim erat tempus ficuum, ſiue quòd nondum tempus venerat ſaluationis
 Iſraël, eò quòd nondum gentiliū populus ſubintraret: ſiue quòd tempus
 præteriſſet fidei, quia ad illum primùm veniens, & ſpretus tranſiſſet ad natio-
 nes. Sic autem aruerunt folia, vt truncus ipſe remaneret, & fractis ramis vire-
 ret radix, quæ in nouiſſimo tempore, ſi credere voluerit, virgulta fidei pullulet,
 impleaturq; ſcriptura dicens: Eſt arbori ſpes. Quemadmodum autem tunc
 ficus ſynagogam designabat, ita nunc eos populos designat, de quibus prophe-
 ta: Populus iſte labiis me honorat. Et illos de quibus Chriſtus ipſe: Non o-
 mnis qui dicit mihi Domine, domine, intrabit in regnum cælorum. Maledixit
 autem ficui, ne in ſempiternum fructum faceret; vt ſuam vltricem oſtenderet
 potentiam. Arefecit quoque plantam, quæ pro cæteris maiorem habet humo-
 rem, vt maius fiat miraculum. Ne ergo inquiras, cur punita ſit planta, quæ nihil
 offenderat: ſed ſolùm intuere miraculum, eumque admirare qui operatus eſt.
 Punita eſt enim, non quòd peccauerit, ſed vt diſcerent qui ſequebantur, quòd
 etiam vlſionem ſumere poſſet Chriſtus. Vt enim antea multa miracula plena
 humanitatis fecit: ita nunc hoc vnum ſpecimen ſeueritatis exhibet, non in ho-
 mines, ſed in arborem, vt antea in porcos. Oſtendere autem voluit benigniſ-
 ſimus medicus in vili arbore, quòd poſtea facturus eſt in nobis omnibus.

- 27 **N**Otandum primò: veteres prophetas non ſolùm verbis, ſed aliquando fa-
 ctis prophetauiffe: ſicut Iſaias ambulauit diſcalciatus, in ſignum quòd populus
 ſic duceretur captiuus. Ieremias cathena lignea ſe vinxit, ſignans futuram ca-
 ptiuſitatem: ita Chriſtus maledixit ficui, non propter malitiam arboris, vel defe-
 ctum eius: (quia nondum erat tempus ficuum, vt dicitur Mar. II.) ſed ad ſigni-

ficandum, quòd sacerdotes, qui erant sine fructu bonorum operum, essent maledicti à Deo.

Notandum secundò hoc loco cum D. Paulo: neque circumcisionem ²⁸ quidquam in Christo valere, neque præputium: sed fidem, quæ per dilectionem operatur: dignos fructus parit, sterilis non est.

Tertiò notandum est: non sufficere ut mala non agamus, nisi etiam bona ²⁹ agere contendamus: nam in ficu hac nihil mali inerat, sed quia fructus non protulit bonos, damnata est.

Notat quartò D. Hieronymus: Dominum passurum in populis, & bai- ³⁰ laturum scandalum crucis, debuisse discipulorum animos signi anticipatione firmare. Vnde & discipuli mirantur, dicentes: Quomodo continuò aruit? Potuit ergo Saluator eadem virtute etiam inimicos, & manus eorum aridas facere, tum cum cædebatur, qui ficum virentem vno verbo aridam fecit, nisi eorum per poenitentiam expectasset salutem.

Notat insuper hoc loco D. Hieronymus: latrare contra nos gentilium ³¹ canes in suis voluminibus, quæ in impietatis propriæ memoriam reliquerunt, asserentes, apostolos non habuisse fidem, quia montes transferre non potuerint. Quibus nos respondebimus, multa facta esse signa à Domino, iuxta Ioannis Euangelistæ testimonium, quæ si scripta essent, mundus capere non posset. Non quòd mundus volumina capere non potuerit, quæ potest, quamvis multiplicia sint, vnum armariolum, vel vnum capere scrinium, sed quòd magnitudinem signorum præ miraculis & incredulitate ferre non possit. Igitur & hæc credimus fecisse apostolos, sed idèò scripta non esse, ne infidelibus contradicendi maior daretur occasio. Quanquam & illud ab hoc genere non est remotum, quod de suo narrat Gregorius: Nam quadam die ex eo monte, qui eius monasterio in excelso prominet, ingentis saxi moles eruta est, quæ per deuexum montis latus veniens, totius ruinam cellæ omniumq; fratrum minabatur. Quam cum venientem desuper vir sanctus vidisset, frequenti voce nomen Christi inuocans, extensa mox dextera, signum ei crucis opposuit, eamq; in ipso deuexi montis latere cadentem fixit. Et quia locus ei non fuerat quo inhærere potuisset; aspicitur ita, ut nunc vsque montem cernentibus casura pendere videatur. Et illud 3. lib. de Frigidiano Luneñ. ciuit. Episcopo cap. 9. Sed neq; hoc, inquit, sileam, quod narrante viro venerabili Venantio Luneñ. episcopo, me ante biduum contigit agnouisse: Lucanæ namque Ecclesiæ sibi met propinquæ, fuisse miræ virtutis virum Frigidianum nomine narrauit episcopū, cuius hoc opinatissimum à cunctis illic habitantibus testatur memorari miraculum, quòd Anseris fluuius, qui iuxta illius vrbs muros influebat, sæpè inundatione facta, cursus sui alueum egressus, per agros diffundi consueuerat, & quæcūque sata & plantata repererat, euertebat. Cumq; hoc crebrò fieret, & magna eiusdem loci incolas necessitas vrgeret, dato studio operis, eum per loca alia deriuare conati sunt: sed quamvis diutius laboratum fuisset, à proprio alueo deflecti non potuit. Tunc vir Domini Frigidianus rastrum sibi paruulum fecit, ad alueum fluminis accessit, & solus orationi incubuit, atq; eidem flumini præ-
cipiens

28
29
30
31
cipiens ut sequeretur, per loca quæque ei visa sunt, rastrum per terram traxit; quem, relicto alveo proprio, tota fluminis aqua secuta est, ita ut funditus locum consueti cursus defereret, & ibi sibi alveum, ubi tracto per terram rastro, vir domini signum fecerat, vendicaret: & quæque essent alimentis hominum profutura fata vel plantata, ultra non læderet. Et de Sabino episcopo Placentino eodem lib. Dialog. cap. 10. Huius quoque Venerabilis viri Venantij episcopi aliud miraculum relatione cognoui, quod in Placentina vrbe perhibet gestum, quod vir quoque Dei veracissimus Ioannes, in hac modò Romana ciuitate locum præfectorum seruans, qui in eadem Placentina vrbe est ortus & nutritus, ita ut episcopus memorat, quia gestum fuerit, attestatur. In ea namque ciuitate Sabinum nomine fuisse asserunt miræ virtutis episcopum: cui, cum die quadam suus diaconus nunciasset, quod cursus sui Padus alveum egressus, ecclesiæ agros occupasset, totaque illic loca nutriendis seminibus profutura, aqua eiusdem fluminis teneret: venerabilis vitæ Sabinus episcopus respondit, dicens: Vade, & dic ei, Mandat tibi episcopus ut te compescas, & ad proprium alveum redeas: quod diaconus eius audiens, despexit & irrisit. Tunc vir Dei accersito Notario dictauit, dicens: Sabinus Domini Iesu Christi seruus, commonitorium Pado: Præcipio tibi in nomine Iesu Christi domini nostri, ut de alveo tuo in locis istis ulterius non exeas, nec terras ecclesiæ lædere præsumas. Atque eidem notario subiungit, dicens: Vade, hoc scribe, & in aquam eiusdem fluminis projice. Quo facto, sancti viri præceptum suscipiens, statim se à terris ecclesiæ aqua fluminis compescuit, atque ad proprium alveum reuersa, exire ulterius in loca eadem non præsumpsit. Qua in re Petre quid aliud, quam inobedientium hominum duritia confunditur, quando in virtute Iesu & elementum irrationabile sancti viri præceptis obediuit? Et illud lib. 3. Dialog. cap. 15. Euthicius, qui Florentii in via Domini focius fuerat, magnus post mortem claruit in virtute signorum. Nam cum multa ciues vrbs illius de eo soleant narrare miracula; illud tamen est præcipuum, quod usque ad hæc Longobardorum tempora omnipotens Deus per vestimentum illius assidue dignabatur operari. Nam quoties pluuia deerat, & æstu nimio terram longa siccitas exurebat, collecti in vnum ciues vrbs illius eius tunicam leuare, atque in conspectu Domini cum precibus offerre consueuerant. Cum qua dum per agros pergerent exorantes, repente pluuia tribuebatur, quæ plenè terram satiare potuisset. Ex qua re patuit, eius anima quid virtutis intus, quid meriti haberet, cuius foris ostensa vestis iram conditoris auerteret.

32
Notandum etiam & illud: refutari hoc loco errorem Origenistarum, & eorum, qui illos secuti, finem damnationis æternæ aliquando fore statuunt: hic autem Dominus damnat ficulneam in æternum: Nunquam, inquit, ex te fructus nascatur in sempiternum.

33
Notandum & illud est cum D. Hilario: Humilitatis exempla Christum Dominum in hominibus exhibuisse: seueritatis autem in rebus. Nam ubi adferre voluit procuratæ à se salutis exemplum, virtutis suæ potestatem in humanis corporibus exercuit; spem futurorum & animæ salutem curis præsentium ægritudinum commendans. Nunc verò, ubi in contumaces formam seueritatis constituebat futuræ speciem, damno arboris indicauit, ut infidelitatis periculum

lum sine detrimento eorum, in quorum redemptionem venerat, indicaretur.

Notandum præterea : quantum valeat maledicendi verbum : nempe, 34
sterilitatis damnatur arbor : sicuti rursus benedicit Deus, quum fecunditatē
sua voce inspirat ; quod in quinque panibus factum videmus. Cæterum clariùs
ex Marco liquet, non protinus aruisse ficum, vel saltem id non fuisse obseruatū
à discipulis, donec postridie à frondibus nudatam viderunt. Idem quoq; Mar-
cus vni Petro assignat, quod Matthæus communiter omnibus discipulis : sed
cū Christus in plurali numero respondeat, colligere facili est, vnum ro-
gasse omnium nomine.

Notandum & illud : falsò hoc loco Caluinum docere, Papistas firmitatē 35
& certitudinem fidei abrogare, cū potius præsumptionem & temeritatem
damnent. Laudamus fidem, sed eam quæ per dilectionem operatur : neque e-
nim militi sufficit fidem seruare, nisi ipse pugnet ac dimicet.

*SERIES
Euangelij.*

Dum de ficulnea disputatur, ecce synagoga, quam ficulnea significabat, 36
adest : & ipsa folia vacua ferens : adsunt scribæ & pharisæi : folia contumeliæ,
folia fraudis & calumniæ ferunt : in qua potestate hoc agat quærunt, aut quis
illi dedit hanc potestatem : in qua potestate ementes & vendentes de templo
eijciat, cæcos sanat, & alia. Cognoscentes enim, inquit Origenes, plura de po-
testatibus & gradibus sacramentorum cælestium, siue ex traditione maiorum,
siue de secretis quibusdam : vtrum autem rationabiliter, aut irrationabiliter ex-
citati, videbant Iesum multa prodigia facientem, non sine potestate aliqua ei
subiecta : & ideò potestatis illius speciem & proprietatem volebant audire à
Christo. Etsi quidem fuissent principes sacerdotum aliqui sancti ; qualis fuit
Aaron, vel Eleazar, vel Phinees, vel quicumque eorum, qui benè functionem suā
consumauerunt : quasi non tentantibus, sed discere cupientibus, & dignis hu-
iusmodi scientia, sine dubio declarasset mysteria potestatum, & differentias ea-
rum manifestasset. Diuersis autem verbis eandem quam supra calumniam
struunt, quando dixerunt : In Beelzebub principe dæmoniorum eijcit hic dæ-
monia. Quando enim dicunt, In qua potestate hæc facis ? de Dei potestate du-
bitant, & subintelligi volunt, diaboli esse quod faciat : addentes quoque, Quis
tibi dedit hanc potestatem ? Manifestissimè filium Dei negant, quem putant
non suis viribus, sed alienis signa facere. Hieronymus Num, inquit, vt sacerdos ?
atqui nemo fuit sacerdos ex tribu Iuda : an vt rex ? at iste nullum ius ad tem-
plum habebat. Istorum foliis alia similia obijcit Christus Dominus folia :
Quærit, baptismus Ioannis vnde fuerit, de cælone, an ex hominibus ? quærit, nō
quod ipse nesciret, sed quod ipsi qui audierunt indigni erant, vt qui dolosè om-
nia agebant, & vt qui capere volebant, caperentur ipsi. Colligit se astutia :
folia sua recognoscit : vident, si dixerint De cælo ; dicturum, quare non credi-
distis illi ? si autem, De terra, dixissent, hoc est, humanam doctrinam illum tra-
didisse ; timebant turbam, quæ Ioannem, vt prophetam, magni faciebat : quibus
vt primū vidit silentium impositum, ne se quidem dicturum ait, in qua pote-
state signa illa faceret. Hoc autem est, quod vulgò dici solet, inquit Hierony-
mus : Malo arboris nodo, malus clauus aut cuneus infigendus est. Poterat
Dominus aperta responsione tentatorum calumniam confutare : sed prudenter
interrogat,

interrogat, ut suo ipsi vel silentio, vel sententia condemnentur. Illi in eo, quod nescire se responderant, mentiti sunt: consequens ergo erat iuxta responsionem eorum Dominum quoque dicere, Nec ego scio: sed mentiri veritas non potest, & ait: Nec ego dico vobis. Ex quo ostendit illis, & illos scire, sed respondere nolle; & se nosse, & ideò non dicere, quia illi versutè agerent. Et statim infert parabolam, qua & illos arguat, & ad gentes regnum Dei doceat transferendum.

37 **N**otandum primò in hoc loco, hanc ipsam pharisæorum interrogationem: siue ipsorum personam spectes, siue rem ipsam, siue Christi personam iustam & laudabilem esse. Nam & ex parte ipsorum munus erat eorum cognoscere de omni noua doctrina: Labia enim sacerdotis custodiunt scientiam, & legem requirunt ex ore eius: quia angelus Domini exercituum est. siue rem ipsam: omnis enim qui aliquid noui aggreditur in rebus diuinis, hoc primò demonstrare debet, in qua potestate hoc agat, & quis ei dederit eam potestatem, contra quam faciunt hæretici: siue Christi personam, qui semper illud est professus, doctrinam suam non esse suam, sed eius qui milit eum, patris. Hoc modo Paulus posuit dissensionem inter Phariseos & Saducæos, volentes eum occidere, ut habetur Act. 23. Et appellauit Cæsarem, ne traderetur Iudæis in Ierusalem, Act. 25. In quo igitur hæc quæstio peccat? in fine & intentione: quia hoc malo animo & ficto faciebant, ut Christum in odium vocarent, ac post occiderent.

38 **N**otandum secundò: respondendum esse aliquando stulto iuxta stultitiã eius, ne sibi sapiens esse videatur; non tamen aut semper, aut diutiùs.

39 **N**otandum tertio: veritati nihil magis aduersum & inimicum esse, quàm timorem & fauorem hominum: quod nunc in pharisæis & scribis perspicitur. O miseram hominibus placendi cupiditatem! Deum contemnunt, homines verò timent, & ad eorum gratiam omnia operantur.

40 **N**otandum ultimò: per hoc ostendere Christum, quod malignantibus, quales erant isti, non sunt Dei secreta reuelanda: sicut Christus dixerat: Nolite sanctum dare canibus: sed eorum malitia prudenter est declinanda.

41 **N**on moratur diutiùs Dominus, veritatis magister, in foliis: atque à calu- SERIES
mniis ad solidam & seriam doctrinam se transfert: & ut sciant, se nihil inscio, Euangelij.
nihil inuito atque nolente fieri aut futurum, & ne ullam postea excusationem adferant, proponit illis ea omnia, quæ in posterum euentura erant: vocationem gentium: reprobationem Iudæorum: mortem & resurrectionem suam: futuri item iudicii rationem. Idq; partim in parabolis, more suo, partim aperta doctrina, atque ea ipsa doctrina, tanquam sigillo quodam obsignat omnem in posterum doctrinam suam: ut, quia apertè volebant respondere sapientiæ, in parabolis caperentur, inquit Gregorius. PRIMò igitur generalis proponitur parabola: in qua illud demonstratur, omnem illum, quicumque legem Dei acceperit, eamque opere compleuerit, illi antefendum esse, qui nudis verbis & promissionibus se commendat: quem quidem parabola scopum ipse

Saluator

Saluator generali explicat propositione: Amen dico vobis, quia publicani & meretrices præcedent vos in regnum Dei. Termini parabolæ sunt: Homo quidam, pater, inquam, æternus. Duo filii, quorum primus iussus à patre in vineam abire, recusât, & postea pœnitentia motus, vadit in vineam, & operatur: gentilem populum omnesque peccatores significat, cum quo per naturalem legem Deus est locutus: quia nunquam Deus destitit homines incitare ad bonum per occultos instinctus. Alter filius, qui promptè se iturum obtulerat, nec iuit, populus est Hebræus. Gentiles deseruerât viâ Dei: sed ad prædicationem Christi & apostolorum credentes, opera pœnitentiæ humiliter egerunt: Hebræi hypocritæ & sycophantæ, omnia de se pollicebantur, nihil autem re ipsa exsequuti sunt, cum istis conuentio facta est in veteri lege. Promissa illorum magnifica Exod. 24. referuntur: Omnia quæcunq; dixerit Dominus faciemus. Iosue 24. Eligite quod placet, cui potissimum seruire debeatis: vtrum diis quibus seruiert patres vestri in Mesopotomia, an diis Amorrhæorum, in quorum terra habitatis: ego autem & domus mea seruiemus Domino. Respondit populus, & ait: Absit à nobis vt relinquamus Dominum, & seruiamus diis alienis: Dominus Deus noster ipse eduxit nos & patres nostros de terra Ægypti, de domo seruitutis: fecitque videntibus nobis signa ingentia, & custodiuit nos in omni via per quam ambulauimus, & in cunctis populis per quos transiuiumus, & eiecit vniuersas gentes, Amorrhæum habitatorem terræ, quam nos intrauimus: seruiemus igitur Domino, quia ipse est Dominus noster. Dixitque Iosue ad populum: Non poteritis seruire Domino: Deus enim sanctus & fortis æmulator est, nec ignoscet sceleribus vestris atque peccatis: si Dominum dimiseritis, & seruiertis diis alienis, conuertet se, & affliget vos atque subuertet, postquam vobis præstiterit bona. Dixitque populus ad Iosue: Nequaquam ita vt Iosue erit, sed Domino seruiemus. Et Iosue ad populum: Testes, inquit, vos estis, quia ipsi vobis elegeritis Dominum, vt seruiatis ei. Quod paulò post consequutum est: quia Iudæi legem susceptam non obseruauerunt, sed ad idololatriam, & prophetarum occisionem, & ad infinita mala declinauerunt, vt habetur in lib. Iudicum, & lib. Regum. Iubet igitur Saluator ipsos sententiam ferre, quisnam ex his duobus fecerit voluntatem patris. Ferunt contra se sententiam, dicentes: Primus. Infert igitur & Saluator suam mentem: Amen dico vobis, quia publicani & meretrices præcedent vos in regnum Dei. Hi sunt duo filii, qui & in Lucæ parabola describuntur, frugi, & luxuriosus: & de quibus Zacharias propheta loquitur: Assumpsi mihi duas virgas: vnâ vocaui decorem, & alteram vocaui funiculum, & paui gregem. Primò dicitur gentiliū populo per naturalis legis iustitiam: Vade, & operare in vinea mea: hoc quod tibi non vis fieri, alteri ne feceris. Qui respondit superbè: Nolo. Postea in aduentu Saluatoris, acta pœnitentia, operatus est in vinea Dei, & sermonis contumaciam labore correxit. Secundus autem filius, populus Iudæorum est, qui respondit Mosi: Omnia quæcunque dixerit Dominus faciemus; & non iuit in vineam, quia interfecto patrisfamiliæ filio, se putauit hæredem. Alii verò non putant gentiliū & Iudæorum esse parabolam, sed simpliciter peccatorum & iustorum, ipso quoque Domino propositionem suam differente: Amen dico vobis, quia publicani & meretrices præcedent vos in regnum Dei. Sed quæ tandem salutis causa meretricum & publicanorum? Hier: Eò quòd illi, qui per mala opera Deo se seruire negauerunt, postea pœnitentiæ baptismum acceperint

accepérunt à Ioanne: Pharifæi autem qui iustitiam præferebant, & legem se Dei facere iactabant, Ioannis contempto baptismo, Dei præcepta non fecerunt. Vnde dicit, Venit enim ad vos Ioannes in via iustitiæ: quia opera perfectionis faciebat, & quia Christum annunciabat, qui est ipsa iustitia sempiterna, vt habetur Daniel 9. & non credidistis ei: publicani verò & meretrices crediderunt illi. Venit ad vos non per ignauam vitam, sed per viam virtutis, vt fide dignus haberetur, tanquam missus à Deo, & non credidistis ei, cum resipiscere vos admoneret; parariq; ad susceptionem regni Dei: vos autem, videntes quomodo publicani & meretrices crediderunt illi, & ad prædicationem Ioannis conuersi erant, non resipuistis postmodum ad credendum. Est autem in hoc loco diuersa lectio, quam D. Hieronymus sic explicat: Sciendum est, inquit, in veris exemplaribus non haberi Nouissimum, sed Primum; vt proprio iudicio condemnentur. Si autem Nouissimus voluerimus legere, manifesta est interpretatio, vt dicamus, intelligere quidem veritatem Iudæos, sed tergiuerfari, & nolle dicere quod sentiunt: sicut & baptismum Ioannis scientes esse de cælo, dicere noluerunt.

Notandum primum est: vt in ciuilibus, ita in aliis rebus, diuinis præfer-
42 tim, neminem pauciora præstare, quàm illum qui multa pollicetur: lingua enim potius omnia conficit, quàm manu.

Notandum secundò: præsumptionem in omnibus maximè declinandam
43 esse: Isti enim scribæ & pharifæi putabant se oculos esse populi, atque ab eo qui iudicat æquitatem, meretricib. & publicanis inferiores iudicantur: factaq; lux in tenebras, & tenebræ in lumen, & iustificata est præ illis Sodomæ.

Notandum tertio: neminem, quantumvis abiectæ conditionis, planè cō-
44 temnendum esse: cum de scribis & pharifæis, perfecti officii viris, hoc decernatur: Meretrices & publicanos eos antecessuros in regnum Dei.

Notandum quartò: ætatem nullam esse tam feram, aut conditionem tā
45 foedam, cui ad pœnitentiam aditus non sit, & per consequens ad regnum cælorum: quandoquidem meretricibus & publicanis regni cælestis possessio promittitur. Nemo desperet, quia bonum Dominum habemus, dicebat Ambrosius.

Vltimò obseruat Theophylactus: multos vsque ad hodiernam diem pol-
46 liceri Christo & patri eius, se monachos futuros & sacerdotes: vbi autem promiserint, pigrius agere: alios autem nihil horum polliceri; nihilo tamen melius quàm aut monachi, aut sacerdotes viuunt: quod duorum fratrum exemplum superius explicatum docet.

Secunda parabola ad eundem finem reprobationis Iudæorum, & vocatio-
47 nis gentium, eiusq; causas, refertur ad quem & superior: sed longè clariùs & euidentius. Cuius sensus ille est: Hos reprobatos, illos autem receptos esse: non alia de causa, nisi quòd hæredem contempserunt, in eumq; manus iniecerunt: quem

runt : quem finem ipse explicat : Ideò malos malè perdet, vineam autem locabit aliis agricolis, qui reddent ei fructū tēporib. suis. Parabola tres sunt partes: Enumeratio beneficiorū Dei, Ingratitudo humana, & Vindicta ingratitude. Terminos parabola interpretatur D. Hieronymus : Homo iste pater familias est, qui plantauit vineā, qui habebat duos filios : & qui in alia parabola conduxit operarios in vineam suam : de qua & Isaias plenissimè per Canticum loquitur : Cantabo, inquit, dilecto meo canticum patruelis mei, vinea suā : Vineā facta est dilecto meo in cornu filio olei. Ad extremum inferens : Vineā Domini Sabbaoth domus Israël est. Et in psalmo : Vineam de Ægypto, inquit, transfulisti : eiecisti gentes, & plantasti eam : & sepem circumdedit ei, vel murum urbis, vel angelorum auxilia : & fodit in ea torcular, aut altare, aut illa torcularia, quorum & tres psalmi titulo prænотantur, octauus, & octogesimus, & octogesimus tertius : & ædificauit turrim : haud dubium quin templum de quo dicitur per Michæam : Et tu turris nebulosa, filia Sion. Et locauit eam agricolis, (quos alibi vinea operarios appellauit) qui conducti fuerant hora prima, tertia, sexta, nona, & vndecima. Et peregrè profectus est ; non loci mutatione : nam Deus vnde abesse potest, quo complentur omnia ? & qui dicit per Ieremiam : Ego Deus appropinquans, & non de longinquo, dicit Dominus. Sed abire videtur à vinea, vt vinitoribus liberum operandi arbitrium derelinquat. Cū autem appropinquasset tempus fructuum. Locum hunc Origenes accommodatissimè transtulit ad ætatem hominum : quem huic loco iuuat inferre. Sicut, inquit, in vineis est aliquod tempus, quando principium fructuum demonstrant : & aliud, quando florent quæ sunt demonstrata : & aliud, quando acerbescunt fructus : & aliud quando variant : & aliud, quando vindemian di est tempus fructus perfectos & paratos ad præbendum vinum. In omnibus itaque primum vitæ tempus est infantia : & est tunc vinea nihil ostendens, nisi tantum habens in se vitalem virtutem. Cū autem coeperit posse loqui, tempus est generationis. Quantum autem proficit anima pueri optata, tantum & vinea quæ operatur in eo, id est, verbum Dei naturaliter inplantatum proficit, & producit indicia botrionum futurorum ; florentium quidem adhuc, & odore suauitatis futuræ virtutis inprimis dantium. Postea autem & acerbescunt, quando malitia quidem est in iuuentute, non autem permanet : sed necessariò superueniens est propter ætatem, sed, vt ita dicam, semper ad virtutem pergēs. quam si quis manducauerit, secundum prophetam, obstupescere facit dentes : si autem non ea fuerit vsus, sed semper quasi per aliquam viam adducat eam ad virtutem, ex parte incipit variare, non autem & vnam habet perfectam. Est autem & post perfectum status aliquis studiosus, quando vinea operata fructū profert maturum, & studiosos botriones, diuersos atque perfectos charitatis, & gaudii, & pacis, & longanimitatis, cæterarumq; virtutum quas apostolus refert, & multæ scripturæ. Est enim aliqua botrio, secundum quod scriptum est, Beati pauperes spiritu : & altera, Beati mundi corde. Et quid necessarium est dinumerare singulas beatitudinum causas, quasi diuersas botriones ? Hæc autem diximus, volentes ostendere quid sit quod ait : Cū autem appropinquasset tempus fructuum : prosequitur Euangelista : Misit, inquit, seruos suos ad agricolas, vt acciperent fructus eius : & agricolæ apprehensis seruis eius, alium cæciderunt, vt Ieremiam, vt Michæam, qui percussus in maxillam à Sedecia filio Chanaan : quando & dixit ei prophetanti Pseudopropheta ; qualis spiritus Dei qui locutus

qui locutus est in te : vt Aaron & Moysen, quos flagello cæcos dimiserunt vacuos. Hinc Dauid: Vexatus est Moyses propter eos: alium occiderunt, sicut Amos, quem Oſias veſte per tempora tranſfixit: vt Iſaiam, qui ſerra fuit ſectus ex præcepto Manaffe, regis Iuda: vt Zachariã, inter templũ & altare. Vel lapidauerunt, vt Naboth: & ſicut Zachariam filium Ioiaðæ ſacerdotem, ſicut in 2. lib. Paralip. poſitum eſt. Cũ enim ſpiritus Dei induiſſet Zachariam filium Ioiaðæ ſacerdotem, & ſtetiſſet in conſpectu populi, & dixiſſet eis: Hæc dicit Dominus Deus: Quare tranſgredimini præceptum Domini, quod vobis non proderit, & dereliſtiſti Dominum, vt derelinqueret vos? Qui congregati aduerſus eum, miſerunt lapides iuxta regis imperium, in atrio domus Domini. Et non eſt recordatus Ioas rex miſericordiæ, quam fecerat Ioiaða pater illius ſecũ, ſed interfecit filium eius. Qui cũ moreretur, ait: Videat Dominus, & requirat. Quod autem dicit, alios & alios eum miſiſſe, patientiam & bonitatem oſtendit patriſfamiliã, quòd frequentiùs miſerit, vt malos colonos ad pœnitentiam prouocaret: illi autem theſaurizauerunt ſibi iram in die iræ. Porro: quod iungitur, Verebuntur fortasſe filium meum: hoc dixit, non quaſi quid futurum eſſet nſciret: (ſciebat namque, quòd hunc reuerituri non eſſent) ſed tanquam id quod fieri deberet; ac ſi diceret: Oportet vt reuereantur filium meum. Lucas autem ait, quòd dixerit dominus vineæ: Quid faciam? mittam filium meum dilectum, fortasſis hunc intuiti reuerebuntur. Dixit autem non ex ambiguitate, Quid faciam? ſed ex humani generis amore: oſtendens, quantum illi ſint curæ ingrati, nondum eos punire volendo, ſed modum quaerendo, quomodo hos exaſperatos redderet manſuetos. Dictio autem ¹⁰⁰⁵ *mittam* apud Lucam (pro qua vertimus Fortasſis) id quod decens eſt & æquum innuit. Cogitauit ergo apud ſe, quam uis neque afficere contumelia ſeruos meos debuerant: quia, qui ſeruis faciunt iniuriam, Dominum exhonorant; tamen mittam filium meum, qui totum poſidet in natura. Si amare eum voluerint, eſt quod ametur in eo: quia poſt me ſolus eſt bonus; ſi voluerint eum timere, eſt quod timeatur in eo: quia poſt me ſolus terribilis eſt Deus. Hæc Imperfecti Operis autor Hom. 40. in Matth. Agricolaæ autem videntes filium, dixerunt intra ſe: Hic eſt hæres, venite occidamus eum, & habebimus hæreditatem eius. Et apprehenſum eum eiecerunt extra vineam, & occiderunt: quod tale mihi videtur, inquit Origenes, quantum ad ſe alienum eum eſſe iudicauerunt à vinea & colonis, quando ſententiam mortis contra eum tulerunt: quem & extra vineam omninò ſtatuerunt, vt locum etiam prædixiſſe videretur, vbi crucifigendus erat. Et dixit eis Ieſus: Cũ ergo venerit paterfamilias, quid faciet colonis illis? Reſponderunt ore proprio iudicati, quòd malos malè perderet, & vineam dabit aliis agricolis. Aut enim prophetant, quemadmodum Caiphas ſacerdos, qui non ex ſe dixit verum, ſed quia ſacerdos fuit anni illius, prophetauit; ſic & iſti non ex ſe prophetauerunt contra ſe: quoniam tollenda eis erant eloquia Dei, & gentibus danda, fructum in tempore ſuo daturis. Propterea autem parabola uſus eſt, inquit D. Chryſoſtomus, vt hanc ab ipſis ſententiam eliceret: quod & in Dauid factum eſt, quando de parabola Nathan ſententiam tulit: Viuit Dominus, inquit, quoniam filius mortis eſt vir, qui fecit hoc.

84 Notandum primò: Ieſum Chriſtum eſſe verum filium Dei, vnicũq; dilectum

lectum hæredem vniuersorum, per quem facta sunt sæcula: cui omnes patriarchæ & prophetæ seruierunt: cuius omnes homines hæreditas est: cuius synagoga colonus fuit confessione ipsorum Iudæorum. Ecce, inquit, hæres est: venite, occidamus eum, & hæreditatē eius capiemus: contra quā mentiuntur impii Ariani atque Ebionitæ; contra quos nullus locus clarior aut illustrior esse potest, vbi non nomine, sed re ipsa se Dominum cunctorum esse, Dominus ostendit.

Secundò notat & illa Hieronymus præclare: Porro, inquit, quod iungi- 49
tur: Verebuntur fortè filium meum: non de ignorantia venit: (quid enim nesciat paterfamilias, qui hoc loco Deus pater intelligitur?) sed semper dicitur ambigere Deus, vt libera homini voluntas reseruetur. Interrogemus Arium & Eunomium: Ecce pater dicitur ignorare, & sententiam temperat; & quantum in nobis est, probatur esse mentitus. Quidquid pro patre responderint, hoc intelligant pro filio, qui se dicit ignorare consumationis diem.

Tertiò notare debent prælati atque sacerdotes, se non dominos, sed co- 50
lonos vineæ Domini esse: neque qualescunque, sed illos qui fructus deberent ferre; & ita, vt aliquando istorum fructuum rationem strictam sint reddituri. Fructus autem isti sunt, vt populum seuerè arguant: collapsam restituant pietatem: expergefiant sopitos animos, Dei que cultum & nouam vitam reducant; quod ni faciant, tum illud eos consecuturum: Malos malè perditurum, & aliis locaturum vineam. Quod iam in Asia, Græcia, Aphrica, Vngaria apertè experti sunt. Assentiuntur autem isti apud Matthæum huic sententiæ, imò ipsi eam proferunt: apud Lucam deprecantur. Audita enim Domini sententia, dixerunt, Absit. Verum si propius expendamus sensum, nulla est repugnantia: quia de pœna, quam meriti erant tales serui, non dubium est, quin assensi fuerint Christo: sed cum in se tam crimen, quàm iudicium conferri sentirent, hoc ipsum deprecati sunt.

Notandum quartò: quærere hoc loco Origenem: Quomodo Deus mit- 51
tens filium suum, dicit: Reuerbuntur filium meum: quasi qui non præsciebat, quod ei fuerat euenturum. Nec enim videntur secundum textum præsentem: Iudæi reueriti eum: & inuenitur in hoc Deus nescisse futurum. Sed dicere, aliud esse factum, impium est: iterum dicere, quoniam reueriti sunt eum coloni, falsum est. Coloni enim videntes filium, dixerunt apud se: Hic est hæres, venite occidamus eum, & nostra erit hæreditas. Subijcit ipse solutionem: Nisi fortè, inquit, hoc modo soluamus. Sicut enim quasi de omnibus Iudæis occisuris sic dicit generaliter: Coloni autem dixerunt: Hic est hæres, venite occidamus eum; & tamen non omnes Iudæi occiderunt Christum, sed qui secundum carnem fuerunt Iudæi: secundum spiritum autem Iudæi non occiderunt Christum, sed crediderunt in eum. Sic generaliter quasi de omnibus colonis dicit: Reuerbuntur filium meum; & tamen non omnes illum reueriti sunt, sed illi tantummodò, qui secundum spiritum fuerunt Iudæi, qui crediderunt in eum; vt illud quidem quod ait: Reuerbuntur filium meum: videatur impletum in illis Iudæis, qui intelligentes Christum, crediderunt in eum: hoc autem quod dictum est, Hic est hæres, venite occidamus eum: in illis impletum sit, qui

fit, qui videntes Christum, & cognoscentes filium Dei, nihilominus occiderunt eum.

52 **N**otandum quintò: solenne esse prælatis atque sacerdotibus ea prædicere, & quasi diuinare, quæ ad eorum ipsorum nonnunquam excidium pertinent; quomodo nunc isti euidenter in se ferunt sententiam: Malos malè perdet. Et paulò post in concilio Annæ: Ne veniant Romani, & tollant locum nostrum & gentem.

53 **N**otandum sextò: Si Deus vineam suam tam egregiè consuepiat, vt nulla vis illam expugnare possit: murum extruxit: turrim erexit: torcular constituit; longè munitius Ecclesiam suam eundem sepius ac tueri. Deus igitur refugium nostrum & virtus: non timebimus vt transferantur montes in cor maris. Viriliter agamus: confortetur cor nostrum, & speremus in Domino.

54 **N**otat vltimò glossa ordinaria: cuique locari tum vineam colendam, cum mysterium baptismi datur, quod operando exerceat. Mitti seruos vnum & alterum, cum lex, psalmus, propheta legitur, quorum monitu benè operetur: sed missum cædi, eijci, cum sermo contemnitur, vel (quod peius est) blasphematur. Hæredem, quantum ad se, occidere, qui filium Dei conculcauerit, & spiritui gratiæ contumeliam fecerit. Perdito malo, vineam alii dari, cum damnum gratiæ, quod superbus perdit, humilis accipit.

55 **T**ulerunt superbius ac liberiori decretum Scribæ & Pharisei: Malos, inquit, malè perdet: tanquam non contra seipsos latum, sed contra alios. Putabant enim Scribæ & Pharisei, se euectores potius, ac inauguratores regis Messiae futuros, quàm deiectores aut occisores: quod contrarium illis Christus dominus prophetarum testimoniis demonstrat. Vos pro magno absurdo dicitis fieri non posse, vt vineæ coloni impiè contra filium Dei conspirent. Quid? an non scriptura ipsa prædixit, à plebe quidem, multitudine, puerorumq; turba suscipiendum eam partem psalmi docere, quam pueri occinuerunt, Osanna, Benedictus qui venit in nomine Domini: ab illis autem repudiandum & repbandum eiusdem psalmi parte doceri: Lapidem quem reprobauerunt ædificantes, hic factus est in caput anguli. A Domino factum est istud, & est mirabile in oculis nostris. Vniuersam deinde parabolam immutato nomine, de ipsis, non de aliis dictam esse, apertè explicat: de eo, inquam, contemptu & reprobatione, quam contra regem Messiam admiserunt, qui eos ipsos contriturus & comminuturus erat. Ideò dico vobis, quia auferetur à vobis regnū Dei, & dabitur genti facienti fructus eius. Et qui ceciderit super lapidem istum, confringetur: super quem verò ceciderit, conteret eum. Id autem totum vt melius intelligatur, notandum illud in primis est: Regem Messiam inter cætera epitheta & cognomina Lapidem vocari: Lapis qui percusserat statuam, factus est mons magnus, & impleuit vniuersam terram. Et Isaia 28. Hæc dicit dominus Deus: Ecce ego mittam in fundamentis Sion lapidem probatum, angularem, pretiosum, fundatum fundamine: qui crediderit, non festinet. Eundem locum Rabbi Salomon exponens, sic inquit, exponendum est: Ecce ego sum, qui fundavi iam in Sion lapidem: hoc est, iam definitum & decretum est coram

me: & constitui regem Melsiam, qui est lapis probatus. Quod autem dicitur, fundatum fundamine, vel fundamentum fundamenti, id est, fundamentorum, sic intelligi debet, ac si dicatur fundamentum perfectissimum. Hæc ille. Ionathan quoque Chaldaicè ita hæc transtulit: Ecce ego constituo in Sion regem Melsiam, regem potentem, robustum & fortem. Ita & illa psalmi verba: Lapidem quem reprobauerunt ædificantes, hic factus est in caput anguli: Rabbi Salomo sic interpretatur. Exponens enim illud Mich: cap. 5. Ex te mihi egredietur, qui sit dominator in Iraël, sic infert: Hic est Melsias, filius David, sicut dictum est psal: 118. Lapidem quem reprobauerunt ædificantes, hic factus est in caput anguli. Hic non est à Deo: hic se dicit mundum: reprobauerunt ipsum cum dicebant: Samaritanus est hic, & dæmonium habet; ipse autem ubi resurrexit à mortuis, factus est in caput anguli: hoc est, in caput Ecclesiæ, conuertens Iudæos & ethnicos in vnam fidem. Vt vnum angulus tenet ædificium, ita Christus constituit & retinet Ecclesiam. Mirabile autem hoc ædificium est in oculis nostris: primum, quia à Domino est: deinde, ob pulchritudinem, in qua erectum est: tertio, ob miracula, quod mirabiliter confirmatum & roboratum sit, eiusque doctrina mirabilis.

Notanda secundò hoc loco est traditio illa: dum ædificabatur Salomonis templum, variam & multiplicem pro operis dignitate, & infinitæ materiæ copiam, tam lignorum quàm lapidum conuectam esse, in qua lapidem quendam, qui in nullam partem templi rectè ingredi potuerat, frustra sæpius tractatum, ac ad multiplices vsus tentatum, ultimò extra fabricam, ne molestus esset, proiectum fuisse, diuque frustra otiosum iacuisse. Dum tandem successu temporis duo parietes templi in vno angulo coniungi debuissent, ad quam rem cum lapis nullus reperiri potuisset, illi rei idoneus & accommodatus ille ipse abiectus & repudiatus, ita ad eam rem contulit, ac si illi soli rei comparatus ac reseruatus fuisset, factusque est in caput anguli, quod nullus alius potuit. Itaque coniunxit duos parietes, ut vnus esset. A Domino hæc facta esse in figura, testantur prophetæ, ac in oculis nostris mirabilia esse; utpote quæ regem Melsiam designarent, qui primum ab istis ædificantibus sit reprobatus; postea factus est in caput anguli, duosque populos, Gentilium & Iudæorum, in vnam fidem coniunxerit. Quod totum signum latius explicat D. Petrus: Vobis igitur honor credentibus; non credentibus autem lapis quem reprobauerunt ædificantes, hic factus est in caput anguli, & lapidem offensionis, & petram scandali, iis qui offendunt verbo, nec credunt in quo & positi sunt. Sed hic filius, inquit Hilarius, lapis est ab ædicatoribus improbatus, & in fastigium angularis electus, & in oculis omnium mirabilis, & inter leges atque gentes lateris & ædificii vtriusque coniunctio. Quod si aliquis eam traditionem non recipit, tum hoc ipsum more aliarum parabolarum infinitè de omni re primum repudiata, deinde assumpta, dictum existimet: Simile esse regnum cælorum: ac si ædificantes repudient lapidem, qui postea fuit in caput anguli. Quos enim suprà operarios, & vinitores, & agricolas appellarat, nunc ædificatores, id est cæmentarios vocat. Vnde dicit Apostolus, Dei agricultura, Dei ædificatio est. Hi ergo cæmentarii, quomodo & vinitores accipiunt vineam, sic acceperunt lapidem, quem vel in fundamentis ponant, iuxta architectum Paulum: vel in angulo inter parietes, ut populum vtrumque consociet, qui reprobatus ab eis, factus est in caput anguli.

guli. Et hoc à Domino factum est, non humanis viribus, sed Dei potentia.

57 **N**otandum tertio: eadem D. Petrum prolixius de hoc lapide adferre, quæ hîc adferuntur: Ad quem accedentes lapidem, viuum, ab hominibus quidem reprobatum, à Deo autem electum & honorificatum, & ipsi tanquam lapides viui superædificamini: domus spirituales in sacerdotium sanctum: offerentes spirituales hostias, acceptabiles Deo per Iesum Christum. Propter quod continet scriptura: Ecce pono in Sion lapidem summum angularem, probatum, electum, pretiosum: & qui crediderit in eum, non confundetur. Vobis igitur credentibus honor: non credentibus autem lapis quem reprobauerunt ædificantes, hic factus est in caput anguli, & lapidem offensionis, & petram scandaliiis qui offendunt verbo, nec credunt, in quo & positi sunt.

58 **Q**uarto: notanda esse tria ad eam doctrinam rectè intelligendam. Primum, Iudæos triplici pœna punitos esse: Temporalis ablatione regni: Spirituali obcæcatione: & populi gentilis, quem illi præ se contempserunt, in partem & sortem illorum vocatione. Quæ omnia fuerunt à prophetis prædicta, Deut: 21. Isaia 71. Dan: 9. Osee 1.

59 **N**otandum quinto est: quanquam debuerint ob ingratitudinem suam Iudæi reprobari; non tamen omnes: maior tamen illorum pars, teste Ambrosio lib. 1. de vocatione gentium. Hier: sup. 23 psal. Dicit igitur Dominus, Messiam quem reprobauerunt ædificantes, cum debuisset tantum vnus parietis esse lapis, ob ingratitudinem Iudæorum factum esse duarum gentium: hoc est, Iudæorum atque gentilium, ad quos solos pertinebat tota gratia, ex eaque plerisque deiectos esse, & in illorum locum alium parietem repositum. Vbi duæ illorum pœnæ notantur: Spiritualis prima: quod magna pars ex eo lapide est deiecta, qua ablatum est ab illis regnum, & datum genti facienti Dei voluntatem. Temporalis, quia repositi fuerant in locum eorum inimici, quando dispersi sunt per vniuersum orbem: hoc enim significat *λειτουργία*, hoc est, comminuet. Offendent ex eis plurimi, inquit Isaia, & cadent, & conterentur, & irretientur, & capientur. Dicit autem, non vialiqua humana, aut consilio hæc facta esse, sed à Domino, Quod ipse explicat: Ideò dico vobis, quia auferetur à vobis regnum Dei, & dabitur genti facienti fructus eius. Quibus duab. pœnis visibilibus addit tertiam longè grauiorem, sempiternum duraturam: Qui ceciderit super lapidem istum, confringetur: quod euēnit ante mortem Christi, cum non crediderunt illi prædicanti: post resurrectionem verò, cum resurgentem negauerunt, super capita illorum hic lapis reuolutus est. Sed & alio modo hunc locum exponit D. Hieronymus: Aliud est offendere Christum per mala opera, aliud negare. Qui peccator est, & tamen in illum credit, cadit quidem super lapidem, & confringitur, sed non omninò conteritur: reseruetur enim per pœnitentiam ad salutem. Super quem verò ille ceciderit, hoc est, cui lapis ille irruerit, & qui Christum penitus negauerit, sic conteret eum, vt nè testa quidem remaneat, in qua hauriatur aquæ pusillum. Sed quæ causa est huius tantæ reprobationis? non vna, sed plures. Primum, quia abusi sunt fructibus vineæ. Secunda causa: impium homicidium prophetarum, in quos, tanquam in-

quam infani ægri, violenter inuaserunt. Tertiò: temporalium rerum spiritua-
libus rebus antelatio: dum enim imperium tenere volunt, cælum simul cum
imperio amiserunt: Et hæreditatem, inquit, accipiemus. Quartò: summa vi-
nitorum ingratitude; quorum causa cum omnia facta essent, sepes, turris, tor-
cular, omnia hæc contempserunt, ac impiè hæredem inuaserunt. Quintò: su-
perba præsumptio legis & iustitiæ: quod prolixè Paulus in ea epistola quam
ad Romanos scribit, explicat. Sextò: infidelitas & durities cordis extranea:
Quia, inquit, non cognouisti tempus visitationis tuæ. Septimò: finalis impœ-
nitentia: Quoties volui congregare, & tu noluisti? Cuius libet hoc loco no-
bis damna & incommoda audire. *Summa angl. de B. in lib. de Tobia.* Primum, eum qui non pœnitet, soluere ma-
gnam vsuram diabolo; vt doeet D. Ambrosius in lib. de Tobia. Gregorius in
Homil. II. in Ezechielem: quæ vsura in dies magis ac magis crescit: peccatum
enim per pœnitentiam non expiatum, aliud post se deterius trahit, vt arcus,
quum magis intenditur, tantò magis dat signum vt caueas, & nisi caues, magis
ferit. Secundum illud damnum emergens adfert: quia maius damnum tra-
hit. Tertium, quod adfert malum inexplicabile: quia interim nullum venia-
le peccatum remitti potest, dum mortali, tanquam pondere, & maximo lapide
premitur, ob quod postea in purgatorio pati cogitur. Quartum, quod ma-
gnum lucrum facit cessare: quia nulla bona opera illi prodesse possunt, nullæ
indulgentiæ, non merita, neque suffragia sanctorum, qui in mortali peccato de-
git: & quamuis bona opera post pœnitentiam redeant; non tamen illa quæ
in mortali peccato sunt facta. Quintum, quod per eam impœnitentiam pec-
cator ob expectationis ingritudinem Deum magis exacerbat, & ipse magis
induratur, & confirmatur in morbo, vt difficilius curari possit. Sextum, quia
id neque spiritus sanctus, neque recta ratio suadet: sed solum hostes nostri,
mundus, diabolus, caro, vitæ nostræ maximi insidiatores, retinentes nos, *albo*
zabawiatæ nas / a; po nas opzawcy przyda. Septimum, quod nulla seria &
solida de causa pœnitentiam differamus, spe scilicet vltimi termini, qui & in-
certissimus est, & occupationibus impeditus: vnde Augustinus de pœnitentia
& morte: Si quis securus est, ego non sum securus.

NOtandum sextò: Phariseos, quamuis duro corde essent, & propter incre- 60
dulitatem & impietatem in filium Dei hebetes; tamen apertas propositiones
negare non poterant, & intelligebant, contra se omnes Domini sententias di-
rigi: vnde volebant quidem eum interficere, sed timebant turbas: quia sicut
prophetam eum habebant. Semper turba mobilis est, nec in proposita vo-
luntate persistens, atque in morem fluctuum diuersorumque ventorum, huc
illucque trahitur: quem nunc quasi prophetam venerantur & colunt, postea
contra eum clamant. Crucifige, crucifige. Vbique homines timent: Chri-
stus tamen & parabolas sanè dixit, & prophetiam adduxit, vt timore correpti,
malitiam relinquerent: ipsi verò occidere magis illum quærebant. Atqui sci-
ebat, quod mutandi non essent; attamen vbique quod suum est facit, nihilque
prætermittitur eorum quæ conueniunt.

NOtare item hoc loco debent principes sacerdotum, & seniores populo- 61
rum: notare populus ipse Christianus, nihil vocationem, nihil successiones &
magnificos titulos prodesse: nihil promissa & cæremonias, vbi sempiterni Dei
maiestas

maiestas fuerit læsa, & in quos lapis hic ceciderit. Nam si ramis naturalibus non pepercit, quid insititiis facturus est? Regnum Dei hæreditario iure apud se residere Iudæi putabant: ideoque securè obstinati erant in suis vitiis: nos in eorum locum repentè præter naturam successimus: multò itaque minus nobis affixum erit, nisi in veræ pietatis radice nitatur.

62 **N**otandum & illud: quemadmodum legitimam vocationem peccata & delicta non impediunt, quod in his ipsis colonis ac vinitoribus apparet: ita talem solam vocationem, si functionibus & fructibus careat, nihil ad æternam vitam conferre, magis iudicium contra nos, quàm sententiam pro nobis ferre. Garrit autem hoc loco Calvinus contra magistratus Ecclesiasticos, falsa assumens, ac disparia comparans.

63 **Q**VAESTIONES S. AVGVSTINI. PRIMA: Quod Dominus dicit discipulis suis: Dicetis monti huic, tolle te, & iacta te in mare: de superbia dixit, quæ ad seculares pertinet: Hoc tibi seruus Dei dicere debet, vt eam à se repellat; quia ipsi non congruit, vel quod per eorum fidem, quia per eos Euangelium prædicatum est, ipse Dominus, qui mons appellatus est, ablatum est à Iudæis, vt in gentes, tanquam in mare porro iaceretur.

SECUNDA: Quod Dominus dicit, Et qui ceciderit super lapidem istum, confringetur: super quem verò ceciderit, conteret eum; de his dicit, quod cadent super eum, qui illum modò contemnunt, vel iniuriis afficiunt: ideò non dum penitus intereunt, sed tamen confringuntur, vt non ambulent. Super quos autem cadit, veniet illis desuper in iudicio cum poena perditionis: ideò dixit, Conteret eos, vt sint impii tanquam puluis quem proijcit ventus à facie terræ.

Caput XXII.



PARABOLAM NVPTIARVM ET AMPLI PRANDII CONTINET: Phariseorum congressum de tributo Cæsaris, & Saduceorum de futura resurrectione explicat: de summo mandato ac de rege Metsia quæstionem complectitur. In illis quidem mortem Christi, hinc gloriosam resurrectionem explicat. Deterius horum ingenium quàm vinitorum: nam vinitores alicuius causa occidunt & contumelia afficiunt, fructuum scilicet vineæ: isti gratis vocantur ad nuptias, & manus illi inferunt: quid cædi cum nuptiis? Quæ quidem nuptiæ vitæ cælestis, & in resurrectione suscipiendæ æternæ gloriæ sacramentum sunt. Parabola idem argumentum habet, quod & superiores de reprobatione Iudæorum, & vocatione gentium: hoc ampliùs, quod reprobationem Iudæorum non ex parte Dei, sed vitio ipsorum euenisse per recusationem conuiuii, docet: tum & illud, quod genus vocationis seuerius esse notat eadem reprobatione, si vocationi suæ non respondeant. Metuere iubet scopus parabolæ: siquidem id solum trahendum est hinc, quod neminem securum esse oporteat, eò quod ad nuptias intrauerit, sola videlicet in Christum fide: sed post-

quam baptismo ablatus est, opus est veste nuptiali indui, hoc est, renatum esse, ac dignum futuris nuptiis. Est autem hæc vestis & ornatus, vita pura ac splendida, in modum vestis virtutibus contexta. Per istas nuptias intelligitur Verbi incarnatio: tunc enim Deus fecit nuptias filio suo, quando naturam humanam copulauit naturæ diuinæ in vno supposito. Quæ quidem nuptiæ celebratæ sunt in vtero virginali, de quo Christus exiit, tanquam sponsus procedens de thalamo suo. Multos esse vocatos, paucos electos, personarum circumstantiarum & rerum comparationes. Hieronymus sic explicat: Rex, qui fecit nuptias filio suo, Deus omnipotens est: fecit autem nuptias Domino nostro Iesu Christo, & Ecclesiæ, quæ tam ex Iudæis, quàm gentibus congregata est. Seruus primus inuitans ad nuptias, Moyses est: serui secundò missi, melius est vt prophetæ intelligantur quàm Apostoli; ita tamen si suprà Seruum scriptum fuerit: sin autem Seruos ibidem legas; hîc secundi serui apostoli intelligendi sunt. Prandium paratum, & tauri, & altilia occisa: vel per metaphoram opes regiæ describuntur, vt ex carnalibus intelligantur spiritualia: vel certè dogmatum magnitudo, & doctrina Dei lege plenissima sentiri potest. Parabola præcedens ea tractauit, quæ ad passionem vsque transierunt: puta, Dei prouidentiam, qua erga Iudæos vsus est: prophetarum cædem: & tandem ipsius Saluatoris occisionem; hæc autem, quæ nunc proponitur, ea quæ post crucem contigerunt, indicat: regnum cælorum vocans Deum patrem, nuptias verò mysticam filii coniunctionem ad Ecclesiam credentium. Duplicem autem intelligimus huiusmodi coniunctionem, & quæ hîc per fidem & cæteras virtutes, & quæ illic magis supernaturaliter perficienda est. Id autem vocat nuptias, tum propter desiderium quod habet ad Ecclesiam, tum propter ipsius Ecclesiæ gaudium: siquidem & Baptista sponsum illum appellauit, & ille Baptistam amicum sponsi. Simile factum est regnum cælorum homini regi, qui fecit nuptias filio suo, & misit seruum suum vocare inuitatos ad nuptias, & nolabant venire. Iterum misit alios seruos, dicens: Dicite inuitatis, Ecce prandium meum parauit: tauri mei, & altilia occisa sunt, & omnia parata: venite ad nuptias. Seruos dicit Apostolos, qui primùm Hierosolymis docuerunt: Inuitatos verò Iudæos, qui primùm ad huiusmodi nuptias fuerant inuitati, olim quidem à prophetis, postmodum verò à Baptista: siquidem ad hunc populum ipsos seruos transmisit præterea quoque ab ipso sponso. Et vide hinc quidem Iudæorum prauitatem, illinc autem Saluatoris bonitatem: illi occiderunt, ipse verò, cum essent homicidæ, rursus vocat eos ad gaudium sempiternum: illi ab eo resiliunt. Prandium autem, & tauros, ac altilia mactata siue parata dixit iuxta morem, qui seruari solet in nuptiis. Et hîc quidem dici possunt deliciæ diuinorum dogmatum, & Sacramentorum vsus: in futuro autem cæleste gaudium & fruitio: per tauros verò & altilia pretiositas ac magnificentia conuiuii declaratur. Et tauri, iuxta Hilarium, saginati, gloriosa martyrum species est, qui confessione Dei, tanquam hostia electa sunt immolati. Saginata verò homines spirituales, tanquam cælesti pane, ad euolandum aues paratæ, cæteros accepti cibi vbertate expleturæ. Illi autem neglexerunt: & abierunt, alius in villam suam, alius verò ad negotiationem suam. In villam abeuntes isti intelliguntur, qui se carnali ac delicatæ vitæ dederunt: ager enim cuiusque proprius est corpus eius. In mercatum autem proficiscuntur illi, qui quæstuosæ se vitæ dedunt. Hæc igitur nuptiarum impedimenta, etsi omnes, maximè tamen sacerdotes

sacerdotes declinare debent. Reliqui verò tenuerunt seruos eius, & contumeliis affectos occiderunt. O impudentiam! inquit Euthimius: Non solum non venerunt, sed & eos qui ad se missi erant, contumelia affecerunt & occiderunt. Et in præcedenti quidē parabola illi iugulati sunt, qui fructus repete-
bant: in hac autem, qui ad nuptias vocabant. Quid huic insanix æquari po-
tuit? Rex autem cum audisset, iratus est, & missis exercitibus suis, perdidit homicidas illos, & ciuitatem illorum succendit. De quo dictum fuerat superi-
us: Simile factum est regnum cælorum homini regi; quando inuitabat ad nu-
ptias, & agebat opera clementiæ, hominis nomen appositum est: quando ad
ultionem venit, hominis non fit mentio, sed regis tantum. Exercitus seu vl-
tores dicuntur angeli, siue Romani, ducibus Tito & Vespasiano. Indignis au-
tem repertis his qui primū inuitati fuerant, iubet ire ad exitus viarum, vt,
quosunque inuenerint, vocent ad nuptias. Exitus viarum, gentilis populus,
quasi qui in viis non fuerit, sed in semitis tantum. Dixit autem id, significans
abiectionem gentium: primū siquidem Apostoli Iudæis prædicabant, cum
adhuc apud eos essent; postquam autem illos eiecerunt, dixit eis Paulus: Vo-
bis oportuit primū loqui regnum Dei: quia autem indignos vos iudicāstis,
ecce conuertimur ad gentes. Atqui postquam resurrexit Christus, statim hos
ad gentes emisit, dicens: Euntes docete omnes gentes. Et egressi serui e-
ius in vias, congregauerunt omnes quos inuenerunt, malos & bonos, & imple-
tæ sunt nuptiæ discumbentium. Intrauit autem rex, vt videret discumbentes,
id est, in sua fide quiescentes. Intrat autem rex iste dupliciter: Generaliter
intrabit in futuro iudicio: specialiter in morte cuiuslibet hominis. Et vi-
dit ibi hominem non vestitum veste nuptiali. Homo iste, omnes qui sociati
sunt malitia intelliguntur. Quis autem est carens veste nuptiali? qui non in-
dutus est visceribus misericordiæ, humilitatis, & fraternæ dilectionis. Vestis e-
nim nuptialis, præcepta sunt Domini & opera, quæ ex lege & Euangelio com-
plentur, nouique hominis efficiunt indumentum: ista item vestis nuptialis Cha-
ritas est, quæ diuidit inter filios Dei & perditionis: vt dicit Augustinus. Dici-
tur autem vestis nuptialis secundum Gregorium, quia ea indutus Christus ad
nuptias venit, quando ex charitate incarnari voluit. Si quis ergo in tempore
iudiciali inuentus fuerit sub nomine Christiano non habere vestem nuptialem,
hoc est, vestem supercælestis hominis, sed vestem pollutam, id est, veteris homi-
nis exuuias; hic statim corripitur, & dicitur ei: Amice, quomodo huc intrāsti?
Amicum vocat, quod inuitatus ad nuptias est: arguit eum impudentiæ, quod
veste sordida munditias polluerit nuptiales. At ille obmutuit: in tempore e-
nim illo non erit locus pœnitentiæ, nec negandi facultas, quando omnes an-
geli & mundus ipse testis futurus est peccatorum. Et quia in fallendis homi-
nibus plurimum artis soleat habere simulatio, quæ si nos vel secreto mentis a-
lienæ, vel simplicitate iudicii nostri fefellerit; tamen Deum latere non poterit.
Idē ingressus Deus felici resurrectionis istius cælum & hominem accumben-
tem sine nuptiali veste conspiciens, interrogat quomodo sit ingressus. Tunc
dixit rex ministris: Ligatis manibus & pedibus eius, mittite eum in tenebras
exteriores: ibi erit fletus & stridor dentium. Manus ligatas ac pedes, fletum-
que oculorum, vel ad comprobandam resurrectionis intellige veritatem: vel
ideō ligantur manus & pedes, vt malè operari & currere desistant ad effunden-
dum sanguinem. In fletu quoque oculorum & stridore dentium per meta-
phoram

phoram membrorum corporalium magnitudo ostenditur tormentorum. Interiores quoque tenebras dicimus cœcitatem cordis, exteriores verò æternam noctem damnationis, in quam tunc inuitus proijcitur, qui nunc sponte cecidit in cœcitatem cordis.

NOtandum primò est: Deum omnes velle saluos facere, & ad agnitionem veritatis venire, stante integra eius præscientia: & idèd omni tempore seruos suos ad saluandos homines mittere, orare, obsecrare, cogere etiam. 2

NOtandum secundò: perditionis nostræ, iuxta prophetam, in nobis causam esse; vt qui vel carnalia desideria, vel momentaneas opes æternæ Dei vocationi anteferamur, ac simpliciter ad eius conuiuium venire recusemus. 3

NOtandum tertio: ingratitude, cuius ne nomen quidem veteres latini habere voluerunt, magnam vim esse, vt quæ id efficiat, vt eorum munerum quæ nobis gratis Deus conferre solet, eum aliquando poenitere soleat: quod in hac parabola videmus: Rex, inquit, cùm audisset, iratus est, & missis exercitibus suis occidit homicidas illos. 4

Quartò notat D. Hieronymus: inter eos qui non recipiunt Euangelii veritatem, multam diuersitatem esse. Minoris criminis sunt, qui occupati aliis rebus venire noluerunt, his, qui contempto inuitantis affectu, verterunt humanitatem in crudelitatem, & tentos seruos regis vel contumeliis affecerunt, vel occiderunt. In hac parabola filetur sponsi occisio, vt per seruorum mortes contemptus ostendatur nuptiarum & sponsi. 5

NOtandum quintò: vestem indignam nuptiis, diuersos diuerso modo interpretari; alios faccum auaritiæ: purpuram superbiæ: aurum inanis gloriæ: pelles ouium simulatæ iustitiæ; alios arma iracundiæ: alios habere vestimentum sordidum luxuriæ: alios latum dissectione inuidiæ: alios in compositum negligentia acediæ. Vestem nuptialem pulchrè D. Macarius Ægyptius martyr Homil: 20. interpretatur: Si quis nudus est, carens indumento diuino & cælesti, quod est spiritus sancti virtus, sicut dictum est: Si quis spiritum Christi non habet, hic non est eius: ploret, preceturq; Dominum, vt illud spirituale indumentum cælitus accipiat, vt in anima sua, diuinæ operationis experte, nudaque induatur. Multa enim passionum ignominia circumdatus est, qui spirituali indumento indutus non est. 6

NOtandum sextò: si per gratiam Deus ad nuptias vocat, cur ea in illos abutatur seueritate? Quia conuenit eum qui ad nuptias regias vocatus est, digno nuptiis regiis ornatu omninò ingredi, & decenti stola gratiæ vocationis respondere. In pauperis enim & abiecti hominis nuptiis, facile se quisque excusare posset, quòd non ita facile illarum causa magnum sumptum facere possit. In magni autem regis nuptiis ablata est omnis excusatio, & in quarum splendorem rex multa conferre solet: in proximo namque est ornatus, ac inuentu facilis, si modò verè illum quæsierimus. Iustè itaque illum eiicit, qui ornatus non erat, tanquam segnem & negligentem, & qui ornatus esse potuit: siquidè sicut 7

sicut iniuste erga illū egerūt, qui nō venerūt, ita & qui sordidi ingressi sunt. Data est unicuique vestis nuptialis, cum domū hanc ingrederetur, vestis Christi: Quicunque enim in Christo baptisati estis, Christum induistis. Catenam vocat detentionem, siue cessationem operationis, quæ manibus ac pedibus perficitur. Tunc enim cessabit omnis peccatorum operatio, nec amplius vel vna actio ad iudicem placandum dabitur: operationis siquidem præsens tempus est, futurum verò retributionis. Ligantur autem manus, quia iniqua perpetrabant: pedes verò, quia ad peccatum gradiebantur. Prosequitur similes dubitationes Hilarius: Numquid inuitandorum habitum designauerat? Deinde cum inuitari quousque iussisset, quomodo vnus omnibus poterat esse vestitus? Aut si certus ex consuetudine conuiuantium in nuptiis habitus soleret esse, ab inuitantibus ac ministris potuisset inhiberi: sed quia malos intelligere non omniū est, & humana simplicitas difficilè fraudulentiam simulatam mentis intelligit; idcirco hunc malum & indignum cœtu nuptiali Deus solus inuenit. Vestitus autem nuptialis est gloria spiritus sancti, & candor habitus cælestis: qui bonæ interrogationis confessione susceptus, usque in cœtum regni cælorū immaculatus & integer referuatur. Hic itaque tollitur, & in tenebras exteriores mittitur, quia multi vocati sunt, & pauci electi. Non est igitur paucitas in inuitatis, sed raritas in electis: quia in inuitante sine exceptione publicæ bonitatis humanitas est, in inuitatis verò de iudicii merito probitatis electio est.

8 **N**otat septimò Theophylactus: ingressum quidem esse in conuiuium sine omni discretionem: gratia enim Dei omnes vocamur, tam boni quàm mali; vitam tamen eorum qui ingressi sunt, sine examine non esse. Itaque Dei quidem est vocare: electos autem fieri, sine nobis non est, ut quibus pondus diei & æstus perferendus sit. Addit D. Hilarius: Vocationem quidem nos bonos efficere debuisse: quia sancta est, & ex optimo affectu inuitantis profecta; sed per vitium inemendatæ voluntatis, discrimen est vocatorum.

9 **N**otandum est octauò contra Anabaptistas: Ecclesiam Dei veram usque ad consumationem mundi, ex malis & bonis constare debuisse: sic enim inquit Euangelista, Et egressi serui eius in vias, congregauerunt omnes, malos & bonos; quos inuenerunt, & impletæ sunt nuptiæ discumbentium: quos usque ad aduentum regis simul mansuros fuisse, significat hic qui non habebat vestem nuptialem: & idcirco hæc ipse nuptiæ de regno cælesti, vbi nihil coinquinatum est, intelligi non possunt.

10 **N**otandum & illud nonò: nuptias has multas ob causas dici: similitudines multas nuptiarum habere. Habent sponsum Christum: sponsam Ecclesiam: desponsatorem patrem cælestem: amicos sponsi apostolos, virosque apostolicos; habent tapetia, historias veteris & noui Testamenti, quæ à Septuagesima usque ad finem anni Ecclesia extendere solet; habet musicam verbi Dei: choros, & aliam hilaritatem: sacras cæremonias; dapes atque cibos, sacramenta: præcipuè autem corporis & sanguinis Domini. Vnde Lyranus: Prandiū meum parauit, videlicet Sacramenta Ecclesiæ & doctrinam, quibus reficitur anima: & potissimum Sacramento Eucharistiæ, in quo datur nobis caro Christi in cibum, & sanguis eius in potum.

Notandum

Notandum decimò: inter cæteras exitiosissimas huius seculi labes, quibus communis salutis nostræ inimicus populum infecit Christianum, hæc una est, nescio an non omnium exitiosissima, temeraria quædam fiducia, aut potius præsumptio. Docent enim hæretici, certitudine fidei Christianæ credendū esse cuique, qui modò in Christum credidit, eum in gratia Dei esse: illi peccata dimissa: eum nullo pacto perire posse: illi certam patere salutem: (fide autem Christiana illis rebus credimus, quibus non possunt subesse falsa, & quæ alio modo fieri est impossibile.) quæ vox maiorem partem primum abrogat Euangelii, eam ipsam, quæ ad pœnitentiam, antea actâq; vitæ emendationem nos cohortatur: tam quæ ad perpetuæ vitæ cautionem, custodiam, diligentiam, curam & assiduitatem nos admonet: & eam, quæ exercitio bonorum operum vitam æternam, prauæ & cõtaminatæ vitæ æternum minatur supplicium; quibus partibus quasi totum continetur Euangelium. Deinde nobis securis ac dormientibus, dat occasionem inimico homini ad superfeminanda zizania, quæ hoc seculo ita abundè subfeminata sunt, vt veritatis, veri q. seminis exiguæ quædam appareant partes: vt enim in plana potius, vbi nullus est metus casus, & ideò ne cautio quidem quàm in aspera via, vbi tutò pes non figitur, & ideò ne temerè quidem facilius est lapsus: ita in summa securitate, ac vitæ dissolutione, facilius insidiarum primùm, deinde exitii est locus. Demum hæc ipsa talis persuasio, omnem illam vitæ Christianæ dignitatem & excellentiam, omnia Christianæ professionis exercitia, omnem carnis mortificationem sustulisse videtur.

Notandæ sunt vndecimò causæ, eius, de qua proximè diximus, præsumptionis. Prima igitur nimis confidendi hæc esse deberet causa, quòd sanctis prædestinatis Dei ab initio mundi præparata sit gloria, quam nulla vis, nulla præsidia humana illis eripere possint. Sic enim vltimam iudex pronuntiabit sententiam: Venite benedicti patris mei, possidete regnum vobis paratum ab initio mundi. Et Isaias: A seculo non audierunt, neque auribus perceperunt: oculus non vidit, Deus absque te, quæ præparasti expectantibus te. Magnum confidendi argumentum: sed hoc aufert istud Euangelium. Nam & hæ ipsæ nuptiæ, eam gloriam designantes, his ipsis conuiuatoribus apparatus fuerant: sic enim protestatur ipse rex: Dicite, inquit, inuitatis: Ecce prandium meum paravi; tamen illud dicitur: Amen amen dico vobis, quòd nullus est, qui gustasset de cœna illa. Quod idem demonstratur in illa verissima populi Israëlitiçi figura & forma, omnibus illis qui ex Ægypto profecti sunt: sedes illæ lætæ ac quietissimæ terræ promissionis præparatæ erant; nemo tamen ex illis, præter duos, Caleb & Iosue ingressi sunt, ne ipse quidem Moyse, ne ipse Aaron, quanquam tot sudoribus, tot laboribus illæ sedes quæsitæ fuissent. Non igitur in eo totum est, quia præparatæ sunt nuptiæ, quia paratæ sedes. Secundum igitur illud esse deberet confidentiæ signum, quia paratæ sunt efficacissima illius æternæ vitæ consequendæ media: in quibus alia sunt efficientia, alia instrumentalia. Efficientia quidem, mors Iesu Christi: eius pretiosissimus sanguis effusus: latus apertum. Instrumentalia autem, Verbum Dei, sacramenta, ministri: quæ omnia designantur per hoc, Tauri mei & armenta mea occisa sunt, tot millia prophetarum, apostolorum, martyrum, virginum: eius salutis causa omnia parata sacramenta: passi etiam serui, quod designat præconium Euangelii, Doctores ipsos, & eos qui præsunt verbo. His igitur tantis mediis & instrumentis,

strumentis, quomodo nō certissima salus? Atqui quanquā hęc talia tam efficacia sint media salutis; nemo tamen est istorum, quorum causa hi tauri, hęc altilia cæsa sunt, ita apparata sunt omnia, isti nuntii dimissi, gustarunt ista bona. Sed alii hęc media neglexerunt, vilibus negotiationibus occupati; reliqui verò tenuerunt seruos, & contumeliis affectos occidunt. Idem Israëlitico populo euenisse docet Paulus: Nolo vos ignorare fratres, quod patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari, & omnes eandem escam spiritualem biberunt. Biberunt autem de spirituali consequente eos petra; petra autem erat Christus. Sed non in pluribus eorum beneplacitum est: nam prostrati sunt in deserto. Hęc autem in figura facta sunt nostri, vt non simus concupiscentes malorum, sicut & illi concupiērunt. Quorum verborum hic est sensus: omnes illos veteres Israëlitæ ex æquo instrumentis salutis, non tantum istius sæcularis, sed etiam spiritualis vfos fuisse; neque tamen omnes eorum mediorum efficaciam sensisse: sic & nos omnes quidē iisdem mediis vti, in eademq. petra Iesu Christo nidum suum stabilire; neq; tamen omnes nos eius petra fructum persentire posse: Hęc enim, inquit, omnia, in figura facta sunt nostri. Parum igitur est, tauros & altilia cæsa esse: parum, omnia parata: parum, nuncios missos, si nobis nos ipsi, vt postea dicam, defuerimus. Tertium igitur argumentum est eius confidentiæ, idque maius & vicinius, Vocatio: quia ad eam salutē iam sumus ab eo qui mentiri non potest, vocati: Paulo dicente, Quos, inquit, prædestinavit, hos & vocauit: & quos vocauit, hos & iustificauit: quos autem iustificauit, illos & magnificauit; Deus est qui iustificat, quis ergo est qui condemnet? Magnum hoc ergo est argumentum, & ad fallēdos & decipiēdos rudes an non sufficiens? Tamen nuptiæ ipsæ contrarium docent, in quibus nuptiis non vocantur tantum simpliciter, sed etiam duplicatur & triplicatur vocatio. Non vocantur tantum, sed quasi coguntur; tamen illud dicitur: Et qui erant vocati, non erant digni; & tamen Saluator expressis & disertis verbis docet: Multi sunt vocati, sed pauci electi. Omnes illi qui sub nube fuerunt, vocati, mediante iure diuino, in Abraham, in Isaac, in Iacob, in Moyse; neque tamen quisquam istorum gustauit de terra illa multum desiderata, & cuius causa sic laboratum, sic sudatum est. Multi vocati, pauci electi. Quartum est illud fiduciæ argumentum: nos non tantum vocatos esse, sed ciues sanctorum, & domesticos Dei factos: conuiuas & commensales Christi, filios, cohæredes; quā igitur fieri potest, vt in aliqua parte salutis claudicare debeamus? Sed ne hoc quidem tantum est: nam & hic ipse, qui ligatis manibus ac pedibus mittitur in tenebras exteriores, fuit & ipse in iisdem ædibus, ad eandem mensam, conuiua huius regis; tamen eiicitur: tamen tam tristi & calamitosa fortuna excipitur. Intrauit, inquit, rex, vt videret discumbentes: vidit ibi hominem non vestitum veste nuptiali, & ait illi, Amice, quomodo huc intrasti, non habens vestem nuptialem? at ille obmutuit. Non dicit, paratum esse sua causa conuiuium: sua causa tauros & altilia cæsa: sua causa dimissos nuncios: se vocatum: domum inductum: ad mensam collocatum; nihil tale causat: obmutescit. Vereor equidem, ne & istis, qui nunc multa loquuntur, multa iactant, multa prædicant, ne & hoc illis eueniat, ne non possint respondere vnum promille: Rebus enim, non verbis opus est: veste seria, non ficta: veste illa ipsa, de qua dictum est, Charitas, quæ operit multitudinem peccatorum: nihil enim

coinquinatum, nihil abominationem habens, in eam ingreditur vitam, vbi Sanctus sanctorum habitat: vbi puri spiritus, puræque mentes sequuntur, cantantque canticum, quod nemo cantare potest, qui sit polluto ore, pollutis labiis. Quàm meritò dictum est, ex omni verbo otioso reddendam esse rationem! Si igitur non nuptiæ paratæ, non tauri & altilia occisa, non dimissi nuncii, non vocatio ipsa, non ciuilis mensa, & domus regis tutum & securum facit; nulla certè causa est firmæ securitatis; at metus & cautiones, at vigiliæ quàmplurimæ.

Notandæ duodecimò causæ, quæ nos impellere possint ad præsumptionem declinandam. Primùm autem, conditio naturæ nostræ, libero arbitrio prædita: quæ ea prædita est voluntate, quæ ita mutabilis est, vt omni tempore, omni momento mutari possit. Salomon sapientissimus vir, spiritu Domini plenus, nullum ante mortem laudandum esse censuit: non alia ex causa, nisi quòd toties immutari, toties alius esse possit, ita vt non cognoscas eundem esse. Aristoteles, magnus vir, quem post Iurisconsulti secuti sunt, ambulatoriam esse hominis voluntatem, à principio vsque ad mortem, dicere solebat, quæ in omnes partes honesti ac flagitii identidem transferri facile possit. Ipsi hoc in nobis experimur: Quàm multa iuuenes volumus, quæ pueri nolebamus: quàm multa viri volumus, quæ iuuenes ne cogitabamus quidem! Verè ambulatoria voluntas, quæ non modò de præmio, sed ne de cursu quidè suo secuta esse potest. Expectanda igitur dies hominis: dicique beatus ante mortem & vltima funera nemo debet, dicebat Solon. Secundus est locus eius cautionis & vigiliæ: Loci periculum & hostium magna vis. Heu mihi, quia incolatus meus prolongatus est: habitauit cum habitantibus Cedar: multùm incola fuit anima mea. Cedar sylua prædonum fuit. Hostes quàm fortes sint, Paulus docet: Non est, inquit, nobis colluctatio aduersus carnem & sanguinem; quanquam & in istis superandis, domandis, in officio retinendis, quantum molestiæ, quantum difficultatis insit, ipsi experimur. Non est, inquit colluctatio aduersus carnem & sanguinem; sed aduersus potestates, & principes tenebrarum, mundi huius retores: qui tanquam leones crudelissimi veniunt, circumeuntes & quærentes quem deuorent. Quorum tanta est potestas, inquit S. Iob: Non est super terram potestas, quæ comparetur ei, qui factus est, vt nullum timeat. Quæ igitur est in ea vita securitas, quæ certitudo; vbi hostis in eodem loco tecum est? vbi cadis, antequam præuideas casum? Tertius est locus eius cautionis Tentatio: quòd ex longè tutioribus locis, longè excellentiores ceciderunt creaturæ. Quid sublimius angelica natura, ipsiusque adeò principis angelorum, Luciferi, qui fuit principium viarum Domini? quid tutius cælo, ipsoque conspectu Domini? cadit tamen inde angelus, & secum tertiam partem angelorum trahit, irrecuperabili ruina. Quid fuit nobilius primis parentibus nostris, immediato diuino opere? quid tutius paradyso? & hic tamen inuentus est locus ruinæ. Nemo igitur sibi fide, nemo constantia, nemo virginitate, nemo vlla virtute blandiatur: nam & in cælo incautis ruinæ inuentus est locus, & paradyssus negligentibus minùs securus. Quid in hoc mundo, quem totum in maligno positum esse, scriptura clamat, & cui vix à scandalis? Quarta causa est cautionis, Casus virorum præstantissimorum, qui non ipsi sibi iustorum nomen confingebant, sed diuina etiam testimonia suæ iustitiæ referebant. Quis fidelior

fideliior Moyse? quis in omnibus & perferendis, & adeundis rebus toleratior? & hic tamen ipse offendit, nec terram promissionis vidit. Quis Samsone, viro fortissimo, fortior? & huius tamen fortitudo celsit. Dauid, vir secundum cor Dei, quàm turpiter lapsus? Salomon cunctis mortalibus sapientior, & suis & paternis meritis clarissimus: hic verò in tantum cecidit, vt, erexitne caput, an omninò in eodem cœno iacuerit, vix certò sciri possit. Sed & Iosaphat, & Ezechias non iidem semper fuerunt. Quid Petrus? quid alii innumerabiles? qui à principio quidem viri admirabiles fuerunt; postremò tamen graui conciderunt ruina. Sed & Nero ipse aliquando vir bonus fuisse à quibusdam dicitur: nam hæc, quæ quotidie ante pedes ora que nostra fiunt, quid opus est reminisci? Hæresis verò, hæc præsertim vita, his moribus, quid frustratum eat, non video: ideò lubricitatem viæ non videt, quia tota illa via ducente ad exitum, incedit. Quinta causa eius ipsius, de qua dicimus, cautionis ac timoris, Magna cautio, magnus metus hominum sanctissimorum. Neque enim sic dissolutè ac liberè, antiquos viuere homines solitos fuisse, nec sic omnes libertatis habenas sibi remisisse. Dauid rex, quem tot res aduersæ, totidem Dei beneficia exercuerunt; tamen & ipse multam vitæ cautionem adhibebat: Prouidebam, inquit, Dominum in conspectu meo semper, quoniam à dextris est mihi. Et alio loco: Sicut, inquit, oculi ancillæ in manibus dominæ suæ: ita oculi nostri ad Dominum Deum nostrum, donec misereatur nostri. Et, Exercitabar, & scopebam spiritum meum; nec tamen ipse suo carebat casu: & tamen, quantum metuat iudicium Dei, audimus. Ne proijcias me, inquit, à facie tua: & spiritum factum tuum ne auferas à me. Tene Domine pedes meos, ne vnquam prolabantur in mortem: ne in furore tuo arguas me, neque in ira tua corripas me. Ne intres in iudicium cum seruo tuo Domine: quia non iustificabitur in conspectu tuo omnis viuens. Idem Ioannes Baptista, puerulus abiit in eremum, metuens, ne leui saltem maculare vitam fame possit. At ex qua domo? illa nempe, cuius pater & mater familiæ ambo erant iusti ante deum, incedentes in omnibus mandatis & iustificationibus Domini, sine querela. cuius domus hospes Christus, & mater eius erat. Idem D. Paulus: Castigo, inquit, corpus meum, & in seruitutem redigo. Nihil, inquit, mihi conscius sum: sed non in hoc iustificatus sum. Idem Iacobus, frater Domini: idem Maria Magdalena: idem cæteri sancti, quibus, etsi illa verba dicta sunt, Remittuntur tibi peccata tua, factitârunt. Quid illi eremitæ sancti, Pauli, Antonii, Hilari-ones, Basilii, Gregorii, Hieronymi? Quid ea tanta monachorum manus? Quid, obsecro, sequuti sunt? cur vrbes: cur cœtum hominum deseruerunt? Neque enim illud Diogenicum ignorabant, Vndique æqualiter in cælos iter patere: sed labem mundi fugiebant: sed illud cum Paulo metuebant, ne fortè, cum alios docerent, ipsi reprobi efficerentur. Hæc, hæc ipsa cautio, tot claustra, tot monasteria, quorum nunc etiam videmus reliquias extare, peperit. Aut igitur omnes isti, quos recensuimus, nihil viderunt, stulti erant: aut isti noui nostri seculi Euangelistæ; verum cum de illis omninò id dici non potest: (insonabat enim in ore illorum vox illa: Angusta est via, quæ ducit in cælum, & pauci sunt qui ingrediuntur per eam.) quòd si illi sapientissimi & præstantissimi fuerunt viri; isti certè desipiunt. Sextum est igitur eius cautionis euidentissimum caput: quòd Spiritus sanctus, per os scripturæ loquens, contrarium quàm isti doceat. Salomon in primis, casu suo edoctus, sic inquit: Sunt iusti ac sapientes

& opera illorū in manu Dei: & tamen nescit homo, an amore, an odio dignus sit, & omnia in futurum reseruantur incerta. Et Christus Dominus: Cum omnia feceritis, dicite, Serui inutiles sumus: fecimus quod debuimus. Sed & Paulus similiter, quum ostendisset, quomodo omnes illi, qui per mare transierunt, non sunt consecuti eam, quam spectabant salutem, sed in multitudine eorum non placuit Deo: infert deinde: Hæc autem omnia in figura contingebant illis; scripta autem sunt ad correptionem. Nos sumus, in quos fines seculorum deuenerunt: itaque qui se existimat stare, videat ne cadat. Et ad Romanos item similia docet: postquam enim ostendisset gentem illam, ad quam factæ sunt promissiones salutis, ex qua patriarchæ, ex qua patres, ex qua ipse Christus, reprobata esse; tandem infert: Tu autem, si fide stas, noli altum sapere, sed time: Si enim Deus naturalibus ramis non pepercit, ne fortè nec tibi parcat. Vide ergo bonitatem & seueritatem Dei: in eos quidem, qui ceciderunt, seueritatem; in te autem bonitatem, si permanferis in bonitate: alioqui & tu excideris. potens est enim Deus, iterum inferere eos. Nam si tu, contra naturam oleaster existens, insertus es oliuæ; quantò magis hi, qui secundum naturam? Vbi est igitur hæreticorum præsentis seculi gloriatio? vbi illa incredibilia paradoxa, quibus vniuersus Lutheranismus, vniuersa Augustana innititur, Christianum non posse damnari, nisi credere nolit? quàm dispar hoc est ab ea scriptura, quam isti iactant! vt verè de illis dici possit: Absconderunt laqueos in via, vt capiant simplices & incautos homines.

NOtandum tertio decimò: Etiam si præsumptio omni modo fugienda sit; ¹⁴ desperandum tamen non esse. Desperat ille, qui nulla remedia salutis esse putat; præsumit ille, qui sine causis & mediis temerè confidit: sperat autem, qui non in sui persuasione, sed in promissione Dei firmat suam spem. Qui vicerit, dabo illi edere de ligno vitæ: si compatiemur, & correpnabimus: de quibus Petrus: Firmam igitur facite spem vocationis vestræ. Hæc non aliquis ex schola, sed princeps Apostolorum docet. Ergo dicent isti amplius, inefficax est meritū mortis Christi? nequaquā. Est efficacissimū ad mille saluandos mundos: sed sic valet ista medicina, si eam adhibeas & applies: si eius amaritudinem non refugias: si abneges te ipsum: si feras contumeliam: si vita & moribus sequaris illum: sic enim clamat, Qui vult venire post me, abneget semetipsum, & tollat crucem suam, & sequatur me. At, inquit, credimus in symbolo Apostolorum Remissionem peccatorum, & vitam æternam. Et nos itidem: sed ea ratione, qua scriptum est: Oportuit Christum pati, & resurgere à mortuis, & prædicari in nomine eius poenitentiam: & sic demum remissionem peccatorum. Poenitentiam agite, appropinquabit vobis regnum cælorum. Si igitur poenitentiam plenè egisti, sis bono animo; tamen time ne recidas. Ergo nulla consolatio mortis? apud te, qui temerè speras: apud eum enim, qui se in omni exercuit virtute, maxima. Dicit enim cum Paulo: Cursum consummaui: fidem seruauit; de reliquo, reposita est mihi corona iustitiæ, quam reddet mihi Dominus in illa die, iustus iudex. Quid si non seruauit: ergo desperabit? nequaquam: sed illud Ezechielis secum considerabit peccator: Si impius egerit poenitentiam ab omnibus peccatis suis, viuet, & non morietur: omnium iniustitiarum eius non recordabor amplius. Adsunt sacramenta: adsunt multa remedia: quæ, vbi omnia adsunt, adest ad extremum illud latronis in cruce,

in cruce : Domine, memento mei, dum veneris in regnum tuum. Et Christi Domini : Hodie mecum eris in paradiso. Itaque, quanquam isti in sua hac fiducia collocent omnia ; æquius tamen plerisque Catholicos mori videas quam illos. Illis enim diabolus in omni vita eleuat omnia : tum, vbi illis moriendum est, auget & amplificat ; Catholici autem in omni vita terrentur : tum verò, in vltimo congressu, consolantur : nam & ante aciem solet Imperator ad cautionem commonere, & in congressu animum addit. Quid igitur ineptis tuis occupationibus molestus es ? quid pacem & concordiam turbas ? Quam totam causam pulchrè concludit Euthymius : Audiamus, inquit, & hæreamus, quotquot post diuini baptismatis ablutionem animam perditè sordidauimus : eò, quòd non tantum à nuptiis eiiciendi sumus, verum etiam in miserrimum supplicium detrudendi. Habenda est itaque cura de stola interiori, & non de exteriori : quàm diu enim de externa curauerimus, de æterna curam habere non poterimus.

15 **D**um hæres vineæ repetit fructum à vinitoribus : dum sponsus vocat conuiuas : ecce amici sponsi parant laqueos sponso atque hæredi : hamos instruunt : parant poculum plenum veneno : liniunt dulcissimo melle labia poculi ; vt eò auidius sponus venenum hauriat : vt eò facilius capiatur, consilium malignum congregatur à Phariseis, quomodo illum in sermone capiant. Quæadmodum, si aliquis claudere voluerit aquæ currentis meatum, si vna ex parte exclusa fuerit aqua, violentia aliunde sibi semitam rumpit : sic & eorum malignitas ex vna parte confusa, aliunde sibi aditum adinuenit. Sicut enim non potest fieri, vt ligna mittendo extinguas ignem : sic non potest fieri, vt ratione dicendo, places hominem malum. Sicut enim ignis, quando amplius ligna susceperit, in maiorem flammam erigitur : sic animus malus, quantò magis veritatem audierit, eò amplius in malitiam excisatur. Ac ne ipsi agnoscantur, submitunt discipulos suos clam cum Herodianis. Mel miscent : Magister, scimus quia verax es, & viam Dei in veritate doces : neque enim respicis personam hominum. Prima hypocritarum simulatio : quia laudant, quos perdere volut. Nihil hac oratione verius, imò exemplar perfectum veritatis : neque enim alius debet esse doctor, nisi qui hoc loci describitur. Insignis popularium hypocritarum ; nihil tamen illa nequius, nihil fallacius, nihil crudius. Est, qui nequiter humiliat se, & interiora eius plena sunt dolo, inquit Ecclesiasticus. Itaque scitè quidam, & facetè hypocritam comparat vulpi, quæ nihil melius habet quàm externam pellem : cum caro ipsa intus canina sit deterior. Similia verba ista pellium vulpium sunt : Magister, scimus quia verax es, & viam Dei in veritate doces. At caro quæ ? Licet censum dare Cæsari, an non ? Blanda & fraudulenta interrogatio, illuc prouocat respondentem, vt vel magis Deum quàm Cæsarem timeat, & dicat, non debere tributa solui : vt statim audientes Herodiani, seditionis contra Romanos principem teneant ; vel demollitus populari aura, dicat, non licere censum dare Cæsari, intereaque occupetur, ac tanquam seditiosus, & per ambitionem gentem turbans, tradatur Cæsari. O populares ! Hypocritarum primam potentiam esse simulatam laudationem, docet auctor Operis Imperfecti. Laudant enim, quos perdere volunt, vt per delectationem laudis, paulatim corda hominum ad simplicitatem benignæ confessionis inclinent. Veluti, si quis taurum validum viribus non potest subiugare, & vinculo

flectere, mollibus manibus nodosam eius fricat ceruicem; ut quem virtute tenere non potuit, per blandimentum comprehendat. Sic & isti catenam subdolæ laudis portantes in ore, & gladium malitiæ abscondentes in corde, tauri Ecclesiastici gregis dolo laudis comprehendere festinabant. Non dissimilia docet Iosephus, Antiquitatum lib. 18. cap. 1. Iudas, inquit, Gaulonites, homo ex ciuitate cui nomen erat Gamala, Saducæos & Phariseos sibi adiungens, recessi-
 onem facere festinabat, præcisionemque & censum nihil aliud esse dicebat, quàm integram seruitutem. Rem totam sic breuiter explicat D. Hieronymus: Nuper sub Cæsare Augusto, Iudæa subiecta Romanis, quando in toto orbe est celebrata descriptio, stipendiaria facta fuerat, & erat in populo magna seditio, dicentibus aliis pro securitate & quiete, qua Romani pro omnibus militarent, debere tributa persolui: Phariseis verò, qui sibi applaudebant de iustitia, è contrario dicentibus, non debere populum Dei, & portionem eius, qui decimas solueret, & primitiua daret, & cætera, quæ in lege scripta sunt, faceret, humanis legibus subiaceret. Augustus Cæsar Herodem filium Antipatris alienigenam, & profelytum regem Iudæis constituerat, qui tributis præesset, & Romano pareret imperio. Mittunt igitur Pharisei discipulos suos cum Herodianis: id est, militibus Herodis: seu quos illudentes Pharisei, quia Romanis tributa soluebant, Herodianos vocabant, & non diuino cultui deditos. Quidam Latinorum ridiculè Herodianos putant, qui Herodem Christum esse credebant: quod nusquam omninò legimus. Cum igitur duæ res maximæ obstarent, quibus eum minùs auderent interficere, Magistratus Romani auctoritas, sine quo ferè neminem interficere licuit illis: & populi timor: tanquàm prophetam enim eum habebant; quorum alteri hac interrogatione eum exosum reddere volebant. Si enim dixisset, tributum Cæsari non reddendum esse, statim Cæsarem, Cæsarisque magistratum offendisset: quod tum illi postea falsò obiecerunt: Prohibentem censum dare Cæsari. Si autem iuberet, tum populum sibi infensum redderet; ut qui eos nouo oneri census subijceret. Tali laqueo viri mendaces veritatem capere voluerunt. Non latebāt hæc eum, cuius oculis omnia aperta sunt, neque diu sub istis pellibus has vulpes latere voluit: ideò ita accommodat responsionem, ut neque veritatem subiticeat, nequenquam iure offendere possit, & omnem causam mali in ipsos sacerdotes referat: Deus enim plerumque ad animam loquitur, non ad corpus: voluntatib. respondet, non verbis. Iubet sibi ostendi numum census: iubet dicere, cuius imago sit: & cum responsum esset Cæsaris, Cæsari iubet reddere quod Cæsaris; eo sensu: Quandoquidem vos spontè voluntate vestra subiecistis Cæsari, per ambitionem vestram: per sacerdotiorum nundinationem, de quibus Machab. 2. quandoquidem omnia ab illo petere cœpistis: recepistis numum: recepistis omnia imperii insignia: perferte igitur ea, quorum ipsi autores fuistis, exedite quæ intriulistis. Vbi docemur, graue peccatum esse populi Dei, si se cum gentibus alienæ religionis conferat: si auxilia ab illis petat: si illis confidere discat; fit plerumque, ut vero & iusto iudicio Dei illi subijciatur. Sed sapientia sapienter agit, ut suis potissimum sermonibus tentatores confundantur. Ostendite, inquit mihi denarium: hoc est, numi genus, quod pro decem numis imputabatur, & habebat imaginem Cæsaris. At illi obtulerunt illi denarium. Et ait illis Iesus: Cuius est imago hæc & superscriptio? qui putant interrogationem Saluatoris, ignorantiam esse, & non dispensationem: discant ex
 præsentī

loco, quod utique potuerit scire Iesus, cuius imago esset in numo: sed interrogat, ut ad sermonem eorum competenter respondeat. Dicunt ei, Cæsaris. Tunc ait ille: Reddite ergo quæ sunt Cæsaris, Cæsari: & quæ sunt Dei, Deo. Cæsarem non putemus Augustum, sed Tyberium significare, priuignum eius, qui in locum successit ipsius, sub quo passus est Dominus. Omnes autem reges Romani, à primo Caio Cæsare, qui imperium arripuerat, Cæsares appellati sunt. Porro quod ait: Reddite quæ sunt Cæsaris Cæsari: id est, numum, tributum, & pecuniam: & quæ sunt Dei, Deo: decimas, primitias & oblationes, ac victimas sentiamus: quomodo & ipse reddidit tributa pro se & Petro: & Deo reddidit quæ Dei sunt, patris faciens voluntatem. Si enim, inquit Hilarius, nihil eius penes nos refederit, conditione reddendi ei quæ sua sunt, non tenebimur. Porro autem, si rebus illius incubamus, si iure potestatis eius utimur, & nos tanquam mercenarios alieni patrimonii procuratori subijcimus; extra querelam iniuriæ est, Cæsari redhiberi quod Cæsaris est, Deo autem quæ eius sunt propria reddere nos oportere; corpus, animam, voluntatem: ab eo enim hæc profecta atque aucta retinemus. Proinde, condignum est, ut ei se totum reddant, cui debere se recolunt & originem & profectum. Licitum est, inquit Euthymius, & hominibus dare quæ coueniunt, & Deo quo debentur. Hominibus quidem tributa, tum carnale & corporale obsequium, & si quid est simile: Deo autem animam ad eius imaginem & similitudinem factam: pietatem præterea & obseruationem mandatorum. Quam responsionem Christi, quoniam alias toto libro explicauimus, nunc plura non addemus.

Depulso primo genere vulpium, secundum cum eadem astutia adest Sadducæi, qui dicunt, non esse resurrectionem, ad eundem allisuri lapidem. Sadducæorum philosophiam sic describit Iosephus in secundo libro de bello Iudaico, cap: 7. Sadducæi, inquit, fatum omnino negant, & Deum extra omnem malipatrationem inspectionemque constituunt. Aiunt autem, electioni hominum, vel bonum, vel malum esse propositum, & secundum voluntatem propriam alterutrum unicuique contingere: animarum autem generaliter vel supplicia denegant, vel honores. Et Pharisei quidem sociabiles, & qui studeant se mutua dilectione complecti; Sadducæi autem & inter se feris moribus discrepantes, & conuersatio eorum circa externos inhumana. Hieronymus autem duas hæreses fuisse in Iudæis, docet: Vnam Phariseorum, alteram Sadducæorum. Pharisei traditionum & obseruationum, quas illi *δευτεράριος* vocant, iustitiam præseferbant: vnde & diuisi vocabantur à populo. Sadducæi autem, qui interpretabatur iusti, & ipsi vendicabatur sibi quod non erant: prioribus & corporis & animæ resurrectionem credentibus, confitentibusque; & angelos & spiritus sequentes (iuxta Apostolorum Acta) omnia denegabant. Istæ sunt duæ domus, de quibus Isaias manifestius docet, quod offensuræ sint in lapidem scandali. Scopum igitur sibi proponunt Sadducæi, Christum abducere à sensu futuræ resurrectionis, vel illum in absurdum inducere. Sumunt autem argumentum, ab impossibili, & inconuenienti, atque absurdo sumpto exemplo. Interrogauerunt, inquit, Iesum, dicentes: Magister, Moyses dixit, Si quis mortuus fuerit, non habens filium, ut ducat frater eius uxorem illius, & suscitetur semen fratri suo. Erant autem apud nos septem fratres. & primus uxore ducta, defunctus est: & non habens semen, reliquit uxorem suam fratri suo; similiter secundus

& tertius vsque ad septimum : nouissimè autem omnium & mulier defuncta est ; in resurrectione autem, cuius erit de septem vxor ? omnes enim habuerunt eam. Quod quidem exemplum vel ipsi confinxerunt, vel etiam ipsum accidere potuit : iuxta illud Deut. 25. Quando habitauerint fratres simul, & vnus ex eis absque liberis mortuus fuerit, vxor mortui non nubet alteri, sed accipiet eam frater eius, & suscitabit semen fratris sui, & primum ex ea filium nomine illius appellabit, vt non deleatur nomen eius ex Israël. Ex hac itaque lege Mosaica occasionem commenti sumunt, vt verisimile videatur, quod quaeritur. Nam vxor hæc, inquiunt, si vni adderetur, alii iniuria afficerentur : si septem totos haberet, in ea re turpitudine quædam (quæ à cælo exulat) necessario appareret : quòd si ista inconuenientia sint, inconueniens & ipsa resurrectio mortuorum. Sunt tamen & alia inconuenientia, quæ ex eodem præcepto pendent, quæ recenset Euthymius : Si iterum futurae essent nuptiæ, certè essent & puerperia, & nutritio infantum, quæstus pecuniarum, iudicia, tela, ac ægritudines, rursumque mortes, & omnia quæ in præsentivita habentur ; & ita vita illa non erit aliena ab ista : quòd si eadem erit, ad quid futura est resurrectio ? Quanquam, quidquid dicitur, figmentum est, meo iudicio, inquit D. Chrysostomus : nam duobus mortuis, tertius non duxisset, eo mortuo, perterritus quartus non fecisset : ita quintus etiam, & sextus multò minùs : septimus verò minimè omnium, sed abominati illam fuissent mulierem. Quorum argutias seria responsione rejicit Dominus : Erratis, inquit, nescientes scripturas, neque virtutem Dei. In resurrectione enim neque contrahent matrimonium : neque nuptui tradentur : neque nubent : neque nubentur ; hoc est, non coniungentur viris, vtpote non existente ibi affectu nuptiali. Causam refert Origenes : Solus enim, inquit, Christus sponsus, destruens nuptias omnes, faciet nuptias, vt sint duo in carne vna ; magis autem, non solum duo in carne vna : sed duo spiritus, vnus, id est, sponsus & sponsa. Stante tamen coniugio, in resurrectione primi fuisset : nam reliqui vicarii potius quidam defuncti, quam mariti sunt dicendi. Apud Lucam autem addidit : Neque amplius mori poterunt : ostendens, quòd nuptiæ propter mortem factæ fuerint, vt in locum mortuorum alii generentur ; vbi autem non est mors, iam neque nuptiæ sunt. Addit idem Lucas, quod maius est : Et filii erunt Dei, cum futurum sit, vt sint filii resurrectionis : hoc est, regenerati per resurrectionem, quæ est iterata generatio. De iustis enim etiam ab eo dictum est : Qui verò digni habebuntur, vt seculum illud consequantur, & resurrectionem ex mortuis : sunt enim sicut angeli Dei in cælo : absque vllò metu mortis, & labe corruptionis, atque sine vllò terreni reatus actu, perpetua Dei visione fruuntur. Si autem non errarent, scripturas scientes, tum illud rectè intelligerent, Deum non esse mortuorum, sed viuorum. Si autem virtutem Dei cognouissent, tum & illud simul, Nihil illi impossibile esse, ne mortuos quidem excitare. Reiecto sophismate illorum de septem coniugibus, grauiter & seriò de ipsa resurrectione quaestionem explicat. Quia illi Moysen obiecerunt, iam etiam Mosaica scriptura obturat eorum ora : in libro enim Exod. scripta sunt, quæ hîc dicuntur : & considera rationem : Ego sum Deus Abraham, & Deus Isaac, & Deus Iacob, non penitus mortuorum : nam si penitus mortui fuissent, dixisset vtique, Ego eram Deus ; nunc autem, quia dixit, Ego sum Deus Abraham, Deus Isaac, & Deus Iacob, ostendit, quòd eorum, qui resurrecturi erant, tanquam viuorum Deus esset. Sicut enim Adam, licet viuebat post ligni illius esum ; at-

tamen

tamen in die qua comedit, mortuus est per mortis sententiam : sic & isti, quam mortui erant ; attamen vivebant per resurrectionis promissionem. Hieronymus autem : Ad comprobendam, inquit, resurrectionis veritatem, multò aliis manifestioribus exemplis uti potuit : ex quibus est illud : Suscitabuntur mortui, & resurgent qui in sepulchris sunt. Et in alio loco : Multi dormientium de terræ pulvere consurgent alij in vitam, alij in opprobrium & confusionē æternam. Quæritur itaque, quid sibi voluerit Dominus, hoc præferre testimonium, quod videtur ambiguum, vel non satis ad resurrectionis pertinens veritatem : Ego sum Deus Abraham, & Deus Isaac, & Deus Iacob : & quasi hoc prolato probaverit quod volebat, statim intulerit : Non est Deus mortuorum, sed viventium. Cuius rei turbæ quoque circumstantes mysterium cognoscentes, admiratæ sunt de doctrina, & responsis illius. Suprà diximus, Sadducæos nec angelum, nec spiritum, nec resurrectionem corporum confitentes, animarum quoque interitum prædicasse : hi quinque tantum libros Moysei recipiebant, prophetarum vaticinia respicientes. Stultum ergo erat inde proferre testimonia, cuius auctoritatem non sequebantur. Porro ad æternitatem animarum probandam, de Moyse ponit exemplum : Ego sum Deus Abraham, & Deus Isaac, & Deus Iacob : statimque infert, Non est mortuorum Deus, sed viventium ; ut, cum probaverit, animas permanere post mortem (neque enim poterat fieri, ut eorum esset Deus, qui nequaquam subsisterent) consequenter introduceretur & corporum resurrectio, quæ cum animabus bona malæ gesserunt. Hunc locum plenius in extrema parte primæ Epistolæ ad Corinthios Paulus apostolus exequitur. Hoc item, quod dicitur : Deus non est mortuorum, sed viventium, de illis intelligenda esse, docet quidam, qui, etsi præsentis seculo mortui sunt, futuro tamen vivunt.

17 **Notandum** primò : nihil exitiosius esse, quàm de fide ferre sententiam illos, qui totam scripturam aut non legerunt, aut non intellexerunt ; quod istis Dominus dicit : Erratis, nescientes scripturas, neque virtutem Dei.

18 **Notandum** secundò : semper ad argumenta priùs, quæ in contrariam partem adferuntur, respondendum esse, quàm principalis explicetur quaestio : quod hoc loco facit Saluator.

19 **Notandum** tertio : cum quovis disputandum esse, eumque refutandum ex illis principiis, quæ ipse recipit ; quod idem in refutatione Phariseorum & Sadducæorum nunc facit Dominus.

20 **Notandum** quartò : parem vim esse, aut etiam maiorem argumenti eius, quod ex sententia scripturæ sumitur, quàm eius, quod ex verbis & litera ; quod nunc in argumento Salvatoris de Abraham, Isaac, & Iacob cernimus : quod, etsi verbis resurrectionem futuram non asserit ; re tamen ipsa, uti superius demonstravimus, pulcherrimè eam asserit. Hinc illud Gregorij Theologi :

ὅτις δ' ἐν σελίδεσσιν θεοπνευστοῦ νόμου
πνεύματος ἁγανίον λαβὼν ποθεῖ θεόπαιδα :
πολλὰς μὲν πυκινὰς τε γρίφους ἐν συνίστα
οφείλει,

Εἰ δὲ γυνὴν ποθέει φωνὴ θεοῦ τῆς ἐξουσίας :
 ἢ ὡς μὴ πινυτὸν ποθέει λόγον.

Notandum quintò : polygamia nomen & rem, & in hac vita, & in futu- 21
 ra, semper turpem & infamem esse.

Notanda est sextò poena illorum, qui semen fratrum suorum excitare no- 22
 lunt : Si noluerit, inquit Moses in Deuteronomio, frater accipere vxorem fra-
 tris sui, quæ ei lege debetur, perget mulier ad portam ciuitatis, & interpellabit
 maiores natu, dicetque : Non vult frater viri mei suscitare semen fratris sui in
 Israël, nec me in coniugium sumere : statimque accersiri eum facient, & interro-
 gabunt. Si responderit, Nolo eam vxorem accipere : accedet mulier ad eum
 coram senioribus, & tollet calceamentum de pede eius, spuetque in faciem illi-
 us, & dicet : Sic fiet homini, qui non ædificat domum fratris sui. Et vocabitur
 nomen illius in Israël, Domus discalceati. Quod vehementer prælatis nostris
 tali tempore metuendum est, qui sanctorum Antistitum, qui eos præcesse-
 runt, semen ac opera planè extinxerunt, nihilque magnum ipsi moliun-
 tur.

Notandum septimò : animas sanctorum atque corpora non extingui, sed 23
 Domino Deo viuere : contrà quàm hæretica sentit labes ; quod non tantum
 Christus Dominus docet, sed etiam grauissimo argumento (vt diximus) teste
 Hilario, demonstrat. Et quidem suffecerat, inquit, aduersus Sadducæos ita
 sentientes, opinionem corporeæ illecebræ recidisse, & officiis cessantibus, ina-
 nia hæc corporum gaudia sustulisse : sed adiecit, Erunt sicut angeli Dei in cæ-
 lo. Quia igitur eas angelis similes, sacramentum scripturarum & diuinæ vir-
 tutis potestates futuras esse demonstrat : qualis in scripturis autoritas est de
 angelis opinandi, talem in resurrectione spei nostræ sensum oportet esse de fœ-
 minis.

Notanda octauò Christi Domini benignitas & humilitas : quæ, quantò 24
 magis lædebatur, tantò magis iuuabat & proderat : quantò plures laquei illi
 tendebantur, tantò salutarius docebat, ac veluti apis fœcunda, ex venenis salu-
 berrimos fructus & mella colligebat ; quod & in superiori certamine fecit.
 Cùm enim eum Pharisei capere volunt & occidere, ille, quæ sint fundamenta
 reipub. docet : quot genera potestatum : & quid alicui, & quantum debeat-
 ur. In summa, pronuntiat, non violari ius Dei, nec lædi eius cultum, si Iudæi,
 quoad externam politiam, Romanis pareant : & cùm securè permetteret, Dei
 cultum multis in rebus violari, imò impia sua potestate Deum fraudarent ; ta-
 men zeli ardorem præferrent in re nihili. Istam eorum hypocrisin visus est
 perstringere illis verbis : Reddite quæ sunt Cæsaris Cæsari, & quæ sunt Dei,
 Deo. ac si dixisset, Valde solliciti estis, si tributum solvatur Romanis, ne quid
 de honore Dei decedat ; atqui potiùs opera danda est, vt cultum Deo exhi-
 beatis, quem à vobis requirit : interea etiam hominibus reddatis, quod suum
 est. Hoc idem nunc fuit, dum animarum nostrarum futurum statum explicat :
 dum vim & excellentiam docet : dum futuram resurrectionem, vt nusquam me-
 liùs, asstruit : dum angelicæ naturæ typum proponit, & alia infinita salutaria
 bona.

bona. Hæc autem non alia de causa facit, nisi, quia bonus est: salutis nostræ amans: & qui illud vult, ut inimicos nostros diligamus, & beneficiamus iis, qui oderunt nos.

25 **N**otat hoc loco Calvinus, ut sathan impius, omnes quibus alioqui pessimè inter se convenit, ad oppugnandam Dei veritatem simul colligat: & verè notat. Hoc autem iterum notandum: ut in multis hoc perfecit, ita in solis huius sæculi hæreticis id illum ut conveniant, præstare non posse: Luthero, inquam, Philippo, Zuinglio, Caluino, Castalione, Serueto, Gentili, Blandrata, & id genus aliis monstris potius, quàm hominibus. Sed & illud notat, Animæ vitam, sine spe resurrectionis, merum esse somnium: neque enim Deus pronuntiat, animas à morte esse superstites, quasi iam præsentis gloria, & sua beatitudine fruantur; sed earum spem in ultimum usque suspendi; sed utrumque hoc axioma non ex primo posteriorum est: nam & de animæ immortalitate, siue sensu resurrectionis, multi rectè senserunt, ut Plato, ut Aristoteles: & hoc pacto præsentis gloria & beatitudine sanctos non perfrui, & eorum spem in ultimum diem suspendi: cum contrarium sentiat Paulus: Mortui resurgent incorrupti, & nos immutabimur: oportet enim corruptibile hoc induere incorruptionem, & mortale hoc induere immortalitatem. Et, Cupio dissolui, & esse cum Christo. Sed hæc sententia Iudaica est, qui lymbum constituebant ante Christum, ubi futurum Messiam animæ sanctorum expectabant. Quæ igitur inter nos & illos erit differentia?

26 **N**otanda denique impudentia est hæreticorum, qui post tam exactam Christi Domini vitæ sanctorum assertionem, negant sanctos vivere, cum ipsi aperte apud prophetam clament: Numquid non tu à principio Domine Deus meus, sancte meus, & non moriemur? Vana igitur hæc Caluini oratio: nam si mortuis sunt ferè similes, dum in mundo peregrinantur, multò minùs post carnis interitum in eis apparet vlla vitæ species.

27 **R**elictis Sadducæis, resumunt vires Pharisei: ac quoniam nihil per discipulos profecerant, ipsi rem aggrediuntur, Quæstionem de primo legis mandato proponunt, quare nulla maior in lege fuit, quæ maximè in mandatis nitetur. Proprium autem Domini nostri Iesu Christi officium erat, cognitionem Dei afferre, & intelligentiam nominis eius potestatisque præstare: missus enim venerat, & ex æternitate deductus, his quæ erant Deo placita perfungebatur. Pharisei, inquit, audientes, quòd silentium imposuisset Sadducæis, conuenerunt in vnum, & interrogavit eum vnus ex eis legis doctor, tentans eum: Magister, quod est mandatum magnum in lege? Respondit itaque Dominus, maximum & primum esse mandatum: Diliges Dominum Deum tuum, ex toto corde tuo, & in tota anima tua, & in tota mente tua. Non enim aliud ille efficiebat, inquit Hilarius, quàm quod lex continebat: quia præcepta legis, eorum, quæ gesturus ipse erat, formam complectebantur. Admonet igitur illos cognitionis eius, quam habere se in lege gloriabantur, Deum omnipotentem cum omni affectu mentis, cordis, animæ, diligendum, ut admonitionem suam præmissa legis mandata firmarent. Vltimus autem hic fuit eius cum scribis & Phariseis congressus: vltima disceptatio: extrema iam & vltima ante

ma ante mortem eius salutaris admonitio: ac infidelis & obstinati populi obstatio, in qua duæ graues quæstiones, & quasi totius salutis summam continent, proponuntur: Altera ex parte Phariseorum, de primo & maximo mandato legis: Altera ex parte Christi Domini, quis, & qualis, & vnde oriundus sit Messias. Hic fuit omnium certaminum Iesu Christi in expugnando corde duro Pharisaico vltimus conatus, & quasi vltima obsignatio: qui inuidentes gloriam, quam apud plerosque ob impositum silentium Sadducæis quæsierat, vnum, vt legimus, subordinârunt apud se dicentes: Loquatur pro omnibus vnus; vt, si vicerit, omnes videamur victores: si autem victus fuerit, vel solus videatur confusus: atque volunt huc illum pertrahere, vt aliquid addat vel detrahat legi Moyfi, vt ita legis violator asseratur. Magister, inquit, quod est mandatum magnum in lege? Magistrum vocat, cuius non vult esse discipulus. Simplicissimus interrogator, & malitiosissimus insidiator, de magno mandato interrogat, qui nec minimum obseruat. Respondet Dominus: Diliges Dominum Deum tuum, ex toto corde tuo. Quod quidem præceptum in quatuor locis traditur in scriptura: Deuter. 6. vbi ponuntur tria: Diliges Dominum Deum tuum ex toto corde tuo, & ex tota anima tua, & ex tota fortitudine tua. Et hîc Matth. 22. vbi omittitur fortitudo, & duobus aliis additur vnum, quod Deus diligatur ex toto corde, & ex tota anima, & ex tota mente. Marci 12. ponuntur ista tria, & additur quartum, ex tota virtute: quod est idem cum eo quod dicitur Deuter. 6. ex tota fortitudine. Et eodem modo Lucæ 10. habetur, nisi quod dicitur ibi, ex omnibus viribus tuis, quod idem est cum eo quod dicitur, ex virtute & fortitudine. Sed maleuolentia, inquit Hieronymus, & liuor, nutrit impudentiam. Interrogat vnus ex legis doctoribus, non scire desiderans, sed tentans: an interrogatus nosset quod interrogabatur, quod sit maius mandatum; non de mandatis interrogans, sed quod sit primum magnumque mandatum: vt, cum omnia quæ Deus mandauerit, magna sint, quidquid ille responderit, occasionem habeat calumniandi, aliud asserens magnum esse de pluribus. Quicumque igitur nouit & interrogat, non voto discendi, sed studio cognoscendi an nouerit ille qui responsurus est, in similitudinem Phariseorum, non quasi discipulus, sed quasi tentator accedit. Elaborant autem Patres plurimum in expositione huius mandati, maxime in distinctione istarum partium, Cordis, Animæ, Virium. In corde vegetatiuam facultatem: in anima sensitiuam: in mente rationalem intelligentes: & præclare: Mihi tamen sensus simplicissimus videtur esse, diligendum esse Deum perfectè & indiuisè; ita, vt nulla sit pars animæ aut corporis nostri, quæ illi perfectè addicta & consecrata non sit.

Considerandum autem est, quod Totum & Perfectum idem sunt, 28 vt habetur 3. Physicorum: & ideò diligere Deum ex toto corde, & ex tota anima: & sic de aliis est. Perfectum autem dicitur aliquid dupliciter: vno modo, quando nihil sibi deest de perfectione sibi possibili: alio modo, quando sibi nihil deest de perfectione sibi debita & competenti; sicut homo mediocris staturæ, dicitur perfectè quantitatis, licet non habeat quantitatem gigantis. Sic ergo accipiendo perfectum primo modo, sic impletur præceptum dilectionis in patria: quia mens ibi fertur in Deum totaliter & perfectè, quantum sibi possibile est, & sine aliqua incorruptione: & secundum hoc dicit Augustinus

Augustinus lib. de perfectione iustitiæ, Quod mandatum charitatis solum implebitur in patria, ubi erit charitas perfecta. Si autem accipiatur perfectum secundo modo, sic impletur in via, quando nihil diligitur contra Deum: ista enim perfectio quæ debet inesse ex debito necessitatis; & hoc sufficit ad salutem. Diligere ergo Deum ex toto corde hoc modo, est sic diligere Deum, quod nihil diligitur contra ipsum: aliarum enim rerum nostrarum partem vult; cor autem totum. Hinc illud Anselmi, Veni Domine, veni o bone Iesu: iam enim pedes meos nolo, nisi ut te queram: nolo manus, nisi ut tibi seruiam: nolo genua, nisi ut te adorem: nolo linguam, nisi ut te laudem: nolo denique cor, nisi ut te amantissimè diligam. Ex aliis rebus, quæ cor non sunt, Deus partem postulat: partem substantiæ: partem frugum: partem temporis; ex corde non partem, sed totum: nam & homo non satiatur, nisi totum Deum habeat, & cor paruum est angustum stratum. Mentitur autem hoc loco insigniter Calvinus, his verbis: Cæterum ex hoc compendio apparet, Deum in legis præceptis non respicere quid possint homines, sed quid debeant: nam in hac carnis infirmitate fieri non potest, ut perfectus Dei amor regnum obtineat: scimus enim quàm propensi sint ad vanitatem omnes animæ nostræ sensus. Postremò hinc colligimus, Deum nihil morari externam operum speciem, sed interiorum effectum præcipuè requirere, ut ex bona radice boni fructus nascantur. Ostendit tamen Dominus, inquit Basilus, imò verò statuit ordinem & seriem mandatorum: quippe qui primum illud ac maximum mandatum esse pronuntiavit: secundo autem loco, & simile illi primo, imò quod primi perfectionem in se continet, & quod à primo dependet, nempe de diligendo proximo. Secundum autem, inquit, simile est huic: Diliges proximū tuum sicut teipsum: in his duobus mandatis vniuersa lex pendet, & prophetæ. Addidit autem, inquit Euthymius, & secundum præceptum, per hoc illos obiurgans, utpote qui se non amabant, sed inuidia ac insidiis prosequerentur, eoque fine etiam nunc rogabant: nam si diligerent, non tentarent. Simile autem primo dixit secundum quoad magnitudinem: magnum est enim & hoc: nam sibi mutuò hærent, ac se inuicem ferunt hæc duo præcepta; si quidem qui Deum diligit, etiam proximum diligit, seruans illius præceptum: qui autem proximum non diligit, nec Deum diligit, transgrediens eius præceptum. Et qui proximum suum diligit, nec falsum testimonium dicit de eo quem diligit, nec occidit, nec mentitur illi quem diligit, nec concupiscit rem illius quem diligit, nec mulierem eius inuadit. Vbi autem dicit Christus, totam legem & prophetas pendere in his duobus mandatis, non quod hic restringere totam scripturæ doctrinam velit, sed quia ad hæc duo capita referri debeat, quidquid ubique de ratione piæ & iustæ viuendi præcipitur. Cæterum apud Matthæum tentator dicitur hic legis doctor: apud Marcum verò potius laude dignus habetur. Quare? quia primum certè tentauit, ut dictum est à Phariseis directus; animaduersa autem responsione, suscepit eam, & conuersus, rem ita se habere confessus est: & deinde Iesus intuitus eum, quod adhibita mentis ratione responderet, ait illi: Non longè es à regno Dei; hoc est, approximas fidei, qui veritatem confessus es: hoc autem dixit, adhortans illū ad fidem perfectam. Quod & militibus aliquando euenisse, testatur Ioannes: Quidam, inquit, ex illis, volebant apprehendere Iesum: sed nemo misit super eum manus. Venerunt ergo ministri ad pontifices & pharisæos, & dixerunt

Nn eis illi:

eis illi: Quare non adduxistis eum? Responderunt ministri: Nunquam sic locutus homo, sicut hic homo. Explicata prima quaestione de primo & summo mandato, proponit ipse aliam non minorem, & nescio an non maximam: ad hunc enim scopulum tot millia hominum miserabiliter in dies allidunt. Est enim Iesus Christus lapis ille, de quo nuper diximus, offensionis, & petra scandali, ad quem qui alliserit, offendet, & super quem ceciderit, conteret illum: illud ipsum signum contradictionis positum, in ruinam & resurrectionem multorum, non sua natura, sed humana prauitate: hæcque est vita æterna, ut cognoscamus verum Deum, & quem misit Iesum Christum. Cum igitur Saluator noster tot signa fecisset, tot specimina diuinitatis & maiestatis suæ coram illis perfidis & duro corde Scribis & Phariseis edidisset, qualia nemo vnquam ante illum fecerat: cum omnes rationes tentasset, quomodo tandem illis innotescere, ac in animos illorum influere posset; non tamen perficeret quidquam: ne quid prætermitteret, quod modò ad illos saluandos pertineret, vltimò iam coarguit eos, ac non solum se esse filium hominis, sed verum Deum esse, palàm demonstrat, metumque illis incutit, quòd, quantumvis illi malitia ac improbitate sua, & pertinaci animo eum agnoscere nollent; futurum tamen tempus, ut Deus inuitis ac nolentibus illis eos sibi subijciat, ac scabellum pedum suorum efficiat. Interrogat igitur illos: Quid vobis videtur de Christo, cuius filius est? Dicunt ei: Dauid. Ait illis: Quomodo ergo Dauid in spiritu vocat eum Dominum, dicens: Dixit Dominus Domino meo, sede à dextris meis: donec ponam inimicos tuos scabellum pedum tuorum. Si ergo vocat eum Dominum Dauid, quomodo filius eius est?

Vbi illud inprimis obseruandum est: Tempore Christi dubium non fuisse scribis & Phariseis, omnibusque Rabinis & Talmudistis, hunc Psalmum de Christo Messia intelligendum esse: quod ad conuincendum modernorum Iudæorum, & aliorum qui iam post Christi tempora fuerunt errorem, valet plurimum; qui miris modis contendunt demonstrare, hæc verba de Christo Messia intelligenda non esse. Sed quidam eorum, ut testis est Tertullianus contra Marcionem, ad Ezechiam regem eum referunt, quòd is federit ad dexteram templi, & Deus ipse hostes eius Senacherib, & reliquos Babylonios pro illo fugauit. Cui sententiæ respondet Iustinus: Qui de Ezechia hunc Psalmum ausi sunt interpretari, quasi tunc iussus sit à dextris templi sedere, quando rex Assyriorum misit ad eum legatos minabundus, ipse verò per Isaiam ne timeret, eum fuit monitus: scimus quidem & fatemur id factum, quod narrat Isaias: Et auersus est rex Assyriorum, ne debellaret Ierusalem in diebus Ezechia, & angelus Domini occidit in castris Assyriorum centum octuaginta quinque millia; eum tamen psalmum non de ipso loqui apparet. Ezechiam enim non esse æternum sacerdotem secundum ordinem Melchisedech, quis non fatebitur? tum quòd is non sit liberator Ierusalem, quis nescit? & quòd virgam virtutis ipse non miserit in Ierusalem, nec dominatus sit in medio inimicorum suorum, sed Deus ab eo flente lamentanteque hostem auerterit, quis ignorat? At noster Iesus, licet nondum venit in gloria, virgam virtutis emisit in Ierusalem verbum, inuitans omnes gentes ad poenitentiam, ubi dæmonia dominabantur: sicut Dauid inquit, Dij gentium dæmonia: & ille vehemens eius sermo persuasit multis, ut relictis dæmoniis quibus seruiebant, in omnipotentem

potentem Deum per eum crederent, & deos gentium esse dæmonia. Iam illud, In splendoribus sanctorum, ex vtero ante luciferum genui te, Christo dictum esse, indicauimus antea. Alij dicunt, vt refert Hieronymus, intelligendum esse de Abraham, vt dictum sit ex persona serui eius Eliezer, victoriam ex quinque regibus sibi gratulantis: alij dicunt, esse intelligendum de Dauid ex persona populi Israëliti, qui Dauidem dominum suum appellauit: alij dicunt, Dauidem ipsum Saulem regem alloqui; neminem tamen ex veteribus Iudeis ante Christi aduentum, atque iam ipso Christo præsentem hunc psalmum aliter de rege Christo Messia intellexisse, silentium hoc Pharisaicum demonstrat. Si enim hic Psalmus aliter intelligeretur, quàm de Messia, nequaquam hoc illi tacuissent, dicerent, hunc locum ad Christum non pertinere; sed id nullo modo dicere poterant: nulli enim ex illis quibus falsò attribuebatur præter Messiam sequentia conueniunt verba: Tecum principium in die virtutis tuæ, in splendoribus sanctorum: ex vtero ante luciferum genui te. Quem eundem locum D. Petrus similiter de eodem Messia interpretatur, Actuum 2.

30 **S**ECUNDUM illud obseruandum est: improbam vitam, maximè autem cū auaritia & ambitione coniunctam, lumen rationis ita obfuscare, vt non facile possit cernere verum; vnde fit, vt ii Scribæ & Pharisei non solum in vita & moribus, sed etiam in sensu & doctrina multum à veritate, & à prisca seculi magistris & doctoribus discreparent. Omnes enim veteres Rabini ita iudicauerunt, Messiam regem Deum ipsum esse futurum: hoc enim euidentissimè vniuersi prophetae prædixerunt, vt ipsi etiam paulò post iudicare poterimus. Vnde Rabbi Ioanna: Non quærimus vltiùs, vt illucescat nobis caro & sanguis, sed Deus sanctus & benedictus in substantia sua: iuxta illum Psalmum, Deus Dominus, & illuxit nobis. Et super illum Dauidis locum: Immisit verbum suum, & sanauit eos: omnes ferè veteres Rabini Messiam Deum futurum, Deiq. filium interpretabantur. At hi Pharisei, ambitione, & nimio amore generis sui Dauidici erecti, non amplius etiam, quàm filium Dauid futurum censuerunt: quod vsque ad hanc diem nostri Iudæi, à malis magistris edocti, sentiunt. Non negabant quidem Pharisei, eundem esse filium Dei, quod & Ariani sentiunt, ideòq; noui Iudæi ab Epiphano dicuntur, sed singulari quadam & eximia præ aliis electione & adoptione diuina, filium Dei vocant. Quomodo & Salomò alibi dictus est filius Dei. Convincebantur autem illis locis, vt cogerentur illum fateri filium Dei: Dominus dixit ad me, Filius meus es tu. Et, Ipse inuocabit me, Pater meus es tu. Vnde Caiphas confitetur filium Dei, sed non alio modo quàm noui Iudaizantes: Adiuro te per Deum viuum, vt dicas nobis, si tu es Christus, filius Dei viui.

31 **T**ERTIO illud obseruandum est: Saluatorem nostrum non negare, se filiū Dauidis esse: erat enim; vti nuper ex libro generationis eius demonstraui-
mus. Vnde omnis error Nestorij, Apollinaris, Eutychis ruit, qui eum veram humanitatem accepisse pernegarunt: si enim verus homo non fuisset, nunquam verus filius Dauid censeretur. Non igitur negat, se esse filium Dauid, sed ostendit, aliquid sibi inesse quod ad Dauidem non pertineat, veram, in quā, diuinitatem: neque se solum Dauidis filium esse, sed & Dominum. Probat

autem hic luculentissimè Psalmi locus, Christum Dominum non solum purum hominem esse, sed verum etiam Deum, idq; ex triplici capite. Primum ex communi usu: si enim filius tantum esset Dauidis; quomodo illum Dominum vocaret, cum ineptum sit, filios à parentibus dominos vocari: & quod maximum est, nemo potest appellari merito Dominus sanctorum, præter ipsum Deum. Cum igitur Dauid homo sanctissimus, Dominum eum appellat; Deus sit oportet. Quemadmodum autem hoc loco, ita & in aliis multis, dum scriptura vocat Messiam Dominum, Deum esse eum significat; sic enim in Genesi scribitur: Pluit Dominus à Domino. Sic Salomon, Inuocaui Dominum, patrem Domini mei, ut non derelinquat me in die tribulationis. Itaq; & Plato Deum vocat Dominum, & filium eius Verbum Domini, in epistola ad Dionem. Est & alius modus, quo IESU CHRISTI diuinitas ex hoc colligitur loco. Messias nondum erat secundum carnem natus, cum hoc dixit Dauid: quomodo igitur eum vocare potest Dauid Dominum suum, qui nondum erat? non fuit igitur ut homo, sed fuit uti Deus: de quo subintelligitur, Ante luciferum genui te. Colligitur & tertio ex eo quod dicit pater, Sede à dextris meis: quod nihil aliud significat, quam æqualitatem honoris, gloriæ, & diuinitatis eius: quos enim æquè ac nos honorare volumus, eos in dextris sedere iubemus. Vnde Paulus: Cui vnquam angelorum dixit: Sede à dextris meis: nullus enim potest æquari Deo, præter ipsum Deum. atqui Messias ut homo nullo pacto potest esse in æqualitate honoris sola humanitate: Ergo verus Deus est. Nam quod dicit: Donec ponam inimicos tuos scabellum pedum tuorum: id ad distinctionem personarum dictum est, ut occurratur errori Sabellij, qui putabat, vnā esse substantiam Dei trinominem, nominibus tantum, & nulla alia re distinctam. Ostendit igitur scriptura, aliam esse personam subijcientis, & aliam cui subijciuntur omnia. Quando autem hæc verba dixit pater ad filium? non alio certè tempore, quam & quo illum genuit: dicere enim patris est, generare filium: pater enim, cum dicit verbum, generat filium: cum dicit verbo, facit omnia ab æterno per filium. Cum igitur dicit spiritus sanctus per Dauidem: Dixit Dominus Domino meo, sede à dextris meis; hoc est, in omni æqualitate honoris eius; ut sit sensus, quemadmodum honorant patrem, ita honorent & filium. Quo loco Origenes: Cum audis patrem dicentem ad filium: Sede à dextris meis; ne tibi describas, inquit, sensibiles sessiones, & duas cathedras, & sedentes super eas humano schemate patrem & filium: sed intellige hæc moraliter dici de regno Dei, quod à patre est stabilitum, & est semper ad dexteram patris. Tanta est igitur vis huius loci, ut solus ad expellendam eam cœcitatem, qua nunc plerique laborant, sufficiat, si absit grauis poena & ultio diuina pro superba curiositate tali populo inflata. Nam & Pharisei, audito eo loco, nihil iam amplius responderunt, ac ne interrogandum quidem sibi censuerunt; sed mortem iam præsentissimam Christo parabant, tanquam illi, qui se æqualem Deo faciebat, ut dicit Euangelista. Effugia quidem in omni re facile est inuenire errare volenti; nunquam tamen hunc locum aut Iudæi, aut Ariani effugient. Ex his igitur intelligimus, venena inuidiæ posse quidem superari, sed difficile conquiescere. Ad istum ergo, qui dolis iniquorum superari non potuit, simplici corde, & pia deuotione, quasi ad salutis autorem accedamus, ut illuminemur, & facies nostræ non confundentur: quia inuenitur à non tentantibus, & fidem in illum habentibus apparet.

apparet. Iuuat autem audire, quid de eo toto loco sentiat D. Hieronymus: Interrogatio Iesu nobis proficit vsque hodie contra Iudæos. Et hi enim, qui confitentur, Christum esse venturum, simplicem hominem, & sanctum virum afferunt, de genere David. Interrogemus ergo eos, edocti à Domino: Si simplex homo est, & filius tantum David, quomodo David vocet eum Dominum suum; non errore certè, nec propria voluntate, sed spiritu sancto. Testimonium autem quod posuit, de centesimo nono psalmo sumptum est. Dominus igitur David vocatur, non secundum id, quod de eo natus est, sed iuxta id, quod natus ex patre, semper fuit præueniens ipsum carnis suæ patrem. Iudæi ad deludendam interrogationis veritatem, friuola multa confingunt: vernaculū Abrahæ asserentes, cuius fuerit filius Damascus Eliezer, & ex ipsius persona scriptum psalmum, quod post eadem quinque regum, Dominus Deus Domino suo dixerit Abrahæ, Sede ad dexteram meam, donec ponam inimicos tuos scabellum pedum tuorum. Quos interrogemus, quomodo Deus dixerit Abrahæ ea, quæ sequuntur: Tecum principium in die virtutis tuæ, in splendoribus sanctorum: ex vtero ante luciferum genui te. Et, Iurauit Dominus, & non poenitebit eū: tu es sacerdos in æternū, secundum ordinem Melchisedech. Et respondere cogamus, quomodo Abraham ante Luciferum genitus sit, & sacerdos fuerit secundum ordinem Melchisedech: pro quo Melchisedech obtulerit panem & vinum, & à quo decimas prædæ acceperit.

32 **E**pilogus igitur huius disputationis est: Christum Dominum verum esse Messiam, verum filium Dei: contra quàm mentitur Ariana hæresis; & verum filium David: contra quàm Calvinus nugatur; verum Deum & hominem: vt in æternum hæc fixa sit, & obsignata veritas: vt ora obstruantur omnium hæreseum. Conclusa igitur est causa contra scribas & Phariseos: actū est: negotium contestatum: causa perorata. Inquinat hæc omnia suo commentario Calvinus, cum dicit: Fateor quidem, disertè & ad verbum non exprimi diuinam eius essentiam, sed inferre promptum est, Deū esse, qui suprà omnes creaturas loquatur. Quid igitur frustra tantum laboratum est? Atqui hoc est iudaizare. Prodit Calvinus suum ingenium, ab Arianismo non remotum: nam istæ consequentiæ, quas iste sibi confingit, nimis sunt coactæ: mihi quidem illa, vt simplicissima, ita verissima esse videtur oratio, non esse in more, vt patres filios Dominos appellent, si præsertim ipsi patres sint summi reges & propheta. Atqui David hoc loco magnus rex & propheta, vocat regem Messiam Dominum suum. Deum igitur cum Thoma recognoscit: Dominus meus, & Deus meus. Verum nos aliò transeamus.

33 **Q**VAESTIONES S. AVGVSTINI. PRIMA: Quod Dominus dixit: Simile est regnum cælorum homini regi, qui fecit nuptias filio suo. Nuptias dixit Verbum incarnatum: quia in ipso homine suscepto Ecclesia Deo copulata est. Quod dixit: Tauri mei & altilia occisa sunt: tauros dixit principes plebium, altilia verò omnia faginata. Quod dixit Dominus: Ite ad exitus viarum, & quoscunque inueneritis, vocate ad nuptias; viæ intelliguntur dogmata gentium: quia ex omnibus illis ad nuptias venerunt; id est, Christo crediderunt.

SECUNDA: Quod Sadducæi dicunt Domino: Fuerunt apud nos septē

fratres, & vnus accepta vxore obiit, & secundus, & ceteri: intelliguntur homines impii, qui fructum iustitiæ non potuerunt afferre in terra per omnes septem mundi ætates, quibus ista terra consistit: postea enim & ipsa terra transiet, per quam omnes illi, quasi septem mariti steriliter transierunt.

TERTIA: Quod Dominus dicit: In his duobus præceptis tota lex pendet & prophetæ: Pendet dixit, id est, illò refertur, ibi habet finem.

Caput XXIII.



DOCTRINA PHARISAEORVM APVD TVRBAS ET DISCIPULOS laudatur & approbatur; vita autem omnibus modis ac-
cusatur & traducitur: ad extremum, vltimum exitium ac excidium illis ob eos mores, & ob ista ingenia prædicitur. Tunc Iesus locutus est ad turbas. Tunc: quando? postquam tentantes refrænauit: postquam effecit, vt ampliùs non auderent illum interrogare: postquam demonstraui, eos immedicabiliter ægrotare. Super cathedram, inquit, Moyfi, sederunt scribæ & Pharisei: omnia ergo, quæ dixerint vobis, seruate & facite; secundum opera verò eorū nolite facere: dicunt enim, & non faciunt. Iubet igitur præceptis Phariseorum obtemperari, quia in Moyfi cathedra sederunt: iubet legis mādatis omnib. obediri, sed à factis eorū abstineri; vt mores hominum atque infidelitas, non legis doctrina vitetur. Posteaquam enim Saluator noster ora sacerdotum obstruxisset: posteaquam vanitatem & improbitatem eorum detexisset; euenire poterat, vt aliqui ex turbis & discipulis, odio contra illos concepto, eos contemnere vellent; parère illis nollent, ab illis deficerent. Occurrit huic malo benignissimus Dominus, ac doctrinam quidem illorum amplectendam esse, ac ne latū quidem vnguem ab illa discedendum: (infructuosus enim est sermo, in quo, vt alter confundatur, sic alter eruditur.) mores tamen fugiendos esse docet. At, qui isti mores illorum sint, quos maximè fugere debeant, grauissimè explicat, ac particulatim enumerat. Quo loco illud obiter docemur, Prælati etiam malis esse obediendum, in his quæ sunt manifestè contra Deum, traditiones, legesq; eius, & esse habendos in reuerentia, quàm diu tolerantur in officio suo; quod patet per exemplum Dauid, qui venerabatur Saulem regem, licet sciret esse malum, & à Deo reprobatum. Doctrinam autem sequendam esse docet, propter Moyfi cathedram, cui legem suam Deus concrediderat, illique spiritum sanctum adfistere voluerat, & in qua veritas vsque ad Messiae tempora residere, atque prædicari debuit. Omnia ergo quæcunque dixerint vobis, seruate & facite; secundum verò opera eorum nolite facere: dicunt enim, & non faciunt. Ecce enim, & terra vilis pretiosum aurum producit: numquid propter terram vilem pretiosum aurum contemnetur? Non: sed sicut aurum eligitur, & terra relinquitur; sic & vos doctrinam accipite, & mores relinquitte. Et, vt apibus herbæ necessariae non sunt, sed flores herbarum (flores enim illæ colligunt, herbas verò relinquunt: sic & vos flores doctrinæ colligite, & conuersationem relinquitte, vt quasi inutilis herba arefcat. Ille itaq; qui docet, non tantum docet, sed etiam facit; videtur simul portare & coope-

& cooperari ferentibus. Cùm autem me quidem premit, ipse autem nihil eorum quæ iubet facit, magis me grauat, quàm docet. Omnia autem cùm audis, inquit D. Chrysostomus, non debes omnia quæ sunt in lege intelligere; vt de cibis, sacrificiis, cæterisque huiusmodi. Quomodo enim hæc confirmasset, quæ iam refutauit? sed omnia, inquit, quibus mores hominum corriguntur: quibus meliores efficimur: & quæ ita nobis congruunt, vt non patiantur iugo amplius legis deprimi. Quid autem mansuetius, quid benignius Domino? Tentatur à pharisæis: confringuntur insidiæ eorum, & secundum Psalmistam, Sagittæ paruulorum factæ sunt plagæ eorum; & nihilominus propter sacerdotij & nominis dignitatem hortatur populos, vt subijciantur eis, non opera, sed doctrinam considerantes. Quod autem ait: Super cathedram Moysis sederunt scribæ & Pharisei: per cathedram doctrinam legis ostendit. Ergo & illud quod dicitur in Psalmo: In cathedra pestilentie non sedit: & Cathedras vendentium columbas euertit: doctrinam debemus accipere. Ne autem imponat, ea vitia Phariseorum turbis atque discipulis diligentius Dominus enumerat, ac grauissimè in ea inuehitur.

2 **O**Rsus primùm ab eorum superstitiosa ignauia: Dicunt enim, inquit, & non faciunt: alligant enim onera grauià & importabilia, & imponunt in humeros hominum, digito autem suo nolunt ea mouere: dicunt enim & non faciunt. Quicumque certè legem transgreditur, condemnatione dignus est; præceptor tamen triplici dignus est, tum quia transgressor est, tum quia alios debet corrigere, tum quia nocet etiam discipulis. Hæc Euthymius. Alligant enim onera grauià & importabilia, & imponunt in humeros hominum; digito autem suo nolunt ea mouere. Hoc generaliter aduersus omnes magistros, qui grauià iubent, & minora non faciunt. Notandum autem, quod & humeri, & digitus, & onera spiritualiter intelligenda sunt. Quo loco pulchrè autor Operis Imperfecti: Vbi, inquit, paterfamilias largus est, dispensator non debet esse tenax: Si Deus benignus est, vt quid sacerdos eius austerus? Vis apparere sanctus? circa tuam vitam esto austerus, circa alienam autem benignus. Audiant te homines parua mandantem, & grandia videant facientem.

3 **S**ecundum vitium Pharisaicum: Fastus & Ostentatio: Omnia enim opera sua faciunt, vt videantur ab hominibus. Quicumque igitur facit quodlibet vt videatur ab hominibus, scriba & Phariseus est, dilatauit phylacteria sua, & magnificauit fimbrias. Amant autem primos recubitus in cœnis, & primas cathedras in synagogis, & salutationes in foro, & vocari ab hominibus Rabbi; quæ nemo melius Hieronymo explicat. Dominus, inquit, cùm dedisset mandata legis per Moysen, ad extremum intulit: Ligabis ea in manu tua, & erunt immota ante oculos tuos. Et est sensus: Præcepta mea sint in manu tua, vt opere compleantur: sint ante oculos tuos, vt die ac nocte mediteris in eis. Hoc Pharisei malè interpretantes, scribebant id membranis Decalogum Moysis: id est, decem verba legis, complicantes ea & ligantes in fronte, & quasi coronam capiti facientes, vt semper ante oculos mouerentur; quod vsque hodie Indi, & Persæ, & Babylonij faciunt: & qui hoc habuerit, quasi religiosus in populis iudicatur. Iusserat quoque aliud Moyses: vt in quatuor angulis

palliorum hiacinthynas fimbrias facerent, ad Israël's populū dignoscendum; ut, quomodo in corporibus circumcisio signum Iudaicæ gentis daret, ita & vestis aliquam haberet differentiam. Superstitiosi magistri, captantes auram popularem, atque ex mulierculis sectantes lucra, faciebant grandes fimbrias, & acutissimas in eis spinas ligabant; ut videlicet ambulantes & sedentes interdum pungerentur, & quasi hac admonitione retraherentur ad officia Domini, & ministeria seruitutis eius. Quia ergo dixerat Dominus, Omnia opera sua faciunt, ut videantur ab hominibus: quod generaliter accusarat, nunc per partes diuidit. Pictatiola illa Decalogi phylacteria vocabant, quod, quicumque habuisset ea, quasi ob custodiam & monimentum sui haberet: non intelligentibus Phariseis, quod hæc in corde portanda sint, non in corpore: alioquin & armaria, & arcæ habēt libros, & notitiā Dei non habēt. Hoc apud nos superstitiosæ mulierculæ in paruulis Euāgeliis, & in crucis ligno, & isti usmodi reb. (quæ habēt quidē zelū Dei, sed non iuxta sciētiā) usq; hodie faciūt, culicem liquantes, & camelum glutientes. Istiusmodi erat fimbria parua & breuis ex lege præcepta, quam & mulier illa quæ sanguine fluebat, tetigit in pallio Domini, sed non est compuncta superstitiosis sentibus Phariseorū, magisque sanata ad tactum eius. Cumque superfluē dilatent phylacteria, & magnas faciant fimbrias, gloriam captantes ab hominibus, arguuntur in reliquis cur quærant primos accubitus in cœnis, & primas cathedras in synagogis (nā in cœnis accumbere, in synagogis verò sedere solebant) & in publico gulam sectentur & gloriam, & vocentur ab hominibus Rabbi, quod Latino sermone Magister dicitur. Vocari ab hominibus, inquit Hilarius, Magistri volunt, doctrinæ legis ignari, & magistrum salutis perpetuæ respuentes. Desiderare autem scientiam, & actum docendi, non est malum, sed meritorium: sed desiderare nomen tantum, hoc est malum, & superbiæ peccatum. Si tamen desideratur nomen, & autoritas magisterij ad hoc, quod scientia iam habita aliquis melius posset uti, non est malum, sed est bonum: quia bonus doctor debet quærere illa, quæ faciunt ad efficaciam suæ doctrinæ, à qua tam foeda ambitione suos dehortatur. Vos autem nolite vocari Rabbi: vnus enim est pater vester, omnes autem vos fratres estis: & patrem nolite vocare vobis super terram; vnus enim est pater vester, qui in cælis est: nec vocemini magistri; quia magister vester vnus est Christus. Qui maior est vestrum, erit minister vester; qui autem se exaltauerit, humiliabitur; & qui se humiliat, exaltabitur. Non prohibet Christus, vocari aliquem magistrum & doctorem, sed id ipsum munus velle & ambire: munus enim Magisterij primum ipsi Christo debetur: propriè enim Deus est pater; alij autem carnales patres, non ipsi sunt autores generationis, sed tantum coöperarij, & coadiutores. Qui maior est, cauendum est, ne aut districtio sit rigida, aut pietas remissa: quicumque vult fratrem præuenire regnando, prius illum præueniat necesse est obsequendo. Vnde Apostolus ait: Honore inuicem præuenientes. Vincat eum officiis, ut possit vincere sanctitate. Horum in Ecclesia nunc exempla imitantur, qui subiectos docent, quod ipsi implere dissimulant: vel peccatibus pondus pœnitentiæ adgrauantes; ut aut necesse est pœnitentiam reiiciat, aut suscipiens, dum ferre non valet, scandalizatus amplius peccet, quasi non melius sit propter misericordiam dare rationem, quàm propter crudelitatem.

Tertium

4 **T**ertium vitium est, Inflata præsumptio sine opere: vbi iam non simpliciter, sed cum quadam execratione res tractatur, an potius condolentia. Væ enim particulam dolentis esse, docet Hilarius. Væ, inquit, vobis scribæ & Pharisei hypocritæ, qui clauditis regnum cælorum ante homines: vos enim non intratis, nec introeuntes finitis intrare. Quod præclare explicat Hieronymus: Habentes scribæ & Pharisei legis prophetarumq; notitiam, sciunt Christum esse filium Dei, non ignorant, natum esse de virgine: sed dum prædam de subiecta plebe appetunt, nec ipsi introeunt regnum cælorum, nec eos, qui poterant intrare, permittunt. Hoc est quod in Osea propheta arguit: Absconderunt sacerdotes viam, interfecerunt Sychimam. Et rursum: Sacerdotes non dixerunt, vbi est Dominus. Vel certè omnis magister, qui scandalizat malis operibus discipulos suos, claudit ante eos regnum cælorum. Arbitror ergo, inquit hoc loco Origenes, omnes qui profitentur se in Ecclesiam intrare, omninò claudunt regnum cælorum ante homines, malis conuersationibus suis, secundum quod peccant ipsi; aut aperiunt bonis actibus suis, secundum quod fuerint iustè conuersati. Maximè hoc faciunt, qui videntur in Ecclesia clariores: quales sunt Episcopi, presbyteri, diaconi. Benè enim viuentes, & benè docentes verbum veritatis, aperiunt ante homines regnum cælorum: & dum ipsi intrant, alios prouocant introire; mali autem, qui non sunt pastores, sed mercenarij, claudunt regnum cælorum ante homines, nec audiunt quod ait apostolus; Sed omnia sustinemus, vt non offendiculum demus Euangelio Christi. Huic expositioni conueniens est, quod scribit Lucas: Væ vobis legisperitis, quoniam abstulistis clauem scientiæ, & ipsi non introistis, & alios intrantes prohibuistis. Qui enim criminantur expositionem allegoricam, & docere volunt, quia manifesta est diuina scriptura, & nihil habens ampliùs quàm textus ostendit: neque diuiniorem aliquem sensum & de circumcisione, vel de pascha, vel de azymis, vel de escis & potibus, vel de festiuitatibus, vel de neomeniis, vel de sabbatis; & non respiciunt, quoniam in ostensione, & vmbra futurorum tunc seruiebant. Iudæi legisperiti quidem sunt, tamen tulerunt clauem scientiæ, quantum ad verbum suum, id est, omnem legis viam, ad intelligenda legitima auferentes: propterea nec ipsi intrauerunt, nec alios, quantum ad se, intrare permiserunt.

5 **Q**uartum vitium, Sacrilegium, siue quæstus ex ficta deuotione iniquissimè quæsitus. Væ vobis scribæ & Pharisei hypocritæ, quia comeditis domos viduarum, orantes orationes longas, propter hoc ampliùs accipietis iudiciũ: quòd earum exedunt bona, quarum paupertatem subleuare debebant: deinde, quòd re sacra ad imposturam vtantur: & quia poenam proprii peccati, & reatum alienæ ignorantie debebunt. Hypocritas autem ab hypocrisi vocauit, quæ, vt docet Lyranus, est simulatio falsa, & ideò opponitur veritati. Veritas autem triplex est: Doctrinæ, Iustitiæ, & vitæ; à quibus omnibus eius partibus deficiebant Pharisei, vt iam patuit, & ex consequentibus patebit. Nam defuit illis veritas doctrinæ, cum claudabant ante homines regnum cælorum: defuit veritas iustitiæ, cum domos viduarum comedebant, cum mentham, anethum, & cuminum decimabant, ea quæ grauiora legis sunt omittentes: deficiebat denique illos & vitæ veritas, cum pocula à foris lauabant, ipsi intus immundi.

Quintum

Quintum vitium, Negligentia scandalumq; datum in illis educandis, 6
 quos ad religionem veram conuerterunt. Væ vobis scribæ & Pharisei hypo-
 critæ, qui circuitis mare & aridam, vt faciatis vnum profelytum, & cum fuerit
 factus, facitis eum filium gehennæ duplo quàm vos. Non eo studio serua-
 mus quæsitæ, quo quærimus. Scribæ & Pharisei totum lustrantes orbem,
 propter negotiationes, vel diuersa lucra à discipulis captanda, quasi per ima-
 ginem sanctitatis studium habebant, de gentibus facere profelytum; id est,
 aduenam & incircumcisum miscere populo Dei. Sed qui ante, dum esset eth-
 nicus, simpliciter errabat, & erat semel filius gehennæ, videns magistrorum o-
 tia, & intelligens, eos destruere opere, quod verbis docebant: reuertitur ad
 vomitum suum, & gentilis factus, quasi præuaricator, poena maiori dignus erit.
 Filius autem vocatur gehennæ, quomodo filius perditionis, & filius huius se-
 culi. Vnusquisque enim, cuius opera agit, eius filius appellatur. Quod idem
 nunc ab hæreticis sacerdotibus, autor Operis Imperfecti fieri docet. Aut e-
 nim, inquit, promissionibus corrumpunt, aut minis terrent: non propter glo-
 riam Dei, neque de ignorantia hominum dolentes, sed aut propter auaritiam,
 aut gloriam vanam; vt videantur aliquos potuisse corrigere.

Sextum vitium est Pharisaicum, Auaritia, & nundinata religio: amor pe- 7
 cuniæ alienæ, & expilatio sub specie pietatis. Væ vobis duces cæci, quia di-
 citis, Quicumque iurauerit per templum, nihil est: qui autem iurauerit in au-
 ro templi, debitor est. Stulti & cæci: quid enim maius est, aurum, an tem-
 plum, quod sanctificat aurum? Et quicumque iurauerit in altari, nihil est;
 quicumque autem iurauerit in dono quod est super illud, debet. Cæci, quid
 enim maius est, donum, an altare, quod sanctificat donum? Qui ergo iu-
 rat in altari, iurat in eo, & in omnibus quæ super illud sunt. Quicumque iura-
 uerit in templo, iurat in illo, & in eo qui habitat in ipso. Et qui iurat in cælo,
 iurat in throno Dei, & in eo qui sedet super eum. Exponit hæc egregiè Di-
 uus Hieronymus: Supra, inquit, vt nobis visum est, exposuimus quid significa-
 ret traditio Phariseorum, dicentium: Donum quodcumque est ex me, tibi p-
 derit: nunc duplex, & ad vnam auaritiæ occasionem trahens, Phariseorum
 traditio condemnatur; vt arguantur cuncta pro lucro facere, & non pro ti-
 more Dei. Sicut enim in phylacteriis & fimbriis dilatatis opinio sanctitatis
 captabat gloriam, & per occasionem quærebat lucra: sic alia traditionis in-
 uenta strophæ, impietatis arguit præceptores. Si quis in contentione, seu in
 aliquo iurgio, vel in causæ ambiguo, iurasset in templo, & postea conuictus es-
 set mendacij, non tenebatur criminis reus; sin autem iurasset in auro & pecu-
 nia, quæ in templo sacerdotibus offerebatur, statim id, in quo iurauerat, coge-
 batur exoluere. Rursum, si quis iurasset in altari, periurij reum nemo tene-
 bat; sin autem periurasset in dono, vel in oblationibus, hoc est, in victimis, &
 in similia, & in cæteris quæ offeruntur Deo super altare, hæc studiosissimè re-
 petebantur. Arguit ergo eos Dominus & stultitiæ, & fraudulentæ, quod
 multò maius sit templum, quàm aurum quod sanctificatur à templo; & alta-
 re, quàm hostiæ quæ sanctificantur ab altari. Totum autem hoc faciebant,
 non ob Dei timorem, sed ob diuitiarum cupiditatem. Exponit locum hunc
 Origenes. Adhuc autem vide, inquit, ne fortè secundum similitudinem tem-
 pli, & auri positi in templo, intelligere debeamus altare & donum quod posi-
 tum est

rum est super altare. Altare ergo, quod votum sanctificat, est hominis cor, quod principale habetur in homine; vota autem & dona, quæ ponuntur super altare, omne quod superponitur cordi: ut puta, proponis orare votum orationis, posuisti super cor tuum, quasi super quoddam altare, ut orationem offeras Deo. Proposuisti psallere; votum psalmorum posuisti super cor tuum, quasi super quoddam altare, ut offeras Deo votum psalmorum. Idem de Eleemosynis, ieiuniis, aliisque pietatis operibus sentiendum est. Spirituale autem templum, docet Theophylactus, & altare, ipsum Christum: Aurum & donum, laudes & sacrificia precum significare, quæ in eo per eum offerimus: non enim ipse per hæc, sed ista per illum sanctificantur.

8 SEptimum vitium, Ficta & simulata iustitia: in reb. quidem parvis perspicax & lyncea, in rebus verò magnis cæca & stupida. Væ vobis scribæ & pharisæi hypocritæ, quia decimatis mentham, & anethum, & cuminum; & reliquistis quæ grauiora sunt legis, iudicium, & misericordiam, & fidem; hæc oportuit facere, & illa non omittere: duces cæci, excolantes culicem, camelum autem glutientes. Quia decimatio illa oleris, quæ in præformationem futurorum erat utilis, non debebat omitti: effici, inquit Hilarius, hoc oportebat; ut fidei, & iustitiæ, & misericordiæ partibus functi, non imitatione fingenda, sed veritate retinendæ voluntatis operibus placeremus. Menthæ autem hæc & aliorum olerum decimatio potest intelligi dupliciter: vel actiue, vel passiuè. Actiue: Quicumque ministri templi acciperent decimas à populo, tamen de illis acceptis à populo, & de his quæ habebant ex labore suo, decimas reddebant summo sacerdoti, ut habetur Num. 18. & ideò ad simulationem sanctitatis, reddebant eis decimas de minimis; hoc etiam faciebant nomine cupiditatis, ut per exemplum sui inducerent populum ad reddendum sibi decimas de omnibus, usque ad minima. Vel passiuè: Quod per doctrinam suam inducebant ad decimas strictè soluendum sibi. Multa autem in lege præcepta sunt, quæ typos præferant futurorum: alia verò aperta sunt, iuxta Psalmistam dicentem: Mandatum Domini lucidum, illuminans oculos. quæ statim opera desiderant. Verbi gratia: Non adulterabis. Non furtum facies. Non testimonium falsum dices, &c. Pharisei autem, quia præceperat Dominus, propter alimoniam sacerdotum & Leuitarum, quorum pars erat Dominus, omnium rerum in templo offerri decimas; hoc vnum habebant studij, ut, quæ iussa fuerant, comportarentur: cætera quæ erant maiora, utrumuis facerent, an non, parui pendebant. Ex hoc itaque capitulo arguebat eos avaritiæ, quod studiosè etiam vilium olerum decimas exigant, & iudicium in disceptatione negotiorum, misericordiamque in pauperes, pupillos, & viduas, & fidem in Deum, quæ magna sunt, prætermittant: duces cæci, excolantes culicem, camelum autem glutientes. Si autem oportet in eiusmodi Euangelij verbis etiam moralem assumere intellectum: sciendum est cum Origene, quoniam sicut mentha, & anethum, & cuminum, ciborum sunt cõditura, non ipsi principales cibi; sic in conuersationibus nostris quædam sunt principalia & necessaria ad iustificationem animarum nostrarum: qualia sunt hæc grauiora legis, iudicium, & misericordia, & fides; alia autem, quasi condimenta actus nostros, & commendantia eos, & suauiores eos facientia: ut puta abstinentia risus, ieiunium, flexio genuum, permanens in collectis, assiduitas communica-

tionis, & alia his similia, quæ non ipsæ iustitiæ sunt, sed conditura iustitiarum habentur. Res autem spirituales, quæ à semetipsis iustitiæ sunt, dicuntur iudicium, misericordia, & fides. Turpe est ergo in iis minimis obseruare, quod est decimare; rerum autem necessariarum obseruationes non offerre Deo, id est, non decimare. Camelum puto esse, secundum sensum præsentis loci, & magnitudinem præceptorum, iudicium, & misericordiam & fidem. Culicem autem, decimas menthæ, anethi, & cymini, & reliquorum vilium olerum. Hæc contra præceptum Dei, quæ magna sunt, deuoramus atque negligimus, & opinionem religionis in paruīs, quæ lucrum habent, diligentiam demonstramus.

Octauum vitium Pharisaicum, Vasorum ac instrumentorum maior cura, quàm ipsorum puritatis mentis & corporis. Væ vobis scribæ & Pharisei hypocritæ, quia mundatis quod de foris est calicis & paropsidis; intus autem pleni estis rapina & immunditia. Phariseæ cœce: munda prius quod intus est calicis & paropsidis, ut fiat & id, quod de foris est, mundum. Quo loco Hilarius: Ideò, inquit, interioris conscientia nitor est obtinendus, ut ea, quæ corporis sunt, forinsecus eluantur. Non quod in calice & paropside eorum superstitio moraretur, sed quod foris hominibus ostenderent sanctitatem in habitu, in sermone, in phylacteriis, in fimbriis, in orationum longitudine, & cæteris huiusmodi; intrinsecus autem essent vitiorum sordibus pleni. Lucas ita: Stulte, qui fecit quod de foris est, etiam id quod intus est fecit: inde utraq; mundari voluit, quia utramque naturam hominis fecit. Et Origenes locum hunc Euangelij subiectis exemplis illustrat. Scriptum est, inquit, Qui viderit mulierem ad concupiscendum eam, mœchatus est in corde suo. Ille ergo, qui abstinet se ab opere fornicationis, fornicatur autem in concupiscētia cordis sui, mundauit quod à foris est calicis, & paropsidis, aut catini; ab intus autem intemperantia plenus est. Sed & qui facit eleemosynas, ut gloriam ab omnibus consequatur; mundare quidem videtur quod à foris est calicis & paropsidis, faciens eleemosynam coram hominibus; ab intus autem plenus est cupiditate gloria. Et quidquid fecerit homo boni, non ex conscientia munda propter Deum, à foris quidem mundus videtur, ab intus autem plenus est malis. Sed & omnes falsi dogmatis professores, calices sunt à foris quasi mundati propter speciem religionis, quam simulant, ab intus pleni rapina, seductione, quibus rapiunt homines in errorem, & lupi rapaces; sub pellibus ouium latitantes, & deuorantes animas simplices, qui videre eos non possunt lupos esse rapaces, propter ouilium pellium tegumentum.

Nonum vitium, Interna immunditia, ac sordes externo decore & splendore adornata. Væ vobis scribæ & Pharisei hypocritæ, qui similes estis sepulcris dealbatis, quæ à foris hominibus apparent speciosa, intus verò sunt plena ossibus mortuorum, & omni spurcitia; sic & vos à foris quidē apparetis hominibus iusti, intus autem pleni estis hypocrisi & iniquitate. Munda prius cor & conscientiam à concupiscentia, & prauis desideriis, à fraude & dolo, & sic foris per opera ostende veraciter sanctitatem. Hinc illud D. Chrysostomi: Ut quid vis apparere, quod non vis esse? nam quod turpe est apparere, turpius est esse: aut ergo esto quod appares, aut appare quod es. Quam

quam hypocrisis hæc valet; & contrá, illos, qui corporalia peccata, fornicationem, furtum, & cætera alia quasi grauissima, vt quidem non parua sunt, detestantur: spiritualia, quæ non minús damnat apostolus, hoc est, amaritudinem, iram, indignationem, clamorem, superbiam, & cætera, vt leuia, contemnunt. Hanc Pharisaicam simulationem his verbis vetustissimus Irenæus infectatur: Cùm à foris rectè offerre putarentur, similem, inquit, zelum Cain habebant in semetipsis, propter quod & occiderunt iustum, prætermittentes consiliū verbi, quemadmodum & Cain: Illi enim ait, Quiesce, & non assensit. Quiescere autem, quid est aliud, quàm desinere à proposito impetus? Et his similia dicens: Pharisee, inquit, cœce; emunda quod est intus calicis, vt fiat & quod foris est mundum; & non audierunt. Ecce, inquit enim Ieremias, non sunt oculi tui nec cor tuum bonum, sed in cupiditate tua & ad sanguinem iustum, vt effundas eum, & ad iniustitiam, & ad homicidium, vt facias. Et iterum Isaias: Fecistis, inquit, consiliū, non per me, & testamenta non per spiritum meum. Quærit denique Iustinus, quæstione 28. Cur Phariseorum fictam religionem arguens Dominus, dixit eos esse sepulcra dealbata, osibus mortuorum plena, & omni immunditie? Respondet ita quæstioni proposita: Comparauit, inquit, Dominus, fictam Phariseorum religionem dealbatis sepulcris: quoniam, quemadmodum viuientium iudicio, abominabilis est mortuorum corporum foetor & impuritas; sic & illorum improbitas abominabilis est iudicio piorum: quippe quæ quodammodo sit animæ eorum mors & foetor, ac impuritas. Vt enim anima à corpore separata mortuum, foetidumque, & impurum corpus est: ita separato Dei metu ab anima, mortua est anima, & foetida, ac impura.

II **V**Ltimum vitium Pharisaicum: erga prophetas, seruosq; Dei summa crudelitas & sæuities, ficta humanitate & commiseratione tecta. Væ vobis scribæ & Pharisei hypocritæ, qui ædificatis sepulcra prophetarum, & ornatis monumenta iustorum, & dicitis: Si fuissetis in diebus patrum nostrorum, non fuissetis focij eorum in sanguine prophetarum. Itaque testimonio estis vobismetipsis, quia filij estis eorum, qui prophetas occiderunt: Et vos implete mensuram patrum vestrorum. Serpentes, genimina viperarum, quomodo fugietis à iudicio gehennæ? Non ex arbitrio vniuscuiusq; hominis est, cuius sit filius, boni viri, aut mali viri. Ergo neq; propter illud, quia ædificabant sepulcra prophetarum, & dicebant: Si fuissetis in diebus patrum nostrorum, nō essemus rei, vel rei erant, vel innocentes: sed quia rebus ipsis, & similitudine facinorum testimonium sibi reddebant, esse se filios eorum, qui occiderunt prophetas, implentes mensuram patrum suorum, & adhuc adiicientes, quod fuerat minus, supplentes interfectionem prophetarum atque iustorum, interfectione Christi filij Dei. Probato autem superioribus dictis, quod filij essent homicidarum, & eorum qui prophetas occidissent; nunc concludit, quod voluerat, & quasi extremam syllogismi partem ponit: Et vos implete mensuram patrum vestrorum; quod illis defuit, vos adimplete. Illi interfecerunt seruos, vos Dominum crucifigite: illi prophetas, vos eum qui à prophetis prædicatus est. Vnde Hilarius: Qui prophetas cum grauissimo piaculo occisos fatentur, qua venia Christum, qui prophetarum scopus est, condemnabūt, cū ea quæ detestantur, etiam multiplicato facinore perficiant? Neque, cū dicit Implete,

cit Implete, iubet: sed quod facturi sint, ostendit. Quod autem addidit, Serpentes, genimina viperarum, quomodo fugietis à iudicio gehennæ? hoc ipsum & Ioannes Baptista dixerat. Sicut ergo de viperis nascuntur viperæ: sic de homicidis patribus, vos, inquit, nati estis homicidæ. Et Pharisaica quidem vitia hæc sunt, in quæ omnia etiamsi grauissimè Saluator noster inuectus sit; in nullum tamen magis, quàm in hypocrisin & simulationē; vtpote quæ Deo, & summæ veritati maximè sint contraria, & per omnia vitia sint fusa. Væ autem nobis miseris, inquit Hieronymus, ad quos Phariseorum vitia transierunt.

Notandum autem est hoc loco imprimis cum D. Irenæo, Cypriano item: 12
Dominum nostrum Iesum Christum, regem, & iudicem, & Deum nostrum, vsque passionis diem seruasse honorem pontificibus & sacerdotibus, quamuis illi nec timorem Dei, nec agnitionem seruassent: illos autem redarguisse, quod verba quidem legis annuntiarent, essent autem sine dilectione, & propterea iniusti in Deum, & in proximum.

Notandum secundò: vitam malam sacerdotum non præiudicare doctrinæ illorum, neque statim sequi, si aliquis peccauerit, vt & fidem amittere debeat, aut ordinem, aut ab Ecclesia excidere, aut erroneè docere, aut falsus propheta esse: nam isti Pharisei, his vitiis præditi, principes tamen & antistites doctrinæ, & Ecclesiæ suæ, testimonio Christi fuerunt, illisque obtemperari iubetur, contrà quàm sentiunt hæretici, Anabaptistæ præsertim. 13

Notandum tertio cum Origene: Quemadmodum ante Christi aduentum super cathedram Moysis sedebant benè, qui benè, & secundum rationem dicta Moysis interpretabantur; ita post aduentum Christi sedere super cathedram Ecclesiæ, quæ est cathedra Christi & thronus. Sicut autem super cathedram Moysis malè quidem sedebant scribæ & Pharisei; benè autem qui rectè intelligebant legem, atque tradebant: sic & super Ecclesiasticam sedere quosdam, dicentes quæ facere oporteat vnumquemque, non autem faciētes, & alligantes onera grauiā, imponere super humeros hominum, ipsos nec digito volentes ea mouere. De quibus dicebat Saluator: Quicumque soluerit vnum de mandatis istis minimis, & docuerit sic homines, minimus vocabitur in regno cælorum. Aliis autem sedentium facere antequam dicant, & dicere sapienter, moderantes differentias humerorum, & onera eis parcè imponere: ipsos ea prius mouere ad exhortationem audientium cæterorum: de quibus ait Dominus, Qui autem fecerit, & docuerit sic, hic magnus vocabitur in regno Dei. 14

Notandum quartò: bona à malis distinguenda esse, & quæ bona sunt, 15
laudanda, sequenda: quæ mala, reprehendenda, abijcienda, eradicanda; quod Christus nunc facit: mala eradicat, exterminat, bona relinquit: hæresis contrà miscet omnia, bona cum malis eiicit, exuit: curandique sunt potius morbi, quàm ipsi ægri statim abijciendi: res corrigendæ, non simpliciter conuellendæ: quod nunc Christum Dominum facere videmus.

Notandum quintò: Docere Origenem, turpe esse hoc nomine nominari, cuius 16

ri, cuius nec scientiam habet aliquis, nec actum. Amant, inquit, ab hominibus vocari Rabbi: aut aliquid simile huic: vtpote, qui volunt vocari Episcopi, aut presbyteri, aut diaconi: cum deberet vnusquisque eorum, etiamsi vocaretur ab aliquo, vel conscientiam suam ostendere Deo, quoniam non vult hoc nomine nominari, cuius nec scientiam habet, nec actum: & si habet, tamen non debet velle vocari eo nomine, quod propriè alterius est. Propriè enim episcopus Dominus Iesus est, & presbyteri Abraham, Isaac, & Iacob: sicut manifestum est his, qui in Genesi considerant, quæ de semine eorum sunt scripta: vel cæteri, qui hoc nomine digni sunt habiti, quales fuerunt apostoli Christi. Diacones verò septem angeli sunt Dei, ad quorum mysteria septem diaconi in actibus sunt ordinati.

17 **N**Otandum sextò: non statim licere quibusvis ex plebe in vitam præpositorum suorum animaduertere, aut debachari, si nunc Christo Domino licet. Christus Dominus medicus fuit, Dominus vineæ fuit, hæres fuit, legislator & iudex fuit: cui pater omne iudicium dedit: peccatum non fecit: dolus non est inuentus in ore eius; at nos conserui sumus: puluis & vmbra sumus: mendaces sumus, toti in peccatis nati, & educati toti in illis. Eijciamus igitur primum trabem, grauiora mortalia peccata, ex oculis nostris: deinde ex alienis festucam, minora & venialia, eijciemus. Qui sumus nos, qui de alienis seruis iudicemus? Si stant, Domino stant: si cadunt, Domino cadunt: illi nobis, non nos illis præfecti sumus: illi de nobis, non nos de illis rationem reddituri sumus. Qua de re videndus est Chrysostomus & Cyprianus.

18 **N**Otandum septimò: multas res natura sua esse non malas, quin potius bonas & laudabiles; si tamen illarum causa & prætextu maiora bona aliquando omittantur, in malis nonnunquam censerì; vt, decimare mentham, & anethum, & cuminum: vt lauare vasa templi, vt sepulcra prophetarum erigere, res sancta & Deo grata est; qui tamen propter hæc maiora omittebant, ideo quasi sint mala, accusantur.

19 **N**Otat octauò D. Hieronymus: Nec magister, inquit, nec pater vocandus est alius, nisi Deus pater, & Dominus noster Iesus Christus: Pater, quia ex ipso sunt omnia: Magister, quia per ipsum omnia: vel, quoniam per dispensationem carnis eius omnes reconciliati sumus Deo. Quæritur, quare aduersum hoc præceptum doctorem gentium Apostolus se esse dixerit: aut quo modo vulgato sermone, maximè in Palæstina & Ægypti monasteriis se inuicem patres vocent. Quod sic soluitur: Aliud esse naturâ patrem vel magistrum: aliud indulgentia. Nos, si hominem patrem vocamus, honorem ætati deferimus, non autorem ostendimus vitæ, Magister quoque dicitur ex consortio veri magistri. Et ne infinita replicem: quomodo vnus per naturâ Deus, & vnus filius, non præiudicat cæteris, ne per adoptionem Dei vocentur & filii; ita & vnus pater & magister non præiudicat aliis, vt abusiue appellentur patres & magistri.

20 **N**Otat nonò Origenes: Simile est propositum Dei in maledictionibus legis proferendis in lege. Si autem illa maledictio, siue illud Væ pronunciatum, non

tum, non ex pronuntiatione pronuntiantis unicuique contingit peccanti; sed ex peccatis ipsius peccantis, qui dignum se præbet ad susceptionem vel illarum maledictionum, vel istorum væ, quæ Deus disciplinæ causa pronunciauit aduersus illos; vt conuertat illos ad bonum. Nam & pater increpâs filium, profert frequenter ad emendationem eius quosdam sermones, qui videntur esse maledictiones; & tamen non vult dignum fieri maledictionibus illis, sed auertere eum magis cupit ab illis.

Notandum decimò: quoniam & eorum qui in gehenna futuri sunt, erit ²¹ differentia tormentorum, quoniam alter quidem est simpliciter filius gehennæ, alter autem dupliciter. Sed & hoc videre oportet, si adhuc abundantius fiat aliquis filius gehennæ; vt puta tripliciter, vel multipliciter, secundum multitudinem peccatorum: & si generaliter est, aliquem fieri filium gehennæ; vt puta, Iudæum vel gentilem, aut cuiuscunq; falsi dogmatis professorem; aut & specialiter, vt per singulas species peccatorum fiat quis filius gehennæ; vt puta, qui fornicatur, sit filius gehennæ: & qui adulteratur, dupliciter sit: & qui furtum facit, adhuc tripliciter, secundum quod scriptum est: Qua mensura mensi fueritis, eadem remetietur vobis; vt iustus quidem secundum numerum iustitiarum suarum augeatur in gloria; peccator autem secundum numerum peccatorum suorum multiplicetur in gehenna. Væ vobis, inquit Saluator, scribæ & Pharisei, hypocritæ, qui circuitis mare & aridam, vt faciatis vnum profelytum: & cum fuerit factus, facitis eum filium gehennæ duplo quam vos estis.

Notandum vndecimò: ita legi Dei insistendum, vt traditiones non negligamus: ita traditiones colendas, vt nullam partem legis diuinæ prætermittamus. Hæc, inquit, oportuit facere, illa non omittere: quod contrâ faciebat synagoga. Scriptum est enim in libro Sanhædrin: Grauius esse peccare in verba scribarum, quam in verba legis. Qui enim dicit, non sunt rephilin, id est, phylacteria, transgrediens verba legis, Patur, id est, immunis est: qui verò ait, quod quinque sunt Totaphoth, id est, phylacteria, (de quibus Deut. 6. cap. fit mentio) addendo verbis scribarum, reus est. Item in Midrâs Deut: super verbum illud: Non declinabis à verbo quod annunciauerint tibi, ad dexteram, neque ad sinistram. Sic dicitur, Etiam si ostenderint in oculis tuis de dextera, quod sit sinistra, & de sinistra, quod sit dextera, crede eis, vel obtempera.

Notant hoc loco duodecimò Græci patres, Differentiam inter altare veteris synagogæ, & præsentis Ecclesiæ. In veteri lege altare donum sanctificabat, & maius erat ipso dono: Contrarium est in noua: maius est donum, Christus ipse, corpus & sanguis eius, quam altare; ipsa nimirum sedes tanti Domini: & hic donum sanctificat, altare sanctificatur; quod pulchrè explicat Theophylactus: In veteri, inquit, lege, non concedit Christus, maius esse donum, quam altare; apud nos autem altare magis sanctificatur à donis: panes enim in Dominicum illud corpus, diuina gratia, mutantur, propter quod ab illis & altare sanctificatur. Et Augustinus: Templum autem & altare ipsum Christum.

sum Christum intelligimus: aurum & donum, laudes & sacrificia quæ per eum offerimus: non enim ille per hæc, sed ista per illum sanctificantur.

24 **N**otanda est item hoc loco ridicula Caluini ipsius cum Christo comparatio, dum in vniuersum præpositorum gregem debachatur. Quemadmodum hodie in clerum Papalem asperius cogimur detonare, non alia de causa, nisi ut qui dociles sunt, ac non penitus reprobis, ad salutem suam attendant, & perculsi Dei iudicio, exitiales superstitionum, quibus captiui tenentur, laqueos abrumpant. Vnde colligitur, quàm crudelis sit eorum mollities, quibus molesta est nostra vehementia: displicet illis, duriter & acerbè vexari lupos, qui laniandis ac vorandis ouibus assiduè inhiant. Hæc nouus Messias Caluinus. Notanda est etiam eiusdem Caluini erga sanctos Dei, eorumq; reliquias pietas: Nam apud illos pluri est, frustum putridi cadaueris tangere, quàm sanctum vtriusque testamenti volumen. Mentitur primùm magnus propheta, deinde blasphematur. Hi sunt flosculi hominis ineptissimi.

25 **P**robata doctrina Phariseorum, vita reprehensa & damnata, quid in posterum illos ea causa subsecuturum sit, docet: se scilicet ad eos missurum prophetas, & sapientes, & scribas: & eodem modo illos accepturos, quo priores acceperunt, ac postea omnem sanguinem iustum, ab Abel vsque ad Zachariam, super ipsos venturum: urbem desertam efficiendam: ipsos damnationi addicendos; nec primùm ipsum visuros, quàm æternæ damnationis sententiam contra se audituri sint: ostenditque, eos falsò iactasse, si fuissent tempore patrum suorum, se prophetas non occisuros fuisse, cum eos, quos ipse ad eos missurus esset, atque adeò illum ipsum occisuri sint, recapitulationem effusionis sanguinis ab initio omnium iustorum & prophetarum in semetipsam futuram indicans, & exquisitionem sanguinis ipsorum per semetipsum. Non autem exquiretur hoc, nisi & saluari haberet: nec in semetipso recapitulatus esset hæc Dominus; nisi & ipse caro & sanguis, secundum principalem plasmationem factus fuisset, saluans in semetipso in fine, illud quod perierat in principio in Adam. Hæc Irenæus. Ecce ego mitto, inquit, ad vos prophetas, & sapientes, & scribas, & ex illis occidetis & crucifigetis, & ex eis flagellabitis in synagogis vestris, & persequemini de ciuitate in ciuitatem. Porro per prophetas & scribas in toto genere, sanctos apostolos primùm, deinde reliquos doctores, ac Confessores Ecclesiæ sanctæ intelligi, & res ipsa, & omnes patres docet. Qui enim prophetat, hominibus loquitur, inquit Paulus, ad ædificationem, exhortationem, & consolationem; hi autem, ut & veteres, à Deo mittebantur; ut & præcones essent maiestatis eius, & correctores prauitatis humanæ, ut docet Lactantius. At quod suprà docuit, Omnem legem & prophetas vsq; ad Ioannem durare: non quia docere voluerit, non futuros fuisse post Ioannem: fuerunt enim & Agabus, & Syllas, & multi; sed quia prophetia de Christo non erat ventura post eum. Ergo post Ioannem prophetia quidem de Christo futuro cessauit, prophetæ autem & fuerunt, & sunt: sed non qui prophetarēt de Christo, sed qui interpretarentur ea, quæ de Christo ab antiquis fuerant prophetata: id est, Doctores Ecclesiarum. Sed & omnes Christiani prophetæ dicuntur, qui in regnum, & in sacerdotium, & in prophetiam vnguntur: nec enim potest quis propheticos interpretari sensus, nisi habeat spiritum prophetiæ. Qua

tia. Qua autem differentia distinguantur, D. Hieronymus pulchrè adnotat. Simul obserua, inquit, iuxta Apostolum scribentem ad Corinthios, varia dona discipulorum Christi: alios prophetas, qui ventura prædicent: alios sapientes, qui nouerant quando debeant proferre sermonem: alios scribas, in lege doctissimos, ex quibus lapidatus est Stephanus, Paulus occisus, crucifixus Petrus, flagellati in Actibus apostolorum discipuli: & persecuti eos sunt de ciuitate in ciuitatem, expellentes de Iudæa, ut ad gentium populum transmigrarent, ut veniat super vos omnis sanguis iustus, qui effusus est super terram, à sanguine Abel iusti, usque ad sanguinem Zachariæ filij Barachiz, quem occidistis inter templum & altare: hoc est, à primo ad nouissimum, quorū vita, cædes, & iustitia notior est omnibus, quàm scribi debeat. Quemadmodum enim Abelem Cain ex inuidia occidit, ita & illi Christum atque eius apostolos occisuri erant. Et idcirco Abel sanguis & Zachariæ in eorum posteritatē venturus ostenditur, quia iam in his habitans Christus & prædicans erat passus. Quòd si creditum ei fuisset, non solum extra pœnam necis prophetarum credentium fides fuerat; sed illam ipsam Dominicæ passionis sententiam esset venia consecuta. At verò, cum nec post resurrectionem creditum ei fuerit, & iam ultio ab his Abelis & Zachariæ sanguis reposcitur. Cur autem Abel, qui primus fuit, & Zachariam, qui nequaquam ultimus fuit, ponere voluit? nisi fortè, quia per Abel pastorem, qui in campo, & Zachariam sacerdotem, qui in atrio templi necatus est, vtriusque gradus martyres esse debere, ex laicis, & ex altaris officio mancipatis, sub eorum voluit intimare vocabulo. Non me videbitis à modò, donec dicatis: Benedictus qui venit in nomine Domini. Et quando hoc dicturi sunt? Volentes quidem nunquam; nolentes autem, tempore secundi aduentus eius, quo venturus est cum potestate magna, & gloria, quando nulla erit utilitas eius cognitionis. Amantis verò dictum est: Nequaquam me posthæc videbitis: vehementer siquidem amabat, verum despiciebatur, & idcirco maximè dolebat. Posthæc autem dicens, non solum tempus illud significauit, sed totum, usque ad passionis tempus, post quod amplius non viderunt Deum; quanquam enim visus est quibusdam post resurrectionem, at non infidelibus Iudæis. Dum verò inquit: Ierusalem, Ierusalem, non saxa & ædificia ciuitatis, sed habitatores vocat, quam plangit patris affectu; sicut & in alio loco legimus, quòd videns eam fleuerit. Ecce relinquetur vobis domus vestra deserta. Hoc ipsum ex persona Ieremiæ iam antè dixerat: Reliqui domum meam: dimisi hæreditatem meam: facta est mihi hæreditas mea, quasi spelunca leonæ. Quod quia noluerūt, domus eorum deserta & vacua relinquetur: id est, indigni habitatione sancti spiritus erunt: sua enim domus, non Dei esse cœperunt; & in contumacia infidelitatis manentes, usque in id tempus eum non videbunt, quo in Domini nomine reuertentem, etiam in vita infidelitatis confessione benedicent. Deserta Iudæorum domus, id est, templum illud, quod fulgebat augustius, oculis comprobamus: quia habitatorem Christum perdidit, & hæreditatem præripere gestiens, occidit hæredem. Dico enim vobis, non me videbitis à modò, donec dicatis: Benedictus qui venit in nomine Domini. Ad Ierusalem loquitur, & ad Iudæorum populum. Versiculum autem istum, quo & paruuli atque lactentes in ingressu Ierusalem Domini Saluatoris vsi sunt, quando dixerunt: Benedictus qui venit in nomine Domini: Osanna in excelsis: sumpsit de centesimo decimo

decimoseptimo psalmo, qui manifestè de aduentu Domini scriptus est. Et quod dicit, hoc vult intelligi: Nisi poenitentiam egeritis, & confessi fueritis, ipsum me esse, de quo propheta cecinerunt, filium omnipotentis patris: faciem meam non videbitis. Habent Iudæi datum sibi tempus poenitentiae, confiteantur benedictum qui venit in nomine Domini, & Christi ora conspiciant. Tanquam amatam autem spretus ac desertus amans, geminatis vicibus, antequam puniat & perdat, compellat. Ierusalem, inquit, Ierusalem, quoties volui congregare, & noluisti. Quomodo enim, si contemnat mulier amatorem suum, sic contempsit me domus Israël: conqueritur Dominus apud Ieremiam. Congregat autem Christus, disgregat diabolus; quare ideò nunquam hæretici conuenire possunt, quia à diabolo reguntur: denique, templum habebant pro inuicto propugnaculo, quasi in gremio Dei federent.

26 **N**Otandum primò: missionem in omni functione expectandam esse, ac neminem debere sese in functionem prædicationis ingerere: Ecce ego mitto ad vos sapientes & scribas.

27 **N**Otandum secundò: non vnum genus hominum ad prædicationem Euangelij mitti debuisse, neque ex vno genere hominum Ecclesiam debuisse constare, vt hæretici nugantur, sed ex vario & multiplici. Ecce ego ad vos mitto prophetas, & sapientes, & scribas. quod latius D. Paulus explicat: Christus ascendens in altum, dedit dona hominibus; & alios quidem dedit prophetas, alios doctores, alios Euangelistas.

28 **T**ertiò notandum est hoc loco, falsò docere hæreticos, rudes homines & idiotas ex face plebis Christum Dominum Ecclesiae suae præficere voluisse; cum ipse planè contrarium testetur: Ecce ego ad vos mitto prophetas, sapientes, & scribas. Nam etsi à principio Apostoli rudes fuerunt; accepto tamen spiritu sancto, eam sapientiam ac dicendi vim assecuti fuerat, cui non potuit resistere orbis: & eorum, qui in Apostolorum locum successerunt, ea fuit eruditio, quæ facile omnem sapientiam mundi superauit: Irenæi, inquam, Areopagitæ, Iustini martyris, Origenis; vt interim eos relinquam qui his successerunt: sed isti, qui nihil ipsi sapere didicerint, sub hoc pallio ignorantiae mendacij delitescere volunt, ac stultis & incautis imponere.

29 **N**Otandum quartò cum Origene: Si viderimus scribas legis, & pharisæos agentes, non solum aduersus sapientes Euangelij, & quæ Christi sunt, prophetantes, sed etiam aduersus scribas noui testamenti; videbimus quomodo, quantum ad se, occidunt Christi prophetas, & scribas crucifigunt per detractionem verborum suorum, flagellant in synagogis suis. Frequenter ergo audire est apud hæreses, qui sunt spirituales Pharisei, quomodo linguis suis, quasi quibusdam verberibus makiloquij sui, Christianos flagellant, & persequuntur de ciuitate in ciuitatem: interdum quidem & corporaliter, aliquando autem spiritualiter, volentes eos expellere, quasi de propria ciuitate legis, & prophetarum, & Euangelij, & Apostolorum; & in aliam, & extraneam quandam ciuitatem, Euangelij alicuius alterius, mendacibus persuasionib. suis, quasi persecutionibus pellunt. Secundum quod & apostolus dicebat, propter falsos

apostolos: Miror, quòd sic citò transferamini à gratia Dei, qui vos vocauit ad aliud Euangelium, quod non est aliud, nisi sunt quidam, qui conturbant vos.

*Psalm. 73.
S. 7. 12.*
Quintò notandum: regulam scripturarum esse, duas generationes bonorum & malorum nosse: hoc est, singulorum singulas. De bonis sumamus exempla. Quis ascendet in montem Domini, aut quis stabit in loco sancto eius? Cùmque plures, qui ascensuri sunt in montem Domini, descripsisset, qui diuersis fuere ætatibus, postea infert: Hæc est generatio quærentium Dominum, quærentium faciem Dei Iacob. Et in alio loco de omnibus sanctis: Generatio iustorum benedicetur. De malis verò, ut in præsentis loco: Generatio viperarum. Et: Requirentur omnia à generatione ista. Et in Ezechiele, cùm peccata terræ descripsisset, sermo propheticus adiecit: Si Noë, & Iob, & Daniel ibi fuerint inuenti, non dimittam peccata terræ illi: omnes iustos, qui similes forent virtutibus eorum, per Noë, & Iob, & Daniel, volens intelligi. Ergo & isti, qui similia Cain & Ioas contra apostolos gesserint, de vna generatione esse referuntur.

Sextò notandum: in eo, quod dicit, Quoties volui congregare filios tuos, omnes retrò prophetas à se missos testatur. Cùm igitur omnes prophete à sancto Ioua se missos fateantur esse, vno, inquam, vero Deo, Christus filius Dei, verus Ioua sit, contra omnem Arianam impietatem, oportet, vnius & eiusdem naturæ, essentia, ac operationis cum patre.

Norat hoc loco Euthymius: qui peccatorum nouit poenas, & nihilominus eos imitatur, reus est, ut ab eo exigantur omnium supplicia; hoc est, pro vnoquoque poenam luat, eò quòd exemplo eius sese non refrænauerit. Et ex illis occidetis, inquit, ut expetatur à vobis ultio cuiuslibet cædis, quæ prius contra iustos fuerat perpetrata. Audierant enim, quòd Cain septem suppliciis dignus fuerat, Lamech verò septuaginta septem, eò quòd sese non refrænasset exemplo.

Notandæ autem sunt circa præsentem locum, illum autem maximè: Ut veniat super vos omnis sanguis iustus: multæ dubitationes. Prima: quomodo debet poena maiorum illos sequi, cùm id pugnet cum Dei bonitate, quæ non solet visitare minores pro maioribus, nec maiorum peccata in minoribus punire: iuxta illud Ezechiel: 18. Quare non portabit filius iniquitatem patris? videlicet, quia filius iudicium & iustitiam operatus est: Omnia præcepta mea custodiuit, & fecit illa, vita viuet; anima quæ peccauerit, ipsa morietur. Filius non portabit iniquitatem patris, & pater non portabit iniquitatem filij: iustitia iusti super eum erit, & impietas impij erit super eum. Secunda difficultas: Si Deus puniet posteritatem pro peccatis maiorum; tamen id fit vsque ad quartam generationem. Atqui Abel iustus à Zacharia vix in centesima generatione à se constiterunt: quomodo ergo sanguis iusti Abel veniet super hos? Tertia difficultas: istos ipsos scribas & Phariseos non descendisse à Cain, qui Abel occidit, sed à Seth; ut patet Lucæ 3. Quomodo igitur descendet sanguis iusti Abel in eos? Quarta difficultas: quomodo isti

isti puniri debent, propter occisos prophetas, cum iam parentes eorum puniti fuerint? quod latè docet Hieron: super Threnorum primum. Quæ difficultates torserunt gentiles, Iustinus 139. quæstione: peruerterunt hæreticos, Origenes Hom. 8. in Exodum. Tertullianus lib. 1. contra Martionem. Irenæus lib. 1. cap. 40. scandalizauerunt Iudæos: nostros dubios reddiderunt; ex quibus varij vario modo se explicant. Hieronymus dicit, venturam sanguinem, non in illos solum Iudæos, sed in omnes malos, quicunque fuerunt; ut, si quis dicat, omnia homicidia in istam familiam incidunt; verum hoc non cohæret: quia Christus ad illos loquitur præsentem. Irenæus in hunc locum: Deus eos solos pastores punire docet, qui imitantur vitia maiorum. Gregorius item 15. Moral. cap. 31. Chrysostom: 75. Hom: in Matth: dicit, id euenire propter exemplum, quo non corriguntur; & præclare, sed non planè sufficienter: quia multa sunt, quæ posterius imitari debent. Exemplum videre licet Iosue 7. Numer: 17. Genes: 19. 2. Reg: 12. & 24. Docti igitur, in quibus est Origenes 23. super Matth. difficultatem hanc totam per hæc capita explicant: Aliud esse, quando Deus ipsum punit aliquem: aliud, quando aliū pro aliquo; & aliud est, non facere gratiam, & aliud, facere iustitiam. Propter alium tum punire videtur, cum aliquis ultimus peccat; cui alioqui Deus condonaturus fuisset, nisi alij ante illum multa peccassent. Dicitur igitur illum Deus punire pro aliis, non quod ipse non peccasset, nec quod aliena peccata in illum veniant; sed quod fortasse pro illo reus peccato eum non puniisset, nisi alij ante illum peccassent: quomodo rex aliquis, cum multa ex aliqua familia multis condonasset, qua eius indulgentia in dies multi alij deteriores efficerentur, ultimum tandem punit. Si idem deliquerit, alioqui non puniturus, nisi primi illi deliquissent; & ita illorum peccata in eum venire dicuntur; non sine tamen eius peccato. Hoc idem & alio simili autor Operis Imperfecti illustrat: Cum, inquit, serui tui peccant, expolias vnum, & iterum parcis ei, dicens: Nisi obseruaueris, hoc passurus es: similiter facis & alteri. Non meliorantibus verò eis, si incurrerit vnus, castigatur secundum suum peccatum: & videtur quidem pro omnibus ille solus castigatus: quia, quod aliis est promissum, illi est redditum. Reuera autem non pro aliis castigatus est, sed pro se: quia secundum meritum culpæ suæ castigatus est. Ille enim pro aliis dicitur castigari, qui aliis peccantibus, ipse castigatur non peccans; qui autem peccans castigatur, non pro aliis, sed pro se castigatur. Sic & generatio ista, pro patribus quidem suis videtur punita: quia illi territi sunt, isti puniti. Verè autem non pro aliis, sed pro se condemnati sunt: quia sic peccantes, iustè damnati sunt. Verum igitur est Ezechielis: quia Deus pro alienis peccatis non punit, nisi propria intercesserint. Verus & hic præfens locus, quia fortasse Deus isti ultimo gratiam fecisset, nisi illi primi peccassent; nec facit iniuriam, aut iniustitiam, sed non facit gratiam. Secundum caput: Aliud esse in filiis castigare patres: aliud, ipsos filios ob scelus parentum & suum. Primum tantum ad quartam generationem durat, quàm diu ipsi parentes, eorumque proximi, fructum peccatorum suorum videre possint, ut D. Thomas distinguit; posterius autem tempore etiam crescit: quantò enim plura exempla fuerint peccati, pluresque irritauerint Dominum, tantò grauius & procliuius ultimi puniuntur. Tertium caput: Non poena maiorum, sed sua quemque ob eius delicta puniri, & ideo nihil referre, si sint illorum maiores, si alieni, ut Cain: si ipsi item

si item puniti maiores, si non; imò si puniti sunt, & non corriguntur, alij magis puniuntur, & ob exemplum, & ob contemptum. Defatigatur siquidem Dominus perferendo, & proinde nobis maxime metuendum est, qui vltimis temporibus nati sumus, & qui post tot tantorumq; ruinas cautè non incedimus, nec citò resurgimus. Vomit autem hoc loco contra æterni parentis voluntatem & iustitiam plena impietatis verba, homo infelici sorte genitus Calvinus: piget omnia referre; ex his paucis reliqua cogitentur. Quòd subinde vobis cælitùs ordinati sunt propheta, frustrà & stultè hoc decus obtunditis: aliud enim arcano iudicio suo statuit Deus, vt continua benignæ inuitationis serie palàm detegeret impiam vestram peruicaciam; qua conuicta, filios cum patribus eodem inuolueret exitio. Et illa: Porro docet hic locus, Deum non semper hominibus salutem conferre, quoties verbum illis suum destinat, sed reprobis interdum velle annunciari, quos fore obstinatos nouit, vt sit illis odor mortis in mortem. Hanc ille suam sobrietatem vocat; huius tamen nomine nunc tot millia hominum & anima & corpore cadunt.

Notandum item est iisdem verbis, ex eodem propheta sumptis, Iudæ-³⁴ os in futuro iudicio, iudicem futurum compellaturos, quibus aliquando in die palmarum pueri compellarunt: Benedictus qui venit in nomine Domini; quod isti peracerbè propter inuidiam acceperant.

Notat item hoc loco D. Irenæus integritatem liberi arbitrii nostri, dum³⁵ inquit, Quoties volui congregare filios tuos, & noluisti? Veterem legem libertatis hominis manifestauit: quia liberum cum Deus fecit, ab initio habentem suam potestatem, sicut & suam animam, ad vtendum sententia Dei voluntariè, & non coactum à Deo. Vis enim a Deo non fit, sed bona sententia adest illi semper. Et propter hoc consilium quidem bonum dat omnibus; posuit autem in homine potestatem electionis, quemadmodum & in angelis. Etenim angeli rationabiles, vt hi quidem, qui obedissent, iustè bonum sint possidentes, datum quidem à Deo, seruatum verò ab ipsis. Qui autem non obedierunt iustè, non inuenientur cum bonis, & meritam pœnam perciperent. Quoniam Deus quidem dedit benignè bonum, ipsi verò non custodierunt diligenter illud, neq; preciosum arbitrati sunt, sed super eminentiam bonitatis contempserunt. Abijcientes igitur bonum, & quasi respuentes, meritò omnes iustum iudicium incident Dei; quemadmodum & Apostolus Paulus in ea epistola quæ est ad Romanos testificatus est, dicens ita: An diuitias bonitatis eius, & patientiæ, & longaminitatis contemnitis? ignorans quoniam bonitas Dei in pœnitentiam te adducit: secundum autem duritiam tuam, & cor impœnitens thesaurizas tibi metipsi iram in die iræ, & reuelationis iusti iudicii Dei. Gloria autem & honor, inquit, omni operanti bonum. Dedit ergo bonum, quemadmodum & Apostolus testificatur in eadem Epistola & qui operantur quidem illud, gloriam & honorem percipient, quando fuerint bonum, cum possint non operari illud; hi autem qui illud non operantur iudicium iustum recipient Dei, quoniam non sunt operati bonum, cum possent operari illud. Hæc Irenæus. Maledicit hoc loco magna bestia Calvinus, ciuitati sanctæ, quã temerè & sine causa verba illius doceant. Conferat nunc Papa latrocinii sui sedem cum sancta illa vrbe; quid pari honore dignum reperiet?

reperiet? Iactant nobis mercenarii eius adulescentes fidem illic olim viguisse. Quod ut verum esse demus, si hodie constat perfida defectione alienatam esse à Christo, & innumeris sacrilegiis refertam, quàm stultè ei honorem primatus affixum esse contendunt. Hæc calumniator. Illa D. Paulus: Gratias, inquit ago Deo meo, quòd annūciatur fides vestra in vniuerso orbe. Sedes hæc Petri fuit; atqui pro Petro orauit Dominus, ne deficeret fides eius: & sedis igitur illius.]

36 **Q**VAESTIONES S. AVGVSTINI. PRIMA: Quod Dominus dixit: Quid enim maius est, aurum, an templum, per quod sanctificatur aurum? Et item dixit: Quid enim maius est, donum, an altare, quod sanctificat donum? Intelligendum templum & altare ipsum Christum, aurum & donum, laudes & sacrificia precum, quæ in eo per eum offerimus. Non enim ille per hæc, sed ista per illum sanctificantur.

SECUNDA: Quod Dominus dixit: Excolantes culicem: refertur ad id quod dixit, decimare illos minuta quæque, camelum glutientes, refertur ad id quod dixit: Præterita grauiora legis, misericordiam, & iudicium, & fidem; ut iste sit sensus: minima obseruatis, maxima contemnitis. Ex hac enim peruersitate etiam illud eis accidit, quòd possunt hæc per allegoriam referri, ut dimitterent Barrabam, quia videlicet non soluerat sabbathum: quòd magna diligentia carnaliter obseruabant sabbathum; occiderunt autem Dominum, spiritaliter sabbathum insinuantes, per misericordiam, & iudicium, & fidem, quæ illi maxime contemnebant. Nam & culicis nomine non absurdè figuratur feditiosus homicida: quia hoc animal & strependo inquietat, & sanguine delectatur: & cameli nomine propter humilitatem se ad subeunda munera submittentis propter magnitudinem, intelligitur congruenter Dominus.

TERTIA: Quod dixit Dominus ad Ierusalem: Quoties volui congregare filios tuos, sicut gallina congregat filios suos sub alas suas, & noluisti. Hoc genus animantis magnum affectum in filios habet; ita, ut eorum infirmitate affecta, & ipsa infirmetur, & quòd difficilius in cæteris animantibus inuenies, alis suis filios protegens, contra miluum pugnat: sic etiam mater nostra, sapientia Dei, per carnis susceptionem infirmata est quodammodo. Vnde & apostolus dicit: Quod infirmum est Dei, fortius est hominibus: protegit infirmitatem nostram; & resistit diabolo, ne nos rapiat. In qua defensione, quod illa aduersus miluum conatur affectu, hæc aduersus diabolum perficit potestate.

Caput XXIII.



REFVTATIS SCRIBIS ET PHARISÆIS, TURBIS, DOCTRINA Euangelij completa, instructis, cum secretioris doctrinæ discipulis ac secretariis, in solum se locum confert, montem, inquam, oliuarum: ac quemadmodum antea præterita ac præsentia illis explicauit; ita nunc futura ac nouissima ad finem vsque mundi, quod propriè diuinum fuit, illis explicat: quid, inquam, nouissimis temporibus futurum erat: quomodo mala cognoscenda, &

da, & fugienda; bona autem consequenda: ac qua cautione, diligentia, quod superest vitæ, viuendum. Accedunt siquidem ad eum discipuli eius, tria per-
scrutantur: Quo tempore Ierusalem destruenda sit: quo venturus Christus:
quo consummatio sæculi futura sit: omnibus enim laborantibus dulcis est fi-
nis. Viator libenter interrogat ubi est mansio: mercenarius frequenter com-
putat quando annus completur: agricola semper tempus messis expectat:
negotiator die ac nocte thecæ suæ discutit rationem: mulier prægnans, sem-
per de decimo mense cogitat; sic & serui Dei libenter de consummatione sæ-
culi requirunt. Ille igitur ordine suo illis ea omnia narrat, vt memores no-
uissimorum, in æternum non peccent. Huc igitur & nos animos intenda-
mus, atque hos subdifficiles scopulos, Dei auxilio adiuti, common-
stremus. Quanquam autem distincta tria sunt illa, de quibus diximus,
quæ Apostoli ex Domino cognoscere voluerunt; ita tamen coniuncte tra-
ctantur, vt, quid aliquo loco explicetur, difficile conijcere possis. Id autem e-
as ob causas fit: partim, quod sacra scriptura sua difficultate non careat: par-
tim, quod res ipsæ valde coniunctæ sunt; ita, vt vix tractatione separari pos-
sint. Nam & extremum Hierosolymæ excidium, figura fuit & imago futuri
mundi interitus; ita, quod vni conuenit, alteri optimè accommodari possit.
Signa vtriusque planè communia, exitus idem: & aduentus Messia secundu-
m, vix à consummatione mundi separari potest: signa item eadem omnia, imò
negotium quasi idem. Partim ea est causa eius difficultatis, quod, quæ apo-
stoli sperauerunt paulò post futura, eadem serò demum euenerunt: & quæ
illi carnalia intellexerunt, & in hac vita finienda, ea spiritualia & æterna debe-
bant esse. Partim, quod, vt res quoque ipse debebant certissimè euenire, ita
tempus earum incertissimum propter nostram cautionem esse debuit; vt tamen
est, res ipsa à deuatione templi, & quæ consequetur, vrbis, incipit.
Egreditur siquidem Iesus de templo: iter continuat: accedunt discipuli, de-
monstrant maiestatem & ædificationes templi. Tanquam commouendus
ambitione templi esset, magnificentia ei extructionis ostenditur: ex ea occa-
sione, quod nuper ad Phariseos dixerat: Relinquetur vobis domus vestra de-
serta; per domum sine dubio templum intelligens. Vt quidem destruenda
omnia erant, & dispersis totius substructionis lapidibus, diruenda: templum
enim æternum ad habitationem sancti spiritus consecratur, homo, scilicet,
per agnitionem filij, & confessionem patris, & præceptorum obedientiam,
Deo fieri dignum habitaculum. Ipse Christus primam aggreditur quæstio-
nem de deuatione templi, & vrbis: Videtis, inquit, hæc omnia: antiquita-
tem, opus, dignitatem, sanctitatem, maiestatem. Amen dico vobis, non relin-
quetur hic lapis super lapidem, qui non destruatur. Dum hæc loquuntur,
ad montem Oliueti perueniunt: confidet more suo in eo monte magister,
ubi verum lumen scientiæ nascebatur: accedunt discipuli secreto, ac de re
maximi momenti interrogant: Dic nobis, quando hæc erunt, tanta labes tem-
pli & vrbis: & quod signum aduentus tui, & consummationis sæculi? Con-
iuncte de tribus quærunt, quæ paulò post simul euentura credebant. No-
tat autem Lyranus, quod istæ quæstiones sibi factæ fuerint super montem O-
liueti rationabiliter, quia locus iste distabat à ciuitate vno miliari: & sic ciui-
tas illa & templum, ex illo loco clarissimè videbantur: qua occasione de tem-
pore destructionis illius ibi quæritur; similiter etiam iudicium extremum fu-
turum est.

turum est circa illum locum, vt habetur Ioël 3. ideò conuenienter fit ibi quæstio, & de futuro iudicio. Quoniam autem ea omnia, quæ proposita sunt, ex eo pendebant, quando hæc fient, & quæ signa istorum: hoc est, ex ipso tempore: nam & apostoli ipsi putabant, hæc in dies futura, Messiam aduenturū, regnumque constituturum. Partim, quòd hoc tempus venerat, in quo certus aduentus sperabatur; vt quidem reuera fuit. Partim, quòd iam plurimi sese pro futuro Messia gerebant, ac offerebant: qualis fuit Teudas, Iudas Galilæus, Simon. Nam tempore apostolorum tantummodò seminata sunt hæreses: tempore autem regis Christiani germinauerunt: nostris autem temporibus maturefcere & præualere debebant. Ac quemadmodum homo circa mortem phantasias videt: sic & mundus in exitu suo multos pati debet errores. Ideò Christus Dominus ab hoc orditur, non quòd tempus certum præfiniat, quod in sola scientia est patris; sed vt eos commoneat, ne turbentur, neue illis faciliè credant, qui hæc iam iam futura esse, ac instare dicturi erant, ac sese pro Messia vendicabant, ac qui postea in omnibus seculis sese inferre, populum Dei turbare, ac pro Christis ingerere debebant. Proponit autem ea signa, quæ pro certis indiciis aduentus Messia futuriq; iudicii obijci debebāt; nec tam ipsa mala, quàm initia quædam præcurrentia malorum erant futura. Respondit ergo Iesus: Videte, inquit, ne quis vos seducat: neque enim adhuc tempus aduenit, quod vos putatis, nec ita citò aduenturum est; sed multi prius venient in nomine meo, dicentes, se esse Christos & Messias, veros doctores & magistros, & multos seducunt: hoc est, post se ducent, atque etiam signa quædam conspicientur: nam audituri estis prælia, & opiniones præliorum, tanquam Messias bella paret, exercitus conscribat. Vel iuxta Euthymium bella dicit, quæ mota sunt contra Hierosolimam: rumores autem bellorum, contra alias Iudæorum ciuitates; quos factos fuisse scribit Iosephus, antequam caperetur Ierusalem: siquidem contra Romanos rebellare cœpit Iudæa, ac tributum exoluere nolebat. Romani verò, non ferentes iniuriam, expeditionem in illos parauerunt. Videte ne turbemini: oportet enim hæc in rebus humanis fieri, sed nondum finis. Ne terreamini, inquit, quasi his turbis, & bellis ac rumoribus prædicatio vestra impediri debeat. Consurget item gens contra gentem, & erunt pestilentia & fames per loca: & erūt quidem hæc omnia, non tam ipsa mala, quàm præcurrentia quædam initia malorum ac dolorum. Vnde præclare D. Gregorius: Post bella & seditiones non statim finis, quia multa mala debent præcurrere, vt valeant mala sine fine nunciare. Eorum autem alia è cælo, alia è terra, alia ab elementis, alia ab hominibus: surget gens; ecce perturbatio hominum: Terræ motus; ecce respectus iræ desuper: Pestilentia; ecce inæqualitas corporum: Fames; ecce sterilitas terræ: terrores de cælo & tempestates, secundum Lucam; ecce inæqualitas aëris. Omnia ergo consummanda conturbantur; vt, qui in omnibus deliquimus, in omnibus feriamur. Vnde: Pugnabit pro eo orbis terrarum, contra insensatos. Sicut enim ægrotant corpora ante mortem eorū, qui vim non extrinsecus patiuntur: & quemadmodum in omnibus per infirmitatem fit via ad separandam animam à corpore suo; sic talis & tanta creatura mundi, cū corrumpi cœperit, quasi initium habens & finem: quoniam quæ videntur, temporalia sunt: & quia cælum & terra transibunt, necesse est ante corruptionem vt langueat: vt terra quidem frequentius terræ motibus

conquassetur; aer autem, vim quandam morbiferam concipiens, pestilens fiat. Adhuc autem & vitalis virtus terræ, repente deficiens, suffocet fructus, & omnes naturas arborum deficiens generatrix earum virtus. Gentes autem sociæ Romanorum, in gentes Iudæis fœderatas, & regna auxiliaria Romanis, in regna auxiliaria Iudæis, consurgent, ac illis rebellabunt; & propterea erunt fortia horum bella. Sed nec vos quidem ipsi immunes eritis ab his malis. Tunc enim tradent vos in tribulationem, & occident vos: & eritis odio omnibus gentibus propter nomen meum: parentibus, cognatis, amicis, contri-
bulibus, familiaribus, hospitibus, principibus, subditis; &, vt semel dicam, omnibus, qui alieni sunt à prædicatione. Vbi autem tristitia prædixit, consolationem deinceps subiunxit, dicens, Propter me: nam id significat, Propter nomen meum. Et verè magna discipulis erat consolatio, pati propter ipsum, qui propter ipsos paulò post acerbè & crudeliter passurus erat. Discipuli enim, cum in præcedentibus de extrema Iudæorum ultione audissent, tanquam ad alienam calamitatem, quæ nihil eos tangeret, negligenter se ad eam habebant, & sola ea tunc somniabant bona, quæ absque tumultu in secundo Christi aduentu ventura erant; propter quæ etiam interrogationem produxerant. Christus itaque hoc loco illis laboriosa pronunciat, constituens eos certaminum præfectos. Quos & duplicem ob causam vigilare iubet; tum ne à seductoribus fallantur, tum, ne bellorum rumore turbentur. Nec tamen illos mirari iubet, si tam malè illos homines accepturi sint, qui contrariam planè mundo doctrinam ferant: quandoquidem & ipsi multa scandala ab illis, qui decepturi sunt, accipient, ac inter se inusitatis odiis committentur. Et tunc scandalizabuntur multi, & inuicem tradent, & odio habebunt inuicem. Quod principio factum legimus prædicationis Euangelicæ, & nunc per partes agitur; maximè autem erit, Antichristo in fine seculi adueniente, quando magnitudine tormentorum, & portentis signorum multi scandalizabuntur: & multi pseudoprophetæ surgent, & seducent multos: & quoniam abundabit iniquitas, refrigescet charitas multorum. Vides, inquit Chrysostomus, bellum triplex futurum: Vnum ab hostibus: alterum, à seductoribus: tertium, à falsis fratribus. Audi nunc Paulum de his plangentem, atque dicentem: De foris pugnæ; intus timores, & pericula in falsis fratribus. Hinc illud D. Iustini martyris: Multos, inquit, pseudoprophetas, pseudochristosq; venturos in suo nomine, Christus Dominus prædixit, & decepturos multos; id quod euénit: nam multi opiniones impias, blasphemias, iniquas, abusi eius nomine, docuerunt, & instinctu impuri spiritus, docent hodieque; qui autem perseverauerit vsque in finem, hic saluus erit. Addit & illud Saluator noster, vtrique excidio commune signum, Euangelij prædicationem: nam & antequam Hierosolyma expugnata est, omnes propemodum illæ gentes conuersæ sunt, quarum audita sunt voces & linguæ in die Pentecostes. Quæ res maximum argumentum, inquit D. Chrysostomus, omnipotentiae Christi est: Viginti enim annis, aut, ad summum, triginta, ad omnes oras orbis Euangelium transcurrit: & ante consummationem seculi conuertentur omnes gentes ex Euangelio, ex gente in gentem commigrando; quod nunc manifestè fieri videmus. Reliquiæ autem Iudæorum conuertentur ad vesperam: famem patientur, vt canes, & circumibunt ciuitatem. Hæc igitur nunc prædicantur. Et prædicabitur, inquit, hoc Euangelium regni in vniuerso

vniuerso orbe, in testimonium omnibus gentibus: & tunc veniet consummatio. In testimonium autem, interpretatur D. Chrysostomus, non credentibus vbique prædicabitur; hoc est, in redargutionem, reprehensionem, & testimonium. Nam qui crediderunt, aduersus incredulos testabuntur, & condemnabunt eos: idcirco, posteaquàm Euangelium in vniuerso orbe prædicatum fuerit, Hierosolyma euertetur, vt nec vmbra excusationis ingratius relinqueretur. Nam qui potentiam eius in breuissimo temporis spatio per totum orbem, quasi fulgur rutilasse viderunt, quam veniam habebunt, in duritie permanentes? Hinc demonstrauit, quod multa pericula prædicationem superabunt: & ita magnam prædicatoribus iniecit consolationem, quod voti sui compotes erunt, quia nihil eis erit obstaculo, si modò perseuerauerint. Marcus autem manifestius dicit: Et in omnes gentes primum oportet prædicari Euangelium. Sed de omnibus his signis, quæ hucusque recensita sunt, ipse D. Hieronymus quid sentiat, iuuat apponere. Quod prædicit, inquit, multos venturos, qui se dicturi erant Christos, eorum vnus fuit Samaritanus, quem in Actis apostolorum legimus, qui se magnam dicebat Dei esse virtutem; hæc quoque inter cætera in suis voluminibus scripta dimittens: Ego sum sermo Dei: ego sum speciosus: ego paracletus: ego omnipotens: ego omnia Dei. Quod autem dicitur: Regnum contra regnum confurget; non ambigo, inquit, & hæc quidem iuxta literam futura, quæ scripta sunt: sed mihi videtur, regnum contra regnum: & pestilentia eorum, quorum sermo serpit vt cancer: & fames audiendi verbum Dei: & commotio vniuersæ terræ, & à vera fide separatio, in hæreticis magis intelligi: quia contra inuicem dimicantes, Ecclesiæ victoriam faciunt. Quod autem dixit: Hæc autem omnia initia sunt dolorum; melius transfertur, Parturitionum: vt quasi conceptus quidam aduentus Antichristi, non partus intelligatur. Quod autem dicit, tradendos esse in tribulationem, & occidendos, & odio omnibus gentibus propter nomen suum futuros; per apostolos, omnium credentium personam signat: non quò eo tempore apostoli in corpore reperiendi sint. Quod verò dixit: Et quoniam abundabit iniquitas, refrigescet charitas multorum; non omnium negauit fidem, sed multorum. Multi enim sunt vocati, pauci verò electi: nam in apostolis & similibus eorum permansura est charitas, de qua scriptum est: Aquæ multæ non poterunt extinguere charitatem. Et ipse Paulus: Quis nos separabit à charitate Christi? tribulatio? an angustia? an fames? an nuditas? an periculum?

2 **NOT**andum primò: & vrbs expugnationem, & mundi interitum, signa quædam debuisse præcedere, quæ illorū extrema tempora designatura erant. Vt enim in corporibus nostris morituris, signa quædam, quæ medici prognostica vocant, futuræ mortis antecedere solent; ita occasum Reip. ac vniuersi mundi multa & varia signa antecedere debuerunt: partim, propter iustos, vt illis signum detur, vt fugiant à facie arcus: partim, propter iniustos, vt terreantur, & ad poenitentiam reuocentur; quod item in excidio Hierosolymæ, atq; etiam ipsius mundi occasu euenire debet.

3 **SEC**undò notandum: ea signa, quæ hic enumerantur, quæ potius Christus Dominus dolorum initia vocat, in duplici differentia esse: alia propria, alia com-

alia communia. Propria illa voco, quæ vel ad solius vrbis excidiū designandū, vel ad exitum solum mundi decernendum, comparata sunt. Communia autem illa, quæ ad vtrumque referuntur: & alia excidio vrbis seruiunt: alia extremo iudicio.

Tertio notandum: Christum Dominum ab illis signis tractationem suā incepisse, quæ vrbis excidium prædicabant, ac demum ad illa, quæ totius vniuersi exitum declarabant, deuenisse.

Quarto notandum: communium signorum multa genera esse. Primum est: Multorum fallax in nomine Messia & prophetarum aduentus: Multi, inquit, venient in nomine meo. Secundum: proelia multa, & opiniones illorum. Tertium: motus & rebellio gentis aduersus gentem, & regni aduersus regnum. Quartum: pestilentia, & fames, & terræ motus. Quintum: tribulatio, & persecutio sanctorum. Sextum: scandala, inimicitia mutua, fraudes & proditioes. Septimum: falsi prophetae consurgent, & seducent multos. Octauum: abundabit iniquitas, & refrigescet charitas. Nonum: prædicatio Euangelij. Et prædicabitur hoc Euangelium regni in vniuerso orbe, in testimonium omnibus gentibus, & veniet consummatio.

Notanda est hoc loco cum D. Chrysostomo Christi Domini virtus mirabilis: videlicet, qui temporibus illis prædicabant, quando maxime Iudæi omnes pellebantur: quando quasi seditiosi ac improbi obseruabantur: quando vndique illos exterminandos esse Cæsariam iusserat: neq; aliter fiebat quam si is, qui, cum maria vndique insurgant: cum tenebris aër obductus sit: cum crebro, atque alia super aliam naufragio navis submergatur: cum inter se nautæ qui supersunt omnes dissideant: cum beluæ de profundo emergant, vnaq; cum fluctibus nauigantes arripiant: cum fulmina iaciantur: piratae insidientur, nulla fides sit inter eos, qui in nauigio sunt: tunc, inquam, iubeat aliquis, vt maris & nauigandi imperiti gubernacula teneant, & nauali bello contendant: cumq; classis maxima, simul & instructissima, ex aduerso aggredietur, vnam habentibus nauiculam, & eam ita, vt diximus, misere apparatus, in aduersam & maximam classem insurgere iuberet, ac eis victoriam pollicitaretur. Nam & à gentibus quasi Iudæi odio habebantur, & à Iudæis acriter impugnabantur, quasi legem ipsorum soluentes; ita nullibi quiescere poterant, cum vbique præcipitia essent: acuti scopuli starent: cautes ac saxa subessent latentia: in ciuitatibus, in regionibus, in domibus, omnes vna & singuli eos aggrediebantur: imperatores, principes, qui priuati & cum potestate erant, vniuersæ gentes, ac omnes populi. Sic tanta turbatio erat, vt nullus oratione assequi posset. Valde namque Romanorum principatus Iudæos persequetur: quoniam mille aduersus eos excogitabant insidias; nec tamen hinc vel minimam iacturam prædicatio habuit: sed capta vrbe atque cremata, & habitantibus miserrime afflictis, qui inde erant apostoli, nouas leges, & noua præcepta viuendi Romanis vel inuitis imponebant. O rem nouam, atque inauditam in natura! Iudæorum innumera millia Romani tunc vicerunt atque ceperunt, & à duodecim viris nudis atque inermibus superati sunt. Quæ oratio exponere poterit tanti miraculi magnitudinem? Duo enim hæc dicentibus

centibus inesse oportet; ut autoritate polleant, & ab audientibus diligantur: & adhuc tertium, ut ea dicantur, quæ audienti placeant, & in tempore quietis prædicentur; quæ omnia tunc omnino contraria erant. Nec enim per auctoritatem fide digni putabantur: & qui fide digni esse videbantur, seducen-
tes decipientesque multos, faciebant; ut apostoli non solum non diligerentur, verum etiam ut odio ab omnibus haberentur, & cum dilectis conuersari non possent; ita undique à gente, à patria, à legibusque suis depellebantur. Ac rursus magna in ipsis apostolorum præceptis videbatur esse durities: è regione verò magna, in priore vita, unde homines abducebant, voluptas: præterea tam ipsi, quam sequentes eos, multis subiecti periculis, variisque mortis generibus crudeliter trucidabantur: & adhuc omnia, tumultus & turbationes bellorum adeò difficilem rem faciebant, ut, etsi nihil aliud resisteret, omnia tamen hinc dissolui facile possent. Quare opportunum est exclamare: Quis loquetur potètiàs Domini: auditas faciet omnes laudes eius? Nam si Ægyptij Moyse facienti signa, ut lutum solummodo, ac lateres haberent, non auscultarunt; quis persuasit apostolorum discipulis, pro quieta voluptuosaque vita pericula, effusionem sanguinis, quotidianamque mortem eligere; præsertim cum alienigenæ, capitalesque hostes, qui prædicabant, crederetur? Quod, ut videas quantum sit, quantumque vires excedat humanas, finge non in gentes, non in ciuitates ac populos, sed in domum vnam quampiam, qui odio habeatur introire, ut cohabitantes ibi diuidat atque dirimat, abducaturque patrem à liberis, liberos à matre, ab amantissima vxore maritum; & videbis, antequam aperire os, mutireque possit, discerptum atque dilaniatum. Quod si etiam de contemptis hominibus esse videatur, & onerosa imperans, philosophari deliciis deditos iubeat, & vnus ad multos certare audeat; nonne antequam ad ianuam accedat, lapidibus obrutus iacebit? Id igitur quod in vna domo facere impossibile est, in vniuerso terrarum orbe Christus per præcipitia, ignes, prærupta, scopulos, per bella, terra marique frementia, discipulis missis perfecit.

7 **N**otandum quintò: quod pseudoprophetarum aduentus, etsi commune sit signum, & malum omnium temporum; propius tamen quam alia, ad Christi aduentum designandum refertur. Itaque cum singulæ ætates, singulas ferè hæreses protulissent; nunc temporibus his nouissimis, omnes quasi simul iam olim ex orco cõsepultæ rediuiuæ apparēt: ita ut nulla sit pars Christianæ doctrinæ, quam aliqua hæresis non contaminarit: nec aliqua pars reipublicæ Christianæ; sed quasi iam tota laboret, ita ut non dubium sit, propè iam aduentum Domini imminere.

8 **N**otandum sextò est: fidei Catholicæ atque Euangelii prædicationem ad vniuersas gentes, proximum esse signum aduentus Domini: debet enim hoc Euangelium prædicari in vniuerso orbe, non quidè simul vbique, sed successionem quadam, ac per cõmigrationem. Quemadmodum enim sol illustrat vniuersum orbem non simul, sed per successionem: ita & Euangelii nomen illustrare debet per commigrationem quandam, nec prius finem prædicationis verbi futurum, nisi totum peragrarit orbem. Inuisit primùm Asiam: Græciam deinde: post Italiam: demum Sarmatiam, ac reliquas Septentrionis partes; nunc in Iapone, ac reliquis nouè repertis insulis prædicatur.

SEquuntur deinceps iam alia magis proxima signa atq; indicia aduentus 9
 futuri. Cū abominationem desolationis stantem in loco sancto videbunt,
 tunc claritatis reditum intelligendum. Arduus & difficilis hic locus semper
 nostris visus est, cū natura sua (de hoc enim loco multa Porphyrius 13. ope-
 ris sui volumine contra nos blasphemauit, cui Eusebius Cæsariensis tribus re-
 spondit voluminibus) tum ipsa Patrum varia eius loci interpretatione. Qui-
 dam enim ex illis, hiq; antiquissimi, ad vltima extremi iudicii tempora, ipsiusq;
 Antichristi aduentum, hanc foedam abominationem in loco sancto sedentem,
 ac se Deum facientem, referunt. In his est Irenæus vetustissimus pater, ac tem-
 poribus Apostolorum peruicinus lib. 4. contra hæreses. Idem sentit D. Hi-
 larius: idem D. Hieronymus, magni & excellentes viri. quidam rursus ad ipsam
 Hierosolymæ vrbis expugnationem, Augustinus Chrysostomus, & pleriq; alii.
 Sunt enim quædam in hoc loco, quæ videntur solis illis vltimis temporibus
 deferuire: vt illud: Erit tribulatio, qualis non erat ab initio mundi, neq; fi-
 et. Et, Oportet prædicari hoc Euangelium in vniuerso orbe. Et hoc: Nisi bre-
 uiati fuissent dies illi, non fuisset salua omnis caro. Multa & longè plura, quæ ipsi
 vrbis Hierosolymitanæ vastationi, vt hæc ipsa fuga in montes: tū enim nihil tu-
 tū erit: vt hoc ipsum, Rogate ne fuga vestra sit in hyeme & sabbatho: vbi talia
 pericula ponuntur, quæ ipsis Apostolis superstitib. debebāt euenire, quæ nequa
 quā de vltimis temporib. possunt intelligi. Queramus igitur, Dei præsidio ad-
 iuti, modū, quo & loci pugnantes concilientur, & sua vetustissimis patrib. con-
 seruetur autoritas. Hoc enim est boni doctoris, non abicere, aut etiā maledice-
 re, quod hæretici faciūt; sed componere omnia. Quē modū, quō perfectius, &
 quasi ex eius fundamētis explicemus, adnotāda nobis sunt quædā ad eam rem
 explicandam pernecessaria. Primum igitur illud explicemus, quod quasi totā lu-
 cē adfert vniuersæ huic difficultati: Quæ scilicet causa sit, cur Saluator noster
 res, & natura, & tempore disiunctissimas, semper quasi coniungat, ac de illis
 semper agat: Vrbis videlicet Hierosolymæ, totiusq; imperii Iudaici euerfio-
 ne, atq; interitu, cum futuro suo aduentu, extremo iudicio, mundi; vltimo
 interitu: cū & natura, vt dixi, & tempore sint hæc disiunctissima. Cuius
 rei eam causam non tam explicat, quā innuit D. Chrysostomus: Profectum
 id scilicet esse ex rudi quadam, & erronea, ac plane vulgari Apostolorum ea
 de re sententia; qui partim ex his, quæ illis à Christo Domino prædicebātur,
 partim ex communi & præiudicata opinione, quam de Messia plurimi conce-
 perant, ita iudicabant: Messiam, Christum Dominum, per mortem, vel quo-
 cunq; tandem alio modo à Iudæis spretum, ad patrem suum rediturum, ac
 postea instructum cælestibus copiis, secundo suo aduentu, non multò post
 summo cum splendore & apparatu venturum: ibiq; ex ingratiss & improbis
 Iudæis poenam sumpturum: templum & Hierosolymā euerfurum: ac deinceps 8
 nouum quoddam, & admirabile regnum constituturū: ibiq; cum suis, in om-
 ni rerum ac fortunarum copia perpetuis temporibus regnaturum: atq; ita
 simul & Hierosolymæ euerfionē, & secundum Christi iudicium & aduentum
 futurum sperabant. Colligebant hoc ex parabolis illis, vbi toties dicitur: Rex
 rediturus, atq; ex homicidis illis poenas sumpturus, vrbemq; illorum & impe-
 riū euerfurus. Hinc illa interrogatio vel iam ascendentis Christi in cælū: Do-
 mine, si in tempore hoc restitues regnum Israël? quam Dominus iusta obiur-
 gatione repressit: Non est, inquit, vestrum, nosse tempora vel momenta, quæ
 pater

in Matthæum Lib.III. Cap. XXIII. 451

pater posuit in sua potestate. Hinc & paulò ante hoc Euangelium dicente Christo Domino, & urbem, & templum euertendum iri, inferunt illi: Præceptor, dic nobis, quando hæc erunt, & quod signum aduentus tui, & consummationis seculi? Cùm igitur coniunctim hæc semper ab illis proponerentur, nunquamq; vnum sine alio quæreretur; eadem etiam causa est, cur quasi simul à Salvatore nostro explicentur; vt & distinctè futura hæc doceat, & vnumquodq; signis suis certis definiat; ita tamen, vt semper eorum imperfectionis & infirmitatis præcipua habeatur ratio: cùm alius magister sit paulò post venturus, qui illis hæc omnia esset explicaturus, Spiritus, inquam, sanctus.

10 **O**bseruandum & illud est: tam Abraham, quàm Iacobo, Isaac, & reliquis patriarchis, duplicia promissa fuisse, duplexque regnum, duplex semen, duplicem gentem promissam: Alteram quidem secundum carnem, carnalem: alteram secundum spiritum, spiritualement. quod D. Paulus videns, ait: Non omnes qui secundum carnem sunt ex semine Abraham, sunt filii Abraham. Et prioris quidem regni promissa plenè & perfectè completa sunt quantum ad incrementa, & profectum, in Dauide: vbi in summo *ακμή*, hoc est quasi vertice consedit, vbi & populus terra desiderabili potitus, hostibus omnib. superatis, sub vno rege, in pace & tranquillitate consedit. Proinde Dauid, his omnibus iuxta diuina promissa cōpletis, sedit contra templū, Deumq; celi pro eius veris ac fidelibus promissis adorauit: quod regnū in sua felicitate & dignitate, non sine tamen variis casibus ac exercitiis, prout illius populi delicta merebatur, vsq; ad tempora felicia Messiae stetit, ac demum ob eam ingratitudinem, quam erga Messiam declarauit, vltima plaga esse afflictum. Secundum autem regnū longè amplius & nobilius spirituale; in ipso item Abraham, Isaac & Iacob coeptū; in Iesu Christo vero Dauid, cuius æternam occupat sedem, quantum ad perfectionem, & omnium gratiarū incrementū est quasi consummatū; vbi eodem modo filius gratias agit patri: Cōfitebor tibi Domine Deus celi & terræ, quia abscondisti hæc a sapiētibus, & prudētibus, & reuelasti ea paruulis. Duraturum autē est vsq; ad cōsummationē seculi, donec posuerit Deus vniuersos inimicos eius scabellum pedum eius. Fuit autem inter hæc duplicia promissa, interq; hoc duplex regnū ea differentia & cōparatio, quod prius illud regnū erat quasi typus quidam & delineatio prima, vmbraq; ipsa posterioris regni. Quod & architecti facere solent, & prius, quàm aliquod sublime ædificium instituant, eius formam & exemplum in parua aliqua tabula adumbrant, vt & ipsi quod sequantur habeant, & quæ futura sit ædificii amplitudo, reliquis veluti disponant, ac illos informant. Itaq; in hoc posteriore regno, nihil siue quantum ad initia, siue quantum ad eius progressus, siue quantum ad ipsum finem pertinet, euenit, quod non illo priore regno fuerit antè adumbratum, & quasi expressum. Vnde Paulus: Lex, inquit, vmbra habens futurorum bonorum, non ipsam rem. Et alio loco: Omnia, inquit, in figura contingebant illis: vnde non affecutis promissionibus mortui fuisse dicuntur. Non mirum igitur erit, si exitium prioris regni & gentis, est veluti figura exitii, & consummationis futuri, quantum ad diem iudicii. His notatis, quoniam ad Danielelem remittimur prophetam; videndum nobis de hoc loco quid dixerit aut senserit Daniel: Constitutus Daniel cum reliquo populo in captiuitate Babylonica, ciuitatis sanctæ ac templi incommodis ingemuit. Cùmq; illi non obscura fu-

isset prædictio Ieremiæ prophetæ, qui prædixerat post 70. annos completam esse desolationem Ierusalem. Quò illa promissio diuina ampliùs ob peccata non differretur, posuit faciem suam ad Dominum, & deprecatus est in ieiunio, sacco & cinere: Vide, inquit, desolationem nostram, & ciuitatem nostram, super quam inuocatum est nomen tuum. Benignus pater motus eius precibus, plura etiam quàm postulabat præstat: non solum de ea salute quam prædixerat Ieremias illū certiorē facit, sed de sua, & alia lōgè nobiliore, quæ futura sit vniuerso orbi terrarum, atq; omnib. seculis. Mittit ergo Gabrielem Archangelum in tempore sacrificii vespertini, cum ea legatione ad Danielelem: Septuaginta hebdomades abbreviatæ sunt super populum tuum, & super urbem sanctam tuam, vt consumetur præuaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio & prophetia, & vngatur sanctus sanctorum. Scito ergo & animaduerte: ab exitu sermonis, vt iterū ædificetur Ierusalem, vsq; ad Christum ducem, hebdomades septuaginta duæ erunt, & rursus ædificabitur platea & muri in angustia temporum, & post hebdomadas sexaginta duas occidetur Christus, & non erit eius populus qui eum negaturus est. Et ciuitatem & sanctuarium dissipabit populus cum duce venturo; & finis eius vastitas, & post finem belli statuta desolatio. Confirmabit autem pactum multis hebdomada vna, & in dimidio hebdomadis deficiet hostia & sacrificium, & erit in templo abominatio desolationis, & vsque ad consummationem & finem perseverabit desolatio. Hæc Angelus Danieli: quorum verborum ea est sententia. Scias, inquit, quòd ab exitu sermonis regis Darii Secundi, quo sermone efficaciter concessa est ædificatio Ierusalem, & domus Dei: quando item Deus misit Aggæum & Zachariam prophetam, vt populum prouocarent ad eius ædificationem; Deus misericors, septuaginta hebdomadas annorum, quæ constituunt 490 annos, differet promissa sua, sed iam faciet consumari omnē punitionē & peccatum Adæ, & adducet iustitiam sempiternam Messiae regis, quæ iam non vti delictum euacuabitur, sed in sempiternum manebit; & tum iam implebitur omnis visio & prophetia, & vngetur sanctus sanctorum, illa vnctione de qua prædixit Dauid: Propterea vnxit te Deus, Deus tuus, oleo laticiae præ confortibus tuis: quod tum fuit, cū in eius baptismo visibiliter Spiritus sanctus in specie descendit columbæ. Earum autem septimanarum series, in has diuidentur partes, in septimanas septem, & in septimanas septuaginta duas, & in vnā septimanam. In quarum primis septem septimanis, hoc est annis, vbi iam completa prophetia Hieremiæ, plena potestas ædificandæ vrbis dabitur, ædificabitur Ierusalem & platea, quæ planè dissipata fuit, & muri; & ædificabitur in angustia maxima, & in oppressione summa; vt scribitur in libris Esdræ: Vna, inquit, manu ædificabunt, & altera in manu gladium tenebunt: postq; ædificationem plenam & consecrationem, quæ facta est sub Zorobabele duce, & Nehemia, Esdraq; ipso, reliquæ hebdomades decurrent. Deinde post sexaginta duas hebdomadas, id est annos, vngetur Sanctus sanctorum in Iordane, sed populus suus non inueniet illum: ille enim populus ad quem ille venit, negabit eum, & tunc demum decurret, iam quasi vltima septimana. In cuius quasi medio, hoc est, post tres annos prædicationis suæ, & dimidium, confirmabitur pactum, & occidetur. Quo occiso, deficiet hostia & sacrificium, & erit in templo abominatio desolationis, & vsq; ad consumationem & finem

finem perseverabit desolatio, & ciuitatem & sanctuarium dissipabit populus, cum duce venturo Tito & Vespasiano, & finis eius vastatio, & post finem belli desolatio. Quibus sic explicatis & prænotatis, manifesta res. Hoc quidem loco Christum Saluatorem nostrum, primò & principaliter extremam Hierosolymorum vastationem prædicere, eiusque signa texere. Cum enim eo sensu hæc ea dicuntur, quæ à Daniele propheta dicuntur: illuc enim relegamur. Dicuntur autem à Daniele propheta, non alio sensu, nisi quòd ad extremam Hierosolymorum deuastationem pertinent. Ergo non alio etiam sensu ab ipso Christo Domino dicuntur. Neque tamen aut Irenæi, aut Hilarii, aliorumque vana est interpretatio, aut sententia, qui hæc de extremo iudicii die, ipsiusque Antichristi aduentu interpretati sunt. Cum enim dictum sit, ea quæ regno Israëlítico euenerunt, signa & umbras esse eorum, quæ postea illi alteri spirituali regno, tam in illius principio, quàm in medio, ut etiam exitu, euenire debebant; profectò ea ipsa, quæ Hierosolymæ deuastationem antecedere debebant, figura & delineatio eorum signorum sunt, quæ vltimam mundi deuastationem antecedere debent. Quemadmodum ipsa Hierosolymæ deuastatio, signum est vltimi mundi occasus, ut in omnibus vltima primis consentiant. Primò igitur & principaliter hæc signa sunt & indicia ipsius vrbs Hierosolymitanæ expugnationis: secundum autem & in figura ipsius extremi mundi iudicii, & ita nihil à veteribus patribus dicitur, nisi quòd conueniens & consonum sit. Hæcque ipsa abominatio desolationis, aliaque signa, quæ antecesserunt Hierosolymæ deuastationem, signum & figura sunt eius abominationis desolationum, & reliquorum signorum, quæ mundi finem antecedent, de qua aliquid dicemus. Quæ quidem de re varia sunt hominum iudicia: alii enim existimant, significari idolum, quòd Antiochus rex capta & profanata Ierusalem atque templo, in altari Deo constituerat: quòd libro primo Machabæorum vocatur abominatio desolationis. Cum quo hoc item conuenit, quòd eo ipso tempore cessaret hostia & sacrificium: tribus enim annis, & mensibus sex, per Antiochum cessauit in templo iuge sacrificium. Alii putant imaginem Cæsaris, atque adeò aquilas Romanas in templo Dei per Pontium Pilatum collocatas; quæ de re Iosephus lib. 8. Antiquitatum cap. 5. Alii statuam equestrem in templo ibidem collocatam in ipso sancto sanctorum loco, ut scribit Eusebius lib. 4. cap. 6. sed hæc omnia, cum vel ante longè quàm expugnata sit Ierusalem, vel post acciderunt, vix hoc loco possunt intelligi; cum præsertim ad finem seculi non durauerunt, quòd debere esse hæc docuit Daniel. Alii putant exercitus ipsos Romanos quibus cincta fuit ciuitas Romana; idque ex Luca probat, qui sic dixit: Cum videritis ab exercitu circumdari Ierusalem, tum scitote, quia appropinquauit desolatio eius. Alii putant abominationem desolationis nihil aliud intelligi, quàm illam in tres partes populi ac optimatum ciuitatis in ipsa captiuitate scissionem; atque adeò turbas ipsas domesticas & ciuiles, quas etiam in templo exercebant, ubi etiam Zachariam quendam filium Baruch in ipso occiderunt templo: fuit vetus sermo, tum demum ciuitatem illam deletum iri, ubi templum illud propriæ violassent manus. Quæ quidem sententiæ & coniectationes doctissimorum virorum summa cum reuerentia & cultu sunt accipiendæ, illisque maxima fides habenda; licet tamè hoc loco dicere, quid ipsi de eo sentiamus. Cum enim tota res, referatur ad eum locum Danielis propheta, non alia ratio eius ipsius abominationis querenda est, quàm ea ipsa, quam ipsemet innuit

innuit Daniel: dicit ergo, abominationem hanc non temporaneam futuram, sed vsq; ad consummationem & finem perseueraturam. Quæ autem & qualis futura sit, in verbis, quæ immediate præcedunt, ostendit: Deficiet hostia & sacrificium. Videtur igitur indicare, nihil aliud esse abominationem desolationis eo loco, quàm defectum hostiæ & sacrificii. Quod tantisper ab illo populo debuit offerri, quàm diu illa durasset ciuitas, illudq; templum. Atqui dicit fortasse quispiam, hostiam & sacrificia nunquam defuisse in eo templo, cum etiam tum, cum expugnaretur vrbs, offerrentur ipso paschatis tempore, quando vrbs est obsessa. Quid igitur dicit Daniel? defectum hostiarum & sacrificii futuram esse in templo abominationem: hic igitur defectus hostiæ & sacrificii ita intelligendus erit. Clemens Rom. lib. 1. & Eusebius Cæsariensis lib. 8. apodixeos. Quod ubi primùm Christus mortuus est, vnaq; oblatione consummauit omnia, ipsumq; Aaronicum sacerdotium abrogauit, alio longè nobiliore secundum ordinem Melchisedech constituto, tum in templo omnes illas hostias, omnia sacrificia defuisse: quamuis enim offerrentur, quamuis mactarentur, non tamen ampliùs hostias non sacrificia fuisse, sed potiùs foedam abominationem desolationis. Tantisper enim omne sacrificium habet veram rationem sacrificii, quàm diu habet aliquam relationem ad illud verum sacrificium. quod quoniam in illis sacrificiis defuerat (erant enim figuratiua futuræ mortis Messia, quæ suscepta iam fuit) vltraq; cum nihil significarent, iam ampliùs sacrificia esse non poterant: hocq; designabat illa velisctio, quæ docebat, nihil iam ampliùs in illo templo sanctum fuisse, mortuo sponso sublatum sacrificium, quod vsque ad finem atque in sempiternum sublatum fuisse, clarè prædicit Daniel: Confirmabit, inquit, pactum: intellige per mortem: & tunc, inquit, sacrificium & hostia deficiet: ista enim tantum valebat, quantum ad Messiam eiusque mortem repræsentandam referebatur. Quò mihi, inquit Dauid, multitudo victimarum? Et Ieremias cap. 7. Quemadmodum autem reliqua signa, quæ debebant antecedere expugnationem vrbs, figura erant eorum signorum, quæ antecessura sunt finem mundi; ita & hæc abominatio desolationis, quæ sublationem sacrificij significabat, quæ vrbs vastationem antecessit, figura & significatio est eius ipsius desolationis quæ antecedit finem mundi, in quo auferetur hostia, & sacrificium, non aliud quàm altaris & Missæ. quod longè latiùs explicat ferociam Antichristi describens Daniel: Et abstulit iuge sacrificium, & deiecit locum sanctificationis eius. Robur autem datum est ei contra iuge sacrificium propter peccata, & prosterneretur veritas in terra, & prosperabitur, & faciet. Velim autem nobis Euangelici explicent, quod sacrificium sit sublaturus Antichristus, si nullum in Ecclesia extat sacrificium. Non Iudaicum: iam enim prima vrbs deuastatione sublatum est. Non gentilium, quæ nulla sunt: & si sunt, falsa sunt. Mortem fortasse, ac meritum Christi auferet, vt isti dicunt. Atqui hoc inexpugnabile est: Cor contritum & humiliatum; sed & in hoc solus Deus ius habet. Sacrificium ergo iustitiæ & orationis: hoc, cum visibile non sit, auferri non potest. Quod igitur, obsecro, nisi hoc altaris, panis & vini; quod & Dauid aliquando auferendum esse prædixit: In æternum, Domine, permanet verbum tuum, & memoriale tuum à generatione in generationem. Et D. Paulus: Quotiescunq; panem hunc manducabitis, & calicem bibetis, mortem Domini annuntiabitis, donec veniat; tanquam ante aduentum ipsius proximè auferendum sit.

Auferetur

Auferetur autem tunc non per vim, neque per defectum charitatis, sed quod erit tanta oppressio, ut nusquam rectè & commodè celebrari possit: cuius operationis Sathanæ iam nunc non exigua apparent indicia. Pulsus est ex Anglia: pulsus est ex omni Caluini dominatu: inquinatum in Germania; si Spiritus Dei in Augustanis & Caluinistis expugnat Missam, in Arianis & Macedonianis cuius spiritus? In quo mirari licet hominum quorundam pessimorum vanitatem, qui seipsum non intelligunt: ex quibus si quæras, an placeat coenam Domini repræsentare, in eaque misericordiam Domini implorare, gratiasque Deo pro acceptis beneficiis referre: orationem pro rebus necessariis instituere: Pauli doctrinam referre: Euangelium legi: confessionem fidei publicè profiteri: panem & vinum pro futuro sacrificio præparare: ibidem eleemosynas offerre: corpus & sanguinem Domini nostri Iesu Christi consecrare: communicare vel omnes, vel qui parati sunt, ac deinceps sempiterni parentis gratiam & propitiationem impetrare, ac sub cruce Christi stantem, per eundem Christum in altari positum, qui quondam in cruce pende-
bat, pacem & veniam impetrare: pia hæc & sancta illi dicunt; at si Missam nomines, idololatriam appellant. Atqui hæc omnia Missa continet, nec plura certè: ita isti, quid velint, quid accusent nesciunt, religionem turbant, Antichristo viam sternunt. At iterum Christus à vobis crucifigitur: at sacrificiū semel oblatum multiplicatur; ideò hæc dicis, quoniam causam non intelligis. Quid si tum aliquis, cum Christus Dominus pendeat in cruce, sacrificium æternum offerens patri, apprehendisset illam crucem, ut Magdalena, ac per illum pendente in cruce peccata sibi remitti postulasset, num hic iterum Christum crucifigeret? num mortem eius multiplicaret? an potius sibi applicaret? negare certè non potes, ita esse. Cur igitur blasphemas quod ignoras? At sancti ibi inuocantur; & hoc falsum est. Commemoratio sanctorum ac reliquorum mortuorum fit, tanquam membrorum Christi, quæ illi compassa sunt, non inuocatio; ut in memoria æterna sit iustus, & ab auditione mala non timeat. quanquam, si & hæc suo modo esset, quid delinqueretur non video. Et hæc quidem sunt, quæ Dei gratia nobis de loco perdifficili, ad cuius diligentem peruestigationem ipse Saluator nos adhortatur: Qui legit, inquit, intelligat: in mentem veniebant. Si scopum attigimus (quod vix puto) laudetur Dominus; si non: materiam certè dedimus illis, qui hæc acutiùs & plenius videre poterunt. Nunc sanctorum Patrum sententiam, quod instituti nostri est, paucis exponemus. De hoc loco, id est, de abominatione desolationis, inquit Hieronymus, quæ dicta est à Daniele propheta, stante in loco sancto, multa Porphyrius tertio decimo operis sui volumine contra nos blasphemavit: cui Eusebius Cæsariensis episcopus tribus respondit voluminibus 18. 19. & 20. Appollinarius quoque scripsit plenissimè, superflueque conatus est vno capitulo velle differere, de quo tot versuum millibus disputatum est. S. Hilarius, de abominatione, inquit, hæc, beatissimo Daniele & Paulo prædicantibus, superfluum nos puto habere sermonem: de Antichristi enim temporibus hæc locutus est. Abominatio ex eo dictus, quod aduersus Deum veniens, honorem sibi Dei vendicet. Desolationis autem abominatio, quia bellis & cædibus terram cum piaculo desolaturus sit, atque à Iudæis susceptus, loco sanctificationis insistet; ut, ubi sanctorum precibus Deus inuocabatur, illic ab infidelibus receptus, Dei honore venerabilis sit.

bilis sit. Notat denique Lyranus: abominationem stantem in loco sancto, esse prælatum malum in Ecclesia: de quo dicitur Zachar. ii. O pastor & idolum, derelinquens gregem.

PROPOSITO signo satis terribili, & explicato, nunc quæ mala, quæ pericula illud consecutura sint, quid item illis faciendum, ut effugiant à facie arcus, misericors Dominus subiungit. Tunc, qui in Iudæa, inquit, sunt, fugiant ad montes. Ex tunc Iudæi non habitabant in Iudæa plus: quia, licet Aelius Adrianus Hierosolymam reedificauerit; præcepit tamen, ne aliquis Iudæus haberet licentiam intrandi illuc. Et qui in tecto, non descendat tollere aliquid de domo sua: & qui in agro, non reuertatur tollere tunicam suam. Iuxta sensus spirituales: Cum viderimus abominationem desolationis stare ubi non decet; hoc est, hæreses & flagitia regnare inter eos, qui cælestibus mysteriis videbantur esse consecrati, & operantes iniquitatem, pacem fidelium perturbare; Tunc, qui in Iudæa sunt, hoc est, in confessione veræ fidei persistunt, virtutum culmen ascendere debent; Tunc, qui super tectum est, hoc est, carnalia animo excedens, spiritualiter viuit, ne descendat ad infimos actus pristinae conuersationis, neque ea, quæ reliquerat, mundi carnisue desideria repetat. Domus namque nostra, vel mundus hic, vel ipsa in qua degimus intelligenda est caro. Et qui in agro, hoc est, Ecclesia, non respiciat rem secularem, & labentis vitæ retinacula, quibus renunciauit. De quo toto effugiorum genere præclare Hieronymus: Cum viderimus, inquit, stare abominationem in loco sancto, hoc est, in Ecclesia, & se ostendere Deum, debemus fugere de Iudæa ad montes, hoc est, dimissa occidente litera, & Iudæica prauitate, appropinquare montibus æternis: de quibus illuminat mirabiliter Deus: & esse in tecto, & in domate, quod non possint ignita diaboli iacula peruenire; nec descendere, & tollere aliquid de domo conuersationis pristinae: nec quærere quæ retrorsum sunt, sed magis ferere in agro spiritualium scripturarum, ut fructus capiamus ex eo: nec tollere alteram tunicam, quam apostoli habere prohibentur. Quoniam autem multi abducuntur à meditatione futuri iudicii superfluis opibus; ideò & harum incertitudinem ostendit, quæ relinquendæ erunt in tecto. Væ autem prægnantibus & nutrientibus in illis diebus. Prægnantibus quidem propter onus interius; nutrientibus autem propter exterius: illæ enim embrionum pondere grauantur; hæc autem pondere lactentium: siquidem facile est, pro salute pecunias & vestimenta contemnere; fieri autem leuem, & fugere expeditè eam, quæ in vtero habet, aut abijcere infantem eam quæ lactet, prorsus impossibile est propter naturæ vinculum. Væ ergo illis, quæ facile comprehenduntur. Iuxta anagogen verò prægnantes dicimus animas, quæ virtutem nondum pepererunt; lactentes autem, quæ pepererunt quidem, verum puerilis est foetus, & admodum pusillanimis. Orate autem, ut non fiat fuga vestra hyeme, vel sabbatho. Quare autem non hyeme, vel sabbatho? hyeme quidem propter temporis difficultatem; sabbatho verò propter legem, quæ prohibebat sabbatho iter facere ultra statutos lege passus. Anagogicè autem fugam intelligimus, exitum animæ à corpore: hyemem verò, commotionem ac turbationem cogitationum; sabbathum autem, ocium à virtute. Iubet itaque seriò, ut oremus, ne fiat exitus animæ nostræ in commotione aut turbatione cogitationum, neq;

num, neque in ocio à virtutibus, sed in tranquillitate cogitationum, & operatione virtutum. Erit enim tunc tribulatio magna, qualis non fuit ab initio mundi vsque modò, neque fiet. Et nisi abbreviati fuissent dies illi, non fieret salua omnis caro; sed propter electos breuiabuntur dies illi, ne mora temporum fides concutiat credentium. Pugnat hoc loco Calvinus cum Christo Domino: nam cum Christus doceat, abbreviandos esse illos dies, & illas misérias propter electos, Calvinus facessere hinc bona opera iubet; ita quod Christus ait, iste negat. Abbreviatis dies intelligit D. Hieronymus, non vt, quod quidam existimant, breuiiores esse deberent, quorum mensura perpetua est, sed quòd pauciores erunt.

12 **N**Otat autem hoc loco primò Hieronymus, abominationem desolationis, quæ tantùdem valet ac prophanatio, intelligi posse omne dogma peruersum: quod, cum viderimus stare in loco sancto, hoc est, in Ecclesia, & se ostendere Deum, debemus fugere de Iudæa ad montes. Est enim frequenter videre in argumentationibus impiis dogmatum apud hæreses hanc abominationem desolationis; id est, Antichristum verbum falsum abominationum desolantem à Deo omnem hominem, qui receperit eam in se abominationem aduersantem veritati, extollentem se super omne verbum, quod est extra eum, quod annunciatum esse verbum Dei, extollentem se & super omne quod vnusquisque hominum colere vult, siue verè, siue mendaciter. Nam vnumquodque hæresum dogma non solum veritati aduersatur, sed etiam cæteris dogmatibus similiter falsis. Et quoniam sic extollitur, vt etiam in templo scripturarum sedeat, per ipsum templum, id est, per ipsas scripturas volens se ostendere, quoniam ipse verè est Deus verbum.

13 **S**Ecundò notandum est: persecutionem Antichristi longè maiorem futuram, quàm vnquam alia fuit. Nam etsi antè multæ persecutiones decem tyrannorum fuerunt; nunquam tamen res Christiana huc adduci poterat, vt vino aut pane planè careret, & per consequens, vt non offerret altaris sacrificium.

14 **T**Ertiò notandum est: etsi ea, quæ à Daniele recitauimus, primò & propriè Antiocho conueniunt; cum tamen is figura fuit Antichristi, quæ similiter de illo dicuntur, illique tribuuntur, eadem Antichristo conuenient.

15 **N**Otandum quartò: esse id peculiare diuinæ maiestati, vt imminentibus ac impendentibus malis, det metuentibus se significationem, vt fugiant à facie arcus. Sic mundum aquis deleturus, iusto Noë dat significationem, vt constructa arca fugiat à facie aquarum impendentium. Sic Sodomam & Gomorrhā igni & sulphure succensurus, terræque hiatu absorpturus, dat significationem suo electo Loth, vt fugiat à facie ignitorum iaculorum. Sic Chore, Dathan, & Abyron, homines apostatas, alieni muneris pertinaces inuasores, viuos terræ hiatu absumpturus, iubet reliquos recedere à tabernaculis eorum, ne inuoluerentur vt culpa, ita poena eorum. Idem Eliæ & Elisæo, fame, & aliis calamitatibus Iudæam infestantibus. Sic apud Ieremiam 51. visitaturus super Bal in Babylone: Egredimini, inquit, de medio Babylonis, populus meus, vt

saluet vnusquisq; animam suam ab ira furoris Domini. Non enim hoc est illius, vt dicebat pater fidei nostræ Abraham primus, iustum cum iniusto perdere, qui & ipsum iniustum diu multumque expectat, ac pro meritis iustorum feruat. Eandem igitur nunc significationem electis suis dat, vt fugiant à facie sagittarum arcus, mundi pereuntis, ne cum cæteris magna securitate bibentibus & comedentibus, repentino inuoluantur exitio, certissimaque signa futurorum malorum & periculorum pandit. Appropinquante enim Iudæorum exterminio, vt notat Lyranus ex historia Ecclesiastica, oraculo moniti, omnes Christiani fugerunt vltra Iordanem in Agrippæ regnum, qui erat confederatus Romanis, ibique saluati sunt.

NOtandum quintò: docere hoc loco Origenem, esse quandam fugam ¹⁶ hominum secundum præceptum verbi; vt, qui fugit quæ fugere oportet, melior sit eo qui non fugit, sed semetipsum subditum facit, perdentibus animam malis. Quod est autem constituta fuga atque laudabilis, manifestè docet apostolus, dicens: Fugite fornicationem. Fugit autem fornicationem, qui omnem occasionem irritantem, & prouocantem ad fornicandum, euitat, & neque iuuenibus in fabulis iuuenilibus commiscetur in quantum potest, ne fortè consumatur per eas: attenditque & illud quod dicitur, Cum saltatrice noli assiduus esse, ne fortè consumaris in desideriis eius. Fugit autem fornicationem abundantius, qui accendentes & excitatrices seminis escas, in quantum valet, euitat, & vino, si potest fieri, non vitatur, donec transeat feruentior ætas. Et non solum fornicatio nobis est fugienda, sed & omne peccatum. Ideò benè dixit scriptura: Quasi à facie serpentis fuge peccatum. Frequenter autem conuenit fugere ab Antichristo, verbo & falsi nominis scientia; maximè, quando necdum idoneus est homo, vt habeat in se dominum operantem, qui interficit spiritu oris sui persuasiones mendaciorum, nec ascendit ad tantum altitudinis, vt habeat in se eum, qui destruit illuminatione aduentus sui omnem persuasionem veri, similitudinem veritatis habentem, & assimilantem se veritati.

NOtanda est cum D. Chrysostomo vltimò spiritus sancti dispensatio. ¹⁷ Quia nihileorum malorum quæ Iudæos in exitu Hierosolymorum afflixerunt, à Ioanne scriptum est; ne, quoniam post Iudæorum illas ærumnas longo tempore superuixit, ab euentu rerum, non à prædicatione Christi scripsisse videretur: qui autem ante illud bellum ad Dominum decesserunt, quique nihil horum viderunt, ipsi, vt vndique prædicationis veritas resplenderet, ista scripserunt.

SECUNDUM signum iam magis proximum finis mundi: Aduentus Anti- ¹⁸ christi & prophetarum eius. Quemadmodum enim, priusquam Christus venisset, multi prius prophetae extiterunt, qui eius aduentum prænunciârunt, iterque illi præparârunt; ita priusquam Antichristus veniet, multi pseudoprophetae illum antecedent, illique viam sternent, ac eum deducunt. Quotquot igitur fuerunt hætenus hæretici; Antichristi prophetae & prænuncij fuerunt. Cuius quidem Antichristi eiusque prophetarum casses & laquei quàm periculosissimi erunt, ac difficillimè euitari poterunt: ideò Christus Dominus diligenti-
gentissi-

gentissimè monet suos, vt sibi ab his caueant, vt in custodia & vigilia perstent. Tunc si quis vobis dixerit: Ecce hîc est Christus, aut illic; nolite credere: surgent enim pseudochristi & pseudoprophetae, & dabunt signa magna & prodigia; ita, vt in errorem inducantur, si fieri potest, etiam electi. Quibus verbis, inquit Origenes, ostendere vult, quoniam valde frequenter persuaforij sunt sermones hæreticorum, & commouere potentes etiam eos, qui sapienter audiunt. Edent signa magna & prodigia, etiam ante expugnationem Hierosolymorum dixit futuros esse pseudochristos & pseudopphetas: Multi enim, inquit, venient in nomine meo, dicentes: Ego sum Christus. Et rursus: Et multi pseudopphetæ surgent. Sed qui ante secundum aduentum eius venient, hi longè grauiores erunt illis, qui fuerunt ante captiuitatem Hierosolymorum: nam hi signa quoque magna & prodigia facient: pseudochristi quidem miracula edentes, pseudopphetæ verò quædam futura prædicentes. Inter pseudochristos, vnus est Antichristus, postremus eorum venturus, cuius prophetæ qui dicuntur, hi sunt pseudopphetæ; de quo etiam Paulus scripsit. Postquam enim vocauit eum hominem peccati, filiumque perditionis, addidit, Cuius est aduentus secundum operationem sathanæ, in omni virtute, & signis, & prodigiis falsis: Hi ergo signum sunt secundi aduentus. Quo loco D. Hilarius: Et quia, inquit, in magna vexatione positus pseudopphetæ tanquam præsentem in Christo spem sint indicaturi, multis in locis Christum esse atque haberi mentientur; vt in Antichristi famulatum depresso vexatosque deducant: nunc in desertis esse dicentes, vt errore deprauet: nunc in penetralibus asserentes, vt dominantes potestate concludant. Sed se Dominus non loco occulendum, nec à singulis contuendum esse profiteatur, sed vbicunque, & in conspectu omnium præsentem futurum, modo fulguris, quod ab oriente elatum, lumen suum vsque ad Occidentis plagam spargit, & vndecunque micans, vbicunque cernitur. Ecce prædixi vobis. Si ergo dixerint vobis, Ecce in deserto est; nolite exire: ecce in penetralibus, nolite credere. Sicut enim fulgur exit ab Oriente, & patet vsque ad Occidentem; ita erit & aduentus filij hominis. Stultum ergo est, eum quærere in paruo loco, vel in abscondito, qui totius mundi lumen est. Vbicunque fuerit corpus, illuc congregabuntur & aquilæ. Circa totum hunc locum ita annotat Hieronymus: Multos captiuitatis Iudaicæ tempore principes extitisse, qui Christos se esse dicerent, in tantum, vt obsidentibus Romanis tres intus fuerint factiones; sed melius de consummatione mundi intelligitur. Quanquam & de hæreticorum contra Ecclesiam pugna locum hunc posse intelligi, idem doceat Hieronymus: Si quis, inquit, promiserit vobis, quod in deserto gentilium, & philosophorum dogmate Christus moretur, aut in hæreticorum penetralibus, qui Dei pollicentur arcana, nolite exire, nolite credere: siue (quia persecutionis & angustiarum tempore, semper pseudopphetæ decipiendi inueniunt locum) si quis sub nomine Christi se iactare voluerit, non statim accommodetis fidem. Nolite exire: nolite credere, quod filius hominis vel in deserto gentium sit, vel in penetralibus hæreticorum; sed quod ab Oriente vsque in Occidentem fides eius in Catholicis Ecclesiis fulgeat. Non illis credere debemus, monet Origenes, nec exire à prima & Ecclesiastica traditione: nec aliter credere, nisi quemadmodum per successionem Ecclesiæ Dei tradiderunt nobis. Christi enim præsentia demonstratione

opus non habet, putant hæretici, sed clara futura est omnibus & subita; quale fulgur esse solet, quod nullis angustis, nullis obscuris locis contineri potest. Non enim, ut in primo aduentu eius, ex loco in locum commigrabit, sed in oculi ictu præsens aderit. & quemadmodum ad corpus congregantur aquilæ; ita, ubi Christus adfuerit, aderunt omnes sancti, qui in nubibus rapiuntur ut aquilæ. Vocat autem seipsum cadauer, quod propter nos ceciderit, & mortuus fuerit, & quod multis positus est in *τωσιν*, hoc est, in ruinam; ut Simeon dixit. Hæc Theophylactus & Euthymius. Ineptè autem hunc locum interpretatur Calvinus, qui dicit, hoc loco id vnum Christum docere, ut fideles Christo adhæreant: cum de hoc apud electos nulla controuersia futura sit, sed de eo potius, ubi ille grex inueniendus sit, qui Christum sequatur, illi; adhæreant; atque ita frustra & maledicè sedem Apostolicam, summum pontificem ridet, ac conuiciis proscindit. Vbicunq; fuerit corpus, illuc congregabuntur & aquilæ. Innuit hoc loco, ut docet Beda Venerabilis, studium sanctorum: quod aquila cæteras aues volatu transgrediens, in ipsum solis radiū oculos gaudet infigere; nec non & illud, quod lapidem venenis resistentem suis nidis solet adferre, illum qui excisus de monte sine manibus, Diaboli regnum strauit. Et D. Hilarius: Sanctos, inquit, de volatu spiritualis corporis aquilas nuncupauit, quorum (congregantibus angelis) conuentum futurum in loco passionis ostendit. Et indignè illic claritatis aduentus expectabitur, ubi nobis gloriam æternitatis passione corporeæ humilitatis operatus est. De exemplo naturali, quod quotidie cernimus, Christi instruimur Sacramento, inquit Hieronymus. Aquilæ & vultures etiam trans maria sentire dicuntur cadauera, & ad escam huiusmodi congregari. Si ergo irrationabiles volucres, naturali sensu, tantis terrarum spatiis, & maris fluctibus separata, paruum cadauer sentiunt, ubi iaceat: quanto magis nos, & omnis multitudo credentium debet festinare ad eum, cuius fulgur exit ab Oriente, & paret vsque ad Occidentem? Possumus autem corpus, id est *πῶμα*, quod significantius latinè dicitur Cadauer, ab eo, quod per mortem cadat, passionem Christi intelligere, ad quam prouocamur; ut, ubicunque in scripturis legitur, congregemur, & per illam venire possimus ad verbum Dei: ut est illud, Foderunt manus meas, & pedes meos. Et in Isaia: Sicut ouis ad victimam ductus, & cætera his similia. Aquilæ autem appellantur sancti, quibus innouata est iuuentus, ut aquilæ, & qui iuxta Isaïam, plumescunt, & assumunt alas, ut ad Christi veniant passionem.

Notandum primò: Cum per hos quinquaginta annos, multa, varia, & inania homines ineptissimi de Antichristo confinxerint, nomenque hoc fœdum & abominabile Vicario Christi assuere non dubitarent; operæpretium esse putavi, annotare aliquot punctis Antichristi naturas, ut istorum mendacia & ineptiæ facilius detegantur, ac ipsæ sua sponte corruant. A nomine igitur ordiamur.

Primò: Omnis ille dicitur Antichristus, quicumque Christo Domino est contrarius: Qui, inquit, non est mecum, contra me est. Tribuitur autem hoc nomen, partim propriè, partim minùs propriè. Propriè quidem huic ipsi soli, de quo nunc nobis præsens tractatio instituta est. Impropriè autem diabolo

abolo inprimis, qui tum Antichristus factus est, cum illa protulit verba: Ponam in aquilone sedem meam, & similis ero altissimo. Deinde gentilibus, qui Christi nomen delere voluerunt: notat Chrysost: in psal. 90. Deinde hæreticis: D. Ioannes, Multi iam, inquit, sunt Antichristi, qui, dum Christum ædificant, Christum destruunt. Deinde peccatoribus: nam & isti, ubi cum Christo non sunt, contra illum sint oportet. Inter quos, hoc nomine appellatos, hæc est differentia: Diabolus est inuisibilis, cæteri visibiles: diabolus est princeps & caput, reliqui instrumenta: ille aduersatur Christo ex conscientia, sciens, eum & Christum esse, & veritatem: Pagani volunt quidem illi aduersi esse, sed veritatem ignorant. Hæretici deficiunt, quia volentes sub nomine Christi Christum persequuntur. Cum enim diabolus non potuit apertè Christum per tyrannos expugnare, conatur hoc idem clam per hæreticos efficere, deteriores paganis, quippe qui, cum possint eum cognoscere, non cognoscunt. Vnus autem ille, qui aduenturus est, per *ἀντιχριστὸς* Antichristus vocabitur. Causas eius aduentus explicat scriptura, Genes. 17. vt expendit August. in lib. de ciuit. Dei: Iob 3. vt Gregorius in Moral. Dan. 11. vt Hieron. Ioan. 5. Paulus ad Thessal. Idem Ioan. Apocal. 13.

²¹ **S**ECUNDUM caput est: Quis futurus. Quidam putant, ipsum diabolum venturum, quidam Neronem; vt refert D. Augustinus. Verum, seriò si rem inspicias, si naturam spectes, homo erit: si malitiam, inhabitabit in eo corporaliter dæmon, & omnis malitia: si gentem, Hebræus ex tribu Dan; vt ita facilius eos seducere possit. quod apparet ex maledictionibus Iacob, & ex Apocalypsi, quod tribus hæc non numeratur in illis, in quibus numerantur duodecim millia signata: si modum generationis, ex adulterio natus: si dignitatem & opes, pauper primum & inops, postea rex magnus, magnæque partis orbis dominus. Annotat hæc D. Nazianzenus Orat. de pace.

²² **T**ERTIUM illud est caput: Quando venturus; statim in limine secundi aduentus Christi: tempus, tempora, & dimidium temporis regnaturus; hoc autem est tres annos & dimidium. Venturus autem est, quando Romanum imperium planè desinet, quod per defectionem signatur; occultè primum propter metum Imperatorum, post palàm & manifestè. Notat hæc Tertullianus in Apologetico. De anno autem & hora eius aduentus, nemo scit nisi pater; proximè tamen ante Christi aduentum apparebit.

²³ **V**LTIMÒ quæri solet, Quid effecturus sit. Sedebit in templo, inquit Paulus, aduersus omnes gentes & nationes, efferens se contra illud omne quod dicitur Deus: seducet Iudæos primum, expectantes primum aduentum Messia, quasi ipse sit expectatus ab illis Messias; seducet Christianos expectantes aduentum Christi, tanquam ille ipse sit Christus, quem illi expectant venturum ad iudicandum: vt enim ante primum aduentum, inquit Ambrosius, diabolus multos fictos Messias excitarat, vt præiudicaret vero Christi aduentui, & fidem detraheret; ita ante secundum excitabit Antichristum, vt à Christo vero iudice populos auocet. Vnde monet Christus Dominus: Nolite credere. Seducet & gentes ipsas, quasi nouus imperij Romani rex & Imperator. An autem aliqua vel minima ex his rebus, summis conueniant Pontificibus,

iudicet ille, qui vel micam rectæ rationis habet. Multi sunt, semper sunt, ad Iudæos nihil spectant, nihil harum rerum, de quibus diximus, simulant. Frustrà igitur tumet hæresi infecta Germania, cum vel ex illis aliquot libros conscripserunt, in quibus demonstrant, summum Pontificem Antichristum esse non posse.

Notandum secundò: quemadmodum ista, quæ de summo Pontifice dicuntur, vana & falsa sunt; ita & illa quæ contra Catholicos adferuntur, quasi illi in angulis quibusdam Christum demonstrent, in deserto, in penetralibus, per quæ ipsi thecas, in quibus venerabile Christi sacramentum asseruatur, designant: cum Ecclesiæ sanctæ illa vox sit: Te per orbem terrarum sancta confitetur Ecclesia. Et illa confessio: Vnam, sanctam, Catholicam & apostolicam Ecclesiam. Ipsi greges quosdam obscuros & latentes sequuntur, & tum quando hæc fient, nullæ amplius tales thecæ ac armaria futura sunt. Ipsi certè nescio, qua Dei ordinatione princeps latibulum, in quo Cracouiæ doctrinam suam profitentur, deosque suos ostendunt, Brog, quod ὁραμα Græcè dici potest, appellârunt.

Notandum tertio est: ideò persecutionem Antichristi maiorem futurâ aliis omnibus persecutionibus quæ antea fuerunt: ideò maiora miracula editurum, etsi falsa & inutilia, quàm vlli vnquam falsi prophetæ ediderunt: quia diabolus, qui statim à morte Christi alligatus fuit, ne noceret sanctis, tunc ad tres annos & dimidium soluetur. Quòd si ligatus tanta exercet mala, quid solutus faciet? ideò nisi breuiati essent dies illi, non esset salua omnis caro.

Notandum quartò: Christum Dominum, & Ecclesiam eius, non futurâ vnquam obscuram, latentem, & quæ cognosci non possit, quemadmodum putat hæresis; sed claram semper & illustrem, quale est fulgur, veniens ab Oriente in Occidentem, & illuminans mundum.

Notat quintò Origenes: Veritatem similem esse fulguri egredienti ab Oriente, & apparenti vsque ad Occidentem; qualis est veritas Ecclesiæ Dei: ab ea enim sola sonus in omnem terram exiuit, & in fines orbis terræ verba eorum, & velociter currit sola verè veritas Dei.

Notandum vltimò: ibi esse corpus Christi, id est, Ecclesiam Dei veram, vbi sunt aquilæ; hoc est, sancti patres, atque sancti doctores.

Sequuntur signa proximè rem antecedentia, an potius iam cum re ipsa, id est, præsentis fine mundi, futuroque iudicio coniuncta. Gloriam aduentus sui, & claritatis reditum indicat, obscuritate solis, defectione lunæ, casu stellarum, virtutum cælestium motu, ostensione signi salutaris, lamentatione gentium, cognoscentium filium hominis in Dei gloria: & ad collectionem sanctorum destinatione angelorum, tum tubæ, id est iam publicæ libertatis hortatu: sic erit de grano sinapis arbor ingens: sic de lapide montis, contrita imagine, orbem terræ mons occupans: sic ciuitas omnibus contemplabilis: sic lucens vniuersis lumen in lychno: sic ex humilitate mortis Deus gloriæ. Statim autem

tim autem post tribulationem dierum illorum (quod tempus, inquit Lyranus, non durabit nisi per quadraginta dies, vel circiter) sol obscurabitur, & luna non dabit lumen suum; idque aut propter indignam sanctorum persecutionem dolentes: aut super impiorum pessima opera indignantes: aut nouissimum in eis Dei iracundiam demonstrantes; ut adhuc uiuentibus impiis super terram, iam gustus detur infernalium tenebrarum. Mundo enim moriente, oculi mundi obscurabuntur, & contenebrescent: latera eius concutientur: sudabit æger sudore mortali, & stellæ cadent de cælo, & virtutes cælorum commouebuntur. Quemadmodum in magnis ignibus succendi incipientibus, tenebræ ex fumo plurimo videntur extolli; sic in consummatione mundi, ab igne qui accendendus est, obscurabuntur etiam luminaria magna; ut sole obscurato, consequenter obscuratione solis etiam luna impedita, nec à sole percipere lumen, nec proprium lumen dare sinatur. Et alius utitur exemplo: quoniam sicut deficiente lumine lucernæ, paulatim minuitur lumen; sic cælestium luminum deficiente nutrimento, sol obscurabitur, iam non habens super se venientia spiramenta ab eis. Maiore autem luminari hæc patiente, multò magis & luna nec ipsum poterit exhibere splendorem, igneum illum, & secundum defectiones suas apparentem. His ergo contingentibus super solem, lumen etiam stellarum deficiet; ut quod remanserit in eis, quasi terrenum cadat de cælo: & omnes cælorum virtutes mouebuntur accidentibus his. Sicut enim in dispensatione crucis, sole deficiente tenebræ factæ sunt super omnem terram; sic & signo filij hominis apparente, in cælo deficiet solis lumen, & lunæ, adhuc & stellarum, quasi consumptum à multa virtute signi illius; & tunc apparebit signum filij hominis in cælo, sicut quondam in Armenia montibus apparuit arca Noë. Sol & luna obscurabuntur, & non dabunt lumen. Mystice Ecclesia est sol, & luna, & stellæ; cui dictum est: Speciosa ut luna, electa ut sol: quia tunc apparebit impiis persecutoribus ultra modum fauentibus. Et stellæ cadent de cælo: quoniam multi, qui gratia fulgere videbantur, persequentibus impiis cadent: fideles & firmissimi turbabuntur. Et virtutes cælorum commouebuntur; non diminutione luminis (alioquin legimus, solem septuplum habiturum luminis) sed quòd ad comparisonem veræ lucis, omnia visui tenebrosa sint futura. Si itaque iste sol, qui nunc per totum orbem rutilat, & luna, quæ secundum est luminare, & stellæ, quæ ad solatium noctis accensæ sunt, omnesque virtutes, quas angelorum multitudines intelligimus, in aduentu Christi in tenebras reputabuntur; decutiatur supercilium eorum, qui se sanctos arbitantes, præsentiam iudicis non formidant. Signum autem filij hominis, quòd apparebit in cælo, aut crucis intelligamus, ut videant (iuxta Zachariam & Ioannem) Iudæi, quem compunxerunt: aut vexillum victoriæ triumphantis. Crux, inquit Theophylactus, apparebit in cælo, supra solem lucens, ad confundendos Iudæos; tanquam iustificationis magnum argumentum contra insensatos: quemadmodum, si quis rex lapide percussus, eundem lapidem demonstret in iudicio iis, qui eum percusserunt.

30 Notandum primò: Iesum Christum verum Deum esse, cui pater subiecit omnia, siue quæ in cælo, siue quæ in terra: quem constituit hæredem vniuersorum per quem fecit & secula. Huic igitur seruunt omnia, siue quæ in cælo, siue quæ in terra sunt. Cùm autem tota vniuersitas creatu-

rarum ad quatuor quasi prima reducatur genera: Creaturas intellectuales corporum cælestium: elementorum, & eorum, quæ ex his componuntur: ipsarum item plantarum ac animalium. Quidquid vel in hoc inferiore orbe, vel in illo superiore reperitur, ad vnum horum generum reuocetur, oportet. Hæc omnia Iesu Christo, vero Deo seruiunt; & quemadmodum in primo eius aduentu, quamuis mansuetissimo, omnia hæc illi seruierunt: nam & intellectuales creaturæ angeli ipsi, partim eius conceptionem denunciant, partim in eius natiuitate cantant: Gloria in excelsis Deo, & in terra pax hominib. quod iam olim à Dauide fuisse prædictum, docet Paulus: Et introducens, inquit, primogenitum in orbem terrarum, dixit, Et adorabunt eum omnes angeli Dei. & cælestis item creatura seruiuit illi, & nascenti, dum stella ad illum magos ducit; & morienti, dum sol obscuratus est, vero deficiente sole. Et elementalibus, dum mare & venti obediunt ei. Tum de rationali creatura, quid opus est dicere? Et adorabunt eum omnes fines terræ, omnes gentes seruiant ei. Quemadmodum igitur omnis hæc vniuersitas, in mitissimo primo eius aduentu seruiuit illi; ita hæc eadem longè magnificentius, longè gloriofius in secundo eius aduentu illi seruitura, præfens testatur Euangelium. Vnde scriptura: Pugnabit pro eo orbis terrarum contra insensatos. Et Sap. 16. Creatura creatori deseruiens, exardescet in tormentis aduersus iniustos. Et Dauid: Nubes & caligo in circuitu eius: iustitia & iudicium correctio sedis eius. Ignis ante eum præcedet, & inflammabit in circuitu inimicos eius. Aluxerunt fulgura eius orbi terræ: vidit, & mota est terra. Annunciauerunt cæli iustitiam eius: & viderunt omnes populi gloriam eius. Quam gloriam tota vniuersitas in eius secundo glorioso aduentu nunc prædicit, quomodo omnes partes naturæ contra insensatos seruiant illi.

NOtandum secundo: primò naturam intellectualem moueri debere; de qua inquit, Virtutes cælorum commouebuntur. Quid, inquit Gregorius, Hieronymus item, Virtutes cælorum, nisi angelos, archangelos, thronos, dominationes, potestates & principatus appellat, quæ in aduentu districti iudicii nostris oculis visibiliter apparebunt? Quibus autem modis virtutes illæ stabiles, & quasi immobiles, moueri debeant, explicant patres, explicat ipsa sacra scriptura. Mouebuntur, inquit, in primis admiratione subitæ tantæ totius orbis terrarum mutationis, quam sola voluntate, & imperio diuino perfectam esse videbunt; illum peana occinentes: Magna & mirabilia sunt opera tua, Domine: iustæ & veræ sunt viæ tuæ. Rex sanctorum, quis non timebit te Domine: & glorificabit nomen tuum? Mouebuntur igitur admiratione, sed mouebuntur & timore; non quidem seruili, sed eo timore, quo filij solent commoueri, cum vident, patrem familiās cum familia sua rationem factorum & dictorum inire, ne fortè & ipsi in aliquo offenderent; quali metu percelli illos debere, Iob longè ante prædixit: Columnæ cæli contremiscent, & pauebunt in aduentu eius. Mouebuntur etiam quantum ad ministerium: omnes enim sunt administratorij spiritus: partim admirandos illos motus cælorum & elementorum efficiendo: partim malos à bonis separando: partim ipsi iudici inseruiendo. Mouebuntur quoque odio quodam contra improbos & sceleratos; amore autem & misericordia contra bonos, qui illorum custodiæ erant traditi, qui eorum erant conserui, cum quibus simul nomen
Dei

Dei celebrârunt. His igitur & talibus modis virtutes cælorum mouebuntur, mentes illæ beatæ & cælestes.

32 **N**Otandum tertio: motis columnis cæli, mirum non esse, cælos ipsos commoueri, ac in seruitium sui conditoris conuerti. Erunt signa, inquit Lucas, in sole, & luna, & stellis: quod clariùs Euangelista noster explicat: Statim, inquit, post tribulationem dierum illorum, sol obscurabitur, & luna non dabit lumen suum, & stellæ cadent de cælis. Grauis quædam difficultas, atque veluti quædam pugna est, cùm inter doctissimos viros, tum in ipsa scriptura, de cælorum ratione & immutatione. Nam & scriptura illud nonnunquam significat, hæc omnia planè interitura & transitura; nonnunquam verò perpetuis temporibus duratura. Æternitatem ipsorum declarat Dauid: Statuit ea in æternum, & in sæculum sæculi: præceptum posuit, & non præteribit. Et Ecclesiastes: Terra in æternum stat. Et Isaias de hoc sole & luna: Et erit lux lunæ sicut lux solis: & lux solis erit septemplex. Nunquam verò hæc omnia debere perire, eadem docet scriptura. Nam & idem Dauid dicit: Initio tu Domine terram fundasti: & opera manuum tuarum sunt cæli. Ipsi peribunt; tu autem permanebis: & omnes sicut vestimentum veterascent. Et Isaias: Cæli sicut fumus liquefcent, & terra sicut vestimentum atteretur; salus autem mea in sempiternum erit, & iustitia mea non deficiet. Et Petrus: Dies Domini sicut fur, in quo cæli magno impetu transeunt. Et nunc Saluator: Cælum & terra transibunt: verba autem mea non transibunt. Quam pugnam scripturarum secuta est etiam scriptura patrum, dum alij hanc, alij aliam secuti sunt sententiam. Sed & veteres philosophi non idem eadem de re iudicârunt: Stoici igne absumendum esse putauerunt: Platonici & Peripathetici duraturum; isti natura sua, illi Dei manu. Qui igitur corruptibilem existimârunt, fuit Ambrosius, Theodoretus, Euthymius, Cyrillus, Rupertus abbas. Qui incorruptibilem semper, Dionysius, Basilus, Augustinus, Thomas. Qui optimè senserunt, mediam secuti sunt sententiam: in quibus Hieronymus Oecumenicus: Cælum, inquit, & terra transibunt mutatione, non abolitione sui. Alioqui, quoniam sol obscurabitur, & luna non dabit lumen suum, & stellæ cadent, si cælum, in quo ista sunt, non fieret. Immutabitur igitur cælum in meliorem statum; non autem planè destruetur. Quod & Dauid sentit: Mutabis, inquit, eos, & mutabuntur. Et Paulus: Creatura liberabitur à senectute corruptionis. Quæ cùm ita sint, ampliùs querendum est: Quo pacto igitur sol obscurabitur, luna non dabit lumen suum, aut stellæ cadent; si cælum corruptioni obnoxium non est? Duobus modis eam rem explicant vetustissimi patres. Primum modum secutus est Hieronymus, Eusebius, Chrysostomus, Euthymius: hæc ipsa non ea ratione obscuratum iri, quòd lumen suum simul amiserint; sed quomodo, sole exoriente, stellæ lumen & splendorem amittent suum; sic isti testantur, Christo Domino vero sole iustitiæ, in sua gloria & maiestate veniente, omne externum lumen & splendorem ablaturum; vt ampliùs neque sol, neque luna, neque stellæ ullæ lumen porrigant suum: tam enim illustris erit gloria Iesu Christi, vt ab omnibus mortalibus conspici possit; vt omnem gloriam auferat. Si enim in illa transfiguratione, in qua modicum gloriæ suæ ostendit, facies eius fuit sicut sol, vestimenta autem sicut nix; longè maiorem, longè illustriorem tum futuram, vbi

ram, vbi iudex viuorum & mortuorum adueniet: vbi gloriosus, positus inimicis suis scabellum pedum suorum, illis eisdem apparebit; quem vbi viderint, inquit Ecclesia, plangent omnes tribus terræ, quod talem & tantum Dominum offenderunt: quod illi non crediderunt: quod ab eius illustri gloria sint excludendi. Quæ quidem eorum virorum sententia firmatur etiam scripturæ testimonio: Erubescet, inquit, luna, & confundetur sol. Quanquam autem hæc verissimè dicuntur in ipso aduentu Iesu Christi; tamen, cum nunc nobis sit disputatio de signis, quæ paulò antecedant aduentum eius; alia certè ratio obscurationis & solis, & lunæ, & stellarum: quas cadere è cælo, nihil aliud est, quàm obscurari. Melior est igitur alia sententia; ad quam intelligendam, illud præsupponendum est: neque solem, neque lunam, neque stellas, fontem luminis non esse, ac non solum fontem luminis non esse, sed neque suum lumen habere. Hoc autem inde colligit D. Basilius, & D. Ambrosius in Hexæmer: quod initio fabricæ mundi prius lumen fuit & dies, quàm fuerit aut sol, aut luna, aut sydera, quæ deinde post vsque quarto die sunt condita. Sol igitur, & luna, & stellæ, non sunt fons luminis, nec habent suum lumen, sed Dei præpotentis. Et hoc est, quod dicit scriptura: Fecit, inquit, Deus duo luminaria, maius & minus. Quæ cum ita sint, idem eueniet in fine mundi, quod euēnit in nuptiis sponsi; vt vestitus antiquus formæ detrahatur soli, & lunæ, & stellis; nouus autem, longè melior, longè excellentior illis detur; vt sic gloriosus sponsus appareat in familia, & toto suo ædificio. Mœstus igitur hic erit vultus mundi, cum hæc ipsa pulcherrima luminaria suo destituantur splendore: nihil tum cuiquam gratum, nihil iucundum esse poterit, donec sol æternus exoriatur, iustis quidem solatium, impiis perpetua damnatio; soli autem ac lunæ, decus ac splendor longè nobilior. Seruiet igitur cælum, & ornamenta cælorum Domino: seruiet deinde tertia pars vniuersitatis, elementa. Erit confusio sonitus maris, & fluctuum eius; quod partim propter metum cæli perturbatum eueniet: si enim ad motum cæli illi ordinati influxus & refluxus maris eueniunt; tum perturbato motu cæli omnia elementa, maximè autem maiora, perturbari ac exæstuari oportebit. Quanquam autem hæc commotio maris futura est propter eum motum cæli; tamen longè magis propter venientem ignem ante faciem iudicis. de quo igne David: Deus noster manifestè veniet, Deus noster, & non silebit. Ignis in conspectu eius exardescet: & in circuitu eius tempestas valida. Quemadmodum enim antea flagrantem libidine mundum aqua purgauit; ita tum frigidum charitatis igne aduret. de quo eodem igne testatur propheta, & de quo Petrus: Elementa, inquit, calore soluentur; terra autem, & quæ in ipsa sunt, exurentur. Huic tanto intolerabili calori, cum obuiam ibit mare, atque tota sua virtute obfistet; cogitandum est, quis fragor, quis sonitus, quæ turba tunc futura est! qualis dissoluti horologii sit sonitus, facile exaudimus: quid tantorum elementorum, quid totius mundi! Tum demùm, sic virtutibus cælorum motis, sic omni ornatu cæli detractò, tam horrendo tumultu factò, inclinabit superbam ceruicem suam homo, creatura rationabilis. Erit, inquit, pressura gentium, præ confusione sonitus maris & fluctuum, arescentibus hominibus præ timore & expectatione futurorum, quæ superuenient vniuerso orbi. Quæ enim, & quanta patietur tunc genus mortalium, cum columnæ cæli trepidare cœperint: cum omnia solatia luminis defecerint: cum sic omnia perturbata erunt!

erunt? Quid igitur facient virgulta deferta, vbi timore concutietur cedrus paradisi? quid faciet peccator, vbi morietur angelus? Erit hæc tribulatio magna, qualis non fuit ab initio mundi vsque modò, neque fiet; & nisi abbreviati fuissent dies illi, non fuisset salva omnis caro; sed propter electos breuiabuntur dies illi. Quæ dum audimus, illud in primis in mentem veniat, quæ tandem ratione nos affectos, tam tristes & calamitosos dies expectare oporteat.

33 Signis futuri iudicii, tam proximis quàm remotis explicatis, iam ipsam formam iudicii nobis æternus iudex proponit: primùm simpliciter, deinde in parabola. Simpliciter quidem hoc modo: Et tunc plangent omnes tribus terræ, & videbunt filium hominis venientem in nubibus cæli, cum virtute multa & maiestate. Sicut ergo, quando transfiguratus est, resplenduit facies eius sicut sol, & vestimenta eius facta sunt sicut lumen, & vox venit de nube, dicens: Hic est filius meus dilectus, in quo complacui: sic, cùm venerit iterum, forsitan in speciem transformabitur gloriosam: aut sicut tunc transformatus est coram tribus discipulis suis, postea veniet non super vnâ nubem, sed super multas, quæ erunt vehiculum eius. Quoniam autem consequens est, vt in meliorem gloriam reformatur, quàm fuit transformatus in monte; manifestum est ex eo, quòd tunc quidem coram tribus tantùm modo transformatus est; in consummatione autem mundi totius, apparebit in gloria multa, vt videant eum omnes in gloria. Hæc Origenes. Sicut enim in datione legis, auditus est sonitus terribilis; vt habetur Exod. 19. ita audietur tunc sonitus consimilis, virtute angelorum factus in elementis: neque enim opus erit accusatione præter crucem. Descendet autem in nubibus, sicut assumptus est. Et mittet angelos suos cum tuba, & voce magna: & congregabunt omnes electos eius à quatuor ventis, à summis cælorum, vsque ad terminos eorû; id est, à quatuor mundi climatibus: & non solum hoc, sed à summo terræ, vsq; ad summum cæli, id est, ab extremis terræ finibus, per directum vsque ad vltimos fines eius, vbi longè à spectantibus circulus cæli terræ videtur insidere. Plangent hi, inquit Hieronymus, qui municipatum non habuere in cælis, sed scripti sunt in terra. De tuba autem & apostolus loquitur, & in Apocalypsi legimus: & in veteri testamento tubæ ductiles ex auro, & ære, argentoque fieri præcipiuntur; vt sublimia doctrinarum resonent sacramenta. Locutus est, inquit scriptura, Dominus ad Moysen, dicens: Fac tibi duas tubas argenteas ductiles, quibus conuocare possis multitudinem, quando mouenda sunt castra. Cùmque increpueris tubis, congregabitur ad te omnis turba ad ostiũ tabernaculi fœderis. Si semel clangueris, venient ad te principes, & capita multitudinis Israël; si autem prolixior atque concisus clangor increpuerit, mouebunt castra primi, qui sunt ad Orientalem plagam. In secundo autem sonitu, à pari vlulatu tubæ, leuabunt tentoria qui habitant ad meridiem, & iuxta hunc reliqui facient vlulantibus tubis in profectionem. Vide in istis, inquit Origenes, quoniam in prima significatione tubæ promouent castra, qui sunt secundùm Orientem; in secunda autem promouent castra qui sunt secundùm Austrum: & vt breuiter dicam, ex quatuor ventis congregant sacerdotes tuba canentes, eos qui sunt ex castris Israël: & secundùm comparationem sacerdotum tuba canentium, angeli Christi cum tuba magna congregabunt electos

bunt electos eius à quatuor ventis. In parabola autem hoc idem eodem modo proponit: Ab arbore, inquit, fici, discite parabolam. Cum iam ramus eius tener fuerit, & folia nata, scitis quia propè est æstas. Ramus istius ficus, ut docet Hilarius, Antichristus intelligitur, Zaboli filius, peccati portio, legis assertor. qui cum tenerescere cœperit, atque frondescere, tunc proxima esse æstas, id est, dies iudicii, sentiatur. Frondescere autem quadam peccatorum exultantium viriditate noscitur. Erit enim tum flos criminorum, & honor facinorosorum, & gratia prophanorum; quibus tamen æstus, id est, calor æterni ignis, in proximo est. Atque ut fides certa esset futurorum, Amen dicendo, professionem veritatis adiecit, generationem nostram præterire non posse, nisi vniuersa ista transcurrerent, eaque, quæ firma existimantur, cælum & terram non futura; verba autem sua non posse non esse: quia illa ex conditione creationis suæ, id est profecta de nihilo, habeant id in se necessitatis, ut non sint; hæc autem ex æternitate deducta, id in se contineant virtutis, ut maneant. Ita & vos, cum videritis hæc omnia, scitote, quia propè est in ianuis. Amen dico vobis, quia non præteribit generatio hæc, donec omnia ista fiant. Cælum & terra transibunt; verba autem mea non præteribunt. Aduentū Christi nunc regnum Dei dicit, nunc redemptionem iustorum. regnum quidem, quia tanquam rex appropinquat: redemptionem verò eorum, quia seruat eos. Sub exemplo arboris docuit consummationis aduentum: Quomodo, inquit, quando teneri fuerint in arbore ficus cauliculi, & gemma erumpit in florem, cortexque folia parturit, intelligitis æstatis aduentum, & Fauonij ac Veris introitum; ita, cum hæc omnia, quæ scripta sunt, videritis, nolite putare, iam adesse consummationem mundi, sed quasi procemia, & præcursores quosdam venire; ut ostendat, quod propè sit, & in ianuis. Amen dico vobis, quia non præteribit generatio hæc, donec omnia ista fiant. Suprà diximus, generationes bonorum, & è contrario malorum, esse singulas: igitur aut omne genus hominum significat, aut specialiter Iudæorum. Quo loco D. Chrysostomus: Quomodo, Hæc generatio, dictum est? Non de viuentibus tunc, sed de fidelibus dixit. Nouit enim scriptura, non à temporibus solùm, sed etiam à piis moribus generationem describere; ut, quando dicitur: Hæc est generatio quærentium Dominum. Cælum & terra transibunt immutatione, non abolitione sui: alioquin quomodo sol obscurabitur, & luna non dabit lumen suum, & stellæ cadent, si cælum, in quo ista sunt, terraque non fuerit?

Notandum primò est: quæ causa sit, cum in particulari iudicio quisque id consequatur quod meruit, siue bonum, siue malum: quæ causa, inquam, sit vniuersalis iudicii? An, quia in particulari iudicio referimus ea quæ nobis debentur in animo tantùm; in vniuersali autem & in animo & in corpore simul. An, ut persona detrahatur hypocritis, contra quos hoc planè totum Euangelium comparatum est. Nam, cum in hac vita multi sint, qui, cum improbi existant; maximè tamen boni viri apparere volunt, & vice versa quidam sancti, qui ab hominibus improbi iudicantur: instituit Deus vniuersale iudicium, in quo omnia omnium corda aperiat: larvam improbis detrahat: bonos illustret; ut in æternum omnis sepeliatur hypocrisis. An, ut vincat dominus, cum iudicatur: multi enim dicunt, Deum aliquos iniuste punire, aliquos iniuste remunerari, tunc istarum omnium rerum apparebit ratio. An, ut
& sancti

& sancti magis honorificentur, magisque consolentur, dum publicè coronantur; nec ipsi soli, sed & socij & familiares eorum: improbi autem magis crucientur, & in se, & in suis. An, vt omnis iustitia compleatur, illudque omnes occinant: Iusta & vera sunt iudicia tua, Domine: quis non timebit te rex sanctorum, principatum tenens?

35 **S**ECUNDò notandum est: quam crucem sustinebunt illi, qui crucem Domini contempserunt, confregerunt, conspurcârunt, Iudæi, inquam, & hæretici, cum signum eius lucidissimum in cælo videbunt, quod, nullo loquente, contra illos sententiam feret, ipsosque damnabit. Crucem igitur Christi adoremus, eiusque gloriosissimam passionem recolamus.

36 **T**ERTIò notandum est: vniuersalitem Ecclesiæ Dei, quæ vsque ad extremum mundi duratura est, ex his verbis colligi: Et mittet angelos cum tuba, & voce magna: & congregabunt electos eius à quatuor ventis, à summis cælorum, vsque ad terminos eorum.

37 **Q**UARTò notandum: quòd tuba mortuos excitabit, excitatos autem congregabunt angeli: congregatos verò rapient nubes, sicut dixit Paulus, in occursum Domini in aëra. Quòd autem etiam peccatores congregabunt angeli, docuit Christus: Mittet filius hominis angelos suos, & colligét de regno eius omnia scandala, & eos qui operantur iniquitatem.

38 **Q**UINTò notandum est: terrorem vltimæ tubæ, quæ ferreum somnum, & adamantinam noctem discutiet; ita, vt hi, qui in visceribus terræ sunt, ad se redeant, causamque antea actæ vitæ agant. de qua Hieronymus: Siue, inquit, bibo, siue comedo, semper auribus meis vox illa tubæ insonat: Surgite mortui, venite ad iudicium.

39 **S**EXTò notandum: ne suspicarentur apostoli, quòd prædicta pericula penitus delerent prædicationem & fideles, certiores eos facit, quòd non sit delenda religio fidelium vsque ad secundum aduentum, sed vsque ad consummationem seculi permansura, nec vllò periculo abolenda. De hoc autem etiam prius diuersimodè eis prædixit, eosque confirmauit: sed quia tunc facile à corde excidebant, ampliùs aduc facit certiores.

40 **N**OTandum septimò: illud non esse causandum, quòd hæc infidelibus, & non nobis, qui in Ecclesia sumus, euenient. Hoc enim excludit Saluator, cum dicit: Amen amen dico vobis, non præteribit generatio hæc, donec omnia ista fiant: generationem apostolicam indicans. Vbi illud admirandum est: Fidem Ecclesiæ stabiliorem esse virtutibus cælorum, sole & luna: nam dum illa mutabuntur, omnia hæc durabunt.

41 **N**OTandum octauò: illud non obijciendum: hæc fortassè non euentura, dicit Saluator: Cælum & terra transibunt, verba autem mea non transibunt. Dixit hoc idem superiùs de lege: Cælum & terra peribit, priusquam

apex vnus de lege transeat. Videmus omnia completa, quæ prædicta sunt in lege, & hæc complebuntur.

Notandum nonò: Eam rem mira arte, mira sapientiæ ab ipso Domino⁴² explicari. Eo animo, scilicet, dies illos Christiano populo expectandos esse, quo dura, & glacialis, & niuosa hyeme æstas expectari solet; quæ non vno, nec eodem modo ab omnibus expectari solet. Sed ab illis quidem, qui, cum agros, vineas, hortos, & plantas habeant, agros rectè excoluerunt, conseruerunt, & vineas putârunt, plantas inseruerunt; æstas, tanquam omnium calamitatum, & miseriarum, & omnis paupertatis fuga expectatur; principium autem omnis hilaritatis, omnis lætitiæ, omnium fructuum & opulentiæ. Illi autem, qui tota hyeme otiosi & desidiosi fuerunt, nihilque consequenti æstati apparauerunt, his ipsis, cum æstas nihil commodi afferre possit, quin cum vel eandem, vel maiorem illis miseriam polliceatur, nullo gaudio, nulla lætitia expectanda est. Eodem modo, eos ipsos tam acerbos dies expectandos esse, docet Saluator; vt illis quidem, qui euntes ibant & flebant, mittentes semina sua, hæc ipsa tam procellosa hyems, lætitiæ & gaudij sit, tanquam futuram æstatem apportatura; vbi redeuntes redibant cum exultatione, portantes manipulos suos. Et hoc est, quod dicit apud Lucam: His autem fieri incipientibus, respicite, & leuate capita vestra, quoniam appropinquat redemptio vestra. Redemptio à seruitute peccati, fomite infectionis, sensuum illecebris, affectuum infestatione, dæmonum tentatione, malorum hominum persecutione, necessariorum sollicitudine; vt iam istis folijs se explicantibus, illud occinamus: Iam hyems transiit: imber abiit & recessit: vox turturis audita est: flores apparuerunt in terra nostra: tempus putationis aduenit. Illi verò, qui hyemem huius seculi ita confecerunt, vt non modò nulla egregia semina iecerint, sed potius tristibus scelerum zizaniis, & spinis vitiorum omnia compleuerunt; illis, inquam, ea signa moestissima sint oportet, cum se nudos & destitutos reperient: Tunc quærent mortem, & non inuenient eam. Tunc dicent montibus, Cooperite nos: mari, vt absorbeat eos; tamen exitum non inuenient.

Forma futuri iudicij explicata, nunc incertitudinis diem propter nostram cautionem multis demonstrat. Vt enim nihil certius est morte, die autem & hora eius nihil incertius; ita eadem de futuro iudicio, quod mors quædam mundi erit, nihil certius est; ita die illius nihil incertius. Hoc igitur Christus Dominus demonstrat. Cum enim paulò antè signa futuri iudicii explicasset, poterat quispiam inferre: Bibamus ergo, & comedamus, donec hæc signa viderimus; tum post poenitentiam acturi sumus. Monet Dominus, non esse errandum: & quamuis hæc signa sint certissima; Dominum tamen tum venturum, cum minimè sperabimus, & cum maximè hominum genus securitati & voluptati se dediderit. quod & in diebus Noë accidisse docet, & in ipsa vrbe Hierosolymæ, quæ huius rei typus fuit, expugnatione; quæ tum expugnata est, cum minimè sperabatur, ipso die Paschæ & solennitatis. De die autem illo & hora nemo scit, neque angeli cælorum, nisi solus pater. Sicut autem in diebus Noë; ita erit & aduentus filij hominis: sicut enim erant in diebus ante diluuium comedentes & bibentes, nubentes & nuptui tradentes, vsque ad eum diem, quo intrauit Noë in arcam, & non cognouerunt, donec

runt, donec venit diluuium, & tulit omnes; ita erit aduentus filij hominis. Nisi pater solus: dictio Solus in ordine ad creaturas intelligitur, nō ad filiū, nec spiritum sanctum. Omnia enim quæ habet pater, filij sunt, sicut dixit filius; inter omnia autem est vnum scire diem & horam: filij proculdubio etiam hoc erit. Apud Marcum verò scriptum est: Neque filius, nisi pater. Et quia intelligunt, quod neque filius nouit diem illum & horam, vt homo: nam vt Deus æqualiter nouit cum patre. Aptius est autem, vt ita dicatur: Neque filius scit, nisi pater, videlicet sciat: quia verò sciat pater, scit vtique & filius. Ego enim, inquit, & pater, vnum sumus. Considera verò, quod apud Matthæum quidē ponitur Solus, sed nulla fit mentio filij, ne etiam ad eum referatur. Apud Marcum autem non habetur Solus, sed fit mentio filij, vt intelligatur sicut diximus. De diei quidem cognitione grauissimè Hieronymus, quem ipsum audiamus. In quibusdam, inquit, latinis codicibus additum est, Neque filius: cū in Græcis, & maximè Adamantij & Pierij exemplaribus hoc non habeatur adscriptum: sed quia in nonnullis legitur, differendum videtur. Guepta, Arius, & Eunomyus, quasi ignorantia magistri gloria discipulorum sit, dicunt: Non potest æqualis esse qui nouit, illi qui ignorat; contrā quos breuiter illa dicenda sunt: Cū omnia tempora fecerit Iesus, hoc est verbū Dei: (omnia enim per ipsum facta sunt, & sine ipso factum est nihil) in omnibus autem temporibus etiam dies iudicij sit, qua consequentia potest eius ignorare partem, cuius totum nouerit? Hoc quoque dicendum est: Quid est maius, notitia patris, an iudicij? si maius nouit, quomodo ignorat quod minus est? Scriptum legimus: Omnia quæ patris sunt, mihi tradita sunt. Si omnia patris filij sunt; qua ratione vnus sibi diei notitiam reseruauit, & noluit eam communicare cum filio? Sed & hoc inferendum: Si nouissimum diem ignorat temporum, ignorat & penultimum, & retrorsum omnes. Non enim potest fieri, vt, qui primum ignorat, sciat quid secundum sit. Igitur quia probauimus, non ignorare filium consummationis diem, causa reddenda est, cur ignorare dicatur. Apostolus super Salvatore scribit: In quo sunt omnes thesauri sapientiæ & scientiæ, sed absconditi sunt. Quare absconditi sunt? Post resurrectionem interrogatus ab apostolis de die, manifestius respondit: Non est vestrum scire tempora vel momenta, quæ pater posuit in sua potestate. Quando dicit, Non est vestrum scire; ostendit, quod ipse sciat, sed non expediat scire apostolis, vt semper incerti de aduentu iudicis, sic quotidie viuant, quasi die illa iudicandi sint. Denique & consequens Euangelij sermo, id ipsum cogit intelligi. Dicens quoque, patrem solum nosse, in patre comprehendit & filium: omnis enim pater filij nomen est. Et Hieronymus quidem latinus hæc. Nazianzenus autem, præceptor eius, illa, præceptore Hieronymi digna. Quomodo, inquit, rem aliquam ignorat sapientia, ille seculorum factor, ille consummator atque immutator, ille rerum, quæ geruntur, finis, ille, ea quæ Dei sunt non minus cognoscens, quàm spiritus hominis ea quæ in ipso sunt? Quid enim hac cognitione plenius ac perfectius? Quī verò constat, ipsum ea quidem, quæ horam illam antecedunt, ac quæ velut in ipso finis articulo sunt, exactissimè scire; ipsam autem horam ignorare? Ænigmati quippe hæc res similis est; perinde, ac si quis ea, quæ ante murum sunt, certissimè se scire affirmet, murum autem ipsum se ignorare fateatur; aut diei finem probè sciens, noctis principium minimè cognoscat, vbi alterius cognitio alterum necessariò

secum introducit. Eccui igitur dubium esse potest, quin horam quidem ut Deus cognitam habeat, ignoret autem ut homo? si quis partem aspectabilem ab ea disiungat, quæ mente sola perspicitur potest: nam quia absolute hoc loco filij nomen ponitur, nec adiungitur cuius, idcirco hinc nobis ansa porrigitur ita existimandi; ut ignorantiam hanc sensu maxime pio interpretemur, eamque humanitati, non diuinitati adscribamus. Ac, si quidem hæc ratio aduersariis satisfaciatur, hic pedem figemus, ne quidquam à nobis amplius requiratur: fin secus, hanc secundam expositionem afferemus, quod, quemadmodum singula alia, ita rerum quoque maximarum cognitio in genitoris honorem ad causam ipsam referenda est. Quin ne hunc locum quidem malè intellecturus mihi videtur, qui sic legerit, ut studiosus quidam huius ætatis, nempe, filium non aliter diem illum vel horam scire, quam ut pater; ut sensus hic colligatur: Quoniam pater cognoscit, ideo etiam filius; tanquam, videlicet, nemini ea res nota sit, præter principem illam naturam. Hæc Gregorius. Neque angeli cælorum. Euthymius, Tali, inquit, usus est argumento: Si angeli cælestes ignorant hæc; multo magis homines terrenos ea scire non expedit, &c. O diuinæ bonitatis inæstimabilem misericordiam! Nunquid Deus pater cognitionem diei, celandi filium proposito, abnegauit: cum dictum ab eo sit, Omnia mihi à patre meo tradita sunt? Ergo non omnia sunt, si est aliquid, quod negatur. Sed quia ad nos omnia à patre accepta deueheret, Dei quæ verbum non tam futuri in se fidem contineat, quam facti; ideo extra definitionem dies posita est, ut largum licet Deus poenitentiae nobis tempus indulgens, incerti tamen metu semper nos sollicitos detineret, & ipse nulli loquendo voluntatem dandi huius diei nulla dicti sui definitione cohiberet: quia secundum diluuij tempus, in ipso vitæ nostræ cursu omnia agentibus ac poenitentibus, magnus ille dies aderit. Hæc Hilarius. Et D. Basilus: Si creator omnium filius, iudicij verò tempus ignorat: (non enim iudicium dixit ignorare, sed tempus) quod quomodo non conueniens. Et statim: Si cognitionem omnium, quam pater habet, filius non habet, mentitus est, cum dixit: Omnia quæ pater habet, mea sunt: & sicut pater nouit me, ego noui patrem. Quod si aliud est, patrem, aliud, quæ patris sunt, cognoscere; maius autem patrem cognoscere, quam ea, quæ patris sunt, quanto vnusquisque quam sua maior, cum id quod maius est cognoscat filius: Nullus enim, inquit, nouit patrem, nisi filius. quod minus est, ignorat; quod est impossibile. Quoniam ergo non conferebat hominibus, iudicij tempus audire, idcirco reticuit: nam expectatio perpetua feruentiores ad pietatem reddit: cognitio verò quod multum temporis intererit, negligentiores ad pietatem fecisset, cum speramus postea poenitentia posse saluari. Nam qui vsque ad horam illam omnia nouit (dixit enim ea) quo pacto horam illam ignorauerit? Frustrà verò & apostolus diceret: In quo sunt omnes thesauri sapientiæ, & scientiæ, & cognitionis reconditi. Et Theophylactus pulchrè: Si enim sciremus diem exitus nostri, quando futurus erit; ea tantum die elaboraremus, ut Deo placeremus; nunc autem ignorantes, quotidie vigilemus oportet, ac in bonis operibus nos exerceamus. Solatur itaque illos comparatione angelorum, ne turpe sibi esse putent de die illa ignorare: cum ne angelis quidem, longè excellentioris naturæ, cognita sit, ac ne filio quidem hominis, in quantum filius hominis est. Summam eius doctrinæ docet Theophylactus; ut abstinentiam non à perquisitione

fitione ultimi diei: si enim solum patrem dicit scire, & neque angelos, neque seipsum; impudentis est curiositatis, ea perquirere, quæ isti ignorât. Utuntur hoc modo dicendi parentes sæpè: nam ea, quæ manibus continent, plerumque dicunt se ignorare; ut illorum pertinacem curiositatem reprimant. Ut enim in diebus Noë ridebant potiùs, & subsannabant quidam ædificium arcæ, donec omnes aquis absorpti sunt; sic & nunc multi rident, & subsannant illos, qui futuri iudicii seueritatem illis proponunt. Quæritur, quomodo supra scriptum sit: Surget enim gens contra gentem, & regnum contra regnum, & erunt pestilentia, & fames, & terræ motus: & nunc ea futura memorentur, quæ pacis indicia sunt. Sed existimandum iuxta apostolum, quod post pugnas & dissensiones, pestilentias & famem, & terræ motus, quibus genus vastatur humanum, breuiter subsequutura sit pax, quæ quæta omnia reprobmittat, ut fides credentium comprobetur: utrum transactis malis sperent iudicem esse venturum: hoc est enim quod in Paulo legimus, Quando dixerint pax & securitas, tunc repentinus superueniet eis interitus. Verum si tunc in deliciis erunt, quomodo dixit: Post afflictionem dierum illorum? Afflictio quidem erit colentium Deum ac iustorum: deliciae verò malorum & insensatorum. Tunc duo erunt in agro; vnus assumetur, & vnus relinquetur. In assumendis fidelibus futurum esse discrimen, ostendit, cum duobus in agro positis, assumatur vnus, & alter relinquatur: & duabus molentibus, improbetur altera, altera eligatur: & ex duobus qui in lecto erunt, adhæreat vnus, alter deferatur. Infidelium enim, & fidelium discrimen, in relinquendis aliis, & aliis assumendis docet: Dei enim ira ingrauescente, sancti (ut propheta ait) in promptuariis recondentur; perfidi verò ad cælestis ignis materiam relinquentur. Duæ molentes in mola, vna assumetur, & altera relinquetur: duo in lecto, vnus assumetur, & alter relinquetur. qui otium eligunt & quietem, (quæ significantur nomine lecti) nec secularibus, nec Ecclesiasticis negotiis occupati; vnus assumetur, qui propter Deum continere se studet, ut sine solitudine viuens, cogitet quæ Dei sunt; qui autem humana laude, vel aliqua vitiorum corruptione monasticam vitam elegerit, relinquetur à Deo. Tunc duo erunt in agro, inquit. Quando? tempore videlicet consummationis atque iudicii duo in agro pariter inuenientur, eundem habentes laborem, & quasi parem sementem, sed fructus laboris non æquè recipientes. Ita verò subitum erit illud tempus, ut duo simul in eodem agro simul se colligere non possint, aut in vno molendino: sed alter effugiat, alter in periculo hæreat; quod in subito incendio fieri solet. Quò autem effugiat, docet apud Lucam: quærentes enim discipuli, dicunt illi, Vbi Domine? qui dixit illis: Vbicunque fuerit corpus, illuc congregabuntur & aquilæ. Quo loco Theophylactus: Tunc, inquit, sollicitis omnibus, & occupatis circa propria opera, vnus quidem assumetur, hoc est, iustus rapietur in occursum Domini in aërem; alter autem, id est peccator, relinquetur infra. Sed etiam si serui aliqui sint & molant, ex his etiã aliqui assumuntur quidem, qui digni erunt; alij relinquuntur, qui indigni. Et inde discamus, quòd & serui, & scemina non sunt alieni ab exercitio virtutis. Duæ quoque molentes simul erunt; vna assumetur, & altera relinquetur. In duobus qui in agro commorantur, & in duabus quæ pariter molunt, vel synagogam intellige, vel Ecclesiam: quòd simul molere videantur in lege, & de eisdem scripturis farinam terere præceptorum Dei: vel

ceteras hæreses, quæ ab utroque testamento, aut de altero videntur molere
 farinam doctrinarum suarum: & cum vnum propositum nominis Christiani
 habeant, non eandem mercedem recipient, aliis assumptis, & aliis derelictis.
 Vigilate ergo, quia nescitis, qua hora Dominus vester venturus sit. Vt igno-
 rantiam illam diei omnibus taciti non sine utilis silentij ratione esse sciremus,
 vigilare nos propter aduentum furis admonuit, & orationum assiduitate de-
 tentos, omnibus præceptorum suorum operibus inhærere. Furem enim o-
 stendit esse Zabulum, ad detrahenda ex nobis spolia peruigilem, & corporum
 nostrorum domibus insidiantem; ut ea, incuriosis nobis, & somno deditis,
 consiliorum suorum, atque illecebrarum iaculis perfodiat. Paratos igitur es-
 se nos conuenit: quia diei ignoratio intentam sollicitudinem suspensæ expe-
 ctationis exagitet. Quo autem fine hæc Dominus omnia dicat, siue illa, quæ
 de signis futuri iudicij dicta sunt, siue quæ de forma & de modo, siue de peri-
 culis & calamitatibus: hoc scilicet, ut nunquam securi simus: ut præsentem
 iudicem expectemus, & ad reddendas rationes parati simus; ne subito die iu-
 dicij præoccupati, quæramus spatium poenitentiae, & inuenire non possimus.
 Illud autem scitote: quoniam si sciret paterfamilias, qua hora fur venturus es-
 set, vigilaret utique, & non sineret perfodi domum suam; ideo & vos estote
 parati: quia nescitis qua hora filius hominis venturus est. Marcus addit: se-
 rō, id est, in iuuentute: an media nocte, id est, in medio vitæ humanæ: an gal-
 licantu; quando iam senior est: an manē; senio confectus: ne, cum venerit,
 inueniat vos dormientes. quod autem vobis dico, omnibus dico, vigilate.
 Per vigiliam autem, siue vigilantiam, intellige non solum somni temperantiā,
 verum etiam omnimodam attentionem & custodiam. Dicit enim & Lucas:
 Attendite vobis ipsis, ne grauentur corda vestra crapula, & ebrietate, ac curis
 huius vitæ, & repentinus superueniat dies ille vobis: tanquam laqueus enim
 superueniet in omnes, qui sedent super faciem vniuersæ terræ. Perspicue o-
 stendit, quare suprā dixerit: De die autem illa & hora nemo scit, neque filius
 hominis, neque angeli, nisi pater solus; quod non expediat scire apostolis, ut
 pendulæ expectationis incerto semper eum credant esse venturū, quem igno-
 rant quando venturus sit. Et non dixit, Quia nescimus qua hora venturus sit
 Dominus: sed, Nescitis. Furem autem vocat consummationem mundi, &
 cuiusque mortem. quemadmodum & nox dicitur aduentus eius: non quod
 noctu veniat, sed quod, quando venturus sit, nemo sciat. Quis, putas, est fi-
 delis seruus & prudens, quem constituit Dominus super familiam suam, ut det
 illis cibum in tempore? Beatus ille seruus, quem, cum venerit dominus eius,
 & pulsauerit ianuam, inuenerit sic facientem: Amen dico vobis, quoniam su-
 per omnia bona sua constituet eum. Totius possessionis diuinæ hæredes e-
 runt sancti. quod etiam potest intelligi tripliciter. Vno modo, in dispensati-
 one spiritualium; quod propriè pertinet ad prælatos: alio modo, in regimi-
 ne temporalium; quod pertinet ad principes seculares & iudices: tertio mo-
 do, in bono vsu gratiarum sibi à Deo collatarum; & hoc pertinet ad omnes.
 Exemplum autem patrisfamilias, hoc est sui, & fidelium seruorum, id est apo-
 stolorum, ad cohortationem sollicitæ mentis interferit; ut spe præmiorum,
 ministrent conseruis in tempore suo cibaria doctrinarum. Dubitanter au-
 tem loquitur Dominus: Quis est fidelis seruus ille & prudens, quem constitu-
 it Dominus super familiam suam? ut ostendat, rarum esse, & non ita facilem
 inuentu

inuentu huiusmodi. in quo duo requirit: Fidem, & Prudentiam. Quis, putas, est fidelis seruus, & prudens? Vide autem, quod duo hæc habere oporteat eum qui præpositus est: puta fidem, ne retineat ea quæ sunt conseruorum, aut inutiliter consumat: & prudentiam, vt decenter ea diuidat, quæ sibi tradita sunt, & cum iudicio, tam in qualitate, quàm in quantitate. Rem autem laudabilem proponit, rarissimam tamen; vt quis fidelis inueniatur & prudens. Ecce, si quæras fideles, id est Deum timentes, & ipsos quidem non multos inuenies; tamen adhuc facile inuenis. Item, si prudentes quæras, inuenies multos; fidelis autem & prudens difficile inuenitur. Quomodo, qui fideles sunt, id est Deum timentes, difficile sunt & prudentes: & qui prudentes inueniuntur, difficile sunt & Deum timentes. Quotò ergo rarior inuenitur fidelis & prudens; tantò, qui inuentus fuerit, beatior est. Prudentem autem dico, non scientem & doctum, sed sensatum & mente acutum, qui potest rerum ponderare naturas, & secundum quod potest rationabiliter omnia agere. Plerique autem sunt, habentes scientiam multam; sed nec se sapienter regunt, nec scientiam suam sapienter dispensant. Et omnis quidem prudens, potest & scientiam habere ex parte; non autem & omnis sciens sapientiam potest habere: quoniam sapientia vniuscuiusque in actu probatur; scientia autem in sermone. Fidelis quidem quæritur propter Deum, vt timeat Deum; prudens autem propter homines, vt populum Dei sapienter gubernet, ei que det cibum in tempore suo; hoc est, vt in persecutione magis instanter de veritate fidei doceat, quàm de iustitiâ conuersationis; in pace autem magis assidue de iustitiâ conuersationis, quàm de veritate fidei. Si autem dixerit malus seruus ille in corde suo: Moram facit Dominus meus venire, & cœperit percutere conseruos suos, manducet autem & bibat cum ebriis; veniet dominus serui illius in die qua non sperat, & hora qua ignorat, & diuidet eum, partemque eius ponet cum hypocritis: illic erit fletus & stridor dentium. Sic in vno fideli dispensatore totus bonorum rectorum, quomodo vel viuat, vel remuneretur, ordo docetur. Sic & in hoc nequissimo seruo cûctorum præsulum malorum damnandorum, pariter opus & damnatio narratur æterna; qui, neglecto Domini amore, non modò ipsi luxuriæ vacant, sed etiam subditos iniuriis stimulant. Quamuis typicè possit intelligi percutere conseruos, corda infirmorum nec adhuc fide, spe, & charitate solidatorum, ostento prauæ operationis, aut locutionis exemplo vitiare. Hæc Beda. Moram facit Dominus; hoc est, præsens non adest, & statim non punit, & sic clementiam Dei occasionem facit improbitatis suæ. Ex superioribus pendet: quod, sicut sollicitus seruus, & semper aduentum Domini præstolans, tradit conseruis cibaria in tempore suo, & postea super omnia bona patrisfamiliæ constituitur: ita è contrario qui iuxta Ezechielem dixit: In tempora longa fiet istud, & non putat Dominum citò esse venturum, factus securior, vacat epulis atque luxuriæ, & non leuem patremfamiliæ, sed seuerissimum sentiet iudicem. Veniet Dominus serui illius in die qua non sperat, & hora qua ignorat, & diuidet eum, partemque eius ponet cum hypocritis: illic erit fletus & stridor dentium. Diuisionem eius dicit, omnimodam & perpetuam gratiæ spiritus sancti ablationem. Quod si neque nunc commiscetur animabus eam contaminantibus: at saltem adest his, qui semel ea sunt insigniti, expectans conuersionem ipsorum; tunc autem omninò & perpetuò alienabitur. Hoc

ipsum docet, ut sciant, quando non putatur Dominus, tunc eum esse venturum; & vigilantiam, ac sollicitudinis dispensatores admonet. Porro quod dicit, Diuidet eum; non quod gladio eum dissecet, sed à sanctorum consortio eum separet, & partem eius ponat cum hypocritis: cum his videlicet qui erant in agro, & qui molebant, & nihilominus derelicti sunt. Sæpè diximus, hypocritam aliud esse, aliud ostendere; sicut & in agro, & in mola idem videbatur facere quod Ecclesiasticus vir, sed exitus diuersæ voluntatis apparuit. Ut autem magis timeamus illud, quod ait, Diuidet eum; conuenit recordari ea, quæ à Daniele sunt dicta contra presbyteros malos: Quoniam angelus Domini, habens gladium, scindet te medium; scindens autem diuidet.

Notandum autem hoc loco primum est: vitam Christianam nihil aliud⁴⁴ esse, quàm quotidianam mortis, ac iudicii Domini meditationem; non illam, quæ in annos fit, aut in menses tantum; sed neque hanc quæ in dies: sed eam ipsam quæ in horas, iuxta hoc: De hora autem & die, à qua diabolus alios quidem per ambitionem, alios per auaritiam, alios per carnis voluptates, alios per vanam philosophiam, plurimos autem per hæreses abducere solet; ut, superfluis quæstionibus occupati, illius, quod caput est, obliuiscatur, & pereant. Quas minas nunc quotidianas videmus.

Secundò notandum: non hinc iuxta Marcionis & Manichæi dogma, con⁴⁵ iugia vel alimenta damnari: sed potius licitorum argui usum immoderatum. Præclare igitur facit mater sancta Ecclesia, quæ, etsi omni tempore matrimonia laudat; certis tamen temporibus ab illo abstinere iubet; ut tempore ieiunij & orationis: tempore tribulationum & angustiarum: tempore mysteriorum redemptionis nostræ, aduentus, passionis, gloriæ resurrectionis. Hinc illa D. Ambrosij quæstio: Quæramus, inquit, qua ratione, quàm diu ingrediebatur Noë in arcam. Hic ordo fuit ingredientium; ut primò ipse ingrederetur, & filij eius: inde eius vxor, & vxores filiorum eius; quando autem exierunt, commutatum sit. Nam scriptum est: Exiuit ipse, & vxor eius, & filij, & vxores filiorum eius. Et litera quidem significat in ingressu abstinentiam generationis; in egressu, generationis usum: tunc enim pater cum filiis prius introiuit, & filij cum parente, & postea vxor eius, & filiorum eius vxores; id est, non commiscetur sexus in introitu, commiscetur in egressu. Apertè igitur, velut ordine ipso ingressionis vocem quandam iustus emittit, tempus illud non esse concubitus & deliciarum, quo omnibus immineret interitus. Vnde in Euangelio Dominus ait, reprehendens, quod temporibus Noë ederent, & biberent, vxores ducerent, & filias nuptum traderent: & idè propter intemperantiam eorum superuenisse diluuium. Mœroris igitur tempus illud, non lætitiæ erat: & inde iustus consortio non delectabatur vxoris, vel filij iusti petebant copulam coniugalem. Quàm enim indecorum, ut, quo tempore viuentes morerentur, tunc perituri generarentur? Hæc Ambros. lib. de Noë & arca cap. 21. quæ stulta hæresis omnia confundit.

Notandum tertio: vanam esse hæreticorum fiduciam, quæ ex sola vo⁴⁶ catione & fide concipitur. Nam & hoc loco duo in agro sunt; & tamen vnus assumitur, & alter relinquitur: sic duæ in vno molendino; & tamen idè
cīs

eis euenit. Parum dico : duo in eodem lecto ; & tamen vnus assumitur, & alter relinquitur. Firmam igitur faciamus vocationem nostram bonis operibus nostris.

47. **N**otandum quartò : ad diem iudicij præparatione opus esse, quæ sit per vigilias, per orationes, per ieiunia, per omnem vitæ continentiam. Attendite, inquit, vobis, ne grauentur corda vestra crapula & ebrietate, & curis huius vitæ, & superueniat in vos repentina dies illa : tanquam laqueus enim superueniet in omnes, qui sedent super faciem omnis terræ. Vigilate itaque omni tempore, orantes, vt digni habeamini fugere omnia ista quæ ventura sunt, & stare ante filium hominis.

48. **N**otandum est quintò : docere Dominum, quòd Antichristo apparente, voluptates dominabuntur hominibus, & quòd multi in nuptias & voluptates dissoluentur liberiùs ; quemadmodum & illi, qui tempore Noë fuerunt, gigantes.

49. **N**otandum sextò : tristissimam futuram futuri iudicij faciem, dum res multum diuque secum coniunctæ, multisque cogitationibus obligatæ, subito disiungentur, etiam ex his qui in vno lecto iacere solebant, qualis est vir & vxor ; & alter quidem assumetur, alter relinquetur. Qui igitur diu secum semper viuere volunt, indiuisè in virtutibus ac bonis operibus simul se exercent.

50. **N**otandum septimò : omnes eos, quos Deus potestati nostræ vtcunque subiecit, conseruos nostros esse : & ideò cum omnibus benignè & humaniter agendum : scandalizandus nemo : abutendum nemine. Peccat autem in Deum, inquit Origenes, quicumque episcopus, qui non quasi conseruis seruus ministrat, sed quasi Dominus. Frequenter autem, & quasi amarus Dominus, dominans per vim, similis constitutus Ægyptiis, qui affligebant vitam filiorum Israël cum vi. Ergo memores esse debent verborum Christi, dicentis : Vos vocatis me magistrum & Dominum, & benè dicitis : sum etenim. Sicut ergo ego laui pedes vestros, & vos debetis alterutrū lauare pedes : exemplum enim dedi vobis ; vt, sicut ego feci, vos faciatis. Et illud : Principes gentium dominantur eorum, & maiores eorum potestatem exercent in eis. Inter vos autem non sic erit : sed qui vult inter vos esse primus, erit nouissimus. Audire autem oportet & Paulum dicentem : Cum possumus oneri esse, vt Christi apostoli, facti sumus paruuli in medio vestrum ; quemadmodum si nutrix foueat natos suos, sic desiderantes cupimus participari vobiscū non solum Euangelium, sed etiam animas nostras. Et non oportet conseruos percutere ; sed corripere inquietos : consolari pusillanimes : sustinere infirmos, & patientes esse ad omnes : quoniam seruos Dei non oportet litigare, sed mansuetum esse ad omnes, cum modestia docentem eos qui resistunt.

51. **N**otandum octauò : in quo statu aliquis capietur in morte, quæ nobis incerta est, in tali etiam statu præsentabitur in iudicio : ideò semper nos paratos esse oportet, ad eum expectandum.

Notandum

Notandum nonò: quanquam in commune nos ad indefessam vigi-
lantia curam adhortetur; specialem tamen populi principibus, id est episco-
pis, in expectatione aduentuque suo sollicitudinem Dominum mandare: hūc
enim seruum fidelem atque prudentem, præpositum familiae significat, com-
moda atque vtilitates commissi sibi populi curantem. Qui, si dicto audiens,
& præceptis obediens erit, id est, si doctrinae opportunitate & veritate infir-
ma confirmet: disrupta consolidet: deprauata conuertat, & verbum vitae in
æternitatis cibum alendæ familiae dispendat, atque hæc agens, hisque immo-
rans deprehendatur; gloriam à Domino, tanquam dispensator fidelis, & vil-
licus vtilis consequetur, & super omnia bona constituetur; id est, in Dei glo-
ria collocabitur: quia nihil sit ultra quod melius sit. Quòd si contuens lon-
gam Dei patientiam, quæ in profectum humanæ salutis extenditur, aduersum
conseruos insolescet, & seculi malis vitiisque tradet, præsentium tantum curā
in cultu ventris exercens, desperata die Dominus adueniet, eumque à bonis,
quæ sponponderat, diuidet, portionemque eius cum hypocritis in pœnæ æter-
nitate constituet: quia aduentum desperauerit: quia mandatis non obtem-
perauerit: quia præsentibus studuerit: quia vita gentium vixerit: quia de-
speratione iudicij commissam sibi familiam fame, siti, cæde, vexauerit.

QVAESTIONES EVANGELICAE S. AVGVSTINI. **P**RIMA: Quod 53
ait, Orate, ne fiat fuga vestra sabbatho vel hyeme; id est, ne impedimento
aliquo detineamini: quia & hyeme imbribus & frigore, & sabbatho, in quo
proficisci non licebat, impediabatur quis ab itinere: vel aliud, ne in tristitia
aut lætitia rerum temporalium quis inueniatur à die illa.

QVAESTIO SECUNDA: Quod Dominus dicit: Sicut enim fulgur exit
ab Oriente, & peruenit vsque ad Occidentem; ita erit & aduentus filij homi-
nis: Orientis & Occidentis nomine totum orbem significare voluit, per quē
futura erat Ecclesia, incipiente Euangelio ab Ierusalem, secundum illum sen-
sum quo dixit: A modò videbitis filium hominis venientem in nubibus.
Conuenienter enim Ecclesiam nunc fulgur nominauit, quod maximè solet
emicare de nubibus. Constituta ergo autoritate Ecclesiæ per orbem ter-
rarum clara atque manifesta, consequenter discipulos admonet, atque omnes
fideles, & qui in eum credere voluerint, ne schismaticis atque hæreticis cre-
dant. Vnumquodque enim schisma, & vnaquæque hæresis, aut locum suum
habet in orbe terrarum partem aliquam tenens: aut obscuris atque occultis
conuenticulis curiositatem hanc decipit. Ad quos pertinet quod ait: Si quis
vobis dixerit, Ecce hîc est Christus, aut illic; quod significat terrarum partes
& prouinciarum: aut in penetralibus, aut in deserto; quod significat obscu-
ra & occulta conuenticula hæreticorum. Quod ergo dixit, ab Oriente in
Occidentem peruenturum aduentum suum, contra illos valet, qui per terra-
rum particulas nominantur, & dicunt, apud se esse Christum. Quod autem
ait, Sicut fulgur; contra illos valet, qui occultè congregant, tanquam in pe-
netralibus, & paucos, tanquam in deserto; ad manifestationem quippe cla-
ritatemque pertinet Ecclesiæ fulguris nomen, significans etiam noctem vel
nubila seculi huius: tunc enim fulguris candor apparet.

QVAESTIO TERTIA: Quod Dominus dicit, Vbi fuerit corpus, illuc cō-
gregabuntur & aquilæ; id est, in cælum, quò hinc secum leuauit corpus in
homine

homine suscepto; quod etiam cadauer ideò appellatum est, quia moriturus hæc loquebatur. Illuc congregabuntur aquilæ; dictum est de spiritalibus, qui eius passionem humilitatemque imitando, tanquam de eius corpore saturarentur: corpus enim propter humilitatem pro nobis passionemque suscepit.

QVAESTIO QVARTA: Quod dixit, Ab arbore fici discite similitudinem; arborem fici, genus humanum intellige, propter pruritum carnis. Cum iam ramus eius tener fuerit; id est, cum filij hominum per fidem Christi ad spirituales fructus profecerint, & in eis honor adoptionis filiorum Dei diminuerit.

QVAESTIO QVINTA: De die autem illa & hora nemo scit, neque angeli cælorum, neque filius hominis, nisi solus pater; sicut scire Deus dicitur, etiam cum scientem facit. sicut scriptum est: Tentat vos Dominus Deus vester, ut sciat, si diligatis eum: non enim sic dictum est hoc, quasi nesciat Deus, sed ipsi sciant, quantum in Domini dilectione profecerint; quod, nisi tentationibus quæ accidunt, non plenè ab hominibus cognoscitur. Et, Ipsum tentat, pro eo positum est, quod tentari finit. Sic & cum dicitur Nescio, aut pro eo dicitur, quod non appropinquabat, id est, in disciplina & doctrina sua non agnoscit, sicut dictum est, Nescio vos: aut pro eo, quod utiliter nescientes facit, id quod scire inutile est. Ideò benè accipitur id quod dictum est, solum scire patrem, sic dictum esse, quia facit filium scire. Et quod dictum est, nescire filium, sic dictum esse, quia facit nescire homines, id est, non proderit eis quod inutiliter scirent.

Caput XXV.



CONTINVAT DIVINVS GVBERNATOR IN MARI MAGNO & periculoso, scopulisque pleno sua *πρὸς κελύσματα*, quæ eadem superiore capite latè fusèque pertractavit. Quanquam autem in hoc magno & spaciofo mari infiniti planè sint, ad quos quotidie allidamus, scopuli; tres tamen ex omnibus periculosissimi. Primus periculosus est scopulus mortis; sed longè periculosior extremi iudicii; periculosissimus autem æternæ damnationis: qui tamen nobis omnes prætergrediendi erunt. Nam & de morte videmus quid diebus singulis fiat, quum omnis generis homines ante oculos oraque nostra efferantur. Et de extremo iudicio Paulus clamat: Oportet nos manifestari ante tribunal Christi. De æterna autem damnatione ipse Dominus: Nisi, inquit, poenitentiam egeritis, omnes simul peribitis. Hi, inquam, scopuli omnibus nobis prætergrediendi erunt; felix autem ille, qui ad eos non alliserit: felix qui naufragium passus non fuerit. Periculosi scopuli; frequens etiam in hoc loco gubernatoris nostri Iesu Christi *κελύσματα*, hoc est, nautica acclamatio ac præmonitio. Ex hoc genere sunt illa, quæ de villico, à quo ratio exposcitur; quæ de seruis expectantibus dominum suum, donec reuertatur à nuptiis; quæ de talentis dicuntur. Ex hoc itidem genere est hoc idem *κελύσματα*, quod sequitur: Vigilate itaque, quia nescitis diem neque horam: pulcherri-
ma parabola nuptiarum ac decem virginum illustratum atque exornatum.

Et nos

Et nos igitur hanc nauticam in hoc mari cautionem, Deo duce, aggrediamur: sic enim vitam instituimus pascim: sic res mundi huius curamus, quasi nunquam morituri simus; quis autem scit, quid serus vespere vehat? Recordare nouissima, & in æternum non peccabis. Quemadmodum autem superiores parabolæ respondent illis, quorum vnus ex agro assumptus est, alter relictus; ita hæc quæ sequitur de virginibus, ad eos refertur, qui in vno lecto sunt, referente Lyrano. Quis igitur scopus est totius parabolæ? hic ipse, quem Christus Dominus proponit: In omni vita nostra vigilandum esse: cum, quando in illos tres periculosissimos scopulos nauis adducenda sit, planè ignoretur. Omnium ætatum certi sunt termini. habet pueritia suos fines: habet adolescentia: habet virilis ætas; totius autem vitæ nullus est certus terminus. Nihil certius morte, dixit quidam, nihil incertius die mortis. Nam cum vellet Deus nos omnes partes vitæ nostræ sibi conseruare, ideò nullam partem designauit, quæ voluptati, quæ opibus, quæ ambitioni sit seruiendum: eam igitur ob causam vigilandum esse censet. Sed in quo tandem constituta est hæc vigilia? num in eo, ne vnquam dormiamus? nequaquam: hoc enim fieri non potest. Statutum est enim hominibus semel mori: sed & hæc virgines omnes dormierunt & dormitauerunt. Num in eo, vt fidem Iesu Christi recipiamus, eamque sanam & integram vsque ad mortem conseruemus? est quidem hoc fundamentum eius vigiliæ: sed non in hoc sunt sita omnia: nam & hæc, quibus nunc clauduntur, fideles sunt. Ideò virgines, sponsæ etiam Christi; & tamen illud exaudiunt: Amen amen dico vobis, nescio vos. Num in bonorum operum, omnisque virtutis ac honestatis exercitio hæc ipsa vigilia constituta est? nequaquam. Et hæc ipsæ virgines habent lampades, habent oleum, habent ignem; & tamen illud exaudiunt: Non noui vos. Quid igitur est illud, in quo consistit hæc vigilia? In ea vita, quæ cum ea fide, illisque bonis operibus sit coniuncta, quæ non solum in hac vita lucere possint, sed etiam in futura: & quorum non tantum fructus tantisper maneat, dum dormimus, & dormitamus; sed etiam posteaquam dormierimus & dormitauerimus, vbi sponsus venit, vt remaneant in lampadibus nostris: nam hæc ipsæ virgines, habuerunt illæ quidem oleum; sed tale & tantum, quod durare tantum potuit, donec dormirent & dormitarent: at vbi euigilauerunt, iam amplius non sufficit. Sed quæ tandem hæc fides est? quæ tandem hæc talia opera, quorum fructus non in hac vita tantum luceat, sed in alia etiam? Quæ in fundamento temporali & momentaneo extruuntur ædificia, temporalia sint oportet: tantisper enim durent necesse est, quantisper ipsum maneat fundamentum; quo sublato, illa ipsa ruant oportet. Quæ autem in fundamento æterno extruuntur, & ipsa æterna sint oportet. Illa igitur fides, illa bona opera æternum manent, quæ in fundamento æterno & immortalis extructa sunt; illa autem, quæ in fundamento temporali & momentaneo ædificantur, illa etiam vt ad tempus durent necesse est. Momentanea & transitoria sunt, vita, virtus, opes, honores, dignitates, infamia, potentia. Qui igitur fidem, omnemque virtutem ita complexus est, vel vt vitam quam diutissimè conseruet suam, vel vt ipsius virtutis & honesti argumentum habeat, & vt hinc opes, honores, amicitias, clientelas, fidem, authoritatem, admirationem consequatur; vel vt saltem dedecus & infamiam effugiat; hic in fundamento ædificat momentaneo & transitorio; quo sublato, ipsa quoque auferri oportet. hic in arena ædificat.

De quibus

De quibus illud dictum est: Amen amen dico vobis, receperunt mercedem suam vitæ iucunditatem & suauitatem, consecuti sunt opes, dignitates, honores, appetuerunt eas: consecuti sunt plausus, acclamationes: historiarum monimenta exquisiuerunt, ea retulerunt. Ædificium ampliùs durare non potest, nisi quantum eius fundamentum durat. At quis ille est, qui in firmo & immutabili sua extruit ædificia fundamento? quis supra petram ædificat? solus Deus æternus & immutabilis est: sola vita æterna, cælestisque hæreditas æternum manet: sola charitas non deficit: aquæ multæ non poterunt extinguere charitatem. Illa igitur fides, illa pietas, illa virtus & honestas, immortale fundamentum manet, quæ in Deo, quæ in charitate fundatur, & quæ solo respectu vitæ illius, & hæreditatis æternæ suscipitur. Quisquis igitur ex perfecta Dei & proximi charitate, respectu æternæ vitæ & felicitatis consequendæ, fidem, pietatem, omnemque virtutem complexus est; ille in æterno ac immortalis fundamento suum extruxit ædificium: illius oleum cum hac vita non extinguatur: illius opera sequuntur eum: illius lucerna nunquam deficit. Hæc igitur est vera & propria vigilia, ad quam nos Christus Dominus cohortatur.

2 ERit igitur scopus totius parabolæ: nulli ætati, nulli parti vitæ esse confidendum, cum nescimus, qui dies, & quæ hora sit: sed semper in apparatu & ordine standum. Apparatum autem hunc, esse Fidem & opera bona; non ea, quæ temporalis alicuius boni consequendi causa suscipiuntur, sed quæ ex charitate Dei & proximi, consequendæ æternæ vitæ & hæreditatis causa exantlentur: talium enim fructus non in hac sola vita durat, sed etiam post finem & obitum suos sequitur cultores: Opera eorum, inquit, sequuntur illos. Hic scopus, hic finis est nostri *κελευσματος* nauticæ acclamationis. Ad eum autem scopum persuadendum sumit exemplum, in quo incredibilem quandam fructum eorum proponit, qui se in ea vigilia exercitauerunt; sumit autem & extremum damnum eorum, qui omnino eam vigiliam neglexerunt; ut ita propositis finibus atque exitu vtriusque, ac secum comparatis, quantum in vtroque mali vel boni sit demonstret. Sumit autem ad eam rem exemplum non confictum, sed ex ipso usu Hebraicæ gentis acceptum; exemplum per se lætissimum, ut rei acerbitas exempli iucunditate temperetur. Fuit mos hic apud Iudaicum populum in celebratione nuptiarum, ut vtriusque sponsus & sponsa haberent suum sodalitiū: habebat sponsus selectiores iuvenes atque æquales suos, qui amici vocabantur sponsi, omnes eodem & æquali habitu in gratiam sponsi induti. qui vestitus vocabatur nuptialis. Habebat itē sponsa æquales suas, simili exornatas modo. Mos igitur hic fuit, ut primū venienti sponso & sponsæ cum sodalitiū suo ad domum sponsæ, quod propter maiorem celebritatem ad noctem fiebat, ut sponsa item cum sodalitiū suo, veluti choro instituto, cum cantu & lucernis obuiam veniret, eum domo exciperet: in quam simul ingressi, reliquum nuptiarum in illis ædibus cum gaudio & lætitia exigerent. Iucundum hoc exemplum cohortationi præsentī accommodat Saluator noster. Ostendit regnum cælorum, hoc est, statum Ecclesiæ, vltimis illis extremi iudicii temporibus persimilem futurum, ac si simile quid in hoc nuptiarum genere eueniat; quod scilicet sponsa aliqua cum denario numero sodalitij sui, acceptis lampadibus suis, exiret obuiam sponso,

quòd illum quàm lætissimè & honorificentissimè exciperet. Eueniret autem ut sunt humana, quòd sponsus aliqua re præpeditus seriùs ad sponsam venerit; ita quòd in ea expectatione, & sponsa, & sodalitium sponsæ, utpote profunda nocte obdormirent, tum demum media nocte, ubi iam quasi desperatus esset aduentus sponsi, ipse adueniret, ipsaque sponsa, ac reliquæ virgines ad sui aduentum sponsi de somno excitatæ, ad ornatum suum lucernasque redirent, quòd sponsum honorificè exciperent. Contigerit autem, quòd in eo sodalizio dimidia quidem pars virginum prudentior & cautior esset, quæ, dum humana expendit, colligit secum, posse aliquid interuenisse, quod sponsum in itinere diutiùs remoretur, acceperit olei tantum, quòd non solum ad præfens lampadibus implendis sufficeret, sed etiam si sponsus fortè moraretur, exhausto oleo infundi possit. Aliæ autem virgines fatuæ, & parum prouidæ, dum casus hos non prævident, contentæ illo exiguo oleo quod in lampadibus esset, obuiam sponso prodeunt. Tum in eo casu atque mora, veniente sponso, hæ quidem quæ futuri temporis habebant rationem, promptè lampades suas exornare possent; illis autem dum oleum quærendum esset, quid eueniret? illæ quidem paratæ ingrederentur cum sponso ad nuptias, & perpetua lætitia cum eo perfruerentur; hæ autem miseræ, dum oleum quærunt, ab ea ipsa nuptiarum solennitate excluderentur. Similem quandam rationem vltimis diebus totius humani generis futurum similem progressum, similem exitum. Futurum enim, ut alij quidem homines ita prudenter, ita cautè vitam instituunt suam; ut tantum olei, fidei, ac bonorum operum præparent, siue citò, siue seriùs sponsus Iesus Christus aduenturus sit, semper prompti & parati ad eum accipiendum inueniantur; alij autem minùs temporis futuri prouidi, ut dum præsentia hæc tantum spectant, futuri autem exiguum habeant rationem, incauti & imprudentes planè opprimantur. Et ideo illi quidem à sponso in æternarum nuptiarum gloriam sint recipiendi; illi autem planè eijciendi ac excludendi. Hoc tali tam dispari ac tristi vtriusque exitu, ad eam vigiliam, de qua diximus, suos cohortatur, tam pulchro ad eam rem instituto exemplo: quod his verbis explicat: Simile est regnum cælorum, hoc est, huius militantis Ecclesiæ status: quæ ideo regnum cælorum dicitur, quòd ad illud regnum contendit, & omniratione aspirat. Simile igitur est decem virginibus, sodalizio sponsæ & sponsi: Iesus Christus est verus sponsus: Ecclesia Dei est sponsa: populus vniuersus Christianus sodalitium sponsi & sponsæ. Vocantur autem iuxta Hieronymum virgines idcirco, quia gloriuntur in vniuersus Dei notitia, & mens eorum idololatriæ turba non constupratur. Quod sodalitium exiit obuiam sponso & sponsæ. Tota enim hæc vita nostra nihil aliud debet esse, nisi apparatus quidam ad excipiendum sponsum, dum vltimis temporibus ad nos visitandos veniet. Innuat autem scriptura, nos debere occurrere Christo, hoc est, non inuito: non cum mœstitia diem mortis expectare; sed potiùs spontè erectum, dum tantus venit sponsus, libentissimè expectare. Nobis autem (Deum immortalem) quàm tristis, quàm molesta ea sponsi expectatio! Cur ita? vel quia non sumimus olei nobiscum tantum, quantum opus est: vel quia non amamus sponsum. In hoc igitur sodalizio constat quinque fuisse fatuas, quinque prudentes. Prudentiæ munus proprium est positum in prouisione temporis futuri: meritò igitur illæ prudentes dicuntur, quæ futuri habentes temporis rationem, non illud tantum oleum acciperent,

acciperent, quod præsentis sufficeret tempori, sed quod futuro etiam; fatuæ autem, quæ ad id solum respexerint, quod ante pedes fuit. Vtinam & nunc saltem quinque essent prudentes: sed ubi diligentius quis rem inspexerit, vix vnam & alteram nunc inuenias prudentem virginem. Quis enim nunc futuri temporis rationem habet? quis futuræ salutis? alio certè modo instituifsemus vitam nostram: occupamur mundo nos etiam ipsi sacerdotes. Et ostendit, in quo fatuæ fatuæ, in quo prudentes prudentes. Sed quinque, inquit, fatuæ, acceptis lampadibus, non sumpserunt oleum secum; prudentes autem acceperunt oleum in vasis suis cum lampadibus. Oleum boni operis est fructus, inquit Hilarius. sed & Christus Dominus indicat, cum dicit: Sic luceat lux vestra, ut homines videntes bona opera vestra, glorificent patrem qui in cælo est. Illi ergo non sumunt oleum secum, qui contenti præsentis lumine bonorum operum, laudis & gloriæ futuri temporis nullam habent rationem: illi sumunt oleum secum, qui præsentis quidem temporis paruum habent rationem, sed futuri tantum, ita, ut dictum est, spectant, siue per infamiam, siue per bonam famam, inquit Paulus. In oleo quoque, iuxta Bedam, læticia mentis exprimitur; qui autem non propterea gaudet, quod Deo intrinsecus placet, non habet oleum secum. Prudentes autem acceperunt oleum secum in vasis suis cum lampadibus, id est, læticiam bonorum operum in corde atque conscientia posuerunt, ut Apostolus dicit: Probet seipsum homo, & tunc in semetipso gloriam habebit, & non in altero. Mora sponsi, poenitentiae tempus. Notat hoc loco Hieronymus, non paruum debuisse esse spatium inter primum aduentum & secundum sponsi. Fit autem hoc primum, ut compleantur chori angelorum: ut malis hominibus spatium poenitentiae detur: ut longanimitas in peccatores declaretur: quia non statim puniunt, sed expectant. In hoc autem interuallo temporis moriuntur omnes, tam boni, quam mali. Quæ quidem mors signatur sic per dormitionem, quia ita facile excitabuntur à morte per Christum ad iudicium venientem, sicut homo vigilans excitat alium dormientem. Hinc autem magis augetur iusta damnationis causa in prudentibus, quod, cum tantum tēporis habuissent ad conquirendum oleum; omnem eam salutis occasionem prætermiserunt. Quamdiu nos Deus expectat, hæc nostra canities, istæ rugæ signum est. Dormitauerunt omnes & dormierunt. Stultus & insipiens simul peribunt, inquit Dauid, pariter omnibus moriendum est: ut enim introitus in vitam, ita & exitus nulla est differentia. Media autem nocte clamor factus est: quando grauissimus sopor est, quando securitas maxima. Scitis quæ media nox; illa ipsa, qua diues, multis bonis collectis, dixit: Epulare anima mea, habes cuncta bona. Tunc audit: Stulte, hodie anima tua à te repetetur; hæc autem quæ parasti, cuius erunt? Notat Hieronymus: Traditionem Iudæorum esse, Christum media nocte venturum, in similitudine Ægyptij temporis; vnde fuit traditio Apostolica, ut in vigilia Paschæ ante noctis dimidium populus non dimitteretur, sed expectaret aduentum Christi. Vnde Psalmista: Media nocte surgebam ad confitendum tibi propter iudicia iustitiæ tuæ. Vnde & in Ecclesia Matutinum cantatur apud Papistas tantum; non apud Græcos, Russos, Armenios item: nostri verò Euangelici stertunt. Clamor factus est. Scitis quis & quantus clamor ille, qui ad ima usque perueniet terræ: qui abyssos maris scrutabitur: qui ex hoc cinere omnium nostrum eleuabit ossa: Ecce, inquit,

sponsus venit, exite obuiam ei. Domine Iesu Christe, da, ut illa hora ad meam salutem, non autem ad confusionem meam de sepulcro exeam. Illumina oculos meos, ne vnquam obdormiam in morte; ne quando dicat inimicus meus, Præualui aduersus eum. Tunc surrexerunt omnes virgines illæ. Par est ratio mortis, par & resurrectionis: sed non par præmium. Et ornaverunt lampades suas per examen conscientia. Tum ea, quæ parua esse videbantur, maxima apparent. Tunc hic clamor & gemitus pauperum demum ante oculos consistit nostros: tum illi, qui se egregiè ornatos esse putabant, illa ipsa laude, illis hominum commendationibus nudos se esse, & omni ornatu destitutos inuenient. Qui hominibus placent, confusi sunt: quoniam Deus spreuit eos. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Deceperunt nos adulatores nostri; deceperunt ministri nostri, Philosophi, poëtæ, oratores nostri; lampades nostræ extinguuntur. Dicit enim iudex: acceperunt mercedem suam. Responderunt prudentes, dicentes: Ne fortè non sufficiat nobis & vobis; ite potius ad vendentes illos ministros ipsos vestros, illos adulatores vestros, illos qui puluinaria cubitis subiiciebant vestris, & emite vobis. Formidolosa dies, dicit D. Hieronymus, dum vnusquisque pro se formidabilis est: Si enim vix saluabitur iustus; impius vbi apparebit? Dum autem irèt emere, venit sponsus, & quæ paratæ erant, intrauerunt cum eo ad nuptias. Hic est finis creationis nostræ: hic ortus & natiuitatis nostræ: hic vitæ nostræ: hic redemptionis nostræ, hic vniuersæ vitæ nostræ, & laborum nostrorum, hic est fructus eius ad quam cohortamur vigiliæ. Et clausa est ianua. Misericordiæ primùm, deinde gloriæ, quæ ianua 1592. annis patet, & patet profusissimè. Venite ad me omnes. Nouissimè autem veniunt & reliquæ virgines, non empto oleo; idque ex triplici causa. Primùm, quod iam mercatores non sint: iam enim tunc non erunt nudi, quos vestias; non erunt esurientes, quos pascas. Iam absterget Dominus omnem lacrymam ab oculis sanctorum: iam non erunt amplius quos potentes opprimant. Magnificiamus hos mercatores: nam postea eos quæremus, & non inueniemus: deinde, iam moneta bonorum operum abrogabitur: hæc enim moneta bonorum operum valet in hac vita tantùm; in illa iam proclamabitur. Non enim, inquit Hieronymus, tunc noua patrabuntur opera, sed veterum reddetur ratio huius vitæ; contra quam sentiunt hæretici. hæc moneta est. Tertia est: iam mercatus desinet; mercatus autem iste, teste Nazianzeno, vita cuiusque est: quæ, quoniam incerta est, statim à principio mercandum est. Cùm igitur non inuenissent oleum, ad oleum misericordiæ confugiunt: clamant, Domine, Domine, aperi nobis. Verùm clausa est iam misericordiæ ianua. Amen dico vobis, nescio vos. Et tunc completum est illud, quod nuper diximus: Non omnis, qui dicit mihi Domine, Domine, intrabit in regnum cælorum. Tristis est vox ista, Non noui vos. A facie Domini mota est terra. de qua David: Auertente autem te faciem, turbabuntur, & in puluerem suum reuertentur. Triste est filio, non agnosci à patre. Non nouit autem illos, in quibus crucem suam, in quibus stigmata sua non videt: non nouit eos, qui membra eius, pauperes, viduas, orphanos, subditos, miseros, & calamitosos non norunt. Non noui, inquit vos; qui signa spiritus mei in vobis non video; qui meam imaginem non cognosco in vobis. Non potestis meorum militum præmia accipere, qui tyranni vexilla

ni vexilla portastis: non possum meos dicere, in quibus meum nihil cognosco. Hic igitur exitus utraque virgines consequutus est, hæc vigiliæ præmia, hæc ignaviæ poena; hæc nos similia manent, mutatoq; nomine de nobis fabula narratur. Nemo igitur sibi de sua vocatione, de sua fide blandiatur: nemo se dicat gratia dignum esse: nemo multum præsumat: bona opera futuræ hæreditatis causa suscipiamus, ut illa in altera vita reperiamus. Vigilate itaque, quia nescitis diem neque horam, dicit Saluator noster.

2 **N**otandum primum est in parabola virginum: nihil certius esse aduentu sponsi; hoc autem est, die mortis & iudicii: nam & istæ non ignorabant sponsum venturum; tempus autem aduentus eius planè ignorabant: ideo dormitauerant omnes, & dormierant. Atque ob eam causam, annotante D. Augustino, omnibus ferè rerum futurarum denunciationibus, addimus eam particulam, Fortassè. Sic enim dicimus: Fortassè viuemus: fortassè nubemus: fortassè diuites erimus. neque autem est, qui dicat, Fortassè moriemur: & si dicat, ridiculus videbitur.

3 **N**otandum secundò: vnumquemque pro operibus suis mercedem recepturum; neque in die iudicii aliorum virtutes, aliorum defectus subleuatos. Et quomodo, tempore Babylonæ captiuitatis, Ieremias peccatores iuuare non potuit: & dicitur ad eum, Ne oraueris pro populo isto; sic formidolosa erit dies illa, cum vnusquisque pro semetipso sollicitus erit: vix enim sibi ipsi quisque ad salutem sufficiet, eò quòd in multis delinquat, etiam is, qui plurimum virtuti deditus est. Errat igitur Calvinus, & cæteri Græci, qui orationes pro mortuis, non ad eos qui in purgatorio sunt, sed ad illos, qui in futuro iudicio sistentur, referri volunt.

4 **T**ertiò deplorat Euthymius hoc loco: Heu, inquit, post tantos labores, post tanta certamina, post tanta trophæa, quæ virgines hæ aduersus insanientem naturam erexerant, repudiatae sunt propter eleemosynam; & meritò: Nullus enim immisericors, familiaris esse potest misericordie Christo.

5 **N**otat quartò Euthymius: non esse contrarietatem in hoc capite: quod enim inferiùs primum abeunt peccatores in supplicium æternum, deinde iusti in vitam æternam: hoc verò loco contrarium apparet: ingressus primum prudentibus virginibus, postmodum reprobatae esse fatuas. Illud siquidem exactè tractat de ordine; hoc autem aliud habet intentum, quòd videlicet neque virginitas saluabit, non habens sibi coniunctam etiam eleemosynam; & quòd vnus virtus alij tunc non proderit, quòdque tunc motus ad virtutem vanus erit. Item, quòd, licet plurimum deprecentur, qui condemnati sunt, nequaquam flectent iudicem. Cætera verò omnia nullo delectu composita sunt, ut probabilis fiat parabola.

6 **N**otandum quintò: bis hoc loco Calvinum fallere. primum, cum dicit, Papistas docere, virtutibus nostris, vel industria, acquiri perseuerantiæ donum. nam hoc ipsum nemo ex Papistis docet, nisi præsupposita gratia, & adiutorio diuino; quòd in omnibus facimus. Deinde, cum docet, verbo Emendi nequaquam

quaquam precium denotari: cum id falsum sit, & cum usu communi dicendi pugnet. Nam quod locum Isaia adfert: Venite & emite sine argento: is ipse locus contra illum pugnat. Cur enim, Sine argento, adderet, si emptio gratis fieret.

Secundæ parabolæ de talentis idem est scopus. Hoc vnum superaddit, 7 non tantum vigilandum esse, ut ex nobis ipsis, actis, & dictis nostris rationem reddere possimus: sed addit etiam, ut ex omnibus donis & bonis Dei, quibus affatim homines cumulantur, rationem Deo reddamus. Ut autem prior illa parabola de patrefamiliâs, ad eos, qui in magistratu, referenda est; secunda de virginibus, ad contemplatiuos: ita hæc tertia ad eos, qui magnis opibus, siue ingenij, siue doctrinæ, siue scientiæ diuinæ, siue linguarum, siue diuitiarum imbuti ac cumulati sunt, iuxta Paulum: Alij quidem datur per spiritum sermo sapientiæ: alij autem sermo scientiæ, secundum eundem spiritum: alij fides in eodem spiritu: alij gratia sanitatum in vno spiritu: alij operatio virtutum: alij prophetia: alij discretio spirituum: alij genera linguarum: alij interpretatio sermonum. Et ad Ephesios: Quosdam quidem dedit apostolos, quosdam autem prophetas; alios verò Euangelistas, alios autem pastores & doctores. Dicuntur autem hæc talenta, quia per bonum usum talium, potest homo sibi acquirere cæleste præmium. Sententiam & argumentum explicat eius parabolæ D. Gregorius: Lectio, huius Euangelij, inquit, considerare nos admonet, ne nos, qui plus cæteris in hoc mundo accepisse aliquid cernimur, ab autore mundi grauius inde iudicemur. Cum enim augentur dona, rationes etiam crescunt donorum. Tantò ergo esse humilior, atq; ad seruiendum Deo promptior quisque debet ex munere, quântò se obligatiorem esse conspicit in reddenda ratione. Ecce homo, qui peregrè proficiscitur, seruos vocat, eisq; ad negotium talenta partitur. post multum verò temporis, positurus cum eis rationem, reuertitur: benè autem operantes, pro apportato lucro remunerat; seruum verò, à bono opere torpentem, damnat.

Partes parabolæ eximiè interpretatur D. Hieronymus: sed iuuat prius 8 expendere cum Patribus sanctis, quæ sit patris istius familiâs peregrinatio. Et profectus est, inquit: sicut enim de vinea dixit, quod locauit eam agricolis, & peregrè profectus; ita dicit & nunc, ut discas longanimitatem, quomodo non continuo repetat. Quidam autem peregrinationem dicunt Saluatoris, esse in cælum assumptionem, ut Hilarius: Peregrinationis, inquit, tempus, poenitentiae spatium est, quo in cælis à dextris Dei assidens, potestatem vniuerso humano generi fidei, atque Euangelicæ operationis permittit. Igitur vnusquisque secundum fidei suæ mensuram, talentum, id est Euangelij prædicationem, à prædicante suscepit. Hæc enim incorrupta substantia est: hoc Christi matrimonium, æternis hæredibus reseruat. Gregorius item: Carnis, inquit, proprius locus est terra; quæ, quasi ad peregrina ducitur, dum per redemptorem nostrum in cælo collocatur; qui tamen proficiscens, fidelibus suis spiritalia dona concessit. Sicut homo peregrè proficiscens, vocauit seruos suos, & tradidit illis bona sua. Et vni dedit quinque talenta; alij autem duo, alij verò vnum: vnicuique secundum propriam virtutem, & profectus est statim. Hieronymus, Homo iste, inquit, paterfamiliâs, haud dubiū, quin

quin Christus sit, qui ad patrem post resurrectionem victor ascendens, vocatis Apostolis, doctrinam Apostolicam tradidit; non pro largitate & paritate, alteri plus, & alteri minus tribuens, sed pro accipientium viribus; quomodo & Apostolus eos, qui solidum cibum capere non poterant, lacte potasse se dicit. Denique & illum, qui de quinque talentis decem fecerat, & qui de duobus quatuor, simili accepit gaudio, non considerans lucri magnitudinem, sed studij voluntatem. In quinque, & duobus, & vno talento, vel diuersas gratias intelligamus (quæ unicuique traditæ sunt) vel in primo omnes sensus examinatos: in secundo, intelligentiam & opera: in tertio, qua homines à bestiis separamur, rationem. Qui autem accepit quinque talenta, & ea duplicat, ille est, qui, acceptis terrenis sensibus, cælestium sibi notitiam duplicat, ex creaturis intelligens creatorem, ex corporalibus incorporea, ex visibilibus inuisibilia, ex breuibus æterna. Abiit, inquit, qui quinque talenta acceperat, & operatus est in eis, & lucratus est alia quinque. Ille autem, qui duo, pro viribus, quidquid in lege didicerat, in Euangelio duplicauit, siue scientiam, & opera præsentis vitæ, futuræ beatitudinis typos intellexit. Similiter, qui duo acceperat, lucratus est alia duo. Qui autem vnum acceperat, abiens fodit in terram, & abscondit pecuniam Domini sui. Nequam seruus, abiens in terram defodit; hoc est, terrenis operibus, & seculi voluptate, Dei præcepta neglexit, & polluit. quanquā in alio Euangelista scriptum sit, quod in sudario ligaue- rit; id est, doctrinam patrisfamilias, molliter & delicatè viuendo, eneruauerit. Gaudium autem, ad quod viles serui vocantur, est incessabile gaudium, quod habet Deus exhilaratus in operibus suis, vt inquit Dauid: quo simili gaudio latantur sancti in operibus suis; quemadmodum peccatores tristantur in his quæ fecerunt, ac poenitentiam agunt. Seruo malo, & pigro, quod putauerat se pro excusatione dixisse, in culpam propriam vertitur. Seruus autem malus appellatur, quia calumniam Domino facit: piger, quia noluit talentū duplicare; vt in altero superbiæ, in altero negligentia condempnetur. Sed, inquit, durum & crudelem me esse noueras, & aliena sectari, ibique metere vbi non seuerim; quare non tibi istiusmodi cogitatio incussit timorem, vt scires, me mea diligentius quæsiturum, & dare pecuniam meam, siue argentum meum, nummulariis? Vtrumque enim *ἀργύριον* Græcus sermo significat. Eloquia, inquit Domini, eloquia casta, argentum igne examinatum, probatum terræ, purgatum septuplum. Pecunia ergo & argentum, prædicatio Euangelij est, & sermo diuinus, qui dari debuit nummulariis, & trapezitis, id est, vel ceteris doctoribus (quod fecerunt & Apostoli, per singulas prouincias presbyteros & episcopos ordinantes) vel cunctis credentibus, qui possunt pecuniam duplicare, & cum vsuris reddere; vt quidquid sermone didicerant, opere explerent. Durum autem vocat Dominū, quemadmodum & nunc duri præceptores appellantur, qui honesta iubent; Calvinistæ præsertim, durum esse dicentes, obedientiam ab hominibus requirere, quibus hoc Deus non inseruit, vt pareant, neque inseruit ipsis parendi facilitatem: hoc enim significat, Metis vbi non seminasti; hoc est, quod non inseruisti, requiris. Et inutilem seruum eijcite in tenebras exteriores, illic erit fletus, & stridor dentium. Dominus lumen est; qui ab eo foras mittitur, caret vero lumine.

9 Notandum primò: omnia ea, quæ habemus, dona Dei esse; quod D.
Ss 4 Paulus

Paulus latiùs docet; Quid, inquit, habes, quod non accepisti: quòd si accepisti, quid gloriaris, quasi non acceperis?

Notandum secundò est: ea dona, quæ nobis diuinitùs conceduntur, non tam nobis dari, quàm apud nos deponi. & ideò hæc à nobis cum ratione repetenda esse. Vnde alio loco: Auferte, inquit, ab illo, & date habenti.

Tertiò notandum est: ea dona, quæ nobis diuinitùs dantur, non tam nostra causa plerumque, quàm proximorum causa dari: nec tam nostra esse, quàm Ecclesiæ Dei, & proximorum nostrorum: & ideò causam nullam subesse, cur ob ea superbiamus.

Notandum quartò: eam esse naturam bonorum, quòd paritate exhauriantur, ac euanescent prodigalitate, & profusione crescant, augeantur, & cumulentur. Qui igitur plurima illorum in proximos effuderit, plurima depofuit; qui absconderit, fumi instar euanescere fecit. Absit igitur inuidia, absit desidia, absit pigritia.

Notandum quintò: talenta hæc, cum authore Imperfecti operis, pulchrè ad sacerdotum ministeria posse referri. Eius verba sunt: Statim abiit, qui quinque talenta acceperat, & lucratus est alia quinque. De talento agnitionis Christi, acquisiuit vnam iustitiam, benè viuendo. De presbyterio autem ipso, acquisiuit iustitiam, sollicitè præsidendo Ecclesiæ. De verbo acquisiuit iustitiam, verbum veritatis synceriter prædicando. De baptismo lucratus est, secundum Christi regulam baptizando, & dignos filios cum iudicio Ecclesiæ acquirendo. De sacrificio acquisiuit iustitiam, tam mundum & immaculatum sacrificium populo offerendo, & pro peccatis populi exorando. Similiter & ille, qui duo talenta accepit, lucratus est alia duo; id est, duas iustitias: vnam, benè viuendo, quam acquisiuit à fide Christi: alteram, synceriter ministrando, quam fecit ex ministerio diaconatus.

Notandum sextò: nihil interesse ad necessitatem salutis, vtrum quis plura ista dona habeat, an pauciora; modò his, quæ habet, rectè vtatur: nam eadem præmia refert, eadem reprobationem, ille qui accepit quinque talenta, & qui duo. Et ideò neque conuestionis, aut deiectionis animi est locus vllus illis qui acceperunt: quia paucorum etiam rationem reddet, & quòd hæc ipsa non tam meriti sunt, quàm gratiæ: quis enim primus dedit ei, & restituetur ei. Sed ne inuidiæ quidem locus vllus est, quia hæc in communem vtilitatem dantur: neque item illi, qui plurima acceperunt, est vnde superbiant, aut alios contemnant, cum & communia sint bona, & hæc ex beneficio potius dentur, quàm ex merito. Licet autem patrifamiliàs facere cū suo quod vult; ne illud audiat: Quia oculus tuus nequam, ego autem bonus sum.

Septimò notat Hieronymus: grande tempus esse inter ascensionem Saluatoris, & secundum aduentum. Si autem Apostoli reddituri sunt rationem; quid nos oportet facere?

16 **O**ctauò notandum: quòd omnia, quæ in præfenti habemus, licèt magna videantur; & tamen plurima, comparatione futurorum, pauca & parua sunt. Intra, inquit, in gaudium Domini tui, & suscipe, quæ nec oculus vidit, nec auris audiuit, nec in cor hominis ascendit. Quid autem potest maius dici fidei seruo, quàm esse cum Domino, & videre gaudium Domini sui?

17 **N**otandum nonò: verè quod scriptum est, ad excusandas excusationes in peccatis, etiam huic seruo contigisse; vt ad pigritiam & negligentiam superbiæ quoque crimen accederet. Qui enim simpliciter debuit inertiam confiteri, & orare patrem familiars; è contrario calumniatur, & dicit, se prudenti fecisse consilio; ne, dum lucra pecuniæ quæreret, etiam de sorte periclitaretur.

18 **D**ecimò notandum: tolli argentum, & dari ei, qui decem talenta fecerat; vt intelligamus, licèt in vtriusque labore æquale sit gaudium Domini (hoc est, & eius, qui quinque in decem duplicauerat, & eius, qui duos in quatuor) tamen maius deberi præmium ei, qui plus in Domini pecunia laborarit. Vnde dicit & Apostolus: Presbyteri honore duplici digni sunt, maximè qui laborant in verbo & doctrina.

19 **V**ndecimò notandum cum Hieronymo: ex eo, quod malus seruus ausus est dicere: Metis vbi non seminasti, & congregas vbi non sparsisti: intelligi, etiam gentilium & philosophorum bonam vitam recipere Dominum, & aliter habere eos, qui iustè, aliter, qui iniustè agant, & ad comparationem eius qui naturali legi seruiat, condemnari eos, qui scriptam legem negligant.

20 **D**vodecimò notandum: quòd multi, cùm sint sapientes naturaliter, & habeant acumen ingenij, si fuerint negligentes, & desidia bonum naturæ corruerint, ad comparationem eius, qui paululum tardior, labore & industria compensauit quod minus habuit, perdunt bonum naturæ, & præmium, quod eis fuerat repromissum, vident transire ad alios. Quo loco præclare D. Chrysostomus: Qui doctrinæ gratiam ad vtilitatem aliorum accipit, ac vtitur ea, gratiam quoque ipsam omninò perdit; qui autem studiosè ac sedulò vtitur, hic maiorem gratiam ita impetrabit, quemadmodum ille vel quod accepit amiserat. Potest & sic intelligi: ei, qui fidem habet, & bonam in Domino voluntatem, etiam si quid minus in opere, vt homo, habuerit, dabitur à bono iudice: qui autem fidem non habuerit, etiam cæteras virtutes, quas videbatur naturaliter possidere, perdet. Et eleganter etiam, quod videtur, inquit, habere, auferetur ab eo. Quidquid enim sine fide Christi est, non ei debet imputari, qui malè eo abusus est; sed illi, qui malo etiam seruo naturæ bonum tribuit.

21 **N**otat tredecimò Origenes: Si quando, inquit, videris aliquem, qui virtutem quidem aliquam acquisiuit, & animas quantumcunque prolificatam, & hanc virtutem occultat; vt tantummodò tradat verbum nudum, quod ei creditum est, & accepit à Domino suo, & viuit in obscuris, multis ignotus, etiam magna peccata habentibus, & non se profert in bono, quod à Deo accepit; quamuis

pit; quamvis habeat quandam religionem conversationis, non vituperabile multis, non dubites dicere, eum talem esse, qui vnum talentum accepit, & abscondit in terra.

Notandum quartodecimò: Si dona Dei, quæ in nobis sunt, in utilitatem 22 proximi non conferre, exitium est, quanto magis aliena oppugnare, non alere, sed præ inopia extinguere, pati, impedire, ac nonnunquam per vim & potentiam obruere. Quod, quid aliud est, quam solem de cælo auferre?

Notandum quintodecimò: plerumque illa dona, quæ mundo illustriora 23 esse videntur, minora sunt; quale est donum scientiæ, donum linguarum, donum prophetiæ ac miraculorum; quàm ea dona, quæ mundus despicit ac refugit, humilitatis, obedientiæ, mansuetudinis, castitatis, & id genus alia.

Notandum sextodecimò: quem argumenta deferunt, & qui nihil habet 24 solidum, quo se tueatur, eum plerumque ad maledicta & conuitia confugere; quod nunc seruus iste nequam facit, & hæretici semper faciunt.

Notandum decimosseptimò: eum, qui accipit gratiam aliquam, ad id, ut 25 alteri profit, neque eo ad eam rem utitur, & id amittere. Qui autem multo studio id impendit, longè plura acquirit, & hoc ipsum, quod illi datum est, conferuat.

Persequitur superiorem, quam coeperat, extremi iudicii historiam, ac ea, 26 quæ tribus parabolis quasi delinearat, nunc re ipsa, qualia futura sint, demonstrat; ut & parabola rem illustrent, & res ipsa parabolas exponat. Proponit igitur in primis iudicem: proponit iudicandos, eorumque differentiam: causam omnium proponit: decreta iudicis proponit, & exitum iudicatorum: idque aptissime & maxime suo tempore. Post biduum enim Pascha facturus, & tradendus cruci, & illudendus ab hominibus, & aceto ac felle potandus; rectè præmittit gloriam triumphantis, ut secutura scandala pollicitationis præmio compensaret. Et notandum, quod, qui in maiestate cernendus est, filius hominis sit. Post quem sermonem, quo, se venturum in reditu claritatis ostenderat, nunc passurum se esse admonet; ut sacrificium crucis admixtum esse gloriæ æternitatis agnoscerent. Est autem vltima hæc obsignatio vniuersi Euangelij, totius doctrinæ Christi; utpote ad quam referenda sint omnia nobis, & cuius causa nati ac producti sumus. Vltima dramatis catastrophe, de qua illud Moysis Deutor. 6. rectè dici potest: Eruntque verba hæc, quæ præcipio tibi hodie, in corde tuo: & narrabis filiis tuis: & meditaberis, sedens in domo tua: & ambulans in itinere: dormiens, atque consurgens: & ligabis ea quasi signum in manu tua: eruntque & mouebuntur inter oculos tuos, scribesque ea in limine, & ostiis domus tuæ. Quis igitur, & qualis iudex futurus sit, audiamus: Cum venerit filius hominis in maiestate sua. Idem filius Dei, qui & filius hominis, tunc veniet in maiestate sua, ut iudicet, qui venit in humilitate, ut iudicaretur. Quemadmodum enim criminosas personas iudex auditurus in publico, tribunal suum collocat in excelsis: circa se constituit vexilla regalia: ante conspectum suum ponit super mensam calliculam, vnde 27

in Matthæum Lib. III. Cap. XXV. 491

tribus digitis mortem hominum scribat, aut vitam: hinc inde Officiales ordinatè consistunt: in medio secretario ponuntur genera horrenda pœnarum, quæ non solum pati, sed & videre, tormentum est. Stât iuxta parati tortores, crudeliores aspectu quàm manibus. Tota iudicij facies cuiusdam schematis terrore vestitur: & cum ad medium productæ fuerint criminosa personæ, ante interrogationem iudicis, ipsius iudicij terribili discutiuntur aspectu. Similiter & Dominus se ad iudicium venturum promittit, similiter cum tremore, non cum simili terrore. Nam & bona & mala similiter ordinata sunt in terra, sicut in cælo; non tamen similia. Ergo videntes in terra pœnas, & glorias, non similes putare debemus in cælo: sed cum sint talia super terram, multo maiora suspicari debemus in cælo. Quantum enim Deus distat ab homine, tantum cæleste iudicium à terreno. Et omnes angeli cum eo. Angeli venient tanquam custodes & testes vitæ nostræ, rationem custodiæ suæ reddentes, & bonos quidem iudici commendantes illis verbis: Isti sunt, qui venerunt ex magna tribulatione, & lauerunt stolas suas in sanguine agni. malos autem accusantes illis Ieremiæ verbis: Curabamus Babylonem, & non est sanata. Et non angeli tantum, sed sancti etiam omnes cum Domino venient: Dominus, inquit, ad iudicium veniet, & omnes sancti eius cum eo. Nemo tamen securus, omnes de se solliciti: cum virtutes etiam cælorum moueri debeant. Excelsa, inquit Ecclesiastes, timebunt, & formidabunt in via, & custodes commouebuntur. Tunc sedebit super sedem maiestatis suæ; id est, regnabit super sanctam & gloriosam Ecclesiam suam. de qua scriptum: Sedes tua, Deus, in seculum seculi. Dicit autem venturum filium hominis: quia pater non iudicat quenquam, sed omne iudicium dedit filio, quia filius hominis est; hoc est, ex parte humanæ naturæ; vt, quemadmodum honorificant patrem, ita honorificent & filium. Cuius causam exponit Iob cap. 36. Causa tua, inquit, quasi impij iudicata est. Causam igitur, iudiciumque recipies; vt, qui iniuste iudicatus est, iuste iudicet; non vt seruus, non vt instrumentum (quod improba mentitur Ariana hæresis) sed tanquam rex excelsus, super omnes reges terræ: ideo additur, In maiestate sua. Quemadmodum enim in transfiguratione eius, etiam si secundum humanitatem transfiguratus esset, maiestatem tamen diuinitatis suæ latere noluit; ita & tunc, etiam si in forma serui iudicabit, Deum tamen se verum esse, omnibus testabitur. Non aliam autem eam maiestatem futuram, quàm eam, quæ patris est, per id quod sequitur, demonstrat: Et omnes angeli cum eo, qui quotidie astant ante faciem patris eius. Sedebit autem super sedem maiestatis suæ. Signum illud, cui contradicendum est, qui natus erat ad resurrectionem, & ruinam multorum. Tunc videbunt Iudæi, in quem transfixerunt: Pagani, gentiles, quem in membris persecuti sunt: hæretici, quem blasphemis linguis prosciderunt. Deus Dominus apparebit nobis, & plangent super eum omnes tribus terræ. Descripto iudice, proponuntur illi qui iudicandi sunt, eorumque differentia. Et congregabuntur, inquit, ante eum omnes gentes, & separabit eos ab inuicem, sicut pastor segregat oues ab hœdis. Quomodo autem hic non verus Deus, dicat Ariana impietas, ad quem omnes gentes congregabuntur. non dubium est, quòd non ab aliis, quàm ab angelis. Congregabuntur autem, partim ratione loci, partim ratione sensus. Ratione loci, idque duplici sensu: vel enim in vnum locum congregabuntur omnes, iuxta illud Ioël. 3. Congregabo omnes gentes

gentes in circuitu, & deducam eas in vallem Iosaphat, ubi Dominus passus esse dicitur; ut, qui nolebant agnoscere redemptorem, agnoscant iudicem: vel congregabuntur non quidem in vnum locum, sed quisque in suo loco vno & eodem tempore iudicem suum, iuxta Origenem, videbit: cuius tanta erit maiestas, ut in omnibus locis à se remotissimis conspici possit. Quod D. Matthæus indicat: Sicut, inquit, fulgur exit ab Oriente, & apparet usque in Occidente; sic erit & aduentus filii hominis: quomodo item, orto sole, vniuersi mortales ad eum congregati dicuntur, etiam si non in vno, nec eodem loco. Congregabuntur item secundum eundem sensum. Nam quemadmodum nunc disgregati sunt alij Iudæi, Pagani alij, Hæretici alij; & ex his alij Ariani, alij Nestoriani: omnes tunc sensus isti desinent, cum videbunt eum omnes sicuti est, nullaque amplius restabit de illo dubitatio, vitæ ac morum omne examen erit, in locum fidei sensus succedet. Sed quomodo congregabuntur omnes? cum scriptum legamus Ioan. 3. Qui non credit, iam iudicatus est. Et Ioan. 5. Amen amen dico vobis, qui verbum meum audit, & credit in eum, qui misit me, habet vitam æternam, & in iudicium non veniet, sed transibit à morte ad vitam. Dicimus igitur, iudicii futuri duas partes futuras: vnâ, Meritorum excussionem: alterâ, Scientiæ receptionem. Prioris causa, infideles non stabunt in iudicio, quia iam iudicati sunt, iam merita illorum expensa. Inde David: Non resurgent impij in iudicio; hoc est, non resurgent ut iudicentur, sed ut puniantur: sed fideles tantum posteriores stabunt omnes, ut vnusquisque accipiat prout gessit in vita sua; sancti autem perfecti sistuntur in iudicio, non tam ut iudicentur, quam ut iudicent. Sedebitis, inquit, iudicantes duodecim tribus Israël: & ut accipiant coronas & palmas pro vita sanctæ & innocenter transacta. Duo erunt itaque ordines hominum in iudicio collectorum; qui tamen in quatuor diuidentur. Perfectorum ordines duo sunt: vnus, qui cum Domino iudicabit, & non iudicabitur: de quibus Dominus ait, Sedebitis & vos super sedes duodecim: alius, quibus dicetur: Esuriui, & dedistis mihi manducare; hi iudicabuntur, & regnabunt. Item reproborum ordines duo sunt: vnus eorum, qui extra Ecclesiam inueniendi sunt; hi non iudicabuntur, sed peribunt. de quibus Psalmista ait: Non resurgent impii in iudicio. Alter quoque reproborum est, eorum qui iudicabuntur, & peribunt: quibus dicetur, Esuriui, & non dedistis mihi manducare. & separabit eos ab inuicem, sicut pastor segregat oves ab hædis: de solis Christianis loquitur hic sermo. Separabit autem illos, vel per conscientiam ipsorum; quæ eadem illos separabit, nullo separante, ac testimonium contra illos perhibente, eosque accusante. docet D. Paulus, & post Paulum Origenes. Vel ministerio angelorum, iuxta Augustinum, iuxta parabolam zyzaniorum: Colligite primum zyzania, & alligate ea in fasciculos ad comburendum; triticum autem congregate in horreum meum. Vel per manifestationem filii Dei, lumenque diuinitatis eius, propter quod omnes ad intellectum veniunt earum rerum, quas gesserunt in vita sua, siue bonas, siue malas. Segregabit autem illos, veluti pastor, qui segregare solet oves ab hædis: nunc enim homines misti sunt, & non solum misti, sed etiam iusti cum impijs confusi; ita, ut inter iustos & impios, quantum ad homines, discretio non facile appareat. Sicut in tempore hyemis, inter virides & aridas arbores discretio non est, cum autem venerit tempus vernale, discernuntur; ita tunc vnusquisque secundum fidem suam, & secundum opera

opera sua manifestabitur; impiis quidem nulla proferentibus folia, nullum ostendentibus fructum; sancti autem & foliis vestientur vitæ æternæ, & fructibus ornabuntur gloriæ. Oves autem sunt homines iusti, propter mansuetudinem, quia ipsi neminem lædunt: propter patientiam, quia, cum ab aliis læsi fuerint, sustinent. Et sicut oves, quando ligantur, aut tacent, aut in simplicitate balant; sic & sancti, cum læduntur, aut tacent, aut certè, in benignitate probati, preces transmittunt ad Deum. Et sicut ovis ad mortem ducitur, & non clamat: vita eius tollitur, & mansuetudo eius non immutatur; sic & sancti maledicuntur, & non remaledicunt: percutiuntur, & non reperiunt: bona eorum diripiuntur, & illi non contradicunt: dolorem sentiunt, & clamorem non emittunt. Et quid opus est clamoribus, cum ille qui nocet, non misereatur, etiam si clamaueris? ille autem, qui misericors est, misereatur, etiam si non clamaueris, audit & videt. Hædos autem homines peccatores dicit, quia in capris naturaliter hæc insunt vitia: Libido præ cæteris animalibus, superbia, rixa. Semper enim percutientes se incedunt, & modò humero pulsante, interdum cornu percutiunt. Item invidi sibi alterutrò invident; sicut significat Salomon de invidis, dicens: Sicut capra, sic aspicit ruinam proximi sui. Item iactantes sunt, & glorientes; sicut idem significat Salomon, dicens: Tria sunt quæ securiter ambulant: leo inter iumenta, gallus inter gallinas, & hircus præcedens capras. Item capræ multum trahuntur concupiscentia gulæ: propter gulam namque suam per saxa & præcipitia ambulant, & super præcipitia se suspendunt. Item clamoribus super omnia garrulæ. in omnibus his vitiis peccatores abundant, & ideò hædis sunt assimilati. Nec dixit, capras, inquit D. Hieronymus, quæ habere possent foetus, & tonsæ egrediuntur de lauacro, omnes gemellis foetibus, & sterilis nulla inter eas: sed hædos, lascivum animal & petulcum, & feruens semper ad coitum, & quod pro peccatis offerebatur in lege. Et statuerunt oves quidem à dextris suis, hædos autem à sinistris. A dextris, de quibus aliquando prædixit Salomon: Viæ quæ à dextris sunt, novit Dominus: peruersæ verò sunt, quæ sunt à sinistris. Beatam autem dexteram istam, de qua David: Delectationes in dextera tua usque in finem. Admirabilis rerum conuersio, ubi illi, qui mansuetissimi agni videbantur, inter hircos constituentur, & quos nunquam hircos petulcos putabamus, inter oves mitissimas apparebunt. Quando autem aliquis ante conspectum regis aut iudicis introducit, ex ipso loco, ubi stare iubetur, intelligit, si propter bonum introductus est, aut propter malum: (si enim propter bonum, statim vocatur in proximo; si propter malum, longè stare iubetur) sic & istos deus iustos quidem ad dexteram constituet, & peccatores ad sinistram; ut unusquisque meritorum suorum conditionem ex ipsius loci qualitate cognoscat, & ante iudicii sententiam poenam confusionis excipiat. Tunc dicet Rex, nempe ille, de quo in Psalmo: Deus, iudicium tuum regi da, & iustitiam tuam filio regis: iudicare populum tuum in æquitate, & populos in iustitia. Dicet igitur rex. Verba regis audiamus omnes. Decretum sequitur, sententia salutis: Venite benedicti patris mei: venite benedicti, non mundi, non hominum, quorum fallaces sunt opiniones & iudicia, non sapientiæ carnis, quæ stulta est apud Deum: sed benedicti patris mei, laudati, electi, qui primò venistis per gratiam, nunc venite ad gloriam: cucurristis stadium, accipite brauium: vicistis, accipite coronam: superastis omnia, ferte palmas: cuius vestrae

ius vestrae gloriae non aliam putate causam precipuam, quam benedictionem patris mei. Benedicti vos à Domino, qui fecit caelum & terram. O vocem omni voce dulciorem! ô miseram sortem eorum, qui se tali voce destituerunt! Si enim triste fuit Esau, suam se amisisse benedictionem (auditis enim, sermonibus patris Esau irrugit clamore magno, & consternatus est, eiulatuq; magno fleuit) quanto tristior conditio erit eorum, qui exciderint ab hac benedictione patris sui? quid nasci profuit, si his vocibus caremus? Possidete, inquit, regnum tanquam paternum, tanquam debitum, tanquam prae paratum vobis à constitutione mundi. Haeredes facit regni, participesque suae gloriae, tanquam filios charissimos: Adite, inquit, haereditatem, adite paternam substantiam. Quomodo autem vobis cum angelis in primis paratum sit: dico vobis in primis propter caput nostrum, per quem etiam ipsi angeli salui facti sunt. de quo Paulus ad Ephesios primo: Elegit nos in ipso à constitutione mundi. Sed cur dicit Ab initio mundi, & non Ab aeterno: cum ab aeterno? elegit nos in Christo: & ipsa visio est ab aeterno. an à constitutione mundi manifestati? vel visio quidem est ab aeterno, sed ciuitas illa & communitas sunt ab initio mundi: vel paratur à constitutione mundi, quia Deus nihil agit nobiscum per haec secula sex, quam parat nobis regnum; quo & sublimitas illius intelligitur, & nostra ingratitude. Antequam nati sitis, inquit Chrysostomus, quia sciebam vos huiusmodi futuros, haec vobis à me prae parata fuere. Venite, possidete iure ordinationis diuinæ, sed & merito vestro: cursum enim consummatis, fidem seruastis: de reliquo, reposita est vobis corona iustitiae, quam vobis reddet iustus iudex: moxque causam decreti apponit, quae continet summam negotii & controuersiae. Non prius autem sententiam fert, quam causam cognoscat atque examinet; etiam si Dominus sit cunctorum, & in manu eius posita sint omnia; vt hoc idem alios inferiores iudices facere doceat. Esuriui enim, & dedistis mihi manducare: sitiui, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram, & venistis ad me. Tunc respondebunt ei iusti, dicentes (non diffidentes de verbis Domini, sed vel stupentes praemagnitudine maiestatis regis: vel quia parum videtur illis omne bonum quod fecerunt. unde dicitur: Non sunt condignae passionis huius temporis ad futuram gloriam, quae reuelabitur in nobis) Quando te vidimus esurientem, & pauimus te: sitientem, & dedimus tibi potum? quando autem te vidimus hospitem, & collegimus te: aut nudum, & cooperuimus te? aut quando te vidimus infirmum, aut in carcere, & venimus ad te? Vbi sancti suam modestiam ostendunt, humiliter omnia negando, ac dissimulando. Quando te vidimus, inquit. etsi enim non ignorant, quidquid fecerunt fratribus, id totum Christo se dedisse; maiestate tamen illa perculsi, vix eum, hunc illum ipsum cum quo vixerunt, agnoscunt. Si enim Iosephum fratres eius non cognouerunt: quanto minus mirum est, si isti Christum non agnoscunt in tanto maiestatis splendore. Sed, quid mirum est, reos & accusatos humiliari, cum ipse iudex in throno maiestatis suae humilietur? Quod, inquit, fecistis vni ex fratribus meis minimis, mihi fecistis. Regis, iudicis, & Dei vox ista est. non vocat pauperes, sed minimos: diuites enim sunt meritis, etsi non reb. & opibus. & quomodo non diuites, qui talia regna disponunt, & ad quorum merita iudex omnia decernit. Verum causam ipsam sententiae expendamus. Esu.

mus. Esuriui enim, & dedistis mihi manducare: sitiui, & dedistis mihi bibere. Pasce fame morientem, inquit Ambrosius; si non pauperti, occidisti. Magnus hac laude fuit Iob: Si comedi buccellam meam solus, & non comedit pupillus ex ea. Ad eandem laudem nos cohortatur Isaias: Frange esurienti panem tuum, & egenos vagosque induc in domum tuam. Hospes eram, & collegistis me. Propter eam virtutem solam, multos placuisse Deo, angelis hospitio exceptis, testis est D. Paulus. Sic Abraham, dum hospitalitatem exercet, dignus iudicatus est, qui vnum & trinum Deum hospitio acciperet. Sic Loth, dum angelos Dei hospitio recipit, se, totamque suam familiam à diro Sodomæ exitio liberavit. Vnius horæ hospitio, inquit Ambrosius, vidua illa, quæ suscepit Eliam, & exiguo cibo, perpetuum, toto tempore famis, inuenit alimentum, & mercedem accepit mirabilem; ut nunquam de hydria farina deficeret. Elifæus quoque, defuncti pignoris resurrectione donata, resoluit hospitij pensionem. Narrat D. Gregorius rem opinatam valde, & seniorum relatione sibi traditam: Quendam patrem familiam cum tota domo sua, magno hospitalitatis studio seruiuisse. Cum quotidie ad mensam suam peregrinos susciperet, quodam die peregrinus quidam inter alios aduenit, ad mensam ductus est. dumque pater familiam, ex humilitatis consuetudine, aquam vellet in eius manibus fundere; conuersus, vrceum accepit: sed repente eum, in cuius manibus aquam fundere voluerat, non inuenit. Cumque hoc factum secum ipse miraretur, eadem nocte ei Dominus per visionem dixit: Cæteris diebus me in membris meis, hesterno autem die, me in memetipso suscepisti. Ecce in iudicium veniens, dicet: Quod vni ex minimis meis fecistis, mihi fecistis. Ecce ante iudicium, cum per membra sua suscipitur, susceptores suos etiam per semetipsum requirit; & tamen nos ad hospitalitatis gratiam pigri sumus. Pensate, fratres, quanta hospitalitatis virtus sit. Ad mensas vestras Christum suscipite; ut vos ab eo suscipi ad conuiuia æterna valeatis. Præbete modo peregrino Christo hospitia; ut vos in iudicio, non quasi peregrinos nesciat, sed ut proprios recipiat ad regnū. Nudus eram, & operuistis me. Si, inquit Isaias, videris nudum, operi eum, & carnem tuam ne despexeris. Magnificè se ea laude effert Iob: Si non, inquit, benedixerūt mihi latera eius, & de velleribus ouium mearum calefactus est. Infirmus, & visitastis me. Quis infirmatur, inquit D. Paulus, & ego non infirmor? Visitare autem infirmum illud intelligimus, non quietem eius turbare: non bonis eius insidiari: sed consolari, inferuire, consulere, ac omnibus rebus necessariis opitulari. quod ipsam matrem Dei aliquando fecisse legimus: Exurgens, inquit Lucas, Maria, abiit in montana cum festinatione, & visitauit Elisabeth. Idem monet Ecclesiasticus: Non te pigeat, inquit, visitare infirmum: non desis plorantibus in consolatione, & cum lugentibus ambula: ex his enim in dilectione firmaberis. In carcere erā, & venistis ad me. Sic D. Paulo in carcere sancti seruierunt: sic pro Petro fiebat oratio in carcerem coniecto: sic Thobias quotidie fratres captiuos conueniebat, eos solabatur, illis omni, quo poterat, modo, opem ferebat. quod idem antea Moyses, ac cætera turba sanctorum facitabat. Ad quam rem rectè conficiendam, diuinitus etiam dona accipiebant, ac gratiam apud eos, qui reipub. præerant, inuenire solebant. Et vide, inquit D. Chrysostomus, quomodo facilia mandat: non enim dixit: In carceribus eram, & liberastis me: aut ægrotus fui, & medicati estis; sed visitastis, &

tāstis, & venistis ad me. Sed nec esurienti famem leuare difficile: non enim sumptuosam vnquam quæsiuit mensam; sedeam, quæ necessitati duntaxat sufficeret; quodque maius est, non in sublimis cuiusdam, sed in humilis habitu serui quæsiuit. quorum singula ad condemnationem illorum sufficiūt; scilicet facilitas, & dandi potestas; panis enim petitur: petentis miseria, qua pauper atque mendicus: retributionis expetenda magnitudo: regnum enim promittitur: terror pœnarum; gehenna enim incutitur: accipientis dignitas; Deus enim pauperum manibus accipit: honoris cumulus; quia tantum descendere dignatus est ius tribuendi: summa enim iustitia est, de suis ei cōcedere. Atque hæc quidem est lex salutis; Christiana philosophia: iudicij regula. Dantur pro paruis magna: pro caducis æterna: pro terrenis celestia; quæ vel ipsa, si non facimus rectè, vt hercle plerique non facimus, qua venia digni sumus? aut qua spe salutis nitimur? Veritas mentiri non potest: res clara est: ambiguum nihil habet: prauæ interpretationi nullus locus. De quo toto genere Nazianzenus: Si parum, inquit, habes, da quod superest: si plus, da dimidium: si valde parum, da totum illi, qui se totum dedit tibi; præsertim, si quis ex vocatione & munere suo debeat: si bona pauperum occupet: si eorum dispensator sit: si foundationibus maiorum vrgeatur. Idē præclarè Iob insinuat: Ab infantia mea, inquit, creuit mecum miseria, & de vtero matris meæ egressa est mecum. Addit autem D. Hieronymus, Liberam nobis esse intelligentiam, quod in omni paupere intelligens Christus esuriens pasceretur: sitiens, potaretur: hospes, induceretur in tectū: nudus, vestiretur: infirmus, visitaretur: clausus carcere, haberet solatium colloquentis. Sed ex hoc loco quod sequitur: Quādiu fecistis vni de his fratribus meis minimis, mihi fecistis: non mihi dixisse videtur generaliter de pauperibus, sed de his, qui pauperes spiritu sunt; ad quos, tendens manum, dixerat: Fratres mei, & mater mea hi sunt, qui faciunt voluntatem patris mei. Fratres etiam vocauit pauperes; vt qui similem cum eis suscepit naturam & abiectionem: vel etiam, tanquam eos, qui communicauerunt paupertati ipsius. Sed quæ tandem causa est, vt in varietate virtutum, hæ solæ paucae numerentur, in quibus summa salutis consistit? non virginittatis, non paupertatis, non martyrij denique ipsius fiat mentio? Est profectò non vna, nec exigua ratio. Primum: quòd iudicis boni est, iuxta leges vel à se, vel ab aliis latas, iudicare: Atqui Christi Domini lex est charitatis & dilectionis: Mandatum, inquit, nouum dō vobis, vt diligatis inuicem: ergo iuxta illam iudicare debuit. Et dilectio perfectio legis est: ergo iuxta illam legem nos iudicare voluit. nam hæc ipsa opera immediatè dilectionis sunt. De sola etiam hac virtute differit, confirmare volens, quòd hanc maximè requirit, & hanc præ omnibus expetit; vtpote Christianis maximè necessariam: hominis enim Christiani insigne, quo agnosci potest, est dilectio. In hoc, inquit, cognoscent omnes, quòd mei discipuli sitis, si dilectionem habueritis inter vos mutuam. Huius optima pars est, pauperum amor, & erga proximum misericordia ac compassio; iuxta Gregorium Theologum. Nulla enim alia re, inquit, inter omnes ita colitur Deus, vt misericordia: neque alij cuiquam magis rependetur humanitas, quàm humanitati. Præcipuè ergo differit de præcipuo Christianorum opere: hoc modo nos & exterrens, & attrahens; vt, qui homines sumus, humani efficiamur, vtentes ea, qua tunc ipse vtetur, humanitate. Iustissima est autem

autem merces, ut inhumanis inhumanitas, & misericordibus misericordia re-
pendatur. Etenim ipse, qui misericors est, parvis operibus magnum retribuit
præmium: quid enim regno illi æquale esse poterit? Manifestum est autem,
quod ex his, quæ possumus, humanitatem requirit: his enim qui non possunt,
sufficit quod velint. Varias enim humanitatis partes recenset; ut, siquidem
possumus, omnes impleamus; fin autem, at saltem eas, quas possumus. Hæc
Euthymius. Secunda causa: quod vocamur & sumus filij Dei, ideo voluit
Deus in nobis similitudinem huius filiationis apparere; qui hæc omnia no-
biscum facit, quæ nobis facienda præcipit. Tertiò: quia nemo ascendit in
cælum, nisi qui descendit de cælo: Atqui sola charitas descendit de cælo, qua
amictus tanquam indumento, filius Dei incarnatus est. Hæc igitur sola cha-
ritas, eiusque opera nobiscum debent ascendere in cælum. Fides & spes ces-
sabit; charitas autem manebit. Quartò, quod hæc tanquam minora po-
nuntur: Qui ergo istorum minorum ac faciliū est reus; quantò magis ma-
iorum erit reus? Quintò: per emphasim hæc dicuntur, Si isti non saluan-
tur, quia sua non tradiderunt; quantò minùs illi saluabuntur, qui aliena rapue-
runt? si isti, qui pauperes non adiuuauerunt; quantò minùs illi, qui pauperes
fecerunt: qui famam, pudorem, vitam eripuerunt: corpora affecerunt cru-
deliter? Vltimò: quod charitas summa legis est: in hac ergo summa reliqua
designari iudex voluit. Addi & illud potest, quod his ipsis bonis cæteri defe-
ctus compensantur & abluuntur: Sicut, inquit, ignis extinguit aquam; ita e-
leemossyna peccatum. Qui igitur his remediis caret, quam spem salutis ha-
bebit? & charitas operit multitudinem peccatorum. Et hæc quidem prima
pars est iudicis sententiæ. qua lata, credibile est, sanctos Dei submissè & hu-
militer creatori suo, & iudici pro ea sententia gratias acturos, ac palmas & co-
ronas suas ante illius thronum missuros, illis verbis: Redemisti nos, Domine
Deus, in sanguine tuo, ex omni tribu, & lingua, & populo, & natione: & feci-
sti nos Deo nostro regnū & sacerdotes, & regnabimus super terram. Nunc
ad alteram partem sententiæ iudicis transeamus; quanquam horret animus,
dictūque refugit. Tunc dicet & his qui à sinistris erunt: Discedite à me: à
me principio vestro, fonte vitæ & luminis, abyssus amoris & charitatis, Deo ve-
stro, patre, præceptore, pastore vestro, thesauro omnis sapientiæ & scientiæ,
& coniungite vos cum hoste meo & vestro simul: in castra eius transite, illi
æternam, iniustam, & illiberalem seruitutem seruituri. Triste repudium, tri-
stis exhæredatio, tristis abnegatio: Ite maledicti in ignem æternum, qui pa-
ratus est diabolo & angelis eius. Quemadmodum enim diaboli misERICOR-
des non sunt, ac crudeliter & hostiliter erga nos dispositi; ita & isti. ideo quo-
rum mores imitati sunt, eorum pœnam sustinebunt, qui maledicti propter
mores suos improbos dicuntur. Terribile autem quid hoc loco audimus:
isti enim, non ut fornicarij, neque ut rapaces, aut alio modo malefici damnan-
tur, sed tantum ut illi, qui non fecerunt bona: reuera enim, qui non fecit bo-
na, rapax est; & is, qui misertus est, qui multa habeat, etiam si neminem aperte
læserit: quæcunque enim habet superflua ultra necessitatem suam, rapuit o-
mninò ab illis, qui his rebus uti poterant, nec illis impartitus est: si enim hæc
in commune proposuisset, tum & illi non indigerent; nunc autem, postea-
quàm hæc conclusit, & sibi ipsi vendicauit, ideo indigent. Itaque immiseri-
cors rapax est, eos iniuria afficiens, quos non iuuat. Vnde præclare D. Gre-

gorius: Nequaquam, inquit, audiunt: quia rapinas, vel alia quaelibet violenta commiserunt; & tamen æternis gehennæ ignibus mancipantur. Hinc ergo colligendum est, quanta damnatione plectendi sunt, qui rapiunt aliena, si tanta animaduersione feriuntur, qui sua indiscretè tenuerunt. Perpendât, quo eos obliget reatu res rapta, si tali subiicit poenæ non tradita: perpendant, quid mereatur iniustitia illata, si tanta percussione digna est pietas non impensa. Non dicit autem solùm ignem æternum: sed vltra addit, qui paratus est diabolo, & angelis eius. Vnde ostendit grauitatem illius carceris, qui tanto malefactori est conditus. Innuit autem, quòd, quemadmodum Deus non fecit mortem, sed impij manibus eam accersuerunt; ita nec infernum fecit; sed impij, qui secuti sunt diabolum, & angelos eius, illum sibi pepererunt: iustum enim fuit, vt, qui diabolum secuti sunt cùm vixerunt, sequantur mortui post vitam. Vnde dicit Sapientia: Inuidia diaboli mors introiuit in orbem terrarum. Imitantur autem illum, qui sunt ex patre illius. Vides? regnum quidem hominibus paratum est, ignis verò dæmonibus; insipientissimi autem homines, relictis his quæ regno digna sunt, præferunt ea, quæ ignem promerentur: ideo etiam ab illo excedentes ad hunc condemnantur. Esuriui enim, & non dedistis mihi manducare: sitiui, & non dedistis mihi potum: hospes eram, & non collegistis me: nudus, & non operuistis me: infirmus, & in carcere, & non visitastis me. Tunc respondebunt ei & ipsi, dicentes: Domine, quando te vidimus esurientem, aut sitientem, aut hospitem, aut nudum, aut infirmum, aut in carcere, & non ministrauimus tibi? Tunc respondebit illis, dicens: Amen dico vobis, quàm diu non fecistis vni de minoribus his, nec mihi fecistis. Cuius loci autoritate conuictus Calvinus, cogitur ea dicere, quæ neque ipse intellexit, neque alius quispiam facile intellexerit: Si hîc disputatio esset de salutis nostræ causa, non malè colligerent Papistæ, nos bonis operibus vitam æternam mereri: sed, quum nihil aliud propositum sit Christo, quàm suos ad benè rectèque agendi studium hortari, perperam ex eius verbis elicitur, quid valeant operum merita. Quòd in causali particula insunt, infirmum est: scimus enim, non causam semper, sed consequentiam semper notari, cùm vita æterna iustis promittitur. Non dixit autem, non liberastis me paupertate, infirmitate, ac carcere; sed quæ necessaria sunt non præbuitis: quæ facilia sunt non fecistis. Primum autem misericordes prædicat, ostendens boni operis facilitatem; vt ab illo hos condemnet: Discedite à me mali; quanquam nunquam propè accedere voluistis, nunquam similes esse, nunquam parere: solum esse, & hæc dona quæ rationis meæ vos vtcunque mecum coniungebant, & hæc ipsa inimico vestro tradentur. Discedite maledicti. Si auertente illo faciem suam omnia conturbantur, omnia in puluerem rediguntur; quid maledicente? maledictio patris & matris miseros facit; quid huius summi parentis? quem tu, inquit, despexeris Domine, quis corriget? Non dicit autem ampliùs, Maledicti patris mei: quia ille pater benedictionum est, non maledictionis, cuius quisque sibi author est. Perditio tua ex te: Israël; salus autem ex Domino Deo tuo. Deus mortem non fecit, sed iniqui homines eam sibi manibus suis attraxerunt. Ite, inquam, in ignem æternum; ita, vt vermis vester nunquam moriatur, qui ignis cruciet, & non calefaciat, sed frigoris instar rigidissimi sit. Vbi, inquit, erit fletus præ dolore, & stridor dentium præ frigore; qui idem ignis vrat, densissimarum tamen instar

men instar tenebrarum sit, & non luceat. Discedite igitur in ignem æternū. Ignis æternus, supplicium æternum designat; vt nunquam careant supplicio, quorum mens in hac vita nunquam voluit carere peccato. Gregorius lib. I. Dialog. cap. 44. Vt, qui peccant in suo æterno, puniantur in Dei æterno. Secundò, leges ipsæ humanæ, quantum possunt, æterna vita puniunt: quem enim vitæ priuant aut vrbe, illum volunt perpetuò illa societate carere: quæ ideo æterna non sunt, quia ipsa vita æterna non fuit; vt annotat D. Augustinus. Tertiò, quia, qua mensura mensi fuerimus, eadem nobis remetietur. Factus est homo malo dignus æterno, quia hoc in se perdidit bonum, quod possit esse æternum. Quartò, quòd peccat homo contra æternam Dei bonitatem, iustitiam, atque misericordiam infinitam, & infiniti valoris remedia. Verè igitur, & iustè ignis æternus, in quem impij relegantur; neque tamen id quidquam diuinæ detrahit bonitati. Vt enim illi, qui solem orientem adorare nolunt, occidentem adorent oportet; neque tamen inde quidquam maiestati solis detrahitur: ita, qui Deum misericordem non vult experiri, experietur iustum, & vtrinque nomen eius sanctum adorabitur, & sanctificabitur, celebreque fiet, iuxta illud: Iustæ, & veræ sunt viæ tuæ, Domine. Et hæc quidem seueritas est vltimæ sententiæ; cuius terrorem videns Iob, Deum precatur, vt in illa hora in inferno abscondat eum, donec pertranseat furor eius, furor ardentis sententiæ: Vtinam, inquit, in inferno protegas me, & abscondas me, donec pertranseat furor tuus. Et David: Ne intres in iudicium cum seruo tuo. Sequitur exitus iudicij, ad quod nos omni vita præparare debemus: Et ibunt hi in supplicium æternum; iusti autem in vitam æternam. Vbi annotat D. Hieronymus, quòd & supplicia æterna sint, & vita perpetua metum deinceps non habeat ruinarum.

27 **Notandum** contra Arianam impietatem primò: illum esse verum Deū, qui iudex viuorum & mortuorum futurus est, & ex cuius diuiti manu omnes gentes felicitatem suam accepturæ sunt, vnusquisque iuxta merita sua: & qui eandem maiestatem habet, quam & pater: Veniet, inquit, in maiestate sua. Talis autem est Iesus Christus, saluator noster: verus igitur & Deus, & homo.

28 **Notandum** secundò contra Picardos: eos falsò asserere, Ecclesiam Dei ex solis bonis & electis constare: constat siquidem ex hircis & ouibus, bonis & malis: nec prius fiet hæc separatio, quàm vbi venerint angeli, & separabunt bonos à malis, iustos ab iniustis.

29 **Notat** tertiò D. Augustinus contra modernos Lutheranos: Si, inquit, mandatis non seruatis ad vitam veniri potest per solam fidem, quæ sine operibus mortua est; quomodo verum erit, quòd eis, quos ad sinistram positurus est, dicet: Ite in ignem æternum, qui paratus est diabolo, & angelis eius? nec increpat, quia in eum non crediderunt, sed quia bona opera non fecerunt. Nam profectò, ne sibi quisquam de fide, quæ sine operibus mortua est, promittat æternam vitam, propterea omnes gentes segregaturum se dixit, quæ permistæ eis pascuis utebantur; vt appareat, eos illi dicturos: Domine, quando te vidimus illa & illa patientem, & non ministrauimus tibi? qui in eum

crediderant, sed bona opera non curauerant; tanquam de ipsa fide mortua ad vitam perueniretur æternam.

NOtat & illud grauitè Augustinus: An fortè ibunt in ignem æternum, 30
qui opera misericordiæ non fecerunt, & non ibunt, qui aliena rapuerunt, vel
corrumpendo in se templum Dei, in seipsos immisericordes fuerunt, quasi o-
pera misericordiæ profint aliquid sine dilectione? dicente Apostolo: Si di-
stribuam omnia mea pauperibus, charitatem autem non habeam, nihil mihi
prodest. Aut diligat quisquam proximum, sicut seipsum, qui non diligit se-
ipsum: qui enim diligit iniquitatem, odit animam suam.

NOtandum quintò cum eodem Augustino: quòd illud hîc dici non po- 31
terit, in quo nonnulli seipsos seducunt: ignem æternum dictum non ipsam
combustionem æternam. per ignem quippe, qui æternus erit, transituros ar-
bitrantur eos, quib. propter fidem mortuam per ignem promittunt salutem;
vt videlicet ipse ignis æternus sit: combustio verò eorum, hoc est, operatio
ignis, non sit in eos æterna, cùm & hoc præuidens Dominus, sententiam suam
conclufit, ita dicens: Sic ibunt illi in combustionem æternam; iusti autem in
vitam æternam. Erit ergo æterna combustio sicut ignis, & eos in illam itu-
ros veritas dicit, quorum non fidem, sed bona opera defuisse declarauit.

NOtandum sextò: ab hoc examine formulæ inprimis necessario iudicij 32
diabolum nos multis modis abducere velle, etiam si tam clara, tam illustris sit.
Primùm igitur dicit, iudicium ratione prædestinationis futurum, vt otiosos ho-
mines faciat; sed hoc falsum est: iudicium enim debet esse secundum cogni-
tam legem: sed prædestinationis lex non est cognita: ergo secundum eam
iudicium neque debet esse, neque potest. Deinde nunquam scriptura quen-
quam aut saluatum esse, aut damnatum dixit, quòd prædestinatus sit, aut non
sit: sed quòd credidit, vel non quòd in viis Dei ambulauit, quòd præcepta
Dei seruauerit; quod & hoc loco fieri videmus. Hinc diabolus depulsus, a-
liò se confert, ac sola fide nos saluari docet, & iuxta illam quisque iudicandus
sit: sed & hoc falsum & vanum est. Dicit enim scriptura, quòd, qui non cre-
dit, iam iudicatus est. Est hæc disceptatio inter illos, cum quibus conuentio
facta est, quibus talenta distributa, qui ad nuptias vocati, qui crediderunt, qui
Christum cognoscunt in paupere. Et ipsum Euangelium clarè rem explicat:
Esuriui, & non dedistis mihi manducare. Et: Omnes nos manifestari oportet
ante tribunal Christi; vt referat vnusquisque prout gessit in corpore suo,
siue bonum, siue malum. Et procedent, qui bona egerunt. Confert se de-
inde veterator ad alia, & vt ad multa bona opera nos pigriores efficiat; dicit,
de solis operibus misericordiæ nobis rationem reddendam esse. Confirmat
hoc præfenti loco, cui occurrit D. Paulus: Si distribuero omnes facultates
meas in cibos pauperum, & si tradidero corpus meum ita, vt in igne ardeam,
charitatem autem non habeam, nihil sum. Et cap. 6. An nescitis, quòd ini-
qui regnum Dei non possidebunt? nolite errare: neque fornicarij, neq; ido-
lis seruientes, neque adulteri, neque molles, neque masculorum concubito-
res, neque fures, neque ebriosi, neque maledici, neque raptores, regnum Dei
possidebunt. Iungenda igitur sunt omnia illi, qui securè illi tribunali se fi-
stere

stere velit; hæc tamen & imprimis, & præcipue, quæ Dominus ipse assignavit.

33 **N**otandum autem septimò: ultra eas partes operum misericordiæ, quas hoc loco Saluator enumerat, alias etiam esse, quæ sparsim in aliis locis scripturæ explicantur. Vt autem hæ, quas nunc retulimus, ad subleuandum proximi corpus referuntur; ita aliæ ad animum hominis sustentandum & curandum. Sunt autem hæ: Fraternalis commonitio & correctio; iuxta illud: Si peccauerit in te frater tuus, corripe eum inter te, & ipsum solum. Ignorantium institutio: Fulgebunt iusti sicut sol: & qui ad iustitiam erudiunt multos, sicut stellæ in perpetuas æternitates. Mœstorum solatium: Consolamini pusillanimes, suscipite infirmos. Thobias quotidie pergebat per omnem cognationem suam, & consolabatur captiuos. Infirmities aliorum perferre: Alter alterius onera portare: patientes estote ad omnes; ad Thessalonicenses. Orare inuicem: Orate pro inuicem; ut saluemini. Congaudere secundis rebus alienis, aduersis condolare: Gaudete, inquit, cum gaudentibus, & flete cum flentibus. Sacramentis homines promptè, & libenter, & gratis reficere: Esuriui in membris meis, desiderantibus Eucharistiam, & dedistis mihi manducare, vos sacerdotes, benè ministrando. Sitiui potum salutis, & dedistis mihi bibere, vos Doctores, & prædicatores Ecclesiæ. Hospes eram, exclusus à communitate Ecclesiæ, & collegistis me, vos pij iudices, absoluentes me. Nudus operimento virtutum; & cooperuistis me, reducendo me ad virtutis bonum. Infirmus, infirmitate passionis inordinatæ; & visitastis me, supputando charitatiuè. In carcere eram, ligatus praua consuetudine; & venistis ad me soluendum tali ligamine. Si enim quæ corporis sunt, corporibus non præstare, tantæ impietatis est, quæ, etsi accipiunt ea, non possunt viuere semper: putas, quantæ impietatis est, hæc omnia spiritualiter animabus periclitantibus non ministrare, quæ poterant viuere in æternum, si hæc eis ministrata fuissent? Quantò enim melior est anima, quàm corpus; tantò grauius peccatum, animabus laborantibus spirituales eleemosynas non præstare, quàm corporibus corporales. Hæ sunt partes philosophiæ Christianæ, feruoris Christiani, sine quo cætera frigent. Hæc igitur discamus, his assuescamus. Atque adeò docet Lyranus, hinc tangi sex opera misericordiæ, quæ sunt necessaria ex parte corporis, & intelligi per hoc septimum, quod est, Sepelire mortuos. Sufficientiam autem istorum hoc modo accipi: quia homo in vita præsentis primò indiget ex parte corporis alimento, sine quo non potest esse: & hoc alimentum duplex est. Vnum est calidum & siccum, & hoc vocatur cibus; & sic vnum opus misericordiæ est, Pascere esurientem. Vnde dicit Philosophus 2. de Anima, quòd esuries est appetitus calidi & sicci: & aliud est alimentum corporis frigidum & humidum, & illud vocatur Potus. & sic secundum opus misericordiæ est, Potare sitientem. Et sic dicitur 2. de Anima, quòd sitis est appetitus frigidi & humidum. Secundò indiget aliquo, sine quo non benè potest esse; videlicet, indumento, & domicilio, in quo possit requiescere. & sic est duplex opus misericordiæ, scilicet Sepelire mortuum; ista autem quinque prædicta, sunt omnibus communia. Alia sunt duo opera misericordiæ, quæ imponuntur alicui ex aliquo accidente superueniente; ut, si aliquis incurrit infirmitatem, vel capiatur

piatur ab hostibus: & sic accipiuntur duo opera misericordiæ, quæ sunt, Visitare infirmum, & Redimere captiuum. Et in nomine Redemptionis intelligitur omne beneficium eis impensum. Ista autem septem opera misericordiæ habentur in vno versu: Visito, potō, cibo, redimo, tego, colligo, condo: & patet sententia ex prædictis. Ista autem septem, impensa Christi fidelibus propter Christum, sibi reputat totum factum: quia fideles sunt membra eius. & è contrario, fidelibus denegata, sibi reputat denegari: propter quod facientibus opera misericordiæ, reddit vitam æternam; denegantibus autem, poenam.

NOtat octauò Irenæus: his verbis, Abite, maledicti, in ignem æternum, 34 quem præparauit pater meus diabolo, & angelis eius; significasse Saluatorem, quoniam non homini principaliter præparatus est æternus ignis; sed ei, qui seduxit, & offendere fecit hominem. inquam, qui princeps Apostasiæ est, principi abscessionis, & his Angelis, qui Apostatæ facti sunt cum eo; quem quidē iustè percipiet etiam hi similiter, vt illi sine poenitentia & sine regressu in malitiæ perseuerant operibus.

NOtandum nonò: quoties ad miseros iuuandos pigrescimus, venire nobis 35 debere filium Dei ante oculos, cui negare aliquid, immane sacrilegiū est: inquit enim: Quod enim vni ex minimis his fecistis, mihi fecistis.

NOtandum decimò: solos fideles nominatim hîc commendari: non 36 quia velit in totum alios sperni: sed quia, vt quisque ad Deum propius accedit, ita nobis charior esse debet. Nam etsi commune est societatis vinculum inter omnes filios Adam; sanctior tamen filiis Dei inter se est coniunctio.

NOtandum vndecimò: quod tenebræ exteriores significant, longissimè 37 abesse à lumine diuino: ideò in grauissima ponuntur poena, cuius hæc causa est. Peccator & hic tenebras habet, quia excidit à iustitia solis Christi: sed quia adhuc spem habet mutationis, ideò non sunt istæ tenebræ exteriores: nam post mortem demum excipient eum tenebræ interiores; vbi iam nulla erit spes mutationis, sed omnigena priuatio lucis diuinæ. Tunc enim planè abscindetur à Deo, nec vllius eius boni particeps erit.

NOtandum vltimò & illud est: quandoquidem tam arduum, tam diffi- 38 cile, tam periculosum metuendum hoc iudicium futurum sit, qua ratione nos ad illud præparare debeamus. Et res quidem est ardua & difficilis; aliquid tamen humano more dicamus. Putarem igitur, ex humani iudicij apparatu, formam & dogma futuræ defensionis accipiendum esse. Qui igitur vocat in iudicium, & vocatur, in primis hoc illi agendum est, vt causam iustam habeat: sic enim reliqua faciliè superabit. Deinde, vt instrumenta, & monimenta causæ sufficientia: tertio, patronos, & aduocatos: quarto, tempus & locum apparatui accommodatum; ne subito die iudicij occupetur: quinto, merita antecedentia, tam priuatim, quàm publicè: sexto, vt, cum ab vno inimico in ius vocamur, cum aliis conueniamus; ne multitudine illorum opprimamur. Vltimò, omnia hæc Christiano homini, antequam se in iudicio sistat, præparanda erunt:

da erunt. Primum videat, ut causam bonam habeat, hoc est, quod dicebat D. Ambrosius: Vitam instituat, ne illum vixisse poenituerit, & ut se in his præceptis & mandatis Dei, ex quibus iudicandi sumus, exerceat. Secundum, ut monumenta causæ & præsidia comparet; hoc est, ut in lege Domini meditetur die ac nocte: diuinis sacramentis sacrè, & piè, ac frequenter utatur; ut, quod nobis deest, illorum virtute compleatur. Patronos item, & aduocatos sibi conciliet: sunt autem isti, pupilli, viduæ, pauperes, infirmi, hospites, & omnes alij superius descripti; quos, quantum nobiscum habuerimus, tantum causæ confidemus, & qui mercaturam quandam regni cælestis exercent. Locus & tempus erit opportunum apparando iudicio in hac tota vita, priusquam claudatur ianua, priusquam mercatus dissoluatur, priusquam præco aut lictor veniat. Magnum autem & illud est, ut ea merita antea actæ vitæ nostræ sint, quæ defectus nostros & infirmitates, sine quibus vita nostra non est, nec esse potest, compleant, ac complanent. Talis est virginitas, castitas, obedientia, paupertas voluntaria, tolerantia rerum aduersarum, martyrij, & id genus alia. Sextò, hoc idem facere debet Christianus; ut, dum à diabolo in iudiciũ trahitur, imò multò antè, cum inimicis suis conueniat; iuxta illud: Tu autem cum in via es, conueni cum aduersario tuo. Benignus iudex ita efficietur, si iusti, in omnib. mandatis, & iustificationibus eius, sine querela incessemus semper: si, de manu inimicorum nostrorum liberati, seruierimus illi in sanctitate & iustitia coram ipso omnibus diebus nostris. Et apparatus quidem ad iudicium hic est: remedium autem varij varium ponunt. Alij enim sic se liberos à malo hoc futuros putant, si futurum non credant: sed hoc remedium vanissimum est. Infidelitas enim nostra, inquiebat Paulus, non euacuabit promissiones Dei. Cælum & terra peribit; verbum autem Domini non præteribit. Non crediderunt in diebus diluuij impij Noë; & tamen perierunt. Non crediderunt Iudæi Christo, vrbs vastationem prædicenti; & tamen funditus deleti sunt: sic & isti, siue crediderint, siue non crediderint, propter istos verbum Dei non euacuabitur. Alij, ut rem verbis nostratibus maximè accommodatis efferam: *Dobro myśla chę sie zabawic y tego zabaczyc*: Bibamus & comedamus, cras moriemur; interim autem in puncto ad inferna descendunt. Quod genus hominum latè describit Salomon: & nescio, an non aliquando ipse in eodem fuerit: Venite, & fruamur bonis quæ sunt, & utamur creatura, tanquam in iuuentute, celeriter. Vino pretioso, & vnguentis nos impleamus, & non prætereant nos flos temporis. Coronemus nos rosis, antequam marcescant: nullum pratum sit, quod non pertranseat luxuria nostra. Nemo vestrum exors sit luxuriæ nostræ; vbique relinquamus signa lætitiæ: quoniam hæc est pars nostra, & hæc est fors. Quod tamen & ipsum vanum est: nam neque est tanta copia vini & libidinis, ut hæc restinguat, & cogitationes eadem semper recurrunt: vermis siquidem eorum nunquam moritur. Et scriptura meminisse potius earum rerum iubet, & recordari. Memorare nouissima, & non peccabis, inquit, in æternum. Et iterum: Memento senectutis tuæ, in diebus iuuentutis tuæ, antequam tenebrescat sol. Et ipse Dominus: Attendite, inquit, ne grauentur corda vestra crapula & ebrietate, & curis huius seculi. Vanum ergo & istud est solatium, inefficax remedium. Tertium igitur est genus hominum longè melius; si modo melius, quod misericordiam Domini allegat. Et præclare quidem: sed hoc remedium in hac vita tantum valet,

valet; quia in inferno nulla est redemptio. Dies iudicii, est dies iræ, dies tribulationis & angustiarum, dies calamitatis & miseriæ, dies tenebrarum & caliginis. Vnde Paulus ad Thessalonicen. Thesaurizas tibi iram in die iræ. Clauditur ianua. Quod igitur summum & maximum est remedium damnationis tantæ effugiendæ? vnum solum & vnicum; Pœnitentia. Nisi, inquit, pœnitentiam egeritis, omnes simul peribitis. Pœnitentiam agite, & appropinquet vobis regnum cælorum. Docet hoc in primis Isaias: Si peccata vestra fuerint vt coccinum, sicut nix dealbabuntur. Docet Ieremias: Si dixero impio morte morieris, & ille conuersus pœnitentiam egerit, omnium iniustitiarum eius non recordabor amplius. Docuit longè antè Moyses in Deut. Cùm, inquit, venerint super te omnes maledictiones, &c. Sed vnde ea vis pœnitentiæ tanta? non aliundè, quam docet Dauid: Quia apud Dominum misericordia, & copiosa apud eum redemptio; vt sit præmium mortis sacræ perennis gloria.

QVAESTIO D. AVGVSTINI. De decem virginibus inter parabolas à 39 Domino dictas, solet quærentes multum exercere ista, quæ de decem virginibus posita est. Et multi quidem hîc multa senserunt, quæ non sunt præter fidem; sed quomodo partibus omnibus eius conueniat expositio, id elaborandum est. Legi etiam in quadam scriptura ex earum genere, quæ apocryphæ nominantur; non quod sit contra catholicam fidem, sed huic loco mihi minus congruere visa est consideranti, omnes huius similitudinis partes. De qua tamen expositione, temerè nihil audeo iudicare; ne fortè non eius inconuenientia mihi angustias fecerit, sed mea tarditas in ea conuenientiam non inuenerit. Quid autem mihi videatur, non absurdè hoc loco accipi, quantum potero breuiter & diligenter exponam. Interrogatus igitur Dominus noster secretò à discipulis de consumatione mundi, inter multa alia quæ locutus est hoc quoque dixit: Tunc simile æstimabitur regnum cælorum decem virginibus, quæ acceperunt lampades suas, & venerunt obuiam sponso. Quinque autem ex eis erant fatuæ, & quinque prudentes. Sed quinque fatuæ acceptis lampadibus suis, nō sumpserunt oleum secum: prudentes autem acceperunt oleum secum in vasis suis cum lampadibus. Tardante autem sponso, dormitauerunt omnes & dormierunt. Media autem nocte clamor factus est. Ecce sponsus venit, surgite obuiam ei: Tunc surrexerunt virgines illæ, & acceptauerunt lampades suas. Et dixerunt illæ stultæ ad sapientes: date nobis de oleo vestro, quia lampades nostræ extinguuntur. Responderunt autem sapientes dicentes: Ne fortè non sufficiat nobis & vobis, ite potius ad vendentes & emite vobis. Et dum irent emere, venit sponsus: & quæ paratæ erant intrauerunt cum eo ad nuptias, & clausa est ianua. Nouissimè autem veniunt & reliquæ virgines dicentes: Domine, Domine, aperi nobis. At ille respondens ait: Amen dico vobis, nescio vos. Vigilate ergo, quia nescitis diem neque horam. Decem vtique numerus virginum, quarum quinque admittuntur, quinque excluduntur, bonorum & malorum discretionem significat. Quapropter si virginitatis nomen honorabile est, cur receptis exclusisq; commune est? Deinde, quid sibi vult numerus in vtraque parte quinaris? Quid autem significat oleum mirum videtur. Item, quod sapientes petentibus nō communicant, cùm & inuidere fas non sit eas, quæ ita perfectæ sunt, vt à sponso re-

so recipiantur, quo nomine nullo dubitante, Dominus Iesus Christus significatur: & misericordes esse oporteat ad præstandum ex eo quod habent, præscribente illa sententia eiusdem Domini dicentis: Omni poscenti te tribue. Quid est autem, quod possit dando non sufficere vtrisque? Hæc maximè augent quæstionis difficultatem, quanquam & cætera diligenter considerata, vt omnia in vnam rationem concurrant, nihilque in vnam partem dicatur, quod impediatur aliam, magna cautio adhibenda est. Videntur itaque mihi quinque virgines significare, quinque partitam continentiam à carnis illecebris. Continendus est enim animi appetitus à voluptate oculorum, à voluptate aurium, à voluptate olfaciendi, gustandi, tangendi. Sed quia ista continentia, partim coram Deo fit, vt illi placeatur in interiori gaudio conscientia: partim coram hominibus tantum, vt gloria humana capiatur: quinque dicuntur sapientes, & quinque stultæ; vtræque tamen virgines, quia vtræque continentia est, quamvis diuerso fomite gaudeat. Lampades autem sunt, quia manibus gestantur, opera, quæ secundum istam continentiam fiunt. Dictum est autem: Luceant opera vestra coram hominibus. Omnes verò acceperunt lampades suas, & venerunt obuiam sponso. Intelligendum est ergo Christi nomine censer, de quibus agitur: Non enim possunt, qui christiani non sunt, sponso Christo obuiam venire. Sed quinque fatuæ acceptis lampadibus suis, non sumpserunt oleum secum. Multi enim, quamvis de Christi bonitate plurimum sperent, gaudium tamen non habent, dum continenter non viuunt, nisi in laudibus hominum. Non ergo habent oleum secum: nam ipsam lætitiā oleo significari arbitror. Propterea, inquit, vixit te Deus Deus tuus oleo lætitiæ. Qui autem non propterea gaudet, quia Deo intrinsecus placet, non habet oleum secum. Prudentes autem virgines acceperunt oleum secum in vasis suis cum lampadibus; id est lætitiā bonorum operum in corde atque conscientia posuerunt. sicut Apostolus monet: Probet autem se homo, inquit, & tunc in semetipso habebit gloriam, & non in altero. Tardante verò sponso dormitauerunt omnes, quia ex vtroque genere continentium hominum, siue eorum qui coram Deo exultant, siue eorum qui in laudibus hominum, acquiescunt, moriuntur hoc interuallo temporis, donec sub aduentu Domini fiat resurrectio mortuorum. Media autem nocte, id est, nullo sciente, aut operante; quippè cum ipse Dominus dicat: De die autem illa & hora nemo scit. Et Apostolus: Dies Domini tanquam fur in nocte ita veniet. ex quo significatur eū penitus latere cum venerit. Clamor factus est, ecce spon-
sus venit, surgite obuiam ei. In istu oculi, & in nouissima tuba omnes resur-
gemus. Ergo surrexerunt omnes virgines illæ, & aptauerunt lampades suas; id est, rationes reddendas operum suorum. Oportet enim nos exhiberi ante tribunal Christi, vt illic recipiat vnusquisque in corpore suo quod gessit, siue bonum, siue malum. Et dixerunt stultæ ad sapientes: Date nobis de oleo vestro, quia lampades nostræ extinguuntur. Quorum enim facta aliena laude fulciuntur, eadem subtrahita deficiunt, & de consuetudine id semper inquirunt, vnde gaudere animus solet: itaque hominum, qui corda non vident, testimonium volunt habere apud Deum, qui cordis inspector est. Sed quid responderunt sapientes? Ne fortè non sufficiat nobis & vobis: vnusquisque enim pro se rationem reddet, nec alieno testimonio quisquam adiuuatur apud Deum, cui secreta cordis apparent, & vix sibi quisque sufficit, vt ei testimonium

perhibeat conscientia sua. Quis enim gloriabitur mundum se habere cor à indè est quod Apostolus ait: Mihi autem minimum est vt à vobis iudicèr, aut ab humano die, sed neque meipsum iudico. Quapropter cùm de seipso quisque, aut non omninò, aut vix posset veram ferre sententiam, quomodo potest de alio iudicare, cùm sciat nemo quid agitur in homine, nisi spiritus hominis? Ite magis ad vendentes & emite vobis. Non consilium dedisse putandæ sunt, sed crimen earum ex obliquo commemorasse. Vendunt enim oleum adulatores, qui siue falsa, siue ignorata laudando animas in errorem mittunt, & eis vana gaudia tanquam fatuis conciliando aliquam de his mercedem, siue ciborum, siue pecuniæ, siue honoris, siue alicuius commodi temporalis accipiunt, non intelligentes quod dictum est: Qui vos felices dicunt, in errorem vos mittunt. Melius est autem obiurgari à iusto, quàm à peccatore laudari. Emendabit me, inquit, iustus à misericordia, & arguet me: oleum autem peccatoris non impinguet caput meum: Ite ergo magis ad vendentes, & emite vobis; id est, videamus nunc, quid vos adiuuant, qui vobis laudes vendere consueuerunt, & vos in errorem inducere; vt non coram Deo, sed ab hominibus gloriam quæreretis. Euntibus autem illis, venit sponsus; id est, inclinantibus se illis in ea quæ foris sunt, & solitis gaudere quærentibus, quia gaudia interna non nouerant, venit ille qui iudicat. Et quæ erant paratæ, intrauerunt cum eo ad nuptias: id est, quibus bonum coram Deo testimonium conscientia perhibebat, intrauerunt cum eo ad nuptias; id est, vbi anima puro & perfecto sempiternoque Dei verbo fecundata copulatur. Et clausa est ianua: id est, receptis illis, qui sunt in angelicam vitam immutandi. Omnes enim, inquit, resurgemus, sed non omnes immutabimur: clausus est aditus ad regnum cœlorum. Non enim post iudicium patet precum aut meritorum locus. Nouissimè autem veniunt & reliquæ virgines dicentes: Domine, Domine, aperi nobis. Non dictum est quod emerint oleum: & ideò intelligendæ sunt nullo iam remanente de alienis laudibus gaudio in angustiis, & magnis afflictionibus redire ad implorationem Dei. Sed magna est eius seueritas post iudicium; cuius ante iudicium ineffabilis misericordia prærogata est. Itaque respondens ait: Amen dico vobis, nescio vos. Ex illa scilicet regula quã non habet ars Dei, hoc est, sapientia Dei, vt intrent in gaudium eius, qui non coram Deo, sed vt placerent hominibus, visi sunt aliquid secundum præceptum eius operari. Atque ita concludit: Vigilate ergo, quia nescitis diem neque horam. Non modò illius vltimi temporis, quo venturus est sponsus; sed suæ quisque diem dormitionis & horam nescit. Quisquis autem paratus est vsque ad somnum, id est, vsque ad mortem, quæ omnibus debetur, paratus etiam inuenietur cùm illa vox media nocte sonuerit, qua omnes euigilaturi sunt. Quod verò sponso dixit obuiam venire virgines: sic intelligendum puto, vt ex ipsis virginibus constet ea quæ dicitur sponsa; tanquam si omnibus christianis in Ecclesiam concurrentibus, filij ad matrem concurrere dicantur, cùm ex ipsis filiis congregatis constet ea quæ dicitur mater. Nunc enim desponsata est Ecclesia, & virgo est ad nuptias perducenda; id est, cùm se continet à corruptione seculari. Illo autem tempore nubet cum vniuersa mortalitate in ea pereunte, immortalis coniunctione fruetur. Desponsaui, inquit, vos vni viro virginem castam exhibere Christo. Vos, inquit; virginem à plurali ad singularem concludens: ideò & virgines dici possunt & virgo. Cur autem

quinq;

quinq; dictæ sint: vt mihi videtur expositum est. Sed videmus nunc in ænigmate, tunc autem facie ad faciem: & nunc ex parte, tunc autem ex toto. Ipsum autem in ænigmate & ex parte, nunc in scripturis aliquid cernere, quid tamen sit secundum catholicam fidem, ex illo pignore contingit, quod accepit virgo Ecclesia humili aduentu sponsi sui, quæ illi vltimo aduentu cum veniet in claritate nuptura est, cum iam facie ad faciem contuebitur. Dedit enim nobis pignus spiritum sanctum, sicut dicit Apostolus. Et ideo ista expositio nihil certum intuetur, nisi vt secundum fidem sit, neque aliis præiudicat, qui eam nihilominus secundum fidem exponere potuerint.

N O T A R V M
EVANGELICARVM
IN MATTHÆVM, LIB. III.

Caput XXVI



N HOC CAPITE PRIMVM FIT CONSILIVM DE COM-
prehensione CHRISTI, sit futuræ sepulturæ decus, &
inunctio: secundò, instituitur iniquissima licitatio, &
mercatus Iudæ cum Phariseis, de vita & sanguine Chri-
sti: tertio, paratur & transigitur tam nouum, quàm ve-
tus Pascha, conuiuæ examinantur: quartò, casus futu-
ros discipulorum, Petri præsertim prædicit, eosque ar-
mat, Petrus nimis audax reprimitur, orat Christus, tra-
ditur, capitur, apud Caiphā sistitur: vltimò iudicatur, falsis testimoniis con-
uincitur, condemnatur, ludibriis habetur, à Petro ter abnegatur.

1 PRIMò igitur illud in prima parte capitis notandum; fieri plerumq; vt sa-
cerdotes, qui omnis moderationis, continentia, mansuetudinis authores esse
deberent; omnis improbitatis, sceleris, cupiditatis, duces & principes effici-
antur; quod nunc in morte Christi fieri videmus. Et, vt inquit Hieronymus,
Pharisei, qui debuerant paschati vicino præparare victimas, leuigare templi
parietes, pauimenta verrere, vasa mundare, & secundum ritum legis purifica-
ri, vt esu agni digni fierent; congregantur, ineuntes consilium quò occidant
Dominum. Sed quis cæcus, inquit Propheta, nisi seruus meus, & ad quem
locutum est os meum? Simeon, inquit, & Leui vasa iniquitatis bellantia, in
consilium eorum non veniat anima mea, & in cœtu illorū non sit gloria mea,
quia in furore suo occiderunt virum, & in voluntate sua suffoderunt murum.
Maledictus furor eorum, quia pertinax & indignatio, quia dura.

2 NOTandum secundò: Christum Dominum, tum cum diceret Apostolis
suis: Scitis, quia post biduum pascha fiet; iam & mortem suam & sepulturam,
& futuram resurrectionem præuidisse (iuxta illud Dauidis, quod Ambrosius
annotat: Sol cognouit occasum suum) sponteque se obtulisse, ac honestam
sepulturam non repudiasse, (quarum rerum hæc perunctio signum & desi-
gnatio fuit.)

Notandum tertio cum Origene: Propterea hinc Christum Dominum posuisse impersonaliter, Tradetur filius hominis, inquit, tradetur: non dicens à quo, quod verbum omnes respicit qui tradiderunt eum: quoniam & pater tradidit eum; secundum quod scriptum est: Qui vnico filio suo non pepercit, sed pro nobis omnibus tradidit illum. Secundum autem alias scripturas, tradidit eum & Iudas: sed & Sathanas qui in Iudam intrauit, tradidit illum: sed & principes sacerdotum, & seniores tradiderunt eum. Quamquam non omnes eodem proposito tradiderunt. Deus enim tradidit eum propter misericordiam circa genus humanum, qui vnico filio non pepercit, sed pro nobis omnibus eum tradidit: ceteri autem tradiderunt eum iniquo proposito, vnusquisque secundum malitiam suam: Iudas propter auaritiam: Sacerdotes propter inuidiam: Diabolus propter timorem, ne auelleretur de manu eius genus humanum per doctrinam ipsius; non aduertens, quoniam magis eripendum fuerat genus humanum per mortem ipsius, quam fuerat ereptum per doctrinam & mirabilia. Traditus est enim ad crucifigendum; vt exuens principatus & potestates, fiducialiter triumpharet eos in ligno.

Notandum quarto: quamuis principes sacerdotum, & seniores populi de Christo consilium instituant, quamuis illum tradant, nihil tamen ipsi efficiunt, nihil ex voluntate eorum fit; patris electione, & voluntate, filij item beneuolentia omnia fiunt, vt illud impleatur: Oblatus est, quia ipse voluit. Et illud: Proprio filio suo non pepercit, sed pro nobis omnibus tradidit illum. nam & hoc loco concludit *οὐκ ἐν ἑαυτῷ*, (non Deum sed homines vbique timens) non in die festo capiendum, ne tumultus fieret in populo: capitur tamen & tenetur in die festo, eoque summo ac primo paschatis die; vt cognoscant isti, nihil arbitrio istorum fieri, sed ordinatione Dei, quod statim ab initio significandum duxit Euangelista; vt maior misericordia Dei erga nos illucescat. Diaboli autem instrumenta confundantur. Oportebat autem salutarem agnum in die immolationis legalis agni immolari: vtente in hoc malitia illorum saluatore ad suam gubernationem; vt figura, modò hoc, modò illud disponendo, sumeret omnino euentum.

Notat quintò Euthymius legem iussisse, vt vnus princeps sacerdotum constitueretur quo ad viueret, hoc autem mortuo, alter loco eius crearetur. Iudaei legem euerterunt, & annuam fecerunt summi sacerdotij dignitatē. Vnde verisimile est, quod multi tunc erant, qui summo functi fuerant sacerdotio, sed iam compleuerant ministerium; quod fuerant sortiti, quos nunc principes sacerdotum Euangelista nominauit. Quomodo & consulares apud Romanos appellabantur, qui consulatu erant defuncti. Scribas autem dicit, legis Doctores: Seniores verò populi antiquos ac sapientiores, qui omnes simul tunc congregati sunt ad Caipham, qui tunc sorte pontificatum gubernabat; ab hoc volentes cadis ansam capere, à quo potiùs eos prohiberi oportuit. De quo vniuerso synedrio, vide plura in nostro Iusto Iosepho.

Notandum sexto: iudicium de propheta eiusque doctrina, semper in omni decursu seculorum ad principes sacerdotum & seniores populi pertinuisse, quod & nunc fieri videmus. Hæresis negat.

Notandum

7 **N**Otandum septimò cum Hieronymo: Simonem hunc leprosum appellari, non quòd leprosus & illo tempore permaneret; sed quia antea leprosus, postea à Salvatore mundatus est, nomine pristino permanente, vt virtus curantis appareat: Nam & in cathalogo Apostolorum cum pristino vitio & officio Matthæus publicanus appellatur, qui certè publicanus esse desierat.

8 **N**Otat octauò Euthymius: tres fuisse mulieres quæ Dominum vnguento vnixerunt. Prima quidem apud Lucam, quæ etiam peccatrix erat: & medio prædicationis tempore hoc fecit in domo Simonis Pharisei, quando etiam solus ex hoc offendiculum sumit Phariseus, cui mercedem rependit Saluator, peccatorum videlicet remissionem. Secunda verò apud Ioannem est, quæ erat Maria, soror Lazari, vitam habens probatam: & ante sex dies Paschæ legalis in propria domo hoc fecit, & in gratiarum actionem resurrectionis fratris protulit vnguentum, propter quod illi mercedem promisit, quando etiam solus murmurat Iudas. Tertia autem est hæc, de qua Matthæus & Marcus similiter tractant: quæ ante duos dies Paschæ accessit in domo Simonis leprosi: ad distinctionem enim Pharisei, à lepra insigne illi apposuerunt: simul etiã ostendentes quòd corporis eius immunditiam non abominabatur Christus propter puritatem animæ illius. Et super caput Christi vnguentum effudit, non super pedes, vt illæ, quando discipuli quoque indignabantur, cuius etiam memoriam in mundum promisit prædicandam: manifestæ sunt itaque trium differentia.

9 **N**Otandum nonò: vt ex Ioannis narratione intelligitur, ante sex dies Paschæ venisse Iesum Bethaniam, ibique factum esse hoc conuiuium, in quo de vnguento pretioso fit mentio: in de venisse Ierusalem sedendo super asellum: postea geri ea quæ narrantur: post hunc aduentum Hierosolymis ista facta vel gesta. Ex illo ergo die, quo venit Iesus in Bethaniam, vsque ad diem, quo omnia ista gesta & dicta sunt, intelligimus esse consummatum quadriduum, vt occurreret dies, quem ante biduum Paschæ, Matthæus & Marcus definierunt.

10 **N**Otandum decimò: ita mulierem fracto vase alabastri caput Christi vnguento perfudisse, vt simul in totum corpus, atque adeò in ipsos pedes peruasisset; vt ita dissidentia Euangelistarum concordetur, vbi alius caput eius eam perfudisse, alius pedes dicit: atque simul inde magnificentia mulieris demonstratur.

11 **N**Otandum vndecimò: mentiri hæresim, quæ docet, iustum in omni opere bono peccare: cum hanc ipsam mulierem non modò non peccasse, sed bonum & memorabile etiam opus fecisse, ipsa testatur veritas.

12 **N**Otandum duodecimò: semper Christum in omni suo tempore, quantumvis opprimeretur, quantasvis persecutiones pateretur, inuenisse suum martyrem; quod paulò antè in muliere eleuante vocem suam, vterumque qui portauit eum benedicente, vidimus: & paulò post in latrone videbimus, & nunc, in ea ipsa muliere, quæ effudit alabastrum vnguenti pretiosi in pedes eius, videmus.

Notandum tredecimò: exultare in hoc loco Sacramentariam hæresim, 13
vbi dicit Christus Dominus: Pauperes semper habebitis, me autem non semper. Ergo neque sub speciebus panis & vini quærendum esse. Cui præclare respondit Hieronymus: Oboritur, inquit, quæstio; quare Dominus post resurrectionem dixerit ad discipulos: Ecce ego vobiscum sum ad consummationem mundi; & nunc loquatur: me autem non semper habebitis. Sed mihi videtur in hoc loco de præsentia dicere corporali, quòd nequaquam cum eis ita futurus sit post resurrectionem, quomodo nunc in omni conuictu & familiaritate. Cuius rei memor Apostolus, ait: Etsi noueramus Iesum Christum secundum carnem, sed nunc iam non nouimus eum.

Notandum quartodecimò: Iudæ proprium esse & hominum rapacium, 14
ea quæ cultui diuino externo debentur, ad pauperes reuocare, illudq; occinere: Vt quid perditio hæc? Poterat enim istud venundari plusquam trecentis denariis, & dari pauperibus. Quod moderni hæretici faciunt, quorum mentes Christus Dominus interpretatur; hæc non ideò illos facere, quòd illis cura sit de pauperibus, sed quòd fures sint, & ad se omnia transferre velint. Nemo autem putet mulierem eandem esse, quæ super caput effudit vnguentum, & quæ super pedes. Illa enim & lachrymis lauat, & capillis tergit, & manifestè peccatrix appellatur; de hac autem tale nihil scriptum est: nec enim poterat statim capite Domini peccatrix digna fieri. Notat D. Chrysostomus: Christum Dominum personam cum re simul exposuisse, vt discas tu, gratia mulieris hæc dicta esse, ne germantem fidem eius decuterent, sed irrigarent magis, & ad maiora protraherent: Vnde nos docet, quando bonum quidquam fieri videmus; etiamsi exactissimè non fiat: suscipiendum tamen nobis esse, & fauore nostro ad vltiora prouehendum. Quid molesti, inquit, estis huic mulieri? vnguentum enim in caput meum mittens, in sepulturam meam fecit.

Notandum quintodecimò: Christum Dominum iam in articulo mortis suæ prophetare, & prædicare, Ecclesiam suam per orbem vniuersum diffundendam esse; contra omnem Nouatianorum, Donatistarum, ac modernorum Picardorum errorem, Euangelium ac doctrinam suam vbiq; prædicatum iri, nec de fore vnquam, contra quam mentitur hæresis. Amen, inquit, dico vobis: vbicunque prædicatum hoc fuerit Euangelium in toto mundo, dicetur, & quòd hæc fecit in memoriam eius. Hincq; simul deducitur Christum Dominum æternam sui memoriam haberi voluisse.

Notandum sextodecimò: perstrinxisse eam liberalitatem huius mulieris, non Iudam ipsum tantum, sed multò magis Caluinum, & vt video, ex eodem fonte. Nam cum vidisset hunc honorem fieri Christo sine præcepto & scriptura: cum deinde cerneret externi cultus magnificum exemplum, sumptum deinde regalem, vnctiones item sanctas ab Ecclesia receptas (quæ ille cum Iuda Christo inuidit) mirificè se torquet. Factum hoc fuisse, inquit, speciali Dei instinctu, qualia non statim omnibus imitanda sunt. Non defendere simpliciter Christum vnctionem, vt eam imitemur, sed admonere, Deo ob eam causam placere: Idque prudenter attendendum est, ne vnà cum Papistis sumptu-

sumptuosos Deo cultus præposterè fingamus; ubi planè quid dicat, seipsum non intelligit: concedit diuino instinctu factum, concedit Deo placuisse, imitandum tamen non esse; quod planè contradictorium est, si causam nullam attuleris. Mentitur deinde. Atque hinc, inquit, planè excipit clarè Christus, quod tunc semel fieri voluit, sibi in posterum minimè gratum fore. Nam paulò post idem Christus Dominus optimo opere & seruitio à Iosepho & Nicodemo perunctus, & pretiosis aromatibus conditus est: & Mariæ acceptis vnguentis abierunt ad sepulchrum, vt Iesum vngerent & adorarent. Deinde blasphematur, Christum negare se nobiscum esse, vt à nobis colatur: quasi præfens tantum aliquis coli possit, non etiam absens. Hæc noster nouus Iudas, cuius non dissimilia sunt verba. Volumusne, inquit, pecuniam benè locare? in vera sacrificia pauperibus erogemus.

17 **N**otandum decimoséptimò: obrektionibus & temerariis iudiciis malorum, & errantium hominum, nos à bonis institutis cultuque diuino abduci non debere, quin potius audentiùs ire, ac resistere; quod hanc mulierem fecisse videmus, quam detractio Iudæ & aliorum Apostolorum nihil permouit, sed potius promptiorem ad bonum opus effecit. Notandum cum D. Chrysostomo: Tunc cum iam vnguentum effusum esset super caput Iesu, non fuisse tempus mulierem corripiendi, sed commendandi duntaxat atq; approbandi. Quemadmodum enim, inquit, si quis ipsum antequam mulier hoc fecisset, interrogasset, non admisisset: sic postquam fecit, illud vnum solummodo respicit, ne increpatione discipulorum ancipiti animo turbetur, sed horatu suo maiore animo suscepto promptior & melior euadat: non erat enim ampliùs increpatio post effusionem olei opportuna. Itaq; & tu si præparasse quosdam vasa videris sacra, aut ornatum quendam alium circa parietes Ecclesiarum, & pauimenta confecisse, noli reprehendere, aut venundari iubere, aut destrui quod factum est, ne animum eius qui fecit perturbes: sin verò, antequam fecerit, te consuluerit, pauperibus offerre iubeto. Nam & ipse ne mulieris promptitudinem extingueret, istud fecit: & quæcunque dicit, ad ipsius consolationem dicit.

18 **C**irca secundum in quo mercatus Iudæ continetur, primò notandum est: Iudam primò mendacem, hypocritam, auarum fuisse: deinde furem: post proditorem & sacrilegum: vltimò se suspendisse, eumque progressum vitiorum esse, nisi principio obsistas. Dedit enim occasionem sceleris & inuidiæ, & auaritiæ pia effusio vnguenti. Vt enim bonis omnia in bonum cooperantur; ita improbis omnia etiam optima in venena & pestes vertuntur. Infelix Iudas, inquit Hieronymus, damnum quod ex effusione pretiosi vnguenti se fecisse credebat, vult magistri pretio compensare.

19 **N**otandum secundò: Iudam domesticum, alienum factum, spontè ad principes sacerdotum abiisse, non ab eis vocatum esse, nullam certam postulasse summam, vt saltem lucrosa videretur proditio; sed quasi vile tradens mancipium, in potestate ementium posuisse, quantum vellent dare, & ille eum traderet; neque dixisse magistrum, sed eum: iam enim vel nomen eius odebat. Fecit tamen hoc diuina prouidentia, vt illius certum pretium non statu-

eretur, qui supra omne pretium fuit, verè pretium mundi: sed nec ille dignus fuit tanto magistro.

Notandum tertio: Origenem audiuisse, ut ipse testatur, quendam exponentem Scaryoth patriam proditoris Iudæ, secundum interpretationem Hebraicam, suffocatum vocari. Quod si ita est, magna conuenientia inuenitur nominis patriæ eius, cum exitu mortis ipsius; quoniam & ipse se laqueo suspendens, prophetiam nominis patriæ suæ suffocatus impleuit.

Quarto notandum est: Iosephum, non ut multi putant, iuxta septuaginta interpretes, viginti aureis venditum esse; sed iuxta Hebraicam veritatem, viginti argenteis. Neque enim pretiosior poterat esse seruus, quam Dominus. Verè pretium, ut inquit Propheta, calceamenti. Scribit autem Marcus, quod promiserunt ei argentum se daturos. Lucas autem, quod pacti sunt, & promiserunt: postmodum verò appenderunt, siue constituerunt.

Quinto notat venerabilis Beda: Multos hodie scelus Iudæ nefarium exhorrescere, nec tamen cauere, cum pro muneribus falsum contra quemlibet dicunt testimonium. Profecto, qui veritatem pro pecunia negant, Dominum pecunia vendunt: ipse enim dixit, Ego sum veritas. cum societatem fraternitatis aliqua discordiæ peste commaculant, Deum produnt; quod Deus charitas est. Huic generi hominum adiungendi sunt illi, qui ius & æquitatem pretio vendunt, Respub: perturbant; de quibus illud Ethnicus poëta: Vendidit hic auro patriam, dominumque potentem Imposuit, fixit leges pretio atque refixit. Sed multo magis illi, qui leuis compendij causa, ac exigui lucri, hæreses disseminare non verentur, ac aliunde etiam tanquam putridas merces apportare, illisque iuuentutem inficere, eas tueri, illisque se patronos & aduocatos præbere.

Notandum sexto iuxta Lyranum: Argenteum numum decem nummos valuisse vsuales; & per consequens, triginta argenteos, valuisse trecentos de numis vsualibus; ut patet manifestè, si multiplicentur triginta per decem. Et sic in venditione Christi, reuocauit valorem prædicti vnguenti. Itaque, ut inquit Isaias, Merces eius (sed non ad finem quidem) cum eo, tanquam esca in hamo.

Notandum septimo: Iudam significare hæresiarcham, qui verbum Dei promittit tradere in conclaui.

Circa tertiam partem capitis cœnæ Domini hæc notanda erunt. Primum quidem ea, quæ ad pascha & azyma pertinent, nos notasse in Annotationibus Censuræ Orientalis, super caput decimum, de cœna Domini, & veritate corporis & sanguinis Domini. Calvinus quidem in hac parte propemodum Orientalem Ecclesiam sequi, ac ex Gallo Ruthenus factus esse videtur. Breuiter tamen rem totam complexus est doctissimus Hieronymus: Prima, inquit, azymorum, quartadecima dies mensis primi est, quando agnus immolatur, & luna plenissima perficitur, & fermentum abijcitur.

Notandum

26 **N**Otandum secundo: discipulos Domini, non tantum fideliter doctrinam Christi secutos fuisse, sed etiam in omnibus illi obsequentissimè seruiuisse; quod nunc apparet, ipsi se ultro offerunt: Vbi vis paremus tibi pascha? & quamvis neque certum locum, neque certam personam illis designat; illi tamen sine omni curiositate & murmure eunt, iussa sola diuina eius potentia freti conficiunt, eaque quæ ad paschæ festum conueniebant agnum, azyma, lactucas agrestes, ac baculos præparant.

27 **N**Otandum tertio cum Euthymio: neque Christum Dominum, neque Apostolos certam & fixam habuisse domum, in qua comederent pascha; sed nunc ex tempore alienam quæsiuisse: nobis mille palatia non sufficiunt.

28 **N**Otandum quarto: ideò Christum Dominum certam personam eius apud quem cœnaret non designasse: partim, ut suorum fidem & patientiam probet: partim, ut illud designet, nihil in hac re, quæ ad mortem eius pertinebant, humanis consiliis stare debuisse, sed omnia ordinatione & voluntate æterni patris, qui & hunc ipsum, qui eam cœnam paraturus erat, eamque aqua baiulaturus, ab æterno ad eam rem præordinauerat, hocque ipsius tricliniū: partim, ut demonstraret ipsis, quod potens erat nudis verbis persuadere ac mandare etiam illis, qui illum nunquam cognouerunt; quod idem non ita pridem in asino fecit. Quo loco miratur S. Chrysostomus patrisfamilias animi magnitudinem & obedientiam. Ego verò non id solum admiror, quod ignotus erat; sed illud multo magis stupeo, quod bellum acerrimum & inimicitias primorum hac ex re incumbere sibi videns, omnibus his neglectis libenter obtemperauerit.

29 **N**Otat quinto venerabilis Beda ad illa Euangelistæ verba: Vespere facto. Vesperam tunc factam fuisse, quando lux mundi, id est, sol verus ad occasum mortis properauit: & tunc quando cum discipulis Dominus discubuiſſet, qui eis quietem æternam præparauit.

30 **N**Otandum sexto: non simplicem aliquam cœnam eam ipsam cœnam futuram esse, ut Calvinus putat; sed valde mysticam, multis figuris adumbratam, multo ante tempore præordinatam, à multo tempore præuisam. Vnde non dicit Christus Dominus, pascha meum est; hoc autem est mihi ab æterno destinatum, æterni & immaculati sacrificij tantisper duraturi, donec ipse veniat. Cuius cœnæ eam rationem fuisse, docent sancti patres. Postquam legale pascha comedisſent, discumbentes cœnabant, ut prædictum est; deinde cum surrexisſet, lauit pedes eorum, ut ait Ioannes, & rursus discumbentes edebant: postmodum cœnam mysticam tradidit interim discipulis. Sicut autem pictores in vna tabula, & lineas supponunt, & picturas adumbrant, & colores superinducunt ac formant: ita quoque Christus in eadem mensa, & figuratiuum pascha & vmbratile subscripsit, & verum ac perfectum apposuit; & quia cædes agni legalis, cædem rationalis agni præfigurabat, oportebat omninò vmbram euanescere apparente sole, & figuram cedere adueniente veritate. Finitis paschæ veteris solennibus, inquit Beda, quæ in commemoratione, antiquæ de Ægypto liberationis populi Dei agebatur: transit ad nouum

uum, quod in suæ redemptionis memoriam Ecclesiam frequentare volebat, ut videlicet pro carne agni & sanguine, sui corporis & sanguinis sacramentum substitueret. Benedixit panem & fregit, quia hominem assumptum ita morti subdere dignatus est; ut ei diuinæ immortalitatis veraciter inesse potentiam demonstraret, ideoque velocius eum à morte resuscitandum doceret.

NOtandum septimò: quod omnes ferè notant Euangelistæ Christum ³¹ Dominum, qui cum antea cum omni genere hominum recumbere solebat, nunc cum solis duodecim recubuisse: non alia causa, quam quod hinc multa constituturus erat, & traditurus: quæ non omnibus passim conuenire poterant, nec debebant præter ipsos Apostolos, Apostolicosque viros; utpotè nouum sacrificium, administrandorum sacramentorum rationem, vtriusque speciei usum. Admittit tamen & Iudam, quod hæc tam bonis, quam malis communia futura erant, quamuis non æquali fructu, nec sorte æquali, quæ omnia hæresis non adnotat, ideò errat.

NOtandum octauò: morem veterem fuisse, patres familiæ in die Paschæ ³² familiæ suæ, uxori ac liberis, cæterisque partem ex eo sacrificio, quod Domino obtulerunt, dare solitos, amoris, pietatis, ac memoriæ tanti festi causa. Patet hoc ex 1. Reg. cap. 1. Venit ergo dies, & immolauit Elcana, deditque Phenennæ uxori suæ, & cunctis filiis eius & filiabus partes, Annæ autem dedit partem vnā tristis, quia Annam diligebat. Facit hoc modo Saluator noster: accipit panem, dat partem veri & æterni sacrificij, corporis & sanguinis sui, (fremat licet rumpaturque hæresis) famulis & filiis suis partem electam, partem cælestem, partem vitæ & immortalitatis, cuius nos etiam ex misericordia sua participes (ut non sacramentorum tantum, sed rei etiam, & virtutis sacramentorum participes efficiamur) facere dignetur.

NOtandum nonò: postquam typicum pascha fuit impletum, & agni car- ³³ nes cum Apostolis comederat; assumit panem qui confortat cor hominis, & ad verum paschæ transgreditur sacramentum, ut quomodo in præfiguratione eius Melchisedech summi Dei sacerdos, panem & vinum offerens: fecerat ipse quoque veritatem corporis & sanguinis repræsentaret. Dicit autem: Hoc est corpus meum. Cuius loci communis est interpretatio omnium patrum, Basilij, Chrysostomi, Damasceni, Theophylacti, quam libet suis verbis nihil mutatis apponere. Cum dicit: Hoc est corpus meum: ostendit quia corpus Domini ipsum, est panis ille consecratus in altari, & non exemplar corporis. Non enim dixit hoc est exemplar, sed hoc est corpus. Ineffabili enim operatione transmutatur, licet nobis appareat panis. Cum enim infirmi sumus, & non possimus carnem crudam comedere, aut hominis carnem; propterea panis nobis apparet, re ipsa verò caro est. Addit autem Euangelista *εὐχαριστίας*, quod lætitiā significat: partim, quod hæc symbolum sit futuræ lætitiæ cælestis, quando ut ipse adiungit nobiscum illud nouum bibiturus est in regno cælorum: partim, quod cum lætitiā animi, hilaritate, & sinceritate sumi debeat: vel quod pro omnibus beneficiis Dei ad hoc sacramentum gratiarum actiones institui debent: vel quod cum eadem lætitiā nos frangi, mortificari, & martyrium subire debemus.

NOtandum decimò: Christum Dominum ubi distribuit panem non ad- ³⁴ didisse

didisse particulam, Omnes, singulis enim ipse dabat in manus: ac dum calicem dat, addit: Bibite ex hoc omnes: non quod omnes homines, quicunque in mundo sunt, tunc obligaret; sed ut illi, qui præsentes erant, inter se partirentur. Omnes vnum illum calicem, quem illis propinârat, & ne vnus & alter exhauriret. Itaque nihil est, quod eam ipsam particulam, Omnes, iactent hæretici, eiusque causa orbem Christianum perturbent: quandoquidem ad panem non est apposita; præsertim cum additum sit, bibisse ex hoc omnes, quod alio modo intelligi non potest, quam de illis, qui præsentes aderant & biberant. Frustra igitur hoc loco tumet Calvinus, cui addendum & illud totum esse Christum sub vtraque specie; quia sub specie panis est totum corpus, ex vi conuersionis vel sacramenti: sanguis autem & anima, & diuinitas, sunt ibi ex concomitantia naturali & inseparabili: similiter sub specie vini, sanguis tantum est ex vi sacramenti, cætera ex concomitantia, ut fusius tractatur quarto Sententiarum.

35 **N**otandum vndecimò: rem totam cœnæ Domini historicè Euangelistas narrare; parabolis iam finem fecisse, nihil in figura pronuciari, contra quam Calvinus nugatur: hæc verba, Hoc est corpus meum, Hic est sanguis meus, figuratè intelligi, id est, significat: nam si hoc verum esset, tum eodem modo omnia illa quæ antecesserunt, & quæ consequuta sunt, figuratè intelligenda essent. Ita neque Iudas Christum verè tradidisset, neque cum discipulis verè Christus accubisset, sed neque verè passus esset, omnia ad metaphoras & similitudines Mahometis more referentur. Nam quod idem comminiscitur figuratè calicem sanguinem dici, hic demùm metonymia est, quam ille spontè non videt: continens enim pro contento sæpè ponitur, ac si diceret hoc vinum sanguis est. Quod vel rusticus quis possit iudicare. Si quis enim dixerit, ebibas hunc calicem; de vino quisque intelligit. Nam cæteras nugas quas affert, illud soluit: qui pro vobis & pro multis effundetur in remissionem peccatorum. Ergo hic est verus & viuus sanguis, stante simplici & non peruersa veritate verborum Domini.

36 **N**otandum duodecimò: præcepisse Dominum, ut summus Pontifex intraret in sancta per singulos annos in sanguine alieno, lectoque omni mandato legis vniuerso populo; & accepto sanguine vitulorum & hircorum cum aqua & lana coccinea & hyssopo, ipsum quoque librum, & omnem populum aspergeret, cum hac populo appellatione: Hic est sanguis testamenti, quod mandauit ad vos Deus: quæ aspergio libri, nihil aliud fuit, nisi sigillum ac obsignatio veteris legis; forma autem ac figura nouæ, illiusque populi sanctificationis. Complet hæc nunc Saluator noster, lato testamento, accipit calicem, proponit discipulis dicens: Hic est calix noui testamenti: hoc est sigillum illud ac obsignatio veri ac æterni testamenti in sanguine meo. Ut quemadmodum Moyses quondam sanguine hircorum & vitulorum obsignauit vetus testamentum; ita ego nunc sanguine meo obsigno & confirmo testamentum meum nouum: ita, ut si quis detraxerit de hoc sanguine meo, idem ipse sit detractus de veritate vniuersi testamenti mei. Fuit ibi in veteri lege lex mortua; ideò mortuo obsignabatur sanguine: hic est lex viuæ, ideò viuo meo obsignatur sanguine. Ille sanguis pro vna effundebatur gente; hic autem quantum

tum ad sufficientiam, non quantum ad efficaciam pro omnibus effunditur. Videant igitur Sacramentarii, quo se scelere obstringant, dum non sanguinē, sed figuram sanguinis hīc dicunt, quia nulla parte veterem à noua lege distinguunt, quia legem Christi mortuam faciunt, quia de tota veritate eius detrahunt: qui enim de veritate sigilli detrahit, illum de totius scripti veritate detrahendo oportet. Exposuit longè antè hunc locum Propheta: Tu verò in sanguine testamenti eduxisti vinctos de lacu, in quo non erat aqua: In vero & viuo sanguine eduxit Christus vinctos de lacu, atqui hic est sanguis testamenti; verus igitur & viuus est.

Notandum tredecimò cum D. Hieronymo, cū dicit Christus Dominus: Non bibam à modo de hoc genimine vitis, vsq; in diem illum, cum illud bibam vobiscum nouum in regno patris mei: de carnalibus transisse ad spiritualia, quòd vinea de Ægypto translata sit. Populus Israël, cui per Hieremiam Dominus loquitur: Ego te plantaui vineam veram, quomodo mutata es in amaritudinem vitis alienam? Et Isaias Propheta in Cantico, quod dilecto canit, & omnis sparsim scriptura testatur: Dicit ergo Dominus de hac vinea, (inquit Hieronymus) nequaquam se esse bibiturum, nisi in regno patris sui. Regnum patris, fidem puto esse credentium: Apostolo quoque id ipsum confirmante: Regnum Dei intra vos est. Ergo cū Iudæi receperint regnum patris; attende quòd dicat patris, non Dei. Omnis pater, nomen est filij: Cū, inquam, crediderint in Deo patre, & adduxerit eos pater ad filium, tunc de vino eorum bibet Dominus, & in similitudinem Ioseph regnans in Ægypto inebriabitur cum fratribus suis: Vnde eliciendum est Christum dicere, se non bibiturum à modo de hoc genimine vitis vsque in diem illum, cū illud bibiturus est vnà cum discipulis suis nouum in regno patris sui. Atqui in cælo nullus erit locus figuris neque vmbris: ergo hic sanguis verus & non vmbra-tilis est; contrà quàm sentiunt Zuingliani, alijque Sacramentarii. Diem etiam illum (inquit Euthymius) vocat tempus post resurrectionem, quando edit & bibit cum discipulis, quod etiam ipsi sumentes pro certo resurrectionis indicio dicebant: Qui manducauimus & bibimus cum eo.

Notandum decimoquartò: D. Lucam docere Christum Dominū, primò quidem sumpsisse poculum, & gratias egisse ac dixisse: Accipite hoc, & diuidite inter vos: deinde sumpsisse panem, & gratias egisse ac diuisisse: Similiter autem & poculum ipsum, vnde videbatur loqui de duobus poculis. Non est autem ita, sed primū quidem sumpsit poculum, & benedixit, ac dixit: Accipite hoc, & diuidite inter vos: deinde cū addidisset; nequaquam bibam de hoc fructu vitis, donec regnum Dei veniat, timore mortis sue turbauit eos. Vt autem verisimile est, facta concertatione ac confusione, repositum est poculum: deinde aliquanto post tempore, facta sunt quæ sequuntur; siue panis, siue poculi traditio: quum enim dixerit Euangelista de pane, quod vbi gratias egisset, fregit ac dedit eis: deinde subiunxerit similiter, & poculum ipsum ostendit, quod illud ipsum fuit poculum, quod prius acceperat; non enim simpliciter dixit, similiter & poculum, sed similiter & poculum ipsum, addito videlicet articulo, & rem, de qua facta est mentio, significando.

Notandum decimoquintò: Christum Dominum morti propinquum, 39
non

non solum agnum typicum, sed etiam corpus suum verum sacramentaliter cum Apostolis suis manducauisset, ut ostenderet, quod quilibet christianus periculo mortis imminente, debet, si potest, sacramentaliter communicare, si non potest, communicet saltem fide, secundum verbum Augustini: Crede & manducasti.

40 **N**otat sedecimò Origenes: Panem istum, quem Deus verum corpus suum esse fatetur, verbum esse nutritorium animarum: verbum de Deo verbo procedens, & panem de pane cælesti, qui positus est super mensam; de qua scriptum est: Præparasti in conspectu meo mensam, aduersus eos, qui tribulant me. Et potum istum, quem Deus verum sanguinem suum fatetur, verbum esse potans & inebrians præclare corda bibentium, qui est in poculo; de quo scriptum est: Et calix tuus inebrians, quam præclarus est. Et esse potum istum generationem vitis veræ, quæ dicit: Ego sum vitis vera. Et esse sanguinem vix illius, quæ missa in torcular passionis protulit potum hunc. Sic & panem esse verbum Christi factum de tritico illo, quod cadens in terram bonam, multum reddidit fructum.

41 **N**otanda decimosseptimò inconstantia Caluini: qui cum & panem hunc & vinum, symbolum corporis & sanguinis esse dicat Domini, non verè, sed metonymicè à Christo corpus & sanguinem appellari pronunciet: baptismo in quo nihil præter aquam est: petra deserti, in qua nihil præter petram: viti, in qua nihil præter vitem: columbæ, in qua nihil præter columbam compareret; idem tamen hæc verba dicere non erubescit. Vera igitur, non signo tantum monstratur, sed re ipsa quoque exhibetur carnis Christi manducatio. Nam quam ille manducationis rationem ante hanc diem inauditam, patribusque incognitam confingit hæc fallax opinio potius, & imaginatio est, quam manducatio; & si est aliqua, tum est spiritualis tantum, non sacramentalis: verum hac de re alij plusquam satis conscripserunt, nos Notas scribimus.

42 **N**otandum decimooctauò: vociferari ac debachari hoc loco in sacerdotes, priuatas missas habentes, Caluinum, communionem hanc multorum esse docentem, ipsos solos accipere; non videns veteres homines hæc sacra domini in arculis condere solitos, atque solos, ubi nemo videret, communicasse; eremitas itidem eodem modo teste Basilio: Ergo eodem modo obiurgandi essent: sed iste vnum semper videt, & alia non videt. Verba eius plena sunt fastus & tumoris. Vnde sequitur, inquit, diabolicum esse inuentum, quo se vnus homo à reliquo coetu separans priuatim coenam peragit.

43 **N**otandum decimononò: hære in eodem loco Caluinum, in quo cæteri hærent Euangelici, fide potius manducantium, quam verbo Dei confici hoc sacramentum; quamquam rem clarè non explicat, sed ut solet maledictis inuoluit omnia. Sed tenendum est, inquit, in terra non consecrari panem fusurro & flatu, sed clara fidei doctrina, & sanè magica incantatio est, cum ad mortuum elementum dirigitur consecratio; quia panis non sibi, sed nobis symbolum corporis Christi efficitur. Quanquam re vere Calvinistica in coena non multum opus habet omnipotenti verbo Dei; utpotè, quæ nihil in se contineat præter metonymiam Rhethorum commentum.

Notandum vigesimò : arbitraturum fuisse aliquem, Iudam tanto facino-
re patrato, Domino & magistro prodito, nusquam pudore & conscientia fra-
ctum compariturum ; sed ecce adest, ad mensam sedet, fit publicæ coenæ par-
ticeps. Vnde hoc euenit ? Inde scilicet ; qui semel metas verecundiæ transie-
rit, eum benè & nauiter oportere esse impudentem. Quod nunc Iudæ eue-
nisse videmus, & multis aliis illius similibus.

Notandum vigesimoprimum : multos esse gradus impudentiæ Iudæ. Pri-
mum ad coenam venit integerrimis ac innocentibus Christi ouibus, lupo ip-
se se commiscet : Christi amicas & caelestes admonitiones contemnit : in pa-
rofsidem vnà simul manum extendit ; vt audacia bonam conscientiam men-
tiretur. O miram Domini patientiam ; qui eum quem ferro trucidari oport-
uit, necdum voce vulnerat ! Primum enim dixerat : Vnus vestrum me tradi-
turus est : perseuerat proditor in malo, manifestius arguit, & tamen nomen
proprium non designat, innocentiam impudenter profitetur : Nunquid ego
sum ? Magistrum vocat, quem iam vendidit, salutaribus monitis nullum re-
linquit locum, peccator vbi venerit ad profundum, contemnit.

Notandum vigesimosecundò cum Origene : verè propriam consuetu-
dinem hominum nimis malorum ; vt post salem & panem insidiantur homi-
nibus maximè, nihil nocentibus eis, cum quibus communicauerunt panem
& salem. De genere hominum ferocium, & valde malorum, Daniel ita pro-
phetans dicebat : Super mensam vnā falsa loquentur. Tales esse idem no-
tat : omnes in Ecclesia, qui insidiantur fratribus suis, cum quibus ad eandem
mensam corporis Christi, & ad eundem potum sanguinis eius frequenter si-
mul fuerunt ; iuxta illud Abdiæ : Inualuerunt aduersum te, inquit, viri pacis
tuæ, qui comedunt tecum, ponent insidias subter te.

Notandum vigesimotertiò cum D. Hieronymo : Christum Dominum,
qui de passione prædixerat, & de proditore prædicere, quippè qui dare volu-
it locum poenitentiae ; vt cum intellexisset sciri cogitationes suas, & occulta
consilia, poeniteret eum facti sui, & tamen non designare specialiter, ne ma-
nifestè coargutus, impudentior fieret : mittit crimen in numero, vt agat con-
scius poenitentiam.

Notandum vigesimoquartò : non similes fuisse Apostolos, sed quamuis
certò nouerant, quòd nihil iniquum contra Dominum cogitarent, plus ta-
men credunt magistro, quàm sibi, pertimescentes fragilitatem suam, tristes
interrogant de peccato, cuius conscientiam non habebant ; & quia præce-
ptori maximè credebant, tanquam veracissimo, inde factum est vt timeret quis-
que, ne fortè talis euaderet mente excoecatus : Iustus enim timidus est, in o-
mnibus viis suis.

Notandum vigesimoquintò : Christo neminem nocere posse, neque or-
dinationem diuinam quenquam interuerrere, sibi autem quemque nocere,
ac laqueum parare. Proinde Christus Dominus inquit : Filius hominis vadit,
vt scriptum est de illo. Væ autem homini illi, per quem filius hominis trade-
tur:

tur: bonum erat ei, si natus non fuisset homo ille. Sed quomodo vā filio hominis; siquidem ita scriptum est, siquidem ea fuit voluntas patris. Non enim ut hic, qui Dei voluntati cooperari vellet hoc fecit, sed suā propriā malitiā satisfacere volens eamque explere. Quem locum itidem pulchrè interpretatur D. Hieronymus: Non ideo, inquit, putandus est antè fuisse, quàm nasceretur; quia nulli possit benè esse, nisi ei qui fuerit; sed simpliciter dictum est: multò melius esse non subsistere, quàm malè subsistere. vel secundum Euthymium; Vtile fuisset ei, cùm in vtero matris cresceret omninò non nasci, qui tale flagitium perpetraturus erat, ut tali dignus futurus esset supplicio. Vā item similiter hodie homini illi, qui insidiis in mente sitis, ad mensam malignus accedit, & sacrosanctis mysteriorum Christi oblationibus participare non metuit, tradens filium hominis, non Iudæis peccatoribus, sed tamen mēbris peccatoribus, videlicet suis.

50 **N**otandum vigesimosexto: dicere quosdam culpa carere Iudam, qui, quod definitum erat, peregit. Quibus respondent patres sancti; quòd non quia prædefinitum erat tradidit; sed quia tradidit, ideo prædefinitum erat, Deo prævidente, quidquid euenturum erat: talis enim euasurus erat, non à natura, sed ex voluntate. Perdurè autem hoc loco, & blasphemè, ut vbiq̃ue, Calvinus: Licet enim Deus occulto frāno in finem illis incognitum dirigat; nihil minus illis propositum est, quàm eius decretis obsequi. Et paulò post: Sed videmus, inquit, quomodo Christus hīc vtrumque conciliet, maledictioni subiiciens Iudam; quamvis diuinitus hoc statutum est, quòd ipse contra Deū machinatus est: non quòd proditio Iudæ propriè vocari debeat Dei opus; sed quia Deus Iudæ perfidiam ad implendum suum consilium inflexit.

51 **N**otandum vigesimo septimò: quærere vlteriùs curiosos, quare omninò suscepit Christus in discipulum Iudam, qui talis euasurus erat. Ut manifesta fieret magnitudo bonitatis Christi, & malitiæ proditoris; quomodo ille suum proditorem salutaria docuit, ac dilexit, gratisque dignum duxit, nec ab aliis segregauit; sed omnia, quæ ad correctionem & conuersionem eius erant, induxit, ne dicere posset, quòd præceptorem nactus non fuerat, qui nolentes posset seruare. At ille quum omnia hæc consequutus fuisset, nihilominus malus permansit. Ex quo enim animam suam domicilium diabolo fecerat, avaritia ei aperiente, illumque introducente non effugit scelus: vnde tanquā non coactè, sed voluntariè factum proditorem, deplorat hunc Dominus, commiseratus potius eum, qui multos suos de inopia sermones frustra audiuerit, & sese avariciæ ac diabolo facilè capiendum tradiderit, non sanè ob inefficaciam verborum præceptoris, quæ & publicanos attraxerunt, & meretrices, sed propter illius segnitiam & maliciam.

52 **N**otandum vigesimo octauò: Si dicet aliquis; si bonum erat Iudæ natum non fuisse, cur eum nasci permisit? eam responsionem cum Euthymio afferemus: Quia non malus natus est, sed mentis nequitia, ac voluntatis prauitate malus effectus est; nullum autem cogit fieri bonum, ne inuoluntariè sit bonus; sed salutaria suggerit, & ea eligentem coadiuuat: permittit autem vnumquemque fieri quod voluerit; utpotè liberum habentem arbitrium. Et

Iudas ergo, non quia natus est, malus effectus est, sed quia ignauia torpuit. Qui autem mali efficiuntur, duplicem merentur ultionem; & quia mali facti sunt, & quia à bonis nullam ceperunt utilitatem. similiter, & qui boni efficiuntur, duplici digni sunt honore; & quia boni facti sunt, & quia à malis nullum reportauerunt damnum.

Circa hortum & traditionem Christi, hæc sunt notanda: Primùm, omittuntur tres Euangelistas diuinos illos sermones, quos Ioannes à Domino tam domi, quàm in itinere, habitos fuisse narrat; utpotè res maioris arcani, & quibus historiam rerum gestarum magis, quàm vniuersam doctrinam, complecti propositum fuit. Hinc igitur omnes ordiuntur, Christum extra urbem egressum esse, quo Iudas venturus erat, ac proditori ultro voluntarium occurrisse. Consummatis ergo, ut docet Hilarius, vniuersis diuinorum mysteriorum virtutibus, gaudio & exultatione communi in cælesti gloriâ efferuntur. Exierunt verò in montem, ut per sacramentorum perceptionem, & suam intercessionem, ad altiora charismata, quibus corda perungamur, nos conscendere doceat; ubi laboris refectio, doloris solatium est.

Notandum secundò, Christum Dominum illis verbis: Omnes vos scandalum patiemini in me in nocte ista; prædicere quod passuri sunt, ut cum passi fuerint, non desperent salutem, sed agentes poenitentiam liberentur. Et signanter addidisse, in ista nocte scandalum patiemini: quia, quomodo qui inebriantur, sic & qui scandalum patiuntur in nocte, & in tenebris sustinent. Nos verò dicamus: nox præterit, dies autem appropinquauit.

Notandum tertio: prophetiam hanc, Percutiam pastorem, & dispergentur oves gregis, D. Hieronymum docere, alijs verbis in Zacharia Prophetâ scriptam esse, & ex persona Prophetæ, ad Deum dicere: Percute pastorem, & dispergentur oves gregis. Sexagesimo quoque & octauo Psalmo, qui totus à Domino canitur, huic sensui congruente: Quoniam quem tu percussisti, persecuti sunt. Percutitur autem pastor bonus, ut ponat animam suam pro ouibus suis; & de multis gregibus errorum, fiat vnus grex & vnus pastor. Percussisse autem dicitur pater filium, cum sententia & permissione ipsius, crucifigitur à Iudæis: nam ille qui potest prohibere, nec prohibet percutere, dicitur propter permissionem.

Notandum quartò, promissa Petri Apostoli: Etsi omnes, inquit, scandalizati fuerint in te, ego nunquam scandalizabor: non esse temeritatem, nec mendacium, sed fidem & ardentem affectum erga Dominum Saluatorem. In tantum enim, & affectu, & charitate Christi efferebatur; ut & imbecillitatem carnis suæ, & fidem verborum Domini non contueretur; quasi verò dicta eius conficienda non essent. Ut autem Petrus de ardore fidei promittebat; sic & Saluator, quasi Deus, futura nouerat. Vnde & Petro respondit: Amen dico tibi, quia in hac nocte, antequàm gallus cantet, ter me negabis. Debebat tamen Petrus in hanc prorupisse vocem, ut notat Origenes: Etsi omnes scandalizati fuerint in te, esto in me, ut non scandalizer; & dona mihi præcipue gratiam hanc, ut in tempore, cum omnes discipuli tui fuerint scandalum passi, ego

ego in denegationem non cadam, nec ab initio scandalizer. vel ut notat Euthymius: Nequaquam te abnegabo, si te habuero adiutorem; quod postea fecit: Quid nos, inquit, intuemini, quasi nostra virtute, aut potestate effecerimus, ut hic ambularet. Is tamen, quem ante galli cantum, id est, crescentibus tenebris, negaturus erat; post gallicinium, id est, luce vicina, culpam lachrymis lauit. Huc quadrat illum Gregorij lib. 3. Dialog. cap. 28. Cum persecutionis aperte tempus irruit, sicut plerique martyrium subire possunt, quoniam esse in pace Ecclesiæ despicabiles videntur: ita nonnunquam in debilitatis formidinē corruunt, qui in pace Ecclesiæ prius fortiter stare videbantur.

57 **N**otandum cum Origine quintò: dicere Apostolum in epistola ad Romanos: Si autem Deus verax, omnis autem homo mendax, sicut scriptum est: non præcipientem omnem hominem fieri mendacem, sed pronunciantē esse mendacem. Psalmo dicente: Ego dixi in excessu mentis meæ: omnis homo mendax. Petrus itaque audiens Salvatorem dicentem: Omnes vos scandalum patiemini in me in hac nocte: Dominum nostrum profitebatur facere mendacem, per ea, quæ sibi confidens dicebat: Si omnes scandalizati fuerint, ego non scandalizabor; non considerans quoniam qui dixit: Ego sum veritas; mentiri non poterat. Quæres autem si possibile erat, ut non scandalizarentur, semel Salvatore dicente: Quia omnes scandalum patiemini in me. Ad quam quæstionem aliquis respondebit: quoniam necesse erat ore verissimo prædicente, Quia omnes vos scandalizabimini, fieri, quod prædictum erat ab Iesu. Alius autem dicet: quoniam qui exoratus à Niniuitis, quæ prædixerat per Ionam, non fecit, propter poenitentiam Niniuitarum; sic possibile fuit, ut repelleret etiam à Petro scandalum deprecante.

58 **N**otandum sextò: Sed quomodo Petrus non debebat confidere, si promissionem Christi habebat; Portas inferni contra illum non præualituras: an quia promissio hæc non presenti tempori seruiebat, sed futuro post Christi glorificationem: an quòd non tam personæ, quàm officio seruitura erat: an sibi potius confisus & inhærens, quàm promissioni, tam magnifica pollicetur, aliosque præ se contemnit.

59 **N**otandum septimò: Getsemani vocem Hebraicam interpretari vallem pinguisimam, in qua Christus Dominus discipulos sedere paulisper, & expectare, donec pro cunctis solus oraret. Erat autem hæc villa, iuxta Lyranum, sita in pede montis Oliueti; propterea dicitur Lucæ 22. quòd venit in montem Oliuarum. In fine etiam illius villæ, erat quidam hortus contemplationi aptus, & illuc introiuit Iesus; ut habetur Ioan. 18. & est ultra torrentem Cedron, ut dicitur ibidem; quia vallis Iosaphat intermedia inter montem Oliueti, & ciuitatem Ierusalem: Torrens autem Cedron currit per medium vnius vallis. Concordant igitur Euangelistæ de loco, licet ipsum diuersimodè nominent.

60 **N**otandum octauò: magnam inter propassionem & passionem differentiam esse. Admittit in se Dominus propassionem, at non passionem: Dominus enim ad veritatem assumpti hominis ostendendam, verè contristatus

fuit ; sed ne passio in animo illius dominaretur, per propassionem cœpit contristari : aliud est enim contristari, & aliud incipere contristari. Contristabatur autem non timore patiendi (qui ad hoc venerat, ut pateretur, & Petrum timiditatis arguerat) sed propter infelicissimum Iudam, & scandalum omnium Apostolorum, & reiectionem populi Iudæorum, & euerfionem miseræ Ierusalem. Vnde & Ionas super ariditate cucurbitæ vel hederæ contristatus est, nolens perire quondam tabernaculum suum. Si autem tristitiam animi, non affectum Saluatoris erga perituros, sed passionem hæretici interpretantur, respondeant quomodo exponent illud ; quod ex persona Dei per Ezechielem dicitur : Et in omnibus istis contristabas me.

Notat nonò D. Hilarius : aliquorum eam opinionem esse, quod cadere ⁶¹ propter se mœstitudo in Deum potuerit, eumque futuræ passionis metus fregerit ; quia dixerit : Tristis est anima mea usque ad mortem. & illud : Pater si possibile est, transeat à me calix iste. & rursum : Spiritus quidem promptus est, caro autem infirma. & ad postremum bis ad ipsum : Pater, si non potest hic calix transire nisi illum bibam, fiat voluntas tua. Volunt enim ex infirmitate corporis ærumnam spiritui adhærere, ac si virtutem illam incorruptæ substantiæ, imbecillitatis suæ sorte assumptio carnis infecerit, & æternitas naturam fragilitatis acceperit. Quæ si ad metum tristis est, si ad dolorem infirma, si ad mortem trepida, iam & corruptioni subdita erit, & incidit in eam totius infirmitatis affectio. Erit ergo quod non erat de angore mœsta, de timore sollicita, de dolore perterrita, ac sic æternitas demutata in metum : si potest esse quod non erat, potuit proinde hoc, quod erat, aliquando non esse : Deus autem sine mensura temporum semper est, & qualis est, talis æternus est : æternitas autem in infinito manens, ut in his quæ fuerant, ita in illis quæ consequentur extenditur ; semper integra, incorrupta, perfecta, præterquam nihil quod esse possit extrinsecus sit relictum. Non ipsa in aliquo, sed intra eam cuncta : potens ita largiri nobis ipsa quod suum est, ut sibi nihil de eo quod sit largita decedat. sed eorum omnis hic sensus est, ut opinentur metum mortis in Dei filium incidisse, qui asserunt non de æternitate prolatum, neque de infinitate paternæ substantiæ extitisse, sed ex nullo illum, qui omnia creauit, affectum, ut assumptus ex nihilo sit, & cœptus ex opere, & confirmatus ex tempore, & in eo doloris anxietas ; ideò spiritus passio, cum corporis passione ; ideò metus mortis, ut qui timere mortem potuit, & mori possit. Qui verò potuit licet in futurum erit, non tamen per eum, qui se genuit ex præterito sit æternus. Quod si per fidem, vitæque probitatem, capaces Euangeliorum esse potuissent, scirent verbum in principio Deum, & hoc à principio apud Deum, & natum esse ex eo qui erat, & hoc, in eo esse qui natus est, quos is ipse est pater, quem erat antequam nasceretur : eandem scilicet æternitatem esse, & gignentis & geniti. Mori igitur in Deo nihil potuit, neque ex se metus ullus est Deo. In Christo enim Deus erat, mundum reconcilians sibi : sed introspectendus omnis hic sermo est, ut quia mœstum fuisse Dominum legimus, causas mœstitudinis reperiamus. Admonuerat superius omnes scandalizatuos, Petrus de se confidens responderat : etiam si cæteri perturbarentur, se non commouendum, quem Dominus etiam ter se negaturum esse respondit : sed & ille, & cæteri omnes discipuli ; ne si in ipsa quidem morte positi sunt pollicentur

tur sese negaturos. Et procedens iussit discipulos suos considerare, dum oraret. Assumptisque Petro, Iacobo, & Ioanne, coepit tristis esse. ergo non antè tristis est quàm assumit: & omnis metus illis esse coepit assumptis, neque ita nō de eo orta est, sed de his quos assumpserat mœsttudo.

62 **N**Otandum decimò: Christum Dominum dicere; animam suam tristem esse, non propter mortem, sed vsque ad mortem, donec Apostolos sua liberet passione. Vbi & illud obseruandum est; quòd Petrus inferior non timet, dicens: animam meam pono pro te; quia vt homo vim mortis ignorat: Christus timet; quia vt Deus in corpore constitutus, fragilitatem carnis exponit, qui corpus exponit, qui corpus suscepit, omnia debuit subire quæ corporis sunt. Humilitatem deinde mentis habitu carnis ostendit, dicitque blandius: Mi pater. & postulat, vt si possibile est transeat à me calix iste passionis, id est, si possibile est, vt sine passione mea omnia illa bona proueniant, quæ per passionem meam sunt prouentura, transeat à me passio hæc; vt & mundus saluetur, & Iudæi in passione mea non pereant. Postulat autem non timore patiendi, sed misericordia prioris populi, ne ab illis bibat calicem propinatum. Vnde & signanter non dixit; transeat à me calix, sed, calix iste; hoc est, populi Iudæorum, qui excusationem ignorantia habere non potest, si me occiderit: habens legem & prophetas, qui de me quotidie vaticinantur. Attamen reuertens in semetipsum, quod ex hominis persona trepidanter renuerat, ex Dei filijque confirmat. Et vt Origenes docet: Rursus reuocans desiderium suum; & videns quanta vtilitas mundi totius esset futura, per passionem ipsius dicebat: Verumtamen non sicut ego volo, sed sicut tu. Non, inquit, hoc fiat, quod humano affectu loquor, sed propter quod ad terras, tua voluntate, descendi. vel vt inquit S. Hilarius: Transeat à me calix; id est, quomodo à me bibitur, ita ab his bibatur sine spei diffidentia, sine sensu doloris, sine metu mortis. & iuxta Theophylactum: Poculum vocat passionem, vel propter eum qui illud subsecutus est somnum: vel quòd gaudij & salutis nobis causa factus est; sed & remedii. Quod autem dicebat, inquit Origenes, si possibile; non ad potentiam Dei referebat solam, sed etiam ad iustitiam: quoniam in quantum ad potentiam quidem Dei, omnia possibilia sunt, siue iusta, siue iniusta. Quantum autem ad iustitiam eius, qui nō solū potens est, sed etiam iustus, non sunt omnia possibilia, sed ea sola quæ iusta est. Si autem non poterat fieri, magis volebat vt biberet eum, & sic transfiret ab eo, & ab vniuerso genere hominum, quàm vt faceret contra voluntatem paternam, bibitionem eius effugiens. Conuenienter autem neque poenæ transissent, quæ debebantur peccatis generis humani.

63 **N**Otandum vndecimò: impossibile esse humanam animam non tentari: vnde & in Oratione Dominica dicimus: ne nos inducas in tentationē, quam ferre non possumus: Non tentationes penitus refutantes, sed vires sustinendi in tentationibus deprecantes. Ergo & in præsentiarum non ait: Vigilate, & orate ne tentemini; sed, ne intretis in tentationem: hoc est, ne tentatio vos superet & vincat, & vos intra casses teneat. Verbi gratia. Martyr, qui pro confessione Domini sanguinem fundit, tentatus quidem est, sed tentationum retibus non ligatur. Quantum igitur de ardore mentis confidimus, tamen de carnis fragilitate timeamus. Si Niniue aliter saluari non potest, nisi aruerit

cucurbita, fiat voluntas patris. Solus verò Christus Dominus orat pro omnibus; sicut & patitur pro vniuersis. Dicit autem vltimò: Dormite & requiescite; neque enim in talibus auxiliis multum præsidij est: & ego pro vobis vltimò mortis me offerro.

Notandum duodecimò: tribus vicibus Dominum orauisse, vt & nos à⁶⁴ præteritis peccatis veniam, & à præsentibus malis tutelam, & à futuris periculis cautelam oremus; & vt omnem orationem ad patrem, & filium, & spiritum sanctum dirigamus. Item, sicut trina est tentatio cupiditatis, ita & timoris. Est enim concupiscentia carnis, concupiscentia oculorum, & ambitio sæculi. Est & timor mortis, & timor vilitatis, & timor doloris. Contra quæ omnia docet nos debere muniri oratione: vnde & propter trinam tentationem passionis, potest intelligi Dominum ter orasse.

Notandum tredecimò: indigna Deo eiusque filio Caluini oratio: Non⁶⁵ ergo, inquit, horruit simpliciter, quatenus transiuit è mundo, sed quia formidabile Dei tribunal illi erat ante oculos, iudex ipse incomprehensibili vindicta armatus: peccata verò nostra, quorum onus erat illi impositum, sua ingenti mole eum premebant. Quarum nihil mirum, si horribilis exitij abyssus metu & anxietate duriter eum cruciauit. Quasi hæc seruilis alicuius timoris, & non potius filialis charitatis & amoris essent. Non veretur tamen temulenta sua virgula sanctos notare Patres. Et putida quidem ista sunt; sed & illa non minùs, quæ statim adiungit de oratione Christi: Non fuit, inquit, hæc meditata Christi oratio, sed vis & impetus doloris, subitam ei vocem extorsit, cui statim addita fuit correctio. Quomodo igitur hoc exemplum orationis fidelibus propositum est; qui ad pauca respicit, parum videt. Verùm reliquas Caluini; siue ineptias, siue blasphemias circa hanc ipsam orationem Domini, amplius prosequi neque libet, neque expedit. Contentiones enim istæ, vt docet D. Paulus, quæstiones atque pugnæ verborum ad nihil vtilis sunt, nisi ad subuersionem infirmorum, qui volet leget modò bono animo, & cum licentia superiorum; eas enim ineptias cognouisse, refutasse est. Nusquam diligentior esse voluit, quàm vbi minimè oportuit. Iuuat tamen expansionem loci D. Pauli audire: repudiata Ecclesiæ translatione, exauditus est pro sua reuerentia, corrigit magnus emendator, exauditus est à suo metu *εὐλαβία* Græcis dicitur, cultus, pietas, & reuerentia. Metum, nemo bonus exposuit, præter illos, qui strauerunt vias futuris hæresibus. Primum autem labitur in eo, quòd hæc oratio, quæ exaudita est pro eius reuerentia, non horti fuit, sed crucis, quod ex ipso Paulo patet. Deinde quòd Chrysostomus ille, cui ipse Paulus commentarios in aures pronunciauit, longè aliter interpretatus est; quem postea vniuersa Græcia secuta fuit. Quo quidem Chrysostomo, neque meliorem, neque doctiorem, neque Græcæ linguæ peritiorem, se asserere potest, nisi impudentissimus esse velit. Chrysostomi igitur interpretationem, & cum Chrysostomo omniū Græcorum audiamus. Quanquam esset filius, pro reuerentia exauditus est. Tanta, inquit, erat eius reuerentia, vt etiam propterea eum reuereretur Deus.

Notandum quartodecimò: Putasse Iudam miserum, & tamen non misere-⁶⁶
rabilem

rabilem eadem infidelitate, qua Magistrum & Dominum tradidit, signa quæ Saluatorem viderat facientem, non maiestate diuina, sed magicis artibus facta, & quia eum fortè audierat in monte transfiguratum, timuisse; ne simili transformatione elaberetur è manibus ministrorum. Dedit ergo signum, ut scirent ipsum esse, quem osculo demonstraret. In quo Iudæ osculo, inquit Hilarius, hæc fuit ratio; ut doceremur inimicos omnes, eosque quos sciremus defæuituros in nos esse, diligere. Osculum enim eius Dominus non respuit. simul & illud Dauidicum implens: Cum his qui oderunt pacem, eram pacificus. Pergit autem Iudas contra magistrum cum fustibus, ad authorem vitæ accedit, cum meditatione mortis. Humanitas præceptoris prouocat, additque animum scelerato ad impium osculum. Liberè autem hoc loco D. Hieronymus expostulat cum sacerdotibus: Dic, inquit, sacerdos, dic clerice, quomodo eisdem labiis deoscularis filium virginis, quibus deosculatus es filiam meretricis. O Iuda, osculo filium hominis tradis.

67 **N**Otandum decimoquintò: Origenem testari venisse traditionem usque ad sua tempora de Christo Domino. Quoniam non solum duæ formæ in eo fuerunt: vna quidem secundum quam Deum omnes videbant: altera autem secundum quam transfiguratus est coram discipulis suis in monte, quando & resplenduit facies eius tanquam sol; sed etiam unicuique apparebat, secundum quod fuerat dignus. Et cum fuisset ipse, quasi non ipse omnibus videbatur: secundum quod de manna est scriptum, quando Deus filiis Israël misit panem de cælo omnem delectationem habentem, & ad omnem gustum conuenientem, quando desiderio offerentis obsequens ad quod quis voluerat, vertebatur.

68 **N**Otandum sedecimò ex Origene: omnes hæreticos quemadmodum Iudam sic Iesu dicere Rabbi, & osculari eum, sicut & Iudam; ad quos omnes placabilia dicit Iesus, cum sint omnes Iudæ proditores: Iuda, osculo tradis filium hominis.

69 **N**Otandum est cum D. Ambrosio: Osculo humano amicitiae insigne humanitatisque præfulgere, in quo plenæ charitatis fides exprimitur. Vnde & Dominus hic velut prodigij genus in proditore condemnans ait: Iuda, osculo filium hominis tradis? hoc est: charitatis insigne conuertis ad signum prodicionis, & infidelitatis indicium? pacis hoc pignore vteris ad officium crudelitatis. Bestiali igitur oris obsequio inferentem potius necem, quam charitatis foedera deferentem diuinæ arguit vocis oraculo. *Hexa: Lib: 6. Cap. 9.*

70 **N**Otandum decimosseptimò: Origenem agnoscere hoc nomine Amice, neminem bonorum in scripturis appellatum. Ad malum enim & non indutum nuptialibus vestimentis dicit: Amice quid huc venisti, non habens vestem nuptialem? Malus autem est, qui & in parabola denarij audit: Amice, non facio tibi iniuriam. Nonne ad denarium conuenisti mecum? tolle quod tuum est, & vade: Volo autem huic nouissimo dare, sicut & tibi.

71 **N**Otandum decimooctauò: omnem qui accipit gladium, gladio perituum,

rum, si non hoc visibili & materiali; tum illo, qui igneus vertitur ante paradysum, & gladio spiritus, qui in Dei describitur armatura. Et iuxta D. Hilarium, recondi gladium præcepit; quia eos non humano, sed oris sui gladio esset perempturus.

Notandum decimononò: verba hæc, Omnes qui accipiunt gladium, 72 gladio peribunt, Originem moraliter exponere. Omnes, qui non sunt pacifici, sed belli concitatores, in eo bello peribunt, quod concitant, ut sit in eis gladius mysterium belli, & litis. Et puto, quod omnes tumultuosi & concitatores bellorum, & conturbantes animas hominum, maxime ecclesiarum, accipiunt gladium, in quo & ipsi peribunt: Quoniam qui fodit foueam, ipse incidit in eam: Quoniam conuertetur dolor eorum, in caput eorum, & iniquitas eorum, in cerebrum eorum descendet.

Notandum vigesimò: Angelos non modò specie inter se, sed etiam numero distinguere, magnumque esse eorum numerum. Et millia, inquit, millium ministrabant ei, & decies centena millia assiscebant ei. Vna siquidem legio apud veteres, sex millibus complebatur hominum. Significat autem hic numerus septuaginta duo millia Angelorum, (in quot gentes hominum lingua diuisa est) de duodecim legionibus fieri. Humilietur humana maiestas ad tantæ maiestatis amplitudinem; metuant blasphemii, exhorrescant impij, ad tantæ curiæ frequentiam, sed & Gigas nobilitatis Poloniæ, raso fronte solum percutiat. Quam curiam non solum in cælo illi adesse, sed etiam in altari, testatur Chrysostomus. An putas, inquit, quia non possum rogare patrem meum, & exhibebit mihi plus quam duodecim legiones angelorum? Fortè, inquit Origenes, secundum existimationem Petri volentis ei auxilium ferre, & gladium proferentis, & amputantis auriculam serui, talia locutus est. Magis enim Angeli auxilio habent vnigeniti filij Dei, quam ipse illorum.

Notandum vigesimoprimum: templum proprium locum doctrinæ esse. 74 Quotidiè eram in templo docens. Non stabula: non acervos: non alia latibula. Capitur autem Christus, iuxta prædictionem Prophetæ: Ab iniquitatibus populi mei ductus sum ad mortem.

Notandum vigesimosecundò: Ostendere Christum Dominum turbis, 75 quæ tanquam ad latronem exiuerant cum gladiis & fustibus: quod non sua virtute apprehenderint eum. Sicut enim tunc cum quotidiè in templo sedebat docens, non potuerunt eum apprehendere; ita neque nunc, nisi omnino voluisset.

Notandum vigesimotertiò: quamvis hæc fuerit potestas eorum, qui eum 76 capiebant, dico potestatem tenebrarum; consilium tamen spiritus sancti fuisse, ut hac via salus nostra perficeretur, utique tamen ipsi se offerebant. Christus tamen docet, nihil aliud eos fuisse, quam diaboli instrumenta & mancipia; quod nunc idem de hæreticis rectè & verè dici potest.

Notandum vigesimoquartò: Euthymium causam afferre, quomodo non 77 comprehenderint discipulos, ac trucidauerint; propter id quod factum est in ser-

in feruum Principis sacerdotum. Verè enim ipsa virtus, quæ hos excœcauerat & prostrauerat, illa etiam tunc iram, quam de auriculæ amputatione conceperant, disperfit; & vt impleretur verbum Christi: Quos dedisti mihi pater, non perdi ex eis quenquam, præter filium perditionis.

78 **N**Otandum vigesimoquintò: quòd sicut Petrus, qui negationem lachrymis abluit, confessione Dei funditus extirpauit, recuperationē eorū significat, qui in martyrio labuntur: ita cæteri, qui fugerunt, cautelam fugiendi docent eos, qui minùs idonei sunt ferendis aduersis, quibus tutiùs est latere, quàm se discrimini committere: ita etiam adolescens, qui secundum Marcum, relicta sindone nudus profugit: illorum opus & animum designat, qui vt securiores sint, omnia quæ in mundo habent abiiciunt, & Deo potiùs famulari nudi, quàm hærendo mundi rebus materiam tentandi, & à Deo reuocandi dare didicerunt; iuxta exemplum Ioseph: qui relicto adulteræ pallio, maluit nudus Deo, quàm indutus meretricis cupiditatibus seruire.

79 **N**Otandum vigesimosexto: Ex Petri casu illud nobis discendum esse, neque oportere nimium confidere, neque obdormire omni negotio in Deum reiecto; neque rursus putare seipsum omne opus efficere. Siquidem nec totū operatur Deus ne ociosi permaneamus: nec totum nobis permittit ne gloriemur; sed ab vnoquoque quod nocuum est auferens, quod vtile est nobis reliquit. Permisit itaque cæterorum principem cadere, non propter dictas tantum causas, verum etiam vt amplius amaret: cui enim dimissum fuerit amplius, hic amplius diligit. Et nos itaque credamus vbique Deo, nec contradicamus, etiam si ab eo quod dicitur, contrarium esse videatur nostris cogitationibus, & aspectibus. Ita quoque in adorandis mysteriis faciamus, non ea solum, quæ proponuntur intuentes, sed sermonibus eius credentes. Quumque ille dicat: Hoc est corpus meum; &, Hic est sanguis meus: & pereamus & credamus; siquidem etiam in baptismo sensibilis quidem est aqua, sed intelligibile donum est regeneratio; quia enim corpori conferta est in nobis anima, in sensibilibus intelligibilia nobis tradidit Deus.

80 **C**irca vltimam partem capitis, hoc est, iudicium Caiphæ, atque abnegationem Petri, hæc ex patribus sunt notanda.

81 **P**rimùm, circa personam Caiphæ notat D. Hieronymus: Moysen Deo iubente præcepisse, vt Pontifices patribus succederent, & generationis series in sacerdotibus texeretur. Refert Iosephus, istum Caipham vnus tantum anni pontificatum ab Herode pretio redemisse. Non ergo mirum est, si nequā Pontifex iniquius iudicet; de quo Caipha plura legenda sunt apud Iosephum lib. 18. de antiq. Iud. Vocabatur hic alio nomine Iosephus à Valerio Grato Iudææ Præsidente, summo sacerdotio ornatus, cum honore amotus esset Simon Camiti filius.

82 **N**Otandum secundò ex parte sacerdotis Caiphæ: Iram præcipitem & impatientem, non inuenientem calumniæ locum excussisse de solio Pontificem; vt vesaniam mentis motu corporis demonstraret. Quantò Iesus tacebat ad in-

ad indignos eius responsione sua falsos testes, & sacerdotes impios, tantò magis Pontifex furore superatus, eum ad respondendum prouocat, vt ex qualibet occasione sermonis locum inueniat accusandi. Nihilominus Iesus tacebat, sciebat enim, quasi Deus, quidquid respondisset torquendum ad calumniam. Vel tacebat videns, & iudicij forum iniquum; nam latronum iudicio simile videbatur, & tyrannicum tribunal. & secundum Theophylactum: Quibus signa non profuerunt, nec persuaferunt: certe nuda verba non profutura erant. Vrget Iudex, adiurat; quem sic pulchrè alloquitur Hieronymus: Quid, inquit, adiuras impiissimè sacerdotum, vt accuses, an vt credas? si vt accuses, arguunt illi, voluntque condemnare tacentem: si vt credas; quare confitenti credere noluit? Respondet autem Iesus: Tu dixisti; ac si diceret, ore tuo testatus es me esse filium Dei. Simili sententia vsus est, qua paulopost Pilato respondit, de regno interroganti; quem modum dicendi D. Marcus simplicius interpretatur: Ego sum. vt ostenderet tantum valere, quòd ei dicit Iesus: Tu dixisti; quantum si diceret: Ego sum. Sæpius autem priori illo modo vtitur Christus: partim, quòd Hebrææ linguæ sit familiaris: partim, vt ipsi lingua sua conuincantur. Quod latius non tam simplici verbo, quàm re ipsa explicat. Verùm tamen à modo, inquit, videbitis filium hominis venientem in nubibus cæli, cum potestate magna. Potentiam intelligit patris, non de terra, sed de cælo venientem. Respondet autem Danielis verbis, ca. 7. Aspiciebam in visione noctis, & ecce cum nubibus cæli quasi filius hominis veniebat. Sacerdotem, quem de solio suo furor excusserat, eadem rabies ad scindendas vestes prouocat: Scidit autem vestimenta sua, vt ostendat Iudæos sacerdotij gloriam perdidisse, & vacuam sedem habere Pontifices. Sed & consuetudinis Iudaicæ est, cum aliquid blasphemix, & quasi contra Deum audierint, scindere vestimenta sua. Quod Paulum quoque & Barnabam, quando in Licaonia deorū cultu honorabantur, fecisse legimus. Hac autem scissione vestis auxit rei indignitatem, & illos ad approbationem sui decreti coëgit eū, scilicet reum esse mortis. Herodes autem, quia non dedit honorem Deo, sed acquieuit immoderato fauori populi, statim ab angelo percussus est: Prophetare iubetur; stultum autem erat verberantibus respondere, & prophetizare credentibus, cum palàm percutientis videretur insania. Sed sicut hoc nobis non prophetauit, sic illud manifestissimè vaticinatus est, quòd circumdaretur Ierusalē ab exercitu, & non relinqueretur lapis super lapidem in templo. Horreto cælum & terra, exclamat Euthymius, vniuersæque creatura, in quam faciem quam intulerunt iniuriam. Propter quod, inquit Origenes, & ipsi receperunt alapam æternam, & omni prophetia priuati sunt, percussi & castigati; & nec sic volentes recipere doctrinam disciplinam, secundum quod prophetauerat hoc ipsum de eis Hieremias: Flagellasti eos, & non doluerunt, & noluerunt suscipere disciplinam.

Notandum tertio: Frustrà & malitiosè Caipham falsos testes quesuisse, 83 cum hoc ipsum iudicium non tam testibus, quàm re ipsa constabat, hoc enim inquirendum erat: Num eius ipsius talis fuerit vita, talis doctrina, talia miracula; qualia veri Messia, veri filij Dei, à Prophetis prædicta fuerunt, ac figuris legis adumbrata: tum nihil testimoniis opus fuisset, nihil adiuratione, res ipsa omnia probasset, sed isti cum præiudicata mortis & damnationis Christi opinione

opinionem conuenerunt, quare nulla est iniquior; & ideò de re ipsa parum solliciti erant, prætextum qualemcumque quærunt.

84 **N**otandum quartò, circa Petri officium, quòd secutus est Christum à longè, qui erat ipsum negaturus; vel amore autem discipuli, vel humana curiositate scire cupiebat, quid iudicaret de Domino Pontifex; vtrum eum neci addiceret, an flagellis cæsum dimitteret. Hærebat adhuc aliquid veterum promissorum in animo; & in hoc diuersitas decem Apostolorum, & Petri: illi fugiunt; iste quanquam procul, sequitur tamen Saluatorem.

85 **N**otandum quintò: Petrum mirandum esse, & tamen venerandum, qui Dominum non reliquit, etiam cùm timeret, sequebatur enim eum à longè. Quòd enim timuit; naturæ est: quòd sequitur; deuotionis: quòd negat; obreptionis: quòd pœnitet; fidei. Mysticè autem, quòd ad passionem eundem Dominum, à longè sequitur Petrus, significari Ecclesiam secuturam, quidam hoc est imitaturam passiones Domini; sed longè differenter: Ecclesia enim pro se patitur, at ille pro Ecclesia.

86 **N**otandum sextò, circa falsos testes, quomodo falsi dicantur, si vera dicunt: sed falsus testis est, qui non eodem sensu dicta intelligit, quo dicuntur. Dominus enim dixerat de templo corporis sui; sed & in ipsis verbis calumniatur, & paucis additis vel mutatis, quasi iustam calumniam faciunt. Saluator dixerat: Soluite templum hoc; isti commutant, & aiunt: Possum destruere templum Dei: Vos, inquit, soluite, non ego; quia illicitum est, vt nobis inferamus manus. Deinde illi vertunt: Et post triduum vult reædificare illud, vt propriè de templo Iudaico dixisse videatur. Dominus autem vt ostenderet animale & spirans templum; dixerat: & ego in triduo suscitabo illud. Aliud est ædificare, aliud suscitare. Vrgent autem hoc crimen maximè: partim, quòd dicere contra templum, maximè blasphemix fuit: partim, quòd capitale erat, quod patet ex Esdræ cap. 6. A me ergo positum est decretum; vt omnis homo qui hanc mutauerit iussionem, tollatur lignum de domo ipsius & erigatur, & configatur in eo; domus autem eius publicetur.

87 **N**otandum septimò: testes falsos vocari, non solum qui mendacium de nihilo conflatum protulerint; sed qui etiam calumniosè peruerterint rectè dicta, & ad crimen detorserint: quale etiam exemplum hîc disertè refertur de templi ruina, & noua instauratione.

88 **N**otandum octauò: tres Euangelistas, tres Petri negationes in Caiphæ domo factas esse dicere: Ioannem autem, in domo Annæ socris ipsius, nec tamen ob hoc inter eos esse dissonantiã. Siquidem amborum vna domus erat, idemque atrium habens in se duo habitacula à se inuicem separata. Ab ancilla autem requisitus Petrus, negauit Dominum. Vt sicut per fœminam hostis antiquus primum parentem seduxit; ita per mulierem ad magistrum negandum, quem Christum filium Dei confessus fuerat principem Ecclesiæ compellit. Significant autem mulierculæ istæ Petrum vexantes humanam infirmitatem, cui semper subiecti sumus, & vim quam semper suspectam habere

debemus : Gallus autem mentem rectè designat, quæ nos ad vigilandum semper excitat.

Notandum nonò : Miram promissorum diuinorum esse vim ; Petrum , 89
super quem ædificari debebat Ecclesia , clauigerum regni , gallus ter promissorum admonet ; nec tamen ad se redit. puella commiseratione hominis plena, terret, anathematizare cogit. Cur ita ? Vt non gloriatur in conspectu Dei omnis caro ; & vt istius lapsus sit sempiterna peccatorum subleuatio. Permissus est enim cadere Petrus, vt etiam ignoscere discat his quoq; qui labuntur, horum imbecillitatem ex sua cognoscens : nam pastor constituendus erat. Et vt magnorum factus operator miraculorum modestus sit, ac sui casus recordatus, Deo rem omnem adscribat. Siquidem & Paulus tentationibus permissus est pugnare, ne extolleretur ; vt ipse ait : potissimum autem , vt peccatoribus clarum esset poenitentiae exemplum.

Notandum decimò : in Petri negatione, ad frangendum hominem non 99
opus esse graui conflictu , nec multis machinis, aut copiis, si præsertim diuinum absit auxilium ; vna ancilla faciliè virum deuincet : quinimò leuis aura folij cadentis, nonnunquam strepitus. Illuc ergo semper recurramus : Adiutorium nostrum in nomine Domini, qui fecit cælum & terram.

Notandum vndecimò : ancillas duas & milites, qui ad Christum negan- 91
dum Petrum impulerunt, tres, secundum Origenem, christianorum persecutiones designare. Primam ancillam intelligi principis facientem denegare discipulos Christi, synagogam esse Iudæorum secundum carnem, qui denegare frequentur compulerunt fideles : secundam autem ancillam , congregationem gentium ; qui etiam persequentes christianos denegare cogeant : tertios autem stantes in atriis , ministros esse hæresum diuersarum , qui & ipsi veritatem Christi denegare compellunt.

Notandum duodecimò : Respexisse Dominum Iudam , respexisse & Pe- 92
trum ; sed istum ad mœrorem & amarum luctum aspectu suo prouocasse ; illum scelus persecutū fuisse, non omnipotentis aspectus, sed prauæ Iudæ mentis, prauique animi vitio. Idem enim semen in varios agros iactum, non eodem, neque æquè sanos aut vberes fert fructus.

Notandum tredecimò : quòd Petrus in atrio Caiphæ sedens, non pote- 93
rat agere poenitentiam ; egreditur foras de impiorum concilio, vt pauidæ negationis sordes, amaris fletibus lauaret , & pristinam mentis tranquillitatem reciperet. Sicut enim post vehementes imbres mundus aër ac purus efficitur ; ita etiam lachrymarum pluuias serenitas mentis sequitur, atq; tranquillitas, omnisque illa de peccatorum tenebris effusa caligo dissoluitur.

Notandum quartodecimò, cum Lyrano : Petrum à die illo quo egressus, 94
fleuit amarè, traxisse in consuetudinem , vt à primo gallorum cantu, vsque ad horam matutinam , staret in oratione flens pro ista negatione, vt habetur in itinerario Clementis.

Caput

Caput XXVII

I



APITIS HÆ PARTES SVNT: SERA POENITENTIA Iudæ: traditio à sua gente Christi Pilato: Barrabas dimittitur: Christus iudicatur, condemnatur, illuditur, flagellatur, ac coronatur, extra portam crucifigitur, moritur, sepelitur, custoditur: cuius capitis examen eò diligentius esse debet, quod non vnum, sed simul aliquot articulos fidei nostræ continet, passum scilicet, mortuum, & sepultum Christum Dominum.

2 Circa Iudæ seram poenitentiam hæc notanda sunt: primum, licet Iudas mutauerit voluntatem, tamen voluntatis primæ exitum non mutauit: si autem peccauit ille, qui tradidit sanguinem iustum, quantò magis Iudæi peccauerunt, qui emerunt sanguinem iustum, & offerendo pretium ad proditorem discipulum prouocarunt. & vt Hilarius docet: Iudas agens poenitentiam, pretium sanguinis Christi reddidit sacerdotibus; vt licet ipse venditi sanguinis iusti author esset, tamen euentum infidelitatem ipsa professio vendentis argueret. Qui diuersas naturas conantur introducere, & dicunt Iudam proditorem malæ fuisse naturæ, nec electionem Apostolatus potuisse seruare; respondeant, quomodo natura mala egerit poenitentiam?

3 Secundò notat D. Hieronymus: Si quando sic frater peccat in fratrem, vt emendare valeat quòd peccauit, potest ei dimitti; sin autem permanent opera, frustrà voce assumitur poenitentia. Hoc est, quod in Psalmo de eodem infelicissimo Iuda dicitur: Et oratio eius fiat in peccatum; vt nò solùm emendare nequiuert proditoris nefas, sed ad prius scelus etiam proprii homicidii crimen addiderit. Tale quid & Apostolus in 2. ad Corinth: epistola loquitur: Ne abundantiori tristitia absorbeatur frater.

4 Notandum tertio: Iudam, cum auarissimus esset, putasse, & se triginta argenteos accepturum, & Christum, quod sæpiùs faciebat, euasurum: ac ita pecuniam in lucro remansuram; verùm non animaduertit Christum iam morti adiudicatū esse, magistratui ciuili executionis causa traditum, tum demùm poenitentia ductum, sed serò.

5 Notandum quarto: tum demùm Diabolum homines in magnas tentationes inducere, tum maxima scandala illis proponere, cum eos maximè deuotos esse oportet, & cum maximè deuotionis tēpora instant. Quod in principibus sacerdotum, totaque Iudæa nunc factum videmus in principe festo, vbi eos maximè deuotos esse oportuit, vbi tot hostias pro peccatis, ignorantibus, expiationibus, offerre; tum demùm ad funestam cædem illos impulit.

6 Notandum quinto: Caluinum dum Catholicam doctrinam refellere vult, seipsum impugnare: nam cum dixisset Iudam vera poenitentia caruisse, sed solam displicentiam facti, mox paucis versibus interiectis hæc addit: Hic, inquit, in Iuda cernitur, & cordis contritio, & oris confessio, & operis satisfactio, vt Papistæ loquuntur; atque his partibus constare poenitentiam omnes tradiderunt.

NOtandum sextò: Eos, qui ad mortem peccant, tantam habere ignorantiam & coecitatem, vt nec turbentur sceleribus suis, nec poenitentiae dolore crucientur. 7

NOtandum septimò: Iudam, secundum Hieronymum, grauius peccasse in se suspendendo, quam in tradendo Christum: Nam Christi traditione peccauit contra eius humanitatem directè; sed in desperatione illa, peccauit directè contra eius diuinitatem; quia contra infinitam Dei misericordiam. 8

NOtandum octauò: peccatum coram omnibus confiteri, ac proicere argenteos, resipiscentiae esse; laqueo verò se suspendere, desperationis. Agnouit siquidem & poenituit eum, ac confessus est; veniam autem ab eo, qui hanc dare poterat, non requisit. Neque enim permisit sic eum Diabolus poenitentia duci, quò ad Christum iret, in quem peccauerat, sed hunc ante perfectam poenitentiam abduxit; vtpotè conscientiae remorsum non referentem. Intelligamus ergo, qui argenti sumus amatores, quomodo & Iudas, & peccatum perpetravit, & pecuniae fructum non accepit, & propriam animam perdidit. 9

NOtandum nonò: illustre exemplum illius Christi Domini parocemiae cum licem colare, & camelum deglutire, quod in hoc sacro gazophilacio apparet; ideò non mittunt pecuniam in carbonam, hoc est, in gazophilacium, & dona Dei; quia est pretium sanguinis: culex iste est, at ille camelus, ipsum sanguinem effundere. 10

NOtandum decimò: illos quidem fecisse alia voluntate, vt aeternum impietatis suae relinquerent ex agri emptione monimentum: ceterum nos, qui peregrini eramus à lege & Prophetis, praua eorum studia suscepimus in salutem, & in pretio sanguinis eius requiescimus. 11

NOtandum vndecimò: magnum in hoc prophetiae sacramentum, & in factis, & in dictis miraculi plena meditatio. Figuli opus est de luto vasa formare; cuius in manu sit ex luto eodem vas, aut id ipsum, aut pulchrius reformare. Agrum autem seculum nuncupari, ipsius Domini nostri verbis continetur. Christi ergo pretio seculum emitur; id est, vniuersitas eius acquiritur, & in sepulturam peregrinorum atque inopum deputatur. Nihil hinc pertinet ad Israël, & totus hic seculi emptus eius alienis est, his videlicet, qui in pretio sanguinis Christi sepeliuntur, quo vniuersa sunt empti. Omnia enim à patre accepit, quae in caelis, & quae in terra sunt; & ideò hic ager figuli est, quia Dei omnia sunt: cuius in manu sit nos vt velit tanquam figulus reformare. In hoc igitur agro Christo commortui & consepulti, huius peregrinationis nostrae aeternam requiem foriemur. In cuius rei fidem Hieremiae propheta subditur, vt in facti istius opere diuinæ vocis autoritas ostenderetur. 12

NOtandum duodecimò: D. Hieronymus, testimonium hoc Hieremiae, in Hieremia non contineri nec inueniri. In Zacharia verò, qui penè vltimus est duodecim Prophetarum, quaedam similitudo fertur; & quanquam sensus non multum discrepet, tamen & ordo, & verba diuersa sunt: Legi, inquit, nuper 13

per in quodam Hebraico volumine, quod Nazarenæ sectæ mihi Hebræus obtulit, Hieremiæ apocryphum, in quo hæc ad verbum scripta reperi. Sed tamen mihi videtur magis de Zacharia sumptum testimonium, Euangelistarum & Apostolorum more vulgato: qui verborum ordine prætermisso, sensus tantum de veteri testamento proferunt in exemplum. Quo loco illud Ven: Beda notat indubitanter nos accipere debere, quæcunque per vnum Prophetarum Spiritus sanctus dixit: singula esse omnium, & omnia singulorum. Cum igitur, & quæ dicta sunt per Hieremiam, tam sint Hieremiæ, quàm Zachariæ; quid opus erat vt emendaret Matthæus, cum aliud pro alio sibi nomen occurrens, à se scriptum relegisset, ac non potius sequens auctoritatem Spiritus sancti, à quo mentem suam regi plus nobis vtique ille sentiebat?

14 **N**otandum tredecimò: Christi pretium vocari, pretium appretiati: Cum enim natura sua superior esset omni pretio, improbitate getnis suæ & Iudææ vili pretio calciamenti factus est appretiatus.

15 **N**otandum quartodecimò: vnicam micam virtutum Abrahæ, ac reliquorum Patriarcharum in Iudæis remansisse, studium hospitalitatis; & hanc principes sacerdotum pretio sanguinis contaminasse, vel consecrasse potius.

16 **N**otandum quindecimò: ipsosmet Iudæos immortale monumentum improbitatis suæ, Deo ita operante, hoc agro reliquisse; vt ager hic, ager sanguinis diceretur, quem illi iniquissimè effuderunt: emptus autem erat ager iste propter eos peregrinos, qui Hierosolymam, tam ex Iudæis, quàm ex gentibus sacrificiorum causa veniebant; atque illic fortè moriebantur, vt omnes sub pretio sanguinis Iesu Christi requiescerent.

17 **V**erùm nos ad iudicium Pilati transeamus, circa quod illud notemus: Primum, Pilato nihil aliud interrogante criminis, nisi vtrum sit Rex Iudæorum: argui impietatis Iudæos, quòd ne falsò quidem inuenire potuerint, quod obiicerent Saluatori: Tradidisse autem illum videntur Pilato ad interficiendum potius, quàm ad examinandum.

18 **N**otandum secundò: Dominum Pilato, qui inuitus promebat sententiam, aliqua ex parte respondisse; Sacerdotibus autem & principibus respondere noluisse, quòd indignos suo sermone iudicaret, vt illud vtrumque Salomonis impleretur: Responde stulto secundum stultitiam eius, ne sibi sapiens videatur. & illud: Ne respondeas stulto secundum stultitiam eius, ne sibi sapiens videatur.

19 **N**otandum tertio: Christum ideò respondere noluisse, ne crimen diluens à Præsede dimitteretur, & crucis utilitas differretur.

20 **N**otandum quarto: ideò offerre Pilatum optionem dimittendi, quem velint latronem an Iesum: non quòd dubitaret Iesum potius eligendum; sciens eum propter inuidiam traditum: igitur causa crucis manifestè inuidia est.

12 **N**otandum quinto: quòd gentibus sæpè à Deo somnia reuelentur, & quòd

quòd in Pilato & vxore eius iustum Dominum confitentibus gentilis populi testimonium sit. In qua quidem muliere species gentilium est, quæ iam fidelis cum quo conuersabatur, incredulum populum ad Christi fidem aduocat: quæ quia ipsa multum sit passa pro Christo, in eandem gloriam futura illum cum quo conuersabatur insinuat. Hac enim vice non ante se intellexit Diabolus per Christi mortem nudandum, & spolia humani generis, siue in mundo, siue apud tartaros amissurum; & ideò satagebat per mulierem, per quam spolia mortis inuaserat, Christum eripere de manibus Iudæorum; ne per illius mortem, ipse amitteret mortis imperium. Vbi hoc loci & illud obseruandum est, vxorem viri gentilis hoc in visione intellexisse, quod Iudæi vigilantes intelligere noluerunt.

Notandum sextò: Ideò Pilatum interrogare Christum an Rex sit; non²² quòd id verisimile esse videret, aut quòd ita sentiret, aut quòd illi inuidere vellet; sed quòd querebat aliquam occasionem ex illius sermone & defensione accipere, per quam illum defendere & liberare posset: qua non inuenta, ad aliam viam eius liberandi, quam illi tempus obtulerat, & quæ illi ipsi in mentem venerat, confert se: Barrabæ, inquam, dimissionis, qui vterque modus, aulici erant quodammodo & indirecti; dixisset potius simpliciter: Romano more se infontem contra leges condemnare non posse, in eaq; voluntate constans permanisset, & tunc non periisset.

Notandum septimò. cum sancto Leone, excessisse Pilati culpam facinus Iudæorum; sed nec ipsum euasisse reatum, qui reliquit proprium iudiciũ, & in crimen transijt alienum.

Notandum octauò: Stare filium Dei coram homine mortali reum illi;²⁴ accusari & damnari, ne nos coram Deo damnemur & iudicemur. Tacet ille, vt suo silentio nostrum os aperiat, vt pleniori ore clamemus: Abba pater. fit autem sine patrocinio manifesta rei integritas. Silet nunc, vt nobis sit patronus & aduocatus in omni aduersa fortuna nostra.

Notandum nonò: quòd multas liberandi Saluatoris Pilatus occasiones²⁵ dedit: primùm, latronem iusto conferens, deinde inferens: Quid igitur faciam de Iesu, qui dicitur Christus? hoc est, qui Rex vester est. Cùmq; responderunt, Crucifigatur: non statim acquieuit; sed iuxta suggestionē vxoris quæ mandauerat: Nihil tibi & iusto illi: ipse quoq; respondit: Quid enim mali fecit? hoc dicendo, Pilatus absoluit Iesum. At illi magis clamabant dicentes, Crucifigatur. Omnes, non turba solùm, sed & principes sacerdotum & seniores; nec dicunt, occidatur, sed crucifigatur, vt mortis quoq; genere maleficum eum esse conuincant.

Notandum decimò: Iudæos crucem appellare pessimum mortis genus,²⁶ quòd tamen ipsum electum erat à Domino; ipsam enim crucem habiturus erat signum: ipsam diabolo superato, tanquam trophæum in frontibus fidelium positurus.

Notandum vndecimò: dedisse vocem gentem sanctam, populum electi-²⁷ onis

onis, peculium ac hereditatem Dei, eos redemptorem suum sanguinemq; illius expoposcisse. Factam esse hæreditatem eius, tanquam leonem rugientem in via, aspersisse catullos suos sanguine innocentis prædæ; quis non diceret totam gentem radicitus à regno Dei euulsum iri? sed Deus in illo perfidiarum illustrat fidei suæ constantiam, atq; ut se non frustra foedus cum Abraham pepigisse ostendat, quos beneficio suo elegerit, à generali eximit interitu: ita semper omnibus humanæ incredulitatis obstaculis superior emergit eius veritas.

28 **N**otandum duodecimò cum Lyrano: quòd in fauorem Iudeorum concessum erat à Romanis, ut in solennitate paschali dimitteretur vnus incarceratus secundum voluntatem eorum, in memoriam liberationis eorum de Aegypto. Pilatus ergo sciens eos cupidos, de obseruanda illa consuetudine, dedit eis optionem eligendi, vtrum dimitti vellent Iesum, an Barrabam.

29 **N**otandum tredecimò: Barrabam latronem qui seditiones faciebat in turbis, qui homicidiorum author erat, dimissum esse populo Iudeorum; id est diabolum, qui vsq; hodie regnat in eis: & idcirco pacem habere non possunt. Iesum autem à Iudeis traditum absolui ab vxore Pilati, & ab ipso Præsidente iustum appellari. & Centurio confitetur, quòd verè filius Dei sit. Quærat eruditus lector, quomodo sibi conueniat Pilatum lauasse manus suas, & dixisse: Innocens ego sum à sanguine huius iusti: & postea flagellatum tradidisse Iesum, ut crucifigeretur. Sed sciendum est Romanis eum legibus ministrasse, quibus sancitum est, ut qui crucifigitur prius flagellis verberaretur: *φραγελλισμῶν* autem (quod nos flagellum dicimus) verber erat, è funiculis aut loris contextum, quo dorsa condemnatorum verberabantur. Traditus est itaque Iesus militibus verberandus, & illud sacratissimum corpus, pectusque Dei capax, flagella secuerunt. Hoc autem factum est, ut, quia scriptum erat: Multa flagella peccatorum: illo flagellato, nos à verberibus liberaremur; dicente scriptura ad virum iustum: Flagellum non appropinquabit tabernaculo tuo: & ut satiati poenis eius & opprobriis Iudei, mortem eius ultra non sitirent.

30 **N**otandum quartodecimò: Pulchrè D. Hilarius Barrabam Antichristo comparare. Quemadmodum enim tunc Iudei Christum quidem reiecerunt, mortique adiudicauerunt, Barrabam autem latronem susceperunt ac conseruauerunt: ob quam rem perpetuis diuexationibus, expilationibus, vexationibus in omnibus gentibus patent, & vbique eos Barrabas à tergo percutit: ita itidem in fine seculi, Antichristum quidem recipient, illi se tradent cum illo spiritu oris diuini percutiendi; Christum autem verum regem & Messiam repudiabunt.

31 **N**otandum quindecimò: tum planè, cum Christo Domino antetulerunt Iudei Barrabam, impletum esse illud: Christum Dominum factum esse propter nos purgamentum, atque etiam infra latronem & homicidam collocatum. Id autem factum est, ut nobis ascensum in cælestem gloriam sua deiectione acquireret. Inuectus est hoc loco Calvinus in clerum Ecclesiasticum, quòd hæreticos puniat & persequatur: cum ipse Gentilem atque Seruetum religionis causa combusserit.

Notandum sedecimò: Pilatum lauisse manus, vt in lauacro manuum eius ³² ius gentilium opera purgarentur, & ab impietate Iudæorum, qui clamauerunt, Crucifige eum, nos alienos faceret; quodammodo hoc contestans, & dicens: Ego quidem innocentem volui liberare, sed etiam seditio oritur, & perduellionis mihi contra Cæsarem crimen impingitur: Innocens ego sum à sanguine iusti huius. Iudex, qui cogitur contra Christum sententiam ferre, non damnat oblatum, sed arguit offerentes, iustum esse pronuncians, qui crucifigendus est: Vos, inquit, videritis. Ego minister sum legum, vestra vox sanguinem fundit. Notat quoque Euthymius, id moris fuisse Iudaici, manuum lotionem id protestari eos, qui nollent alicuius cædi communicare. Ait enim Dauid: Lauabo inter innocentes manus meas.

Notandum decimosseptimò: Non eam ob causam lauisse Pilatum manus, quòd id sibi ad innocentiam aliquid profuturum existimaret; sed vt potius istorum corda rangeret, ac ad similem contritionem & poenitentiam prouocaret, metumque illis diuini numinis incuteret: Si, inquit, ego homo Ethnicus & externus, nollem sanguinem tanti viri recipere; quantò magis vobis fratribus eius cauendum est, ne hic talis sanguis in vos descendat. Quid ad hæc isti? Non aquam se fitire, sed sanguinem inclamant: Sanguis eius, inquit, super nos, & super filios nostros. Hinc colligimus, quàm sollicitè cauenda sit in omnibus iudiciis præcepta temeritas.

Notandum decimooctauò: perseverare vique in præsentem diem hanc ³⁴ imprecationem super Iudæos, & sanguinem Domini non auferri ab eis. vnde per Isaiam loquitur: Si leuaueritis ad me manus, non exaudiam vos: manus enim vestrae plenæ sunt sanguine. Optimam hæreditatem Iudæi filiis reliquerunt dicentes: Sanguis eius super nos, & super filios nostros. Sanguinem vocant sanguinis condemnationem, inquit Euthymius. O scelestam vocem, o extremam audaciam! Atqui non solum aduersus seipsos, sed etiam aduersus suos trahunt imprecationem. Christus verò & de eis, & de filiis eorum respicientes suscepit; nec solum huiusmodi liberat imprecatione, sed & mille bonis dignos ducit. Nam & Paulus ex eis erat, & innumeri eorum, qui postmodum Hierosolymis crediderunt.

Triste decretum sequitur: tristior executio decreti. In qua illud primum ³⁵ notandum est: Milites à Pilato ad vexandum Christum designatos idèò fuisse; vel quia Rex Iudæorum fuerat appellatus, & hoc ei Scribæ & Sacerdotes crimen obiecerant, quòd sibi in populo Israël usurparet imperium; vel quia executores iudicij milites erant. Nudatum pristinis vestibus illudentes induunt chlamydem coccineam; pro rufo limbo, quo reges veteres utebantur; & pro diademate ponunt ei coronam spineam: pro sceptro regali dant calamum, & adorant quasi regem. Quo autem fine hæc omnia fiant, vberius in nostro Iosepho diximus: quanquam & mysticè D. Hieronymus hæc præclare interpretatur: In chlamyde, inquit, coccinea, opera gentium cruenta sustentat: in corona spinea, maledictum soluit antiquum: in calamo, venenata occidit animalia; siue calamum tenebat in manu, vt sacrilegium scriberet Iudæorum.

Notandum

Notandum secundò: Iesum, quando flagellatur, & conspuitur, & irridetur, non habere propria vestimenta; sed ea quæ propter peccata nostra sumptulenter pferat. Cùm autem crucifigitur, & illusionis atque irrisionis pompa præterieret, tunc pristinas vestes recipere, & proprium assumere ornatum; statimq; elementa turbare, & creatori testimonium dare creaturam.

36 Notandum tertio: Saluatorem nostrum omnium martyrum, quibus regnum erat suum debitum, sanguine in cocci colore perfundi; pretiosoque Prophetarum ac Patriarcharum in purpura honore vestiri: spinis quoque; id est, compungentium quondam peccatis gentium coronari, ut ex rebus perniciosis atq; inutilibus, quæ capiti eius, id est, Deo circumdata moliantur, gloria quæreretur. Peccatorum est enim aculeus in spinis, ex quibus Christi victoriæ corona contextitur. In calamo verò earundem gentium infirmitas, atque inanitas manu comprehensa firmatur: quinetiam capiti eius illiditur: capiti, ut opinor, de ictu calami, non grandis iniuria est; sed typica in ea ratio seruatur; ut infirmitas gentilium corporum manu Christi comprehensa, etiam in Deum patrem, qui caput eius est, acquiescat: in his autem omnibus Christus dum illuditur adoratur.

37 Notandum quarto: Totum Saluatoris corpus iniuriis affectum: caput quidem per spineam coronam, & arundinis percussione: faciem per ipsa: maxillas per alapas: os verò per fel & acetum: aures per blasphemias: collum per colaphos: dorsum, & pectus, flagellis & verberibus: manus autem & pedes clavis: latus lancea, veluti scribit Ioannes: cæteras quoque partes chlamyde ac nuditate, & ut semel dicam, totum corpus, quod in cruce spectaculo est expositum. Quando ergo blasphemias nobis ingeruntur, aut contumelia afficimur, siue spectaculo exponimur; hæc considerantes, omnem abiiciamus ab anima tumoris flammam; cogitantes simul, quod ipse quidem Deus erat, nos autem homines; ipse Dominus, nos autem serui; ipse sine peccato, nos peccatores; ipse à seruis patiebatur, nos à conseruis; ipse propter nos, nos autem propter nosipsos; ipse quidem spectantibus Romanis, Iudæis, & Græcis, nos verò coram paucis; etsi coram pluribus, at non tam multis.

38 Notandum quinto: usque hodie paganos & hæreticos milites utique Diaboli, quasi arundine caput Christi ferire, qui diuinitati illius contradicentes, errorem suum confirmare autoritate sacre scripturæ conantur. Per arundinem enim solet scriptura confici: spuunt in faciem eius, qui eius præsentiam gratiæ verbis execrandis, in interna cœcæ mentis infania respuunt, & Iesum Christum in carne venisse denegant.

39 Notandum sexto: primum, summam Dei patris erga nos esse bonitatem & misericordiam, qui ut nostram imaginem reformaret, sic foedè filij sui faciem conspuere ac deformari passus est: deinde magnam nobis spem salutis concipiendam esse; quorum causa hæc talia Dei filius pati voluit: tertio, ad similem imitationem nos accingi debere, ut quæque durissima & maximè infamia Christi nomine pati, & perferre non erubescamus. Extra castra autem filium suum contumeliosè eiici passus est æternus pater, ut nos in patriam, ex qua

qua propter peccatū excideramus, reuocaret, & quasi postliminio reduceret. Neque autem obstitit loci foeditas, quin illic gloriosum victoriæ suæ trophæum erigeret, neque foetor cadauerum, quæ illic iacebant, quominus suauis sacrificij eius odor spiraret per totum orbem, & in cælum vsque penetraret.

NOtandum septimò: Crucem Iesu suscipere nationes, & peregrinum o-⁴⁰bedientem Simonem Cyrenæum portare ignominiam Saluatoris. Marcus autem addidit, Cyrenæum hunc patrem fuisse Alexandri & Rufi. Lucas venientem ab agro. Ioannes verò dixit: Baiulans suam crucem exiuit, deinde Simoni obuianti, hunc coëgerunt, vt eam tolleret.

NOtandum octauò: Indignum Iudæum fuisse Christi crucem ferre; quia ⁴¹fidei gentium relictum erat & crucem accipere & compati.

NOtandum nonò: Extra urbem & extra portam loca fuisse, in quibus⁴² truncabantur capita damnatorum; vnde & Caluariæ, id est, decollatorū sumpsere nomen. Propterea autem ibi crucifixus est Dominus, vt vbi prius erat area damnatorū, ibi erigerentur vexilla martyrij. Et quomodo pro nobis maledictum crucis factus est, & flagellatus est, & crucifixus sit pro omnium salute, quasi noxius inter noxios crucifigeretur.

NOtandum decimò: Vsque hodie Iudæos & omnes incredulos Domi-⁴³nice resurrectionis, aceto & felle potare Iesum, & dare ei vinum mirrhatum, vt eum consopiant, & mala eorum non videat. Sunt præterea quidam, inquit Origenes, qui dant Iesu bibere vinum cum felle permistum, quod non vult bibere Iesus filius Dei; alij autem non vinum, sed acetum. Et forsitan quanticunque secundum doctrinam quidam Ecclesiasticam sapiunt, viuunt autem malè, dant ei vinum bibere felle permistum: qui autem alienas à veritate sapientias applicant Christo quasi ei ea dicenti, hi spongiam implentes aceto, imponunt calamo & potant eum.

NOtandum vndecimò: De potionibus Christi varia esse iudicia, & alios ⁴⁴alio modo sentire, & rem esse subdifficilem: puto tamen bis illi propinatum esse. Primùm, cū duceretur, federetque dum appareretur crux, quæ potio erat humanitatis; ex more consolandi damnati & mœrentis causa: iuxta illud Salomonis: Da mœrenti vinum, &c. Secundum fuisse arbitror, cū clamasset in cruce: Sitio. quæ fuit, vel contumeliæ causa, vel etiam communis tardij, vt citius moreretur; & ideò ea exhibebantur, quæ mortem citius approperare poterant.

NOtandum duodecimò: quod dicitur: Et cū gustasset, noluit bibere. ⁴⁵id indicare quòd gustauerit quidem pro nobis mortis amaritudinem; sed tertia die resurrexit.

NOtandum tredecimò: quadripartitam vestem Domini secundum Io-⁴⁶annem, per quatuor partes orbis diuisam significasse Ecclesiam. Tunicam verò sortitam, omnium partium significare vnitatem, quæ quia charitatis vinculo

culo continetur, quæ supereminentiorem habet viam, & super omnia præcepta est, meritò vestis, qua significatur, de super contexta perhibetur.

47 **N**Otandum decimoquartò : diligentiam militum & sacerdotum nobis proficere, vt maior & apertior resurgentis virtus appareat : Et sedentes, inquit, seruabant eum.

48 **N**Otandum decimoquintò : scripsisse Pilatum dictam causam, instituisseque, vt scripta cunctis nota fieret, ne possent sua malicia Iudæi Christo aliam causam affingere, aut diuulgare ; simulque & hos notasse, & illi patrocinarum esse ; quod propter inuidiam esset crucifixus. Et cum tres cruces simul terra obruerentur, multis temporibus requisitæ ; postmodum Domini crux à titulo potissimum fuit cognita.

49 **N**Otandum sedecimò : Hieronymum non posse dignè mirari pro rei magnitudine, quod redemptis pretio falsis testibus, & ad seditionem clamoremque infelici populo concitato, nullam aliam inuenerint causam interfectionis eius, nisi quod Rex Iudæorum esset : & illi forsitan illudentes ridentesque hoc fecerint ; cæterum Pilatus etiam nolentibus respondit : Quod scripsi scripsi, velitis nolitis Iudæi, omnis vobis gentium turba respondet : Iesus Rex Iudæorum est.

50 **N**Otandum decimosseptimò : quod in titulo Iesu Christi passi tres lingue præ cæteris eminebant. Hebræa propter Iudæos in lege gloriantes : Græca, propter gentiliū sapientes. Latina, propter Romanos, iā tunc penè omnibus gentibus imperantes. Velint nolint ergo Iudæi, inquit Hieronymus, omne mundi regnum, omnis mundana sapientia, omnia diuinæ legis sacramenta testantur ; quia Iesus Rex Iudæorum est, hoc est, imperator credentium & confitentium Deus.

51 **N**Otandum decimo-octauò : verba illa, Descende de cruce ; dæmones immittere, quod & D. Athanasius, & S. Hieronymus notauerunt : Mihi, inquit Hieronymus, videntur hoc dæmones immittere. Statim vt crucifixus est Dominus, sciuerunt virtutem crucis, & intellexerunt fractas esse vires suas ; & hoc agunt, vt de cruce descendat : sed Dominus sciens aduersariorum insidias, permanet in patibulo, vt diabolus destruat.

52 **N**Otandum decimononò : Admirabilius esse tenebris vniuersam terram offundere, atque tremore concutere, petras scindere, eum qui in cruce pendebat, quàm à cruce descendere. Quod si hæc eum facere non suspicabantur, sed quod Deo hæc operante prouenire timere sanè oportebat & intelligere, quod propter hunc ad iram Deus commotus esset.

53 **N**Otandum vigesimò : Diaboli instinctu dixisse quosdam : Si filius Dei es, descende de cruce ; vt ille victus irritationibus descenderet, & omnium per crucem salus auerteretur : idcirco Christus Dominus, & verè Dei filius, non cessit persuasioni inimicæ ; vt & tu discas, quod non oporteat te flecti machinamentis Diaboli ; sed bonum potius sequi, quam uis homines sinistram opinionem sint de te suscepturi.

Notandum vigesimoprimum: Hic per tropum, qui appellatur *συμψηφισμός*, pro vno latrone vtrumque induci, blasphemasseque Lucam asserere, quod altero blasphemante, alter confessus sit, & quod increpauerit blasphemantem. Non quod discrepent Euangelia, sed quod primum vterque blasphemauerit: dehinc sole fugiente, terra commota, saxisque disruptis, & ingruentibus tenebris, vnus crediderit in Iesum, & priorem negationem sequenti confessione emendauerit. In duobus latronibus, vterque populus, & gentilium, & Iudaeorum, primum Dominum blasphemauit: postea signorum magnitudine, alter exterritus, egit poenitentiam; & vsq; hodie Iudaeos increpat blasphemantes. Quod autem ambo confessionem ei passionis exprobrant, vniuersis etiam fidelibus scandalum crucis futurum significat.

Notandum vigesimosecundum: quod dicit Euangelista, Similiter & latrones blasphemasse illum: non tam id demonstrat, quod vterque blasphemauerit, (et si & hoc possibile est) quam illud demonstrare vult, vndique omnium conuiciis impetitum Christum fuisse, vt ne latrones quidem, iam semimortui, illi parcerent. Quemadmodum Psal. 22. suas calamitates deplorans, earum indignitatem inde amplificat; quod sit opprobrium hominum, & abiectio plebis.

Notandum vigesimotertium: ne forsitan videretur umbra terrae, vel orbis lunae soli oppositus, breues & ferrugineas fecisse tenebras; trium horarum spatium poni, vt omnis causantium occasio tolleretur. Et hoc factum retur Hieronymus, vt compleatur prophetia dicens: Occumbet sol meridie, & contenebrabitur super terram in die lux. & in alio loco: Occubuit sol cum adhuc media esset dies. Videturque mihi clarissimum mundi lumen, hoc est, luminare maius retraxisse radios suos; ne aut pendentem videret Dominum, aut impij blasphemantes sua luce fruerentur. Iudaeique nunc solem obscuratum in morte Iesu Christi aspicerent, qui aliquando signum de caelo ab eo ipso querebant videre.

Notandum vigesimoquartum: tenebras factas super omnem terram Iudaeam vel Ierusalem, vt non omne elementum terrae intelligamus illud esse argumentum, quod scriptum est in 3. lib. Reg. vbi Abdias dispensator dixit Heliae: Quid peccaui, quoniam tradis me seruum tuum in manu Achab, vt interficias me? Viuit Dominus Deus tuus, quia non est gens aut regnum, quo non miserit Dominus meus te requirens, & respondentibus cunctis; Non est hic: adiurauit regna singula & gentes, eo quod minime reperireris. Quis enim tam lapideus sit legens ista, inquit Origenes, vt existimet quoniam rex Israel Achab in omnem gentem mundi, & in omne regnum orbis terrae misit, quarens Heliam? & combussit vbicunq; dictum est, Non est Helias. Sed sine dubio exaggeratorie dicta sunt illa ostendentia, quod satis eum quasiuit in gentibus, quae fuerunt circa Iudaeam secundum quod potuit requirere. Quod autem tribus horis factae sunt tenebrae super terram Iudaeam, illud ostendit, vt idem paulopost notat Origenes, quoniam propter peccata sua priuati sunt lumine Dei patris, & splendore Christi, & illuminatione spiritus sancti.

Notandum vigesimoquintum: sicut Moyse extendenti manus in caelum, factae

facta sunt tenebræ super Aegyptios : sic & Christo, hora sexta, manus extendente in cruce ad cælum, super populū, qui clamauerat, Crucifige eum, factas esse tenebras, & omni lumine priuatos esse in signum futurarum tenebrarū, quæ apprehensuræ erant Iudaicam gentem.

59 **N**Otat vigesimosexto D. Hierony : Christum Dominum principio vicesimi primi psalmi abusum esse, illudque, quod in medio versiculo loquitur, *Respice in me, superfluum esse.* legitur enim in Hebræo : *Deus meus, Deus meus,* quare me dereliquisti ? Ergo impij sunt, qui psalmum ex persona Dauid, siue Hester & Mardochei dictū putant : cū etiam Euangelistæ testimonia ex eo sumpta super Salvatore intelligant. vt est illud : *Diuiserunt sibi vestimenta mea, & super vestem meam miserunt sortem.* Et aliud : *Foderunt manus meas & pedes meos.* Ne mireris verborum humilitatem & querimonias derelicti, cū formam serui sciens scandalū crucis videas. Et secundū Hylarium, relinquitur, quia erat homo, etiam morte peragendus.

60 **N**Otandum vigesimo septimò : quorum suscepit naturam eorum deplorare miseriam : ipsa enim natura, quam ille susceperat propter peccatum, derelicta fuerat à patre ; non filius, qui vnum cum patre est. Ostenditq; quantum flere debeant, qui peccant; quando sic fleuit, qui nunquam peccauit ; & ostendit, quā patienter & sperantes inter flagella debeant esse, qui peccatores sunt, quando illa ad immortalitatem, non nisi per mortem transiuit.

NOtandum vigesimo octauò : imperitos quosdam & ignaros prophetiarū turbam vocem non intellexisse, & putauisse, quòd Heliam vocaret : non enim omnes Iudæi prophetias callebant ; quemadmodum neque christiani æquē omnes, norunt doctrinas Euangelicas.

61 **N**Otandum vigesimononò : Hoc loco funestas quasdam blasphemias Caluinum vomere, quas, quoniam melius est non nosse, quā nosse; hic non adscribam, qui perfecti sunt : ex ipso fonte venenorum haurient, qui imperfecti, vtilius his rebus carebunt, quā ea cognoscere possint. Summa est, verba hæc, *Deus meus, Deus meus, quare me dereliquisti,* ex desperatione profecta fuisse. O Euangelicum doctorem ! O Christi maiestatis præconem ineffabilem ! Sed quis hæc rectè deplorare possit ? Atque equidem ita iudico, nullam iniuriam tantam, in toto hoc passionis suæ tempore, non maledictum contumeliosius Christum Dominum à tota Iudæa pertulisse, quantam in hoc loco à Caluino refert : externa enim eius omnes traduxerunt, de internis nemo iudicauit.

62 **N**Otandum trigestimò : Dominum nostrum regem fuisse Iudæorum, pro ijsque saluandis in mundum venisse. Quoniam autem carnales Iudæi noluerunt eum regnare super se, factus est rex spiritualium Iudæorum ; id est, confitentium. Iudæus enim patrum interpretatione confitens est.

63 **N**Otandum trigesimoprīmò : multa esse mortis genera : Christum tamen Dominum crucis potissimū mortem subiisse, vt & lignum illud con-

secraret, per quod purificaremur, & vniuersa sanctificaret, & caelestia, quæ suprema crucis parte designantur, & subterranea, quæ per profundum crucisque partem Iesu Christi pedibus subiectam significatur, & terminos terræ orientalem, inquam, cum occidentali, quæ transuersas partes crucis Domini intelliguntur. Extensis verò manibus, ut filios Dei, qui erant dispersi, complecteretur, aque in vnum congregaret.

Notandum trigesimo secundo: Rationis imò diuinæ pietatis ordinem⁶⁴ poposcisse, ut eodem temporis articulo, quo olim Adæ præuaricanti occluserat ianuam paradysi, & latroni poenitenti ianuam paradysi referaret, & qua hora primus Adam peccando mortem huic mundo inuexit, eadem sexta nimirum secundus Adam mortem moriendo destruet.

Vltimò, ea, quæ Christi mortem consecuta sunt explicantur. In quibus⁶⁵ illud primum notandum est: vbi Christus Dominus expirauit, statim conuer- ti dolores in gaudia, contumelias in gloriam, labores in victoriam, nec amplius quidquam nisi gloriosum Christo euenire; sic enim prædictum fuit: Ad vesperum demorabitur fletus, & ad matutinam lætitia. & à D. Paulo: Christus factus est pro nobis obediens, usque ad mortem: non inquit, amplius nisi ad mortem: propter quod exaltauit illum Deus, & donauit illi nomen, quod est super omne nomen.

Secundo notandum est: Veli scissionem significare omnia legis sacra-⁶⁶ menta, quæ prius tegebantur, prodita esse, atque ad gentium populum transisse. Dicit se legisse Hieronymus in Euangelio Nazaræorum, superliminare templi infinitæ magnitudinis fractum esse atque diuisum. Nulli dubium est, quid significet iuxta literam magnitudo signorum, ut crucifixum Dominum suum, & cælum, & terra, & omnia demonstrarent: sed videtur terræ motus & reliqua typum facere credentium: quod pristinis errorum vitiis derelictis, & cordis emollita duritia, qui prius similes erant tumulis mortuorum, postea agnouerint creatorem: Petræ enim scissæ sunt. Omnia enim, inquit Hylarius, tum valida & fortia penetrans Dei verbum, & potestas æternæ virtutis ir- ruperat.

Notat tertio Origenes: duo fuisse vela, vnum quidem interius, quod⁶⁷ velabat Sancta sanctorum: alterum autem exterius, siue tabernaculi, siue templi, quæ figuræ erant tabernaculi sancti, quod præparauit ab initio pater. Quorum velorum templi, vnum scissum est in duas partes, à summo usque deorsum, quando voce magna clamans Iesus emisit spiritum: hoc ostendens, sicut puto, mysterium: quoniam in passione Domini Saluatoris, velum quod erat à foris conscissum est à summo usque deorsum, ut ab initio mundi usque ad deorsum, id est, usque ad finem eius conscisso velamine mysteria publicen- tur, quæ usque ad Christi aduentum rationabiliter fuerant occulta. Et nisi ex parte cognosceremus, sed iam nunc manifestarentur omnia adhuc in corpore constitutis dilectis Christi discipulis, vtrum velum fuerat conscindendum, id est, quod à foris est & interius: Nunc autem, quoniam ad scientiam rerum nouarum producimur; ideo quod à foris quidem fuerat velum interim con- scinditur

scinditur à sursum vsque deorsum : vt quando venerit quod perfectum est, & reuelata fuerint cætera, quæ restabant; tunc auferatur etiam secundum velû, vt videamus etiam, quæ intra secundû velum sunt occultata, veram arcam testamenti : & sicut ipsa se habet natura, videamus Cherubim & Propitiatoriû verum, & repositionem mannæ in aureo vase, & omnia manifesta, atque maiora illis, quæ per legem Moyfi fuerant demonstrata; in quibus dixit Deus ad eum : Facias omnia secundum formam eorû, quæ tibi ostensa sunt in monte.

68 **N**otandum quartò : Solem tenebris indutum esse; templum verò scidisse velum suum, significando, quòd propter absurdum ac irrationabile spectaculum lugeret : lugentium enim est vestem scindere, nigraque indui stola.

69 **N**otandum quintò : Scissum velum diuisum esse iam medium parietem inter cælum & terram; puta inimicitiam, quæ inter Deum & homines erat : & factum esse hominibus cælum peruium, soluto iam per Christum obstaculo medio, taliq; nobis ascensu innouato. Vniuersaliter autem quæ facta sunt, diuinæ iræ signa fuisse, Iudæorum insensibilitatem reprehendentia, horumq; perditionem prædicantia.

70 **N**otandum sextò : Moris fuisse Iudæis, si quando in Deum blasphemias audissent, discindere vestimenta; ita tum quoque templum Deo moriente vestem suam, velum illud expansum, scidisse.

71 **N**otandum septimò : Quomodo Lazarus mortuus resurrexit : sic & multa corpora sanctorum resurrexissent; vt Dominum ostenderet resurgentem. Et tamen cum monumenta aperta sint, non antea resurrexerunt, quàm Dominus resurgeret, vt esset primogenitus ex mortuis. Sancta autem ciuitas appellabatur Ierusalem, propter templum & sancta sanctorum, & ob distinctionem aliarum vrbium in quibus idola colebantur. Quando verò dicitur : apparuerunt multis; ostenditur, non generalis fuisse resurrectio, quæ omnibus apparet; sed specialis ad plurimos, vt hi viderent, qui cernere merebantur.

72 **N**otandum octauò : mortuorum resurrectionem, quæ facta est Christo Domino in cruce pendente, significare ab inferis animarum liberationem; visi autem sunt à multis; qui tunc resurrexerunt, ne videretur id phantasma esse, quod factum est.

73 **N**otandum nonò : id Centurionem ante crucem in ipso scandalo passionis, verè filium Dei confiteri; & Arium in Ecclesia prædicare creaturam.

74 **N**otandum decimò : vt infidelitatis facinus Israël accomodaretur : Centurionem, & custodes, hanc totius naturæ perturbationem contuentes, Dei filium Christum Dominum confiteri.

75 **N**otandum duodecimò : consuetudinis Iudaicæ fuisse (nec ducebatur in culpam moræ gentis antiquæ) vt mulieres de substantia sua victum atque vestitum præceptoribus ministrarent. Hoc quia scandalum facere poterat

in nationibus. Paulus abieciſſe ſe memorat; dicit enim ipſe: Nunquid non habemus poteſtatem ex more veteri, Iudæorum, & legis, ſorores mulieres circunducendi, ſicut & cæteri Apoſtoli faciunt? Miniſtrabant autem Domino de ſubſtantia ſua, ut meteret earum carnalia, cuius illæ metebant ſpiritalia. Non quod indigeret Dominus cibis creaturarum; ſed ut typum oſtenderet magiſtrorum, quod victu atq; veſtitu ex diſcipulis deberent eſſe contenti.

Notandum tredecimò: cæteris relinquentibus Dominum, mulieres in officio perſeuerare, expectantes quod promiſerat Ieſus; & ideò meritas fuiſſe quod primæ viderent reſurgentem: quia qui perſeuerauerit uſque in finem, hic ſaluus erit. Fit autem hoc & nunc ſæpius, ut Apoſtoli, Apoſtolicisq; viris, cauſam Dei, & Eccleſiæ Dei deferentibus, mulierculæ eam tueantur ac defendant; ut imbecilla confundant fortia.

Notandum quartodecimò: Mulieres à longè ſtetiſſe, reſpectu militum crucifigentium & cuſtodientium; ſed propè eas fuiſſe reſpectu aliorum aſtantium. Non erant enim ita longè, quin poſſent eum loquentem audire, quando dixit matri ſuæ: Mulier, ecce filius tuus.

Notandum decimoquintò: Iosephum diuitem referri non de iactantia ſcriptoris, quo virum nobilem atque ditiffimum referat Ieſu fuiſſe diſcipulum; ſed ut oſtendat cauſam, quare à Pilato corpus Ieſu potuerit impetrare. Pauperis enim & ignoti non erat ad Pilatum Præſidem Romanæ poteſtatis accedere, & crucifixi corpus impetrare.

Notandum ſextodecimò: Myſticè illum corpus Ieſu poſtulare, qui pro digna receptione Eucharistiæ Deum ſuppliciter exoret, & inuoluere ſyndone munda; quando receperit mente pura: ponere in monumento nouo; id eſt, corde, per gratiam renouato. Et aduoluere ſaxum magnum ad oſtium; quando ponit diligens obſtaculum contra peccati recidiuam: & mulieres ſedent contra ſepulchrum; cùm animæ deuotæ conſiderant paſſions Chriſti myſterium.

Notandum decimoſeptimò. Nos Domini corpus per participationem in altari accipientes, exemplo Iosephi & Nicodemi, odoramentis etiam vngere debere ſuauiſſimis; videlicet virtutū operibus, ac opere, & contemplatione.

Notandum decimo-octauò: quemadmodum hoc loco ambitio diuitum condemnatur, qui neque in tumultis poſſunt carere ambitione; ita & impietas, & inhumanitas hæreticorum conuincitur, qui ſuos mortuos proiciunt potiùs, quàm ſepeliunt. Cùm Chriſtus Dominus in omni vita nihil ſplendidum & ſumptuoſum ſecutus, honeſtiſſimè tamen ſepeliri voluit. Nam & à magnis & in monumento ſumptuoſo, & pretioſis vnguentis atque aromatibus conditus ſepelitur; ut idem poſtea fietet in membris, quod nunc anteciſſet in capite, quod idem antè ſancti patriarchæ, atque alij ſancti fecerunt; certa ſpe reſurrectionis, & futuræ ſalutis ſubnixi. Iſti ad aſininam ſepulturam omnia referunt. oſitus autem eſt in nouo monumento Chriſtus Dominus, ne poſt

ne post resurrectionem cæteris corporibus remanentibus, resurrexisse alius fingeretur. Quanti autem veteres sepulturam fecerunt, declarat hoc exemplo suo Nicodemus, qui priorem timorem sequenti audacia mirabiliter ablu- it, & seipsum in mortem tradidit, ob benevolentiam quam gerebat erga præ- ceptorem, suscipiens in se cunctorum inimicitiam Iudæorum.

83 **N**otandum decimononò: De monumento Domini, id eos afferre, qui nostræ ætatis tempore de Hierosolymis venere, quòd domus fuerit rotunda de subiacente rupe excisa; tantæ altitudinis, vt intrò consistens homo, vix manu extensa culmen possit attingere, quæ habet introitum ab oriente; cui lapis ille aduolutus atque impositus est: in cuius monumenti parte Aquilonari, se- pulchrum ipsum, hoc est, locus Dominici corporis de eadem petra factus est, septem habens pedes longitudinis, trium verò palmarum mensura cætero pavimento altiùs eminens: qui videlicet locus non desuper, sed à latere me- ridiano per totum patulus est, vnde corpus inferebatur; color autem eiusdem monumenti ac loculi, rubicundo & albo dicitur esse permixtus.

84 **N**otat vigesimò Hieronymus: Non suffecerat, inquit, principibus sacer- dotum, & Scribis, & Pharisæis crucifixisse Dominum Salvatorem, nisi sepul- chrum custodirent, cohortem acciperent, signarent lapidem, & quantum in illis est, manum apponerent resurgenti; vt diligentia eorum nostræ fidei pro- ficeret. Quantò enim amplius reseruatur, tantò magis resurrectionis virtus ostenditur. Nec secus atque fratres Ioseph vendiderunt ipsum, ne adorarent eum, & per hoc compulsi sunt adorare, secundum ordinem prouidentia di- uinæ: sic Principes Iudæorum volentes impedire celebritatem nominis Chri- sti, fuerunt valdè diligentes de custodia sepulchri, & per hoc celebrata est fa- ma de veritate eius resurrectionis. Vnde in monumento nouo, quod excisum fuerat de petra, conditus est; ne si ex multis lapidibus ædificatum esset, suffos- sis tumuli fundamentis ablati furto diceretur. Quod autem in sepulchro ponendus esset, Prophetæ testimonium est dicentis: Hic habitabit in excisa spelunca petra fortissimæ; statimque post duos versiculos sequitur: Regem cum gloria videbitis.

85 **N**otandum vigesimoprimò: Mysticè in nomine seductoris, & furto disci- pulorù, verum licet ignorantes vaticinari: Seductor enim erat Christus, nò vt illi arbitrantur à veritate in errorem mittens, sed à falsitate in veritatem: quia sicut Diabolus est mediator ad mortem homines seducendo; ita & Christus mediator est, ad vitam mundum reconciliando. Discipuli quoque Saluato- ris, fures spiritualiter erant: quia contemptoribus & ingratiss scripturam noui & veteris testamenti per iustum ablatum iudicium, in vsus Ecclesiæ confere- bant; & Salvatorem qui eis promissus, & missus fuerat, illis nocte dormitan- tibus, id est, infidelitate torpentibus distulerant, & gentibus credendum tra- debant. Et erat illis prior infidelitas resurrectionis, quàm credulitas crucis.

86 **N**otandum vigesimosecundò: Impietatē seipsam suis verbis expugnare: Dicite sacerdotes, inquit Origenes, cum dixisset Iesus: Soluite templum hoc, & ego in triduo suscitabo illud; ad quod propositum eum dixisse: putastis an

de solutione & de resurrectione corporis sui, de templi destructione, & reparatione ipsius? Si enim intellexistis sic, quia de resurrectione sua ista dicebat; quomodo testimonium dantes aduersus eum dixistis, Quoniam hic dixit, possum destruere templum hoc, & in triduo reaedificare illud? Si autem verè de templo illo non intellexistis, secundum quod & testimonium praeuistis; unde modò scitis, quia dixit; post tres dies à mortuis se resurrecturum? Per hæc enim verba, ipsi testimonium suum illud condemnant, quoniam verè intelligentes eum de resurrectione corporis sui illa dicere, & scientes conuerterunt sermones eius ad destructionem & reparationem illius insensibilis templi.

Notandum vigesimotertiò: quia credi oportebat, quòd mortuus⁸⁷ esset & sepultus, quòdque resurrexisset. Vide, inquit, tria hæc inimicorum testimonijs approbata: consideranda sunt enim verba eorum. Quod enim aiunt: Recordati sumus, quod impostor ille dixit adhuc uiuēs: attestatur quòd mortuus sit. Porro, quod subiungunt: Ne quando venientes discipuli eius, furētur ipsum: plenam facit fidem, quòd munito sepulcro, non sit furto sublatum corpus; & ita resurrectioni contradici non potest. Dignū est autem, ut inquiramus, ubi dixerit, Post tres dies resurgam: siquidem variis in locis dixit discipulis: Tertia die resurgam; id autem, Post tres dies resurgam, nusquam dixit. Hoc itaque Iudæi ab exemplo Ionæ, quod ad eos dixerat, colligebant. Postremum verò errorem dicebant, quòd à mortuis resurrexerit; priorem verò, quòd sit filius Dei. Sed, o insensati, quo tandem fine essent ipsum furto sublaturi? Nisi enim tertio die resurrexisset, sicut promisit, manifestum est, quòd decepti, & propter eum ab omnibus gentibus odio habiti, sine domibus, & extorres facti potius, auersabuntur eum, & odio habebunt tanquam impostorem, & ita nollent eum furari, sed neque populo persuadere poterunt, quòd à mortuis surrexerit. Cui enim innitentur? an vehementiæ sermonum? atqui illiterati sunt: an fortè abundantia rerum? atqui sunt omnium pauperrimi. Generis fortassis claritati; verum ignobiles sunt, & ab ignobilibus progeniti: vtrum sui ipsorum multitudini? at non plures sunt quàm duodecim: vtrum patriæ splendori? verum à regionibus sunt scuris & ignobilibus. An putatis quòd præceptoris promissionibus? Quibus? Si enim non resurrexerit, neque illis credituri sunt. Demonstratum est igitur, quòd vanè suspicamini, hunc furto auferendum esse: ob dictas enim causas est incredibile.

Notandum vigesimoquartò: Quem Deus despexerit, neminem corrigere⁸⁸ posse. Viderunt Iudæi obscurationem solis, viderunt elementorum perturbationem, petras scissas, templum commotum; post hæc tamen omnia hunc tantum tantæ potestatis regem impostorem appellare, non verentur ipsi perditioni impostores.

Notandum vigesimoquintò: metum, furendi corporis & sepulchri custodiam atque designationem, stultitiæ atque infidelitatis testimonium esse,⁸⁹ quòd signare sepulchrum eius voluerint, cuius præcepto conspexissent, de sepulchro mortuum suscitatum.

Notandum vigesimosextò: non permisisse Pilatum, ut soli milites mu-⁹⁰
niren

nirent sepulchrum; sed Principibus sacerdotum ac Phariseis præcipuè commisisse, ea quæ muniminis erant; sequente eos custodia: ita enim Deus ordinavit, ne post resurrectionem dicere possent, quod cum soli milites sepulchrum muniissent, tradiderant corpus discipulis.

Caput XXVIII.

VLTIMUM CAPUT SUMMAM DOMINICAE RESURRECTIONIS continet; ac epilogum vniuersæ doctrinæ Christi, tanquam in breui tabula proponit; in quo illa notanda sunt. Primò, Hebræos Sabbathum honorantes, septimum videlicet hebdomadæ diem, etiam sex dies ipsum præcedentes, in honorem eius, Sabbathum appellasse, nominantes diem Dominicum vnum; siue primum Sabbathorum: secundum autem Sabbathorum, & tertium Sabbathorum, & secundum ac tertium septimanæ diem, & similiter alios sequentes.

2 Notandum secundò: quod aptissimum quodam diem sequebatur nox, quia homo à luce paradisi peccando lapsus in huius seculi tenebras decidit. Aptissimè nunc sequitur dies noctem, quando per fidem resurrectionis à peccati tenebris, & umbra mortis ad lucem vitæ, Christo largiente reducimur.

3 Notandum tertio: Dominum ideò subobscurius resurrectionem suam præferre, atque in lucem ostendere, quod ea res fuit, quæ à sensibus hominum non ita facile capi potuit, & in tam re ardua & necessaria, vt in cæteris exercitio fidei, locus relinquendus erat.

4 Notandum quarto: quod diuersa tempora istarum mulierum in Evangelio describuntur, non mendacii signum esse (vt impij obiiciunt) sed sedulæ visitationis officium, dum crebrò abeunt & recurrunt; & non patiuntur à sepulchro Domini diu abesse, vel longius.

5 Notandum quinto: Interrogandos esse hæreticos, ex qua scriptura, aut ex qua doctrina Christi didicerunt Mariæ istæ, vt ad hunc modum Christum venerarentur, corpus eius inungerent, inuiserent, sanctis orationibus prosequerentur. Fallit igitur, & fallitur hæresis, quæ non aliter Christum Dominum colendum esse docet, quàm vt ipse præscripserit & mandauerit. Et si Caluinus hoc illarum opus meritorium fuisse dicat; quod, inquit, initium fecit à mulieribus, nec modò se illis visendum exhibuit, sed iniunxit etiam apud Apostolos Euangelij præconium, vt illorum quasi magistræ forent, in eo primò castigatus fuit Apostolorum torpor, qui pauore ferè iacebant exanimes: quæ foeminæ sedulò ad sepulchrum properarent, quibus etiam non vulgaris merces repensa fuit. Quanquam id paulò post eas in hoc opere peccasse dicit, & dignas esse, quæ ignominia & poena repudiarentur, rudes etiam & inscias appellat.

6 Notandum sexto: Christum Dominum quemadmodum natus est, seruatis

uatis integris claustris virginis; ita quoque resurrexisse seruatis integris monumenti signaculis. Terræ autem motum factum esse propter assidentes sepulchro custodes, vt timore terræ motus erecti, & horrore aspectus eius qui lapidem reuoluerat, consternati fugerent, & hæc Iudæis nunciarent, ac testes ipsi fierent veritatis; hæc enim maximè fulgere solet, quando ab inimicis suis prædicata fuerit. Lapidem verò reuoluissè angelum propter mulieres, vt sepulchrum viderent vacuum, ac surrexisse crederent: illudque Euangelistas significauissè, quando ad monumentum venerunt mulieres: quando verò resurrexit Christus, nullum eorum indicauissè: solus enim hoc nouit, qui solus surrexit & nouit.

Notandum septimò: Motum terræ tempore matutino diei Dominici resurrectionis esse virtutem: cùm concluso mortis aculeo, & illuminatis illius tenebris resurgente virtutum cælestium Domino, infernorum trepidatio commouetur. Angelus autem Domini descendens de cælo, & lapidē reuoluens, & sepulchro assidens; misericordiæ Dei patris insigne est, resurgenti filio ab inferis, virtutum cælestium ministeria mittentis. Notat autem Lyranus, terræ motum factum esse virtute angeli: quia corporalia obediunt angelis ad nutum, quantum ad motum localem.

Notandum octauò: facientibus quod ex nobis est Deum nunquam desisse, quod nunc in Mariis videmus: adsunt angeli, reuoluunt lapidem, solantur, instruunt.

Notandum nonò: Dominum nostrum vnum, atque eundem filiū Dei, & filium hominis, iuxta vtramque naturam diuinitatis & carnis, nunc magnitudinis, nunc humilitatis signa demonstrare. Vnde & in præsentī loco, quamquam homo sit, qui crucifixus est, qui sepultus est, qui clausus tumulo, quem lapis oppositus cohibet; tamen, quæ foris aguntur, ostendunt filium Dei: sol fugiens, tenebræ ingruentes, terra commota, velum scissum, saxa dirupta, mortui suscitati, angelorum ministeria, quæ ab initio natiuitatis eius Deum probabant. Ad Mariam Gabriël venit: cum Ioseph angelus loquitur: idem pastoribus nunciat: angelorum postea auditur chorus dicentium: Gloria in excelsis Deo, & in terra pax hominibus bonæ voluntatis. Tentatur in solitudine, & post victoriam seruiunt angeli: Nunc quoque angelus venit, custos sepulchri Dominici, & in vestitu candido, signat gloriam triumphantis. Nec non ascendente ad cælos Domino, duo angeli in Oliueti monte cernuntur, pollicentes Apostolis secundum Saluatoris aduentum.

Notandum decimò: duos angelos Mariis apparuisse. Primum, qui foris extra sepulchrum illas allocutus est: secundum, qui intra sepulchrum ingressas consolatur: & primum quidem separatim ingressas allocuti sunt animantes eas, ac confirmantes; ac gloriosissimam mortem Iesu Christi illis prædicantes: deinde coniunctim eas increpantes, vbi testimonio suo, ac rei ipsi quam viderant credere noluerunt; Quid, inquiunt, quæritis? viuentem cum mortuis: surrexit, non est hîc, &c.

Notandum vndecimò: in resurrectione stantem apparuisse angelum, qui

qui aduentum Domini in mundo prædicabat, ad debellandum mundi principem venire istum sedentem; vt etiam sedendo figuraret eum superato mortis authore, sedem regni iam conscendisse perpetui, sedentem super lapidem, quo ostium monumenti claudebatur, vt claustra infernorum sua illum virtute deiectis superasse doceret.

12 **Notandum** duodecimò: & in veteri, & in nouo testamento, quod quando augustior aliqua apparuerit visio; primumimore pellitur, vt sic mente placata, possint, quæ dicuntur audiri: quod tem & in annunciatione incarnationis Dominicæ factum legimus: Ne times Maria. Et in discipulorum naufragio: Nolite timere, ego sum.

13 **Notandum** tredecimò: angelum non confundi dicere Dominum suum crucifixum: quia his quidem, qui ante ipsum crucifixi sunt, crux ignominia erat, quum argumentum esset maleficij eorum; huic verò potius gloria, quum fuerit demonstratio beneficij in homines collati, propter quod ad crucem condemnatus est.

41 **Notandum** quartodecimò: Iubere angelum discipulis, vt abeant in Galilæam, in qua sine Iudæorum timore ad eum accessuri erant, & cum illo collocuturi.

15 **Notandum** decimoquintò: duplicem mentes mulierum tenuisse affectum: timoris & gaudij: alterum de miraculi magnitudine, alterum ex desiderio resurgentis; & tamen vtrumque foemineum concitasse gradum. Pergebant ad Apostolos, vt per illos fidei seminarium spargeretur.

16 **Notandum** sedecimò: quærentibus se in veritate ipse Dominus occurrit, ac spontè se offert; quod in Mariis videmus: Propè est enim Dominus omnibus inuocantibus eum; & dicet: Ecce adsum. Quæramus igitur, & inueniemus illum: conuertamur ad eum, & conuertetur ad nos.

17 **Notandum** decimosseptimò: Dominus mulieribus post angelorum apparitionem, earumque instructionem occurrisse & consalutasse, vt nunciaturæ expectantibus discipulis resurrectionem, non angeli potius quàm Christi ore loquerentur.

18 **Notandum** decimo octauò: quòd præsens vbiq; diuina maiestas, aliter electis suis, aliter est reprobis: adest enim reprobis potentia naturæ incomprehensibilis, qua omnia cognoscit nouissima & antiqua, intelligit cogitationes à longè, & omnes vias singulorum præuidet. Adest electis gratia piæ protectionis, qua illos specialiter per præsentia dona vel flagella, quasi filios pater erudit, atque ad possessionem futuram erudiendo prouehit.

19 **Notandum** decimononò: Mulieres accessisse, & tenuisse pedes eius, quia adorauissent eum. Cæterum illam quæ quærebat viuentem cum mortuis, & nesciebat adhuc filium Dei resurrexisse, meritò audiuisse: Ne tangas me; nondum enim ascendi ad patrem meum.

NOtandum vigesimò; fratres appellauisse Dominus Apostolos, partim²⁰ secundum incarnationem; fratres siquidem sunt inter se mutuò omnes homines, simul etiam ad honorem ipsorum.

NOtandum vigesimoprimò: quanto honore sancti sunt habendi, quos¹² Christus Dominus fratres vocat: Nunciate fratribus meis; qui autem non honorat iuniores fratres, ille & seniore[m] facile contemnet; quod hac ætate euenisse videmus. Contempserunt hæretici sanctos, contempserunt matrem Dei, ad extremum & ipsum Christum contempserunt.

NOtandum vigesimosecundò: verissimam fuisse promissionem Christi²² Domini, contra quam mentitus est Apostata Iulianus, quasi promiserat se in Galilæa videndum esse, & Hierosolymis se eis videndū præbuerit. Sed & hoc compleuisse promissum, visum ab eis postmodum in Galilæa: donauisse autem & alteram gratiam, dū prius eis apparuerit Hierosolymis, vt & moerorem eorum solueret, & mulierum verba confirmaret, aliorumq[ue] qui eum viderunt postquam resurrexerat.

NOtandum vigesimotertiò: custodes miraculum confiteri ad urbem³² concitos redire, nunciare Principibus sacerdotum, quæ viderint, quæ facta conspexerint. Illos qui debuerant conuerti ad poenitentiam, & Iesum quærere resurgentem perseuerare in malitia, & pecuniam quæ ad vsum templi data fuerat vertere in redemptionem mendacij; sicut antea triginta argenteos dederant Iudæ proditori. Omnes igitur qui stipe pleni, & his quæ conferuntur, ad vsum Ecclesiæ abutuntur in aliis rebus, quibus suam expleant voluntatem, similes sunt Scribarum & sacerdotum redimentium mendacium & Saluatoris sanguinem.

NOtandum vigesimoquartò: Iudaicum esse pecunia omnia velle perficere²⁴; nam & isti Christum ante mortem pecunia emunt, & post gloriosissimam eius resurrectionem, eam gloriam, ne propagetur à militibus, pecunia redimunt. Simoniaci igitur, qui omnia pecunia comparare volunt, Iudæorum sunt similimi, quin deteriores Iudæis.

NOtandum vigesimoquintò: Principes sacerdotum prius emissee cædem²⁵ Domini; nunc verò etiam veritatem emere resurrectionis illius & propriam conculcare conscientiam: nec pudet ipsos deprauare custodes, sed effictio mendatio, simul cum eis mendacium occultare, vtentes ijs, qui veritatis testes erant, vt mendacij fierent ministri.

NOtandum vigesimosextò: Christum Dominum non in Galilæa so-²⁶ lum, neque ibi primum visum esse à discipulis. Lucas enim & Ioannes satis apertè dicunt ipso die resurrectionis, Dominum visum esse in Ierusalem: primò Mariæ Magdalænæ, quando dictum est ei; Noli me tangere: deinde eidem, & alij Mariæ currentibus nunciare Apostolis, quando & pedes eius tenuerunt: visus est etiam ipso die duobus discipulis in via: visus item est & Petro; quod quomodo factum sit, Euangelista non declarat: visus est & discipulis si-

lis simul, cum loquerentur, reuersis illis, qui cognouerunt eum in fractione panis, quando stans in medio eorum, dixit: Pax vobis. Tum specialiter Matthæus & Marcus scribunt, dixisse angelum, vel ipsum Dominum, quod in Galilæa videndus esset.

27 **N**otandum vigesimo septimò: plures fuisse apparitiones, quod innuit Paulus dicens: Visus est Iacobo, visus est plus quam quingentis fratribus simul, sed decem leguntur in Euangelis, quinquies in ipso resurrectionis die. Primò, apparuit Mariæ Magdalene flenti ad monumentum: postea eidem, & alij Mariæ egredientibus nunciare Apostolis: tertio Simoni: quarto Cleopha & socio eius: quinto reuersis illis & narrantibus, quomodo cognouerunt eum in fractione panis, apparuit ianuis clausis, vbi Thomas aberat: sexto, post dies octo, quando cum eis erat Thomas: septimò, piscantibus ad mare Tyberiadis: octauò, in monte Galilææ, qui non longè erat ab Ierusalem: nonò, recumbentibus illis vndecim die quo ascendit: decimò, viderunt eum iam non in terra positum, sed eleuatum in aëre cælos petentem; dicente eis Angelo: Sic veniet, quemadmodum vidistis eum euntem in cælum.

28 **N**otandum vigesimo octauò cum Lyrano: Discipulos, post resurrectionem Saluatoris, abiisse in montem Thabor, in quo transfiguratus fuit coram Iacobo, Petro, & Ioanne: ibi enim paucis ostenderat gloriam suæ resurrectionis; vt superius cap: 17. dictum est; & ideò ibi resurrectionem suam completam, manifestauit omnibus discipulis suis. Vnde probabiliter creditur, quod illa sit manifestatio, de qua Apostolus 1. Cor: 15. Deinde visus est plus quam quingentis fratribus simul; hinc tamē non exprimuntur nisi vndecim Apostoli, qui erant principales Christi discipuli: In monte autem eis apparuit Dominus, vt significaret, quod corpus, quod de humani cordis terra nascendo suscepit, iam super omnia terrena subleuabat. Et vt admoneret fideles, si illic celsitudinem resurrectionis eius cupiunt videre, hinc ab infimis voluptatibus studeant ad superna desideria transire.

29 **N**otandum vigesimo nonò: Christum Dominum, dum, inquit, datam sibi esse omnem potestatem in cælo & in terra, de assumpta loqui humanitate, quam suscipiendo minoratus est paulò minùs ab angelis, & in qua resurgendo à mortuis, gloria & honore est coronatus, & constitutus super opera manuum patris, omniaque subiecta sub pedibus eius, interque omnia etiam mors ipsa eius pedibus substrata est, quæ ei ad tempus visa est præualere.

30 **N**otandum trigesimò: illi potestatem datam esse, qui paulò antè crucifixus, qui sepultus in tumulo, qui mortuus iacuerat, qui postea resurrexit. In cælo autem & in terra potestatem datam esse; vt qui ante regnabat in cælo, per fidem credentium regnet in terris.

31 **N**otandum trigesimo primò: cum ad victoriam totius orbis subigendam omnem potestatem, confundendam omnem sapientiam, omnia eloquentiæ ora obstruenda, diabolum vincendum, mundum calcandum, vndecim solos viros mittat infantes, inermes, pauperes, vt audeant, vt confidant, vt magno animo

animo agant, vt nulli cedant, nullum metuant; addit illis animum: Confidite, inquit: omnia mihi, qui caput vestrum sum, tradita sunt à patre meo, siue quæ in cælo, siue quæ in terra: vincetis hæc omnia: cuncta cedent vobis. Quomodo autem tradita sint, pulchrè explicat Theophylactus: Habuit quidem vt Deus & creator omnium rerum potestatem: Omnia enim seruiunt Deo, inquit Dauid; sed spontaneam illarum rerum non habuit subiectionē: Nunc ergo, inquit, habebō & istam, subiicientur enim mihi omnia, quia per crucem vici illum, per quem mors habebat potestatem. Duplex enim est subiectio, quædam non voluntaria, & hac omnes etiam nolentes sumus serui Dei, vt & dæmones: quædam voluntaria, qua Paulus erat seruus Christi. Antè enim, cum haberet subiectionem omnium non voluntariam, Saluator noster dimidium habuit potestatis: post crucem verò, cum Deus omnibus cognitus est, subiecti ei fuerat omnes, voluntaria etiam subiectione. Non sine causa igitur Christus nunc dicit, se accepisse omnem potestatem: prius scilicet mihi in parte aderat potestas, quia non voluntaria mihi omnia seruiebant, propterea quia creator sum: nunc verò seruiunt mihi homines volentes, quia cognitus Deus illis est; & ideò integra mihi & omnis potestas tradita est. Obseruandum est, potestatem hanc non fuisse liquidò cognitam, donec à mortuis resurrexerit; quia tunc demum summi regis insignibus ornatus, in sublime prodiit.

Notandum trigesimo secundò: Præcipere Christum Dominum primum³² docere omnes gentes, deinde doctas, intingere aqua. Non enim potest fieri, vt corpus baptismi recipiat sacramentum, nisi antea anima fidei susceperit veritatem. Baptizantur autem, in nomine patris, & filij, & spiritus sancti, vt quorum vna est diuinitas, vna sit largitio, nomenque Trinitatis vnus Deus est.

Notandum trigesimo tertio: Ordinem functionis Apostolicæ, Domini³³ iussisse Apostolis, vt primum docerent vniuersas gentes; deinde fidei intingerent sacramento, & post fidem ac baptismum, quæ essent obseruanda, præciperent. Ac ne putemus leuia esse, quæ iussa sunt, & pauca; addidit: Omnia, quæcunque mandauì vobis, vt quicumque crediderint, qui in Trinitate fuerint baptizati, omnia faciant, quæ præcepta sunt.

Notandum trigesimo quarto: Christum Dominum prius docere omnes³⁴ gentes, id est, scientia veritatis instituere, ac sic baptizare: Quia sine fide impossibile est placere Deo. & Nisi quis renatus fuerit ex aqua & spiritu sancto, non potest introire in regnum Dei: ad extremum verò subiungit: Docentes eos seruare omnia, quæcunque mandauì vobis. Quia sicut corpus sine spiritu mortuum est, ita & fides sine operibus mortua est. Et hæc summa ac plena complexio totius Christi doctrinæ est, credere, & facere.

Notandum trigesimo quinto: prædictum fuisse per Isaiam: Deum abbreviatum³⁵ verbum daturum, abbreviatam legem: hæc igitur nunc proponitur: Euntes docete omnes gentes, baptizantes eos in nomine patris, & filij, & spiritus sancti: proponite credenda, proponite & agenda: credenda; patris, & filij, & spiritus sancti, in vnitatem confessionem: agenda; non vnum & aliud, sed docentes eos seruare, omnia quæcunque præcepi vobis: non igitur confidas,

fidus, si vnum & aliud rectè perfeceris, omnia à te requiruntur, quæ præcepta sunt tibi: qui enim in vno deliquerit, reus est omnium. Summa igitur salutis est, in vfu sacramentorum, in recta fide, & in bonis operibus, contrà quàm mentitur hæresis; nisi fortasse huic epilogo totius Euangelij credere nolumus.

36 **N**otandum trigefimosextò: Ecclesiam Dei fore debuisse vniuersalem, per totum orbem fusam, contrà quàm mentiebantur Donatistæ, atque nunc Anabaptistæ: Euntes, inquit, docete omnes gentes.

37 **N**otandum trigefimosseptimò: Non omnes passim, sed præcipuos quosdam ad munus prædicandi Euangelium Christum vocasse; sed vndecim solos qui fuerunt cum illo à principio, & quibus datum fuit nosse mysteria regni Dei; contrà quàm sentit & facit hæresis. quod & Apostolus copiosè dilatat: Nunquid, inquit, omnes prophetæ? nunquid omnes Apostoli?

38 **N**otandum trigefimooctauò: Pepigisse fœdus Dominum cum Abraham: quòd semini eius daturus esset terram à fluuio Ægypti, vsque ad fluuium magnum Euphraten, Cinæos, & Cenezæos, Cedmonæos, & Hethæos, & Pharezæos, Raphaim quoque, & Amorrhæos, & Cananæos, & Gergesæos, & Iebusæos. Data sunt ei, inquit Ambrosius, tanquam in disciplinam alienigenæ nationes, vt mens æqui seruantissima recideret vitia, emendaret errata. Magistamen euidens Ecclesiæ declaratum est mysterium: quia per Apostolos, qui sunt Israëlita, ex quibus est Christus secundum carnem, congreganda Ecclesia foret, crediturus populus nationum. Simile enim quodammodo fœdus Saluatorem nostrum, cum suis Apostolis pepigisse videmus: Euntes, inquit, docete omnes gentes, baptizantes eos in nomine patris, & filij, & spiritus sancti: docentes eos seruare omnia, quæ mandauì vobis. lib. de Abraham 2. cap. 9.

39 **N**otandum trigefimononò: quemadmodum Apostolatus non est inanis titulus honoris, sed operosum munus verbo prædicando destinatum; ita falsò docet Calvinus, Summos Pontifices non esse veros successores Apostolorum, quòd non prædicent verbum: quasi verò, Prædicare verbum, solum hoc sit, ex cathedra populos docere, & non etiam scribere, prædicatores ordinare, & cætera omnia, quæ ad prædicationem verbi pertinent, præparare; sed eò magis ad eius executionem.

40 **N**otandum quadragesimò: obstrui hoc loco os primùm Arii eiusque sequacium, qui in diuinis pluralitatem ponebant, non personarum tantum, sed etiam & naturarum: dum hoc loco non in nominibus multorum, sed in vnius Dei natura baptizari iubemur. Obstruitur similiter & os Sabellij, qui non naturas tantum coniungebat, sed & personas; vnam scilicet personam, nunc patrem, nunc filium, nunc spiritum sanctum appellari dicens: cum hoc loco aperte non nomine tantum, sed re distinctas audiamus: In nomine, inquit, patris, & filij, & spiritus sancti.

41 **N**otandum quadragesimoprimò: mentiri Calvinum hoc loco, contra

omnem vetustatem, baptismum conferre, ad solos Apostolos pertinuisse: & si ab aliis conferatur, eius prophanationem esse. Nam etsi principaliter baptismus ad sacerdotes pertineat; propter tamen eius necessitatem inter plures communicatus est. Sed hoc inde accidit Caluino, quod ille in fide parentum putat infantes saluari posse. Vbi videre est miram hominis vesaniam: ea quæ nihil ad laicos pertinent, laicis tribuit; utpotè Coenæ Domini administrationem, & aliorum sacramentorum, sed & doctrinæ: ea autem quæ maximè necessaria sunt, & communia, ad solos Apostolos refert.

Notat quadragesimosecundò Hieronymus: Christum Dominum, qui⁴² usque ad consummationem seculi cum discipulis se futurum esse promittit, & illos ostendere semper esse victuros, & se nunquam à credentibus recessurum: qui autem usque ad consummationem mundi sui præsentiam pollicetur, non ignorare eam diem, in qua se scit futurum cum Apostolis.

Notandum quadragesimotertiò: duo vniuersalia capita vniuersæ Christi-⁴³ tianæ doctrinæ hoc loco proponi: Theologiam, inquam, theoreticam, & practicam virtutem. Dicens enim: Baptizantes eos in nomine patris, theoreticam nobis tradit: Docentes autem eos omnia mandata seruare, practicam virtutem inducit. vtramque partem eius philosophiæ hæretici perdiderunt.

Notandum quadragesimoquartò: æternam successionem Apostolicam⁴⁴ hoc loco à Christo Domino adstrui, cum dicit: Ego vobiscum sum, usque ad consummationem seculi. Isti profectò, ad quos nunc loquitur, ad consummationem seculi manere non poterant; de ordine igitur potius eius successionis, quàm de personis loquitur.

Notandum quadragesimoquintò: non hoc Christum dicere, quod usque⁴⁵ ad consummationem seculi cum illis futurus sit, quasi post consummationem illos deserturus; sed est hic modus scripturæ, quale & illud est: Non cognouit eum, donec pareret filium suum primogenitum. & illud: Sede à dextris meis, donec ponam inimicos tuos, scabellum pedum tuorum:

Notandum quadragesimosexto: quandoquidem mittebat Christus Do-⁴⁶ minus discipulos ad gentes, ad certas cædes, ad certa pericula & mortes; hac eos confortabat ratione: Ego, inquit, vobiscum sum, usque ad consummationem seculi: ne, inquit, grauer feratis: potentem ducem habetis, cui omnia tradita sunt, quæcunque in cælo & in terra: neque ista diuturna sunt, siue bona, siue mala, sed ad consummationem tantum seculi, quæ instat. Itaque; nec aduersis succumbatis, præteribunt enim: neque secundis efferamini, præteribunt enim.

Notandum quadragesimoseptimò: Ecclesiam catholicam errare non⁴⁷ posse; partim propter assistentiam spiritus sancti: Non faciam, inquit, à vobis auolare doctorem; partim ob præsentiam Christi: Ego vobiscum sum, usque ad consummationem seculi.

Notandum quadragesimo octauò: Ecclesiam Dei inexpugnabilem esse,⁴⁸ ac per-

ac perpetuò duraturam: etiam si portæ inferorum insurgant contra eam. Dominus enim est à dextris eius, & in æternum non commouebitur: Ego vobiscum sum, vsque ad consummationem sæculi.

49 **N**otandum quadragesimononò & vltimò: Scribere Caluinum, se facile passurum, Papam esse Petri successorem, si iubeat omnia facere, quæcunq; Dominus præcepit. Nos autem dicimus, eum iubere, præcipere, mandare, orare, obsecrare, omnibus modis prouocare: Caluinum autem illud docere, ex sola fide, & prædestinatione, omnem salutem pendere. Sed hæc hætenus.

Laus Christo Domino.



STANISLAI SOCOLOVII,
IN D. MARCI
EVANGELIVM
NOTÆ.



STANISLAI SOCOLOVII, IN D. MARCI EVANGELIŪ

NOTÆ.

Caput primum.



DE D. MARCO LEVITA, EIVSQVE EVANGELIO, illud primū notandum: eum à D. Petro filium, à D. Paulo consobrinum Barnabæ vocari: à Luca quoque in Actis, Ioannem cognominatum Marcum nominari. Eundem cōitem suum sibi in ministerio vtilē fuisse, ad Timotheum scribit Paulus. De eodem notandum est illud apud Clementem Romanum, tantum in auditorum animis pietatis reliquisse lumen Petrum, vt auditis contenti esse, & in iis, quæ scripto de diuino verbo addidicissent, permanere non possent. Quam ob causam Marcum, qui tum Apostolum consecratur, magna animorum contentione obtestabatur, vt monumentum aliquod traditæ sine scripto disciplinæ, in literas relatum eis relinqueret: neque prius inde discederet, quàm id, quod rogatus esset, perfecisset. Quo cognito Apostolus diuini instinctu spiritus, tam eximia eorum virorum delectatus voluntate & cupiditate est: proindeque scriptum id iudicio suo comprobauit, & vt in Ecclesiis legeretur constituit. Tum & illud ex Irenæo: Marcum, quod Petri esset interpres, quæ memoriæ commendauerat, certò & diligenter conscripsisse; non tamen seruato dictorum factorumque Christi ordine. Non enim audiuit, nec consecratus est Dominum; sed posterius Petri discipulus fuit: qui quidem ex usu auditorum doctrinam suam promulgauit, nō ordine sermones & oracula Domini commemorauit. Quapropter minimè hallucinatus est Marcus, sic pleraque scribens, vt ea memoria fuerat consecutus. Vnum enim hoc sibi in scribendo proposuerat, ne quid eorum, quæ audisset, omitteret, neue à veritate aberraret. Et ex Chrysostomo: qui narrat, Matthæum, accedentibus his, qui ex Iudæis Christo crediderant, & rogantibus, vt quæ verbis docuisset, hæc eis in literis seruanda dimitteret, Hebræo Euangelium scripsisse sermone. Marcum quoque in Ægypto idipsum rogantibus fecisse discipulis. Lucam aliam causam ponere, propter quam ad scribendum venerit: Vt habeas, inquit, eorum verborum, de quibus eruditus es, veritatem; id est, vt sæpè commonitus, certus sis, & in certitudine perman eas. Ioannes verò ipse scriptionis formam tacet: vt autem habet maiorum sermo, & à patribus ad nos delatus, nec ipse ad scribendum sine certa ratione descendit. Sed quia iam illa trium fuerat intentio, vt in suscepti morarentur hominis sacramento, & de ipsa deitate dogma periclitabatur taceri, ad scribendum Christo inspirante motus accessit: quod ex ipsa historia & de Euangelij declaratur exordio. Neque enim ab inferioribus cœpit, vt cæteri; sed ad superiora continuò, ad quæ vrgebatur, ascendit: propter quæ librum ipsum profectò composuit. Neque enim solū in principiis, sed per totius ferè Euangelij textum, grandior cæteris ingreditur atque sublimior.

*Lib. 6. Hypo-
teseon & Ni-
ceph. lib. 2.
cap. 15.*

*Niceph. li. 3.
cap. 20.*

*In Matth. Ho-
mil. 1.*

*In Matt: Ho-
mil. 4.*

Notandum & illud ex eodem Chrysostomo, Primum omnium Matthæ-
um Euangelium edidisse: propter quod generationum catalogum diligen-
ter enumerat, & plenè cuncta atque instanter exequitur. Marcum autem
còpendiosa post illum cucurrisse via, vtpotè qui iam ab alio dicta & manifesta-
ta replicaret, & Petrum imitaretur, magistrū verborum paritate gaudentem.

*Lib: de eccle-
siasticis scri-
ptoribus.*

Romæ enim, teste Sophronio & D. Hieronymo, Euangelium breue ex Petri
prædicatione, post decem annos à Christi ascensione, conscripsit. Quod cum
eo ignorante, Petro ab aliis auditoribus oblatum, vel vt Theophylactus do-
cet, à Deo reuelatum fuisset, illud approbavit, ac publicè legendum in Ec-
clesia iussit ac confirmavit. Hoc ille ab Alexandria orsus, per totam Ægy-
ptum, Pentapolim vsque, magno fructu prædicauit. Sunt qui post fidem re-
ceptam, pollicem eum amputasse referant, vt sacerdotio inutilis haberetur;
quod quidem minimè euasit. Nam & Alexandria Episcopus erat factus: vbi
imperante Traiano, rudente collo iniecta, à loco qui Bucolus dicitur, vsq; ad
eum qui Angelorum dicebatur, tractus, ibique igni, ab insanis simulacrorum
cultoribus, mense Aprili combustus, & in Bucolo sepultus est.

Notandum secundò: quoniam dictum est, D. Marcum cum D. Matthæo
multa communia habere, eiusque quasi abbreviatorem esse; ideò propositum
est nobis, ea, quæ vtrique communia sunt, ne idem sapiùs dicatur, non repe-
tere; sed illa quæ propria & pecularia habet, tantum adnotare & explicare.

*In præfat. S.
Hieron. in E-
uang. secun-
dum Marc.*

Notandum est tertio: Euangelistarum conuenientiam, ac veluti concur-
sum, pulchra similitudine explicare D. Hieronymum: Euangelia, inquit, tra-
stantes, Marcum intactum (vt puto) prætereunt, quia eadem penè quæ Mat-
thæus narrat, licet in propriis quibusdam sint distincti testimoniis; vt ala vni-
us, alam alterius tangat animalis; & rota rotam eadem sequatur via, & vt ver-
sis inuicem vultibus sese sancta cõtueantur animalia. Et Theophylactus: Mar-
cus, inquit, Euangelista propemodum in omnibus cum Matthæo concurrat;
præterquàm quòd D. Matthæus sit prolixior, quia secundum carnem genera-
tionis Domini meminit; Marcus autem statim ab Ioanne Propheta incipit.

*Præfat. Mar-
ci Euang.*

Notandum quartò: non facere Dominum verbum quòd non antea re-
uelauerit per seruos suos Prophetas. factum est hoc in multis aliis, in mutati-
one imperiorū, captiuitate Babylonica, expugnatione Hierosolymæ: fit nunc
in aduentu præcursoris Ioannis. Cuius aduentus priusquàm fieret, à duobus
prædictus est Prophetis, Malachia, inquam, atque Isaia; à quorum prophetia
orditur Euangelium suum Leuites Marcus. Si igitur moderni hæretici do-
gmata sua à Deo reuelata esse probare volunt, & se à Deo missos; tum osten-
dant, antea id reuelatum fuisse seruis Dei Prophetis, tum prophetias de suo
aduentu promant. Si autem nihil horum præstare possunt, Ioanni se compa-
rare definant, falsos se prophetas agnoscant: illos, inquam, qui currebant
cum non mitterentur. Nisi fortè illud pro se adferre velint: In nouissimis die-
bus, instabunt tempora periculosa, & erunt homines seipsos amantes, cupidi,
elati, superbi, blasphemii, parentibus non obediens, ingrati, scelesti, sine
affectione, sine pace, criminales, incontinentes, immites, sine benignitate,
proditores, proterui, tumidi, & voluptatum amatores magis quàm Dei, ha-
bentes quidem speciem pietatis, virtutem autem eius abnegantes.

2. Tim. 3.

Notan-

5 **N**Otandum quintò : Ioannem vltimum Prophetarum esse, principium autem Euangelij Iesu filij Dei. Finis enim veteris legis, initium est noui testamenti. Origo igitur Euangelij est castitas, humilitas, poenitentia; quæ primò & præcipuè in Ioanne conspicua sunt. Fuit autem Ioannes ille amicus sponsi, per quem nunc inducitur sponsa; ac si per Abraham puerum Rebecca sponsa Isaac, pallio velata albo, cum dicitur: Et egrediebatur ad illum omnis Iudæa Regio, & Hierosolymitæ vniuersi, & baptizabantur ab illo in Iordane flumine, confitentes peccata sua. Vnde desilit sponsa de camelo, cum humiliat se nunc Ecclesia viso vero Isaac Iesu Christo, in cuius natiuitate risum fecit Deus Saræ, sicut ad Mariam dicitur, quæ est princeps cum Deo: Benedicta tu inter mulieres.

6 **N**Otandum sextò : Duos Prophetas Ioanni testimonium perhibuisse, eumque coloribus suis depinxisse, Isaiam & Malachiam. Quem inprimis *Malach. 7.* angelum vocat: Ecce ego mitto angelum meum ante faciem tuam: pater enim alloquitur filium. Angelum vocat propter angelicam & spiritualem vitam, vel propter annunciationem Christi aduenientis: qui præparabit, inquit, viam tuam ante te. Præparabat viam, animas Iudæorū per baptismum præparando ad suscipiendum Christum: ante faciem eius, hoc est propè & immediate; quales solent illi esse, qui maxime dignitatis in aula regum sunt. Isaias autem vocem clamantis in deserto eum appellat. Vox est Ioannes; de qua voce dicebat Dominus Iesus ad Iudæos, quod inter natos mulierū maior illo surrexerit nemo. Clamat autem vita, voce, affectu: in deserto Iordanis, an potius in synagoga Iudæorum ab omni probitate deserta. Cohortatur ad præparandas vias, noui, inquam, testamenti; semitas autem veteris, quæ iam erant tritæ: quæ quidem semitæ antea rectæ fuerunt, dum eas Iudæi sequerentur; postea autem obliqui facti & claudi, exciderunt ex ipsis; iuxta illud Psalmistæ: Inueterati sunt, & claudicauerūt à semitis suis. Clamor autem ad surdos longè positos, siue cum indignatione fieri solet; quæ Iudaico certum est euenisse populo: dum longè est à peccatoribus salus, & aures suas grauiter obturauerunt, sicut aspides surdæ; & indignationem, & iram, & tribulationem à Christo meruerunt. Vel, vt Beda Venerabilis docet, Aduentum Dominicum præcurrens Ioannes, Vox dicitur: quia per eius ministerium Patris verbum ab hominibus auditur.

7 **N**Otandum septimò : conuenire bono prædicatori atque Doctori, eam doctrinam quam adfert, non tantum verbis & oratione; sed etiam vestitu, victu, ac tota denique vita repræsentare ac inculcare: ne altera quidem manu trahere, altera repellere (vt dicebat Nazianzenus) videatur. Facit hoc primus nouæ legis doctor, qui poenitentiam prædicaturus, quæ in luctu omniq; mortificatione carnis, ieiuniis ac chameuniis consistit, eadem omnia in se recipit: cilicio induitur, quod luctus est: lumbos zona pellicea præcingit: locustis vescitur: humi cubat; quæ omnia nunc ridet & extenuat hæresis. Ioannes in deserto fuit, baptizans, & prædicans baptismum poenitentiae in remissionem peccatorum. Et erat vestitus pilis cameli, & zona pellicea circa lumbos eius, & locustas & mel syluestre edebat, & prædicabat, dicens: Venit fortior me post me, cuius non sum dignus procumbens soluere corrigiā calceamentorum eius.

Notandum octauò cum Beda venerabili, ex testimoniis prophetis, 8
 quæ posuit Marcus, vnum solummodò in Isaia, alterum verò inueniri in Malachia. Nec tamen falli aut fallere putandus est Euangelista, qui hoc scriptum dicat in Isaia, quod Isaias non scripserit: sed potius intelligendum, quòd, etsi non hæc verba, quæ de Malachia posuit, inueniuntur in Isaia; sensus tamen eorum inuenitur in Isaia, & in nonnullis locis aliis, & manifestius in eo quod hîc ipse subiunxit: Vox clamantis in deserto, parate viam Domini, rectas facite semitas eius. Quis enim non videat, quanta sit in vtraque sententia concordia? Nam quòd dixit Malachias, mittendum angelum ante faciem Domini, qui præpararet viam eius; hoc est vtique, quod dixit Isaias, vocem clamantis audiendam in deserto, quæ diceret, Parate viam Domini, rectas facite semitas eius. Quia sicut Ioannes rectè angelus potuit vocari, pro eo, quòd faciem Domini euangelizando præuenit; ita rectè appellari & vox potuit, quia verbum Dei sonando præibat, sicut & supra dictum est. In vtraque autem sententia similiter paranda via Domini prædicatur. Ideoque non fallitur Euangelista, qui hoc dictum ab Isaia scribit, quod etsi non eisdem verbis, eodem tamen sensu ab ipso scriptum inuenit. Potuit autem fieri, vt animo Marci Euangelium cõscribentis, pro Malachia Isaias occurreret; vt fieri solet. Quod tamen sine vlla dubitatione emendaret, saltem ab aliis admonitus, qui ipso adhuc in carne viuentem hoc legere potuerunt, nisi cogitaret, recordationi suæ, quæ sancto spiritu regebatur, non frustrà occurrisset aliud pro alio nomen Prophetæ: quia ita Dominus hoc scribi constituit. Cur autem ita constituerit Dominus; prima illa causa vtilissima debet facillimè cogitari, etiam sic esse insinuatum: ita omnes sanctos Prophetas vno spiritu locutos: mirabili inter se consensione constare; vt hoc multò ampliùs sit, quàm si omnium omnia Prophetarum vno vnus hominis ore dicerentur: & ideò indubitanter accipi debere, quæcunque per eos sanctus spiritus dixit: & singula esse omnium, & omnia singulorum. Cùm ergo & quæ dicta sunt per Isaia, tam sint Malachiæ, quàm Isaia, & quæ dicta sunt per Malachiam, tam sint Isaia, quàm Malachiæ; quid opus erat vt emendaret Marcus, cùm aliud pro alio sibi nomen occurrens à se scriptum legisset? ac non potius sequens auctoritatem spiritus sancti, à quo mentem suam regi, plus nobis ille vtique sentiebat, ita hoc scriptum relinqueret? Sic enim admonendo constituerat Dominus ei, ad informandos nos, tantam verborum suorum inter Prophetas esse concordiam, vt non absurdè, imò congruentissimè etiam Isaia deputaremus, quod per Malachiam dictum reperimus.

Notandum nonò cum venerabili Beda: Baptizari nos à Domino in spiritu sancto, non solum cùm in die baptismatis fonte vitæ in remissionem peccatorum abluimur; verum etiam quotidie, cùm per gratiam eiusdem spiritus ad agenda, quæ Deo placent, accendimur: Ego, inquit, Ioannes baptizaui vos aqua; ille verò baptizabit vos spiritu sancto. 9

Notandum decimò cum Beda: In descensu spiritus sancti in specie columbæ cælos fuisse apertos; non refectione elementorum, sed spiritualibus oculis, quibus & Ezechiel in principio voluminis sui, apertos eos esse commemorat. & Stephanus: Video, inquit, cælos apertos. & hoc loco: Statim, inquit, 10

quit, ascendens de aqua, vidit cælos apertos, & spiritum tanquam columbam descendentem, & manentem in ipso.

11 **N**otandum vndecimò: Dum Christus ad tentandum ducitur, eum in posterum omne tempus exemplum dare, ad tentationes seruos eius duci debere, non illos vtrò quærere, illisque se obiiicere. Neq; tamen crimen est, dicebat Chrysostomus, semetipsum in pericula spontè proiicere, sed nō fortiter, cūm incideris, permanere. Et statim, inquit, spiritus expulit eum in desertum.

12 **N**otandum duodecimò: Ne cui veniret in dubium, à quo eum spiritu ductum siue expulsum diceret Euangelista in desertum: consultè Lucas primò posuit: Quia Iesus plenus spiritu sancto regressus est à Iordane. ac deinde intulit: Et agebatur in spiritu in desertum, ne quid contra eum voluisse spiritus immundus putaretur, qui plenus spiritu sancto quo volebat digrediens, quæ volebat agebat.

13 **N**otandum tertiodecimò: Tentari Dominū quadraginta diebus & quadraginta noctibus; vt indicet quòd quamdiu hīc viuentes Domino seruimus, siue prospera blandiantur (quod ad dies pertinet) seu nos aduersa feriant, (quod noctis figuræ congruit) semper ambulantes in lege Domini, adesse toto orbe aduersarium, qui iter nostrum tentando impedire non cessat.

14 **Q**uartodecimò notat hoc loco Gregorius Magnus: Antiquum hostem contra primum hominē, parentem nostrum, in tribus se tētationibus erexisse: quia hunc videlicet gula, vana gloria, & auaritia tentauit; sed tentando superauit, quia sibi eum per consensum subdidit. Ex gula quippè tentauit, cūm cibum ligni veriti ostendit, atque ad comedendum suauit. Ex vana autem gloria tentauit, cūm diceret: Eritis sicut dii. Et ex prouectu auaritiæ tentauit, cūm diceret: Scientes bonum & malum. Auaritia enim non solū pecuniæ est, sed etiam altitudinis. Rectè enim auaritia dicitur, cūm supramodum sublimitas ambitur. Si enim non ad auaritiā honoris rapina pertineret, nequaquam Paulus de vnigenito Dei filio diceret: Non rapinam arbitratus est se esse æqualem Deo. In hoc autem diabolus parentem nostrum ad superbiam traxit, quo eum ad auaritiā sublimitatis excitauit. Sed quibus modis primum hominem strauit, eisdem modis secundo homini tentator succubuit. Per gulā quippè tentat, cūm dicit: Dic vt lapides isti panes fiant. Per vanā gloriam tentat, cūm dicit: Si filius Dei es, mitte te deorsum. Per sublimitatis auaritiā tentat, cūm regna mundi omnia ostendit dicens: Hæc omnia tibi dabo, si procidens adoraueris me.

15 **N**otandum quintodecimò: Qui propter Christum euitandasq; mundi illecebras, pœnitentiæ item causa, cum feris habitare non recusat hīc in terris, huic angeli aliquando ministrabunt in cælis, sed & in hoc mundo. Commoratus ita Noë est cum omni genere animalium in arca: Et recordatus est eius Dominus. Seruiuit sanctus Abacuc propheta Danieli, cum leonibus cubanti, cibos offerens: idem nunc euenisse Christo Domino videmus; euenit postea Paulo, Antonio, Mariæ Magdalenæ, Mariæ Ægyptiacæ, & aliis multis sanctis.

Cūm

Cum autem bestias dicimus, non tantum eas sylvestres & irrationabiles intel- 16
ligimus, sed longè magis homines feroces, ac bestiarum vitam viuentes; quos
qui propter Christum & eorum ædificationis causa sustinet, huic certissimus
est paratus in cælis locus. Talis erat D. Ignatius, qui, ut ipse testis est, à Syria
Romam usque, terra marique cum bestiis depugnauit, noctu diuque alligatus
decem leopardis, quæ erat militaris custodia, qui & beneficio affecti, peio-
res erant.

Notandum sextodecimò: quod Christus Dñus, quam diu fuit in con- 17
flictu positus, nequaquam angelos apparere permisit; ne scilicet antè victo-
riam superandum fugaret. Postquam verò illum per cuncta deuicit, & victum
fugere præcepit, tunc angeli cōsequenter apparent; ut tu discas, quod te quoq;
post confectam de diabolo victoriam, angeli repente suscipiant, plaudentes
tibi, teque stipatorum more ubique comitantes. Sic & Lazarum post forna-
cem paupertatis, ac famis, totiusque angustia, suscipientes angeli ad requi-
em pertulerunt.

Notandum decimosseptimò: non simpliciter præceptores mutandos 18
esse, nisi priores decedant, ac meliores consequantur, ij præsertim, qui testi-
monium à prioribus receperunt. Quemadmodum Apostoli, non prius à Io-
anne discedunt, quam Ioannes ab Herode sublatus est, idque post multa no-
bilia Ioannis de Christo testimonia; contrà quam faciunt hæreses, quæ in dies
& dogmata, & præceptores mutant; ideo semper discunt, & nunquam profi-
ciunt, nisi in peius.

Notandum decimooctauò: non omnes idiotas à Christo Domino vo- 19
catis fuisse; sed alios scribas, quod in Matthæo ex Origene demonstraui-
mus, alios principis Prophetarum Ioannis discipulos, Petrum & Andream. Frustrà
igitur Calvinus iactat feces populi, ignaros & rerum omnium imperitos.
Nam etsi humanæ sapientiæ, aut sublimibus eius verbis operam nō dederunt;
futuræ tamen salutis mysteria omnino non ignorarunt, testesque viui rerum
præsentium extiterunt. Quo loco cum D. Ambrosio aduertendum cæleste
consilium: quo non sapientes aliquos, non diuites, non nobiles, sed piscato-
res & publicanos, quos dirigeret, elegit; ne traduxisse prudentia, ne redemisse
diuitiis, ne potentiæ nobilitatisque authoritate traxisse aliquos ad suam gra-
tiam videretur; & veritatis ratio, non disputationis gratia præualeret.

Notandum decimononò: neque vagos, neque otiosos, neque turpibus 20
artificiis deditos, Christum Dominum ad prædicationem Euangelij vocare;
sed homines, si victus rationem spectes, honesto & minimè quæstuoso aut li-
tigioso artificio deditos; si autem studium & institutum, meditationi diuinæ
intentos, Ioannis, ut dixi, discipulos vocasse: contrà quam facit hæresis, sed &
aula. Absunt commendatores, absunt clientelæ & amici, absunt præterita
seruitia, sed & aurea media.

Notandum vigesimò: quod solenne fuit quondam, ut quos Christus 21
vocaret, & qui illum sequi volebant, hi omnia sua relinquerent; quod nunc
Apostolos

Apostolos facere videmus. Nunc posteaquam Christo nos damus, omnia con-
sequi volumus, non tam Christum, quàm res eius sequentes. Itaque gemit
nunc Ecclesia, dum videt quosdam sub Christo diuites, quos quondam vide-
bat in mundo mendicos.

21 **N**otandum vigesimoprimum: esse tempus, cum non solum liberi aut
coniuges, sed etiam parentes ipsi propter Christum sunt relinquendi: quod
nunc Ioannem & Iacobum facere videmus. Mentitur igitur Calvinus, qui
eos impietatis accusat, qui propter religionem se suaque omnia relinquunt,
vt melius Christo inseruiant.

22 **N**otandum vigesimosecundum: fidem & obedientiam vocatorum: siqui-
dem in medio ipsius operis constituti (scimus autem quàm auida res sit pesca-
tio) cum illum audissent iubentem, nihil distulerunt, nihil omnino cunctati
sunt: non dixerunt, reuertemur domum, loquemur propinquis; sed cuncta il-
lico relinquentes, fecerunt quod Heliseus quoque sub Helia legitur implere.
Talem quippe à nobis obedientiam Christus Dominus efflagitat, vt neque pun-
ctum temporis differamus, etiam si nos aliquid necessarium urgere videatur.
Propter quod & alium accedentem ad se, & rogantem, vt ad sepeliendum pa-
trem rediret; ne id quidem facere permisit, ostendens, quia Christus cunctis
sit etiam necessitudinibus præferendus.

23 **N**otandum vigesimotertium: locum prædicationis verbi Dei, proprium
esse Ecclesiam atque synagogam: itaque per singula Iudææ oppida ædificaban-
tur synagogæ, in quibus Moysis libri legebantur, quouis die sabbati: quod
similiter nunc imitatur Saluator noster, doctor & magister cælestis. Hæresis,
vt solet, latibula & angulos quærit.

24 **N**otandum vigesimoquartum: quod lex sabbatis eo nomine homines
otiosos esse, atque in synagogas conuenire voluit, vt vacarent interim lectio-
ni Prophetarum. Nam & Deus ipse in sabbato parentibus primis nostris le-
gem dedit, illisque concionatus est; sed parere noluerunt.

25 **N**otandum vigesimoquintum: quod sabbatis medicinæ doctrinæque suæ
dona frequentat Christus, docet se non sub lege esse, sed supra legem; qui
eandem quoque legem adimplere, non autem soluere venerit. Nec Iudaicum
eligere sabbatum, quo vel ignem accendere, quo manum pedemque mouere
non liceat: sed verum sabbatum, dilectamque Domino esse requiem, si salu-
ti studentes animarum, ab opere serui, id est, à cunctis contineamus illicitis.
Vel vt doceat, quod ipse Dominus sit sabbati, per quem factum est sabbatum.

26 **N**otanda vigesimosextum differentia doctrine Christi & aliorum: Christus
Dñus docebat tanquam potestatem habens, alij non item. Quid autem sit docere tanquam
potestatem habentem, id multas expositiones admittit. Primum quod ille doce-
bat, tanquam Dñus & legislator, alij tanquam serui & ministri; unde illi modi
dicendi: Hæc mando vobis, vt diligatis inuicem. Et illud: Præceptum nouum do
vobis. Et illud: hoc est præceptum meum. Et illud: Audistis quia dictum est an-
tiquis:

tiquis: Ego autem dico vobis. At Prophetæ non eodem modo: Hæc dicit Dominus: Hoc os Domini locutum est, &c. Sed & Apostoli: Ego enim accepi à Domino, quod & tradidi vobis: Hoc præcepit Dominus, non ego. Vel quòd Dominus non tantum extra docebat, sed etiam idem ut crederetur intus efficiebat: cæteri omnes non item. Vnde Paulus: Ego plantaui, Apollo rigauit, Deus autem incrementum dedit. Vel quòd alij verbis solis docebant, Dominus autem verbis simul & miraculis: vnde illud: Si non fecissem ea, quæ ante me nemo, excusationem haberent, &c. At de Apostolis illud: At illi profecti prædicauerunt vbique, Domino coöperante, & sermonem confirmante sequentibus signis. Addit Theophylactus: Quòd Phariseorum oratio ad adulationem fuit comparata, Christi ad veritatem & reprehensionem.

Notandum vigesimo septimò: Quæ causa, cur Christus miracula sua, huiusmodi generis subleuationem à dæmoniorum eiectione incæperit. An quòd per ea quæ faciebat extra, demonstrare voluit, cuius causa venerit, ut faceret intra, ut scilicet nos liberaret à diabolica potestate: an ut videamus quanto malo liberati simus, tali miraculo commoniti; nec videamus tantum, sed etiam grati simus, gratias agamus & redamemus: an quòd satanas illum primus in deserto aggressus est, quem ille diu facinore suo gaudere noluit.

Notandum vigesimo octauò, credere dæmonem, quòd periturus sit, si ab homine, quem semel obsederit, exire compellatur; pro hostili enim sua ferocia & crudelitate in genus humanum, ingens malum se perpeti existimat, si ei non fiat potestas hominibus malefaciendi. Quo loco Beda præclare: Præsentia, inquit, saluatoris, tormenta sunt dæmonum.

Notandum vigesimo nonò, spiritum mendacem non dixisse simpliciter, Sanctus Dei: Multi namque & prophetarum erant, & habebantur sancti: sed ille sanctus, cum articulo *ὁ*. Ac si dixisset: Solus sanctus ille Dei es, qui cæteris omnibus, ut diuinitate, ita sanctitate præstas.

Notandum trigessimò cum venerabili Beda: Dæmonia filium Dei cõfitebantur, & sciebant ipsum esse Christum: quia quem dierum quadraginta ieiunio fatigatum diabolus hominem cognouerat, nec tentando valebat, an & Dei filius esset, experiri: iam nunc per signorum potentiam, vel intellexit, vel suspicatus est, esse filium Dei. Non ergo Iudæis ideò eum crucifigere persuasit, quia Christum siue Dei filium non esse putauit; sed quia se morte illius non præuidit esse damnandum.

Notandum trigesimo primò: quibus nostra spiritualia impertimus, eorum temporalibus nos uti æquum est. Quod nunc Christus Dominus exemplo suo docet, qui soluta die sabbati ad vespem concione, ad eos quos docuit discipulos, propter corporis refectorem diuertit, Simonem inquam & Andream. Quod idem postea docuit D. Paulus: Si nos vobis, inquit, spiritualia seminamus: magnum est si carnalia vestra metamus?

Notandum trigesimo secundò: quòd contingit plerumque illos, qui Christo

Christo eiusque ministris seruiunt, in multos morbos ac tribulationes incidere; ut tantò magis virtus eorum probetur, ipsi exerceantur, & aliis exemplo & solatio sint: quod iam antea beato Iob, & Tobiae euenisse legimus, ac nunc focui Petri euenire videmus: post item Basilio, Gregorio, & aliis multis. Qua de re pulchrè alicubi Iob: Increpat, inquit, Deus hominem per dolo- *Iob 33.* rem in lectulo, & omnia ossa eius marcescere facit. Abominabilis ei fit in vita sua panis, & animæ eius cibus antè desiderabilis. Tabescet caro eius, & ossa quæ tecta fuerant, nudabuntur. Appropinquabit corruptioni anima eius, & vita illius mortiferis. Si fuerit pro eo Angelus loquens vnus de millibus, ut annunciet hominis æquitatem; miserebitur eius, & dicet, Libera eum, ut non descendat in corruptionem: inueni in quo ei propitier. Consumpta est caro eius à suppliciis, reuertatur ad dies adolescentiæ suæ. Deprecabitur Deum, & placabilis erit ei, & videbit faciem eius in iubilo, & reddet homini iustitiam suam, respiciet homines, & dicet: Peccaui, & verè deliqui, & ut eram dignus non recepi. Liberavit animam suam, ne pergeret in interitum, sed viuens lucem videret. Huc referri illud potest Ambrosii: improbæ mentis esse *Lib. de Noe* lætari, quòd iusto viro nec eruditio ipsius profuerit, nec iustitia suffragata sit, *Gen. c. 30.* nec ea quæ secundum corpus sunt, habuerunt prosperos cursus. Hæc enim pro summis bonis apud improbos æstimantur, in diuitiis aut honore posita: quæ tamen nullum fructum ad laudem virtutis conferunt. Propterea insipientiæ defensores videntur, qui virtutis amatorem prosperorum munere esse fraudatum, qui omne bonum temporalibus magis quàm perpetuis æstimandum putant.

33 **N**otandum trigesimo tertio, si morbo detentos Deus bonæ valetudini reddiderit; eā ipsos in sanctorum ministeria Dei que seruitium impendere debere: quod nunc in focu Petri, febris decubente, sed à Christo curata, factum videmus. Excitatur, surgit, ministrat.

34 **N**otandum trigesimo quarto, quærere D. Chrysostomum causam, cur à nullo eorum, qui ei malè habentes, languidi, dæmoniaci, lunatici, paralytici oblatis sunt, fidem poposcerit. Neque enim dixit, quod aliis postea dixisse narratur: Creditis, quoniam possum hoc facere? quod certè hîc ideò non dixit, quia nondum potentiæ suæ documenta præstiterat. Deinde hoc ipsum, quòd eum simpliciter adibant, & certatim infirmos ei ac debiles offerebant, non mediocrem profectò fidem eorum docebat. Nam è longinquo eos utique portabāt: non portaturi proculdubio, nisi prius de illo magna sibi persuassissent. Vespere facto, inquit, cum occidisset sol, afferebant ad eum omnes malè habentes, & dæmonia habentes, & erat omnis ciuitas congregata ad ianuam. Et curauit multos, qui vexabantur variis languoribus.

35 **N**otandum trigesimo quinto, earum quæ sunt in corpore passionum, malignam sæpè animam causam esse: quòd & triginta octo annorum paralyticus, & ille qui per tectum legitur fuisse demissus, & ante istos Cain ipse monstrauit; & multis id aliis exemplis posset comprobari.

36 **N**otandum trigesimo sexto, dæmoni, etiamsi veram afferat orationem, non esse

non esse fidem dandam. Si enim credulos quosque in promptu haberet, nihil non efficeret conando, ut veritati mendacia affingeret, & quasi fucos imposito ab ea mentes hominum auerteret. Spiritum Pythonis Apostolus in Actis, vera de se prædicantem, repressisse legitur. Cum enim Paulum & Barnabam sanctos seruos Dei excelsi esse vociferaretur, neutiquam sanctus vir testimonium sanctitatis ab impuro voluit accipere: sed dolens, In nomine Domini IESU Christi præcepit eum exire à puella. Christum itidem dominum, iterum iam præsentem capite, & aliàs sæpenuerò, os iniqui enarrantis iustitias suas obstruere videmus; ut idem nobis documento sit, ne facile capiamur, si veterator iste verba nobis speciosa quidem, sed reuera fallacia dare velit: similiter & hæretici, ac improbi item homines. Dæmonia, inquit, multa eiiciebat, & non sinebat ea loqui: quoniam sciebant eum.

Notandum trigésimo septimò, Christum Dominum, cum variis morbis affectos sanasset, multaque bona populo illi in Capharnaum dedisset, secretò se recepisse: ut nos doceamur, non quippiam ad ostentationem facere; sed si bonum quid ad Dei gloriam & commodum proximi egerimus, semper opæ re secretum. Orat item Dominus, erudiens nos, ut quidquid boni fecerimus, id totum in Deum solum, boni eius autorem, referamus, illud Iacobi Apostoli occinentes: Omne datum optimum, & omne donum perfectum, desursum est, descendens à patre luminum. Et diluculo valde surgens, egressus abiit in desertum locum, ibique orabat.

Notandum trigésimo octauò, vna ciuitate, vna regione, loco vno non debere includi doctrinam Euangelicam: sed qua veluti sole vniversus terrarum orbis collustretur. Nusquam enim locus in terris sole exorto est, qui radiis eius lucis non compleatur. Agit hoc idem splendidissimus iustitiæ sol, Christus Dominus, qui solis Capharnaitarum finibus doctrinam suam terminari non vult, quin eandem etiam vicinis ciuitatibus impertiat. Eamus, inquit, & in proximos vicos & ciuitates, ut & ibi prædicem: ad hoc enim veni. Neque seiungit à prædicatione actionem. Concione enim habita, illicò ad miraculorum operationem se confert: languidos curat: dæmonia eiicit; ut nos suo exemplo instruat, quò doctrinam, si præsertim vanam & inutilem esse nolimus, bonis & piis operibus comprobemus. Quia nec ipsius Christi Domini, illis præsertim initiis, tantum fidei habuisset oratio, nisi miraculis fuisset confirmata.

Notandum trigésimo nonò, Marcum Euangelistam de mundato leproso cōnectere, ut ipse intelligatur, quem Matthæus cōmemorat, tunc esse mundatum, quando post sermonem Dominus de monte descendit. Sic enim ait Matthæus: Cum autem descendisset de monte, secutæ sunt eum turbæ multæ. Et ecce leprosus veniens adorabat eum dicens, Domine si vis, potes me mundare.

Notandum quadragésimò: Christus Dominus leprosum tangit, ut ostendat, omnia munda esse in oculis suis. Lex enim non ideò vetabat tangere leprosum, ut ne leprosi sanarentur: sed, ut ne tangentes leprosum coinquinarentur. Saluator contrà, ut doceret, ex sua natura nil esse immundum; & quia legis obseruationes

obseruationes iam euacuari oportebat, lepra percussus tetigit: cum in veteri testamento summa sanctitate viro illi Dei, quem scriptura & in vita sua fecisse monstra, & in morte mirabilia operatum esse testatur, Eliseo non fuerit tantum animi, tantopere nimirum legem reuerenti, ut Naaman illum militiae principem leprosum, & mundationis egentem, contactu sanaret: imo tanta inerat legis diuine reuerentia, ut ne aspectu quidem suo immundum principem dignaretur; sed stanti ad ostium domus suae per internuncium, ut ad Iordanem iret, ibique septies lauaretur, mandauit.

41 **N**otandum quadragesimo primò cum Beda, In mundatione leprosi, tres haereses detestandas partim verbis, partim re ipsa refutauisse Dominum. Volo enim dixit, propter Photinum: imperat, Mundare, propter Arium: tangit, propter Manichaeum.

42 **N**otandum vltimò cum Beda, non debere quemquam moueri, quomodo Mosaicum sacrificium Dominus approbare videatur, cum id non receperit Ecclesia. Meminerat nondum capisse sacrificium sanctum sanctorum, quod corpus eius est. Nondum enim obtulerat in passione holocaustum suum. Non autem oportebat auferri significantia sacrificia, priusquam illud, quod significabatur, confirmatum esset contestatione Apostolorum praedicantium, & fide credentium populorum. Vade, inquit, ostende te principi sacerdotum, & offer pro emundatione tua, quae praecipit Moyses in testimonium illis.

Caput II.



1 **N**OTANDVM PRIMO, SALVATOREM OMNIVM DEVM, salutari omnia lustrare incessu: Et nunc in desertis, nunc in ciuitate, nunc ad mare doctrinae caelestis & virtutum dona ministrare turbis: Nunc in monte solū orare, nunc laborantes in mari, ne perirent, adiuuare, ubiq; munera salutis impertiri; ut omnes gradus ac conditiones ad suam gratiam pertinere demonstret. Et iterum, inquit, intrauit Capharnaum post dies octo, & auditum est quod in domo esset, & conuenerunt multi, ita ut non caperet neque ad ianuam: & loquebatur eis verbum.

2 **N**otandū secundò, charitati nullam inuiā & inaccessam esse viam. Clauduntur hoc loco fores, obsidentur fenestrae, occupantur aditus: illam tamen per tecta & regulas ingredi, paralyticum praesentare Christo, supplicem fieri. Quo loco illud simul notandum est, caelestem hunc solem atque lumen non adiri, nisi prius tecta & tegulae mundi huius impedimentorum auferantur.

3 **N**otandum tertio, quadruplicem esse differentiam eorum, quos curabat Dominus. Vel enim ipsi credebant tantum: quamuis illi qui illos offerebant non crederent. Vel ipsi quidem non credebant, illi tamen qui eos offerebant, magna fide praediti erant. Talis erat puer centurionis: talis & hic paralyticus: quem tamen & ipsum credidisse possibile est, magis tamen eos

qui offerebant, ex verbis Euangelistæ patet: Et respexit, inquit, fidem illorū. Vel vtrique credebatur, & ab his qui offerebantur, & ab his qui offerebant. Quod in curatione socrus Petri apparet: in Cananæa item. Vel neutri credebant, in quibus ille nullum signum facere solebat. Propter incredulitatem eorum, inquit Euangelista. Intuendum, inquit Venerabilis Beda, hoc loco, quanti propria cuiusque fides apud Deum valeat, ubi tanti valuit aliena; ut totus homo repente, hoc est interius exteriusque iam saluatus, exurgeret, aliorumque merito aliis sanarentur errata.

Notandum quartò: eam esse vim & naturam malitiæ & inuidiæ, ut dum 4
maximè nocere & obscurare vult, tum præcipuè illustret & adstruat. Quod nunc in Phariseis istis videmus. Negant cuiusquam esse peccata dimittere, præter ipsius solius Dei. Cum autè clarū sit Christū Dñm peccata dimittere, & sæpius dimisisse; quid aliud ad omnem posteritatem omnesque hæreses conuincendas demonstrant, quàm Christum Dominum verum Deum esse?

Notandum quintò, duas partes fidei esse: Vnam, credere iis, quæ Deo 5
tribuuntur: alteram, quis sit Deus, & quis non sit. Prior nulla vel exigua demonstratione opus habet: secunda ex miraculis potissimum pendet. Quod nunc in Phariseis apparet: facile credunt & profitentur, solius Dei esse peccata dimittere. At num Christus sit Deus nec ne, in hac re miraculis opus fuit, quibus Christus se verum Deum demonstrat.

Notandum sextò: non statim sequi, ut si quis vnam & alteram rem 6
crediderit, ut illi in omnibus credendum sit, aut ut cætera rectè alleget. Rectè Iudæi credunt & profitentur, solius Dei esse peccata dimittere: consentit hoc cum doctrina & analogia scripturæ. At rursus non rectè credunt, Christum Dominum verum Deum non esse, peccata dimittere non posse: quod idem omnibus ferè hæreticis euenit. Multa illi præclare credunt, multa vera enunciant: in multis tamen labuntur, in multis errant. Vnde præclare Augustinus: Nulla, inquit, falsa doctrina est, quæ non aliqua vera intermisceat. Vera ergo falsis inordinate permixta, in vna disputatione vel narratione hominis, tamquam in vnius corporis colore apparentia, significant lepram, tamquam veris falsisque colorum fucis humana corpora variantem, atque maculantem. Et in Psal: 54. Quare dixit, qui appropinquant mihi: quia in multis erant mecū. Baptismum habeamus utique: in eo erant mecum. Euangelium vtrique legabamus: erant in eo mecum. Festa martyrum celebrabamus: erant ibi mecum. Paschæ solennitatem frequentabamus: erant ibi mecum. sed non omninò mecum. In schismate non mecum: in hæresi non mecum. In multis mecum, in paucis non mecum. Sed in his paucis, in quibus non mecum, non eis profunt multa in quibus mecum.

Notandum septimò: Quando dicit Christus Dominus, ut sciatis quia fi- 7
lius hominis habet potestatem dimittendi peccata: non hoc affirmat, quasi maius sit paralyticum sanare, quàm peccata dimittere: sed ad tacitam cogitationem aduersariorum respondet. Cogitabant illi: Curares potius illum, quàm ista magnifica de peccatorum remissione iactares. Respondet prauæ cogitatio-

cogitationi Christus Dominus: Et hoc, & illud videte, & huius sanitatem, & peccatorum remissionem: ac ex hoc minori, & quod sensui subiectum est, de maiori & inuisibili coniecturam sumite.

8 **N**otandum octauò: Despectum & debilem, totisque membrorum cōpaginibus dissolutum, Filium vocat, quem sacerdotes non dignarentur attingere: aut certè ideò filium, quia dimittuntur ei peccata sua.

9 **N**otandum nonò: dimissis peccatis, facilis cura morborum: propter enim peccata veniunt aduersa. Vnde pulchrè Gregorius: Nulla nocebit aduersitas, si nulla dominetur iniquitas.

10 **N**otandum decimò: Christum primùm paralytico peccata dimittere, deinde paralytin sanare; vt hinc discamus, grauiiores corporis ægritudines, vt plurimum, propter peccata accidere solere. Quod apertè ex illo alio apud Ioannem paralytico cognoscitur, vbi Dominus peccata morbi eius causam dedisse testatur; ad quæ ne iterum relabatur, eum admonet. Ecce, inquit, sanus factus es, ampliùs noli peccare, ne quid tibi deterius accadat.

11 **N**otandum vndecimò: quinque causas à patribus assignari, pro quibus in hac vita molestiis corporalibus affligimur. Aut enim ad merita augenda per patientiam, iusti corporis infirmitate grauantur; vt beati Iob & Tobias, & innumeri martyres in vtroque testamento. Aut ad custodiam virtutum perceptarum, ne superbia tentante dispereant: sicut Apostolus Paulus, cui, ne magnitudine reuelationum extolleretur, datus est stimulus carnis suæ, angelus sathanæ, qui eum colaphizaret. Aut ad intelligenda & corrigenda peccata; sicut Maria, soror Aaron, in eremo, ob verba temeritatis & superbiæ, lepra percussa est: & sicut paralyticus, de quo tractamus, qui non nisi dimissis primò peccatis, potuit ab infirmitate curari. Aut ad gloriam Dei saluantis, siue per seipsum, siue per famulos suos: sicut cæcus natus in Euangelio, qui neque ipse peccauit, neque parentes eius, sed vt manifestarentur opera Dei in illo. Sicut Lazarus, cuius infirmitas non fuit ad mortem, sed pro gloria Dei; vt glorificaretur filius Dei per eam. Aut ad inchoationem damnationis æternæ, quod reproborum est proprium: sicut Antiochus & Herodes, qui vtrique, suo tempore, aduersus Deum repugnantes, quantum tormentorum in gehenna perpetuò passuri essent, præsentium afflictionum miseria cunctis ostēdebant. quibus congruit illud prophete: Et duplici contritione contere eos Domine. Vnde necesse est, vt in omnibus quæ temporaliter aduersæ patimur, cum humilitatē Domino gratias agamus; & infirmitatis nostræ conscii, de collatis nobis remediis gratulemur.

12 **N**otandum duodecimò: quòd hic ipse, qui nunc à Marco Leui Alphæi, postea verò à Luca Leui publicanus vocatur, est Matthæus Euangelista binominis. Docemur autem hac nominum commutatione, vt alienas quidem infirmitates ac defectus, quantum fieri potest, tegamus, ac clam esse velimus; nostra autem peccata ac defectus, palàm & publicè cōfiteri non erubescamus.

Notandum tertio decimò : scopum & finē, quo saluator noster in terras descendit, hoc loco explicari. Non, inquit, est opus valentibus medicus, sed male habentibus : & non veni vocare iustos, sed peccatores. Quem scopum latè & fusè explicat D. Paulus: Fidelis sermo & omni acceptione dignus, quia Christus Iesus venit in hunc mundum peccatores saluos facere, quorum primus ego sum. 13

Notandum quarto decimò : Christum Dominum venisse ad vocandos peccatores, non vt peccatores permaneant, neque vt simpliciter tantum credant; sed vt pro peccatis suis pœniteant & satisfaciant: contrà quàm falsò docent hæreſes, quæ sola fide hominem iustificari arbitrantur. Vocare, inquit, veni peccatores ad pœnitentiam. 14

Notandum quinto decimò : Vetus & vsitatum hoc semper fuisse, vt illi qui ieiunant, contemnerent non ieiunantes, & vice versa. Quod item Pauli temporibus fuisse, illa grauis eius commonitio docet: Is qui manducat, nō manducantem non spernat. Quod idem nunc discipulis Ioannis, pharisæis item accidit, vt ipsi ieiunantes non ieiunantes Christi discipulos aspernarentur, & contemnerent. 15

Notandum sexto decimò : tempus esse ieiunandi, & tempus epulandi. Quare neque ipsi laudandi sunt, qui semper ieiunandum esse docent: quales fuerunt Encratitæ, & nunc aliqui superstitioni: neque item illi, qui semper epulari vellent, quales sunt & Luterani. 16

Notandum decimo septimò : Christi Domini nuptias spirituales esse: idè & epulas illarum magis in spiritu, quàm in carne obeundas esse. 17

Notandum decimo octauò : post assumptionem Christi Domini, multum plurimumque discipulos Domini ieiunatuſ fuisse, prædicere nunc ipsum Dominum: & eò magis quò diutius sponsus absit: contrà, quàm falsò docet hæreſis. 18

Notandum decimo nonò : distinctos esse in ecclesia ordines, incipientium, proficientium, & perfectorum; quod iam nunc in prima eius quasi inchoatione apparet, & apud Paulum non obscurius. Debemus nos firmiores imbecillitates infirmorum sustinere, & non nobis placere. 19

Notandum vigesimo : non eandem diætã deberi imperfectis & perfectis. Imperfecti lacte opus habent, ait Paulus: perfecti cibo solido: & idè prudens moderator & rector, non omnia simul effundere, sed prudenter, pro captu cuiusque tradere & impertiri debet. 20

Notandum vigesimo primò : non bene simul in boue & asino arari, sed ne disparibus quoque bobus: non bene veteribus noua assui: non bene vinũ nouũ in vasa vetera infundi: sic non bene doctrina noua veteri assuitur; quod in hæreſibus videmus, quæ mutuò se conficiunt & corrumpunt. 21

Notandum vigesimo secundò : monere venerabilem Bedam: Cauendum do- 22

dum doctore esse, ne animę nondum renouatę, sed in vetustate malitię perduranti, nouorum mysteriorum secreta committat.

23 **N**Otandum vigesimo tertio, cum D. Chrysostomo: Qui opportunitate non expectata altiora hominibus dogmata proponit; is nec cū occasio fuerit, aptos ad audiendum inueniet, cū semel ineptos fecerit. Quod nec suscepiibilis rei causa, nec suscipientium culpa contingit, sed propter impotentium atque docentium festinationem importunam.

24 **N**Otandum vigesimo quarto: Propter substantias & fundamenta, aliquando deferri & differri possunt accidentalia & accessoria; hoc est ritus & ceremonię, & alia minutiora, charitatis & proximi vtilitatis causa: quo nomine nunc Christus spicas in sabbato vellentes discipulos defendit.

25 **N**Otandum vigesimo quinto: quæri à quibusdam, quomodo Euangelista præsentī capite sacerdotem principem Abiathar nominauerit, cū historia Regum hunc Achimelech fuisse referat. Respondetur à Theophylacto: Fieri potuisse, vt hic Abiathar binominis fuerit, qui idem & Achimelech vocaretur. Vel quod ad veritatis similitudinem videtur esse propensius; liber Regum simplicem sacerdotem fuisse docet Achimelech, à quo Dauid panes propositionis acceperit; Euangelista autē narrat id gestū, cū esset princeps sacerdotum Abiathar. Proinde neque dicit venisse Dauid ad principem sacerdotum, sed ad Achimelech sacerdotem; vt intelligamus, intrasse Dauid domum Dei sub principe sacerdotum Abiathar, ac panes propositionis comedisse.

Caput III.

1



NOtandum primò. Etsi Christus Dominus signa & miracula sua, confirmandę potissimum fidei gratia faciebat, & vt obstrueret os dicentium & facientium iniqua, nunquam tamen ea fecit sine vtilitate aliqua proximi, & commodo eorum qui malè habebant: quod similiter nunc fieri videmus.

2

NOtandum secundò, eam differentiam esse verorum signorum & falsorum, Christi & Antichristi, quòd falsa quidem signa & magica, ad ostentationem solam comparata sunt, veri nihil habent, vtilitatem secum nullam ferunt: quale fuit illud Simonis magi, cum in altum volaret, quæ res ad nihil utilis fuit; præterquam ad frangenda eius crura. Hoc idem pulchrè docet autor imperfecti operis. Miracula seu virtutes, quæ passim tam à sanctis, quàm ab impostoribus fiunt, vtilis esse aut inutiles. Vtilis, quę mirabiliter fiunt, & ad salutem proficiunt: vt puta infirmos sanare, & alia huiusmodi, quę fecit Christus. Vacuę autem sunt, quæ admirationem quidem faciunt videntibus, vtilitatem autem afferunt nullam: vt puta volare per aërem, sicut & Dominum diabolus hortabatur: statuas facere ambulare aut commisceri flamme & non comburi: & alia qualia Simon fecit. Nam plena opera ex Deo sunt, quia &

ipse est plenus: vacua autem ex diabolo, sicut & ipse est vacuus & vanus. Nam quia quædam mirabilia fiunt ex Deo, quædam autem ex diabolo, demonstrat Nicodemus. Non enim dixit, Nemo facit signa, nisi sit Deus cum illo; sed, Nemo facit hæc signa, quæ tu facis, nisi sit Deus cum illo. Et tunc quidem ex hoc solo cognoscebantur falsi prophete & veri, si vtilia aut inutilia facerent signa.

Notandum tertio, iram neque semper esse vtilem, neque semper inutilem. Inutilis est, cum in personas, non in vitia fertur, cum virtutes persequitur, cum modum excedit, rationi non paret. Vtilis est, cum iniquos, aut potius ipsam iniquitatem odio habet, cum pro virtute pugnat, cum ad correctionem comparata est, cum è zelo proficiscitur, cum modum seruat: de quali ira Christi nunc scribit Marcus. Circumspiciens, inquit, illos cum ira, & contristatus de cæcitate cordis illorum. Propassio tamen hæc potius in Christo erat, quam vera passio.

Notandum quarto, graue malum esse cæcitatem mentis hominis, cum oculos habet & non videt, aures habet & non audit: super quo nunc Christus contristatur; non ut perdat, sed ut fanet.

Notandum quinto, nos sanas mentes habuisse, & ad bona opera vigentes, ante mandati transgressionem: ex quo autem tempore cum parente nostro fructum vetitum manu extenta decerpimus, illico ad boni operationem eam obtorpuisse sensimus; ad id tamen tempus, quo eam à prauo opere continuerimus, nosque ad virtutem retulerimus: quod nimirum & nostra resipiscencia, & sua continentia manus veluti altera sana efficeretur.

Notandum sexto, quod sananda manus arida extendi iubetur: quia infertuosa debilitas, nullo melius ordine, quam eleemosynarum largitate curatur. Vnde Ioannes Baptista, turbis sciscitantibus, quid facerent, ut non velut arbores aride mitterentur in ignem, hoc præcepit: Qui habet duas tunicas, det non habenti: Et qui habet escas, similiter faciat. Et in Ecclesiastico dicitur: Fili, non sit manus tua ad accipiendum porrecta, & ad dandum correpta. Frustrà enim manus ad Deum rogaturus pro peccatis expandit, qui non has ad pauperem rogantem, beneficium collaturus, extenderit.

Notandum septimo: Miracula & salutarem doctrinam consequi inuidiam, persecutiones, mortes: quod Christo Domino nunc euenire videmus. Per Herodianos autem hoc loco, vel milites Herodis & custodiam, vel eos qui Herodem esse Christum propter prophetiam Iacob patriarche putabant, rectè intelligi.

Notandum octauo, fieri plerunque, ut vbi nostri nos deserunt atque contemnunt, alieni sequantur atque honorent. Contemptus est hoc loco Dominus à suis Capharnaitis; sequuntur illum atque premunt turbæ innumerabiles Samaritanorum, Hierosolymitanorum, Idumæorum, Tyri atque Sidonis.

Notandum nono, Doctorem catholicum solitudinibus ac locis solis delectari oportere; ut tantò augustior populo appareat.

Notan-

10 **Notandum** decimò: Etsi doctor Christianus populos docere debet, ab his tamen eum separatum esse oportet. Quod Christus exemplo suo indicat: frequenter enim illis in continenti stantibus, ipse in naui ab eis remotus concionatur: quod & nunc fieri videmus.

11 **Notandum** vndecimò: Morbos & cætera aduersa rectè ab Euangelista plagas & flagella appellari: propter peccata enim veniunt aduersa. Quod antea Dauid poenitens agnoscit: Ego, inquit, in flagella paratus sum.

12 **Notandum** duodecimò: Citiùs dæmonia officium suum exequi, quàm ingratos & malignos homines. Glorificant nunc dæmonia Christum: Iudæi illum calumniantur. Vbi satis superque Arianorum est miranda, vel potius dolenda cæcitas, qui illum post resurrectionis & ascensionis ipsius gloriam, post dilatatam toto orbe fidem Euangelii, post ædificatas in omnibus gentibus Ecclesias, laudatùmque in eis nomen Domini saluatoris, à solis ortu vsq; ad occasum, repente negant filium Dei, quem dæmones mortali adhuc sub habitu carnis indutum, filium esse Dei aperta voce profitentur. Sic enim sequitur: Et clamabant dicentes, Tu es filius Dei.

13 **Notandum** tertiodecimò: Etsi Christus Dominus omnes illos, quos vocauerat, amâret, alios tamen ex illis formam futuræ Ecclesiæ adumbrans, præesse, docere, ac miracula facere docuit; alios subesse & parère: præficit duodecim, cæteros subiectos esse iubet. Hæresis confudit omnia.

14 **Notandum** quartodecimò, Christum Dominum ignorantes discipulos uos ad dignitatem Apostolatus euehere, ac ad consecrationem accersere. Et aduocauit ad se, quos voluit ipse (inquit) ne in posterum se quis suapte spontè ingerat ac obtrudat. Non enim, inquit Beda, illorû electionis ac studii, sed diuinæ erat dignationis & gratiæ, vt in Apostolatum vocarentur.

15 **Notandum** quintodecimò: Inter Apostolorum prouectionem, & inter Christi factum, nullum medium intercessisse, præter orationem ad Patrem, eamque inusitatam, totius propemodum noctis: non auctoritatis cuiuspiam, non precum, non supplicationum, non gratiæ, tantò minus pecuniæ: vt in posterum detur dogma, nullum medium intercedere debere inter eos, qui creantur in Episcopatum, & inter eos qui eos, creant; præter orationem.

16 **Notandum** sextodecimò: Apostolos & Episcopos in monte creari, vt doceatur vitam eorum sublimiorem esse debere, & coniunctiorem, ab omniq; terrenarum rerum cura separatam, illustrem item & honoratam.

17 **Notandum** decimosseptimò: duodecim Christum elegisse, vt secum essent, certi causa mysterii, vt videlicet mundi salutem, quam verbo prædicarent, suo quoque numero commendarent. Ter etenim quatuor, duodecim efficiunt. Et ter quatuor ad prædicandum sunt missi Apostoli, vt per vniuersas quadrati orbis plagas baptizarent gentes, in nomine patris, & filii, & spiritus sancti. Vnde & de ciuitate sancta Ierusalem descendente de cælo à Deo scriptum

scriptum est, quia erant ei ab oriente portæ tres, & ab aquilone portæ tres, & ab austro portæ tres, & ab occasu portæ tres. Vbi figuraliter ostenditur, quod prædicantibus Apostolis, Apostolorumque successoribus, cunctæ per orbem nationes in fide sanctæ Trinitatis ecclesiam essent ingressuræ.

Notandum decimo octauò: Iudam futurum proditorem, designari à 18 Christo Apostolum, partim, ne quem Dei consilium lateat, quod ille hominem, qui quantumvis maximis sceleribus se contaminare temporis progressu debeat, in præsentiarum tamen virtutis amantem non respuat, neque auerfetur, quin etiam complectatur, honoribus dignetur, atque exornet. Prouiderat Christus, Iudæ euentus bonis initiis non responsuros: sciebat initio Iudam benè & sedulo suo functurum officio, post furem avarum, sui ipsius hostem atque adeò proditorem fore: præsentem tamen eius virtutem amat, ornat: paulò post de sua misericordia desperantem aspernatur, reiecit, æternæque damnationi, vt Deus iudex iustus, addicit: partim, vt illud ostendatur, peruersè ambulanti fratri, collegium quidem suum iniuria afficere, sibi laqueum nectere, ordini tamen suo nihil detrahare, nihil de illo diminuere: quomodo improbitas Iudæ nihil ordini Apostolico obfuit, etsi ipsum ad laqueum adigit. Partim, vt illud doceretur, quod improborum hominum cathedrarum prima occupatio, successionem eorum ordinis minimè auferat. Improbissimus fuit Iudas; sortem tamen ordinis sui non amisit: Episcopatum eius accepit alter; in locum eius D. Mathias successit. Addit venerabilis Beda: Susceperat, inquit, hominis fragilitatem, & ideò nec has partes recusauit infirmitatis humanæ: voluit deferi, voluit prodi, voluit ab Apostolo suo tradi, vt tu à socio desertus, à socio proditus, moderatè feras tuum errasse iudicium, periiisse beneficium.

Notandum decimo nonò, saluatorem nostrum orationis causa montem 19 conscendisse. Posteaquàm enim tot, quæ legimus iam edidit miracula, dedit se in orationem, vt nos eius exemplum secuti, longè eo ipso conuenientiùs Deo gratias agamus, si quid bonum, quod efficere contendebamus, assecuti fuerimus, Dei que potestati acceptum feramus, omnem sufficientiam nostram ex eo solo esse cum Paulo confitentes.

Notandum vigesimo: nominatim duodecim Apostolos à Christo recen 20 ferit, propter pseudoapostolos, vt veriùs ex suis appellationibus, qui veri sint, cognoscantur.

Notandum vigesimo primò: impletum esse hoc loco illud, quod alibi 21 à Christo Domino dictum est, Non esse prophetam sine honore, nisi in patria sua, & in domo sua. Quem enim ceteri, quasi authorem vitæ, & sapientiam Dei, adire, videre & audire desiderant; hunc propinqui, quasi mentis impotentem, ligandum esse decernunt.

Notandum vigesimo secundò: Vbi Christus dominus suos Apostolos ac 22 Episcopos creasset, statim illis eum ostendere, quæ & qualis vita eorum futura erat, quæ officia, quæ occupationes, non in Ecclesia tantum aut in publico, sed domi etiam & priuatim: non in despicientia tantum honorum, diuitiarum, atque voluptatum; sed etiam in ipso victu communi. Non habebant, inquit

inquit tempus, quando manducarent, doctrina scilicet & miraculis impediti: tantò minus ut alicui rei superflua vacare potuissent. O quàm felix occupatio saluatoris! inquit V. Beda: quàm beata frequentia turbæ confluentis, cui tantum studii ad audiendum verbum Dei, tantum fuit curæ ad obtinendam salutem; ut auctori salutis cum eis qui secum erant, ne vescendi quidem hora, à solatio vitæ miseris impendendo, libera maneret. Utinam, Domine Iesu, & in nostri temporibus æui tantum gratiæ tuis fidelibus largiaris, qui doctores suos assiduitate discendi, non solum ab appetitu carnalium voluptatum, verumetiam nonnunquam ab ipsa quoque panis quotidiani perceptione præpediant.

23 **Notandum** vigesimo tertio: vidisse necessarios & cognatos Christi Phariseos, item & alios Christum Dominum per montes, per campos, per maria oberrasse: non cibum, non potum serio curasse: non laudem ullam aut commendationes quæsiuisse: non opes ullas aut facultates, vel pro se, vel pro cognatis parauisse; idè illum insanum ac dæmoniacum esse iudicasse, & idè capere voluisse, tanquàm remotam & alienam à vita & ratione humana vitam agentem. Vbi notandum est, mundum & homines mundanos, eos homines pro insanis & dæmoniacis habere, qui voluptates negligunt, honores non curant, diuitias spernunt, totos se ad curam proximorum referunt; cum maximè hoc genus hominum diuinum & angelicum sit.

24 **Notandum** vigesimo quarto: homines improbos vasa diaboli esse: quod nunc Christus apertè docet: Vasa, inquit, sua custodit in pace: ut homines sancti & pii, membra Christi sunt. Magna igitur cautione agendum, ne pro membris Christi, vasa & possessio diaboli efficiamur.

25 **Notandum** vigesimo quinto, summam esse benignitatem & humanitatem Iesu Christi: qui posteaquam ab humano genere inimicisque suis hanc contumeliam accepit, qua maior esse non potest, dum insanus & dæmoniacus appellatur; pro ea tamen salutem & gratiam retulit: eiusque firmam assurationem, qua item nihil maius esse potest, omne scilicet peccatū quod peccauerint homines, & blasphemias quibus blasphemauerint, dimittentur filiis hominum. Clavis hæc est salutis, casum conscientia liber, quo omnis Nouatianorum, Donatistarum, Picardorum, refutatur inhumanitas: peccatoribus ianua salutis aperitur.

26 **Notandum** vigesimo sexto, omnia peccata & blasphemias dimitti, non passim omnibus hominibus, sed iis qui dignam pro erratibus in hac vita poenitentiam egerint. Neque ullum habere locum prauæ assertionis, vel Nouatianum, ut poenitentibus eis, qui in martyrio lapsi sunt, veniam neget esse tribuendam; vel Origenem, ut asserat, post iudicium vniuersale, transactis licet seculorum voluminibus innumeris, cunctos peccatores ac blasphemos veniam peccatorum esse consecuturos, atque ad regnum cæleste perduendos. Cuius errorem sequentia quoque Domini verba redarguunt, cum subditur: Qui autem blasphemauerit in Spiritum sanctum, non habet remissionem in æternum, sed reus erit æterni delicti.

Notandum

NOtandum vigesimo septimò: Qui manifestè intelligens opera Dei, cum²⁷ de virtute negare non possit, stimulatus invidia, calumniatur, & Christū Dei; verbum, & Spiritus sancti opera dicit esse Beelzebub, isti non dimittetur neque in præsenti seculo, neque in futuro. Non quòd negemus, & ei, si pœnitentiam agere voluerit, posse dimitti ab eo, qui vult omnes homines saluos fieri, & in agnitionem veritatis venire: sed quòd ipsi iudici & largitori veniæ credentes, qui & se pœnitentiam semper accepturum, & hanc blasphemiam nunquam dicit esse remittendam, credamus, hunc blasphemum exigentibus meritis, sicut nunquam ad remissionem, ita nec ad ipsos dignos pœnitentiæ fructus esse peruenturum. Iuxta hoc, quod Euangelista Ioannes, de quibusdam blasphemiarum suarum merito excœcatis, veracissimè scripsit: Propterea non poterant credere, quia iterum dixit Isaias: Excœcauit oculos eorum, & induravit cor eorum; vt non videant oculis, & non intelligant corde, & conuertantur, & sanem eos. Sola ergo blasphemia in Spiritum sanctum, qua quisque in similitudinem Diaboli & angelorum eius, contra conscientiam suam, maiestatem deitatis oppugnare non trepidat, non habet remissionem in æternum, sed reus erit æterni delicti: sicut Euangelista manifestè declarat; qui posito hoc Domini testimonio, subiunxit atque ait, Quoniam spiritum immundum habet. Nam neque ij qui Spiritum sanctum non esse, neq; qui hunc esse quidem, sed Deum non esse, neque qui hunc Deum quidem esse, sed patre filioque minorem credunt, & confitentur, quia non inuidia Diabolica, sed humana ignorantia ducti faciunt hoc, irremissibilis blasphemiarum crimine tenentur; quo propriè principes sacerdotum, & quicunque simili inuidiæ peste corrupti, maiestatem blasphemant, sine fine peribunt.

NOtandum vigesimo octauò, multos mirari, quid sit, cur sic inhumaniter²⁸ fratres & matrem suam hoc loco tractet ille, qui omnium misericordiarum & consolationis in omnes est pater. Sed si quis causam legitimam cognouerit, mirari desinet: eam scilicet, quòd nulla res in futurum esse debuit, quæ magis distractura ac turbatura esset prædicantes doctrinam & Euangelium Iesu Christi, quàm fratres, nepotes, parentes. Quorum causa, non tantum verbi Dei obliuiscuntur Prælati, sed sui ipsius etiam, ac salutis suæ. Ideò Christus Dominus acri & vehementi suo exemplo id refutat: illudq; docet, conuenire Prælato, vt dum impediunt doctrinam, neque fratres neque nepotes, neque parentes agnoscat; illosque tali tempore abneget, cui imperatum est vt semetipsum etiam aliquando abnegare debeat. Magna siquidem est laus illa sacerdotis Leuitici ordinis in Deuteronomio: Qui dicit patri suo & matri suæ, nescio vos, & fratribus suis, Ignoro illos, & nescierunt filios suos; hi custodierunt eloquium, & pactum tuum: seruauerunt iudicia tua o Iacob, & legem tuam o Israël. Non iniuriosè, inquit V. Beda, fratres contemnit, sed opus spiritale carnis cognationi præferens, religiosiorem cordium copulam docet esse, quàm corporum.

NOtandum vigesimo nonò, quanta sit dignitas iustorum, & eorum, qui²⁹ audiunt verbum Dei & custodiunt illud, quòd fratres Christi atque parentes efficiuntur: quo nullus maior, nullus sublimior honor esse potest. Et circūspiciens eos, qui in circuitu eius sedebant, ait: Ecce mater mea, & fratres mei.

Qui

Qui enim fecerit voluntatem Dei, hic frater meus, & soror mea, & mater est. Sciendum est nobis, inquit V. Beda, quia qui Iesu frater & soror est credendo, mater efficitur prædicando. Quasi enim parit Dominum, quem cordi audientis infuderit: et mater eius efficitur, si per eius vocem, amor Domini in proximi mente generatur. Circumsedetur ab alienis, qui suos non admittit. O clementia!

Caput III.



NOTANDVM primò: vt quemadmodum superiùs docuit Dominus, cognatos & necessarios, vbi doctrinam impediunt, ab eaq; distrahant, contemnendos, ac ne agnoscendos quidem esse: ita nunc vicissim illud docet, vbi nihil impediunt, vel etiam prosint, illis inprimis parendum esse, illorumque causa curam habendam. Confecta enim doctrina, matrem atque fratres ad mare Tyberiadis sequitur.

2 **NOTANDVM** secundò: ideò Christum Dominum ex nauicula in mari docere, vt ostendat omnes concionatores & doctores in periculoso mari versari, ac in naue esse, quæ multis fluctibus errorum ac hæresium circumdata est: multis ventis ambitionis, philautiæ, vanæ gloriæ iactetur: quibus fluctibus ac ventis submersus est Arius, Macedonius, Eutyches, Luterus, Beza, & alii innumeri. Bene ergo patientes erunt, sed & bene cauti, vt anuncient ex naui, quæ est ecclesia catholica, nusquam excedere, in mari se esse scire, tanquam rationem reddituri eius doctrinæ. Sublimis enim locus, ac præceps casus est.

3 **NOTANDVM** tertio, scopum parabolæ de semine illum esse, attentos ac dociles ad omnem verbi Dei auditionem turbas reddere: cum omne vitium neq; ex satore, neq; ex semine, sed ex terra ipsa male disposita, prodire soleat.

4 **NOTANDVM** quartò, exeuntem seminare semen suum, longè antè à sancto Propheta Abacuc diuinis laudibus celebratum esse. Existi, inquit, in salutem populi tui, vt saluos facias Christos tuos: id est eos, quos vnctione spiritus tui consecrare, ac tui sancti nominis participes facere dignaris.

5 **NOTANDVM** quintò: Terram quæ calcatur, homines studiosos vanæ gloriæ esse, omni generi assentatorum subiectos & expositos. Quod dum maximè illos efferre videtur, ac in cælo locare, tum maximè illos deiicit & calcit, ridet ac subsannat: donec aliud genus adulatorum volatile succedat, quod omnem censum & hæreditatem eorum deuoret, ac ipsorum oculos nonnunquam effodiat, iuxta illud: Alta petisti, alta cape.

6 **NOTANDVM** sextò, nequaquam res in vna eademque significatione semper allegoricè poni. Namque petram duritiam proteruæ mentis, terram lenitatem animæ obedientis, solem dicit feruorem persecutionis fauientis: cum ipse alibi solem in bono ponat dicens, fulgere iustos in futuro, quasi solem, in regno patris eorum: & in structura domus spiritualis fodiendum in altum, terram eiiciendam, & petram in fundamento doceat esse locandam; hoc est

ab imo cordis sinu cogitationes terrenas expurgandas, & fortitudinem fidei inuictę, pro his in fundamento bonorum operum inferendam esse moneat.

NOtandum septimò, Hoc loco altitudinem terrę, quę competenter ex- 7
cultis, semen verbi debuerat excipere, probitatem esse animi disciplinis cele-
stibus exercitati, atque ad auscultandum obediendumq; diuinis eloquiis re-
gulariter instituti. Petrosa verò loca, quę tenui cespite contexta, susceptum
semen citò germinare queunt, sed vim radicis figendę non habent, illa ni-
mirum esse pręcordia, quę nullis disciplinę studiis erudita, nullis tentationũ
probationibus emollita, dulcedine tantũ auditi sermonis, ac pmissis cele-
stibus ad horam delectantur, sed in tempore tentationis recedunt: quia cũ
momentaneam celestis oraculi dulcedinem insitę sibi austeritati prętendũt,
quasi locus semini sancto deputatus, magnam lapidum congeriem pauca ter-
rę humo coöperiunt. Quę ideo ad fructum peruenire iustitię non valent, quia
parum eis inest desiderii salutaris, quod semen vitę concipiat: & multum in-
est duritię nocentis, quod fructui salutis obsistat.

NOtandum octauò: suffocare concupiscentias verbum, quia importu- 8
nis cogitationibus suis guttur mentis strangulant.

NOtandum nonò: sunt illa, quę suffocant mentem, Curę huius seculi, 9
quibus imperatum est: Nolite solliciti esse in crastinum, quod & breue & in-
certum est. Deceptio diuitiarum, quę cũ nihil sint, aliquid tamen esse vi-
dentur: & quibus præsens aliis fame mori potest: & ex quibus non
plus participant habentes, quàm illi qui non habent: & quarum non plus
possessoris capit venter, quàm non possessoris: & quę dum voluptatem pro-
mittunt, curas adferunt, & multarum rerum studium & cupiditates, cũ v-
num solũ sit necessarium. Habentes alimenta & quibus tegamur, his con-
tenti simus.

NOtandum decimò: unicuique pro sua mensura dari: fructumque fer- 10
re, alios quidem centesimum, alios sexagesimum, alios trigesimum.

NOtandum vndecimò: quoties hæc admonitiuncula, Qui habet aures 11
audiendi audiat, vel in Euangelio, vel in Apocalypsi Ioannis interponitur; my-
sticum esse hoc, quod dicitur, atque ad audiendum discendumque salubre,
insinuari. Aures enim audiendi, aures sunt cordis & sensus interiores, aures
obediendi & faciendi quę iussa sunt.

NOtandum duodecimò: sed cur diuitiæ potissimũ fallaces dicuntur, 12
cũ cætera etiam vitia fallant? An quod potissimũ præ cæteris omnibus fal-
lunt: primũ, quod cũ nihil sint, solaque lege & opinione constant, neque
vlla parte naturam nostram attingant, aliquid tamen esse putantur. Deinde,
quod ipsę maximè satiare se hominem polliceantur, satient tamen nunquam.
Crescit amor nummi, quantum ipsa pecunia crescit. Tertiò, quod cũ mul-
tum honoratum hominem ad colendum se effecturas promittant, ridiculum
plerumque faciunt: amicitias, clientelas, seruitia promittant, inimicos ta-
men &

men & inuidos quàm plurimos faciunt; vt talium quot ferui sint tot hostes: præsidia & securitatem offerunt; plerique tamen illorum causa suffocantur: famem & sitim ac nuditatem se repulsuras gloriatur; famelicum tamen & nudum plerumque contingit in mediis illis perire: nepotum ac hæredum opulentiam ac copias pollicentur; efficiuntur tamen spe istarum diuitiarum pauperissimi: memoriam sempiternam, longa monimenta præferunt; plerumque tamen cum sonitu pereunt: voluptatem, quietem, curarum depulsam promittunt; nihil tamen hoc genere hominum timidius, nihil magis sollicitum, laboriosum, miserum denique. Verè igitur fallaces.

13 **N**Otandum tertiodecimò ex Diuo Chrysostomo: Qui ad extremam iniquitatem turpi pecuniarum ardore deuectus est, pariterque omnes qui auaritiam illius imitantur, quasi feras bestias à catenis solutas, cunctos homines, nullo resistente, perturbare ac lacerare. Et vincula etiam his vndique coniecta sunt: iudicii timor, legum terror, multorum odia, cæteraque huiusmodi: sed his ruptis, omnia perturbare. Quod si quis hos nexus ab eis auferret, tunc videres peiore hos dæmone quàm dæmoniacos, ac fortiore vexari. Verùm quoniam id facere non possumus, saltem oratione ita fingamus; vt cum omnes catenas ab ea mente abstulerimus, clarè insaniam eius perspiciamus. Sed nolite atrocitatem bestię, cum ad aperta fuerit, formidare: nam hæc non veritate rerum facimus, sed sola oratione confingimus. Fingite ergo videre terrum quendam hominem, qui ab oculis ignem emittat: cui ex vtroque humero dracones pro manibus dependeant: cuius os cavernæ instar magnitudinis sit: in quo pro dentibus acuti enses stent: ex lingua venenosus fons scaturiat: venter omni fornace sit voracior, cuncta quæ immittuntur subito consumens: pedes alati, quauis etiam flamma vehementiores: facies canis ac lupi simul faciem ostendat: nec hominis vocem emittat, sed insuaue quiddam atque terribile mugiat: is ad hæc omnia faces ardentes in manibus teneat. Horrenda hæc forsan vobis videntur; sed nondum dignè eum descripsimus: sequi etiam debet horum instrumentorum effectus. Itaque imaginemur eum obuiam factos iugulare, carnes eorum lacerare ac deuorare. sed quid facio? Nā & hoc descripto, multò luculentior est avarus, in omnes vt mors insiliens, omnes vt infernus deglutiens, communis generis hominum hostis; quippe qui vellet hominem nullum esse, vt omnia possideret. Neque hinc tamen sistit gradum: sed cum omnes perdiderit cupiditate sua, etiam terrę substantiam cupit abolere, ac ipsam aurum factam iuuaret aspicere: nec solam terram, sed & montes, & valles, & fontes, & breuiter quidquid in rerum natura extat. Verùm vt videatis, nondum nos insaniam illius oratione affecutos, fingamus à nemine ipsum accusari, nullum ipsi terrorem imminere: non à iudiciis, non à consuetudine hominum, non à legibus; & tunc videbis ipsum arrepto ense omnes interimere, nulli parcere, non amico, non cognato, non fratri, non ipsis parentibus. Quare nolite admirari, si sic avaros descripsimus; cum videatis, non potuisse nos prauitatem eorum oratione assequi.

14 **N**Otandum quartodecimò: Boni auditoris verbi Dei, ac fructiferæ auditionis tres partes esse debere: primum vt audiat, secundum vt suscipiat, tertium vt fructum ferat. Quod in cibo videmus, quem primum in os inferre

oportet: deinde in ventriculū recipere, ac concoquere: vltimò sanguinem ac bonos spiritus parere; alioquin venenum est potius & onus, quàm cibus. Vnde Dauid, Memores sunt, inquit, mandatorum ipsius ad faciendum ea. Et Iacobus: Non auditores, sed factores verbi iustificabuntur.

Notandum quintodecimò: lumen doctrinæ sanctæ, quod nunc semen¹⁵ appellauit, Apostolis Apostolicisque viris non ideò dari, vt ipsi soli vtantur, à cæteris autem illud abscondant: sed potius tanquàm ministris & dispensatoribus; vt ipsi vtantur primū, deinde aliis distribuunt.

Notandum sextodecimò: Eos item vehementer falli, qui putant, Apostolos, Apostolicosque viros obscuros esse debere, in angulis latere: cū lucernæ sint, conspicuoq; candelabro reponi debeant, vt luceant hominibus. Sunt autem candelabra, primæ in Ecclesia sedes & dignitates. Errat igitur hæretica inuidia, quæ hos deiectos ac humiliatos esse velit.

Notandum decimosseptimò, quid modius, quid lectus significet. Optā¹⁷ dum est, inquit Theophylactus, vt vnusquisq; nostrū lucerna, quæ luceat candelabro superposita, id est prouectus in sublimem dignitatis gradum, vitam secundū Deū instituat, qua cæteris etiam præluce possit: neue sub modium ponatur, id est, ne nimium ventri deditus atque obediens sit: neue incute curanda plus æquo operæ infumat: neque sub lectum, ne nimirum laboribus parcat vnquam, totumque se somno & desidiæ tradat. Nemo enim qui corpori nimium indulget, quique summa voluptatum, earum præsertim quibus mollescat atque eneruetur animus, cupiditate tenetur, lucerna potest esse in candelabro posita, & omnibus conspicua.

Notandum decimo octauò: thesaurorum absconditorum nullam utilitatem esse; neque tamen ita quidquam absconditum, vt non reuelari possit. Errant igitur & illi, qui absconditum aliquid à cæteris esse volunt: sed & isti, qui putant, se latendo peccata lucrari. Tempore enim latent, & tempore patebunt.

Notandum decimononò: Quantò quis liberalius se gerit in dispensatione diuinæ doctrinæ, tantò vberius illi à Deo impartiri: vt qua mensura mensi fuerint, eadem remetiatur illis. Nam & sator, in suo semine ferendo, multū largus & liberalis fuit.

Notandum vigesimò: Qui naturalibus & industriæ bonis malè vtuntur,²⁰ & hæc ipsa ab illis auferri, & maiora non dari.

Notandum vigesimo primò. Dixerat superius ad discipulos Christus²¹ Dominus, qua mensura mensi fuerint, eis remetiendum esse: explicat rem paulò superius dictam, parabola euidentiori de semine & satione. Quemadmodū, inquit, cū quis copiosè seminat, copiosè & metet; ita si quis copiosè verbum Dei seminat, copiosum inde fructum consequetur, ipsumq; donum doctrinæ cumulatè illi augebitur. Quod paulò post clariùs explicauit D. Paulus: Qui seminat in benedictionibus, de benedictionibus & metet.

Notandum

22 **NOT**andum vigesimo secundò. Iusto viro omnia cooperantur ad iustitiam, siue res secundæ, siue res aduersæ; siue ille dormiat, siue vigilet: siue inter diu, siue noctu: quemadmodum fatori omnia crescunt, siue noctu, siue in die. Omnia enim facit bono fine, & in nomine Domini. Hinc Beda: Nocte exurgit ac die, quia inter aduersa & prospera proficit.

23 **NOT**andum vigesimo tertio: Duo concurrere ad perfectam iustitiam: aliud quod extra nos est, diuinam inquam gratiam: aliud quod in nobis est, laborem & cooperationem nostram. Nam & in satione aliud est quod ab agricola prouenit, semen inquam & satio: aliud quod à terra, vis & calor terræ crescere faciens.

24 **NOT**andum vigesimo quarto: Insigne hoc loco esse exemplum, & documentum liberi arbitrii nostri. Spontaneè enim, inquit Dominus, non coactè, non ex necessitate terram fructificare: Non tamen sine superno semine, non sine superno calore ac lumine. Hinc V. Beda: Vltro terra fructificat, quia praueniente se gratia, mens hominis spontanea ad fructû boni operis assurgit.

25 **NOT**andum vigesimo quinto: nihil simul se proferre, ad perfectionemq; deduci: neminem simul perfectum esse, ac iustum euadere. Nam & in frumentis terra subacta, semen primùm tepefactum vapore & complexu suo diffundit, & elicit herbescentem ex eo viriditatem: quæ mox à fibris stirpium sensim adolefcit, culmoque erecta geniculato, vaginis iam quasi pubescens includitur. Equibus cum emerfit, tum demum fundit frugem, spicæ ordine structam, & vallo aristarum munitam. Quem Ciceronis locum imitatus est, vel compleuit potiùs magnus Ambrosius. In omnibus, inquit, quæ dicuntur nascentia terræ, primùm germen est: vbi se paululum sustulerit, fit herba: postea fœnum, inde fit fructus. Suscipit granum tritici putris gleba, & sparsum cohibet occatio; ac velut materno terra gremio fouet & comprimit. Inde cum se gramen illud resoluerit, herbam germinat, grata ipsa iam species herbescentis viriditatis: quæ statim genus satum multitudine sui prodit: vt in ipso suæ stirpis exordio, cuius generis herba sit, recognoscas, atque in herbis fructus appareat: paulatimque adolefcit vt fœnum, culmoque pubescens erigitur & assurgit. Ast vbi se geniculata iam spica sustulerit, vaginæ quædam futuræ frugiparantur, in quibus granum formatur interiùs, ne tenera eius primordia aut frigus lædat, aut solis æstus exurat, aut ventorum inclementia, vel imbrium vis sæua decutiat. Succedunt quidam ordines spicæ mirabili arte formati, vel ad speciem grati, vel ad tutamen nexu quodam inter se naturalis colligationis adstricti, quam prouidentia diuina formauit. Et ne frugis numerosioris pondere, velut quædam cedat fultura culmorum, vaginis quibusdam ipse culmus includitur, vt geminatis viribus frugem possit multiplicem sustinere, ne impar oneri curuetur in terram. Tum supra ipsam spicam vallû struitur aristarum, vt quasi quadam in arce prætendat, ne auium minorû moribus suis exuatur fructibus, aut vestigiis proteratur. Hæc Ambrosius. Atque hæc eadem est Saluatoris nostri doctrina: Terra, inquit, fructificat primùm herbam, deinde spicam, deinde plenum frumentum in spica.

De senct.

*In Hexaëme
ro li. 3. cap. 8*

26 **NOT**andum vigesimosexto est cum S. Ambrosio. Non tantum in his quæ *ibid. cap. 10.* sponte

sponte generantur, sed etiam in his quæ manu & cultura agri, atque satiatione quæruntur, magna ex parte manere nobis diuina beneficia, ut frumenta ipsa quiescentibus nobis inferantur. Quod Euangelicæ docet lectionis exemplū, dicente Domino: Quia sic est regnum Dei, quemadmodum si homo iaciat semen super terram, & obdormiat, inquit, & exurgat nocte & die, & semen germinet, & crescat, dum nescit ille. Vltro enim terra fructificat, primo herbam, deinde spicam, deinde plenum triticum in spica. Et cum produxerit fructum, statim mittit falcem, quoniam adest messis. Dormienti igitur tibi, o homo, & nescienti, fructus suos vltro terra producit. Dormis & surgis, & frumenti per noctem incrementa miraris.

Notandum vigesimo septimo. Herbam producere, est inchoationis bonæ adhuc teneritudinem habere. Ad spicam verò herbam peruenire, est cum te virtus animo concepta ad profectum boni operis pertrahit. Plenum verò frumentum in spica fructificatur, quando iam in tantum virtus proficit, ut robusti & perfecti operis esse possit. Et cum se produxerit fructus, statim mitti falcem, quoniam adest tempus messis. Omnipotens enim Deus, producto fructu, mittit falcem, & messem suam defecat: quia cum vnumquemque ad opera perfecta perduxerit, eius temporalem vitam per emissam suam incidit, ut granum suum ad cælestia horrea perducatur. Cum ergo desideria bona concipimus, semen in terram mittimus. Cum verò operari recta incipimus, herba sumus. Cum autem ad profectum boni operis crescimus, ad spicam peruenimus. Cum in eiusdem operationis perfectione solidamur, iam plenum frumentum in spica proferimus. Nullus itaque contemnendus est, qui ad bonum propositum adhuc in mentis teneritudine esse conspicitur: quia frumentum Dei ab herba incipit, ut granum fiat.

Notandum vigesimo octauo. Magna vis est grani sinapis: sed & parabolæ ipsius non minor. Continet enim notas & signa eius doctrinæ & coetus, per quæ ab omnibus veteris seculi Philosophorum sectis, hæresibus item distinguere & cognosci possit. Paruum est granum in primis & incomptum, at valentissimum: sic doctrina Christi, sic Ecclesia. Parua fecit primum inconcinna: at viuis est sermo Dei, & efficax, & penetrabilior omni gladio ancipiti, & pertingens usque ad diuisionem animæ ac spiritus, compagum quoque ac medullarum, & discretor cogitationum & intentionum cordis. Calefacit granum sinapis, multas lacrymas exprimit, accendit: & doctrina cælestis calefactis charitate Christi multas poenitentiarum excussit lacrymas. Crescit in immensum granum sinapis: creuit ecclesia & doctrina Christi, per totum orbem terrarum. A solis enim ortu usque ad occasum, laudabile nomen Domini: oportetque annunciari Euangelium hoc in vniuerso mundo. Producit multos ramos sinapi: extendit ecclesia palmites suos usque ad mare: multos ordines, multas religiones habet, in vna Christi radice coniunctas. Latent sub vmbra illius aues cæli: latent item sub vmbra doctrinæ & Ecclesiæ Christi omnium Philosophorum dogmata, omnis totius orbis sapientia.

Notandum vigesimo nono: Quod Euangelista, Et talibus, inquit, multis parabolis loquebatur eis verbum, prout poterant audire: sine parabola autem

autem non loquebatur eis. Non ita dictum esse, quasi nullum apertum ad turbas sermonem fecerit, sed per solas parabolas locutus eis fuerit: verum ita potius; quia nullus facile sermo eius inuenitur, in quo non aliquid parabolarum sit intermixtum.

30 **N**otandum trigesimo. In sublimem dignitatem vocauerat Dominus Apostolos suos, super candelabrum collocarat, summa mysteria illis reuelarat, solus cum solis erat: ne ergo tantis ornamentis superbirent ac efferrētur, naufragari illos patitur, auxilium ad tempus aufert, fidem probat; ut in posterum nihil superbum, nihil arrogans de se sentiant, iuxta illa: Bonum mihi quia humiliasti me, ut discam mandata tua.

31 **N**otandum trigesimo primo: Vnam maiorem fuisse nauem, in qua Christus Dominus sedebat: fuisse alias paruas nauiculas aliorum. Et per Christi quidem nauem, vnam sanctam Catholicam & Apostolicam Ecclesiam designari, in qua est Christus, in qua doctrina Christi: per alias autem nauiculas, sectas & schismata. Quæ etsi verbo Dei non carent, etsi vicinæ & cognatæ Ecclesiæ esse videantur, etsi à Christo non ita remotæ sint; Christum tamen eiusque discipulos non habent, quia in vna sancta Catholica Ecclesia & Apostolica non sunt. Assumunt eum ita, inquit Euangelista, ut erat in naui: & aliæ naues erant cum illo.

32 **N**otandum trigesimo secundo: Ecclesiam Dei iactari posse, naufragari posse, submergi tamen nunquam posse: neque enim dormit aut dormitat in ea, qui custodit Israël.

33 **N**otandum trigesimo tertio: In hac nauigatione Dominum vtramque vnius eiusdemque personæ naturam dignatum esse ostendere, dum ipse, qui ut homo dormit in naui, furorem maris verbo compescit ut Deus.

34 **N**otandum trigesimo quarto, Hominum animis, qui eadem cum Christo naui ferebantur, dubitationem ut dicerent, Quis putas est iste? inde obortam fuisse. Cum enim viderent vnica illius obiurgatione fluctus maris compressos & sedatos esse; recordarenturque Moysen, ut ad transitum Iudæis mare verteret, & stagna auferret, viasque ante nunquam initas humano vestigio aperiret, sine virgæ eleuatione manusque suæ extensione, efficere id non potuisse: repeterent memoria quemadmodum Iesus Naue filios Israël, Iordane tunc mæsis tempore inundante, nisi arca fœderis Domini præferretur, & in medio eoque conuerso retrorsum flumine, donec euaderet populus constitueretur, euadere nequiuisset: reuocarent item Eliseum virum Dei, ut sine nominis diuini inuocatione, quin & gemina percussione aquarum, eundem Iordanem diuideret, tantum virum non habuisse. Cum, inquam, tanta de tot sanctissimis viris subirent animo, Christumque Dominum maius quid omnibus his aggressum & effecisse viderent; Quippe, ut D. Chrysostomus docet, cum tanquam Dominus ancillæ imperans, & conditor suæ creaturæ, sic fluctus maris depressisset frenauissetque verbo solum atque præcepto; plusquam mortalem, imò Deum in corpore mortali iudicant: dum verò dormientem conspiciunt, hominem verum esse agnoscunt.

Caput V.



NOTANDVM primò : vñtatum esse saluatori nostro , vt post doctrinam ad signa se conferat, signisque conferat doctrinam: quod & nunc facit. Vbi enim maris, ventorum, ac terræ ostēdisset se Dominum ; nunc item spiritualium creaturarum se Dominum esse confirmat, quæ & voce illum confitentur, & obedientia illi parent.

NOTANDUM secundò : Gerasam esse urbem insignem Arabiæ, trans Iordanem, iunctam monti Galaad, quem tenuit tribus Manasse, non longè à stagno Tiberiadis, in quod porci præcipitati sunt.

NOTANDUM tertio : & dæmones esse, & plures esse, & vnum à multis hominem posse obsideri, & Christi virtute eiici : quod nunc plurimi contra expressum Dei verbum negare non erubescunt.

NOTANDUM quartò : Dæmones circa sepulcra hominum libenter versari & apparere ; partim vt homines terreant ; partim quòd non libenter vasa, quæ custodierunt, deferant ; partim vt se pro animabus hominum hominibus obtrudant, nouaque superstitione illos impleant.

NOTANDUM quintò : rationabiliter Ecclesiam constituere, vt circa monumenta mortuorum, sacræ orationes & sacrificia fiant, aliæque ceremoniæ peragantur, ne à dæmoniis vexentur.

NOTANDUM sextò cum Chrysostomo. Si historia hæc de dæmoniaco altius consideretur, etiam nunc fieri videbis, multosque inuenies in sepulcris dæmoniacos, quos ab infania sua non ferrum, non catenæ, non multitudo hominum, non exhortatio, non terror, non minæ, non aliud quid huiusmodi abducere potest. Quid enim luxuria corruptus atque petulans, qui ad omnem corporis formam hiscit, à dæmoniaco differt ? Non videtur nudus ambulare, sed corporeis quidem vestibus amictus est ; veris autem vestimentis priuatus, ea quæ ipsum decet gloria nudatus est. Non lapidibus seipsum cædit ; sed sceleribus, quæ lapidibus duriora & asperioraq; sunt. Quis igitur hunc hominem ligare poterit ? quis eum à petulantia remouebit, quis ei persuadebit, vt lasciuia aspernetur ? Quo fit vt nunquam sit in seipso, sed semper in sepulcris versetur. Sepulcra enim profectò sunt, meretricum diuersoria, multo foetore, multa putredine, multa immunditia repleta. At auarus nonne talis est ? quis enim ipsum ligare poterit ? Certè non timor, non quotidianæ minæ, non exhortationes, non consilia : omnia enim hæc vincula dirumpit, adiuratque omnes qui eum à cupiditate auri remouere volunt, ne faciant ; supplicium putans esse maximum, non viuere in supplicio.

NOTANDUM septimò : moris veteris fuisse vbique planè, vt sepulcra & sepulture extra urbem fierent : quod & ad commoditatem, & ad salubritatem plurimum confert.

Notan-

- 8 **Notandum octauò:** Confessionem filii Dei, voce factam, ad salutem non sufficere, si quis eum factis neget: alioquin & hæc ipsa, quæ Deum illum confitentur, dæmonia saluarentur. Quid mihi & tibi, Iesu fili Dei altissimi?
- 9 **Notanda nonò Arii vesania:** Iesum creaturam, & non Deum credere; quæ dæmones filiū Dei altissimi esse credunt, confitentur, & contremiscunt. Notanda & impietas Iudæorum, eum dicere in principe dæmoniorum eiecisse dæmonia, quem ipsa dæmonia fatentur nihil secum habere commune. Quæ hoc ipsum, quod tunc per dæmoniaci clamauere furorem, postmodum in delubris idolorum dicere & confiteri non cessârunt, Iesum videlicet esse Christum, filium Dei altissimi, nec sese aliquid cum illo pacis aut societatis habere.
- 10 **Notandum decimò:** permittere Deum dæmones in hoc mundo esse, ac versari, propter cautionem & exercitationem nostram, pœnam item peccatorum nostrorum: proinde ne nunc quidem Christum istos in infernum deiicere, sed potius in porcos transire pati.
- 11 **Notandum vndecimò,** dæmones vbi ex hominibus eiiciuntur, ad inferni pœnas ire; ideoque molestissimè ex hominibus eiici, ac in summi tormenti loco habere eiectionem. Quantoque, inquit Beda, diutius possidet, tanto difficilius omittere consentit. Deprecabatur eum, inquit, multum, ne se expelleret extra regionem.
- 12 **Notandum duodecimò,** duram conditionem inferni, eiusque pœnarum, cum & dæmonia ipsa, quorum infernus domus & regnum est, in porcos potius ingredi malunt, quam in infernum redire. Orabant, inquit, ipsum, ne illa iuberet in abyssum ire.
- 13 **Notandum tertiodecimò:** permittere Christum hæc dæmonia in porcos transire, eosque in mare conicere; vt demonstraret, hoc idem homines ab illis obsessos illos passuros fuisse, quod porci passi sunt, nisi Dominus potenti & misericordie manu sua prohibuisset.
- 14 **Notandum quartodecimò:** dæmones in porcos potissimum se mitti optare; vt demonstretur, quales potissimum homines illi obsiderent: illos inquam, qui porcorum similem vitam agunt, hoc est lasciuam & immundam. Vnde V. Beda: Nisi quis porci more vixerit, non in eum diabolus accipiet potestatem; aut ad probandum tantum, non autem etiam ad perdendum accipiet.
- 15 **Notandum quintodecimò & illud iterum:** Dæmones ne in porcos quidem aliquam potestatem habere posse, tantominus in homines, nisi concedente & permittente Domino.
- 16 **Notandum sextodecimò:** ideo in porcorum submersione Gerasenis iniuriam non fieri, quia illorum interitus, multorum salutis causa esse debuit. An quia Christus Dominus absolutus est rerum Dominus, in cuius manu sunt omnes fines terræ, & cui nemo prius dedit, vt ei cogatur restituere.

Notat

NOtat decimoséptimò V. Beda: quòd conscii fragilitatis suæ Geraseni, 17
præsèntia Domini iudicant se indignos, non capientes verbum Dei, nec infir-
ma adhuc mente pondus sapientiæ sustinere valentes. Quod & Petro ipsi, vi-
so piscium miraculo, contigisse legitur. Et vidua Sareptana, beati Heliæ, cu-
ius se sensit benedici hospitio, nihilominus se putauit præsèntia grauari, di-
cens: Quid mihi & tibi vir Dei? Ingressus es ad me, vt rememorarentur ini-
quitates meæ, & occideres filium meum?

NOtandum decimooctauò: A dæmonio vexatus deprecabatur Iesum, vt 18
esset cum illo: metuebant enim, ne quando solum dæmones nacti, tanquam
ope saluatoris destitutum, iterum opprimerent, ac velut suum domicilium
repeterent. Dominus autem præcepit: Vade, inquit, in domum tuam: ac si
eum erigat: Adsis animo, omitte timorem: quia etsi præsens ipse non adsim,
virtute tamen & potentia mea te seruare & tegere vbique possum: me tuum
refugium, me liberatorem, me protectorem, me susceptorem tuum agnosce.
Vnde colligitur, eandem vim esse Christi absenti, quæ præsenti est: quod in
Centurionis puero apparuit, & nunc hoc ipsum clarè docetur. Vnde vera e-
ius diuinitas contra Arianam perfidiam manifestè demonstratur. Dimittit e-
um præterea, vt alios etiam, testificatione beneficii à se accepti, magnificen-
tiæ suæ admiratores faciat: quod certè non fefellit. Lætus enim Dei donis &
libertate, cum implèssèt populares suos laudibus Christi Domini, inquit E-
uangelista, Mirabantur omnes.

NOtandum decimononò: non semper esse vtile nouitiis & imperfectis 19
illis, quos dæmon recens deseruit, cum perfectis versari, aut ad perfectos or-
dines assumi. Nam & Christus Dominus hunc dæmoniacum se volentem se-
qui non permittit, donec perfectior efficiatur. Quin etiam nunc multos ma-
los sacerdotes videas, qui optimi patresfamilias fuissent.

NOtandum vigesimò: Christum Dominum nunc miracula sua taceri, nūc 20
palàm prædicari iubere, prout vtilitas & salus hominum postulabat. Vtrum-
que igitur commodè pro rerum circumstantiis imitari possumus. Vade, in-
quit, & annuncia, quanta fecerit tibi Dominus, & misertus sit tui.

NOtandum vigesimò primò: dimidiatæ fidei exemplum esse in Iairo Ar- 21
chisynagogo. Nam quòd à saluatore salutem filiae quærit, quòd proicit se ad
pedes eius, quòd mortis dominum putat, hoc fidei est: quòd antè præsèntiam
eius requirit, quòd festinè rem peragi vult, hoc diffidentiae.

NOtandum vigesimo secundò: magnam fuisse vim prædicationis & mi- 22
raculorum Christi, quæ tot turbas post se trahebant, ita vt etiam premerent
illum: & quamuis tam multi sequerentur illum, multi tamen non credebant
illi. Laus igitur concionatoris est, vbi multos & benè parètes auditores habet.

NOtandum vigesimo tertio: non omnes, qui premunt Christum, tange- 23
re; neque omnes, qui tangunt, premere. Tangunt Christum, sed non pre-
munt, qui verba quidem illius audiunt, eum sequuntur; vitia tamen non dese-
runt, illi non credunt, in eo spem suam non reponunt. Tangunt & premunt,
qui

qui verba quidem illius audiunt, eum sequuntur; vitia tamen non deferunt, illi non credunt, in eo spem suam non reponunt. Tangunt & premunt, qui illi credunt, in eum sperant, ab eo vnicum auxilium expectant: quod facit hæmorrhousa.

24 **N**Otandum vigesimo quartò, multa stulta & inepta mundo videri, sed & perfectioribus, quæ apud Deum sapientia sunt, magnamque rationem habent. Quomodo Apostolis stulta interrogatio Christi visa est: Quis, inquit, tetigit meum vestimentum? discipuli autem, Vides, inquit, quia turba te comprimit, & dicis, quis me tetigit? Quæ tamen magna ratione non caruit.

25 **N**Otandum vigesimo quintò: Imaginem medicorum hoc loco proponi: primùm, multa nos ab illis perpeti: deinde nos illis erogare omnia nostra; tum, quòd tantum abest vt nobis profint, vt etiam nonnunquam plus obsint. Tale facultatis suæ documentum, in hac foemina sanguine fluenti, eos dedisse docet Euangelista. Mulier, inquit, erat in profluvio sanguinis annis duodecim, & fuerat multa perpeffa à compluribus medicis, & erogauerat omnia sua, nec quidquam profecerat, sed magis deterius habebat; & frustra, vt est apud Ieremiam, multiplicauerat medicamina: sanitas non erat ei. Felix igitur ille, quem non tradit Deus in manus medicorum.

26 **N**Otandum vigesimo sextò: Primus hic mortuus est, quod in Euangelio legimus, quem Christus à mortuis excitauit: ideò & prolixius res tota explicatur, & diligentius.

27 **N**Otandum vigesimo septimò: rei magnitudinem declarari, & difficultatem, ac quasi impossibilitatem, dum serui veniunt, frustra Christum fatigari docent; vtpote cum iam puella mortua sit.

28 **N**Otandum vigesimo octauò, & illud doceri, veram hanc mortem fuisse: idque testimonio magis inimicorum, quam amicorum Christi: primùm cum dicunt puellam mortuam esse; deinde cum rident Christum dicentem, quia dormit.

29 **N**Otandum vigesimo nonò: Modum resurrectionis poni, per contactum manus: vt doceatur, etiam carnem Christi, propter coniunctionem hypostaticam cum Deo, vim resurrectionis habuisse.

30 **N**Otandum trigessimò: puellam hanc hominibus mortuam fuisse, qui suscitare nequuerant: Christo dormiuisse, in cuius dispositione & anima recepta viuebat, & caro resuscitanda quiescebat: indeque veram Christi diuinitatem demonstrari, cui omnia viuunt, iuxta illud Ecclesiæ inuitatorium: Regem cui omnia viuunt. Mentiuntur igitur hæretici, qui sanctos Deo viuere non arbitrantur.

31 **N**Otandum trigesimo primò: poni probationem veræ resurrectionis, cibi nimirum appositionem: quod & Christus Dominus in sua resurrectione fecit.

Caput VI.



NOTANDVM, vnumquemque patriæ suæ obligatum esse, & omnia quæ ad salutem & vtilitatem illius pertineant, illius causa facere debere, tantisper dum illi opera nostra grata est, & dum aliquid proficimus: quod Christum Dominum facere videmus.

NOTANDUS vetus paralogismus iste, quo nunc populares Christi vtuntur: Hic est huius vel illius filius: ergo non est magnus: ergo non est honorandus. Nouimus & qui eum: ergo nullus est. quasi verò ad virtutem & dignitatem omnemque industriam aliquid intersit, qui sit hoc aut illo natus, aut vnde prodierit; aut vt tu scias, cuius sit. Inuidiæ & maleuolentiæ, detractionis item voces istæ sunt, quæ in proxima quæque ac vicina maximè sæuit. Non solùm autem (docet V. Beda) ipse qui caput & dominus est Prophetarum, sed & Elias & Ieremias ceterique Prophete, minores in patria sua, quàm in exteris ciuitatibus habitati sunt: quia propemodum naturale est, ciues semper ciuibz inuidere. Non enim præsentia considerant viri opera, sed fragilem recordantur infantiam: quasi non & ipsi per eosdem ætatis gradus ad maturam ætatem venerint. Sæpè ergo comitatur vilitas originem: vt est, Quis est filius Isai? sed humilia Dominus respicit, & alta à longè cognoscit.

NOTANDUM, plenam & vniuersalem hanc esse Domini nostri enunciationem, omnes prophetas sine honore esse in patria sua. Siue enim magno & illustri natu progenerentur, non aberit comes inuidia, & consequenter honor etiam debitus eis non habebitur: sin obscuriores fortunæque tenuioris fuerint, ex ea ipsa ignobilitate occasionem vilipendi homines peruersi arripient semper.

NOTANDUM, ad miraculorum operationem duo vel imprimis requiri, virtutem operantis, & fidem illorum, quorum causa & apud quos fiunt hæc: vtrumque enim per se indigens, alterum alterius quasi auxilio eget; ita vt si alterutrum desit, nihil confieri possit. Non poterat, inquit, facere ibi virtutes, non propter suam imbecillitatem, explicat Euangelista, sed propter eorum incredulitatem.

NOTANDUM: solent boni patresfamilias atque mercatores & ipsi bona sua obire, & alios, vtpotè filios & fideles seruos, ad eadem bona videnda & curanda mittere: quos priusquàm mittant, eos instituere, ac omnem rationem œconomiae illius eis præscribere. Facit hoc idem Christus dominus paterfamilias, ac omnem futuræ œconomiae discipulis suis rationem præscribit. Cuius istæ sunt partes: Prima, binos ambulare, vel propter adiutorium, vel propter auxiliū, vel propter consilium; Væ siquidem homini soli: vel quòd plures duobus missi, omnibus regionibus non suffecissent. Secunda, non quidquàm habere in viam, non virgam, non peram, non panem, non æs in zona: solis sandaliis calceari, duabus vestibus non indui; vt illi, qui videbunt eos, pudore suffundantur, videntes eorum paupertatem, discantque ab illis, nihil possidere.

re. Tertia, ut in quam domum ingrederentur, ibi maneant, donec exituri sint ex ea; ne videantur propter ventris curam inconstantes esse, ex domoque in domum abire. Quarta, ut nihil à quoquam accipiant: imò ubi ingrati erunt, etiam puluerem illorum excutiant: ut demonstrent se longam viam illorum causa suscepisse, & nullum lucrum in eis fecisse: & quòd nihil ab eis acceperint, ne puluerem quidem ad coarguendos illos.

6 **Notandum:** Tolerabiliorem pœnam laturos Sodomitas & Gomorrheitas, quàm eos, qui Apostolos Apostolicosque viros non susceperint: partim quòd illi in hac vita pœnam suam receperint, partim quòd ad eos Apostoli missi non sint.

7 **Notandum,** constans & perpetuum quasi proëmium Euangelicæ doctrinæ esse pœnitentiam: hoc fuit exordium Ioannis doctrinæ, hoc Christi domini, hoc Apostolorum in hac prima illorum missione. Sola hæresis sine pœnitentia prædicat, sine pœnitentia sperat peccatorum remissionem & salutem.

8 **Notandum,** eam esse differentiam miraculorum Christi domini & aliorum, quòd ipse immediatè solo verbo & imperio morbos curabat hominum, uti dominus & Deus, alii autem mediantibus multis aliis rebus, tamquàm medicinis quibusdam: quod in Moyse, Elia, & Eliseo legimus, atque nunc in Apostolis videmus, qui mediante oleo morbos curabant hominum.

9 **Notandum,** Exemplum & formam hoc loco oleum istud esse futurorum sacramentorum, quibus mediantibus Apostoli curare debebant, Vnctionis autem extremæ imprimis, de qua D. Iacobus: Infirmitat quis in vobis, inducat presbyteros ecclesiæ, & orent super eum, vngentes eum oleo.

10 **Notandum,** solum Marcum inter Euangelistas, Iacobum inter Apostolos, olei, quod solebat adhiberi ægrotis vngendis, & nunc adhibet ecclesiæ, mentionem facere. Est autem oleum, inquit Theophylactus, quod & lassitudinem releuat, lumen in lampade fouet, clariusque ad fugandam tenebrarum obscuritatem efficit, hilaritatem conciliat, & misericordiam Dei sanctique spiritus gratiam repræsentat, per quam & laborum molestiis priuamur, & lumen, gaudium, lætitiâque spiritalem consequimur.

11 **Notandum,** præstantem virtutem, quamuis illa se cælet, diu latere non posse. Inambulabat Christus dominus per deserta, per montes, per maria, per solos & vacuos locos: sua nulli dicere iubebat; nomen tamen & facta viri, per ora regum atque sacerdotum feruntur.

12 **Notandum,** Incerta & non conuenientia iudicia esse hominum: nam & Christum dominum alii Ioannem, Eliam alii, prophetam alii opinabantur. Etsi autem vulgi sermones & opiniones veri non sint, semper tamen habent aliquid veri. Nam & Christus dominus Ioannes non fuit, Ioannem tamen præcursores habuit. Neque Elias, libertate tamen obiurgandi Eliæ usus est. Neque simpliciter propheta erat, sed dominus prophetarum. Neque igitur

D d d

simpliciter

simpliciter vulgo est credendum, neque simpliciter ea quæ vulgus dicit contemnenda.

NOtandum, quanta Iudæorum inuidia, qui contra dominum malitiæ furor extiterit, ex omnibus penè locis Euangelii doceri. Ecce enim Ioannem, de quo dictum est, quia signum fecit nullum, à mortuis potuisse resurgere, nullo attestante, credebant; Iesum autem viuum, approbatum à Deo virtutibus & signis, in cuius videlicet morte elementa tremuerunt, resurrectionem verò atque ascensionem angeli, Apostoli, viri ac foeminae certatim prædabant, non resurrexisse, sed furtim esse ablatum credere maluerunt.

NOtandum: generatio infidelis & improba, adeò misera est, ut etià mortuos metuat: quod nunc Herodi euenit, qui etiam mortuum Ioannem metuit. Vnde preclarè D. Chrysostomus: Tanta vis virtutis est, ut post mortem quoque sit viuentibus fortior.

NOtandum, duplicem esse, de hac Herodiadis abductione, patrum opinionem. Quidam enim referunt, viuo adhuc Philippo vi ablatam esse ab Herode, quo nomine tamquam legis transgressor arguebatur ab Ioanne, quippè qui viuenti fratri tulisset uxorem. Alii verò quia decesserat quidem iam Philippus, cæterum relicta prole, filia autem superstita, non oportebat Herodem fratris etiam demortui ducere uxorem. Iubebat enim lex fratris uxorem accipere, non tamen adhuc viuentis, nec eam item, ex qua liberos habuisset.

NOtandum, quàm cœcus impetus, quantaque rabies amoris sit, hinc plenè cognosci. Herodes primùm tantopere Ioannem obseruauit & coluit, ut eius monitis libenter obediuerit; ubi autem intemperantiam suam reprimi vidit, & præcepta sui monitoris contempsit; & speculatorem seu militem, ad iniquissimam vnius animæ petitionem, qui caput eius amputaret, misit.

NOtandum: Fit plerumque, ut in natalitiis Regum, nuptiis item, & aliis conuiuiis laquei ponantur, ut interficiantur innocentes: quod nunc in natalitiis Herodis videmus.

NOtandum, solos mortalium Herodem & Pharaonem legi, diem natalis sui gaudiis celebrasse festiuis; sed vtrumque Regem, infausto auspicio, festiuitatem suam sanguine foedauisse. Verùm ex vtriusque exemplo probatur, vtilius esse nobis, diem mortis futuræ, timendo & castè agendo, sapius in memoriam reuocare, quàm diem natiuitatis luxuriando celebrare. Homo enim ad laborem nascitur in mundo; & electi ad requiem per mortem transeunt è mundo.

NOtandum, Nihil turpius esse Regibus ac principibus, quàm aliquid incautè ac imprudenter polliceri: quod nunc in Herode videmus. Pollicetur dimidium regnum, quod tamen eius non erat, sed populi Romani: pollicetur quidquid petitura erat: quid si vitam matris? quid si fratrum petiisset?

NOtandum, dato vno absurdo, infinita sequi. Absurdum primum fuit, ad natalitia Regum meretrices adhiberi, turpesque ac obscenos saltus: peperit

rit hoc absurdum aliud longè maius, Regem temerè iurare ac polliceri: natum est longè inde funestius tertium absurdum, hominem sanctum morti addici: secutum est quartum, caput sancti in funestum conuiuium adferri. Sic verissimum est, dato vno absurdo, infinita sequi.

²¹ **Notandum**, ponere quidem in parte summi officii boni viri sacram scripturam, vt non contristet proximum suum: est tamen aliquando non tantum vtile; sed necessarium etiam contristare, illique molestum esse, vbi aliquid inhonestum & turpe peritur. Sic Adam, si contristasset Euam vxorem suam, eiusque causa nihil fecisset, humanum genus integrum permansisset. Sic multi & se & alios perdiderunt, quod eos ipsos, quos valde amabant, contristare noluerunt. Gaudet Paulus se contristasse Corinthios ea tristitia, quæ fuit ad salutem.

²² **Notandum**: Malitia propera est, festinat, ne malum differendo auferatur. Da mihi, inquit, subito caput Ioannis Baptistæ.

²³ **Notandum**: Immanitatē facti Herodis exaggerat vel ipse ethnicus Liuius: Facinus sæuū atq; atrox, inter pocula atq; epulas, vbi libare diis dapes, vbi bene precari mos esset, ad spectaculum scorti procacis, in sinu consulis recubantis, mactatam humanam victimam esse, & cruore mensam respersam.

²⁴ **Notandum**: Quemadmodum omnia nostra à Christo eiusq; auxilio debemus inchoare; ita item omnia nostra ad eum referre nos conuenit. Inchoarunt prædicationem Euangelii in nomine Christi Apostoli, in eum deinde omnia sua reponunt; & completum est illud, Euntes ibant & flebant, mittentes semina sua: venientes autem venient cum exultatione, portantes manipulos suos. Vnde illa solennis ecclesiæ precatio. Actiones nostras quæsumus Domine aspirando præueni.

²⁵ **Notandum**, vtile esse doctores non semper intentum animum habere, non semper laboribus exauriri; sed etiam aliquando remittere, ac sese quieti & refectioni dare: quod nunc præcipit Dominus Apostolis.

²⁶ **Notandum**, Vtile esse itidem iisdem Apostolicis viris, non semper in turba & celebritate esse, sed in desertis etiam ac solis locis: non semper alios docere; sed etiam seipsum aliquando: vt quidquid elationis illic acquisitum est, hîc deponatur. Non sunt igitur laudandi illi concionatores, qui post celebres conciones cursitant, quærentes, qui eorum aures palpent: atqui tum maxime solos oportuit esse, dum ambitionem & vanam gloriam leues disicerent venti.

²⁷ **Notandum**, Explicari hoc loco à Christo, & à turbis istis, quæ tam auidè Christum Dominum sequuntur, illam famem de qua aliquando prædixerant Prophetæ: Mittam, inquit, famem in terram, non panis famem; sed famem verbi Dei: quæ fames vitio pastorum eueniebat. Ad quem locum, omnes illæ prophetiæ referri possunt, contra illos pastores, qui seipsum pascebant, non gregem Dei. Vbi igitur pastores veteris legis conticuerunt, tunc necesse fuit verum pastorem os aperire suum.

Ddd 2

Notan-

Notandum : Iterum iam apud D. Marcum, iudicio ac prudentiæ Christi 28
discipulos detraxisse, in hæmorrhousa primò, deinde hoc loco : Ducentis,
inquiunt, denariis emamus panes, & dabimus illis manducare. Permittente
hæc Domino, vt in posterum principibus ac doctõribus documentum detur,
si propter regnum Dei, & propter virtutem, bonaque mandata, vel à seruis,
vel à discipulis illorum dictis & factis detrahatur. Quemadmodum autem
hoc loco isti detrahendo auxerunt: maius enim visum est miraculum; ita etiã
& istorum stulta sapientia ista aliquando conuincetur, qui dum detrahare aut
eleuare volunt, magnificè illustant: & quemadmodum discipuli splendide
confutati sunt; ita & isti aliquando in suis extremis confutabuntur.

Notandum cum venerabili Beda, diuersos conuiuantium discubitus, di-29
stinctos per orbem ecclesiarum conuentus, quæ vnã catholicam faciunt,
designare.

Notandum, Dominum pro suis cuique viribus dona tribuere, semper-30
que ad perfectiora prouocare: & ideò primò, quinque panibus quinq; mil-
lia, secundò, septem panibus quatuor hominum millia reficere: tertio, di-
scipulis suæ carnis & sanguinis mysterium credere; ad vltimum, magno mu-
nere dare electis, vt edant & bibant super mensam suam in regno suo.

Notandum: Eleuare oculos in cælum Dominum saturaturum turbas, 31
vt nos doceret adiutorium nostrum esse in nomine domini, qui fecit cælum
& terram: & vt discamus, non confidere in principibus in filiis hominum:
ne item respiciamus, aut ad manus aut ad industriam nostram, tanto minus
ad malas artes, incantationes, magos, dæmonesque ipsos; sed vt illud occi-
namus omnes: Oculi omnium in te sperant Domine, & tu das escam illorum
in tempore opportuno. Et illud: Cùm ignoremus quid agere debeamus, hoc
solùm habemus residui, vt oculos nostros dirigamus ad te.

Notandum: Christus Dominus panes fractos dat discipulis, ne tantum 32
eos miraculum lateat; quippe qui suis manibus exceptos turbis distribueret.
Duodecim autem cophini fragmentorum supersunt, vt ab vnoquoque in hu-
meros cophino sublato, miraculi memoria perpetua conseruaretur. Virtutis
diuinæ præsentia vel ex eo cognoscitur, quòd tot millia hominum non modò
ad satietatem aluerit, sed tot etiam cophini fragmentorum superfuerint.
Cuius miraculi magnitudine, Moysen etiam ipsum, atque Eliam facile supera-
uit. Moyses enim, etsi filios Israël in deserto manna aluerit; vnumquemque
tamen, quantum sufficeret, ad vescendum per singula capita colligere iussit.
Quòd si aliqui etiam sequentis diei cura anxii, aliquanto plus necessitate col-
ligerent, scatebat id vermibus, atque computrescebat. Elias similiter effecit
apud viduam, ne hydria farinæ deficeret, neue lecythus olei iminueretur; sed
in diem eum tantum, quando Dominus daturus esset pluuiam super faciem
terræ.

Notandum: Qui verè amat, eum non facilè deferere. Nullum, inquit 33
quidam, tam durum reperies baculum, quo me à te abigas. Sic discipuli à
Christo separari non possunt: etsi laboribus fessi, etsi esuriant; coacti vix re-
cedunt.

Notandum,

34 **NOT**andum, quare coëgerit discipulos ascendere nauem, & ipse mox dimisso populo in montem oraturus abierit, Ioannem manifestè declarare: qui completa refectione illa cælesti, continuò subiecit: Iesus ergo cum cognouisset, quia venturi essent ut raperent eum, & facerent eum Regem, fugit iterum in montem ipse solus. Vbi necessarium nobis viuendi monstrat exemplum, ut in bonis quæ agimus, humani fauoris retributionem vitemus; neque nos operatio virtutum spiritualium ad concupiscentiam reflectat temporalium voluptatum.

35 **NOT**andum: Minus multò periculosum esse, in his quæ rectè agimus aduersantium nos importunitate fatigari, quàm honorantium fauore demulceri. Hic etenim securiorem sæpè corrumpit animum: illa circumspèctum semper reddit & cautum. Vnde Dominus, viam nobis quam sequamur indicans, cum illi, qui virtutes eius admirabantur, regem eum facere vellent, fugit in montem orare. Cum verò illi, qui virtutibus eius inuidebant, eum morti tradere disponent, occurrit promptus, & vincendum se crucifigendumque furentibus obtulit: euidenti nos informans exemplo, ut parati simus ad aduersa seculi toleranda, cauti ad blandimenta, cum fortè arriserint, declinanda: & ne nos prospera mundi, si affluant, emolliendo decipiant, crebris à Domino precibus imploremus.

36 **NOT**andum, Doctoris & concionatoris tutissimum esse portum, & suauissimam recreationem, solitudinem & orationem; quam Christus semper adhibet, ad quam semper recurrit. Quod & hoc loco facit: discipulos ablegat, in montem ascendit, solus orat.

37 **NOT**andum, non omnem qui orat, ascendere in montem: est enim oratio quæ peccatum facit: sed qui benè orat, qui Deum orando quærit, hic à terrenis ad superiora progrediens, verticem curæ sublimioris ascendit: qui verò de diuitiis aut honore seculi, aut certè de inimici morte sollicitus obsecrat, ipse in infimis iacens, viles ad Deum preces mittit. Orat autem Dominus, non ut pro se obsecret, sed ut pro me impetret.

38 **NOT**andum, nonnunquam Ecclesiam tantis gentilium pressuris, non solum afflictam, sed & foedatam esse; ut (si fieri posset) redemptor ipsius eam prorsus deseruisse ad tempus videretur. Vnde est illa vox eius, inter vndas procellasque tentationum venientium deprehensæ, atque auxilium protectionis ipsius gemebundo clamore quærentis: Vt quid Domine recessisti longè, despicis in opportunitatibus, in tribulatione?

39 **NOT**andum, vbi Christus non est, ibi ventos esse, fluctus esse, tempestatem esse, naufragia esse; quod docet discipulorum nauicula: & quod item nunc coetus hæreticorum demonstrat, in quibus perpetui fluctus, inconstantia perpetua, motus perpetui, dissensiones, lites perpetuæ.

40 **NOT**at V. Beda, Theodorum Pharanitanum quondam Episcopum ita scripsisse, corporale pondus non habuisse secundum carnem Dominum, sed absque pondere & corpore super mare deambulasse. At contra fides catholi-

ca, & pondus secundum carnem habere eum prædicat, & onus corporeum, 41
& cum pondere atque onere corporali incedere super aquas, non infusis pedibus. Nam Dionysius egregius inter Ecclesiasticos scriptores, in opusculis de diuinis nominibus hoc modo loquitur: Ignoramus enim, qualiter de uirgineis sanguinibus, alia lege præter naturalem, formabatur; & qualiter non infusis pedibus, corporale pondus habentibus & materiale onus, deambulabat per humidam & instabilem substantiam.

Notandum: Qui Christi potentiam & gloriam in rebus secundis agnoscere non vult, in rebus aduersis & periculosis aliquando cognoscet. Sic Apostoli Dei virtutem in fractione & distributione panis agnoscere noluerunt, vel non potuerunt: in aduersis, tempestate, & fluctuatione, inuiti cognoscunt. Quod Marcus significare videtur, cum dixit, Non enim intellexerant de panibus.

Notandum, Dominum & in miraculo panum, quod esset conditor rerum, 43 ostendisse; & in ambulando super undas, quod haberet corpus ab omni grauedine liberum edocuisse: & in placando ventos, undarumque rabiem sedando, quod elementis dominaretur monstrauisse. Sed carnales adhuc discipuli, necdum hunc Deum esse cognoscunt. Et quidem virtutum magnitudinem stupebant; necdum tamen in eo veritatem diuinæ maiestatis cognoscere valebant.

Notandum, vsitatam formulam Christo Domino in suis consolandis, 44 *Isa. 43.* Nolite timere, ego sum. Vbi enim ille est, ibi malè esse non potest. Cum transieris, inquit, per aquas, tecum ero, & flumina non operient te. Cum ambulaueris in igne, non comburèris, & flamma non ardebit in te.

Notandum: inter omnia miracula Christi frequentissimum fuisse, curationem morborum; vt à visibili re inuisibile officium suum declararet, saluandi & sanandi: vnde & nomen sortitus est saluatoris: & propheta hoc ipsum prædixerunt: Misit verbum suum, & sanauit eos. Ipse enim saluum faciet populum suum à peccatis eorum.

Caput VII.



NOTANDVM, Hactenus Christum Dominum verum œconomum, terram habuisse mollem, cedentem, parentem, ipsam sponte semina quærentem: nunc ardua arua, senticosa, reluctantia sese offerre; Phariseos, inquam, scribas, & totam synagogam: qui sua malitia & proteruita illud commodi afferunt, quod multas graues difficultates explicandi Domino occasionem offerunt.

Notandum, vetus & vsitatum esse Rabinis & Cathedralibus scribis, legem Dei negligere, charitatis opera non curare, discere nolle, bonis operibus se non exercere; sed quæstiones tantum quasdam vanas, futiles, exoletas, ad capiendos & probandos homines, suaque ingenia ostentanda proponere: quod nunc pharisei atque scribae Hierosolymitani faciunt. Dum enim turbæ discere

scere volunt, proximorumque infirmitatibus & necessitatibus consulere; ecce isti neſcunt ſophiſma, nihil ſerium continens: Quare diſcipuli tui transgrediuntur traditiones ſeniorum? non enim lauant manus, cū panem manducant. Quo loco V. Beda idem propè notat: Pharifæi & ſcribæ, inquit, qui doctores populi eſſe debuerant, non ad verbum audiendum, non ad quærendam medelam; ſed ad mouendas ſolū quæſtionum pugnas ad Dominum concurrunt, diſcipulosq; de non lotis corporis manibus vituperant; in quorum operibus quæ per manus ſiue per cætera corporis membra fiunt, nihil immunditiæ ſordidantis inuenire valebant: cū ſe magis ipſos culpæ debuerint, qui lotas aqua manus habentes, conſcientiam liuore pollutam geſtabāt.

3. **Notanda** eſt integritas gregis Chriſti, quòd ne inimici quidem, non Rabin, non ſcribæ, non phariſæi aliquid ſerium inuenire poſſunt, quod illi obijciant, niſi hæc vana & ſutilia de ſuperfluis lotionibus. Argentum examinatum probatum terræ, purgatum ſeptuplum, diſcipuli Chriſti. Hinc illud autoris imperfecti: Diabolus facere iuſtitiam non acquieſcit, obſistere autem ſcit. Quales ſunt omnes, in quibus diabolus eſt. In ſeruis enim Dei etiam leues arguunt culpas: in ſe autem nec crimina recognoſcunt.

In Matt. 23.
29.

4. **Notandum**, ſpiritualia Prophetarum verba, carnaliter accipere ſolitos fuiſſe; vt quæ illi de cordis & operis caſtigatone præcipiebant, dicentes: Lauamini, mundi eſtote: & Mundamini, qui fertis vaſa Domini: iſti de corpore ſolūmodò ſeruabant.

5. **Notandum**: Non ideò diſcipulos Domini manus lauari non ſolitos fuiſſe, quòd traditiones maiorum contemnerent; ſed quòd ad eam rem neque tantū occaſionis, neq; facultatis, neq; otij, maioribus intenti, & mundo corde contenti, habuerunt: vt qui ne ad ſumendum quidem cibum ipſum, ſufficientis otij aliquid habuerint.

6. **Notandum**: Reſpondere Dominum ſtultis, non ſecundū ſtultitiam eorum; ſed primū increpare eos, non tam ſuis quàm Prophetæ verbis, quò maiorem vim & auctoritatem habeant: & quò exemplum in poſterum detur chriſtianis doctõibus, non tam priuato affectu, quàm zelo ſpiritus, & verbis Prophetarum delinquentes accuſare. Non reſpondet autem illis quidquam ad lotionem manuum, quæ res leuis quædam & ludicra videbatur, & quæ pro ſe ipſa loquebatur. Et ne aliqua ex parte traditiones maiorum traduxiſſe, aut reprehendiſſe videatur, ac in poſterum hæreticis contra traditionem arma tradidiſſe: non excuſat hac in re diſcipulos; ſed veram & ſeriam illis legis diuinæ transgreſſionem obſiſcit, eoſque ipſos trabem in oculis habentes, aliis feſtucam eiicere velle demonſtrat.

7. **Notandum**: præcepiſſe Dominum, vt qui vel imbecillitates, vel ætates, vel penurias parentum conſiderabat, vt filij honorarent, etiam in vitæ neceſſariis miniſtrandis, parentes ſuos. Hanc prouidentiſſimam legem Dei volentes ſcribæ Phariſæique ſubuertere, vt impietatem ſub nomine pietatis inducerent, docuerunt peſſimos filios, vt ſi quis ea quæ parentibus offerenda ſunt,

Deo votare voluerit, qui verus est pater, oblatio Domini præponatur parentum muneribus. Vel certè ipsi parentes, quæ Deo consecrata sunt, ne sacrilegij crimen incurrerent, declinantes, egestate conficiebantur: atque ita fiebat, ut oblatio liberorum, sub occasione templi & Dei, in sacerdotum lucra cederet.

Notandum: quod Euangelista docet, Non dimittis eum quidquàm facere patri aut matri, paraphrastice Euthymius exponit: Quod illis gratum sit. 8

Notandum: solet Christus Dominus ex scorpionibus medicamenta facere: hoc est, ex malitiosis & insidiosis pharisæorum sermonibus, sanctas & salutares doctrinas elicere. quod & nunc facit: repressis pharisæis, ad populum se conuertit: & quoniam non solum erat argumentum de lotionem manuum, illud apud populum soluit docens: Non intelligitis, inquit, quia omne extrinsecus introiens in hominem, non potest eum coinquinare? Quæ doctrina illud primùm ostendit, nullas externas sordes animam inquinare, etiam si quis in vita nunquam lotus fuerit: deinde, nihil in natura aut malum aut immundum esse; contra quàm post Manichæi docuerunt: postea, cibos nullos hominem pollueret; ut post Tatiani & Encratitæ arbitrabantur. 9

Notandum, Commune, hoc loco, quod ceteris hominibus patet, & quasi non est de parte Dei, pro immundo appellari. Nihil est, inquit, extra hominem introiens in eum, quod possit eum communicare, siue coinquinare. 10

Notandum: Si quod intrat in os, non coinquinat hominem, quare idolothytis non vescimur? Et Apostolus scribit: Non potestis calicem Domini bibere, & calicem dæmoniorum. Sciendum ergo, quod ipsa quidem cibaria, ut Dei creatura, per se munda sint: sed idolorum ac dæmonum inuocatio, ea facit immunda. 11

Notandum: Non eundem ordinem esse discentium: ac pro ratione illorum, doctrinam accommodandam esse: quod nunc Christus Dominus clarè ostendit, qui de vna & eadem re, alio modo cum Phariseis loquitur, alio cum plebe, alio cum discipulis. 12

Notandum: Vitiosum esse auditorem, qui obscurè manifesta, aut manifestè dicta, obscurè velit intelligere: unde Apostoli corripiuntur à Domino, quod perspicuè dicta, parabolicè prolata existiment. Sic & vos, inquit, imprudentes estis? 13

Notandum: ex sententia Christi, qua definiuit, de corde malas cogitationes procedere, arguendi sunt, qui cogitationes à diabolo immitti putant, & non ex propria nasci voluntate. Diabolus incentor & adiutor esse malarum cogitationum potest, autor esse non potest. Sin autem semper in infidiis positus, leuem cogitationum nostrarum scintillam suis fomitibus inflammârit: non debemus opinari, eum cordis quoque occulta rimari; sed ex corporis habitu & gestibus aestimare, quid versemus intrinsecus. Verbi gratia: Si pulchram mulierem nos crebrò viderit aspicere, intelligit cor amoris iaculo vulneratum. 14

Notandum,

15 **Notandum:** Multos elaborare in colligendis ac discernendis mortali-
bus peccatis: multa aliquando affingere, ac comminisci, & ex non mortali-
bus mortalia facere: cum nunc ipse saluator illorum Catalogum texat. Ab in-
tus, inquit, de corde hominum malæ cogitationes procedunt, adulteria, for-
nicationes, homicidia, furta, auaritiæ, nequitia, dolus, impudiciæ, falsa te-
stimonia, oculus malus, blasphemia, superbia, stultitia. Omnia hæc mala ab
intus procedunt, & communicant hominem. Quibus si ea addideris, quæ
Paulus recenset, nescio quid in hoc genere amplius sit desiderandum. Et si-
cut non probauerunt, inquit, Deum habere in notitia, tradidit illos Deus in *Rom. 1.*
reprobum sensum; ut faciant ea, quæ non conueniunt, repletos omni iniqui-
tate, malitia, fornicatione, auaritia, nequitia, plenos inuidia, homicidio, con-
tentione, dolo, malignitate, susurrone, detractores, Deo odibiles, contume-
liosus, superbos, elatos, inuentores malorum, parentibus non obedientes,
insipientes, incompósitos, sine affectione, absque fœdere, sine misericordia.
Qui cum iustitiam Dei cognouissent, non intellexerunt: quoniam qui talia a-
gunt, digni sunt morte: non solum qui ea faciunt; sed etiam qui consentiunt
facientibus. Et nolite errare, inquit, neque fornicarij, neque idolis seruien-
tes, neque adulteri, neque molles, neque masculorum concubitores, neque *1. Cor. 6.*
fures, neque auari, neque ebriosi, neque maledici, neque rapaces regnum Dei
possidebunt. Et manifesta sunt inquit opera carnis, quæ sunt fornicatio, impudi-
cicia, immundicia, luxuria, idolorum seruitus, veneficia, inimicitie, contentiones, *Gal. 5.*
æmulationes, iræ, rixæ, dissensiones, sectæ, inuidiæ, homicidia, ebrietates, co-
mesationes, & his similia. Quæ prædico vobis, sicut prædixi, quoniam qui
taliam agunt, regnum Dei non consequentur. Quæ utinam in animis nostris in-
sculpta habeamus, ab hisque vel maximè cauere studeamus; tum ita difficilis
non esset aliorum ratio. In omnibus ergo, sicut scriptum est, omni custodia
seruemus cor nostrum, quia ex ipso vita procedit.

16 **Notandum:** Oculum malum ab Euangelista, aut inuidiam, aut inconti-
nentiam intelligi, docet Theophylactus: Nam ut inuidus, non nisi iniquis &
maleuolis oculis, eum, cui inuidet, aspicit ac contuetur; sic & incontinens,
ubi oculos ab aliena pulchritudine non continet, nec à videnda vanitate eos
auertit, facile conquirat malum & accersit.

17 **Notandum,** Merito quæri, quomodo dicatur, quod Dominus neminem
voluerit iter suum scire, nec tamen latere potuerit. Quid enim est, quod ille
non potuerit, qui etiam temporaliter inter homines positus, omnia inuisibi-
liter, quæ foris agebantur, intus cum patre disponebat? Aut, quam ob causam
putandus est fines Tyri & Sidonis intrasse, nisi ut filiam Syrophœnissæ à dæmo-
nio liberaret, ac fide fœminæ gentilis, perfidiam argueret scribarum & phari-
sæorum? Sed fideliter sentiendum est ac piè: quia nequaquam de illo hac in
re quod ipse noluit factum est: sed fidelibus iter eius sequentibus, quid prin-
cipaliter in bonis, quæ agunt, velle debeant, ostensum. Ingressus quippe do-
mum, præcepit discipulis, ne se, cuiquam in regione ignota, quis esset, aperi-
rent. Attamen, ipse suum illò introitum gentili fœminæ, & quibuscunq; vo-
luit ipse prudentibus publicauit: ipse cor illius ad quærendam à se salutem in-
uisibili accendit instinctu; ut exemplo eius discerent, quibus sanandi grati-
am

am infirmos conferret, in exhibitione miraculorum, humani gloriam fauoris quantum possent declinare; nec tamen à pio virtutis opere cessare, quando hæc fieri, vel fides bonorum iustè mereretur, vel incredulitas prauorum necessariò cogeret. Exacuant igitur arma Reges terræ, fremant Iudæi & blasphemant, rumpantur hæretici, ac omnes suas artes & fraudes, ad Christi nomen & gloriam obruendam & obscurandam conferant: ille tamen nunquam latere poterit, nunquam gloria eius & lumen obscurari.

Notandum: Vbi repulsi sunt lupi & canes, adest humilis ouis Syrophænissa; mulier misto genere, at fide sincerissima: adfert donum orationem: tria summa & prima ornamenta habentem; fidem, prudentiam, & perseverantiam. Nihil tale attulerant Hierosolymitani sacerdotes: & ideò nihil simile retulerunt. 18

Notandum, illos solùm fideliter ac rectè pro erratibus orare, qui priscas suæ perfidiæ mansiones relinquunt, atq; in domum domini, videlicet ecclesiam, pia se deuotione transferunt: quod nunc in Canaanitide videmus. 19

Notandum, Christum dominum Canaanitidi respondisse, sine prius futurari filios: ac si apertius diceret, restat futurum, vt etiam vos qui de gentibus estis, salutem consequamini; sed primò oportet Iudæos, qui merito antiquæ electionis, filiorum Dei nomine solent censerì, pane cælesti refici, & sic tandem gentibus vitæ pabula ministrari. 20

Notandum, eam vim esse virtutis ac bonorum operum, vt ex canibus faciant filios: vt peccata, ex filiis canes. Canis fuit hæc ethnica, & facta est propter filiam: filij fuerunt pharisæi, & facti sunt propter peccata canes; & circumeunt ciuitatem, & famem patiuntur vt canes. Vnde V. Beda, Mira, inquit, rerum conuersio: Israël quondam filius, nos canes: pro diuersitate fidei ordo nominum commutatur: de illis postea dicitur, Circumdederunt me canes multi. Et videte canes, videte malos operarios, videte concisionem. De nobis à latratu blasphemie, contradictionis, ad pietatis gratiam conuersis, ipse alibi dicit: Et alias oues habeo, quæ non sunt ex hoc ouili; & illas oportet me adducere, & vocem meam audient. 21

Notandum, eam esse benignitatem nostri saluatoris, vt quæ eius propria sunt, nobis tribuat; & nostra nonnunquam sibi assumat. Virtute illius est sanata & curata filia istius: tribuit hoc tamen Christus dominus fidei illius. Propter hunc sermonem, inquit, vade: exiit dæmonium à filia tua. Et nostra ipse assumit nonnunquam: miseretur super turbam: flet super Ierusalem: esurit. Quod hæresis non agnoscit: imò clamat, quæ Christi sunt, hominibus tribuenda non esse. 22

Notandum, dari hoc loco exemplum catechizandi & baptizandi infantes: quia videlicet per fidem & confessionem parentum in baptismo, liberantur à Diabolo paruuli, qui nec dum per se sapere, vel aliquid agere boni possunt aut mali. 23

Notandum: Sensus petitionis Syrophænisse ponit hunc Theophilactus 24

Etus: Iudæi, inquit, panem habent te solum totum & integrum, qui de cælo descendisti, habent & integra tua beneficia: ego contenta sum reliquiis catulorum, ut humilitate micarum, ad panis integri cœnam veniam magni Dei.

25 **Notandum**, Decapolim esse (ut ipso nomine probatur) regionem decem urbium, trans Iordanem ad orientem, circa Hippum & Pellam, & Gadaram contra Galilæam sitam.

26 **Notandum**: Quemadmodum non postremum inter miracula Christi fuit hæc curatio surdi & muti, ita neque primum.

27 **Notandum**, nullum Christi miraculum fuisse, in quo pluribus mediis usus fuisset, quàm hæc ipsa surdi & muti curatio.

28 **Notandum**: Genus humanum per multa membra, ac si vnus homo varia peste absumentus enumeratur: in protoplasto cœcatur, dum videt: surdus fit, cum audit: dum odoratur, emungitur: obmutescit, dum loquitur: mancus fit, dum manum extendit: incuruatur, dum erigitur: hydropicus fit, dum concupiscit: claudus fit, dum progreditur: lepra suffunditur, dum nudatur: dæmone impletur, dum diuinitatem appetit: morte moritur, dum audacter excusat, quod inobedienter commisit.

29 **Notandum** ex dictis apparet, non tam debilitatis Christi fuisse, aut magnitudinis miraculi, ut tot mediis vteretur; quàm instructionis nostræ ac rei cuiusdam, maximè spiritualis adumbrationis & instructionis causa, conuersionis inquam, & iustificationis peccatoris, cuius omnes partes in hoc miraculo adumbrantur.

30 **Notandum**, conuersionis & iustificationis peccatoris, has partes esse: primum Deum ipsum eiusque immensam misericordiam: exprimit eam partem Christus dominus in curatione istius, dum eleuat in cælum oculos. Deinde dilectionem & propitiationem Christi, meritum item ipsius, quod declarat nunc gemitu suo, deinde porrectione manus, quæ est præueniens gratia liberi nostri arbitrij: quam æger ipse repræsentat, dum ducentem Christum sequitur. Deinde oportet relinquere vias veteres pessimas, & adhærere nouis: exuere veterem hominem, & induere nouum: egredi de domo patris sui. relinquere veteres mores, consuetudines, sodalitates, vulgi opiniones: quod nunc Christus declarat, cum istum remouet à turbis. Auribus deinde opus est, quæ verbum vitæ & veritatis accipiant, quæ in obedientiam fidei aperte sint, quæ doctrinam Christi ad cor transmittant: de quibus auribus illud: Tu inquit, aperuisti aures meas, & ego non contradixi: & illud: Qui habet aures audiendi, audiat. Quæ aures quoniam hætenus Iudæis clausæ sunt, ideo quantumvis quotidie Moyses in Synagogis eorum legatur, Christum per Moysen & prophetas loquentem exaudire non possunt. Declarat eam aurium apertionem Christus Dominus, dum digitum virtutis suæ in aures istius dæmoniacci immittit, easque aperit: de quo digito, si ego, inquit, in digito Dei eiicio dæmonia: & Magi in Ægypto, Digitus, inquiunt, Dei hic est. Ore deinde soluto opus est, ut quod corde creditum est ad iustitiam, eius ore confessio fiat ad salutem: hæc labia aperit nunc Dominus; linguam ligatam soluit, ad omnem beneficiorum

ciorum Dei prædicationem, proximiq; instructionem. Quæ omnia, quoniam in posterum à ministris Christi, mediantibus visibilibus sacramentis, fieri debebant; ideo Christus accipit sputum visibile, & inungit linguam eius: sputum, & non aliud; ut ostendat mediante humanitate sua, quam propter nos nostramq; salutem assumpsit, & in qua passus est, hæc futura omnia. Si enim homo aut ex carne constaret tantum, aut ex animo, tum ad eius curationem, aut carnalia tantum & visibilia, aut spiritualia adhibita fuissent: Verum cum ex utrisque conflatus & compositus sit; utraque hæc ad curationem eius Deus adhibere voluit. Quæ hæresis, cum non intelligat, errat, & confundit omnia.

Notandum: quod omnia tot tantaq; & talia, quæ hoc continentur miraculo, admiranda mysteria dum animaduertisset sancta Ecclesia, omnia illius signa ac sacra symbola ad primum & summum sacramentum, imò ad portam ipsam sacramentorum, baptismum, inquam, sacramentum fidei regenerationis primæ iustitiæ, retulit. Sunt adductores, quos *διαδόχους* Græci vocant: sunt reductiones & inunctiones: sunt preces sanctæ: sunt vnctiones, cōtactus, manuum impositiones, sacra verba: quæ impudens Calvinus magicos exorcismos appellare, contra omnem vetustatem, non erubescit. De quibus qui plura cognoscere velit, legat diuinum illum Areopagitam de cælesti Hierarchia: legat Illustrissimum quondam Hosium nostrum: sed & nos obiter in lib. 1. de Ecclesia hæc eadem attigimus.

Notandum, saluatorem nostrum, cum & alio modo hunc curare posset, sputo potissimum curasse; ut sciremus, omnem partem sancti corporis ipsius diuina plenam esse virtute. Ecce enim sputum etiam immaculati oris sui, quo linguam tetigit impeditam, diuinam quoq; participabat virtutem, ac omnino excrementa diuini corporis omnia sancta erant, utpote talis corporis: solum autem operabantur, dum vellet. Propterea & sequenti capite, ut videbimus, sputo vsus est ad cæci curationem. Tum & apud Ioannem, quando cæcum à natiuitate curauit. Hoc autem agebat, ut fidem faceret vnite sibi diuinitatis: quo enim pacto hæc operaretur, nisi Deus esset?

Notandum: Suspexit saluator in cælum, ut inde mutis loquelam, inde surdis auditum, inde cunctis infirmitatibus medelam doceret esse quærendam. Ingemuit autem, non quia ipsi opus esset, cum gemitu aliquid petere à patre, qui cuncta petentibus donat cum patre; sed ut nobis gemendi daret exemplum, cum vel pro nostris, vel pro nostrorum erratibus, proximorum superne pietatis præsidia inuocamus. Quod autem ait, Epheta, id est adaperire, ad aures propriè pertinet. Aures etenim ad audiendum aperiendæ; lingua verò ut loqui posset, à retinaculis erat sue tarditatis soluenda. vnde & subditur: Et statim apertæ sunt aures eius, & solutum est vinculum lingue eius, & loquebatur recte.

Notandum: si sciebat eos, sicut ille qui notas habebat & præsentis & futuras hominum voluntates, tanto magis prædicaturos, quanto magis ne prædicarent eis præcipiebat; ut quid hoc præcipiebat? nisi quia pigris volebat ostendere, quanto studiosius, quantoque feruentius eum prædicare debeant, quibus iubet ut prædicent, quando illi qui prohibebantur, tacere non poterant.

Caput VIII.



NOTANDVM, diuites egere & esurire, inquirentes autem Dominum, non diminui omni bono. Misereor, inquit, super turbam, quia iam triduum sustinent me. Magnum meritum & magna laus sustinentium: & propter, inquit, legem tuam sustinui te Domine.

1 **NOTANDUM**, quæ causa sit, cur neq; semper turbas Dominus aluit, neq; semper ieiunas dimisit. An ideo non semper aluit, ne propter externum panem commodaque sequi illum viderentur: an ne otiosos & desidiosos efficeret: aluit autem aliquando, ne de prouidentia atque virtute bonitateq; illius dubitarent; præsertim ubi necessitas ferebat, & ubi occasio & facultas laborandi non fuit: quod & nobis sæpe facit.

3 **NOTANDA** discipulorum frigiditas & stupiditas: paucis antè diebus hoc ipsum miraculum, imò maius editum videbant, & tamen nunc iterum credere nolunt: quinimo Dominum rident, ac contumeliosius compellant. Cuius rei formam & figuram iam antè in libris regum legimus: Vir quidam, inquit, venit adferens viro Dei panes primitiarum, & viginti panes hordeaceos, & frumentum nouum in pera sua. At ille dixit: Da populo vt comedat. Hæc enim dicit Dominus: Comedent & supererit. Posuit itaque coram eis: qui comederunt, & superfuit iuxta verbum Domini.

4 **NOTANDA** Domini benignitas & humanitas, qui ea stupiditate discipulorum nihil offenditur, beneficia sua continuat; vt doceat sapientes sufferre insipientes, cum ipsi sapientes sint.

5 **NOTANDUM**, Non frustra iam bis contradictionem fieri, & specimē quoddam infidelitatis edi circa panem & saturationem panibus; partim vt exemplum detur, plerumque circa panes diffidentiam hominum declarari, dum parum prouidentia Dei credunt, dum nimis solliciti sunt: partim vt hac figura adumbretur, daturum quondam fuisse Deum panem mysticum corporis & sanguinis sui, cui ab omnibus contradiceretur: Quomodo potest hic nobis carnem suam dare ad manducandum? Berengariis item, Zuingliis, Calvinistis, & aliis huius generis. Et ideo vtraque panis distributio in monte facta est, quia hæc ipsa res sublimioris cuiusdam rei typus esse debuit.

6 **NOTANDUM**, non posse id de mensa mundi dici: Et manducauerunt, & saturati sunt: in qua nihil vnquam superfluit, semper multum deest: & de qua illud potius prophetæ dicitur: Manducastis, & non estis saturati.

7 **NOTANDUM**, esse aliquem, qui nihil fraudis & nihil carnalis corruptionis expertus, ad omnipotentis Dei seruitium festinauit. Iste de longinquo non venit, quia per incorruptionem & innocentiam proximus fuit. Alius nulla impudicitia, nullis flagitiis inquinatus, solum autem coniugium expertus, ad ministerium spiritale conuersus est. Neque iste venit è longinquo, quia vsus coniunctione concessa, per illicita non errauit. Alij verò post carnis flagitia, alij post falsa testimonia, alij post facta furta, alij post illatas iniurias & violentias, alij post perpetrata homicidia ad poenitentiam redeunt, atq; ad omnipotentis Dei seruitium conuertuntur. Hi videlicet ad Dominum de longinquo veniunt.

Eee

Quanto

Quanto enim quisque plus in prauo opere errauit, tanto ab omnipoten- 8
ti Domino longius recessit. Dentur ergo alimenta eis, etiam qui de longin-
quo veniunt: quia conuersis peccatoribus doctrinæ sanctæ cibi præbendi sunt,
ut in Deum vires reparent, quas in flagitiis amiserunt. Item Iudæi, quicunq;
in Christo crediderunt, de prope ad illum venerunt, quia legis & propheta-
rum erant literis edocti de illo. Credentes verò ex gentibus, de longè utique
venerunt ad Christum, quia nullis paginarum sanctarum monumentis, de eius
erant fide præmoniti.

Notandum: Dalmanutha, quæ & Magdalum, de qua in præfenti euan- 9
gelica historia scribitur, sita est inter locum Genezar, & Tabor montem.

Notandum, redire synagogam iterum: ac quemadmodum superiùs va- 10
nam & futilem quæstionem proposuit; ita nunc signum & inutile prodigium
petere: signum inquam de cælo, ut scilicet aut sol obscuratur, aut stella ali-
qua cadat, aut aliquid simile. Cum enim arbitrarentur Christum dominum
in potestate Beelzebub signa facere, cuius vim ad cælum usque pertingere nō
posse existimarent, de cælo malitiosè signum petunt: quod tamen non datur
illis; partim quòd malo animo & insidioso id peterent; partim quòd inutile
signum exquirent, ex quo nulla quæquam utilitas consecutura esset: par-
tim quòd hæc futuro eius aduentui referuabantur, quando sol obscurabitur,
luna non dabit lumen suum, & stellæ de cælo cadent. Ut igitur curiositatis
Herodianæ causâ nullum signum fecit Dominus; ita ne istorum quidem ma-
litiæ.

Notandum, fermentum Phariseorum & Saduceorum, docere S. Hie- 11
ronymum non corporalem panem, sed traditiones peruersas, & hæretica si-
gnificare dogmata: quare & cibos, quibus nutritus est populus Dei, non ve-
ram doctrinam integramque significare. Vel sicut Theophylactus, Fermen-
tum est, inquit, doctrina Phariseorum & Herodianorum, acida, veteriq; ma-
litia & improbitate redundans. Quisquis enim vitiorum vetustate obsoleuit,
nec quidquam spirituale proferre potest, ita ut aliqua dulcedine spiritus au-
dientem reficiat, fermentum hic Pharisaicum habere existimandus est: veteris
inquam, nequitiae doctrinam mordacem, quæq; animam credentis à præfenti
pœnitentia auocat, & ut eam negligentius in dies proferat, inducit. Herodia-
num autem fermentum, nouum quoddam & recens magisterium atque do-
ctrina est, qua Herodem esse Christum profitebantur, Herodique velut vero
Messiæ credendum esse docebant.

Notandum, dum Christus dogma cæleste prædicat, dum falsos doctores 12
refutat, Apostolos Apostolicosq; viros plerumque panes querere, hoc est opes
ac facultates suas dilatare: quod nunc facere videntur Apostoli.

Notandum, pauper penu Christi, quòd vnum solum continebat panem. 13

Notandum: Quemadmodum boni præceptoris est, suorum defectus & 14
infirmities ad tempus dissimulare: ita deinde eiusdem est, tempore oppor-
tuno eos reprehendere ac obiurgare, seueriori que medicina curare: quod
Christus dominus facit. Dissimulauit bis iam incredulitatem Apostolorum in
panibus: nunc iam apertè exprobrat, & inculcat.

Notandum,

- 15 **N**Otandum, neq; sensum miraculorum, ac ne contactum quidem ipsum prodesse, nisi Christi lumen luceat: quod nunc Apostolis, non tantum panes contingentibus, sed etiam illis vescentibus contigit. Frustra igitur signa petuntur.
- 16 **N**Otandum: Quemadmodum superius curauit dominus surdum & mutum, ita nunc curat & cæcum: vt ostendatur perfecta nature nostre corruptio: neque enim tantum surdi aut muti fuimus, sed etiam cæci. A qua cæcitate vt liberaretur Dauid, supplex petiit: Illumina, Domine, oculos meos, ne vnquam obdormiam in morte: & ne dicat inimicus meus, præualui.
- 17 **N**Otandum, rogasse Betsaiditas Christum, vt cæcum tangeret, scientes quia tactus Domini, sicut leprosum mundare, ita etiam cæcum illuminare valeret.
- 18 **N**Otandum, multos esse, qui cum aliquo loco non possint esse capaces gratiæ Dei, ex eo educti capaces efficiuntur: quomodo Abraam eductus est de domo sua, & cognatione sua; Loth item, Iacob, & vniuersi Patriarchæ: quod & huic nostro cæco accidit, quem dominus manu prehensum educit, primum ex contubernio Betsaiditarum, deinde sanat. Ideo autem docet V. Beda: Cæcum hunc paulatim Dominum, & non statim repenteque curare, quem vno mox verbo, si voluisset poterat curare; vt magnitudinem humane cæcitatis ostenderet, quæ quasi pedetentim, & per quosdam profectuum gradus ad lucem diuinæ visionis solet peruenire: seu vt suæ nobis gratiæ crebra daret indicia, per quam singula nostre perfectionis incrementa, vt proficere aliquid possint, nec deficient, adiuuat.
- 19 **N**Otandum, iuxta dispositionem earum rerum quæ patiuntur, agentia operari. Eadem illa virtus Christi, quæ absens centurionis filium à morte plane excitauit, hæc ipsa nunc præsens, multis mediis adhibitis, cæcum simul illuminare non potest, quia subiectum non erat rectè dispositum. Magna fuit fides centurionis, magna etiam refert: nulla vel perexigua fides erat istius cæci, & Bethsaidarum, modica item refert.
- 20 **N**Otandum sputo ac manibus hunc à Domino sanari; vt ostendatur, quod sermo coniunctus operibus miraculum operari potest: sermonis quidè signum est sputum, vtrumque enim ab ore egreditur: operis verò, manus. Sermonem autem dico, laude dignum: similiter & operationem.
- 21 **N**Otandum cum Euthymio, cæcum hunc imperfectè primò curatum esse, vtpote imperfectè credentem: ideo etiam interrogatus, si quid videret; vt qui parum adhuc respiciebat, per modicum aspectum crederet perfectiùs, ac sanaretur perfectiùs; augmentoq; fidei augmentum promereretur sanitatis: sapiens enim erat medicus.
- 22 **N**Otandum, sine diuino lumine, vel nos penitus cæcos esse, vel vmbra potius rerum, quàm res ipsas videre: quomodo cæcus iste, primo manus Christi contactu, arbores motas pro ipsis hominibus videbat: quod & nobis sapiùs accidit, vt aliud videamus, & aliud nos videre arbitremur.
- 23 **N**Otandum, quæ prolixiùs de confessione Petri Matthæus perscripsit,

hæc breuissimè Marcum narrare. De remuneratione itidem, ne aliquid laudibus Petri præceptoris dare videretur: an quòd ita Petrus ipse voluerit, què ab omni auiditate laudis externæ fuisse alienissimum, certum est.

Notandum: Complexus est Petrus ea, quæ ad Christum pertinebant, 24 paucis verbis omnia: saluatorem nostrum Christum esse, cuius & naturam & nomen expresit, in quo summa virtutum est: nos etiam de generatione Dei differimus quæstiones: Cùm Paulus indicauerit, nihil se scire, nisi Christum Iesum, & hunc crucifixum: Petrus nihil amplius, quàm Christum Dei filium putauerit confitendum: nos & quando, & quomodo natus sit, & quantus sit, humanæ infirmitatis contemplatione rimamur. Finis ergo fidei meæ, Christus est: finis fidei meæ, Dei filius est. Non licet mihi scire generationis seriem: nō liceat tamen nescire generationis fidem.

Notandum: Viderunt Apostoli miracula Christi, viderunt morbos, mor- 25 tes, dæmonia, maria, ventos, vniuersam item naturam illi subiectam, tot milia hominum satiata, & ideo magnificum testimonium illi reddiderunt, eum scilicet esse filium Dei viui. Proponuntur eis nunc aduersa, primùm ne tanta gloria magistri superbiant: deinde vt maturè de rebus aduersis præmoneantur, adsuescantque non tantùm iucunda audire, sed etiam salutaria. Vnde præclarè quidam, sicut gubernator peritus, tempestatem in tranquillitate præcauens, nautas paratos vult esse. Denique vt probetur, quàm constans eorū ista confessio fuerit.

Notandum, labascere illum fortem Petrum, ad vnā solam mortis men- 26 tionem: mirè enim terretur animus in rebus secundis educatus, vel sola rerum aduersarum memoria. Et quemadmodum aurum probatur Lydio lapide, ita animus excelsus rerum aduersarum recordatione.

Notandum, Eum, qui hodie manè fuit constans confessor, vespere fieri 27 sathanam, nisi Deus teneat, & nisi cautè ambulemus: quod nunc Petro accidit: nunc Christum magnificè filium Dei prædicat, nunc increpat, à mortis proposito deterrens.

Notandum, nullum esse tam bonum institutum, quod dissuasore suo ca- 28 reat: quod nunc in Christo domino videtur. Salutem humani generis mediatatur, & Petrum dissuasorem habet.

Notandum: Malis consiliariis non modò parendum non est, sed etiam 29 acerbè, vt nunquam aliàs, obiurgandi: quod nunc Christus facit, Vade retro me Sathana, non natura sed consilio. Solus enim diabolus Christum pati noluit. Vnde Beda, Sathanas, inquit, interpretatur aduersarius, siue contrarius. Quia contraria, inquit, loqueris voluntati meæ, debes aduersarius appellari.

Notandum: Vbi Christus dominus animaduertisset, graue scandalum 30 ex memoria mortis suæ in animis discipulorum conceptum esse, rem totam grauius & magis seriò illis explicandam esse duxit: nec illis tantùm, sed quoniam commune negotium fuit, turbis etiam, vt iacula præuisa minus feriant: non sibi tantùm cælestis doctrinæ & cælestis gloriæ causa moriendum esse; verùm etiam omnes discipulos suos ad id paratos esse debere: nec ad quoduis genus mortis, sed & illud quod maximè infame & miserum esse putabatur, crucis

crucis inquam; quale post Petrus, quale Andreas subiit: nec qualicunq; conditione, sed sub poena interitus aut saluationis anime sue, cuius pretium est maximum. Hoc autem ita futurum esse, si non reddiderint sibi, doctrinaeque sue testimonium, sique illud abnegauerint; ut vicissim si confessi fuerint, eum se illos confessorum apud patrem, qui in caelis est, in cuius glorie consortium assumendi sint, cuius post dies aliquot gustum habituri essent.

31 **Notandum**, Adstruit hoc loco saluator noster, contra omnem Caluini impietatem, liberum arbitrium nostrum; cum non dicit, Qui sequitur me, abneget semetipsum; aut omnes sequantur me, & abneget semetipsos: sed sub ea conditione, Qui vult venire post me, abneget semetipsum: ac si diceret, liberum suum conseruet arbitrium. Abnegare autem seipsum, est alterum ex altero effici.

32 **Notandum**, Qui vult venire post Christum, debere abnegare seipsum, & sequi eum. Quid autem sit abnegare seipsum, & sequi eum, pulchre explicat ex Chrysostomo Theophilactus. Quid, inquit, sit abnegare seipsum, inde facile quisque colliget, qui ante, quid sit alium negare, cognouerit. Quid igitur est abnegare alium? Qui alium iam negauit, parentem nimirum, fratrem, aut familiarium quempiam, conspiciatque vim afferri, detrudi in carcerem, virgis terga lacerari, pro libidine potentis sequi in ceruices eorum; scelere illo audacium non mouetur, non accurrit auxilio, non adest cruciatu & contumeliis, si praesertim potens sit, suos non vindicat: estque plane instar eius, quem nulla iura iungunt parentibus aut consanguineis. Sic igitur nullo nos pacto corpori nostro parcere vult, ut neque si caeditur, neque si pellitur, neque si vritur, nec si quid aliud huiusmodi patitur, ei parcamus.

33 **Notandum**: Qui non abnegat semetipsum, nec sequitur Christum, nec odit animam suam, sed amat; perdet illam. Quid autem sit odisse animam suam, aut amare, quid perdere, aut inuenire; pulcherrimo explicat exemplo D. Gregorius. Sic dicitur, inquit, fidei: Qui voluerit animam suam saluam facere, perdet eam. Qui autem perdiderit animam suam propter me & Euangelium, saluam faciet: ac si agricolae dicatur: Frumentum si seruas, perdis: si feminas, renouas. Quis enim nesciat, quod frumentum, cum in semine mittitur, perit ab oculis, in terra deficit? sed vnde putrescit in puluere, inde virefcit in renouatione.

34 **Notandum**, Nihil pretiosius esse apud Deum, anima nostra. Quam, inquit, dabit homo commutationem pro anima sua? utpote, quae creatur omnipotenti dextera dei, ad imaginem & similitudinem eius; utpote, quae redempta sit sanguine illius, iuxta illud: Redemisti nos domine Deus in sanguine tuo: utpote, cui haereditas Dei comparata est: Venite benedicti patris mei. Hac autem nihil vilius apud nos: quam inanimati & modici auri nonnunquam, aut fetidae voluptatis causa prodimus.

35 **Notandum**, praemium verum confessionis: Qui me confessus fuerit coram hominibus, confitebor & ego eum coram patre meo. Magnum certamen & labor propositus fuit: proponuntur item ingentia praemia, ita ut labor ille in beneficio potius, quam in labore habendus sit. Sed illud Pauli diligenter considerandum, ne lingua illum nos nosse confiteamur, factis negemus.

Notandum, Verba Euangelij: Quemcunque puduerit mei meorumque 36
 sermonum in generatione hac adultera ac peccatrice; eius quoque pudebit
 filium hominis, cum venerit in gloria patris sui cum angelis sanctis; ea para-
 phrasi Euthymium exponere. Quisquis pudore tactus non ausus fuerit confi-
 teri me esse Deum, meosque sermones esse Dei, propter incarnationis humilita-
 tem; afflictiones & crucem; me quoque pudebit confiteri illum esse meum,
 quum venero, non iam abiectus ut nunc, sed gloriosus sicut pater meus. Opor-
 tet enim non modo credere, verumetiam liberè prædicare. Adulteram verò
 impiorum generationem appellauit, utpote à Deo, qui pietatis ac virtutis fa-
 tor est, deficientem, ac dæmoni adhærentem, qui impietatem ac malitiam
 feminat.

Notandum: Propositi sunt magni labores, proposita ingentia præmia: 37
 vnum illud deerat, ad quod vltimò mortales in hoc genere recurrere solent,
 Domine, quando hæc erunt? respondet Dominus tacitæ obiectioni, neque
 hæc diutius expectanda: Amen dico vobis, sunt de hic astantibus, qui non gu-
 stabunt mortem, donec videant filium hominis in gloria sua. Erant autem hi,
 Petrus, Iacobus, & Ioannes: Mirari autem hoc loco licet Christi benignita-
 tem, quòd Petrum, in quem tantopere insurrexerat, & quem tantopere obiur-
 gârat, primum illorum bonorum, quæ impedire volebat, inspectorem esse vo-
 luit: ita quamvis ille increpet, obiurget, feriat, non tamen abiicit: neque enim
 amat, & deserit.

Caput IX.



NOTANDVM: Præstantur promissa: dixerat Dominus, esse 1
 de circumstantibus, qui non gustabunt mortem, donec vi-
 deant regnum Dei veniens in virtute: hoc igitur nunc im-
 plet. Assumit eos, qui columnæ vocabantur, qui coryphæi
 Apostolorum erant, qui Cardinales censebantur, ducit eos
 in montem, rem sublimem ostensurus, transfigurat se in ocu-
 lis eorum: ac in omne futurum tempus exemplum datur, res magni arcani &
 mysterii inter paucos & præcipuos versari debere; contra quàm hæresis facit,
 quæ ipsum vulgus ad vulgus omnia reuocat. Ostenditur autem illis gloria,
 quæ ipsum sanguineo sudore sudantem visuri erant. Notat autem V. Beda,
 quòd semper loca rebus congruunt. In monte Dominus orat, transforma-
 tur, discipulis arcana suæ maiestatis aperit. In inferiora descendens, turbæ oc-
 cursu excipitur, miserorum fletu pulsatur. Sursum discipulis regni mysteria re-
 ferat: deorsum turbis peccata infidelitatis exprobrat. Sursum patris vocem
 iis qui sequi se poterant pandit: deorsum spiritus malos ab his, qui vexaban-
 tur expellit. Qui etiam nunc, pro qualitate meritorum, aliis ascendere, aliis
 verò non desistit descendere. Nam carnales adhuc & incipientes, quasi ima
 petens confortat, docet, castigat: perfectos autem, quorum conuersatio in
 cælis est, sublimiùs extollendo glorificat, liberiùs de æternis instruit; & sæpè,
 quæ à turbis ne audiri quidem valeant, docet.

Notandum: Non ita facilè est abnegare semetipsum, tollere crucem, 2
 sequi Christum, eos qui non gustauerunt suauitatem Christi, eiusque regni &
 gloriæ.

gloriæ. Quod etsi sensibilibus non ita frequenter fit, fuit tamen in multis, Nazianzeno, Francisco, Thoma, & aliis: in contemplatione tamen & meditatione frequentius euenire solet, ubi concalescit animus, & in meditatione exardescit ignis: ubi quemadmodum ceruus desiderat ad fontes aquarum, ita desiderat anima mea ad Deum fontem viuum. Sitiuit anima mea in te, quàm multipliciter tibi caro mea. In terra deserta, inuia, & in aquosa; sic in sancto apparui tibi, ut viderem virtutem tuam & gloriam tuam. Ad quem gustum nos prouocat Propheta: Gustate & videte, quoniam suavis est Dominus. Quo gustu, quoniam caremus plerique omnes; ideò nihil magnificum, nihil excelsum aggredimur: quali gustu nunc aspergitur Petrus, & alij: ideo dicit, Bonum est nos hic esse.

3 **Notandum:** Transfiguratus saluator non substantiam verę carnis amisit, sed gloriam futurę, vel suę vel nostrę, resurrectionis ostendit. Qui qualis tunc Apostolis apparuit, talis post iudicium cunctis apparebit, & electis. Nam in ipso tempore iudicandi, & bonis simul & malis in forma serui videbitur: ut videlicet impij quem spreuerent, Iudæi quem negauerent, milites quem crucifigere, Pilatus Herodesque quem iudicauerent, queant agnoscere iudicem.

4 **Notandum,** vestimenta Domini recte sanctos eius accipi, teste Apostolo, qui ait: Quicumque ergo in Christo baptizati estis, Christum induistis. Quæ videlicet vestimenta, Domino in terris consistente, despecta, aliorumque similia videbantur: sed ipso montem petente, nouo candore refulgent: quia nunc quidem filij Dei sumus, sed nondum apparuit quid erimus. Scimus autem, quia cum apparuerit, similes ei erimus: videbimus enim eum sicuti est.

5 **Notandum,** Christum Dominum inter Moysen & Eliam apparere, inter vitam speculatiuam & practicam, castam & coniugalem, ciuilem & solitariam: nam quidquid amplius est, ex malo est. Conuincuntur autem Manichæi, Marcion, & cæteri multi, qui Christum inimicum Moysis esse putauerunt, inimicum legis: quod pulchre annotat Theophilactus. Quoniam, inquit, multi Christum dominum, Deo aduersum & contrarium (utque eius verbo utar) antithemum, violatorem item sabbati, legisque Mosaicæ transgressorem esse opinabantur; medius inter prophetas in monte constitit: quorum quidem alter legislator, alter zelotes erat: cum nequaquam tanti latera eius circumdeditissent Prophetę, si legem cum soluere agnouissent, vel prædicationem improbassent.

6 **Notandum:** Inconstans auicula est homo: facile in quouis ramo confitit: sed & facile eundem deserit. Ecce nunc Petrus in modici temporis ramo conquiescere vult: metuens enim de monte descendere, ut qui timeret, ne cum Christo domino crucifigeretur, prodit metum & inquit: Domine, bonum est nos hic esse: ac si dictum vellet, ne nos amplius permisceamus Iudæis. Quod si huc etiam suo cæco impetu & rabie concitati, te perditum ire perrexerint, habemus Moysen, quo duce aliquando Deus Ægyptios cum curribus & equitibus proiecit in mare: habemus Eliam, cuius virtute & deprecatione effectum est, ut cum suis quinquaginta affeclis quinquagenarius quondam igne cælesti conflagraret. O quanta felicitas: exclamat hoc loco V. Be-da, visioni deitatis inter angelorum choros adesse perpetuò; si tantum trans-

figurata Christi humanitas, duorumq; societas sanctorum ad punctum visa delectat, ut eos, ne discedant, etiam obsequio Petrus sistere velit: qui etsi pro stupore humanæ fragilitatis, nesciat quid dicat, insiti tamen sibi dat affectus indicium. Nesciebat enim quid diceret, qui oblitus est regnum Dei sanctis à Domino, non alicubi terrarum, sed in cælis esse promissum.

Notandum: Nescit Petrus quid loquatur: sed quid mirum? Timet, gaudet, sperat, amat, irascitur: omnes igitur homines, qui de rebus magnis consultant, ut dicit Salustius, ab ira, odio, inimicitiiis, vacuos esse decet. 7

Notandum: Quia imprudenter interrogauerant, propterea responsionē domini non merentur: sed pater respondet pro filio, ut verbum domini compleretur: Ego testimonium non dico pro me, sed pater qui me misit, ipse pro me dicit testimonium: Hic est filius meus dilectus. 8

Notandum: quod Matthæus Dominum Marcusque post sex transfiguratum dicunt dies; nec temporis ordine, nec rationē mysterij discrepant à Luca, qui octo dies dicit: quia illi medios tantum ponunt dies, ut & absolutè post sex dies factum commemorant: hic primum, quo hæc dominus promisit, & ultimum, quo sua promissa compleuit, adiungit. Ideoque temperantiùs ferè dies octo ponit. 9

Notandum: Putauerunt discipuli, ex his quæ fiebant & dicebantur, iam præsentem resurrectionem, quam non intelligebant, atque adeò aduentum Christi adesse: & ideò à Christo quærunt, quomodo hæc fieri possint, quandoquidem Elias nondum aduenerit, qui iuxta Malachię prædictionem aduenire debuit? In quo autem errarent, mox apparebit. 10

Notandum, Duos debuisse Christi esse aduentus, alterum humilem in carnem, alterum magnificum ad iudicium; vterque præcursoresuum habere debebat, primus Ioannem, dictum per similitudinem Eliam, alter ipsum Eliam. 11

Notandum, & Phariseos & Discipulos in hoc errasse, quod confunderent eos aduentus, ac ex duobus vnum facerent. Hac autem potissimum ratione, Christi deterrebant discipulos, quod nondum Elias venisset: & ideò allegant Phariseos: Pharisei, inquit, dicunt, quod ante Christum debet venire Elias. 12

Notandum, Responsionis Christi eam esse summam, verum esse Eliam venturum, sed in secundo aduentu; & in primo iam venisse Ioannem: absurdè autem errare Phariseos, qui non distinguant inter hos aduentus. Nam quomodo hæc constabunt, Eliam ante aduentum venturum, & ad Messiam omnes adducturum, si tamen Messias patietur & crucifigetur? Ergo distinguendi erant isti aduentus. Fusiùs hæc & clariùs explicat Euthymius: Hoc, inquit, dixit, coniiciens in dubitationem responsionis ipsos scribas. Si enim secundum ipsos, quum nondum venerit Elias, nondum venit Christus: Elias autem quum prius venerit, restituet omnia; hoc est, veniet & conuertet omnem Iudæum ad Christum: quomodo scriptum est de filio hominis, siue de Christo, ut à Iudæis multa patietur? Si enim ad ipsum conuertendi sunt, quomodo ab ipsis multa patietur? Itaq; Elias Thesbites ante secundum Christi aduentum venturus 13

uenturus est, quando hi, qui tunc erunt, Iudæi conuertentur ad ipsum. Nunc autem primus Christi aduentus est, quum à Iudæis multa patitur, cuius præcursor non Thesbites, sed Ioannes.

14 **N**otandum, Christo domino absente, ac gloriam suam principibus populorum ostendente, nouem discipulos otiosos non fuisse, sed instructioni populorum ac sanandis morbis deditos fuisse: quod utinam nunc Apostolici viri faciant itidem, ut cum veniat princeps pastorum, coronam referant immarcescibilem.

15 **N**otanda est in omnibus locis distantia mentis scribarum & turbæ. Erat enim cum discipulis turba, erant & scribæ: sed adueniente Domino, mox omnis turba stupefacta expauit eum, salutans accurrit. Scribæ nihil deuotionis, fidei, humilitatis, & reuerentiæ ei exhibuisse narrantur. Quid autem cum discipulis domini turbæ siue scribæ conquirent, Euangelista non dicit. Potest verò, nifallor, aptè intelligi de hoc quæstionem fuisse motam, quare ipsi cum essent discipuli saluatoris, saluare dæmoniacum, qui in medio erat positus, nō possent: quod ex sequentibus Euangelij verbis potest coniici, dum dicitur: Et interrogauit eos, Quid inter vos conquiritis? Et respondens vnus de turba, dixit: Magister, attuli filium meum ad te, habentem spiritum immundum. Et dixi discipulis tuis, ut eiicerent illum, & non potuerunt.

16 **N**otandum: Iustis & sanctis expectantibus Dominum, iucundissimus & suauissimus erit aduentus domini, quomodo nunc turbæ, aliquanto tempore expectantes dominum, eundem redeuntem salutant, amplectuntur, adorant. Quis nobis item aliquando dabit, benignos & misericordes pedes eius amplexari?

17 **N**otandum, consuetum esse vulgo & laicis, Apostolos Apostolicosque viros accusare: quomodo nunc turbæ accusant Apostolos, in eos infidelitatis culpam suæ referunt, eos causantur.

18 **N**otandum: Quemadmodum vulgare est turbis, Apostolos doctoresque suos accusare; ita itidem solenne est Christo, his talibus accusationibus offendi, easque obiurgare: quod nunc Christus facit, turbas obiurgat, infidelitati eorum omnia adscribit, Apostolos excusat. Quod omnes item viri boni, pij & prudentes facere debent. Nunc prima concionatorum popularium laus est, sacerdotes & presbyteros obiurgare: quod Christus non fecit: omnem enim accusationem in ipsum delatorem reiecit. Est autem Christi verborum hic ferè sensus. Tua incredulitate factum est, ne filius à dæmonio liberaretur. Quod quidem non soli, qui attulerat filium, exprobrat; sed Iudæis quotquot tum ibi aderant audientibus dicit; quasi commune tunc, quod omnium peruaferit ingenia, malum, diffidentiam, inquam, & incredulitatem coarguens accuset.

19 **N**otandum: Allatum domino puerum spiritus conturbat & elidit: quia sæpè, dum conuerti ad dominum post peccata conamur, maioribus nouisq; antiqui hostis pulsamur insidiis. Quod ob id utique callidus facit aduersarius, ut vel odium virtutis incutiat, vel expulsionis suæ vindicet iniuriam: hinc est enim (ut de specie transeamus ad genus) quòd ecclesiæ sanctæ primordiis tot
grauissima

grauissima inferebat certamina persecutionum, quod suo regno dolebat subito animarum illata fuisse dispendia.

Notandum: Falsò mentitur hæresis, Calvinus autem inprimis, Homi- 20
nem ad iustitiam nihil suum asserre, cum hoc loco Christus dominus euiden-
ter doceat, Istius puerum neque à discipulis neq; à se potuisse curari, propter
incredulitatem: nec prius perfectè curatum esse, quàm illi maiorem quæsiue-
rint fidem. Vnde ipsi precantur, Adauge nobis, Domine, fidem.

Notandum: Erubescat Iulianus, qui dicere audet, omnes homines abf- 21
que peccati contagione nasci in carne, tam innocentes per omnia, quàm fuit
Adam, quando creatus est. Quid enim habuit iste puer, ut ab infantia dæmo-
nio vexaretur acerbissimo, si non vlllo peccati originalis vinculo tenetur, què
constat nullum adhuc proprium potuisse habere peccatum? Confiteatur ca-
tholicus, quia nemo immunis à noxa primæ præuaricationis nascitur, & inuo-
cet gratiam Dei, qua liberetur de corpore mortis, per Iesum Christum domi-
num nostrum. Intelligat scriba doctus in regno cælorum, in hoc dæmoniaco
à domino curato, saluationem omnium fidelium esse designatam, qui origi-
nalis culpæ reatu astricti, veniunt in hunc mundum, nec nisi vnius redempto-
ris Iesu Christi fide & gratia sunt saluandi.

Notandum est, contra huius seculi hæreses, fidem gradus suos habere ac 23
incrementa: quod nisi esset, nunquam iste ita precaretur. Credo Domine, ad-
iuua credulitatem meam. Nemo igitur desperare debet, si non plenam statim
habet fidem; sed potius Deum bonorum omnium autorem orare, Christum-
que eius filium, ut adiuuet eius incredulitatem. Vnde præclare hoc loco V.
Beda: Nemo repente fit summus, sed in bona conuersatione à minimis quisq;
inchoat, ut ad magna perueniat. Alia namque sunt virtutis exordia, aliud pro-
fectus, aliud perfectio.

Notandum, Propter peccata hominū, dæmonia quæ semel eiecta sunt, 24
vel ex animo, vel ex corpore, iterum redire. Vnde nunc Christus dæmonio
interminatur, ne iterum in puerum curatum redeat.

Notandum, Permissu diuino hominem à dæmone allidi: ut hinc cogno- 25
scatur, quanta sit nequitia dæmonis, qui ad internecionem vsque affligeret
hominem, nisi potenti Dei dextera tegeretur.

Notandum, proiici oppressum à dæmone in ignem, furoris & concupi- 26
scentiæ ardorem; & in aquam, negotiorum huius seculi procellas: vel ad volu-
ptates carnis, quæ dissoluere mentem per delicias solent. Oppressor autem
hic, mutus est & surdus: Surdus quidem ad audiendum veritatis sermonem:
mutus autem, ut qui cæteros docere nequeat, quæ ad salutem sint necessaria.

Notandum, Euenire plerunque peccatis hominum, ut eam gratiam quā 27
gratis à Deo obtinuimus, peccatis iterum nostris offenso Deo amittamus:
quod hoc loco Apostoli perhorrescere videntur. Vbi enim dæmoniacum cu-
rare non possunt, quærunt à Domino diligenter & sollicitè, quæ causa ipsa sit,
cur dæmonia illis non pareant; aut num aliquo peccato datam sibi à Christo
gratiam eiiciendorum dæmoniorum amiserint. Refert huius rei pulchrum
exemplum D. Gregorius: Iustiniani, inquit, temporibus, dum contra Catho-
licorum

licorum fidem exorta à Vandalis persecutio Ariana in Africa vehementer infaniret, quidam in defensione veritatis Episcopi fortiter persistentes, ad medium sunt deducti. Quos Vandalorum Rex verbis ac muneribus ad perfidiam flectere non valens, tormentis frangere se posse credidit. Nam cum eis in ipsa defensione veritatis silentium indiceret, nec tamen ipsi contra perfidiam tacerent, ne tacendo forsitan consensisse viderentur, raptus in furorem, eorum linguas abscindi radicitus præcepit. Res mira, & multis nota senioribus, quia ita pro defensione veritatis etiam sine lingua loquebantur, sicut prius loqui per linguam consueuerant. Hi itaque eo tempore profugi ad Constantinopolitanam urbem venerunt. Eo quoque tempore, quo pro responsis explendis ecclesiæ, ad principem ipsè transmissus sum, seniore quendam Episcopum reperi, qui se adhuc eorum ora sine linguis loquentia vidisse testabatur, ita ut apertis oribus clamarent: Ecce videte, quia linguas non habemus & loquimur. Videbatur enim à respicientibus, ut ferebat, quia abscissis radicitus linguis, quasi quodam baratrum patebat in gutture; & tamen ore vacuo, plena ad integrum verba formabantur. Quorum illic vnus in luxuriam lapsus, mox priuatus est dono miraculi; recto videlicet Dei omnipotentis iudicio, ut qui carnis continentiam seruare neglexerat, sine lingua carnea non haberet verba veritatis.

28 **Notandum**, Insigniter mentiri hæreses, ieiunium & orationem meritoria non esse, Deumque non placare: cum apertè Christus dominus doceat, dæmonia non eiici nisi merito ieiunij & orationis. Negat Caluinus: affirmat Christus: tu vide utrum potius sequare, aut vtri credas. Ieiunium autem intelligit, tam eius ex quo dæmonia eiiciuntur, quam eius qui eiicit. Vbi item notes, ieiunium, orationem, & fidem, inseparabilem sodalitatem esse.

29 **Notandum**, Turbas solitudinem, res lætas mœsta, in vita Christi & Apostolorum excipere. Ideò toties illis mortis suæ & resurrectionis memoriam inculcat, ut hac quasi frequenti commonitione, familiares eis res duas maximas efficiat, ne incautos opprimant. Nam etsi tam & diligenter & frequenter hæc illis inculcata sunt, tamen post relicto illo fugerunt omnes.

30 **Notandum**, stultam & importunam rem esse ambitionem, nihil tempore suo agentem. Christus de morte & passione sua prædicit, rebus acerbis, & tristibus: isti de maiestate contendunt, planè tempore suo.

31 **Notandum**, Hoc esse vitium naturæ nostræ, ut aliena nos minùs moueant, nos nostræque amemus & curemus omnes. Parum mouit Apostolos passio & crux Christi: at de suis augmentis & honoribus multa cura.

32 **Notandum**: Nemo est, quem suæ ambitionis non poeniteat: nam & isti erubescunt fateri, quid inter se colloqui sint.

33 **Notandum**, Magnum argumentum esse diuinitatis Christi, ad occultos sermones Apostolorum respondere, ac eos refutare.

34 **Notandum**: Via & regula crescendi hæc est, ut quanto quisque præstantior vult esse, tanto se magis deiiciat. Si quis vult primus esse inter vos, erit omnium nouissimus & omnium minister. Hinc illud Ecclesiastici: Quanto magnus es, humilia te in omnibus, & coram Deo inuenies gratiam; quoniam magna potentia Dei solius, & ab humilibus honoratur. No-

NOtandum, Quo scopo & fine Christus dominus paruulum in medium ³⁵
Apostolorum adduxerit. Explicat eius rei causam pulchrè V. Beda : Curat, in-
quit, desiderium gloriæ, humilitatis contentione sanari; primatumque non
esse quærendum, & prius simplici humilitatis commonet imperio, & mox pu-
erilis innocentiae docet exemplo. Quod enim ait : Quisquis vnum ex huiusmo-
di pueris receperit in nomine meo, me recipit; vel simpliciter pauperes Chri-
sti, ab his qui velint esse maiores, pro eius ostendit honore recipiendos; vel
certè malitia paruulos ipsos esse suadet, vt instar ætatis paruulæ, simplicitatē
sine arrogantia, charitatem sine inuidia, deuotionem sine iracundia con-
seruent.

NOtandum, Quòd amplexatur puerum Christus dominus, significat hu- ³⁶
miles suo dignos esse complexu ac dilectione : talesq; cū impleuerint quod
præcepit, Discite à me quia mitis sum, & humilis corde; iure posse gloriari ac
dicere : Læua eius sub capite meo, & dextera illius amplexabitur me.

NOtanda gradatio : qui pauperes & humiles recipit, Christum recipit : ³⁷
qui Christum recipit, patrem recipit, & consequenter & spiritum sanctum, at-
que ita totam sanctam Trinitatem. Et contrà, qui pauperes reiicit, hos om-
nes reiicit & excludit. Vnde Beda hoc loco : Talem se vtique ac tantum cre-
di vult, qualis & quantus est pater. Vsq; adeò enim, inquit, nihil distat inter
me & eum, vt qui me receperit, recipiat & eum qui misit me.

Philip. i.

NOtandum, Omni modo nomen Christi celebrandum, Euangeliumque ³⁸
prædicandum, modò non contra Christum : quod pluribus D. Paulus expli-
cat : Scire autem, inquit, volo vos fratres, quia quæ circa me sunt, magis ad
profectum venerunt Euangelij, ita vt vincula mea manifesta fierent in Chri-
sto, in omni prætorio, & in cæteris omnibus, vt plures è fratribus in domino,
confidentes in vinctis meis, abundantius auderent sine timore verbum Dei
loqui. Quidam quidem & propter inuidiam & contentionem : quidam autē
& propter bonam voluntatem Christum prædicant. Quidam ex charitate, sci-
entes, quoniam in defensionem Euangelij positus sum. Quidam autem ex cō-
tentione Christum annunciant, non sincere; existimantes pressuram se susci-
tare vinctis meis. Quid enim? Dum omni modo, siue per occasionem, siue
per veritatem Christus annuncietur; & in hoc gaudeo, sed & gaudebo.

NOtandus fuit hic, Christi nomine miracula faciens; exemplum, & do- ³⁹
cumentum in futurum, non suffecturum paruū gregem ad prædicandum E-
uangelium Christi, sed laudabile nomen eius futurum à solis ortu vsq; ad oc-
casum, & ad fines orbis terrarum.

NOtandum : Nomen Iesu Christi & signum crucis, etiam ab his prolata ⁴⁰
& vsurpata, qui fidem non habent, vi & natura sua valere : quod in hoc iuue-
ne cernere est : de cruce autem in Iuliano, & in Iudæo, de quo S. Gregorius.

NOtandum, Prædixisse de hoc genere hominum Christum Dominum, ⁴¹
locumq; hunc prolixius explicasse apud Matthæum : Multi, inquit, venient in
illo die dicentes : Domine, Domine, nōne in nomine tuo prophetauimus, &
in nomine tuo dæmonia eiecimus, & in tuo nomine virtutes multas fecimus?

NOtandum, Prædicationem aut signorum operationem, sine missione ⁴²
aut

aut grege Christi, posse quidem esse multis vtilem, iis tamen qui ea vtuntur, non satis securam: quod pulchrè docet V. Beda: Licet Apostolus gaudeat etià de his, qui Christum anunciant non syncerè, & tales aliquando in nomine Christi signa facientes, ob aliorum salutem, censeantur non esse prohibendi; non tamen ipsis per talia signa secura sua conscientia redditur: quin potius in illa die, cum dixerint, Domine, Domine, nonné in nomine tuo prophetauimus, & in nomine tuo dæmonia eiecimus? responsum accipient, Quia nunquam noui vos: discedite à me omnes, qui operamini iniquitatem.

43 **Notandum:** In hæreticis & malis Catholicis, non sacramenta communia, in quibus nobiscum sunt, & aduersum nos non sunt; sed diuisionem pacis veritati contrariam, qua aduersum nos sunt, & Dominum non sequuntur nobiscum, detestari ac prohibere debemus.

44 **Notandum:** Extraordinaria hæc miracula facta sunt, cum nondum ordinaria missio facta esset, & cum nondum Apostolis dictum esset, euntes in mundum vniuersum, prædicate Euangelium: & ideo neque hæretici, neque Apostatæ se illa tueri possunt.

45 **Notat** autor operis Imperfecti, eiicere dæmones, commune esse opus inter ministros Dei & ministros diaboli: veritatem autem confiteri & iustitiam facere, priuatum opus esse tantummodò sanctorum. Ideo quem videris dæmonia eiicientem, si non est confessio veritatis in ore eius, nec iustitia in manibus eius, non est homo Dei. Si autem videris veritatem confitentem, & iustitiam facientem, etsi dæmonia non eiicit, homo Dei est. Ecce si tu, & vicinus tuus, habeatis simile signum vnusquisque in equo suo, & perierint ambo, & inuentus fuerit ex eis vnus, nunquid curris & dicis, meus est equus, quia hoc signum habet? Dicit enim tibi vicinus, & meus equus hoc signum habuit. Quid ergo? Neceffe habes aliud signum priuatum, quod vicinus tuus non habet in suo. Si ergo in cognoscendis animalibus sic sapias, quomodo in cognoscendis seruis Dei sic non intelligis? Sed per illud signum vis cognoscere seruos Dei, quod habent & serui diaboli: cum magis deberes aspicere, quod habent soli serui Dei.

46 **Notandum:** Soluit hoc loco contradictionem quandam Theophylactus in hunc modum: Videtur, inquit, sibi Dominus contraria dicere. Cum alibi dixerit: Qui non est mecum, contra me est: nunc dicat: Qui non est contra nos, pro nobis est: quæ quidem non ita sunt, quàm videntur contraria. Nam illud, Qui non est mecum, contra me est, dictum de dæmonibus, quorum ea vna cura est, hoc vnum studium, vt homines Dei seruitio addictos, à Deo auocent & abstrahant, ac ea quæ Dei sunt, hostiliter & infestè longè lateque dispergant: quod autem nunc dictum est, de iis debet accipi, qui quamuis ordinis Apostolici non sint, pro viris tamen Apostolicis se gerentes, multos prædicatione Euangelij signorumque operatione Christo lucrifaciunt.

47 **Notandum:** Velle Christum Dominum nomen suum sanctificari, propagari, omniaque causa illius fieri: quod hoc loco videmus. Persentiant ergo illi, qui nomen eius aut blasphemant aut deformi vita contaminant, aut illius causa nihil facere volunt, quanto se flagitio obligent ac scelere.

Fff

Notan-

Notandum, auferri omnem occasionem excusationis in peccatis illis, 48
qui opera misericordiae pro nomine Christi exercere nolint, his verbis: Quis-
quis enim potum dederit vobis calicem aquae frigidae, in nomine meo, quia
Christi estis, Amen dico vobis, non perdet mercedem suam. Ac si diceret, pau-
pertatem excusare non potes, da vrceum aquae: neque calidam peto, quam
non omnes habere possunt; sed frigidā, quae omnibus patet & communis est.

Notandum: Quoniam autem maximè male audit nomē Dei in gentibus, 49
propter scandala, quae inter nos oriuntur, & quae paruulis siue ætate siue pro-
fectu dantur (qui enim magnus est, quaecunque viderit, quaecunq; passus fue-
rit, non declinat à fide: qui autē pusillus est animo, & paruus occasiones quæ-
rit, quomodo scandalizetur) ideo maximoperè à scandalis dehortatur. Quo-
rū quoniam duo genera sunt, data & accepta; primū nos saluator à datis gra-
uissima commonitione deterret: Bonum est, inquit, illi homini, qui scanda-
lizauerit vnum ex his pusillis, credentibus in me, si circumdaretur mola asina-
ria collo eius, & in mare mitteretur. Deinde ab acceptis, dum res quasuis cha-
rissimas, quasuis vtilissimas, quasuis maximè necessarias, vt oculum, vt manum,
vt pedem, relinquere iubet, idque sub graui poena ignis inextinguibilis & ver-
mis perpetui.

Notandum: Ter saluatorem nostrum, ad extinguendam impudentiam 50
hæreticorum, ignem gehennæ nominare, qui putabant errantes, ignem hunc
metaphysicum esse. Quo eodem loco refutantur Origenistæ, qui putabant
poenas inferni temporales esse, ac aliquando Dei misericordia desituras. Ter
hoc loco saluator vocat ignem inextinguibilem, hoc est æternum.

Notandum: Vermis non moriens, & ignis inextinguibilis, quæ dies no-
ctesque poenas à sceleratissimis quibusque repetunt, suæ cuiusque fraudes, sui
terrores, sua cuiusque scelera, suæ malæ cogitationes conscientiaque animi
sunt, & recordatio omnium impiè & sceleratè, in vita præsertim antea acta
commissorū: quæ tanquam vermes corrodunt & consumunt, ac quemad-
modum ignis incendunt & exurunt peccatorem. Vnde pulchrè V. Beda: In
verme putredinem gehennæ, sicut in igne ardorem designat: vt ignis sit pœ-
na extrinsecus seuiens, vermis dolor interius accusans.

Notandū: Quoniā Saluator dixit, oculos effodiendos esse, manus & pe- 51
des abscindendos; ideò ne quis hæc imprudenter intelligat, ac inde scandali-
zetur, ad omnem hanc doctrinam suam rectè intelligendam, duobus esse opus
docet, igne & sale. Igne charitatis, sale sapientia; quibus duabus rebus omnia
in re Christiana metienda sunt. Concordiam autem ante omnia illis com-
mendat, quam sal sapientia cohærere facit. Verū quia sunt nonnulli, quos
dum maior scientia erigit, à cæterorum societate disiungit, & quasi quo plus
sapiunt, eò longius à concordia virtute desipiscunt; rectè subiungitur: Habe-
te in vobis sal, & pacem habete inter vos. Per sal quippè, verbi sapientia desi-
gnatur: Qui ergo loqui sapienter nititur, magnoperè metuat, ne eius eloquio
audientium vnitas confundatur. Sal quippè sine pace, non virtutis est donū,
sed damnationis augmentum. Quo enim quisque melius sapit, eò deterius de-
linquit. Et ideò in excusabiliter merebitur supplicium, qui prudenter, si volu-
isset, potuit vitare peccatum. Vel vt Euthymius. Dicitur, inquit, sal pruden-
tia &

tia & gratia: quemadmodum dicit Paulus, Sermo vester semper in gratia sale *Colos. 4.* conditur.

52 **N**otandum: Mirè dictum est, Omnis igne salietur. Quod enim sale salitur, vermis putredinem arcet. Quod verò igne salitur, id est ignibus sale aspersis conditur, non solum omnem vermium contagionē longè abigit, sed ipsam quoque, quæ ita salitur, carnem consumit. Quod in hostiis, quæ in altari cremabantur, fieri solere, diuinæ legis scita declarant, vbi in omni victima & sacrificio sal offerri præceptum est.

53 **N**otandum: Bonum est Dei verbum audire, frequentius sale sapientiæ spiritualis cordis arcana condire, imo ipsum cum Apostolis sal terræ fieri, id est eorum quoque, qui adhuc terrena sapiunt, imbuendis mentibus sufficere. At si quis semel veritatis condimento relictus, ad apostasiam redierit; quo alio doctore corrigitur, qui eam quam ipse gustauit sapientiæ dulcedinem, vel aduersis seculi perterritus, vel allectus prosperis, respuit? Cui aptè congruit illud viri sapientis: Quis medebitur incantatori, à serpente percusso?

NOTARVM

IN D. MARCV. LIB. II.

Caput X.



NOTANDVM: POSTQVAM SALVATOR NOSTER, EX finibus Iudææ & Galilææ gentiū, expurgauit aream suā, nunc in ipsam aream ingreditur, Iudæam inquam; frumenta sua in cellas patris comportaturus: sed non eundem affectum erga se inuenit, quem affert. Affert ipse amoris & charitatis affectum: inuenit inuidiæ, calumniæ, insidiarum. Incipit autem ea narrare, quæ in Iudæa fecit, & docuit, & passus est. Et primò quidem trans Iordanem ad orientem, deinde etiam cis Iordanem, quando venit Iericho, Betaniam, & Hierosolymam. Nam cum omnis Iudæorum prouincia generaliter, ad distinctionem aliarum gentium, Iudæa dicta sit; specialiùs tamen meridiana eius plaga appellatur Iudæa, ad distinctionem Samariæ, Galilææ, Decapolis, & cæterarum in eadem prouincia regionum.

2 **N**otandum, Hierosolymam eiusq; ministros, scribas & Phariseos, alteram iam ferre ad Christum quæstionem, de repudio inquam vxorum: quæstionem plenam odij & insidiarum: non vt aliqua ipsa, aut discat, aut doceat; sed vt potius turbam impediatur, ac perturbetur, & à doctrina Christi reuocetur. Est autem solenne hoc diabolo, vt per quæstiones inutiles, siue ab hæreticis præpositas, siue ab incautis & curiosis Catholicis, populum Dei ab utili & salutari doctrina reuocet: quod nostra ætas abundè, magna verbi Dei & doctrinæ Christi iactura, experitur. Pauca enim quædam de moribus, pauca de vita & honestate docentur: omnia ad inanes quæstiones referuntur.

Fff 2

Notandum:

NOtandum : Quamvis hæc quæstio fraudulenter & insidiosè Christo 3
proposita sit; multa tamen vtilia & salutaria, ex parte Christi nobis peperit, de
his quæstionibus, quæ ad vitam nobis pernecessariæ sunt; & de quibus per
omne ævum, tam inter Catholicos, quàm inter hæreticos difficultates exoriri
debeant; inseparabili, inquam, matrimonij vinculo, & de monogamia, ex
quibus vsus vitæ humanæ pendet. Vnde præclarè hoc loco D. Chrysostomus:
Perpende, inquit, quomodo ab aliorum maliciosis quæstionibus non parum
alii lucrantur. Nam Pharisei quidem, qui vt caperent, non vt discerent, inter-
rogabant, nihil inde consecuti abierunt: discipuli verò attentè cuncta perci-
pientes, multa didicerunt.

NOtandum : Multa facere solet aliquando Deus ipse, non tam ad primam 4
voluntatem suam, quàm ad duritiam cordis nostri: quod in diuortio nunc fe-
cisse legitur. Quod idem Ecclesia Dei necesse habuit sequi, vt multa ab an-
tiquo ritu ad nouum, ob duritiam posterioris temporis, reuocare necesse ha-
buerit: quales sunt secundæ & tertiæ nuptiæ, qualis nocturnarum vigiliarum
substractio, qualis ieiuniorum contractus, & alia multa. Simulque consideran-
dum, quòd non dixit, propter duritiam cordis vestri permisit vobis Deus, sed
Moyses: vt iuxta Apostolum sit consilium hominis, non imperium Dei.

NOtandum, Solere discipulos in tricis Phariseorum & scribarum non- 5
nunquam immorari: quod nunc etiam de connubio agunt, quos tamen Chri-
stus eo nomine non obiurgat, sed potius docet & instruit.

NOtanda sunt ea argumenta, quæ Christus colligit ad id demonstrandū, 6
quòd à principio sic non fuerit: quòd scilicet aliquis repudium daret, aut plu-
res vxores haberet.

Primū, quòd Deus masculum & foeminam fecit eos, non masculum & 7
foeminas plures.

DEinde, quòd propter vxorem relinquet homo patrem & matrem suam: 8
ergo vxorem nullius causa dimittere debebit, cum patre & matre nihil maius
sit. Deinde quòd vnum corpus & caro sunt: corpus autem nostrum relinque-
re non possumus, neque vllam eius partem. Deinde quòd quæ Deus con-
iunxit, homo non separare debet: nam hoc esset cum Deo pugnare.

NOtandum, Duas esse causas diuortij: vnam carnalem fornicationem, 9
alteram spiritualem timorem Dei, vt vxor dimittatur, sicut multi religionis
causa fecisse leguntur. Nulla autem causa est Dei lege perscripta, vt viuente
ea, quæ relicta est, alia ducatur. Quam pulchrè D. Gregorius illustrat: Per se,
inquit, veritas dicit, Quæ Deus coniunxit, homo non separet. Quæ etiam ait:
Non licet dimittere vxorem, excepta causa fornicationis. Quis ergo huic cæ-
lesti legislatori contradicat? Scimus quia scriptum est, Erunt duo in carne v-
na. Si ergo vir & vxor, vna caro sunt, & religionis causa vir vxorem dimittit,
vel mulier virum in hoc mundo remanentem, vel fortasse ad illicita migran-
tem; quæ est ista migratio vel conuersio, nisi quia vna eademque caro & ex
parte transit ad continentiam, & ex parte remanet in pollutionem? Si verò v-
trisque conueniat continentem vitam ducere; hoc quis audeat accusare? quan-
do certum est, quòd omnipotens Deus, qui minora concessit, maiora non
prohibuit:

prohibuit? Et quidem multos sanctorum nouimus, cum suis coniugibus & prius continentem vitam duxisse, & postmodum ad sanctæ ecclesiæ regimina migrasse. Duobus enim modis sancti viri, etiam à licitis solent abstinere: aliquando ut merita sibi apud omnipotentem Deum augeant, aliquando verò ut antea actæ vitæ culpas detergant. Tres enim pueri in Regis Babylonici obsequium deducti, legumina ad vescendum petentes, cibis regis uti noluerunt: non quia culpa esset, si ea quæ Deus creauerat ederent. Noluerunt ergo ea sumere, quæ licebat, ut per continentiam virtus excresceret. Dauid verò qui alienam uxorem tulerat, & pro sua culpa fuerat flagellatus, aquam bibere longè post de Betlehemitica cisterna noluit, eamque fundendo, Domino libauit. Licebat enim bibere, si voluisset: sed quia illicita se fecisse meminerat, laudabiliter à licitis abstinere. Et qui prius pro culpa sua morientium militum sanguinem fundi non metuit; postmodum si aquam biberet, etiam viuientium militum sanguinem se fudisse iudicauit, dicens: Num sanguinem istorum hominum, qui profecti sunt, & animarum periculum bibam? Proinde cum boni coniuges aut meritum augere desiderant, aut antea actæ vitæ culpas delere, ut se ad continentiam adstringant, & meliorem vitam appetant, licet. Si verò continentiam, quam vir appetit, uxor non sequitur, aut quam uxor appetit, vir recusat; diuidi coniugium non licet: quia scriptum est: Mulier sui corporis potestatem non habet, sed vir: & vir sui corporis potestatem non habet, sed mulier.

10 **Notandum**, apud Dominum fontem esse vitæ: ut ergo ad fontem omnes currunt, siue claudi, siue muti, siue cæci, & omne aliud genus hominum, pueri, iuuenes & senes; ita ad Christum dominum, qui est fons vitæ, omne genus hominum currit & adducitur. Sed & pueri planè infantes, & quemadmodum, qui à fonte arcet homines, fonti iniuriam facit; ita discipuli, qui prohibebant pueros, ipsi fonti Christo iniuriam facere videbantur, & ideo meritò increpantur.

11 **Notandum**, Illum paruulos à Christo arcere, qui rudes & simplices homines ab usu sacramentorum arcet & prohibet.

12 **Notandum**, Duas fuisse præcipuas virtutes, quas Christus in omni doctrina sua docuit, quas omni vita sua repræsentauit, quas omnibus signis & parabolis adumbrare voluit: Humilitatem, inquam, ac simplicitatem veritatis. Has easdem, hac puerorum præsentatione, & suauis amplexu, discipulis suis præsentat, & commendat: ut quos nuper de maiestate contententes deprehendit.

13 **Notandum**, amplexum hunc puerorum, tantamque humanitatem, quæ illis exhibetur, non tam ad pueros pertinuisse, quam ad Apostolos: omnesque qui ad humilitatem & veritatem prouocantur, declarant hæc verba: Talium, inquit, est regnum cælorum: non dicit horum, sed talium, id est horum similium. Vnde V. Beda significanter dixit: Talium est, non istorum; ut ostenderet non ætatem regnare, sed mores: & his, qui similem haberent innocentiam & simplicitatem, præmium repromitti, Apostolo quoque in eandem sententiam congruente: Fratres nolite fieri pueri sensibus, sed malitia paruuli estote, sensu autem ut perfecti sitis.

Notandum : Quem dulcis amplexus Christi delectat , humilis sit & syn- 14
cerus, & in eo conquiescet ac oblectabitur. Quo loco Beda V. Complexus,
inquit, benedicit paruulos, vt humiles spiritu sua benedictione, gratia, & dile-
ctione dignos esse significet.

Notandum, Benedictionem & impositionem manuum, plurimum ad o- 15
mnem successum valuisse, iam à Patriarcharum temporibus discimus : & nunc
hoc ipsum Christus in pueris docet, dum eis benedicit, eosque amplexatur.
Quæ omnia hæresis ridet & contemnit, exorcismos magicos ritus vocat, nul-
lo suo successu.

Apprimè notandum est, post tot millia hominum, quæ ad Christum hac- 16
tenus venerunt, multarum necessitatum causa, visus alij, auditus alij, à dæmo-
nibus liberationis alij, multis aliis de causis alij, primum hunc adolescentem
reperitum esse, qui ea causa ad Christum veniret, idque ab illo interrogaret :
Magister bone, quid faciendo vitam æternam possidebo ? Omnes præsentia
curant : hic solus futura. Ideò annotat Euangelista, quòd Christus dilexerit il-
lum. Sed & nunc quærimus alij alia, honores alij, opes alij, voluptates alij :
quærit mundus, quærit hæresis, quærit schola quid in cælis, quid in terra, quid
in profundo fiat : rara quæstio, quid faciendo vitam æternam possidebo ? at-
qui hoc vnum erat necessarium.

Notandum : Cur Christus dominus se bonum appellari prohibet, cùm 17
peccatum non fecerit, nec dolus est inuentus in ore eius : & aliàs dicit : Ego
sum pastor bonus ? An vt istum ab assentatione abducat ? an vt aliquid profun-
dius de se & credere & quærere cogat, eum scilicet non solum magistrum esse
bonum, cùm nemo natura sit bonus, nisi solus Deus ? Ergo eo ampliùs Deum
confitendum esse. Vnus autem Deus bonus, non pater solus intelligendus
est, sed & filius qui dicit : Ego sum pastor bonus ; sed & Spiritus sanctus, quia
pater de cælo dabit spiritum bonum petentibus se. Id est, ipsa vna & indiui-
dua Trinitas pater, & filius, & spiritus sanctus, solus & vnus Deus bonus est.
Quam confesionem ipsa quoque delectatione boni exprimere voluit.

Notandum, Multas esse vias consequendæ vitæ æternæ : distinctas illas 18
quidem, non tamen pugnantes, sed secundum quosdam gradus perfectionis
& profectus distinctas : quemadmodum hoc loco Christus consecutionem vi-
tæ æternæ primum tribuit mandatis Dei : deinde distributioni in pauperes
bonorum suorum, imitationi sui, crucis portationi. Quorum primum illud,
necessitatis & præcepti est : hæc posteriora, commoditatis & consilij. Frustra
igitur turbat mundum hæresis illis inutilibus quæstionibus, de iustificatione,
vtrum hæc fidei aut charitati, vtrum bonis operibus tribuenda sit, cùm hæc o-
mnia ad veram iustificationem sint necessaria : sed & alia multa de quibus hoc
loco non attinet dicere.

Notanda singulorum domini verborum vis & energia : Vade, inquit, 19
vende : non mediam partem bonorum tuorum ; sed, quæcunque habes : & da
pauperibus ; non scortis propter libidinem, sed miseris & egentibus propter
humanitatem & misericordiam. Pecuniam tuam non perductores, aleatores,
lenones, & alij perdendæ pecuniæ geniti homines diripiant ; sed pietati illam
ac Deo præstes : non ventri ac gulæ ingeras, sed in thesauros iustitiæ recondas ;
vt

vt cū ita disperferis dederisq; pauperib⁹, iustitia tua maneat in seculū seculi. Sed & sequere me, addit: ac si dicat, me tanquā speculū omnis puritatis & innocentiae identidē contuere, omniumq; virtutū, quarū exempla me videndo affecutus fueris, tibi ornamenta conquire. Inuenies enim plerosq; pauperes & inopes, animos tamen supra fortunam gerentes. Vel si & hos modestum ingenium adornat, sunt tamen, qui vnicam illam modestiam, vel ingurgitatione, aut nefanda aliqua turpitudine inquinant & contaminant. Non satis ergo est, si omnia diuendiderimus, eaq; in pauperes effuderimus, nisi & vestigia persecuti fuerimus, & crucem, quod in verbis Domini postremum est, tulerimus: id est, nisi vile nobis corpus fuerit, cælestem illam gloriam petentibus: & nisi paratos semper, pro nomine IESV contumelias patiendi, imò & mortem fortiter obeundi, animos gesserimus.

20 **Notandum**, Clarè & euidenter hoc loco refutari Manichæum atq; Marcionem, qui dicebant, veterem legem à malo Deo conditā fuisse, Christumq; eius aduersarium & inimicum esse: cū hoc loco Dominus legi veteri, eiusq; decalogo tribuat consecutionem vitæ æternæ.

21 **Notandum**, Quod iustitia legis suo tempore custodita, non solū bona terræ, verūmetiam suis cultoribus vitam conferebat æternam.

22 **Notandum**, Quæ causa sit, cur ad consecutionem vitæ æternæ suas res dispergere, & dare pauperibus sit necessarium; cū iustitiæ munus sit, suum quemque retinere, ac suum cuique reddere? An ea causa est, quam Christus paulo post exponit: Maior scilicet securitas, & pauciora impedimenta: Quàm difficile, inquit, qui pecunias habent, in regnum Dei introibunt? Quo loco V. Beda clare inquit, Qui hīc multiplicandis diuitiis incumbunt, alterius vitæ gaudia quærere contemnunt. Sed inter pecunias habere, & pecunias amare, multa distantia est. Multi enim habentes, non amant: multi non habentes, amant. Item & alij habent, & amant: Alij nec habere nec amare se diuitias seculi gaudent: quorum tutior status est: quia dicere cum Apostolo valent: Nobis mundus crucifixus est, & nos mundo. Vnde & Salomon non ait, Qui habet; sed, Qui amat diuitias, fructum non capiet ex eis. Et ipse Dominus, obstupescens in verbis huius sententiæ discipulis, exponendo subiunxit, dicens: Filioli, quàm difficile est, confidentes in pecuniis, in regnum Dei introire. Facilius est camælum per foramen acus transire, quàm diuitem intrare in regnum Dei. Qui magis admirabantur, dicentes apud semetipsos: Et quis potest saluus fieri? Et intuens illos Iesus, ait: Apud homines impossibile est, sed non apud Deum: omnia enim possibilia sunt apud Deum.

23 **Notandum**: Sed si necessarium est bona sua relinquere, ad consequendā vitam æternam, quomodo igitur multi diuites vitam æternam consequuntur, vt Abraham, Loth, Iob, Dauid? An quòd non hoc dicitur, impossibile est diuitias habentes in regnum Dei introire; sed hoc, quàm difficile est confidentes in pecuniis, in regnum Dei introire? Quo loco pulcherrimè locus D. Matthæi atque Lucæ illustratur. Confidere autem in diuitiis est, apponere illis cor suum, vt exponit Dauid, & à Domino Deo auertere. Diuitiæ si affluant, inquit, nolite cor apponere. Iuxta illud Isaia: Væ tibi qui relinquens templum sanctū meum, constituisti altare fortunæ: Exponit autem hæc posterior particula

illam priorem. Cùm enim dixisset Christus Dominus, quàm difficile illi, qui pecuniam habent, in regnum Dei introibunt: discipuli autem obstupuerunt super sermone illius, vt eorum iacentes animos erigat, dictum interpretatur: Filioli, quàm difficile est, confidentes in pecuniis, regnum ingredi cæleste: Imò hac ratione non tantùm difficile, verùm etiam impossibile esse docet, subiuncto exemplo: Facilius est camelum per foramen acus transire, quàm diuitem intrare in regnum Dei. Omnia tamen possibilia apud Deum esse, mox demonstrat. Nam & hic, qui confidit in pecuniis, statim eam fiduciam depone-
re potest, & thesaurizare sibi thesauros in cælis, facereque sibi amicos de mammona iniquitatis.

Notandum, Quærere V. Bedam, quo pertineat responsio Apostolorum: 24
Et quis potest saluus fieri? cùm incomparabiliter maior sit turba pauperum, quæ diuitibus perditis potuerit saluari. Nisi quia intellexerunt, cunctos, qui diuitias amant, etiam si adipisci nequeant, in diuitum numero deputari.

Notandum: Audierat Diuus Petrus in vitam æternam neminem ingredi 25
posse, nisi qui venderet omnia, sequeretur Christum, tolleretur crucem: conscius erat sibi suoque collegio, hæc se omnia fecisse. Magna igitur fiducia interro-
gat: Ecce nos reliquimus omnia, & secuti sumus te: quid ergo erit nobis? Quod quoniam liberiùs dictum esse videbatur, ad ipsos quidem Christus nihil respondet: sed primùm eius libertatem infringit, non solos illos tales esse, aut futuros, sed multos alios, qui illius causa relicturi essent omnia: sed quicunq; illi essent, eos illud mercedis secuturum, vt centuplum & in hoc tempore accipiant, & vitam æternam possideant.

Notandum, duos errores Christum Dominum responsione sua refutasse. 26
Primum eorum, qui putant bona opera vitæ æternæ meritoria non esse: qualis erat Lutherus, & Calvinus, & cæteri huius seculi errores: quos Christus refutat cùm dicit: Et vitam æternam possidebunt. Deinde eorum, qui negant tempo-
ralium bonorum causa virtutem exercendam esse, aut illam meritoriam esse, refutat hoc loco Christus Dominus cùm dicit: Centuplum accipient, & vi-
tam æternam possidebunt.

Notandum: Refutari item eorū errorem, qui putant Apostolos Apostoli- 27
cosq; viros, semper in hoc mundo pauperes & mendicos fore debuisse. Negat hoc Christus Dominus cùm dicit: Centuplū accipient, & vitam æternā. Quod D. Benedicto, Bernardo, Francisco, Dominico euenisse legimus: Sed & ipsis Apostolis; vel si non ipsis, tamen eorum successoribus: Constitues eos princi-
pes super omnem terram: qua de re plura inuenies in sermone quarto Nuntij salutis, & in Matthæum lib. 5. de octo beatitudinibus.

Notandum, Errare vehementer huius seculi hæreticos, qui putant ipsi li- 28
teræ sacræ scripturæ adherendum esse, nec ab illa latum vnguem recedendum. Cùm si hoc esset, tum nobis centum matres & patres & vxores expectandæ es-
sent. Sic enim sunt clara verba Euangelij: Nemo est, inquit, qui reliquerit domum, aut fratres, aut sorores, aut patrem aut matrem, aut filios aut agros propter me, & propter Euangelium, qui non accipiet centies tantum nunc in tempore hoc: domos, & fratres, & sorores, & matres, & filios, & agros cum persecutionibus: & in futuro seculo vitam æternam. Atqui horum non voces,
fed

sed sensus verborum spectandus est, ille quem describit D. Hieronymus: Qui propter Euangelium Christi carnalia reliquerit, spiritalia bona recipiet: quæ comparatione & merito sui ita erunt, quasi paruo numero centenarius comparatur numerus. Quia nimirum à fratribus atque consortibus propositi sui, qui ei spiritali glutino colligantur, multò gratiorem etiam in hac vita recipiet charitatem. Lege actus Apostolorum, quòd multitudinis credentium erat cor vnum, & anima vna; & erant illis omnia communia, nullusque egens erat inter illos, qui sua pro Domino reliquerant. De quibus & Apostolus ait: Tanquam nihil habentes, & omnia possidentes.

24 **29** **Notandum**, Ecclesiæ statum vsque ad diem iudicij talem fore debuisse, vt læta & dulcia cum persecutionibus misceantur. Recipiet, inquit, centies, tantum cum persecutionibus.

25 **30** **Notandum**: ne superbiat Petrus, & efferatur magnis promissis, addit Christus grauem & metuendam sententiam: Multi autem primi erunt nouissimi, & nouissimi primi. Quo loco Beda: Vide, inquit, Iudam de Apostolo in Apostatam versum; & dicito, quòd multi erunt primi nouissimi: vide latronem in cruce factum confessorem, eodemque die, quo pro suis crucifixus est peccatis, gratia fidei cum Christo in paradyso gaudentem; & dicito, quòd & nouissimi erunt primi. Sed ne Petrus quidem ipse longè à nouissimo aberat, quando Christum negarat. Sed & quotidie videmus, multos in laico habitu constitutos, magnis vitæ meritis excellere: & alios à prima ætate spiritali studio feruentes, ad extremum otio torpente lacescere, atque inertis stulticia, quod spiritu cœperant, carne consummare.

26 **31** **Notandum**: Post ingentia promissa Christus vadit in Ierusalem: ad mortem dux sit discipulis: sequuntur mœsti: mortem & resurrectionem prædicat. Quemadmodum autem mundus dux est ad voluptatem & ad gaudium: ita Christus Dominus dux & autor est crucis, tribulationum, & mortis. Metuebant autem, ne vel ipsi cum eo occiderentur; vel saltem ille, cuius vita & magisterio gaudebant, inimicorum manibus occumberet.

27 **32** **Notandum**, tertio iam Christum Dominum futuram mortem suam discipulis suis prædicare: nunc autem distinctius quàm antea, & per partes. Partes autem istæ sunt: Filius hominis, inquit, Hierosolymæ tradetur principibus sacerdotum, & scribis, & damnabunt eum morte, & tradent eum gentibus, & illudent ei, & conspuent eum, & flagellabunt eum, & interficient eum. A Iuda traditus, in horto captus est, damnatus apud Caypham, traditus Pilato. Quæ partes iisdem quasi verbis à prophetis antè prædictæ: & quas eadem fides Catholica in suo symbolo confitetur, Passus sub Pontio Pilato, crucifixus, mortuus & sepultus: quæ sunt veluti gradus quidam, & argumentum futuræ speculationis passionis IESU CHRISTI.

28 **33** **Notandum**, Non ob vnā simplicem aliquam causam, Christum Dominum ordinem passionis suæ apud discipulos retexere: sed vt & illos confirmet, ac præmoneat, vt improuisa iacula eos minus feriant: & vt post cognoscant, nihil illo ignorante, nihil inuito illi accidisse; libenter se ac sponte passioni, nostra causa, offerente. Si enim prædicat, scit: si ipse vadit, non inuitus facit: si se vltro offert, libens & ex animo id subit.

Notandum:

NOtandum: obliti sunt Ioannes & Iacobus filij Zebedæi, principes Apostolici collegij, mandatorum Christi, Si quis vult primus esse, erit omnium nouissimus, & omnium minister: obliti pueri, in medio tanta diligentia & solennitate collocati, & Christi dicentis, Nisi efficiamini sicut hic paruulus, non intrabitis in regnum cælorum: obliti proximorum de morte & passione sermonum, dextras & sinistras in regnis repetunt. Obliuiosa est humana natura, etiam in præceptis legis & mandatorum Dei: facile præteritorum obliuiscitur. Nemo autem desperet in suis imperfectionibus, nemo exprobet alias, nemo præsumat de suis, cum videt apices Apostolorum huc peruenisse. Quod autem Matthæus scribit, hæc matrem filiorum Zebedæi Dominum postulasse pro illis, Marcus ipsorum desiderium atque consilium volens aperire legentibus, tacet de interueniente matre, ipsos id potius dicit postulare, quod ipsorum rogatu per matrem nouerat esse postulatum. Denique Dominus secundum vtrumque Euangelistam, non matri sed ipsis respondit: Nescitis, quid petatis.

NOtandum, Ambitiosos nescire, quid petant: nam & isti nescierunt, quid petierunt. Christus ad mortem & passionem Hierosolymam ascendit, quod ipse palam profitetur: & isti eum putant adprehendendum regnum futurum pergere: indeque occasionem ambitionis sumunt, unde ansam humilitatis debebant sumere. Nesciunt, quid petant, inquit V. Beda, qui sedem gloriæ à Domino, quam nondum merebantur, inquirunt. Iam enim delectabat eos culmen honoris; sed prius viam habebant exercere laboris: Desiderabant regnare cum Christo sublimiter; sed prius erat pati humiliter pro Christo. Sed & alij omnes ambitiosi nesciunt, quid petunt: putant se dignitatem, opes, potentiam, amicitias, quietem, tranquillitatem, otium & securitatem petere; plerunque nec ista assequuntur, & sua, si quæ habuerunt, amittunt. Nesciunt quid petant: nam vel per se satis dignitatis habent, & ita externa frustra petunt: vel indigni sunt, & ita dedecus pro honore acquirunt: hacque ratione nesciunt quid petant. Qua de re plura in nostro Epithalamio scripsimus.

NOtandum, Neminem posse sedere in regno Dei, nisi qui biberit calicem, quem Christus bibit, & baptismo, quo Christus est baptizatus, baptizetur: contra quam docet nouum Euangelium. Nomine autem calicis siue baptismi, passionem designat martyrij, qua & ipsum & illos docebat consummari. Vnde & alibi de sua passione loquitur, Baptismo autem habeo baptizari, & quomodo coartor nisi dum perficiatur? Et eidem passioni appropians orabat dicens: Pater, si vis transfer calicem istum à me.

NOtanda Christi responsio ex V. Beda, Regnum cælorum non esse dantis sed accipientis. Non est enim personarum acceptio apud Deum: sed quicumque talem se præbuerit, ut regno cælorum dignus sit, hic accipiet; quod non personæ, sed vitæ paratum est. Si itaque tales estis, qui consequamini regnum cælorum, quod pater meus victoribus & triumphantibus præparauit, vos quoque accipietis illud. Item non est meum dare vobis, sed quibus paratum est. Non est meum dare superbis: hoc enim adhuc erant. Sed si vultis accipere illud, nolite esse quod estis: aliis paratum est, & vos alij estote. Prius humiliamini, qui iam vultis exaltari.

Notan-

38 **Notandum**, Plerumque ambitiosos nihil aliud ex sua ambitione referre, quàm odia & inimicitias hominum, inuidiam item, quam nunc Iacobum & Ioannem à fratribus suis referre videmus. Nemo enim est, qui illum amet, & non oderit potius, qui se anteferat cæteris, & qui maior esse cupit: quiq; ignorans mensuram suam, immodica cupiditate exardescit.

39 **Notandum**: Quemadmodum ambitio, turpe est peccatum & ingratum: ita & inuidia & rancor erga proximos. Nam & in hoc ipso tacita inest ambitio: nisi enim hi ipsi reliqui Apostoli ambitiosi fuissent, fratrum infirmitatem facile sustinuisent. Quod Christus Dominus demonstrat, dum inuidentes & murmurantes discipulos obiurgat & increpat.

40 **Notandum**: Nihil melius est & salubrius, quàm duobus aut pluribus inter se frustra & sine causa litigantibus turbasq; cientibus, hos & illos vehementissimè increpare: quod nunc Christus Dominus eximiè facit, tam Ioannem, quàm Iacobum, & cæteros discipulos, quàm vnquam aliàs sufficientiùs, arguans & accusans.

41 **Notandum**: Maioritas & minoritas, non aufertur ex ordine Apostolico & populo Christiano: sed modus maioritatis & minoritatis, ne more gentiliū fiat, & vt & humilitas conseruetur. Quo loco V. Beda: Frustra, inquit, aut immoderata quæsierunt, aut isti dolent super maiorum desiderio: cùm ad summam virtutum, non potentia, sed humilitate veniatur.

42 **Notanda** est causa præcipua aduentus Christi Domini, ex ipsiusmet verbis: Nam & filius hominis, inquit, non venit vt ministraretur ei, sed vt ministraret, & daret animam suam redemptionem pro multis. Nota inquit Beda, eum qui ministraret, filium hominis appellari, & dare animam suam redemptionem pro multis: quando formam serui accepit, vt pro mundo sanguinem funderet. Et non dixit, Dare animam suam redemptionem pro omnibus, sed pro multis, id est pro eis, qui credere voluerunt.

43 **Notat** Theophylactus, Ministerium hoc, atque adeò demissionem, exaltationem, decus, & magnam gloriam cùm ipsius Christi, tum omnium eius imitatorum & fuisse & fore semper. Antequam enim homo fieret, solis erat cognitus Angelis; postquam autem carne humana assumpta, natus ex virgine, & cum hominibus conuersatus, & cruci affixus est, præterquàm quòd ab Angelis glorificabatur, & terrestri gloria auctus est, vniuersiq; terrarum orbis tanquam Rex & Imperator potentissimus cepit imperium.

44 **Notandum**: Proficiscitur Hierosolymam Dominus: primùm tamen testari voluit, qua causa veniat; idq; verbis imprimis, vt scilicet daret animam suam redemptionem pro multis: deinde, vt assolet, præsentem miraculo, dum eodem itinere propè Hierosolymam duos cæcos illuminat, vt Mattheus refert: duos inquam populos, Iudaicum simul & gentilem; vt quòd extra agebat, demonstraret illud, quod intus satagebat, curationem generis nostri. Vnum autem ex illis fuisse notioem, ex eo apparet, quòd nomen eius & patris eius D. Marcus commemorauit: quod in tot superiùs sanatis à Domino, non facile occurrit: nisi quum Iairum Archisynagogum etiam nomine expressit, cuius filiam resuscitauit Iesus. In quo etiam magis iste sensus apparet, quia & ille Archisynago-

chisynagogus utique in loco illo nobilis fuit. Proculdubio itaque Bartimeus iste Timæi filius, ex aliqua magna felicitate deiectus, notissime & famosissime miserie fuit; qui non solum cæcus, sed etiam mendicus sedebat. Hinc est ergo, quod ipsum solum voluit commemorare Marcus: cuius illuminatio tam gratam famam huic miraculo comparauit, quàm erat nota illius calamitas.

Notandum: Clamat magna voce cæcus: **IESV** fili Dauid miserere mei: 45 exauditur à turbis & arcetur: exauditur ab Apostolis, curatur à Christo. A Nestorio tamen, qui illum Dauidis filium esse negat, sed ne filium quidem hominis planè confitetur, exaudiri non potest: Sed ne à Caluino quidem, ut dictum est aliquo modo.

Notandum: Qui nunc prohibent cæcum clamare, piè & sanctè Christum 46 compellantem, quasi honoris & reuerentiæ causa, isti paulo post impie & sacrilegè contra illum dabunt voces suas, Tolle, tolle, crucifige, crucifige illum. Sanguis eius super nos, & super filios nostros.

Notandum: Videt & sequitur Christum, qui bonum quod intelligit o- 47 peratur. Videt autem, sed non sequitur, qui bonum quidem intelligit, sed bene operari contemnit. **IESVM** enim Dominum sequitur, qui imitatur. Hinc namque dicit: Si quis mihi ministrat, me sequatur. Consideremus ergo quà graditur, ut sequi mereamur. Ecce cùm sit dominus & creator angelorum, suscepturus naturam nostram, quam condidit, in vterum virginis venit. Nasci tamen in hoc mundo per diuites noluit, parentes pauperes elegit: vnde & agnus, qui pro illo offerretur, defuit; columbarum pullos vel par turturum ad sacrificium mater inuenit. Prosperari in hoc mundo noluit: opprobria, irrisionesque tollerauit: sputa, flagella, alapas, spineam coronam, crucem sustinuit. Et quia rerum corporalium delectatione à gaudio interno cecidimus; cùm qua amaritudine illuc redeatur, ostendit.

Notandum, quàm conueniens sit ordo salutis in cura istius cæci repræ- 48 sentatus: audimus primò, deinde clamamus, postea vocamur, postremo surgimus. Audimus per prophetas: clamamus per fidem: vocamur per Apostolos: surgimus per pœnitentiam: exuimur per baptismum: interrogamur per voluntatem. Vnde sequitur: Qui proiecto vestimento exiliens, venit ad **IESVM**.

Caput XI.



NOTANDVM: Duo sunt quæ nobis maximè admirabilem Dei virtutem faciunt: primum scientia rerum, non tantum præsentium, sed etiam earum quæ longissimè absunt; non vniuersalium tantum, sed etiam singularium: deinde potentia eius incredibilis, per quam omnibus imperat, & in omnia ius habet. Ostendit utramque hanc virtutem in suo primo ad urbem ingressu ac triumpho Dei filius Rex Dauid. Scientiæ quidem, dum dicit: Ite in Castellum, quod contra vos est: Et statim introeuntes illuc, inuenietis pullum ligatum, super quem nemo adhuc hominum sedit: vbi absens videt. Potentiæ autem in illis verbis: Et si quis vobis dixerit, Quid facitis? Dicite, quia Domino necessarius est: & continuò

tinuò illum dimittet huc : quibus verbis probat se esse verum Deum & Dominum omnium.

- 2 **N**otandum : Quemadmodum ex parte ipsius Regis , superioribus facultatibus diuinitas & regnum ipsius demonstratum est : ita ex parte Israëlitis sani , & qui tum adhuc spiritu Dei agebatur , nunc eadem declarantur ; dum eum plena laude & adoratione tanquam regem suum , adorant & excipiunt . Quæ adoratio consistit in signis & verbis : signis quidem , obuiationis , strationis in via vestimentorum , palmis & floribus . In verbis autem istis , ex psalmis Dauidicis sumptis , soli que Deo conscriptis : Hosanna : benedictus qui venit in nomine Domini : Benedictum quod venit regnum patris nostri Dauid : Hosanna in excelsis . Quibus perfecta adoratio constat : contrà quàm sentit hæresis .
- 3 **N**otandum , Vestimenta Apostolorum , vel doctrinam virtutum , vel edificationem scripturarum , vel certè Ecclesiasticorum dogmatum varietates intelligi posse ; quibus illa corda hominum , antè nuda & frigida , quo Christo fessore digna fiant , operiunt . Portante autem Dominum asino , multi vestimenta sua in via sternunt : quia sancti martyres propriæ se carnis amictu exuentes , simplicioribus Dei famulis viam suo sanguine parant , vt inoffenso videlicet gressu mentis ad supernæ ciuitatis mænia , quò Iesus ducit , incedant .
- 4 **N**otandum : Frondes vel ramos de arboribus cædunt , qui in doctrina veritatis verba atque sententias patrum de eorum eloquio excerpunt ; & hæc in via Dei , ad auditoris animum venientis , humili prædicatione submitunt .
- 5 **N**otandum , De regno Dauidis nos aliàs prolixius dixisse , in tertio sermone Nuntij salutis : vnde illa huc referri possunt , & aliquando debent .
- 6 **N**otandum , Ideò Christum Dominum asino , animali pigro , incomto , stulto & simplici Hierosolymam inuectum esse ; vt ostendat miseriam nostræ , & nostri asini quem assumpsit , vilitatem , pigritiam , stultitiam , & immunditiam . Pudeat autem prælatos huius seculi , equorum phaleratorum , aut rhedarum multiugarum . Legimus D. Adalbertum ab Archiepiscopo Moguntino consecratum , Pragæ vili & simplici equo & freno canabeo venisse . Fallax equus ad salutem .
- 7 **N**otandum : Solent magni Reges , vbi cum triumpho in urbem ingressi sunt , summam arcem eiusq ; templum petere : facit hoc similiter noster triumphator Christus Iesus , in arcem patris summi templumque eius primò venit , & tum verè & propriè impleta est illa prophetia : Et statim veniet ad templum suum dominator , quem vos quæritis ; & Angelus testamenti , quem vos vultis . *Malach. 2.*
- 8 **N**otandum : Quòd ingressus ciuitatem , primò templum adiit , formam nobis religionis , quam sequamur , præmonstrat . Vt cum fortè villam aut oppidum , aut alium quemlibet locum , in quo sit domus orationis Deo consecrata , intramus , primò ad hanc diuertamus , & postquàm nos Domino per orationum studia commendauerimus , sic deinde ad agenda ea , propter quæ venimus , temporalia negotia secedamus .
- 9 **N**otandum , Quòd hic introitus Christi in Ierusalem , ante quinque dies Paschæ , in quo mysteriū sacrosanctæ passionis sue implere decreuerat , factus est .

Ggg

Narrat

Narrat enim Ioannes, quòd antè sex dies Paschæ venerit Bethaniam : vbi cœna ei facta, & discumbentibus multis, soror eum Lazari Maria vngento mystico perfuderit ; atque in crastinum asinè insidens, obuiante cùm palmis plurima turba, venerit Hierosolymam. Vbi non prætereunda silentio est, non tantùm concordia in rebus, verùm etiam in temporibus veteris & noui testamenti, vmbra & veritatis, legis & euangelij. Scriptum namq; in lege est, dicente Domino ad Moysen & Aaron : Mensis iste vobis principium mensium, primus erit in mensibus anni. Loquimini ad vniuersum cætum filiorum Israël, & dicitis eis : Decima die mensis huius, tollat vnusquisque agnum per familias & domos suas. Et paulò pòst : Et seruabitis eum vsque ad quartam decimam diem mensis huius : immolabitq; eum vniuersa multitudo filiorum Israël ad vespèram. Decima ergo die mensis primi, agnus, qui in Pascha immolaretur, domũ introduci iussus est : quia & Dominus decima die eiusdem mensis, hoc est antè quinque dies Paschæ ciuitatem in qua pateretur erat ingressurus. Et sicut agnus de toto grege electus, certum suæ victimationis diem expectabat : ita & Dominus coniurante aduersum se omni seniorum & principum concilio, certus præstolabatur horam, in qua seipsum pro salute mundi oblationem Deo, & hostiam in odorem suauitatis, offerret. Immolabatur agnus quartadecima die primi mensis ad vespèram : & Dominus eadem hora agnum cum discipulis manducans, vbi legalis Paschæ decreta compleuit, egressus est cum eis statim ad locum orationis : vbi comprehensus à ludæis & ligatus, iam sacramenta beatæ suæ victimationis inchoaret.

NOtandum, Ideo Christum Dominum eadem die noctem in Bethaniam transigere, vt ostēdat se in ciuitate sancta, in ciuitate Dauid, in ea gente cui adueniebat, in eo populo à quo sic honorificè mane susceptus est, locum pro nocte, vbi reclinaret caput, non inuenisse : eam inconstantiam, eam voluntatum mutabilitatem humanarum esse. 10

NOtandum, Quòd non semel exiit IESVS in Bethaniam cum duodecim, sed per omnes quinque dies, ex quò Hierosolymam ascenderat, vsq; ad tempus passionis, hoc ipsum agere solebat ; vt per diem in templo doceret, noctibus verò exiens moraretur in montibus Oliueti, sicut in Luca legimus. Vnde hoc intelligendum est, quòd tantæ Dominus fuerit paupertatis, & ita nulli sit adulatus, vt in vrbe maxima nullum hospitem, nullam inuenerit mansionem : sed in agro paruulo, apud Lazarum sororesq; eius habitaret. Eorum quippe vicus Bethania est. Non priùs autem exiit in Bethaniam, quàm circumspexit omnia, quæ in templo erant, tanquam dominus habitaculi illius. 11

NOtandum, Idem postridie facere Christum Dominum in ficu maledicenda, quod fecit pridie in vrbe relinquenda : ingratitude scilicet, & ultimam plagam populi illius denunciare. Vbi notandum est, duplicem prophetiam esse, alteram quæ verbis fit, alteram quæ signis ; vt cùm Ieremias iubetur sterqus comedere, Ieremias nudus incedere, catena lignea vinciri, Oseas filios fornicationum facere : quæ omnia signa erant futurorum euentuum. Eodem etiam modo nunc Saluator noster signo ficulneæ prophetat extremum & æternum exitium, ac æternam reprobationem gentis illius demonstrat. Alioquin enim, secundum literam, res quædam frigida esset, manè esurire, lignum in anima- 12

in animatum obiurgare, fructum non suo tempore repetere: vbi non rami tantum aut stipites infructuosæ ficus, sed ipsa etiam radix arefiendo, sententiã diuinã in se reprobationis paulò post ostendit. Et Ioannes ait, quia securis ad radicem arborum posita est. Arefacta est itaque ficus à radicibus, vt ostenderetur gens impia, non ad tempus vel ex parte corripienda externorum incurfibus, & mox miserante Domino, post actam pœnitentiam, prisca restituenda libertati, vt sæpè factum sacra historia refert; sed æterna potius damnatione ferienda. Arefacta est à radicibus: vt intimaretur nefanda plebs, non solum humana gloria forinsecus, verum etiam diuino intus fauore funditus esse destituenda. Nam & salutem vitamque, quam accipere poterat in cælis, & quam iam perceperat patriam perdidit in terris.

13 **N**otandæ partes eius Prophetiæ: primùm Dominus esurit, videt à longè ficum habentem folia, venit si quid fortè inueniret in ea, nihil inuenit præter folia, ad extremum maledicit: iam non amplius in æternum ex te fructum quisquàm manducet.

14 **N**otandum cum D. Chrysostomo, non esse quærendum, vtrum meritò exsiccata ficus sit, si tempus non erat fructuum: delirationis enim id videretur esse extremæ; sed signum solum modò considerandum, & creatori gloriã reddendam. Sic & in porcis submersis, rationem iustitiæ diligenter inquirentes multos fecisse: quibus tamen mens adhibenda non est. Sicut enim porci ratione, sic & planta anima caret.

15 **N**otandum igitur, esuriem in primis Christi significare studium, & desiderium summum, quod Christus Dominus ad saluandum illum populum, illamque urbem attulerat: de quo ipse toties testatur: Ierusalem Ierusalem, quæ occidis prophetas, & lapidas eos, qui ad te missi sunt: quoties volui congregare filios tuos, quemadmodum gallina congregat pullos suos sub alas, & noluisti? & ultimis suis vocibus in cruce pendens. Sitio: salutem inquã, & urbis & gentis. Visio à longè ficus, est æterna & cælestis Dei misericordia, qua aspexit gemitus & compedes Israël, ad sanandum eum. Accessus ad ficum, est ipsa incarnatio, ac in Iudæa conuersatio. Ficulnea populum ipsum ingratum significat, qui multos quidem annos præstantes & vberes fructus dedit; Patriarcharum, inquam, Prophetarum, sanctorum, & excellentium Regum, sacerdotum piorum & legis Dei obseruantium: vltimò adeò sterilis facta est, vt etiam felle & aceto potaret saluatorem suum: Folia, præter quæ nihil inuenit, significant ceremonias, cultum externum, disputationes, quæstiones: quibus solis tum se & mundo & saluatori commendare volebat populus ingratus. Quod verendum est, ne & nunc fiat. Quo etiam facto terrebat, inquit Beda V. ne quis habendo folia, & fructum non habendo, hoc est verba iustitiæ absque operibus prætendendo, excidi & in ignem mereretur proiici. Vnaquæque enim arbor, non de floribus, non de foliis, sed de fructu suo cognoscitur: id est vnusquisque homo, non de æstimatione famæ, vel sermonum pompa, sed de suorum testimonio probatur actionum. Vel folia significant synagogam, quam Saluator vestitam mandatis hominum, & superstitionibus ornatam inuenit. Decretum contra ficulneam horrendum factum quidem est iam à multis annis, & executum; vltimum autem illud fiet: Ite maledicti in ignem æternum.

16 **N**otandum: Vt frequens & familiare erat discipulis Domini, miracula
Ggg 2 videre,

videre, ea præsertim quibus insignia aliqua beneficia hominibus conferebantur: ita inusitatum & insolens fuit, eum ad vexandos infestandosq; homines, quidquam illis videntibus comparare. Quapropter hoc loco volens Apostolis demonstrare, nocendi etiam sibi facultatem esse, suorumque hostium, qui eius supplicia atque adeo vitæ cum sanguine profusionem avidissimè expetebant, vno temporis momento funditus tollendorum, se habere potestatem; virtutis atque potentiae suæ tantæ edidit specimen in arbore sensus experte.

Notandum: Minatur bonus paterfamilias ficulneæ: non tamen eam ¹⁷ statim succidit, sed fouet potius, circumfodit, curat quantum potest, ac ad se redire hortatur. Quod pulchra parabola prolixius explicat D. Lucas: Arborem fici habebat quidam plantatam in vinea sua, & venit quærere fructum in illa, & non inuenit. Dixit autem ad cultorem vineæ: Ecce anni tres sunt, ex quo venio, quærens fructum in ficulnea hac, & non inuenio. Succide ergo illam, vt quid etiam terram occupat? At ille respondens dixit illi: Domine, dimitte illam & hoc anno, vsque dum fodiam circa illam, & mittam stercora. Et si quidem fecerit fructum: sin autem, in futurum succides illam.

Notandum, Eam curationem ingratae ficulneæ, à domo Domini eum in- ¹⁸ cipere: quod idem fecit pater eius: A sanctuario, inquit, meo incipite. Quod si mundum & sanum est, facile reliquæ partes Reipub. mundæ & sanæ efficiuntur: Si profanum & pollutum, nihil sanctum & sanum ibi esse potest.

Notandum, Curationem & purgationem domus Domini, abiectione ¹⁹ vendentium & ementium, Christum Dominum inchoare: Non tam turturum aut columbarum: nam ista ad necessitatem præsentem forte non iniquè vendebantur; quàm earum rerum quæ per hæc designabantur; donorum scilicet Spiritus sancti, & spiritualium functionum: Quod pulchrè V. Beda explicat: Qui autem sunt, inquit, in templo Dei hodie, qui columbas vendunt? nisi qui in Ecclesia pretium de impositione manus accipiunt: per quam videlicet impositionem, Spiritus sanctus cælitus datur. Columba ergo venditur, quando manus impositio, per quam Spiritus Sanctus accipitur, ad pretium præbetur. Sed redemptor noster cathedras vendentium columbas euertit, quia talium negotiatorum sacerdotium destruit. Hinc est, quod sacri Canones Simoniacam hæresim damnant: & eos sacerdotio priuari præcipiunt, qui de largiendis ordinibus mercedem quærunt. Magnum siquidem est malum simonia; an potius principium & fons omnium in Ecclesia malorum. Vnde Gregorius: Liqueat, inquit, hanc hæresim ante omnes radice pestifera surrexisse: atque in ipsa sua origine Apostolica esse detestatione damnatam: Pecunia tua tecum sit in perditionem: quia donum Dei pecunia existimasti possideri. Cur non

Lib. 7. Epist.
120.

Lib. 4. Epist. cauetur, cur non perpenditur, quia benedictio illi in maledictionem conuer-
5. & 56. & titur; qui ad hoc vt fiat hæreticus promouetur? Quæ omnia plenius explicat
lib. 5. Epist. 7. D. Gregorius in aliis epistolis.

et lib. 7. Epi.

120 & 113.

lib. 9. Epist.

40 & 51.

53. 54. 55. &

64 & *lib. 10.*

Epist. 32. &

3.

Notandum, Post eiectionem vendentium ac ementium, magnam domus ²⁰ illius curare Saluatorem munditiem & sanctitatem; vt qui ne vas quidè profano vsui accommodatum, per illam transferri velit. Quod dum aliquando in populo Christiano fiebat, tum ex ea domo efferebantur mira & infinita gratiarum & curationum dona: nunc posteaquam planè in stabulum, aut publicam

cam

cam porticum viamq; relata est, nihil ex ea tale exportari videmus. Vel sicut Euthymius inquit: Vas non permittebat per templū deferri, vt doceret, quòd nihil per neglectum admitti debeat, quod indecens sit in templis. Quanta autem sanctitas, quanta commoditas domus Dei sit, pulchrè explicat D. Chrysostomus: Magnæ inquit hîc nobis sunt possessiones: hîc omnis spes nostra sita est: omnia quæ hîc sunt, sublimia certe sunt atque fulgentia: hæc mensa preciosior multò est atque iucundior, quàm tua: & lucerna, quàm tua lucerna. Et nouerunt, quotquot cum fide tempestiuè oleo vncti, à morbis liberati sunt. Arca etiam hæc, melior quàm tua; estq; magis necessaria: non enim preciosas vestes, sed misericordiam inclusam continet: qua qui priuantur, culpa sua priuantur. Hic & lectulus est valde tuo præstantior: diuinarum enim scripturarum lectio, omni magnifico lecto suauior est. Et certè bene nobiscum ageretur, si nullam aliam domum præter hanc possideremus. Quod dictum ne graue nobis videatur, rectè dictum: tria millia hominum, & quinque millia illi testantur, qui domum vnā, & animam vnā habuerunt. Totius enim multitudinis credentium, inquit, vnum cor erat, & anima vna. Et paulo pòst: Multa nos, inquit, coniungunt ac copulant: vna mensa omnibus nobis proposita est: vnus nos omnes genuit pater: eosdem omnes dolores partus intulimus parenti: idem potus omnibus; quid dico vnus, cūm etiam ex vno & eodem calice detur? Pater enim noster magno charitatis vinculo studens nos vnire, vt etiam ex vno calice biberemus, effecit: quæ res, maxima nos charitate copulat.

21 **N**Otandum, Eos ex domo domini speluncam latronum facere, qui ex rebus sacris quæstum quærent: & apud quos omnia venalia, altare, cathedra, sacerdos: quod tunc in illo Iudaico templo fuit. Quòd pulchrè adnotat V. Beda: Qui ad accipienda, inquit, munera in templo residebant, profectò, quibusdam non dantibus læsiones exquirent, dubium non erat. Domus ergo orationis, spelunca latronum facta fuerat: quia ad hoc in templo assistere nouerant, vt aut non dantes munera studerent corporaliter persequi, aut dantes spiritualiter necare.

22 **N**Otandum, Si templum Hierosolymitanum ita suscepisset regem suum, vti debebat; tum illud templum fuisset sedes Messia, templum omnium gentium & nationum, totius denique orbis, qualem nunc Romam esse cernimus. colligitur hoc ex verbis Isaia: Domus mea domus orationis cunctis gentibus. Vnde V. Beda: Omnibus gentibus, inquit, non vni genti Iudaicæ, nec in vno Hierosolymæ vrbis loco; sed in toto terrarum orbe: & nequaquam taurorum & hircorum & arietum; sed orationis. Pulchrè hoc loco explicat particulas huius Christi facti Theophylactus: Speluncam latronum appellat, inquit, templum, propter insatiabilem auri cupiditatem, infinitumque studium auaritiæ, quæ tanquam contagio aliqua sacerdotum tunc, templiq; præpositorum animos peruaferat. Genus enim hominum latrocinii & raptò viuere assuetum, lucra semper, prædas, compilationes, rapinasq; cogitat & meditatur. Proinde istis, qui speciosè quidem primo aspectu sacrificiis competentia, venum aerebant animalia, reuera tamen vt pecuniam facerent, latronum vt merebantur nomen indidit. κολλυβισαὶ autem numularij dicebantur, quorum omnes vitæ rationes in pecuniarum permutatione constabant: κολλυβος enim erat

species quædam ærei numismatis minutioris, quod ut refert Hesychius, imaginem bouis impressum habebat.

Notandum: Et pater quidem familias circa ficulneam ac vineam suam 23 hæc. Quid ad hæc villicus, cultorq; vineæ? num deprecatur Dominum? Vsq; dum fodiam circa illam, & mittam stercora, dimitte Et si quidem fecerit fructum: sin autem in futurum succides illam. Nihil horum. Quid igitur murmurat? quærit quomodo patrem familias perdat: Quærebat, inquit, Synagoga, quomodo eum perderet: timebat enim eum, quoniam vniuersa turba admirabatur super doctrina eius.

Notandum: Confecto diurno opere, pater familias reuertitur ad noctem 24 iterum Bethaniam: mane iterum redit ad opus: sequuntur discipuli: prætergrediuntur ficum: recordatur & dicit Petrus, Rabbi, ecce ficus cui maledixisti aruit.

Notandum, Non frustra, nec temerè, nec sine magno mysterio, de ficu 25 interrogare Petrum: sed volebat Deus demonstrare, efficax esse verbum filij sui, nec profanari testamentum eius, & quæ procedunt de labijs eius, non fieri irrita: arefieri iussit ficum, arefacta est: & in æternum fructum non dare, non dedit. Dixit itidem Hierosolymis, lapidem super lapidem non mansurum, non remansit: Ecclesiam per orbem ædificaturum, extruxit: se venturum ad iudicandum viuos & mortuos, veniet & non tardabit. Ut ita ne vnum quidem verbum, quod nobis præstiturum se esse promiserat, irritum esset, sed rebus explerentur omnia. Sicut autem implentur omnia prospera, quæ promittuntur: sic adducetur super nos, quidquid malorum comminatur. Discant igitur sacramentarij verbo Dei credere.

Notandum, Christum Dominum hoc facto suo, se verum Deum demon- 26 strare. Nam de verò Deo scribit hæc Ezechiel: Et scient, inquit, omnia ligna regionis, quia ego Dominus siccaui lignum viride, & frondere feci lignum aridum. Ego dominus locutus sum, & feci. Atqui Christus non tantum hoc facit ipse, sed etiam eius rei faciendæ alijs potestatem tradit: imò longè maioris, ut transferendorum montium. Ergo est verus Deus.

Notandum: Oratio feruens, & dilectio inimicorum, facit transferri mon- 27 tes. Vnde V. Beda: Qui perfectam habet fidem, quæ per dilectionem operatur, ille orando vel etiam iubendo potest montes transferre spiritales: quomodo fecit Paulus de Elyma mago, quem & oculis & arte nefanda priuauit: Quomodo de Pythonissa in Philippis, de qua spiritum malignum, montem videlicet superbissimū eiecit. Quod idem precibus beati patris Gregorij Neocesareæ Ponti antistitis, viri meritis & virtutibus eximij, factum legimus; ut mons in terra tantum cederet, quantum incolæ ciuitatis opus habebant. Cum enim volens ædificare Ecclesiam in loco apto, videret eum angustiores esse, quàm res exigebat, eò quod ex vna parte rupe, ex alia monte proximo coarctaretur, venit nocte ad locum, & genibus flexis, admonuit promissionis Dominum suæ, ut montem longiùs iuxta fidem petentis ageret. Et manè facto reuersus, inuenit montem tantū spatij reliquisse structoribus Ecclesiæ, quantum opus habuerunt.

Notandum: A templo ad curam ministrorum templi se transfert Domi- 28 nus.

nus. Veniunt, inquit, rursus Hyerosolymam. Et cum ambularet in templo, Accedunt ad eum summi sacerdotes & scribæ, & seniores, proponunt quæstionem: In qua potestate hæc facis? & quis dedit tibi hanc potestatem ut ista facias? ut eiicias videlicet vendentes & ementes in templo, euertas præfatas mensas ac sellas, non permittas deferri vas per templum, & similia?

29 **N**otandum, In hac quæstione esse quædam bona & laudabilia, esse quædam mala & vitiosa. Bonum est à nouo doctore inquire, in qua potestate doceat. Nemo enim debet sibi assumere honorem, nisi vocatus à Deo, tanquam Aaron: sed nec Christus semetipsum clarificauit, ut Pontifex fieret, sed qui locutus est ad eum, Filius meus es tu, ego hodie genui te. Bonum item & laudabile est, ut sacerdotes de noua inquirent doctrina, iuxta illud legis: Si difficile & ambiguum apud te iudicium esse perspexeris, inter causam & causam, venies ad sacerdotem Leuitici generis, & ad iudicem, quæresq; ab eis. Quod si hoc seculo in initio hæresum factum fuisset, vel nullas vel pauciores haberemus. Viciosum est in quæstione, quod malo animo proponitur, capiendi scilicet Christi, & ad vulgus infamandi: deinde quod de rebus cognitis, & iam olim per prophetas Ioannemque ipsum Baptistam, prædictis sit proposita.

30 **N**otandum, eam causam esse, cur indirectè Christus Dominus quæstioni illorum respondeat, vel quod nondum planè mysterium totum reuelandum fuit; vel ne videretur de se ipso testimonium perhibere, quod semper fugiebat. Ad Ioannis igitur testimonium illos remittit, illud inquam: Ecce agnus Dei, ecce qui tollit peccata mundi. Et illud: Hic est filius meus dilectus, ipsum audite. Rectè autem & de Christo, & de Ioanne isti nouerant, in qua potestate docebat: iam enim hoc vtrumque per Prophetas prædictum fuit.

31 **N**otandum, Quod duas ob causas scientia, maximè veritatis, est occultanda quærentibus. Cum videlicet is, qui quærit, aut minus capax est ad intelligendum quod quærit, aut odio vel contemptu ipsius veritatis, indignus est, cui debeat aperiri, quod quærit. Propter quorum vnum dominus ait: Adhuc multa habeo vobis dicere, sed non potestis illa portare modò. Propter alterum verò discipulis præcepit: Nolite dare sanctum canibus, neq; mittatis margaritas vestras ante porcos.

Caput XII.



NOTANDUM, Agriculturam saxi durissimi aggredi Saluatorem; iamque parabolis, iam scriptura, iam aperta obiurgatione eos emollire, & ad se attrahere conari. Primum autem adfert parabolam vineæ: cuius tres sunt partes. In quarum prima, diuina erga illos beneficia recenset, vineæ pastinationem, populi quæ plantauit dextera domini: munitionem sepis; Legem enim statuit, quæ vetabat eos commiscere se inter gentes, ne discerent opera eorum. Turris ædificationem, quæ repræsentabat templum, vnde pericula imminetia præuideri possent. Laci fossionem, cum altare constituit, quod effuso semper sanguine madebat. Traditionem vineæ agricolis: Doctoribus namque & primoribus Iudæorum, penes quos tunc populi regimen erat, populū regendum

dum atque docendum commisit. In secunda parabolæ parte summam & extremam illorum ingratitudinem: quibus non satis fuit vineam non excoluisse, fructum non dedisse; sed etiam seruos & nuncios occiderunt, ad extremum ipsum hæredem. In tertia parte vltimam eorum reprobationem ac puniti-
nem eorundem decreto adfert. Veniet, inquit, & perdet colonos, & dabit vineam aliis.

Notandum circa primam partem de eo, qui sint isti nuncij, qui missi sunt. ² Quod pulchrè explicat Theophylactus: Misit, inquit, seruum vnum: Eliam fortasse cum grege prophetarum, & Michæam, quem Sedechias pseudopropheta percussit in maxillam. Alterum autem, cuius cum lapidum impetu caput vulnerauerunt, id est probris & contumeliis oneratum trucidarunt: quod Oseæ atque Isaia euenisse legimus. Præter hos missus & tertius seruus, in captiuitate Daniel cum Ezechiële propheta. Ad extremum autem misit Deus filium suum dilectum: Reuerbuntur, inquit, filium meum.

Notandum circa secundam partem, quemadmodum virtutum, ita & ³ vitiorum profectum esse, semperque scelus, nisi puniatur, crescere. Seruum, inquit, patrisfamilias apprehensum ceciderunt, alium in capite vulnerauerunt & contumelijs affecerunt, alium occiderunt. insuper & filium charissimum patris, quem reuereri debebant, occiderunt, & extra vineam eiecerunt.

Notandum, Decretum suum de perdendis colonis, & vinea locanda aliis, ⁴ Christum Dominum his verbis apud D. Matthæum exposuisse: Ideo dico vobis, auferetur à vobis regnum Dei, & dabitur genti facienti fructus eius. Quo loco Beda V. Perdito malo cultore, vinea dabitur alteri: quum dono gratiæ, quod superbus spreuit, humilis quisque ditabitur.

Notandum, quod in parabola dixit, scriptura ex Davidis psalmo sumpta ⁵ confirmat. Cuius hic sensus est, & istæ partes. Primum, futurum Messiam ab his ipsis ædificatoribus, quos supra colonos dixerat, hoc est Scribis, Phariseis & Senioribus, reprobandum esse. Secundò eam ipsam reprobationem nihil illi nocituram, quinimo eam ipsam ob causam in lapidem angularem constitutū iri; ex quo duo populi pendeant, Iudaicus, inquam, & Gentilis: in caputque Ecclesiæ constituendum esse. Christus, inquit Paulus, factus est obediens usque ad mortem, mortem autem crucis: propter quod & Deus exaltauit illum, & dedit illi nomen quod est super omne nomen, ut in nomine eius omne genu flectatur, cælestium, terrestrium, & infernorum. Tertiò eam ipsam rem nullū solatium reprobantibus allaturam: vanisque suis spebus frustratum iri: quinimo hunc ipsum lapidem in ipsos casurum, ac æternū illos contriturum: idque à Domino futurum, & fore mirabile in oculis hominum.

Notandum: Impura corpora, quò plus aluntur, magis offendi docebat ⁶ vetustissimus medicus: sic improbos animos, quò plus doceas, plus depraves. Quod istis nunc euenit: nam tam illustri & aperta doctrina, nō modò correcti non sunt, sed longè deteriores facti, de aperta Domini nece cogitare cœperūt: Iam enim clarè perspexerant, ut notat Euangelista, de se hanc fabulam narrari. Cū autem duobus generibus hominum, ad eam necem conficiendam, maximè opus haberent, populo, inquam, & Romanis; ideo vtrumque ad eam rem disponunt:

disponunt: ac eas questiones Christo proponunt, quæ apud vtrumque genus hominū illi odiū parerēt. Ex quo genere hæc ipsa erat quæstio, de dando censu Cæsari. Si enim dandum censuisset, offensam populi incurrisset, ut qui populū Dei, qui decimas soluebat, & primitiua dabat, et cætera quæ in lege scripta sunt, humanis legibus subiiceret. Si negaret, statim audientes Herodiani, tanquā seditionis contra Romanos autorem, eum tenuissent. Herodiani autem dicebantur, milites Herodis Tetrarchæ: qui & ipse tunc temporis erat Hierosolymis, atque in spernendo & irridendo Dominum, Pilato & Iudæis consensibat, ut Lucas Euangelista testatur.

7 **Notandum**, Christum Dominum ita responsionem suam attemperare, ut istorum quidem maliciam prodat, ex his autem neutrum offendat: eo scilicet sensu. Non tum demum deliberandum fuisse de eo, num dandus fuisset, census Cæsari: neque nunc primum interrogandum; sed tum, cum se ultro ipsi Cæsari tradebant, cum Romanos accersebant, cum ad illos relicto templo currebant, cum leges & monetam, quam nunc Christo offerunt, ab ipsis ob priuatam ambitionem accipiebant; cum antea & legibus suis & moneta potiore essent contenti. Ipsos ipsos proditores esse: nam nunc & ipsis illud, & populo exedendum erat, quod ipsi intriuerunt. Quam interpretationem posterior pars libri primi Machabæorum continet.

8 **Notandum**, Maleficos homines, dum Christo nocere volunt, egregium illi elogium dedisse: formamq; & exemplū perfecti doctoris nobis tradidisse. Magister scimus, inquiunt, quia verax es, & non curas quenquā? Nec enim vides in faciem hominis, sed in veritate viam Domini doces. Sic diligentibus Deum omnia cooperantur in bonū. Qui se alicui ultro tradit, illius leges & imperiū subeat oportet. In illū vis haud est iniusta, qui se alicui sponte subiecit.

9 **Notandum**: Reddite, quæ sunt Cæsaris, Cæsari; numum, tributum, & pecuniam: & quæ sunt Dei, Deo; decimas, primitias & oblationes ac victimas debere intelligi: Quomodo & ipse reddidit tributa pro se & Petro: & Deo reddidit, quæ Dei sunt, patris faciens voluntatem.

10 **Notandum**: Accedit secundus cuneus Hypocritarum, & Sycophantarum: Saducæi inquam: Erant hi, qui neque de angelis, neque de dæmonibus aliquid sentiebant: sed neque de resurrectione. Sciendum est autem eam vim esse errorum atque hæresium, ut quantumvis inter se dissideant ac pugnent, in eo tamen conuenire, ut Christum & veritatem eius oppugnent: quod nūc Herodianis, Phariseis & Saducæis euenit: & quod in libro Iudicum per vulpeculas demonstratum est.

11 **Notandum**, Finem & scopum Phariseis in præsentī quæstione hunc propositum esse: Christum eò adducere, ut vel resurrectionem neget, vel ineptū quid ipsoque Moyse indignum affirmet. Proponunt autem casum non verum, sed fictum, sed ridiculum, de septem fratribus & vna vxore.

12 **Notandum**, Soluere Christum Dominum eam quæstionem, quomodo aliæ omnes quæstiones tam hæreticorum, quam quolibet modo errantium solui rectè possint. Nōne ideò erratis, nescientes scripturas, neque virtutem Dei? Omnis enim hæresis, vel ideo errat, quia nescit scripturā; vel ideò, quòd
sensum

sensum illius non consequitur, ac de potentia dubitat Dei: quod istis Saducæis eueniebat. Nam & scripturam non legebant, ut pote solis libris Moyfi contenti: & eam quam sciebant, non rectè intelligebant, ut pote quàm ruditer & carnaliter exponebant. Erit enim resurrectio, non simpliciter carnalis, sed glorificata, & propè Angelica, diuiniorq; quidam vitæ status & conditio.

Notandum: Qui animam immortalem esse dicit, idem & resurrectionem affirmet oportet. Neque enim aut anima sine corpore, aut corpus sine anima hominem integrum vlla ratione constituere potest: Simulq; ista & creata & iuncta sunt, ut simul perpetuò sint: quod consequentia Christi demonstrat. Nam cum Moyfes de animabus Abraam, Isaac, & Iacob loquatur; inde Christus colligit corporum resurrectionem, quòd scilicet animæ sine corpore finaliter consistere non possint. Quod quidem satis acutè notauit Scotus.

*Pastoral. par.
1. cap. 5.*

Notandum: Locum hunc Moyfis pulchrè expendit D. Gregorius. Moy-
ses ait, ut vxorem fratris sine filiis defuncti superstes frater accipiat, atque ad nomen fratris filios gignat: quam si accipere fortè renuerit, huic in faciem mulier expuat, vnumque ei pedem propinquus discalciet, eiusq; habitaculum domus discalceati vocetur. Frater quippè defunctus ille, inquit, est, qui post resurrectionis gloriam apparens, dixit: Ite nunciate fratribus meis. Qui quasi sine filiis obiit, quia adhuc electorum suorum numerum non impleuit. Huius scilicet vxorem superstes sortiri præcipitur: quia dignum profectò est, ut cura sanctæ Ecclesiæ ei, qui hanc benè regere præualet, imponatur. Cui nolenti, in faciem mulier expuit; quia quisquis ex muneribus perceperit, prodesse aliis non curat, bonis quoq; eius sancta Ecclesia exprobrans, & quasi in faciem saluam iactat. Cui ex vno pede calceamentum tollitur, ut discalceati domus eius vocetur: scriptum quippe est, calceati pedes in præparatione Euangelij pacis. Si ergo ut nostram, sic curam proximi gerimus, vtrumq; pedem per calceamentum munimus. Qui verò suam cogitans vtilitatem, proximorum negligit, quasi vnus pedis calceamentum cum dedecore amittit.

Notandum, Finem proprium connubij esse, prolem, & continuationem æternitatis in specie, vbi in numero conseruari non potest. Quorum utroque cum in cælo nihil opus sit, vbi in numero res suam immortalitatem tuentur, neque igitur connubio. Vnde dicit Theophylactus: Quandoquidem ab omni corruptione alieni futuri, iidem semper permansuri sumus, ob id & nuptiarum non erit vlla necessitas. Nuptiæ enim sunt quoddam corruptionis remedium: ut quod mortalitate deperit, id per nuptiarum quasi successionem accrescat.

Notandum: vltima hæc est quæstio, à Phariseis profecta, idque ab illo Phariseo, qui cum eodem animo tentandi & capiendi Christum cum cæteris venerat: quod notat D. Matthæus: Ac posteaquam eius sanam ac salutarem doctrinam agnouisset, missis fraudibus, eum grauitè & seriò compellat: & nescio an non summam & primam ex lege illi quæstionem proponit. Accessit, inquit Euangelista, vnus de scribis, qui audierat illos conquerentes: & videns quoniam benè illis respondisset, interrogauit eum, quod esset primùm omnium mandatum. Et vtinam nos quoque de mandatis quæramus, non de curiositatibus, quæ ad rem nihil pertinent.

Notan-

Notandum: Quo animo quis Christum interrogabat, eodem etiam responsum referebat. Insidiosè & obliquè Pharisei interrogabant, obliquas quoque referunt responsiones: purè & sincerè interrogat iste, claram item & luculentam & valde salutarem refert responsionem. Qua enim mensura metiemur, remetietur nobis.

17 **Notandum,** Tres, quot extant, potentias & facultates animæ, hoc loco à Christo esse recensitas. Est enim una, quam animalem vocant: quæ inuolūtè & paulò obscuriùs significatur, dum ex tota anima Deum diligere præcipimur. Nam & iram, & cupiditatem, & reliquas huius generis affectiones, propter Dei dilectionem, imperio rationes esse subiectas oportet. Altera est, quæ vulgari à philosophis nomine vegetatiua dicitur, quæ nutriendi & augendi vim atque efficaciam habet: neque huius pars aliqua Deo deneganda, sed tota adeò ad amorem eius referenda est. Est & tertiæ quæ vocatur rationalis communiter, quam hoc loco lex appellatione mentis expressit. Quas quidem omnes animæ potentias dilectioni Dei impendi debere, docet Saluator.

18 **Notandum,** Dilectionis Dei, & proximi nexum, indissolubilem esse: quod notat hoc loco Theophilactus. Primum, inquit Dominus, & magnum mandatum est, diligere Deum: secundum autem ei simile diligere proximum. Quæ autem est horum mandatorum similitudo? Ea scilicet, quòd duo hæc ita inseparabili nexu inter se cohærent, & connectuntur, ut alterum sine altero non possit esse verum. Nam qui diligit Deum, & creaturam eius diligit, necesse est: in rebus autem creatis, nihil præstantius à Deo creatum esse homine, constat. Quocirca Deum verè diligentibus, necessitas proximos etiam diligendi, videtur esse imposita. Qui autem proximū charitate complectitur, is quin & Deum diligit, nemo ambigere audeat. Si enim eum, qui sua improbitate ansam offensionibus & odijs occasionē præbeat, diligit; quomodo Deum, à quo tot diuinis & cælestibus beneficijs cumulatiùs auctus est, non verò & integro amore amet? Audi quid dicat Dominus: Qui diligit me, sermones meos seruabit. Vides quos effectus dilectionis Dei statuatur, si sermones eius seruauerimus. Sermones autem eius & præcepta ad id solū comparata sunt; ut nos, quantum maximè fieri potest, propensissimos ad mutuam dilectionem efficiant. Et alio loco: In hoc: inquit, cognoscent omnes, quia mei estis discipuli, si inuicem dilexeritis. Quibus verbis, quid aliud innuit, quàm mutua charitate conseruata, facile quemque cogniturum & iudicaturum, quòd verè & ex animo Christum diligamus, eiusque discipuli & amici simus.

19 **Notandum,** Deum diligere ex toto corde, & ex toto intellectu, & ex tota anima, & ex tota fortitudine, & diligere proximum tanquam seipsum; maius esse omnibus holocaustis & sacrificiis. Grauis enim sæpè inter scribas & Phariseos quæstio versata est, quòd esset mandatum primū, siue maximū diuinę legis: quibusdam videlicet hostias & sacrificia laudantibus; alios verò maiore autoritate, fidei & dilectionis opera præferentibus, eò, quòd plurimi patrum ante legem, absque omni victimarum & sacrificiorum consuetudine, ex fide tantum, quæ per dilectionem operatur, placuerint Deo, summoque apud ipsum loco haberentur: nemo autem vnquam absque fide ac dilectione,
holocausta

holocausta solum & sacrificia offerens, Deo placuisse inueniretur. In qua sententia scriba iste etiam se fuisse declarauit. Deum autem ex tota anima diligit, qui omne bonum credit apud Deum, & omne bonum credit esse Deum, & extra Deum non credit esse bonum. Qui omnem virtutem & sapientiam credit esse Deum, & extra Deum non credit esse ullam sapientiam aut virtutem. Qui credit Deum omnia facere, & sine Deo nihil fieri posse; ille perfecte ex tota anima diligit Deum. Si vir habeat uxorem, quomodo cognoscitur uxoris plena dilectio? Vxor neminem debet sapientiores reputare, quam virum suum: etsi alter fortior sit, tamen illa intelligere non debet alterum fortiores. Vxor neminem formosiores debet putare, quam virum suum: etsi sit alter formosior; tamen oculis eius alter formosior non debet apparere. Perfectum enim odium, & perfectus amor, iudicium rerum non cognoscit: ut puta, si perfecte oderis aliquem, qualiacunque fuerint apud illum, omnia tibi displicent, siue quæ dicit, siue quæ agit: etsi verè bona sunt, tamen tibi mala videntur. Si & perfecte aliquem amas, quæcunque sunt apud eum placent tibi, siue quæ loquitur, siue quæ agit: etsi mala sunt, tamen tibi bona videntur. Ergo & vxor, si videns aliquem dixerit, quam sapiens vir, utinam vir meus talis esset; iam amor eius minus haberet perfecti amoris: & quanto amplius aliquid laudauerit in altero viro, quam in suo; tanto dilectio eius minor est ad virum suum. Sic ergo & omnis anima Christiana, quæ sponsa est Christi, ita diligere debet Deum, ut nihil sit in mundo, quod amplius amet, quam eum, aut tantoperè. Quanto autem plus aliquid amauerit, tanto minus amat Deum.

Notandum, neque solam fidem ad veram consequendam iustitiam conferre, neque solam charitatem, sed utraq; simul iuncta: nam neque hic Pharisæus omnino iustificatur, etsi charitatem commendat: fide enim perfecta caruit: neque alij cum fide, sine charitate salui esse poterunt: utrunque enim necessarium est: charitas tamen singulari quodam modo ad fidem & salutem disponit. Vnde dicit Saluator: Non longè es à regno Dei, disponente te charitate.

Notandum, Verba hæc, Audi Israël, Dominus Deus tuus, Deus vnus est, Matthæum non scripsisse, ut pote procemium primi præcepti. Quæ quidem tres demonstrant hypostasies, vnamque diuinitatis naturam. Quum enim dicitur Dominus, deinde Deus tuus, & rursum Deus, tres personæ manifestantur: quod autem additur vnus, naturæ declarat vnitatem. Alio quoque modo dici potest: quod videlicet Hebræis frequens sit hæc reduplicatio, Dominus Dominus, & Deus Deus, propter eius sublimitatem.

Notandum, Duabus pulcherrimis rebus saluatorem totam suam prædicationem obsignare: primò, inquam, & summo præcepto legis: deinde maximo fidei nostræ articulo, incarnationis filij Dei. Notandum autem, verbum responsionis plus continuationis esse, quam interrogationis, quale illud: Respondens Iesus dixit: Confiteor tibi pater, domine cæli & terræ.

Notandum, Duas opiniones iam Christi temporibus fuisse de futuro Messia: alteram eorum; qui putabant eum Regem & prophetam futurum ex semine David tantum: alteram eorum, qui hæc omnia putarunt, & ultra, filium

lium Dei futurum, verum Deum & hominem, Primam illam sententiam nunc etiam Iudei sequuntur multi, Ebionitę item, Cerinthij, Samosatani, Machometani, ac huius ætatis pleni hæreticorum greges. Ad quos omnes refutandos adfert Dominus testimonium Davidis, in quo illum, non filium tantum suum; sed Deum etiam ac dominum confitetur: Dixit Dominus Domino meo, sede à dextris meis, donec ponam inimicos tuos, scabellum pedum tuorum.

24 **Notandum**, Quod à patre subiiciuntur filio inimici, non infirmitatem eius, sed vnitatem naturæ, qua in altero alter operatur, significat. Nam & filius subiicit inimicos patri, qui patrem clarificat super terram.

25 **Notandum**, Quoniam autem vniuersam hanc confessionem populus quidem laudare debebat, quod quidem nunc faciebat; multa enim turba eū libenter audiuit; Pharisei autem & sacerdotes reprehensuri erant: ideo monet Dominus diligenter turbas, vt caueant, eosque pulcherrimis ac verissimis coloribus depingit. Cauete, inquit, à scribis, qui volunt in stolis ambulare, & saluari in foro, & in primis cathedris sedere in Synagogis, & primos discubitus in cœnis; qui deuorant domos viduarum, sub obtentu prolixæ orationis: hi accipient prolixius iudicium. Quos colores latius explicat Diuus Matthæus Cap. 23.

26 **Notandum**, Quod non saluari in foro, non primos sedere vel discumbere vetat eos, quibus hoc officij ordine competit; sed eos nimirum, qui hæc siue habita, seu certè non habita, indebitè amant: animum videlicet, non gradum, iusta distinctione redarguens.

27 **Notandum**: duplici ratione à vanæ gloriæ cupidis attendere iubemur: ne scilicet eorum vel simulatione seducamur, æstimantes bona esse & facienda quæ faciunt; vel æmulatione inflammemur, frustra gaudentes in bonis laudari, quæ simulant.

28 **Notandum**: Sunt qui se iustos, & magni apud Deum meriti simulantes, ab infirmis quibuscumque, & peccatorum suorum conscientia turbatis, quasi patroni pro eis in iudicio futuri pecunias accipere non dubitant: & cum porrectæ manus pauperi preces iuuare soleant, illi ob hoc maximè in precibus, vt pauperi numum tollant, pernoctant. Quibus illa Iudæ maledictio non immeritò congruit: Cum iudicatur, exeat condemnatus: & oratio eius fiat in peccatum. Condemnatus quippè cum iudicatur exit, & orationem suam in peccatum recipit, qui magnæ nunc æstimationis apud homines habitus, in diuino tunc examine non solum se pro aliis interuenire non posse, sed nec sua sibi merita sufficere posse deprehendit: imò ipsarum, quibus humanum iudicium fefellerat, precum inter crimina pœnas luit.

29 **Notandum**: Qui sub obtentu simulatæ iustitiæ deuorant domos viduarum, accipient prolixius iudicium.

30 **Notat V. Beda**: quia sermone græco *φυλάκειν* seruare dicitur, & gaza lingua Persica diuitiæ vocantur: gazophylacium locus appellari solet, quo diuitiæ seruantur. Quo nomine & arcam, in qua donaria populi congregabantur, ad vsus templi necessarios, & porticus, in quibus seruabantur, appellabant.

Hhh

Habes

Habes exemplum de porticibus in Euangelio: Hæc, inquit, verba locutus est Iesus in gazophylacio, docens in templo. Habes de arca in libro Regum: Et tulit Ioiada pontifex gazophylacium vnum, aperuitq; foramen de super, & posuit illud iuxta altare ad dexteram ingredientibus domum domini: Mittabantque in eo sacerdotes, qui custodiebant ostia, omnem pecuniam, quæ deferabatur ad templum Domini. Cumque viderent nimiam pecuniam esse in gazophylacio, ascendebat scriba Regis, & Pontifex, effundebantq; & numerabant pecuniam, quæ inueniebatur in domo Domini.

NOtandum, Quadrantem vocari à calculatoribus, quartam partem qualiuscunque rei, videlicet aut loci aut temporis, aut libræ siue assis. Hoc loco ergo quartam partem assis, idem solidi ærei, qui octo minuta valebat significat.

NOtandum, Gratum esse aspectum saluatori nostro, bonorum operum nostrorum: contra quam sentit hæresis: sedet ante gazophylacium: aspicit eleemosynas. Verendum autem est, ne nunc aliud de cælo sancto suo in Ecclesia sua videat, quam tunc in Hierosolymitano templo vidit. Aspiciebat, inquit, quomodo turba iactaret æs in gazophylacium: & multi diuites iactabant multa. Nunc autem contraria omnia: ex altari, ex templo, ex ærario, ex agris, ex decimis, tam à diuitibus quam à pauperibus, Ecclesiastica ad nepotes & pronepotes ferri & rapi: obsequiumque arbitrari se præstare Deo, si Ecclesiasticum abstulerit aliquid.

NOtandum, Vidisse Christum Dominum, magnum fuisse templi thesaurum: vidisse luxuriosos esse sacerdotes, pauperes multos: vidisse viduam tenuissimam: neque tamen illud dicere, templum diues esse, sacerdotes per luxum omnia prodigere: pauperes multos, viduam egentem. In hoc igitur potius, quam in illa eas opes conferendas esse. Nam hæc oratio soliùs Iudæ fuit, & nunc inuidorum hæreticorum.

NOtandum, Vt omnia alia opera nostra, Deum animo & optima voluntate, sineque ac instituto bono magis metiri, quam rebus & operibus ipsis: ita maximè in eleemosyna bonorumque suorum distributione: quod in ista vidua apparet. Contulit hæc minuta duo sola, & tamen plus omnibus contulisse decernitur ab illo, qui iudicat æquitatem, idque magna attentione suorum discipulorum.

NOtandum, periculosam esse doctrinam, quæ docet ex superfluis, & ex his quæ reliqua sunt tantum eleemosynas faciendas, pauperesque subleuandos esse: cuius doctrinæ initium sumtum est ex illa interpretatione Lucæ, Quod superest date eleemosynā: hoc est, ex superfluo, & eò quod superest: cum istic Græcè non sit περισσὸν aut περισσεύον, sed τὰ ἐνδύα, quæ Theophylactus τὰ ὑπερῆχον τὰ ὑμῖν exponit, alij alio modo interpretantur.

Nunc autem Christus aliam sententiam fert, non expectandum esse, donec aliquid superfluat; sed ex penuria etiam ac victu suo conferendum. Quid enim vnquam auaro superesset, cui tantum deest, quantum superest? præsertim his, qui de mutando statu indies cogitant. Sed & prodigo rarò aliquid superest. Quod clarè docent verba Euangelij: Hæc, inquit, ἐκ τῆς ὑπερῆχου vel ὑπερῆ-

ἐκ τῆς ἀνάγκης, id est, ex penuria etiam ac victu suo, & ex eo quod illi deest, siue ex egestate sua, misit in gazophylacium totum victum suum. Modus autem & mensura istius rei est illud Tobiae: Si multum tibi fuerit, abundanter tribue: si exiguum tibi fuerit, etiam exiguum libenter impertiri stude. Quomodo poteris, ita esto misericors.

37 **N**Otandum hoc loco, neminem ab eleemosynis faciendis eximi, nisi eos qui penitus nihil habeant: quod ista vidua docet, quæ dimidium victum suum in gazophylacium contulit, magna domini approbatione. Explicat hanc rem D. Basilius in ea oratione, quam de fame & squalore conscripsit.

38 **N**Otandum, In hac viduæ commendatione maiestatem diuinitatis suæ Christum admodum declarasse; ut qui absens substantiam eius nouerit, animum & institutum viderit, decretum iustitiæ illi dederit, quæ Dei sunt propria.

39 **L**Audabilis & gloriosus sis, IESV Christe, in secula, qui nonnumquam dona, animo & voluntate eorum, qui libenter offerunt, quam re maiora, amplioraque, ut libenter aspicias, ita gratè accipias. Utinam verò & anima mea vidua efficiatur, abiecto diabolo, cui adglutinata est atque subiecta, quæ mittat in Dei thesaurum duo minuta, videlicet corpus ac mentem: comminuta, illud quidem per temperantiam, hanc autem per animi modestiam.

Caput XIII.

1 **I**NITA & obsignata ad Phariseos & ad turbas doctrina sua, nunc ad Apostolos suos se conuertit: ac quid in posterum futurum sit cum templo, vrbe, toto denique mundo, illis prædicit. Primum ut se verum Deum esse probet, cui non minus futura, quam præsentia nota sunt: deinde ut det significationem timentibus se, ut fugiant à facie arcus: quæ omnia cum in Matthæum fusissimè notata sit, paucissima nobis quædam notanda relicta sunt.

2 **N**Otandum, Diuinitus procuratum est, ut patefacta per orbem fidei Evangelicæ gratia, templum ipsum, quondam angustum, cum suis ceremonijs tolleretur: ne quis fortè adhuc paruulus ac lactens in fide, si videret illa permanere, quæ à prophetis sanctis facta, quæ à Domino sunt instituta, admirando sanctum seculare, paulatim à synceritate fidei, quæ est in Christo IESV, ad carnalem laberetur Iudaismus. Prouidens ergo Deus infirmitati nostræ, & Ecclesiam suam multiplicari desiderans, omnia illa subuertere fecit penitus ac auferri: quatenus umbra & typo cessante, veriore ipsa iam veritas per orbem declarata palmam teneret. Destructum est & illam ob causam, ut ostendatur Iudæis, omnes victimas & holocausta illorum, omnes item ceremonias & ritus, omnem cultum & adorationem, abrogata & à Deo repudiata esse: quandoquidem illud templum sublatum est, cum quo ista ita coniuncta erant; ut nusquam aliàs obiri, & sine crimine ac scelere celebrari possent.

3 **N**Otandum: Nulla est moles tanta, quam moles peccatorum non euerat, ingritudinis præsertim. Quæ enim maiestas, aut quæ amplitudo tanta fuit,

fuit, quanta Hierosolymitani templi? Ecce locus, vbi Troia fuit. Non relinquetur, inquit, lapis super lapidem, qui non destruatur.

Notandum: A templo Dei vbique initium ruinæ: probat hæc nunc Gal-
lia, probauerunt multa Christiani orbis regna. Sedet autem Dominus in mon-
te Oliuarum contra templum, cum de ruina templi & excidio gentis disputat:
vt etiam ipse corporis situs, verbis, quæ loquitur, congruat: mysticè designans,
quia quietus manens in sanctis, superbiorum detestetur amentiam. 4

Notandum, Rem subiectam oculis mouere magis. Itaque Christus Do-
minus & Apostoli eius, conspectu templi & vrbis moti, grauissimè de illius in-
teritu disputant: Magister, inquit, aspice quales lapides, & quales structuræ. 5

Notandum: Primus gradus infidelitatis, dubitare quando hæc fient: 6
quæ frequentissima nunc est quæstio siue de morte, siue de poenis malorum,
siue de extremo iudicio cum hominibus mundo deditis disputes. Quod tantò
magis fore, quantò magis ad finem & occasum suum mundus inclinauit, do-
cet D. Petrus: Venient, inquit, in nouissimis diebus in deceptione illusores,
iuxta proprias concupiscentias ambulantes, dicentes, Vbi est promissio aut
aduentus eius? ex quo enim patres dormierunt, omnia sic perseverant ab ini-
tio creaturæ.

Notandum, errores & vitia occasione crescere: quomodo nunc venerat 7
tempus aduentus Melsiæ; cognitum id erat fere omnibus: ideò multi pseu-
doprophetæ, multi Pseudomessiæ exoriebantur, & postea exoriri debebant,
quod nunc monet Saluator: Venient multi in nomine meo dicētes, quia ego
sum, & multos seducunt: qualis Iudas, qualis Theudas in actibus Apostolorū
recensentur. Quomodo nunc, occasione malorum principum, ac eorum
qui non timent Dominum, multi errores, multæ hæreses exoriuntur. Nam
principes pij & zelosi, etsi aliquando non extirpant hæreses, comprimunt ta-
men plerunque: quod pulchrè docet D. Gregorius: Temporibus, inquit, piis-
simorum & Christianissimorum Imperatorum, ora hæreticorū conticescunt.
Quia etsi eorum corda, in infania peruersi sensus ebulliunt; orthodoxi tamen
Imperatoris tempore praua quæ sentiūt, eloqui non præsumunt: ita vt apertè
videamus impleri, quod scriptū est: Congregās sicut in vtre aquas maris: aqua
enim maris, sicut in vtre, cōgregata est: quia amara hæreticorū scientia, quid-
quid odit, prauū sentit, in pectore comprimit, & apertè dicere non præsumit.

Notandum, Vnum malum extremum multa solere antecedere mala: ne-
que tamen statim finem esse. Quemadmodum mortem hominis multi ante-
cedunt morbi, priusquàm hominem conficiant: præcedunt autem multa ma-
la, vnum summum malum; vt se colligant homines, vt ad se reuertantur, vt
poenitentiam agant; ne subitò ab vltimo malo occupentur. Exoriebantur
autem hæc mala in Iudæa, partim ob ipsas Iudæorum seditiones & turbas,
partim à Romanis, quorum iugum excutere voluerunt: qua de re legendus
est Iosephus de bellis Iudaicis. 8

Notandus est catalogus malorum, quæ communiter diuexant genus hu-
manum. Cum audieritis inquit bella, & opiniones bellorum, ne timueritis: o-
portet enim hæc fieri; sed nondum finis. Exurget enim gens contra gentem,
& regnum 9

& regnū super regnum; & erunt terræ motus per loca, & pestilentia & fames.

10 **Notandum:** Quando maximè Ecclesia premitur, Apostoli Apostolicique viri opprimuntur; tum maximè Euangelium crescit, maximè propagatur, maximè viget: quod hoc loco prædicit Christus. Tradent enim vos in conciliis, & in Synagogis vapulabitis: & ante Reges & præsides stabitis propter me, in testimonium illis. Et, In omnes gentes primum oportet prædicari Euangelium.

11 **Notandum:** Non esse istos, qui loquuntur, sed Spiritum sanctum. Quo loco primum illud notant sancti patres, Spiritum sanctum verum Deum esse, æqualem patri & filio. Nam hoc idem alio loco idem Christus dominus de se locutus est: Ego, inquit, dabo vobis os, & sapientiam, cui non poterunt resistere & contradicere omnes aduersarii vestri. Deinde quàm magnifica sit dignitas sacerdotum, quorum lingua est instrumentum Spiritus sancti, ad omnem doctrinam & benedictionem. Non enim, inquit, vos estis loquentes, sed Spiritus sanctus. Sed & hæc lingua cauta & sancta sit oportet, qua hic tantus videtur artifex.

12 **Notandum:** Magna lis est & odium diuersæ religionis & fidei, & quæ in proxima quæque maximè coniuncta sæuit, parentes, inquam, filios, fratres: quod nunc clarè Christus Dominus explicat. Tradet, inquit, frater fratrem in mortem, & pater filium, & consurgent filij in parentes, & morte afficient eos. Experta hoc est non ita pridem Flandria, experta Hungaria, & Boëmia, experitur magno orbis Christiani damno Gallia: quod utinam nos experiamur nunquam. Preclarè igitur Beda V. nullus, inquit, inter eos est fidus affectus, quorum diuersa fides est. Verum hac tota de re in eo sermone diximus, quem de falsis prophetis dignoscendis conscripsimus.

13 **Notandum,** nullam persecutionem maiorem esse, quàm eam, quæ ab his provenit, qui nobis auxilio & præsidio esse debuerunt: qualis hæc est fratrum, parentum, & domesticorum. Ideo Christus Dominus eam ultimo loco ponit: & illi solatium adiungit, Propter me inquit, & propter nomen meum.

14 **Notandum,** ipsam desolationem domus Domini abominationem significare. Nihil enim tristius, nihil turpius esse potest, quàm ubi domus Dei desolari incipit. Abominatio hæc est maxima. Fit enim plerumque, ut ubi templa & domus Dei à suis deseruntur, vel à paganis vel ab hæreticis occupantur, quæ longè maxima est abominatio. Quod Constantinopoli & aliàs factum esse legimus. Talem desolationem deplorat Hieremias: Viæ Sion, inquit, lugent, eo quod non sint, qui veniant ad solennitatem. Et Dominus apud Aggæum: Respexistis, inquit, ad amplius, & ecce factum est minus: & intulistis in domum, & exsufflaui illud. Quam ob causam, dicit Dominus exercituum: quia domus mea deserta est: & vos festinatis unusquisque in domum suam. Talis item desolatio solet esse signum extremæ desolationis Rerum publicarum, ubi cultus Dei negligitur, templa vacua stant: qualis desolationis & abominationis apud nos magna sunt initia, dum tot templa, tot paræcias desertas ac desolatas esse videmus: dum, vel in vna diœcesi Cracouiensi septuaginta Ecclesias vacuas & desolatas esse conspiciamus.

15 **Notandum,** Dubitari à multis, num à plagis Dei fugere debeamus, hoc

est peste & fame. Sunt multa, quæ id fieri iubent. Nam & primi Patriarchæ famem fugiendo venerunt in Ægyptum: & Moses iram Regis declinans in Arabiam aufugit: & Christus Dominus in Ægyptum, propter Herodem, portatus est: & Apostoli exitium vrbs prævidentes, omnes priusquam veniret, Hierosolymis discesserunt: & alij multi sancti. Sed hoc loco clarè idem præcipere videtur Dominus, vt eas calamitates, quæ impendebant, fugerent.

Notandum, Non tantum fugiendum esse, sed subitò etiam, & velociter fugiendum. Nam ista quæ ponuntur in Euangelio, subitæ fugæ & discessionis sunt: vt pulchrè exponit Theophylactus. Tunc qui in Iudæa sunt, fugiant in montes: & qui in agro erit, non reuertatur tollere vestimentum suum. Satis enim latum est, si quis re sua familiari domestica neglecta, nudo tantum corpore fugam capeffat, eaquæ sibi salutem acquirat. Inepti quidem in tali fuga ineptius se præparant & gerunt, quàm si ad nuptias proficiscerentur, aut in nuptijs essent; quod est tentare Dominum. Simile quid est apud Ezechielem, de tempore iræ Domini: Venit inquit tempus: appropinquauit dies: qui emit, non lætetur: & qui vendit, non lugeat: quia ira super omnem populum eius; quia qui vendit, ad id quod vendidit, non reuertetur.

Notandum, Prægnantium & lactentium mulierum in omnibus rebus potissimam habendam esse rationem, omnibusquæ illarum commoditatibus prouidendum. Legenda est Regum Historia, vbi vxor Ionathæ malum captiuitatis præpropere fuga vitando, lapsum sinu filium, perpetuò claudū recepit.

Notandum, Quòd Dominus orare præcipit, ne hyeme fugiatur: & rota consequens locutio partim ad captiuitatem Iudaicam, quæ à Romanis facta est; partim ad diem iudicij pertinet. Nam & apud Matthæum ita discipuli Dominum, cùm hæc esset locutus, interrogasse leguntur: Dic nobis, quando hæc erunt, & quod signum aduentus tui, & consummationis seculi?

Notandum, Pulchrè monet Saluator, orandum esse, ne fuga nostra sit hyeme: refrigescet siquidem charitas vltimis diebus, & abundabit iniquitas: ad quam iniquitatem superandam multo opus erit charitatis calore.

Notandum, Quo tandem pacto erunt dies illi tribulationis tales, quales non fuerunt ab initio creaturæ, quam condidit Deus, vsq; nunc, neque fient; cùm decem vniuersis persecutionibus, quarum crudelitas oratione explicari non potest, vsque ad Diocletiani tempora vexata sit Ecclesia. an quòd tunc soluetur Draco, hoc est Diabolus, ad omnem implendam crudelitatem, qui tunc vinctus fuit. Quòd si eo tempore tantum sæuiit, quid solutus faciet? An quòd vltimus hic erit agon, vltima congressio diaboli cum Ecclesia, vltima fidelium probatio, quæ vehementiora præ cæteris esse solent. An quòd illo tempore in corpora tantum sæuiit, tunc autem & in corpora & in animos sæuiet: nec tantum gladio pugnabit, sed signis etiam, portentis, scriptura, opibus, & aliis instrumentis, quibus omnia cedere solent. An quòd non de terra tantum aut cæteris elementis, sed etiam de calo aduersa, terroresquæ venient: & pugnabit pro eo orbis terrarum contra insensatos.

Notandū, tribulationes has, Antichristi propriè temporibus congruere, quando non solum tormenta crebriora & acerbiora, quàm prius consueuerūt, inge.

ingerenda sunt fidelibus; sed quod grauius est, signorum quoque operatio eos, qui tormenta ingerunt, comitabitur, teste Apostolo: qui ait, Cuius aduentus secundum operationem Sathanæ, in omni seductione, signis, & prodigiis mendacij. Quanta enim sæpe miracula, quot virtutes sancti martyres coram persecutoribus fecerunt? nec tamen credere illi, neque à persequendo cessare voluerunt. Quis ergo ad fidem conuertitur incredulus, cuius iam credentis non pauet & concutitur fides, quando persecutor pietatis, fit etiam operator virtutis: idemque ipse, qui tormentis sæuit ut Christus negetur, prouocat miraculis ut Antichristo credatur?

22 **Notandum**, Electis omnia seruire, & propter electos abbreviari dies malos. Hæc enim tribulatio, quanto cæteris, quæ præcessere, pressurarum pondere grauior, tanto est temporis breuitate moderatior futura. Namque tribus annis ac dimidio, quantum ex prophetia Danielis, & Apocalypsi S. Ioannis cõijci potest, Ecclesiam per orbem impugnatura esse creditur.

23 **Notandum**, Magnum thesaurum esse in vnaquaque republica, electos: & ideo colendos & venerandos esse, ut pote amicos Dei. Miseram autem illam rempub. vbi tales pauci vel nulli reperiuntur, vel persecutiones patiuntur.

24 **Notandum**: Quoniam autem dixit Christus Dominus, tribulationem talem futuram, qualis non fuit à principio; ideo nunc amplius id quod dixit augeat, & explicat: id propterea futurum, quod non tantum corpus, sed etiam animæ ipsæ in periculum adducentur. Quemadmodum enim primum Christi aduentum veri prophete antecesserunt: ita item Christi aduentum falsos prophetas præituros, hoc est hæreticos. Et quemadmodum quanto vicinior erit Christi aduentus, tanto plures prophete: ita quanto viciniora tempora Antichristi, tanto plures hæresiarchæ. Qualis enim res mota fuerit, talis odor procedit. Accenso enim thymiamate, suavis fragratio exit: commoto autem stercore, putredo grauis prodit. Ante lucem, aurora exit: ante noctem, obscuritas. Horum autem eam vim fore dicit, ea signa & miracula, quod etiam electos, si fieri posset, seducerent: hos igitur cauendos monet.

25 **Notandum**, Electos Dei esse muros insuperabiles, quibus non est scandalum, quibus omnia cooperantur in bonum, quorum dominus Deus est murus & antemurale; quorum custos non dormit, neque dormitat: & ideo non cadunt; vel si cadunt, resurgunt.

26 **Notandum**, Quoniam dixit, cauendum esse à pseudoprophetis, ostendit id, non ita simpliciter aduentum Messiae futurum: quia aduentum Messiae debent præcedere signa manifestissima, ex quibus manifestissime & Messiae aduentus dignosci poterit, & istorum fraus detegi. In illis diebus, inquit, post tribulationem illam, sol contenebrabitur, & luna non dabit splendorem suum, stellæ cæli erunt decidentes; & virtutes, quæ sunt in cælis, mouebuntur.

27 **Notandum**: Sidera in die iudicij videbuntur obscura, non tam diminutione fortasse suæ lucis accedente, sed superueniente claritate veri luminis, hoc est summi iudicis, cum venerit in maiestate sua, & patris & sanctorum angelorum. Quamvis nil prohibeat intelligi, veraciter solem tunc & lunam, cum sideribus cæteris, ad tempus suo lumine priuari: quomodo factum de sole

constat, tempore dominicæ passionis. Vnde nondum planè completa est prophetia illa Ioë: qui cùm dixisset, Sol conuertetur in tenebras, addidit, Et luna in sanguinem, antequam veniat dies Domini magnus & manifestus. Et erubescet, inquit, luna & confundetur sol, cum regnauerit Dominus exercituum in monte Sion, & in Ierusalem, & in conspectu senum suorum fuerit glorificatus. Cæterum peracto die iudicij, & clarescente futuræ vitæ gloria, cùm fuerit cælum nouum & terra noua, tunc fiet quod idē propheta dicit alibi: Et erit lux lunæ sicut lux solis, & lux solis erit septemplex, sicut lux septem dierum.

NOtandum, Non esse mirum, homines, qui & natura sunt & sensu terre-²⁸ stres, ad hoc iudicium perturbari: cuius aspectum & ipsæ cælorum virtutes, hoc est angelicæ tremunt potestates; beato quoque Iob attestante, qui ait: Columnæ cæli contremiscunt, & pauent ad nutum eius. Quid ergo facient tabulæ, quando tremunt columnæ? Quid virgula deserti patitur, cùm cedrus paradysi concutitur?

NOtandum cum Theophylacto, Æquè filium ac patrem mittere ange-²⁹ los. Pudeat itaque homines leuissimos suæ temeritatis & mendacij, qui non eandem potentiam, quam pater habet, filio tribuunt; & penitus patri inæqualem filium esse, euincere conantur. Venient autem angeli electos congregaturi, qui rapti in nubibus occurrant domino in aëra. Quo loco Beda V. Nullus, inquit, in illa die remanebit electus, qui non venienti domino in aëra occurrat, siue viuens adhuc in corpore repertus, seu de morte iam resuscitatus ad vitam. Veniunt ad iudicium reprobi, & ipsi alij in corpore viuentes, inuenti alij ad vitam à morte resuscitati. Sed ea nimirum distantia, quod iusti congregentur in gaudium domini sui: inimici autem eius, peracto iudicio, dissipentur & pereant à facie Dei.

NOtandum: cùm autem ea fuit Christi domini oratio, quæ cuiusuis etiā³⁰ fortissimi animum deterrere & deijcere possit; ideo Christus dominus suos discipulos solatur, illisque animum addit hac ratione: Aduentum secundum suum, quibusdam quidem fore hyemis instar acerbissimæ & amarissimæ, improbis scilicet & reprobis: quibusdam veris iucundissimi sanctis & electis: ita & signa quibusdam tristitia & horrenda, quibusdam dulcia & expectata. Quod exemplo ficulneæ docet: cuius gemmæ primæ sunt gratissimæ, dant enim spem æstatis & fructuum. A ficu, inquit, discite parabolam: cùm iam ramus eius tener fuerit, & nata fuerint folia, cognoscitis quod in proximo sit æstas: sic & vos cùm hæc videritis fieri, scitote, quod in proximo sit in ostiis. Amplius autem D. Lucas: Incipientibus, inquit, his fieri, respicite & leuate capita vestra, quoniam appropinquat redemptio vestra. Vnde Theophylactus: Æstas adeo, inquit, appetuisse iustis videbitur, exacta hyeme: improbis autem & peccatoribus hyems aduenisse, æstate præterita.

NOtandum: Ne autem vel propter diuturniorem dilationem temporis,³¹ vel propter alias causas dubitarent discipuli de his, quæ prædicta sunt, nèue fidem desitutam existimarent; ostendit, neque ista adeo serò affutura. Nam & Hierosolymæ expugnationem, adhuc illis superstitibus, futuram: & consummationem mundi, Christianis Christianaque fide salua & superstite; ea fide & certitudine, vt prius cælum & terra transeant, quàm verba domini prætereant.

Amen,

Amen, inquit, dico vobis, quoniam non transibit generatio hæc, donec omnia fiant: cælum & terra transibunt, verba autem mea non transibunt.

32 **N**otandum: Si cælum & terra transibunt, mouere potest, quomodo dicit Ecclesiastes: Generatio præterit, & generatio aduenit, terra autem in æternum stat. Sed aperta ratione cælum & terra, per eam, quam nunc habent imaginem, transeunt: attamen per essentiam sine fine subsistunt. Præterit enim figura huius mundi. Et ad Ioannem angelus: Et erit, inquit, cælum nouum, & terra noua: quæ quidem non alia condenda sunt, sed hæc ipsa renouanda. Cælum ergo & terra, & transit, & erit: quia & ab ea, quam nunc habet, specie, per ignem perditur: & tamen in sua semper natura seruatur. vnde & per Psalmistam dicitur: Mutabis ea & mutabuntur.

33 **N**otandum, Posteaquàm hæc dicta sunt, nihil aliud defuisse, nihilque aliud discipulos interrogaturos fuisse, quàm quo tempore & die hæc futura fuissent. Quorum cogitationem Christus videns, satis periculosam & curiosam, eos ab illa abducit: idque duobus argumentis, partim quod ne ipsi quidem id scire datum sit: partim quod illis expediat hæc ignorare, vt semper vigilant cauti que sint.

34 **N**otandum: Et de ea quidem ignorance, qua Christus ignorat diem illam, multa in Matthæum à nobis dicta sunt: nunc ergo hæc pauca contra Agnoitas, qui aliquid Christum nescire putabant, & inde inæqualitatem eius ad patrem inferebant, ex D. Gregorio apponemus. De eo, inquit, quod scriptum *Lib. Ep. 7.* est, quia diem & horam neque filius, neque angeli sciunt, omnino rectè sanctitas vestra sensit: quoniam non ad eundem filium, iuxta hoc quod caput est, sed iuxta corpus eius, nos quod sumus, est certissimè referendum. Quare de multis locis idem beatus Augustinus eo sensu vtitur. Dicit quoque aliud, quod de eodem possit intelligi filio, quia Deus omnipotens aliquando more loquitur humano, sicut ad Abraam dicit: Nunc cognoui, quia times Deum. Non quia se Deus tunc timeri cognouerit; sed quia tunc eundem Abraam fecit cognoscere, quia Deum timeret. Sicut enim nos diem lætum dicimus, non quod ipse dies lætus sit, sed quia nos lætos facit: sic dictum est, non quod ipse nesciat diem, sed quia hunc sciri minimè permittat. Vnde & pater solus dicitur scire, quia consubstantialis ei filius, eius natura qua est super angelos, habet vt hoc sciat, quod angeli ignorant. Vnde & hoc intelligi subtilius potest, quia incarnatus vnigenitus, factusque pro nobis homo perfectus, in natura quidem humanitatis nouit diem & horam iudicii, sed tamen hunc non ex natura humanitatis nouit. Quod ergo in ipsa nouit, non ex ipsa nouit, quia Deus & homo factus, diem & horam iudicii, non nisi per deitatis suæ potentiam nouit: sicut cum ei in nuptiis mater virgo diceret, vinum deesse, respondit: Quid mihi & tibi mulier? Nondum venit hora mea. Neque enim Iesus angelorum dominus horæ subiectus erat, qui inter cuncta quæ creauerat, horas & tempora fecerat: sed quia mater virgo cum vinum defuit, per eum miraculum fieri volebat, statim ei responsum est: Quid mihi & tibi mulier? Ac si apertè diceret: Vnde miraculum facere possum, hoc mihi ex patre, non ex matre est. Ex matre enim mori poterat, qui ex natura patris miracula faciebat. vnde & in cruce positus, eandem matrem moriens recognouit, quam discipulo commendauit dicens: Ecce mater tua. Ait ergo: Quid mihi & tibi est mulier? nōdum

dum venit hora mea. Quod est dicere: In miraculo, quod ex tua natura non habeo, te minimè recognosco: sed cum hora mortis venerit, cognosco te matrem; quia vnde mori possum, hoc ex te habeo. Itaque scientiam, quam ex humanitatis natura non habuit, ex qua cum angelis creatura fuit, hanc se cum angelis, qui creaturæ sunt, habere denegauit. Diem ergo & horam iudicii scit Deus & homo. Res autem manifesta est valde: quia quisquis Nestorianus non est, Agnoita esse nullatenus potest. Nam qui ipsam Dei sapientiam fatetur incarnatam, qua mente valet dicere, esse aliquid quod Dei sapientia ignoret? Scriptum est: In principio erat verbum, & verbum erat apud Deum, & Deus erat verbum. Omnia per ipsum facta sunt. Si omnia, proculdubio etiam dies iudicii & hora. Quis ergo desipiat, vt dicere præsumat, quia verbum patris fecit, quod ignorat? Scriptum quippe est: Sciens Iesus, quia omnia dedit ei pater in manus. Si omnia, profectò diem iudicii & horam. Quis ergo ita stultus est, vt dicat, quia accepit filius in manibus quod nescit?

Notandum: Cause exponuntur, cur omninò discipulis non expediat, de die illa & hora cognoscere: simulque arma illis dantur, quibus contra futura aduersa se communire possint; vt videant, quod prudentiæ est; vt vigilent, quod sobrietatis; vt orent, quod perseuerantiæ & fortitudinis. Quod pulchra parabola demonstratur hominis peregre profecti, & relinquentis domum suam, & dantis seruis suis potestatem cuiusque operis, & ianitori præcipientis vt vigilet.

Notandum, Tempora veteres, non per horas, vt nunc, sed per interstitia quædam diuississe: quod nunc Christus facit: Vigilate, inquit: nescitis enim quando dominus domus venerit; serò, an media nocte, an galli cantu, an mane. Et quod Theophylactus cum Euthymio sic mysticè interpretantur: Serum dicitur, ætas senum: medium noctis, eorum qui in media sunt ætate constituti: gallicinium verò, eorum qui iam sapere incipiunt, cum prudentia in modum galli gallinacei excitat eos ab insensibilitate. Mane autem, ætas est puerorum, de quibus illud semper præcauendum est, ne sine baptismo hac vita excedant.

Notandum, Finem Euangelij esse, & vltimam clausulam, vt vigilemus; non Apostoli tantum, aut Apostolici viri, sed omnes communiter docent: quod ipse Christus dominus clarissimis verbis, ne quis vllam excusationis occasionem habeat, interpretatur. Quod, inquit, vobis dico, omnibus dico, vigilate. Quod ad ipsam solam vigiliam hoc loco referri, manifestus contextus docet. Nam multa Christus Apostolis dixit, quæ ad omnes nullo modo referri possunt: vt, Accipite Spiritum sanctum, quorum remiseritis peccata, remissa sunt: & quorum retinueritis, retenta sunt. Et illud: Hoc facite in meam commemorationem. Vigilat autem, inquit Beda V. qui ad aspectum veri luminis mentis oculos apertos tenet. Vigilat, qui seruat operando quod credit: vigilat, qui à se corporis & negligentiae tenebras repellit. Hinc etenim Paulus dicit: Euigilate iusti, & nolite peccare. Hinc rursus ait: Hora est, iam nos de somno surgere. Ergo vigilemus omnes.

Caput XIII.



NOTANDVM: Posteaquàm Euangelista Christires gestas atq; doctrinam ea ex parte, quâ pastor fuit, quâ doctor, quâ medicus, quâ Rex explicasset; nunc ea officia explicaturus est, quâ mediator, quâ redemptor, quâ aduocatus, quâ pontifex, quâ sacerdos, quâ victima. Huius autem tractationis tres sunt partes: prima apparatus ad tractationem exponitur, secunda ipsum sacrificium, in tertia recessus.

2 **NOTANDUM** igitur tempus in primis futuræ mediationis, ac reconciliationis nostræ cum æterno patre, holocausti, item & sacrificij, explicari: illud scilicet, quod lege præscriptum fuit, ut illud doceatur, pascha verum fieri debuisse, quod cum Christo agendum erat: nec supplicium, sed altare crucem futuram: & pascha nostrum immolatum esse Christum. Erat, inquit, pascha, & azima post biduum.

3 **NOTANDUM** Sacerdotum consilium, de mactatione & oblatione hostiæ, & sacrificij; non quidem secundum illorum virtutem aut intentionem, secundum tamen Dei voluntatem. Quærebant, inquit, summi sacerdotes & scribæ, quomodo eum dolo tenerent, & occiderent.

4 **NOTAT** Theophylactus, ipsummet Christum Dominum tempus sibi passionis definiuisse: quippe cui placuisset, in solennitate paschali, qui verum pascha erat, crucifigi. Quo loco virtus & potestas eius diuina, eaque admirabilis ea ex parte se ostendit; quod cum scribarum & seniorum illum concilium eum tenere voluisset, eius capiendi non erat illi potestas: cum autem mutasset voluntatem, ne die festo prehenderetur Christus Dominus, illo ipso tempore ultro se capiendum obtulit.

5 **NOTANDUM**, Nullum esse tam bonum factum, quod in sermones & obrectationes hominum non incidat, ac iustorum etiam nonnunquam. Difficile enim est vitium obrectationis effugere: quod nunc in ista muliere videmus. Ut autem difficile effugitur: ita minimè ab his, contra quos instituitur, curandum est. Cum illis, qui fixerunt corda in cælo, verba hominum nihil agitant in terra. Beatus enim Iob, cum amici eius, qui ad consolandum eum venerant, in increpationem profiliissent, ait: Ecce enim in cælo testis meus, & conscius meus in excelsis. Qui enim in cælo vitæ suæ testem habet, iudicia hominum in terra pertimescere non debet. Dux quoque bonorum Paulus dicit: Gloria nostra hæc est, testimonium conscientiæ nostræ. Qui iterum dicit: Opus suum probet vnusquisque, & sic in semetipso gloriam habebit, & non in altero. Si enim laudibus lætamur, & vituperationibus frangimur, gloriam nostram non in nobis, sed in aliorum ore posuimus.

6 **NOTANDUM**, quæ fuerit ista mulier, & quomodo ab aliis distinguatur, quæ idem officium Christo præstiterint, pulchrè notasse Theophylactum: Omnes, inquit, Euangelistæ meminerunt vnguenti. Ex quibus colligunt quidam, vnam eandemque mulierem pium hoc Christo officium præstitisse, cum plurimum fallantur. Dux autem, eaque diuersæ fuerunt: Vna quidem à Ioanne, quæ & soror Lazari fuisse perhibetur: altera autem quæ à tribus reliquis. Ceterum,

*Greg. lib. 9.
Ep. 39.*

terum, si attentius consideres, tres easque differentes fuisse reperies: apud Ioannem quidem vnam, apud Lucam alteram, tertiam, cuius meminit Matthæus, & hanc eandem esse cum ea, quam hoc loco D. Marcus celebrat. Nam illa, quam Lucas commemorat, & peccatrix erat, & in medio cursu prædicationis Euangelicæ poenitens, Christum perfudit vnguento. Ea verò cuius mentio apud Matthæum est, tempore iam passionis instante officium hoc pietatis exhibuit: neque meretricem eam fuisse in confesso est. Pertinebat autem hoc factum, quæcunque illa fuerat, mulieris, ad præparationem hostiæ.

Notandum: Quamvis detractio hæc, siue Iudæ, siue aliorum, à malo animo profecta fuerit, multa tamen nobis bona attulit. Nam & mysterium huius facti nobis interpretata est: infert enim Christus, Quod habuit hæc, fecit; præuenit, inquit, corpus meum vngere in sepulturam: & prophetiam quandam grauem nobis manifestauit, Euangelium scilicet Christi per vniuersum mundum prædicandum fore. Amen dico vobis, vbicunque prædicatum fuerit Euangelium istud in vniuerso mundo, & quod fecit hæc, narrabitur in memoriam eius. Et ideo Ecclesiam Catholicam, id est per totum orbem terrarum fusam confitemur.

Notandum, Neminem vnquam pro honore Dei aliquid fecisse, aut dixisse, vel aliquam iniuriam accepisse, qui mercedem à Christo domino non receperit, quemque suo testimonio non remunerauerit, sua autoritate non defenderit. Sinite, inquit, eam: quid ei molestiam exhibetis? Ac si dicat: Tu quidem pretio illectus, cum me Iudæis interficiendum tradas, te ipsum, qui tanti sceleris tibi conscius es, minimè coarguis: hanc autem, quæ instinctu quodam diuino in sepulturam me vnguentis inunxit, reprehensione tua dignam iudicas?

Notandum: Quòd sicut Maria gloriam adepta est toto orbe, quocunque ecclesia sancta diffusa est, de obsequio quod domino piæ deuotionis exhibuit: ita è contrario ille, qui obsequio eius detrahere temeraria lingua non timuit, perfidiæ nota longè lateque diffamatus, & Deo simul atque hominibus meritò factus est exosus: sed dominus bona digna laude remunerans, futuras impij contumelias tacendo præterit.

Notandus profectus in malo Iudæ; ex fure factus est detractor & calumniator: ex detractore & calumniatore proditor, propriique magistri venditor. Quo loco Beda V. Infelix, inquit, Iudas, damnum quod ex effusione se vnguenti fecisse credebat, vult magistri pretio compensare: nec certam postulat summam, vt saltem lucrosa videretur proditio, sed quasi vile tradens mancipium, in potestate ementium posuit, quantum vellent dare. Quod autem dicit, Abiit ad summos sacerdotes, vt proderet eum illis; ostendit eum non à principibus inuitatum, non vlla necessitate constrictum, sed sponte propria sceleratę mentis inisse consilium; vt significationem daret, quando solus in loco solo esset. Nam impium illud concilium metuebat turbam, ne ministri adprehendendum eum missi, importunè eum docentem opprimerent. Hic itaque isto illos metu liberauit, & recepit se tempore & loco solitudinis captato, ducem eis ad capiendum magistrum fore.

Notandum: Apparatum futuri Paschatis Euangelista descripturus, à tempore

pore orditur : Primo , inquit , die azymorum , quando Pascha immolabant ; primùm vt verum celebrasse Pascha Christum dominum doceat , deinde vt in futurum fermentariorum ora obstruantur , qui hoc nomine mundum turbaturi erant. Si enim fuit prima dies azymorum , Christus certè azymis vsus est : vel si non , ergo neque dies azymorum fuit , neque Paschæ. Itaque contortè eum locum interpretatur Theophylactus , vincendi & contentionis studio. Primum , inquit , diem azymorum Euangelista quintum vocat , qui azymorum diem antecedeat. Nam in parasceue azymis vesci Iudæi solebant. Verùm hæc aliàs prolixius tractauimus.

12 **N**Otandum , Acerbum & infame fuisse genus supplicij crucem : maledictusque dicebatur , qui penderet in ligno : quod Christus nostra causa sustinuit. Quod ne aliquis putaret vel vitio , vel fortuito , vel inscium & nolentem Christum subiisse ; ideo Christus dominus vt ostenderet ordinationem patris , & suam voluntatem , ita omnia hæc futura ad vnguem iam à primo ingressu Hierosolymam enarrat , tanquam non futura essent , sed iam facta. Ite , inquit , in ciuitatem , & occurret vobis homo lagenam aque baiulans , sequimini eum : & quocunque introierit dicite domino domus , quia magister dicit : Vbi est refectio mea , vbi Pascha cum discipulis meis manducem ? Et ipse vobis demonstrabit cœnaculum grande stratum : & illic parate nobis.

13 **N**Otandum , neque Christum dominum , neque discipulos eius domum Hierosolymis habuisse , vt haberent locum vbi comederent Pascha. In propria ergo venit , & sui eum non receperunt : etsi tamen illi seruirent omnia.

14 **N**Otandum : etsi Christus dominus in omni vita sua paritatem & frugalitatem dilexerit , omniaque humilia secutus fuerit ; hanc tamen vltimam cœnā in illustri cœnaculo ac pretiosè strato conficere voluit , ea causa , quòd in ea illud sacrificium inchoaturus erat , quod per se mundissimum esset , & ab omnibus cruoris sordibus alienissimum : & quod in posterum vniuersus orbis christianus magna pompa , magno apparatu & splendore paraturus , & honoraturus erat : quod moderna hæresis non videt , an potius ridet.

15 **N**Otandum , eam differentiam esse inter Christi promissa , & inter mundi pollicita. Quæ Christus promittit , de his semper hæc verba Euangelij dici possunt , Venerunt in ciuitatem , & inuenerunt sicut dixerat illis. Quæ autem mundus , contraria omnia. Quem enim aliquando non decepit ? cui non imposuit ? cui ad finem vsque amicus fuit ?

16 **N**Otandum , Christum dominum sero facto Pascha comedisse , quemadmodum à lege præscriptum fuit. Errant igitur , qui anteuertisse tempus paschæ Christum dicunt. Nam quod scribit D. Ioannes , Ante diem festum paschæ , id ad matutinum tempus eiusdem diei rectè referri poterit.

17 **N**Otandum , Quærere Theophylactum , quomodo recumberent , cùm lex stantes iuberet comedere Pascha. Credibile est , eos illa primùm , quæ lege diuina præscribebantur , impleuisse : tum demum ad verum & desiderio desideratum Pascha manducandum accubuisse. Hinc ille ex Doctore angelico cantus : Noctis recolitur cœna nouissima , Qua Christus creditur agnum & azyma Dedisse fratribus , iuxta legitima , Priscis indulta patribus. Post agnum

typicum expletis epulis, Corpus dominicum datum discipulis: Sic totum omnibus, quod totum singulis, Eius fatemur manibus.

Notandum, modum dicendi, Filius quidem hominis vadit, sicut de eo scriptum est; notare spontaneam & voluntariam mortem domini futuram. 18

Notandum, Melius esse non nasci, quàm male viuere, & ita damnari. 19

Notandum cum Beda V. Finitis Paschæ veteris solennijs, quæ in commemoratione antiquæ de Ægypto liberationis populi Dei agebantur, transit ad nouum, quod in suæ redemptionis memoriam ecclesiam frequentare volebat: ut videlicet pro carne ac sanguine, sui corporis sanguinisque sacramentum substitueret; ipsumque se esse monstraret, cui iurauit Dominus & non poenitebit eum, tu es Sacerdos in æternum, secundum ordinem Melchisedech. Frangit autem ipse panem, quem discipulis porrigit, ut ostendat corporis sui fractionem, non absque sua sponte & procuracione venturam: sed sicut alibi dicit, potestatem se habere ponendi animam suam, & potestatem se habere iterum sumendi eam. 20

Notandum, Mirum esse de veritate corporis & sanguinis domini consensum Euangelistarum, eadem penitus verba: quæ res magnum est argumentum, nihil figuratiuè, nihil secundum typum aut tropum hoc loco dici, sed ipsam esse veritatem corporis & sanguinis domini. Quemadmodum autem ipsorum Euangelistarum mirus est hoc loco consensus, ita & eorum interpretum veterum patrum: & ex aduerso hæreticorum mira dissensio, mira pugna, dissensiones infinite; ex quibus patet, nihil verè, nihil solidè eos de tanto mysterio sentire. Duos non inuenies, qui idem sentiant. 21

Notandum, Christum dominum verum peregrisse Pascha: & quoniam Paschatis duæ partes sunt, esus ipse & oblatio; & ideo & in mystico paschate veram manducationem & oblationem, contra quàm mentiuntur hæretici, fuisse & esse debere. Immolabitque eum, inquit dominus ad Moysen, vniuersa multitudo filiorum Israël ad vesperam. Et edent carnes nocte illa assas igni, & azymos panes cum lactucis aggregstibus. 22

Notandum cum Theophylacto, sanguinem noui testamenti ad distinctionem veteris vocari: nam & in veteri testamento sanguinem fuisse legimus, quo populus, & liber legis conspergebantur. Negat autem se bibiturum de genimine vitis, usque post resurrectionem, quam regni Dei nomine intelligit: quia tunc de morte, tamquàm potentissimus Rex, magnificum & illustrem egit triumphum: solusque principe mundi huius foras eiecto, eius regna prehendit, imperioque totius vniuersi potitus est. Manducauit igitur & bibit, ut acta Apostolorum docent, cum discipulis suis, postquam resurrexit à mortuis, ut eo facilius eis persuaderet, se ipsum illum esse, qui paulò antè tot & tam indigna pertulisset. Nouum autem bibit illud, id est nouo quodam & inusitato modo. nec enim ampliùs corpus, quod pati posset, ciboque indigeret, habuit: sed incorruptibile, idemque immortale. 23

Notandum: Finita typica oblatione, inchoataque & constituta Melchisedechica victima, nunc ad cruentum ipsum, per Aaronicas oblationes designatum, se confert sacrificium: quod ab hymno incipit, ut omnis eius actio & oratio 24

ratio à patre incipiat, & per patrem finiatur. Carent hæreses hymnis & psalmodiis: sua pro diuinis obtrudunt. Et hymno dicto, exierunt in montem Oliuarum.

25 **N**Otandum: solent Imperatores, instante pugna, cōmissuri prēlium, suos cohortari, ac quid illis vel aduersum vel secundum euenturum sit proponere, vulnera, clades, fugas, sed & coronas & victorias: vt & constantes sint, & viriliter agant, & vt aduersis non cedant. Facit hoc diuinus Imperator amplissime, cum satana, morte, eiusque ministris congressurus. Omnes, inquit, scandalizabimini in me in nocte ista: hoc est, aliū, & minorem me putabitis, quàm nunc putatis, & fugietis omnes. Scriptum enim est: Percutiam pastorem, & dispergentur oues gregis: sed postquā resurrexero, præcedam vos in Gallileā.

26 **N**Otandum: Elatus Petrus magnifica de se, ac nescio quid *ἐκ χερίδ' αὐτοῦ* pollicetur: sed qui se nimium effert, facilius cadit: & quantò altius, tanto periculosius. cadit autem ille, qui ceterorum ruinas subleuaturus erat.

27 **N**Otanda est Apostolorum in Christo amando contentio, & æmulatio: ô sacram & optandam emulationem, quam postea tot millia sanctorum & martyrum secuta sunt: & vtinam nos sequamur. Similiter, inquit, & omnes dicebant.

28 **N**Otandum: Post gratiarum actionem sequitur oratio: sic enim fere ordo postulat, vt primò pro præteritis beneficiis gratias agamus, deinde futura bona & auxilia petamus. Immittit ergo in se communis redemptor noster, primum totius mundi contritionem, & merorem, & tēdium, deinde cum tali onere ante conspectum patris procidit, orat, & deprecatur: simul nos docens, vt in omni tempore nostro difficili & acerbò, in omni ægritudine & mœrore, ad Deum patrem recurramus,

29 **N**Otandum, Magna diuina dispensatione & mysterio factum esse, vt dum Christus tædet, pauet, contristatur, discipuli dormiant: vt soli Christo totum hunc laborem debeamus, illi adscribamus; hic solus redemptor & reconciliator habeatur, vt qui solus ad eam rem missus, & æterni patris consilio ordinatus, & qui solus tanto oneri ferendo par esset.

30 **N**Otandum, Incerta & inconstantia mundi esse promissa, sed & amicorum & discipulorum. Promittebant isti, Christi causa se ad mortem ituros, & alia omnia passuros: at ne somno quidem resistere possunt. Simon, inquit, dormis? non potuisti vna hora vigilare mecum?

31 **N**Otandum, oratione sua nos Christum dominum docere, non tam longas & prolixas, quàm frequentes orationes debere esse.

32 **N**Otandum: Timet Christus, cū Petrus non timeat, Christus timet. Petrus dicit, animam meam pro te ponam: Christus dicit, anima mea turbatur. Vtrumque verum est, & plenum vtrumque ratione: quia & ille, qui est inferior, non timet; & ille, qui est superior, gerit timentis affectum. Ille enim, quasi homo, vim mortis ignorat; iste autem, quasi Deus in corpore constitutus, fragilitatem carnis exponit: vt eorum, qui Sacramentum incarnationis abiurant, excluderetur impietas. Denique & hoc dixit, & Manichæus non

credidit, Valentinus negavit, Marcion phantasma iudicavit. Eo autem usque hominem, quem veritate corporis demonstrabat, æquabat affectu, ut diceret: Sed tamen non sicut ego volo, sed sicut tu vis. Suscepit ergo voluntatem meam, suscepit tristitiam meam: confidenter tristitiam nomino, quia crucem prædico. Mea est voluntas, quam suam dixit: quia ut homo, suscepit tristitiam meam: ut homo locutus est, et ideo ait: Non sicut ego volo, sed sicut tu vis. Mea est tristitia, quam meo suscepit affectu. Ergo prome docuit, qui pro se nihil habuit quod doleret: & sequestrata delectatione diuinitatis æternæ, tædio meæ infirmitatis afficitur. Tristis est, inquit, anima mea usque ad mortem. Non propter mortem tristis est Dominus, quia eum corporalis conditio affectus, non formido mortis offendit. Nam qui corpus suscepit, omnia debuit subire, quæ corporis sunt, ut esuriret, sitiret, angeretur, contristaretur. Diuinitatis autem per hoc commutari nescit affectus.

Notandum: Si quis fortè ignarus contextus Euangelij, verba hæc Euangelistæ legeret, Et adhuc eo loquente, venit Iudas Iscariotes, vnus de duodecim, & cum eo turba multa cum gladiis & lignis; putaret aliquis eam manum vel à Tiberio Augusto, vel à Pilato, vel ab Herode, contra Regem Messiam missam: verum nescio, quid aliud dicit Euangelium, à summis sacerdotibus & scribis, & senioribus. Atqui istos oportuit effusos in complexum redemptoris sui ruere, eum tueri, pro illo mortem oppetere: sed obscuratum est aurum, mutatus est color optimus, dispersi sunt lapides sanctuarij in capite omnium platearum. Iudas autem Iscariotes vnus de duodecim. Vnus quidem, inquit, numero, non vnus merito: vnus nomine, non vnus numine: vnus corpore, non vnus animo.

Notandum, signum per quod Christus indicatur & cognoscitur, charitatis esse, osculi esse. Vbi enim amor & charitas, ibi Deus, ibi Christus est: Non quidem Iuda hoc cogitante, sed Deo ita ordinante atque disponente.

Notandum, Christum dominum prius quàm capiatur, illud omnibus testari, se nullo vitio suo aut delicto capi; sed æterni patris voluntate, & sua erga genus humanum charitate. Tamquam, inquit, ad latronem existis, cum gladiis & lignis, comprehendere me: quotidie eram apud vos in templo docens, & non me tenuistis: sed ut impleantur scripturæ.

Notandum, non semper Petrum dormire, sed aliquando etiam pugnare, & cadere, prout spiritus sanctus cor & mentem eius dirigebat.

Notandum, cum Theophylacto, quòd auricula serui summi Sacerdotis abscissa à Petro sit, insinuat eos nec audire, nec intelligere voluisse scripturas, quorum id maximè interesse videbatur. Si enim aures, quæ cælestia vera facerent, admitterent & habuissent, si scripturæ obediuissent, dominum gloriæ nunquam crucifixissent. Quòd autem principis sacerdotum seruus infortunium hoc tulerit, docetur, summos plerumque sacerdotes contemptus & negligentia scripturæ sanctæ, duces & antesignanos esse solere: ut qui serui inuidiæ facti, semetipsos plus æquo ament; suæque commoda pluris, quàm Dei voluntatem faciant.

Notandum,

38 **Notandum**, Interponere hoc loco nescio quid Euangelistam, de adolescente. Adolescens quidam, inquit, sequebatur eum, amictus sindone super nudo: & tenuerunt eum. At ille reiecta sindone, nudus profugit ab eis. Quod etsi primo aspectu subfrigidius quid & leuius esse videtur, tamen si penitius inspiciatur, habet aliquid valde ferium: hoc est, nudos & pauperes facilius & constantius Christum sequi, quam diuites & vestitos, iuxta illud Hieronymi: Nudi nudam Christi crucem sequamur. Fugit autem adolescens, inquit Beda V. ab hostibus, quorum & præsentiā detestabatur, & facta: non fugit à domino saluatore ac magistro suo, cuius amorem, etiam corpore absens, fixum in corde seruauit.

39 **Notandum**, Diuum Petrum, felicibus Christi temporibus, vnà cum Christo ambulare solitum: nunc autem, versis & mutatis rebus, à longè sequi: vt declaretur, mundum ad præsentem quidem fortunam præsentem adesse, absentem autem à longè sequi. Petrus, inquit, à longè secutus est eum, vsque intro in atrium summi sacerdotis.

40 **Notandum**, Sisti præsentem hostiam collegio sacerdotum, vt cognoscatur idonea ad maclandum pro genere humano esse. In quo si spectes sacerdotum institutum, finis eius erat, ne illum sine causa morti tradidisse videantur: si autem æternam ordinationem Dei, tum ille finis erat, vt ostendatur, hunc esse agnum sine macula, dignum holocausto; qui peccatum non fecit, & dolus inuentus non est in ore eius. Quod ipsum tota series, cū testimoni-
orum, tum iudicij sacerdotalis demonstrat. Et adduxerunt, inquit, Iesum ad summum sacerdotem: & conuenerunt omnes sacerdotes & scribæ & seniores, & quærebant aduersus eum testimonium, vt eum morti traderent, nec inueniebant. Multi enim falsum testimonium dicebant aduersus eum, & conuenientia testimonia non erant.

41 **Notandum**, lege diuina præceptum fuisse, vt sacerdos magnus, qui oleo sancto ungebatur, quantum vite eius spatium esset, tantum & muneris eius functiones extenderentur, nec alij cuiquam, eo superstite, hoc munus suscipere liceret: nunc autem in hoc concilio plures eiusdem ordinis summi sacerdotes fuisse videntur. Hanc rem ita explicat Theophylactus: Venalem iam tum summum Pontificatum eum, non vt olim perpetuum, sed vt plerosque Romanorum magistratus annum fuisse. Largitionibus autem Iudeorum Romanos corruptos, sacrosancta hæc quondam, prophanè & nefariè tum in annos singulos conferre fuisse solitos. Eos itaque, qui completo officio suo, annum exegerant, seque principatu sacerdotij abdicauerant, Principes sacerdotum vocari solitos hoc loco ab Euangelista.

42 **Notandum**: Quoniam autem imprimis necessarium fuit, vt mediator ac reconciliator, Deus & homo esset, idque primò inter omnes constaret: de homine quidem nihil dubij fuit: stabat enim in iudicio tum vir dolorum, opprobrium hominum & abiectio plebis, nouissimus hominum. Diuinitatis autem non ita clara erat ratio. Hoc igitur nunc exactissimè probatur, & demonstratur. Surgit summus Sacerdos: nomen Dei super illum inuocat: num filius Dei benedicti sit, interrogat. Respondet ille clarissimis verbis: Ego sum. Et ne de aliquo adoptiuo filio id accipiatur, rem totam explicat: se non quem-

uis Dei filium vocari, sed illum qui ad dexteram Dei patris sessurus est, qui viuos & mortuos iudicaturus. Videbitis, inquit, filium hominis sedentem à dextris virtutis, & venientem cum nubibus cæli. Comprobat hoc sacerdos: blasphemiam inclamat: vestem scindit. Facit hoc idem totum concilium: faciunt ministri: tanquam blasphemum cædunt, ac conspuunt: digna hostia iudicatur. Summus, inquit Euangelista, sacerdos scindens vestimenta sua, ait: Quid adhuc desideramus testes? Audistis blasphemiam: quid vobis videtur? Qui omnes cōdemnauerunt eum, reum esse mortis. Et cæperunt quidam conspuere eum, & velare faciem eius, & colaphis eum cædere, & dicere ei: Prophetiza: & ministri eum alapis cædebant. Colligat igitur Ariana hæresis, ac iterum Christum conspuere & colaphizare desinat.

Notandum, esse quod D. Marco gratias agamus, qui nobis rem maximè 43 necessariam clarissimè expresit. Cùm enim cæteri Euangelistæ responsionem per illa verba, Tu dixisti, suspensam quodammodo proferant, hic solus planam & euidentem apposuit: Ego, inquit, sum. Vbi & omnem ambiguitatem sustulit: & in posterum, quomodo verba aliorum Euangelistarum intelligenda essent, docuit.

Notandum: nomen Dei non sine præfatione magna compellandum est: 44 quod nunc Caiphas facit: Tu es, inquit, Christus filius Dei benedicti?

Notandum: quamdiu Petrus fuit proximus Christo in horto, audax fuit, 45 cohortem non metuit, pugnat, vulnerat: vbi autem cæpit à longè sequi Christum, mox labascit, vnius mulierculæ voce terretur, Christum negat. Pone igitur me iuxta te, & cuiusuis manus pugnet contra me.

Notandum, Quæ causa sit, cur galli cantum tempus & metam, signum 46 item negationis Christus ponit? an quòd tempora, vt dixi, hoc modo distinguebantur: an quòd galli ea est natura, vt excitet & admoneat. Hoc igitur Christus & tunc voluit, vt Petrus commoneatur, vt excitetur, vt ad se redeat: sed & in perpetuum voluit, vt dum gallum canentem audimus, casus Petri recordemur, sed & nostrorū casuum ac delictorum. Rectè igitur canit Ecclesia: Surgamus ergo strenuè, gallus iacentes excitat, & somnolentos increpat, gallus negantes arguit: gallo canente spes redit, ægris salus refunditur, mucro latronis conditur, lapsis fides reuertitur.

Cap. 19. **N**otandum, Potens & validum esse animal mulierem, ad subuertendos 47 etiam perfectos: quod in Petro nunc videmus. Rectè igitur Sirachus: Vinum & mulieres apostatare faciunt sapientes, & arguent sensatos.

Notandum. In hac negatione Petri discimus, non solum abnegari Chri- 48 stum ab eo, qui dicit eum non esse Christum; sed ab illo etiam, qui cùm sit, negat se esse christianum. Dominus autem non ait Petro, Discipulum meum te negabis, sed me negabis. Negauit ergo ipsum, cùm se negauit eius esse discipulum.

Caput XV.



- 1** **NOTANDVM.** Siftitur deinde victima : apud præsidem Romanum examinatur : sine macula esse inuenitur. Ego, inquit, nullam inuenio causam in homine isto : Quid enim malifici ? Et quemadmodum nunc Iudæi Christum tradunt Romanis, ita post ab eodem Christo æternæ Romanorum seruituti adiiciuntur : vt impleantur scripturæ. Væ, inquit Isaias, impio in malum : retributio enim manuum eius, fiet ei. Et illud Davidis : secundum opera manuum eorum tribue illis : redde retributionem eorum ipsis. Tum & illud Abdiæ : Sicut fecisti, fiet tibi : retributionem tuam conuertet in caput tuum.
- 2** **NOTARE** videtur D. Marcus, turbam Hebræorum permotam Pilati æquitate, eò animum inclinasse, vt Iesum dimitteret. Itaque more solito ab eo petunt, vt illis vinctum aliquem dimittat. Proponit Pilatus duos, Christum & Barrabam. Inclamaturi fortasse fuissent Iesum : sed non permittit auarus & ambitiosus sacerdos : turbat turbam, ac veluti mare commouet. Hoc enim Græcum verbum sonat, ἀνέσεισάν τον ὄχλον : vt impleatur illud Danielis : A principibus egressa est iniquitas in Babylone.
- 3** **NOTANDUM :** Mirum autem Christus testimonium innocentiae suæ refert vndique. Primum à Pilato, qui illud fatetur, Eum sibi ob inuidiam traditum esse, non ob scelus. Graue malum inuidiæ. Deinde ab Evangelista, contra Pilatum : Pilatus, inquit, volens populo satisfacere, dimisit illis Barrabam, & tradidit illis Iesum flagellis cæsum, vt crucifigeretur. Nobis autem constat, illum peccatum non fecisse, nec dolum inuentum esse in ore eius : & peccata illum nostra portasse in corpore suo.
- 4** **NOTANDA** est differentia apertæ improbitatis, & simulatæ pietatis. Aperta improbitas ridet & insultat, subsannat, cædit, illudit : simulata autem pietas inuidet, calumniatur, turbat, scandalizat, vitam cum sanguine poscit, non contenta vltimo qualicunque supplicio, sed vltra crucem, crucem inclamat. Non intret igitur anima nostra in concilium illorum. Simulata pietas, duplex est iniquitas.
- 5** **NOTANDUM :** Tumebat vana sapientia vrbis, per tot annorum millia : tumebat honorum ac regnorum elatione : suscipit eius elationis in se poenam. Vera sapientia, excelsus Rex præ cunctis regibus terræ, patitur sibi illudi, se irrideri, sibi subsannari, se traduci, inter scurras reputari. Milites, inquit, duxerunt Iesum in atrium prætorij : & conuocant totam cohortem, & induunt eum purpura, & imponunt ei plectentes spineam coronam : & cæperunt salutare eum : Ave rex Iudæorum. Et percutiebant caput eius arundine, & conspuebant eum : & ponentes genua, adorabant eum. Et postquam illuserunt ei, exuerunt illum purpura, & induerunt eum vestimentis suis, & educunt illum, vt crucifigerent eum. Quid igitur retribuemus domino, pro omnibus quæ retribuit nobis ? Calicem salutaris accipiemus, & nomen domini inuocabimus.
- 6** **NOTANDUM,** Beatum illum esse virum, qui non abiit in consilio impiorum,

& in via peccatorum non stetit, & in cathedra irrisorum non sedit. Liberet nos igitur dominus à scurris & irrisoribus. Illi autem, qui aut sacerdotibus, aut religiosis viris, & aliis piis & simplicibus illudunt, iidem denuo Christo domino in membris eius illudunt.

Notandum, solum D. Marcum, non tantum ipsum Simonem Cyrenæum, 7
Christi crucis socium nobilitasse, sed etiam in posterum filios eius Alexandrum
& Rufum. Magna enim nobilitas est Christi crucem ferre: de qua nobilitate
illud scriptum legimus: Qui vult venire post me, abneget semetipsum, & tol-
lat crucem suam, & sequatur me. Et D. Paulus: Mihi autem absit gloriari, nisi
in cruce domini nostri Iesu Christi.

Notandum: Deducitur victima extra castra, igne amoris & dilectionis 8
concremanda: adducitur in montem Caluariæ, montem mortis, mortem de-
letura: conditur myrrha, aceto, felle amaritudinis. Nam & hostia hyssopo,
quæ & ipsa amara herba est, aspergebatur. Super pelles eius mittitur iactura,
non tam lucri & utilitatis causa, quàm subsannationis, ac paupertatis illius tra-
ductionis. Exeamus igitur & nos cum illo, portantes impropria eius. Simon
autem qui portat crucem in angaria, ipse est qui laborat pro laude humana.
Cogunt enim homines hi labores, quos non cogit timor & dilectio Dei.

Notandum: Dum Christus dominus educitur ut crucifigatur, educi Abel 9
in agrum, ut perimatur; adesse Isaac cum lignis, & Abraam cum ariete in Sa-
bech hærente; adesse Ioseph cum falce gremij somniato, & tunica talari san-
guine lota; adesse Moysen cum virga, & serpente suspenso in ligno; adesse
botrum in ligno portatum; adesse Eliseum cum ligno ad querendam securim,
quæ in ima demersa est, & natauit ad lignum, id est genus humanum, quod à
ligno vetito in infernum cecidit; per lignum crucis Christi, & per baptismum
aquæ ad paradysum natauit; adesse Ionam de ligno navis in mare, in ventrem-
que Coeti triduo missum.

Notandum: Pulchrè notat Theophylactus seriem horarum passionis Chri- 10
sti, his verbis: Marcus, inquit, narrat, hora tertia dominum esse crucifixum:
Matthæus autem, hora sexta tenebras esse factas. Potest ergo dici, hora qui-
dem tertia crucifixum esse, solem tamen subductum, & tenebras fieri coeptas,
ab hora sexta, usque in horam nonam. Vel sicut Beda V. veracissimè inquit,
demonstratur tunc eos crucifixisse, quando clamauerunt maximè, quia nole-
bant videri se hoc fecisse, & propterea eum Pilato tradiderant: quod eorum
verba satis indicant secundum Ioannem. Quod ergo maximè videri fecisse no-
lebant, hoc eos hora tertia fecisse Marcus ostendit, verissime indicans, magis
fuisse domini necatricem linguam Iudæorum, quàm militum manus.

Notandum, In ligno crucifixi saluatoris salutem fixam esse, ut ligno pri- 11
mo infixæ erat mors. Lignum primum, lignum scientiæ boni & mali erat. Et
secundum lignum, boni tantum nobis & vitæ lignum est. Extensio manus pri-
mæ ad lignum, mortem apprehendit: extensio autem secundæ, vitam quæ
perierat inuenit. Ligno hoc vehimur per mare vndosum, ad terram viuentiū.

Notandum: Mysterium latronum cum Christo pendentium, scitè & piè 12
idem interpretatur Theophylactus: cum latronibus crucifixus est, ut & ipse à
præter-

prætereuntibus latro & maleficus, qui easdem cum consccleratis pœnas lueret, crederetur. Quod quidem secundum æconomiam cælestem factum esse duplici nomine potest: primum ut prophetia, quæ longè antè ab Isaia prædicta est, eum cum impiis & sceleratis reputatum iri, impleretur. Deinde quòd duo isti latrones, duorum populorum symbolum quoddam erat futurum, Iudaici & gentilis, vtriusque impij. Gentilis, qui legis naturalis transgressor erat: Iudaici, qui & naturæ legem, & eam quam per Moysen dederat ei Dominus, contempserat. Quanquam latro, qui gentilem populum representat, cordatior, & mente sanior: qui autem Hebræam, obstinatio, & ad extremum usque spiritum blasphemus fuisse narretur. Medius autem inter hunc vtrumque populum dominus crucifixus est, ut qui lapis angularis erat, compage parietum nos connectens, atque coniungens.

13 **Notandum:** Latrones qui cum Domino sunt hinc inde crucifixi, significant eos qui sub fide & confessione Christi, vel agonem martyrij, vel quælibet continentie arctioris instituta subeunt. Sed quicumque hæc pro æterna solùm cælestique gloria gerunt, hi profectò dextri latronis merito ac fide designantur. At, qui siue humanæ laudis interitu, seu qualibet minus digna intentione mundo abrenunciant, non immeritò blasphematoris ac sinistri latronis mentem imitantur & actus. De quibus dicit Apostolus: Si tradidero corpus meum ut ardeam, si dederò omnes facultates meas in cibos pauperum, si alia plura aut pietatis opera facere, aut dona spiritualis gratiæ accepisse videar, charitatem autem non habeam, nihil mihi prodest. Beati autem, qui sua propter Dominum, & propter Euangelium relinquunt. Beati qui persecutionem patiuntur propter iustitiam, quoniam ipsorum est regnum cælorum.

14 **Notandum:** Leuatur demum in aram sanctæ crucis noui & æterni sacrificij hostia, antequam oculos cælestis patris in odorem suauitatis ponitur. Respiciat igitur benignus pater in faciem Christi sui, tam dirè pro nobis lacerati, & reconcilietur nobis. Ceciderunt deinde super hostiam opprobria exprobrantium. Vah qui destruis templum Dei, & in tribus diebus reedificas: saluum fac te ipsum, descendens de cruce.

15 **Notandum:** Etsi prætereuntes Scribæ & Pharisei ad eam rem acuerunt linguas suas, ut Christum dominum clamoribus suis infamarent, omnibusque exosum facerent, nomenque eius de terra eraderent: nolentes tamen & volentes quatuor ei attributa & testimonia dederunt pulcherrima ac verissima: eum scilicet filium Dei esse: Si, inquiunt, filius Dei es, descende de cruce. Deinde regem Israël: Christus, inquiunt, Rex Israël descendat nunc de cruce, ut videamus & credamus. Postea saluatorem: Alios, inquiunt, saluos fecit. Ad extremum vitæ & resurrectionis Domini: Destruis, inquiunt, templum Dei, & in tribus diebus reedificas illud. Sic omnia Domino loquuntur, Dominum tuentur, Domino seruiunt: Dominum illustrent & inimici. Non plura de illo Prophetæ, nec illustriora prædixerunt.

16 **Notanda,** Diaboli, qui nunc per istos clamat, vefania. Dicit: Si filius Dei es, descende de cruce: atqui non ascendisset potius crucem, cum Dei filius est, si de ea descendere deberet.

17 **Notandum:** Si quis tunc pendente Christo domino crucem amplexus, veniam

veniam peccatorum suorum postulasset, hic certè denuo Christum dominum non crucifixisset, obtulisset tamen: neque nos denuo nunc crucifigimus in oblatione altaris, sed mortem & passionem eius representamus.

Notandum, Reddiderat Christo domino eius innocentiae testimonium ¹⁸ Iudas, Caiphas, Pilatus, Diabolus: reddit nunc vniuersa natura, sol, & luna. Et facta, inquit, hora sexta, tenebrae factae sunt per totam terram, usque in horam nonam. Summoque sacerdote obeunte, tenebrae fiunt per vniuersam terram: vbi enim non est sacerdos, ibi tenebrae. Vos, inquit Christus, estis lux mundi. Qualem defectum semel tantum factum esse legimus, vero sacerdote mortuo.

Notandum: Putabant Manichaei, Marcionistae, Nestoriani, omnia haec ¹⁹ quae in cruce fiebant, non tam re ipsa, quam phantasia quadam fieri; nec tam esse, quam videri: nullumque dolorem Christum pertulisse. Refutat hanc sententiam saluator, graui & commiseratione plena dolorum suorum testificatione ad Patrem emissa: Deus meus, Deus meus, ut quid me dereliquisti? Ut simul item nobis omnibus testificaretur, quae & qualia nostra causa passus, & quo dolore intus conficeretur. Clamabat filius ad patrem, inquit autor operis imperfecti, ut se ex infirmitate corporis pati probaret hominibus; non ut corpus à diuinitate derelictum ostenderet. Quo autem modo eum pater dereliquisse dicatur, abundè aliàs diximus.

Notandum: Reponitur tandem vltimò magni debiti pretium, magnum ²⁰ pretium mundi, à redemptore nostro, dilecta anima eius: ut morte summi pontificis intercedente carceres inferni soluantur, extorres domo in patriam redeant, obæratì à debitis soluantur. Nemo igitur maiorem charitatem exhibere potest, quam ut animam suam ponat quis pro amicis suis. Emissa, inquit, voce magna, expirauit. Quid autem hac voce magna dixerit dominus, Lucas apertè designat dicens: Pater in manus tuas commendo spiritum meum. Et haec, inquit, dicens expirauit. Quòd verò scribit Ioannes, quia cùm accepisset Iesus acetum, dixit: Consummatum est; & illud: Et inclinato capite, emisit spiritum: emissa est illa vox magna, quam tacuit Ioannes, ceteri autem tres commemorauerunt.

Notandum: Mortuo summo Pontifice ac sacerdote, nihil deinde sacrum, ²¹ nihil mysticum, nihil arcanum in templo dei remansit: & proinde velum templi scissum est à summo usque deorsum: quòd ampliùs non haberet, quod in templo velaret; sed omnia profana, ac vulgaria essent.

Notandum, Christum factum esse obedientem usque ad mortem, mor- ²² tem autem crucis: & propterea Deum exaltasse nomen eius, & dedisse illi nomen, quod est super omne nomen, ut in nomine eius omne genu flectatur, caelestium, terrestrium, & infernorum: cuius rei iam statim post expirationem suam possessionem accepit, Centurione nomen eius celebrante: Videns, inquit, Centurio, qui ex aduerso stabat, quia sic clamans expirasset, ait: Verè hic homo filius Dei erat.

Notandum, Pias & deuotas foeminas sequi solitas magistrum suum, ut ²³ illi inferuirent; praesertim ad maiora festa Paschae & Pentecostes: quomodo nunc

nunc mulieres quædam à Galilæa vsque in Ierusalem sequuntur. Erant mulieres de longè aspicientes, inter quas erat Maria Magdalena, & Maria Iacobi minoris, & Ioseph mater, & Salomæ: & cùm esset in Galilæa sequebatur eum, & ministrabât ei: & aliæ multæ, quæ simul cum eo ascenderant Hierosolymâ.

24 **Notandum:** Conseruare solet dominus in omni gente etiam perditissima viros, qui timeant nomen eius, & qui non curuent genua sua coram Baal. Quomodo in terra Hus Iobum, in terra Chanaan Abraam, in Sodoma Loth, & alios alibi: quomodo & Hierosolymæ inter improbam gentem conseruauit sibi Iosephum & Nicodemû, futuræ sepulturæ suæ ministros. Quamquidẽ sepulturam gloriosam esse voluit, partim propter exaltationẽ nominis sui; quæ statim mortẽ Christi consequi debebat; partim propter exemplum sepulturarum Christianarum, quas gratis & ex charitate esse debere, pulchrè docet Gregorius Magnus. Graue, inquit, nimis est, & procul à sacerdotis officio, pretium de terra concessa putredini quærere, & de alieno velle facere luctu compendium. Vnde dum Abraam à filiis Emor, hoc est Ephron filio Seor, sepulcri terram pretio ad humandum corpus coniugis postularet; præmium accipere renuit, ne commodum videretur de cadauere consecutus. Si ergo tantæ considerationis paganus vir fuit, quanto magis nos, qui sacerdotes dicimur, hoc facere non debemus? Vnde ne hoc auaritiæ vitium, ne vel in alienis denuo tentari præsumatur, admoneo. Sed si quando aliquem in ecclesia vestra sepeliri conceditis, siquidem parentes ipsius, proximiue hæredes pro luminaribus sponte quid offerre voluerint, accipi non vetamus; peti autem aut aliquid exigi, omnino prohibemus. Quod valde irreligiosum est, ne aut venalis fortasse, quod absit, dicatur ecclesia, aut vos de humanis videamini mortibus gratulari, si ex eorum cadaueribus studeatis quærere quolibet modo compendium.

25 **Notandum:** Multos apud Hebræos, qui simul & legem obseruarent, & Euangelium, vsque post tempora Apostolorum fuisse legimus. Ex quo genere Iosephum antiquitatum Iudaicarum scriptorem, Philonem item, & istos duos

26 **Notandum,** Maius quid iudicasse Pilatum de Christo domino, quàm vt tantum homo esset, quod Ebionitæ & Cerinthij docent: & ideo dubitat de morte illius, & ideo honorificè donat corpus eius Iosepho.

27 **Notandum,** Quo cultu munditia ac reuerẽtia corpus & sanguis domini nostri Iesu Christi asseruari & suscipi debeat, ministerium nunc Iosephi docere.

28 **Notandum:** Summa autem totius præsentis doctrinæ de morte & passione domini nostri Iesu Christi hæc est: Quatenus patientiæ virtutem in tribulationibus seruemus incessanter: quanta redemptor noster ab his, quos creauerat, pertulit malâ consideranda: quòd tot obiecta conuitiorum probra sustinuit: quòd de manu antiqui hostis, captiuorum animas quotidie rapiens, insultantium alapas accepit: quòd aqua salutis nos diluens, à perfidorum sputis faciem non abscondit: quòd vocatione sua nos ab æternis suppliciis liberâs, tacitus flagella tolerauit: quòd inter angelorum choros perennes nobis honores tribuens, colaphos pertulit: quòd à peccatorum nos punctiõibus saluans, spinis caput supponere non recusauit: quòd æterna nos dulcedine inebrians

brians, in firi sua fellis amaritudinem accepit: quòd pro nobis patrem, quamuis diuinitate esset æqualis adorauit; cum irrisione adoratus tacuit: quòd vitam mortuis præparans, vsque ad mortem, cùm ipse vita esset, peruenit. Cur itaque asperum creditur, vt homo à Deo toleret flagella pro malis, si tanta Deus ab hominibus pertulit mala pro bonis? Aut quis sana intelligentia, de percussione sua ingratus existit; si ipse hinc non sine flagello exiit, qui hinc sine peccato vixit?

Caput. XVI.



VÆ circa mortem & passionem Domini nostri IESV Christi notare potuimus, adhuc fecimus: nunc priusquam ad ea quæ circa resurrectionem ascensionemque eius notanda sunt accedimus, paucis ea notanda putauimus, quæ inter mortem & resurrectionem eius acciderunt: primum circa personam ipsius Christi, deinde circa Apostolos, demum circa Iudæos, tum circa mulieres, quæ eum à Galilæa secutæ sunt.

PASSO & mortuo Christo, corpus quidem eius in cruce relictum est, ac postea in sepulcrum illatum; comitante illud ac nunquam deferente, diuinitate, quæ illud assumpserat, custodiente, ac non dante videre corruptionem sanctum Dei. Anima autem eius sancta, eadem diuinitate comite, vi & virtute eiusdem diuinitatis descendit ad inferos: vbi confitemur eandem Christi personam eo tempore & apud inferos fuisse, & in sepulchro iacuisse. Quamuis enim anima à corpore discesserit, nunquam tamen diuinitas ab anima vel à corpore separata est: quanquam & hinc symbolo detrahere Calvinus non erubescit, ac virtute potius quadam, ne ipsi quidem cognita, quam animam Christum ad inferos descendisse, & dolores inferni sustinuisse docet; contra illud, Quatenus erat impossibile teneri illum ab inferno & doloribus eius. Confitemur ergo cum Ecclesia, eum ad inferos descendisse, vt ereptis spoliis demonum, sanctos illos patres, cæterosque pios à carcere liberatos, secum adduceret in cælum. Et ideo statim illius aspectus clarissimam lucem captiuis attulit, eorumque animas immensa lætitia gaudioque impleuit: quibus etiam optatissimam beatitudinem, quæ in Dei visione consistit, impertiuuit. Quorum omnium, quæ dicta sunt, semina sparsit & adumbravit D. Petrus: Christus, inquit, semel pro peccatis nostris mortuus est, iustus pro iniustis: vt nos offerret Deo mortificatos quidem carne, viuificatos autem spiritu, in quo & his, qui in carcere erant, spiritu veniens prædicauit: qui increduli fuerant aliquando, quando expectabant Dei patientiam in diebus Noë, cum fabricaretur arca: in qua pauci, id est octo animæ saluæ factæ sunt per aquam. Neque tamen diutius hanc escam infernus perferre potuit: sed ingenti cruciatu & dolore pressus, statim euomuit: & quemadmodum quondam Ionam prophetam & ministrum Dei, neque mare, neque vterus ceti detinere potuit, sed statim in littus eiecit; ita neque nunc tam acrem medicum & medicamentum diu infernus continere potuit, sed ne completis quidem totis tribus diebus exclusit. Vnde pulchrè D. Petrus: IESVM Nazarenum, inquit, Deus solutis doloribus inferni exuscitauit: quibus verbis ostendit, etiam mortem, quum illum detineret, quasi

1. Pet. 3.

quasi parturisse, & acerbos dolores sustinuisse. Partum enim seu dolorem mortis parturientis, vetus testamentum, periculum & calamitatem appellat. Qui parturit, non detinet id quod detinetur: neque agit, sed patitur, & eiicere festinat. Rectè autem solutionem mortis, parturientis dolorem, resurrectionem appellauit: ut dicat, rupit & erupit, ex grauido & tumido, atq; parturiente ventre mortis, tanquam ex vtero quodam parturiente. Intelligendum puto, nimirum ex vinculis mortis & Orci recessibus ac penetralibus, seruatore Christo emergente ac prodeunte, tanquam ex partu peregrino resurrectionis: idcirco nimirum etiam vocatus est primogenitus ex mortuis. Illa igitur ipsa diuinitas, quæ nuper in cruce animam à corpore separauit, eamq; in pretium nostrum largè & munificè posuit, ac veluti quendam arcum dissoluit; hæc eadem nunc eum ipsum arcum iterum intendit, animamq; suo statim tertio die restituit corpori: & completum est illud Dauidis, Saluauit sibi dextera eius, & brachium sanctum eius. Et illud Christi Domini. Ego pono animam meam, ut iterum sumam eam: & potestatem habeo ponendi eam, & iterum sumendi eam. Et illud Oseæ: Ecce mors tua, ô mors, & morsus tuus ero inferne: vbi est victoria tua? vbi est aculeus? capta est in victoria tua. Subtiliores autem hac de re disputationes, scholæ relinquimus: Notas enim scribimus.

² Notat autem hoc loco doctrina christiana ea receptacula, quibus animæ extra beatitudinem constitutæ, post mortem detinentur, vnius & eiusdem generis non esse omnia. Est enim teterrimus & obscurissimus carcer, vbi perpetuo & inextinguibili igne damnatorum animæ simul cum immundis spiritibus torquentur: qui etiam gehenna, abyssus, & propria significatione infernus vocatur. Præterea est purgatorius ignis, quo piorum animæ ad definitum tempus cruciatæ expiantur, ut eis in æternam patriam ingressus patere possit, in quam nihil coinquinatum ingreditur. Tertium postremò receptaculi genus est, in quo animæ sanctorum ante Christi domini aduentum excipiebantur, ibique sine vlllo doloris sensu, beata redemptionis spe sustentati, quæta habitatione fruebantur. Horum igitur piorum animas, qui in sinu Abraham saluatorem expectabant, Christus dominus ad inferos descendens liberauit. Et hæc quidem cum domino & magistro fiebant: cum seruis autem & discipulis quid? Petrum quidem apud Caiphā respexit dominus: at ille recordatus verbi illius, abiit & fleuit amarè, atque in quandam speluncam se abscondisse dicitur, vbi sine cibo potuq; flens tantisper mansit, dum illi dominus apparuit: cuius ieiunium vniuersa orientalis ecclesia magnificè repræsentat, sed & nostri aliquando repræsentare solebant. Reliquos autem discipulos tristes, timidos, ac tremantes, desperantes quasi, item in illo ipso coenaculo, vbi cum Christo coenabant, collectos delituisse, testantur sancti patres: formam & typum repræsentantes futuræ ecclesiæ, qualis post ascensionem domini usque ad secundum Christi aduentum esse debuit.

³ Porro Synagoga quid? Pharisei, Scribæ quid? lætantur, gaudent, sibi congratulantur, illud vbiq; inculcant: Alios saluos fecit, seipsum saluum facere non potuit: victus est, iacet. Quos etiam nunc imitantur illi, qui die sancto passionis domini lætantur, aut minus se honestè gerunt, cum scriptum sit: Anima quæ non fuerit contristata die hoc, pereat de populo meo. Paulopost, quod in peccato accidere solet, timere incipiunt (semper enim timidum scelus)

lus) ad Pilatum vadunt: Domine recordati sumus, quia seductor ille dixit adhuc viuens, Post tres dies resurgam. Iube ergo custodiri sepulcrum, usque in diem tertium: ne fortè veniant discipuli eius, & furentur eum, & dicant plebi, Surrexit à mortuis: & erit nouissimus error peior priore. Abeuntes autem munierunt sepulcrum, signantes lapidem, cum custodibus. Pòst vbi consilia sua succedere non vident, rem palam cerni vident, seseq; prodi, veritati diffisi, ad mendacium se conferunt, milites corrumpunt. Congregati principes sacerdotum cum senioribus, & consilio accepto, pecuniam copiosam militibus dederunt, dicentes: Dicite, quia discipuli eius nocte venerunt, & furati sunt eum nobis dormientibus. Et si hoc auditum fuerit à præsìde, nos suadebimus ei, & securos vos faciemus. At illi accepta pecunia, fecerunt sicut erant edocti. At quo profectu? Eo scilicet, quo ille facere solet, qui accensa face solis coruscum lumen extinguere aut obscurare vellet. Non diu gaudet malitia in scelere. Omnia enim hæc, quæ illi ad obscurationem nominis Christi facere voluerunt, ad illustrationem & propagationem relata sunt. Nam & custodia, & sigilla sepulcri, resurrectionem illius magnificè illustrârunt & propagârunt: & hæc ipsa custodum corruptio aliquid resurrectioni illius lucis attulit. Qui habitat igitur in cælo, irrisit eos, & dominus subsannauit eos. Pascha autem per minutiores sacerdotes credo eos immolasse. Vulgus quidem more suo in contrarias sententias abiit: alij quidem factum maiorum, vt fieri assolet, accusantes, alij defendentes: alij Christum impugnantes, alij contrà laudantes.

DE sanctis quidem mulieribus D. ipsum Marcum & Lucam audiamus. Maria, inquit, Magdalene, & Ioseph Maria, aspiciabant, vbi & quemadmodum positum erat corpus Iesu. Et reuertentes, parauerunt aromata & vnguenta: & sabbato quidem siluerunt secundum mandatum. Marcus autem, cum transisset sabbatum, Maria, inquit, Magdalene, & Maria Iacobi, & Salome emerunt aromata, vt venientes vngerent Iesum. In quarum pio & deuoto studio notandum est, abundasse in multis præ omnibus eas ipsas sanctas mulieres, & ideo dignas tanto resurrectionis nuncio fuisse: in multis tamen defecisse. Abundabant in eo, quòd eum à Galilæa usque Hierosolymam secutæ fuerint: quòd crucem portantem sequerentur, & solarentur (quod rarum in mundo est) quòd crucifixo astiterint, matremque eius solatæ sint: quòd à mortuo non recesserint, quòd item rarum est, quòd velut curatrices quædam eum sepelirint: quòd non verbis tantum, sed re & opibus etiam eum iuuerint: quòd iacentem in sepulcro toties inuiserint. Deficiebant tamen in quibusdam: quòd illum corruptionem visurum, præter scripturam, nisi illum vnxisent putauerint: quòd de reuolutione lapidis dubitauerint: quòd timuerint, nec statim discipulis nunciauerint. Dicebant, inquit, ad inuicem: Quis reuoluet nobis lapidem ab ostio monumenti? Et paulò pòst: Exeuntes, inquit, fugerunt de monumento: inuaserat enim eas tremor & pavor, & nemini quidquam dixerunt: timebant enim.

NOTandum, Christum mysteriaque fidei eius magno lapide inuoluta esse: quem quidem multi hæretici reuoluere voluerunt, nec potuerunt tamen: nec vnquam reuolui potest vi humana vlla, nisi à solo Deo, eiusque vnica sponsa sancta ecclesia. Respicientes viderunt reuolutum lapidem: erat quippe magnus valde.

Notandum,

6 **NOT**andum, Principes articulos symboli fidei nostræ nobis, non tam per homines, quàm per angelos traditos esse. Sic incarnationis dominicæ primū: Concipies & paries filium, & vocabis nomen eius Iesum: Hic erit magnus, & filius altissimi vocabitur, à Gabriele. Sic natiuitatis: Ecce euangelizo vobis gaudium magnum, quod erit omni populo: quia natus est nobis hodie saluator, qui est Christus dominus in ciuitate Daud. Sic mortis & resurrectionis domini hoc loco: Iesum Nazarenum quæritis crucifixum? surrexit non est hic: ecce locus vbi posuerunt eum. Sic ascensionis domini, & futuri iudicii: Hic Iesus, qui assumptus est à vobis in cælum, sic veniet, quemadmodum vidistis eum euntem in cælum. Falsò igitur mentiuntur Iudæi, nos leues autores resurrectionis habuisse, mulierculas inquam aliquot: cùm idipsum angelis nunciis acceperimus. Factum est autem id, vt fides nostra, non in humanum aliquod testimonium, sed in Deum ipsum testem & autorem referatur.

7 **NOT**andum studium, & prompta voluntas erga nos angelorum, qui sic studiosè & alacriter partes salutis nostræ nobis nuncient: sed & illud simul, quid & nos illis debeamus, quem & qualem honorem, qui illud à nobis maxime requirunt, vt patris cælestis voluntatem faciamus, casta item & pura vita eos honoremus.

8 **NOT**andum cum Beda V. Quia meritò mouet, quomodo Marcus scribat, Et nemini quidquam dixerunt: quum dicat Lucas, Et regressæ à monumento, nunciauerunt hæc omnia illis vndecim, & cæteris omnibus. Similiter Matthæus: Et exierunt, inquit, citò de monumento, cum timore & gaudio magno, currentes nunciare discipulis eius. Nisi intelligamus, ipsorum angelorum nemini ausas fuisse aliquid dicere, id est, respondere ad ea, quæ ab illis audierant: aut certè custodibus, quos iacentes viderunt. Nam illud gaudium, quod Matthæus commemorat, non repugnat timori, de quo Marcus dicit. Debemus enim vtrumque in illarum animo factum intelligere, etiamsi ipse Matthæus de timore non diceret: prius enim re non planè cognita timuerūt; deinde gauisæ sunt.

9 **NOT**andum, Christum Dominum primū Mariæ Magdalenæ post resurrectionem se ostendisse, vt cui dimissa erant peccata multa, & quæ dilexit multum: deinde duobus in via, de illo profectò loquentibus: post vndecim. Sed quæ causa est, cur Christus Dominus non statim se omnibus palàm post resurrectionem ostendit, tam suis quàm alienis, Iudæis ac ethnicis? An quòd miraculum tantum statim non potuissent capere, phantasmaq; esse putarent: an vt augeretur fides credentium, quæ non habet meritum, vbi humana ratio præbet experimentum: an quod non omnes tanto dono digni erant: an propter œconomiam diuinam, quæ talis est, vt non simul se tota effundat, sed lentè & successu quodam rem explièet ac proponat. Quod in incarnationis mysterio vidimus, in prædicationis item, & nunc in resurrectionis videmus, Apostolorum item prædicatione.

10 **NOT**andum: Idem est à peccatis mortalibus obsideri, quod à dæmoniis: quod nunc docet Euangelium. Apparuit, inquit, Mariæ Magdalenæ, de qua eiecerat septem dæmonia: quæ quidem dæmonia scitè Theophylactus cum Beda V. explicat. Mulier hæc à septem dæmonibus curata esse memoratur, vt

vniuersis vitijs plena fuisse, sed ab his omnibus diuino munere mundata esse signetur: & vbi abundauit peccatum, superabundasse gratia monstretur. Septenarius namque numerus, pro vniuersitate, vel saltem multitudine poni mysticè solet. Quæ ergo à septem dæmonibus curata est, ab vniuersis vel plurimis liberata intelligitur sceleribus. Aut septem dæmonia, hoc est, vitia, quæ repugnant & aduersantur spiritus sancti donis, spiritum insipientiæ, spiritum ignorantia, spiritum impietatis, inopiæ consilij, pusillanimitatis, spiritum extremæ confidentiæ & præsumptionis, & spiritum mendacij.

Notandum: Qui verè amat, hic non tantum laudat & solatur, sed etiam arguit & exprobrat: quod nunc dominum in vltimo quasi à suis discessu, & profectioe facere videmus. Nouissimè, inquit, recumbentibus vndecim apparuit, & exprobrauit incredulitatem eorum, & duritiam cordis, quia iis, qui viderant eum resurrexisse, non crediderunt.

Notandum, Ascensurum Christum dominum in cælum, familiæ suæ disponere, & futuræ ecclesiæ typum adumbrare: præpositos primùm constituere, Apostolos inquam & Apostolicos viros: subiectos deinde, omnem creaturam, hoc est omne humanum genus. Antea etenim dictum fuerat, In viam gentium ne abieritis: nunc autem, Prædicate omni creaturæ: vt scilicet prius à Iudæa Apostolorum repulsa prædicatio, tunc gentibus in adiutorium fieret, cum hanc illa ad damnationis suæ testimonium, superba repulisset. Limites futuri regni & ecclesiæ, Ite in orbem vniuersum. Munera & functiones præpositorum, doctrinam cælestem docere, & sacramenta administrare. Prædicate, inquit, Euangelium omni creaturæ. Qui crediderit & baptizatus fuerit, saluus erit: qui verò non crediderit, condemnabitur. Addit alius: Docentes eos seruare omnia, quæcunque præcepi vobis. Arma & præsidia, quibus omnia vincant, non syllogismi, non eloquentia, non tela, aut argutiæ. Signa autem eos, qui crediderint, hæc sequentur: in nomine meo dæmonia eiicient, linguis loquentur nouis, serpentes tollent: & si mortiferum quid biberint, non eis nocebit: super ægros manus imponent, & bene habebunt. Vbi igitur hic talis coetus erit, qui & tales præpositos habeat, & tantos subditos, & eos limites, & hæc munera, & talia præsidia; ibi erit vera ecclesia. Vbi non, contrà. Habebitque hoc loco concionator campum, de notis ecclesiæ eiusque præpositis differendi, miraculis item.

Notandum, Dominum Iesum verum Deum & hominem, in vna persona & duabus naturis in cælum ascendisse: quanquam propriè ex parte humanitatis ascenderit. Nam diuinitas eius nunquam à patre seiuncta fuit, iuxta illud: Nemo ascendit in cælum, nisi qui descendit de cælo, filius hominis, qui est in cælo.

Notandum, Christum dominum sua virtute, non aliena vi sublatum ascendisse, quemadmodum Elias, qui igneo curru cælum inuectus est; vel Abacuc Propheta, vel Philippus diaconus; qui diuina virtute per aërem delati, longinqua terrarum spatia permearunt: neque verò solum vt Deus, præpotenti diuinitatis virtute in cælos ascendit; sed etiam vt homo est. Quamvis enim naturali vi id fieri non potuerit; tamen virtus illa, qua beata Christi anima prædita erat, corpus vt libuit mouere potuit: corpus verò quod iam gloriam adeptum erat, mouentis animæ imperio facile parebat.

Notan-

15 **N**Otandum, Dexteram patris, non localem situm tantopere, quàm summam & extremam gloriam patris significare. Nam Deus pater, dextera corporea caret, cùm spiritus sit. Male igitur disputant ex hoc loco Zuingliani, fedet ad dexteram patris, ergo in Sacramento non est: cùm & in sacramento ipsa dextera patris esse possit. Hacq; ratione, ne in cælo quidem erit, cùm ibi naturalis locus non sit. Sedere autem hoc loco, non situm & figuram corporis significat, sed regiæ summæq; potestatis ac gloriæ, firmam & stabilem possessionem, quam à patre accepit, declarat: de quo ait Apostolus: Suscitans illum à mortuis, & constituens ad dexteram suam in cælestibus, supra omnem principatum, & potestatem, & virtutem, & dominationem, & omne quod nominatur, non solum in hoc seculo, sed & in futuro: & omnia subiecit sub pedibus eius.

16 **N**Otandum, Ascensio Christi, triumphus eius est. Triumphans, inquit Paulus, illos in semetipso. Fuerunt autem magnorum imperatorum triumphi istæ partes: currus triumphalis, præda, & captiuorum ante currus deductio, lictores & milites laureati, canticum epinicium, dona sparsa hominibus, amicorum comitatus. Omnes istæ partes conspiciuntur in Christi triumpho. Currus triumphalis: Nubes, inquit, clara suscepit eum ab oculis eorum. Præda, natura nostra, illa inquam cui aliquando dictum fuit: Cinis es & in cinerem reuerteris. Et illud: Donec redeas in terram, de qua sumtus es. Et paulò post auditura: Sede à dextris meis: & quæ quodam mysterio, dum filium Dei sustulit ad cælum, ipsa portata est, & portauit. Captiuorum deductio, animarum sanctarum multa millia, ex limbo sedibusq; Diaboli rapta: quæ non tam ad cælos Dominum euntem præcesserunt, quàm comitata sunt gloriose: non tam ante vehiculum ducta, quàm vexerunt saluatorem. Christus, inquit, ascendens in altum, captiuam duxit captiuitatem. Pro licitoribus laureatis, chori angelorum, canentium carmen triumphale illud: Attollite portas principes vestras, & eleuamini portæ æternales, & introibit rex gloriæ. Quis est iste rex gloriæ? Dominus fortis & potens, Dominus potens in prælio. Attollite portas principes vestras, & eleuamini portæ æternales, & introibit rex gloriæ. Quis est iste rex gloriæ? Dominus virtutum, ipse est rex gloriæ: vt annotat Areopagita. Dona triumphalia, dona spiritus sancti: Ascendens enim in altum, dedit dona hominibus. Et apparet nunc gloriosus vultui Dei: pro nobis & apud patrem aduocati officio fungitur. Comites, Discipuli & Apostoli sancti: Viri Galilæi, quid aspicitis in cælum? Omnes igitur gentes plaudite manibus; iubilare Deo in voce exultationis. Ascendit Deus in iubilatione, & Dominus in voce tubæ. Sed hætenus noster Leo S. Marcus.

Laus Christo Domino.

in Martini Lib. H. Cap. XII.



STANISLAI SOCOLOVII,

IN D. LVCÆ

EVANGELIVM

NOTÆ.



Lays Christo Dominos

STANISLAI SOCOLOVI,
NOTARVM IN D. LVCAM
LIBER PRIMVS.

1 **N**OTANDVM : DVPLICEM ESSE DE D. LVCA EVANGELISTA veterum sententiam. Alij quidem putant, eum vnum ex septuaginta fuisse, à Christoque ipso edoctum & institutum; atque ex illis fuisse alterum, quibus Christus euntibus in Emaus apparuit, illisque scripturas interpretatus est. Alij arbitrantur, Lucam quidem ipsum Dominum non audiuisse, sed ex Petri atque Pauli doctrina, aliorumque Discipulorum, adeoque matris ipsius Dei relatione, earum præsertim rerum, quæ ad Conceptionem & Natiuitatem Iesu Christi pertinebant, conscripsisse. Posteriori sententiæ ipse subscribere videtur, vbi dicit: Quoniam quidem multi conati sunt ordinare narrationem, quæ in nobis completæ sunt rerum: Sicut tradiderunt nobis, qui ab initio ipsi viderunt, & ministri fuerunt sermonis. Medicum hunc fuisse testatur scriptura: pictorem etiam posteriores tradunt, qui ad consulendum in posterum populo Christiano, imagines Christi, Matris Dei, principumque Apostolorum pinxerit. Vocat illum D. Paulus comitem peregrinationis suæ, medicumque charissimum: cuius Euangelium, suum Euangelium, vt doctis placet, appellare solet: & cuius item laudem in Euangelio per omnes ecclesias esse testatur.

2 **N**otandum: Duplici ex causa se Euangelium conscripsisse, testari Lucam. primum, hæreticorum reprehendendorum ac conuincendorum causa, qui ipsi falsa ac mendacia Euangelia iam confingere cœperant: quod indicat his verbis: Quoniam quidem multi conati sunt ordinare narrationem, &c. Cerinthum atque Ebionem intelligens. Vbi notandum est, iam statim à principio hæreses hæreticosque multarum excellentium scriptionum causam fuisse, atque adeò in primis ipsorum Euangeliorum. Deinde vt ea quæ prædicabat, absentibus etiam æquè ac præsentibus traderet, atque literis itidem ad perpetuitatem memoriæ consignaret: vtque rem certius & exactius confirmaret. Notat autem hanc posteriorem causam ipse Lucas, Vt cognoscas, inquit, eorum verborum, de quibus eruditus es, veritatem. Scripsit autem Euangelium suum, anno tertio decimo post Ascensionem in cælos Christi.

3 **N**otandum: Argumentum Euangelij sui, ipsum D. Lucam, primo capite actuum explicare: Primum quidem, inquit, sermonem feci de omnibus o Theophile, quæ cæpit Iesus facere & docere, vsque in diem, quæ præcipiens Apostolis, per Spiritum sanctum, quos elegit, assumtus est. Quod argumentum historia actuum Apostolicorum excepit.

4 **N**otandum: Non solos quatuor Euangelistas, quibus nunc vtitur res christiana, Euangelium scripsisse; sed etiam alios multos partim Catholicos, partim Hæreticos: quod D. innuit Lucas his verbis: Quoniam quidem multi conati sunt ordinare narrationem, &c. Tale Thomæ, Matthiæ, tale item Bartholomæi fuit Euangelium, tale Nicodemi, tale illud quod Nazarænorum dicitur

tur: Ægyptiorum item, & illud quod duodecim Apostolorum inscribatur. Ausus est etiam Basilides Euangelium scribere, quod dicitur secundum Basilidem. Inter quæ, & ea quæ à quatuor Euangelistis sunt profecta, tanquam boni numularij, inquit Ambrosius, Ecclesiæ Censura & iudicium intercessit: ut hæc quidem legantur, & pro Canonicis & Apostolicis libris habeantur, pro ipsoq; puro & puro verbo Dei; alia reiiciantur, ac pro apocryphis habeantur. Quamquam ex illis quidam Apostoli, ac illi qui Christum viderunt & audierunt, aliqui habebantur oculati, ut dicitur, testes, qui viderunt, audierunt ipsi, & manibus suis contrectarunt. Ex his autem pars una illorum fuit, qui neq; illum viderunt, neque audierunt; qualem Marcum & Lucam fuisse legimus: ut omnino in posterum tempus dogma detur, censuram & iudicium de scriptis authenticis & apocryphis penes Ecclesiam esse: iuxta illud Augustini in exempla fundamenti, Euangelio non credere, nisi me autoritas Ecclesiæ permoueret. Pulchrè autem notat D. Ambrosius, Ecclesiam cum quatuor Euangelij libros habeat, per vniuersum mundum Euangelis redundare: hæreses cum multa habeant, vnum non habere: Multi enim conati, sed Dei gratia destituti sunt.

Notandum, Non traditionem ex scriptura, sed scripturam ex traditione profluxisse, illamque pro fonte & origine haberi. Quod clarè hoc loco docet ipse D. Lucas: Sicut inquit tradiderunt nobis, qui ab initio ipsi viderunt, & ministri fuerunt sermonis. 5

Notandum, Autores traditionum & dogmatum non qualescunque esse debere, sed eos tantum, qui ipsi viderunt, qui negotiis interfuerunt, qui manibus palpauerunt suis: quales se Euangelij autores habuisse testatur D. Lucas: Qui inquit ab initio ipsi viderunt, & ministri fuerunt sermonis. Erubescat igitur hæresis, quæ nunc orta, heri & nudius tertius de portis inferi prodiens, his talibus autoribus ac vniuersæ venerandæ antiquitati præiudicare non erubescit. 6

Notandum: Non inutiliter nonnunquam ea, quæ viua voce docentur, literis postea ad posteritatem transmittuntur. Quod nunc se fecisse testatur D. Lucas: Visum est & mihi, affecuto omnia à principio diligenter, ex ordine tibi scribere, optime Theophile; ut cognoscas eorum verborum, de quibus eruditus es veritatem. 7

Notandum, D. Lucam in præsentī opere, multa cum aliis euangelistis communia, multa item propria habere. Propria illa sunt, de ortu & natiuitate Ioannis Baptistæ, de incarnatione filij Dei, de visitatione Elisabethæ, de natiuitate Christi, de Samaritano item, de filio prodigo, de Lazaro, de discipulis euntibus in Emaus, & alia multa: communia item non pauca. Placuit igitur nobis sequi D. Chrysostomum: ac in his quidem quæ propria sunt, paulò diutius immorari, eaq; diligentius explicare: ea autem quæ communia erunt, ne eadem sæpius repetantur, & ne acta, ut aiunt, agantur, vel prætermittere, vel modicè attingere. 8

Caput I.



NOTANDUM, Veri solis ac luminis ortum explicaturum Euangelistā, ab auroræ ac Luciferi ortu, Ioannis inquam profapia ac natiuitate, id ordiri: vt dignitas & excellentia præcursoris, testis & magistra sit maiestatis ipsius aduentantis Regis & principis. Præclare enim Chrysostomus: Multæ inquit, stellæ ante lucem præcedunt, nunciantes lucis aduentum: nulla tamen earum Luciferi nomen habere meruit, nisi vna, quæ cum ipsa luce procedit: sic omnes prophetæ ante faciem Christi præcedunt, nunciantes aduentum eius: solus autem Ioannes præcursor appellandus: quia non solum aduentum eius annunciauit, sed ipsum illum digito suo ostendit. Orditur autem dignitatem ortus & profapiæ præcursoris, ab ipsorum parentum dignitate; quos plena laudatione ornat; quæ genus, mores, officium, factum, iudicium comprehendit. Genus in maioribus, mores in æquitate, officium in sacerdotio, factum in mandato, in iustificatione iudicium.

2 **N**otandum: Principium nobilis sobolis primò ponit: Fuit, inquit, in diebus Herodis Regis Iudææ, Sacerdos quidam nomine Zacharias, de vice Abia: & vxor illius de filiabus Aaron, & nomen eius Elisabet. Gens magnifica, Aaronico sanguine orta, per multam successionem ac continuationem ab Eleasar vsq; ad Abiam perducta, ac ipsius Messia generi coniuncta. Vbi illud obseruandum est, in lege veteri genus & propaginem non in mediocri laude fuisse, propter futuras successiones prophetarum, sacerdotum, atq; adeò ipsius Regis Messia: quod in lege noua iam non item fit; in qua successio est, non carnis, sed spiritus; & in qua homines non terræ, sed cælo nascuntur. Et illud decretum Dei stat & manet: Absit hoc, inquit dominus ad Eli, à me, vt domus tua & domus patris tui ministret in conspectu meo in sempiternum: sed quicumque honorificauerit me, glorificabo eum: qui autem contemnunt me, erunt ignobiles. Vanum est igitur eorum concionatorum studium, qui pro concionibus funebribus libros generationum ac stemmatum texunt, res in Christiano populo planè vanas.

3 **N**otandum, Nobilitatem esse veram & vnicam virtutem. Quod videns Euangelista, statim post tribum & originem Ioannis, parentum mores & virtutem eorum recenset: Erant, inquit, ambo iusti ante Deum, incedentes in omnibus mandatis & iustificationibus Domini, sine querela. Nec qualècunq; vulgarem aut fictam illorum virtutem & iustitiam commendat, quæ vanis & fallacibus iudiciis, ac oculis hominum imponere possit; sed ipsius Dei iudicio & oculis, quos nihil fictum, nihil simulatum decipere potest, subiectam. Erant, inquit, ambo iusti ante Deum, cuius oculi iudicant æquitatem: & ita iusti coram Deo; vt iidem tamen essent sine querela coram hominibus. Ita vt illud D. Pauli complerent: Nulli malum pro malo reddentes: prouidentes bona non tantum coram Deo, sed etiam coram omnibus hominibus.

4 **N**otandum, Conuinci ex hoc loco Caluinum, & eos omnes, quos ille secutus est, & quos decepit, dicens iustitiam nostram nullam esse, iustum neminem coram Deo reperiri posse, omnia opera nostra esse pannū menstruatę.

Cui

Cui nunc planè contrarium docet D. Lucas: Erant, inquit, ambo iusti ante Deum, incedentes in omnibus mandatis & iustificationibus Domini sine querela. Et si enim id verum est, iustitiā nostrā, quā cælitus à patre luminū profecta non sit, quæ fide non nitatur, quam mors & meritum Christi non commendet, nullam esse: qui tamen hæc, tanquā fundamenta iustitiæ suæ iecerit, de hoc meritò dicas: Erat iustus ante Deum, quod nunc de Zacharia & Elisabeta verissimè dici audimus, quod iam olim de Noë, primo quasi generis humani ab aquis seruatore, ab ipso Deo dictum est: Ingredere in arcam, quia te vidi iustum coram me in generatione hac.

NOtandum, Veræ iustitiæ, secundum D. Lucam, has esse partes: incedere in omnibus mandatis, & iustificationibus Domini, sine querela: contrā quā mentiuntur Calvinus & Lutherus, qui ab omni mandatorum ac iustificationum Domini obseruatione iustitiam remouent. Nam de politica & ciuili iustitia aliqua hæc dici, vt nugari solent, falsum est, cū hæc particula adiuncta sit, Coram Domino. Similibus partibus veræ iustitiæ ornatur primus credentium pater Abraham: Dabo, inquit Dominus ad Isaac, posteris tuis vniuersas regiones has: & benedicentur in semine tuo omnes gentes terræ, eò quòd obediuerit Abraham voci meæ, & custodierit præcepta mea, & mandata mea, & ceræmonias legesque meas seruauerit. Vbi itidem merita sanctorum mortuorum viuis prodesse, clarè perspicitur.

NOtandum, Solenne esse magnis viris, & his quos ad præcipuum quoddam opus Deus designat, ex sterilibus nasci, atque his qui procedunt in diebus suis: vt quibus sterilitas filios denegat, pietas diuina concedat. Sic Isaac prima patris credentium soboles ex Sara sene & sterili, ac planè emortua natus est: Sic Samuel Maximus propheta ac Regum vnctor & coronator: sic fortissimus Samson, ex sterilibus ac ætate confectis parentibus nascuntur: sic nunc Ioannem, quo non maior inter natos mulierum natus est, nasci videmus. Et non erat inquit eis filius, eò quòd esset Elisabet sterilis, & ambo processissent in diebus suis. Sic postea in Populo Christiano alij multi nati sunt: quod vel propter miraculum fit, vel vt agnoscat, tales viros non à natura, sed à gratia dari; vt & eo magis honorentur, & maior illis fides habeatur; tum & ipsi & parentes eorum sciant, maiores Deo gratias agere, gratique esse: Conuenientissimè autem ille ex decrepita & sterili anu nascitur, qui illum prædicturus erat, ac quasi digito monstraturus, qui præter omnes naturæ leges ex virgine nasci debuit.

NOtandum, Prosapiam & dignitatem parentum Ioannis, officium illorū sequi, ab illoque amplitudinem Zachariæ demonstrari. Factum est, inquit, cū sacerdotio fungeretur Zacharias, in ordine vicis suæ, ante Deum, secundum consuetudinem sacerdotij. Clarè apparet, magnam semper tam in lege naturæ, quā in lege scripta, amplitudinem & dignitatem sacerdotij, & in magno cultu & honore fuisse: eosque ad offerenda pro se & pro hominibus dona & sacrificia, designari solitos, præter novos Gigantes hæreticos, qui omnia diuina & humana confuderunt, nec ampliùs confundere desinunt.

NOtandum, per Moysen quidem à Domino vnum constitutum fuisse summum sacerdotem; cui mortuo vnus per ordinem vt succederet, iustum est:

est: & hoc ad Dauid vsque tempora seruatum, à quo plures fieri, Domino nihilominus agente decretum est, qui vicissim ministrantes, tempore vicis suæ singuli castimoniam studeant, domumque suam omnino non tangerent. Vnde nunc Zacharias in ordine vicis suæ sacerdotio functus asseueratur: Factum est, inquit, cum sacerdotio fungeretur Zacharias, in ordine vicis suæ, ante Deum, secundum consuetudinem sacerdotij. Vnde illud colligitur, sacrificia & cultum Dei, ita cum castitate esse coniuncta; vt ab ea nullo modo possint separari; si non perpetua & perenni, tamen ad tempus certum. Sic Dauid ad panes propositionis non ante admittitur, quam & se & pueros suos à mulieribus mundos esse professus fuerit. Sic D. Paulus reddere vxori debitum iubet, præterquam orationis & ieiunij tempore: ac eodem modo virginem, quæ nupta sit, perfectè deuotam esse non posse, quia diuisa sit, illudque cogitat, quomodo placeat viro, & non tantopere Deo. Eamque ob causam Ecclesia Catholica sacerdotes suos semper castos esse vult, vt quibus semper orandum & offerendum sit. Ridet & calcat hæc omnia stulta & fœda hæresis.

9 Notandum, pro tempore & loco, incrementis item & copia rerum, vsu item ac necessitate, externos ritus ac ceremonias sine crimine mutari, quorum tamen finis ac vsus idem permanet. Per Moysen quidem Deus, ritus, sacerdotum ceremonias, ac leuitarum ordines constituerat. At hæc postea duplo auxerat Dauid, auxerat & Iosias rex, laudante & approbante eorum instituta Deo. At nunc nihil crescere, nihil excoli, nihil illustrius vult fieri hæresis.

10 Notandum, Nomen templi, in sacra scriptura, dupliciter vsurpari: aliquando pro toto circuitu, quo ipsum templum & atria continebantur, quæ partim clausa, partim aperta erant: aliquando propriè, pro ipso clauso templo, quod sanctis, & sanctis sanctorum continebatur. Priore modo accipitur Matth. 21. Mar. 11. Luc. 19. Ioan. 2. vbi Christus omnes ementes & vendentes eiicit, quod non nisi de atrio exteriori intelligi potest. De posteriore, hic locus intelligendus est, Et Pauli ad Hebræos quam plurima.

11 Notandum, Fuisse partes domus domini, operis perfecti, vniuerso orbi admirabilis, in quo posuerat Deus nomen suum in sempiternum: sancta sanctorum primum, quæ gentiles ipsi grande gentis arcanum, appellare solebant, in quæ solus summus Pontifex semel in anno ingrediebatur, idque non sine sanguine. Deinde sancta, in quæ item non nisi sacerdotes soli, idque per vices suas ingrediebantur. Habebant hæc in medio altare æneum aureis laminis contextum, in quo thymiana, cuius modus & ratio ab ipso Deo præscripta fuit, adolebant: vocabatur hoc altare Thymiamatis: & hæ ipsæ partes templi tectæ erant, & propriè templum vocabantur. Tertiò, sequebatur vestibulum templi, iam non tectum. Quartum erat atrium prius Leuitarum, in quo erant luteri decem, in quibus lauabantur & præparabantur hostiæ. Erat mare æneum in quo se sacerdotes ad altare accessuri lauabant. Altare item maius, in quo hostiæ offerebantur. Vltimò fuit atrium maius, in quo Rex, Senatus, & vniuersus populus orare, votaque sua cum Leuitis & Sacerdotibus à longè coniungere solebat. Zacharias igitur ab Aaron ortus, sacerdotio fungens in ordine vicis suæ, ante Deum, in sanctis adolebat incensum, iuxta pactum æternum: Aaron vret thymiana sempiternum coram domino, in generationes vestras:
Populus

Exod. 30.

Populus autem erat orans foris, hoc est, in secundo vsque atrio, hora incensi, quod bis in die fiebat, mane & vesperi. Vnde colligimus, quanto cultu, & reuerentia sacra sua obiri, domum suam haberi, pater ipse cælestis voluerit. Vbi reges ac vniuersus populus, ex vltimo vsque atrio sacra prospectare, vota; & supplicationes suas, cum votis sacerdotum, à longè coniungere solebant. Nos, Deum immortalem, in aras ipsas & altaria ruimus, equis & accipitribus nunquam ac canibus comitati. Ast in illo templo, quod sic à longè reges ac duces aspiciebant, nihil præter arcam, in qua Manna tantum, & virga Aaron tabulæque legis continebantur, fuerat; in hoc autem altari, in hacque huius noui templi arca, ipsum viuum corpus & sanguis Iesu Christi, veri Dei & hominis, ante ora vultusque nostros proposita iacent. Potestne maior sacrorum vulgatio, aut magis quid profanum, maiorque abominatio desolationis apparere? Et ideo nullum lætum aut desideratum votorum nostrorum consequimur effectum: vtpote qui semper vno peccato, irreuerentiæ ac sacrarum profanationis aucti, de templo discedamus. At non eadem dona, non eadem gratiæ ex veteri illo templo referebantur. Præsens ibi aderat virtus Spiritus sancti quæ Prophetas afflare solebat: præsens gloria domini, quæ de omnibus secundis, & aduersis rebus eos commonebat: præsens responsum & consilium domini, quid agendum aut quid declinandum, tam priuatim, quam publicè foret: Præsentia angelorum, monita & oracula, ex quibus hoc vnum est: Apparuit autem illi angelus domini, stans à dextris altaris incensi.

Notandum, Quartum caput dignitatis parentum Baptistæ, quod digni fuerint aspectu & nuncio angelico.

Notandum est, vsitatum esse, magnorum virorum, & illorum qui facere debebant domino plebem perfectam, ab angelis parentibus natiuitates denuntiari. Hoc modo Abrahæ & Saræ coniugi eius, Isaac natiuitas prædicitur: *Gen. 17.* Sara vxor tua, ait Deus ad Abraham, pariet tibi filium, vocabisque nomen eius Isaac: & constituam pactum meum illi in foedus sempiternum, & semini eius post eum. Hoc modo matri Samsonis, vxori Manuë: Sterilis, inquit, es, & absque liberis: Caue ergo ne bibas vinum & siceram, nec immundum quidquam comedas: quia concipies & paries filium, cuius non tanget caput nouacula: erit enim Nazareus Dei ab infantia sua, & ex matris utero: & ipse incipiet liberare Israël de manu Philistinorum. Quod idem nunc in natiuitate Ioannis fieri videmus, & postea in aliis multis sanctis legimus: vt illud doceatur, angelos spiritus administratorios esse, præsertim earum rerum, quæ ad salutem nostram pertinent; atque inde, quantum Deus humanum genus dilexerit, perspicimus: eamque natiuitatis sanctorum hilaritatem esse, vt angelos etiam ipsos exhilaret: quam hæretici contemnere & deridere solent. Notat autem hoc loco Origenes, siue Deum siue angelum Abrahæ vel Zachariæ, cum voluerit vel noluerit aut non apparere aut apparere: et hoc non tantum in præsentī seculo dicimus, sed etiam in futuro, cum migrauerimus de mundo: quod non omnibus vel Deus vel angeli appareant, quod scilicet & angelos & Spiritum sanctum, & dominum saluatorem, & ipsum Deum patrem, is qui de corpore exierit, statim mereatur videre: sed ille tantum videbit, qui mundum habuerit cor; & talem se præbuerit, vt dignus Dei sit aspectu, &c.

Notat Theophylactus differentiam eius oraculi, quod à vero & bono angelo

gelo prouenit, à dæmonum apparitionibus & imposturis. Si enim à principio statim turbatur intellectus, ac à perturbatione incipit visio, & ad extremum consistit ac se colligit, soluto pedetentim metu, tum reuera diuina est apparitio. Si autem magis ac magis intenditur metus ac perturbatio, tum visio illa à dæmone proficiscitur. Qua de re plura in sermone 3. Nuntij nostri ipsi scripsimus.

15 **N**Otandum, quærere hoc loco solere sanctos patres, quomodo exaudita sit oratio Zachariæ, cum ille non sibi prolem, sed populo salutem & redemptionem petiuit? Cui respondit quæstioni primùm V. Beda: Deprecationem, inquit, exauditam, partum continuò promittit vxoris, non quòd ille, qui pro populo oblaturus intrauerat, relictis publicis votis, pro accipiendis filiis orare potuerit; præsertim quia nemo orat, quod se accepturum desperat. Adeò autem ille iam, suæ ætatis, & infœcundæ coniugis memor, nasci sibi filios desperabat, vt nec angelo hoc promittenti crederet. Sed quod dicit, Exaudita est deprecatio tua, pro populi redemptione significat. Quòd verò adiungit, Vxor tua pariet tibi filium, eiusdem redemptionis ordinem pandit, quòd videlicet natus Zachariæ filius redemptori illius populi præcurrendo, sit iter facturus. Deinde Theophylactus: Oratione sua, inquit, non prolem sibi, sed populo remissionem peccatorum precabatur Zacharias, & proinde talem erat procreaturus filium, qui proclamaret: Ecce agnus Dei: ecce qui tollit peccata mundi. Conueniunt autem & verba angeli ad Zachariam: Exaudita est, inquit, deprecatio tua, pro remissione peccatorum populi: eum namque progenerabis filium, per quem futura est peccatorum remissio. Nos quasi coronidis causa illud adiicimus, quòd qui publicam salutem seriò & ex animo curat, eamq; à Deo Optimo Max. implorat, hunc eundem sua priuata, etiamsi illa non exprimat, facile consequi.

16 **N**Otandum, Singularis meriti iudicium dari, quoties hominibus à Deo imponitur nomen, vel mutatur. Sic Abram, quia pater multarum gentium erat futurus, Abraham est vocatus: sic Iacob, quia Deum vidit, Israël appellari meruit: sic Iosias Rex, ob eximiæ virtutis culmen, nominatus à Deo est, multò antè quàm natus. Ioannes ergo interpretatur, in quo est gratia, vel domini gratia. Quo nomine declaratur, primò parentibus eius gratiam, quibus decrepitis filius nasceretur, esse donatam: deinde ipsi Ioanni, qui magnus coram domino futurus, & adhuc ex vtero matris, Spiritus sancti sit munere ditandus: postremò etiam filiis Israël, quos ad dominum Deum ipsorum erat conuersurus,

17 **N**Otandum, cum amplius angelus vidisset Zachariam submœstiores, ac perturbatum, amplius eum solatur, non esse causam, cur mœreat, cur perturbetur: hunc enim ipsum filium, futurum illi gaudio: nec qualicunq; gaudio, sed exultationi, quæ ab exiliendo dicitur, vbi aliquis præ gaudio saltat & salit. Si enim filius sapiens lætificat patrem, quanto magis hic parentes lætificare debuit, qui repletus erat Spiritu sancto, ex vtero matris suæ; & qui ipse in ventre materno, præ gaudio exultauit & saliit? Ecce, inquit, vt facta est vox salutationis tuæ in auribus meis, exultauit infans præ gaudio in vtero meo. Illo inquam gaudio, quod mundus neque dare, neq; auferre potuerit: quo gaudio aliquando perfusus ac plenus venerandus hic senex, in illum omnibus seculis

celebrandum hymnum eruperat : Benedictus dominus Deus Israël, &c. Neque tamen hoc gaudium & exultationem talem futuram esse dicit, quæ illis tantum propria sit, & quæ intra illos contineri debuerit, sed longè latius fusiùsq; hoc ipsum gaudium extendendum esse. Et multi, inquit, in natiuitate eius gaudebunt : non alia causa, quàm quòd visitauerit Dominus, & fecerit redemptionem plebis suæ, & erexit cornu salutis nobis, in domo Dauid pueri sui. Et in istius quidem natiuitate, multi gaudere debebant : venturus autem erat paulò pòst, cuius natiuitas debebat esse gaudium vniuerso orbi. Annuncio vobis, ait itidem Angelus, gaudium magnum, quod erit omni populo.

Notandum, Promissa Dei firma, valida, & efficacia esse, nec vnquam vlla re perturbari & interrumpi. Dicit nunc Angelus : Et multi in natiuitate eius gaudebunt : à quo dicto intercesserunt iam mille quingenti & amplius anni, & non extitit vnus, in quo natiuitatis tanti Prophetæ dies incurrerit, & incurrat adhuc, quo non gaudeant multi, nec apud populum christianum tantum, sed apud Iudæos etiam, & Mahumetanos : apud istos enim omnes, magnum nomen Ioannis est, magnum ex natiuitate gaudium. Multi igitur in natiuitate eius gaudebunt : ea est verbi Dei efficacia & veritas. Prædixit eadem scriptura : Qui bona egerunt, ituros in vitam æternam ; qui verò mala, in ignem æternum : non fallet profectò.

Notandum : Vbi Euangelista præcursores domini, à natalitiis eius satis præclaris, laudasset ; vbi item à nouo, & inusitato genere natiuitatis, eaq; lætitia, quæ eam natiuitatem consecutura erat : nunc iam angeli ore, ex ipsius personæ adiunctis & functionibus, illum laudare incipere. Ex quibus adiunctis hoc primum est : Hic, inquit, erit magnus. Magnus, vt parentes : quia coram domino, vt & illi. Maior tamen quàm parentes, quia Spiritu sancto replebitur adhuc ex vtero. Magnus genere, quia ex magnis coram domino. Magnus modo natiuitatis, quia priusquam natus esset, sanctificatus est. Magnus prædictione Prophetarum Isaie & Malachie : Ecce ego mitto angelum meum, qui præparabit viam ante faciem meam. Et Isaïas : Vox, inquit, clamantis in deserto, parate viam domini, rectas facite semitas eius. Magnus vita : Vinum & siceram, inquit, non bibit. Et Matthæus : Ioannes, inquit, habebat vestimentum de pilis camelorum, & zonam pelliceam circa lumbos suos. Esca autem eius erant locustæ, & mel siluestre. Magnus functionibus : erat siquidem angelus : Ecce ego mitto angelum meum. Erat Propheta : sed plus, teste saluatore, quàm propheta. Erat virgo, nesciens labem niuei pudoris. Erat Confessor & Eremita : Puer, inquit, crescebat, & erat in desertis, vsque in diem ostensionis ad Israël. Et Matthæus : Venit, inquit, Ioannes Baptista, prædicans in deserto Iudææ. Martyr denique : Missò enim Herodes spiculatore, præcepit adferri caput Ioannis in disco, & decollauit eum in carcere. Magnus munere & officio : Vox clamantis in deserto, parate viam domini : Præcursor magni regis, testis luminis : Non erat ille lux, sed vt testimonium perhiberet de lumine : Aurora veri solis : Amicus sponsi : Baptista sancti sanctorum. Magnus ad extremum exitu & morte, quam pro veritate & iustitia magnificè sustulit. Verè igitur Magnus ; & ita magnus, vt non maior quisquam illo inter natos mulierum sit inuentus.

Notandum : Dabitur quidem paulò pòst idem Magni titulus futuro Mes
sias,

fiat, sed non eodem modo. Illic enim dicit Angelus: Et erit magnus simpliciter, quod soli Deo est proprium: Magnus inquit Dominus, & magna virtus eius, & magnitudinis eius non est numerus. De hoc autem dicit, Hic erit magnus, sed coram domino. Est autem coram domino, inquit Ambrosius, magnitudo animæ, magnitudo virtutis: Paruulus in seculo, magnus in spiritu: qui nec vitæ captus illecebris, sententiæ constantiam viuendi desiderio mutauit. Magnus igitur coram domino, qualis solet esse primus Reipub. princeps coram Rege suo, princeps familiæ coram hospite suo. De quali magnitudine scribitur in libro Ester: Homo, quem rex honorare voluerit, debet indui vestibus regiis, & imponi super equum, qui de sella regis est, & accipere regium diadema super caput suum, & primus de regiis principibus ac tyrannis teneat equum eius, & per plateam ciuitatis incedens clamet & dicat: Sic honorabitur, quemcunq; voluerit Rex honorare. Magnus igitur, sed vt vox coram verbo, præcursor coram principe, seruus coram domino. Hic quasi homo magnus, inquit Ambrosius: hic quasi Deus magnus. Huius magnitudo habet principium & finem: Dominus Iesus ipse principium & finis. Dictus est etiam Samson ab angelo magnus, sed fortitudine: magnus Absolon, sed pulchritudine: magnus Salomon, sed sapientia.

21 Notandum, Primum adiunctum hoc D. Ioannis posuisse angelum, futurum magnum coram domino. Quid autem sit, esse magnum coram domino, quoniam non ita clarum fuit, sequentibus aliis adiunctis & laudibus explicare. Ex quibus hoc primum est: Vinum, inquit, & siceram non bibet: quod item quondam prædictum fuit de Samson similitur in ortu & conceptione eius. Dum autem dicit, siceram & vinum eum non bibiturum, id significare vult, eum in omni parte vitæ suæ continentissimum futurum, duram quandam & rigidam vitam ducturum; nulli se voluptati dediturum, sed sanctè, piè, ac sobriè vniuersam vitam traducturum. Oportuit enim, inquit D. Ambrosius, prædicantem in deserto cælestia gaudia, terrenas ex integro spreuisse delicias. Vnde primum notandum est, turpiter Magdeburgenses, Caluinum, & cæteros eiusdem farine viros errare, an potius mentiri, dum dicunt Ioannem Baptistam vulgarem quandam & communem vitam, delicatam etiam, si placet, vixisse. At non idem pollicetur nunc Angelus, rarum & nouum quid prædicens: Vinum, inquit, & siceram non bibet. Siceram autem exponit V. Beda: Sicera, inquit exponitur ebrietas: quo vocabulo Hebræi omne quod inebriare potest poculum, siue de pomis, siue de frugibus, seu de qualibet alia materia confectum, significant. Deinde & illud hoc loco obseruandum est, falsò docere hereticos, ieiunia, corporis macerationes, ac omnem vitæ continentiam, omnia deniq; bona opera, coram oculis Dei nullam dignitatem aut meritum habere, nullam partem iustitiæ constituere, pannum menstruatæ mulieris esse: cum hoc loco clarè contrarium angelus doceat: Erit, inquit, magnus coram domino: Cur ita? aut quo merito? quia, inquit, vinum & siceram non bibet, &c. Obseruandum est & illud vltimò. Quanta sit dignitas & pretium sobrietatis, omnisq; vitæ continentie, si quidem sit præcipua pars eius ipsius rei, vt magnus quis sit coram domino: qualis item Samson, Elias, Ieremias & Rechabites fuerunt. Quod si ea est maiestas & dignitas sobrietatis & continentie, incontinentes profectò ebriosq; & temulentos, non tantum paruos esse coram Deo, sed nullos etiam. Non mirum igitur est, Germanicam hæresin non pro-

ficere, sed in deterius semper prolabi, quia semper ebria & temulenta est.

NOtandum: Tertiam excellentiam & laudem D. Ioannis prædici, quod 21
ex vtero de Spiritu sancto replendus sit. Simile quid de Ieremia Propheta legimus: priusquam te formarem in vtero, noui te, & antequam exires de vulua sanctificaui te. Ad quod rectè intelligendum, illud obseruandum est, eam esse legem post peccatum primi Adami, vt quicunque ex eo propagati fuerint, omnes in peccato concipiantur, & in peccatis, iuxta Psalmistam, concipiat eos mater eorum. Quemadmodum autem omnes in iniquitatibus concipimur; ita similiter & nascimur filij iræ, filij gehennæ, donec in lauacro aquæ regeneremur, ac ex filiis vindictæ, filij Dei efficiamur. Retulit contra eam legem primum & summum ac plenum priuilegium Christus dominus, qui nec in peccato conceptus est, nec in peccato natus: vtpote qui non ex sanguinibus, neque ex voluntate carnis, neque ex voluntate viri, sed opera Spiritus sancti natus est, & conceptus est: qui ad delendum peccatum Adami in mundum venit: & in quo princeps mundi nil suum reperire debuit. Retulit & beatissima virgo Maria, non iam vi & natura sua, vt Christus dominus, quæ similiter via naturæ concepta fuit, sed dono & gratia, præseruatione & custodia Spiritus sancti. Tulit item & præcursor Ioannes, Ieremias etiam, sed non iam eodem modo; verum cum similiter vt cæteri in iniquitatibus & peccatis concepti essent, in vtero tamen priusquam nati essent, priusquam lucem hanc aspexissent, sanctificati, atque Spiritu sancto repleti sunt, magno dono & priuilegio. Ex quo loco illud primum notandum est, eum qui Christum prædicaturus est: sanctificari debere, Spiritu sancto repleti: & ideo vita quadam sancta & angelica, quæ tantis donis & priuilegiis digna sit, opus habere. Deinde illud obseruandum, vehementer Anabaptistas atque adeò Caluinum errare, qui putant ex parentibus christianis liberos iustos nasci, & ideo non statim baptismo opus habere: & si aliquando non baptizentur, saluari: contra claram scripturam sanctam: nisi quis renatus fuerit ex aqua & Spiritu sancto, non intraturum in regnum cælorum: & quod ex carne nascitur, carnem esse: Et contra hunc præsentem locum, qui hoc dono & priuilegio, non communi lege, & Ioanni & Ieremiæ tributum esse docet.

NOtandum, Quartam excellentiam & dignitatem referre angelum eiusdem 22
ipsius præcursoris: Et multos, inquit, filiorum Israël conuertet ad dominum Deum ipsorum. Quod iam tunc impletum esse docent Euangelistæ, cum egrederetur ad eum omnis Iudæa, & circa Iordanem regio, & Hierosolymite vnuerfi, & baptizarentur ab eo in Iordane flumine, cofitentes peccata sua. Vbi primum animaduertendum est, iam tum multos filiorum Israël auersos fuisse à domino Deo ipsorum: indeq; mirum non esse, quòd neque ipsum Ioannem ita multi, vt par fuit, neq; item Regem ipsum Messiam susceperunt, aut coluerunt. prauæ enim & corruptæ erant viæ ipsorum: ipsiq; multi auersi à domino Deo suo. Ita malam vitam mala fides, maliq; de corrupta religione sensus consequuntur. Secundò obseruandum & illud, magnam & eximiam dignitatem esse coram domino, conuertere peccatores, & eos qui auersi sunt à domino Deo suo: quod nunc in magna laude D. Ioanni adscribitur, Et multos, *Daniel. 12.* inquit, filiorum Israël conuertet ad dominum Deum ipsorum. Et apud Daniellem

elem eorundem laus mirè prædicatur: Qui docti fuerint, fulgebunt quasi splendor firmamenti: & qui ad iustitiam erudiunt multos, quasi stellæ in perpetuas æternitates. Vnde singularem concionatores consolationem referre vult. Nam sicut colonus, quamuis de suo munera obtulerit domino, non sic eum placat, quomodo si de vinea ipsius domini reditus ei obtulerit: sic & sacerdos, non tantum propter iustitiam suam placet domino, quantum si populum Dei in sanctitate docuerit: quoniam ipsius iustitia vna est, populi autem multiplex. Quemadmodum autem tale & tantum est meritum eorum, qui conuertunt aliquos ad dominum Deum ipsorum; ita ex altera parte cogitare debent homines scandalosi, hæretici, errantes & alios in errorem inducentes, quali se scelere obligent, dum vel exemplo, vel doctrina praua alios seducunt, & à domino Deo ipsorum auertunt. Vltimò & illud animaduertendum, Ioannem fuisse præcursores Iesu Christi, ei que viam præparasse, ad eumque multos filiorum Israël conuertisse: atqui hunc eundem nunc angelus Deum & dominum Israël vocat, illum ipsum τετραγράμματον. Ergo hic ipse Iesus Christus est verus Deus, verus dominus: quod paulò fufius pater huius ipsius præcursoris demonstrabit: Benedictus dominus Deus Israël, quia visitauit & fecit redemptionem plebis suæ.

23 **N**Otandum, Quintam excellentiam & dignitatem Baptistæ, quòd præcessurus sit Regem Messiam, in spiritu & virtute Eliæ: non cuiusuis prophetæ, sed eius qui viuus in cælum raptus est, & qui duplicem spiritum Elisæo successori suo reliquerat. Obseruandum autem est hoc loco illud singulare, eum honorem sacræ scripturæ & verbis prophetarum habere angelos, vt quoties aliquid generi horum diuinitus annunciare volunt, id potius sacræ scripturæ aut prophetarum vocibus repetere, quàm suis: idque pro reuerentia diuinæ maiestatis. Sic Gabriel angelus conceptionem filij Dei virgini sanctæ denuntiaturus, Isaia verbis ad eam rem vsus est: Ecce virgo concipies & paries filiū, & vocabis nomen eius Iesum. Et hoc loco idem Gabriel, Ioannis excellentiam Zachariæ prædicens, vtitur Malachiæ verbis: Ecce ego mittam vobis Eliam Prophetam, antequàm veniat dies domini magnus & horribilis, & conuertet cor patrum ad filios, & cor filiorum ad patres eorum. Qua autem ratione Ioannes in spiritu & virtute Eliæ Christum antecesserit, explicat D. Ambrosius: Ideo, inquit, fortasse in spiritu & virtute Eliæ, quia sanctus Elias & virtutem magnam habuit, & gratiam, vt ad fidem animos populorum à perfidia retorqueret, virtute abstinentiæ atque patientiæ, & spiritu prophetandi. In deserto Elias: in deserto Ioannes: ille coruis pascebatur, hic dumis: & calcata omni voluptatis illecebra, parsimoniam prætulit, luxumque contempsit. Ille Achab regis gratiam non quæsiuit, hic spreuit Herodis. Ille Iordanem diuisit: hic ad lauacrum salutare conuertit. Hic cum domino versatur in literis, ille cum domino apparet in gloria. Hic prioris, ille sequentis dominici præcursor aduentus. Ille post triennium pluuiis terram rigauit: & hic post triennium arescen-tem nostri corporis humum fidei imbre perfudit.

24 **N**Otandum: Posteaquàm prædixit angelus Ioannem præcessurum ante Christum verum Messiam, in spiritu & virtute Eliæ, statim id latius explicat, ac quo fine hic ipse præcursor præiturus sit ante dominum in spiritu Eliæ; & quæ item functiones tam Eliæ quàm Ioannis futuræ sint, demonstrat: vt con-

uertat scilicet corda patrum ad filios, & incredulos ad prudentiam iustorum; & sic paret domino plebem perfectam. Quorum verborum hunc sensum esse putamus: hunc ipsum præcursores primum conuersurum corda patrum ad filios, hoc est, verorum ac primæuorum Israëlitarum, vel ad degeneres, vel ad recens insitos Israëlitas: id est eorum patrum corda, qui veteres patriarchas, reges ac prophetas eorumque doctrinam secuti ac professi sunt: Qualis fuit iustus Simeon, qualis Zacharias, qualis Iosephus & Nicodemus, quales ceteri multi, qui expectabant redemptionem Israël, qui nondum auersi erant à viis domini, qui veterem doctrinam nondum adulterauerant, qui doctrinam sinceram conseruauerunt. Horum corda conuerrere debebat hic ipse præcursor, partim ad eos filios, qui iam recesserunt à viis domini, & quos hic Ioannes conuersurus erat ad dominum Deum Israël, & quos hi ipsi sancti patres ad veterem doctrinam reuocaturi erant: partim ad recens insitos filios, Apostolos primum, deinde omnes illos, qui opera Apostolorum ex gentilitate conuertendi erant. Vt ita illud Dauidicum compleretur: Pro patribus tuis nati sunt tibi filij. Ideo constitues eos principes super omnem terram. Quod tum Ioannes fecit, cum pœnitentiam, quam omnes Prophetæ, Patriarchæ prædicarunt, facere iussit: cum verbis Isaïæ, qui & ipse magnus pater erat, parare viam domini, rectas facere semitas eius, statim in exordio prædicationis sue præcipiebat: & cum omnem vallem impletum iri, & omnem montem & collem humiliandum, & fore praua in directa, & aspera in vias planas, & visuram omnem carnem salutare Dei prædicabat. Atque hoc primum officium, & hæc functio debebat esse præcursoris: secundum autem illud, iuxta prophetiam Malachiæ, eorundem filiorum, qui ex infidelitate conuertendi erant, corda ad patres suos, eos inquam, qui Prophetarum, Patriarcharumque doctrinam secuti sunt, conuerrere, eosque in iucundum complexum reuocare. Recessit autem à verbis prophete Euangelista, vel potius ea interpretatus est. Nam cum Propheta dicit, & cor filiorum ad patres eorum: Euangelista mutat & interpretatur, incredulos ad prudentiam iustorum. Vt enim in priori sententia conseruauit nomen filiorum, vt conuertat, inquit, corda patrum in filios; ita in secundo non est ausus conseruare, sed incredulos vocauit, & incredulos ad prudentiam iustorum. Eam ob causam, quod in priore quidem Iudeos ipsos magis intellexit, qui qualescunque fuerunt, filij tamen fuerunt: Filios, inquit, enutriui, & ipsi spreuerunt me: posteriorem autem sententiam cum maxima ex parte ad eos refert, qui ex gentilitate vocandi erant, qui penitus increduli erant: ideò non est ausus illos appellare filios, sed incredulos, iuxta illud: Non est bonum sumere panem filiorum, & mittere canibus. Et quoniam patrum nomen difficultates in se habebat, magisque ad carnem quam ad fidem referri poterat: ideò rem de spiritu interpretatur, ad prudentiam, inquit, iustorum. Tertiam functionem futuram prædicit angelus D. Ioannis, vt paret domino plebem perfectam: quæ illas duas priores nature ordine consequi videtur. Conuersis enim cordibus patrum in filios, & incredulis ad prudentiam iustorum, hocque pulcherrimo complexu & nexu confecto, quid aliud sequebatur, nisi vt præpararetur domino plebs perfecta? Exprimit autem rem ipse textus Græcus clarius, quam Latina versio: neque enim Græcum verbum κατεσκευασμένον sonat perfectam, sed potius instructam & adornatam, siue præparatam. Ioannis enim id solum muneris & officij fuit, præparare ac adornare: Venturus autem erat alius, longè maior & perfectior.

Ioanne,

Ioanne, qui omnia perfecturus erat, ipse nimirum Messias, Christus dominus, qui omnem perfectionem & consummationem docuit. Vnde illud: Non erat, inquit, ille lux, sed ut testimonium perhiberet de lumine: erat lux vera, quæ illuminat omnem hominem venientem in hunc mundum, &c.

25 **N**otandum, Primam & maximam functionem esse veri concionatoris, patres cum filiis, & filios cum patribus coniungere: quod perpetuum in ecclesia catholica fuit, quæ semper prima cum postremis, noua cum veteribus coniunxit, patrum doctrinam filiis tradidit, filios patribus parere docuit. At contra facit fecitque; semper heresis, quæ corda parentum, hoc est, sensus & mentes veterum patrum à filiis separat, filiorum item à patribus. Quàm enim remotum est cor Athanasii, Basilii, Hilarii ab Ario? quàm distinctum item est cor Chrysostomi, Cypriani, Ambrosij, Cyrilli, à Caluino eiusque; filiis? quàm item Caluinus, à superioribus patribus? quàm discordi corde Hieronymus, Augustinus, ab Iouiniano, Lutero? quàm item isti dispares ab Hieronymo, Augustino, Epiphanio? & tamen præcursoris ac verorum doctorum munera sibi usurpare non erubescunt.

26 **N**otandum, ea quæ diuinitus traduntur, non simul effundi, sed lentè ac per intervalla infundi ac instillari. Quod nunc in Ioanne videmus: non enim statim omnia docuit, sed elementa quædam & principia tradidit: non omnia simul perfecit, sed preparauit tantum. Sed nec ipse Christus Dominus omnia simul docuit ac ordinauit: sed fundamenta quædam maiora futuri ædificij iecit, quæ postea Spiritus sanctus per Apostolos Apostolicosque viros perfecit, ac distinctius ordinauit: Hæresis simul omnia effundit, ac prophanat potius.

27 **N**otandum: Quemadmodum ad visibilem Christi aduentum oportebat præparare corda hominum, ita & ad eum aduentum, qui spiritualis est, & illum qui Sacramentalis in sanctissimo Eucharistiæ viatico, præparatione magna opus est. Ad quam diligenter nos D. Paulus cohortatur: probet, inquit, se ipsum homo, & sic de pane illo edat, & de calice bibat. Quicumque enim manducat & bibit indignè, iudicium sibi manducat & bibit, non diiudicans corpus Dñi.

28 **N**otandum, visitatum fuisse in populo Dei, ut si quid cuiquam diuinitus, quod ad credendum non ita facile esset, vel per angelum, vel aliquo alio modo nunciaretur, ad ipsum confirmandum, signum aliquod in quo miraculi quid inesset, vel spontè diuinitus daretur, vel peteretur. Sic Moyse, non petenti vltro offertur: sic Gedeoni; dum illustri victoria promittitur, petenti signum datur: sic efflagitauit, ac veluti liberius repetit signum Ezechias Rex: sic Achabus signum petere iubetur: Pete, inquit Isaias, tibi signum à Domino Deo tuo. Quem consuetum morem nunc similiter sequi videtur Zacharias, promissus est seni, sterili vxore, filius: petit ille signum: Vnde, inquit, hoc cognoscam? Quæ quidem petitio signi aliquando sine peccato, & sine vlla offensione fiebat, nonnunquã cum exigua, aliquando cum maxima Dei offensione, prout affectus fuit, & prout intentione habebat is, qui signum petebat. Nunc quidè non sine aliqua offensione diuina Zacharias signum petere videtur: & ideo surdus & mutus ad tempus efficitur, hocque ipsum signum incredulitatis suæ refert. Idque credo eam ob causam, vel quòd Angelo Dei, nec cuiuslibet Angelo, sed ex principibus, & qui semper astant ante faciem Dei, credere noluerit. Deinde Sacer-

dos, idque ex maioribus, lux & lucerna populi: deinde in loco sancto: demum ea de re, quæ iam olim à prophetis fuerat prædicta, & quæ Zachariæ obscura esse non poterat. Fuit autem hæc commotio pedum Zachariæ, non ad confusionem & ad ruinam, sed potius ad cautionem, ne ad tantum nuncium, tantumque Dei donum efferretur, neque superbiret: ad rei tantæ deinde maiorem illustrationem: postremò aliis ad exemplum. Neque tamen nunc primo Zachariæ id euenit: euenerat hoc quondam matri credentium Saræ. Erant, inquit scriptura, ambo senes, prouectæque ætatis, & desierant Saræ fieri muliebria, risitque occultè dicens: postquam consenui, & dominus meus vetulus est, voluptati operam dabo. Videtur autem hæc incredulitas Zachariæ signum fuisse & figuram incredulitatis Synagogæ, præcipuè principum ac ducum populi Dei. Quemadmodum illius surditas, surditas Israël eiusque seniorum: silentium Zachariæ, silentium prophetarum esse in populo Israël, dicit Origenes. Signis ad populum loquitur, quod proprium Hebræorum fuit.

Notandum: Comparare hoc loco virginem sanctam non erubescit prophanus Calvinus cum Zacharia, iniqua comparatione. Nam quemadmodum Zacharias nunc inquit, Vnde hoc sciam? ego enim sum senex, & vxor mea processit in diebus suis: ita virgo sancta paulo post ad eundem Angelum dictura est, Quomodo fiet istud, quoniam virum non cognosco? Verum in hac similitudine, multa sunt dissimilia, imò quasi simile nihil. Zacharias siquidem signum quærit, vnde, inquit, hoc sciam? Virgo modum. Quomodo fiet istud? Zacharias rei raræ quidem, vñtata tamen non credit: multæ enim steriles pepererant. Virgo rei impossibilis, & quæ antea nunquam facta est, rationem quærit. Zacharias postulata sua non acceptat: Sic enim dixit Angelus, Exaudita est oratio tua. Virgo rem subitanæ miratur, de qua nihil vnquam cogitauit. Zacharias in securo portu trepidat: virgo rei pulcherrimæ ac sibi charissimæ cauet, Virginitati inquam: quomodo, inquit, fiet istud, quoniam virum non cognosco? Deinde sacerdotum est, pauorem horum reprimere, omnesque consolari: virginum autem ad omnes viri affatus trepidare. De qua re, qui plura discere velit, ac veterum patrum sententias cognoscere, legat quintum sermonem Nuntij salutis, à nobis separatim conscriptum.

Notandum duplici argumento incredulitatem Zachariæ Angelum confutare. Primum à persona eius, à quo missus est, cui sine omni dubitatione & controuersia credi debet, Dei inquam omnipotentis, fontis & originis fidei ac vniuersæ veritatis: cui se semper adstare, cuius fidelem nuntium, & ab eodem missum se esse dicit. Deinde à persona sua, se non esse serpentem, illum paradisi, qui primos parentes nostros in horto deliciarum decepit: non Spiritum mendacem, qui in ore prophetarum Achab locutus est: sed se esse Angelum: neque quemuis ex infimis, sed ex principibus Angelorum, virtutis ac omnipotentia Dei, cui omnia cedunt: nuntium, neque remotum aliquem à Deo; sed intimum ac coniunctissimum, qui inquit, asto ante Deum: Obseruandum autem est, quòd quantumuis Angeli sint administratorij Spiritus, quantumuis sint ministri Dei, quantumuis cum hominibus conuersentur; nunquam tamè à visione & fruitione Dei discedere, ubique præsentem Deum habere: quod & hic Gabriel clarè demonstrat, & postea Christus Dominus docet: Angeli, inquit, eorum semper vident faciem patris mei, qui in cælis est. Quod latius explicat V. Beda:

Notan-

Notandum, inquit, est, quod Angelus se & ante Deum adstare, & ad Euangelizandum Zachariæ missum esse testatur. Quia & cum ad nos veniunt Angeli, sic exterius implent ministerium, ut tamen nunquam desint interiùs per contemplationem. Et mittuntur igitur, & adsistunt: quia etsi circumscriptus est angelicus spiritus; summus tamen Spiritus ipse qui Deus est, circumscriptus non est. Angeli itaque & missi ante ipsum sunt, quia quolibet missi veniunt, intra ipsum currunt. Nihil autem tale audit ab Angelo Virgo sancta, utpote cuius interrogatio non ex aliqua incredulitate, sed ex optimo & candidissimo animo profecta fuerit: sed simpliciter illi modum & rationem, quam ipsa nosse poterat, explicat: Spiritus sanctus, inquit, superueniet in te: ut vel hac ratione impudentia Caluini, qui hæc dissimilia comparare non erubuit, confundatur.

31 **N**otandum: Postquam reprehendisset Angelus orationem ac incredulitatem Zachariæ, suamque adstruxisset fidem, nunc signum pollicetur simul & poenam. Ecce, inquit, eris tacens, & non poteris loqui, usque in diem quo hæc fiant: pro eo quod non credidisti verbis meis, quæ implebuntur in tempore suo. Vbi illud obseruandum est, per quæ quis peccat, per eadem eum puniri. Peccauit auribus Zacharias, dum Angelum audire, ei; obtemperare recusat: ideo surdus efficitur. Peccauit lingua, dum Angelo contradicit: ideo mutus efficitur, typusque fit vniuersæ Iudææ, ipse incredulus ac sterilis: qui tamen generat filium, quo non maior fuit inter natos mulierum. Sic Iudæa perfida & incredula, ab omni fructu bonorum operum sterilis, parit redemptorem mundi, ac dominum prophetarum.

32 **N**otanda est hoc loco perseuerantia, & assiduitas cultus diuini, tam in sacerdote, quam in populo. Nam neque sacerdos functionem suam deseruit, priusquam completo vniuerso tempore officij vicis suæ: neque item populus prius de templo discedit, quam sacerdos suum confecit officium. Et erat plebs expectans Zachariam: & mirabantur, quod tardaret ipse in templo. Hæc de plebe & de sacerdote. Paulò post factum est, inquit, ut impleti sunt dies officij eius, abiit in domum suam. Nos vix pedem in limine templi ponimus, & iam à tergo respicimus, fugamque cogitamus: nec solum vniuerso non intersumus sacrificio, quod ipsum breue satis & compendiosum est; sed plerumque tum fugimus, cum res ipsa incipit, cum maximè deuotos & attentos esse oportuit, cum ea quæ sanctissima sunt, peraguntur. Quod illis euenit, qui audito Euangelio, & offertorio, ac Venerabili Sacramento adorato, fugiunt, ac tanquam re optimè gesta exiliunt: Non idem facit hic populus: Erat inquit plebs expectans Zachariam. Quam quidem prophanam negligentiam non mediocriter Deum immortalem offendere, ipse Dominus apud Haggæum testatur: Domus, inquit, mea deserta est: & vos festinatis unusquisque in domum suam. Quod quoniã auaritiæ causa, lucrandi; cupiditate plerumque fit; ideo iusto & verò suo iudicio, fame & sterilitate, paupertate item id se puniturum pollicetur Dominus: Respexistis, inquit, ad ampliùs, & ecce factum est minus; & intulistis in domum, & exufflaui illud. Et mox: Propter hoc, inquit, super vos prohibiti sunt celi, ne darent rorem, & terra prohibita est, ne daret germen suum, & vocaui siccitatem super terram & super montes, & super triticum, & super vinum, & super oleum, & quæcunque profert humus, & super homines, & super iumenta, & super omnem laborem manuum. Quod item huius seculi tam frequentes fames & sterilitates abundè testantur.

Notan-

Notandum, Eum qui non credit, non posse loqui. Quod pulchrè demonstrat Dauid: Credidi inquit, propter quod locutus sum: ac si diceret, nisi credidissem, locutus non fuisset: sed postquàm credidi, loqui coëpi. Et Zacharias igitur quando credebatur, loquebatur: at postquàm credere desuit, conticuit. Fides enim substantia est rerù sperandarù, argumentù non apparentium. Fides principium omnis cognitionis & doctrinæ. Ideo Isaias: Nisi credideritis, inquit, non intelligetis. Cùm igitur hæretici non credant, loqui profectò se putant, non tamen loquuntur, etsi clament, etsi garriant, etsi cælum & terram vociferatione compleant. Annotandum & illud est, magnam vim esse angelicæ visionis, ita vt aliquando & sanctos viros perturbet, ac sensibilibus alteret: quod in Zacharia nunc fieri videmus. Egressus, inquit, non poterat loqui ad illos; & cognouerunt, quòd visionem vidisset in templo: quod antea idem Danieli euenisse legitur. Danielis 10. Ego, inquit, relictus solus, vidi visionem grandem hanc, & non remansit in me fortitudo: sed & species mea immutata est in me, & emarcui, nec habui quidquam virium.

Notandum, Colligere ex hoc loco sanctos patres cælibatum sacerdotum hac ratione. Si illos, quibus ad tempus sacris & sacrificiis vacandum erat, per idè tempus castos esse oportuit: ergo multò magis hos, quibus semper deuotioni, ac orationi, sacris item oblationibus & sacrificiis vacandù est, semper certè castos & cælibes esse oportet. Quod pulchrè latius explicat V. Beda: Vicis suæ, inquit, tempore, pontifices templi, tantùm officiis mancipati, non solùm à complexu vxorum, sed ab ipso quoque domorum suarum abstinebant ingressu. Vbi nostri temporis sacerdotibus, quibus semper altari seruire iubetur, perpetuò castitatis seruandæ exemplum datur. Quia enim tunc sacerdotalis ex stirpe Aaron successio quærebatur, necessariò tempus substituendæ soboli procurabatur: At quia nunc non carnalis successio, sed perfectio spiritalis inquiritur, consequenter sacerdotibus, vt semper altari queant adstare, semper ab vxoribus continendum, semper castitas obseruanda præcipitur.

Notandum, obseruare hoc loco D. Ambrosium, esse metas & fines etiam in connubio nuptialium voluptatum. Est enim quod tempore decet, & tempore dedecet. Erubuit Elisabet, dum se anum prægnantem esse cognoscit. Postquam concipit, occultat se mensibus quinque, conspectus hominum auersatur. Quam rem totam latius interpretatur D. Ambrosius. Magna, inquit, sanctis cura est verecundiæ, vt plerumque in ipsis pudor voti sit: Sicut hoc loco aduertimus sanctam Elisabet, quæ utique filios habere cupiebat, occultantem se mensibus quinque. Quæ causa occultationis, nisi pudor? Est enim unicuique officio præscripta ætas: & quod tempore decet, tempore dedecet: æuique mutatio, facti vniuscuiusque, mutat sæpè naturam. Sunt etiam ipsi quædam tempora præscripta coniugio, quando dare operam liberis sit decorum, dum anni vigent, dum suscipiendorum liberùm spes est. Dum generandi vsus est in exemplo, copulæ quoque vsus in studio est: at verò vbi matura æui senectus accesserit, & ætas regendis liberis aptior, quàm creandis; pudor est legitimi licet coitus indicia gestare, & grauari alienæ ætatis onere, & tumescere aluum non sui temporis fructu. Senes omni ab ipsa concluduntur ætate, & iusto intemperantiæ pudore reuocantur ab opere nuptiarum. Adolescentes ipsi plerumque filiorum vota prætendunt, & excusandum arbitrantur ætatis calore, gene-

generationis affectum. Quamto magis senibus agere turpe est, quod adolescentibus pudor est? Quin etiam ipsi iuuenes, sobria timore diuino corda qui temperant, suscepta plerumque sobole, renunciant operibus iuuentutis. Et quid mirum de hominibus, si pecudes quoque muto quodam opere loquuntur, studium generandi sibi, non desiderium esse coeundi? Siquidem ubi semel senserint genitali aluo semen receptum, iam nec concubitu indulgent, nec lasciuia amantis, sed curam parentis assumunt. At vero homines, nec conceptis ipsis, nec Deo parant: illos contaminant, hunc exasperant. Priusquam te, inquit, formarem in utero, noui te, & in vulua matris sanctificaui te. Ad cohibendam petulantiam tuam, manus quasdam tui auctoris in utero hominem formantis aduertis. Ille operatur: & tu sacri uteri secretum incoestas? vel pecudes imitare; vel Deum reuerere. Et quid de pecudibus loquor? terra ipsa a generandi opere saepe requiescit: etsi impatienti hominum studio iactis frequenter feminibus occupetur, impudentiam multat agricolae, & foecunditatem sterilitate commutat. Ita quidem in ipsis elementis ac pecudibus, ab usu non cessare generandi, naturae pudor est. Merito ergo etiam sancta Elisabeth erubescerebat gratiam, etsi non agnosceret culpam. Hæc Ambrosius: Et auctor operis imperfecti sic: Abstine a menstruata, abstine a prægnante: erubescere facere, quod animalia non faciunt. Omne animal conceptionis suae seruat honorem & tempus: homo autem solus contemnit.

35 **Notandum:** Ut modos & mensuras cuiusque rei à Deo definitas esse legimus; ita & certa & statuta tempora, quibus quidque euenire debeat, diuinitus constituta esse, ac certa Dei prouidentia longè ante præuisa, quæ nemo transilire, nemo violare potest. Quod nunc magnificè Elisabeth docet; dum non eo tempore, quo Zacharias vellet, aut ipsa optaret, aut maximè decorum & conueniens esset, se filium concepisse confitetur; sed tum, cum ordinatum & definitum tempus à Deo aduenisset. Sic fecit mihi Dominus, in diebus, quibus respexit auferre opprobrium meum inter homines. Absit igitur in omnibus rebus nimia cura & sollicitudo: absit desperatio & deiectio animi: absint magorum & ariolorum responsa: absit astrologorum curiositas & vanitas: adsit constantia & perseuerantia, adsit plena spes & fiducia in eo qui dixit, Non te deseram. Tarda sunt diuina promissa, sed non fallentia: nemo potest ad staturam suam vnum cubitum addere.

36 **Notandum,** Quæ ad annunciationem incarnationis filij Dei pertinent, nos abundè in quinque sermonibus Nuntij salutis, separato libro explicasse: indeque huc ab illis, qui volent, transferenda, nobis autem, ne eadem repetantur, ad eam visitationem, quæ Maria plena Deo Elisabetham inuisit, & ipsis, est transeundum.

37 **Notandum:** Angelo cælestia, vnde venerat, repetente, petit virgo montana. Anima enim quæ verbum Dei mente conceperit, virtutum statim celsa cacumina gressu conscendere debeat amoris. Turpiter enim in terra hæret, qui se ignem amoris & charitatis concepisse gloriatur. Abit autem Maria, non phalerato equo portata; fallax enim equus ad salutem: non bigis aut quadrigis vehitur; nam hoc illorum est, qui in domibus Regum sunt: non subtili velo aut tecto; sed sola virtute Dei protecta, à qua fuerat obumbrata, sine magno

magno comitatu: neque tamen sola, sed multis præstantissimis charitatis, humilitatis, castitatis virtutibus comitata; & ideo terribilis vt castrorum acies ordinata.

NOtandum, eam esse naturam perfectæ virtutis, vt quanto magis crescit 38 & honoratur, tanto magis se deiciat & humiliet: Credidi, propter quod locutus sum, ego autem humiliatus sum nimis: & quanto magis deijcitur, & humilior fit, tanto magis exaltetur & illustretur. Nuntium cæli accipit virgo, spiritu sancto fit plena, virtute altissimi obumbratur, verbum concipit Dei, benedicta inter omnes mulieres efficitur, fit Regina mundi: & ecce exurgit sola sine comitatu, sine vlllo vestium, equorum, & curruum apparatu; nullus illi muliebris mundus, nulla pompa ex iis, quibus mulieres plerumque exsultari nequeunt: pedes, aspera & satis longa via confecta, & quæ non ad imperiũ sed ad obsequium se præparauerat, ministrat simplici fœminæ. Et dum hæc facit, ecce vteros alienos commouet; infantes, & eos qui nondum nati sunt, gestire facit: titulum refert, qualem nunquam antea vlla fœmina retulit: Et vnde, inquit, mihi hoc, vt mater Domini mei veniat ad me? Vnde hoc? inde, quod qui se exaltat, humiliatur: & qui se humiliat, exaltatur. Respexit humilitatem ancillæ suæ: ecce enim ex hoc beatam me dicent omnes generationes. Quæ autem & qualis hæc fuerit humilitas, & quæ eius partes, pulchrè expendit Ambrosius: Didicistis, inquit, virgines pudorem Mariæ: discite humilitatē. Venit propinqua ad proximam, iunior ad seniore: nec solum venit, sed etiā prior salutauit. Decet enim, vt quantò castior virgo, tantò humilior sit. Nouerit deferre senioribus, sit magistra humilitatis: in qua est professio castitatis; est & causa pietatis, est etiam norma doctrinæ. Contuendum est enim, quia superior venit ad inferiorem, vt inferior adiuuetur: Maria ad Elisabet, Christus ad Ioannem.

NOtandum, Priusquàm virgo genuisset cælestem legislatorem, iam eius 39 leges, formam & exemplum dari. Quam legem hic ipse legislator laturus erat. Infirmus, inquit, eram & visitastis me: in carcere, & venistis ad me. Ecce hæc ipsa ad pregnantem senem, illi ministratura, pergit cum festinatione: nescit enim tarda molimina Spiritus sancti gratia. Signum concepti verbi est, fructus boni operis. Discamus ergo & nos languores & necessitates proximorum promptè & diligenter iuuare: Maledictus enim, qui facit opus Domini fraudulenter.

Jerem. 48.

NOtandum, Magnificam & salutarem eam fuisse salutationem, quâ Ma- 40 ria Elisabet salutauit: vtpotè quæ tam vberes & salutare fructus protulerit. Vt enim facta est vox salutationis tuæ in auribus meis. Dicerent igitur huius seculi Euangelici, an potius hæretici, qui omnia, quæ aliquo modo ad salutem pertinent, ab Euangelistis conscripta esse falsò iactant: in quo Euangelista, aut in quo Euangelio hanc ipsam salutationem, tam grauem, tam utilem reperient? aut si reperire non possunt, dicant causam, cur cùm alia longè minora Euangelistæ persecuti sint, eam ipsam salutationem omiserint? cùm neque curiosam, neque superstitiosam, neque aulicā fuisse, ex fructibus eius abundè cognoscatur. Vel si neutrum præstare possunt, hoc est, neque salutationem ostendere, neque eius rei causam afferre; illud fateantur, quod omnes fatemur, oportet, summa

summa & prima tantū capita rerum ab Euangelistis explicata esse : cætera per Spiritum sanctum reuelari, ac per traditionem à sanctis patribus esse tradita.

41 **N**otandum, Magnam vim & efficaciam vocis ac benedictionis sanctorū esse, tantò maiorem contactus & amplexus. Quòd si sanctorum vocis vis tanta est, quantò magis corporis & sanguinis Domini, qui est Sanctus sanctorum, Deus verus & homo. Impiè igitur hæretici agunt, qui orationes & benedictiones sanctorum aspernantur, qui reliquias illorum spernunt, quos pulcherrimè separato libro refutauit Hieronymus contra Vigilantium. Sed & illi se magno fructu spoliant, qui corpore & sanguine Domini nostri IESU Christi, vel rarò, vel nunquàm vtuntur. Nam, si vox matris eius tam vberes fontes gratiarum, tam in Elisabeta quàm in Ioanne, quem illa vtero gestabat, peperit; quanto pluribus se bonis & donis spoliant illi, qui ad ipsum fontem gratiarum accedere contemnunt, vel saltem erubescunt?

42 **N**otandum, Tres præcipuos fructus salutationem matris Dei in Ioanne & Elisabeta matre eius peperisse: Exultationem infantis in vtero, matris repletionem Elisabetæ Spiritu sancto, confessionem Elisabetæ, & matris, & filij magnificam: quæ omnia distinctis verbis explicat Euangelista. Factum est, inquit, vt audiuit Salutationem Mariæ Elisabet, exultauit infans in vtero eius, & repleta est Spiritu sancto Elisabet, & exclamauit voce magna & dixit: Benedicta tu inter mulieres, & benedictus fructus ventris tui.

43 **N**otandum, Primum fructum salutationis gloriosissimæ virginis esse, exultationem infantis in vtero. Circa quem illa sunt obseruanda. Primum, nullum verbum apud Deum impossibile esse: quod etsi vniuersa scriptura personet, tamen nescio qua congerie id D. Lucas hoc capite illustrat, vbi sterilis concipit, virgo parit, surdus & mutus loquitur, infans in vtero exultat. Discamus igitur credere Deo magis, quàm sensibus nostris, cuius velle, posse, & perficere est: quod Sacramentaria labes non cernit, & ideo errat, & alios in errorem inducit. Deinde eodem loco obseruandum est, quòd quemadmodum virgo virtute partus sui eam vocem salutationis edit, quæ tantos fructus prodit, & per quā infans exultat in vtero matris: ita gaudio & exultatione infantis gestit mater, ac futura prædicit. Vt quemadmodum per solem illustrata luna ac cætera sydera, noctis obscuritatem illustrare solent; ita virtute natorum illustrentur matres. Vide distinctionem, inquit D. Ambrosius, singulorumque verborum proprietatem. Vocem prior Elisabeth audiuit, sed Ioannes prior gratiam sensit. Illa naturæ ordine audiuit: iste exultauit ratione mysterij. Illa Mariæ, iste Domini sensit aduentum: Fœmina mulieris, & pignus pignoris. Istæ gratiam loquuntur, illi intus operantur, pietatisque, mysterium maternis adoriuntur profectibus. Duplici quæ miraculo prophetant matres spiritu paruulorum. Tercio, illud obseruandum, quæ causa infanti fuit tantæ exultationis, tanti gaudij. Non alia certè, quàm quòd sentiret salutem hominum, ac de ea gauderet: videretque venisse Dominum, vt sanctificaret seruum suum, antequàm de matris vtero procederet. Gaudet igitur aurora, orto suo sole: exultat Lucifer in aduentu fontis luminis. Salutat prodromus ac præcursor Dominum suum: amicus sponsi ruit in amplexum noui sponsi: præparat viam primus minister saluatoris suo: indicat digito, plusquàm propheta desideratum gentibus: tradit lampada, quo non maior inter natos mulierum, natura sua magno, summoque;

Mmm

Regi

Regi ac victori gestit: ac exilire cupit ad soluenda calceamenta herois sui minimus seruus: tuba canit ante aduentum iudicis Elias: adorat creatura Dominum & Deum suum. Et quemadmodum aliquando summus & Rex & propheta David, percutiens in organis armigatis, saltabat totis viribus ante Dominum, & ante arcam eius: ita nunc exultat Ioannes ante Saluatorem suum, & ante Matrem sanctam eius.

NOtandum, Vbique & semper Christum præsentem adorandum esse. 44 Recusant sacramentarij, aliæque sectæ, Christum Dominum, tanquam sub velo quodam, sub speciebus panis & vini adorari, ne simul eum honorem speciebus facere videantur. Atqui Ioannes intra viscera matris suæ eundem Christum in visceribus itidem Matris adorat, ac ad illius aduentum exhilaratur & profilit, nihil tale metuens. Quod idem postea magi in cunis iacenti, pastores item fecerunt: Apostoli in nauem intranti: & hætenus facit vniuersus Christianus orbis: quod obicere similiter solent huius seculi hæretici. Quo, inquit, pacto sancti absentes vota nostra vident, & exaudiunt? Respondeant ipsi similiter nobis, quo pacto Ioannes infans sex mensium Christum Dominum in utero existentem ipse similiter in ventre matris existens agnouerit? an eadem gratia virtusque Spiritus sancti, hæc eadem & longè maiora efficit?

NOtandum, Secundum fructum salutationis Matris Dei esse, quod Elisabet repleta sit Spiritu sancto. 45 Quomodo, & qua ratione, id pulchrè explicat D. Ambrosius: Exultauit infans, inquit: repleta est mater. Non prius Mater repleta, quàm filius: sed cùm filius esset repletus Spiritu sancto, repleuit & matrem. Exultauit Ioannes, exultauit & Mariæ spiritus. Exultante Ioanne, repletur Elisabet. Mariam tamen non repleti spiritu, sed spiritum eius exultare cognouimus. Incomprehensibilis enim incomprehensibiliter operabatur in matre: Et illa post conceptum repletur, ista ante conceptum. Quod si vox Mariæ impleuit Elisabetam Spiritu sancto, quantis fontibus spiritus ipsa scatuiat, facile existimari potest. Verè igitur plena gratia.

NOtandum, Tertium fructum visitationis & salutationis in Elisabeta, 46 Mariæ confessionem, & plenas Spiritus sancti acclamationes Elisabetæ. Quarum sex sunt articuli: Primus, matrem Dei benedictam esse in mulieribus: secundus, Benedictum fructum ventris eius: tertius, Beatissimam virginem esse veram Θεολόγον: hoc autem est matrem Dei: quartus, Christum Dominum esse verum Deum: & Dominum vniuersæ creaturæ: quintus, vocem Mariæ fuisse causam & instrumentum exultationis Ioannis in utero: sextus, ideo beatam fuisse virginem, quod Deo crediderit, illique ac eius verbo se totam subiecerit.

NOtandum, primam vocem & acclamationem esse Elisabetæ, vocem 47 portantis: Benedicta tu inter mulieres. Neque tamen existimandum est, primam Elisabetam potius acclamasse, quàm filium; sed filium primum, postea matrem. Et filij quidem vox illa, magnæ meditationis apud Chrysostomum est: Video inquit Dominum, qui naturæ imposuit terminos, & non expecto tempus nascendi: nouem enim mensium tempus in utero non est mihi necessariū: in me est enim, qui æternus est: egrediar ex hoc tenebroso tabernaculo, rerum admirabilium compendiosam prædicabo cognitionem. Sum signaculum, significabo Christi aduentum: sum tuba, proferam filij Dei in carne œconomiam:

miam: tuba canam: eo ipso paternæ linguæ benedicam, & eam traham vt loquatur: tuba canam, & vterum maternum viuificabo. Accessit qui soluit vincula: & quid ego sedeo vinctus, & retineor vt maneam? Venit verbum, vt omnia constituat: & ego adhuc maneo detentus? Exibo, præcurram, & prædicabo omnibus: Ecce agnus Dei, qui tollit peccata mundi. Porro Elisabethæ vox prima hæc est: Benedicta tu inter mulieres. Vox Sanctorum Angelorum quidem illa, paulò antè à Gabriële usurpata, Benedicta tu inter mulieres: neque enim obliuiscitur suorum verborum Spiritus sanctus. Vox item iustorum: Beatus, inquit, venter qui te portauit, & vbera quæ suxisti. Vox igitur est ista Angelorum, est iustorum: vox verè Ecclesiæ sponsæ Christi. Qui igitur eam vocem aut negat, aut profiteri erubescit, angelus Satanz est, hæreticus est, quisquis ille est. Neque verò frustra benedicta dicitur: in illa siquidem implentur omnes benedictiones illæ, quæ factæ sunt ad Abraam, Isaac & Iacob, & semen eius in seculum: illa omnem maledictionem sustulit, iram & indignationem mitigauit: illa benedictionem restituit.

48 **N**Otandum, Secundam acclamationem eam esse Elisabethæ: Benedictus fructus ventris tui. Quæ acclamatio prioris causam reddit, eiusque rationem explicat. Cum enim Elisabeth dixisset, benedicta tu in mulieribus, mox illud docet, qua benedictione benedicta: nempe benedictione vteri, benedictione partus: quia, inquit, benedictus fructus ventris tui: fructus salutis, fructus pacis, fructus gaudij, fructus amoris & charitatis, fructus omnis benedictionis, fructus suauis, fructus aspectu delectabilis, fructus dulcis, fructus vitæ & immortalitatis. Radix fuit, inquit Ambrosius, familia Iudæorum; Virga, Maria: flos Mariæ, Christus: qui veluti bonæ arboris fructus, pro nostræ virtutis processu, nunc floret, nunc fructificat, in nobis nunc rediuiua corporis resurrectione reparatur.

49 **N**Otandum, Tertium articulum confessionis Elisabethæ hunc esse: IESVM Christum fructum ventris esse Mariæ, hoc est vnicum & germanum filiū: Vt qui ab æterno ex patre sine matre, secundum suam diuinitatem, natus est; idem in tempore ex matre Maria, secundum suam humanitatem, nasceretur: vt ita & Dei patris, & Mariæ matris sit verus & vnicus filius, iuxta illud: Hæreditas Domini, filij merces, fructus ventris. Vbi fructum ventris, filios Psaltes interpretatur. Ex quo in primis refutatur error Manichæorū, qui Christum Dominum non verum hominem esse, nec veram carnem habuisse, sed spectrū quoddam & phantasma fuisse opinabantur. Refutat hoc magnificè Elisabeth: Benedictus, inquit, fructus ventris tui. Refutatur deinde ex eodem loco error Nestorij, qui Christum Dominum de cælo carnem attulisse fabulabatur; atque ita in virginis vterum illapsum, per eandem tanquā canalem transiisse, ac postea demum in baptismo diuinitate repletum fuisse, ac quodammodo Deum factum, cum nihil ex vtero ac purissimis virginis sanguinibus assumpsisset. Refutat hoc Elisabethæ confessio, cum dicit: Benedictus fructus ventris tui. Ex quo eodem loco & illi refutantur, qui Christum Dominum ex progenie Dauid esse negarunt: nam ad Dauidem dictum: De fructu ventris tui ponam super sedem tuam. Quod etsi ad literam de Salomone filio & successore Dauidis dictum est: tamen per mysterium, vt cætera multa, de Christo dicta esse, cum Paulus, tum cæteri sancti testantur. Atqui virginem sanctam futuram fuisse ex pro-

genie Dauidis, prædixit Isaïas: Orietur virga de radice Iesse, & flos de radice eius ascendet. Atqui huius ipsius virginis ventris & vteri, hic ipse fructus est, vt magnificè confitetur Elisabet. Ergo Christus Dominus est vera Iesseæ proles, verus filius Dauid.

Notandum: Quarta acclamatio, qua Elisabet suos excipit ac honorat ⁵⁰ hospites, Vnde, inquit, mihi hoc, vt veniat mater Domini mei ad me? In quibus verbis Spiritu sancto plena, primùm longè post futurum refutat Nestorium. Cùm enim ille dixisset, solam carnem Christi Domini cælitus delapsam per vterum Virginis, tanquam canalem quandam in mundum prodiisse, ac postea in baptismo diuinitati iunctam esse; consequens erat, vt negaret Mariam *θεοτόκος* siue matrem Dei esse, vt pote quæ Deum non genuerit, neque in vtero suo portarit. Atqui magnificè id refutat Elisabet: Vnde mihi, inquit, hoc, vt mater Domini mei, vera *θεοτόκος* veniat ad me? Et Nestorium quidem hunc in modum refutat: Arium autem longè clariùs, dum eum, qui ad se venit pauper & humilis, Dominum suum vocat, hoc est Deum suum. Vtitur hoc eodem titulo Dauid: Dixit, inquit, Dominus Domino meo, sede à dextris meis: hoc est Deus pater, cæli & terræ Dominus, Domino meo, hoc est filio ab æterno progenito, qui vnus est cum patre Dominus. Vt ita Dominus sit pater, Dominus filius; non tamen duo Domini, sed vnus sit Dominus. Vtitur eodem dicendi modo Sapientia Dei: Inuocaui, inquit, Dominum, patrem Domini mei: hoc est inuocaui æternum parentem, qui est pater æterni filij Domini mei. Sed & Plato in quadam epistola eundem filium dominum disertis verbis appellat. Vtitur eodem dicendi modo post resurrectionem Christi D. Thomas Apostolus: Dominus, inquit, meus, & Deus meus. Recognoscit hunc titulum amplissimè ipse filius: Vos, inquit, vocatis me Dominum, & magistrum: & bene dicitis; sum etenim. Si ergo ego Dominus & magister vester laui pedes vestros, & vos debetis alter alterius lauare pedes. Erubescat igitur & confundatur primo hoc elogio in mundum aduenientis Christi, Ariana impietas & impudentia, quæ hunc ipsum cælestem hæredem, Dominum suum appellare erubescit: sed & obmutescat. Vtitur autem Elisabet modo dicendi Hebræis vsitato, in re grata & insperata: Vnde, inquit, mihi hoc? Quid boni feci? quæ opera mea tanta sunt? per quam iustitiam, ex quibus bonis, de qua fidelitate mentis hoc merui; vt mater Domini mei veniat ad me? Vnde hoc mihi? Hoc est, inquit Ambrosius, quo tantum bonum mihi accidit; vt mater Domini mei veniat ad me? non cognosco meum. Vnde hoc mihi? qua iustitia, quibus factis, pro quibus meritis? Non vsitata hæc officia foeminarum sunt; vt veniat mater Domini mei ad me. Miraculum sentio: agnosco mysterium: mater Domini verbo foeta, Deo plena est. Vsa est aliquando simili dicendi formula Ruth Moabitidis, ad Booz affinem suum: Vnde, inquit, hoc mihi, vt inuenirem gratiam ante oculos tuos, & nosse me dignareris peregrinam mulierem? Hoc idem postea suo tempore accidit & ipsi Ioanni: ad quem, cùm Dominus accessisset, vt ab eo baptizaretur, dixit: Ego debeo à te baptizari, & tu venis ad me? Ita sibi consentiunt sanctorum facta: quia ab eodem Spiritu sancto gubernantur. Vtatur & nos omnes: Vnde nobis hoc, cælestis pater, vt filium tuum vnigenitū dares pro nobis, vt qui credit in illum non pereat, sed habeat vitam æternam? Vnde verbum, verbum patris, vt qui cælum & terram implet, in hoc humili & angusto virginis matris vtero concludaris, ac vagias, lacteque paruo pascaris?

Notan.

51 **NOT**andum, quintam hanc acclamationem siue gratulationem Elisabetę esse: Ex quo, inquit, facta est vox salutationis tuę in auribus meis, exultauit præ gaudio infans in vtero meo. Cuius orationis sensus est iste: Ad tuam, inquit, salutantis vocem hoc miraculum accidit. Qui quidem articulus ad confirmandam superioris articuli fidem, orationisq̃ue expositionem, pertinere videtur. Cum enim dixisset: Vnde mihi hoc, quod mater Domini mei venit ad me? cumque virginem sanctam veram Dei matrem confessa fuisset, confirmare hoc, ne temerè quid dixisse videatur, tali ratione voluit: Vt, inquit, primum facta est vox salutationis tuę in auribus meis, exultauit præ gaudio, infans in vtero meo. Ergo tu es vera Dei mater: ergo Dominus tecum: ergo gratia plena: ergo is, quę tu in vtero geris, Dominus meus est, Deus meus est; cui etiam ea, quę nondum nata sunt, parent, & obediunt: neque enim quisquam alius hoc tale tam grande miraculum facere potuisset. Quemadmodum autem Christus per os suę matris, inquit Euthymius, loquutus est: ita & Ioannes per aures suę matris audiuit. Vt tanta sint instrumenta tantorum operum: Mater, inquam Dei, & mater præcursoris.

52 **NOT**andum, Per sextam acclamationem, quasi per epilogum quendam, beatam Virginem dici, quia crediderit, omniaq̃ue in illa perficienda esse, quę dicta sunt illi à Domino. Et beata, inquit, quę credidisti: quoniam perficientur in te, quę dicta tibi sunt à Domino. Et verè beata quę credidit, quę sacerdote præstantior; cum sacerdos negauerit, virgo correxerit errorē. Habet autem hæc acclamatio connexionem aliquam cum superiori. Cum enim dixisset, vt facta sit vox salutationis eius in auribus suis, infantem exultasse in vtero; idq̃; totum non humanis, sed diuinis viribus adscripsisse: quia, inquit, mater es Domini mei: ne quis in posterum ex hæreticis inferat, nihil Matrem Dei, nihil virginem sanctam etiam ex suo ad eam rem attulisse: ideò refutat id Elisabet, ac ostendit, virginem etiam ipsam aliquid suum ad eam rem apportasse, fidem nempe ipsam: Beata, inquit, quę credidisti. Videtur autem hoc loco nomen fidei, quod frequens est in sacris scripturis, pro obedientia acceptum esse: quale est illud, Credidit Abraham Deo, & reputatum est illi ad iustitiam: hoc est paruit & obediuit, quando exiuit de domo sua, & de cognatione sua, & quando obtulit Isaac primogenitum suum. Nam & virgo, non credidit tantum, sed paruit etiam & obediuit Angelo. Vnde illa verba: Ecce ancilla Domini, fiat mihi secundum verbum tuum. Obseruandum autem est, credentibus & obedientibus omnia, vt dicitur, euenire; quod nunc docet Elisabet: Quia perficientur in te ea, quę dicta sunt tibi à Domino. Est autem huius loci duplex lectio: alij enim legunt: Beata quę credidit, alij, quę credidisti. Posterior hæc vulgatio est, & quam Ecclesia in officio suo sequitur.

53 **NOT**andum, Vbi amor & charitas, ibi Deum esse, ibi Dominum mandare benedictiones vsque in seculum. Vbi minores maiores suos inuisunt, illis inseruiunt, ac se totos subiiciunt; vbi item maiores minoribus omnem humanitatem & benevolentiam ostendunt, illos instruunt, eorum necessitates adiuuant, ac illis benedicunt. Sed in illa etiam domo Christus manet, vbi non tantum minores maioribus, sed etiam maiores minoribus Dei ac officij causa, ætatis item subiiciuntur. Ibi pax, ibi gaudium, illic omnis boni vbertas, ibi cælum, ibi Deus, ibi benedictio: Sicut vnguentum in capite, quod descendit in barbā barbā

Aaron, & in oram vestimenti eius: Sicut ros Hermon, qui descendit in montē Sion. Quæ omnia abundē videmus in domo Zachariæ. Vt contrā, vbi odia, rixæ, contumeliæ, detractiones: vbi & ἔρις & ἔνδς, veteri prouerbio, ὅταν ἔρις, hoc est, nemo alteri paret, nemo alteri subiicitur; ibi contraria omnia. Vox igitur exultationis & salutis in tabernaculis iustorum; quemadmodum vox eiularus & lamenti, vox miseriæ & calamitatis in tabernaculis impiorum: quæ omnia in domibus videmus hæreticorum. At Ecclesia sancta, sicut vitis abundans, filij eius sicut nouellæ oliuarum in circuitu mensæ eius. O quàm igitur bonum, & quàm iucundum habitare fratres in vnum.

Postquàm virgo accepit cæli nuntium, postquàm Deo impleta est, post-⁵⁴ quàm ad Elisabet venit, ad cuiusq; vocem exultauit in vtero ille, quo non maior inter natos mulierum, ipsaque Elisabet Spiritu sancto impleta est; postquàm eas laudes & hæc elogia, quæ nullus vnquam antea audiuit, nec post vnquam auditurus est, retulit ab Elisabeta; magno in posterū exemplo, quomodo laudes & commendationes nostras accipere debeamus, nullum verbum respondit; sed veluti extra se posita, ac tanquam alis quibusdam, magnitudine beneficiorum Dei Spiritu exultata, ad Deum fontem omnium bonorū se conuertit, illum laudat, illum prædicat, illi gratias agit, cum illo solo sibi transigendum putat: vt quemadmodum flumina ex mari profluunt, ac iterum in idem mare reuertuntur, ac in illud desinunt; sic illa tot flumina gratiarum, quibus tam abunde fuit dotata, & quæ ex isto vastissimo diuinæ benignitatis mari hausit, iterum non in se, neque in aliquod meritum suum, sed in idem ipsum diuinæ benignitatis mare, ex quo profluxerant, remittit. Ac si diceret: Vera quidem sunt illa, quæ tu Spiritu sancto repleta dicis: non tamen aut mea, aut excellentis alicuius meæ virtutis hæc sunt; sed eius qui fecit mihi Magna, qui potens est, & sanctum nomen eius. Et ideò magnificat illum anima mea; & exultauit Spiritus meus in Deo salutari meo. Non nouum autem est, neque inuitatum sanctis Dei, nouis à Deo beneficiis acceptis, in hymnum aliquem celebrem gratitudinis & lætitiæ plenum erumpere, ac coronas gloriæ suæ ante pedes coronatoris sui ponere: pluribus scripturæ sacræ locis hoc reperias: sed inter omnes Dauid omnium gratissimus Regum, & erga Deum maximè pius, compluribus psalmis, nunc ob partam ex hostibus victoriam, nunc ob restitutam sanitatem, nunc quòd periculum aliquod euasisset, confectis, præstitit. Hoc fecit & Ezechias pius Rex, quo tempore Deus sanitatem illi restituit, & quindecim adhuc annis vitam prorogauit. Neque viri solum hac vsi pietate fuerunt, verum etiam fœminæ: Sic cecinit Debora canticum post separatum Sissaram: Sic Anna Samuelis mater, quæ prius sterilis fuerat, vbi exaudita à Deo fuit, & quem postulauerat Samuelem genuit, egregio cantico gratitudinem suam erga Deum declarauit. Sic paulò post videbimus fecisse Zachariam, Ioannis Baptistæ patrem, vbi primùm restituta vox illi fuit. Hoc idem nunc fecit, & facit virgo sancta, tantò melius & sublimius, quantò maiore gratia aucta fuit, & quantò maiora beneficia accepit.

Notandum, Celebrare virginem sanctam, misericordiam, potentiam, iustitiam, & veritatem eius, qui fecit illi magna, & cuius sanctum nomen esse dicit. Celebrat autem primum in se, deinde in omnium locorum & temporum homines, postea specialiter in ipsum Israëlem, quod eadem planè via, & eodē ordine magnificè Dauid facit in illo psalmo, in quo similiter prouocat animam & spiritum

& spiritum suum ad eas laudes cantandas & prædicandas: Benedic anima mea Dominum, & omnia, quæ intra me sunt, nomini sancto eius &c. Et illo similiter: Benedicam dominum in omni tempore, semper laus eius in ore meo. Magnificate Dominum mecum, & exaltemus nomen eius in idipsum: Et item: Exaltabo te, Deus meus Rex, & benedicam nomini tuo in seculum, & in seculum seculi. Qua via insistentes, eadem duce, atque adiutrice virgine sancta, & nos aliquid proloquemur.

56 **N**Otandum, Eandem rationem & modum virginem sanctam in ordiendo cantico suo seruare, quem alij sancti itidem maioresque eius in laudando & celebrando Deo seruauerunt: vt primum scopum & intentionem suam totam effundant, moxque eius rationem adiungant, ac postea fusius rem totam explicent, in laudesque Dei atque adeo grates egrediantur. Quod paulò post faciet Zacharias: Benedictus Dominus Deus Israël. Deinde confirmat hoc propositum ratione: Quia visitauit, & fecit redemptionem plebis suæ. Quod quomodo & qua ratione factum sit, deinceps per egressionem explicat. Et antè virginem, non vno loco, sed pluribus facit Dauid. Hoc igitur facit similiter virgo sancta: Magnificat anima mea Dominum, & exultauit spiritus meus in Deo salutari meo. Scopus hic est & intentio, cuius sensus hic est. Laudat, celebrat, benedicit, & glorificat, magnumque vbique prædicat anima mea Dominum: & gaudio & exultatione, qua maior esse non potest, effertur spiritus meus. Non inde, quòd ad me cælitus maximus Angelorum missus est, non quòd ad vocem meam exultauit infans in vtero, neque in eo, quòd mater Dei dicor, quòd benedicta inter omnes mulieres; sed in Deo salutari meo: qui earum rerum omnium mihi dux & autor est. Similia illa sunt: Anima mea, inquit Dauid, exultabit in Domino, & delectabitur super salutari suo. Et illud: Magnificate Dominum mecum. Et illud Annæ matris Samuelis: Exultauit cor meum in Domino, & exaltatum est cornu meum in Deo meo: quia lætata sum in salutari tuo. Variè autem hoc loco distinguunt animam à spiritu docti. Theophylactus quidem in hunc modum animam interpretatur, naturales animæ operationes, ipsamque animantis naturalem vitam, quæ humana ratione gubernatur, nihilque supra naturam agentem: vt cum sitiens potum desiderat, esuriens escam; vt cum amicum diligit, illique benè vult, inimicum autem odio persequitur. Per spiritum autem intelligit spirituale donum & gratiam, quæ cælitus homini infunditur: iuxta quam, relictis terræ sordibus, carnisque cura, tota ad Deum se refert, illum amat, illo se oblectat, ad cælestia fertur: cui omnia vilescunt in terra, qui omnia gaudia sua ad Deum refert, in eoque collocat.

57 **A**Lij ex illo loco D. Pauli ad Thessalonicenses, Vt integer spiritus vester & anima & corpus sine querela in Aduentum Domini nostri Iesv Christi conseruetur, alio modo hæc distinguunt; vt per spiritum intelligant præcipuam in homine partem, qua diuina percipiamus: per animam verò illam vim, quæ naturales exercet ratiocinationes: per corpus autem affectus, qui crassius nescio quid ac quasi corporeum habent, qui nisi regantur, carnalem efficiunt hominem. Nobis quidè simplicior ille sensus videtur, vt primo nomine animæ communiter pro omnibus illius viribus vtatur, deinde nomine spiritus partem illius diuiniorum, & perfectiorem, Deoque viciniorem, qualis est mens & intellectus,

lectus, quem oculum animi philosophi vocant: ut illud virgo exprimere velit, magnificare dum animam suam, & postea omnes vires & facultates suas, & magnificare & exultare in Deo salutari suo. Quod Dauid ipse clarius dixit: Benedic anima mea Domino, & omnia quæ intra me sunt nomini sancto eius. Quemadmodum & illud similiter in sacra scriptura dicitur: Diliges dominum Deum tuum ex toto corde tuo, & ex tota anima tua, & ex tota mente tua, & ex totis viribus tuis. Non quod ista tantoperè distinguantur, sed ut planè totus homo omnibus suis partibus Deum diligat. Hoc igitur facit virgo: ac si diceret, (V. Beda inquit) Totas animæ vires in agendis gratiarum laudibus offero: quidquid viuo, sentio, discerno, totum in contemplandam magnitudinē eius, cuius non est finis, gratulanter impendo. Et ordinem autem laudis huius cum Theophylacto inspicias: quia primū magnificat anima Dominum, deinde Spiritus exultat. Magnificat Deum, qui ita cum Deo, ut æquum est, ambulat. Christianus vocatus es: agnosce dignitatem Christi, & nomen: neque indignum quid tanto nomine cogitare & aggredi, maiestatemque illius tuis malefactis commaculare audeas: sed magnifica illud præstantiū & celestium virtutum operatione, & tum demum spiritus tuus exultabit: id est spiritualis gratia, qua beneficio virtutum auctus es, saliet quodammodo, & in dies proficiet atque augebitur.

Philosophantur autē hoc loco duo vetustissimi patres, Ambrosius & Origenes, quomodo ille magnificari possit, cuius magnitudini nihil addi, neque de ea detrahi potest, & cuius magnitudinis non est finis. Quem quidē ipsum magnificari non posse, nec ad eius magnitudinem quidquam adiici, iidem Sancti patres docent: in imagine tamen sua, quæ est homo, eum quotidie magnificari. Quod tum fit, cum in omni genere virtutis nos exercemus, atque exercendo proficimus, quod quidem quotidie à Deo immortalī nobis precamur, traditis in eam rem nobis diuinitus conceptis verbis, cum dicimus, Sanctificetur nomen tuum: hoc est, in nobis moribusque nostris sanctum fiat & elucescat. Quod totum ut melius intelligatur, iuuat ipsorummet Sanctorum patrum verba apponere. Quæritur, inquit, Origenes, quomodo magnificet Dominum. Si enim Dominus nec augmentum nec decrementum recipere potest, & quod est, est; qua ratione nunc Maria loquitur, Magnificat anima mea Dominum. Si considerem, Dominum saluatorem imaginem esse inuisibilis Dei, & videam animam meam factam ad imaginem conditoris, ut imago esset imaginis: neque enim anima mea specialiter imago est Dei, sed ad similitudinem imaginis prioris effecta est: tunc videbo, quoniam in exemplum eorum, qui solent imagines pingere, & vno (verbi gratiæ) vultu Regis accepto, ad principalem similitudinem exprimendam artis industriam commendare, vnusquisque nostrū ad imaginem Christi formans animam suam, aut maiorem ei aut minorem ponit imaginē, vel obsoletam, vel sordidam, aut clarā atque lucentem & splendētem, ad effigiem imaginis principalis. Quando igitur grandem fecero imaginē imaginis, id est animam meam, & magnificauero eam opere, cogitatione, sermone; tunc imago Dei grandis efficitur, & ipse Dominus, cuius imago est in nostra anima, magnificatur. Et quomodo crescit Dominus in nostra imagine; sic, si peccatores fuerimus, minuitur atque decrescit. Et Origenes quidē hunc in modum. D. Ambrosius autem sic: Magnificatur Dominus, sicut & alibi legisti, Magnificate Dominum mecum, non quod domino aliquid humana voce possit

possit adiungi, sed quia magnificatur in nobis: imago enim Dei Christus est. Et ideo si quid iustum religiosumque fecerit anima illa, imaginem Dei, ad cuius est similitudinem creata, magnificat. Et ideo dum magnificat eam, magnitudinis eius quadam participatione sublimior fit; ut illam imaginem splendido bonorum colore factorum, & quadam æmulatione uirtutis in se videatur exprimere. Mihi quidem simplicissima illa expositio huius loci videtur, ut verbum magnificare, pro laudare, prædicare, honorare accipiat: quod tamen non fit melius, quam per vitam & mores.

59 **N**Otandum, Causam reddere virginem sanctam, cur magnificet Dominum, & cur exultet spiritus eius in Deo salutari eius: eam nempe, quia respexit humilitatem ancillæ suæ. Habent autem miram emphasim singula verba. Respexit, illis oculis de quibus Salomon: Sint oculi tui intenti super domum istam die ac nocte: & quos ubi ille auertit, turbantur omnia, aufertur spiritus eorum & deficiunt, & in puluerem suum reuertuntur. Quibus oculis ut aspiciatur, sepius rogat primus proauus huius virginis David: Respice, inquit, in me & miserere mei, quia vnicus & pauper sum ego. Quibus item ut nos respiciat omnes, orandum est. Tum autem respicere Dominus dicitur, ubi nostri recordatur, nostri miseretur, nostras preces audit, nos nouis afficit beneficiis. Oculi Domini super iustos, & aures eius in preces eorum. Et illud Ecclesiastici: Post hæc Deus in terram respexit & impleuit illam bonis suis. Sic respexisse legitur Petrum, Matthæum, Magdalenam, Zachæum, & alios multos. In quo eodem significato etiam ij qui foris sunt, vti esse eadem dictione videntur. Quale illud: Libertas sera respexit, & longo post tempore venit. Hoc igitur dicit virgo sancta: Respexit, inquit, hoc est, recordatus est nostri benignè, & misericorditer nobiscum fecit: Ille, inquit, me prior respexit, non ego prima illum aspexi: ille mei misertus est, non ego illum quæsiui: ille me præuenit in benedictionibus dulcedinis, ille me sibi prior sponsam despondit, cuius ego ne ancilla quidem esse merebar. Sed quid tandem est, o virgo sacra, quod in te respexit hic ipse magnus, potens, & cuius nomen sanctum est? Numquid inclytæ Davidis progeniem? numquid gentis ac generis nobilitatem? numquid opes & diuitias? numquid honorum & dignitatum amplitudinem, quæ mundus miratur? numquid præstantem hanc tuam & admirabilem sapientiam, qua cunctos mortales superasti? numquid vernantem hanc virginitatem, quam tantum adamasti; ut ne mater quidem Dei esse volueris, nisi illa tibi salua & integra conseruaretur? numquid humilem hunc fabrum coniugem tuum? Nihil, inquit, horum. Quis sicut Dominus Deus noster, qui in altis habitat, & humilia respicit in cælo & in terra? Respexit, inquit, humilitatem ancillæ suæ. Quo loco illud notandum est, quod Latini vnico verbo humilitatis complexi sunt, illud Græcos duobus verbis efferre ταπεινώσεως καὶ ταπεινοφροσύνης. Et primum quidem illud ad uilitatē & abiectionem quandam referunt, quomodo vilem & abiectum animum vocant: deinde ad paruitatem quandam, quale illud poëtæ, Humiles habitare casas, & figere ceruos. Per secundum significant mitem animum, pauperem spiritum, & tementem sermones Dei, qui sibi nihil tribuit, qui alteri nihil detrahit, qui de omnibus optimè sentit, qui nulli se anteponebat, qui contemnit neminem, & se ab omnibus facile contemni patitur, qui humilem suum locum agnoscit; omnia hæc vno verbo humilitatis complexi sunt Latini. Quæri hinc solet à doctis, in quo significato beata virgo hoc nomen usurpauit? Et alij quidem

dem ad primam illam vilitatis significationem referunt, quod mihi simpliciter non placet. Nam etsi beata virgo pauper & inops fuit, vile tamen & abiectum in ea nihil apparere potuit, ut quæ per omnes partes honestatis & grauitatis transierit, honestissimosque cognatos & notos habuerit, vel hanc ipsam Elisabetham sacerdotis Zachariæ uxorem. Alij in secundo significato dictum esse putant, pro paruitate & egestate quadam, quod nihil in se absurdi continet. Communiter ad tertium genus humilitatis virginis respexisse arbitrantur: *ἡλιθιότητα* hanc siue *μειριότητα* ab his etiam, qui foris sunt, appellari docet Origenes. Mihi quidem & ad secundum & ad tertium significatū rem totam virgo sancta retulisse videtur: ut & paruitatem & paupertatem suam facile agnoscat; indignitatem item, qua se hoc tali & tanto partu, quem gerebat, semper indignam iudicauit. At omnes item illas partes tertij generis, quæ vel in ipso finali ad Angelum responso clarissimè reluxerunt: Ecce, inquit, esurientes impleuit bonis, & diuites dimisit inanes: quod paruitatis & paupertatis est. Et item, deposuit potentes de sede, & exaltauit humiles: quod ad tertiam significationem humilitatis referri dictum est. Neque illud obstat, quod maior commendatio appareret virginis, si abiectam se appellasset, quàm si dixisset, Deum aspexisse virtutem humilitatem illius: hæc enim fuisset quædam iactatio, contraria ei virtuti, de qua loquimur. Ita enim voluit Spiritus sanctus virginem sese humiliare, ut veritati & exemplo suus relinqueretur locus; nec ea dona & gratiæ Dei, quæ in ipsa erant, dissimularentur: cum præsertim in tertio illius tali loco ab aliqua iactatione fuerit remotissima. Prodit autem se hoc loco dignitas ipsius humilitatis, eam scilicet principem quandam virtutum esse, utpotè quàm sapientissima virgo omnibus virtutibus suis amplissimis (quid enim in matre Dei mediocre esse potuit) libenter antetulit, sed & paulò post ipse eius filius Christus Dominus; Discite, inquit, à me, quia mitis sum, & humilis corde; & inuenietis requiem animabus vestris. Solam humilitatem ponit, quasi nullæ aliæ virtutes essent. Rectè igitur Chrysostomus, meliorem esse humilitatem sine alijs virtutibus, quàm alias virtutes cum fastu & superbia coniunctas. Humiliemur igitur & nos sub potenti manu eius, & ipse exaltabit nos, & faciet nobis magna qui potens est, & sanctum nomen eius. Respexit ergo in humilitatem tuam, o virgo sancta. Sed cuius tandem humilitatem? numquid reginæ mundi? numquid Imperatricis gloriosæ? numquid stellæ maris? numquid & aduocatæ omnium gentium? numquid principis virginum? numquid matris futuræ Dei? Nequaquam profecto, sed humilis ancillæ respexit humilitatem, ancillæ suæ, seruæ suæ, creaturæ suæ. Ancilla etiam apud eos, qui foris sunt, ad dominam suam refertur. Respexit & hoc fortasse ad eam, quæ mater futura erat Domini sui.

Notandum, Humilitatem sequi veram laudem, & Confessionem sequi 60 prophetiam. Prophetat virgo sancta ac futura prædicit primò sibi, deinde Ecclesiæ vniuersæ, ac omnibus in posterum eius. Sibi quidem, benedictam se prædicaturas omnes gentes. Ex hoc, inquit, beatam me dicent omnes generationes. Eam prædicaturæ erant, inquit V. Beda, cuius humilitas respicitur. Sicut è contrario cuius superbia despectu condemnatur, Euæ, id est, væ siue calamitatis nomine multata tabescit. Decebat enim, ut sicut per superbiam: primæ nostræ parentis mors in mundum intrauit; ita denuo per humilitatem Mariæ, vitæ introitus panderetur. Prædicit & Ecclesiæ, eam scilicet Catholicam

licam futuram, ut pote ex omnibus gentibus congregandam: sub nomen Iesv Christi filij eius omnes gentes & nationes ituras, quæ eam benedicturæ erant. Ex hoc, inquit, beatam me dicent omnes generationes. Non aliæ certè, quàm illæ, quæ fidem Christianam recepturæ erant: ex quibus Ecclesia sancta per orbem terrarum fusa congregari debuit. Ex hoc, inquit, beatam me dicent omnes generationes. Neque falsa est virgo sancta: quis enim eam benedictam non prædicat? quis non laudat? quis in cælum non fert? præter perfidos Iudæos, eosque non omnes. Nam & Machometana ipsa secta eam in magno honore & reuerentia habet, eam prædicat ac dilaudat: grauissimeque in eos animaduertit, qui aliquid acerbius contra eandem virginem sanctam dixerint. Verè autem benedicta, quæ & sibi, & vniuerso orbi benedictionem restituit, maledictionem primæ Euæ abstulit, ac cæli porta & ianua facta est.

61 **N**otandum autem est hoc loco, in vera Ecclesia perennem venerationem Matris Dei permanere debuisse. Ecce enim ex hoc beatam me dicent omnes generationes. Cùm igitur in hæreticorum Synagogis mater Dei non modo non prædicetur, sed blasphemetur, proscindatur, ac traducatur nonnunquã, graueque nefas putetur, si Angelica salutatione honoretur; profectò non erunt de illis generationibus, quas illa prædixit beatam se prædicaturas in perpetuũ; sed ex illius principis cohorte potius, de quo dictum est, Inimicitias ponam inter te & inter mulierem, inter semen tuum, & inter semen illius: & ipsa conteret caput tuum, & tu insidiaberis calcaneo illius: proculque ab illa domo erunt, in qua beati habitantes omnes, quia in æternum laudabunt Dominum; remotissimi ab Ecclesia sanctorum, remotissimi à populo graui, in quo laudatur Deus. Quemadmodum autem isti veræ Ecclesiæ sibi nomen usurpare non possunt, qui matrem Dei benedictam non prædicant: ita illa congregatio & Ecclesia Dei vera sit oportet, & omni laude commendationeque dignissima, quæ in omni tempore, siue illud matutinum, siue meridianum, siue vespertinum, atque nocturnum sit, eam virginem benedictam prædicat; quæ nullam partem orationis instituit, cui salutationem Angelicam non adiungat. Sed & illi homines non mediocriter laudandi, qui eam virginem honorare laudibusque prosequi ac commendare non desinunt, ad eamque rem societates & Collegia congregant, coronas benedictas ac indices varios conficiunt: ut impleatur hæc magnæ Virginis prophetia; Beatam me dicent omnes generationes. Sis igitur beata & benedicta in æternum, ô sanctissima virgo, oraque pro nobis, nunc & in hora mortis nostræ, Amen.

62 **N**otandum, Prædixisse beatam Virginem, beatam se appellandam ab omnibus generationibus: in qua re, ne quid sibi tribuere videretur, eius rei rationem adfert. Ac ut cætera omnia, ita & hoc ipsum in Deum omnium bonorum autorem & largitorem refert: Quia, inquit, fecit mihi magna, qui potens est, & sanctum nomen eius. Non ego, inquit, tantorum bonorum causam dedi, non aliquo merito meo eam benedictionem comerui, nihil in hac parte meum recognosco: sed dicar benedicta eius dono, non meo merito: quia fecit mihi magna, qui potens est. Auget autem & dona, & donorum autorē. Dona, cùm dicit, Fecit mihi magna: Bonorum autorem, Qui potens est, & sanctum nomen eius. Obseruandum autem est, cùm dicit virgo sancta, fecisse Dominum sibi magna, ea non enumerare, sed simpliciter magna dicere: par-
tim

tim quòd nec ratione concipi, nec vlla oratione explicari possint. Quis enim hoc rectè explicare potest, Deum hominem factum esse, ac in mortali vtero latere posse? partim ne enumerando superbire ac se ipsam commendare videretur: illa enim ei necessariò dicenda essent, se cælesti nuntio dignam existimantam, se matrem Dei esse factam, se salutem & benedictionem restituisse, ad eius vocem exultasse infantem in vtero: quæ quidem sine aliqua verecundia virgo recensere non potuisset. Sed simpliciter & in summa dicit, facta sibi esse Magna: partim vt ostenderet, ea quæ Deus largitur, verè magna dici posse. Nam ea quæ mundus largitur, tempore quidem & primo aspectu magna esse videntur, re tamen ipsa vltimò ad nihilum reuocantur. Dicit ergo sibi non talia magna facta & tributa esse, qualia fallax mundus ferre aut dare solet: sed verè magna, qualia solus Deus largiri solet. Et quamuis primò & præcipuè virgo sancta, & planè verè ista verba vsurpare posset: secundariò tamen vnusquisque nostrum ad hæc eadem confitenda, sed & omni gratitudine repetenda obligatur; fecisse scilicet nobis Deum magna, qui potens est. Vt enim omittam beneficium creationis miræ structuræ & fabricæ, prouidentia item & gubernationis, subiectionisque vniuersæ creaturæ: Omnia, inquit, subiecisti sub pedibus eius; Oves & boues vniuersas, insuper & pecora campi, Volucres cali & pisces maris, qui perambulant semitas maris. Vt item omittam specialia cuiusque dona virtutis, sapientia, generis, nobilitatis, gloria, bonæ valetudinis, quæ certè omnia magna sunt: tamen & ex parte eorum bonorum, quibus beata virgo præcipuè & antè omnes ornata fuit, fecit mihi magna qui potens est. Accepit beata virgo cæleste incarnationis diuinæ nuntium: accepimus, si modo agnoscere velimus, & nos generatim. Primò, Annuntio vobis gaudium magnum, quod erit omni populo, quia natus est vobis saluator. In parte autè quiuis, cum audit à sacerdote, qui est Angelus Dei: Ego te baptizo: ego te absoluo. Concepit verbum Dei virgo sancto vtero: concipimus & nos idem verbum, ac vtinam concipiamus mente. Semen, inquit, quod cecidit in terram bonam, hi sunt, qui in corde bono & optimo audientes verbum Dei retinent, & fructum afferunt in patientia. Beata hæc ab Elisabeta dicta est virgo, & in posterum ab omnibus generationibus dicenda: beati & nos: Beati, inquit, qui audiunt verbum Dei, & custodiunt illud. Mater & cognata Dei facta est: & nos si volumus similiter. Hæc est, inquit, mater mea: hi sunt fratres mei. Et dedit eis potestatem filios Dei fieri. Verè igitur fecit mihi magna, qui potens est, & sanctum nomen eius. Quod vtinam agnoscamus, vtinam confiteamur; vtinam nos tantorum beneficiorum gratos exhibeamus vel fruamur saltem. Aucto beneficio virgo, ad autorem & largitorem beneficii se confert. Ac ne cui res impossibilis videatur, hæc tanta & talia in vnam virginem collata esse, ostendit id nulli mirum videri debere, Fecit, inquit mihi magna quia potens est: quia nullum impossibile est verbum apud eum: quia illius velle, est posse. Et non tantum potuit, sed etiam voluit, quia bonus est, quia Sanctum Nomen eius. Sanctum in cælis apud Cherubim & Seraphim, qui hoc ipsum vna voce confitentur: Sanctus, sanctus, sanctus Dominus Deus proclamantes. Sanctum & in terra: Quis non timebit & glorificabit nomen tuum Domine, qui solus sanctus es? Sanctus & in inferno: Si descendero ad infernum, ades. Quia hæc est voluntas eius, vt cognoscant eum omnes, & quem ille misit Iesus v m Christum: quia omnes ad se vocat, & neminem perire vult: Sanctum & terribile

terribile nomen eius. Secundum nomen eius, est honor eius: Sit igitur nomen eius benedictum in secula. Sanctum autem nomen eius, ut exponit V. Beda, vocatur: quia singularis culmine potentię transcendit omnem creaturam: atque ab vniuersis quę fecit, longę segregatur. Cuius etiam nos imitatione, pro modulo nostro, segregari præcipimur ab omnibus, qui non sunt sancti, nec Deo dedicati, dicente domino: Sancti estote, quia ego sanctus sum. Quicunque enim se consecrauerit, meritò intra & extra mundum videbitur. Potest enim & ipse dicere, super terrā ambulans: Conuersationem in cælis habemus.

63 **D**igreditur liberiùs & fusiùs beata virgo in laudem eius, qui magna illi fecit, & cuius sanctum nomen est: illudque ostendit, non intra se tantum eam eius magnificentię vbertatem constituisse, neque illi soli magna facta esse: sed longę vterius eum benignitatis fontem se efudisse: nec vllum aut genus hominum, aut temporum rationem, aut locorum interuallum esse, in quę se hæc benignitas non effuderit. Non mihi, inquit, soli hæc magna præstita sunt: sed misericordia eius à progenie in progenies timentibus eum. Quo loco laudat tanti Regis primùm misericordiam, potentiam deinde, iustitiam demum ac veritatem. Multa autem hoc loco videt vno quasi intuitu virgo: multa prædicat: quidquid scriptum vnquam est, quidquid scribitur, quidquid scribetur in posterum, hoc totum breui hoc cantico ac elogio suo complectitur. Quid enim vnquam in toto seculorum decursu, aut factum est, aut fit, aut futurum est, in quo aut misericordia Dei, aut potestas eius, aut iustitia & veritas non eluxerit? aut quid totus decursus seculorum continet, quàm illud: Depositos esse potentes de sede, & exaltatos humiles: Esurientes impletos esse bonis, & diuites dimissos inanes? Hoc sacra scriptura docet: hoc omnes historici: hoc omnium monarchiarum, regnorum, familiarum ortus & decursus. Legantur 24. D. Augustini de ciuitate Dei libri, in quibus omnis progressus temporum continetur: & tamen hypothesis dramatis hæc est, depositos esse siue in cælo, siue in terra, potentes de sede, & exaltatos humiles: Esurientes impletos esse bonis, & diuites dimissos inanes. Similia quondam Anna Samuelis mater cecinit: Arcus fortium superatus est: & infirmi accincti sunt robore. Repleti prius, pro panibus se locauerunt: & famelici saturati sunt, donec sterilis peperit plurimos, & quę multos habebat filios, infirmata est. Dominus mortificat & viuificat, deducit ad inferos & reducit. Dominus pauperem facit, & ditat: humiliat, & subleuat: suscitans de puluere egenum, & de stercore erigens pauperem, ut sedeat cum principibus, & solium glorię teneat. Et Dauid similiter: Quis sicut dominus Deus noster, qui in altis habitat, & humilia respicit in cælo & in terra? Suscitans à terra inopem, & de stercore erigens pauperem: Ut collocet eum cum principibus, cum principibus populi sui.

64 **N**otandum, primum attributum dei immortalis virginem ponere & laudare, misericordiam nempe ipsam: Et misericordia eius à progenie in progenies, timentibus eum. Nec frustra & temerè: misericordia enim eius super omnia opera eius. Et cum duo sint, quę se perpetuò cecinisse domino suo, profitetur Dauid, misericordia & iustitia: Misericordiam, inquit, & iudiciũ cantabo tibi domine: in hisque misericordia primum locũ obtinet; meritò hoc primum decus ponit diuinę laudis beata virgo. Quamuis enim ex æquo in Deo omnes virtutes sint pares; magis tamen & magis aliā loco & tempore suo se

Nnn

exerunt.

exerunt. Misericordiæ quidem eius proprius locus, præfens vita est, in præfenti quæ hoc seculo maximè elucet & dominatur: quemadmodum iustitiæ illius futurum seculum proprius locus erit, ubi cuique reddet iuxta opera sua, & ubi misericordiæ ianua claudetur. At hîc vnicum solatium clementiæ ac misericordiæ viget regnatque super omnia opera eius. Ideo beata virgo primum hoc decus & ornamentum laudis diuinæ ponit: Et misericordia, inquit, eius à progenie in progenies timentibus eum. Non mihi, inquit, soli fecit magna, nec mihi soli ostendit misericordiam suam, sed neque vni alicui genti aut temporis, sed omnibus, sed semper omni tempore, omni quæ seculo: utpote cuius bonitas & benignitas, tanquam successione quadam à progenie in progenies propagatur usque in seculum. Quemadmodum enim arborum anni & tempora foliis distinguuntur, ut alia quidem cadant, alia succrescant & exoriantur: ita totius seculi decursus generationibus & progeniebus distinguuntur, ut alij quidem homines occidant, alij oriantur. Misericordia igitur eius à progenie in progenies timentibus eum: hoc est, ubique, & per omne seculum. Et si autem in omnes extendatur misericordia eius, maximè tamen in eos (ne sibi frustra blandiatur hæresis) qui timent eum, & qui tremunt ad sermones eius, qui pro peccatis admissis dolent, qui à futuris abstinent sibi quæ cauent. Quod similiter David docuit: Misericordia domini, inquit, ab æterno & usque in æternum, super timentes eum; & iustitia eius in filios filiorum, his qui seruant testamentum eius, & memores sunt mandatorum ipsius, ad faciendum ea.

Psal. 102.

Notandum, Secundum attributum diuinæ maiestatis, laudare matrem 65 Dei, potentiam inquam. Postquam enim dixit misericordiam eius à progenie in progenies timentibus eum, ne quis fortasse spe misericordiæ eius fretus peccet, thesaurosque bonitatis & longanimitatis eius contemnat, ac inde thesaurizet sibi iram in die iræ; statim infert, ita misericordem esse, ut simul & potens sit: ut si quis fortè misericordiam eius negligat, vim & potentiam eius metuat. Nam quemadmodum misericors est erga illos, qui timent eum: ita potens & seuerus in eos, qui superbi sunt mente cordis sui, qui præcepta eius negligunt, qui poenitentiam agere nolunt. Ne, inquit, errent, nec seipso seducant. Fecit enim potentiam in brachio suo. Non dicant: Fecit, sed non facturum est: non hoc fortasse possit esse, vel nunc esse: sed sciant certo iam illud fecisse: & quemadmodum fecit; ita & post facturum. Fecit autem potentiam in brachio suo, contra superbos mente cordis sui: hoc est Luciferum primum, cæterosque apostatas angelos, viros item famosos gigantes, qui virtuti ac robori suo parem esse nullum putabant, deiecit hos de sede, ac diluuij aquis penitus deleuit. Fecit contra molles & luxuriosos sodomitas, quos igne sulphureo & spiritu procellarum aboleuit. Fecit contra Pharaonem, quem viuum in mari demersit. Fecit contra Datan Core & Abiron, cæterosque superbos apostatas, quos in puncto ad inferos descendere fecit. Fecit contra tot millia sapientum huius mundi & philosophorum, quorum stultam fecit sapientiam. Fecit contra tot saeuissimos tyrannos ac persecutores, qui eius ecclesiam persecuti sunt. Faciet contra tot millia hæreticorum, qui eius doctrinam inficiunt. Faciet contra ipsum Antichristum, quem percutiet spiritu oris sui. Faciet autem in brachio suo, hoc est, ut quidam volunt, in filio suo, per quem fecit & secula, & cuius virtute portat omnia, quæcunque in toto conspiciuntur

tur vniuerso. Sicut enim nostrum brachium, per quod operamur, sic dei brachium, dictum est eius verbum, quia per verbum operatus est mundum. Incarnato item Dei filio, & cum virgo peperisset, præterea cum Deus homo factus esset, & homo esset; natura superata est, & facta est potentia in brachio Dei. Vel, ut alij volunt, in virtute & robore suo, quod per brachium, in quo summa & prima est vis hominis, designatur. De quo Isaias: Confurge, confurge, inquit, induere fortitudine brachium domini: confurge, sicut in diebus antiquis, in generationibus seculorum. Numquid non tu percussisti superbum, vulnerasti draconem? Numquid non tu siccasti mare, aquam abyssi vehementis, qui posuisti profundum maris viam, ut transirent liberati? Fecit autem, & facit, & facturum est, non contra mites & humiles, eosque qui tremunt ad sermones eius; sed contra superbos: non eos tantum, qui in equis & curribus suis superbiunt, qui epulantur quotidie splendide, qui bysso & purpura induuntur; sed eos quoque, qui sunt superbi mente cordis sui: hoc est, qui beneficia eius non recognoscunt, qui sua omnia ad seipsos referunt, qui alios præ se contemnunt, & qui illud occinunt: Labia nostra à nobis sunt, quis noster dominus est? Ut enim eos, qui pauperes sunt spiritu, beatos dicit & facit; ita contra eos, qui superbi mente cordis sui sunt, acer & potens vindex est.

- 65 **N**otandum, Tertium adiunctum diuinæ maiestatis virginem sanctam laudare, iustitiam inquam: cum enim potentiam eius laudasset, quæ plerumque, ubi à iustitia remota est, crudelitas quædam & tyrannis appellari solet. Hanc virgo sancta talē esse ostendit, quæ inprimis cum iustitia sit coniuncta. Nam cum iustitiæ munus sit, res ad medium reuocare, siue illud arithmeticum, siue geometricum sit, hanc potentiam efficere hoc docet, dum nimium potentes de sede iustum iudicem deponere dicit; humiles autem & abiectos subleuare, ac in eorum sede reponere: esurientes item, & ad summam paupertatem redactos satiare ac replere bonis; diuites autem & nimis satiatos, vacuos & inanes dimittere: ac ita omnia extrema ad modum & mensuram suam reuocare, ut cognoscant potestatem esse cæli. Quod siue de dæmonibus animas fidelium obfidentibus, siue de Phariseis cathedram Moyse occupantibus, ac populum dei superbe & arroganter deuorantibus, siue de philosophis, sapientiaque huius mundi arroganter populum Dei contemnente, ac in se confidente, siue de monarchis ac aliis principibus seculi, siue de omnibus his simul intellexeris, nihil aberrabis. Celebrauit hanc eandem iustitiam Dei longè antè Ecclesia- *Eccles. 10.* sticus: Sedes ducum superbiorum destruxit Deus, & sedere fecit mites pro eis. Radices gentium superbiorum arefecit Deus, & plantauit humiles ex ipsis gentibus. Memoriam superbiorum perdidit Deus, & reliquit memoriam humilium sensu. Cuius totius prophetiæ matris Dei, quasi viuam imaginem expressit Daniel: Tu rex videbas, & ecce quasi statua vna grandis: statua illa magna, *Dan. 2.* & statura sublimis stabat contra te, & intuitus eius erat terribilis. Huius statuæ caput ex auro optimo erat, pectus autem & brachia de argento; porro venter & fæmora ex ære, tibiæ autem ferreæ; pedum quædam pars erat ferrea, quædam autem fictilis. Videbas ita, donec abscisus est lapis de monte, sine manibus, & percussit statuam in pedibus eius ferreis & fictilibus, & comminuit eos. Tunc contrita sunt pariter ferrum, testa, æs, argentum, & aurum, & redacta quasi in fauillam æstiuæ aræ, quæ rapta sunt vento: nullusque locus

inuentus est eis: Lapis autem qui percusserat statuam, factus est mōs magnus, & impleuit vniuersam terram. Statua seriem & profectum monarchiarum designat, cuius partes sunt, aurum, per quod monarchia Assyriorum designatur: argentum, quod Medorum imperium significat: æs, quod Persarum regnum ostendit: ferrum, quod Macedonibus atque vniuersa Græcia inferuit: ferrum terræ ingestum, Rempub. Romanam designat. Sedes hæ fuerant potentum, sedes superbæ, sedes iniuriæ: quæ pōst à modico & humili lapide Christo lesu, à petra sine manibus exciso, hoc est, ex incorrupta virgine nato, fractæ, disiectæ ac in puluerem redactæ sunt. Lapis ipse mitis & humilis creuit in montem magnum, & impleuit vniuersam terram. Atque ita completum est hoc, quod dicit sancta virgo: Depositos esse potentes de sede, & de solio regni sui: gloriam eorum ablatam esse, & exaltatos humiles. Cuius eiusdem rei dogma & exemplum euidenter sunt similiter hæ veteris Romæ, quæ nunc conspiciuntur, reliquiæ. Iacet Capitolium, iacet mons Palatinus, capita quondam imperij: quo vniuersa gaza Asiæ & Africæ illata, quo ex tot regnis & prouinciis, regibusque, superatis, triumphus inuecti sunt. Iacent, inquam, colles isti ac in fædas ruinas pulueremque ipsum planè redacti sunt. Stat Vaticanus & Ianiculus, sub quibus quondā in subterraneis cuniculis, vulpium instar, humilis & abiecta gens christiana, in fame, in siti, in frigore & nuditate delitescibat: illi, inquā, quibus dignus non erat mundus, hinc ad furcas & cruces, hinc ad tormēta & cruciatus, hinc ad varios & multiplices labores, tanquā feræ extrahantur. Hic, inquam, Vaticanus, hic Soractes & Ianiculus stant, iura & religiones dant gentibus, peccata ligant & soluunt, portas cæli aperiunt: ad horū pedes reges & imperatores obedientias suas deferunt, eorū puluerē lingunt. Cur ita? Quia deposuit potentes de sede, & exaltauit humiles. Esurientes impleuit bonis, & diuites dimisit inanes. Verū nos metas notarum excedimus: huc igitur pedem referamus. Quod si quis per diuites & satiatos, Iudæos ipsos, quorū lex, quorum Prophetæ, quorum promissiones, ex quibus Christus; per esurientes autē alias gentes & nationes, omnes, quæ his omnibus caruerunt, intelligendos putauerit; hic nō multū à Christi ipsius domini doctrina aberrauerit, qui ad Canaanitidem inquit: Non est bonum sumere panem filiorum, & dare canibus. Per filios sine dubio Iudæos, per canes autem famelicos gentiles intelligendo. Quæ tamen fames postea in eosdem diuites & inflatos Iudæos conuersa est, iuxta illam Dauidis prophetiam: Famem patientur, vt canes, & circuibunt ciuitatem.

Notandum vltimò, beatissimam virginem veritatem heri sui laudare, at-⁶⁷ tributum sanctum, attributum magnum, attributum soli Deo proprium. Omnis siquidem homo mendax, solus Deus verax: indeque Deus veritatis appellatur. Redemisti me, inquit, Domine Deus veritatis. Indeque ipsa veritas esse dicitur: Ego sum, inquit, via, veritas & vita. Cū autem Deus immortalis cum aliis gentibus nulla pacta fecerit, nulla promissa illis dederit, ideò ad designandam eius veritatem, quæ in dictorum & conuentorum expletionem consistit, gentem assumit Hebræam, vtpote ad quam solam promissiones sunt factæ, cum qua pacta & fœdera multa icta sunt. Ac ita à communitate omnium gentium & nationum, ad ipsum Israël orationem refert virgo sancta: Suscepit, inquit, Israël puerum suum. Suscepit, hoc est, ex multis millibus in popu-
lum

lum acceptabilem sibi accepit : carnem eius ex sanguinibus meis assumpsit, puerum electum sibi fecit. Suscepit, inquit, Israël : siue secundum carnem, utpote ex cuius genere profectus est : cui sententię hoc patrocinator, quod ad Abraham & reliquum Israël secundum carnem locutus est, ac cum eodem in carne conuersatus, ex eo in carne natus est. siue secundum fidem & spiritum, iuxta Paulum, Non enim omnes, qui ex Israël, ij sunt Israëlita: neque qui semen sunt Abraham, omnes filij : Sed in Isaac vocabitur tibi semen, id est: non, qui filij carnis, hi filij Dei, sed qui filij sunt promissionis, æstimantur in semine. Et ad Galatas : Nos, inquit, fratres secundum Isaac promissionis filij sumus. Quod cōsequentia declarare videntur, cum dicitur, Puerum suum, quod de ipso secundum carnem Israël intelligi nō potest, qui tandem aliquando reprobatus est, excidit, & excisus est : nisi fortasse secundum partem, in his qui quotidie conuertuntur. Suscepit, inquit, Israël puerum suum, recordatus misericordię suę. Similia iam olim cecinit David : Recordatus est, inquit, misericordię suę & veritatis domui Israël. Puerum autem Israël vocat, iuxta Bedam, qui ab eo sit ad saluandum susceptus, obedientem videlicet & humilem, iuxta quod Osee dicit : Quia puer est Israël, & dilexi eum. Nam qui contemnit humiliari, non potest utique saluari, nec dicere cum Propheta : Ecce enim Deus adiuuat me, & dominusceptor est animę meę. Quicumque autem humiliauerit se sicut paruulus, hic maior est in regno cælorum. Recordatus misericordię suę : atque in eo ipso veritatem suam omnibus gentibus abunde probauit. Sicut, inquit, locutus est ad patres nostros, Abraham, & semini eius in secula : iuxta illud D. Pauli : Abraham dictę sunt promissiones, & semini eius : non dixit & seminibus, quasi in multis; sed quasi in vno, Et semini tuo, qui est Christus. Promissiones autem ad Abraham factas inuenies, Genesis 17. Dixit ei Deus : Ego sum, & ponam pactum meum tecum, erisque pater multarum gentium. Nec ultra vocabitur nomen tuum Abram; sed appellaberis Abraham : quia patrem multarum gentium constitui te. faciamque te crescere vehementissimę, & ponam te in gentibus, regesque ex te egredientur. Et statuam pactum meum inter me & te, & inter semen tuum post te in generationibus suis foedere sempiterno : ut sis Deus tuus, & seminis tui post te. Et alię Gen. 12. 13. 15. 21. Neque tamen hic dicit beata virgo, ita susceptum Israël esse, ut ab ea gratia, & misericordia ceterę gentes exclusę sint, cum nil Deus earum rerum oderit, quas fecit; & cum omnes saluos fieri, & ad agnitionem veritatis peruenire cupiat : sed hoc potius dicit, Israël pręcipuo quodam & singulari amore electum & amatum esse. Quod pulcherrima quadam similitudine virgo prudentissima declarat : Suscepit Israël puerum suum. Quemadmodum enim multorum liberorum pater, omnes quidem amat, omnibus bene vult, vnum tamen ex omnibus eligere solet, quem pręcipuę amare, ac ante alios amare solet. Et quemadmodum in magna familia pater familias, omnes quidem seruos & pueros suos amat, vestit, & alit : vnum tamen aliquando ex omnibus magis charum & dilectum habere solet, quem diligit, cum quo sapius est, cui consilia sua libentius communicare consuevit. Sic æternus pater familias, omnes quidem gentes ille diligit, omnibus salutem parat, omnibus res vtilis & necessarias prouidet; vnam tamen ex omnibus potissimum delegerat Iudęam, quam magis dilexerat, cui consilia sua manifestauerat. Qua eius gratia, & misericordia magnificę se effert David : Non fecit taliter omni nationi, & iudicia sua nō

manifestauit eis. Et ante Dauidem Moyſes: Quæ eſt alia natio tam grandis, quæ habeat deos appropinquantes ſibi, ſicut dominus Deus noſter adest nobis? Et apud Ieremiam prophetam: Perpetua charitate, inquit Dominus, dilexi te: ideo attraxi te miſerans.

Qua gratia & priuilegio, ne efferatur ingratus Iſraël, ne ſuperbiat, neue 68 id meritis aut dignitati ſuæ tribuat, aufert hoc totum humilis virgo. Suſcepit ille quidem ante alias omnes gentes Iſraëlem puerum ſuum, neq; tamen aut propter dignitatem eius, aut propter aliquam excellentem virtutem, vt pote qui ſemper erat duro corde, qui non cognouit vias eius, qui ſemper illi reſtitit, deos alienos quæſiuit, ac eos amauit: ſed recordatus miſericordiæ ſuæ, bonitatis ac clementiæ ſuæ: cū illum à cura & memoria ſui multis peccatis, multa ingratitudine repelleret: quos poſtea, eo iuſtiùs & triſtiùs, ob ingratitudinem proiecit. Quod in humanis quoq; amoribus & dilectionibus videre licet: quē enim quis aliquando maximopere ob aliquas ſingulares dotes dilexerat, eū ob ingratitudinem magis & remotius abijcere ſolet. Neq; verò hæc loca ſcripturæ pugnant cum illo D. Pauli decreto: Dico enim Chriſtum IESVM miniſtrū fuiſſe circumciſionis, propter veritatem DEI, ad confirmandas promiſſiones patrum: gentes autem ſuper miſericordia honorare Deum. Neq; enim hoc docet D. Paulus, circumciſionem ipſam non eguiſſe miſericordia Dei: clarē enim paulò antè concluſerat, omnes peccaſſe, & omnes egere gratia & miſericordia Dei, Iudæum primū & Græcum; neq; eſſe cauſam, cur vnus erga alterum inſletur pro alio, aut illum contemnat: ſed illud potius docet, gentes quidem ſaluari & ſaluatas eſſe ex miſericordia Dei mera; Iudæos autem non tantū ex miſericordia, ſed etiam ex promiſſo. Et quemadmodum in ſaluatione gentium ſola efulſit miſericordia: ita in ſaluatione Iſraëlis, non miſericordiam tantū Dei laudari & elucere, ſed veritatem etiam & iuſtitiam. Quamvis enim Deus immortalis nulli quicquam debeat, neq; cuiquā obligatus ſit, vt qui prior à nullo acceperit. Quis enim prior dedit illi, & retribuetur ei? Nam ſi filio ad patrem, vt docet Ariſtoteles, nulla propria poteſt eſſe iuris ratio, niſi quantum pater ſe demiſerit; quantò magis creaturæ ad creaturam? Solet tamen cæleſtis pater, ex ſua clementia & bonitate ſe obligare, ac quodammodo debitor effici, cū ſcilicet ille aliquid promittit. Decet enim veracem, imò ipſam veritatē pactis & conuentis ſtare, promiſſa ſeruare. Quomodo promiſit omnibus bona facientibus vitam æternam, omnibus autem delinquentibus ignem æternū: & dabit, quia ita promiſit, quia ſe obligauit. Hoc tale debitum iactat D. Paulus: curſum conſumaui, fidē ſeruauī: de reliquo reſpoſita eſt mihi corona iuſtitiae, quam reddet mihi Dominus in illa die iuſtus iudex. Laudant igitur gentes Dominum ex miſericordia, laudat & Iſraël, ſed vltra etiam ex veritate. Hoc igitur cantat & celebrat beata Virgo: Suſcepit Iſraël puerum ſuum, recordatus miſericordiæ ſuæ. Sicut locutus eſt ad patres noſtros, Abraham, & ſemini eius in ſecula. Et Luna teſtis erit in cælo fidelis.

Notandum, inſtante partu Eliſabethæ, rediſſe virginem, propter multi- 69 tudinem eorum, qui natiuitati interfuturi erant, cū minus conueniens ſit virginibus in turba verſari, præſertim in hoc genere officii. Et cū nihil magis ſcæminas honeſtet, quàm verecundia, & ſolitudo, & conſpiciendorum viro- rum fuga. Vnde Rebecca, viſo futuro ſponſo ſuo, operuit ſe, tantamq; ſeruauit

uit verecundiam, ut iam desponsata designatum maritum, aperto capite, non putauerit videndum. Iam iam autem impendisse tempus partus illius, inde apparet, quod sexto Mense conceptionis Ioannis inuiserit Angelus Mariam: Maria autem manserit apud Elisabetham, quasi tribus mensibus: ita colliguntur nouem menses, tempus ordinarii partus. Quemadmodum ergo virgo beata ociosa in domo Elisabethæ non mansit, sed illi inferuiuit, eamque solabatur: Christus ita similiter in utero eius otiosus non fuit, sed Prophetam suum ac præcursores docebat ac instruebat. Qua de re pulchre Origenes cum Ambrosio: Exercebatur, inquit, & quodammodo in athletico sancta matre per tres menses vngebatur Ioannes, & præparabatur in matris utero; ut mirabiliter natus, mirabilius nutriretur. Addit Ambrosius. Aptissimo enim virtus eius certamini parabatur.

70 **N**Otandum, Cum dicit Euangelista, Elisabethæ impletum est tempus pariendi, tempora iustorum impleri & prosperari, iniquos autem non dimidiare dies suos, ut quibus melius erat non nasci, quam natos perire. Hinc illud Ambrosii: Plenitudinem iusti vita habet: inanes autem dies sunt impiorum.

71 **N**Otandum, Non mediocre officium esse, quemadmodum tristiari cum tristibus, ita lætari cum gaudentibus. Quod Paulus clare docet: Gaudete cum gaudentibus, flete cum flentibus. Quod præceptum Pauli, etsi per se quidem facile esse videtur, ut notat D. Chrysostomus: si tamen penitus expendatur, non ita facile est. Et flere quidem cum flentibus plerique sine difficultate possunt: gaudere autem cum gaudentibus non ita facile est, etsi primo aspectu valde facile & expeditum esse videatur. Obstat enim plerumque & non permittit innata malitia hominum, quæ non facile successibus alienis gaudeat, & quæ profectos humanos non amet: obstat inuidia, quam nihil delectat, nisi visi alieni dolores, quæ casibus & erroribus humanis gaudet, quam moestitia aliena delectat, quæ infortuniis pascitur. Gaudent autem cognati & vicini, non tam filium Elisabethæ natum esse, quam seni & sterili foemina, & quæ omnem spem partus amiserat. Et quod persuadebant sibi, hunc antiquæ mulieris partum non potuisse sine mysterio esse: & à quo magni aliquid expectabant, recordati Saræ, Samsonis matris, Annæ, & similium. Dabat & huius gaudii ac gratulationis non mediocre causam, Elisabethæ & Zachariæ probitas & innocentia, quæ proderat omnibus, oberat nemini. Quantum igitur ex eorum sterilitate omnes moerebant, tantum ex insperato & inopinato partu gaudebant ac ei gratulabantur. Magnus quæstus probitatis. Et ideo dicit Euangelista, Et audierunt vicini & cognati eius, quia magnificauit Dominus misericordiam suam cum illa, & congratulabantur ei. Magnificauit autem misericordiam, hoc est, miraculum cum senæ & desperata matre fecit, suamque virtutem in ea ostendit. Vbi & illud discendum est, non pro iis tantum, quæ nobis Deus contulit, beneficiis nos gratias Deo referre debere, sed etiam pro alienis: cum dona sanctorum, sint ornamenta omnium: & cum magnum sit, omnia omnium bona, sua facere, atque eorum esse participem. At nos detrahimus potius, & inuidemus. Incipiunt autem angelica vaticinia compleri, usque ad finem mundi duratura: Et multi in natiuitate eius gaudebunt.

72 **N**Otandum, Multa Christum Dominum cum suo præcursores communia habere

habere voluisse. Natus est ille ex virgine : nascitur hic ex sterili & sene. Factum est gaudium magnum in Christi natiuitate : fit item in eius præcursoris natali : gaudent vicini, gaudent cognati. Imposuit nomen filio suo ex prædictione Gabrielis primò Maria, deinde Iosephus : imponit primò & nunc Elisabeth, deinde imponit Zacharias. Mirantur autè omnes, nō nouitatem nominis, sed quia diuinitas planè & per miraculum illud imponi videbant : nam neq; ullus in cognatione eius vocabatur nomine hoc, quod matrè mouere poterat : & ille qui surdus erat & mutus, neq; aliquo modo cū Elisabetha hac de re potuerit conferre, statim in eandem abierit sententiam, Ioannemq; nomen eius esse voluerit. Non dicit Zacharias, se velle vt nomen eius vocetur Ioannes ; sed simpliciter dicit, Ioannem esse nomen eius : vt ostendat, non ab ipso, sed à Deo hoc ipsum nomen proficisci. Tabula autem Sacerdoti datur, vel quòd esse videbant mutum, vel propter mysterium, quod designabat synagogam, & eius Antistites, scripto extremo maximè niti solitos, quemadmodum Ecclesiam Dei spiritu & sermone. Ideòq; Spiritum sanctū in igne potius & linguis apparuisse, quàm in calamis. Et Paulus docet, literam occidere, spiritū autè viuificare.

Notandum, Primū Ioannem circumcidi, deinde illi nomen imponi. 73
Nisi enim quis ea quæ carnis sunt circumciderit primū & reiecerit, dignus non habebitur, qui militiæ Dei adscribatur, & cuius nomen in librum vitæ æternæ referatur.

Notat Theophylactus, Elisabeth prophetico spiritu nomine Ioannis præ- 74
dixisse, quem traxit & hausit ab illo ipso plusquam propheta, quem in vtero gerebat, vt ipse sibi Ioannes imposeret nomen. Et Ambrosius : Mirè sanctus Euangelista præmittendum putauit, quòd plurimi infantem patris nomine Zachariam appellandum putârunt, vt aduertat matri non nomen alicuius displicuisse degeneris, sed id ei sancto infusum spiritu, quod ab Angelo antè Zachariæ fuerat prænunciatum. Et quidem ille mutus intimare vocabulum filij nequiuit vxori, sed per prophetiā didicit Elisabeth, quòd non didicerat à marito.

Notandum, Ioannem designare gratiam : & ideo vbi primum Zacharias 75
scripsit, manu & literis loquens nomen Ioannis, eum nouam consecutum esse gratiam, loquelæ scilicet & prophetiæ. Vnde Ambrosius : Qui loquitur Ioannē, Christum prophetat. loquamur Ioannem, loquamur & Christum, vt nostrum quoq; os possit aperiri, quod in sacerdote tanto, irrationabilis modo pecudis, frena nutantis fidei coërcebant. Bonum autem Dominum habemus, & facilem indulgere peccatis, qui non solum ablata restituit, sed etiam insperata concedit. Ille dudum mutus prophetat. Hæc enim gratia Dei maxima, quòd eum quē negauerat confitetur. Nemo ergo diffidat, nemo veterum conscius dilectorum, præmia diuina desperet. Nouit Dominus mutare sententiam, si tu noueris emendare delictum. Statimq; vt stylus impressus est ceræ, lingua quæ prius fuerat vincta, laxata est. Recepit eloquium non humanum, quoniā lingua eius fuit ligata ; vinxerat enim eam incredulitas.

Notandum, quæri solere à doctis, cur Euangelista scribat, prolocuto Za- 76
haria, natuq; Ioanne, timorem inuasisse omnes, cū potius gaudij & exultationis causam habuerint, quàm metus. An quod proprium hominis sit, diuinam
nam

nam potentiam reuereri, ad eiusq; vim exhorrescere? Cùm igitur tria simul miracula in ortu Ioannis animaduertisset, partum præter naturalem, nominis impositionem miraculosam, & restitutam loquelam Zachariæ, meritò timor inuasit omnes. An quòd tempus illud totum erat suspensum expectatione magna, siue rerum bonarum, siue aduersarum: in idem enim tempus inciderant prophetiæ de aduentu Messie, de futura immutatione Reip. de expugnatione vrbs, quali tempore quilibet motus suspecti esse solent, ac maximos metus parere. Non mirum est igitur & tunc in triplici miraculo Israël exhorruisse. Fit autem plerumque, vt quod maximè optare & expectare deberemus, id perhorrescamus.

77 **Notandum**, conuenire iustis Dei mysteria, & magnifica facta reponere & condere in cordibus suis: quod vicinia Zachariæ facit: Et posuerunt omnes audientes in cordibus suis. Nos, Deum immortalem, quot mysteria dei, quot admonitiones, quot portenta, quot miracula, quot dei beneficia & munera nobis excidere patimur, ac ne ea quidem animaduertimus, ideoque iam & miraculis & Dei beneficiis indigni efficimur.

78 **Notandum**, Præfagia bona iustorum multum plerumq; de aliquo in vtrâq; partem valere: quale hoc erat, Quis putas puer iste erit? Colligebant autem omnia magna de puero, ex his miraculis, quæ circa illum eueniebant. Et ideo addit Euangelista: Quia manus Domini, quæ tanta miracula operabatur, erat cum illo. Beatus autem ille est, qui cum manus domini, & potens est auxiliû. Quod similiter de Dauide scriptum legimus: Percussit Dauid decem millia, quia manus domini erat cum illo.

79 **Notandum**, omnia hæc quæ in Ioannis partu euenerunt, siue miracula, siue præfagia, siue famæ diuulgatio, diuina ordinatione facta fuisse: vt ille qui de futuro Messia debebat testimonium ferre, dignus fide inueniretur & omnes confirmarentur, ex ipsa Ioannis natiuitate, quod supra alios homines hic talis testis esset. Decet enim prophetam & concionatorem iam à prima sua natiuitate, iuuenta, ac omni decursu ætatis fidem & auctoritatem sibi parare, siue vita siue miraculis, siue bona fama, conuenitq; celebres & laudatos esse. Quod in Moyse, Samuele, Ieremia, hoc loco in Ioanne, atque aliis multis factum esse videmus. Quibus rebus quoniam plerique, tam ex nostris: quàm ex hæreticis carent; mirum non est, si parum sua prædicatione proficiant.

80 **Notandum**, Zachariam post lætitiâ multorum, repletum spiritu sancto prophetasse, hoc est non presente successu elatum esse, non suas fortunas prædicasse, non de opibus & facultatibus filio nouo nato providendis sollicitum fuisse, ne sibi quidem quidquam priuatim gratulatum esse, aut aliquam significationem priuati gaudij dedisse, sed in laudes Dei, quod quidem omnes sanctos facere solitos antea diximus, prorupisse, magnificaque eius beneficia celebrasse, simulq; de futuris bonis multa præclara prædixisse. Quia enim vox clamantis in deserto, inquit V. Beda, est nata, meritò est lingua parentis soluta. Neque enim patrem à laudibus silere decebat, qui verbi præcone sibi nato gaudebat. Ecce loquela, quæ sola est ablata diffidenti, cum spiritu prophetiæ est restituta credenti.

81 **D**Vo igitur simul facit, paulò antè surdus & mutus sacerdos, primùm De-
um

um benedicit, beneficiaque eius magnificè celebrat, prophetat vna & eadem opera deinde. Est autem mos hic prophetarum, vt ea quæ futura sunt, ita narrent, tanquam præsentia aspiciant: idque propter certitudinem & euidenti- am earum rerum, quas prædicant, & fidem reuelantis, quod idem nunc face- re videmus Zachariam.

Notandum secundo, duas partes esse cantici Zachariæ: & in prima qui- 82 dem eum beneficia & munera, quæ in genus humanum contulit diuina, misso cælitus Messia, prædicare: in secunda autem parte munera & functiones filij sui futuri præcursoris recensere.

Notandum: Et si utræque prophetiæ tam virginis sanctæ quam Zachariæ 83 sublimes & excelsæ sunt, continent enim utræque res graues & magnificas, ac summam salutis complectuntur: habet tamen nescio quid maius & magnifi- centius matris Dei canticum. Nam etsi easdem planè res, eandemque salutem, vtrumque canticum contineat ac celebret; non tamen eodem modo, nec in eadem, vt loquuntur, fili latitudine. Nam Zacharias omnia ea beneficia, quæ laudat, ad solam quasi domum David, solamque Iudæam refert: etsi omnibus gentibus communia esse debebant. Sic enim loquitur: Et erexit cornu salutis nobis, in domo David pueri sui. At non idem facit, mater sancta, sed altiore & profundiore spiritu omnibus gentibus & nationibus eam gratiam & salutem pollicetur: Ecce enim ex hoc beatam me dicent omnes generationes. Et mi- sericordia eius à progenie in progenies timentibus eum. Neque enim adhuc planè manifesta fuit gentium vocatio, etiam perfectis, donec illud auditum est: Euntes in mundum vniuersum, prædicate Euangelium omni creature.

Notandum: Tam Iudæam quam reliquas gentes caruisse vero rege, vero 84 pastore, vero medico; donec Christus Dominus constitutus super montem sanctum Dei, eius prædicauit præceptum: donec bonus pastor, qui ponit ani- mam suam pro ouibus suis, mundo affulsit: donec verus medicus cælitus ap- paruit, magno iacente ægroto. Totus siquidè mundus, inquit D. Augustinus, verus ægrotus fuit. Ægrotabat siquidem genus humanum, atque saucium fu- it, tam in voluntate, quam in ipsa mente grauiter vulneratum. Hoc igitur nunc in primis Deum celebrat Zacharias: Benedictus, inquit, Dominus Deus Israël, quia suus rex visitauit subditos suos, pastor inuisit oues suas, quæ erant erran- tes, tanquam oues sine pastore. Medicus reuisit ægrum suum, verus & cæle- stis Samaritanus, illiusque vulneribus vinum & oleum infudit, iumento carnis suæ imposuit, ac in diuersorium cælestis gloriæ intulit. *Εὐλογητός* igitur, hoc est laudandus & benedicendus dominus Deus Israël: non quòd anum ac planè sterilem senem fecit pulchra prole parentem, non quòd futuræ hereditatis præ- clarum se dedit heredem, nò quòd surdo & muto aures & os aperuit; sed quia visitauit plebem suam, Iudæam quidem in primis, post omnes generationes.

Notandum, Vniuersum genus humanum in duram seruitutem, cuius Æ- 85 gyptiaca seruitus typus & umbra fuit, venundatum fuisse, an potius pro lethali fructu se venundasse sub tristiq; & iniusto domino Diabolo iniquissimam ser- uitudinem, per tota quinque annorum millia, seruiuisse. De qua seruitute Isaias: *Esa.* 9. Iugum oneris eius, & virgam humeri eius, & sceptrum exactoris eius superasti, sicut in die Madian: De qua eadem seruitute ipse saluator: Dum fortis arma- tus

tus custodit atrium suum, in pace sunt ea quę possidet. Duram ergo seruitutem seruierunt omnes gentes, seruitutem in ferro & mendicitate: donec tandem aliquando misertus est Deus plasmatis sui, misertus afflictę seruitutis, inuissit agrum suum, & mendicum suum. Sed non frustra, neq; ore & pręsidio, quod plerumq; in uisitatione ægrotorum & captiuorum facere solemus: Sed curauit simul, in forti brachio eduxit, se ipsum dedit in redemptionem nostram, nōsque de diabolica potestate liberauit, indeq; redemptor & pretium nostrum dictus est. Neq; utcumq;, aut vili aliquo me redemit, sed pretioso sanguine filij sui. Vnde D. Paulus: Empti estis pretio magno, glorificate & portate *1. Cor. 6.* Deum in corpore vestro. De qua redemptione Isaias: Gratis venundati estis, & sine argento redimemini: quia pro vili & misero fructu venditi, & sine argento pretioso sanguine, quasi agni immaculati, redempti sumus. De quā eadem redemptione D. Paulus: Qui, inquit, dedit redemptionem semetipsum pro omnibus. *1. Timit. 2.* Pro hoc igitur tali & tanto munere, agit nunc gratias, ac benedicit Dominum Zacharias. Benedictus Dominus Deus Israēl, quia uisitauit & fecit redemptionem plebis suę. Uisitauit, inquit Beda, plebem suam, quasi in longa infirmitate subsistentem, & quasi venditam sub peccato, vnici filij sui sanguine redemit ipso. Iam igitur totum in nos ius inimicus homo amisit: neminem igitur aut tenere, aut capere potest, nisi volentem. Alligatus enim est, tanquā annexus canis catenis: & neminem mordere potest, nisi illum, qui se illi mortifera securitate adiunxerit stultus homo. Equidem canis ligatus latrare potest, sollicitare potest, mordere omnino non potest, nisi volentem. Ex nobis igitur perditio: salus ex Domino. Quod autem spiritus Dei per Prophetam plebem Dei appellat, id ea ratione facit; non quod Deus huc veniens suam inuenerit, sed quia uisitando suam fecerit.

- 86 **N**Otandum, Naturam humanā valde imbecillam ac inermem siue ad propulsandos inimicos, morborumq; vim & impetum, siue ad eleuationem siue in lapsu, ac ad surgendū ubi ceciderit vires restaurandas. Designat hoc saluator noster apud D. Lucā in homine, qui inciderat in latrones, qui neq; impetū latronum sustinere potuit, neq; se eleuare; sed faucius & semiuiuus iacuit ita, ut nisi à Samaritano subleuatus fuisset, ad extremum penitus interiisset. Ut autē natura nostra ad se tuendam inermis est ac imbellis, ita hostes & aduersarios habet potentissimos: illum, inquam, Behemoth, cui nulla vis resistere poterit. *Iob. 40. 41.* Cum apprehenderit eum, gladius subsistere non poterit, neq; hasta, neq; torax, neq; super terram potestas, quę comparetur ei: qui factus est, ut nullū timeat. Ille fortis armatus, qui custodit atrium suum in pace. Non est nobis colluctatio, inquit Paulus, aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritualia nequitie in cęlestibus. Quę cum ita sint, misertus cęlestis pater ægre ac infirmę naturę nostrę, erexit signū & vexillum omnis adiutorij & pręsidij nostri, Christū Dominū. Qui fortis in pręlio, venit destruere omnes inimicos nostros, ut nos de insidiis eorum liberaret. Hoc igitur nunc canit, hoc celebrat venerabilis senex, illud ostendens, hunc ipsum liberatorem non solum pro pręsenti tempore nos liberauisse, sed etiam in futurum omne tempus profugium & munitionem nobis, & turrim fortitudinis à facie inimicorum excitasse. Quod idem iam antequam reges essent in Israēl, agnouit mater Samuelis Anna, & confessata est: Dominus, inquit, iudicabit fines terrę, & dabit imperium Regi suo,

& sublimabit cornu Christi sui. Et Dauid: Deus fortis meus, sperabo in eum: Scutum meum, & cornu salutis meæ. Hoc idem & Ezechiel prædixit: In illo die, inquit, pullulabit cornu domus Israël. Nunc deniq; prædicit noster Zacharias: Et erexit cornu salutis nobis, in domo Dauid pueri sui. Est autem cornu quasi propria quadam metaphora sacrae scripturae, vim imprimis, robur, profugium, & munitionem, regnum deinde significans. Vim quidem, quod solidior sit pars amantis, pugnae comparata, iuxta illud, cornu petit ille, cauto: Vnde & apud quasdam gentes cornibus aratra boues trahunt. Significat item & regnum, quod vnguentum illud quo Sacerdotes, Reges ac Principes inungi solebant, cornu continebatur, iuxta illud: Sumsit Sadoc Sacerdos cornu olei, de tabernaculo, & vnxit Salomonem, & cecinerunt buccina, & dixit omnis populus: viuat Rex Salomon. Hoc loco pro ipso Messia, eiusq; preciosissima morte, vnico confugio contra omnes tribulantes nos, sumtum esse videtur, qui est lapis angularis, robur & fundamentum, primumq; & summum caput Ecclesiae. Nam hic ipse Christus, virtus est æterni patris, brachium insuperabile, mons confugij, iuxta illud: portans omnia verbo virtutis suæ. Et hic idem Messias est regnum illud, quod contere debuit regna omnia, & ipsū conteri non debuit: quod cū magna lætitia aliquando Domus Dauid suscepit, cū cecinit: Benedictum regnum patris nostri Dauid, osanna in excelsis. Idem ipse est lapis angularis, primum & summum fundamentum. Nemo, inquit Paulus potest aliud fundamentum ponere, nisi quod positum est, Christus Iesus. Hoc cornu debebant ventilari inimici nostri. Erectus serpens æneus, vt quicumq; aspiceret eum, non periret, sed haberet vitam æternam: Huc igitur curramus, huc ruamus omnes, sub brachiis eius & viuere velimus & mori. Similiter etiam cornu pro tuba, qua milites ad pugnam conuocantur & animantur: quod item Christo Domino conuenire potest. Vnde V. Beda: Cornu salutis regnū saluatoris Christi vocatur: quo mundo spiritalis, & quæ carnis gaudia superet altitudo nunciatur. Benedictus igitur Dominus Deus Israël, quia visitauit & fecit redemptionem plebis suæ. Et erexit, hoc est siue subleuauit (quomodo Moyses serpentem æneum in deserto, quomodo item Imperatores vexilla atq; trophæa eleuare solent) siue, vt alij, excitauit interpretantur, quod propius est Græco: Græci enim *ἐγείρε* dicitur. Erexerit autem in domo Dauid, hoc est in Betleem Iudæ, iuxta Malachiae prædictionem. In domo Dauid, sed non pro sola domo Dauid; sed misericordia eius à progenie in progenies timentibus eum: ecce enim ex hoc beatā me dicent omnes generationes.

Notandum, vbi Zacharias summa celebrasset Dei beneficia, quod visita- 87
uerit ægros & vinctos suos, quod pretioso suo sanguine nos redemerit, quod
erexerit cornu salutis nobis, in domo Dauid pueri sui: nunc illud docet: quod
et si tunc immediatè, propriè, & re ipsa quasi facturus erat, tamen ne antea qui-
dem id præteriiſſe, aut curam creaturæ suæ abieciſſe, sed longè antè hoc in-
choaſſe per ora sanctorum suorum, qui à seculo sunt prophetarum eius: per
hos oues, ægros, & captiuos suos inuiſſe, per ora istorum certam redemptionē
& salutem prædixiſſe, regnumq; ac præſidium nouum excitaturum fuiſſe, cō-
tra omnes insultus inimicorum nostrorum. Neq; id ſemel aut iterum feciſſe,
sed perpetuò omnibus ſæculis continuāſſe, nunquam intermiſſe, in eoq; iuſti-
tiam & veritatē ſuam magnificè probaſſe. Quam ipſam veritatem cælos ipſos
Domino

Domino confiteri ac deferre testatur David: Confitebuntur cæli mirabilia tua Domine: etenim veritatem tuam in Ecclesia sanctorum. Sicut, inquit, locutus est per os sanctorum, qui à seculo sunt prophetarum eius. Addit autem à seculo, ne per solos illos prophetas locutus esse videatur, qui in ordine nunc leguntur prophetarum. Neq; enim soli Ieremias, Daniel, & Isaias, cæteri que tales, qui & prophetæ specialiter appellati, & de eius aduentu manifestè sunt locuti: Verùm ipse pater Adam, Abel, & Enoch, & cæteri patrum, factis quiq; suis eius dispensationi testimonium reddunt. Vnus Dominus ipse Iudeorum duriã redarguens ait: Si crederetis Moyſi, crederetis forsitan & mihi: de me enim ille scripsit. Cùm enim opus redemptionis nostræ tale fuerit, quod omnè humanum excederet captum (quid enim admirabilius esse potest, quàm in redemptionem serui dari ipsum hæredem, Deum hominem fieri, ac indigna pati?) Multis igitur seculis hæc tanta dona & arcana explicari debuerunt, multis imaginibus adumbrari, instillari item, ne sua magnitudine angustas hominum mentes opprimerent. Quod autem nunc prædicit Zacharias, hoc multis post temporibus explicat D. Paulus: Multifariã multisq; modis, olim Deus loquens patribus in prophetis, nouissimè diebus istis locutus est nobis in filio, quem constituit hæredem vniuersorum. Notandum autem hoc loco, omnia illa, quæ prophetæ sanctiq; Dei prædixerunt, per os ipsorum locutū esse Dominum: quod ex hoc Pauli loco apparet, & ex Zacharia, & Petri Apostoli ^{2. Pet. 1.} Canonica, qui non humana voluntate docet allatam esse prophetiã, sed Spiritu sancto inspiratos locutos esse sanctos Dei homines: Vt nō tam ipsi loqui viderentur, quā Spiritus sanctus qui in eis habitabat. Cùm autē prophetica grauitate Zacharias vsus, paulò obscurius superiora explicasset, ac subobscuriore methaphora cornu salutis vsus fuisset, idè clariorem & illustriorem eius rei expositionem adiungit, hoc cornu nihil aliud esse, quàm salutē per futurum Messiam partam, nos liberantem & saluantem ab inimicis nostris, ab his redemisse, ab his defendere ac tueri. Salutem, inquit, ex inimicis nostris, & de manu omnium qui oderunt nos. Neq; enim est aliud nomen sub sole, in quo oporteat nos saluos fieri, præter Christum Dominum Iesum. Vnde confutatur Ariana impietas: qui enim est salus & redemptio nostra, ille est verus Deus. Atqui Christus est salus & redemptio nostra; ergo Christus est verus Deus. Confutatur item impudentia aliorum hæreticorum, qui arbitrantur, nos ad alias quasuis causas originem salutis nostræ referre, quàm ad Christum Dominum. Atqui nos quotidie cum Zacharia confitemur, erexisse Deum cornu salutis nobis, in domo David pueri sui. Salutem ex inimicis nostris. Sed quibus inimicis? Visibilibus, inquam, & inuisibilibus. Inuisibiles enumerat Paulus: Non est nobis colluctatio aduersus carnem & sanguinem, sed aduersus principes & potestates, aduersus mundi rectores, tenebrarum harum, contra spiritualia nequitie in cælestibus. Visibiles autem sunt, mundus, caro, idola, potentia & sapientia huius mundi. Sed cur, & quam ob causam inimici? Quia ipsorum erant opera praua: quia tenebræ inimicæ sunt luci: quia Dei, quem illi oderunt, creatura sumus: quia imaginem eius gerimus, quem reformidant: quia in eorum loca sumus successuri, quod nobis inuidet.

88 Notandum: Laudatis & celebratis Dei erga genus humanum beneficiis misericordis & miseratoris Domini; nunc ad causas tantorum beneficiorum
 Ooo explicandas,

explicandas, tam ex parte Dei ipsius, quam ex parte nostra accedit: ac denuò nouas Dei immortalis laudes, misericordiæ, inquā, & veritatis celebrat & occinit. Possunt autem hæc omnia, quæ sequuntur, cum illa parte continuari, ex eaq; pendere, Sicut locutus est per os sanctorum, qui à seculo sunt prophetarum eius; hoc est, salutem dedit ex inimicis nostris, fecit misericordiam, recordatus est testamenti & iurisiurandi, dedit deniq; vt sine timore illi seruiamus, sicut locutus est per os sanctorum, qui à seculo sunt prophetarum suorum. Quamuis idem videretur repeti, memorari testamenti, quod non aliud fuit, quam quod locutus est per os sanctorum. In quo notandus est admirabilis consensus beatissimæ virginis Mariæ cum Zacharia. Quemadmodum enim in suo cantico, nihil aut suis aut alienis meritis adscribit, sed soli misericordiæ & veritati Dei omnipotentis: ita & Zacharias nihil sibi, nihil Elisabethæ, nihil domui Dauid adscribit, sed misericordiæ, testamento, & iuriiurando Dei: nō quod merita excludat, quæ imprimis laudat & commendat, vt seruiamus, inquit, illi in sanctitate & iustitia coram ipso omnibus diebus nostris: Sed quod hæc misericordiæ Dei & veritati subijciat, quoddq; hæc ex illis pendeant: vt erubescat hæresis, dum calumniatur, tanquam hæc aut scriptura, aut Ecclesia Dei à se mutuò distinguat. Primo igitur loco id ponit, quod caput est in omni opere Dei, misericordiam, inquam, eius: Visitauit, inquit, plebem suam, fecit redemptionem, erexit cornu salutis. Cur ita? quæ causa? Ad faciendam misericordiam cum patribus nostris, per viscera misericordiæ Dei nostri, in quibus visitauit nos oriens ex alto. Similis est autem hic dicendi modus illi: Ad faciendam vindictam in nationibus, id est, vt faciat vindictam. Sed cur cum patribus tantum? an non cum filiis etiam? Atqui misericordia eius à progenie in progenies timentibus eum. An quod ad patres promissiones factæ sunt, illisq; imprimis misericordia hac in parte ostensa? An quod filiis & posteritati datur, id ita accipitur, ac si ipsis parentibus detur? An quod spes illorum compleuit: quæ enim expectabant, in Christo completa viderunt? An quod improba posteritas his tantis beneficiis indigna fuit, nisi propter patres, quibus hoc promissum est? An quod hæc eadem posteritas, eam misericordiam receptura non erat, repudiatura potius, ac contumelia affectura? Fecit ergo misericordiam cum patribus nostris.

NOtandum, Misericordiam Dei ipsam consequi veritatem. Nam & hoc ⁸⁹ ipsum, quod nobis pollicetur Deus, quod se nobis obligat, immensæ est eius misericordiæ, vt ille qui nulli vnquam debet, vltro se cineri ac pulveri modò obliget. Veritas & misericordia obuiauerunt sibi, vt iustitia & pax inter se oscularentur. Laudata igitur Zacharias misericordia Dei, nunc fidem & veritatem eius laudat: visitauit, inquit, plebem suam, fecit redemptionem, cornu salutis erexit: quæ causa? nulla profectò alia, quam quod recordatus fuerit pacti & promissi sui, & memoraretur, id est in mentem sibi reuocaret testamentum suum sanctum.

NOtandum autem est hoc loco, nomen testamenti duobus modis in scri- ⁹⁰ ptura accipi, primùm pro pacto & fœdere, quo alicui testamur mentem nostram, quomodo hoc loco accipitur, & quomodo item vetus lex testamentum appellari solet. Sumitur item testamentum pro vltima cuiusq; voluntate, quod non nisi intercedente morte testatoris ratum fieri docet Paulus. Cùm igitur
dicit

dicit Zacharias, Memorari testamenti sui sancti, tùm vel in primo significato accipiendum erit pro pacto & foedere. Quod si etiam in secundo significato id acceptum velimus, tum id commodissimè ac ratione fiet, quòd omnia pacta ac foedera, quæ faciebat Deus cum patribus nostris, intercedente morte & sanguine immaculati agni, ab origine mundi, in prædestinatione ac promissione Dei occisi fiebāt, intercedente tamè aliquo visibili sanguine, atque morte: quale & hoc ad Abraham fuit, intercedente sanguine circumcisionis, & cæde vaccæ triennis, capræ trimæ, arietis annorum trium, turturis quoq; & columbæ, quod planius & copiosius narrat liber Geneseos Cap. 15 & 17.

⁹¹ **N**otandum, Deū immortalem non simpliciter pactum fecisse cum Abraham patre nostro, atq; adeò toto genere humano; sed idem sæpius repetiuisse, ac postremò iureiurando id confirmasse. Cuius vtriusq; rei hoc loco mentionem facit Zacharias. Memorari, inquit, testamēti sui sancti: sed non solius testamenti, sed vltra iurisiurandi etiam, quod iuravit ad Abraham patrē nostrū: vt sit ea structuræ ratio. Ideò, inquit, fecit hæc & illa, vt memoraretur testamenti sui sancti, memoraretur item & iusiurandum, quod iuravit ad Abraham patrem nostrū. Clariùs enim latina phrasi exponeretur sub vno & eodem casu. Interpres tamen fideliter verbum verbo reddens, Græci sermonis phrasim expressit, in quo aliquando antecedens relatiui casum imitari solet: ideo pro genitiuo casu accusatiuum posuit. Etiam si quædam exemplaria Græca hîc quoq; genitiuū casum habeant, tam in relatiuo, quàm in antecedente. Primò autē mentionem facit testamenti, secundò iurisiurandi, ordinem facti & historiæ secutus. Primū enim simplex pactum & foedus cum Abrahamo ictum est, Genes. cap. 17. Statuam pactum meū inter me & te, & inter semen tuū post te, in generationibus suis foedere sempiterno, vt sim Deus tuus, Et seminis tui post te. Deinde iusiurandū tū adiectum, cū noua fide & merito Abrahæ, offerētis Deo filium suum, erat prouocatus, iterum atq; iterum amorem & beneuolentiam suam Dominus Abrahæ probare volens, idem pactum repetit, non simpliciter iam, sed iuramento adiecto. Gen. 22. Per memetipsum iuravi, dicit Dominus, quia fecisti hanc rem, & non pepercisti filio tuo vnigenito propter me, benedicam tibi & multiplicabo semen tuum sicut stellas, & velut arenam quæ est in littore maris: possidebit semen tuum portas inimicorum suorum; & benedicentur in semine tuo omnes gentes terræ; quia obedisti voci meæ. Dei autem iuramentū, dicitur (teste Basilio) immutabilis eius sententia: an potius ipso Paulo, cuius verba sunt: Deus, inquit, abundantius volens ostendere pollicitationis hæredibus immobilitatem consilij sui, interposuit Abrahæ iusiurandum, ad Hebr. 6. Quærit autem D. Thomas, quomodo is ipse iurat, qui alios iurare prohibuit? Ego autem, inquit, dico vobis, ne iuretis omninò. An eam ob causam nos prohibemur iurare, ne peieremus, vtpotè mendaces & fallaces. Omnis siquidem homo mendax. Qui enim sæpè iurat, eum difficile est aliquando non peierare. Deus autem qui natura sua solus est verax, imò veritas sola, cū vt errare, falli ac decipi non possit; ita nec peierare: ideo nulla causa est, cur iurare non debeat. An potius recognoscenda, admiranda, & exosculanda est hac in parte Dei ingens misericordia, & humanitas, qui in tantum se iustorum causa demittere solet, vt non modò illos cognoscat, non modò illis benefaciat, nō modò pacta cum eis & conuenta ingrediatur, sed quod

amplius illorum causa iurare soleat. Et cum ceteri omnes per superiorem aliquem iurent; Deus promittens Abraham, ut inquit Paulus, quoniam neminem habuit, per quem iuraret maiorem, iuravit per semetipsum. Quemadmodum autem in veteri lege, ea quae promittebat Deus, homines tanquam debitum quoddam repetebant: ita longe magis in noua lege, ea, quae ex pacto nobis debentur, iure quasi nostro repetere videmur. Pactum est, qui dederit vas frigidae aquae, mercedem non amittet. Certum igitur est, non amissurum, non ex opere, sed ex pacto. Sic & illud: Si vis ad vitam ingredi, serua mandata Dei. Cuius pacti fiducia permotus Paulus sic dicit: Cursum consummaui, fidem seruauui; in reliquo reposita est mihi corona iustitiae, quam reddet mihi Dominus in illa die iustus iudex; non solum autem mihi, sed & his qui diligunt aduentum eius. Et ex parte quidem, Dei beneficiorum erga nos, istae causae sunt. Cantemus igitur cum Davide super misericordia & veritate eius, ne quando dicant gentes, ubi est Deus eorum? Misericordia & veritas obuauerunt sibi, iustitia & pax osculatae sunt. Clausula autem haec, Daturum se nobis, etsi recte ad superiora Dei beneficia referri possit, tamen & ad id quod proximè sequitur, non male refertur. Iusiurandum quod iuravit ad Abraham patrem nostrum, daturum se nobis, hoc nempè, ut sine timore de manu inimicorum nostrorum liberati, seruiamus illi. Quam distinctionem Graecus textus habet.

Notandum, morem esse sacrae scripturae, ut primo ea explicet, quae ex parte Dei sunt: deinde haec pie ex parte nostra sumuntur: quod idem nunc facit Zacharias. Explicauit magnifice causas eorum beneficiorum, quae pater omnipotens humano generi per filium suum praestitit: nunc ad eas explicandas se confert, quae ex parte nostra sumuntur: an potius finem ipsum explicat, ad quae ea omnia beneficia ab aeterno parente directae sunt, & à nobis dirigi debent; nempè ad illum, ut sine timore de manu inimicorum nostrorum liberati, seruiamus illi. Videtur autem Zacharias Spiritu sancto plenus, in omne posterum tempus, ad multorum obiectiones respondere, tam haereticorum, qui libertatem Christi in licentiam conuersuri erant, quam malorum Christianorum, qui dicturi erant: Quandoquidem hic tantus medicus caelitum nos inuisit, quandoquidem nos redemit, cornu salutis nobis erexit, salutem ipsam dedit; quid igitur nobis restat, quam ut liberè & lautè viuamus; quam ut carni, mundo, ac reliquis cupiditatibus nostris seruiamus, bibamus, & comedamus, tanquam cras securi, manibus Angelorum, clauis, & cruci Christi inferendi? Refutat hoc Zacharias, longèq; aliam mentem, & alium sensum Dei omnis sanctitatis & probitatis amatoris, dum haec tanta confert beneficia, fuisse testatur. Nos quidem liberatos esse; sed non à seruitute Dei, non à mandatis & praeceptis eius, non ab imperio ordinariae potestatis, non à sacris ritibus & caeremoniis, non ab Ecclesiastica obedientia; sed de potestate inimicorum nostrorum, de potestate principum tenebrarum, de potestate peccati, de potestate mortis. Neque ideo liberatos, ut flagitiosè & licentiosè viuamus, sed ut seruiamus illi, in sanctitate & iustitia coram ipso, omnibus diebus nostris. Quod pulchrè D. Paulus explicat: Cum enim serui, inquit, essetis peccati; liberi fuistis iustitiae. Ad Rom. 6. & ad Gal. 5. Vos in libertatem vocati estis fratres, tantum ne libertatem in occasionem detis carnis, sed per charitatem serui inuicem. Neq; verò qualemcunq; liberationem Dei nostri celebrat, sed eam, quae sine timore facta sit. Quod in duplici sensu usurpari solet: Primum in eo, quod ita liberati sumus, ut iam

amplius, timere nos, neq; liberari oporteat; vtpotè fracto & ligato inimico nostro; vtpote cornu salutis erecto, ad quod confugientes tuti & securi esse possimus. Tu ergo nō timeas, ait Dominus per Ieremiā, serue meus Iacob, neq; pau eas Israël: quia ecce ego saluabo te de terra longinqua, & semen tuum de terra captiuitatis eorum: & reuertetur Iacob, & quiescet, & cunctis affluet bonis, & non erit quem formidet. Quoniam tecum ego sum, ait Dominus, vt saluem te, Ieremiā 30. Sumitur & alio modo, nos sine timore liberatos: hoc est sine nostro metu, sine periculo, sine bello, sine vlllo labore nostro, ipso solo duce & liberatore nostro Christo Iesu pro nobis in curru Crucis sanctæ pugnāte ac dimicante. Cū enim nondum nati essemus, iam liberati, iam saluati fumus: tumq; mortua mors est, in ligno quando mortua vita fuit: & cū in eadem cruce idem ipse triumphator mortis, deleuit & conscidit, quod aduersum nos erat chirographum decreti, quod erat contrarium nobis: & ipsum tulit de medio, affigens illud cruci, & expolians principatus & potestates, traduxit confidenter palām, triumphans illos in semetipso, Ad Colos. 2. Duo siquidem genera victoriæ esse solent: alterum quidem sine multo metu, multoque labore: de quo illud, Salmacidæ spolia, sine sanguine & sudore: alterum genus victoriæ, quod etsi clarum & illustre sit, non tamen sine metu aut periculo parari solet. Insigni victoria Alexander Magnus de Dario potitus est, non sine tamē & suorū & suo incredibili metu & agonia. Vicerat aliquando Pyrrhus populum Romanum; sed ita, vt si illi pari pugna iterum esset vincendum; nullus in exercitu superstes remansisset. Vtroq; igitur sensu sine timore liberati fumus: & eo, quod iam nullus metus amplius nobis restat, nulla formido: & ita, quod id sine vlllo labore & periculo nostro consecuti fumus. Eòque longè illustrius & magnificentius hoc ipsum erga nos Dei beneficium conspicitur, vt, inquit, sine timore liberati, non hīc tamē consistamus: sed in sanctitate & iustitia seruiamus illi: non vno aliquo & altero tempore, sed omnibus diebus vitæ nostræ: non ad oculum tantum, & coram hominibus: sed coram ipso, cuius oculi cernunt & coronant omnem iustitiam, & quem nihil latet, & quem nihil effugit fictum: quomodo hic ipse Zacharias cum Elisabetha vxore sua, cum filio item recens nato, seruiuisse dicitur. Seruiamus autē illi, non vtcūq; neq; corpore externoq; cultu solo; sed tanto magis tota mente & animo, in sanctitate & iustitia, omnibus diebus vitæ nostræ. Est autē sanctitas erga Deū & parentes cultu & obseruantia, quando scilicet id illis offerimus, quod eis propriè debetur: mentem, inquam, & animam: corpus item, substantiam deniq; nostram: eaq; pura & immaculatè, iuxta illud Ciceronis, Cultum Deorū *De nat. 2.* immortalium esse optimum, eundemq; castissimum atq; sanctissimum, plenissimumq; pietatis, vt eos semper pura, integra, incorrupta & mente & voce veneremur. Nempe vt sit laus veri Dei secundum nomen eius, hoc est, ab omni vitiorum labe & iniquatione aliena. Iustitia autem est propriè erga proximos nostros, tūc cū suū cuiq; reddimus ac restituimus. Apertè itaque & breuiter, quomodo sit Domino seruiendum, designat: videlicet in sanctitate ac iustitia, & coram ipso, & omnibus diebus. Nam qui vel ante mortē ab eius seruitio discedit, vel immunditia qualibet siue iniustitia fidei suæ sinceritatē commaculat, vel coram hominibus tantum, & non etiam coram Domino sanctus perdurare contendit & iustus; necdum perfectè de manu spiritalium inimicorum liberatus, Domino seruit; sed exemplo veterum Samaritanorum diis gen-

tium pariter, & Domino seruire conatur. Hic igitur finis, hic scopus vniuersorum Dei erga nos beneficiorum, omnium Christi laborum & contentionum, vt sine timore de manu inimicorum nostrorum liberati, seruiamus illi, in sanctitate & iustitia coram ipso, omnibus diebus nostris.

Notandum, iustitiam Christianam in atomo non consistere; sed habere 93 suum *πλάτος*, hoc autem est latitudinem, partes, & species suas, inchoationes, progressus, & perfectiones: vt sit quædam prima, quæ designatur apud D. Lucam per stolam primam: apud D. Ioannem, per resurrectionem primam: Beatus, inquit, & sanctus, qui habet partem in resurrectione prima, Apocal. 20. Quædam secunda iustitia, de qua Paulus Ephes. 4. Qui furabatur, iam non furatur; magis autem laboret operando manibus suis quod bonum est, vt habeat unde tribuat necessitatem patienti. Habet item gradus & profectus suos: Qui, inquit Apostolus, Apocal. 22. iustus est, iustificetur adhuc: & sanctus, sanctificetur adhuc. Habet & perfectionem, Matthæi 19. Si vis, inquit, perfectus esse, vade vende omnia quæ habes, & da pauperibus, & veni sequere me. Quod quidē cum aliis sæpè clarè, tūm ex hac Zahariæ oratione euidentissimè demonstratur: Vt sine timore, inquit, de manu inimicorum nostrorum liberati. Prima hæc est iustitiæ pars & inchoatio, gratuita, sine merito, sine iure: Cum qua tamē quis, si amplius progredi non possit, saluus efficitur: iuxta illud Marci 16. Qui crediderit & baptizatus fuerit, saluus erit. De hac iustitia Paulus, cum dicit, Gratia Dei nos saluatos esse, per fidem, & hoc non ex nobis, Dei enim donum est, non ex operibus: vt ne quis gloriatur. Si enim ex gratia, quomodo ex merito? De hac eadem illud intelligit, Abraam patrem nostrum ex fide iustificatum, non ex operibus. De hac eadem illud de Iacob & Esau, qui cum nondum nati fuissent, aut aliquid boni egissent aut mali, vt secundū electionem propositum Dei maneret, non ex operibus, sed ex vocante dictum est ei, quia maior seruiet minori. Sicut scriptum est: Iacob dilexi, Esau autem odio habui. Atq; hæc est prima iustitia seu potius prima iustitiæ pars: illa secunda, vt seruiamus illi in sanctitate & iustitia coram ipso omnibus diebus nostris. De qua illud psalmo 14. Qui ingreditur sine macula, & operatur iustitiam, &c. Et 1. Ioan. 3. Qui facit iustitiam, iustus est. Et Matth. 25. Qui bona egerunt, ibunt in vitam æternam: qui verò mala, in ignem æternum. De hac eadem D. Iacobus: Abraham pater noster, inquit, nonnè ex operibus iustificatus est, offerens Isaac filiū suū super altare? Cuius vtriusq; iustitiæ, quasi exemplum quoddam proponit ipse Zacharias, eos, qui ab hostibus liberantur & profugiunt: qui cum primò hostes sunt, atq; inimici, vbi primū ad castra nostra profugiunt, Imperatori sistuntur, fidem dant, sacramento militari solidantur: tūm iam iusti efficiuntur, ciues, milites appellantur, & sunt: hæc q; est illorum quasi prima iustitia, vtpotè qui iam gaudeant omnibus priuilegiis, omnibus commoditatibus, & emolumentis illius, in quā adscripti sunt, militiæ. Neque tamē ad reliquā militiā hoc satis est, sed opus est vt arma sibi comparent, vt eos ipsos hostes à quibus sint liberati oderint caueant, cum eis congrediantur, vt fudent & laborent, vt vulnera & cicatrices referant, vt pugnent & vincant: hæc q; eorum secunda erit iustitia. Idem nobis euenisse testatur Paulus: Qui cum, inquit, inimici essemus, reconciliati sumus Deo per mortem filij eius, ad Rom. 5. Et ad Titum 2. Apparuit gratia Dei saluatoris nostri omnibus hominibus, erudiens nos,

ens nos, vt abnegantes impietatem & secularia desideria, sobriè & iustè & piè viuamus in hoc seculo, expectantes beatam spem, & aduentum gloriæ magni Dei. Quod idem in ipso Paulo apparuit: Inimicus erat, ruebat, Christū persequebatur, inimicus de cælo vocabatur: Saule, Saule, quid me persequeris? fit subito amicus: Domine, inquit, quid me vis facere? Mittitur in castra, ibi sciturus quid illum oporteat facere: Cuius efficitur amicus, fit vas electum. Consistit nè hîc? Nequaquam: Sed quid dicat audiamus: Gratia Dei sum id quod sum, & gratia eius in me vacua non fuit, sed abundantius illis omnibus laboraui. Non ego autem, sed gratia Dei mecum 1. Cor. 15. Atq; hæc est vera & perfecta totius iustitiæ Christianæ imago, vt scilicet sine timore de manu inimicorum nostrorum liberati, seruiamus, illi in sanctitate & iustitia coram ipso omnibus diebus nostris. Atq; hîc ruunt & liquefcunt tam veterum hæreticorum errores, quàm huius seculi turbatorum figmenta & opiniones. Arbitrabatur Cerinthus, sola fide hominem iustificari, ex ipsa sola gratia Dei omnem iustitiam nostram dependere. Vera oratio, si primam iustitiam sumas, vbi scilicet de manu inimicorum nostrorum liberamur: hoc solius gratiæ est, hoc fides sola apprehendit. Turbabat hoc eodem modo Germaniam Lutherus, Caluinus, & cætera improborum manus: Sed eodè lapsu ex hoc loco cadit, & cæditur. Putabant Nouatiani, Pelagiani, putant etiam nunc Anabaptistæ, virtute liberi arbitrij nostri, solis item bonis operibus nos iustos effici: atqui & hoc ad eam tantum partem iustitiæ refertur, vt seruiamus illi in sanctitate & iustitia: coram ipso tamen, vt gratia Dei nobiscum la-
94 bore, & ad maiora perfectioraq; nos prouehat.

EXtremam igitur hæreses sequitur partem, vnā amputant, reliquā negligunt. Iustitia plena est, quam Zacharias nunc confitetur, vna, sancta, catholica Ecclesia sequitur: Vt sine timore de manu inimicorum nostrorum libera-
95 ti, seruiamus illi, in sanctitate & iustitia coram ipso, omnibus diebus nostris.

NOtandi autē sunt hoc loco fructus gratiæ, ac meriti mortis sacræ: quorum primus est, libertas. Fructus, inquit Paulus, spiritus, est libertas. Et hoc loco: vt sine timore de manu inimicorum nostrorum liberati, seruiamus illi. Secundus fructus, seruitus Dei, quæ non modò cum libertate non pugnat, sed eò magis Regem facit. Vnde Ecclesia supplex Deum affatur: Deus, cui seruire, regnare est. Et hoc loco, vt sine timore liberati, seruiamus illi. Tertius fructus est, exclusio timoris: Vera, inquit scriptura, charitas, foras mittit timorē. Neq; cuiusuis timoris: initium enim sapientiæ, timor domini est: sed eius tantū, qui mundi timor est, qui seruilis timor est, qui timet vbi timendum non est, qui fugit nullo persequente. Nam timor Domini sanctus est, permanens in seculum seculi, vt inquit Dauid. Et hoc loco, vt sine timore de manu inimicorum liberati. Quartus gratiæ fructus, vita munda & sancta; iusta item & honesta, cum, inquit: Placuit ei qui me segregauit ex vtero matris meæ, & vocauit per gratiam suam, vt reuelaret filium suum in me, vt Euangelisem illum in gentibus, continuo non acquieui carni & sanguini, ad Galatas 1. Et hoc loco seruiamus illi in sanctitate & iustitia coram ipso omnibus diebus nostris. Quintus gratiæ fructus, exclusio omnis fictionis ac hypocriseos: Spiritus enim sanctus disciplinæ, effugiet fictum. Vnde illis qui Spiritu sancto repleti sunt, dictū est: Estote prudentes, sicut serpentes, & simplices sicut columbæ. Et hoc loco: In sanctitate & iustitia coram ipso, quem omnis simulatio & fictio fugit.

Nam homines ut fallere ac decipere, ita itidem falli ac decipi possunt. Cum autem dicit Zacharias, coram ipso; non id agit, quod excludere velit, ut non etiam coram aliis hominibus elucescat sanctitas & iustitia nostra: cum alio loco dicat: Sic luceat lux vestra coram hominibus, ut videant opera vestra bona, & glorificent patrem vestrum qui in caelis est. Sed hoc vult, ut non tantum coram hominibus, quibus facile imponi potest, boni apparere velimus; sed longè magis coram Deo: & ut sic opus sit in publico, quatenus intentio maneat in occulto. Sextus & ultimus fructus est gratiae Dei, donum perseverantiae: non enim qui inceperit, sed qui usque in finem perseverauerit, hic saluus erit. Ut non in pueritia tantum, aut in iuuentute boni simus; sed ut per omnes actus vitae nostrae innocentiam & sanctitatem conseruemus: ut non ad senectutis ultimos dies correctionem nostram reseruemus, quae incepta est; sed iam ab adolescentia id iugum domini ferre discamus. Bonum enim est viro, cum portauerit iugum ab adolescentia sua. Ut non quadragesimam solam expectemus, aut hebdomadam sanctam, sed omnibus diebus nostris: ut liberè cum Zacharia dicere possimus, seruiamus illi in sanctitate & iustitia coram ipso, omnibus diebus nostris. Qui igitur hos tales fructus in se sentit, hic de gratia Dei praesenti sibi polliceri potest. Qui autem aliquid contrarium sentit, hic petat à Domino, ut spiritu gratiae eius repleatur.

Notandum autem & illud, Plurimum distingui, longèq; perfectiorem esse 96 se gratiam nouae legis ab ea, quae fuit veteris legis. Illic enim cum de manu inimicorum nostrorum nondum essemus liberati, ideo sine timore illi seruire non potuimus. Eramus enim serui, non filij. Sed neq; tantoperè in iustitia & sanctitate, sed in multitudine victimarum & holocaustorum potius: & ideo non tam coram Deo, quam coram hominibus. Sed nec omnibus diebus nostris, sed diebus tantum à lege praescriptis. Benedictus igitur Dominus Deus Israël, quia visitauit & fecit redemptionem plebi suae.

Notandum: Celebratis Zacharias erga nos beneficiis Dei, ad filium se 97 confert, ad eumq; sermonem suum conuertit, eumq; alloquitur: non tam filij causa, quam eorum, qui tantum circūcirca astabant: an potius nostri omnium causa. Quamuis enim ipse filius vocē patris poterat audire, inquit Ambrosius, qui Mariae salutationē antequā nasceretur audiuit, & qui ad eius vocē in utero exultauit: verisimilius est tamen hanc omnium causa dici, quam ipsius modò nati infantis. Cum igitur multa & mirabilia Dei in genus humanum beneficia recepisset venerabilis senex; ne id quispiā in eam partem interpretetur, quasi hanc natiuitatem filij sui consequi debeāt, aut quasi tantorum bonorum filius suus causa sit: ideo ostendit, quis & qualis sit filius eius, qua functione fungatur, cui seruiat. Non illum esse Dominum, sed prophetam Domini: non ipsum esse Regem, sed praecursores magni Regis: non ipsum esse lucem, sed qui testimonium ferat de lumine. Concipit autem animo, Christum Dominum verum regem esse: Ioannem autem praecursores eius, magistrum curiae eius. Cuius duplex sit functio, Regē, ubi sit, demonstrare: ac deinde omnia illa impedimenta, quae Regis aut aspectum, aut progressum impedire possint, remouere. Hūc igitur talem virum filium esse, ostendit Zacharias. Non tamen, inquit, fili mi, altissimus eris: sed propheta altissimi, sed praecursor & magister curiae eius, utpotè qui praeparabis vias eius. Neq; tu eris salus populi tui, sed tantummodo instrues

instrues populum, ad scientiam salutis huius: neq; tu peccata dimittes, sed eā doctrinam dabis, quæ pertinebit ad remissionem peccatorum. Summa igitur totius apostrophes Zachariæ ad filium hæc est, eius differentiam ad eum qui venturus erat constitui: ac deinde locū eius proprium ac officiū demonstrari.

98 **N**otandum, Totam προφησίαν, siue allocutionem, qua Zacharias filium suum alloquitur, de illóq; ventura prædicit, quatuor quasi contineri membris, ita vti & in sacris scripturis legitur, & ab Ecclesia catholica decantatur. Primum membrum dignitatem & functionem pueri explicat, eum scilicet esse prophetam altissimi, & quod nondum videre poterat, plusquam prophetam. Secundò, non qualemcunq; prophetam, sed illum qui proximè præiturus erat ante faciem Domini. Nam cæteri prophetæ, longè quasi à tergo salutabant & prædicabant hæc talia bona. Tertium autè est, quod addit, eum ad eam rem præitutum, ad parandas vias ante faciem eius: qua ratione illi parare solent, qui Reges & Principes antecedere, illisq; locum, & cætera necessaria præparare solent. Ita autem huius primi membri particulæ inter se cohærent, vt ex prima secunda, ex secunda tertia dependeat. Nam prophetæ est præire & prædicere: prædicentis est & præeuntis, parare vias. Secundū membrū est, quod ea, quæ subobscurius & per metaphorā superiùs dicta sunt, clariùs & euidentius interpretatur. Nam cū dubitari poterat, quid hoc sit, parare vias Domini, ideo id clariùs explicatur, Ad dandam scientiam salutis plebi eius, in remissionem peccatorum eorum: In quo quatuor explicat. Primum scientiam docet daturum fuisse: Deinde quam & qualem scientiam, quòd non astrorum, non Medicinæ, non Philosophiæ; sed scientiam salutis venturæ, nempe Christum Iesum: Tertiò, cui daturus erat eam scientiam, quòd scilicet plebi eius: Vltimò ad quem finem, in remissionem, inquam, peccatorum eorum. Tertium membrum illud explicat, qua tandem præcipua causa impulsus Deus omnipotens tantam salutem generi mortalium missurus erat, non aliam nempe ob causam, nisi per viscera misericordiæ Dei nostri, in quibus visitauit nos oriens ex alto. Quarta & vltima propositio est, ad quem tandem vltimum finem hæc ipsa viscera se effuderint, aut hic ipse oriens sol mundo apparuerit: illuminare nempe his, qui in tenebris & in vmbra mortis sedent, eo fine, vt dirigantur pedes nostri in viam pacis.

99 **N**otandum autem est circa primū membrorū, à Zacharia futurū Messiam, contra omnem Iudaicam & Arianam perfidiam, Deum altissimum vocari. Et tu puer propheta altissimi vocaberis. Qui non solius Zachariæ tantū sensus fuit, sed & aliorum multorum. Quod similiter canticum Simeonis, & aliorum posteriora scripta declarant. Quemadmodum autem de futuro Messia sublimius quàm cæteri omnes locutus est, ita de filio humillimè. Cū enim illum, alij quidem Angelum, alij Eliam dixissent, cū plusquàm prophetam, cū maximum inter natos mulierum Saluator dixerit, ipse simpliciter prophetam appellat: vt illud doceat, de nobis rebusq; nostris humiliter esse sentiendum, & humiliùs prædicandum. Obseruandum & illud, præiuisse Ioannem ante faciem Domini, primū tempore, vtpotè, ante quē sex totis mensibus sit natus. deinde exemplo, vtpotè qui similiter, vt Christus Dominus, erat in desertis, vsq; ad diem ostensionis suæ in Israël: vltimò voce, dum eum digito demonstrat, Ecce agnus Dei, qui tollit peccata mundi. Quod autem dicit, viam illum Do-

mino

mino præparaturum, id illustrius infra idem Lucas ex Isaia interpretatur: Et venit, inquit, in omnem regionem Iordanis prædicans baptismum pœnitentiæ, in remissionem peccatorum: sicut scriptum est in libro sermonum Isaia prophetæ. Vox clamantis in deserto, parate viam Domini, rectas facite semitas eius. Omnis vallis implebitur, & omnis mons & collis humiliabitur: & erunt praua in directa, & aspera in vias planas: & videbit omnis caro salutare Dei.

NOtandum, circa secundum membrum, nomen scientiæ aliquando communiter pro omni doctrina, & instructione sumi: quomodo hoc loco, Ad dandam scientiam salutis. Neq; enim alio modo debebat parare vias Domino hic ipse puer, quam per doctrinam & instructionem: cum reliquas vias miraculorum, curationum, eiectionis dæmonum, sibi, Apostolisq; suis Dominus reseruauerit. Et ideo Ioannes præco, tuba, vox appellatur: quæ omnia ad cohortationem & doctrinam referuntur. Quæ omnia vtinam imitentur illi, quibus per prophetam dicitur: Labia sacerdotis custodiunt scientiam: & per ipsum Dominum: Euntes in mundum vniuersum, prædicate Euangelium. Obseruandum etiam & hoc, quod Ioannes non venerat ad dandam scientiā, aut earum rerum quæ ante creationem mundi fiebant, aut quæ in paradiso priusquam homo peccasset acta sunt, aut de modo intelligentiarum & orbium cælestium, aliarumq; rerum quæ supra nos sunt, & quas Deus in scripturis suis reuelare voluit, sed ne ipsius quidē legis, tantò minùs aut Aristotelicæ aut Platonice Philosophiæ: Sed, ad dandam scientiam salutis, hoc est, viā ducentis ad salutem, hoc autem est Christi Iesu, qui est via, veritas & vita: & quem solum se scire profitetur Paulus. Quod item imitari debent & alij Christi præcones, quibus parum docta & salutaris concio videtur, nisi quid de speciebus & formis separatis, aut ex Platone, aut ex duodecim Metaphysices protulerint. Obseruandum tertio, eam scientiam D. Ioannis propriè ad Iudæos relata fuisse, ex quibus, & quibus quasi solus esse natus videbatur Ioannes. Nam ea reuelatio & scientia, quæ gentibus promulgari debuit; Christo Domino, & eius Apostolis, eorumq; successoribus seruabatur, qui primi illam vocem audiuerunt. Euntes in mundum vniuersum, prædicate Euangelium omni creaturæ. Et proinde dicit Zacharias, Ad dandam scientiam salutis plebi eius. Vltimò autem circa eundem locum notandum est, eam scientiam, neq; ad splendorem aliquem, neq; ad curiositatem referri debuisse, sed ad solam peccatorum remissionem, qui verus & proprius est apparatus ad suscipiendum Christum, siue in carne, siue in eucharistia. Huius autem basis & summum fundamentum est pœnitentia: quæ prima vox fuit Ioannis in mundo: Pœnitentiam agite, appropinquauit enim regnum cælorum. Et, facite dignos fructus pœnitentiæ. Et hoc est quod dicit Zacharias, Ad dandam scientiam salutis plebi eius, in remissionem peccatorum eorum.

NOtandum, In tertio membro medium & causam efficientem, tam eius remissionis peccatorum, quam annunciabat, & ad quam viam præparabat Ioannes, vt & reliquorum omnium donorum, hoc loco poni, Viscera, inquam, misericordiæ: non superficiem aliquam misericordiæ, non carnem solam, sed ipsa intima viscera misericordiæ Dei nostri. Nam reliquæ misericordiæ partes, apparuerunt in alijs beneficijs Dei, in productione, inquā, mundi, in creatione hominis,

hominis, in deductis diluuij aquis, in promissis datis, in lege lata: at viscera ipsa in ortu ipsius vnigeniti, in eructato verbo bono, germine cordis paterni apparuerunt. Sic enim Deus dilexit mundum, vt filium suum vnigenitum daret, vt omnis qui credit in illum non pereat, sed habeat vitam æternam. Per viscera misericordiæ Dei ista omnia euentura erant, quæ prædixit Zacharias: in quibus visitauit nos oriens ex alto. Vbi circa nomen Orientis notandum est, Latine quidem participialiter poni, pro dum oritur ex alto, non alius quàm verus Messias, quàm verus sol mundi & iustitiæ; Græcè tamen oriens nomen est ἀναστῆναι, sensumq; constituit: Per viscera misericordiæ Dei nostri, in quibus visitauit nos oriens ex alto. de quo Oriente propheta, Zacharias in primis: Ecce *Zach. 3. 8.* ego, inquit, adducam seruum meum Orientem. Et paulò post: Ecce vir Oriens nomen eius. Et Malachias: Et orietur vobis timentibus, nomen meum, sol iustitiæ. Vnde Manichæi falsò colligebant, Christum Dominum esse solem huius mundi, hunc, inquam, visibilem. Quos copiosius eo nomine refutat D. Augustinus. Huius Orientis motus pulchrè in figura huius visibilis solis, explicat Dauid: A summo, inquit, cælo egressio eius, & occurfus eius vsq; ad summum eius, nec est qui se abscondat à calore eius. De huius Orientis aduentu multa præclare prædixerunt propheta: Post hæc in terris, inquit Baruch, visus est, & cum hominibus conuersatus est. Et Ieremias: Quare tu quasi colonus futurus es in terra, & quasi viator declinans ad manendum? Vnde primò Ariana impietas refutatur, qui verum hunc Deum per omnia patri æqualem negant: cùm Zacharias in hoc Ortu viscera Dei nostri compellat & usurpet. Sed eò magis Ebion, qui Christum Dominum nō de cælo venisse, sed tum demum cœpisse, vbi ex Maria conceptus est, impudenter contra Zachariæ canticum mentitur. Hic enim clarè testatur, nos hunc Orientem visitasse ex alto. Per viscera igitur misericordiæ Dei nostri hæc tanta consecuti sumus beneficia, in quibus nos visitauit Oriens ex alto.

102 **N**otandum circa vltimum membrum cantici, Primos homines parentes nostros, in vero & perfecto lumine gratiæ Dei constitutos fuisse tantisper, dum præuaricarentur: at vbi ab astutissimo serpente sunt decepti, vbi in potestatem eius venerunt, statim in cœcitatem quandam mentis & animi incidisse, ac in tenebrosam quandam carcerem foedumq; à potenti hoste coniectos, ac in illo inclusos: Neq; tamen sic penitus sine vllò lumine à misericorde patre relictos fuisse: ac in solem quidem illos statim eductos non fuisse; sed, quod vinctis & incarceratis fieri solet, lucernas quasdam atq; modicas faculas accensas, primum luminis naturalis, philosophiæ item, legis denique. In quibus luminibus etsi ipsum carcerem, & ea quæ in ipso erant, aliquo modo videre potuerunt; ea tamen quæ aut extra aut supra carcerem erant, nequaquam prospicere potuerunt. Et de natura quidem ac de moribus aliquid pronuntiare poterant; de cælo tamen futuraq; vita nihil distinctè, nihil certò affirmare potuerunt. Et quamuis in aliquo lumine essent, in tenebris tamen erant, diem non videbant. Vt enim etsi omnes luceant stellæ (vt scribit Clemens Alexandrinus) dies tamen non est, nisi sol oriatur: ita etsi tum lucebant, patriarchæ, propheta, philosophi multi, dies tamen nō fuit, prius quàm cælitus oriretur hic ipse Oriens, quem nunc celebrat Zacharias. Qui eo fine ortus est, vt illuminaret his, qui in tenebris & in vmbra mortis sedebant, ad dirigendos pedes nostros in viam pacis.

pacis. De qua illuminatione futura multa multi prædixerunt prophetæ. In primis autem Isaias: Populus qui ambulabat in tenebris, vidit lucem magnam: habitantibus in regione vmbre mortis, lux orta est eis. Isaiæ 9, Et, Surge illuminare Ierusalem, quia venit lumen tuum, & gloria Domini super te orta est: & ambulabunt gentes in lumine tuo, & Reges in splendore ortus tui, Isaiæ 60. Debebat autem hæc ipsa lux nos illuminare, non ad vanas & curiosas quæstiones, non ad multiplices & varias opiniones, non ad perscrutationem maiestatis, non ad astutias & calliditates; sed ad dirigendos pedes nostros, hoc est in recta via constituendos, in viam pacis. Pacis, inquam, æternæ, pacis cum Deo, pacis cum angelis Dei, pacis conscientiarum & cogitationum nostrarum, pacis inter nos mutuarum. Quod pulchrè interpretatur Psaltes, Lucerna, inquit, pedibus meis verbum tuum Domine, & lumen semitis meis: nimirum ut dirigantur in viam pacis. Et alio loco: utinam dirigantur viæ meæ, ad custodiendas iustificationes tuas. Distinguit autem hoc loco Zacharias tenebras ab vmbra mortis, ut tenebræ quidem ad eam ignorantiam, in quam post peccatum parentis nostri inciderunt, referantur: Vmbra autem mortis ad ipsum peccatum, quod tanquam vmbra quædam antecedens mortis est. Stipendium, inquit Paulus, peccati mors. Quarum tenebrarum an non evidens etiam documentum fuit, tanta multitudo Deorum, & eorum imbecillitas, qui vni calamo frumenti tot Deos præficiebant, ut alius quidem aristis, alius ipsi spicæ, alius culmo, alius radici præesset: ac si vnus totum calamum tenere & gubernare non posset. Fæditas item: quid enim aut tam turpe, aut tam vitiosum, aut tam flagitiosum erat, quod illi inter Deos non retulissent? Quid vita & mores quales? monstra hominum potius quam homines eos ipsos, qui duces cæterorum esse debebant, diceres. Quæ omnia D. Paulus in Epistola ad Romanos latè persequitur: & liber Sapientiæ cap 13. 14. 15. 16. Obseruandum autem est, quàm stultè illi agant, qui de Deo rebusque diuinis, de Christo eiusque mysteriis, aut ex lumine rationis, aut ex philosophia, aut ad extremum ex lege decernere, aut iudicium ferre volunt: cum hæc candelæ quædam & faculæ potius obscuræ, carcerem tantum huius mundi aliquantum illuminantes fuerunt, quàm vera lux. Ex quo genere omnes ferè hæretici sunt, & fuerunt semper. Quas turbas nunc sacramentarii dederint, quantum incendium orbis ex his faculis excitârint, sentimus. Sed & Petrus aliquando his faculis clarus esse voluit, cum Christo dixit: Absit hoc à te Domine: & ideo ad tempus reiectus fuit. Illi item Capharnaitæ, qui dixerunt, quomodo hic potest nobis carnem suam dare ad manducandum? In naturæ inuestigatione, in moribus, rebusque publicis constituendis; valent aliquantulum hæc faculæ, non in mysterijs diuinis explicandis: Sed Diabolus ibi luminibus his utitur, vbi non opus est. Vbi autem opus est, ea penitus negligit. Benedictus igitur Dominus Deus Israël, quia visitauit & fecit redemptionem plebi suæ: & illuminauit his, qui in tenebris & in vmbra mortis sedent, ad dirigendos pedes nostros in viam pacis.

NOtandum, vsitatum esse sacræ scripturæ, pueritiam, & alias partes vitæ ¹⁰³ sanctorum, quæ ad functionem & officium eorum non pertinerent, scripturam vel prætermittere, vel admodum paucis explicare, non aliam ob causam, nisi ut ostendat, hæc scribi neque curiositatis causa, neque tantopere historiæ, quàm necessitatis & salutis: ad quam, quæ non pertinent, ea facile prætermittere solet.

solet. Quod & antea in vitis prophetarum, & nunc in tota iuuentute Ioannis, & post in Christi Domini vita facit. Puer autem crescebat, & confortabatur Spiritu, & erat in desertis, usque in diem ostensionis suae ad Israël.

104 **N**Otandum, Domum Ioannis fuisse honestissimam, parentes ambos iustos, non tantum coram hominibus, sed ante Deum etiam, disciplinam domesticam pudoris & verecundiae officinam: nihilominus Ioannem iam puerum illam deserere, in illa versari nolle: eremum, ubi & caelum apertius, & familiarior Deus esset, persequi: ut illud doceat, eos qui Deo perfecte seruire volunt, in primis omnia sua deserere debere, iuxta illud: Si quis venit ad me, & non odit patrem suum, & matrem, uxorem, & filios, & fratres, & sorores, & domum, & agros, adhuc autem & animam suam, non potest meus esse discipulus. Et ne leui saltem (ut canit Ecclesia,) maculare vitam famine possit: & ut ostendat praecursoris ac concionatoris vitam, non modo ab omni vitae lae-be, sed etiam ab omnibus occasionibus peccati ac suspitione ipsa liberum esse debere. Nos in medijs gregibus mulierum sancti, innocentes, Prophetæ, Doctores, & quid non esse volumus. Sed & ad libertatem futuri concionato-ris pertinebat, nullis amicitijs, nullis hominum gratijs & beneficijs obligari: nec prius operam suam alicui prestare, quam Christo. Erat, inquit, in desertis, usque in diem ostensionis suae ad Israël.

105 **N**Otandum, Praecursorem illius, qui non habiturus erat, ubi Caput reclina-ret suum, sine domo item & loco esse oportuit, deserta persequi. Contraria omnia docet & fabulatur de Ioanne haeresis.

106 **N**Otandum generosum animum, & filij, & parentum. Filij quidem, quem affectus parentum detinere non potuit, quominus ducem Spiritum sequeretur, qui eum ad solitariam vitam inuitabat. Parentum vero, qui vnici filij, eiusque in senectute geniti, priuari se consuetudine passi sunt, cum cernerent Dei nutu fieri, ut ad solitaria, & horum consuetudine destituta loca pergeret. Quo magis reprehendendi illi sunt, qui tum demum se amittere putant filios, cum eos cernunt duce spiritu, vitae huius illecebras, spes, honores, gloriam sperne-re, & se Deo dicare velle.

Caput I I.



NO T A N D U M, Christi Domini in carnem nostram aduentus, inter cæteras causas, hanc vnã non postremam fuisse, ut nos à fastu & superbia mundi penitus auelleret, ac ad cælestia gaudia vni-uerfa desideria nostra, studia item transferret, ac reuocaret: ut ibi nostra fixa sint corda, ubi thesaurus noster, ubi deliciae nostræ, ubi vera sunt gaudia. Neque enim alio modo possibile fuit, in hominibus cælestia desideria accendere, nisi quis primò mundi fastum, superbiam, arrogan-tiam conculcasset. Hoc igitur Christus Dominus faciendum sibi nostra causa, vniuerfa primùm vita sua, deinde tota doctrina, putauit: in forma Dei existens, humiliavit semetipsum, formam serui accepit, in similitudinem hominum fa-ctus, & habitu inuentus ut homo, ut infans, ut vagiens. Huius autem humi-liationis suae initium & fundamentum in sua natiuitate iacere voluit; ut qui

Ppp

ab æter-

ab æterno fuerit magnus in maiestate sua, idē sub tempore esset admirabilis in humilitate sua: non minusque Deum admiremur in humilitate sua, quam eundem admirabatur mundus in eius magnitudine, illudq; exclamemus: Non minor es, Domine, in isto præsepio tuo, quā semper fuisti in throno maiestatis tuæ: nec minor inter bouem & asinum, halitu illorū fotus & calefactus, quā super Cherubim alis illorum vndiq; tectus. Huius humilis natiuitatis historiam nunc D. Lucas proponit & texit, quam ex omni parte auget & miratur. Tempore primū, quod hybernum: quod census & subiectionis est, parentū, fabri & eius coniugis: conditionis, viatorum, & peregrinantium: loci, vilis oppidi, & illud præsepj: modi generationis, in via & hospitio: solitudinis, vbi iumenta sola fuerunt, & pōst aliquot pastores accurrerunt. Circa quæ singula, Dei adiutorio, aliqua annotemus. Satis nos diuites fore credentes, si præsepe Domini vtcunq; cum eodem Euangelista prædicauerimus.

Notandum, primū in tempore ipso natalis tanti Regis, illud quod natura est, considerari. Hoc quidem tale fuit, quo nihil est humilius, nihil molestius, nihil ignauius, bruma ipsa, & glacialis hyems canos hirsuta capillos: & qua tunc omnia in orbe terrarum frigebant. Nox item, in cuius medio nasci voluit, iuxta illud: Dum medium silentium tenerent omnia, & nox in suo cursu medium iter ageret, omnipotens sermo tuus Domine, à regalibus sedibus venit. Deinde quod fortunæ: sed & hoc ipsum vile & abiectum, subiectionis & tributū. Primo suo ortu, capite censetur: Deus fit tributarius, Dominus omnium: atq; ob nostri liberationem seruitio subditur. Etsi autem vel ea causa, eius, inquam, humilitatis declarandæ gratia, tam exacte tanti Regis natale tempus describit Euangelista; tamen eiusdem rei multæ & aliæ sunt causæ. Primæ autem illæ & præcipuæ, quod Euangelista verisimilem facere volens narrationem suam, Christi q; in carnem aduentum, ostendit hoc tale tempus fuisse, quo, & qualis, futurus Messias aduenturus erat. Nam cum moriturus Iacob prædixisset, non auferendum esse sceptrū de Iuda, nec ducem de femore eius, donec veniret Silo, siue sanctus sanctorum, siue qui mittendus erat. hoc tale tempus fuisse describit Euangelista, vbi iam ablatum erat sceptrum de Iuda, & dux de femore eius. Romanus Imperator iura dabat, populum conscribebat, tributū iubebat, præfectum Romanum præficiebat: vt inde clarè demonstraretur, hoc tempus aduenisse, in quo Messias aduenire debuerat; & in quod idem natiuitas eius inciderat. Prædictū deinde fuit, Regem Messiam magna orbis pace & tranquillitate nasciturum. sic enim David: Orietur in diebus eius iustitia & abundantia pacis, donec auferatur luna: & dominabitur à mari vsq; ad mare, & à flumine vsq; ad terminos orbis terrarum. Et Isaias: Conflabunt, inquit, gladios suos in vomeres, & lanceas suas in falces: non leuabit gens contra gentem gladium, nec exercebuntur vltra ad prælium. Domus Iacob venite, & ambulemus in lumine Domini. Quod tale tempus tum fuisse, ostendit Euangelista, dum Augustus Cæsar pacato foris & intus orbe terrarum, Iano clauso, eundem orbem, eiusq; ciues conscribi, ac tributum pendere iussit: vt quemadmodum vrbs ipsa singulis quinq; annis censebatur, eodem modo orbis terrarum, tamquam vna vrbs, per prouincias tamquam familias censetur. Quem postea quadraginta totis legionibus per vniuersas prouincias distributis, in quiete & pace tenuit: vt inde euidenter Euangelista ostenderet, iam tum

iam tum verum Salomonem, verum Regem pacis nasci debuisse, atq; adeò natum esse. Et præsentis quidem negotij causæ Euangelistæ fuerunt, tam diligentis descriptionis huius census, & huius Augusti facti. In futurum autem voluit ostendere, hanc totius mundi sub Augusti potestate subiectionem, nihil aliud significare, quàm illud regnum futuri Messia, de quo prædixit Daniel, quod item debebat occupare orbem: & quòd iste temporalis Augustus, vir ethnicus, & harum rerum ignarus, dum aliud cogitaret, huic nostro Augusto, à quo omnes prosperi & secundi successus profluunt, præparabat, eiusq; ad eam rem quasi minister fuerat. Multa enim ab hominibus, atq; à principibus præsertim fiunt, quæ non ante, duce Dei Spiritu, facta fuisse intelliguntur, quàm rerum exitus illa demonstret. Quod disertissimè explicat Diuus Ambrosius. Deniq; ut scias, inquit, censum non Augusti esse, sed Christi, totus orbis profiteri iubetur. Quando nascitur Christus, omnes profitetur: quando mûdus concluditur, omnes periclitantur. Quis ergo poterat professionem totius orbis exigere, nisi qui totius orbis habebat imperium? Non enim Augusti, sed Domini est terra, & plenitudo eius; orbis terrarum, & vniuersi qui habitant in eo. Gotthis non imperabat Augustus, non imperabat Armeniis, imperat Christus. Acceperunt utiq; Christi censores, qui Christi Martyres ediderunt. Et ideo, inquit, fortassè nos vincunt, ut præsentia docent, quoniam quem illi oblatione sanguinis fatebantur, huic Ariani quæstionem generis inferebant. Quod idem ipse Augustus præfatio quodam, non sine cælesti inspiratione demonstrabat, qui eodem ferè tempore edictum dederat, ne quis se amplius Dominum appellaret, quòd scilicet aliquis verus & solus Dominus iam præ foribus erat. Designare item idem Euangelista voluit futuræ Ecclesiæ Dei statum, per vniuersum orbem terrarum fusæ: quem pulchrè exemplo vitis David adumbravit: Extendit, inquit, palmites suos vsq; ad mare, & vsq; ad flumen propagines eius. Quod latius D. Ambrosius explicat: Professio ista, inquit, census est animorû. Abolita enim Synagoga censu vetusto, nouus census Ecclesiæ parabatur, qui tributa non exigeret, sed auferret: & spiritualiter in typo plebs sua iam Christo nomina conferebat. Non hîc spatia terrarû, sed mentium animorumq; censentur: nec describuntur limites, sed proferuntur: nec ætas vlla distinguitur, sed omnis adscribitur. Voluit autem Deus omnipotens, hunc suum super Sion constituendum regem sub censum venire Cæsaris, eas ob causas, quas pulchrè explicat Origenes: Diligentius, inquit, intuenti, Sacramentum quoddam videtur significare, quòd in totius orbis professione describi oportuerit & Christum, ut cû omnibus scriptus sanctificaret omnes, & cum orbe relatus in censum, communionem sui præberet orbi, ut post hanc descriptionem describeret quoq; ex orbe secum in libro viuentium, ut quicumq; credidissent in eo, postea cum sanctis illius scriberentur in cælis. Et ut exemplo illud doceat, quod postea viua doctrina per Apostolos suos docuit. Petrus quidè sic: Subditi estote, inquit, omni humanæ creaturæ propter Deum, siue Regi, quasi præcellenti: siue Ducibus, tamquam ab eo missis. Sed & coapostolus eius Paulus: Reddite, inquit, omnibus debita, cui tributum, tributum: cui vectigal, vectigal: cui timorem, timorem: cui honorem, honorem. Nemini quicquam debeatis, nisi ut inuicè diligatis. Factum est etiam aliquid œconomia causa, ut hac occasione parentes Christi in Bethleem venire opus haberent, ibiq; iuxta vaticinia prophetarum Christus Dominus nasceretur. Et ut ille, qui occupaturus

erat sedem Dauid patris sui, in eadē vrbe nasceretur, in qua aliquando Dauid natus, & in regem vnctus erat. Addit V. Beda, vt Dominus alibi conceptus, alibi natus, insidiantis sibi Herodis furorem facilius euaderet. Idem autem illi euenit in Bethleem, quod in toto mundo euenerat. In propria venit, & sui eum non receperunt. Apparet præterea eam non virorum tantum, sed mulierum etiam descriptionem fuisse: neq; enim tanto itinere quadraginta ferè millium virginem iuuenem, prægnantem, tam horrido & aspero tempore Ioseph traxisset: neq; Cæsaris aut Imperatoris tantum mentionem facit, sed maioris euidentia causa, eorumq; documentorum, de quibus diximus, præfecti etiam Syriæ Cyreni mentionem facit, eamq; descriptionem sub illo præfecto factam docet. Cuius quidem Cyreni eiusq; præfecturæ locupletem mentionem facit Iudæus ipse Iosephus 18. lib. Antiquitat. Cyrenus vir vnus, inquit, ex consensu curiæ Romanæ, per singulos magistratus vsq; ad gradū consulatus ascendens, per cætera quoq; honorabilis, cum paucis in Syriam venit, à Cæsare ius dare gentibus missus, & Cenfor simul patrimoniorum futurus. Et descriptionis quidem tum temporis diligentis hæ fuerunt, quas diximus Ecclesiæ causæ.

Notanda secunda pars, & circumstantia humilis natiuitatis, parentes inquam ipsi, Iosephus Faber, qui verbum seruaret, & Maria fabro desponsata virgo, quæ pareret: ambo sine curru, sine equis atq; iumentis, sine sarcinis & lectis, sine comitibus, cum exiguo credo viatico. Spectabant hæc Angeli, & mirabantur, virginem Deo plenam, partui vicinam, sic defatigari, talem apparatus futuri natalis ipsius Dei fieri. Verè tu Domine mirabilis es in factis tuis, verè humilitatis Doctor & Magister. Prospectabat aliquando & Rex Dauid sobolem suam sic humiliter ferri, illam inquam, sobolem, quæ dominatura erat à mari vsq; ad mare, & à flumine vsq; ad terminos orbis terrarum, coram qua procidere Æthyopes, & cuius inimici terram lingere debebant, quæ adoraturi erant omnes reges terræ, & cui omnes gentes erant seruituræ. Adiungamus nos igitur huic comitatu, sequamur si non pedibus, at animo, at corde; vt dignè tanti Regis natalitiis interesse possimus. Obseruatur autem ex hoc loco, clariùs quàm ex cæteris, contra Nestorium atq; alios, qui negabant Christum Dominum ex generatione Dauid ortum esse: nisi enim Christi parentes ad genus Dauid pertinerent, quæ tandem illis causa fuisset, in Bethleem tanti itineris suscipiendi? quam solam Euangelista adscribit: Eò quòd esset, inquit, de domo & familia Dauid.

Notandum tertium humilis Christi natiuitatis adiunctum, cum ipsius filij Dei, tum eius parentum conditio: peregrinorum, inquam, viatorum, & eorum, qui in via non in patria sunt: Christumq; Dominū, priusquam in hanc lucem editus fuisset, peregrinum & viatorem fuisse: vt illud doceret, regnum suū non esse de hoc mundo: genus item primum suū, contra omnē Ebionis & Samosatani impietatem, non esse de hoc mundo, iuxta illud Ieremiæ 14. Quare quasi colonus futurus es in terra, & quasi viator declinans ad manendum? Quare futurus es velut vir vagus, vt fortis qui non potest saluare? Pulchrè igitur S. Gregorius: Non in parentum domo, sed in via nascitur, vt profectò ostenderet, quia per humanitatem suam, quam assumerat, quasi in alieno nascebatur. Alienum videlicet non secundum potestatem dico, sed secundum naturam:

turam. Nam de potestate eius scriptum est: In propria venit. In natura etenim sua, ante tempora natus est; in nostra, venit ex tempore. Qui ergo æternus permanens temporalis apparuit, alienum est ubi descendit. Deinde ut ostenderet, & nos item, si membra eius esse volumus, peregrinos & aduenas in terra ista esse debere. Quemadmodum autem peregrinus & viator, dum est in via, non est quod superbiat, quod se efferat, quod aliquem præ se contemnat, peregrinus enim & viator est: sic similiter & nos in hoc mundo, non est quod nimis superbiamus, non est quod cristas erigamus, ut qui in hac via, in hoc diuersorio, nihil proprium habeamus: sed nunc quidem in hoc diuersorio sumus, cras in alio erimus. Et quemadmodum in via & peregrinatione, nemo diutius libenter moratur, nemo se rebus loci illius, in quo diuersatur, occupat, nemo in illis nimis curiosus est, utpote cui post unam & alteram horam recedendum est, ad terminum & finem itineris, quisque sanus properat: ita & nos, non est quod mundo hoc delectemur, cur in eo diutius morari velimus, quod res eius curiosè tractare, aut expendere debeamus: cælum cælum nobis est suspiciendum; ut ibi sint nostræ fixæ mentes, ubi vera sunt gaudia. Præterea quemadmodum omnis peregrinatio est sordida, periculosa, laboriosa: ita quid est in hoc mundo, quod non sit inquinatum, quod purum & mundum, quod scandalo & periculo careat, quod laboribus & molestiis non sit plenum? ita ut merito princeps iste viator, & peregrinus de mundo nos euocans, ac post se ire iubens exclamet: Venite post me omnes, qui laboratis & onerati estis, & ego reficiam vos. Quanquam ut Beda V. docet, hoc idem quod in via nascitur, per significationem altius intelligi potest. Ipse namque ait: Ego sum via, veritas, & vita. Qui ergo per diuinitatis essentiam veritas & vita permanet, per incarnationis mysterium, via factus est, qua nos ad patriam, ubi veritate & vita fruermur, adduceret.

5 **N**otandum, quartam partem humilis natiuitatis Christi Domini declarare sanctum Euangelistam, per ipsam rationem natiuitatis, qua breuiter, & quomodo, & quo tempore, & quo loco secundum carnem Christus natus sit, explicauit. Quam sic describit: Factum est autem cum essent ibi, impletum est tempus primum æternæ ordinationis voluntatis diuinæ, qua à seculo & præuiderat, & præordinauerat filium suum dilectum se in redemptionem nostram, & salutem daturum, iuxta illud D. Pauli: Vbi venit plenitudo temporis, misit Deus filium suum, factum ex muliere, factum sub lege; ut eos, qui sub lege erant redimeret, ut adoptionem filiorum reciperemus. Impletum est item & tempus ipsius ad pariendum naturæ, nouem scilicet mensium, ut repellantur & reiiciantur omnia figmenta Manichæorum, Nestorij item, qui eam natiuitatem non veram, sed fictam & imaginariam quandam esse putauerunt. Quamuis enim Christus Dominus supra naturam virtute Spiritus sancti est conceptus, naturaliter tamen in utero virginis sanctæ portatus & auctus, natus etiam, sine dolore tamen & læsione sigilli virginalis. Iam enim præcisum fuit in ea illud Euæ infelicitatis elogium, quo dicitur: in dolore paries filios tuos: quia ista in lætitia Dominum peperit. Postquam igitur impletum est tempus, ut pareret, peperit filium suum: quem & qualem filium, explicat, non secundum humanitatem tantum, sed diuinitatem etiam, decem totis capitibus S. Ioannes. Primo capite Euangelij sui, ut pulchrè annotat D. Ambrosius. Quando scilicet erat, & quomodo erat, & quid erat, quid egerat, quid agebat, & ubi erat, & quò venerit, & quomodo

modo veniret, quo tempore veniret, & qua causa veniret. In principio, inquit, erat verbum: habes quando erat. Et verbum erat apud Deum: habes quomodo erat; habes etiam quid erat: Et Deus, inquit, erat verbum. Quid egerat: Omnia per ipsum facta sunt. Quid agebat: Erat lux vera, quæ illuminat omnem hominem venientem in hunc mundum. Et vbierat: In mundo erat. Quò venerit: In sua propria venit. Quomodo venerit: Verbum caro factum est. Quando venerit: Ioannes testimonium perhibet de ipso dicens: Hic est de quo dixi, qui post me venit, ante me factus est, quia prior me erat. Qua causa venerit: Ioannes ipse testatur: Ecce agnus Dei, ecce qui tollit peccata mundi. Parit ergo filium suum primogenitum; non quòd post genuerit alios, ut falso mentiebatur Heluidius; sed quòd ante hunc alium genuerit nunquam: quod pulchrè explicat contra eundem Heluidium D. Hieronymus, quem eundem sequitur V. Beda. Verba Hieronymi sunt: Factum est autem, cum ibi essent, impleti sunt dies ut pareret, & peperit filium suum primogenitum. nititur approbare Heluidius primogenitum non posse dici, nisi eum qui habeat & fratres, sicut vnigenitus ille vocatur, qui parentibus solus sit filius. Nos autem ita definimus: Omnis vnigenitus est & primogenitus, non omnis primogenitus est vnigenitus. Primogenitus est non tantum, post quem & alij; sed ante quem nullus: Omne, inquit Deus ad Aaron, quod aperit vuluam, ab omni carne, quæ offertur Domino, ab homine usque ad pecus, tibi erunt: tantum modo pretiis redimant primogenita hominum, & primogenita pecorum immundorum. Definiuit sermo Dei, quid sit primogenitum: Omne, inquit, quod aperit vuluam. Alioquin, si non est primogenitus, nisi is tantum, quem sequuntur fratres: tamdiu primogenita sacerdotibus non debentur, quamdiu & alia fuerint procreata; ne forte partu postea non sequente, vnigenitus sit, & non primogenitus. His ea, quæ sequuntur addit V. Beda: Verum altiori, inquit, ratione Dei filius in carne apparens, & iuxta diuinitatis excellentiam vnigenitus à patre, & iuxta fraternam societatem, primogenitus est omnis creaturæ. De hac dicitur: Nam quos præsciuit & prædestinavit, conformes fieri imaginis filij sui, ut sit ipse primogenitus in multis fratribus. De illa autem: Et vidimus gloriam eius, gloriam quasi vnigeniti à patre. Est ergo vnigenitus in substantia Deitatis; primogenitus in susceptione humanitatis: primogenitus in gratia; vnigenitus in natura. Inde est, quòd frater nuncupatur, & Dominus: frater; quia primogenitus: Dominus; quia vnigenitus est. Hæc V. Beda.

Nudus igitur egreditur de utero matris suæ, nudus post expansis manibus pro nobis moriturus: qui totum mundum vario vestit ornatu, panis vili- 6
bus inuoluitur, ut nos stolam primam accipere valeamus. Per quem omnia facta sunt: eius manus pedesque; cunis astringuntur; ut nostræ manus ad opus bonum exortæ, nostri sint pedes in viam pacis directi. Excipit virgo vegeta infantem, illum magnum, illum altissimi filium: miratur hominem Deum, explicat fascias, & pauperes, qui tunc pro tempore aderant, pannos; ut solentur pauperes paupertatem suam, exules extorem conditionem suam. Infantem inuoluit, ac in præsepio, foeno vili subiecto, inter bouem & asinum reponit; ut inter mundum & immundum animal iaceret ille, qui & mundos & immundos sanare venerat. Et impletum est illud: Ut iumentum factus sum apud te, & ego semper

ego semper tecum. Credo equidem Euangelistam, dum hæc perscriberet, admiratione extra se positum, tam breuiter tantum mysterium explicasse. Dum essent ibi, impletum est tempus, ut pareret: & peperit filium suum primogenitum, & pannis eum inuoluit, & posuit in præsepio. Peperit antequam parturiret. Quis vnquam audiuit tale? quis vidit simile? Verè tu es Deus, qui facis mirabilia solus. Absunt cunæ, absunt lectuli, absunt partus & lotionis instrumenta: amici, serui nulli, obstetrices nullæ mulierum, sedulitas nulla intercessit. Ioseph ipse, & dominus & famulus: virgo ipsa, pannis inuoluit infantem; ipsa & mater & obstetrix simul, & nutrix est: alit puerum ubere de cælo pleno. Ioseph autem, inquit Chrysostomus, non audebat eum attingere, quæ sciebat de se non esse generatum: mirabatur, gaudebat natum, & natum non audebat attingere. Conferat hoc loco pium pectus vltima cum primis, crucem cum præsepio, abiecta veraq; Deo indigna vtraq;: & tamen alterum cubile Dei, alterum trophæum magni victoris, verumq; humilitatis documentum. Te verò solum Bethleemiticum, multarum rerum conscium compello, num aliquando quid simile portaris? Te, charissime sol atq; luna, & reliqua sidera, num aliquid vnquam simile videritis, aut illustraueritis? Vos beatissimæ mentes, quæ cælos ipsos superastis, interrogo; num quid aliquando simile orbis hic ediderit? Respondebitis, certò scio, vno ore omnes: Non fecit taliter omni nationi, & iudicia sua non manifestauit eis. Tibi verò parue puer, quod tandem natalitium carmen occinemus? aut quibus Muscis & cantibus vagitum hunc tuum releuabimus? quid tribuemus Domino, pro omnibus quæ retribuit nobis? An illud ut renascamur cum eo ex aqua & Spiritu sancto, & iterum moriamur cum illo, ut illi viuamus? Ille igitur paruulus, inquit Ambrosius, ille infantulus fuit; ut tu vir possis esse perfectus: ille inuolutus pannis; ut tu malis laqueis sis absolutus: ille in præsepibus; ut tu in altaribus: ille in terris; ut tu in cælis: ille locum in diuersorio non habebat; ut tu plures haberes in cælestibus mansiones. Qui cum diues esset, propter vos pauper factus est; ut illius inopia vos ditaremini. Mea ergo paupertas, illius patrimoniū est; & infirmitas Domini, mea est virtus. Maluit sibi egere, ut omnibus abundaret. Me illius infantiae vagientis abluunt fletus. Mea lachrymæ illæ delicta lauerant. Plus igitur, Domine Iesu, iniuriis tuis debeo, quod redemptus sum; quam operibus, quod creatus sum. Non prodesset nasci, nisi redimi profuisset.

7 **N**otandum circa humilē natiuitatem Saluatoris nostri, Christum Dominum in Bethleem, in præsepio natum esse: villulamq; eius & matris diuersorium, teste Hieronymo, fuisse. Vbi obseruandum est, Bethleem & paruum oppidum fuisse, & magnum: paruum quidem magnitudine, magnum autem dignitate. Quæ quidem dignitas in eo fuit sita, quod princeps tribus inter duodecim, tribus inquam Iudæ, & quasi caput fuerit: tūc ex illo, quod princeps populi Dei, hoc est rex ipse Messias, inde prodire debuerit. Itaq; in scripturis iam minima, iam nequaquam minima dicitur. Michææ verba sunt: Et tu Bethleem Ephrata, paruulus es in millibus Iudæ: ex te mihi egredietur, qui sit dominator in Israël. Euangelista autem: Et tu Bethleem, inquit, terra Iudæ, nequaquam minima es in principibus Iudæ. Atq; ita constat, Bethleem paruum, & angustum oppidum fuisse. Vbi illud notandum deinde est, tribum Iudæ ut dignitate, ita ut frequentia populi alias quasi tribus superasse: atq; inde mirum videri

non debere, Iosephum & virginē matrem locum nō habuisse in diuersorio, cū propter paupertatem & humilitatem; paupertas enim timida semper est, neq; libenter se immiscet diuitibus: tū propter nimiam frequentiam populi, qui tum census causa, ex tota tribu eō conuenerat. Deoq; permittente, atq; ita, vt nobis sempiternum humilitatis exemplum locum natiuitatis filij sui relinqueret, volente, necessariō ad caulam quandam annexam oppido diuertisse, ibiq; in præsepio filium deposuisse. Nam alibi nullus locus vacabat ad natiuitatem Saluatoris, nisi præsepe, ad quod iumenta & asini ligabantur. Solebant enim, pro more & cælo illius gentis, oues & alia pecora sub dio noctu etiam pasci: atq; si aliqua calamitas cæli impenderet, aut iam præsens adesset, caulas & specus vel excisas, vel effossas, vel etiam natura factas habere, ad quas & pastores ipsi imminente tempestate confugerent, & pecora ipsa cogerent. In quam Iosephum itidem cum Maria, nocte ingruente, diuertisse verisimile est: vt miretur mundus Deum in præsepio. Atq; hoc fuit palatium natiuitatis Regis magni: hæc structura magnifica. Vbi, inquit Hieronymus, sunt late porticus? vbi aurata laquearia? vbi domus miserorum poenis & damnatorum labore vestitæ? Sic mundus excepit factorem suum. In propria venit, & sui eum non receperunt. Hoc præsepe mensa est, quam parauit Deus in conspectu nostro, aduersus omnes qui tribulant nos: in qua verus panis, qui de cælo descendit, in vrbe panis positus est. Si igitur, inquit Chrysostomus, homo es, panem comede; si animal es, cum boue & asino ad præsepe accede. Ecce in hoc paruo terræ foramine cælorum conditor natus est, hīc inuolutus pannis, hīc visus a pastoribus. In stercore nascitur Sanctus sanctorum; vt eos qui sunt de stercore eleuet. In stercore nascitur, vbi & Iob sedebat; & postea coronatus est: cui cælum sedes est, duri præsepis angustia continetur, vt nos per cælestis regni gaudia dilatet. Qui panis est angelorum, in præsepio reclinatur; vt nos quasi sancta animalia carnis suæ frumento reficiat. Qui ad dexteram patris sedet, qui loca omnia implet, & sine quo nullus est locus: in diuersorio loco eget, vt nobis in domo patris sui mansiones multas præparet. Nascitur in vili præsepio: conuersatur in mundo sine ædificio: moritur in cruce: sepelitur in alieno sepulcro; vt sic diuina attributa humanis tegat infirmitatibus: omnipotentiam infirmitate: immensitatē paruitate: sapientiam infantia: opes & diuitias nuditate: æternitatem nostræ carnis mortalitate. Si mihi, exclamat penes hunc locum D. Chrysostomus, liceret videre illud præsepe, in quo Dominus iacuit. Nunc nos Christiani, quasi pro honore, tulimus luteum, & posuimus argenteum: sed mihi pretiosius illud est, quod ablatum est. Argentum & aurum, meretur gentilitas: Christiana fides, meretur luteum illud præsepe. Qui in isto præsepio natus est, aurum condemnat & argentū. Non condemno eos, qui honoris causa fecerunt: neq; enim illos condemno, qui in templo fecerunt vasa aurea: Sed admiror Dominum, qui creator est mundi, non inter aurum & argentum, sed in luto nasci. In hac tamen humilitate, summa est maiestas. Nam hoc ipsum, quod foris ornamenta non quærit, supra omnia est, nulla re mundi se opus habere declarat: cū id, quod extra quærit ornamenta, aliquid defectus & deformitatis in se habeat oportet. At hic hoc demonstrare vult pro sua pulchritudine, omnia huius sæculi decora cœnum & fœnum esse. Tū demum illud voluit docere, frustra mundū, eiusq; Reges & principes suis ornamentis efferri, quæ Deus natus despexit. Deinde superbiam primorum

primorum parentum, quam Diabolus inuexerat, sua humilitate curare voluit; ut qui per alienam superbiam cecideramus, per eius humilitatem eleuamur. Postremò spontaneæ paupertatis, obedientiæ, humilitatis, idem natus Deus voluit nobis exempla proponere, ut quas nunc cum eo in eodem præsepio iacentes adoramus; eas ipsas in vita & moribus nostris exprimamus: has solas gemmas, hæc ornamenta Christiani esse iudicantes. Summam igitur miremur in humilitate maiestatem, in paupertate opes, in stultitia sapientiam. Audiant hæc omnes gentes, auribus percipiant omnes qui habitant orbem, quique terrigenæ, & filij hominum, simul in vnum diues & pauper. Ipsi autem puero gratias immensas agamus, quia in humilitate sua memor fuit nostri, & redemit nos ab inimicis nostris: quoniam in æternum misericordia eius.

8 **N**Otandum, Duo esse in Christo Domino æquè admiranda, æquè colenda, alterum etiam imitandum, humilitatem & maiestatem eius simul. Quæ ita secum iuncta sunt, ut alterum sine altero esse nullo modo possit: & qui alterum neget, aliud autem confiteatur, huius sine altero confessio nihil cuiquam proffit. Quæ cum ita sint, ita de his scriptura agere solet, ut ubi vnius vim & dignitatem exposuerit, statim ad aliud celebrandum se referat, ne quis illius obliuiscatur, neque ad illud offendat. Celebrauit D. Lucas, miram & inauditam Iesu Christi humilitatis in natiuitate eius rationem: qua ne quis offendatur, ne cum Iudæis aut hæreticis maiestatem ac diuinitatem eius neget, ecce post cunas, pannos, præsepia, angelorum, hymnorum, cultus, & adorationis mentionem facit: Erant, inquit, pastores in regione eadem vigilantes, & custodientes vigilias noctis super gregem suum: & ecce angelus Domini stetit iuxta illos, & claritas Dei circumfulsit illos, & timuerunt timore magno. Apparet primum vnus angelus, tamquam præcursor quidam aliorum, salutis nuncium pastoribus affert: Sequuntur deinde angelorum exercitus canentium & laudantium Deum: ut si quem fortè humilitas infantis vagientis deiecit, eos militia cælestis exercitus subleuet. Quod quidem iam antea prædictum fuisse à propheta, docet D. Paulus 1. Cap. ad Hebræos: Et cum iterum, inquit, introducit primogenitum in orbem terræ, dicit: Et adorent eum omnes Angeli Dei. Quod non de alio tempore, nisi natiuitatis, intelligendum esse docet ipsa litera. Qua eadem scripturæ imitatione facit hoc idem Ecclesia in ipso die natiuitatis Iesu Christi. Nam cum in primo & secundo sacro de humili eiusdē natiuitate Euangelia populo recitauerit; in tertio & summo sacro de æterna eius generatione & diuinitate recitat. Quod etiam in Pauli scriptis facit: Nam cum in primo & altero sacro ea recitet, quæ communiter & ad diuinitatem & ad humanitatem eius pertinent; in reliquo, quæ tertia Missa dicitur, de sola Christi diuinitate epistolam pronunciat.

9 **N**Otandum, quæri solere à patribus: Quandoquidem Herodes Hierosolymis erat, Pontifices erant, Pharisei erant; in Bethleem item Sacerdotes & scribas, Romæ Augustum ipsum eiusq; Senatum fuisse non dubium est: cur Christus Dominus istis dormientibus, in eremo inuenitur, ac pastoribus potissimum vigilantibus eius natiuitatem denunciat angelus, iisq; apparet? An quia principem pastorum nunciaturus venerat, qui de semetipso inquit: Ego sum bonus pastor: bonus pastor animam suam dat pro ouibus suis? Et apud Ezechielem: Sicut visitat pastor gregem suum, in die quando fuerit in medio ouium

ouium suarum dissipatarum : sic visitabo oues meas, & liberabo eas de omnibus locis, in quibus dispersæ fuerant in die nubis & caliginis. Et paulò post : Suscitabo super eas pastorem vnum, qui pascat eas, seruum meum Dauid, ipse pascet eas, & ipse erit eis in pastorem. Vel quòd pastorum hominum genus simplex & candidum est, quibus Spiritus sanctus mysteria sua reuelare solet : itaq; prophetas omnes, Apostolos item, simplices quosdam & priuatos homines fuisse legimus. Ita & Moses primus legislator pastor fuit : Dauid quoque cui maxima reuelata sunt secreta : Amos item in pastoralibus Thecæ prophetam fuisse scriptura docet. An quòd propter iustitiam & honestatem genus vitæ hoc Deo gratissimum semper fuit, hominibus autem minùs suspectum. Itaq; Patriarchæ omnes pastores fuerunt, multiq; alij sancti homines. An ad illud mysticè designandum, quòd in futura Ecclesia Dei primùm omnia mysteria sacerdotibus reuelari debuissent, ac per hos postea reliquo populo communicari. Sic nos, inquit Paulus, existimet homo, vt ministros Christi, & dispensatores mysteriorum Dei. Non quibusuis autem pastoribus angelus apparet, sed vigilantibus, sed in custodia positis, sed lætis ac nescio quid rusticū & agreste cogitantibus : quòd quidem Græcum verbum ἀγραιγοῖαι, Theophylactō & Euthymio teste, declarat. Est enim propria pastorum vigilia, ac propter bonam conscientiam hilaritas quædam. Vnde illa de sua vigilantia & solitudine refert Iacob : Die noctuq; æstu vrebar & gelu, fugiebatq; somnus ab oculis meis.

NOtandum est, angelos apparere pastoribus, non aut piscantibus, aut per siluas feras consecretantibus, aut mercaturas exercentibus, aut per fora & curias diuagantibus, aut militiam & castra sequentibus; sed super greges suos vigilantibus : quod idem de pastoribus spiritualibus intelligendum est, qui nisi ad ouilia sua, hoc est, ad ecclesias suas præsentibus adsint, parum aut nihil proficere possunt : frustra q; auxilium supernum expectant, nisi ipsi præsentibus operi suo incumbant. Quomodo enim pastor absens oues suas aut pascet, aut à lupis defendet, aut ad extremum ipse oberrans, errantes & deuias reducet ? Præsentia igitur & residentia pastorum opus est. Atq; item ne multos quidem greges vnus pastor pascere potest, cum vnus homo pluribus locis nequaquam præsens adesse possit. Misera autem est conditio pastoris absentis.

NOtandum, Magnam esse coniunctionem angelorum cum rectoribus atq; pastoribus Ecclesiarum. Quod pulchrè docet Origenes : Non solum, inquit, eo tempore loquebatur angeli ad pastores, sed vsq; hodie, nisi locuti fuerint ad pastores, & sua eis opera copulârunt, dicitur, ad eos : Nisi Dominus ædificauerit domum, in vanum laborauerunt qui ædificant eam : nisi Dominus custodierit ciuitatem, frustra vigilat qui custodit eam. Si audacter expedit loqui, scripturarum sensum sequenti, per singulas Ecclesias bini sunt Episcopi, alius visibilis, alius inuisibilis : ille visui carnis, hic sensui patens. Notat idem Origenes : Pastores Ecclesiarum, nisi summus pastor venerit, per se benè gregem seruare non posse : infirmam esse eorum custodiam, nisi Christus cum eis pauerit atq; seruauerit. Legimus apud Paulum : Dei cooperatores sumus. Pastor bonus, qui imitatur pastorem bonum, cooperator est Dei & Christi. Et propterea pastor bonus est, qui habet secum pastorem optimum compascentem secum.

Notandum,

Notandum, Magnum mysterium & arcanum conceptionis & natiuitatis Christi Domini esse. Quæ ut ab omnibus prophetis futura prædicta est, ita post præsens à tribus angelis denūciatur, ac deinde ab vniuersa militia cælestis exercitus cantibus & hymnis celebratur. Denunciata est primùm Mariæ à Gabriele angelo: denunciata deinde Iosepho viro Mariæ: denunciatur nunc pastoribus; ut sic in ore trium consistat omne verbum. Angelus Mariæ, inquit Ambrosius, angelus Iosephum, angelus pastores edocet. Non satis est semel missum: duobus enim & tribus testibus stat omne verbum. Anunciatur autem pastoribus excellentiori modo: nam claritas Dei circumfulget illos, quod de supra dictis angelis non legimus. Quæ quidem claritas designabat, iam iam adesse & affuisse illum ipsum orientem, de quo nuper prædixit Zacharias: Visitauit nos Oirens ex alto: illuminare his, qui in tenebris & in vmbra mortis sedent, ad dirigendos pedes nostros in viam pacis. Et Ioannes: Erat, inquit, lux vera, quæ illuminat omnem hominem venientem in hunc mundum.

12 Notandum autem est, ad aspectum & præsentiam angeli extimuisse pastores, ea causa, quod natura humana ad cælestes illas mentes pauida est, & erectione quadam opus habet. Quod si ad amicorum angelorum aspectum expauescimus; quantò magis terribilis illa hora erit, cum morituris nobis, inimicissimi spiritus comparebunt? Et si angelos conseruos nostros non ferimus; quantò magis iudicem ipsum & Dominum, ubi ad iudicandum venerit, minùs feremus? Arescentibus, inquit Lucas, hominibus præ timore. Sic igitur viuamus, sic degamus, ut impauidi in conspectu eius apparere possimus.

13 Notandum, Accepisse genus hominum multos nuncios mortis, utpotè Adamum: eos item qui diluuiò absorpti sunt: Niniuitas quoque, nisi poenitentiam egissent. Nunc vice versa nuncios salutis, per viscera misericordiæ Dei nostri, cælitus per angelos accipere. Primùm illud: Ecce virgo concipies, & paries filium, & vocabis nomen eius Iesum: hic erit magnus, &c. Deinde hunc præsentem: Euangelizo vobis gaudium magnum, quod erit omni populo, quia natus est vobis hodie Saluator, qui est Christus Dominus in ciuitate Dauid. In quo ostendit primùm, quid nunciet, quoniam gaudium. Nuncius Eux, fuit nuncius mœroris: nuncius pastorum, nuncius gaudij. Deinde ostendit, quantum istud sit quod nunciat, magnum quid scilicet esse, utpotè, quod salutem, neque hanc temporaneam, sed illam æternam ferat. Postea monstrat, cui tandem hoc gaudium futurum sit: nempe omni populo, non Hebraico tantum, sed usque ad terminos terræ. Demum tempus: Hodie, inquit. Notat autem hoc loco V. Beda: Cur angelus, qui in noctis utiq; vigiliis pastores affatur, non ait, hac nocte, sed hodie natus est vobis Saluator? Non aliam scilicet ob causam, nisi quia gaudium magnum euangelizare veniebat. Nam ubi tristitia, quæ nocturnis temporibus gesta vel gerenda significantur; ibi sæpè nox vel adiungitur, vel etiam sola nominatur. Ut est illud: Omnes vos scandalū patiemini in me in ista nocte. Et alibi: Amen dico tibi, quia tu hodie in nocte hac, priusquam gallus vocem bis dederit, ter me es negaturus. Neque enim frustra angelus tanto lumine cinctus apparuit, ut claritas Dei pastores circumfulsisset, hoc est, ex omni parte illorum luminis radios aspersisset dicatur; quod nunquam, in tota testamenti veteris serie, toties angelis apparentibus, adiungitur; Sed mysticè præmonuit, quod apertè postea monuit Apostolus dicens:

Nox

Nox præcessit, dies autem appropinquauit. Abiiciamus ergo opera tenebrarum, & induamur arma lucis, sicut in die honestè ambulemus.

Post, quæ causa gaudij, docet: Quia natus est vobis Saluator. Non ex ¹⁴ Ægyptiis aut Amorrhæis, non ex Phylistinis aut Madianitis tantum, nō à vi Romana, sed à peccatis eorum: ipse enim saluum faciet populum suum à peccatis eorum. Neq; tamen omnes, sed eos tantum, qui eum receperunt, & qui huic lumini fenestras non obstruxerunt. Locum demum, vbi causa eius gaudij producta est, annotat: In ciuitate, inquit, Dauid. Signum ad extremum, quod fidem faciat dictis, & rem simul demonstret: Et hoc, inquit, vobis signū. quod signum paulò pōst nobis Simeon enarraturus est: nam res ipsa parum verisimilis debebat videri pastoribus. Obseruandum autem est, Christi præsentia signum esse, pannos & præsepia: hoc autem est paupertatem & humilitatem: quæ vbi est, ibi facilè Christus inuenitur: à fastu & diuitiis est alienus. Inuenietis infantem pannis inuolutum, & positum in præsepio. Quamuis autē hoc signum à pannis & præsepio, uile & abiectum esse videatur: longè tamen excedit illa, quæ aut de cælo, aut de aëre, aut aliunde fumerentur. Maius enim miraculum est, Deum in pannis & præsepio iacere, quod antea nunquā factum est; quàm stellas & cætera portenta creare, quod iam tamen ante factum vidimus. Quod signum non agnoscunt ij, qui inter Christianos suis pompis ac vanitatibus, & factis contrariis Christianæ professioni illi contradicunt. Sed cur dixit, fasciis inuolutum? nōne satis erat dixisse, positum in præsepio? Opinor hoc ab Angelo additum, quia præter fascias nulla præterea re opertus esset: cū alij, etiam non admodum diuites habeant aliqua alia, quibus infantes operiant. Nos verò, Iesu Christe, quibus tandem vestimentis te cooperiemus? nisi fortè peccatis nostris: nam nostrum nihil aliud habemus. Feras igitur hæc iam in primis cunis: pōst in cruce perfectiùs laturus.

Notandum, Apparitionem angeli eiusq; nuncium nihil aliud fuisse, quā ¹⁵ proëmium quoddam ac prætionem præparationemq; futuri cantus, quem multitudo militiae cælestis cantare debebat. Angelū autem ipsum, quasi choragum & præcentorem quendam, qui futuro cantui attentos præparabat auditores. Et subitò igitur facta est multitudo militiae cælestis, laudantium Deum & dicentium. Cantabat autem & lætitia efferebatur cælestis militia, partim ob illustrationem & propagationem nominis diuini, ad quod celebrandum & sanctificandum facti sunt: partim ob impletionem ruinarum suarum, quæ hac ratione futuræ salutis iam compleri ac illustrari debebant: partim vt demonstrarent, se iam nobis amicos factos, maceriamq; irarum ac inimicitiarum, quæ inter nos & illos diuidebant, dirutam esse. Postquam enim Dominus venit ad terram, pacem fecit per sanguinem crucis suæ, siue eorum, quæ in terra erant, siue eorum quæ in cælis. Et priusquam redemptor noster nasceretur per carnem, discordiam cum angelis habuimus: à quorum claritate atq; munditia, per primæ culpæ meritum, & per quotidiana delicta, longè distabamus. Quia enim peccando extranei eramus à Deo, extraneos nos à suo consortio deputabant angeli ciues Dei. Sed quia nos cognouimus Regem nostrum, recognouerunt nos angeli ciues suos. Quia enim cæli rex terram nostræ carnis assumfit, infirmitatem nostram illa iam angelica celsitudo non despicit: ad pacem nostram angeli redeunt: intentionem prioris concordiaē prosequuntur.

quantur. Et quos prius infirmos abiectosque despexerant, iam socios venerantur. Hinc est enim, quod Loth & Iosue angelos adorant, nec tamen adorare prohibentur: Ioannes verò in Apocalypsi sua adorare angelum voluit, sed tamen idem hunc angelus, ne se adoraret, compescuit dicens: Vide ne feceris, conseruus enim tuus ego sum, & fratrum tuorum. Quid est, quod ante redemptoris aduentum angeli ab hominibus adorantur, & tacent: postmodum verò adorari refugiunt: nisi quod naturam nostram, quam prius despexerant, postquam hanc super se assumptam conspiciunt, prostratam sibi videre pertimescunt? Nec iam sub se velut infirmam contemnere ausi sunt: quam super se, videlicet in cælorum rege, venerantur. Nec dedignantur hominem socium, qui super se adorant hominem Deum. Partim quod iam longe faciliorem ac expeditiorem nos curandi rationem, tanto medico & saluatore adueniente, futuram esse videbant: de qua curatione sibi non succedente, apud Ieremiam conqueruntur: Curauimus Babylonem, & non est sanata. Veniat enim, inquit Origenes, aliquis archiater, qui habeat summam in arte notitiam: & illi qui prius sanare nequuerant, cernentes magistri manu putredines cessare vulnerum, non inuideant, non liuore crucientur; sed in laudes erumpant archiatri, & prædicent Deum, qui & sibi, & ægrotantibus tantæ scientiæ, hominem miserit.

16 **N**otandum, Et si angeli mentesque illæ æternæ, ut ipsæ puræ intelligentiæ sunt, ab omni corporea contagione remotæ, menteque sola & ratione Deum colant, & adorent: nostræ tamen instructionis causa sui que erga creatorem suum cultus & obseruantia testandæ gratia, exempli item, visibilem & sensibilem cultum acceperunt. Quomodo hoc loco: Et subito facta est cum angelo multitudo militiæ cælestis, laudantium Deum & dicentium: Gloria in altissimis Deo. Quod neque sine visibili lumine videri, neque sine sensibile voce audiri poterat. Quod si igitur mentes cælestes, protestationis cultus, & amoris erga conditorem suum causa, externis & visibilibus rebus videntur; quanto magis homines, qui nihil sine sensu agunt, qui corporea mole constant, visibilibus quibusdam ac sensu mouentibus signis, cultuque externo opus habent? Quod hæresis impudenter negare, ac etiam improbius impugnare solet. Sed & illud admirandum, an dolendum potius: exultant angeli & cælestes illæ virtutes, facto agmine & coacto exercitu, gloriam Deo ob eius erga nos beneficentiam canunt: homines autem quibus hæc allata sunt beneficia, non permouentur, & quantam possunt maximam præ se ingratitudinem ferunt, & hæc tanquam nihil ad se pertinentia non curant.

17 **N**otandum, Genus humanum, post lapsum primorum parentum, duo summa & prima amisisse: primum verum cultum veri Dei, quem primò ad astra & sydera transtulerunt, post ad elementa, omniaque illa, quæ illis aliquam voluptatem & commoditatem adferre potuerunt: post ad homines primò, deinde & pecora, vltimò ad reptilia ipsa, ranas, serpentes, viperas, & alia quæque abiectissima, quæque illorum seruituti condita erant. His ipsis rebus se subiecerunt, illisque seruierunt. Mutauerunt, inquit Paulus, gloriam incorruptibilis Dei, in similitudinem imaginis corruptibilis hominis, & volucrum, & quadrupedum, & serpentium, qui commutauerunt veritatem Dei in mendacium, & coluerunt, & seruierunt creaturæ potius quam creatori. Amiserant similiter

īdem homines veram pacem, primū ad Deum, quē grauissima iniuria affecerunt, & cuius imaginem hosti eius tradiderunt: deinde ad angelos, qui iniuria Creatoris sui permoti, & ipsi pacem cum hominibus habere noluerunt: deinde ad conscientiam propriam, quā illos semper remordebat, ac nunquam quietos esse sinebat. Et partes deinde, ex quibus constabant, pugnabant caro aduersus Spiritum, Spiritus contra carnem, sensus aduersus voluntatem, voluntas aduersus intellectum: ita pax nusquam tuta fuit. Amiserant item pacem inter se ipsos, inter tot sectas hāresesq; dissecti. Hāc omnia aliquando futurus Messias debebat auferre, aut saltem remedia earum rerum dare. Hoc igitur nunc celebrat cālestis militia: hoc argumentum est cantus illius: hāc causā gaudij: gloriam scilicet in altissimis Deo restitutam ac referendam esse: idola non tantum confringenda, sed nomina etiam illorum delenda: Vnum solum & trinum Deum adorandum: pacem restitutam, dexterās datas: in amplexus omnia abiisse. Gloria igitur in altissimis Deo, & in terra pax hominibus.

Notandum, Clausulam vltimam chori angelici, bonæ voluntatis, non eodē modo exponi à variis: nec eodem modo textum distingui, eo quod Græcè aliud vocabulum positum sit, *εὐδοκία* scilicet: quod aliud quid præter bonam voluntatē significare videtur. Illi igitur, qui Græcum textum sequuntur, hunc sensum totius huius loci faciunt, vt primū gloria Deo tribuatur, terrā autem pax: prius enim natura humana inimicitias habuit cum Deo, nunc autem in tantum reconciliata est, vt etiam coniuncta & vnita sit illi per incarnationem. Ultra quam pacem, etiam quādam Deo in hominibus facta est complacentia, & quasi conquescentia quādam Dei in homine. Quiescit enim nunc Deus, & complacet sibi in hominibus. In quo significato conquescentiæ similiter idem vocabulum vsurpatum est in baptismo & transfiguratione Christi: Hic est filius meus dilectus, in quo mihi complacuit: Græcè habetur *ἡ εὐδοκία*. Alij autem, in quibus Euthymius *εὐδοκίαν* beneplacitum interpretantur, vt nunc completum sit, quod olim patris erat beneplacitum, siue quod definiuit aut voluit: hoc autem est, vt incarnaretur Dei filius, & saluaretur homo perditus. Alij per verbum *εὐδοκίαν* reconciliationem significari docent, vt hoc modo pax exponatur, quam proximè angeli denunciauerunt, pacem nempe factam esse per reconciliationem: cū enim Dei inimici essemus, reconciliati sumus Deo per sanguinem filij eius, inquit Paulus. Ob hanc igitur reconciliationem angelos gloriam Deo cecinisse aiunt. Et sanè ingens fuit diuinæ illius maiestatis gloria, qui rem nihili, si Deo conferatur, tanti fecerit, vt ipse auersos ad reconciliationem inuitaret. Qui veterem versionem exponunt, nempe Bonæ voluntatis, hi locum hunc ita simplicissimè interpretantur: Gloriam scilicet factam esse Deo in cælis, & hominibus pacem in terris: non tamen hominibus maleuolis, non rixosis, non turbulentis, non duplici corde & labiis dolosis, in corde ac corde loquentibus: Sed hominibus bonæ voluntatis, simplicibus, veracibus, pacificis, pacem optantibus & quærentibus. Pax enim multa diligentibus legem Domini: quos vno verbo scriptura filios pacis vocat. In quamcunq; domum, ait Saluator, intraueritis, primū dicite, pax huic domui: & si ibi fuerit filius pacis, requiescet super illum pax vestra. Quæ quidem expositio, etsi verbo Græco non respondeat, rei tamen ipsi & sensui accommoda-

commodatissima est, V. Beda dicit, factam pacem significari eis, qui suscipiunt natum Christum, non autem Herodi, non Pontificibus & Phariseis, ceterisque Antichristis, qui eius natiuitate audita turbati sunt, eumque quantum valere gladiis insecuti.

19 **N**Otandum, Vidisse aliquando Moysen rubum ardentem & virentem simul, & dixisse: Vadam & videbo visionem hanc magnam, quare non comburatur rubus. Simile quid nunc videntur, nuntio ab angelis cantuque multitudinis militiae caelestis, excitati facere pastores: Transeamus, inquiunt, vsque Bethleem, & videamus hoc verbum quod factum est, quod fecit Dominus, & ostendit nobis. Verè autem & hic rubus fuit, ardens quidem charitate, quæ eum ad præsepe vsque compulit: virens autem sanctitate & innocentia, ut qui ex virgine sancta, sine omni contaminatione, virtute Spiritus sancti & conceptus & genitus est. Vsurpant autem nomen verbi, vel simpliciter pro re ipsa, ac si dicant: Videamus hanc rem, quam Deus fecit, manifestauitque nobis. Sicut & in illo Gabrielis dicto intelligitur: Quia non erit impossibile apud Deum omne verbum: hoc est nulla res erit Deo impossibilis. Vel pro persona Christi: quasi dicant: Videamus hoc verbum quod factum est, Deum & hominem: de illo verbo intelligentes, de quo D. Ioannes grauissimè intonuit: In principio erat verbum, & verbum erat apud Deum, & Deus erat verbum. Et verbum caro factum est, & habitauit in nobis. Verbum quod semper erat, videamus quomodo pro nobis factum est: quod fecit Dominus & ostendit nobis. Verbum hoc ipsum se fecit, siquidem ipsum hoc verbum Dominus est. Videamus igitur quomodo hoc ipsum verbum, hoc est Dominus ipse se fecerit, & ostenderit nobis carnem suam. Quod enim videre non poteramus, dum erat verbum, videamus factum, quia caro est. Quod igitur fuit ab initio, quod audimus, videamus oculis nostris, perspiceamus, manus nostræ contrectent de verbo vitæ: vita manifestata est, videamus & testemur, & annuntiemus aliis vitam æternam, quæ erat apud Patrem, & apparuit nobis.

20 **N**Otandum, semel tantum Euangelizatum esse Pastoribus, idque valde paucis: illos tamen surgere, festinare rem totam de Christo quam primùm cognoscere velle. Nemo enim cum desidia, inquit Ambrosius, Christum requirit. Nobis autem alijs quidem per triginta annos, alijs per quinquaginta, per octoginta alijs euangelizari, & tamen nihilominus in eodem cœno peccatorum delitescere, non se capitaque sua in cælum leuare, non pedes aut manus ad opus promouere. Multa de suauitate bonæ conscientiae dicuntur, multa de fructu bonorum operum, multa de gaudiis futurorum præmiorum; nullos tamen, vel perpaucos esse, qui velint de verbo hoc cognoscere, videre, & gustare, quàm suauis est Dominus. Vides, inquit Ambrosius, pastores angelo credidisse: & tu Patri, Filio, Spirituique sancto credere non vis? Venerunt, inquit, festinantes; & inuenerunt Mariam & Ioseph, & infantem positum in præsepio: neque offensi fuerunt illo spectaculo, aut cogitationibus suis disceptarunt, quæ esset consentaneum aut credibile, Messiam illum, quem maximum ac potentissimum regem futurum expectabant, tam humiliter fuisse natum: sed cum scirent, ab angelo ac Dei nuntio hæc sibi fuisse dicta, nihil hæsitauerunt, & suæ fidei euidentem dedere significationem, ex eo quod sequitur: Cum vidissent autem, inquit, diuulgauerunt de verbo, quod dictum fuerat ipsis de puero hoc.

Notandum, Magnam esse efficaciam & veritatem earum rerum, quæ 20
cælitus dicuntur. Dictum est ab angelo: Euangelizo vobis gaudium magnum,
quod erit omni populo, quia natus est vobis hodie saluator: audiunt pasto-
res & credunt, veniunt & ita esse experiuntur. Videntes, inquit, cognouerunt
de verbo, quod dictum illis erat de puero hoc. Quod idem in cæteris diuinis
oraculis euenit. Si non simul & semel, aliquando tamen multa prædicaban-
tur à Christo de futura salute, de propagatione Euangelij, de Ecclesiæ incre-
mentis, de ortu & occasu hæresium: experti sunt hoc multi: experimur nos
nunc; experientur postea alij. Quod idem de cæli præmijs, de pœnis inferni,
de futuro iudicio, de æternis gaudijs intelligendum est.

Notandum: Hic nunc à principio natiuitatis suæ pastores facit Euange- 21
listas & Apostolos; qui post piscatores cum illo nuncio in mundum missurus e-
rat: Euntes in mundum vniuersum, prædicate euangelium omni creaturæ:
vt sic perpetua series humilitatis conseruetur, vt sic Deus in paruis vinceret, &
non gloriatur omnis caro. Non mediocre fidei tibi hoc videatur exemplum,
inquit Ambrosius, quod vilis sit persona pastorum: certè quò vilior ad pruden-
tiam, eò preciosior ad fidem. Non gymnasia choris referta sapientum, sed ple-
bem Dominus simplicem requisit, quæ phalerare audita & fucare nesciret.
Simplicitas enim quæritur, non ambitio desideratur. Annunciabant autem
omnia, quæcunque ipsis dicta erant ab angelo, & de multitudine cælestis mi-
litæ, de puero item in præsepio reperto, splendoreque dignitatis illius: ita vt
non frustra mirarentur omnes, quibus hæc annunciauerunt.

Notandum: Hic ipse qui in cunis iacet, non mediocribus signis Deus 22
probatur: cui angeli ministrant, quem pastores prædicant, quem magi ado-
rant, quem Martyres confitentur. Ex vtero funditur, sed corruscat è cælo: ter-
reno in diuersorio iacet, sed cælesti lumine fulget: nupta peperit, sed virgo cõ-
cepit: nupta concepit, sed virgo generauit. Venite igitur exultemus Domi-
no, iubilemus Deo salutari nostro, præoccupemus faciem eius in confessione,
& in psalmis iubilemus ei.

Notandum, Arcana & miracula Dei non esse sicco pede transeunda: sed 23
in penitioribus recessibus cordis, tanquam thesauros pretiosos condenda. Re-
ponit nunc in corde omnia incarnationis & natiuitatis Beata virgo mysteria,
quæ postea huic ipsi D. Luca reuelaret, ad omnem posteritatem seculorum
prodenda. Quo loco pulchrè D. Ambrosius: Discamus, inquit, sanctæ virgi-
nis in omnibus castitatem: quæ non minus ore pudica, quàm corpore, argu-
menta fidei conferebat in corde. Si Maria à pastoribus discit, cur tu declinas
discere à sacerdotibus? Si Maria ante præcepta Apostolica tacet, cur tu post
Apostolica præcepta magis cupis docere, quàm discere? Disce filium esse per-
sonæ, non sexus: sexus enim sanctus. Deniq; Maria præceptum non accepit,
exemplum edidit. Contulisse autem scribit V. Beda, non simpliciter confide-
rasse & conseruasse beatam virginem omnia verba hæc in corde suo. Quia cùm
sanctas scripturas legeret, & sciret prophetas, conferebat ea, quæ secum sunt
acta de Domino; & collata ad inuicem, cognouit, instar cælestium Cherubim,
socio sui nutus luce concordia. Dixerat enim Gabriel: Ecce concipies in vte-
ro, & paries filium. Prædixerat Isaias: Ecce virgo concipiet, & pariet filium.
Prædixerat Micheas, filiam Sion in Turrim gregis aduenturam, & potestatem
primam

primam tunc esse venturam. Dicebant pastores, supernæ sibi ciuitatis in Tur-
re gregis apparuisse cohortes, quæ natum canerent Christum. Legerat Maria:
Bos cognouit possessorem suum, & asinus præsepe Domini sui: videbat in præ-
sepi Dei filium vagientem, qui homines saluat ac iumenta. Et in his singulis
atque huiusmodi conferebat, quæ legerat; & comparabat his, quæ audiebat,
& videbat.

20
21
22
Notandum: Quemadmodum modus & ratio natiuitatis Christi perfe-
ctum specimen & exemplar nobis humilitatis exhibuit, quod in omnibus par-
tibus ipsius considerauimus: ita reliqua pars infantia ac pueritia eius perfe-
ctam formam & archetypum nobis obedientia proponit, Quæ etsi omni æta-
ti est utilis & necessaria, maximè tamen primæ pueritiæ & iuuentuti: cuius re-
cta monentibus parere proprium est: vt ita hic cælestis doctor, non tantum
Saluatorem & redemptorem nobis se præstet, neque doctorem tantum, sed
exemplum etiam omnibus vitæ suæ partibus. Vt igitur natiuitas eius forma fu-
it perfectæ humilitatis, ita infantia & pueritia eius exemplar erit perfectæ obe-
dientia, quoad Deum, quoad legem, & quoad homines, cuius initium à sua
dedit circumcisione. Cum enim verus Deus sit, verus legislator & Dominus:
legi tamen se subiecit. Cum ab omni peccato, eo præsertim quod originis fu-
it, liber esset, vtpotè ex purissimis sanguinibus castissimæ virginis, virtute Spi-
ritus sancti conceptus: circumcisionem tamen subire voluit, quæ in remedi-
um originalis peccati populo illi data fuit: vt quemadmodum per inobedien-
tiam primi Adam omnes perimus, ita per obedientiam secundi curemur &
saluemur omnes.

23
Notandum, quid circumcisio, quæ eius origo, & causæ fuerint. Circum-
cisionem igitur sic Deus ipse Genesis 17. definit: Pactum, inquit, meum in car-
ne vestra in foedus æternum. Eandem D. Paulus sic definit, eam esse signa-
culum iustitiæ fidei, quæ fuit in præputio patris nostræ Abraham. Cuius defini-
tionis ratio & sensus, ex origine ipsius circumcisionis maximè patet. Fecerat
Deus pactum iustitiæ & salutis cum Adamo primo parente nostro: Si manda-
tum abstinentiæ custodisset, eum perpetuò iustitiam suam originalem conser-
uaturum fuisse. Fregit pactum Adam, seque suamque posteritatem perdidit:
recipit tum promissionem cuiusdam seminis, quod illum à labè peccati libe-
raturum erat, inimicique eius caput contriturum. Mansit tum postea duobus
ferè millibus annorum suspensa, nec repetita promissio. Recordatur deinceps
pater misericordiæ promissi sui: eligit virum magnum & eximium Abraham:
educit eum de domo sua, & de cognatione sua: probat multis modis fidem
illius: repetit cum eo factam ad Adam promissionem: facit nouum pactum,
remque ad specialitatem magis contrahit: atq; hoc ipsum benedictum semen,
in quo omnes gentes liberaturus erat, ex ipsius posteritatisque eius semine pro-
diturum pollicetur. Cuius signaculum illum, posteritatemque eius, in carnem
generationi seruientem, recipere iubet: vt illud signum sit veluti sigillum
quoddam, & obsignatio futuræ fidei, daturum Deum certam salutem omni-
bus illis, qui eam fidem habuerint, Deoque crediderint. Neque verò otiosum
aliquod hoc signum in illis hominibus Deus esse voluit, sed quicumque illud re-
cipe ret, eamque fidem haberet, iam per futurum meritum benedicti seminis

iustus esset, qualis & ipse Abraham fuit, in ciues Dei reciperetur, in futuramq; spem salutis. Ex qua circumcisionis origine iam etiam sensus ipsarum definitionum patet, eam scilicet esse pactum, hoc est, vt D. Paulus interpretatur, signaculum pacti in carne ipsius primum Abraham, tum & omnis posteritatis eius, eiusdem diuinæ promissionis atque fidei. Et ideò sacramentum esse visibile inuisibilis rei, hoc est, gratiæ Dei: non quidem eam conferens, sed tamen significans & designans. Atque hinc etiam colliguntur causæ ipsius circumcisionis populo Hebræo datæ. Primum vt sit originalis peccati medicina: non quidem per se & vi sua, sed per designationem veræ medicinæ, quam is parare debebat, cuius illa ortum & generationem designabat. Fuit secundo in sigillum & obsignationem pacti, quod fecit Dominus cum Abraham & posteritate eius, vt quicumq; illam in corpore suo gestaret, fidemq; Abraham primi circumcisi haberet, certus esset, se promissionum Abraham & semini eius factarum fore participem. Fuit tertio in signaculum fidei & characterem populi Dei, quo iusti & æternæ saluti designati, ciuesq; Dei distinguerentur à populis, qui ab iustitia & promissionibus Dei erant remoti, quique ad ciues sanctorum non pertinerent. Hinc præclare D. Ambrosius: Nec ipsum, inquit, circumcisionis signaculum & species feriabatur; quo populus Dei, velut quodam sigillo signatus corporis, discernebatur à cæteris nationibus. Nunc autem Christi donatus nomine, signum corporis nequaquam requirit, qui prærogatiuam diuinæ meruit nuncupationis. Epistolarum lib. 9. Epist. 77. Fuit quarto in commonitionem populi illius valde carnalis, & plurimum carnalibus affectibus seruientis, vt quò in ea parte carnis circumcidebantur, in qua maximè concupiscentia regnaret; ita longè magis mentes & animos suos, prauasq; & superfluas suas cupiditates circumciderent, ac ad mediocritatem reuocarent. Quod pulchrè ibidem explicat D. Ambrosius: Si, inquit, oportuit circumcidi, in qua magis parte membrorum oportuit circumcisionem fieri, quàm in ea, quæ quibusdam videretur inhonestior: vt ijs quæ putarentur ignobiliora esse membra; corporis nostri, honestatem abundantiorum circumdarent; & quæ inhonesta sunt nostra, honestatem abundantiorum haberent? Vbi enim magis vir sanguinis sui admoneri debuit, quàm in ea parte, quæ ministerium errori exhibet, & in qua corruptela est frequentior? Fuit item data in figura eius iustitiæ & munditiæ ac regenerationis, quæ post populo christiano per baptismum conferenda erat: tum eius ipsius effusionis sanguinis, quem post primum ipsum caput nostrum in redemptionem nostram largè & fusè effusurum erat; ac deinde membra illius præcipua & præstantiora, sancti, inquam, martyres. Quemadmodum enim nostrum verum, in quo omnium abluuntur peccata, baptismum, multa baptismata apud Hebræos, vnum illud designantia, antecesserunt: ita vnā illam effusionem sanguinis Iesu Christi eiusque membrorum post futuram, multa ista & quotidianæ effusiones designabant. Quæ omnia pulchrè explicat D. Ambrosius: Sicut autem plurima, inquit, baptismatum genera præmissa sunt, quia secuturum erat verum illud vnum in spiritu & aqua sacramentum baptismatis, quo totus redimitur homo: ita plurimorum circumcisio præmittenda fuit, quia secutura erat circumcisio dominicæ passionis, quam pertulit Iesus quasi agnus Dei, vt tolleretur peccata mundi. Exercebatur itidem iam ab infantia populus Dei, ad fortiter pro religione legeque Dei agendum, sanguinemque pro illis, vbi opus esset, animosè

animosè effundendum. Pulchrum enim est, inquit Ambrosius, ut ab ipsis vitæ incunabilis insigne religionis adolesceret, & pueret vnumquemque ætatis poruectioris vel labori vel dolori cedere, quorum vtrumque tenera infantia vicisset. Fuit etiam ad exercitium obedientiæ, & obseruationis legis eadem circumcisio instituta; ut quemadmodum primis parentibus nostris præceptum non gustandi fructus arboris vitæ propositum fuit, in quo se exercerent, ac obedientiam suam creatori & parenti suo probarent: ita etiam secundo accepto pacto, haberet populus ille visibile obedientiæ suæ argumentum. Cur autem Moyses, qui primus circumcisionis mandatum conscripsit, illudque in posterum omne tempus vniuerso populo Hebræo tradidit, ipso toto ducatus sui tempore neminem circumcidi noluerit, præter vnum solummodò filium suum, quem mater, arrepta petra acutissima, ne à Domino feriretur, circumcidit: sed omnes qui eremo nati sunt, à Iosue circumcidendos reliquit? An illa potissima causa est, quàm D. exponit Ioannes Apostolus: Lex per Moysen data est, gratia & veritas per Iesum Christum facta est. Quod enim neque patres nostri, neque nos potuimus portare, sed per gratiam Domini nostri Iesu credimus saluari, quemadmodum & illi. Vnde & Psalmista exclamat: Dum anxietur cor meum, inquit, in petra exaltasti me, deduxisti me quia factus est spes mea, turris fortitudinis à facie inimici.

26 **N**otandum, Quæri à S. Patribus, quæ causæ sint, cum Christus Dominus lege superior fuerit, utpotè Dominus & legislator; qui item ab omni peccato tam originis quàm actuali sit remotissimus; cur tamen ipse & circumcidi, & alijs legis præceptis & remedijs subijci voluerit? Cuius rei non vna, sed plures possunt adferri causæ. Primam illam adferunt sancti Patres, ut ostenderet contra futuros hæreticos carnis suæ veritatem. Primum contra Manichæum, qui dicit eum corpus phantasticum habuisse, quod neque scindi potest. Deinde contra Apollinarium, qui dixerat corpus illius diuinitati esse consubstantiale. Contra item Valentinum, qui docuit corpus eum de cælo detulisse: in quæ omninò circumcisio cadere non posset. Secunda causa illa est tam circumcisionis, quàm reliquæ subiectionis rebus à lege præscriptis, ut vetus nostra Synagoga, quod D. docet Augustinus, priusquam vera sponsa oriretur, honorificè consepeliretur: illudque doceatur, legem veterem non à malo Deo, ut Manichæi putabant, sed à patre suo datam esse: seque non illius soluendæ causæ, sed in melius commutandæ venisse. Cui non tanquam debitor, sed tanquam filius Regis vestigal persolueret: & ut omni legitimè prolata legi obediendum nobis suo commendaret exemplo. Tertiam Christi circumcisionis causam D. Paulus assignare videtur, ut nos ad veram & spiritualem circumfessionem prouocaret, ad quam iam ipse Moyses populum illum carnalem cohortatus est, Deut. 10. Circumcidite, inquit, præputium cordis vestri, & ceruicem vestram ne indueritis amplius: quia Dominus Deus vester ipse est Deus deorum. Paulus autem in hunc modum ad Coloss. 2. causam hanc innuit: In quo, inquit, circumcisi estis circumfessione non manu facta, in expoliatione corporis carnis, sed in circumfessione Christi. Quarta causa cur Christus Dominus circumcidi voluit, ut demonstraret se ex illa familia esse, gente denique, ex qua illum ortum esse describunt Euangelistæ, nempe filium Dauid, filium Abraham, Iudæum ex Iudæis ortum, Iudæis promissum, Iudæis datum: idèò

hunc ipsum characterem circumcisionis in corpore suo portare voluit. Alio-
 quæ gens incredula Hebræa iustam habuisset eum non recipiendi excusatio-
 nem, ut qui ex his oriundus non esset, ex quibus illis promissus fuerat. Po-
 nit & quintam eiusdem circumcisionis causam D. Paulus ad Galat. 4. Vbi ve-
 nit plenitudo temporis, misit Deus filium suum factum ex muliere, factum sub
 lege, ut eos qui sub lege erant redimeret, ut adoptionem filiorum recipere-
 mus: & ut nos à maledicto legis vindicaret. Cum enim scriptum esset, male-
 dictum esse omnem, qui non seruaret verba legis huius: nemo autem erat qui
 ex omni parte legi satisfacere posset; venit de cælo filius Dei, homo factus, ut
 vniuersam compleret legem, atque ita naturam humanam à maledicto legis
 liberaret: ut ita iugo legis seuero per obedientiam sublato, iugum dulce & sua-
 ue, fidei & charitatis nobis imponeret. Addamus & nos contra modernos
 Anabaptistas illam, cur Christus Dominus, idque puer octauo post natiuita-
 tem suam die, circumcidi voluit, vltimam causam: ut necessitatem baptismi
 omni ætati demonstraret: nec tantisper differendum esse, dum puer per se cre-
 dere, integramque fidem habere possit. Nam & circumcisio signaculum fidei
 fuit; & tum pueris, qui non credere poterant, octauo die conferebatur. Non
 dubium est in fide Ecclesiæ collatam fuisse, quod idem nunc de baptismo con-
 fitemur, quem in locum circumcisionis successisse docet D. Paulus: Circum-
 cisi estis circumcisione non manu facta, sed circumcisione Christi, consēpul-
 ti illi in baptismo, in quo & resurrexistis per fidem operationis Dei, qui su-
 scitauit illum à mortuis. Vtraque enim purificatione, & circumcisionis in le-
 ge, & in Euangelio baptismatis. Addit & alias quasdam minus principales,
 quæ tamen ad has ipsas facillè referri possunt. Epiphanius lib. 1. Tom. 2. con-
 tra Ebionæos.

ET circumcisionis quidem dominicæ causæ potissimæ hæ sunt. Cur au- 29
 tem nos ipsos, qui longè magis ad circumcisionem obligabamur, ab ea D. Pau-
 lus & tota Ecclesia eximat, illæ causæ erunt. Primum ut succedentibus no-
 uis, cedant vetera. Deinde, ut vmbri & figuris, res succedant: hoc autem est;
 circumcisioni, baptismus. Tertiò, ut repudiata & abrogata carnali generati-
 one & successione, de cælesti & spiritali generatione cogitemus. Si confur-
 rexistis, inquit Paulus, cum Christo, quæ sursum sunt querite, vbi Christus est
 in dextera Dei sedens: quæ sursum sunt sapite, non quæ super terram. Quartò,
 ut iam à Synagoga, quæ nutrix tantum fuit, suspendamur, & veræ matri alendi
 tradamur, à pædagogo ad magistrum traducamur, ac planè iam iudaizare de-
 finamus. Postremò, ut à carnalibus ad spiritualia, hoc autem est à carnali cir-
 cumcisione, ad cordis & aurium circumcisionem reuocemur. Et de cordis
 quidem circumcisione Ieremias: Circumcidimini, inquit, Domino, & auferte
 præputia cordium vestrorum, viri Iuda & habitatores Ierusalem. Quem lo-
 cum interpretatur Symmachus teste Hieronymo: Purificamini Domino, &
 auferte malitias cordium vestrorum, circumcisionem, emundationem: & ma-
 litiam, vitium intelligens. Hoc autem præcipitur viris Iuda & Ierusalem, qui
 veram sectantur fidem, & habitant in ecclesia. De circumcisione autem auri-
 um, D. Stephanus in Actis: Dura ceruice, & incircumcisis cordibus & auribus,
 vos semper Spiritui sancto resististis. Incircumcisas aures intelligens, claufas
 & obduratas ad audiendum & parendum verbo Dei. Complexus autem esse
 videtur

videtur D. Ambrosius harum aliquas causas desitæ circumcissionis, Epistolarum lib. 9. Epist. 72. Pleraque, inquit, præcepta sunt legis, quæ præsentī tempore cessare videantur: ut tunc circumcidi pietas crederetur, nunc impietas iudicetur. Quid ergo causæ sit consideremus. Non enim otiosè dixit Apostolus, quia lex pædagogus noster fuit in Christo, pædagogus cuius est? maturioris an adolescentis, aut pueri, hoc est, ætatis infirmæ? Pædagogus ergo, sicut etiam interpretatio habet latina, doctor est pueri: qui utique imperfectæ ætati non potest perfecta adhibere præcepta, quæ iustinere nequeat. Denique per Prophetam, Deus legis ait: Dabo vobis præcepta non bona: hoc est non perfecta. Quod enim bonum, utique perfectum. Idem autem Deus Evangelio perfectiora seruauit: Siquidem ait: Non veni legem soluere, sed implere. Quæ igitur istius, ait, causa distantia, nisi humana varietas? Sciebat duræ ceruicis populum Iudæorum, lapsum, humilem, perfidiæ promptiorem; qui aure audiret, & non audiret: oculis videret, & non videret; lubrico quodam infantia leuem, & immemorem præceptorum: & ideò legem tanquam pædagogum mobili plebis ingenio, & menti adhibuit infirmæ: ipsa quoque legis præcepta moderatus, aliud legi voluit, aliud intelligi: ut insipiens saltem quod legeret custodiret, & à præscripto literæ non recederet, sapiens intelligeret diuinæ mentis sententiam, quam litera non resonaret: imprudens seruaret legis imperium, prudens mysterium. Ideò lex seueritatem gladij habet, tanquam pædagogus baculum, ut imperfectæ plebis infirmitatem pœnæ saltem denuntiatione deterreat. Euangelium autem indulgentiam habet, quo peccata donantur. Iure ergo Paulus ait, quia litera occidit, Spiritus viuificat. Litera igitur occidit exiguum corporis portionem: Spiritus intelligens, circumcissionem totius animæ corporisque custodit, ut superfluis amputatis (quid enim tam superfluum, quàm avaritiæ vitia, libidinisque peccata, quæ natura non habuit, culpa quæsiuit?) castimonia teneatur, frugalitas diligatur. Signum igitur circumcisio corporalis, veritas autem circumcisio spiritualis est. Illa membrum amputat, ista peccatum. Nihil imperfectum in homine natura generauit, nec tanquam superfluum iubebatur auferri: sed ut aduerterent, qui partem sui corporis amputabant, multò magis amputanda peccata, recidendos eos qui delicta suadent, etiam si quadam vnitate corporis conducerentur, sicut habes scriptum: Si dextera manus tua scandalizat te, abscinde eam & proiice abs te. Expedit enim tibi, ut pereat vnum membrorum tuorum, quàm totum corpus tuum eat in gehennam. Ergo sicut pueris, ita Iudæis mandata sunt, non plena præcepta, sed ex parte: & velut vnam membri sui partem mundam seruare præcepti sunt, qui totum corpus suum mundum seruare non poterant.

- 28 **N**otandum, Magnæ sanctitatis, non tantum apud Hebræos, sed etiam apud omnes eos qui rerum Hebraicarum conscij erant, ad easque imitandas se contulerant, circumcissionem fuisse: nec tantum ad externum signum, sed etiam ad ipsam munditiem & honestatem vitæ relatam fuisse. Scribit enim D. Ambrosius in hunc modum. Gentilium etiam sapientissimi quique, ita circumcissionem approbant, ut electos suos erga cognoscenda & celebranda mysteria circumcidendos putent. Denique Ægyptij, qui & geometriæ & colligendis syderum cursibus operam intendunt suam, impium iudicant sacerdotem,

dotem, qui nequaquam habeat circumcisionis insigne. Nam neq; magici carminis sapientiam, nec geometriam, nec astronomiam iudicant vim suam obtinere, sine circumcisionis signaculo. Et ideo ut impetrandi vim operationi adhibeant suæ, purgationem quandam vatum suorum circumcisionis arcano celebrandam existimant. Reperimus autem in historia veterum, non solos Ægyptios, sed etiam Æthiopum & Arabum & Phœnicum aliquos circumcisione erga suos vsos. Et hanc putant se adhuc probandæ viam seruare rationis, eò quòd sui corporis primitiis, & sanguinis initiati, insidias dæmonum, quas illi generi nostro moliuntur, exiguæ partis arbitrentur consecrationibus destruendas: ut qui totius hominis saluti nituntur nocere, infirmari operationem suam putent circumcisionis sacræ vel lege, vel specie. Arbitror enim quòd in præteritum ipse dæmonum princeps, cessare suas artes erga noxiæ operationis effectum existimauerit, si ei nocere conaretur, quem signaculo circumcisionis sacræ initiatum aduerteret; aut ei qui videretur in hoc saltem munere legi diuinæ obtemperare. Hæc ille in Epistola 77.

Notandum, Considerata natura circumcisionis, quædam alia quæ circa 29 modum & circumstantias illius considerantur, breuiter annotanda esse. Hoc autem est, locum, tempus, modum, ac rationem ipsam. Locus igitur erat, Synagogæ in quaque vrbe, ac in his speluncæ quædam ad eam rem comparatæ, ut notat Epiphanius. Tempus autem dies octauus à natiuitate. Sic enim Deus Abrahamo præceperat: Infans octo dierum circumcidetur in vobis, omne masculinum in generationibus vestris, tam vernaculus, quàm emptitiis circumcidetur, & qui non fuerit de stirpe vestra. Cuius eam causam adfert D. Ambrosius, quòd cum per omnem ætatem nostram delinquamus, ac omnitem pore superfluis vitiis laboremus; ideo octaua demum die perfecta erit circumcisio, per quam futura denotatur resurrectio. Ambrosij verba sunt hæc: Quoniam, inquit, prona quadam cupiditate peccandi, humanæ carnis & mentis fragilitas inextricabilibus vitiis implicatur, eo per octauum circumcisionis diem culpæ totius futura purgatio, resurrectionis præfigurabatur ætate. Hoc idem V. Beda clariùs explicare videtur: Vtraque, inquit, hæc nostra, quam prædiximus, hoc est, & moderna & futura, & spiritus, & carnis innouatio, & in eius resurrectione præfigurata, & in nostra est quandoque perficienda. Siquidem de prima nostra resurrectione, quæ interim vita & fidei emendatione celebratur, Apostolus ait: Quicumque enim baptizati sumus in Christo Iesu, in mortem ipsius baptizati sumus: ut quomodo resurrexit Christus à mortuis per gloriam patris, ita & nos in nouitate vitæ ambulemus. De secunda autem, quæ in fine speratur, ita dicit: Si enim credimus, quòd Iesus mortuus est & resurrexit; ita & Deus eos, qui dormierunt, per Iesum adducet cum eo. Octauum autem diem & numerum resurrectionis gloriæ conuenire, penè omnibus claret. Nam & Dominus octaua die, hoc est, post septimam sabbati resurrexit: & ipsi post sex huius seculi ætates & septimam sabbati animarum, quæ nunc interim in alia vita geritur, quasi octauo tempore surgemus, tunc verissimè circumcisi, hoc est, ab omnibus carnalis concupiscentiæ vitiis & corruptionibus, in quibus maximè luxuria regnat, expoliati, verissimè præputium incisi. Quia sicut Dominus ait, filij seculi huius nubunt, & traduntur ad nuptias. Illi autem qui habebuntur seculo illo, & resurrectione ex mortuis, neq; nubent, neq; ducent

ducent vxores, neq; vltra mori poterunt, æquales enim angelis sunt, & filij sunt Dei, cum sint filij resurrectionis. Modus quidem circumcisionis hic etiam nunc apud Hebræos seruatur. Quando enim circumcidunt pueros in Synagoga, duas præparant sedes: alteram scilicet Eliæ, quem venire credunt, & ibi dum circumciditur puer adesse: alteram verò sedem præparant ei, qui actum circumcisionis exercet, sicque ab eis dicitur, antequam circumciditur infans: Benedictus tu Domine Deus noster, rex mundi, super circumcisionem. Mox circumciso puero, hæc dicuntur: Benedictus Dominus Deus noster, qui sanctificauit dilectum ex vtero, & præceptum in carne sua posuit, & posteritatem suam signauit signo fœderis sancti. Idcirco meritò Deus viuus, pars nostra & fortitudo nostra, mandauit erui dilectum semen sanctum, consanguinitatem nostram ab inferno, propter fœdus suum, quod in carne nostra posuit. Benedictus iniens pactum & fœdus. Circumcidebatur autem puer lapideo cultro, vt designaretur, eum in nomine illius lapidis circumcidi, quem reprobaturi erant ædificantes, & qui post futurus erat in caput anguli gentis vtriusque, tam eius quæ est in circumcisione, quàm quæ in præputio. Imponeretur item eodem tempore puero nomen ad imitationem Abrahe, qui tum item octauo die circumcidit filium suum Isaacum, illique nomen imposuit: & ipse cum testamentum à Deo circumcisionis acciperet, eadem prius die cum sua coniuge nominis augmentum promeruit; vt qui eatenus Abram, id est pater excelsus vocabatur, deinceps ob meritum fidei Abraam, hoc est pater multarum gentium nuncuparetur: Sarai quoq; Sara diceretur. Quod item & nunc Christo Domino, atq; adeò præcursori eius fieri videmus. Vocabulum autem Iesu gloriosum, omni adoratione cultuq; appellandum, non à quouis afferri in mundum, sed ab excellentiori quadam maioriq; natura debuit, inquit Origenes. Vnde signanter Euangelista addidit dicens: Vocatum est nomen eius Iesus, quod vocatum erat ab angelo. De quo nos item prolixius in libro quarto Nuncij nostri perscripsimus.

30 **N**otandum, Pulchram esse connexionem eius ipsius constitutionis Christi Domini, cum circumcisione: nemo enim coram Domino sibi rectè potest, nisi qui prius prauos affectus suos circumciderit, eosque abiecerit. Circumcissus enim vitiis dominico dignus iudicatur obtutu: Oculi enim Domini super iustos. Et nisi mortalitatis nexibus absolutus, supernæ Ciuitatis gaudia perfectè potest subire: quia non habitabit iuxta te, inquit Dauid, malignus, neque permanebunt iniusti ante oculos tuos. Sistitur autem & subijcitur legi ex iisdem illis causis, ex quibus etiam circumcidi voluit. Nam neque virgo sancta, neque eius natus ea ipsa lege purificationis obligabantur. Non virgo quidem, quia ex ipso Spiritu sancto concepit, atque sanctum peperit. Lex autem Moyse erat: Mulier si suscepto semine peperit masculum, immunda erit septem diebus iuxta dies separationis menstruæ. Non filius, quia sine omni labe peccati fuit: solusq; per omnia ex natis de foemina Sanctus, qui terrenæ contagia corruptelæ immaculati partus nouitate non senserit, & cælesti maiestate depulerit. Misit enim Deus, inquit Paulus, filium suum in similitudine carnis peccati, & de peccato damnauit peccatum per carnem, vt iustificatio legis impleretur in nobis. & rursus: Eum qui non nouerat peccatum, pro nobis peccatum fecit, vt nos efficeremur iustitia per illum. Sicut ergo similitudinem

litudinem acceperat, carnis peccato obnoxia, sic & tanquam vnus è filiis sub peccato natis voluit hunc subire ritum purificationis. Et ideò pulchrè dicit Euangelista, eos in templum venisse, atque purificationi subiectos fuisse, non ex aliqua necessitate, sed secundum legem Moysis, id est vt satisfaceret legi Moysis: & ne hoc nomine, tanquam illi qui transgressores legis essent, vel punirentur, vel tanquam profani ab hominibus declinarentur. Quòd autem ipse quoque Ioseph adest, eius rei causam affert Euthymius, quòd etiam viris vxorum suarum purgationes appropriarentur: an potius vbique tanquam custos & nutritius ipse Ioseph adest. Obseruandum est autem hoc loco, opera pietatis & actus religionis non tantum ex obligatione nos exercere debere, sed nonnunquam etiam exempli & imitationis dandæ aliis gratia, ac ad exercitium obedientiæ alios prouocandi: quod nunc matrem Dei atque adeò ipsum Dei filium facere videmus.

NOtandum, Legem Moysis duo insignia de futuro Messia prædixisse: primum eum ex virgine nasciturum, deinde verè sanctum futurum esse. 31 Primum quidem illud dum dicit: Omne masculinum adaperiens vuluam, sanctum Domino vocabitur. Quanquam enim hoc omni primogenito, siue in hominibus siue in animantibus conueniat; vt primò nascendo vterum aperiant: id tamen propriè futuro Messia reſeruatum fuit, qui propriè vterum aperuisse dicitur, vtpotè qui sine omni virili opera natus sit. Nam in aliis masculi primum in actu generationis secreta vteri aperire solent. Neque tamen hoc dicimus, neq; id lex docet, quod aliquis Iouinianus aut Heluidius in occasionem erroris sui trahere possit, virginem quidem sanctam primogenitum hunc integra virginitate sua concepisse, & non item peperisse, vt qui post vterum eius natiuitate sua aperuerit: & ita ante quidem partum virginem fuisse, post partum autem virginem non remansisse: cum partus hic sanctus non modò vterum matris suæ non violauit, sed sanctificauit potius, ac in perpetua virginitate confirmauit: egressus tanquam sponsus, instar solis transitus lucidos, & perspicuos non violans, procedens de thalamo suo. Sed hoc ita intelligendum est, hunc ipsum Regem Messiam natum, vt ante eum per operationem generationis nemo vuluam matris suæ aperuerit, quod in omni partu fit; sed ipsum solum ita aperuisse, vt tamen hæc ipsa porta semper clausa & integra remaneret. Et vt præclare dicit Euthymius, solum Christum nondum apertam supernaturaliter aperuisse, & clausam naturaliter seruauisse: vt ita mater eius & ante partum & in partu, & post partum virgo inuiolata permaneret, illudque Ezechielis de ea impleretur: Et conuerti me ad viam portæ sanctuarij exterioris, quæ respiciebat ad Orientem & erat clausa, & dixit Dominus ad me: Porta hæc clausa erit, non aperietur, & vir non transiet per eam, quia Dominus Deus Israël ingressus est per eam: eritque clausa Principi, Princeps in ea sedebit, vt comedat panem coram Domino. Et hoc quidem primum insigne Regis Messia legem & Moysen adumbrasse, eum scilicet ex intacta virgine nasciturum fuisse: solumque primum verè vterum matris suæ aperuisse. Secundum illud, eum sanctum futurum, & ita nulla purgatione opus habiturum. Sed ob hoc magis eam suscepturum; vt & legem, quæ hanc ipsam purgationem præscripserat, sanctam, iustam, ac bonam esse probaret; & nos ab eius seruitute ac timore fidei gratia liberaret. Solus enim sanctus est, ceterosque omnes sanctos facit

facit. Nam de cæteris illud Iob verè dicitur: Nemo mundus à forde, nec infans cuius vnus diei vita sit super terram. Vtraq; autem hæc annexa Messia, quæ tam longè antè lex prædixerat, & adumbratam longè pòst Gabriel Archangelus virgini exposuit. Primum quidem illud, quòd sine virili semine nasciturus erat, cùm dicit: Spiritus sanctus superueniet in te, & virtus altissimi obumbrabit tibi. Secundum deinde, sanctitatem nempe ipsius, cùm addit: Et ideo quod ex te nascetur sanctum, vocabitur filius Dei. Sanctum autem hoc primogenitu dicitur; & secundum diuinitatem, quia filius Dei; & secundum humanitatem, vtpotè vnitus filio eius.

32 **Notandum**, Quòd quemadmodum in natiuitate Christus Dominus non habuit locum in diuersorio, & ideò necesse habuit reponi in præsepio: ita in purificatione & præsentatione sua, non habuit agnum præ paupertate, quem pro se offerat; & ideò necesse habuit viles auiculas pro se Domino præsentare. Non aliam ob causam, nisi vt & hîc & ibi nos à cura rerum humanarum opumque auocaret, & ad studium paupertatis inuitaret: neque tamen necesse fuit pro eo agnum offerri, qui ipse fuit agnus, qui tollit peccata mundi, pro redemptione omnium datus & designatus. Et quemadmodum in eo humilitatem suam declarauit, quòd legi subijci voluit: ita & in hoc, cùm ipse hostia pro humano genere offerenda esset, pro se tamen tam pauperem hostiam, & tam exigua munera offerri voluit; vt vna sua paupertate, nos & hîc diuites in fide, & illîc faceret hæredes regni, quod repromisit Deus diligentibus se. Quamuis autem pauperes fuerint istæ auiculæ, rectè tamen eas beatificat Origenes: Aues istas, inquit, ego beatas puto, quæ pro ortu Domini oblatae sunt: & cùm asinam Balaam miror, & felicitate accumulo, quia digna fuerit non solum videre angelum Dei, sed etiam ore referato in humanum sermonem erumpere: sic multò amplius has volucres prædico, easq; extollo, quòd pro Domino nostro & saluatore oblatae sunt. Vbi etiam obseruandum est, non quid, aut quantum in opus pietatis detur, considerandum esse; sed ex qua facultate, & quo animo, iuxta illud Tobia: Quomodo potueris, ita esto misericors: si multum tibi fuerit, abundanter tribue: si exiguum tibi fuerit, etiam exiguum libenter impertiri stude. Quod nunc ipse Rex regum facit, qui pauper nostra causa factus, pauperem victimam offerre non erubescit.

33 **Notandum** item cum Theophylacto, quare mulier post partum masculi septem diebus, post partum autem foeminæ duabus hebdomadibus immunda esse debuerit: & cur adeò plurium dierum post generationem masculi, quàm foeminæ purificatione opus habuerit? Mulier, inquit scriptura, si suscepto semine peperit masculum, immunda erit septem diebus, iuxta dies separationis menstrui sui: ipsa verò triginta tribus diebus manebit in sanguine purificationis suæ. Sin autem foeminam peperit, immunda erit duabus hebdomadibus, iuxta ritum fluxus menstrui, & sexaginta sex diebus manebit in sanguine purificationis suæ. Non aliam ob causam, nisi quòd cùm pareret masculum, alterum Adam in mundum inducere, cùm autem foeminam, Euam alteram procreare videretur, putridum, infirmum, fictile, & quod facile frangi & conteri possit vas, fraudis & fallaciæ adminiculum, atque ducem inobedientia.

Notandum, Constituisse Deum in populo hebræo ciuitatem vnam insignem ac nobilem, regiam simul & sacerdotalem, in eaque templum, in quo nomen eius inuocaretur, quod sacerdotes, quod populus tantus ter in anno venire tenebatur; vt inde legem & doctrinam, inde ceræmonias, inde rationem veri cultus Dei, mores item & instituta acciperent; ne necesse haberent singulorum hominum sententias sequi, ritus pro libitu & sensu suo quemque instituere & comminisci, in varias sectas & hæreses discerpi, omniq[ue] vento doctrinæ circumferri: sed vno corde, vna mente, vno sensu & ore omnia administrare. Quod hæreses seculi huius non vident, nullumq[ue] communem ac vniuersalem vel pastorem, vel urbem, vel ritus, vel cultus habere volunt: ideò errant & alios in errorem inducunt. Quantas turbas dedit Lutherus singulari suo sensu, quantas item Calvinus & alij, videmus, & cum summa iactura rei christianæ experimur. In eam igitur urbem & Christus Dominus venire, ibiq[ue] statui, & dona sua offerre voluit.

Notandum, cecinisse angelos gloriam esse in excelsis Deo, & in terra ³⁴ pacem hominibus, non quibusuis, sed bonæ voluntatis. Probat nunc hoc idem exemplum Simeonis, qui meretur Christum authorem pacis videre, brachijs amplecti. Cur ita? quia erat homo bonæ voluntatis, redemptionemq[ue] Israël expectabat: nec sibi tantum, nec Israël, sed omnibus gentibus. Notanda item est hoc loco illa perpetua sacræ scripturæ regula, in qua post humilitatem sequitur exaltatio. Humiliauerat semetipsum Dominus, sanctus mundari voluit, legislator legi subijci, Dominus vniuersorum humilibus auctus redimi: at idem magnificè nunc exaltatur, dum salutare Dei in conspectu omnium gentium positum prædicatur, lumen ad reuelationem gentium, & gloria plebis Israël. Obseruandum autem est, omnem ætatem & vtrumque sexum, euentorumq[ue] miracula, fidem adstruere debuisse. Virgo generat, inquit Ambrosius, sterilis parit, mutus loquitur, Elisabeth prophetat, magus adorat, vtero clausus exultat, vidua confitetur, iustus expectat. Docebat enim, addit V. Beda, omnium saluatorem, sicut venturum in carne omnium toto seculi tempore fidelium, factum vel dictum præsignari; ita etiam venientem communi omnium laude prædicari, impleta prophetia, quæ dicit: Laudate Dominum de cælis, &c. vsque quod ait, Iuvenes & virgines, senes cum iunioribus, laudent nomen Domini, quia exaltatum est nomen eius solius. Confessio eius super cælum & terram.

Notandum, quis Christum Dominum aut videre, aut brachijs gestare ³⁵ meretur: Nempe ille, primùm qui Hierosolymis sit, hoc est, in Ecclesia Dei, ciuitate sancta, qui hæreticorum errores & scissuras fugit, qui pacis visionem amat. Deinde vt sit iustus & timoratus: iustus quidem quoad Deum, & quoad homines: timoratus tamen, hoc est qui in iustitijs suis non confidat, cum Domino Deo sollicitè ambulet, omnia opera sua metuat, in timore & tremore operetur salutem. Iustus autem dixit & timoratus, quia difficile iustitia sine timore custoditur. Non illum dico timorem, qui sub lege pietatis temporalia bona sibi subtrahi perhorrescit, quem perfecta dilectio foras mittere consuevit: sed timorem sanctum, qui permanet in seculum seculi, quo iustus Deum suum quantò ardentius diligit, tantò solertiùs offendere cauet. Tertiò, vt habeat bona

beat bona desideria, quod iam diximus, non propter se tantum; sed propter alios etiā, vniuersamq; ecclesiam. Expectabat, inquit, consolationem Israël. Vltimò, vt Spiritus sanctus ducat & regat illum, quomodo nunc Simeon adducitur, postquam acceperat promissionem à Spiritu sancto, non prius se visurum mortem, quàm videret Christum Domini.

37 **N**Otandum, cum V. Beda, quid sit videre mortem. Quomodo videtur, inquit, quibusue oculis, quæ veniendo ipsos oculos claudit, ne aliquid videant? Sed videre, mortem experiri significat: multumque felix mortem videbit carnis, quicumque Christum Domini prius oculis cordis videre satagerit, conuersationem habendo in cælesti Ierusalem, templi Dei limina frequentando, hoc est, pia sanctorum, in quibus Dominus inhabitat, exempla sectando, suspirando cum Psalmista, Vnam petij à Domino hanc requiram, vt inhabitem in domo Domini omnibus diebus vitæ meæ, vt videam voluptatem Domini. Sic enim & ipse verbum Dei in manibus accipere, & fidei charitatisque suæ brachijs merebitur amplecti. Quod autem ait: Et venit in Spiritu in templum, significat, eum eadem Spiritus gratia, qua olim venturum præcognouerat, etiam nunc venientem, & iam iamq; à se videndū cognouisse saluatorem.

38 **N**Otandum, cum dicit, Vt facerent, id est, offerrent, id scilicet quod lex iubeat, par turturum, aut duos pullos columbarum. Vnde colligitur, verbum faciendi pro offerendo sumi. Quod etiam in Leuitico legimus: Ille est sermo, Leuit. 9. ait Moyses, quem præcepit Dominus: Facite, & apparebit vobis gloria Domini. Et paulò post ipse Dominus ad Moysen, vbi ait de mundatione viri, qui fluxum seminis pateretur, Leuit. 15. Die octauo sumet duos turtures, aut duos pullos columbæ, & veniet in conspectum Domini, ad ostium tabernaculi testimonij, dabitque eos sacerdoti, qui faciet (id est offerret) vnum pro peccato, & alterum in holocaustum. Indeque colligunt, Christi verborum in vltima cæna eundem sensum fuisse, cum dicit: Hoc facite in meam commemorationem: id est, non tantum manducate & bibite, sed etiam offerte. Quod nunc itidem impugnat hæresis.

LAVS DEO OPT. MAX.

Odæ tres funebres
DE LAVDIBVS
STANISLAI SOCOLOVIL
STEPHANI REGIS POLONORVM,
quondam Theologi, viri integerrimi,
& eloquentissimi,

ANDREAE SCHONAEI, PVBLICI IN ACADEMIA
CRACOVII, PHILOSOPHIAE PROFESSORIS.

ODE PRIMA.

Oëtonarius I.

CAnora fide callidus
Ventos, fluuiosq; concitos mo-
rari Orpheus, sua dum silentes,
Vxor inanima,
Ad animas Erebi profundæ
Descenderat; arte dulci,
Solatus amicæ
Coniugis occasum lachrymosum;

Oëtonarius II.

Et ipse Orci adiit domos
Furuas leuibusq; mistus vmbriis,
Sumit plectra, lyraeq; cantu
Tartara in amæ-
na, simulacraq; luce cassa,
Demulcet, agitq; victor;
Charam Euridicen, vt
Trux sineret Fatum remeare.

Oëtonarius III.

Redit, proximâq; illa ter-
ris occipit albicans tueri
Lumen: sed malè cauti amoris
Peccat oculus.
Itaque nox redit atra, vanam
Prensâtq; maritus vmbra.
Nolunt feni fata ig-
noscere, bis legesq; refigere.

Oëtonarius IIIL.

Eam sæpè poposceram
Grandem Cytharam ferire plectro;
Postquàm morte obita occidit, nostri
Orbis oculus,
Socolouius, qua ego, plenius almis
Spebus, supera aggredi ausus,
Cælis ab amænis
Magnam animam in terras reuocassem.

Oëtonarius V.

Sed haud profuit optio,
Grandiq; dolore Musa onusta,
In luctu, tenebrisq; mæstis
Obticuerat,
Quasi simul tumulo reposta.
Nam si iubar aureum Phæ-
bi, diripias po-
lus, reliquis nox ignibus instat.

Oëtonarius VI.

Repens, nec tacitum rubet
Luna, exhilarans vagos viato-
rum cursus: ita cum Patrone
Haud mihi tuum a-
spicere fas iubar amplius, ca-
ligo caput atra condit,
Etsi qua fuit lux,
Occidit, inq; euauit vmbra.

Oëtonarius VII.

Vel ergò Træce de Orpheo
Est fabula: vel mecum acrius cor

Socolou

Socolou I amor vrit, atque
Orpheæ thori
Socia; namque ubi maior est præ-
sentis rei amor, si ea absit,
Mærorq; dolorq;
Tristior infestat cor amarum.

Oëtonarius VIII.

Sed ò Musa mea, erige
Te luctibus his malis, licet sis
Deformidi illuue, situq;
Obsita; leui-
us at enim, horridulè vocari
Turpem, obstupidamq;, quàm si
Mens conscia iniqui,
Arguat ingrata, oraq; turpi

Oëtonarius IX.

Pudore occupet: hoc enim
Immane scelus, creatq; alitq;
Pestes, monstraq; abominanda:
Omniaq; na-
ta benè suffocat, inficitq;
Hinc anxia opum cupido
Aucta obruitur re,
Parcit, & , vt sacris malè parto.

Oëtonarius X.

Clientum hinc mala gratia
Per sibila, per malasq; fraudes
Altiores violat, feroxq;
Cana capita
Pede premit tumido iuuentus.
Non est ita terra nequam,
Quæ credita reddit
Ubere fœtu: non ita sæui.

Oëtonarius XI.

Leones, Elephanti & a-
cres, non Iouis alites, citiq;
Delphines, rabidi aut molossi,
Quos leuis ofel-
la, benefactaq; perminuta
Usq; ad graue demerentur
Imi obsequij iugum:
Inq; rogos ardentis heri insi-

Oëtonarius XII.

liunt, questibus aut nimis
Longis grauibusq; se trucidant.
Nam me vt vidit, amauit; atq;
Diuite penu
Diu aluit, merito haud meo vllò,
Impannem, inopem, horridumq;
Deduxit & ipse
Aonas in montes, Heliconaq;

Oëtonarius XIII.

In vmbrosam: ubi fons sacer,
Quem Pegasus eruit pede acri,
Lauris obsitus & cupressis,
Melliflua aqua
Rigat, & exbilarat nouenas,
Doctis fidibus, sorores.
Posthac Sophiæ antra
Omnisciæ ostendit, Stagyraeq;

Oëtonarius XIV.

Vias irremeabiles:
Et Dædali facta multiformis
Naturæ super æthera, & infra
Iussit oculus
Liquidioribus intueri.
Quid plus faceret pater na-
to, quiduc nepoti
Cæcus auus? quo mutua reddam?

Oëtonarius XV.

Nec hanc dulcem animam tuis
Pro manibus, hostiæ instar atræ,
Si deuouero, par piumq;
Reddidero ti-
bi; sed & haud meritis grauatim
Succumbo: tum volo sem-
per debitor esse.
Intere à gratum accipe velle.

ODE SECVNDA.

Oëtonarius Primus.

Age ergò edite nœniam
Mæstam, lacrymasq; mittite atras,
Rrr 3 Quicquid

*Quicquid mundus habet profane
Artis, & ab æ-
there dat, & sapientiæ almæ:
Paucis viget intus acris
Solertia mentis,
Cæca potens rerum penetrare.*

Octonarius II.

*Eam si tibi non dedit
Natura, grauem haud iuuat laborem
Vigere, accubuumq; doctos
Voluere libros.
Perit agro sterili repostum
Granum, velut huius; corui
Contra Iouis ali-
tem malè rauco gutture strident.*

Octonarius III.

*Et ut montibus arduis
Quercus, mage quo tremiscit Euro,
Ac seu Borea laborat,
Undique minan-
tibus ei excidium proteruis
Tentis, mage fixa terris,
Stat vertice celsò,
Latius augens agricolæ umbram:*

Octonarius IV.

*Ita altus vigor ingenij
Ignescit & acriora sumit
Incrementa, graui ex labore,
Peruigilio-
que vigili, ardua quæque rerum
Immensaq; & inuia vlli
Vincens, peragransq;:
Supra hominem effulgens, hominē intra.*

Octonarius V.

*Licet sint sola pingua,
Fecundaq; rura, si quiescant
Nec tauris validis, nec vneo
Vomere preman-
tur, inarata, situmq; passa;
Non fruge bona beabunt
Pigrum Dominum, sed
Cum tribulis lappas, loliumq;:*

Octonarius VI.

*Ferent, materiam foci.
Dinamque labore cuncta
Progignunt, retinent, fouentq;:
Nec mala per o-
tia sinunt homines perire.
Sic fortis equus diu cum
Stat clausus opaco
In stabulo, nutat pede claudo.*

Octonarius VII.

*Utroque in stadio inclytus,
Socolouū ferebat vsq;
Victricem ante alios coronam.
Mens erat ei
Cata, sagax, & acuta, siue
Priscum foret extricandum
Sensu latebroso,
Seu noua procudenda peritè*

Octonarius VIII.

*Tenacitamen vsq; cu-
ra continuo incubando chartis,
Discebat studio inquiete,
Tempora taci-
ta venienti adimens sopori,
Condens solidos diesq;:
Ac si foret ipsum
Viueret verum, discere scire,*

Octonarius IX.

*Et arte ingenua rudēs
Formare; proinde nomen vsque,
Doctrina velut alite, altum
Extulerat æ-
thera, micans velut inter astra
Fulgentia luna pernox:
Sic iudicium acre
Indiderat natura Deniq;.*

Octonarius X.

*Ab ipsis iuuenilibus
Annus, sapiebat vsq; corde
Prudenti, nitidum decorum
Callidus vbi-*

de Laudibus Socolouij.

749

que retinere, neque vnquam ineptum
Mordax leueq; aut proteruum
Crudo excidit ore.
Talia scripsit, talia gessit.

Octonarius XI.

Licet grande sonans quoque
Dormitet Homerus; & disertis
Scriptores habeant suas la-
bes vitiaq;
Velut in egregio ore nauos;
Nil tale tamen notatum
Vnquam in Socolouio.
Omnia sic mens cauta regebat.

Octonarius XII.

Si abest iudicium catum,
Desunt simul omnia, haud iuuatq;
Ars multa, ingenijq; virtus:
Quin magis erant
Et tibi exitio probroq;
Et sola putamina obti-
nebis, nucleo absque:
Consilium cum re fugientq;.

Octonarius XIII.

Id vnum est sapientiae
Lumen notaque; atq; regula omnis
Virtutis, sociæq; pacis
Forte retina-
culum, animus hominum tot inter,
Et nescia corda flecti:
Dicens bene ius domi,
Armaq; portans laurea ab hoste.

Octonarius XIV.

O qua fama Academiae
Iagello tuae, vndique affluentem
Heroum sobolem expoliuit,
Arte varia,
Docuit atque diserta fari:
Et templa, scholas, Senatum,
Vnus vir abunde
Discipulis doctis cumulauit.

Octonarius XV.

O felix ter & amplius,
Cui contigit illud eloquens os
Sæpe audire, decusq; sermonum
Accipere men-
te cupida: enthea dum recludit
Decreta, Lechiq; Regem
Fortem, vrbicapum, Mo-
scumq; Scythamq; audace domantem

Octonarius XVI.

Duello, eloquio regit
Mirè attonitum, iubetq; vitas
Culpasq; eluere, inq; cælum
Euehit, vbi
Hilaritudine nunc perenni
Heroibus additus, com-
pletur. Sed & illum
Alma beat fortuna, polita

Octonarius XVII.

Et æuo æquiparanda ca-
no, dignaq; Olympicis theatris,
Qui liber vacuumq; legit
Posthuma viri
Opera: spiritus ille dius
Per singula verba spirat,
Viq; horto in amæno,
Dant hilarem patres ibi odorem.

Octonarius XVIII.

Malignam raticem furen-
tis prodidit Heresis, latentes
Eiusq; exuias retexit,
Vellera dolo-
sa rapiens laceransq; contu-
ditq; effera rictibus di-
ris ora lupi, qui
Usque animas tot mittit ad Orcum.

Octonarius XIX.

Et vt, quem malus abstulit
Error, loca in auia, huc & illuc
Mentem diuidit anxiam, an ve-
stigia retrò
Legat, an vrgeat inuio vi-
am tramite, per iuga aspris

Rrr 4

Horrentia

*Horrentia saxis;
Per nemorumq; umbras tenebrosas.*

Octonarius XX.

*Pudet retrogradi, timet
Procedere: tentat ergo transuer-
sè calcare viam, proculque
Diffita celer
Loca petit, rogans quò eundum.
Sic multibibula atque demens
Luthera, palans,
Per loca inaccessa & malè tuta,*

Octonarius XXI.

*Adit Graugenas remo-
tos, quærit iterq; rectum; at illi
Infesti licet usque Romæ,
Vera latij
Tamen eis digito fideli
Vestigia, tramitemq;
Monstrant, atauorum.
Illa pudore impleta, grauemq;*

Octonarius XXII.

*Popelli malè creduli,
Cui sublitum & os, timens furorem,
Infamesq; cruces & enses,
Roboraq; ; ma-
luit iter peragrarè fallax,
Plebiq; ferum in Barathrum
Præpandere lumen
Quam capitis felice periclo,*

Octonarius XXIII.

*Recantare venefica
Periuria Lutheri ebriaci,
Occultumq; aperire vulnus.
Interim at ea
Tacita dum silet, inq; peius
Ultro ruit, & perit: pa-
tescit, mala mens ac
Transfugium hoc peruulgat in orbem*

Octonarius XXIV.

Disertus Socolonius,

*Grandi opprobrio replens Tubingam.
Irursus pete Thraciæ oras,
Ipete vel I-
aponidum aurea regna cernes
Ritusq; fidemq; Romæ:
Quæ cum tibi sordent,
Ultimum in orbem transtulit illa*

Octonarius XXV.

*Deus. Sed quid ego hæc moror?
Viuace feruntur ala ubiq;
Et doctos oculos fatigant.
Viq; Samius
Pythagoras, ab imagine altæ
Plantæ Herculis, arduam mo-
lem corporis inte-
gri reperit, scitè modulando:*

Octonarius XXVI.

*Ita hæc paucula, sat tibi
Magnum indicium datura, quantum
Doctrinæ columen decusq;
Socolonius
Fuit: ita vnica linea olim
Per Protogenis venustam
Deducta tabellam,
Prodidit, excutum manu Apellem.*

ODE TERTIA.

Octonarius Primus.

*O diua, aurea progeni-
es, delictumq; dulce cæli,
Regina omnipotentis orbis,
Vnaque salus
Hominibus miseris, leuamen
Præsensq; laborum & ærum-
narum: quæ superni
Imperij clauces moderaris,*

Octonarius II.

*Recludens nitidas domos
Diuum, immeritis mori, auro ubi vndiq;
Et gemmis varijs corruscant
Splendida pala-
tia, & amica quies voluptasq;
Immensa*

*Immensa viget, fremuntq;
Cantusq; choriq;
Gaudiaq; æternum duplicantur.*

Octonarius III.

*Penes te omnia sunt bona,
Res, vita, salus, fides, amici,
Libertasq; decusq; verum,
Indiga nihil
Opis & ambigui fauoris
Stulto à populo, tibiipsi
Tu præmium honosq;
Regno Asiæ sublimior, illi-*

Octonarius IIII.

*quæ defers diadema so-
li nobile viuidamq; laurum,
Qui Gazas Arabum irretorto
Spectat oculo,
Domat & acre cor impotentis
Ira, & vetitiq; flammæ
Restinguit amoris.
Liber ab omni labe maligna.*

Octonarius V.

*Proinde vltima seruiit
Tribule Latio, Remiq; pubes
Medis, Æthiopiq; fusco
Iura placida
Dedit: Et aspera Sparta bellis,
Muris, opibusq; cassa,
Regnavit Achæis,
Imperijs Regina potentis.*

Octonarius VI.

*Nihil maius in orbe vir-
tute, aut simile extat, aut secundum,
Quam penna metuente solui
Fama agit, & vs-
que velut Hesperus occidentem
Solem comitatur, effertq;
Ultra Garamantas,
Antipodum & vestigia versa.*

Octonarius VII.

*Et vt nauigeri maris
Cautem validam irrita quatit vi-
Decertans Boreæ Africus, stat
Fixa tamen il-
la tumidasq; repellit undas,
Atque immania flamma
Differtq; domatque.
Mascula sic virtus, furibundi*

Octonarius VIII.

*Minaces oculos tyrin-
ni, ludibriumq; turpe vulgi,
Nil formidat, amatq; pulcrum
Projicere ma-
gis animam, tolenareq; acres
Botas, pedicas, numellas,
Nervosq; facesque;
Quam solida de mente sinat se*

Octonarius IX.

*Moueri, iubeatq; ma-
la & posthabeat lucris honesta,
Infidis dominis adulans.
Simplicem animum
Gerit, amatq;, oculos serena
Os libem, fronte aperta,
Peiusq; veneno
Insidiosos odit amicos.*

Octonarius X.

*Apertis odijs furere,
Iraeq; foras vibrare tela
Præstat, quam simulare vultus,
Fronteq; bilari
Tegere corda inimica, sicut
Tectum mage sæuit vlcus
Contage maligna,
Quam quod in extrema cute putret.*

Octonarius XI.

*Sed heu rara nimis viget
Virtus: ita rara quæque magna;
Vix vnum, atq; duos ferunt regna,
Atq; populi,
Solidæ & omnigenæ, qui alumni*

Virtutis,

*Virtutis, opes, honores,
Plaususq; sonantes,
Despiciant, in se teretes &*

Oëtonarius XII.

*Rotundi, super omnia
Humana, caput sacrum efferentes:
Qua te ergò celebrem lym? quo
Carminè canam
Socoloui, æthereis caduco
In corpore par alumni?
Non te levis vssit
Ambitio, non gloria fastu*

Oëtonarius XIII.

*Repleuit, nec opum fames
Dulcem abstulit anxio quietem,
Nec lior tua torfit acri
Viscera dolo-
re, tacitè populatus artus.
Non & penitis voluptas
Infixa medullis,
Castum animum tentauerat unquam.*

Oëtonarius XIV.

*Sed & candida, rectaq;
Mens, absque dolo, iuuare promptu,*

*Omnes consociant arcto
Fœdere tibi,
Beneuolumq; fauorem, & absque
Laudem inuidia parant.
Mortalium abundè
Vota tot explens, tot Geniosq;.*

Oëtonarius XV.

*Proinde assidue, velut
Dense agmine, flos Lechi Nepotum,
Tot clari procures terebant
Limina tua,
Ut oculos, sacriq; omni cerne-
rent, totq; animi venustas
Dotes imitati,
Exprimerent vita, ingenioq;.*

Oëtonarius XVI.

*Proinde ignea sidem
Nunc sub pedibus vides, sacriq;
Succos Nectaris ore libas
Purpureo, & in
Dei inhians faciem, intueris
Mortalia cuncta, splende-
scens luce noua, inter
Indigetes, cæliq; Quirites.*



INDEX LOCUPLES

TOMI SECUNDI OPERVM

STANISLAI SOCOLOVII.

In quo prior numerus faciem, secundus notam significat.

A.

Abnegare se, quid est, 605. 32.
Abominatio desolationis, quid significet, 450. &
 457. & 641. 14.
Absurdo vno dato, infinita sequuntur, 590. 20.
Abraha virtutem ultimam Christum emendo lu-
dei amiserunt, 533. 15.
Abraha possessionum latitudo, 553. 38.
Abraha quae promissa praestita, 699.
Achimelech sacerdos cur Abiathar dictus, 571. 25.
Actionum nostrarum adiumenta tria, 19. 48.
Actionum nostrarum sit initium Deus, 591. 24. &
 592. 31. & 625. 8. & 651. 28.
Ada peccatu duo mala attulit hominibus, 731. 17.
Aduersitas omnis est baptismus, 25. 23.
Aduersitatum cause, 179. 51. Remedia, 14. 18.
Aduersitatum commoda, 25. 23.
Aduersitatum nostrarum vberima merces, 18. 43.
Aduersitates qua intentione optanda, 46. 12.
Aduersitatibus corporis ob quinque causas affligi-
mur, 569. 11. & 573. 11.
Aduentus Christi duplex, & qui praecursores v-
triusque, 608. 11.
Aegyptij circumcissione vsi, 739. 38.
Aegyptus fuit daemonum plena, 15. 31.
Aegyptus per Christi aduentum facta domicilium
virtutum, 15. 32.
Aegritudines corporis ob peccata accidunt 569. 10.
Aetas humana parabola vineae adequatur, 396.
Affectus ordinati sunt necessarij, 63. 18.
Ager in quo thesaurus absconditus, mundum si-
gnificat 246. 62.
Agri figuli mysterium, 532. 12.
Agni oblatus cum Christo collatio, 625. 9.
Altare ecclesiae ab altari synagogae quomodo dif-
fert, 436. 23.
Altare & posita res in altari quid notent, 431. 7.
Amantium Deum proprium est non scandalizari,
 307. 38.
Amans verè non tantum laudat, sed etiam ar-
guit. 664. 11.
Ambitio quale vitium, 81. 2.
Ambitionis incommoda, 311. & 577. 17. & 372. 27
 & 373. 28. & 611. 30. 32. & 623. 38.
Ambitionis vetustas, 327. 1. *vanitas,* 330. 12.
Ambitio par inuidiae, 623. 39.
Ambitiosi nesciunt quid petunt, 622. 35.
Amicos non diligere quam iniquum, 78. 98.
Amicitia si est contra Deum reijcienda est, 307. 38

Amici nomine, nemo bonus à Christo appellatus,
 525. 71.

Amoris muliebris effectus. 265. 4.
Amori Dei nihil praeponendum, 329.
Amoris Dei amor proximi comes, 635. 18.
Amoris impetus quantus, 590. 16. & 592. 33.
Anabaptistarum error refutatur, 350. 28. & 298. 26.
Ancilla tres Petrum tentantes quid notent, 530. 91.
Angeli Christo nascente quare caneabant, 731. 17.
 & 733. 18.
Angelorum custodia libertatem voluntatis non
tollit, 19. 48.
Angelus custos pro peccatoribus non orat, 332. 8.
Angeli numero & specie differunt, 526. 73.
Angeli nobis ministrantes Deum semper aspiciunt
 678. 30.
Angeli Christo nascente pastoribus apparentis my-
steria, 730. 12. 14.
Angeli cur nascente Christo caneabant, 730. 15.
Angelorum voluntas erga nos prompta, 663. 7.
Angeli quid à nobis requirant, ibidem.
Anima partes tres, 61. 45.
Animus proximi potius quam corpus diligendum,
 71. 69.
Anima curatio duplicibus donis constat, 158. 47.
Animam non curare quam perniciosum, 304.
Animam occidere quis dicitur, 181. 5.
Animam amare quid est 605. 33.
Animam saluam facere homo vult quomodo intel-
ligendum, 305.
Anima nostra dignitas, 605. 34.
Anima sedem cor, Christus asseruit, 282. 13.
Anima omnes potentiae ad amandum Deum ver-
tende, 635. 17.
Anima nostra in amando Deo sponsam imitetur,
 636. 19.
Anima & spiritus discrimin triplex, 689. 56.
Animarum e corpore exeuntium receptacula tria,
 661. 2.
Animalia quae secure incedunt, 493.
Antonius Magnus in Aegypto natus, 16. 33.
Antichristi tempus, generatio, effecta, 461. 21.
natura, 460. 20.
Antichristo viuente quanta mala nos manent,
 642. 21.
Antichristus persecutoribus cunctis crudelior,
 457. 13. *quam diu durabit.* 643. 22.
Antichristi aduentum voluptates hominum pra-
cedent, 477.
Antichristus finem mundi notat, 458. 18.
Antichristo

Index Tomi Secundi

- Antichristo sublato post quadraginta dies erit iudicium,* 463.
- Aperire os in parabolis Messiam quomodo intelligendum,* 246. 61.
- Apostolorum varia ex varijs scripturis dignitas,* 56. 31.
- Apostolorum laudes in successoribus manent,* 57. 33.
- Apostolorum tribulationes;* 243. & 169. 27. Constantia 170. 24. & 140. 50. docendi modus ibidem, & 552. 33. pietas, 444. magnanimitas, 448. 6. modestia, 280. 6. officia 553. 39. premia, 358. 46. potestas quanta, 333.
- Apostoli non ipsi locuti, sed Spiritus sanctus per illos,* 171. 27.
- Apostoli quomodo iudicaturi mundum,* 359. 51.
- Apostoli sal terræ,* 52. 21.
- Apostoli lux mundi,* 54. 26.
- Apostolis quomodo lux non conuenit,* 55. 28.
- Apostolorum vocationis formula explicatur,* 38. 38.
- Apostolorum vocatio Philosophos confundit,* 39. 39.
- Apostolorum vocatio bonitatem & sapientiam Dei præfert* ibidem.
- Apostoli ad totum mundum non ad eius partem missi,* 53. 25.
- Apostoli piscatoribus similes,* 39. 40. loco, 39. 41. functione, 39. 42. laboris modo, 40. 45. laboris euentu, 40. 44. Auditoribus, 40. 47. Auditorum moribus, 40. 48. viuendi modo, 40. 50. viuendi euentu, 40. 51. instabilitate, 41. 51.
- Apostoli piscatoribus dissimiles,* 41. 53.
- Apostoli varijs modis primi,* 41. 54. cur fratres dicti ibidem.
- Apostoli non poterant separari à se,* ibidem.
- Apostoli sunt ciuitas supramontem posita,* 55. 29. & 355. 40.
- Apostolorum amor erga nos,* 56. 31.
- Apostoli magni eleemosinarij,* 86. 28. cur modica fidei dicti, 135. 39. cur in nauis trepidabant ibidem. nihil ludæis profuturi cur ad illos ire iussi, 162. 1. persecutionibus non victi, 140. 54. cur persecutiones passi, 174. 42. & 243. cur beatiore prophetis, 228. 6. quando Christum confessi, 297. 16. non omnes erant idiotæ, 562. 19. quales à Christo vocati, 562. 20. cur duodecim fuerunt, 573. 17. cur bini ad prædicandum missi, 588. 8. in amando Christo æmuli, 651. 27. patiente Christo ubi fuerunt, 661. 2. num montes transtulerint, 390. 31. quomodo Christum secuti, 357. quomodo patres & magistros se appellant, 435. 19. sunt fratres Dei, 550. 20. cur ipsi tantum ad cœnam admitti, 514. 31.
- Apostolis ubiq; locorum 12. ludæi resistebant,* 137.
- Apostolorum missio generalis & specialis,* 162. 2. omnes homines sunt debitores ob 9. causas, 181. 51. prædicatio sola veritate nitebatur, 30. 30.
- Apostolos non visuros mortem nisi viderint Christum quomodo intellig.* 306. 32.
- Apostolos 12. cophinos fragmentorum collegisse quod mysterium,* 270.
- Apostolos pluris quàm amicos Christus fecit,* 222. 56.
- Apostolos suscipientium merces,* 164. 8. & 178. 51.
- Apostoli quomodo viuere iussi* ibidem.
- Apostolos amare est Deum amare,* 178. 51.
- Apostoli amicos habuerunt inimicos,* 173. 30.
- Apostoli spicas ob inedia sabbatho euellentes reprehensi & defensi,* 203.
- Apostolis multa clam Christus dixit,* 181. 56.
- Apostolos in prædicando Christus quomodo se gere iussit,* 588. 5.
- Apostolorum vestis asinae imposita quid notet,* 377. 1. & 382. 10.
- Apostolica doctrina necessitas,* 53. 20. (15 & 173. 33.
- Apostolicos viros contemnere quàm iniquum,* 166.
- Appetitus in homine duplex per quem pugnantia expeti possunt,* 49. 15.
- Aquila ubi sunt ibi & corpus quomodo intelligit,* 460. 18.
- Aquæ asperisionem Calvinus falso tollere ostenditur,* 283. 18.
- Arbitrij libertas probatur,* 304. 31. & 442. 25. & 581. 24. & 605. 31.
- Arbitrij libertatem quo argumento Manichæi tollebant.* 251. 75.
- Arcana non omnibus reuelanda,* 606. 1.
- Archelaus in Iudæa quando regnavit,* 18. 45.
- Argentum in parabolis, prædicationem Euangelij significat,* 487. 8.
- Argentum amantes quod in commodum manet,* 532. 9.
- Argenteorum valor quibus Christus venditus,* 512. 23.
- Argumenta ineuitabilia quomodo vocatur,* 212. 23.
- Arrianorum princeps quis & quid ab illo discere debent,* 33. 16.
- Arrianorum obiectio soluitur,* 371. 23.
- Arrianismus quantum peccatum,* 214. 29.
- Aristotelicæ Philosophiæ partem Christus sustulit,* 59. 38. & 106. 89.
- Ascensuri Christi in calos ordinatio Ecclesiæ,* 664. 12.
- Ascensionis Christi modus,* 664. 14.
- Ascensio Christi est verus triumphus,* 665. 16.
- Asina quam Christus sibi adducere iussit cuius erat.* 377. 1.
- Asina & pullis eius quid denotent,* 377. 1. & 382. 10.
- Astra in hominem quomodo agunt,* 19. 48.
- Astra hominibus seruiunt non contra.* 8. 2.
- Astrologorum prædictiones vanæ,* 9. 3.
- Astrologi mutationes aeris prædicere possunt,* 294. 5.
- Astrologia ad diuinas res se non extendit,* 293. 5.
- Attributa Dei,* 685. 64.
- Auaritia*

Operum Socolouij.

Auaritia incommoda, 232. & 103. 80. & 163. 7.
Auaritia idololatria comes, 35. 22.
Auaritia omnes virtutes obscurat, 55. 26.
Auaritia multis argumentis dissuadetur, 101. 74.
Avaro omnis creatura obesse potest, 233.
Auari hominis descriptio elegans, 579. 13.
Auditionis verbi Dei partes tres, 579. 14.
Audire & facere spes est salutis, 122. 45.
Aues semen deuorantes sunt Dæmonia, 231. 21.
Aulici monachi sunt Christo contrarij, 38. 38.
Aulici inter Deum & hominem medium iniquè statuunt, 216. 23.
Aurum Christo oblatum quid denotat, 12. 18.
Aures habere & non audire quid, 227.
Auris per Petrum amputata quid notat, 652. 37.
Auxilium diuinum non nisi laboranti datur, 223.
Azymo pane cæna Domini absoluta, 648. 11.

B.

Babylonis malitia quanta & quando sublata, 15. 31.
Baptismus quid significet, 25. 21.
Baptismus est agon pugna Christiana, 25. 20.
Baptismus SS. Trinitatis confessionem præferet, 25. 21.
Baptismus quotidie nobis confertur, 560. 19.
Baptismus duplex in aqua & igne, 25. 23.
Baptismus cur in certamen tentationum nos educit, 31. 8.
Baptismus paruulis necessarius, 646. 36. & 361. 28. & 738. 26.
Baptismus alterius fide perfici potest, 598. 23.
Baptismi partes vinctio & lotio, 25. 20.
Baptismus Ioannis à Baptismo Christi quomodo differt, 26. 27.
Baptisante Ioanne Christum cur celi aperti, 27. 30.
Baptismus Ioannis non erat verus Baptismus, 26. 28.
Baptizatus Christus à Ioanne quâ ob causam, 24. 16.
Baptismi cæremoniæ origo, 600. 31.
Baptismum non soli Sacerdotes conferre possunt, 553. 41.
Baptismi & resurrectionis collatio. 313. 2.
Bariona quid significat, 296. 14.
Barrabas Antichristo similis, 535. 30.
Basilides hæreticus proprium Euangelium scripserat, 666. 4.
Beatitudo prima explicatur, 44. 5. secunda, 45. 6. tertia, 45. 7. quarta, 45. 8. quinta, 46. 9. sexta, 46. 10. septima, 47. 11. octaua, 47. 12.
Beatitudines octo ad tres virtutes referuntur, 47. 13.
Beatitudinum octo vnio, 48. 13.
Beatitudines octo in festo sanctorum omnium cur in Ecclesia leguntur, 51. 19.
Beatitudinis dulcedo, 607. 6.
Beatorum corporum forma, 607. 4.
Belzebub vnde dictus, 183. 62.
Belzebub in omni re Christo contrarius, 210. 21.

Bellum qua scriptura tollunt hæretici, 64. 51.
Bellum bonum ob pacem malam Deus permittit, 182. 60.
D. Benedicto oranti lux subita illuxerat, 35. 23.
Benedictionis ciborum necessitas, 272. 23.
Benedictionis seu manuum impositionis vis ostenditur, 683. 41. & 618. 15.
Benedictus Dominus Deus &c. explicatur, 704.
Benedictiones sunt multiplices, 272. 24.
Beneficiorum Dei erga nos magnitudo, 694.
Beneficiorum Dei facile obliuiscimur, 294. 9.
Beneficia Dei alta mente tenenda, 703. 77.
Beneficio nouo cumulati Deo gratias agere debemus, 688. 54.
Beneficia ecclesiastica quomodo danda, 573. 15.
Beneficia plura habere periculosum est, 728. 10.
Bestiæ in scripturis homines feroces significant, 562. 16.
Bethleem quale fuit oppidum, 725. 7.
Bethleem martyrij primitias Domino obtulit, 18. 44.
Bonis improbitas peccantium non obest, 4. 12.
Bonitas præstantior sapientia, 60. 40.
Bonos cur malis permisceri necessarium, 260. 99.
Bonus si alijs non prodest defodit talentum, 489. 21.
Bonos duplex præmium manet, 520. 52.
Bonus est Deus præsto, 548. 8.
Bonus etiam mala cooperantur in bonum, 309. 46.
Bonum se appellari Christus noluit, 618. 17.
Bonus de alijs bene sentit malus contra, 109. 1.
Bonus proximum cõcristare quandoq; debet, 591. 21.
Boni ob tribulationes ante iudicium vltimum quo fugient, 473.
De summo Bono quingentæ veterũ sententiæ, 48. 14.
Bonorum operum vis, 222. 58.
Bona opera absq; charitate non sunt bona, 658. 13.
Bona opera fraude vacare debent. 682. 39.
Bona possunt fieri mala & contra, 282. 11.
Bona quomodo fiunt mala, 435. 18.
Bona non facientes damnabuntur, 497.
Bona nostra omnia à Deo sunt, 488. 9.
Bonorum causa Deus, malorum Daemon, 236. 31.
Bonorum terrenorum genera, 101. 47. & instabilitas, 1bidem.
Bonum semper habet impedimenta, 604. 28.
Bonitas Dei in peccatoribus puniendis 397. 83.
Bonitatis diuinæ partes, 339. 34.
Bonus verè quis dicendus, 352. 34.
Blasphemia in Spiritum sanctum quæ, 214. 30.
Blasphemia incommoda, 576. 27.
Brachium Dei filium eius notat, 696. 65.

C.

Cæci duo illuminati duas gentes significant, 159. 51.
 & 623. 44.
Cæci visus restitutus mysticè explicatur, 375. 36.
 & 376. 41.

Sff

Cæcus cur

Index Secundi Tomi

- Cæcus* cur non statim sanatus à Christo, 603. 18.
Cæci in Euangelio non intelligentes notant, 291. 37.
Cæremoniarum necessitas, 281. 8. & 731. 16.
Cæremoniarum quomodo parua, quomodo magna ratio apud Deum, 208. 14.
Cæremoniarum circa sacramenta fieri solitarum origo, 600. 31.
Cæremoniæ cur aliquando mutari debent, 616. 4. & 669. 9.
Cæsareæ Philippi in qua Christus fuit descriptio, 295. 13.
Caiphe malitia, simonia, ira, 527. 82.
Caiphas iratus cur vestem scidit, 528. 82.
Calamum quassatum non conteri quomodo intelligendum, 207. 10.
Calix in Euangelio cur passionem notat, 369.
Calicis sumptio solis Apostolis permissa, 515. 34.
Calicis figura vetus, 515. 36.
Calicem in regno patris Christum bibiturum quomodo intelligendum, 516. 37.
Calvinus Apostolorum laudes diminuit, 56. 31. virginem 8. non ex tribu David ortam asserens refutatur, 1. 4. Magorum munera mysterio carere stultè affirmat, 12. 18. Christum diuinum hominem malè appellat, 20. 50.
Caluini mendacium detegitur, & eius ipse conuincitur, 37. 30. & 68. 61. & 42. 1. & 174. 41. & 421. & 485. 6. & 351. 33. & 510. 16. & 383. 18. doctrine eius falsitas, 295. 10.
Calvinus in laudando Centurione frigidus, 130. 18. in laudando D. Ioanne mendax, 673. 21. in explicanda oratione Christi temulentus, 524. 65. in tollenda excommunicatione stultus, 334. 14. in tollendis Concilijs stultus, 334. 15. virginitatem tribus argumentis stultè impugnat, 349. 24. orationem sanctorum falsò tollit, 288. 28. legem diuinam impossibilem putat, 355. 38. miracula simbria vestimenti facta impugnat, 276. 43.
Caluini turpis error, 667. 4. & 485. 3. stultitia, 541. 61. circa cœnam Domini inconstantia, 517. 41.
Calvinus sibi contradicit, 553. 41. & 531. 6.
Calvinus animam Christi ad inferos descendisse negat, 660. 1.
Calvinus Iudæ similis in carpenda muliere vngente Christum, 510. 16.
Calvinus Iudæis in argumentando similis, 425. 32.
Caluini in clerum inuectiua, 437. 35.
Calvinus fraudem Sathanae bene detegit, ea tamen ipse irretitus, 419. 25.
Calvinus bona opera ad vitam æternam inutilia asserit, 354. 36.
Calvinus D. Hieronymum peruersi ingenij appellat, 349. 24.
Caluini blasphemia, 366. 10.
Caluini blasphemia contra Papam, 442. 35.
Calvinus Christum nõ bene Phariseos refutare docet, 213. 28.
Calvinus Exorcistas gratis infectatur, ibidem.
Calvinus orationis assiduitatè malè intelligit, 89. 34.
Calvinus negans Christum legem dedisse refutatur, 62. 46.
Calvinus opera bona carere premio affirmans refutatur, 50. 16. & 374. 35.
Calvinus Confessionè falsò tollere ostenditur, 22. 12.
Calvinus cum Heluidio conuenit, 8. 31.
Calumnia quantum peccatum, 112. 23.
Camelus & culex quid in Euangelio notant, 432. 8.
Camini ignis euangelici non meminerunt, 252. 78.
Canes in scriptura quid notant, 114. 15.
Canibus dare panem, quomodo intelligendū, 286. 21.
Canonici reprehenduntur, 386. 18.
Cantum in Ecclesia origo, 650. 24.
Caprorum vitia, 493.
Capharna cur infernus promittitur, 195. 25.
Carnalis peccati Christi remedium, 736.
Caro regno Dei quomodo potietur, 45. 7.
Caro primus gradus ruinæ, 32. 11.
Caro custodienda, ibidem.
Castitatè seruare possibile, Christus docet, 347. 15. 17.
Castitatis comes humilitas, 682. 38.
Castitas cur sacerdotibus ab Ecclesia seruari iussa, 668. 8.
Catholici mali qui, 257.
Catholicorum bonorum mores, 258.
Censum Cæsari quomodo Christus reddendum censuit, 633. 7. 9.
Census ab Augusto instituti non erat Augustus author, 721.
Censui huic cur Christus se subiecit, ibidem.
Centuplum qualibet in re habituri Christum sequentes, 360. 53.
Centurionis puer quomodo sanatus, 127. 17.
Centurionis humilitas, fides, prudentia, ibidem.
Centurionis laus, 128. 17.
Centurionis charitas, 129. 18.
Chanaam quam terram incoluit, 281. 20.
Chanane cur Phænices dicti, 284.
Chananeæ mulieris pietas, 284.
Chananeæ mulieri cur Christus non statim respondit, ibidem.
Chananeæ mulieris pietas, fides, constantia, 286. 20. 21.
Chananeæ mulieris cum Iacob collatio, ibidem.
Charitatis vis, 146. 2. & 496.
Charitatis partes, ibidem.
Charitatis utilitas, 687. 53.
Charitatem cur Christus maxime commendauit, 497.

Christi genus & humanitas.

Christus verus homo & Deus est, 7. 24. & 583. 34. & 324. 31.
Christus quare filius David & Iosephi esse voluit, 4. 15.
Christus fuisse filius David probatur, 624. 45. & 684. 50. & 158. 46. & 722. 3. & 737. 26.
Christus non

Operum Socolouij.

Christus nō ex coniunctione coniugali natus, 132. 28.
 Christi utraque natura adoranda, 14. 23.
 Christus cur Helias aut Ieremias putatus, 296. 13.
 Christi generatio cur imperfecte à D. Matthæo
 expressa, 5. 17.
 Christi genus cur ad Dauid adulterū refertur, 5. 16.
 Christus ab Herode Ioannes putatus, 262. 1.
 Christi humanitatis proprietates, 371.
 Christi natiuitas discutitur, 734. 22.
 Christum natum omnis hominum status laudauit,
 746. 34.
 Christi natiuitatis descriptio, 719. 1.
 Christo nascenti omnes creaturæ seruierunt, 464.
 30.
 Christus quomodo fuit primogenitus, 724. 5.
 Christus cur in Ægyptum fugiebat, 15. 32.

Christi corpus.

Christi corpus fuisse verū corpus probatur, 685. 49
 & 583. 41. & 567. 41. & 686. 50. & 737. 26
 Chri. corpus in statu hoc quomodo fuit beatū, 314. 6
 Christi corporis partes omnes diuinam virtutem
 habuerunt, 376. 44.
 Christi corpus diuinitati fuisse iunctum probatur,
 587. 29.
 Christi corpori etiam mortuo comes fuit diuinitas
 660. 1.
 Christi corpus eiusdem virtutis est nunc, cuius e-
 rat tunc cū in mundo esset, 126. 14.
 Christi corpus in transfiguratione fuit glorifica-
 tum, 314. 6.
 Christi corpus est realiter in sacramento, 514. 33.
 & 515. 34. 35. & 650. 21.
 Christi corpus non fide efficitur, 517. 43.
 Christus in missa offertur non crucifigitur, 657. 17.

Christi vita.

Christi ab anno duodecimo ad annum trigesimum
 quæ occupatio fuit, 28. 36.
 Christus actiuam & contemplatiuam vitā egit, 26. 26
 Christus ex omni parte legem impleuit, 58. 36.
 Christi innocentia à D. Ioanne recognita, 24. 17
 Christus cū D. Ioanne quid cōmune habuit, 702. 72
 Christus cum D. Ioanne quomodo se comparat, &
 quomodo non, 189. 8.
 Christus quod fuerit seductor, mysticē ostenditur
 545. 85.
 Christus pro Patris & Spiritus sancti honore plus
 quā pro suo certauit, 214. 29.
 Christus margaritæ similis, 249. 66
 Christus in mundo cur prosperari noluit, 368. 19.
 Christum tentatum cur Ioannes non scripsit, 29. 2
 Christus à quo spiritu in desertū fuit ductus, 361. 12
 Christus cur in deserto 40. diebus mansit, ibidem
 Christi in eijciendis de templo venditoribus poten-
 tia, 387. 21
 Christus quomodo latere voluit, 597. 17
 Christus quomodo latuit, 600. 34
 Quare circumcidi voluit, 737. 26

Christus cur Apostolis prohibuit ne filium Dei se
 prædicent, 303. 29 & 312
 Christus cur vespere agros curauit, 131. 25

Christi doctrina.

Christi cathedra quæ, 26. 26
 Christus medico comparatus, 42. 36
 Christum à prædicatione & miraculis nihil deter-
 ruit, 158. 45
 Christus dialecticē cū pharisæis disputauit, 212. 26
 Christum sine parabolis locutum quomodo intelli-
 gendum, 261. 102
 Christum esse fundamentum Prophetarum mon-
 stratur, 310. 2
 Christus octo beatitudines narraturus cur in mon-
 tem ascendit, 43. 2
 Christi cum Sathana colloquium, 34. 16
 Christi de monte descensus quid notat, 126. 13
 Christus cuncta prius serius reuelat antequam fa-
 ciat, 16. 34
 Christi confessionem scriptura enarrans explica-
 tur, 203. 49
 Christus non fuit causa prauæ de se opinionis, 226
 Christus passionem suam cur Apostolis duobus re-
 uelauit, 376. 44
 Christus ad se venientes cur interrogare solebat,
 quid velint, 369. & 375. 36
 Christus quare diuinitatem non patefecit, 4. 15

Christi imitatio.

Christus in omni opere pro viribus imitandus, 319. 19
 Christus quomodo sequendus, 269. 16
 Christus se sequentium curam habet, 271. 18
 Christo quis indignus, 178. 50
 Christum contemnere quantum scelus, 249. 67
 Christum sequentium præmia, 358. 49
 Christum premere & tangere quid, 586. 23
 Christum abnegans statim & tardē, multum diffe-
 runt, 231. 23
 Christus factus lapis in caput anguli, qui ob tres
 causas ab ædificantibus est reprobatus, 313. 5
 Christum nemo honorauit absq; premio, 648. 8
 Christo præsentem omnes sumus inuicti, 654. 45
 Christum sequentes debent esse pauperes, 562. 21
 Christus non spe lucri sequendus, 133. 30
 Christum suis humeris quis gestare potest, 746. 35
 Christum sequentes quid facere debent, 132. 27. no-
 scens eius opera nouit, 211. 22

Christi bonitas.

Christum nobiscum esse semper ostenditur, 510. 13
 populum cur appellat suum, 8. 28 neminem vult
 damnari, 38. 37 cognosci voluit à iudeis, 124. 2
 Christus se esse Messiam iudeis probauit, 294. 6
 Christi virtus præsentis & absentis magna, 127. 17
 Christus corpus sanādo prius peccata dimisit, 145. 1
 Christi virtus sapientiam & doctrinam respuit,
 262. 104
 Christus turbas saturaturus cur in calum suspicit,
 855. 2 270. 16

Index Tomi Secundi

270 16. septem opera in monte fecit, 273. 33
 Christi presentia felices facit, 319. 17
 Christus pluris dilectionem nostram quam suum
 cultum facit, 66. 35
 Christi bonitas erga Apostolos, 372. 24 & 601. 4
 erga latrones, 376. 37. 38 erga Iudeos, 381. 6 &
 523. 62 & 535. 27 & 536. 34 & 286. 20 & 288. 27
 Christus in puniendo quandoque seuerus, 389. 26 quan-
 doque lenis, 391. 33
 Christus à demoniorum eiectione sua miracula coe-
 pit, 564. 27
 Christi circa salutem nostram cura, 567. 1
 Christus ad quem venire solet, 567. 2
 Christi charitas erga hominem, 569. 8 & 575. 25 &
 598. 22 erga Petrum, 606. 37

Christi diuinitas.

Christus cur hodie non dicitur Emanuel, 8. 27
 Christi eminentia, 12. 19
 Christi utraque natura adoranda, 14. 23
 Christus in martyribus patitur & vincit, 17. 38
 Christus est mediator noster, 7. 24
 Christi potentia non debet admiranda videri, 148. 11
 Christus est & filius Dei & Messias, 300. 22 ante
 victoriam triumphauit, 379. 2 cur se aquilam
 vocat, 478. 53 in sacramento adorandus, 684.
 44 ubi est, dissensiones non sunt, 593. 39 cur in
 mundum venerit, 570. 13 & 149. 12 non propter
 omnes sed propter credentes venit, 623. 4 se æ-
 qualem Deo Patri quinq; argumentis indicat,
 201. 40
 Christi diuinitas aeterna probatur, 12. 18 & 128. 17
 142. 50 & 145. 1 & 146. 6 & 163. 7 & 201. 40 &
 206. 9 & 214. 31 & 215. 35 & 276. 42 & 295. 11
 & 297. 16 & 300. 22 & 318. 14 & 325. 35 & 382. 9
 & 398. 48 & 424. 4 tribus rationibus, & 440. 31
 & 493. & 499. 22 & 525. 67 & 543. 63 & 686. 50
 & 567. 41 & 573. 12 & 585. 9 & 586. 18 & 587. 80
 & 607. 9 & 611. 33 & 624. 1. & 625. 2 & 630. 26
 & 639. 37 & 644. 29 & 653. 42 euidenter, 707.
 87 & 715. 99 & 717. 101.
 Christi diuinitatis Petri confessio explicatur, 301. 28

Christi Passio.

Christus passionem suam cur duobus tantum disci-
 pulis reuelauerat, 376. 44.
 Christus mortem suam prauiderat, 507. 2.
 Christo crux multis figuris predicta, 316. 9.
 Christus cur asina insederit, 379. 3. cur Hierosoly-
 mam ingressus, ibidem.
 Christo venienti Hierosolymam quomodo turbæ
 occurrerunt, 380. 4.
 Christi Hierosolymas ingressus à prophetis denun-
 ciatus, 381. 7.
 Christus sponte passus est, 650. 18.
 Christum quomodo Deus pater, Iudas, Satanas tra-
 didit Iudeis, 508. 8.
 Christus cur contristatus ante passionem, 521. 60.

quomodo contristatus, 523. 61.
 Christi innocentiam Diabolus & tota natura te-
 stata, 658. 18
 Christus ab Herode & Phariseis occisus est, 312.
 Christi in montem cum cruce venientis septem fi-
 gura, 656. 9.
 Christi crucis discussio, 656. 11.
 Christus coram Pilato quare tacuit, 534. 24.
 Christi ornatus in passione mystice explicatur,
 536. 35. & 537. 36.
 Christi totum corpus iniuria affectum, 537. 37
 Christus semper his temporibus crucifigitur, 537.
 38. potatur felle, 538. 43.
 Christus hac hora mortuus qua Adam peccauit,
 542. 64. (80.
 Christ. de cruce depositio mystice explicatur, 544.
 Christo patienti semper aliquis compassus, 509. 12.

Christi Resurrectio. & iudicium.

Christus post resurrectionem cur non omnibus
 apparuit, 663. 9. post resurrectionem decem
 vicibus apparuit, 551. 27.
 Christi mulieribus apparentis mysteria explican-
 tur, 548. 7. 8.
 Christus talis erit in iudicio qualis fuit in transfi-
 guratione, 310. 1.
 Christi in iudicio qualis erit forma, 607. 3.
 Christus in iudicio quem non noscet, 484.
 Christi ad iudicium cum Angelis aduentus descri-
 bitur, 491.
 Christianorum discordia est deterior quam demo-
 nis, 215. 36.
 Christianos malos quæ poena manet, 195. 28.
 Christianorum charitatis argumentum, 628. 20.
 D. Chrysostomus Apostolos Philosophis & regi-
 bus confert, 173. 35.
 D. Chrysostomus nullum vnquam principem adi-
 bat, 192. 16.
 Cibus omnis mundus est, 279. 3. quomodo im-
 mundus efficitur, ibidem.
 Cibus impurus quis, 282. 12
 Cibi communes qui, 279. 3
 Cilicium & cinis quid notant, 195. 25
 Circumcisionis necessitas, 702. 73
 Circumcisionis cause & origo, 735. 25 locus, tem-
 pus, modus, instrumenta, 740. 29
 Circumcisionis mysterium magnum, 739. 27
 Circumcisio cur sublata, 738. 27
 Circumcisione gentiles utebantur, 739. 28
 Ciuitatis proprietates quinque, 55. 30
 Clauis Petro data quid notant, 297. 15
 Cogitatio nulla à diabolo in nobis est, 596. 14
 Cogitationum importunarum incommodum, 578. 8
 Celi in baptismo Ioannis quomodo aperti, 560. 10
 Cælum & terra quomodo peribunt & quomodo
 non, 463. 29 & 645. 32 (464. 31
 Calorum virtutes quæ ante iudicium mouebuntur,
 Cæna Domini in illustri cœnaculo facta, 649. 14
 Cœnæ

Operum Socolouij.

Cœna tempore Apostoli & stabant & sedebant, 649. 17
Cœna Domini apparatus, 513. 28
Cœna Domini duplex, 513. 30
Columba est rerum diuinarum symbolum, 169. 25
Columbas in tēplo quis nūc vendit, 628. 19 & 386. 17
Communio priuata astringitur, 517. 42
Communione finis, 544. 81
Communione effectus, 517. 40
Communicantes quomodo se gerere debent, 123. 17
 & 659. 27 & 677. 27 quid facere debent, 123. 17
Concilium Hierosolymis quale solebat esse, 63. 47
Concilia stulte Caluinus tollit, 334. 15
Concionum materia quæ esse debet, 716. 100
Concionator nō dissimulet delicta principū, 268. 15
Concionatorum vitæ modus, 716. 104 laudes 192.
 16. officium, 677. 25. præmium, 674. 22. pe-
 ricula, 577. 2. Concionatores odisse impietas
 est, 187. 4. quales esse debent, 208. 15. non
 moueantur si veritas auditores offendit, 283.
 19. solitudinem ament, 591. 26. & 593. 35. a
 pueritia debent esse boni, 703. 79. sint humiles,
 583. 30. prædicent quamuis fructum non ca-
 piant auditores, 229. 16. aliquando se recreent,
 591. 25.
Concordiæ utilitas, 687. 53
Confessio quot modis accipitur, 203. 49
Confessio laudis quid significet, 196. 31 non solis
 Catechumenis necessaria, 22. 12 non omnis mere-
 toria, 143. 62
Confessionis Dei præmium & modus, 605. 35 Co-
 mes prophetia, 692. 60
Confessionem falso Caluinus tollit, 22. 12.
Congregatio quæ Deo placet, 337. 31
Consilij mali incommoda, 11. 14
Consilij mali quomodo tractandi, 604. 29
Consilij affectu vacare debent, 608. 7
Conuersio peccatoris triplex miraculum præfert,
 108. 17
Conuersionis peccatoris partes, 599. 30
Conuersorum ad Deum varietas, 601. 7
Conuersi ad Deum maximè tentantur, 609. 19
Conuiuia nihil ferum contineant, 266. 9
Conuiuium admonitione vacare debet, 268. 15 cur
 sacerdotes illud vitare debent, ibidem.
Cophini duodecim fragmentorū quid notent, 273. 31
Cornu in scripturis quid notet, 706. 26
Corrigere non omnes possunt & qui possunt, 336. 26
Corrigendi modus, 336. 27. & 333
Cer est radix omnium actionum, 212. 23. & 282.
 12 Cogitationum fons, 62. 45 totum Deo tra-
 dendum aliarum res pars, 426.
Cordis recti effectus optimus, 11. 17
Corpus macerandum exemplo serpentis, 168. 23
Corporis humani corruptionem quid consequetur,
 151. 58 immortalitatem quid consecutum fuis-
 set, ibidem.
Corpus vnum multis in locis virtute Dei esse po-

test, 270. 16
Corpus nostrum æternitatis capax, 299. 18
Corporalibus molestijs ob quinque causas affligi-
 mur, 569. 11
Culex in scriptura homicidā notat, 443. 36 & 532. 18
Cultus diuini partes duplices, 97. 65
Cura rerum externarum qualis licita, 107. 92
Curarum nimiarum mater quæ, ibidem.
Curatorum à Christo quatuor genera, 567. 3
Curationis spiritualis adumbratio, 272. 26
Creatura etiam vilis non contemnenda, 167. 19
Creaturarum genera, 464. 30
Credientium monimentum insigne, 220. 47
Credentes seminis celestis sunt fructus, 237. 35
Crux infame fuit supplicij genus, 649. 12
Crucis mortem cur Christus elegerit 542. 63
Crux non inspicienda sed portanda, 308 duobus
 modis portatur, 308. 4
Crucem ferre non satis est, 304. 31
Cruce confundi quid est, 306. 33
Crux in celo tempore iudicij cur apparebit, 463
 nullo loquente hæreticos damnabit, 469. 53

D.

Demoniaci cū perfectis hominib. nō maneāt, 586. 19
Demoniaci nunc multi sunt, 584. 6
Damnatorū poenæ, 405 hic originē accipient, 569. 11
Damnatorum poenæ erit æterna, 391. 32. & 409. 26
 & 614. 50
Damnare nullū statim debemus, 237. 34 & 239. 37
Danielis statua quid designat, 698. 66
Dauid psalmum vnum ex Asaph Propheta sum-
 psit, 246. 60
Dauid festo die panes propositionis contra præce-
 ptum comedit, 223 & 204
Debitor decem talentorum præceptorum Dei est
 debitor, 340. 41
Debita extorquendi iudeorum mos, 278. 2
Decimas dare præceptum Dei est, 431. 8
Decretorum Dei contra peccatores forma, 81. 21
Delictum poenitentia calatur, 267. 13
Deserti viam perfectis tantum sequi licuit, 31. 7
Desperandum in malis non est, 13. 22
Detractiones parui faciendæ, 40. 13
Detractionum poenæ, 64. 49

Dei immensitas.

Deum nemo nouit nisi cui reuelatum est, 36. 27
Dei mysteria ratione non peruestiganda, 718. 102
Deus iustis sua mysteria quomodo reuelat, 6. 21
Deum inter & diabolum mediū est nullum, 216. 38
Deo dicatum in profanum vsum trahi non potest,
 206. 5
Dei Patris erga Deum filium dilectio triplex, 311
Deus in celis est quomodo intelligendum, 91. 44
Deum omni rei antiqui præficiebant, 107. 77

Dei bonitas.

ss 3

Deus ex-

Index Tomi Secundi

Deus extraordinaria præsidia suppeditat deficientibus ordinarijs, 19. 48
Dei est homines iacentes erigere, diaboli contra, 35. 19 *superbos humiliare,* 29. 37.
Deus sex odit, 46. 11 *Pater noster est,* 91. 42 *si pascit aues, fame homines non necabit,* 106. 84 *in nobis sanctificatur,* 92. 47 *curam omnium gerit,* 105. 61 & 586. 18 & 274. 33. *quid nobis dat & quid ex nobis habemus,* 172. 30. *negando nobis beneficia quàm dando melius prospicit,* 276. 46
Dei in homine habitantis signa, 730. 14
Deus cuius sua dona pro eius viribus tribuit, 592. 28
Dei dona non nisi per manus sacerdotum dantur, 271. 21 *Non dantur nobis sed deponuntur apud nos,* 488. 11 *Non multa ad salutem nostram requiruntur, sed eorum bonus usus,* 488. 14 *successive dantur,* 677. 26
Dei donorum liberalitas, 226. 18
Dei Patris bonitas erga nos, 537. 39 & 457. 15
Deus omnes saluos facere vult, 699
Deo proprium quid, 78. 94
Dei laudes à V. sanctiss. cantata explicantur, 697
Dei auxilium cui & quando præslo, 289. 32

Deus est diligendus.

Deus in hac vita quomodo perfecte diligitur, 420.
Deo quid reddere debemus, 415. 16 (28)
Deum toto corde querere quid, 289. 32
Deo nos deserente quanta imbecillitas nostra, 603. 20
Deus orandus qua minus necessitates nostras nouerit, 87. 31
Deus in adiutorium intende cur dicitur, 285
Dei nomen cum præsatione proferendum, 654. 44
Deum abnegantes quæ poena manet, 177. 49
Dextra & sinistra quid significant, 83. 12
Dextera ad quam Christus sedet qualis, 665. 15

Diaboli natura & locus.

Diaboli sunt mentes non corpora, 132. 26 & 222. 54 *eorum fortitudo,* 210. 20
Diabolus cogitationes nostras non nouit, 596. 14
Diabolus pollicetur multa ipse egenus, 36. 24 *lasciuus maxime delectatur,* 585. 14
Diabolus quando imbecillior nobis, 223. 55. *quando fortior,* 210. 20
Diabolus non est author malarum cogitationum, 282. 13 *ob tres causas hominem odit,* 236. 33 *occulta cordis non nouit, ibidem. Nihil nisi permittente Deo potest,* 585. 15 & 143. 64 *Non obfidet nisi permittente Deo,* 610. 26 & *cur permittitur obfidere,* 215. 34 *securos tantum decipit,* 705. 85 *Christum esse filium Dei suspicabatur,* 564. 30 *Christum pati noluit,* 539. 51 & 533. 12
Diaboli & demonis diuersitas, 142. 60
Diabolus in hæreticis manet, ibidem. Ex fidei eiectus ad hæreticos pergit, aut ad iudeos, 220

49 & 585. 11 *Cur in sepulchris manet,* 142. 60
Diaboli cur in porcos à Christo comecti, ibidem.
Diaboli hominem relinquentis miseria, 564. 28 *vasa,* 211. manus, *ibidem.*

Diaboli malitia.

Diabolo verum dicenti non credendum, 565. 36
Diaboli vesania, 657. 16 *contra hominem vires quantæ,* 37. 28
Diabolus cur nobis inimicus, 707. 87 *In aduentu Antichristi soluetur,* 462. 25 *A consideratione iudicij ultimi quomodo nos abducit,* 500. 23 *Cum vera dicit ad malum finem ea dirigit,* 36. 26 *in explicandis scripturis falsus,* 35. 20 *Dupliciter hominem occupat,* 212. 24 *etiam iuuenes infestat,* 323. 30 *suo principi subiectus est,* 212. 25 *in diuitijs vt serpens in spinis nocet,* 233. *voluntate non natura, Dei inimicus est,* 236. 33 *eiectus potest redire,* 610. 24 *eiectus cur cum septem nequioribus reuertitur,* 221. 49 *Ad luxuriam cursum cur homines corripit,* 320. 20 *sibi ereptos maxime odit,* 222. 55 *Altero diabolo peior,* 222. 54
Diaboli virtute demonia eijsi quomodo iudai putabant, 208. 13
Diabolos virtute sui principis eijsi quid, 159. 53
Diabolos eijsiendi iudeorum mos, 209. 19
Diabolos se virtute sua Christus eijsere probauit sex argumentis, 208. 18
Diaboli quando secum concordet, 115. 36

Diaboli tentatio.

Diabolus tribus vitijs infascinauit parentes nostros, 561. 14
Diabolus in tentatione à Christo magnifice victus, 29. 3 *Cur à longe Christo regna ostendit,* 35. 22 *Cum Christo cur in morte confluxit,* 29. 3
Diaboli artes in tentando, 37. 29
Diaboli vox, mitte te deorsum discutitur, 34. 18
Diaboli ductus quo nititur, 34. 17
Diabolo nos vexari Deus vult, 585. 10
Diaboli eiectio non sufficiens ad probandam veritatem miraculum, 613. 45
Dialectica argumeta sex Christus protulit, 212. 26
Dicentis officium, 602. 14
Didrachmum quale numisma, & quantum valuit, 323. 31
Diei geneleos & resurrectionis diuersitas, 223. 59
Dilectio mutua quid efficit, 254. 88
Discipulus supra magistrum quis esse vult, 180. 55
Discipulorum Christi obedientia, 513. 26
Discipuli Christum reprehendentes confusi, 592. 28
Dispensatores rerum sumus omnes, non domini, 28. 23.
Disputationis lex exemplo Christi statuitur, 417. 18
Diuinitas & humanitas Christi indiuisa, 548. 9
Diuinitas Christi semper in calo erat, 664. 13
Diuinis monitis statim parendum, 8. 30.

Diuitiarum

Operum Socolouij.

Diuitiarum incommoda, 108. 94 & 231. 24 & 356
Diuitiarum effecta, 232 (45 & 578. 9)
Diuitia cur dicuntur spina, 231. 25.
Diuitia spernenda, 233.
Diuitia regibus non profuerunt, 234. 26 Cur ma-
 la à Christo dicuntur, 355. 39 Cur fallaces, 378
 12 quomodo regnum Dei impediunt, 619. 22.
Diues esse, & Deo seruire aliquis potest, 104. 81
Diues quis in regnum celorum intrabit, 353. quis
 non intrabit, 356. 45. (66)
Diuites quos & quomodo Deus inanes dimisit, 697
Docere & non facere quantum peccatum, 429. 4
Docendi modus, 559. 7 & 570. 20 & 573. 10
Doctor antequam doceat quid habere debet, 21. 4
Doctor octo beatitudinum virtutibus debet esse
insignitus, 52. 21
Doctoris boni sex adiuncta, 252. 80 officium, 477
 50 proemium, 172. 31
Doctor solitudinem amet, 572. 9 & 674. 22.
Doctor similis est satori, 580. 19
Doctrina vera testes inusitato genere ritæ semper
commendati, 21. 5
Doctrinam audientes, & secundum illam non uiuen-
tes Christus obiurgat, 188. 13
Doctrina Christi difficilis, 228. 8 (228. 8)
Doctrina Christi parua in initio & magna postea,
Doctrina Christi locus ipsum templum, 526. 74
Doctrina Christi capita, 197. modus, 552. 33 & 596
 12 & 24. 20 scopus, 718. 102
Doctrina Chri. miraculis firmata, 584. 1 & 677. 28
Doctrina Christi & Ioannis collatio, 192. 19
Doctrina Christi initium penitentia, 589. 7
Doctrina Christi quale iugum est, 202. 47
Doctrina Christiana ut fides habeatur duo neces-
saria, 219. 47
Doctrina operibus firmata miraculorum effectrix
Doctrina Christiana velamina, 196. 32 (603. 20)
Dolores Christi erant veri dolores, 658. 19
Domini seruis quid debent, & contra, 128. 17
Domini duobus cur nemo seruire potest, 103. 8
Dominorum duorum proprietates, ibidem.
Dormientes aliquando plus quam vigilantes intel-
ligunt, 534. 21.
Diuortium in quibus casibus licitum, 616. 9
Diuortium impugnatur, 616. 7
Diuortium Romæ per 500. annos nullum fuit, 341. 1

E.

Ebrietas quando peccatum, 693. 21 (101)
Ebion Chri. non è celo venisse dicēs refutatur, 717
Ecclesia quare non simul creuit, 25 & 243
Ecclesia quæ naufragatur, 134. 39
Ecclesia nunquam desinet, ibidem. Persecutiones
semper passa ibidem.
Ecclesia opprimitur cum non vocati eam admini-
strant, 149. 19
Ecclesia Christi sponsa, 153. 14

Ecclesia qualibus partibus constet, 194. 23
Ecclesia latus & tristitia. ad Deum nos vocat, 194. 24
Ecclesia cur est malorum & bonorum cœtus, 240.
 42 & 251. 14 & 335. 22 & 401. 9
Ecclesiarum præfecti cur vigilare esse debent, 235. 28
Ecclesia in principio parua in exitu insuperabilis,
 582. 28
Ecclesiæ magnitudo & paruitas describitur, 243
Ecclesiæ quomodo creuit, ibidem. & eius cere-
monia, 360. 53
Ecclesiā 10. annis totus orbis persequabatur, 137. 45
Ecclesiæ cum nauis collatio, 136. 40
Ecclesiæ doctor quis habendus, 261. 103
Ecclesiæ imago in Chanaanæ muliere, 281. 20
Ecclesiæ corporis membra, 331. 6
Ecclesiastica bona quomodo distribuenda, 312. 26
Ecclesiarum præpositi quales esse debent, 374. 34
Ecclesiæ Dei fortitudo, 399. 33
Ecclesiæ cum Christo unio duplex, 404
Ecclesiæ quis bene præsidet, 434. 14
Ecclesia nunquam obscura, 462. 26
Ecclesiæ signum, 462. 28
Ecclesia vniuersalis ad finem mundi duratura, 469
 36 & 510. 15 & 554. 48
Ecclesiæ stabilior celo, 469. 40
Ecclesiæ amplitudo, 478. 53 & 553. 36
Ecclesia militans regnum celorum appellatur, 482
Ecclesiæ unitas & amplitudo probatur, 538. 46 &
Ecclesia errare non potest, 554. 41 & 583. 32 (533. 31)
Ecclesiæ ordinum diuersitas, 570. 19 & 573. 12 &
 592. 28 & 623. 41.
Ecclesiæ tribulationes quantæ, 593. 38
Ecclesiæ latitudo, 612. 39
Ecclesiastica caremonia cur mutantur, 616. 4
Ecclesia nunquam sine persecutionibus, 621. 29
Ecclesia magis oppressa, magis crescit, 641. 10
Ecclesiæ nota, 664. 12
Ecclesiæ magis quam scripturæ credendum, 666. 4
Ecclesiæ vniuersalitatæ argumentum, 721
Ecclesiæ incrementa, 244.
Eleemosinæ fructus, 33. 15
Eleemosinæ dandæ modus quis, 339. & 496
Eleemosinam dare quid nos incitet, 84. 13
Eleemosina debitum potius est quam misericordia
Eleemosina cur inuenta, 91. 62 (85. 22)
Eleemosinarum commoda & necessitas, 572. 6
Eleemosina non ex superfluis danda, 638. 36
Eleemosinam quisque dare tenetur, 639. 37
Electos suos quanti Deus facit, 643. 22
Electos suos etiā inter malos Deus habet, 659. 24
Electio nostra mala nos malos reddit, 229. 14
Emanuel quid significet, 7. 27
Episcopus conseruus non dominus est sibi subdi-
torum, 477. 50
Episcopis iudicium vltimum metuendum, 428. 52
Error potest esse in sensu & non in affectu, 276. 41
Error paruus totā doctrinā Christi destruit, 228. 9
Est est, non non, remedia contra iuramentū, 7. 85.
 Esuries

Index Tomi Secundi

- Esuries Chri. desiderium salutis nostrae notat*, 627. 18
Esurientes bonis impleti qui, 698. 66
Euangelij prædicatio non uni generi hominum communis, 439. 27
Euangelium intra viginti annos ad omnes gentes peruenit, 446
Euangelij in omnibus gentibus prædicatio signum iudicij, 449. 8 (38. 34)
Euangelium non aliud nunc habemus quam antea,
Euangelium non omnes prædicare iussi, 553. 31
Euangelij processus contrarius processui hæreticorum, 174. 38
Euangelium Marci magni fecit D. Paulus, 558. 1
Euangelium omnimode prædicandum, 612. 38
Euangelium multi præter quatuor Euangelistas scripserunt, 665. 4
Euangelium cum lege re & tempore conuenit, 625. 9
Euangelistæ rerum gestarum ordinem non attenderunt, 261. 102 (267. 11)
Euangelistarum in peccatis describendis modestia
Euangelistarum dissonantia conciliatur, 529. 88
Euangelistæ sensum non verba prophetarum referunt, 7. 27
Euangelistæ quomodo secum conueniant, 558. 3
Euangelistæ cur euangelicè scripserunt, 558. 1 & 665. 2
Euangelizari pauperem miraculum est, 187. 6
Euangelica prædicationis quod initium, 201. & 38. 36
Euangelica doctrina per totum orbem diffusa esse debet, 566. 38 (211. 20)
Eucharistiae mysteria quinq; panibus monstrata,
Eucharistiae sumptionis confessio præmittenda, mysticè declaratur, 273. 32
Eucharistiae sumenda adumbratur locus & tempus, 290. 34
sumentes, consecratio, eius ministri, ibidem. ipsa vis sacramenti, ibidem. ratio ad illam se preparandam, ibidem.
Eucharistiae sumptionem quid præcedat, 291. 34
Eucharistiae eadem potestas quæ Christi cum hic mansisset, 156. 25
Eunomius se nosse Deum affirmans refutatur, 198. 35
Eunuchorum tria genera, 347
Eunuchi qui & quæ præmia habituri, 349. 21
Excoecatio mentis ob peccata fit, 255. 92
Excoecari oculos quid notet, 276. 45
Excommunicatio quanta poena, 334. 19 & 333
Excommunicationem stultè tollit Caluinus, 334. 14
Exemplis doctrina firmanda, sicut Christus fecit, 24. 20 & 60. 40 & 112. 13.
Exemplo prius quam voce docendum, 38. 35 & 43
 2 & 59. 40 & 160. 53 & 192. 14
Exemplo suo Christus nos omnia facere vult, 38. 38
Exemplo doctrina tradita quam efficax, 52. 21
Exauditur à Deo quis, 136. 40
Exercitium spirituale persecutionib. constat, 140. 53
Excusatio peccatorum nulla esse potest, 614. 48
Expilationis peccatum quantum, 637. 28
- F.**
- Facere & dicere in Deo non distincta*, 145. 1
Faciendum bene quamvis Christus pro nobis satisfecerit, 710. 92
Facta nostra quamvis stulta bona fine suscepta, bona sunt, 319. 17
Famæ vindicanda modum cur Chri. omiserit, 76. 91
Famem sola iustitia vere sedat, 46. 9
Fames vera quæ, 592. 27
Familiaritas regum perniciofa, 266. 8
Famis & sterilitatis causa quæ, 679. 37
Farina sata tria aut fructum triplicem, aut tria genera hominum significant, 261. 101
Felicitatis difficultatem Christus tribus verbis explicat, 50. 15
Felicitatem longè aliter Christus, quam veteres explicarunt, 48. 15
Felicitatem nosse veteres primo optabant, postea spreuerunt, ibidem.
Felicitatem seu beatitudinem quomodo veteres explicare aggressi, 48. 15
Fermentum Phariseorum traditiones peruersæ, 602. 11
Fermentum fidei sermonem denotat, 245. 58
Fermenti mysterium, 295. 12
Festa sanctorum in primitiua ecclesia celebrata, 18
Festo die cur Christus traditus, 508. 4 (44)
Festus dies necessario labore non violatur, 204
Ficus arefacta ludæorum reprobationem notat, 626. 12
Ficus arefacta mysticè explicatur, 389 & 627. 15
Ficus in Euangelio Synagogam significat, 389. 20
Ficus ipsa humanum genus, 479. 53
Fici ramus Antichristum notat, 468. 33
Fide & humilitate sapientia Dei relata, 196. 32
Fidei articulos in colloquium producere nefas, 417. 17
Fidei fons mens placibilis, 322. 27
Fidei vis, 326. 20 & 603. 19 & 610. 20
Fidei Christianæ laus quatuor parabolis quanta iudicetur, 247. 6
Fidei sermo cur per fermentum indicatur, 58. 245
 & eius vis, ibidem.
Fidei diuersitas inimicitiarum causa, 174. 39
Fidei magnæ commoda magna, 130. 19
Fidei dimidiata exemplum, 586. 21
Fidei nostræ limes, 604. 24
Fidei effectus, 623. 42
Fidei et charitatis nexuse esse debet, 365. 19 & 366. 20
Fidei articuli de incarnatione ab angelis traditi,
Fidei utilitas maxima, 680. 32 (663. 6)
Fidelis seruus prudens sit necesse est, 475
Fidelis vere quis, 561. 6
Fides sola non iustificat, 713. 93
Fides sola quomodo iustificat, ibidem.
Fides gradus habet, 610. 23
Fides bonis operibus firmanda, 389. 26 & 499. 29
 & 552. 34 & 570. 15 & 585. 8
Fides aliena prodesse potest, 147. 6 & 568. 3
Fides pro obedientia aliquando capitur, 687. 52
Fides æterna quæ, 480
Fides ad salutem non sufficit, 476. 46
 Fides

Operum Socolouij.

<i>Fides quæ laudanda,</i>	392. 35	<i>Generatio diuina non scrutanda,</i>	7. 23 (33)
<i>Fides adulatorum infantibus prodest,</i>	287. 25	<i>Generatio in scripturis à pijs morib. sumitur,</i>	468.
<i>Fides magna quæ,</i>	129. 18	<i>Geneseos liber, cali & terræ liber dicitur,</i>	I. 2
<i>Fides hæreticorum nulla,</i>	ibidem.	<i>Gehenna locus quis, & quâdo sublatuſ,</i>	63. 47 & 187
<i>Filij Dei diuinitas ter de cali declarata,</i>	318. 14	<i>Gehenna ignis ter à Chri. nominatus,</i>	614. 50 (59)
<i>Filij adulti ope parentum non egent,</i>	291. 35	<i>Gentiles melius quàm Iudæi Chri. adorant,</i>	128. 17
<i>Filij Dei qui dicuntur,</i>	699	<i>Gentium crediturarum princeps quis,</i>	129. 18
<i>Filij pro peccatis parentū quomodo puniuntur,</i>	441	<i>Gentiles ingratitude Iudæorum salutem inueniunt,</i>	156. 23
<i>Filio Dei quid à patre traditum,</i>	198. 34	<i>Gentiles Iudæis quomodo similes,</i>	217
<i>Filium Dei sedere ad dexteram patris quomodo intelligatur,</i>	424	<i>Gentium conuertendarum ad Deum figura,</i>	394
<i>Filium hominis Christus quem vocat,</i>	295. 13 &	<i>Gentilibus Deus mysteria reuelat,</i>	534. 21
<i>quis intelligitur in veteri testamento,</i>	296. 13	<i>Gentium opera bona non reprobât Deus,</i>	489. 19
<i>Filij hominis aduentus ingratus mundo,</i>	193	<i>Gētes tēpore iudicij quo in loco futura, 491. et 492</i>	
<i>Filium Dei cur nemo præter patrē cognoscat,</i>	36. 27	<i>Geraseni cur Christum à se discedere optabant,</i>	142. 50 & 586. 17
<i>Filius dæmonis quis,</i>	223. 59	<i>Gerasenorum urbis descriptio,</i>	584. 2
<i>Filius Dei iudicium Dei non nouit,</i>	471 & cur non nosse dicitur ibidem.	<i>Getsemani quid significet,</i>	521. 59.
<i>Filius Dei deducit in cognitionem patris,</i>	203	<i>Gladius duplex,</i>	626. 71
<i>Filius eiusdem potestatis, cognitionis, legis, retributionum cum patre,</i>	202. 41	<i>Gladius per Christum in terram allatus quid denotat,</i>	183. 64. & gladij huius officium, ibidem.
<i>Filius Dei mentis nostræ lumen,</i>	203. 50	<i>Gladio percutiens gladio peribit,</i>	ibidem.
<i>Filius iniquitatem patris non portabit,</i>	33. 440	<i>Gladius mystice explicatur,</i>	626. 27
<i>Fimbria vestimenti Iesu mandata minima notat,</i>		<i>Gloriæ vanæ incommoda,</i>	48. 13
<i>Flagellandi mos & modus,</i>	535. 29 (275. 34)	<i>Gloriam Dei promouendo orationem nostrā promouemus,</i>	92. 48
<i>Flamminius ob conuiuium feritati permistum curia pulsus,</i>	267. 10	<i>Glorificationis qui capaces sunt,</i>	314. 6
<i>Fluctuatio Apostolorū mysticè explicatur,</i>	274. 33	<i>Gloriæ celestis inæqualitas,</i>	364. 2
<i>Fœdus Christi cum Apostolis pactum simili fœderi Abrahæ,</i>	553. 38	<i>Gloria nunquam præcedit victoriam,</i>	562. 17
<i>Fœminæ ab exercitio virtutis non alienæ,</i>	473	<i>Gloria vitanda exemplo Christi,</i>	595. 34
<i>Fœminæ fortius cū diabolo quàm viri dimicant,</i>	1. 633	<i>Gloriæ cupidi ob duas causas fugiendi,</i>	637. 27
<i>Fœminarum decus primum virorum fuga,</i>	700. 69	<i>Gratiam gratis datam pœnitentia præcedat,</i>	22. 10
<i>Fœminarum deuotio,</i>	658. 23 & 662. 4	<i>Gratiarum actio qualis esse debet,</i>	126. 15
<i>Formicæ natura ignota,</i>	199. 35	<i>Gratia Dei non in omni loco præsto est, sicut manna,</i>	172. 31
<i>Fornicationem quis fugit,</i>	458. 16	<i>Gratia Dei aliquando constringitur, vt loqui non possit, soluit tamen se,</i>	192. 17
<i>Fornicationis crimen magnum,</i>	265. 6	<i>Gratiarum actionis Christi argumentum,</i>	196. 31
<i>Fornicationis incommoda quot,</i>	266. 6	<i>Gratia comes legis Christi,</i>	200
<i>Fornicationis remedium ieiunium,</i>	321. 20	<i>Gratiæ pro bonis & malis rebus agenda,</i>	201. 37
<i>Fortuna obliuioſos non reddit,</i>	622. 34	<i>In gratia Dei qui sunt,</i>	221. 52
<i>Fortunæ quam ob causam communes,</i>	85. 22	<i>Gratiæ etiam in aduersis Deo agenda,</i>	669. 14
<i>Fortuna admonitio qualis,</i>	113. 13	<i>prosperis,</i>	674. 19
<i>Fratres apud Iudæos omnes cognati dicebantur,</i>		<i>Gratia Chri. destituta miracula nō profunt,</i>	603. 16
<i>Fratres Domini qui fuerunt,</i>	222. 56. (261. 104)	<i>Gratia gratis data peccatis amittitur,</i>	610. 27 exemplo eleganti probatur, ibidem.
<i>Fratres septem vnā vxorem habentes quid notent,</i>	426. 33	<i>Gratiæ agenda Deo etiam pro alienis beneficijs,</i>	
<i>Fructum centesimum sexagesimum trigesimum, qui nanciscuntur,</i>	230. 21 & 255. 94	<i>Gratiæ Dei fructus sex magni,</i>	703. 95. (701. 71)
<i>Fructus centesimus quid significet,</i>	357.	<i>Gratiæ nouæ & veteris legis diuersitas,</i>	714. 96

G.

<i>Gallina erga pullos amor,</i>	443. 36
<i>Gallus in Petri abnegatione vigilans noctu,</i>	529. 88
<i>Gallo canente orandum,</i>	654. 46
<i>Gazophilacium cur sic dictum,</i>	637. 30
<i>Gazophilacij finis, ibidem.</i>	(3. 9)
<i>Generationis Christi series cur tres in partes diuisa</i>	

H.

<i>Habendi cupiditas tyrannidi similis,</i>	234. 27
<i>Hæreseos fructus,</i>	120. 39
<i>Hæreseos & lepræ comparatio,</i>	125. 6
T t t	Hæreseos

Index Tomi Secundi

- Hereseos iudicium ad sacerdotes spectat*, 16. 10
Hereseos finis praesumptio, 408. 11
Hereseos causa clerus, 299. 21
Hereseos causa altera, 633. 12
Hereses gloriam Dei illustant, 146. 5
Hereses quae statim tollenda, 238. & 239. 30
Hereses superstitibus Apostolis orta, 665. 2
Heresis Ecclesiae partes confundit, 194. 23
Heresis quale peccatum, 335. 21
Hereses opportune puniendae, 238. & 239. 30
Hereticus quis, 257. 97
Heretici quam stulti, 202. 48
Heretici omnes blasphemi contra spiritum sanctum, 114. 15
Heretici deteriores gentibus, 216. 38 & 220. 49
 335. 20 deteriores damone, 573. 12
Heretici doctrina inopes, doctrinam seminant, 172. 31
Heretici igne cremandi, 239. 36
Hereticorum defensores, hereticorum poena digni, 239. 41
Heretici ignem aeternum non effugient, 239. 39
Heretici & Schismatici a malis christianis quomodo differant, 257. 97
Heretici ipsi secum pugnant, 259. 98
Heretici verbo Dei verbum Dei expugnant, 9. 6
Heretici miraculis & prophetiis carent, 21. 4
Heretici veluti diabolus pro pane lapides porrigunt, 33. 14
 (42. 57)
Heretici verae doctrinae nulla testimonia habent,
Heretici a Christo an docendo diuersi, 43. 3
Heretici in opere bono iustos peccare falso dicunt
Heretici qua scriptura bella tollunt, 64. 51 (50. 16)
Heretici in seipso fauiunt, 119. 38
Heretici demones habent, 142. 60
Heretici in oppugnando Christo conueniunt, 633. 14
Heretici in oppugnanda Ecclesia secum conueniunt, 293. 4
Heretici post trinam admonitionem vitandi, 282. 16
Heretici gradus ecclesiasticos tollentes refutati, 373
Heretici viuere sanctos falso negant, 419. 23 (36
Heretici sunt Pharisei, 439. 29
Heretici praenuntij Antichristi, 458. 18
Heretici iuda similes, 512. 22
Hereticus quisque est iudas, 425. 68 (pieta, 336. 23
Hereticis auxilia nunquam danda, nec ab eis accipiuntur
Hereticorum fiducia confunditur, 360. 56
Hereticorum cum diabolo collatio, 461. 20
Hereticorum eadem vox quae diaboli, 34. 18
Hereticorum vultus diaboli vultui similis, 36. 25
Hereticorum ars, 138. 46
Hereticorum conuersatio fugienda, 163. 5
Hereticorum dogmata dogmatis Ioannis contraria
Hereticorum cum lupis collatio, 118. 27 (28. 33
Hereticorum quae res fugienda nobis, 613. 43
Hereticorum falsitas eorumque Apostolica descriptio, 558. 4
Heliae nomen magnum apud iudeos, 190. 10 (41
Helias restituet omnia, quomodo intelligendum, 326.
- Helias iudicium vltimum nuntiaturus*, 191. 10
Helias quando venturus, 608. 13
Helizabeta ex conspectu sacrae virginis leticia, 686. 50 & 681. 52
Herba possunt miracula facere, 157. 44 (ris, 11. 16
Herodes quomodo credebatur quomodo non scriptum
Herodes in caede infantum similis cani, 17. 36
Herodes cur iratus magis, 17. 37 (1 & 590. 15
Herodes uxorem viuens fratris sui duxerat, 262
Herodes Pharaone iniquior, ibidem 18
Herodis intentio in inquirendo Christo qualis, 9. 8
Herodis ob mortem Ioannis tristitia qualis, 264. 1
Herodias quae S. Ioannem interfici rogauit submersa est, 264. 1 (267. 12
Herodias non Philippo, sed Herodi erat accepta,
Hierosolymam Christi ingressus mystice explicatur, 625. 5 (447
Hierosolymitani excidij signa, 445. & 446. &
Hierosolymitani excidij signa mystice explicantur, 456. 11
Hierosolymitanum excidium iudicio vltimo adaptatur, 642. 18
Histriones poena digni lege diuina, 64. 50
Holocaustum absque fide nunquam Deo placet, 635. 19
Homerus Hypocritas odit, 83. 10
Homicidium apud Polonos licitum, 65. 51
Hominem ab homine cur Deus separat, 177. 49
Hominem ad Deum persecutio trahit, 139. 52
Hominis dignitas, 308. 44
Hominis labor cur infelix, 318. 15
Hominis inconstancia, 410. 13
Hominis miseria, ibidem.
Hominibus quid dare debeamus, 415. 15
Homines qui in mundo maximi, 12. 19
Homines non sunt timendi, 176. 47
Hominum genera duo, 109. 1 & 298. 17
Hominum opera quomodo laudantur, 129. 10
Hominum corpora agra sanitate veniente debilia,
Hominum in iudicio ordines quatuor, 492. (131. 22
Hominum imbecillitas, 530. 99 & 651. 30 & 705. 86
Hominum ante Christum natum miseria, 599. 28
Hominum natura saepe paucis vincitur magnis non, 276. 44
Hominum de se sermones contemnere non decet, 298. 17
Homo beneficiorum Dei facile obliuiscitur, 276. 44. 45
Homo aliter voce Dei, aliter propria loquitur, 307. 35
Homo in prosperis rebus aliorum obliuiscitur, 318. 16
Homo dimittit patrem ob uxorem quis dixit, 343
Homo est Dei templum, 386. 16 (4 & 341. 1
Homo a peccato non a bello visibili liberatur, 8. 28
Homo maxime cum solus est ad caelestia se erigit,
Homo non solo pane viuit, 34. 16 (31. 7
Homo paterfamilias Christum notat, 487
Homo ad Dei gratiam acceptandam non omnis habilis, 530. 92
Homo filius Dei quomodo efficitur, 78. 94
Homo cunctis viuentibus praefertur, 106. 84
 Homo quis

Operum Socolouij.

<i>Homo quis quem Deus honorare voluit,</i>	191. 12	<i>Ieiunandum non semper,</i>	520. 26
<i>Homo, mutus demonium habens gentes significat,</i>	208. 17	<i>Ieiunare vere quid est,</i>	37. 34
<i>Homo malus est domus diaboli,</i> 221. 53 & 575. 24		<i>Ieiunantes debent esse humiles,</i>	570. 15
<i>Homo non efficitur naturaliter malus,</i>	228. 14	<i>Ieiunium Christi ab aliorum ieiunijs diuersum,</i>	29. 4
<i>Honor parētū iuxta scripturas in quo cōsistat,</i>	277. 1	<i>Ieiunium Christi non miraculum, sed exemplum exhibuit,</i>	29. 5
<i>Honorati monachi Caligula mortuum suscitauit,</i>	157. 26	<i>Ieiunium Christi oppugnantes refutantur,</i>	30
<i>Horas ignorantes antiqui, quomodo diem diuide-</i>		<i>Ieiunium Christi vt altæ virtutes imitandum,</i>	31. 5
<i>Hospitalitatis commoda,</i> 495 (bant, 646. 36		<i>Iesus nomen salutiferum,</i>	171. 27
<i>Hostes nostri duplices,</i>	707. 87	<i>Ignis in scripturis iram significat,</i>	325. 41
<i>Humanitas Christi vera probatur,</i>	624. 1	<i>Ignis aduentum Christi præcedet,</i>	456. 11
<i>Humanitas Christi fuit in statu beatitudinis perfe-</i>		<i>Ignis quo cōburenda palea nō metaphoricus,</i>	27. 37
<i>Humanæ prauitatis partes,</i> 339. 35 (etæ, 313. 6		<i>Impossibilia Deus à nobis non expectat,</i>	159. 53
<i>Humilitas Christi admiranda,</i>	719. 1	<i>Impossibilia cur Deo possibilia,</i>	356. 42
<i>Humilitatis Christi vi,</i>	418. 24	<i>Impietas omnia euertit,</i>	ibidem.
<i>Humilitas Christi,</i> 144. 67. & 158. 46 & 380. 4 & 382. 8 & 387. 24		<i>Impurum secundum naturam nihil est,</i>	282. 15
<i>Humilitas regina virtutum,</i>	692. 60	<i>Incantationum vetustas,</i>	183. 62
<i>Humilitatis partes,</i>	111. 9	<i>Incarnationis Christi veritas,</i>	651. 32
<i>Humilitatis exempla,</i>	153. 29	<i>Incarnationis causa,</i>	719. 1
<i>Humilitatis comes laus,</i>	692. 60	<i>Infantes cur ab Herode occisi,</i>	16. 36
<i>Humilitatem semper exaltatio cōsequitur,</i>	744. 34	<i>Infantum cades multis veteris testamenti cadibus similis,</i>	16. 34
<i>Humilitatis dignitas,</i>	612. 36	<i>Infantum mors fuit iusta,</i>	17. 40
<i>Humilitatis regula,</i>	715. 99	<i>Inferni poenarum grauitas,</i> 585. 12 gradus, 436. 21	
<i>Humilitatis comes,</i>	727. 8	<i>Infidelitas virtutem exercere non permittit,</i>	255. 93
<i>Humilitatis necessitas,</i>	552. 31	<i>Infidelitatis primus gradus mysteriorum Dei tem-</i>	
<i>Humilitatis fructus,</i> 231. 16 & 445. & 331. 3 & 351. 32 & 201. 39		<i>pus inquirere,</i>	640. 6
<i>Humilitatis laus,</i>	44. 5	<i>Infideles non iudicabuntur,</i>	492
<i>Humilitatis præceptum,</i> 612. 35 & 617. 12 & 632. 4		<i>Infideles resurgent vt puniantur,</i>	ibidem.
<i>Humilitatis documenta, & in quo puero eam docuit Christus,</i>	328	<i>Infidelium societas omnino fugienda,</i>	166. 15
<i>Hungari num sit Christus adorandus dubitāt,</i>	23. 15	<i>Infernorum cura opus est pium,</i>	146. 2 & 495
<i>Hypocriseos vitium proprium,</i>	280. 5	<i>Infortuniorum causa,</i> 179. 51 remedia,	14. 28
<i>Hypocrisis causa est vniuersalis iudicij,</i>	468. 34	<i>Ingratitudo quantum peccatum,</i> 340. 36 & 195. 25	
<i>Hypocrisis turpitudine,</i>	434. 14	<i>Ingratitudinis peccatum sodomitico grauius,</i>	166. 13
<i>Hypocritarum munus est laudare primo,</i>	413. 15	<i>Inimici diligendi,</i>	525. 66
<i>Hypocritarum mores,</i>	80. 100. & 207. 12	<i>Inimicos diligere lex vetus iubebat,</i>	78. 95
<i>Hypocrita hostes Ecclesiæ,</i>	138. 47	<i>Inimicos diligentem quæ præmia manent,</i>	78. 94
		<i>Inimicus homo sathanas dicitur,</i>	235. 29
		<i>Iniurias accipere quantum commodum,</i>	76. 91
		<i>Iniuria quomodo vindicanda,</i>	75. 87
		<i>Iniuriā non condonantes ob duas causas stulti,</i>	93. 52
		<i>Iniusti semper oderunt iustos,</i>	174. 40
		<i>Iniustus quomodo maius gaudium angelis quàm iustus adfert,</i>	332. 10
<i>Ieiunium cur & à quo inuentum,</i>	97. 62	<i>Iniusti quomodo à iustis separabuntur,</i>	492
<i>Ieiunij congruitas,</i>	154. 18 & 617. 9	<i>Intentio in factis spectanda,</i>	9. 8
<i>Ieiunij vi,</i>	611. 28	<i>Intentione bona opus bonum fit,</i>	393. 37
<i>Intentio,</i>	97. 66	<i>Interna quàm externa opera magis curanda,</i>	432. 9
<i>Ieiunium probatur,</i>	673. 21	<i>Intellectus quis margarita nomine dignus,</i>	260. 99
<i>Ieiunium est opus meritorium, 98. 67 ad cultum diuinum spectat,</i>	97. 65 ostentatione vacare debet, 96. 6 festo resurrectionis cur præmittitur,	<i>Inuidia natura,</i> 701. 71. debilitas, 568. 4 parens vana gloria, 162.	
<i>154. 19 quare cum oratione coniungendum,</i>	611. 28 suo tempore fieri debet, 154. 19	<i>Inuidia sibi nocet,</i>	254. 89
<i>Ieiunium duplex priuatum & publicum, & quod Deo gratius,</i>	68. 69	<i>Inuidia in proxima seuit,</i> 255. 92. inter populares maxime regnat, 253. 87 & 588. 2	
<i>Ieiunia quatuor vicibus in anno in primitiua Ecclesia seruata,</i>	100. 71	<i>Inuidia alios nō persequi generosa mētis est,</i>	254. 88
<i>Ieiunia veterum nostris meliora,</i>	37. 34	<i>Inuidorum paralogismi qui,</i>	284. 89
		<i>Inuidere bonis schisma est,</i>	257

Index Tomi Secundi

D. Ioannis natiuitas & vita.

<i>Ioannis natiuitas ordinatione diuina euenit,</i>	703. 79
<i>Ioannis natiuitatis mysterium,</i>	668. 6
<i>Ioanne nato quæ prophetia impleta,</i>	702. 76
<i>Ioannis nati officia,</i>	714. 97
<i>Ioannis vitæ modus,</i>	21. 6
<i>Ioannis cibum fuisse delicatum hæretici impudenter affirmant,</i>	21. 8
<i>Ioannis vestitus mystice explicatur,</i>	ibidem.
<i>Ioannes quomodo in spiritu præcessit Dominum,</i>	675. 23 quomodo erat præcursor, 675. 24 & 715.
<i>Ioannis ad Christum legatio,</i>	184. 1 (99
<i>Ioannis humilitas,</i>	23. 16

D. Ioannis laus.

<i>Ioannes quomodo prophetis superior,</i>	188. 7
<i>Ioannis laus magnifica,</i>	187. 7 & 672. 18
<i>Ioannes quomodo dictus angelus, 189. 7 quomodo dicitur magnus, 673. 21.</i>	
<i>Ioannis elogia Christo attributa,</i>	185. 1
<i>Ioannis & Helie comparatio,</i>	191. 10 & 317. 12
<i>Ioannis & Ione comparatio,</i>	675. 23
<i>Ioannem Christus Heliam appellat,</i>	190. 10
<i>Ioannes à Turcis & Iudæis honoratur,</i>	672. 18
<i>Ioannem honorare quàm bonum est,</i>	702. 75
<i>Ioannes maior tempore quàm Christus, minor dignitate quomodo intelligendum,</i>	189. 7

D. Ioannis doctrina.

<i>Ioannes tribus sagittis mundum ferit,</i>	25.
<i>Ioannis in prædicando sapientia,</i>	20. 2 & 24. 18
<i>Ioannis cathedra,</i>	26. 26
<i>Ioannes Christum venisse sciebat quamvis ad eum miserit,</i>	185. 1
<i>Ioanni Christus quomodo respondit,</i>	186. 7
<i>Ioannis in docendo libertas, 185. 1 modus præclarus</i>	
<i>Ioannis prophetarum descriptio,</i>	559. 6 (21. 6

D. Ioannis mors.

<i>Ioannis mortis descriptio, & eius occasio, 262. 1</i>	
<i>modus, locus, 264 sepultura, 265. 1 ossa eius dissecta, ibidem.</i>	(cessit, 269. 16
<i>Ioannis morte audita cur Christus in desertum se-</i>	
<i>Ioannis mors cur Christi mortem præcessit,</i>	20. 1
<i>Ioannis mortem innocentem Liuius testatur, 594. 23</i>	
<i>Ioannis Euangelium diuinitatem potius quàm humanitatem Christi describit,</i>	29. 2
<i>Ionas Christi sedantis ventos figura,</i>	134. 39
<i>Ionæ signum æternum Iudæorū interitum notat, 218</i>	
<i>Ionæ detentio in cæto & Christi in terra comparatio, 219. 13</i>	(tur, 219. 43
<i>Ioseph à fratribus viginti argenteis venditus, 512. 21</i>	
<i>Iosephi Patris Christi & Iosephi filij Iacob in Ægyptum venientis collatio,</i>	15. 31
<i>Ioseph qualis maritus S. Virginis existimandus, 6. 22</i>	
<i>Ioseph cur S. Virginem deserere prohibitus, 6. 20</i>	
<i>Iosephi iustitia,</i>	6. 20

<i>Iræ effecta,</i>	62. 47
<i>Ira num bona sit,</i>	63. 48
<i>Ira quæ utilis & quæ inutilis,</i>	572. 3
<i>Isaia de Christo prophetia impleta,</i>	204. 2
<i>Israëlem quanti Deus fecit,</i>	699. & 700. 68
<i>Iudæa tribus dignitas,</i>	725. 7
<i>Iudas cur natus si eum non nasci bonum erat, 519. 25</i>	
<i>Iudæa mores, 511. 19 incredulitas, 525. 66 & 531. 4</i>	
<i>impudentia, 518. 45 malitia, 648. 10</i>	
<i>Iudas cur in numerum discipulorū susceptus, 519. 51</i>	
<i>Iudas cur certum pretiū a Iudæis nō poposcit, 511. 19</i>	
<i>Iudæa tradentis Christum descriptio,</i>	652. 33
<i>Iudas desperando magis peccauit quàm Christum tradendo,</i>	532. 8
<i>Iudæa pœnitentia cur reprobata,</i>	531. 2
<i>Iudas cum duodecim Apostolis an iudicaturus mundum,</i>	360. 55
<i>Iudæa nunc multi sunt,</i>	519. 49
<i>Iudæorum vera alias gentes prærogatiua, 700. 68</i>	
<i>Iudæos gentibus Christus præferebat,</i>	598. 20
<i>Iudæorum improbitas, 209. 19 reprobatio, 396. malitia, 590. 13 mystice explicatur obstinatio, 395. 41 & 546. 88 erga Christum ingrati-</i>	
<i>do, 218. in conseruandis prophetijs negligentia, 19</i>	
<i>Iudæi malitiæ suæ testes,</i>	573. 16 & 585. 9
<i>Iudæi cum magis doctrinam sibi communicant, 9.</i>	
<i>Iudæi in capiēdo Chr. sunt mæcipia diaboli, 526. 76</i>	
<i>Iudæi cur semper inquieti,</i>	535. 29
<i>Iudæi cur Christum admirati,</i>	253. 87
<i>Iudæorum in admirando Christo stultitia, ibidem.</i>	
<i>Iudæi sunt cæcitatū causa,</i>	255. 95
<i>Iudæi quale miraculum à Christo desiderabant, 217</i>	
<i>Iudæi non idē excoecati ne conuertantur, ibidem.</i>	
<i>Iudæi non erant necessaria miracula,</i>	220. 48
<i>Iudæi non omnes Christum occiderunt,</i>	398. 51
<i>Iudæi crucem ferre erant indigni,</i>	538. 41
<i>Iudæorum erga Christum falsum fuisse testimoni-</i>	
<i>um ostenditur,</i>	546. 86
<i>Iudæi Chri. suo malo gentibus tradiderunt, 368. 19</i>	
<i>Iudæi verba legis non finem spectabant, 204. 2</i>	
<i>Iudæos ad fidē quot modis Christus induxit, 195. 30</i>	
<i>Iudæi non soli ad Christi fidem vocati,</i>	8. 1
<i>Iudæi potestatem eijciendi demonia quando amiserunt, 209. 19</i>	(204. 2
<i>Iudæi à paruis peccatis abstinebant à magnis non,</i>	
<i>Iudæi cur arundini comparati,</i>	223. 59
<i>Iudæorum manus semper arida,</i>	204.
<i>Iudæis calamitas denuntiata,</i>	218
<i>Iudæi triplici pœna puniti,</i>	401. 58
<i>Iudæorum pœna spiritalis & temporalis,</i>	401. 59
<i>Iudæi Apostolos reprehendentes refutantur, 204. 2</i>	
<i>Iudæi multi post mortem Christi & legem & Euangelium seruauerunt,</i>	659. 25
<i>Iudæorū nascentium manus sanguine plena, 536. 34</i>	
<i>Iudæorum hæreses duæ,</i>	415. 16
<i>Iudæorum debita extorquendi vetus mos,</i>	278. 2
<i>Iudæi Christum iudicaturum vt Hierosolymas ingredientem compellabunt,</i>	442. 34.
<i>Iudaicam</i>	

Operum Socolouij.

<i>Iudaicam legem Christus non sustulit,</i>	100. 7	<i>Iustorum premium duplex,</i>	174. 42
<i>Iudex ante cognitionem causa non iudicet,</i>	494.	<i>Iusti cum iniustus simul resurgent,</i>	235. 29
<i>Iudices iniqui iudae similes,</i>	512. 22	<i>Iustorum in iudicio duo genera,</i>	492
<i>Iudicare quatuor modis accipitur,</i>	359. 51	<i>Iustorum in die iudicii actio,</i>	310. 2
<i>Iudicare temere non ciuilitur de alijs Christus prohibuit,</i>	109. 1 & 112. 12	<i>Iustorum in iudicio gloria,</i>	644. 29 (ci, 509. 11)
<i>Iudicare alios solius Dei est,</i>	110. 2	<i>Iustum in opere bono peccare falso dicunt heretici,</i>	29. 1
<i>Iudicans alios nihil sanctum habet,</i>	113. 14	<i>Iustitia in baptismo accepta ad salutem non sufficit,</i>	29. 1
<i>Iudicantis alios duplex infamia,</i>	112. 13	<i>Iustitiam desiderantes quod premium manet,</i>	45. 8
<i>Iudiciaria potestas paupertati conuenit,</i>	359. 51	<i>Iustitiam non desiderantes quid manet,</i>	46. 8
<i>Iudicij temerarij incommoda,</i>	110. 1 & 112. 12	<i>Iustitia nostra in quo abundare debet,</i>	61. 42
<i>Iudicij temerarij remedia decem,</i>	110. 2	<i>Iustitia nostra quomodo nostra est,</i>	61. 44
<i>Iudicium temerarij ad restitutionem obligat,</i>	111. 12	<i>Iustitia nostra duo requirit,</i>	581. 28
<i>Iudicium humanum quomodo effugietur,</i>	111. 8	<i>Iustitia vera partes,</i>	668. 5
<i>Iudicia hominum inconstantia,</i>	194. 21	<i>Iustitia Christianae partes,</i>	717. 93
<i>Iudicium amore & odio corrumpitur,</i>	636. 19	<i>Iustitia acquirenda modus insignis,</i>	581. 25
<i>Iudicia Dei non discutienda,</i>	366. 7	<i>Iustitia causa non natura sed voluntas,</i>	251. 75
<i>Iudicio tremendo omnes obnoxij,</i>	111. 7	<i>Iustitia premium,</i>	619. 21
<i>Iudicium cur in Euangelio excidio Hierosolymae iungitur,</i>	450. & 639. 3 (42 & 477. 4)	<i>Iustitia perfecta temporalis & aeterna merces,</i>	359
<i>Iudicij extremi dies qua mente expectanda,</i>	470	<i>Iustitia Dei & nostrae diuersitas,</i>	81. 3 (51)
<i>Iudicij extremi signa, & eorum diuisio,</i>	448. 3 & 450. & 462. 29	<i>Iustitia Dei tempus,</i>	696. 64 modus, 697. 66
<i>Iudicij signorum certitudo,</i>	644. 28	<i>Iustificatam Dei sapientiam quomodo intelligimus,</i>	190. 20
<i>Iudicij extremi signa iam apparent,</i>	449. 7	<i>Iustificationis nostrae partes,</i>	599. 30 (du, 190. 20)
<i>Iudicium extremum triplex bellum praecedet,</i>	446	<i>Iustificationis partes duplices,</i>	431. 8
<i>Iudicium antecedentes dies quatuor malis pleni,</i>	642. 20	<i>Iustificatio nostra multa requirit,</i>	599. 29 & 618. 18
<i>Iudicij dies cur non reuelata Apostolis,</i>	645. 33	<i>Iustificatio nostra absque fide nostra non est,</i>	610. 20
<i>Iudicij die an & quomodo Christus ignorauit,</i>	471 & 645. 34	<i>Iustificatio nostra non sola fide nititur,</i>	216. 40
<i>Iudicio imminente diabolus soluetur,</i>	642. 20	<i>Iustificatio non vno actu constat,</i>	126. 13
<i>Iudicij extremi partes duae,</i>	492		
<i>Iudicium vniuersale quorsum, si particulare est,</i>			
<i>Iudicium extremum erit velox,</i>	339. 36 (468. 34)		
<i>Iudicij extremi locus,</i>	444. terror, 484. & 644. 28 forma, 467. 3		
<i>Iudicij & iudicandorum forma,</i>	ibidem.		
<i>Iudicij pro bonis decretum fuse explicatur,</i>	493. contra malos, 497		
<i>Iugum Christi quomodo suaue,</i>	200.		
<i>Iulianus Apostata herbam miracula facientem sustulit,</i>	157. 44 (91)		
<i>Iuramenti a Deo Abrahae praestiti quae causa,</i>	709		
<i>Iuramentum cur Christus dissuadet,</i>	73. 77		
<i>Iuramentum ut sanctum sit tria requiruntur,</i>	74. 78		
<i>Iuramentorum diuersitas,</i>	430. 7		
<i>Iuramenta iniqua non obligant,</i>	266. 7		
<i>Iurare per creaturas cur non licet,</i>	76. 91		
<i>Iurare per creaturas quantum incommodum,</i>	ibid.		
<i>Iuris christiani qualis processus,</i>	333 & 335. 17		
<i>Iustum quanto tempore Deus affligit,</i>	6		
<i>Iustorum tempora nec semper lata, nec semper tri-</i>			
<i>Iusti tribulatione cognoscuntur,</i>	140. 53 (stia, 14)		
<i>Iusti cur ouibus similes,</i>	493.		
<i>Iustus semper timidus,</i>	518. 48		
<i>Iusto omnia bene cedunt,</i>	581. 22		
<i>Iustum recipiens quantum premium habiturus,</i>	178. 51		
<i>Iustum futura mala Deus denunciat,</i>	447. 2		
		<i>L</i>	
		<i>Labor dici quid significet,</i>	108. 93
		<i>Laborum inuentio qualis esse debet,</i>	109. 95
		<i>Laborum finis non initium coronam meretur,</i>	180. 53
		<i>Laborum qualis requiem Christus permisit,</i>	275. 35
		<i>Latitia vera quae,</i>	187. 2
		<i>Latitia & merces simul consistere possunt,</i>	49. 15
		<i>Latari cum latantibus difficile,</i>	701. 71 & 254. 88
		<i>Lamentatio Christi in Hierosolymis ad hereticos accommodatur,</i>	459. & 305 (28. 33)
		<i>Lapides virtute Dei in homines possunt conuertere,</i>	
		<i>Lapides in homines quomodo Christi conuerterit,</i>	33. 15
		<i>Lapis repudiatus in scripturis Christi contemptum notat,</i>	400. 56 & 401. 57
		<i>Lapis ad sepulchrum Christi positus quid notet,</i>	662. 3
		<i>Latrones duo gentes & iudeos notant,</i>	540. 54
		<i>Latro vterque blasphemauit,</i>	ibidem.
		<i>Latronum duorum cum Christo crucifixorum my-</i>	
		<i>laudandi Deum modus,</i>	689. 36 (sterium, 656. 12)
		<i>Laus propria ratione metienda,</i>	47. 13
		<i>Laicorum martyrum figura,</i>	438.
		<i>Laici in ecclesia officium,</i>	136.
		<i>Legationis Apostolicae descriptio,</i>	160. 1
		<i>Legationis Ioannis ad Christum locus quis, tempus quod, causa eius tres,</i>	184. 1
		<i>Legis diuina finis,</i>	43. 3
		<i>Legis Christi seu felicitatis primum fundamentum humilitas,</i>	44. 4

Index Tomi Secundi

Legem veterem male à Deo latam heretici aiunt,
Legem quare Christus non soluit, 59. 38 (57. 34)
Legem literarum ignari conseruare possunt, 60. 40
Leges diuinæ circa vim concupiscibilem animæ, 68
 62 circa irascibilem, 61. 45
Legum Dei vnus modus, 77. 93
Legis finis in Ioanne, 190. 9 (324. 33)
Leges ciuiles honestæ seruandæ exemplo Christi,
Legis mandatum primum Christus discutit, 419. 27
 mandatum hoc quater in scriptura traditum,
 ibidem. & explicatur, ibidem.
Legio quod homines continuit, 526. 73
Legis diuinæ præceptum primum quod, 60. 40
Leprosi oratio ad Christum erat perfecta, 124. 2
Leprosorum miseræ, ibidem. (143. 65)
Leprosus cur sacerdotibus se ostendere iussus, ibi.
Leprosorum viuendi & veniendi ad sacerdotem
Lepra peccatum significat, 125. 4 (mos, 125. 3)
Lepræ curatio quid significat, 126. 13
Leprosus datum præceptum Christus mundauit, cur
 non ante, 143. 65
Leprosus solus Christus tangebatur, 566. 40
Lex noua cur faciliior quàm vetus, 200.
Lex vetus linguam & manus tantum, non cor &
 mentem instruxit, 241. 46 (tra, 241. 47)
Lex humana vitia nō omnia prohibebat, Christi cō-
Lex humana ciuiles tantum virtutes præcipiebat,
 ibidem. pœnas vitij virtuti præmia non propo-
 nebat, 242. 49 intus non efficiebat quidquam,
 ibidem. aduersis præsidium nullum statuebat,
 ibi. paucis proderat ibi mendaces erant, ibidem,
 vitiorum medicina non ferebant, conscientiam
 turbabat, ibi diuina lex contra, ibidem, & 313. 5
Lex Christi difficilia non iubet, 349. 22
Lex Dei quomodo soluatur, 58. 35
Lex Dei impletur quibus modis, 58. 36
Lex diuina non capax graduum, 59. 39
Lex Christi rigidior quàm Moysis, 61. 45
Lex diuina non tantum possibilis, sed & iucunda,
Lex vetus quando cessauit, 567. 42 (30. 100)
Lex Moysis à Christo seruata probatur, 607. 5
 & approbata, 619. 20
Liberalitas Dei erga nos, 115. 17 (ptio, 710. 92)
Liberationis nostræ ex manu inimicorum descri-
Liberis suis bona parentes non prohibeant, 719. 106
Lingua non maculanda, & macularum eius effecta,
Lingua 72. inter gentes, 526. 73 (281. 10)
Litera occidit quomodo intelligendum, 739. 27
Lites iuridicæ fugiendæ, 67. 59
Litigantes sine causa obiurgandi, 623. 40
Liuij in Herodem inuectiua, 594. 23
Loca suspecta non adeunda, 165. 10
Locum omnem peruaserunt Apostoli, 176. 46
Locus aridus quid notet, 220. 49
Locus omnis in mundo instabilis, 272. 27
Lotio manuum innocentie protestationem notat, 536. 32
D. Lucas à quo edoctus Euangelium scripsit, 665. 1
 cur illud scripsit, 666. 2 quando, ibidem.

D. Lucæ Euangelij laus, 666. 8
Lucerna sub modium abscondita quid notat, 580. 17
Luci conditiones quæ & quomodo Apostolis con-
 ueniunt, 54. 27
Lucifer ipse Christum tentauit, 36. 27
Lucrum nec separet nec alliciat ad Christum, 133. 31
Luctus commoda, 44. 6
Lunaticus inconstans significat, 320. 20
Luporum cum hereticis collatio, 118. 27
Luporum proprietates tredecim, ibidem.
Lutherus cum Caluino detractionis vitiū permit-
Lucæ. sanctum Dei canib. proiecit, 114. 15 (tit. III. II)
Lutheri eadem quæ diaboli vox, 34

M.

Magdeburgenses Ioannem in deserto mansisse ne-
 gant, 26. 25 (12. 18)
Magi interna & externa dona Christo obtulerunt,
Magorum externa dona quid significent, ibidem.
Magorum charitas, ibidem, fides, ibidem. Humi-
 litas, obedientia, ibidem.
Magi Christum adorando sacerdotes facti, 14. 27
Magorum ad Christum aduentum fictum Calui-
 nus dicit, 13. 20
Magos quod supplicium maneat, 236. 33
Magister verus quis, 187. 5
Magistri nomen soli Deo proprium, 435. 19
Magistrorum præmia, 544. 75 (puli, 22. 13)
Magistri peccantes magis obiurgandi quàm disci-
Magistratus quanto pere venerandus, 637. 26
Magistratus omnis duas habet res, 151. 25
Magistratus est mediator Dei & hominum, 372. 27
Magistratus per ambitionem acquisiti incōmoda, ibi.
Magnificencia in ornandis templis probanda, 511. 17
Magnificare Deum quomodo debemus, 690. 57
Magnus coram Domino quis, 672. 20
Magnorum virorum ortus ab angelis denunciatur, 670
Magni viri ex sterilib. nascuntur, 668. 6 (13)
Magnæ res subito in paruas commutantur, 255. 91
Maiorum iniquitas posteris non officit, 3. 8 & 588. 2
Maiorum laus posteris non prodest, 3. 11
Mala quibus subiacent homines, 640. 9
Mala forti animo pro Christo perferenda, 18. 43
Mali vtilitas aliqua est, 648. 7
Mala non agere non est satis, 221. 51
Mala minora permittenda ne maiora eueniant, 341.
 1 & 345. 11 (32 & 240. 43)
Malorum causa diabolus, heretici, negligentia, 236
Male congregatum dispersum est, 101. 74
Malus ore peior corde, 216. 41
Malo cedendum non resistendum, 388. 21
Malus iudicare alium non potest, 113. 13
Mali homines benefactoribus semper insidiantur,
 518. 46
Malis non prodest sed obest salubris doctrina, 632. 6
Malis non dicenda occulta veritatis, 631. 31
Malorum hominum pœna, 401. 51
 Malos

Operum Socolouij.

- Malos duplex ultio manet,* 520. 52
Mali primo damnabuntur quam iusti recipient
præmia, 235. 30
Malitia febrī aut terræ arenosæ similis, 217
Malitiæ & simultatis discrimen, 655. 4
Mammone seruire quantum incommodum, 103. 80
Manfuetudinis præmium & terra hæc & terra vi-
uentium, 45. 7
Manus ante cibi sumptionem lauanda, 595. 5
Manus ante cibi sumptionem cur Apostoli non la-
Manus aridæ sanatæ mysteriū, 572. 6 (uabāt ibi.
Manuum impositio quā vetus cæremonia, 351. 26
Marci Euangelij quæ occasio & scribendi modus,
Marci Euangelij laus, 558. 1 (557
Marci humilitas, 557 (lachaia, 560. 8
Marcus cur Isaia prophetiam appellat quæ est Ma
Margarita quid significet, 247. 63
Margaritis qualibus regnum celorum simile, 248
Margaritis regnum celorum Christus comparans
cur à plurali numero orsus ad singularem tran-
sit, 260. 99 (ficat, ibidem.
Margarita pretiosa aut Christum aut legem signi-
Margaritæ pretiosæ nos ipsi pretium sumus, ibid.
Margaritarum differentia tres, 247. 65
Margaritæ ubi nascuntur, 248.
Margaritæ Indicæ ex rore nascuntur, ibidem.
Margaritarum Britannicarum color, ibidem.
Margaritæ in bosphoro nascentis color magnitudo
Margaritæ apud Acarnaniā quales, ibidē. (ibidē
Maria ex Dauidico genere orta, 1. 4
Mariæ sanctitas, 684. 45 Humilitas, 688. 54 &
692. 59 fructus, 685. 49
Mariæ sapientia admiranda, 734. 27
Mariæ semper veneranda, 691. 61
Mariæ quomodo beata, 691. 62
Mariæ bonorum omnes participes, 694.
Mariæ vera fuit mater Christi, 687. 52
Mariæ purificationis descriptio, 743. 33 visitatio-
Mariæ comitatus qualis, 681. 37 (nis, 681. 37
Mariam non honorans hæreticus est, 685. 47
Mariam Turcæ venerantur, 693. 60
Mariæ virginitatis illæse figuræ, 6. 23 & 742. 31
Maria in laudando Deo sanctus propheta similis,
689. 56
Maria nō plures quā Christū filios habuit, 724. 5
Maria Iosepho desponsata domū ei fuit deducta, 5. 19
Maria quare coniunx Iosephi ab Euangelista dici-
tur, 6. 19
Mariæ salutationis tres in Ioanne effectus, 683. 42
Mariæ canticum explicatur, 688. 54
Mariæ & mundi collatio, 39. 41
Maritus uxore adultera sprete cur aliam non po-
test ducere, 345. 9
Matrimonij vis, 341. 1 & 344. 6
Matrimonij regula, 680. 34. finis, 634. 15
Matrimonij illiciti exitus, 263 (ti 669. 8
Matrimonio iuncti non possunt esse perfectē deuo
Matrimonium religionis diuersitas dirimit, 344. 5
Matrimonium religionis ingressus dirimitur, 616. 9
Matrimonium adulterio quomodo & quando di-
rimitur, 342
Matrimonium cur in calo non erit, 634. 15
Mattheus cur Ieremiæ prophetiam dicit quæ Za-
chariæ est, 532. 13
Mattheus suum Euangelium cur Generationis li-
brum appellat, 1. 2
Maxillam vnā percutienti altea præbenda, quo-
modo intelligendum, 76. 87
Medicum qui nescit felix est, 587. 25
Medicorum imago, ibidem.
Medicorum error, 321. 22
Meditationis commoda, 607. 2
Mens thesaurorum collectione polluitur, 102. 76
Mentem obscurare potest demon, 212. 24
Mercatores in Euangelio qui vocantur, 404
Merces temporalis pro re spiritali non cupienda,
163. 7 (fenduntur, 81. 5
Mercedis celestis nomine Euangelici immerito of-
Mercedem celestem antecedentia, ibidem.
Messia signa, 292. 2
Messia aduentus signa, in terra, nō in calo esse, 292. 2
Messia aduentus vnde colligendus, 294. 5
Messia officia, 28. 33 & 35. 20
Messias Deus & homo futurus erat, 636. 23
Messias lapis in scripturis appellatur, 399. 55
Messias in Psalmo Davidis descriptus, 422. 28
Messiam in parabolis docturum psalmista præ-
dixit, 245. 60
Messis finem mundi significat, 235. 29
Messis in scriptura alia post Christum, alia post
prophetas, 239. 40
Messores Angeli dicuntur, 235. 29
Metum Christus quendam prohibet, quendam per-
Minimum quid in oculis Dei, 201. 38 (mitit, 183. 63
Miracula quid requirunt, 588. 4.
Miraculorum finis, 123. 2 & 219. 44 & 571. 1
Miraculorum cause, 219. 47
Miraculorum tempus, 172. 31
Miraculis doctrina roboratur, ibidem.
Miracula variè accipiuntur ab hominibus, 213. 27
Miracula apud maleuolos nunquam fiunt, 219. 44
Miracula Deus per sanctos fieri vult, 161
Miraculorum faciendorum modus per sanctos, ibi.
Miraculorum Christi & Apostolicorum diuersi-
tas, 589. 8
Miracula expectantes nunquā credere volunt, 217
Misericordia Dei erga nos, 706. 86
Misericordiæ Dei magnitudo, 708. 88 & 709. 91
Misericordiæ Dei laus, 706. 86
Misericordiæ Dei locus & tempus, 696. 64
Misericordia Dei quis dignus, ibidem.
Misericordiæ necessitas & præmiū, 46. 9 & 501. 33
Misericordiā vehementer probat Christus, 149. 12
Misericordiā non faciēs qui misericordiæ viuunt, 78.
Misericordia etiā die festo facienda, 203. 2 (95
Misericordiæ officia pro bonis mali obire possunt,
vindictæ

Index Tomi Secundi

- vindicta non possunt,* 256. 96
Missam haeretici implicite approbant, 455
Missae necessitas, ibidem. (723. 8
Missarum trium in natiuitate Domini mysterium,
Mysteria profunda ad sacerdotes non ad vulgus spectant, 272. 29
Mysterium Christi est decus eius, 623. 43
Modius quid denotet, 55. 29
Mola asinaria quid significet, 340. 41
Monachi an ad perfectionem teneantur, 79. 99
Monachis large omnia danda, 206. 3
Monachi ab auaritia remotissimi, 232
Monachos quam mendaciter reprehendit Caluinus
Monastica vitae antiquitas, 21. 7 (79. 99
Monastica vitae exemplum D. Ioannes, ibidem.
Monastica vita innocentiam, & modum viuendi rigidiorē requirit, 21. 8
Monita Christi ad quem maximè spectant, 108. 93
Monogamiam natura & ratio sanciuir, 343. 2
Mens operum Christi locus, 289. 33 & 273. 33
Mens Iudaëis ablatus est Christus Dominus, 403. 63
Montem ascendere est ad superna eleuari, 123. 2 & 593. 37 (& 630. 27
Montem transferre, est daemones pellere, 322. 27
Morbi quomodo à Chri. & medicis curantur, 131. 22
Morbos sanare sepius quam alia miracula facere solebat, 594. 45
Moriendum ante tempus propter Deum, 176. 47
Morientes pro veritate felices, 187. 3
Mortuos nos non perfecte credimus, 83
Mortale peccatū habens obsidetur à daemone, 663
Mortalium peccatorum series, 591. 15
Mortis certitudo, 485. 2
Mortem cur incertam Deus fecit, 480
Mortis tempus discutitur, 646. 36
Mortis meditatio in quo consistat, ibidem.
Mortis timor quantus, 729. 12
Mortis propinquus homo communicare debet, 516. 39
Mortis dies potius quam natalis celebranda, 263
Mortui quid significant, 144. 68
Mortuus viuens quis, 365. 6
Mortui sancti viuus prosunt, 668. 5
Mortui infideles non iuuantur oratione, 134. 38
Mortuorum animæ in corporib. apparere possunt, 314. 7
Mortuos in veteri lege tangēs impurus erat, 155. 22
Mortuos Christus tangens non est pollutus, ibidem
Moyse & Helia laus, 314. 6
Moyse à Christo in docendo diuersus, 433
Moyse cum Deo loquentis fulgor à Christi transfigurati fulgure quomodo diuersus, 314. 7
Moyse cum Helia cur in transfiguratione apparuit, 314. 8 (314. 7
Moyse in transfiguratione quale corpus habuit,
Moyse cum Helia quomodo in transfiguratione ab Apostolis cogniti, 316. 9
Mulieris descriptio, 344. 8
Mulierum labor, 106. 87
Mulierum potentia, 654. 47
Mulierum nostrarū deuotio pharise isimilis, 428
Mulier aspici tribus modis potest, 69. 63
Mulieres ad scripturam non admittendæ, 249. 68
Mulieres quæ Christum vngebant erant tres, 509. 8
Mulierum erga Christum pietas, 662.
Mulierū in vngendo Christo magnificentia, 509. 10
Mundi vanitas, 383. 11 mores, 663. 39 ornāmēta, 726
Mundi solatia, labor & onus, 202. 46
Mundus Deo semper contrarius, 575. 23
Mundum quomodo amare debemus, 722. 4
Mundi totus domus Apostolis aperta, 180. 51
Mundi cordis merces, 46. 10
Mundum cor speculo comparatur, ibidem.
Murmur erga patrem familias quid notet, 366. 11
Murmur in regno celorum an futurum, ibidem.
Muti in Euangelio Dominum non laudantium intelliguntur, 291. 37
Mutuare Christus quomodo praecepit, 76. 89

N.

- Natalem diem celebrare vitiosum est,* 590. 18
Natalis sui diē solus Herodes & Pharao celebrabat
Natalis dies quomodo celebrandus, 565. 5 (263
Natiuitas Christi cur in via fuerit, 722. 4
Natiuitatis Christi tempus describitur, 720. 2
Natiuitatis Christi circumstantia, 723. 5. 6 & 726
Natiuitatis loci mysterium, 726
Natiuitas Chri. per tres Angelos denūciata, 729. 11
Naturā sapiens si negligens sit, deterior est eo qui labore sapientiam parauit, 489. 20
Naturalis amoris vis, 456. 11
Naturarum vnitas in diuinis ostenditur, 553. 40
Natura nostra verè corrupta, 603. 16
Naturā nihil immundum est, 596. 9
Naturæ donis abuti quod incommodum, 580. 20
Naui in qua Christus sedebat Ecclesiam notat vnam, 583. 31
Naucula in qua Christ. fuit quid significet, 135. 40
Naucula Christi cum Ecclesia comparatio, ibidem
Naui haeticorum, 141. 59 qualis & finis eius, ibi. quid significet, 135. 40
Necandi homines qualis antiquorum mos, 104. 78
idem diaboli mos, ibidem.
Necessitatis remedium quod, 134. 39
Necessitas contrauenit legi, 204
Negare Christū & offendere diuersa sunt, 401. 59
Negatur Christus duobus modis, 654. 48
Negationis Petri praefiguratio, 274. 33
Negotium omni gratia Dei non nostris viribus metiendum, 173. 31
Nescire aliqua vtile esse Christus docuit, 479. 53
Nestorij error tollitur, 423. 31
Niniuitæ Iudaëis meliores, 218
Nobilitatis laus, 667. 3
Nocendi potestatem habuit Christus, 627. 15
Nomen Dei magnum, 244. 84
Nomen suum Christus sanctificari vult, 613. 47
Nomen

Operum Socolouij.

Nomen Dei & regnum Dei idem est, 359. 50
 Nomen à Deo impositum aut mutatum gratie Dei
 signum, 671. 16 (da, 238
 Noua doctrina etiam cum miraculis non suscipien-
 Noua quæ & quomodo docenda, 253. 85
 Noua doctrina non semper statim tollenda, 238. &
 quando statim tollenda, ibidem.
 Nox media in parabolis quid notet, 483. & 505
 Nox tristitiam semper sonat, 729. 13
 Nubes in transfiguratione notat aut Christum, aut
 Deum Patrem, aut Spiritum Sanctum, 317. 13
 Nubere nō omni tēpore fas esse ostenditur, 476. 45
 Nubis in transfiguratione figura vetus, 311
 Nudi Christum nudum sequamur, 134. 37
 Nuntij ad nīeam Dei missi qui, 632. 2
 Nuptiarum apparatus, 404. (tur, 405
 Nuptiarum celestium contemptores à quo punien-
 Nuptialis vestis charitas, ibid. & 407. 7 & 409.
 Nuptiarum finis quis, 416.
 Nuptie in parabolis significāt gaudiū celeste, 506
 Nuptie in Euangelio sacramentū significant, 403. 1
 & de nuptijs parabola explicatur, 404. &
 425. 33
 Nuptie celestis regni cur vestitū requirunt, 405. 7
 Nuptijs vestis indigna quæ, 406. 6

O.

Obedientia subiectū necessaria, 633. 6
 Obedientie fructus, 687. 52 (120. 40
 Obedientiam Deus requirit non nuncupationes,
 Obedientiam Christo qualem debemus, 563. 21
 Obsessorum à demone pœna, 610. 26
 Obsessorum finis, 143. 63
 Obsidere vnum plures demones possunt, 584. 3
 Obrectationis incommodum, 648. 9
 Obrectationis remedium, 647. 5
 Obrectationi omnia facta subiacent, ibidem.
 Obrectationes à Dei cultu, nos nō reuocent, 511. 17
 Oculi qui beati, 228. 6
 Oculi malus quū, 597. 16
 Oculi insidiantur innocentia, 70. 65
 Oculi ob scandalum quomodo eruendus, 70. 66
 Oculorum custodia necessaria, 69. 62 (21
 Odi a deponenda ante perceptionem sacramenti, 168
 Oleum quo sponse carebant bona opera notat, 483
 Olei adiuncta, 589. 10 (& 506
 Omissionis peccatum æquē graue ac commissionis,
 55. 92 aliquando grauius, 166.
 Omnipotentia Dei ostenditur, 270. 16 & 275. 40
 Oneratos & laborantes quos Christus vocat, 200
 Operum bonorum nostrorum necessitas, 390. 29 &
 Opera bona sunt meritoria, 43. 3 (499. 29
 Opera bona vitam æternam merentur, 620. 26
 Opera nostra Deo grata, 638. 32
 Operum bonorum pramia quæ, 51. 16 & 331
 Operum bonorum pū, 122. 46 & 598. 21
 Operum bonorum merces cur infinita, 362

Opera bona quomodo cælum petunt, 101. 75
 Operib. singulis singula mercedes proposita, 638. 34
 Opera nostra donum Dei sunt, 289. 32 (us, 667. 4
 Operum nostrorum nos ipsi authores sumus, & De-
 Operum bonorum mensura, bona intentio, 638. 34
 Operum hominum partes duæ, 362
 Operum nostrorum fundamentum, 480.
 Opera nostra sola quomodo nos iustificent, 713. 93
 Opera aliorum bona nobis profunt, 147. 7
 Operibus bonis cur hæretici hostes, 51. 18
 Operibus bonis cur non est locus in vita futura, 484
 Operarij horæ primæ qui, 361. secunda, tertia, ibi.
 Operarij vnius horæ & vndecim horarum idem
 præmium, 363. 2 (670. 14
 Oraculi à bono & malo Angelo dati, differentia,
 Orationem prouidentia Dei non tollit, 88. 31
 Oratio cur inuenta, 97. 62
 Orationis formula, 90. 37 locus, 86. 29 & 88. 31 &
 520. 53 tempus, 600. 31
 Oratione Dei misericordiam non nostram dignita-
 tem respiciamus, 288. 26
 Orationis dominicæ explicatio, 90. 42
 Oratio dominica ad totam S. sanctam Trinitatem
 dirigitur, 96. 60 (39
 Oratio dominica ex cunctis prophetis collecta, 90
 Oratio dominica apud quosdam Græcorum latior,
 Orationes nostræ quid habere debet, 322. 25 (95. 57
 Orationis prolixæ commoda, 313. 4
 Oratio prolixitatem desiderat, 88. 32 (97. 30
 Oratio quale multiloquium aspernatur, 86. 26 &
 Orationes nostræ non longe sed frequentes esse de-
 Orationis secreta commoda, 89. 35 (bent, 651. 31
 Orationes clamose damna, ibidem.
 Oratio qualis facile exauditur, 115. 17
 Orationes nostras auditas iri probatur, ibidem.
 Orationes nostræ cur non exaudiuntur, 322. 23
 Orationes nostras citius quàm veteris legis Deus
 exaudit, 709. 91 (us, 337. 30
 Orationem duorum citius Deus exaudit, quàm vni-
 Oratio quomodo debet esse assidua, 89. 43
 Orationis perseverantis fructus, 287. 24
 Oratio omni negotio pramittenda, 651. 28
 Oratio sanctorum ad impetranda Dei beneficia
 conducit, 271. 19
 Oratio sanctorum pro nobis magnarum virium,
 288. 29. & quando.
 Oratio in die iudicij non valebit, 485. 3
 Oratio Christi pro humilibus, 196. 31
 Oratio Christi suasoria, vt ad se omnes veniant, 200
 Oratio dupliciter peccare contingit, 86. 29
 Orans pro bono publico, suum assequitur, 671. 15
 Orat recte non nisi qui peccata relinquit, 598. 19
 Oremus, cur à sacerdote dicitur, 90. 40
 Ordinationem diuinam perturbās damnabitur, 3. 11
 Ordinatio diuina nemini nocet, 518. 49
 Ordinem seruare in cunctis Deus præcepit, 272. 25
 Ordines suscepturos quale examē esse debet, 133. 34
 Oris indomiti incommoda & pœna, 63. 47

V p v

Originale

Index Tomi Secundi

<i>Originale peccatum esse probatur, contra Iulianum,</i>		<i>Paruuli historia quem in exemplum Christus pro-</i>	
<i>Origo obscura nemini nocet, 254. 89</i>	(610. 21	<i>posuit,</i>	327. 1
<i>Osanna filio David quid notet,</i>	378.	<i>Paruuli cur à Christo non arcendi,</i>	617. 10
<i>Osculum amicitiae signum,</i>	525. 69	<i>Paruulus non etas sed mors commendat,</i>	350. 25
<i>Osculum iudae,</i>	525. 68	<i>Paruulorum non etas sed mores imitandi,</i>	617. 13
<i>Ostentatio exemplo Christi fugienda</i>	566. 37	<i>Paruuli cur magni faciendi;</i>	327. 1
<i>Ostentationis incommoda,</i>	83. 10	<i>Paruuli ob quas rationes imitandi,</i>	329.
<i>Otiosus quis,</i>	365. 6	<i>Paschatis partes,</i>	650. 22
<i>Otiosum verbum quod,</i>	215. 33	<i>Passionis Christi gradus à prophetis expressi,</i>	621. 32
<i>Oues nonaginta nouem quid significant,</i>	330. 11	<i>Passionis tempus ipse tibi Christus definiuit,</i>	647. 4
P.		<i>Passionis Christi horarū series,</i>	656. 10 (649. 12
<i>Pacificus quis,</i>	47. 11	<i>Passionis Christi consequens gentiū confessio,</i>	658. 22
<i>Pacis violatores quid maneant,</i>	ibidem.	<i>Passionis Christi doctrinarum summa,</i>	659. 28
<i>Poenitentiae forma,</i>	559. 7	<i>Passionis Domini non lugere quantum peccatum,</i>	
<i>Poenitentiae praedicatio qualis,</i>	193. 20	<i>Passio Christi parabolis significata,</i>	261. 103 (661. 3
<i>Poenitentiae neglectae damna septem,</i>	402. 59	<i>Passio Christi nisi ipsi patiamur non multum pro-</i>	
<i>Poenitentia qualis Deum placat,</i>	531. 3	<i>dest,</i>	412. 14
<i>Poenitentia omni etati licita,</i>	395	<i>Passio Christi omni hora meditanda,</i>	476. 44
<i>Poenitentia doctrina Christi & Apostolorum pro-</i>		<i>Passio Christi tota, ordinatione diuina stetit,</i>	513. 28
<i>amium,</i>	589. 7	<i>Passionis Christi locus qualis,</i>	538. 42
<i>Poenitentiae partes tres antiquitus,</i>	22. 12	<i>Passionis mysterium,</i>	358. 45
<i>Poenitentiam esse causam veniae contra Caluinum</i>		<i>Pastor duobus modis percuti dicitur,</i>	520. 55
<i>probatur, 229. 15</i>	(520. 54	<i>Pastorum simplicitas,</i>	727. 9
<i>Poenitentibus ad Deum semper patet aditus,</i>	518. 47	<i>Pastoribus & non Pontificibus Christi natiuitas</i>	
<i>Poenitentia 4. argumentis Ioannes persuadet,</i>	27. 33	<i>cur denunciata,</i>	ibidem.
<i>Poenitentium effectus quis mentis,</i>	530. 93	<i>Pater in diuinis distinctus à filio,</i>	198. 34
<i>Poenitendum quomodo,</i>	541. 60	<i>Patientia praeceptum & conditio,</i>	659. 28 & 537. 37
<i>Paganorum & Iudeorum vnionis figura,</i>	400	<i>Patientia docetur,</i>	259. 98 (162. 1
<i>Palea ad ventilationem toleranda,</i>	258. 97	<i>Patriarchis in veteri lege 12. Apostoli 12. similes,</i>	
<i>Palea catholicos malos notare videtur,</i>	257. 97	<i>Patriarchae duplicib. à Christo promissio cumulati,</i>	
<i>Panem habentes cur panem orant,</i>	93. 50	<i>Patriae omnes obligati sumus,</i>	588. 1 (451. 10
<i>Panes in quo multiplicati dubium est,</i>	270. 16	<i>Paupertas ipsa perfectum hominem non efficit,</i>	353.
<i>Panis caelestis necessitas,</i>	389. 37	<i>Pauperes constantius Christum quam diuites se-</i>	
<i>Papa esse Petri successor ostenditur,</i>	555. 49	<i>quuntur,</i>	653. 38
<i>Papam antichristum esse haeretici dicentes, refu-</i>		<i>Pauper amans diuitias non est pauper,</i>	620. 24
<i>tantur,</i>	61. 20. 21. 22. 23	<i>Pauper eleemosynam quomodo dare debet,</i>	496
<i>Papistas ex numero peccatorum concupiscentiam</i>		<i>Pauperes fratres Christi,</i>	496.
<i>tollere Caluinus mentitur,</i>	69. 64	<i>Pauper liberalis esse potest,</i>	179
<i>Parabola de Zizanijs explicatur,</i>	235. 29	<i>Pauperes non soli euangelizantur,</i>	187. 6
<i>Parabola non omnes à Christo explicantur,</i>	225. 3	<i>Pauperes ex nullo loco pellendi,</i>	158. 46
<i>Parabola nomen & laudes quinque,</i>	224. 2	<i>Paupertas Christi,</i>	724. 6
<i>Parabole ratio tractandi explicandi tribus rebus</i>		<i>Paupertas Christi quanta,</i>	624. 47 & 382. 8
<i>constat, 225. 4</i>	(runt, 247. 63	<i>Paupertas cur vehementer inculta Apostolus,</i>	164. 7
<i>Parabola de margarita & thesauro quomodo diffe</i>		<i>Pax Apostolica indignis collata quomodo vertitur</i>	
<i>Parabolis operta omnia in scripturis,</i>	261. 103	<i>Peccator vacua domus,</i>	221. 49 (166. 14
<i>Parentes quando odio habendi,</i>	177. 49	<i>Peccatores quare statim non puniuntur,</i>	28. 35
<i>Parenti potius succurrendum quam Ecclesiae dan-</i>		<i>Peccatoris conuersio miraculum magnum</i>	148. 11
<i>dum,</i>	283. 17	<i>Peccata qua conditione nobis donantur,</i>	96. 59
<i>Parentes eludere quomodo soliti Iudaei,</i>	278. 2	<i>Peccata operire melius quam virtutes,</i>	126. 15
<i>Parentum Christi paupertas,</i>	722. 4	<i>Peccatum est ruina, sed non magna,</i>	122. 45
<i>Parentes spernendi si Deum spernant,</i>	576. 28	<i>Peccati & leprae conuenientia,</i>	125. 4
<i>Parentes boni primo post Deum honorandi,</i>	577. 1	<i>Peccatum impotentiam notat,</i>	356. 42
<i>Parentum nostrorum post peccatum qualis scien-</i>		<i>Peccata quantum Ecclesiae noceant,</i>	138. 48
<i>tia,</i>	717. 102	<i>Peccatorum effecta, ib. & 138. 48 & 532. 7 & 489</i>	
<i>Paruuli, quid in Euangelio Caluinus significare</i>		<i>17 finis, 138. 48</i>	
<i>affirmet,</i>	200.	<i>Peccata morborum causa, 144. 1</i>	(149. 16
		<i>Peccata praeterita non nocent, si praesentia displicent,</i>	
		<i>Peccati excusatio,</i>	489. 17
		<i>Peccatum</i>	

Operum Socolouij.

<i>Peccatum quanto timorierat sanctis,</i>	410. 13	<i>Petri abnegatio,</i>	604. 26
<i>Peccatum mortale vocationis malæ signum,</i>	151. 24	<i>Petri pœnitentia quanta fuerit,</i>	530. 94
<i>Peccatum post pœnitentiam commissum, multo gravius quàm ante,</i>	223	<i>Petrus cur lapsus,</i>	307. 36 & 651. 25
<i>Peccatum hypocrisim inducit,</i>	ibidem.	<i>Petrus cur obiurgatus,</i>	304. 30
<i>Peccata proximorum occultanda,</i>	267. 11	<i>Petri obiurgationis expositio,</i>	308. 44
<i>Peccata nostra plura in Deum quàm proximorum in nos,</i>	340. 38	<i>Petri nomen explicatur,</i>	302. 24 & 301. 24
<i>Peccata vocationem non impediunt,</i>	403. 62	<i>Petrum caput Ecclesiæ negantes hæretici refutan- tur,</i>	301. 24
<i>Peccatum mentem debilitat,</i>	572. 5	<i>Petrus diutius vixit quàm alij Apostoli,</i>	297. 16
<i>Peccata pœnitentibus tantum dimittuntur,</i>	575. 26	<i>Petrus ex reuelatione diuina filium Dei affirma- uit,</i>	296. 14 (timidus, 654. 45)
<i>Peccata quæ nec in hac nec in futura vita remittē- tur,</i>	576. 27 (31	<i>Petrus Christo adhærens audax, recedens ab illo</i>	
<i>Peccatum per ea per quæ cōmittitur punitur,</i>	679	<i>Petri scandalum discutitur,</i>	521. 56 & 57. 58
<i>Peccata impunita crescunt,</i>	632. 3	<i>Phantasmata esse probantur,</i>	275. 39
<i>Peccatum mortale non expiatum confessione, quæ damna sequuntur,</i>	402. 59	<i>Pharisæi suo Messia & saluti non fauebant,</i>	10. 49
<i>Peccantis scienter supplicium,</i>	440. 32	<i>Pharisæi meliores nobis fuerunt,</i>	61. 48
<i>Peccare quidam permittuntur ut postea humilio- res sint,</i>	256. 95	<i>Pharisæi cur sepulchris similes, 433. 11 fermento similes, 293. 3 vipræ similes, 24. 14</i>	
<i>Pecunia Iudaica forma,</i>	629. 22	<i>Pharisæorum ortus, 440. 33 docendi mos, 122. 48</i>	
<i>Pecunia potius quàm Christus amittendus,</i>	75. 83	<i>vitia decem, 427. 3 erga Christum dolus, 414. 15</i>	
<i>Pelagij error refutatur,</i>	553. 40	<i>in oppugnando Christo conatus, 420. 27 dolus in cumulandis opibus, 595. 7 fermentum, 602. 11</i>	
<i>Perditionis nostræ nos ipsi causa sumus,</i>	406. 3	<i>descriptio, 637. 25 ab Apostolis diuersitas 153. 20</i>	
<i>Perditio Israël non ex Deo,</i>	288. 27	<i>Pharisæi inuiti laudibus prophetarum Christum honorant,</i>	656. 15
<i>Perfectionis Christianæ nouem gradus,</i>	78. 95	<i>Pharisæorum malitia detegitur & dæmone regi ostenditur,</i>	112. 13
<i>Perfectionis christianæ gradus,</i>	611. 34	<i>Pharisæi quale miraculum à Chri. desiderabāt, 217</i>	
<i>Perfidia fons iuramenti,</i>	75. 84	<i>Pharisæi cur generatio maledicta, ibidem. cur si- gnum à Christo poscebant, 294. 7 cur illis mi- raculum non datum, 267. & 310. 2 & 602. 10</i>	
<i>Perfectum duplex,</i>	420. 27	<i>Pharisæorum refutantur cogitationes à Chri. 208. 18</i>	
<i>Pericula quomodo vitari debent,</i>	527. 78	<i>Pharisæi ex astris de Chri. prædicare volebāt, 293. 5</i>	
<i>Pericula subire pro Christo non quæras, 171. 29 & Pericula boni vtiliora quàm fauor hominum, 593. 204 & 180. 54 & 269. 16</i>	(35	<i>Philonis librum & ἡ ἀρετὴ καὶ τὸ δίκαιον D. Hieronymus, explicat,</i>	21. 8
<i>Periculis licet quandoque se offerre,</i>	561. 11	<i>Philosophi cali auibus similes,</i>	582. 28
<i>Periurium quid,</i>	73. 76	<i>Philosophi principia virtutum ignorabant, 242. 48</i>	
<i>Periuria quare prohibenda,</i>	73. 77	<i>Philosophi nullā virtutē perfectē docuerūt, 241. 46</i>	
<i>Persecutionum necessitas, 46. 12 & 176. 47</i>		<i>Pilato cur Christus respondebat, Iudæis non, 533. 18</i>	
<i>Persecutionum solatia nouem,</i>	174. 43	<i>Pilati superbia,</i>	544. 79
<i>Persecutionum Deus inspector,</i>	176. 48	<i>Pilati erga Christum animus,</i>	539. 49
<i>Persecutiones cur Deus permittat,</i>	139. 50	<i>Pilatus in liberando Christo aulicus & quomodo eum liberare debuit,</i>	534. 22 & 26
<i>Persecutionis vtilitas, ibidem & 147. 10</i>		<i>Pisces duo quid significant,</i>	269. 17
<i>Persecutiones gloriam Christi augent, 140. 56</i>		<i>Piscis in Euangelio hominem notat,</i>	325. 40
<i>Persecutionum causa Deus & diabolus diuersimo- de,</i>	139. 49	<i>Piscatores cur in ordinem Apostol. adsciti, 39. 40</i>	
<i>Persecutio illa est maxima quæ sit ab amicis, 641. 13</i>		<i>Piscatoribus Apostoli in toto similes, ibidem.</i>	
<i>Perseuerantia in orando spreta quantum malum,</i>		<i>Piscium viuendi mos à rapinis nos deterreat, 40. 49</i>	
<i>Perseuerationis vtilitas, 544. 76 (679. 32</i>		<i>Plantatio quid significet in scriptura, 280. 4</i>	
<i>Pestis subito fugienda, 641. 15 16</i>		<i>Plantatio quæ non est Dei eradicabitur, ibidem.</i>	
<i>Petrus omnia relinquit,</i>	131. 24	<i>Plantatio à Deo non plantata cupiditatem carnis notat,</i>	291. 36
<i>Petri primatus probatur,</i>	162. 1	<i>Plato quid à Deo petendum censet,</i>	90. 37
<i>Petrus cur Christum in passione sequebatur, 529. 84 idem mysticè explicat, 529. 85</i>		<i>Plato diuinitatem Filij Dei cognouit,</i>	424. 31
<i>Petrus quomodo Sathanas vocatus, 604. 29</i>		<i>Plebs Christum dimitti voluit,</i>	655. 2
<i>Petrus cur cadere permissus, 527. 79 & 530. 89</i>		<i>Plinius christianorum vitæ rationē describit, 241. 47</i>	
<i>Petri audacia, 274. 33</i>		<i>Poculum in cœna Domini vini vnum fuit, 516. 38</i>	
<i>Petri scandalum discutitur,</i>	521. 56	<i>Poëta & philosophi persecutores Ecclesiæ, 137. 42</i>	
<i>Petri diffidentia, ibidem.</i>			
<i>Petrus cur ab ancilla interrogatus, 529. 88</i>			

Index Tomi Secundi

- Polona lex de homicidijs cōtraria legi diuina*, 65.
Pontificum erga Christum affectus, 653. 40 (51)
Pontificum iudaicorum negligentia, 652. 37
Populus offerre debet munera Deo, 67. 57
Populus subiectus sacerdoti, & tributum illi soluere debet, 326
Populum Dei conferri gentibus, nefas, 414. 15
Porcos lasciuos notat, 586. 13
Porci in scripturis quid significāt, 114. 15 & 143. 61
Porta inferi hereticos notant, 297. 15 aut peccata,
Potentium inferni diuersitas, ibidem. (303. 28)
Potentia in puniendis malis elucet, 696. 65
Potentes debitores opprimunt, 40. 49
Potentia non ex natura, sed ex auaritia originem traxit, ibidem.
Potestas orandū magno timori subiecta, 10. 12
Potio Christi in cruce fuit gemina, 538. 44
Potionis mysterium, ibi. 45 (gnum, 635. 18)
Præceptorum Dei finis, & eorum consecutionis si-
Præceptores quomodo mutandi, 562. 17
Præceptor legem transgrediens triplici poena dignus, 427. 2
Præcepta Dei in fronte ligabant pharisæi, 427. 3
Prædicatio verbi diuini, ob persecutionem non dimittenda, 207. 13 (226. 6)
Prædicationis Christi non omnes consecuti fructū,
Prædicatores quā sancti esse debent, 674. 21
Prædicationis Christi cathastrophe duplex, 636. 22
Prædicationis verbi Dei locus, 563. 23
Prædicationis ad miracula relatio qualis, 42. 56
Prædicationem semper miracula comitata, ibidem
Prædicatio nominis Dei ultra præcepta facienda, 159. 48 (169. 26)
Prædicaturus Apostolus quid Christus mandauit,
Prædicatio terroris & iucunditatis plena esse debet, 24. 18
Prædicationis & sacramenti diuersitas, 26. 29
Pregnantium mulierum ratio magna habenda est
Prelatus debet esse austerus, 576. 28 (642. 17)
Prelatorum officium, 332. 9
Prelatorum est futura mala præuidere, 399. 52
Prelati negligentis turpitudine, 634. 14
Prelati cum angelis multa cōmunia habent, 728. 11
Prelati coloni, non possessores vineæ D. Dei sunt,
Prelati etiam mali honorandi, 426. 1 (398. 50)
Premiorum in die iudicij diuersitas, in parabola ostenditur, 472
Præpositorum ecclesiæ officia, 664. 12
Præagia bonorum non contemnenda, 703. 78
Presbyteri maius præmium habebunt quā laici,
Præsepis in quo Chri. iacuit laus, 13. 21 (489. 18)
Præsumptionis incommodum, 395. 43
Præsumptionis fontes, 408. 12
Præsumptionis remedium, 410. 13. 16
Præsumptio causa calamitatum Ecclesiæ, 408. 12
Primatus humilitate acquiritur, 371. 23
Primi sunt multi nouissimi, 621. 30
Primogenitus quis dicendus, 724. 5
Principiū Eccle. parū, exitus maximus, 240. 44
Principis Ecclesiastici potestas in templo, 385. 13
Principiorum vñ magna, 245. 59
Procuratores poloni, similes iudæ, 637. 28
Priuatorum quibz amans etiam Apostoli, 611. 31
Proditorum merces, 368. 15
Profectum spiritualem quomodo Apostoli edocēt, & nos simul, 275. 38
Promissorum Dei vñ, 162. 18
Promissorum tempus, 681. 35
Promissorum Christi & mundi diuersitas, 649. 15
Promissorum stultorum turpitudine, 590. 19
Prophetarum multa monimenta perierunt, 19. 49
Prophetarum mos in narrando, 704. 82
Propheta falsi quare fugiendi, 117. 22
Prophetarum falsorum signa sex, 707. 87
Prophetarum ore Deus locutus, ibidem.
Propheta in patria tantū vituperatur, 253. 82
Propheticus ordo inferior sacerdotio, 206. 6
Propheta veteres suam prophetiam, & verbū, & factū exprimebant, 386. 16
Prophetam in domum recipere quid, 179. 51
Prophetarum præmium, ibidem.
Prophetare verè quid est, 121. 43 (223. 59)
Propinquitas non natura sed communione constat,
Propositionis panibus quis & quomodo potuit vesci, 206. 7 (dinem nimiam, 105. 81)
Prouidentiam Dominus non prohibet, sed sollicitudinem
Prouidentiam Dei panibus quinqz declarat, 270. 17
Prouidentiæ Dei argumentum, 182. 60
Prouidentiæ peripathetica futuri, ibidem.
Prouidentiæ Dei maximè bonos respicit, 271. 18
Prouidentiæ diuina immutabilis, 618. 19
Prouidentiæ diuina iudam non excusit, 519. 51
Proximi dilectio, Dei dilectionis indicium, & contra, 421. 28
Proximum non amans, Deum non amat, 352. 34
Proximus noster quis, 77. 93
Proximi animus potius quā corpus amandū, 716. 9
Prudens seruus raro fidelis, 477.
Prudentia nostra qualis esse debet, 167. 18
Prudentiam serpentis quis affecutus, 168. 24
Prudentiæ humana vanitas, 318. 15
Psalmi qui orationem laudis continent, 196. 31
Publicanos duas ob causas iudæi oderant, 148. 11
Pudere ob Deum quid, 606. 36
Puella resuscitata, synagogam iudaicam significat, 156. 23 (primitur, 718. 103)
Pueritia sanctorum plerumqz in scripturis non ex-
Puer quinqz panes habens est Moyses, 269. 17
Puerorum confessionis figura, 388. 23
Puerorum lusus serias res præagit, 193 (ibidem)
Puerorum nomine occinentium quid intelligit Chr.
Pueri Christum confessi, non ipsi loquebantur, sed Deus per illos, 387. 21
Puluerem de pedibus excutere quid, 183. 64
Punitus in hac vita, minus punitur in futura, 165. 9
Purgatorium esse probatur, 216. 39
Quadragesima

Operum Socolouij.

Q.

Quadragesima in primitiua Ecclesia. quomodo ab-	
solui solita,	37. 34
Quadrans quid significet,	638. 31
Quarere heretici omnia iubet, Chri. contra,	360. 54
Quarentes Deum semper eum inuenerunt,	549. 16
Quaestiones inanes in concione iactare, pharisaeo-	
rum est,	615. 2 & 718. 102
Quaestiones fraudulentæ viles aliquando,	616. 3
Quaestio quæ utilissima,	618. 16
Quæstus iniustus quantum peccatum,	333 (180. 52
Quidquid patimur, pro Christi nomine patiamur,	
Qui per aliū facit, per aliū præmia recipiet,	42. 56

R.

Rabini quaestiones vanas proponebant medelæ ani-	
mæ neglectæ,	394. 2.
Rabini in explicandis prophetis iniqui,	595. 4
Rachel cur circa Bethleem sepulta,	17. 41
Racha quid significet,	65. 52
Rapacium mores,	510. 14
Reconciliatio quare non differenda,	66. 54
Reconciliationis vis, & quibus argumentis à Chri-	
sto suadetur,	66. 55
Reconciliationis modus,	66. 56
Reconciliationis commoda,	67. 58
Redemptio nostra quanti constitit,	705. 85
Regeneratio quid notet,	357
Regnum caeleste cur querendum,	38. 36
Reges quadraginta annis persecuti Ecclesiā,	137. 45
Regnum Dei appropinquat, non venit,	163. 7
Regnum Dei quomodo vim patitur,	190. 9
Regnum Dei peruenit in homines, quomodo intel-	
ligendum,	209. 19
Regna christianorū deteriora dæmonis regno,	215. 36
Regnū calorū quid in scripturis notat,	240. 44 &
Regnū Dei quomodo cōparandū,	250. 72 (209. 19
Regni caelestis suauitas,	319. 17
Regni Christi particeps quis,	373. 30
Regnum calorū sp. in se simile,	481. 2
Regnum calorū cur ab initio mundi, & non ab æ-	
terno paratum est,	494
Regnum Dei fidem credentium significat,	516. 37
Regnorum interitum templorum abolitiones præ-	
cedunt,	640. 4 & 641. 14
Regula rerū nostrarū charitas & sapientia,	614. 51
Religionis diuersitas omnis discordiæ causa,	641. 12
hoste absente regna perimit,	213. 28
Religiosorum formula,	358. 48
Religiosorum apud Indos signum,	427. 3
Relinquendi omnium modus,	354. & 618. 19
Relinquentium omnium præmium,	357
Relinquenda omnia ad voluntatem Dei,	201. 39
Reliquiarum veneratio probatur.	683. 41
Reliquiarum virtus,	276. 43
Remissionis peccatorum causa efficiens,	716. 59

Remissionem peccatorū poenitentia præcedit,	22. 10
Remissionem prius quàm poenitentiam Caluinus po-	
Remissio nō solo verbo ministri fit,	131. 21 (nit. 22. 11
Remittere peccata sacerdotum esse,	141. 8
Remissio offēse semper præstāda iniuriæ nō,	337. 29
Remittere offēsas quàm necessaria,	331. 32 & pa-
rabola ea de re, ibidem. &	340. 40
Remittere offēsas suadetur 10. argumentis,	338. 33
Reprobatorum supplicium quantum,	240. 41
Residere clericis necessarium,	40. 46 & 55. 29 &
351. 30 & 728. 10	(134. 36
Respicere retro, Christum sequentes non debent,	
Respicere nos quando Deus dicitur,	691. 59
Responsiones Christi interrogationibus pharisæo-	
rum accommodabantur,	635. 16
Resurrectionem corporum Christus probauit,	145. 1
Resurrectionis notitia omnibus etiam pagani inna-	
ta,	265. 2 (293. 3
Res eadem diuersimodè in scripturis usurpantur,	
Res magna familiaritatem oderunt,	313. 3
Resurrectio mortuorum docetur,	405. & 634. 13
&	131. 20
Resurrectionem quomodo Saducæi impugnant,	416
Resurrectionem ex scripturis Christus probat,	23
Resurrectio Christi probatur,	543. 71 & explica-
tur ibidem 12. &	545. 84
Resurrectionis Christi tempus & Adæ peccati col-	
latio,	546. 87 & 547. 2
Resurrectionis modus,	548. 6
Resurrectionis Chri. figura in Iona propheta,	660. 1
Resurrectionis Christi magnificentia,	ibidem.
Res parua sunt vestigium magnarum,	194. 22
Respub. sanctos viros habens felix,	643. 23
Rethorica christianæ partes quid & quomodo,	173.
Reuelationes omnes scientia constant,	202. 48 (32
Rex ad nuptias caelestes quis & quando iubeat,	405
Roma sedes Ecclesiæ,	443. 35
Romanorum erga Iudeos ciuilitas,	535. 28
Rudes homines à sacramento non arcendi,	617. 11
Ruina magna quæ,	122. 45

S.

Sabæ reginæ factum Iudeos damnauit,	219. 42
Sabbathum cur institutum,	205. 2
Sabbathi honor apud Iudeos quantus,	547. 1
Sacerdotum dignitas,	641. 11 & 668. 7
Sacerdotes honorandi, 127. 16 & 609. 18 ad mor-	
tem usq; ad Christum honorati,	434. 12 & 638. 33
Sacerdotem irridens Deum irridet,	656. 6
Sacerdotes præstantiores prophetis, 206. 6 omnes	
sunt prophetae, 437. 25 sint à tributis liberi,	324
31 & 325. 38 latere non debent, 580. 16 sunt an-	
gelorum socij, 728. 11 laicorum labore viuere	
debent, 564. 3 externorum conuiuia fugiant,	
268. 15 non vagantur, 165. 11	
Sacerdotum vestitus, 22. 9 officia, 136 occupatio,	
574. 22 & 609. 14 lingua qualis esse debet,	173
Vvv 3	34. mores

Index Tomi Secundi

34. mores eorum non iudicet plebs, 435. 17 prudentia qualis esse debet, 167. 17
- Sacerdotibus doctrina necessaria, 439. 28
- Sacerdotes fore diuites Christus voluit, 620. 27
- amicos relinquere debent, 149. 15 carnalem panem suis tribuant, 271. 22 sint humiles, 434. 16
- Sacerdotes mali phariseis similes, 550. 32
- Sacerdotibus malis poena digna excogitari non potest, 53. 24. (53. 25)
- Sacerdotem malum duo maxima mala comitatur,
- Sacerdotum auaritia, 609. 12
- Sacerdotum veterum auaritia, 628. 22
- Sacerdotum legis veteris opes, 377. 1 (tur, 668. 8)
- Sacerdos summus in veteri lege quomodo creabatur
- Sacerdotum principes quot fuerint, 508. 5
- Sacerdotij noui origo, 435. 16
- Sacerdotium a Christo ad nos translatus, 127. 16
- Sacerdotio vitia sacerdotum non obsunt, 434. 13 & 574. 18
- Sacerdotio labantur cuncta marcescunt, 385. 14 tenebrae nos manent, 658. 18
- Sacerdotium magnum successionem acquirebatur apud Iudeos, 527 erat perpetuum 653. 41 uiuente Christo erat annuum, ibidem.
- Sacerdotium sancti fugiebant, 558. 1
- Sacramenta septem esse ostenditur, 664. 10
- Sacramenta accepturi simplices non seuerè tractandi, 351. 29 (tur, 514. 32)
- Sacrificij pars in veteri lege etiam familiae dabantur
- Saduceorum haeresis, 633. 10 philosophia, 415. 16 cum Christo collocutio, ibidem.
- Sagena in parabola varie exponitur, 250. 73
- Salis conditiones & effecta, 52. 22 (121. 43)
- Salutis spes in quo sita, 121. 44 & in quo non sita,
- Salus non ex solo baptismo pendet, 29. 1 ex mera misericordia pendet, 700. 68 salutem finaliter bona opera conciliant, 251. 76
- Salutis consequenda modus, 307. 40 & 624. 47
- Salutis consequenda media duplicia, 408. 12
- Salutis num. ij qui, 729. 13
- Salutem acquirentium ordines tres, 230. 21
- Samaritanus tempore Apostolorum se Christum appellabat, 447. 1
- Sancti Deo viuunt, 587. 30 in hac vita qualem mercedem retulerunt, 86. 29 in veteri lege laudati, 191. 11 nunc laudandi, ibidem. in tribulationibus cognoscuntur, 141. 56 in tribulationibus a Deo iuuantur, 192. 18 quanto in pretio apud Deum, 51. 18 nostra vota videre probantur, 684. 44 pro nobis orant, 17. 4 pro incolis loci illius in quo sepulti sunt maxime orant, 17. 41.
- Sanctorum vestimenta miracula exhibent, 157. 43
- Sanctorum vestimentum est Christus, 607. 4 (26)
- Sanctorum corpora eius potestatis ut vestis Chr. 156.
- Sanctum in omni opere bono peccare Cal. dicit, 547. 5
- Sancte rei nomine quid intelligendum, 113. 14
- Sanctum non euulgandum, 114. 15
- Sanctuario sano Respub. sana, 628. 18
- Sapientes huius seculi qui, & eorum genera, 197. 33
- Sapientibus huius seculi aeterna salutis non clausa, 199. 36
- Sapientibus quibus mysteria abscondita, 198. 34
- cur abscondita, ibi. quomodo abscondita, 198. 34
- Sapientiae regula quae, 614. 51
- Sapientia pietati coniuncta est quid praeclarum, 14. 26
- Satisfactionis necessitas, 25. 24
- Satisfactionem stultus tollit Caluinus, 94. 53
- Scandala unde proueniunt, 204 quomodo fiant & vitantur, 331. 5 quomodo vitantur, 325. 37 & 329
- vitanda sunt, 614. 49.
- Scandala oriri quomodo necessarium, 328. si necessaria sunt quomodo vitantur, 329. propter bonos sunt, 237. 34 abijcere ea beatum est, 186.
- Scandalorum diuisio, 614. 49
- Sciens opus est ut doceat, 490. 25
- Scientiam qualem D. Ioannes docet, 716. 100
- Scientiae acceptiones, ibidem.
- Schismatis occasionem Christus sustulit, 303. 26
- Schismatici an etiam per Zizania notentur, 257
- Schismatici qui dicantur, ibidem.
- Scriba Christum non esse Messiam quomodo probabant, 312. 1
- Scopuli in hac vita tres periculosissimi, 479. 1
- Scriptura non est sufficiens, 19. 49 & 181. 56 & 388
22. & 682. 40 est incerta, 707. 72 parabolicè intelligenda, 246. 61 quanto labore discenda, 249. 69 vulgo non ostentanda, 249. 70 occasionem erroris continet, 8. 31 cautè legenda, ibidem. non secundum literam intelligenda, 620. 28
- semper fallit, 32. 10 potest esse eius abusus, 9. 6
- alteri scripturae repugnat, 725. cur ad mensam legi solet, 268. 15 quamuis plana sit, quaestionibus plena est, 280. 4 (da, 261. 103)
- Scriptura vetus nouae scripturae regulis explicantur
- Scripturas difficiles esse Deus voluit, 249. 68
- Scripturarum interpretationis canon, 270. 11
- Scripturam quomodo honorent Angeli, 675. 23
- Scripturae regula est, generationes bonorum & malorum nosse, 440. 30
- Scripturae contradicentes conciliantur, 613. 46
- Scripturae nonnullae ad iudicij diem ignorabuntur,
- Securi nunquam esse debemus, 214. 32 (249. 68)
- Securis ad radicem posita quid notet, 28. 33
- Semen bonum filios regni significat, 235. 29
- Seminis verbi Dei quatuor differentiae, 230. 20
- Seminis parabola, 577. 3
- Seniores quos Iudaei vocabant, 277. 1
- Sensus cur homini dati, 487. 8
- Sententia non assentationi, sed veritati accommodanda, 1013
- Sentire de alijs malè quàm perniciosum, 110. 61
- Sepulchris mortuorum cur demon adheret, 584. 4
- Sepulchrorum apud veteres locus, 142. 584. 7
- Sepulchri Christi descriptio, 545. 83
- Sepultura virorum magnorum debet esse honesta, 268. 14. & 544. 82
- Sepultura debent impendi gratis, 659. 24
- Serenitatu

Operum Socolouij.

Vvv 4

Index Tomi Secundi

- Tentationem Christi quid consecutum,* 37. 32
Tentationibus victis, Christi. predicare cepit, 38. 35
Tentationes non nisi opifice Deo vincuntur, 94. 54
Tentationum Deus non est causa, 94. 55
Tentationum causam Deum, Beza affirmat, ibidē.
Tentationem non sustinentes proficere non possunt
 277. 47 (530. 89)
Tentationi non subiacere impossibile est, 523. 63 &
Tentatio triplex, 524. 64
Tentationum vis quo tempore ingruat, 531. 5
Tentationib. cum dispendio famæ resistendū, 539. 53
Tentatio & in aduersis & in prosperis semper est,
 561. 3 (162. 4)
Tepidi magis oderunt Deum, quam peccatores,
Thesauros colligere multis argumentis Chri. dissua-
Theaurizare in terra quid, 105. 94 (det. 102. 76)
Thesaurus absconditus, aut sensus scripturarum,
 aut verbum incarnatum, aut predicationem fi-
 dei, 246. 62 cur absconditus, ibidem.
Testes falsi duplices, 529. 87
Testes falsi iudæ similes, 512. 22
Testamentum duobus modis accipitur, 708. 90
Testamentum cum Abraham quomodo Deus fecit,
 709. 91
Testamenti veteris & noui idem author, 252. 79
Testamenti veteris comes timor, noui amor, ibidem.
Testes bonorum operū qui & quibus in locis, 47. 13
Testimonio aliorum quilibet indiget, 20. 3
Timoris Christi ante passionem causa quæ, 652. 32
Timor triplex, 524. 64
Timor visionib. diuinis semper præmittitur, 549. 12
Timor quis vitiosus, 713. 98
Titulus nullus prodest si Deus læsus, 402. 61
Tituli Christi in passione tribus linguis descripti,
 quid notent, 539. 50
Tubæ angelorum, tubæ Moysis figura, 467. 33
Tubæ iudicis terror, 469. 37
Turbæ præcedentes Christum, impediētes, &
 sequentes, quid notent, 380. 4
Turbæ in littore stantes quid notant, 226 (269. 17)
Turbas panibus quinq. saturatas quod mysterium,
Turbæ quinq. panibus refectæ refectiōem spiritu-
 alem notant, 270. 20
Turbas Christus nec simpliciter aluit, nec simpli-
 citer ieiunas dimisit, 601. 2
Turbulenti semper inopes, 45. 7
Turcæ virginem S. venerantur, 693. 60. & D. lo-
 annem.
Turnouij hæretici Poloni de ieiunio sententia re-
 futa tur, 98. 68
Tradendi verbū quo Christus vtitur, quomodo in-
 telligendum, 202. 45
Traditiones maiorum probantur, 281. 7
Traditiones quomodo tenendæ, 436. 22 & 595. 6
Traditio non est ex scripturis, sed contra, 666. 5
Traditiones quales tenendæ, 666. 6
Tranquille viuendi modus quis, 76. 91
Transfiguratio Christi qualis, 310. 1
Transfigurationis finis, 315. & 317. 11
Transfiguratio ob tres causas discipulos terruit, 311
Transfiguratio crucis scandalum sustulit, 317. 10
Transfigurationis Domini temporis in Euangelijs
 concordia, 608. 9
Transfiguraturus se Christus cur tres tantum A-
 pastolos assumpsit, 309. 1
Tribulationes sunt electorum munera, 187. 2
Tribulationes Ecclesiæ septem, 137. 42
Tribulationes iudicium vltimum præcedentes,
 quam diu durabunt, 463. 29
Tribulationes seruos Dei semper manent, 594. 33
Tribus iudæ dignitas, 125. 7
Tributum Christus soluere non recusabat, 323. 31
Triduo fuisse in terra Christum quomodo intelli-
 gendum, 223
Trinitas ex scriptura ostenditur, 636. 21
Triumphum omnem victoria præcedit, 29. 1
Triumphus veterum partes, 665. 16
- V.
- Vana gloria quare & quomodo fugienda,* 81. 2 eius
 incommoda, 81. 5
Vana gloria semper peccatum, 81. 4
Vasa dæmonis quæ, 210. 20
Vasa dæmonis direpta à Christo, ibidem.
Vela templi Hierosolymitani duo fuerunt, 542. 67
Veli scissio sacramenta significat, 542. 66 & imimi-
 citarum finem inter nos & Deum 543. 69
Venditores columbarum quæ virtute e templo Chri-
 stus eiecit, 628. 19
Verbum Dei quomodo audiendum, 231. 22
Verbi Dei laus, 206. 99
Verbi Dei litera occidit, 228. 10
Verbum Dei audientes sunt filij Dei, 575. 29
Verbum Dei audire, & non facere secundum illud
 quàm perniciosum, 229. 17 & 230. 21
Verbum Dei est cibus animæ, 228. 7 minus alijs sci-
 entijs ob causas septem, 240. 45 maius ob duo-
 decim; 241. 46 semini simile, 228. 7 cur semi-
 nandum si fructum non adfert, 230. 19
Verbi Dei auditio sale condienda, 615. 25
Verbo Dei semper credendum, 630. 25 & 683. 43
Verbum otiosum quod, 215. 33
Vermis internus quid notat, 614. 50
Veritas triplex, 429. 5 fulguri similis, 462. 27 ob
 duas causas occultanda, 631. 31. si vires audien-
 tis aut dicentis excedit occultanda, 258
Veritatis prædicatio diuitem efficit, 250. 71
Veritatis hostis fauor & timor, 393. 39
Vesper serenus futuram pluuiam significans, quid
 vestitus finis, 22. 9 (intelligatur, 309. 47)
Vestis Chr. partes & vnitatē Ecclesiæ notat, 538. 46
Vestium Christi vis, 156. 24
Vestire corporis partes extremas Plato vetuit, 164. 7
Vetera comedisse iuxta Prophetam quid, 252. 79
Via celi quæ, 51. 12
 Via ad

Operum Socolouij.

- Via ad cælum ducentis Christi descriptio, et difficultas,* 116. 19.
Via ad cælum ducentis Caluini descriptio, 117. 19
Victima omnes cur sale condiebantur, 615. 52
Victoria aliquando pugnam præcedit, 17. 37
Victoria genera duo, 711
Videri bonum et non esse, quantum malum, 432. 10
Videre et sequi Christum quid, 624. 47
Vidua pontus duo minuta in Gazophilacium mysticè explicatur, 639. 39
Vigilia seu meditatio iustitiæ in quo consistat, 480
Vigilare ante iudicium quis dicitur, 646. 37
Vinea Domini quando locatur hominibus, 399. 54
Vineæ parabola explicatur, 631. 1
Viperæ natura, 23. 14
Vxoris erga maritum et contra officium, 71. 70
Virga lesse præstantia, 1. 1
Virgines decem quid notent fuse explicatur, 504. 39
Virginitas Dei donum est, 347. 18
Virginitas sola non saluabit, 485. 5
Virginitatum seruantium genera, 347. 15
Virginitas quomodo seruari iussa, 348. 19
Virginitatis præceptum quis contrahent, 348. 20
Virtutis et sapientiæ diuersitas, 262. 104
Virtutis via vna est, 299. 19
Virtutem laudare signum est ingenij, 192. 13
Virtus est secundum naturam, 116. 18 latere etiam occulta non potest, 589. 11 nunquam obrui potest, 175. 45 etiam post mortem formidabilis, 265. 3 libero arbitrio flat, 349. 23
Virtutis perfecta via in humilitate sita, 682. 38
Virtutes duas præcipue Christus docuit, 617. 12
Virtutis exercitia sunt multa quæ lege non iubentur
Virtutes calorū angelos significant, 464. 31 (5. 18
Vita nostra est inter lupos, 171. 28
Vitæ regula quæ, 299. 20
Vitæ regula optima, 116. 19 finis epulari cum Christi
Vitam quis frustra accepit, 178. 50 (sto, 484
Vitam diuersam à nobis agentibus non contemnantur, 194. 23
Vita improba veri cognitionem impedit, 423. 30
Vita austera regum palatia fugiat, 192. 15
Vita æterna consequenda modus, 618. 18 et 624. 48
Vita æterna bonis operibus acquiritur, 354. 36
Vitam æternam consecuturus cur opes dispergere debet, 619. 22 (141. 57
Vitæ æternæ desiderium ex persecutione nascitur,
Vita hominis ob aliorū bona opera prorogatur, 131. 23
Vnctionis Christi mysterium, 648. 7
Vnctio extrema à Christo instituta, 589. 9
Vnguento Christus à tribus mulieribus vnctus, non ab vna, 647. 6
Vngi oleo ieiunij tempore quid, 96. 61
Vocationis diuina signa, 151. 24
Vocationem doctrina conueniens præcedit, 152. 27 gratia comitatur, ibidem.
Vocatio morum mutationem requirit, 152. 29 ad omnem actionem necessaria, 149. 13 et 439. 26 et 573. 14 et 612. 42 operis bonus facienda, 411 et 251. 76 non certum salutis signum, 469 terribilis est et lata, 38. 38
Vocatio tribus rebus nititur, 150. 21 quis ei contrahent, 151. 22 statim ei parendum, 149. 14 scopus eius, 362. modus et partes, 364
Vocatione amissa ingerentes se muneri quid manet, 149. 18 et 152. 27
Volo hoc verbo Christus semel tantum usus, 124. 2 et an eo usus, (398. 49 et 251. 75
Voluntatis humanæ libertas ostenditur, 19. 48 et
Voluntatis libertatem falsò tollere Caluinus ostendit, 111. 6 (dicitur, 57. 32
Voluptatum nuptialium regula, 680. 34
Voluptates Christum sequenti fugiende, 551. 28
Vulgus in numero turbarum nunquam numeratū, 270. 16 præsentia tantum inuenitur, præterita
Vulgi iudicij vanitas, 299. 20 (non, 254. 90
Vulgi sermo non omnino falsus, 589. 12
Vulgo sacerdotes accusare familiare est, 609. 17
Vulpes astutiam notat, 144. 67
Vota instituta reddenda, 75. 86
Vsura quid, 76. 90 eius turpitudine, 76. 88
Vxor mala quomodo punienda, 344. 8
Vxorem sine causa repudiens quatuor iniquitates committit, 73. 74 (bat, 72. 71
Vxorem quæ ex causa Moyses dimittere permittit, 72. 71
Vxorē ab vno dimissā cur alteri ducere nefas, 72. 71
Vxorem fratris mortui non ducens quomodo (72. 71 puniatur, 418. 22 et 634. 14.

Z.

- Zachariæ generis laus,* 667. 2
Zachariæ laus, 719. 106
Zacharias filium nasci non petijt, quomodo tamen exauditus, 671. 15 nato D. Ioanne quid fecit, 703. 8
Zachariæ incredulitatis mystica explicatio, 677. 28
Zachariæ incredulitas dupliciter refutatur ab angelis, 679. 30
Zachariæ cætici explicatio, 704. 84 (gelo, 679. 30
Zebedæi filij quare reliquerunt nauem, 42. 55
Zebedæi filiorum calix, 373. 31 petitio discutitur, 622. 34. (tatur, 371. 23
Zebedæi filij instruuntur, et eorum petitio refutatur, 206. 5
Zelotes cur Deus dicitur, 235. 28
Zizania dicuntur omnia adnata, 257. 257.
Zizania hæreticos rectius, quam malos Catholicos notant, 237. 33 et 238. 238.
Zizanijs positus cur frumentum necessario ponendum, 236. 31 (mittitur, ibidem.
Zizanijs crescentibus, cur frumentum deficere peruenit, 237. 34 (259
Zizania non statim euellenda, 237. 34 (259
Zizania cur in fasces, non in vnu fascem ligantur, 21. 8

F I N I S.

Series Alphabeti.

(.) ABCDEFGHIKLMNOPQRSTUVWXYZ. Aa Bb Cc Dd Ee
Ff Gg Hh Ii Kk Ll Mm Nn Oo Pp Qq Rr Ss Tt Vv Xx Yy Zz. Aaa
Bbb Ccc Ddd Eee Fff Ggg Hhh Iii Kkk Lll Mmm Nnn Ooo Ppp
Qqq Rrr Sss Ttt Vvv. Omnes sunt terniones, præter (.) Sss Ttt qui
sunt duerniones.

CRACOVIAE
IN ARCHITYPOGRAPHIA
REGIA ET ECCLESIASTICA
LAZARI. ANNO DOMINI
M. D. XCVIII.

CRAGG
IN ARGENTINIA
REGIA ET COLLEGIATA
LAZARUS ANNO DOMINI
M. D. CC. VII.

Biblioteka Jagiellońska



stdr0009471

